



SC.15.Pl.6.



ARA 256







BIBLIA SACRA

VULGATAE EDITIONIS,
SIXTI V. PONTIFICIS MAXIMI

iussu recognita,

& CLEMENTIS VIII.

auctoritate edita

cum selectissimis Litteralibus Commentariis

IOANNIS GAGNAEI,
IOANNIS MALDONATI,
EMMANUELIS SA,
GUILIELMI ESTII,
IOANNIS MARIANAE,
PETRI LANSSELI,

THOMAE MALVENDAE,
IO. STEPHANI MENOCHII,
IACOBI TIRINI,
IACOBI GORDONI,
& IACOBI BENIGNI BOSSUET.

A C C E D U N T

Romanæ Correctiones, ac Lectionum Varietates a FRANCISCO LUCA BRUGENSE observatæ, & Notationes in loca variantia ab eodem concinnatæ, in sua singulæ capita tributæ: nec non selecta variorum Prolegomena, nunc primum in unum collecta: indices denique plures accuratissimi.

TOMUS VIGESIMUS SECUNDUS

complectens Prophetias MICHAÆAE, NAHUM, HABACUC, SOPHONIAE;
AGGAEI, ZACHARIAE, MALACHIAE, & duos libros Machabæorum.



VENETIIS

MDCCLV.

Excuderunt { MODESTUS FENTIUS, &
IOANNES TYBERNINUS sub signo Providentiæ.

SUPERIORUM PERMISSU, AC PRIVILEGIO.





PROPHEZIA MICHAEAE.

QUO tempore vaticinatus fuerit Michæas, in limine ipso, uti
 & patriam suam indicat, vicum nempe dictum Moraſhi
 prope Eleutheropolim. Hanc esse Maresam urbem non ignobilem,
 cuius fit mentio Iosue, cap. xv. existimat Masius; unde Chaldaeus
 vertit, Ad Michæam de Maresa, quæ etiam est vicina Eleuthero-
 poli.



CAPUT PRIMUM.

Quo tempore Micheas prophetaverit: comminatur Samaria & Ierusalem exitium & captivitatem propter idololatriam ipsorum: quos plangit Prophetæ & ad planctum provocat.

1.  ERBUM Domini, quod factum est ad Michæam Morasthiten, in diebus Ioathan, Achaz, & Ezechiz, regum Iuda: quod vidit super Samariam, & Ierusalem. 2. (a) Audite populi omnes, & attendat terra, & plenitudo eius: & sit Dominus Deus vobis in testem, Dominus de templo sancto suo. 3. (b) Quia ecce Dominus egredietur de loco suo: & descendet, & calcabit super excelsa terræ. 4. Et consumentur montes subtus eum: & valles scindentur sicut cera a facie ignis, & sicut aquæ, quæ decurrunt in præceps. 5. In scelere Iacob omne istud, & in peccatis domus Israel: quod scelus Iacob? nonne Samaria? & quæ excelsa Iudæ? nonne Ierusalem? 6. & ponam Samariam quasi acervum lapidum in agro cum plantatur vinea: & detraham in vallem lapides eius, & fundamenta eius revelabo. 7. Et omnia sculptilia eius concidentur, & omnes mercedes eius comburentur igne, & omnia idola eius ponam in perditionem: quia de mercedibus meretricis congregata sunt, & usque ad mercedem meretricis revertentur. 8. Super hoc planctum, & ululabo: vadam spoliatus, & nudus: faciam planctum velut draconum, & luctum quasi struthionum. 9. Quia desperata est plaga eius, quia venit usque ad Iudam, tetigit portam populi mei usque ad Ierusalem. 10. In Geth nolite annuntiare, lacrymis ne ploretis, in domo Pulveris pulvere vos conspergite. 11. Et transite vobis habitatio Pulchra, confusa ignominia: non est egressa quæ habitat in exitu: * planctum Domus vicina accipiet ex vobis, quæ stetit sibi. 12. Quia infirmata est in bonum, quæ habitat in amaritudinibus: quia descendit malum a Domino in portam Ierusalem. 13. Tumultus quadrigæ stuporis habitanti Lachis: principium peccati est filiz Sion, quia in te inventa sunt scelera Israel. 14. Propterea dabit emissarios super hereditatem Geth: * domus mendacii in deceptionem regibus Israel. Adhuc heredem adducam tibi quæ habitas in Maresa: usque ad Odollam veniet gloria Israel. 15. Decalvare: & tondere super filios deliciarum tuarum: dilata calvitium tuum sicut aquila: quoniam captivi ducti sunt ex te.

(a) Isa. xxv. 22. (b) Deut. xxxv. 12. 1. 2.

ROMANAE CORRECTIONES.

Vers. 11. Plantum domus vicina accipiet ex vobis. Non mutes nominativum vocina in genitivum vicina.

Vers. 14. Domus mendacii in deceptionem regibus Israel. Nominativus pluralis domus, non est vertendus in accusativum pluralem domos.

COMMENTARIA

S A.

MICHAËAS prophetat contra Israel & Iuda.

V. 1. MICHAËAM. Alius est hic ab illo, de quo III. Reg. XXII. MORASTHITEN. Chald. *de Maresa*: est hæc in tribu Iuda: vide Ios. xv. Hieron. tamen distinguit a *Morasthi*, dicens diversa esse loca. *SUPER*, id est contra.

V. 2. POPULI, scilicet Hebræi. *TERRA*, scilicet Hebræorum. *PLENITUDO*, id est habitatores, seu quidquid in ea. *Sept. qui in ea. DOMINUS.* Chald. *Verbum Domini. VOBIS.* Hebr. & *LXX. in vobis.* Chald. *contra vos.* *IN TESTEM*, id est testis, scilicet quod vos monuerim. *DE TEMPIO*, id est ex ædificiis, scilicet erit testis. *LXX. de domo.*

V. 3. EGREDIETUR, scilicet ad puniendum. Chald. *conspiciam se ostender*; scilicet prodet se Deus per opera. *SUPER EXCELSA*; quasi dicat, Potentes. Chald. *robora*.

4. MONTES, id est principes. *VALLIS*, id est plebei. *SCINDENTUR*, id est liquefient. *LXX. tabescent*.

V. 5. IN SCelere, id est scelus. *LXX. in impietatem.* *JACOB*, scilicet decem tribuum. *CATIS*, scilicet accidet. *IN PECCATIS*, id est ob peccata. *ISRAEL.* repetitio. Quidam tamen Iudam intelligunt, seu duas tribus. *SAMARIA*, id est idololatria Samaritarum. *EXCELSA*, scilicet ubi colit idola. *IERUSALEM.* Chald. *in Ierusalem*.

V. 6. LAPIDES, scilicet ædificiorum. *REVELABO*, id est detegam, scilicet dirutis parietibus, seu muris.

V. 7. MERCEDES, id est idolis oblata, vel divitiis acquisitæ commercio idololatriarum Gentium, aut amicitia; vel ipso-

rum opinione, ob culta idola. Chald. *idola. IDOLA.* Chald. *templa idolorum.* *MERETRICES*; pro, meretricii, scilicet idololatriæ. *LXX. fornicationis.* *USQUE AD*, &c. quasi dicat, Dabuntur aliis idololatriis, scilicet Assyriis, qui ea putabant mercedem esse suæ idololatriæ. Chald. *in domum colendum idola tradentur.* *REVERTENTUR*, scilicet quæ non fuerint combusta.

V. 8. PLANGAM, &c. Chald. *plangent, & ululabunt, ibunt nudi in captivitatem, &c. LXX. plangent, & lugebit, ibit discalceata & nuda, & faciet plantilum, &c. DRACONUM.* Horum, & struthionum vox dicitur esse valde lugubris, cum dolent. *STRUTHIONUM.* *LXX. filiarum Sirenium.*

V. 9. PLAGA, id est calamitas, vel scelus. *POPULI MORT.* Erat enim Michæas ex tribu Iuda. *IERUSALEM*, scilicet eoque pervenit exercitus Sennacherib: vel Chaldæorum exercitum intelligit.

V. 10. ANNUNTIARE, scilicet ne lætentur Philisthæi audientes. *PLEORETIS*, scilicet ut possint hostes videre, aut audire, eoque gaudere. *DOMO PULVERIS*; pro, intra domos dirutas. Chald. *in domibus pulverulentis.* Hebr. *Beth Hafsrah*, quod quidam aiunt esse nomen proprium, ut & reliqua quæ sequuntur, quod non est improbabile.

V. 11. TRANSITE VOBIS, id est fugite; vel quasi dicat, Migrabit in tertiam hostilem. *PULCHRA.* Quidam Samariam intelligunt. Hebr. *Saphir*: nomen proprium aliis urbibus Iuda. *EGRESSA*, scilicet sponte, sed vi abducta. Chald. *egressa salva.* *IN EXITU*, id est via Assyriorum, vel propinquior Assyriis. Quidam Samariam intelligunt; aliis est nomen proprium. Nam Hebr. *habitatrix Tsaanan*. *EX VOBIS*, id est

est post vos, vel a vobis accipiet, id est intelligit ob vicinitatem. Quidam Iudam intelligunt: alii esse nomen urbis, quia Hebr. *Beth Haetsel*. STETIT SIBI MET, id est non est causa egredi foras: vel stetit, scilicet intacta ab hostibus, cum vos abduceremini. Intelligunt quidam Iudam, qui postea a Chaldeis abductus.

V. 12. IN BONUM, id est ob amissa bona, vel ad operandum bonum. IN AMARITUDINIBUS, id est peccatis. Hebr. *Masoth*, quod quidam putant esse urbis nomen proprium. Alii Iudam intelligunt, seu Ierusalem.

V. 13. QUADRIGAE, scilicet hostilis. STUPORIS, scilicet causa. LACHIS, scilicet: eo prius venit Sennacherib: vide IV. Reg. XVII. Ha. XXXVI. est autem urbs Iudae, primaque videretur coluisse idola, ut statim indicatur. PECCATI, scilicet idololatriae.

V. 14. DABIT, scilicet Lachis. EMISARIOS, id est milites missos, scilicet ad petendum opem a Gethais: sed frustra, quia illi mendaces, nec fidei servantes.

V. 15. HEREDEM, scilicet rerum tuarum, Assyrium, vel Chaldeum. ODOLAM: est in tribu Iuda, ut *Maresa*. GLORIA; pro, calamitas (per ironiam) seu ignominia.

V. 16. DECALVARE, &c. id fiebat in lectu, seu calamine. SUPER, id est propter. DELICIARUM TUARUM. LXX. *delicator tuos*. AQUILA, scilicet cum ei deciderent plumae omnes: solet enim mutare plumas omnes, & iuvenescere.

EST II.

Vers. 1. ET ECCE DOMINUS EGREDIETUR DE LOCO SUO, ET DESCENDET, ET CALCABIT SUPER EXCELSA TERRAE. Dicitur Dominus egredi de loco suo, id est de caelo, quod est habitaculum eius; non quia locum illum deserit, sed quia cum in caelo esset, postea nova quadam operatione cepit esse alibi, videlicet in terra. Unde hic sequitur: *Et descendet, & calcabit super excelsa terrae*. Nempe filius Dei, ut ipse testatur, exivit a patre, & de caelo descendit in terram; quia cum prius cum patre esset, & in caelo, loco suae praecipuae gloriae, postea per assumptam naturam humanam cepit esse in terra.

MARIANA E.

MICHAELAE patriam habuit Morasthi, seu Martia, de qua I. cap. vers. 15. Est autem vicus prope Eleutheropolim, seu Hebron, in tribu Iuda; tamen Epiphanius, Dorotheus, & Isidorus de tribu Ephraim fuisse Michazam aiunt. Aequalis Osee & Joel, iisdem quibus illi Regibus prophetauit. An idem qui filius Iemla vocatur III. Reg. XXII. 8. non puto: quia ille Achab tempore vixit, viriam & Propheta; hic multo post fuit.

Vers. 1. AD MICHAELAM MORASTHITEN. Chald. *de Maresa*. SUPER, seu contra SAMARIAM ET IERUSALEM. Prius Samaria nominatur, quia scelerare potior.

V. 2. AUDITE POPULI OMNES, Iudae & Israelis. TERRA, ET PLENITUDO EIUS, id est terra & habitatores eius. ET SIT DOMINUS DEUS VOBIS IN TESTEM. Sept. *& eris*: sic Hebr. Is erit testis, me vera loqui: seu, testor Deum. Iurandi forma. Aut sic, Deus testificatur & loquitur ex ore meo; non alia dicam quam quae audivi.

V. 3. DOMINUS EGREDIETUR, ut pueniat, veniet. CALCABIT SUPER EXCELSA TERRAE: sic Principes vocat.

V. 4. ET CONSUMUNTUR MONTES. Hebr. *liquescent montes*, id est dynastae. VALLES SCINDENTUR, id est plebs se dissolvit, aut *sabescet*, ut Sept. sicut cera ignis calore solvit. ET SICUT AQUAE, QUAE DECURRUNT, aut *se effundunt* IN PRAECEPS, ut illae continuo disparent, sic populus hic.

V. 5. IN SCELERE IACOB, id est propter scelus Iacob. Per Iacob decem tribus intelligit, similiter per Israel. QUOD SCELUS IACOB? id est quae causa sceleris Iacob? NONNE SAMARIA? nempe cum vitulos excitavit. ET QUAE EXCELSA IUDAE? Sic vocat altaria idolorum; quasi dicat: Quis fuit causa, ut illa ponerentur altaria? certe Ierusalem suo exemplo infecit alios.

V. 6. QUASI ACERVUM LAPIDUM IN AGRO. Hebr. *ponam Samariam in acervum agri, in plantationes vineae*. Ea diruta urbe, vinea in eius area plantabitur. Sept. po-

ponam Samariam in pomorum custodiam; id est, faciam ut sit quasi tugurium, quod collectis fructibus deseritur. ET DETRAHAM IN VALLEM LAPIDES EIUS, seu evertam, dispergam, effundam. ET FUNDAMENTA EIUS REVELABO; id est, usque ad fundamenta demoliar eam.

V. 15. MERCEDES EIUS, id est bona, supellex. QUIA DE MERCEBIBUS MERETRICES, id est ob cultum idolorum, quo placuerunt aliis Gentibus, quaesita, aliis cultoribus idolorum, scilicet Assyriis, cedent.

V. 8. SUPER HOC, propter hoc ego plan- gam. Verba sunt Prophetæ. SPOLIATUS, ET NUDUS. Sic significat se serio loqui; simul habitus indicabat, quomodo ituri es- sent ii homines in captivitatem. FACTAM PLANCTUM VELUT DRACONUM. Victi ab elephantibus vehementer sibilant: Hiero- nymus. STRUTHIONUM. Relinquunt ova in arena, postea ululant, quasi ea que- rentes.

V. 9. DESPERATA. Chald. *gravis est plaga eius*, scilicet peccis, famis, & belli. TETIGIT PORTAM POPULI MEI, id est munitionem, arcem, scilicet Ierusalem, ad quam obsidendam accedebant hostes, a- liis urbibus expugnatis. *Mer ait*, quia Mi- cheas erat ex tribu Iuda.

V. 10. IN GETH NOLITE ANNUNTIARE, ne Philisthæi nostris malis latentur. LACRYMIS NE PLORETIS. Hebr. *plorando ne ploretis*, sed in corde scilicet sit dolor, ne audiat. IN DOMO PULVERIS, inter ruinas urbis, in pulverem vos involvite. Id erit mœoris signum. Hebr. in textu *hishpalasthi*, *pulvere me conspersi*, ad nu- ditatem novum id mœoris signum addidi: pulvere me scdavi. In libro Massoreth *hishpalassi* legendum dicitur, id est *pulvere involvi me*. Estque hic locus unus e quin- decim, quos Iudæi mutarunt, ea corre- ctione, quam Tikum *Sophrim*, id est, *cor- rectionem Scribarum* vocant. De quo plura in Disput. pro Edit. Vulgat. cap. vii. Quod si involvi me legatur, non incommode Pro- pheta typum Christi sustinebit, qui in do- mo Pulveris, utero Virginis, se pulvere conspersit, involvit.

V. 11. ET TRANSITE VOBIS HABITA- TIO PULCHRA. Hebr. *transi* (pro, *trans- fite*) *vobis qua habitas Saphir*. Urbis Iu- da nomen. CONFUSA IGNOMINIA. Hebr.

(cum) *surpitudine & pudore*; id est, de- formata ibi in captivitatem. NON EST EGRESSA QUAE HABITAT IN EXITU. Hebr. *Zaman*, id est, cives Zanaan non i- runt in captivitatem, incolunt mansit. PLANCTUM DOMUS VICINA. Hebr. *plan- ctus Berthazael*, scilicet erit illi urbi plan- ctus. Quare, ACCIPiet EX VOBIS, QUAE STETIT SIBIMET. *Qua fletit*, id est, vi- strix a vobis accipiet opes suis. Hebr. *ac- cipiet a vobis stationem suam*; id est bel-licos sumptus petat hostis, & pecunia e- metis libertatem, quod non sine civium gemitu contingat. Cogimur ea urbium no- mina ut proprie accipere, ut locus intel- ligatur: & alioqui Hebr. allusiones sunt pulchræ, quas alia lingua non recipit.

V. 12. QUIA; pro certe. Vatabl. IN- FIRMATA EST IN BONUM. Hebr. *doluit in* (propter) *bonum*, quod scilicet prius habuit, aut hostis abstulit. QUAE HABITAT IN AMARITUDINIBUS, scilicet Ieru- salem. Sept. *in doloribus*. Hebr. [in] *Ma- roth*, nomen proprium: sic Pagn. IN POR- TAM IERUSALEM malum descendit, id est ad Ierusalem usque & eius portas bellum pervenit.

V. TUMULTUS QUADRIGAE STUPORIS in portis Lachis, scilicet cives Lachis stu- pebunt, ob curtus Assyriorum qui venient. Sane Sennacherib cepit Lachis IV. Reg. xviii. 14. De eo bello agit Propheta, ut Theodoretus ait. Hebr. *apta* (iunge) *curram ad equos veloces, quæ habitas in La- chis*, scilicet ut fugias, aut eas in capti- vitatem. Nec immerito. PRINCIPIMUM PECCATI EST, ibi prima idola tribus Iu- da fuerunt. Tu docuisti Ierosolymitas im- pium cultum.

V. 14. DABIT EMISSARIOS. Hebr. *da- bis missiones*, id est mittes munera. SUPER HEREDITATEM GETH. Hebr. *ad Mo- reseth*. *Geth* nomen proprium urbis, cui Lachis misit dona, ut opem ferret. DO- MUS MENDACIT. Hebr. *domus Achizib*. Erant arces, quibus eadem de causa La- chis dona misit. IN DECEPTIONEM REGI- BUS ISRAEL. Hebr. *in mendacium Regi- bus Israel*: sæpe eos deceperant, sic te de- cipient. Inter *Achizib* nomen loci, & *Achizab*, *mendacium*, magna similitudo & patronymia; quasi dicat: Recte vocatur *Achizib*, id est *mendax*, quando mentitur & fallit.

V. 15. ADHUC, id est præterea. HEREDEM ADDUCAM TIBI, id est, possessorem, Assyrios. QUAE HABITAS IN MARESA: patria Michæ in tribu Iuda: neque tu ab ea clade eris libera. *Maresa* significat *hereditatem*: sic ludit vocabulo, ad *hereditatem adducam heredem*. USQUE AD ODOLLAM. Urbs in tribu Iuda a Roboamo constructa, II. Paral. xi. 7. Ergo usque ad eam urbem penetrabit GLORIA ISRAEL, id est heres gloriæ Israel. Vastata ea regione & subdita, in Odollam & Iudæam & eius urbes intruet hostis, quem *gloriam Israel* vocat, seu *heredem gloriæ*.

V. 16. DECALVARE, comam rade, quod fiebat in magnis malis. SUPER FILIOS DELICTIARUM TUARUM, id est ob filios delicatos tuos, qui ducuntur captivi. DILATA CALVITIVM TUUM SCUT AQUILA. Quæ quodam tempore pennis nudatur, & eas mutat: neque tunc venari potest. Heb. Schol. illud *sicut aquila*, iungit cum verbo *transmigrabunt*, sic: *quoniam ut aquila transmigrabunt*, scilicet filii tui: quoniam ea avis præ ceteris altissime volat. Sed prior sensus præstat, cui ordo litterarum, & accentus Hebraici favent.

M E N O C H I I.

Verf. 1. **A**D MICHAËAM. Alius est hic Michæas a Michæa filio Semla, cuius mentio III. Reg. xxi. 14. Nam noster prophetavit sub Ioathan, Achaz, & Ezechia; ille vero vixit sub Achab, Iosaphat, itaque noster ducentis, vel centum, & quinquaginta annis illo est posterior. MORASTHTEN. Morasthi fuit viculus in tribu Iuda iuxta Eleutheropolim ad orientem eius. IN DIEBUS IOATHAN, &c. Hinc patet Michæam paulo post Osæ, Ioel, Abdiam, & Ionam cæpisse prophetare. Nam illi cœperunt sub Ozia, qui fuit pater Ioathan. QUOD VIDET: quod scilicet verbum, id est quam visionem, aut prophetiam divina accepit revelatione. SUPER SAMARIAM, ET IERUSALEM: prophetat enim contra Israel, hoc est contra decem tribus, & contra Iudam.

V. 2. AUDITE POPULI OMNES: tam decem, quam duarum tribuum. PLENITUDO ERUS: omnes qui illam incolunt, & implent. SIT DOMINUS DEUS VOBIS IN TESTEM: quod scilicet ego prophetæ mu-

nus impleam, & vos moneam, ut ab idololatria, & peccatis recedatis. DOMINUS DE TEMPIO SANCTO SUO, id est qui in cælo tamquam in templo maiestatis suæ augustus residet.

V. 3. ECREDIETUR, scilicet ad puniendum. Potentiam suam, quæ latere videbatur puniendo ostendit. CALCABIT SUPER EXCELSA TERRAE: calcabit excelsos, & potentes, id est optimates Israel.

V. 4. ET CONSUMENTUR MONTES: principes, & potentes Deo premente inillar montium fulmine istorum liquefcent, dissolvuntur, & consumuntur. VALLES, id est, plebei. SCINDENTUR. LXX. *Tabescent*, id est liquefcent, consumuntur more ceræ, quam solvit ignis, aut nivis solis ardore tabescentis, & per torrentium alveos decurrentis.

V. 5. IN SCELERE IACOB OMNE ESTUD; id est, mala hæc omnia ob scelus Iacob, hoc est, decem tribuum, evenient. ET IN PECCATIS, &c. est eiusdem sententiæ repetitioni. QUOD SCELUS IACOB? Quis causa fuit Idololatriæ decem tribuum? NONNE SAMARIA? Nonne Reges, & Principes populi Samaritanos incolentes, & populo in scelere præcuntes? QUAE EXCELSA IUDAE? Unde factum ut Iudæi Idolis sacrificarent in excelsis? NONNE IERUSALEM, id est, Nonne Reges, & Principes Ierosolymis agentes idololatriæ auctores fuerunt, & promotores?

V. 6. PONAM SAMARIAM QUASI ACERVUM LAPIDUM. Sensus est, Evertam Samariam, adeo ut ipse locus sive mons, in quo sita est, vitibus conferatur, & fiat vinea; ipsa vero superba urbis ædificia, & muros detrahant, & evertant usque ad fundamenta, adeo ut eorum lapides, decilian- tur, & devolvantur in vallem subiectam, ibique in acervum cumulentur.

V. 7. MERCES EIUS. Donaria, & opes, quas ab idololatriis recipiebat meretrix, id est idolorum cultrix Samaria, & in prophanis idolorum delubris collocabat, pretiosam suppellectilem auream, vel argentam, vestes &c. vel mercedes vocat dona, sive divitias, quas collegit Samaria ex commercio, & amicitia gentium, quarum idola colebat: quas mercedes vocat, quoniam propterea ipsi dabantur, quod idola earundem gentium adoraret: quæ explicatio melior est. QUIA DE MERCEDIBUS

MERETRICIS CONGREGATA SUNT : occasione idololatricæ superstitionis donata, vel parata. ET USQUE AD MERCEDEM MERETRICIS REVERTETUR. Hæc divitiæ a meretrice Samarizæ transibunt ad Ninivem Assyriorum Metropolim, quæ & ipsa meretrix est, hoc est cultrix idolorum, eritque illius merces pro prælitto opere everfionis, & direptionis Samarizæ, ad quam nutu Dei vindicis Samaria peccatorum evocabitur.

V. 8. SUPER HOC PLANGAM, ET ULULABO, &c. id est, Ne Israel falsum putet esse quod assero, factis etiam dolorem meum testabor, & nudus incedam, quia non solum Israel vastandus est, sed etiam Iudas, & usque ad portas Ierusalem veniet plaga, & calamitas hæc. **VADAM SPOLIATUS, ET NUDUS** : ut hoc facto significem Israelitas nudos, & gementes in captivitatem esse duccendos: simile est factum Isaie cap. xx. **PLACITUM VELUT DRACONUM** : qui ab elephantis, cum quibus pugnant, oppressi, magnas, & lamentabiles voces edunt. Vide Solin. cap. xxxviii. Polyhist. & Plin. Lib. viii. cap. xi. **LUCTUM QUASI STRUTHIONUM**. In Hebræo est, *quasi filiarum struthionum*; struthiones enim femine magis quam mares clamoræ, magis quoque lugubrem edunt vocem. Aliqui vertunt, *ut invenies struthionum*, pulli enim struthionum a parentibus derelicti, immo contempti, ut ait Iob cap. xxxix. 14. & Jerem. Thren. iv. 3. miserabiliter ciulant.

V. 9. QUIA DESPERATA EST PLAGÆTUS; scilicet Samarizæ. Plagam vocat cladem ab Assyriis illatam, indeque nascentem famem, & pestilentiam. **QUIA VENIT USQUE AD IUDAM**, &c. nam excisa Samaria anno sexto Ezechiz a Salmanasar rege Assyriorum, mox anno 14. Ezechiz, Sennacherib qui successit Salmanasari, prosperans, & ulterius progrediens, venit in Iudam, multasque urbes cepit, ipsamque Ierusalem obsedit, sed ibidem ab Angelo occisus est IV. Reg. xviii. & xix.

V. 10. IN GETH NOLITE ANNUNTIARE. Cohibere dolorem, nec velius cladem hanc vicinis gentibus Israelis inimicis nunciare, ne si hoc audiant, malo nostro lætentur. Sic II. Reg. ii. 20. dicitur: *Noli te annuntiare in Geth, neque annuntietis in compitis Ascalonis, ne forte lætentur filia Philisthiim, ne exultent filia incircumcissorum*. **NE PLORETIS**, scilicet ut possint

hostes videre, aut audire, eoque gaudere. **IN DOMO PULVERIS**; pro *pulveris* in Hebræo est, *עפרא aphra*, quod dupliciter accipi potest, vel ut appellativum significans *pulverem*, & sensus erit; in clade, & ruina urbis, & ædium magnum pulverem trahentium dum cadunt, pulvere vos aspergite, ut dolentes, & lugentes solent. Vel est nomen proprium urbis in tribu Benjamin Iosue xviii. 23. & sensus est simplicior; in Aphra, sive Ephra pulvere vos conspergite, ut nomen ipsum urbis significat, & invitat calamitas, qua premimur. **TRANSITE VOBIS**. Hebraismus idem significans quod *transite*: sic dicitur Cant. i. 8. *si ignoras te*, pro *si ignoras*; est enim illud *te* paragogicum, ut cum apud Latinos legimus *Tute*, id est tu ipse. **HABITATIO PULCHRA**. In Hebræo est *יִשְׁכְּתָשֶׁתִּי יוֹ* *Ischeth Sappir*, *Habisatix Saphir*. Potest hæc vox accipi ut nomen appellativum, & ut nomen proprium. Si dicamus esse nomen appellativum sensus erit: O habitatores Samarizæ, quæ pulchra, & uberi loco sita est, transite, hoc est, ite in captivitatem, id est ibitis cum magna ignominia. Si accipiatur ut nomen proprium, non constat quænam sit Sappir, aut ubi sita, cum hoc nomen alibi non inveniat. Suspicatur Cornel. a Lapide esse eam quæ alio nomine dicitur Saphora, vel Saphorme, vel Sephoris, vel Sephoron, quæ ut volunt Hegesippus, D. Hieronymus, & Adrichomius, est Diocæsarea. Nihil certi in hac re potest affirmari. **CONFUSA IGNO-MINIA**: propter dedecus captivitatis. 'In Hebræo est, ut vertunt Vatablus, & Pagninus, *nuda pudore*, id est nudo corpore, ut accidit iis qui vestibus pene omnibus detractis, rapiuntur in captivitatem. **QUAE HABITAT IN EXITU**. In Hebræo est, *quæ habitat יִצְחָק in Saanan*, *tsaanan*, quod etiam accipi potest ut nomen proprium, vel ut appellativum. Si ut proprium dicemus Saanan eandem fuisse cum *Saanan*, quæ fuit urbs tribus Iuda, Iosue xv. 37. vel potius eandem cum *Sennim*, vel *Saananim*, vel *Sannanum*, quæ fuit urbs in tribu Nephthali subiecta Samarizæ ut patet ex Iosue xix. 33. Iudic. iv. 12. Si ut appellativum, dicemus sermonem esse de Samaria, quæ dicitur habitare in *exitu*, id est in fine terræ sanctæ, proxima hostibus, vicina Assyriis. Et sensus erit:

Ne putes o Samaria, te ut prophetae minantur captam esse a Theglathphasar, qui IV. Reg. xv. 29. aliquos ex te cepit, quasi tunc omnem poenam tuis sceleribus debitam persolveris. Non ita est. Nondum es egressa, & abducta in captivitatem, abduceris tota, ita ut nemo ex te, vel vix ullus in Samaria supersit. Idem erit sensus, si dicamus Saanan esse nomen proprium. PLANCTUM DOMUS VICINA ACCIPIET EX VORIS, pro, *domus vicina* in Hebraeo est, בֵּית חָסֶל *beth hasel*, quod æque ut præcedentia accipi potest vel ut nomen proprium, vel ut appellativum. Si ut proprium, dicemus fuisse locum aliquem, vicum, aut oppidum vicinum urbi Saanan, & sensus erit, Bethætel, quæ est vicina Saanan, & eius vastatione planctum accipiet, quia mox & ipsa vastabitur, ipsa, inquam, *qua stetit sibi met*, id est in seipsa, suæque munitioni confidens, & suis viribus. Si vero ut appellativum, ita ut Bethætel idem sit quod *domus vicina*, sensus erit, Iudæa: & Ierusalem, quæ est domus vicina Samariæ, quemadmodum ex Samaria ob vicinitatem accepit idololatriam, & culpam: ita & poenam, & excidium, & luctum accipiet ab eadem. Ierusalem, inquam, quæ stetit sibi, scilicet in suis viribus, & robore confidens. Vel, quæ tam elegans erat, & egregie constituta, & fundata.

V. 12. INFIRMATA EST IN BONUM, id est ad operandum bonum. QUAE HABITAT IN AMARITUDINIBUS. Hebr. *Quæ habitat in Maroth*. Vel est *Maroth* nomen loci, & fortasse est urbs illa, quæ in tribu Iuda ponitur Iosue xv. 58. & *Mareth* vocatur. Fuit etiam alia urbs nomine Mara in tribu Manasse cuius meminit Adricomius in descriptione eiusdem tribus. Vel est nomen appellativum, significaturque eadem domus vicina, tribus scilicet Iuda, quæ habitat in amaritudinibus, id est peccatis ad amaritudinem, & iram provocantibus, & quam manet a Deo vindictæ amaritudo, qua puniuntur. QUIA DESCENDIT MALUM, &c. Nam ut ait S. Hieronimus Sennacherib Assyrius vastata Samaria venit etiam Ierusalem, misitque Rabfacem, qui Ierosolymitis insultaret IV. Reg. xviii. 17. Isai. xxvii. 2.

V. 13. TUMULTUS QUADRIGÆ STUPORIS, &c. id est, exaudietur in Lachis

sonitus quadrigarum Sennacherib, quo præpavore quasi stupidi reddentur cives Lachis, cives, inquam, Lachis, qui primi ex Iudæis idolorum cultum didicerunt a Samaritis, & exemplo suo perverterunt Ierusalem, ad idololatriam eam adducuntur.

V. 14. DABIT EMISSARIOS: non Sennacherib, sed civitas Lachis, nam in Hebraeo est שְׂלִיחִים *shlichim*, quæ vox est seminini generis, & de Sennacherib dici non potest. Sensus est, Lachis missuram in Geth ad opem postulandam, sed frustra. EMISSARIOS. In Hebraeo est שְׂלִיחִים *seilichim*, a radice שָׁלַח *sealach*, *missi*: mittet nuntios. Italice diceremus, *mandata messi*, quod bene Hebraico respondet. SUPER HEREDITATEM GETH, id est ad Gethæos, vel quia in Hebraeo est עַל מִוֶּסֶתְהָ גֶתְה *el moreseth gath*, verti potest, *super*, vel ad *Marefa Geth*; urbs enim Marefa pertinebat ad Geth. Noster vertit hereditatem, quia *Marefa*, *Morafa*, vel *Moreseth*, idem est, quod hereditas. DOMUS MENDACII: quæ Geth est domus mendacii, promissit enim regibus Israel se opem laturam contra Assyrios, quod non præstitit. In Hebraeo *domus est* בֵּית בָּטָה *bette* in plurali; quare aliqui vertunt *domos*, referentes ad Marefa, & Geth.

V. 15. ADHUC HEREDEM ADDUCAM TIBI, QUAE HABITAS IN MARESA; id est, o Marefa urbs Iudææ, quæ *hereditatem* tuo nomine significas, ad te veniet hostis, qui te hereditet, & capiat. USQUE AD ODOLLAM, &c. Odolla erat urbs in finibus Iuda. Sensus esse videtur: Gloria Israelis quasi loco pulsa, & cedens, veniet usque ad Odollam, ad quam accedet Assyrius paulatim progrediendo, & Israelis, & Iuda civitates occupando. D. Hieron. Ribera, & alii *Gloriam Israel*, per antiphrasim interpretantur, ignominiam, quam ab hostibus passus est Israel, & ad Odollam, hoc est ad remotissimas usque Iudææ urbes pervenit, cum victus est, & ductus in captivitatem. DECALVARE: o Samaria, & Iudæa capillum tonde in signum luctus. SUPER, id est propter. DELICIAARUM TUARUM, id est delicatos tuos. SICUT AQUILA: cum plumas omnes mutans nudo est vertice.

TIRINI.

Verf. 2. **P**OPULI OMNES; id est, incolae omnes terrae sanctae, AUDITE laram celsitus de sceleribus vestris plectendis sententiam. ET DOMINUS DE TEMPO SANCTO SUO, id est de caelo, in quo quasi in templo suo & palatio regali gloriosus residet, ipse SIT VOBIS, mihi quae *testis*, quod officio mihi commisso fideliter perfunctus sum, vos monendo, corripiendo, & imminentes caputibus vestris poenas praenuntiando.

V. 3. ECCE DOMINUS DE LOCO SUO, & e folio caelestis EGREDIETUR: nova expeditione suscepta, ET DESCENDET iratus, armatus, saeviens, instar archistrategi graviter offensus, ET CALCABIT, conteret, excindet etiam EXCELSA TERRAE, & principes quantumcumque potentes. Sic vidit eundem Dominum egredientem David *a*, Ezechiel, Apostolus Ioannes, &c.

V. 5. OMNE ISTUD malum, omnis strages, omne excidium terrae sanctae unde, quibus, & quo ex fonte? IN SCelere, id est ob scelus posterorum IACOB, & ob horrenda peccata totius DOMUS ISRAEL: ita Remigius, Lyranus, Vatablus. QUOD SCelus IACOB? Pagninus, *quis fuit causa transgressionis Iacob? NONNE SAMARIA?* seu reges Samaritae, id est decem tribuum, qui acceptos ab Ieroboamo primo vitulos aureos, cultu perpetuo persecuti sunt, Iasique, ut prosequerentur, duces, auctores, impulsores fuerunt: in tantum ut etiam tribus Iuda, quae hucusque pene invicta steterat, nunc similibus sordibus tota scateat, sub impio & profano rege Achaz *b*, quo regnante excelsa idolis per totam Iudaeam erecta sunt. Etenim QUAE causa, quis auctor, vel unde EXCELSA ista IUDAE, antea illis invisita & incognita? NONNE ex IERUSALEM? nonne a facili rege Achaz? qui idolis in ipso quoque Dei templo statuas & aras *c* erexit: & hoc exemplo suo pestem hanc in totum regnum iniecit. Sed

V. 6. Samaria, utpote princeps, & prima origo huius mali, primo loco plectenda. Per Assyrios ergo destrua, evertam, in pulverem redigam muros eius, templa & palatia: ut ex iis nil superstit praeter

ACERVUM LAPIDUM, reliqua urbe non nisi vineis plantandis, & conferendis agris deservitura: ita Hebr. Cal. LXX. Pagninus, Vatablus, Arias & a Lapide. Et patet ex simili poena quam Ierololymae infra *d* comminatur. Et vero Samariam solo aequatam fuisse a Salmanassare, & agris ac vineis destinatam, licet non expresse asseratur in Regum historia, sat tamen insinuat, cum abductis in Assyriam Israelitis, *Chutai* eo induciti dicuntur tantum possedisse *e* Samariam, habitasse vero in aliis urbibus ipsi ante subditis & annexis. Postea tamen instauratam paulatim, & pristino splendori subinde redditam constat ex Iosepho, & aliis alibi *f* adnotatis.

V. 7. MERCEDES EIUS, id est fruges & opes Samaritae, quas iactat sibi illa meretricis *g*, id est idololatra, ab idolis suis quasi mercedes sui meretricis, seu idololatricae, exitus obvenire, OMNES IGNE COMBURENTUR ab Assyriis: ita S. Hieron. Remigius, Hugo & Lyranus. Vel si quae maneant reliquae, REVERTENTUR AD MERCEDEM MERETRICIS, id est a priori possessore devolvuntur ad alium, ab Israelitis ad Assyrios, ut his tamquam antiquioribus meretricibus serviant pro mercede laboris impensis in expugnanda, subigenda & excindenda nova hac meretrice Samaria.

V. 8. SUPER HOC, ex intimo viscerum dolore quem ex hac Samaritae ruina concipio, simulque ut vobis reipsa ob oculos ponam miserrimum statum in quem devolvemini, VADAM plena luce per mediam urbem SPOLIATUS extimis & honoratioribus vestibus, pannosus, facer ac semi nudus, ut nuper fecit etiam collega meus Iasias *h*. Plangam VELUT draco, qui devicti elephantis sanguine, quem avidissime exsugit, ebrius ac turbidus, mole ac pondere corruentis supra se elephantis moribundi oppressus, horrendos ac lamentabiles ciulatus emit, teste Solino & Plinio *i*. Et lugubo quasi struthio *k*, maxime femella, quae quando in ferrea hastilia, quae venatores eirea nidum illi designant, incautior sese iniicit, flebiliter laget ac stridet; teste AEliano *l*, LXX. pro struthionibus vertunt, *sirenes*, alludentes ad fabulam Gentilium, vel, si mavis, ad meretrices per sirenes designari solitas, quae more praeficarum

carum *m*, composito luctu ac planctu, non minus quam blanditiis vel cantu solent amafios suos detinere, ne defecerant; aut amores inchoatos abrumphant. R. David & Novantes vertunt *ululas*, præter usum vocis Hebrææ *n iaana*, quæ nusquam *ululas* significat, quod sciam. S. Cyrillus accipit *passeres marinos*, vel *philomelas*, quæ raptis, seu ovis, seu pullis, lugubre melos fundunt, cum alias suavissime cantilient. Sic & ego, inquit Michæas, lugubri planctu prosequar pereuntem Samaritam.

V. 9. *PLAGA EUS*, id est vulnus & elades Samaritæ inflicta ab Assyriis, incurabilis est ac desperata. Neque in illa sola stetit, sed pervenit usque ad Iudam, attingit & obruit etiam portas urbium populi mei Iudaici, quin & usque ad IERUSALEM devenit. Factum id a Sennacherib, qui multas Iudææ urbes cepit, ipsamque Ierosolymam obsedit, IV. Regum XVIII. & XIX. ita S. Hieron. Theodoretus & alii. Hæc tam tristitia

V. 10. *NOLITE ANNUNTIARE* o vel LACRYMIS vestris indicare vicinis hostibus Philisthæis in GETH, ne scilicet inde lætentur, tibi que insulent. In sequentibus pulchre Iudii Propheta in urbibus quibusdam primo Samaritæ, deinde etiam Iudææ, nomina urbium p parum ut propria, partim ut appellativa accipiens, hoc modo: Vos o incolæ urbis *Aphra q*, id est *Pulveris*, iuxta nomen vestrum, *PULVERE* vos præ luctu CONSPERGITE. Et tu

V. 11. *HABITATIO*, id est incola, urbis *Sappir*, seu *Seploron*, id est, *Pulchra*, transmigra ad squalorem carceris, *confusionem* & *ignominiam*. Tu qui habitas in *Saanan r*, id est, in egressu, seu in abundantia, & hæcenus non es egressus cum reliquis a Teglatphalassar, s abductis, iam sub Salmanassar apage & tu in Assyriam. Porro sub his tribus urbibus Samaritæ subiectis, intelligit synecdochice reliquas etiam omnes urbes decem tribuum: sicut Isaias & Jeremias sub pauculis urbibus Moab & Aegypti reliquas omnes illarum regionum; & noster hic Michæas sub duabus vel tribus urbibus Iudææ totam Iudæam comprehendit, cum subdit in fine versiculi, O *Beithaïfel*, id est DOMUS VICINA urbis *Saanan* (hæc enim est in finibus terræ Iuda, sicut Saanan in

finibus est decem tribuum) *PLANCTUM* ex vicinæ urbis vastatione, cum non minimo etiam damno tuo accipies: quæ tamen hucusque *sterilisti sibi met*, id est tuo proprio robore ac munitione.

V. 12. Denique qui *HABITAT in meretibus*, id est *AMARITUDINIBUS*, amara & acerba multa patietur ab hoste Sennacherib, qui omnia urbis munimenta *infirmabit*, deiciet & everiet: pergetque nemine resistente usque ad portas IERUSALEM: sed primum

V. 13. *Tumultum* ac strepitum *quadrigarum Assyriacarum* stupebit & excipiet urbs *LACHIS*, PRINCIPIMUM PECCATI, seu idololatricæ Iudaorum; QUIA *SCELERA ISRAEL*, nempe vituli aurei, & alia idola decem tribuum, primo omnium IN TE INVENTA SUNT, & a te in reliquis Iudææ urbes profeminata ac propagata. Capta *Lachis*

V. 14. *DABIT Sennacherib EMISSARIOS*, id est mittet volones & vedies in *marefa*, id est IN HEREDITATEM, seu in agros & vicos hereditario iure subiectos urbis satrapiz GETH, nempe ut ea depopulentur ac devastent: eo quod Gethai, qui semper fuerunt domus MENDACI, & fefellerunt REGES ISRAEL, nunc etiam instigarint eosdem Israelitas, & eives etiam Lachis, ut resisterent Assyriis, promittentes omnem opem, sed nullam præstantes: ita S. Hieronymus, Ribera & a Lapide. Nec propterea destitueris herede, o *Marefa*.

V. 15. *HEREDEM* enim AEHUC TIBI ADDUCAM, non Geth, sed Assyrium monarcham, ut sis deinceps illius *marefa*, id est hereditas. Et copis suis perveniet usque ad ODOLLAM, id est ornamentum, seu gloriam ISRAEL. Odolla enim, seu *Odulla*, iuxta quam latuit David u, urbs fuit ut antiqua, & sedes regia x, ita potens, vasta y & elegans: qua corruente, corruebat censebatur fortitudo, robur & gloria Israelis.

V. 16. *DECALVARE* ergo, o Odolla, inquit Vatablus, vel o *Samarita*, ut S. Hieronymus & Rupertus. Neque per caput tantum, sed per universum corpus *DILATA CALVITIUM*, sicut *AQUILA*, quæ toto corpore depilatur ac deglabratur, & quidquid habet plumarum, cum ipsis etiam radicibus amittit quando senescit. Quia

tu simili modo spoliaberis omnibus FILIIS DELITIARUM TUARUM; LXX. *filiis delicatis tuis*, & qui tibi nunc in deliciis sunt. Omnes enim vel occidentur, vel capiuntur ab Assyrio, & quasi mancipia decalvabuntur; ut olim in more fuisse, alibi x dixi.

Nota. Sub hac *aquila* depilatione videtur tacite promitti nova Israel *as* gloria literaliter sub Cyro; Allegorice ac principaliter, sub antitypo Cyri Christo; Anagogice, in celo. Aquilæ enim depilate succrescunt novæ plumæ, ipsaque rejuvenescit, ut auctores omnes tradunt.

(a) Psal. XVII. 10. &c. Ezech. x. 3. &c. Joannes in Apocalypsi.

(b) IV. Reg. XVI. 9. & seqq.

(c) Ibid. vers. 4. 10. &c.

(d) Michæ. III. 14.

(e) IV. Reg. XVII. 24.

(f) Joseph. Lib. XIII. Antiq. cap. XVII. 6. Reg. XVI. 24.

(g) Osee II. 4. & 12.

(h) Isaiæ XX. 2.

(i) Solon. cap. XXXVIII. Polyhist. Plin. Lib. VIII. cap. 21.

(k) Job XXXIX. 14. & Thren. IV. 3.

(l) Aelian. Lib. XIV. cap. VII. 19. 20.

(m) Job III. 8. Ierem. IX. 17.

(n) Proleg. de Idionismi Hebr. num. 16.

(o) II. Reg. I. 20.

(p) Proleg. sup. num. 16;

(q) Iudic. VI. 11.

(r) Isaiæ XV. 6.

(s) Isaiæ XIX. 13. Iudic. IV. 11. IV. Reg. XV. 29. Isaiæ XV. 2. Ierem. XLVI. 24.

(t) IV. Reg. XVIII. 13. 14. 15. &c.

(u) I. Reg. XXII. 1. & II. Reg. XXII. 13.

(x) Isaiæ XXI. 35.

(y) II. Machab. XII.

(z) Deut. XXXII. 42.

(aa) Osee I. 6.

GORDONI.

Vers. 1. VERBUM DOMINI, &c. En simul patriam Prophetæ, tempus quo vixit & argumentum opusculi huius: nomen porro Heb. מִיכָה.

V. 3. EGREDIETUR DOMINUS, &c. Initium prophetiæ seu oraculi, ubi vox egrediendi tribuitur Deo ex effectu novo, nempe ad puniendum, ut sæpe Scriptura. CALCABIT EXCELSA TERRÆ; hoc est excelsos. Quod Propheta ipse magis explicat vers. 5. ubi per Israel intelligit Iudam, & per Iacob decem tribus.

V. 7. DE MERCEDIBUS. Idololatriæ opes congregatæ; ad mercedes idololatrarum gentium revertentur, quando auferent om-

nia Assyrii & Chaldaei. Hic opes Israelis & Iudæ in idololatria partes vocat mercedes idololatriæ, meretricis.

V. 8. Addit planctum. Lamentationem & nuditatem, ut solebant facere in imminente clade Prophetæ, ut patet ex Isa. cap. XX.

V. 10. IN GETH, &c. Plaga ingens est, sed nolite annuntiare ne hostes Gethæi, & Philistini de nostris malis latentur: animo & corde lugete, & inter ruinas murorum in pulvere abscondito.

V. 11. TRANSITE VOBIS, &c. Fugite, abite, ibitis in ignominiosam captivitatem. Habitatio tua pulchra (Samarita) erit ignominiosa: non est egressa sponte Samarita, quæ habitat in exitu, seu in via Assyriorum; utpote propinquior illis venientibus in terram Israel: non, inquam, sponte egressa est, sed coacta & contrita. Planctum domus vicina accipiet, nempe Ierusalem, & exemplum ex Samarita, Ierusalem, inquam, quæ adhuc stetit, quando capta fuit Samarita; sed postea ne ipsa quidem stabit. Locus iste perobscurus, sicut dixi reddi potest totus. Nam aliqui verba hæc prophetica obscuram habere videntur allusionem ad urbes ignotas. Variam etiam habent in-Hebr. lectionem; & quædam aliqui nomina accipiunt ut propria, aliqui ut appellativa: vulgatus omisissis allusionibus posuit significata.

V. 12. QUIA INFIRMATA EST IN BONUM, &c. Loquitur nunc de Ierusalem, malum etiam illi denuncians: & persistit Propheta in allusione ad urbes Iudæ, sicut vers. 11. decem tribus expressit per suas etiam urbes. *Infirmata est IERUSALEM.* Hebr. כִּי חָלָה לְטוֹב *ki chala leto* quia doluit propter bonum, scilicet amisit quod abstulit hostis: quia descendit malum a Domino in portam Ierusalem. Nam ex Hieronymo, Sennacherib, post vastatam Samariam, venit contra Ierusalem, misso Rapsace qui insultaret Ierosolymitanis IV. Reg. XVIII. 17. & Isai. XXXVI. 2.

V. 13. Lachis urbs Iudæ est. Hanc Sennacherib primo invalit, quæ prima suscepit in Iudæa Idololatriam, & ideo prima dat penas. Hinc. vers. 14. significat missos emissarios seu legatos ad Geth & Philisthæos pro auxilio: domus in plurali.

li. Hebr. בית *bete*, domus veso mendacii, & in deceptionem filiis Israel.

V. 15. HAREDEM ADDUCAM, &c.

Marsa מרשה moreſhe, proprium nomen loci. Porro significat hereditatem, rad.

יש; hinc nova allusio: adducam tibi hæredem, scilicet Assyrium, idque usque ad Odollam penetrabit Assyrius. De hac urbe Iosue XII. 15. Item II. Paral. XI. 7. Item II. Machab. vers. 12. Adrichom. eo, inquit, veniet gloria Israel, hoc est Assyrius, qui vocatur gloria Israel: vel per antiphrasin ex Hieronymo, quia secum abstulit gloriam Israel, & eam hereditavit.

V. 16. DECALVARE, &c. Verbum femininum est, ac proinde apostrophe ad Samariam, quamvis aliqui referant, vel ad

Israel (licet sit masculinum,) vel ad Odollam; de qua proxime, non certe ad Ierusalem, quia adhuc stetit fugato Assyrio; de quo dixi vers. 13.

EX EIUSDEM AUCTARIO.

Vers. 1. Morasthæ, vicus, seu pagus in tribu Iuda, iuxta Eleutheropolim.

Vers. 5. QUOD SCELUS IACOB, id est Israelis. DOMUS ISRAEL, id est Iuda, ubi domus & templum erat.

Vers. 6. MONTES ET VALLIS: principes & plebei.

Vers. 8. Dracones visi ab Elephantis lamentabiles edunt voces. Plinius Lib. VIII. cap. XI. Sic struthionum puli eiulant, quando a matribus deferuntur.



C A P U T II.

Propheta populi sui multiplicem iniustitiam, aliaque peccata recensens, prædicit vindictam & captivitatem ipsi imminere; & ob id lugens, reliquiarum futuram congregationem denuntiat.



AE qui cogitatis inutile, & operamini malum in cubilibus vestris: in luce matutina facient illud, quoniam contra Deum est manus eorum. 2. Et concupierunt agros, & violenter tulerunt, & rapuerunt domos: & calumniabantur virum, & domum eius; virum, & hereditatem eius. 3. Idcirco hæc dicit Dominus: Ecce ego cogito super familiam istam malum: unde non auferetis colla vestra, & non ambulabitis superbi, quoniam tempus pessimum est. 4. In die illa fumetur super vos parabola, & cantabitur canticum cum suavitate, dicentium: Depopulatione vastati sumus: pars populi mei commutata est: quomodo recedet a me, cum reverterar, qui regiones nostras dividat? 5. Propter hoc non erit tibi mittens funiculum fortis * in cœtu Domini. 6. Ne loquamini loquentes: Non stillabit super istos, non comprehendet confusio. 7. Dicit domus Iacob: Numquid abbreviatus est spiritus Domini, aut tales sunt cogitationes eius? Nonne verba mea bona sunt cum eo, qui recte graditur? 8. Et e contrario populus meus in adversarium confurrexit: desuper tunica pallium sustulistis: & eos, qui transibant simpliciter, convertistis in bellum. 9. Mulieres populi mei eiecistis de domo deliciarum suarum: a parvulis earum tulistis laudem meam in perpetuum. 10. Surgite, & ite, quia non habetis hic requiem: propter immunditiam eius corrumpetur putredine pessima. 11. Utinam non essent vir

vir habens spiritum, & mendacium potius loqueretur: stillabo tibi in vinum, & in ebrietatem: & erit super quem stillatur populus iste. 12. Congregatione congregabo Iacob totum te: in unum conducam reliquias Israel, pariter ponam illum quasi gregem in ovili, quasi pecus in medio caularum, tumultuabuntur a multitudine hominum.; 13. Ascendet enim panderens iter ante eos: dividunt, & transibunt portam, & ingredientur per eam: & transibit rex eorum coram eis, & Dominus in capite eorum.

BRUGENSIS

ROMANA CORRECTIO.

Israel.

Verf. 5. In catu Domini. Non subiicias, &

COMMENTARIA

S A.

Verf. 1. **I** NUTILE. Chald. *rapinam*. LXX.

labores, id est peccata, quæ laborum causæ sunt, & dolorum: ideoque labores vocantur, & dolores, ut Psal. 12. 54. OPERAMINI id est designatis. LUCE, &c. quasi dicat, Summo mane. MANUS, id est opera.

V. 2. CALUMNIABANTUR, id est per calumniam opprimebant. Chald. & LXX. *diripiebant*.

V. 3. SUPERBI. Chald. & LXX. *erecti*; quasi dicat, Deprimam eorum superbiam. PESSIMUM, id est calamitosum.

V. 4. PARABOLA, id est proverbium, seu sermo parabolæ, scilicet per similitudines & metaphoras, quæ solent carminibus adhiberi. CANTICUM, scilicet lugubre. Hebr. *lamentabitur lamentatio*. LXX. *planctus planctus*. CUM SUAVITATE, scilicet quæ calamitosi lugentes canunt, hostes solent cum suavitæte imitari, cantantes eadem. Chald. *in afflictione*. PARS, id est hereditas, seu possessio. COMMUTATA EST, id transit in hostium potestatem. RECEDET, scilicet hostis, vel calamitas. REVERTATUR, scilicet hostis. DIVIDAT, scilicet inter se.

V. 5. MITTENS, &c. id est dividens tibi hereditatem, seu possessionem in congregatione Israel; quasi dicat, privaberis omni possessione.

V. 6. LOQUAMINI, &c. scilicet solebant talia dicere, qui Prophetis prædicantibus

mala non credebant. STILLABIT, scilicet calamitas; quasi dicat, Non patietur mala quæ prædicatis.

V. 7. ABBREVIATUS, &c. quasi dicat: Numquid tam parvæ est misericordiæ, ut nos perdere velis? TALES, scilicet quales vos Prophetæ prædicatis nos perdendi. Quidam tamen hæc dicta a Prophetâ intelligunt, ut sensus sit, Numquid Dominus non potest facere quod prædicat? aut talia cogitat, qualia vos fingitis? VERBA MEA, &c. quasi dicat: Nonne soleo favere bonis? Dei verba. RECTE. Chald. *in veritate*. GRADITUR, id est vivit.

V. 8. IN ADVERSARIUM, scilicet mihi; quasi dicat, Meæ voluntati repugnatis. DESUPER, &c. sensus est: Insuper tunicam & pallium, vel pallium quod super tunicam est. SUSTULISTIS, scilicet proximo, seu pauperi. SIMPLICITER, id est innocenter, seu nihil timentes. CONVERTISTIS, &c. id est hostiliter estis persecuti.

V. 9. DELICIARUM, id est in quibus cum viris suis delectabiliter vivebant; quasi dicat, Separastis a viris suis. LAudem MEAM, scilicet a vobis seducti idololatris, vel oppressi, impediuntur a laude mea: vel si parvulis earum cum superioribus coniungatur, sensus erit, Tulistis cultum meum, qui idola colatis.

V. 10. ITE, scilicet in captivitatem. EIUS, scilicet terræ ob peccata vestra. CORRUMPETUR, &c. quasi dicat, Pessime vastabitur.

V. 11.

V. 11. SPIRITUM, scilicet propheticum. MENDACIUM, id est falsum; quasi dicat: Mallem falsa prædicare spiritu proprio, quam tantam calamitatem spiritu Dei. STILLABO, &c. quasi dicat: Cogortamen prædicare tanta mala, quibus velut inebriandi fitis. IN VINUM, &c. pro, vinum inebrians. VINUM vero pro punitione, more Scripturæ, velut ex calice propinata; ebrietas vero pro abundanti potatione; quasi dicat, Maximum erit malum.

V. 12. CONGREGABO, scilicet per Evangelicam predicationem. TOTUM, scilicet electos omnes ex Israel. UNUM, scilicet locum, seu ovile. TUMULTUABUNTUR, &c. quasi dicat: Erit maxima multitudo, quæ solet tumultum edere, scilicet multis colloquentibus, & strepitum. A MULTITUDINE. Chald. *pro frequentia*.

V. 13. ASCENDET, scilicet in caelum Christus. ENIM non est Hebr. Chald. aut in LXX. PANDENS, scilicet more aperiens viam præcedendo: & quidem Christus passione sua viam aperuit. PORTAM, scilicet qua hic concluderentur gravati corpore, vel in limbo, vel etiam in purgatorio. REX, scilicet Christus. CAPITE, id est principio. LXX. *dux eris*.

E S T I I.

Verf. 11. **U**TINAM NON ESSEM VIR HABENS SPIRITUM, ET MENDACIUM POTIUS LOQUERER: STILLABO TIBI IN VINUM, ET IN EBRIETATEM, &c. Potest hoc sic intelligi, ut propheta potius optet se non habere spiritum propheticum, & falsa esse, quæ dicit, quam ut eveniant gravia illa mala quæ prædicit. Sed hoc non decet prophetam, nisi conformans se divinæ voluntati statim addat, *Veruntamen non mea sed tua voluntas fiat*. Quare alii sic vertunt ex Hebræo: *Si vir essem spiritum sequens, & mendacium congnoscens, & prophetarem tibi de vino & sicera propheta scilicet essem, pro hoc populo; quasi dicat: Si essem vanus & mendax propheta, & placentia prænuntiarem, tunc essem propheta gratus huic populo*. Et hic intellectus optime quadrat cum sacro Michææ alterius, de quo legimus III. Regum xxi. Cui cum nuncius missus ab impio Achab rege Israel

(non Achaz rege Iuda, sub quo ille Michæas prophetavit, amplius centum quinquaginta annis post) cum, inquam nuncius ille dixisset: *Ecce sermones prophetarum uno ore regi bona prædicant; sit ergo & sermo tuus similis eorum*. Propheta in conspectum regis adductus, per ironiam bona prædixit: *Ascende, inquit, vade prospere, & tradet Dominus hostes in manus regis*. Et quidem si in tali responsione perseverasset, laudatus fuisset, & remuneratus: verum quia serio adiuturus, ut ex ore Domini loqueretur, tristitia & adversa prophetavit, in carcerem missus fuit. In eundem quoque sensum vertit Syrus interpres.

M A R I A N A E.

Verf. 1. **V**AE QUI COGITATIS INUTILE, id est malum, vana. Hactenus peccata in Deum, nunc arguit, quæ in alios faciunt. OPERAMINI MALUM IN CUBILIBUS VESTRIS. Ibi per noctem & quietem nescitis fraudem. IN LUCEM TUTINA. Simul cum luce exequantur quæ cogitarunt. QUONIAM CONTRA DEUM EST MANUS EORUM. Hebr. *quia ad Deum* (id est contra Deum, aut fortitudinem) *manus eorum*. Sept. *quia non levaverunt ad Deum manus suas*, scilicet ut pii mane faciunt. Hieronymus, *quia Deo adversantur, alios opprimunt*: vox *IN AEI* & Deum significat & fortitudinem; hoc posterius secutus Chald. dixit: *In manu enim eorum adest potestas*, scilicet ad operandum malum. Hoc Hebræi alii sequuntur. Verba Hebr. utramque expositionem admittunt.

V. 2. ET VIOLENTER TULERUNT. Hebr. *rapuerunt*. ET RAPUERUNT DOMOS. Hebr. *& domos* (concupierunt scilicet) *& tulerunt*. ET CALUMNIABANTUR. Hebr. *opprefferunt*. In homines ipsos & bona eorum grassati sunt.

V. 3. SUPER FAMILIAM ISTAM, id est gentem istam, MALUM. Super; pro, contra. UNDE NON AUPERETIS. Hebr. *non removebistis colla vestra*, vobis quasi iugum imponam malum, unde colla non auferetis. ET NON AMBULABITIS SUPERBET. Hebr. *non ambulabitis* (in) *altitudine*, id est erecti, ut Sept. & Chald. nempe iugum impositum prohibebit, faciet ut non erigatis colla.

V. 4. SUPER VOS PARABOLA, id est monodia, nœnia conficietur, quæ parabolis solet esse plena. ET CANTABITUR. Hebr. *lamentabitur lamentum lamentum*. Geminatione exaggerat lamenti morem. DICENTUM. Hebr. *dices scilicet lamentum*, aut *lamentator*. DEPOPULATIONE. Hinc incipit nœnia. PARS POPULI MEI. *Pars*, pro hereditate. Hebr. *partem* (hereditatem) *populi mei mutavit*, abstulit, scilicet Deus, aut hostis. QUOMODO RECEDET A ME, aut *recedit*, ut Regia, scilicet Assyrius rediit in patriam, vassallo regno Israel, IV. Reg. xvt. postea rediit, & occupavit omnia, divisitque inter suos agros. Hebr. *Quomodo abstulit mihi* [cum nos speraremus] *restituitur agros nostros* (eos) *dividit*.

V. 5. MITTENS FUNICULUM. Funiculis dividebant prædia. Ergo sublato agro ex Iudæis, & ecclæ Domini, non erit qui illum possideat. FUNICULUM SORTIS. Hebr. *funiculum in sortem*, id est hereditatem, nemo mittet.

V. 6. NE LOQUAMINI LOQUENTES, id est o Prophetæ, ne dura nuntiatis; nam super populum malum non veniet quod minamini. Hebr. *non silleitis* (scilicet o Prophetæ) *stillabunt* (scilicet populus dicet) *non stillabunt his* (id est, non evenient) *his non comprehendentes* (pro, comprehendentes eos) *approbria*, quæ scilicet vos denuntiatis.

V. 7. DICIT DOMUS IACOB. Hebr. *quoniam dices domus Iacob*, scilicet Prophetis dicent Israelitæ. NUMQUID ABBREVIATUS EST; quasi dicat: Nonne aliquando prospera nuntiabitis, sed semper trista? AUT TALES SUNT COGITATIONES EIUS? aut *opera*, aut *studia eius*, scilicet Dei, quales vos dicitis? NONNE VERBA MEA BONA SUNT? Responsio Prophetæ. Verba mea bona sunt, sed bonis.

V. 8. ECONTRARIO. Hebr. *Et heri populus meus*, id est qui prius & nuper tales eratis. IN ADVERSARIUM CONSURREXIT. Factus est hostis meus, aut populi. DESUPER. Hebr. *contrario vestem pallium*, scilicet ab obviis abstulistis QUI TRANSIBANT SIMPLICITER, confidenier, secure. CONVERTISTIS IN BELLUM, quasi hostes illos spoliastis. Hebr. *redeuntibus e bello*. Belli tempore prædones multi per agros obvios spoliant. Id propheta acculat fieri eo tempore.

Rib. Sac. Tom. XXII.

V. 9. MULIERES. Maritis eas abstulistis. LAudem meam, decorem Hebr. id est ornatum; quem ego dederam, abstulistis a Parvulis. IN PERPETUUM; id est, numquam mulieres viris aut parvulis ornatum restitulistis.

V. 10. SURGITE, ite in captivitatem. PROPTER IMMUNDITIAM EIUS, quia vos terram illam pravis operibus pollulistis. CORRUMPETUR. Hebr. *corrumpit*. Sed mutatis punctis in passivum vertitur, ut vertunt Sept. PUTREDINE. Hebr. *corruptione pessima*. Ita erit vastata, ut vos alere non possit.

V. 11. UTINAM NON ESSEM VIR. Oportet falsa esse quæ prædicit, quæ tamen verissima erant. Hebr. *utinam vir ambulans vento*, id est ventosus & vanus essem. STILLABO TIBI IN VINUM; pro, utinam stillarem, loquerer tibi in vinum, id est ex vino, quasi ebrius sine sensu verba inania, ut solent vino madidi. ET IN EBRIETATEM, in fœciam, id est, ex fœcra: quia vocem omnis potus inebrians præter vinum significatur. ET ERIT SUPER QUEM; hoc est, utinam vana esset prophetia, quæ dicitur super populo hoc. Hebr. *Et esset stillans* (id est, vates) *populus hic*. Dicebat enim populus, vana esse quæ nuntiabant.

V. 12. CONGREGATIONE CONGREGABO IACOB. Hæc facta sunt tempore Christi, non ante. Aut loquitur de liberatione populi per Cyrum. QUASI GREGEM IN OVILI. Hebr. *quasi gregem Bosra*, Urbs Idumææ ovibus copiosa. TUMULTUABUNTUR A MULTITUDINE; id est, præ multitudinem erit magna hominum turba. Hebr. *tumultuabuntur præ homine*, id est præ hominibus, præ hominum turba.

V. 13. ASCENDET, scilicet Deus. PANDENS, seu *aperiens*, פתח *Paras* inter alia *aperire* significat. DIVIDENT, seu *pendent*, aperient hostes. ET TRANSIBUNT PORTAM, id est portas urbium: illis portæ patebunt, eos intra mœnia accipient voluntate, aut vi. ET INGREDIENTUR. Hebr. *egredientur*, scilicet per eam: sic Hieronymus in comment. & Regia Vulg. & Sept. scilicet cum voluerint, proficietur. LOVAN. *egredientur* habent sine nota variz lectionis. Suspior Roman. Biblia hæc parte esse vitata. TRANSIBIT REX EORUM CORAM EIS. Christus, aut Zorobabel, si loquitur de liberatione & captivitate. IN CAPITIBUS EORUM, id est primus: ante alios ibit Deus. Theophylatus hos

C

duos

duos postremos versus de expugnatione Ierusalem intelligit, tunc populum tumultuatum, hostem ascendisse per murum, divisisse, id est diruisse portam, Regem Babylonium praevisse, & Deum, qui illi favit.

M E N O C H I I.

Vers. 1. **Q**UI COGITATIS INUTILE: est mihi, minus enim dicitur, quam significetur. Sensus enim est, qui cogitatis rapinam, ut habet Chaldaeus, & iniustitias meditamini. OPERAMINI MALUM IN CUBILIBUS VESTRIS: noctu in lectis vestris machinamini mala, quae cum diluxerit, effecta detis, & summo mane illa perpetrare incipitis. MANUS EORUM: indulgentiae, consilia, conatus, & opera.

V. 2. CALUMNIABANTUR VIRUM, ET DOMUM EIUS: viros calumniis circumveniebant, ut in eorum bona, & hereditates involerant.

V. 3. COGITO MALUM; id est, animus est plaga aliqua gentem hanc mulitare. UNDE NON AUFERETIS COLLA VESTRA; id est, imponam vobis onus gravissimum, quod nullo modo possitis excutere, nec possitis cervicem vestram subducere, ne illud feratis. Intelligit gravissimam afflictionem captivitatis. NON AMBULABITIS SUPERBI; quasi dicat: Reprimam erectam, & superbam cervicem vestram. QUONIAM TEMPUS PESSIMUM EST, id est erit, quia super vos inducam tempora calamitosissima.

V. 4. SUMETUR SUPER VOS PARABOLA: nenia, lamentum funebre, carmen lugubre usurpabitur super vos, id est de vobis canetur. CANTICUM CUM SUAVITATE: cum modulatione, & inflexione quadam lugubri, ut solet fieri in neniis. DEPOPULATIONE VASTATI SUMUS. Hebraeus habet, *vastando vastati sumus*, id est penitus vastati sumus. Sunt verba Samaritae, & Ierusalem. PARS POPULI MEI COMMUTATA EST; id est, pars populi Israelitici translata est in Assyrios. Vel, pars, id est fors, & hereditas populi mei ablata est, & data alienis. QUOMODO RECEDET A ME, &c. Quomodo pseudoprophetae, & adulatores dicebant Assyrium recessurum, & non magno illato damno abiit, cum tam cito redierit, & nobis agros eripiat, & inter suos dividat? sunt verba lamentationis.

V. 5. PROPTER HOC NON ERIT TIBI, &c. quasi dicat: Posthac terram tuam, o Samaria, & Iudaea, inter tuos cives funiculo non divides, ut solebas, quia omni tua possessione privaberis. Sunt verba Samaritae, & Iudae ad seipsam: sic enim lugentes ex affectu se ipsos interdum alloquuntur. Simile pathos apud Virgilium Ecloga 1.

Impius hae tam culta nevalia miles habebit?

Barbarus has segetes? ex quo discordia cives

Perduxit miseros: ex quibus consecvimus agros.

Inferre nunc Melibae pyros, pone ordine vites.

V. 6. NE LOQUAMINI LOQUENTES. Finita lamentatione, vel nenia, iam alius propheta, vel quispiam vir prudens inducitur loquens, quasi dicat: Nolite, o Michaea, o Ioei, o Amos, &c. verba perdere, & frustra populum hunc alloqui, & ad illum concionari. NON STILLABIT SUPER EOS: eloquium vestrum non instillabit illis bonam mentem. NON COMPREHENDIT CONFUSIO. Hos adeo depulit, ut mortuati, & increpationes, & minae pudorem illis non possint incutere. NUMQUID ABBREVIATUS EST SPIRITUS DOMINI? quasi dicat: Numquid arctatus, & angustatus est spiritus misericordiae Dei, ut nos, qui sumus populus eius, perdere velit? TALES SUNT COGITATIONES EIUS: quales vos verbis ostenditis; id est, putatis illum nihil aliud quam de poenis infligendis cogitare? NONNE VERBA MEA BONA SUNT, &c. Haec sunt verba, & responsio Dei, affirmantis se quidem bonum esse, & clementem; sed bonis, & rectis. ET E CONTRARIO, &c. id est, at vos quasi adversarii insurgitis contra me, legem meam passim violantes. DESUPER TUNICA PALLIUM SUSTULISTIS: adeo capaces estis, ut ipsas etiam vestes, quas gerant, pauperibus eripiat. QUI TRANSIBANT SIMPLICITER: eos, qui nemini nocebant. Italice, dicemus, *quelli che andavano per li fatti suoi*. CONVERTISTIS IN BELLUM: hostiliter estis persecuti.

V. 9. EIECISTIS DE DOMO DELICITARUM SUARUM: ex edibus suis, in quibus cum maritis in amore, pace, & suavitate conjugali vivebant. Vel maritos persequentes, vel

vel uxores apud maritos traduentes, & suspectas reddentes. Vel generatim sceleribus vestris causam danies captivitati, unde factum est, ut matronæ suis ab ædibus abstraherentur ab Assyriis victoribus. TULISTIS LAUDEM MEAM. A matribus abductos honesta educatione privastis, & idololatrias eos fecistis, qui alioqui me laudassent. Familias frequentes, & bene educatas perdidistis, quarum causa, laus mihi tribuebatur.

V. 10. SURGITE ET ITE: scilicet in captivitatem, neque enim poteritis amplius, ut hactenus fecistis, hic agere quiete, & tranquille. PROPTER IMMUNDITIAM, &c. terra peccatis vestris polluta, etiam sanguine, & cadaverum putredine inficietur, in scelerum vindictam.

V. 11. UTINAM NON ESSEM VIR HABENS SPIRITUM: utinam prophetico spiritu carerem, & fallerer, longeque aliter venirent quæ dico. STILLABO TIBI VINUM, &c. at non possum Dei præcepto resistere qui me iubei tibi gravia, & tristitia prædicare. Itaque stillabo, & infundam tibi vinum furoris Dei, quo calice inebrieris, dira, & acerba patiens. ET ERIT SUPER QUEM STILLATUR POPULUS ISTE. Israel est cui vinum hoc furoris illud, & instillo.

V. 12. CONGREGATIONE CONGREGABO IACOB TOTUM TE. Misceat propheta læta tristibus, & evolai ad Christi tempora. Sensus ergo est: Ne desperes Iacob, nam cum venero in carne, congregare te incipiam ad Ecclesiam meam per Evangelii promulgationem, & tandem in fine mundi universas Israelis reliquias ad me convertam, & ad meum ovile, & caulas meas transferam. TUMULTUABUNTUR: ut sit in magno concursu, & frequentia hominum alioqui introire contentantium.

V. 13. ASCENDET ENIM PANDENSITER ANTE EOS. Christus, quasi dux, & princeps eorum, ascendet ante eos pandens iter, & aperiens portas, tum carceris diaboli quo tenebantur, tum Ecclesiæ per baptismum, &c. IN CAPITIS EORUM PRINCIPS ERIT EORUM, ut habent LXX.

TIRINI.

Vers. 1. VAE QUI IN CUBILIBUS VESTRAIS etiam per noctem excogitatis & machinamini INUTILE ET MALUM. Hebræum, *aven*, id est *vanitatem*, *iniquitatem*; Chaldaus, Vatablus & Pagninus vertunt, *rapinam*; Syrus, *fraudem*, Agit enim hic de iniuriis in proximum, sicut præced. cap. de peccatis in Deum. Quæ ergo noctu excogitant, fraudulentæ consilia, prima LUCE MATUTINA, id est summo mane, summa celeritate & aviditate explent: *quis manus*, id est consilium, machinatio, conatus, EORUM OMNIS EST CONTRA DEUM: cuius odio satagunt etiam membra eius, id est proximos suos, persequi & affligere ubicumque possunt. Hoc quadrat in tyrannos, causa impiis est tam multiplicium scelerum. Quod idem & regius Propheta David, & Daniel subinde insinuantur.

V. 3. NON AMBULABITIS SUPERBI; Chaldaus & LXX. *erecti*; id est, non amplius erigitis superbam cervicem, & tumidum collum, QUONIAM TEMPUS quod inducam vobis, PESSIMUM est, id est extreme calamitosum, quod superbiam & tumorem vestrum facile contundet & depriimet.

V. 4. SUMETUR SUPER VOS PARABOLA; id est, cantabitur de vobis nenia, seu lamentum vel carmen lugubre: CANTICUM CUM SUAVITATE, id est suavissimum ac pulcherrimum canticum, sed funebre, sed lugubre, sed lamentabile, quali solent præficere animos morientium demulcere. In Hebræo est, *lamentabitur lamentum lamenti b*, id est maximum, pulcherrimum, elegantissimum lamentum, ita Pagninus, Vatablus & alii. Erit autem hæc nenia. DEPOPULATIONE VASTATISSIMUS; Hebraice *vastando c vastati sumus*, id est penitus vastati sumus: PARS magna POPULI MEI Israelitici, & post etiam Iudaici, COMMUTATA EST, id est commutavit patriam cum exilio: pars reliqua vitam commutavit cum morte. QUOMODO RECEDET A ME rex Assyrie Salmanassar (ut nobis promittebant pseudoprophete,)

CUM etiam post acceptum a nobis tributum *d*, REVERTATUR ad nos, *ni* REGIONES nostras sibi vindicet, suisque DIVIDAT ac distribuat? Idem de Nabuchodonosore conquerentur Iudei suo tempore.

V. 5. TIBI, o Samaria, o Iudaa, post-hac NON ERIT qui *mittere* FUNICULUM mensurum SORTIS hereditarie in COETU DOMINI; id est, non amplius inter filios tuos, sed inter hostes tuos dividentur ac distribuentur agri tui.

V. 6 NE LOQUAMINI LOQUENTES; Hebraice, *ne stilletis stillantes e*; id est, nolite loqui, nolite prophettare, o Prophetæ, nolite concionari tam incredulo, tam rebeli, tam obstinato populo. Eioquium vestrum *ne stillet* super istos incredulos: NON enim COMPREHENDET illos CONFUSIO, dolor, poenitentia. Frustra monita, frustra minz omnes: ita Chaldaeus.

V. 7. DICIT & obstrepat DOMUS IACOB: NUMQUID ABBREVIATUS EST SPIRITUS DOMINI? id est, an arctatus, contractus, angustatus est spiritus misericordiae Dei, ut nolit nos amplius pro populo suo agnoscere, habere, tutari? An COGITATIONES eius TALES SUNT, quales nobis Prophetæ depingunt, acerbæ, tristes, exitiales? Quin potius constet nobis, benignas esse, suaves ac pacificas: iuxta quod implet ait *f*: *Cogite super vos cogitationes pacis*, & non afflictionis: ita S. Hieronymus, Remigius, Haymo. Sed obstreperis respondet Deus, se revera bonum esse, & oracula ac promissa similiter bona esse, sed bonis *g* & rectis, seu qui *recta* via mandatorum divinorum *gradiuntur*, mihi que propinquæ, obedire & placere student. Sed hostibus meis dura sunt, austeria & tristitia. Vos autem

V. 8. POPULUS OLIM MEUS CONSURGIT mihi IN ADVERSARIUM, id est hostiliter, & ut S. Hieronymus, tyrannice adversum me arma corripitis. Et miramini me durius vobiscum agere? querimini me iudicem, me vindicem insurgere in raptores, in latrones, in homicidas? DESUPER TUNICA; id est, præter tunicam; etiam PALLIUM SUSTULISTIS, id est pauperibus omnia que habebat eripulistis, tam quibus domi se sustentare debebant, quam quibus in publicum prodibant. Etiam eos QUI SIMPLICITER *per viam* TRANSIBANT, nullaque re vos læsant, innoxios, iner-

mes, nihilque mali metuentes, vos CONVERTISTIS IN BELLUM; provocastis ad iram, pugnis contudistis, vulneribus confecistis. Neque his contenti, ut ades occisorum & prædia occuparetis, etiam uxores ipsorum.

V. 9. MULIERES POPULI MEI, tantopere mihi curæ & cordi, iam viduas & omni ope destitutas, tyrannice EFECISTIS *b* DE DOMO DELICITARUM SUARUM, id est que solebat ipsis esse deliciosissima in complexu maritorum & liberorum: a quibus TULISTIS LAUDEM MEAM, id est materiam & occasionem laudis, IN PERPETUUM: nempe bona hereditaria, quibus si eos gaudere permisissetis, laudarent & glorificarent me perpetuo: nunc hisorbat, communi, fremunt, maledicunt vobis & mihi, vindictam & recuperationem bonorum, etiam viis illicitis procurantes: ita Albertus, Hugo & alii. Nunc sententiam vestram audite:

V. 10. SURGITE & vos e sedibus vestris, & abite in exilium, in malam crucem: quia tam impii, tam scelerati REQUIEM habere non potestis in terra tam sancta, que PROPTER IMMUNDITIAM quam illam pollulistis, CORRUMPETUR ab hostibus PUTREDINE PESSIMA, tum cadaverum vestrorum, tum aliarum sordium. Atque utinam salvus sim vates!

V. 11. UTINAM NON ESSEM VIR HABENS SPIRITUM propheticum, qui fallere non potest! utinam que prædico, non sint mihi revelata a Deo, sed mendacia: a vano timoris vel melancholiz spiritu (ut vos opinamini) suggesta! Sed heu, nimis vera sunt hæc mea oracula. Ego enim tibi, o Israel, o Iuda, mitto a caelesti symposiarcha ministrum & quasi pincerna. En calicem vobis submissum a Deo. Huius iussu in eum *instillo* tibi VINUM IN EBRIETATEM. Est *bendyadis i*, id est vinum inebrians, nempe strages, caedes, carceres, funera, exilia, excidia. Neque hæc in paucos, sed in omnes. Nam

V. 12. CONGREGATIONE CONGREGABO, id est exactissime *k* & ad unum per Assyrios & Chaldaeos congregabo IACOB TOTUM populum, omnesque eius reliquias, e prioribus cladibus superstitites. Capros autem compingam in circum, in carceres, sicut oves compinguntur in caulas. Hebraeus *sarsa* significat septum arctum & angustum;

sum; LXX. verterunt, *tribulationem*. Porro tanta erit multitudo & compressio eapriorum, ut prae loci rerumque necessariorum penuria tumultuaturi, & ingentem strepitum, ut solent balantes oves, edituri sint hi suis singultibus, isti querelis ac lamentis, illi maledictis & blasphemis, alii opis & auxilii inclamatione.

V. 13. ASCENDET ENIM DOMENUS; Hebraice, *Iehova*, in capite Assyriorum & Chaldaeorum quasi dux & archistrategus, PANDENS ITER ANTE EOS in omnes arces & urbes vestras: DEVIDENT illi & discindend machinis suis bellicis muros omnes & propugnacula, & per patentem portas ingreditur victores ac triumphantes, & ante currum triumphalem vinculus catenatusque REX EORUM, Osee & Sedecias, TRANSIBIT CORAM EIS, trahendus mox ad infame supplicium: ita fere Theodoretus & Vatablus & multi recentiores, quibus potius favet Scripturae contextus, quam aliis qui hæc in bonam partem accipiunt, & de reditu e Babylonia, vel de reductione Iudæorum ad Christum exponunt.

(a) Ephes. v. Matr. vi. 34.

(b) Proleg. de Idiōtismis Hebr. num. 50.

(c) Ibid. num. 49.

(d) IV. Reg. xviii. 3.

(e) Proleg. sup.

(f) Jerem. xxix. 18.

(g) Psal. xxviii. 16.

(h) Exemplo Achab. III. Reg. xxi. 41.

(i) Proleg. de Idiōtismis Hebr. num. 41.

(k) Ibid. num. 49.

(l) Hieron. Romigius, Rupertus, Haymo, Hugo, Lyranus, Ciazius, Arias, Ribera, & Lapide, &c.

GORDONI.

Vers. 1. VAE QUI COGITATIS, &c. Hi noctu machinantur multa, & mane exequuntur. Hebr. *יָמָאָן אֵינִי*, iniqui-

tas, & vanitas. LXX. labores, *λαζαρέιαι πόποις*: post malorum enumerationem, sequitur sententia a Deo, & poëna excidii.

V. 4. IN DIE ILLA, &c. In die excidii carmen funebre, & lamentum cantabitur, qualis est nenia de excidio Tyri, Ezech. xxvii. 2. Item Isa. xiv. 4. de excidio Babylonis. Hebr. *הָיָה נִיבִיא*, lamentum: rad. *נָהַן*, lamentatus est. LXX. *παράβολον*: hinc non erit mittens funiculum fortis; non erit vobis funiculus ad dividendas possessiones, quia hostis totas auferet vobis hereditates.

V. 6. Ac si diceret, cessent loqui contra Prophetas: stillare ex more loquendi Prophetarum, est prophatere, concionari, loqui; sensus ergo, Ne dicant amplius Israelitæ, non evement nobis mala quæ minantur Prophetae. Sic enim dicebant olim, qui non credebant Prophetis. Hinc additur vers. 7. non est abbreviatus spiritus Domini: potest & hos tueri Prophetas, & alios fuscitare & vos punire, qui facitis quæ hic subiiciuntur vers. 8. & 9.

V. 11. UTINAM NON ESSEM VIR HABENS SPIRITUM, &c. Vox populi erat, vana esse quæ dicebant Prophetae. At contra Michæas, utinam decipiar: modus loquendi est in eo, qui dolet de malo quod prædicit, & qui optaret non fore malum. Verum non sum mendax, sed stillabo huic populo acerbam calamitatem.


V. 12. CONGREGATIONE CONGREGABO, &c. Hæc lætiora sunt, & ea aliqui referunt ad liberatam Ierusalem a Sennacherib, alii ad reditum a captivitate. Sed nec ibi omnes Iudæi congregati sunt, & ubi porro rex coram eis? longe melius hæc de Christo intelliguntur, & congregatione in Ecclesia.





C A P U T III.

Propter peccata Principum, iudicum, pseudoprophetarum ac sacerdotum populi Israel, comminatur Dominus gravem ultionem, & Ierosolyma deletionem.

1.  T dixi: Audite principes Iacob, & duces domus Israel: Numquid non vestrum est scire iudicium, 2. qui odio habetis bonum, & diligitis malum: qui violenter tollitis pelles eorum desuper eis, & carnem eorum desuper ossibus eorum? 3. Qui comederunt carnem populi mei, & pellem eorum desuper excoriaverunt: & ossa eorum confregerunt, & conciderunt sicut in lebetate, & quasi carnem in medio ollæ. 4. Tunc clamabunt ad Dominum, & non exaudiet eos: & abscondet faciem suam ab eis in tempore illo, sicut nequiter egerunt in adinventionibus suis. 5. Hæc dicit Dominus super prophetas, qui seducunt populum meum: qui mordent dentibus suis, & prædicant pacem: & si quis non dederit in ore eorum quippiam, sanctificant super eum prælium. 6. Propterea nox vobis pro visione erit, & tenebræ vobis pro divinatione: & occumbet sol super prophetas, & obtenebrabitur super eos dies. 7. Et confundentur qui vident visiones, & confundentur divini: & operient omnes vultus suos, quia non est responsum Dei. 8. Verumtamen ego repletus sum fortitudine spiritus Domini, iudicio, & virtute: ut annuntiem Iacob scelus suum, & Israel peccatum suum. 9. Audite hoc principes domus Iacob, & iudices domus Israel: quia abominamini iudicium, & omnia recta pervertitis. 10. Qui ædificatis Sion in sanguinibus, & Ierusalem in iniquitate. 11. (a) Principes eius in muneribus iudicabant, & sacerdotes eius in mercede docebant, & prophetæ eius in pecunia divinabant: & super Dominum requiescebant, dicentes: Numquid non Dominus in medio nostrum? non venient super nos mala. 12. Propter hoc, causa vestri, (b) Sion quasi ager arabitur, & Ierusalem quasi acervus lapidum erit, & mons templi in excelsa silvarum.

(a) Eszech. xxi. 27. Soph. iiii. 3. (b) Ier. xxvi. 18.

COMMENTARIA

S A.

Verf. 1. **I**UBICUM, id est quod iustum est, quodque oportet fieri secundum Dei legem. Vide Ierem. v.

V. 2. **PELLES**; quasi dicat: Qui facitis pauperibus, quod ovis facit qui decorticat, scilicet crudeliter opprimitis, aut spoliatis substantiis suis.

V. 3. **COMEDERUNT**, &c. perstat in metaphora ovium occisurum. **LEBET**, scilicet fieri solet.

V. 4. **ADINVENTIONIBUS**, id est operibus, & cogitationibus.

V. 15. **MORDENT**, &c. quasi dicat: Qui pro eis fausta prædicant, scilicet iis, qui eis dant quod edant. **SANCTIFICANT**, id est indicunt, seu nuntiant, aut parant; quasi dicat, Oppugnant, seu hostes fiunt.

V. 6. **NOX**, id est calamitas. **VOBIS**, scilicet o pseudopropheta. **PRO VISIONE**, id est ob visiones vestras mendaces.

V. 7. **CONFUNDENTUR**, scilicet deprehensis mendaciis ipsorum erubescunt. **OPERIENT**, scilicet præ pudore. **RESPONSUM DEI**, scilicet ut illi iactabant.

V. 8. **IUDICIO, ET VIRTUTE**. Explicatio præcedentium; quasi dicat, Dei iudicium & potentiam prædico.

V. 10. **SION**. Chald. *domus in Sion*. **SANGUINIBUS**, id est peccatis, scilicet iniquis acquisita pecunia, seu sanguine pauperum oppressorum & a vobis spoliatorum.

V. 11. **IN MUNERIBUS**, id est ob munda. **REQUISCEBANT**, scilicet temere de Deo præsumentes quod ipsos esset protecturus.

V. 12. **ARABITUR**: factum id a Chaldeis. Vide Ierem. xvi.

E S T I I.

Verf. 10. **Q**UI AEDIFICATIS SION IN SANGUINIBUS, ET IERUSALEM IN INIQUITATE; id est, qui ampla & magnifica vobis ædificia exstruitis, quibus ornatis Sion & Ierusalem; non ex opibus iuste partis, sed ex oppressione pauperum, & iniustitia collectis. Sanguinum

enim nomine saepe in sacris litteris significatur omnis iniusta vis in proximum, siue ea fiat occidendo, siue calumniis & extorsionibus opprimendo. Accommodant etiam quidam non male hanc sententiam, dicentes eos ædificare Sionis in sanguinibus, quorum ardens studium est confluere; siue digni illi sint, siue indigni, ad ampla sacerdotia, & præcipuas dignitates in Ecclesia Dei, quæ Sion & spiritualis Ierusalem nomine significatur, promovere.

V. 11. **PRINCIPES IN MUNERIBUS IUDICABANT, ET SACERDOTES EIUS IN MERCEDE DOCEBANT ET PROPHETÆ EIUS IN PECUNIA DIVINABANT**. Quam gravia hæc peccata sint, indicant verba quæ sequuntur; sic enim sequitur: *Propter hoc Sion quasi ager arabitur, & Ierusalem quasi cervus lapidum erit*. Non tamen prohibentur illi necessaria vitæ accipere, sed ne pro ratione munerum iudicent, doceant, vel prophetent. Sic hoc loco paulo ante, *vers. 5. Si quis non dederit in ore eorum quippiam, sanctificans super eum prælum*; quasi dicat: Statim velut prophetico spiritu indicunt illi prælum seu bellum, & sæva minantur. Et similiter intelligendum est, quod dicitur: *sacerdotes in mercede docebant*. Licet enim necessaria vitæ accipere, immo Doctores & prædicatores ius & potestatem habere, ea ab iis, quos docent, accipiendi, prolixè docet Paulus I. Cor. ix. etiam ipse certis de causis noluerit eo iure uti. Vide ibidem nostrum commentarium.

M A R I A N A E.

Verf. 1. **A**UDITE PRINCIPES IACOB, id est *Principes domus Isaac*, ut *vers. 9.* Invehitur in Principes & Iudices. **VESTRUM EST SCIRE IUDICIUM**, id est facere quod rectum est in iudiciis.

V. 2. **TOLLITIS PELLES EORUM**, scilicet populi. Relativum sine antecedenti; eos deglubitis, excoriaris.

V. 3. **CONCIDERUNT**, scilicet carnes, Sept. *diviserunt*: sed *פרס פרוס* sumitur pro *פרס פרוס*; id est *concidere*, ut solent carnes & ossa concidi, ut in ollam & lebetem

betem coquenda mittantur. Summa, nihil reliquistis populo, bonis occupatis, in corpora etiam sevitis.

V. 4. SICUT NEQUITER EGERUNT IN ADINVENTIONIBUS SUIS. Hebr. *sicut mala fecerunt opera sua*, aut *studia*: sic Chald. *Sicut*, pro quia. Sept. *eo quod impie egerunt*, non audiam eos.

V. 5. HAEC DICIT DOMINUS SUPER PROPHETAS, id est contra prophetas. Invehitur in eos, quod essent mercenarii. QUI MORDENT DENTIBUS SUIS, ET PRAEDICANT PACEM. Hoc est, prospera denuntiant iis qui comedendum aliquid dant. Si quis non dat, IN ORE EORUM, id est aliquid cibi, aut quod ore petunt, iuxta os eorum: sic Hebr. verti possunt. SANCTIFICANT SUPER EUM PRAELIUM, id est decernunt adversa contra eum. Per pacem prospera, per bellum adversa intelligit.

V. 6. NOX VOBIS PRO VISIONE ERIT. Hebr. *ex visione*, id est nihil videbitis ut in nocte. ET TENEBRAE VOBIS PRO DIVINATIONE. Hebr. *ex divinatione*, nihil poteritis divinare. Aut sic, *visionis & divinationis merces tenebrae imposterum erunt*.

V. 7. ET CONFUNDENTUR, padeſcent prophetae, scilicet falsi, cum nihil eveniat eorum quae dicunt. ET OPERIENT OMNES VULTUS SUOS. Hebr. *labium suum*, id est veste faciem pra pudore velabunt. QUIA NON EST RESPONSUM DEI. Adventu hostium populus cognosceat, non fuisse ex Deo quae illi prophetae dixerunt. Ea illis pudoris causa.

V. 8. VERUMTAMEN. Hebr. *vere*. EGO REPLETUS SUM FORTITUDINEM SPIRITUS DOMINI. Hebr. *a spiritu Domini*, aut *cum spiritu Domini*: ille dat mihi robur: longe alia ratio mea est, & aliorum prophetarum. Ego spiritu Dei agor, sine pudore, magna libertate annuntio populo peccata sua.

V. 9. QUIA ABOMINAMINI IUDICIUM, scilicet rectum. Aut abominabile facitis iudicium, id est illud pervertitis, ut proxima verba declarant, & repetunt. Audite quae dicam.

V. 10. QUI AEDIFICATIS. Hebr. *qui aedificas*, pro, aedificatis domos vestras ex sanguine pauperum, & iniquitate, id est ex iis quae illis rapitis.

V. 11. PRINCIPES EIUS. Omnes sunt mercenarii, procetes, sacerdotes, prophetae;

nihilominus SUPER DOMINUM REQUIRERANT. Hebr. *innitebantur*. Quod Dei populus essent, & inter eos Deus habitaret in templo, non passuros mala putabant.

V. 12. QUASI ACERVUS LAPIDUM ERIT. Hebr. *Ierusalem acervi erit*: everſis domibus in acervos lapidum redigetur. Sept. *Ierusalem ut pomorum custodia erit*. De quo cap. 1. 6. Due autem, per Chaldaeos est factum. MONS TEMPLI IN EXCELSA SILVARUM. Templum enatis dumis & vepribus erit ut silva, & silvarum colles. Aut ut rupes, quae in illis seminant. Erunt acervi lapidum everſo templo. Quid si בְּמִסְבָּה *bamoth*, id est *excelsa*, ut saepe fit, sumatur pro altaribus idolorum, quae in silvis ponebantur? sique sensus, Mons templi erit in altaria silvarum, id est in eo multa erunt idolorum altaria.

M E N O C H I I.

Verſ. 1. IUDICIUM: id quod iustum est, & divinae legi consentaneum.

V. 2. TOLLITIS PELLIS EORUM: qui populum non tondetis tantum, sed etiam deglobitis.

V. 4. NUNC: cum scilicet ultio Dei, quam eis ego hic continue intento, illos invadet. CLAMABUNT AD DOMINUM: sed frustra. SICUT NEQUITER EGERUNT IN ADINVENTIONIBUS SUIS, id est, ut postulant mala eorum opera, quae fecerunt. In Hebraeo est, *sicut mala fecerunt opera sua*.

V. 5. SUPER PROPHETAS: de prophetis; contra prophetas. MORDENT DENTIBUS SUIS, id est, frendent in me, alioque veros prophetas, qui bellum minamur Israel, cum illi pacem, & prospera eidem promittant. Vel, qui mordent, id est vorant ea quae dono accipiunt, & fausta, & iuxta vaticinantur, qualia seunt donantibus arridere. SANCTIFICANT: indicunt.

V. 6. NOX VOBIS PRO VISIONE ERIT. Vobis visi estis videre lucem & diem, id est veritatem, & prosperitatem: at ego dico, & assevero visionem vestram esse noctem, & caliginem erroris, & vos, populumque, quem decipitis, manere tenebras captivitatis, & aerumnarum, in quas incidetis.

V. 7. OPERIENT VULTUS SUOS: pudore fustis.

luffusi, quod deprehensa sit fraus illorum
NON EST RESPONSUM DEI : quia patebit
 falsa eos fuisse prolocutos, & ex suo spi-
 ritu, non impulsu Dei.

V. 8. **VERUMTAMEN EGO REPLETUS**
 sum, &c. Opponit se pseudopropheta ;
 quasi dicat, Illi adulantur vobis, & mol-
 lia, faustaue vaticinantur ; at ego reple-
 tus sum spiritu Dei sorti, id est duro, mi-
 naci, & acri : sic de se dicebat Ierem.
 cap. vi. *Ideirco furore Domini plenus sum.*
IUDICIO : comminatione iudiciorum Dei,
 & suppliciorum infligendorum. **VIRTUTE** :
 robore animi, efficacia sermonis, & an-
 nunciatione, & comminatione rerum ma-
 gnarum, quas Deus potenter facturus est
 contra peccatores.

V. 9. **IUDICIUM**, id est quod iustum
 est.

V. 10. **QUI AEDIFICATIS SION IN SAN-**
QUINIBUS : qui aedificatis in Ierusalem am-
 plas, & sumptuosas domos, sed ex paupe-
 rum sanguine, spoliando eos, & vitæ ne-
 cessaria auferendo. **ET IERUSALEM IN**
INIQUITATE. Est repetitio eiusdem sen-
 tentiæ.

V. 11. **IN MUNERIBUS IUDICABANT** :
 causas iniquas foventes, & contra ius pro-
 nunciantes propter munera. **CUM MERCE-**
DE DOCEBANT : sacram doctrinam legis di-
 vine pretio vendentes, quod pertinet ad
 simoniam. Vile Lessum de simonia dubit.
 rr. initio, & dubitat. xiii. dicto 3. & 4.
IN PECUNIA DIVINABANT : prophetabant,
 quod etiam erat Simonia, non re ipsa
 (quia hæc oracula non erant sacra, im-
 mo nec vera, quia non suggesta a Deo,
 sed ex cerebro conficta) sed æstimatione
 vulgi, qui hæc oracula vera, & divina ef-
 fere censebat. **SUPER DOMINUM REQUE-**
SCEBANT : quieto erant animo, temere de
 Deo presumentes, quod ipsos, quamvis sce-
 leratos esset protecturus. **NUMQUID NON**
DOMINUS IN MEDIO NOSTRUM ? quasi di-
 cerent : Ierusalem est urbs sancta, & Deus
 habitat in templo nostro, nosque eius po-
 pulus sumus, nihil ergo timendum.

V. 12. **CAUSA VESTRÆ** : propter vos, &
 scelera vestra. **SION QUASI AGER ARABI-**
TUR : ædibus, & templo solo æquatis.
MONS TEMPLI IN EXCELSA SILVARUM ;
 quasi dicat : Mons Sion, in quo ædifica-
 tum est templum, ita desolabitur, ut in
 eo succrescant herbæ, frutices, & arbo-

Bib. Sac. Tom. XXII.

ree, ita ut silvæ cuiusdam in edito colle
 enatæ speciem referat.

T I R I N I.

Vers. 1. **NUMQUID**, o princeps tam
 Iudz, quam Israelis, **NON**
VESTRUM EST SCIRE IUDICIUM, utique
 & facere ? Nimirum, procurare ut cuique
 quod suum est tribuatur ? At vos ipsi estis
 primi **QUI VIOLENTER TOLLITIS A PELLIS**
 filiorum Iacob, in super & **CARNEM** eo-
 rum & ossa, id est substantiam & facul-
 tates subditorum, (e quibus sibi victum,
 & consequenter carnem, pellem & ossa
 hauriunt,) tam avaræ & ferociter rapitis,
 ut non tantum illos excoriare, sed & ex-
 carnificare, immo exossare, atque in fru-
 sta concisos devorare velle videamini : ita
 Chaldeus. O quanta vos ultio manet de
 celo !

V. 4. **TUNC CLAMABITIS AD DOMINUM**,
 ut mitius agat vobiscum ; sed frustra ; si-
 cut enim vos modo faciem vestram ab ip-
 so avertitis, illique rebelles tergum verti-
 tis, ita vicissim ipse tunc subtrahet vobis
PACIEM & SUAM, id est divinum favorem,
 opem, curam, præsentiam ac providen-
 tiam : ac dorsum ostendet derelictionis, ne-
 glectus, oblivionis ac reiectionis. Væ
 pseudoprophetis,

V. 5. **QUI MORDENT DENTIBUS SUIS**,
 id est mallicant & vorant liberaliter quæ
 illis in os ingeruntur : & pro mercede lar-
 gentibus **PRAEDICANT & PROMITTUNT PA-**
CEM, id est prospera omnia. **SI QUIS VE-**
RO NON DEDERIT IN ORE EORUM quod
 mordent & vorant, **SANCTIFICANT & SV-**
PER EUM PRAELIUM, id est nomine Dei
 indicunt illi bellum, & omnia adversa mi-
 nantur, tamquam impio ac reprobo, qui
 pios ac sanctos Dei Prophetas (quales se
 iactant) neglexerit ac spreverit.

V. 6. **PROPTEREA AUDITE & VOS SENTEN-**
TIAM VESTRAM : **NOX VOBIS PRO VISIONE**
ERIT, ET TENEBRAE PRO DIVINATIONE,
 id est loco pacis ac lucis, loco prosperitatis
 ac gaudii, quæ falso divinatis & prædicatis
 obventura, deprehendet vos & obruet al-
 tissima nox & horrendæ tenebræ calamita-
 tum & miseriarum, adeo ut præ anxietate,
 pavore ac metore, sol vobis in meri-
 de occumbere d, & dies obtenebrari videa-
 tur. Tunc præ confusione.

D

V. 7.

V. 7. OPERIENT OMNES VULTUS SUOS: eum rerum eventus detegat fraudes & imposturas ipsorum, inquit S. Hieronymus, Cyrillus, Theodoretus, Remigius, Haymo, Clarus, Vatablus, Palacius, Ribera & a Lapide. Addit Delrio *e, operient vultus suos* tamquam rei, damnati & mortis supplicio addicti. His enim facies, ut alias *f* dixi, velabatur, etiam apud Romanos: *Caput obnubito, infelici arbori suspendito.*

V. 8. VERUM EGO REPLETUS SUM, non, ut illi, cibo, potu, muneribus aliis, sed *spiritu DOMINI*: ex quo mihi non blandimenta vel adulationes, sed heroica fortitudo ac robur animi: non falsæ divinationes, sed *iudicium*, quo vera vobis certaque supplicia, & iure merito sceleribus vestris infligenda denuntio: non denique vana & garrula eloquentia, ut pseudopphetis, sed *virtus*, id est potentia & efficacia sermonis emanat, quam nullus infringere, vel labefactare valeat vel ausit.

V. 10. Vos, o Iudæi principes, AEDIFICATIS STON, id est exstruitis in Ierusalem magnificas domos & palatia, IN seu ex SANGUINIBUS *g* subditorum vestrorum, exsugendo illorum substantiam & facultates iniquis servitiis, tributis, litibus, usuris, fraudibus, & aliis oppressiōibus.

V. 11. IN, id est pro MUNERIBUS IUDICABUNT, sententiam venalem proponendo, immo & pervertendo. Sacram quoque legis divinæ doctrinam non nisi mercede vendebunt, ut & oracula sua. Quorum utrumque simoniae esse docet Lefsius *h* & alii Theologi. Nec pudet fallaces illos ac seductores pseudopphetas, *re quiescere SUPER DOMINUM*, id est inniti

& incumbere divinæ curæ, providentiæ & benignitati: persuadentes populo, Deum ipsi affuturum, nec unquam permissurum, ut Ierololyma, ubi sedes & thronus Dei, hostium libidini cedat: ita S. Hieronymus & alii supra citati. Cedet tamen, & quidem.

V. 12. CAUSA VESTRI, id est vestra culpa, ob vestra scelera. Hæc a Michæa prædicta fuisse tempore regis Ezechiz testantur principes & seniores Ierololymitani, Ieremiz xxvi. vers. 18.

(a) Ezech. xxxiv. 2.

(b) Prov. 9. 24.

(c) Ierem. vi. 4.

(d) Amos viii. 9.

(e) Delrio adig'o 992.

(f) Esther. vii. 2. Daniel. xlii. 32. Ezech. xlv.

6. Math. xxvi. 66.

(g) Ezech. xxxiv. 24. & Ierem. xxii. 13.

(h) Lefsi. tract. de simonia dub. 1. & 93.

G O R D O N I.

Vers. 1. **R**ecenfer iniquitates & oppressiōem populi; & vers. 5. agit contra pseudopphetas, qui mordent frendentque dentibus in Michæam, & veros Prophetas: prædicant pœcem, atque placentia: & si quis opponat indicunt illi bellum; & ideo tales pseudopphetas sequetur consilio.

V. 8. VERUMTAMEN EGO REPLETUS SUM, &c. Afferit se esse missum a Deo verum Prophetam; & proinde intrepide pronunciat ob hæc Principum, Iudicum, & Prophetarum fallorum scelera, ruinam & excidium etiam templi, quod enatis dumis & vepribus erit ut silva.

CAPUT IV.

Tempore gratiæ plurimæ nationes accedent ad Ecclesiam, & cultum Dei cum magna securitate: consolatur Sion quod de captivitate sit a Domino redimenda, ut se de suis inimicis ulciscatur.

1.  T erit: (a) In novissimo dierum erit mons domus Domini præparatus in vertice montium, & sublimis super colles: & fluent ad eum populi. 2. Et properabunt gentes multæ, & dicent: Venite, ascendamus ad montem Domini, & ad domum Dei Iacob: & docebit nos de viis suis, & ibimus in semitis eius: quia de Sion egredietur lex, & verbum Domini de Ierusalem. 3. Et iudicabit inter populos multos, & corripiet gentes fortes usque in longinquum: & concident gladios suos in vomeres, & hastas suas in ligones: non sumet gens adversus gentem gladium: & non discent ultra belligerare. 4. Et sedebit vir subtus vitem suam, & subtus ficum suam, & non erit qui deterreat: quia os Domini exercituum locutum est. 5. Quia omnes populi ambulant unusquisque in nomine Dei sui: nos autem ambulabimus in nomine Domini Dei nostri in æternum & ultra. 6. In die illa, dicit Dominus, congregabo claudicantem: & eam, quam eieceram, colligam: * & quam afflixeram. 7. (b) Et ponam claudicantem in reliquias: & eam, quæ laboraverat, in gentem robustam: (c) & regnabit Dominus super eos in monte Sion, ex hoc nunc & usque in æternum. 8. * Et tu turris gregis nebulosa filiæ Sion usque ad te veniet: & veniet potestas prima, regnum filiæ Ierusalem. 9. Nunc quare mœorere contraheris? numquid rex non est tibi, aut consiliarius tuus periit, quia comprehendit te dolor sicut parturientem? 10. Dole, & satage filia Sion quasi parturiens: quia nunc egredieris de civitate, & habitabis in regione, & venies usque ad Babylonem: ibi liberaberis, ibi redimet te Dominus de manu inimicorum tuorum. 11. Et nunc congregatæ sunt super te gentes multæ, quæ dicunt: Lapidetur: & aspiciat in Sion oculus noster. 12. Ipsi autem non cognoverunt cogitationes Domini, & non intellexerunt consilium eius: quia congregavit eos quasi fœnum areæ. 12. Surge, & tritura filia Sion: quia cornu tuum ponam ferreum, & ungulas tuas ponam æreas: & comminus populos multos, & interficies Domino rapinas eorum, & fortitudinem eorum Domino universæ terræ.

(a) Isa. 28. 26. (b) Soph. 112. 20. Luc. 1. 31. (c) Dan. 112. 19.

ROMANÆ CORRECTIONES.

Verf. 6. Et quam affixeram. Non addas *comsolabor*.

Verf. 8. Et tu turris gregis nebulosa filia Sion. Non mutes genitivum *filia* in nominativum *filia*.

NOTATIO.

Verf. 8. E T tu turris (*tuturis* o.) *gregis nebulosa filia Sion*. Quidam libri incipsum collocant post *gregis*; *Et tu turris gregis, nebulosa filia Sion*, id quod eorum versioni convenit, qui quod Hebraice est *ἰσῦ*, *turrem*, vel *arcem* interpretati sunt, *Et tu turris gregis (arx) turris filia Sion*; sed non Hieronymi, qui *nebulosam* traduxit,

perinde ac si esset *ἰσῦ*. Iunxit enim *ἰσῦ* cum *ἰσῦ*, *nebulosa* cum *turris*: sic namque

ipse suam versionem explicat, ut nihil de posterioribus enarratoribus dicam. Deinceps libri habent *filia Sion*; plures *filia Sion*; ex emendationibus nostris Leod. O. Q. Pl. m. *filia*; Brug. Lob. E. *filie* scribunt: similiter antiquorum Epanorthotæ, quidam hoc, quidam illo modo legunt. Hebræa utcumque admittunt. LXX. ut quidam libri habent, Symmachus, quod Hieronymus testatur, & inter Neotericos Pagninus *filia Sion* transtulerunt. Porro Hieronymus se *filia Sion* transtulisse significat: " Et hæc, inquit, turris, filiz est Sion, sive ut Symmachus vertit " in Græcum, ipsa est filia Sion: " quæ Hieronymi verba in Glossam relata sunt. Parisienses, & Hentenius castigatores *filia* textu donarunt.

C O M M E N T A R I A

S A.

Verf. 1. N OVISSIMO DIERUM. Chald. *postremis diebus*, scilicet Evangelii tempore, de quo I. Ioan. 11. *Novissima hora est*; vel quasi dicat, *Posterioribus diebus*. Vide Gen. XLIX. *MONSDOMUS DOMINI*, id est Christus, seu altitudo Ecclesiæ, & firmitas inconvulsa. *PRÆPARATUS*, id est firmatus, stabilitus. *Et porta inferi non prevalebunt adversus eam*. *IN VERTICE*, &c. quasi dicat, *Supra omnia*, quamvis excelsa. *ET SUBLIMIS*, &c. repetitio, seu explicatio præcedentis. Vide Isa. 11.

V. 2. ET PROPERABUNT, &c. Repetitio. *DICENT*, &c. quasi dicat, *Se mutuo ad fidem, verique Dei cultum hortabuntur*: id quod quotidie fit, etiam si illa verba non dicantur; fit enim quod his verbis significatur. *VITIS SUI*, id est vita secundum eius voluntatem instituenda. Chald. *vias domus eo rellas*. *IRIMUS*, id est ambulabimus. *QUIA*, &c. Verba Prophetæ. *LEX*, scilicet Evangelica, quæ ex Ierusalem dilatata per orbem; vel *Sion* pro Ecclesia accipitur, ut sup.

V. 3. IUDICABIT, scilicet Christus, vel

Ecclesia tamquam superior, scilicet ius dicet. *POPULOS*, scilicet sibi subiectos. *MORTUOS*, id est varios. *CORRIPUIT*, id est castigabit: est & id superioris. *GENTES*. Chald. *reges*. *USQUE IN LONGINQUUM*, id est remotissimas. Chald. *in perpetuum*. *CONCIDENT*, &c. Per hæc significatur summa pax futura inter obediētes perfecte legi Evangelicæ, quæ docet neminem lædere etiam læsum, nec resistere malo, eaque contemnere, unde solet discordia & bellum oriri. Quod si dicas: *At bella sunt inter Christianos, & licitum est bellum gerere*. Est quidem licitum contra iniquos, quod ad iustitiam punitivam pertinet, quæ non est paci contraria. Nec hi, qui iuste gerunt, aliud querunt quam ut in pace vivatur, quam quia iniqui impediunt, puniuntur, ut etiam a iudicibus scelerati, qui Reipublicæ nocent. Illud tamen semper manet, si omnes secundum Evangelium viverent, nulla essent bella, nulla discordia seu inimicitia inter homines. *LIQONES*. Chald. & LXX. *saecula*.

V. 4. VIR, id est quisque. *VITEM*. Chald. *fructum vitis sue*. *EXERCITUUM*. LXX. *omnipotentis*.

V. 5. AMBULABUNT, id est vivent, seu ope-

operabuntur. IN NOMINE DEI SUT, id est invocantes Deum suum, illique confidentes. IN ARTERNUM, &c. potest coniungi cum *ambulabimus*, & cum *Domini*, &c. ULTRA, scilicet id quod capit intellectus.

V. 6. CLAUDICANTEM, scilicet Synagagam a recta via. Vide III. Reg. XVIII. LXX. *conritam*, scilicet malis tractam. AFFLIXERAM, scilicet tribulationibus. LXX. *repuleram*.

V. 7. PONAM CLAUDICANTEM IN RELIQUIAS, id est ex ea mihi aliquos summam, seu relinquam qui me colant. EAM, QUAE LABORAVERAT. Chald. *dispersos* LXX. *repulsam*. ROBUSTAM. Tales Apostoli, & quicumque perfecte Christiani, scilicet vincunt hostes animæ. MONTE SION, id est Ecclesia.

V. 8. TURRIS GREGIS. Sic dicitur Ierusalem, quod alta sit; scilicet in montibus, & quia ad eam confluebat grex, id est populus Iudæorum, ob templum. NEBULOSA, scilicet caligine ignorantie. ET VENIET; pro, veniet inquam. PRIMA, scilicet primum cepit Christi Regnum, id est eius Ecclesia, in Ierusalem. Chald. *prifca*; quasi dicat, Regnum David, sed spirituale. Vide Luc. I. FITIÆ IERUSALEM, id est cœtui, seu populo Ierusalem.

V. 9. QUARE, &c. quasi dicat: Quid te in istam calamitatem induxit? an decrat tibi Deus, & eius Prophetæ? non decrant, sed contempsisti: ideo te dolores isti apprehenderunt. REX, scilicet Deus, vel Christus. CONSILIARIUS, scilicet Deus, vel Christus, vel Spiritus sanctus, vel Prophetæ.

V. 10. SATAGE, id est age sollicite. Chald. *contremifce*. LXX. *viriliter age*. REGIÖNE. Chald. & LXX. *campo*, scilicet Sennaar, ubi Babylonia. IBI. LXX. *indo*.

V. 11. NUNC. Loquitur ut supra velut in tempore captivitatis seu cladis Ierolymitanæ. LAPIDETUR, id est pereat, morte adulteræ. ASPICIAT, scilicet quod optamus.

V. 12. COGITATIONES. Chald. *secreta*. FOENUM, id est paleam, scilicet triturandam, seu conterendam. Chald. & LXX. *manipulos*.

V. 13. TRITURA, scilicet hostes; quasi dicat, Contere: quod videtur spiritualiter

intelligendum, scilicet convertendo ad fidem, separata palea infidelitatis: alioqui quando Iudæi Chaldæos contriverunt? Quidam tamen ad Machabæorum tempora referunt, qui hostes multos occiderunt. CORNU, id est potentiam, seu vires; quafidicat, Maximum robur. INTERFICIES, scilicet destruendo errores. LXX. *consecrabis*. RAPINAS, id est spolia, quæ abuleris. Chald. *facultates*. LXX. *multitudinem*. FORTITUDINEM, id est milites, seu divitias. Chald. *pretiosam pecuniam*. DOMINO, id est ad Domini gloriam & cultum, seu velut hostiam Domino.

E S T I I.

Verf. 1. ET ERIT IN NOVISSIMO DIERUM, ERIT MONS DOMUS DOMINI PRÆPARATUS IN VERTICE MONTIUM. Verba eadem habentur Isaie II. usque ad illud: *Et sedebit vir subtus vineam suam*. Et cum ambo eodem tempore prophetaverint, hic in Samaria; ille in Ierusalem, dubium est, an alter ex altero sua verba acceperit, an vero ambo immediate ex inspiratione Spiritus sancti, neutro de aliorum prophetia sciente? Certe Isaia sua verba non accepisse ex Michæa, sed ex immediata Dei inspiratione satis ostendit illud, quod in primaria civitate, in ipsa Ierusalem magna solemnitate prophetaverit; sed & Michæas, si prius legit prophetiam Isaie, non tamen inde verba sumpsit, nisi dirigente Spiritu sancto. Porro complectitur hæc prophetia quatuor insignes notas ecclesiæ. Et primo quidem Unitas significatur, in eo quod ad unum montem omnes confluant, qui est in vertice montium, & inde doctrinam accipiant: secundo, Sanctitas intelligitur in doctrina, quæ appellatur lex & verbum Domini, & maxime in doctrinæ observatione de qua dicitur, *Ibimus in fœditis eius*; tertio quod Catholica sit, ostenditur, quia, ut expressius Isaia dicit, *fluunt ad eum omnes populi*; quarto quod Apostolica, quia dicitur, *De Sion egredietur lex, & verbum Domini de Ierusalem*. Ibi enim Apostolica cepit prædicatio, atque inde diffusa est in omnes gentes. Ac denique simul manifeste ostenditur, quod ecclesia sit visibilis & conspicua; nempe quia monti comparatur & quidem in vertice montium collato. Et cer-

eerte nisi conspicua esset ecclesia, non pos-
sent hortari se mutuo populi, (id quod
hic futurum prænunciatur) dicentes : *Ve-
nite ascendamus ad montem Domini, &c.*
V. 6. ET TU TURRIS GREGIS NEBU-
LOSA, FILIAE SION. Turris gregis mentio
est, iam tum Genes. xxxv. Ceterum quam
turrim Scriptura innuunt, vide late apud
Hieronym. hoc loco.

M A R I A N A E.

Verf. 1. **E** T E R I T : I N N O V I S S I M O D I E-
RUM. Tempore Messie, de
quo Hebræi etiam hunc locum intelligunt.
Post cladem, quam prædixit, melius tem-
pus queretur. M O N S D O M U S D O M I N I, id
est, in quo est templum, per quem Eccle-
siam intelligit. P R A E P A R A T U S, id est e-
rectus, positus in vertice montium, quod
mox repetit, S U B L I M I S S U P E R C O L L E S.
F L U E A T I N S T A R F L U M I N I S, ut est Hebr. mul-
ti & festini, ut aqua fluminis ibunt po-
puli.

V. 2. E T D O C E B I T N O S D E V I I S S U I S,
id est vias suas, legem docebit nos Deus.
A U T D E V I I S S U I S, id est partem viarum,
quod cuique conducatur, quod quisque facere
debet, non quæ alii. D E S I O N E G R E-
D I E T U R L E X, quasi ex publica schola, &
quasi ex oraculo: ibi responsa reddentur pe-
tentibus ea.

V. 3. E T I U D I C A B I T I U D E X C H R I S T U S. He-
bræis Schol. הַשׁוֹפָר וְהַמֶּלֶךְ הַמְּשִׁיחַ;
hoc est, Iudex & ipse Rex Messias. I N-
T E R P O P U L O S M U L T O S: componet eorum
lites. I N L O N G I N Q U U M, id est etiam lon-
ginquas, quæ procul sunt distitæ. Chald.
in longinquum vertit in perpetuum. E T
C O N C I D E N T, seu *constabunt*, ut Chald.
I N V O M E R E S. Sic Sept. & Chald. alii *in*
ligones. E T I N A S T A S S U A S I N L E G O N E S,
saeces. Sept. & Chald. summa erit pax
Christi adventu.

V. 4. E T S E D E B I T V I R, id est quisque
subtus vineam suam. Hebr. *vinea suam*.

V. 5. Q U I A O M N E S P O P U L I; pro, quia
& si omnes populi confidunt in diis suis,
nos in Deo nostro fidimus. Hæc fiducia
nobis hanc felicitatem præstabit. I N A E-
T E R N U M E T U L T R A, scilicet cum Deo
nostro ambulabimus, & cum eo erimus
semper.

V. 6. C O N G R E G A B O C L A U D I C A N T E M.

Hebr. *laterantem*: sic *claudicans* vocatur,
quia in latus alterum inclinat. Synagoga
claudicabat, aut ex labore itineris, cum
duceretur in captivitatem; aut quia modo
Deum, modo idola colebat. E T Q U A M
A F F L I X E R A M. Hebr. *affect molo*: supplic,
ei beneficiam.

V. 7. E T P O N A M C L A U D I C A N T E M I N
R E L I Q U I A S, sive *in residuum*. Faciam ut ex
ludæis aliqui supersint. E T E A M, Q U A E
L A B O R A V E R A T. Hebr. *procul eiecimus* fa-
ciam ut sit gens robusta.

V. 8. E T T U T I R R I S G R E G I S. Sic at-
tem Sion & Ierusalem vocat, quod gens
ad eam statim temporibus ut grex conve-
niret. Chald. *& tu Christe Israel*. Itaque
per *turrim* Messiam intelligit. N E B U L O-
S A. Hebr. *excelsa*, sive *in excelsis posita*.
Id significat *hey kophel*, locum editum.
Hieronymus legit *den ophel*, id est *ca-
ligo*: licet Comment. eius hoc loco vi-
deantur reclamare: sic Chald. videtur le-
gisse, quando ait: *Et tu Christe Israel ab-
scanditus es*. Vocatur autem *nebulosa*, quia
malis oppressa, aut quia ob sublimitatem
nubes attingeret. F I L I A E S I O N, seu *filia*
Sion, ut Sept. & Chald. qui venit *gens*
Sion, & Symmachus. Vocatur autem *fil-
lia Sion*, quoniam ea turris & arx in monte
Sion fuerat. U S Q U E A D T E V E N I E T:
E T V E N I E T. Geminatio certitudinem in-
dicat. P O T E S T A S P R I M A, id est regnum
David in Christo.

V. 9. N U N C Q U A R E M O E R O R E ! Cum
tanta felicitas tibi parata sit, quare tri-
stis! num Rex tibi non est, aut Consi-
liarius? Uietque pressio est, ne doleas.
Christus, Rex & Consiliarius erit.

V. 10. D O L E, E T S A T A G E, id est mul-
tum dolo. Hebr. *doleas profer*, scilicet sus-
piria: geme ob presentia mala. E G R E-
D I E R I S. Respondet verbo *profer*, scilicet
suspria. I N R E G I O N E. Hebr. *in agro*,
scilicet desertis locis: e civitate educent te
in desertum. Verrum bono animo esto.
I B I L I B E R A B E R I S, cito commutabuntur res.

V. 11. S U P E R T E, contra te congrega-
buntur Gentes, & dicent : L A P I D E T U R:
pereant Iudæi. Hebr. *impie egis*: sic Gen-
tes putabant. E T A S P I C I A T, seu *aspiciat*,
ut Gothi. Videbit oculus noster quod cu-
pimus, scilicet Sion ruinam & cladem,
meritis & peccato consentantem. Deus
contra eas Gentes congregat.

V. 12.

V. 12. QUASI FOENUM AREAE. Hebr. *quasi manipulum* (pro, manipulos) in *aream*: sic Sept. & Chald. sane ut in e triturentur.

V. 3. ET TRITURA FILIA SION, scilicet Gentes, quæ contra te venerunt, rebus mutatis, tu opprimes eas. Quod per Christum & Apostolos est factum. CORNU TUUM; scilicet ventilabri cornua ferrea erunt, id est, fortia, ne in ventilando deficiant. ET UNGULAS TUAS PONAM AREAS; pro tribulis equorum & boum pedibus, quidam fruges triturant. Ergo eas ungulas, æneas faciam, ne tritura deterantur. ET INTERFICIES. Goth. *interficiam* in prima persona. Hebr. *consecrabo*, dedico, anathema faciam. Quis? ego Dominus. DOMINO, id est mihi ipsi. Sept. *consecrabis Domino*, pro, *consecra*, ut Theophylactus. Sed *consecrare*, occidere est: atque ita vertit Chald. *consumam eorum Domino*. RAPINAS EORUM. Hebr. *desiderium eorum*, id est quæ maxime amant opes. ET FORTITUDINEM EORUM, sive *facultates*, substantiam eorum, consecrabo mihi, autem illis Gentibus, quæ contra te venient.

MENOCH II.

Vers. 1. ET ERIT, &c. Tres primi versus desumpti sunt ab Isaia cap. II. 2. & deinceps: vide ibi dicta.

V. 4. ET SEDEBIT, &c. Descriptio quietissimæ securitatis. VIR, id est unusquisque. QUI DETERREAT: qui pacem, & quietem turbat. QUIA OS DOMINI, &c. quasi dicat: Omnia quæ dixi evenient, quia Dominus promissit ita fore, qui nec fallere potest, nec falli.

V. 5. QUIA OMNES POPULI AMBULABUNT, &c. quasi dicat: Licet ceteri populi infideles deos suos colant, alii alios; fideles tamen, & Christiani unanimiter, & constanter unum Deum, ac Dominum colemus, ipsique soli servimus. IN AETERNUM, ET ULTRA, in omnem omnino æternitatem, & ultra, si ulterior aliquis terminus esset, aut (mente fingi posset).

V. 6. CONGREGABO CLAUDICANTEM: ad Ecclesiam meam vocabo, & in ea congregabo Synagogam, quæ claudicans iacebat, quia nunc verum Deum colebat,

nunc idola. Respicit dictum Elix III. Reg. XVIII. 21. *Usquequo claudicatis in duas partes? QUAM EIECERAM: dato libello repudii, COLLIGAM: revocabo, & mihi reconciliabo.*

V. 7. ET PONAM CLAUDICANTEM IN RELIQUAS, id est in posteritatem; quasi dicat: Faciam ut synagoga ad Christum conversa, & fidelis facta fecunda sit, & multos producat Christo filios. ET EAM, QUÆ LABORAVÉRAT, eundo in captivitatem, & dispersionem. Aliqui vertunt, *& procul propulsam*. IN GENTEM ROBUSTAM: tum numero, tum fortitudine. Tales fuerunt Apostoli, qui forti, & præsentis animo eorum Principibus, & Regibus terræ fidem professi sunt, & Evangelium late toto orbe circumtulērunt. REGNABIT DOMINUS, id est Christus. IN MONTE SION: in ecclesia.

V. 8. ET TU TURRIS GREGIS. Turris gregis cuius mentio Genes. XXV. 21. erat iuxta Bethlehem, & vocabatur etiam Turris Eder, hoc tamen loco metaphorice Sion, sive Ierusalem turris gregis appellatur, tum quia vicina erat Bethlehem, & turri gregis, illicque ut metropolis imperabat; tum quia edito loco in montibus sita, & ad illam confluēbat grex, id est frequentia Iudæorum templum adeuntium: tum proprie, quia in Sion erat porta, & turris gregis, obversa turri Eder, sive gregis, per quam ex Eder oves in Sion, & templum inferebant. Porro Michæas Sion, id est Ecclesiam turrim vocat ob altitudinem vitæ, & doctrinæ; atque ob munitionem, speculam, & tutelam, qua suos fideles tuetur, & propugnat. NEBULOSA: ira appellatur ob altitudinem; quasi dicat, Quæ verticem usque ad nubes atollis. USQUE AD TE VENIET. LXX. *Ad te veniet, & ingredietur principatus*. Idem sensus vulgaræ editionis; quasi dicat: Veniet inquam, & redibit ad te potestas, quam olim habuisti, id est iterum videbis regnum Davidis; videbis enim Christum, cuius spirituale regnum typice præfiguratum est in regno temporali Davidis; quare Luc. 1. 32. legimus: *Dabit illi Dominus sedem David patris eius, & regnabit in domo Iacob in æternum.*

V. 9. NUNC QUARE MOERORE CONTRAHERIS, &c. quasi dicat: Cum tanta bona te maneant, cur non doles auditio tri-

tristi nuncio imminentis captivitatis, quasi nunquam restituenda esses? sane regem habes, qui tui curam gerat, & consiliarium, qui tibi bona consilia inspiret; quibus libereris non solum a Babilonica captivitate, sed etiam a captivitate diaboli: loquitur de Christo, qui vocatus est magni consilii Angelus Isaia IX.

V. 9. DOLE, ET SATAGE. Pro *satage* in Hebræo est *גִּחִיז* *gochi*, quod varie vertitur. LXX. *Dole, & viriliter ego*. Chald. *dole, & contremisce*. Pagnin. *Dole, & ingemisce*. Tigurina, *Dole, & gemitum ede*; quasi dicat: O Sion, permitto ut doleas, & ingemiscas, & replea dolebis, & ingemiscas; habebis enim iustum argumentum. & causam doloris, & gemitus, scilicet excidium, & captivitatem Babilonicam. Ibi LIBERABERIS: primo, inchoate per Cyrum, & Zorobabel, secundo, plene, & perfecte per Christum.

V. 11. ET NUNC CONGREGATÆ SUNT SUPER TE GENTES; quasi dicat: Dixi, o Sion, te ituram in Babylonem, sed antequam eo vadas, alia tibi instat clades a Sennacherib, qui multas contra te gentes congregabit. LAPIDATUR: lapidibus obruitur, ut adultera. ASPICIAT OCULUS NOSTER: scilicet cum voluptate. runam Sionis.

V. 12. FOENUM AREÆ, id est paleam, triturandam, & conterendam. Id accidit exercitui Sennacherib, nam Angelus Domini 185. milia eorum cecidit nocte una.

V. 13. SURGE, ET TRITURA, &c. surge, & trituras plaustris ferreis hostes tuos. Similis ultio de Ammonitis sumpta est a Davide, ut legimus II. Reg. XII. 32. CORNU TUUM PONAM FERREUM; id est, suggeram tibi vires magnas ad vincendos omnes hostes tuos. ET UNGULAS TUAS PONAM AEREAS, id est fortissimas ad calcandum, & non fatigabiles. INTERFICES DOMINO; quasi dicat, Mactabis Domino, offeres Domino ea quæ ipsi prius rapuerant. FORTITUDINEM EORUM: opes, & divitias eorum, nam ut habemus Proverb. XVIII. 11. *Substantia divitiis, urbs roboris eius, & quasi murus validus circumdans eum*.

Verf. 5. OMNES alii POPULI ambulant ut voluerint, QUISQUE IN NOMINE DEI SIT, ab illo nomen mutuantes, illum colentes, & illi servientes a se se subicientes: ego autem, & mei similes Deo fideles, AMBULABIMUS IN NOMINE solius DOMINI, id est unanimiter ac constanter, adhærebimus uni & soli Deo cæli, & Christo eius. De tempore enim Christi & legis Evangelicæ hic agi, de fide est, ex unanimi consensu omnium sanctorum Patrum, quos hic citat a Castro, & ego docui Isaia 11. Et potuit Michæas, licet Iudæus, & filius veteris testamenti, tamen animo, voto, fide & spe coniungere se filiis novi testamenti, id est Christianis, quasi fratribus suis, ex eodem parente Christo, cuiusque gratia regenitis. Quia Sancti veteris testamenti, ob fidem in Christum venturum, ex quo omnem gratiam ad salutem necessariam hauriebant, non secus atque iam Christiani, ut docte explicat S. Augustinus 4, possunt ex ea saltem parte dici etiam ad novum testamentum pertinuisse.

V. 6. & 7. IN DIE ILLA, id est tempore Messie & novi testamenti, CLAUDICANTEM b in fide & religione Synagogam & collectionem Iudæorum, QUAM IDCIRCO EIECERAM e terra sua in exilium, congregabo ET COLLIGAM ET PONAM, seu adservabo, IN RELIQUAS e ETEAM QUAE VALDE LABORAVERAT, variis afflictis malis, ponam IN GENTEM ROBUSTAM, tum numero, tum fortitudine, tum virtute. Hæc cepta sunt impleri typice in reductione e Babilonia, sed revera in conversione multorum millium d Iudæorum ad Christum: perfecte autem complebuntur sub finem mundi, cum *omnis Israel salvus e fiet*. REGNABIT tunc Dominus plene & pacifice super Iudæos omnes antea tam rebelles, tam refractarios: *regnabis, inquam, ut olim pater eius David, in monte Sion spirituali, id est in Ecclesia, inchoanda in corporali monte Sion*.

V. 8. Tu enim o SION, quæ es instar TURRIS OREGNI & NEBULOSA, seu nebulis ac nubibus ob altitudinem contexta; Hebraice, *ophel f*; id est tenebræ, caligo, nubilum. Erat hæc arx munitissima, inaccessa

cella & inexpugnabilis, in monte g Sion, iuxta atrium exterius templi, & in arce *turris* enormi altitudine, inquit ex Iosepho h Adrichomus. Tu, inquam, o FILIA Sion (sic enim, & non, *filia*, legunt LXX. Symmachus & Romana) accipies hunc regem, & hoc regnum æternum. USQUE AD TE VENIET; VENIET, dico, non mutilum, non dissectum, non accisum, sed integrum, quale fuit REGNUM FILIAE IERUSALEM, id est Sionis, sub Davide & Salomone; PRIMA, inquam, id est prisca & avita POTESTAS regia, cum omni gloria, opibus, amplitudine, potentia tunc illi annexis. *Dabit i cum Dominus* Messia suo *sedem David patris eius, & regnabit in domo Iacob in æternum*; non regno typico vel umbratico, (quale erat Davidis, terrenum, corporale, mundanum,) sed vero ac solido, spirituali, cælesti, divino: ita fere S. Hieronym. k Clarius, Varabulus, Arias, Ribera, a Castro, a Lapide & alii. Hebræi, testet S. Hieron. & ex his Emmanuel Sa, Mariana & Vilalpandus l cum aliis recentioribus, putant *turrim gregis* hic vocari non totam Sion aut Ierosolymam, sed præcipue *portum gregis*, quæ erat in radicibus montis Sion, [ac proinde vocari hic *filia Sion*.] Diciturque *turris*, quia ce more inædificata erat illi *turris* altissima, instar speculæ: vocatur *gregis*, quia per eam *greges* offerendi inducebantur in templum ex vicina valle m Iosaphat pascuis ac pecoribus abundante. Et ceterum est, ex Lucæ xix 37. Christum verum agnum paschalem, in Paschate immolandum, ex monte Oliveti, die Palmarum, per vallem Iosaphat & *portam gregis* prædictam, in urbem a-fello n invecum fuisse. Hæc enim erat porta triumphalis, qua patebat aditus non modo in urbem tum superiorem, tum inferiorem, sed etiam in templum, in regium palatium, in arcem Sion. Et ad hunc Christum in urbem triumphalem ingressum volunt prædicti auctores Michæam hic alludere. Sed Haymo, Remigius, Beda, & ex his Baronius o & alii, volunt, cum alludere ad primam Christi recens nati manifestationem per angelum factam pastoribus iuxta aliam *turrim Ader*, id est *gregis* prope Bethlehem, ubi olim Iacob patriarcha suos pavit *greges*, Genes. xxxv. 21. quasi dicat: Tu, o *turris Eder*, pa-

Bib. Sac. Tom. XXII.

storitia, rusticana, obscura, vilis & contempta, caput attolle, gaude & triumphas, quia primus ad te de cælo venit nuntius nati Messia, cuius potestas & regnum primo incipiet in Ierusalem, indeque propagabitur per universum orbem. Verum clarius hoc ipsum explicabit Michæas cap. seq. vers. 2. *Et tu Bethlehem, &c.*

V. 9. QUARE NUNC MOERORE CONTRAHERIS o Sion? Eris enim iam ad tempus priveris temporalis rege tuo Sedecia, & regis consilianiis, legisperitis, ac doctoribus; brevi tamen donaberis altero æterno rege Messia, & nobilioribus consiliariis, Apostolis, Ecclesiæ doctoribus, pastoribus ac principibus.

V. 10. DOLE tamen, per me licet, ET SATAGE, id est anxie distorquere. Neque enim deerit tibi iusta causa dolendi: EGREDIERIS enim NUNC captiva e propria CIVITATE: ET HABITABIS IN REGIONE, sub dio: LXX. *in campo*; Chaldaus *in agro*. Sed liberaberis, sed redimeris primo per Cyrum, deinde per Cyri antitypum Christum. Et vis tibi signum?

V. 11. ECCE NUNC CONGREGATAE SUNT SUPER, seu contra, TE GENTES MULTAE duce Sennacherib Assyriorum monarcha, QUAE nil aliud clamant, quam, LAPIDETUR, id est lapidibus, instar adulteræ, obruatur Sion: ET ASPICIAT OCULUS NOSTER cum voluptate ruinam & excidium illius: ita S. Hieronymus, Remigius, Haymo. Sed

V. 12. DOMINUS CONGREGAVIT Assyrios istos in Iudæa, QUASI FOENUM AREAE; LXX. & Chaldaus, *sicut manipuli* colligunt in *area*, ut tribulis istis exagiterent. Et vero cecidit ex illis angelus unica p nocte centum octoginta quinque milia.

V. 13. SURGE ergo & animos attolle, o FILIA SION, & iu quoque TRITURA, non iam igneis flagellis, aut cornes ungulis bouum, sed ferreis & *antis* rotis, & serratis q carpentis, prostratos hostes, persequere, sterne, concide fugientes nunc Assyrios, & post aliquot sæcula, etiam Syros, reliquosque ASIZ POPULOS, duce Iuda, Ionathâ, Simone, Hyrcano & aliis Machabæis: denique omnes totius mundi populos duce Christo: ita S. Hieron. Remigius, Rupertus, Albertus, Lyranus, Clarius & alii. Porro prostratis hostibus, INTERFICIES & immolabis DOMINO RA-

E

DINAS

FINAS EORUM, id est victimas quas victrix illis eripuit, ET FORTITUDINEM EORUM, id est substantiam, opes, arma & signa hostilia. Quæ bello capta ut olim Gentiles, & nunc Christiani, ita solent etiam Iudæi f. Deo devovere, quo significet se victoriam omnem illi acceptam re. Testis Moyses, Iosue, David, Machabæi &c. Quin & Ezechiam quoque ex spoliis Sennacherib plurima Deo obtulisse tradit Iosephus.

- (a) Auguſt. L. b. III. cont. duas epiſtolas Pelag.
 (b) III. Reg. xviii. 22.
 (c) Rom. xi. 5.
 (d) Aſtor. xi. 41. & iv. 4.
 (e) Rom. xi. 24.
 (f) II. Pet. xviii. 3. & xxviii. 24. & II. Eſdr. xii. 26.
 (g) I. Mach. 2. 35. & 29. 60.
 (h) Ioseph. Lib. VI. Bell. vii.
 (i) Lucæ 3. 32. & Mat. 23. 6.
 (k) Hieron. in Targit. Heb.
 (l) Villalp. tom. xii. p. 111. Lib. III. cap. vii.
 (m) II. Eſdr. xii. 2. & ult.
 (n) Marci xii. 10.
 (o) V. Bedæ in Lucæ 21. Baron. ad annum 7. Christi.
 (p) IV. Reg. xxi. 35.
 (q) II. Reg. xxi.
 (r) Virg. VII. Aeneid.
 (s) Iſaie lx. 2. & 11.
 (t) Eſdr. vii. 15. Iosue vi. 29. & Num. xxi. 3. III. Reg. xii. 9. I. Mach. i. 17. v. 54. vii. 47. &c.
 (u) Ioseph. Lib. X. Antiq. cap. 111.

GORDONI.

Verſ. 1. **E**TERIT IN NOVISSIMO DIERUM. Vide ſecundum caput Iſaie, ubi hæc eadem ſunt, & explicantur. Noviffimum hic tempus, eſt tempus ſub Chriſto. Hoc tempore erit domus Domini, nempe Eccleſia Chriſti, ſuper montes, & ſupra leges veterum, præparata & longe inſtructior. Quin etiam inde exhibit lex gratiæ (verſ. 2.) ſedebunt homines in pace magna (verſ. 4.) ligati vinculo caritatis, idque (verſ. 5.) in æternum & ultra; hoc eſt, ſi quid ultra ſit: videtur hyperbole. Certe regnum Chriſti æternum eſt, nunc congregabuntur claudicantes per idololatram; & erunt in reliquias, & po-

ſteritatem ſecundam. Et qui laboraverunt Apoſtoli (verſ. 7.) & doctores in gentem robuſtam.

V. 8. **TURRIS GREGIS.** Locus eſt in quo greges ſuos pavit patriarcha Iacob, Gen. xxxv. 21. de quo lege plura apud Adrichomium: putatur fuiſſe iuxta Bethleem, & ubi Angeli paſtoribus nunciaverunt ortum Chriſti. Ceterum in præſentia Ieruſalem ſeu Sion vocatur metaphorice turris gregis, certe non eſt procul a Bethleem: vocatur etiam nebulosa, quia ibi erat turris Ophel, magnæ altitudinis, nubibus, & nebulis in culmine cincta: vide Hieron. Iſa. xxxiii. 14.

Hæc de vocibus. Sensus iam eſt, quamvis ad reſtitutam Sionem ſub Cyro alludat Michæas, tamen ex primaria intentione Prophetæ, per Ophel, Sionem & Ieruſalem, intelligitur Chriſti Eccleſia, in qua eſt grex fidelium congregatus ad turrim Ophel & veram Sionem, & ubi Chriſtus æternum regnabit: ita Hieron. Lyr. Ribera, Corneli. & alii.

V. 9. **QUARE ERGO MOERORE, &c.** Redit nunc a ſpiritali Sione ad temporalem, eamque ſolatur. Sic miſcet duo hæc, typum ſcilicet cum antitypo: hoc illi ſolacium eſt: patietur quidem mala, ſed ſperanda meliora quæ ſuccedent: ergo tu Sion tritura, labora, ſuſtine ad tempus, liberaberis, ut pollicetur Propheta verſ. 13. nec ſine victoria & ſpoliis. Sub Ezechia contra Sennacherib, aliqua etiam ſub Machabæis acta ſunt.

EX EUSDEM AUCTARIO.

Verſ. 1. **ASPICIAT IN SION OCULUS NOSTER.** Lætetur de eius interitu & ruina. **ET NUNC CONGREGATÆ SUNT IN SION.** Mala adhuc te manent. Ibis captiva Babylonem; ſed inter hæc aliqua læta te manent verſ. 12. nempe in victoria contra Sennacherib ſub Ezechia. Hunc hoſtem consumes ut ſcenum & paleam: ſurge, cia, hunc triturabis, verſ. 13.

CAPUT V.

Imminens urbis Ierusalem vastatio ostenditur, & Christus in Bethlehem nasciturus: reliquæ Israel exaltabuntur, devictis inimicis, & ablata ab ipsis idololatria.

1. **N**unc vastaberis filia latronis: obsidionem posuerunt super nos, in virga percutient maxillam iudicis Israel. 2. (a) ET TU BETHLEHEM Ephrata parvulus es in milibus Iuda: ex te mihi egredietur qui sit dominator in Israel, & egressus eius ab initio, a diebus æternitatis. 3. Propter hoc dabit eos usque ad tempus, in quo parturiens pariet: * & reliquæ fratrum eius convertentur ad filios Israel. 4. Et stabit, & pascet in fortitudine Domini, in sublimitate nominis Domini Dei sui: & convertentur, quia nunc magnificabitur usque ad terminos terræ. 5. * Et erit iste pax: cum venerit Assyrius in terram nostram, & quando calcaverit in domibus nostris: & suscitabimus super eum septem pastores, & octo primates homines. 6. Et pascent terram Assur in gladio, & terram Nemrod in lanceis eius: & liberabit ab Assur cum venerit in terram nostram, & cum calcaverit in finibus nostris. 7. Et erunt reliquæ Iacob in medio populorum multorum quasi ros a Domino, & quasi stillæ super herbam, quæ non expectat virum, & non præstolatur filios hominum. 8. Et erunt reliquæ Iacob in Gentibus in medio populorum multorum, quasi leo in iumentis silvarum, & quasi catulus leonis in gregibus pecorum: qui cum transierit, & conculcaverit, & ceperit, non est qui eruat. 9. Exaltabitur manus tua super hostes tuos, & omnes inimici tui interibunt. 10. Et erit in die illa, dicit Dominus: Auferam equos tuos de medio tui, & disperdam quadrigas tuas. 11. Et perdam civitates terræ tuæ, & destruiam omnes munitiones tuas, & auferam maleficia de manu tua: & divinationes non erunt in te. 12. Et perire faciam sculprilia tua: & statuas tuas de medio tui: & non adorabis ultra opera manuum tuarum. 13. Et evellam lucos tuos de medio tui: & conteram civitates tuas. 14. Et faciam in furore & in indignatione ultionem in omnibus gentibus, quæ non audierunt.

(a) Matth. 23. 6. Ioan. vii. 42.

BRUGENSIS

ROMANÆ CORRECTIONES.

*Vers. 3. Et reliquæ fratrum eius. Non omit-
tas coniunctionem &.*

V. 5. Et erit iste pax: cum venerit Assyrius:

Quidam Libri inverso verborum ordine, legunt, pro nominativo *Assyrius*, dativum *Assyriis*, quem præcedentibus iungunt hoc modo: *Et erit pax Assyriis, cum venerit*, sed male.

E 2

V. 9.

Verf. 9. Exaltabitur manus, sua super hostes suos. Non perponas coniugationem &.

NOTATIO.

Verf. 5. E T erit iste (*ista* 1. MS. G.) *pax* : *Assyrius cum venerit* &c. Sic pleraque nostra; manuscripta legunt, Brug. Leod. Lob. O. L. Pl. ang. &c. & prima Chalcographorum Biblia, Moguntina, ac Coloniae. Quinque Hentenii, & quatuor nostra manuscripta cum aliquot impressis libris scribunt : *Et erit iste pax Assyrii cum venerit* : Hebraea ex se ad utrumque sensum ambigue sunt : כִּי־בָא מֶשֶׁךְ אֲשׁוּר וְהָיָה שָׁלוֹם ; id est, *Et erit iste pax Assur cum venerit*.

Ceterum Hebraei ita distinxerunt, ut *Assura* praecedentibus separatim ad sequentia referatur, accentu *asnah*, qui distinguendi vim habet, quam apud nos *Colos* dictioni שָׁלוֹם

pax subiecto. Itaque intelligunt locum omnes enarratores antiquiores, & recentiores, quos vidi, nimirum ut ad sequentia *Assur*, sive *Assyrius* spectet, uno Ruperto excepto, qui utrumque legendi modum agnoscit atque exponit, & posteriorem quidem qui praecedentibus iungit *Assyrii* tamquam ordinatorem praefert. Quidam codices duabus transpositis vocibus, ut maior sit claritas, scribunt : *Cum Assyrius* (*Cum Assyrii* o.) *venerit* : verum praestantiores eo ordine legunt, qui Hebraice est, *Assyrius cum venerit*.

C O M M E N T A R I A

S A.

*Verf. 1. N*UNC, id est paulo post. *VASTABERIS*, scilicet a Chaldaeis. *FILIA LATRONIS*, id est latrocinii & flagitiis dedita. *POSUERUNT*. Loquitur quasi re presenti. *IN VIRGA*, &c. quasi dicat, Contumeliose & indignis modis trahabunt. *IUDICIS*. Chald. *iudicium*, scilicet principum. Quidam Sedeciam intellegunt, alii Sacerdotes.

V. 2. EPHRATA. Id dicitur ad distinctionem; est enim altera in tribu Zabulon: sic & Matth. 11. additur *terra Iuda*. Olim *Bethlehem Ephrata* dicta. Vide Gen. xxxv. & xxxviii. *PARVULUS*, &c. quasi dicat: *Parvulus* quidem es *vici*, si confararis cum principibus Iudaescivitibus; at ego te magnam faciam. Ideo Matth. 11. redditus est sensus illis verbis, *Nequaquam minima es*: quidam putant per interrogationem legendum; quasi dicat, *An parvulus es in millibus Iuda?* scilicet non certe. Ego malim affirmative legi, planus enim sensus est: *Es tu quidem parvulus*, sed ex te mihi, &c. id quod te faciet magnam. *MILLIBUS*. Sic vocantur urbes, quae multos habent cives: ideo Matth. 11. dicitur *in principibus*, id est praecipuis; urbibus: vel *millia* Michas familias vocat; harum autem capita, *Matthaeus principes*: vide Iudic. vi. *EX TE*; pro, at ex te *EGREDIETUR*. Chald. *prodibit Christus*. *DOMINATOR*. LXX. *princeps*. *ISRAEL*, scilicet secundum spiritum. *EGRESSUS*, id est

nativitas ex Patre: est autem plurale, & Hebr. & in LXX. quo solet uti Scriptura ad rei alicuius magnitudinem demonstrandum: sic Deum vocat *Elohim*, id est *Dii*; *Adonai*, id est *Domini nostri*. *AB INITIO*, id est ante omnia, scilicet ab aeterno, ut statim declarat: sic Ioan. 1. sumitur *initium*, seu *principium*.

V. 3. PROPTER HOC, id est quia ex eis *Christus nasciturus*. *DABIT*, id est sine vivere & permanere, scilicet conservabit. *PARTURIENS*, scilicet *Gentilitas*, vel *B. Maria*, vel *Ecclesia*. *PARIET*, scilicet *Spiritum salutis*, vel *Christum*, vel *filios in Christo*. *EIUS*, scilicet *Christi*, qui est ex Iudaeis secundum carnem. *FILIOS ISRAEL*, id est *Christianos*, scilicet amplectentes eorum fidem.

V. 4. STABIT, scilicet *Christus*; quasi dicat, Semper regnabit, vel paratus erit salvare. *SUBLIMITATE*. Chald. *magnitudine*. LXX. *gloria*. *NOMINIS*, id est virtutis. Vel *nomen* pro re, cuius est nomen, ponitur. *CONVERTENTUR*, scilicet ad Christum. *NUNC*, id est illo tempore. *MAGNIFICABITUR*, id est magnus apparebit, scilicet in suis.

P. 5. ISTE, scilicet *Christus*, ipse enim est *pax nostra*. *ASSYRIUS*, id est *Ecclesiarum hostes*, cuius tunc figura *Assyrii*. *ET QUANDO*, &c. Repetitio. *SUPER*, id est contra. *SEPTEM*, id est multos. *PASTORES*, scilicet *Episcopos*, & *Ecclesiarum rectores*. *OCTO*, id est plurimos; addit enim ad *septem*. *PRIMATES HOMINES*: repetitio,

sio. Chald. *principes hominum*, scilicet fidelium.

V. 6. *PASCENT*, id est gubernabunt. *GLADIO*, scilicet verbi Dei. *NEMROD*. Etiam per istum, ut per *Assur* intelliguntur hostes Ecclesie, seu infideles. *LANCEIS*, id est armis spiritualibus. *EIUS*, scilicet terre possessæ, id est Ecclesie iam effectæ.

V. 7. *ROS*, quasi dicat, Fecundantes doctrina & exemplo terram, id est homines. *VRUM*, id est operam hominis, scilicet irrigantis, est enim Dei opus, seu celestis gratiæ.

V. 8. *IN IUMENTIS*, id est inter bestias; quasi dicat; Nemo poterit resistere spiritui, qui per eos loquetur & operabitur.

V. 9. *EXALTABITUR*, id est prævalebit. *TUA*, scilicet, Israel vel Christo. *SUPER*, id est contra. *INTERIBUNT*, scilicet quantum ad infidelitatem & vicia.

V. 10. *EQUOS*, &c. quasi dicat, Omnia præsidia & arma, quibus fidem oppugnabas. Loquitur Gentilitati ad fidem conversæ. *CIVITATES*, scilicet quantum ad infidelitatem.

V. 14. *NON AUDIERUNT*, id est audire contempserunt, scilicet Evangelium, seu obedire noluerunt.

EST I.

Vers. 2. **E**T TU BETHLEHEM EPHRATA PARVULUS ES IN MILLIBUS IUDA: EX TE MIHI EGREDIETUR QUI SIT DOMINATOR IN ISRAEL. Citatur hic locus Matth. 11. *Et tu Bethlehem terra Iuda nequaquam minima es in principibus Iuda*. Quomodo consentiunt *parvulus es*, & *nequaquam minima es*, cum hæc e diametro videantur pugnare? Respond. solere Evangelistas non verba anxie citare ex prophetis, sed satis esse si sententias reddant. Sententiam autem reddit Matthæus dicto loco. Est enim hic sensus prophetiæ: Tu Bethlehem nunc quidem parvula es & despecta in millibus Iuda; quia oppidum exiguum & contemptibile; sed futurum est, ut nequaquam amplius hominum opinione parvula dicaris: quia ex te nasceatur qui regat populum meum Israel. A cuius dignitate tu, quæ antea parvula eras, magna deinceps in æstimatione habebis. Querit S. Tho. III. qu. xxxv. art. VII. utrum Christus debuerit nasci in

Bethlehem; & resolvit quod fuerit valde conveniens ut ibi nasceretur ob duas rationes quas ponit in corp. art. Vide locum & nostra citato loco, Matth. 11.

V. 5. *ET SUSCITABIMUS SUPER EUM SEPTEM ET OCTO PRIMATES*. Per septem & octo numeros intelligit numerum indefinitum, & per pastores, & primates principes Medorum & Persarum, qui terram Assur & terram Nemrod, id est Assyriam & Babyloniam devastarunt. Pro eo autem quod in nostra versione vulgata habetur, *Et pascent terram* est in Hebræo verbum *Rhahac*, & ideo poterat verti, & contingerent seu confringerent terram vel vi armorum coniungerent terram Assur & terram Nemrod, id est ex duobus regnis Assyriorum & Babyloniorum unum efficient, vel pascent terram, id est violenter gubernabunt. Hæc enim omnia significat verbum *Rhahac*.

MARIANÆ.

Vers. 1. **N**UNC VASTABERIS. Hebr. *nunc turmis cingeris*, scilicet militaribus. *FILIA LATRONIS*, id est latronum, nempe militum Hebr. *filia turms*, pro, turmarum, id est in qua multæ turmæ sunt, sive tuorum, sive aliorum contra te: sic Cant. VII. 4. *Porta filia multitudinis* vocatur, in qua multitudo est. *OBSESSIONEM POSUERUNT*. Hebr. *posuit*; pro, ponet hostis. *IN VIRGA PERCUTIENT*. Iudicem, id est Regem Israel ignominia afficient, nempe Sedeciam. *Nunc*, in præsentem hæc patieris, in futurum melior spes Christi adventu.

V. 2. *ET TU BETHLEHEM EPHRATA*, id est quæ alio nomine vocaris *Ephrata*. Est altera *Bethlehem* in tribu Zabulon: ideo Matth. 11. *Et tu Bethlehem terra Iuda* quasi dicat: Ierusalem quidem illa patitur, tibi melior conditio manet. *PARVULUS ES*, Matth. 11. 6. sic: *Et tu Bethlehem terra Iuda, nequaquam minima es*. Quæ duo loca ut concilient, multi multa dicunt. Quid vero si nos dicamus Michææ locum esse corruptum a Iudeis, cuius rei multa indicia sunt? Sed hoc durum. Quid si interrogative legamus, *Namquid parvula es?* ut Isidorus & Iulianus: certe legunt & Biblia Gothica; de quo plura in Annot. ad Isidor. Lib. I. contra Iudeos, cap.

cap. xi. & in Disput. pro Edit. Vulg. cap. vi. Sed & Michæ verba, ut nunc sunt, sic explicari possunt. Licet numero & ambitu sis exigua, ex te tamen magnus Dux egrediatur. Itaque non es dignitate & gloria parva. Sic quidam Matthæum cum Michæ concilians, ut hic ad numerum respexerit, ille ad dignitatem. IN MILLIBUS IUDA, id est inter familias, seu oppida Iuda, quæ millia vocantur Iudic. vi. 15. Matth. in Principibus Iude. מלך אֶלֶף *Alēph* est mille, מלך *Princeps*: hoc secundo modo legit Matth. Ergo non est minima in procreandis Principibus. EX TE MIHI EGREDIETUR. Hic est Messias, ut Hebræi etiam consenserunt & Chald. EGRESSUS EIUS, seu *egressiones*. Sic loquitur, propter geminam Christi nativitatem. AB INITIO, seu *ab antiquo*, & ab æterno sunt egressiones, id est altera nativitas. *Sepultus est in uribus Iuda*, id est in una urbi. Iudæi, qui divinam naturam non agnoscunt, male se ex hoc loco expediunt.

V. 3. DABIT EOS USQUE AD TEMPUS, id est permittet Iudæos aliquamdiu regnare, donec pariens pariat, id est convertantur Genes. Tunc RELIQUIÆ IUDÆORUM convertentur ad veros Israelitas, id est fideles: sic Hieronymus. Ego sic explicare: Cum tanta eos felicitas maneant, non est mirum si ad tempus tradit eos Deus hostibus, dum pariens pariat, id est dolores ut parturientis eos vexent: aut donec virgo pariat, ut Theophylactus. Tunc reliquæ, id est qui supererunt e fratribus Bethleem, qui captivi tenentur, CONVERTENTUR, seu revertentur ad terram suam. Id vocat, *ad filius Israel convertentur*.

V. 4. ET STABIT. Christus perpetuo in Ecclesia manebit. ET PASCET, id est reget, scilicet suos filios Israel. IN SUBLIMITATE, id est cum magna Dei sui gloria. QUA NUNC; hoc est, cito magnificabitur, toto orbe dilatabit imperium.

V. 5. ET ERIT ISTE PAX, scilicet Messias, sublato metu hostium, nos in pace servabit. CUM VENERIT ASSYRIUS, ut nos vexet, nos transferemus bellum in ditio. nem eius, missis eo ducibus, quos pastores & primates vocat. SEPTEM ET OCTO, id est multos.

V. 6. ET PASCENT, id est gladio Af

syrios subiciet ii duces. ET TERRAM NEMROD; hoc est, Babylonem. IN LANCEIS EIUS, id est suismet armis eos debellabit. Hebr. *in gladiis eius*. ET LIBERABIT. Christus eo actu suos liberabit, missis Apostolis, qui eos subiciant.

V. 7. QUASI ROS A DOMINO, id est Domini: ros multus. QUASI STYLLÆ SUPER HERBAM. Hebr. *quasi imbres copiosæ super fanum*. Fœnum aliis herbis altius est. Ergo crescent filii Israel inter Gentes, ubi captivi tenentur, quasi fœnum imbre decedente. Sept. *quasi agni super gramen*: sed non placet. QUÆ (herba) NON EXPECTAT VIRUM, id est sponte, sine cultura crescet, ita Israel sine ulla humana ope.

V. 8. QUASI LEO IN IUMENTIS SILVARUM, id est inter iumenta. Hoc est, non solum numero erecit, sed robore. ET CUPERIT, seu *cum capuerit*, discerperit, nemo resistit.

V. 9. EXALTABITUR MANUS TUA, o Iacob, aut o Christe, inimici tui peribunt. Quod factum videmus orbe ad Christum converso.

V. 10. AUFERAM EQUOS TUOS, omnia belli instrumenta auferam, quia pax summa erit. Quod aliis verbis Isaïas dixit cap. ii. 4. *constabunt gladii sui*.

V. 11. CIVITATES, scilicet munitas: quod proxima verba declarant: destruiam omnes munitiones tuas: longa pax id efficit, mœnia & arces sua sponte evertuntur, & cadunt, eo sine tempore. MALEFICIA. Belli tempore solent ex vanitates vigere: ergo auferam ea, sive scindam. DIVINATIONES, seu *divini*, seu *prestigiatores*, non erunt in ea.

V. 12. SCULPTILIA TUA, ET STATUAS. Per Christum idola sublata sunt.

V. 13. ET CONTERAM, seu *delebo*. CIVITATES TUAS. Sic Sept. sed cum vers. 11. dixerit, *Perdam civitates tuas*, cur hic repetit? Ideo cum Chald. vertunt plerique *inimicos tuos*, חרר *He* & *urbem* & *hostem* significat. Eritque redditio rationis, quare auferam ea præsidia; quia nulli hostes erunt.

V. 14. ULTIONEM. Non solum hostes auferam, sed & Gentes vindicabo, quæ Christo non obedierint, eas puniam.

MENOCHH.

Verf. 1. **N**UNC, id est paulo post. VASTA-
BERIS: o Assyria. FILIA LA-
TRONIS: latrocinis dedita. Filia, vel filius
latronis idem est quod latro, sicut filius ho-
minis, idem est quod, homo. Sensus er-
go est, vastaberis & tu, o vasterix Assy-
ria. OASIDIONEM POSUERUNT SUPER NOS:
scilicet Assyrii. IN VIRGA PERCUTIENT,
&c. Percussio maxillæ gravem ignominiam
significat, & ingens probrium; & fortasse
etiam Sennacherib legatos Ezechie principis
Israel a se captos percussit probrose in
maxilla, licet hoc aliunde ex Scriptura
non habeamus.

V. 2. **ET TU BETHTEHEM**, &c. quasi di-
cat: Hæc mala patietur Ierusalem; at tu
o Bethlæhem Iuda, tunc quidem exiguum
oppidum es, si cum tot urbibus Iuda ma-
gnis, & florentissimis compareris; at ma-
xima es propter ducem magnum Christum,
qui in te natus est. Ideoque quantum-
vis nunc parva, atque abiecta videaris,
omnium tamen bonorum, quæ nunc Ie-
rusalem prænuncio, origo futura es. E-
PHRATA, id est quæ prius appellabaris E-
phrata. Additum ergo est Ephrata, ut ab
alia Bethlæhem distingueretur, quæ erat in
tribu Zabulon; Iosue xxix. 30. PARVU-
LUS ES, id est populus, sive vicus. IN
MILLIBUS IUDA. Hebr. est מֵאֲלָפִים *ala-*
phim, quod primo millia significat; secun-
do Principes; tertio Chiliarchias. Vel er-
go I. sensus est, es minima, o Bethlæhem,
inter urbes Iuda, quæ multa capitum mil-
lia numerant. Vel II. es minima inter
principes urbes, aut cum principibus; quia
hactenus non multos Principes reipublicæ
Iudaicæ destitit. Vel III. Et minima in
chiliarchiis, sive coëtibus ex mille viris
constantibus in quos tribus Iuda est distin-
cta. Duo enim, tres, & plures vici ad
eamdem chiliarchiam pertinebant, quot sci-
licet satis erant ad suppeditando milles vi-
ros pugnatores, qui sub Chiliarcha, sive
ut Latini vocant, Tribuno militabant. DO-
MINATOR IN ISRAEL: Christum intelli-
git, ut patet ex Matth. ix. 6. ET EGRES-
SUS AB INITIO, &c. licet in te tempora-
liter nasciturus sis, tamen ab initio, id est
ab æterno natus es a patre.

V. 3. **PROPTER HOC DABIT EOS**, &c.
quasi dicat: Propter hoc, quia scilicet in
Bethlæhem nascetur Christus, quem Deus
decrevit & statuit salvatorem, & domina-
torem Israelis; idcirco dabit eos, id est
permittere Israël, & Iudæos affligi ab
Assyriis, Chaldeis, & Græcis, donec
Virgo Deipara pariat Christum; hic enim
erit redemptor, & salvator Israelis; om-
niumque gentium. ET RELIQUIÆ FRA-
TRUM EIUS, &c. id est, tunc reliquæ
populi Iudæorum, qui sunt fratres Christi
secundum carnem, quas reliquias sibi Deus
reservarat, converterient ad filios veros Is-
rael, id est ad Apostolos, & prædicatores
Evangelii, & se aggregabant Ecclesiæ.

V. 4. **STABIT**, scilicet Christus; quasi
dicat: Semper pascet, & regnabit; vel,
paratus erit favere. IN FORTITUDINE DO-
MENT: maxima fortitudine quam ei dabit
pater, ita ut nemo possit ei ovem ullam
rapere: vide Ioan. x. 28. IN SUBLIMITA-
TE NOMINIS DOMINI DEI SVI, id est ut
debet maiestatem nominis divini. Ita Deus
illos proteget, ac si in eo gloria nominis,
& honoris sui ageretur; indignum maie-
state sua Deus putabit non optime eos pa-
scere, & protegere. Italice diceremus, *Pi-*
gilarà a punta d' honore si difenderli, e
protegerli. CONVERTENTUR. Verti etiam
posset, *sedebunt*, vel *habitant*, vel *ma-*
nabunt, si scribatur שָׁבוּ, *iaschubū*, ut le-
git noster interpres. Sententia ergo est: sub
Christo pastore, & rege, fideles ad eum
conversi vivent in summa pace. QUA
NUNC, id est in hoc Christi tempore.
MAGNIFICABITUR: ipse Christus qui lau-
dibus celebrabitur; & regnum eius quod
amplificabitur usque ad extremos fines ter-
ræ.

V. 5. **ET ERIT ISTE PAX**, id est, Chris-
tus erit pax nostra, qui nos in pace, &
tranquillitate continebit, etiam si hostes no-
stri impetant nos, & variis tentationibus
aggrediantur. CUM VENERIT ASSYRIUS.
Per Assyrium intelligit hostes Ecclesiæ,
vel animæ fidelis, ad Assyrios respiciens
a quibus olim Iudæorum reipublica vexata
est. ET QUANDO CALCAYERIT IN DOMI-
BUS NOSTRIS; id est, quando irruent ho-
stes ut domos nostras capiant, ut scilicet
Ecclesiam expugnent, aut animas fideles.
SUSCITABIMUS SUPER EUM SEPTEM PA-
STORES, &c. id est, contra hostes nostros
exci-

excitabimus septem, immo octo, id est multos, immo plurimos principes, qui eis resistent, eosque debellant. Septenarius enim numerus in Scriptura symbolum est multitudinis; quod si addatur octonarius, magnam & ingentem multitudinem significat, ut cum dicitur Ecclesi. xi. 2. *Da partem septem, nec non 8 octo*, id est multis, immo plurimis. PRIMATES HOMINUM, id est pastores: est repetitio Chald. *Principes hominum*, id est fidelium.

V. 6. ET PASCENT TERRAM ASSUR; id est, Christus per suos Apostolos, & successores armis spiritualibus debellabit reges, & principes Assyriorum, Græcorum, Romanorum, &c. eisque convertet, ac subiiget, adeo, ut ipsi iam conversi pascant quoque, id est regant, tueantur, & propagent Ecclesiam, ut fecit Constantinus, & alii. TERRAM NEMROD, id est Babylonem. IN LANCEIS EIUS: in lanceis suis. Vel sensus est; illis ipsis annis, quæ homines in infidelitate sibi paraverant, oppugnabant infideles ipsos, ut ingenio, & dialectica Augustini. ET LIBERABIT AB ASSUR, &c. id est ab omnibus hostibus, cum nos aggredientur. CUM CALCAYERINT, &c. cum in nostros fines irruerint.

V. 7. RELIQUIAE IACOB: Apostoli, & prædicatores Evangelii. IN MEDIO POPULORUM: Gentilium. QUASI ROS A DOMINO, erunt quasi imber, & ros optatissimus, qui cælesti doctrina, & vitæ sanctitate fecundabunt terram, id est homines terreneos. QUAE NON EXPECTAT, &c. quæ ore cælesti crescit, nec opera hominum indiget, ut crescat. Ita virtute divini verbi, non hominum eloquio, populi convertentur, & salvi fient.

V. 8. QUASI LEO IN IUMENTIS. Non poterunt homines resistere spiritui loquenti in Apostolis, sed omnes vincent, & sibi subiicient, vitia in illis, & idololatriam sternentes, & occidentes.

V. 9. EXALTABITUR MANUS TUA: O Israel, O Christe, qui pugnas per tuos milites. INTERIBUNT: quatenus inimici sunt; nam in eis interficitur impietas, & genus omne vitiorum.

V. 10. AUFERAM EQUOS TUOS, &c. O Ecclesia prima, auferam omnia præsidia, & munitiones, & arma, quibus antequam convertereris, fidem oppugnabas, vel certe illi resistebas, ut victa des magnus.

V. 11. AUFERAM MALEFICIA, ET DIVINATIONES, &c. nam Infideles divinationibus, maleficiorum artibus, oraculis, &c. oppugnabant Ecclesiam, ut fecit Simon Magus, & alii.

V. 13. LUCOS TUOS: in idolorum cultum confitos. CONTRAM CIVITATES TUAS: scilicet Idololatrias, superstitionem in eis evertens. Vox חרם *harim*, etiam inimicos significat, quare Pagnin. & Vatabl. vertunt, *disperdam inimicos tuos*.

V. 14. ET FACIAM IN FURORE, &c. quasi dicat: Si quæ autem gentes post prædicationem Evangelium, adhuc credere noluerint, accrimas mihi poenas dabunt. QUAE NON AUDIERUNT. Chald. *Quæ non receperunt doctrinam legis*.

T I R L N I.

Vers. 1. **N**UNC VASTABERIS FILIA LATRONIS, id est latro seu latrocinii assueta. Hebræum *gradat* & latronem significat & militem, seu turmam vel exercitum. Inteligit autem exercitum Assyriorum, & castra Sennacherib, qui quasi latro populatus est Iudæam, & obsecit Ierosolymam, & virga perussit MAXILLAM IUDICIS ISRAEL, id est ignominiose tractavit regem Ezechiam, & principes ac legatos ipsius, Isaie xxxvi. & hanc ob causam, sicut ob blasphemias in Deum, vastatus est ab angelo, cæcis: na nocte 185 milibus militum in castris eius. De Assyriis enim hæctenus egit Michæas, itemque agit vers. 5. & 6. alitudo more suo ad Isaiam, qui in illa de Assyrio totidem verbis prædixit tum alibi a tum initio cap. xxxiii. ita Albertus, Lyranus a Lapide, & alii. Allegorice, potest applicari Ierosolymæ, ob occisos Prophetas, & Prophetarum principem Christum, a Romanis, obsequendæ, vastandæ & excidendæ: ita S. Hieronymus, Remigius, Rupertus, Albertus, Haymo, Hugo, Clarus, Lyranus & Vatablus, qui etiam literaliter id illi applicant. Hebræi & Vatablus etiam de Roma accipiunt. Et vero fuit hæc admodum iniqua in Christum primis 300. annis, sed per Constantinum vastata Roma Ethnica, ex FILIA LATRONIS facta est mater vitæ, & cathedra Pastoris ac iudicis Israel & Ecclesie universæ. Porro nosse vis, O Sennacherib, unde tibi hoc malum? & tu, Ezc-

Ezechia, unde vobis salus? certe unde minime speraras.

V. 2. TU BETHLEHEM ducem illum & regem subministrabis, cuius merito & virtute latro iste Sennacherib, qui te nunc depopulatur, & alii omnes Israhelites hostes, Chaldaei, Persae, Graeci, Asiatici, Aegyptii, Romani, suo singuli tempore vastandi & excidendi sunt. Vocatur *Bethlehem*, id est, domus panis, a loci fertilitate; quasi dicat: Locus ferax frumenti, ex quo panis conficitur. Et quia duplex erat *Bethlehem*, una in tribu Zabulon *b*, altera in tribu Iuda *e*; ut constare possit, non de illa, sed de hac loqui Michazam, additur ei cognomen EPHRATA, quod etiam fertile seu crescens *d* significat. Eratque nomen secundae uxoris *e* Caleb, a qua tota illa tam fertilis regio in sorte tribus Iuda, nomen desumpisse videtur, in qua urbs inaedificata dicebatur *Bethlehem Ephrata*, vel *Bethlehem Iuda f*, qui PARVULUS ES vicus, inquit Iansenius; vel, ut alii, parvulus populus *in* MILLIBUS Iuda, id est inter chiliarchias tribus Iuda. Singulae enim tribus a Moyse *g* olim distributae fuerant in chiliadas, seu millenarios coetus, ita per chiliadas occupabant & incolebant oppida sua, quae inde dicebantur Chiliades, id est *millia*. Porro Hebraeum *alapsum*, non tantum *millia*, seu *chiliarchiam* significat, sed etiam *principes* seu *principatus*. Unde S. Matthaeus *b* legit, *in principibus Iuda*: sed an memoria lapsus hic Evangelista, (ut quidam apud S. Hieron. blasphemae asserunt) cum pro eo quod Michazas ait, *Parvulus es*, vel, ut LXX. & Syriaci, *parvula* vel *minima es*, ipse citat, *Nequaquam minima es?* Absit, iniuriam hoc esset Spiritui sancto, cuius instinctu sic scripsit Matthaeus. Quoad sensum autem, idem prorsus dicit uterque: Michazas enim dicit, *minimam* esse Bethlehem, si domos, si ci-ves, si numerum incolarum spectes: sed *nequaquam minimam* esse, si principes ex ea seu procreatos, seu procreandos expendas. Idem, sed paucioribus verbis Matthaeus dicit, nempe, *nequaquam minimam esse*, quoad, principes, licet (ut vulgo notissimum erat, ac proinde subicitur) minima esset quoad omnia reliqua. Et forte olim etiam in Michza apud LXX. (licet iam exciderit) legebatur, *nequaquam minima es*. Certe ex illis sic lege-

runt Origines, Cyprianus, Eusebius, Ambrosius, Augustinus *i* & Theodoretus, ut omittam Arabicum tam Alexandrinum quam Antiochenum. Causam, cur nequaquam inter minimas censenda sit Bethlehem, subiungit per Prophetam Deus: Quia ex TE MINUS *k*, utpote patri filius, EGREDIETUR, id est nascetur, QUI SIT DOMINATOR, dux, rector seu rex, IN ISRAEL. Quod de Christo accipiendum esse, non modo Christiani omnes, sed & Iudaei olim unanimiter senserunt, & ita Herodi regi & populo *m* responderunt, testibus & approbatoribus Evangelistis Matthaeo & Ioanne qui responsum hoc Iudaeorum idcirco in medium afferunt, ut probent impletum fuisse in Christo illud signum Messiae, quod inter Iudaeos communi omnium confessione erat receptum, eo quod in oraculo Michazae esset expressum, ut bene advertit Franc. Suarez *n*. Chaldaeus clare vertit, *ex te coram me proliabit Christus*. Et eadem est etiam recentiorum Rabbiorum plurimorum sententia, quos citat Galatinus *o*. Porro ne putetis, cum quem iam dixi nasciturum & egressurum a Bethlehem, fore nudum hominem, similem Davidi, vel Abrahamo, ac tum primum in rerum naturam proditurum cum secundum carnem nascetur in Bethlehem; ideo nunc addo, eundem illum secundum alteram naturam suam, nempe divinam, aeterna generatione ex me egressum ac genitum, & continuo nasci atque egredi, iam inde AB INITIO *p*, id est ante res omnes creatas, immo A DIEBUS AETERNITATIS, seu ab omni aeternitate: ita SS. Patres & DD. omnes Orthodoxi, cum multis Rabbis apud praedictum Galatinum *q*.

V. 3. PROPTER HOC, scilicet quia divino decreto Christus mundi salvator nasci debet in Bethlehem Iuda, idcirco Iudaeos, etsi nunc extreme periclitantes ab Assyriis, & postea magis periclitaturos a Chaldaeis, Persis & Asiaticis, DABIT: tamen Deus peritare ac perdurare USQUE AD ILLUD TEMPUS in quo Virgo MATER PARTURIENS summo gaudio PARIET praedictum Christum in praedicta Bethlehem: ita fere Eusebius *r*, S. Hieronymus, Haymo, Remigius, & Hugo. Editio hoc par-tu, & parus curriculo in terris peracto, sine Deo collabi Synagogam, tum spiri-

F tua-

maliter, tum corporaliter, exceptis paucis reliquiis PRATRUM Christi secundum carnem, qui monitis & doctrinæ eius obsequentes CONVERTENTUR AD VEROS & genuinos FILIOS ISRAEL; id est, ex carnalibus evadent spirituales Israelitæ, æmulantes fidem, pietatem, sanctitatem: Jacobi, & reliquorum Patriarcharum ac Prophetarum cultorum & servorum Christi: ita iidem Patres. Sed corruebat Synagoga, non corruebat tamen regnum Christi; sed æternum.

V. 4. STABIT & præstabit hic rex cum regno suo, id est Ecclesia, *pascens*, regens, protegens, multiplicans maxima FORTITUDINE atque invicti robore: t oves sibi ex universo orbe iungi & subdi volentes, tam ex Gentilibus, quam ex Iudeis. Et vero pascet ac reget illas non vulgari modo, ut rexerunt patres eius, Abraham, Iacob, David & alii reges subsecuti, sed IN SUBLIMITATE NOMINIS DOMINI DEI SUT, id est ea gloria, magnificencia, maiestate que decet ipsum Deum, seu Patrem, a quo legatus missus est; seu Filium, qualis ipsemet est; seu Spiritum sanctum per quem Ecclesiam suam rector est. Loquitur autem de maiestate & excellentia doctrinæ, Sacramentorum, gratiæ & miraculorum. Et ad Christum tali modo suos tam excellentem regentem CONVERTENTUR innumeri ex omnibus nationibus terræ, per quos ipse ipsiusque regnum MAGNIFICABITUR, celebrabitur, extolletur, ampliabitur per universum mundum.

V. 5. ISTE Messias ERIT PAX, casualiter, non nostra tantum, sed & totius mundi, allaturus quietem & securitatem ab omni hoste spirituali & corporali, saltem quando & in quantum unicuique expediet, ut alibi x dixi. Ipse enim est princeps y pacis, interficiens & omnes inimicitias in semetipso. Hoc pacifico rege nixi, non tememus Assyrium, non alium quempiam tyrannum. CUM VENERIT, ut certo venturus est, SUSCITABIMUS adversus eum SEPTEM PASTORES, immo OCTO PRIMATES, id est excitabimus & subiiciemus tyrannos multos, immo plurimos militiæ principes; quasi dicat: Virtute & merito Christi erunt nobis ad manum sufficientes belli duces, cum copis militaribus sibi subiectis; qui PASCENT TERRAM ASSUR

ET NEMROD, id est Assyriam, seu exercitus Assyriacos, non præda frugum vel aliarum opum suarum, sed gladiis & LANCEIS ETUS. Et licet aliquando in penam horum scelerum suorum succubitori sint Iudæi hostibus suis Chaldeis, Persis, Asiaticis, Romanis, semper tamen.

V. 7. ERUNT RELIQUIAE IACOB, que protitæ, relectæ, aridæ & exsiccæ Synagoga: erunt QUAST imber & ROS celestis, SUPER HERBAM QUAE NON EXPECTAT VIRUM, seu manum auxiliatricem, qua irrigetur, humectetur & secundetur. Erunt nihilominus simul.

V. 8. QUASI LEO inter iumenta herouca fortitudine, audacia & robore suo tum animi, tum corporis, in hostes suos involantes, eisdemque sternentes ac dissipantes. Notat Eldram, Mardocheum, Nehemiam, Iudam & fratres eius Machabæos; sed præcipue Apostolos & discipulos Christi, qui doctrina sua quasi rore suavissimo irrigarunt arida & sitientia hominum: corda & quasi leones ad nullius hostis paverunt occursum. Exemplo sint Petrus in *Simonem bb*, Paulus in *Elymam* & magum, & omnes Apostoli in principes ad sacerdotum & magistratus populi. Nempe divina Sapiencia esse etiam per ministros suos, attingit a fine usque ad finem fortiter, & disponit omnia suaviter: ita S. Hieronymus & alii supra citati.

V. 10. IN DIE TLLA, id est tempore Messie, auferam a te, o Ecclesia mea, ex Iacob prognata, sed per Gentiles propagata: AUFERAM, inquam, EQUOS TUOS & QUADRIGAS; id est arma ff omnia ac prælidia quibus solebas Deum & Christum eius impugnare. Auferam item maleficia, Hebraice & Chaldaice, maleficia, seu præstigiatores; sculptilia, lucos & idolorum iana, ac civitates illis consecratas, Dan, Bethel, &c. quasi dicat: Tollam præcipuas scelerum occasiones & instrumenta, etsi quædam eorum videantur ad regni, id est Ecclesiæ mez propagationem ac tutamen deservire posse. Neque enim eges eiusmodi armis, neque volo, citra Inecessitatem, violentis instrumentis propagari fines tuos, sed doctrina celesti, virorum sanctitatis, pro exemplo mansuetudinis, patientiæ, ceterarumque virtutum, inquit Arias, Vatablus, & Lyranus.

V. 14. IN GENTIBUS VERO QUAE NON AU-

emanare. Explicat porro hanc æternitatem more humano, dicendo a diebus æternitatis, ac si ibi essent dies & anni: est cataractis aliqua.

V. 3. PROPTER HOC DABIT EOS USQUE AD TEMPUS IN QVO PARTURIENS PARIET, &c. Hebr. *pariens pariet*. Sane sensus loci huius optimus est de tempore nascantis Christi in Bethleem, in quo Michæas, ut solet, alludit ad Isaiam; quasi dicat: Veniet Messias, sed permittet interim vexari Israel a Chaldeis & Græcis, usque ad Salvatoris huius adventum, quando ille & hos & gentes salvabit: ita Hier. hinc proximo vers. 4. subiungit quæ Christus acturus est.

V. 5. ET ERIT PAX, &c. Continuatur hic sermo de Christo, qui pacem afferet Ecclesiæ; pacem, inquam, cum Deo & cum proximo in omni iustitia & caritate: & cum venerit Assyrius; hoc est, hostis communis nostræ Ecclesiæ, suscitabit Deus pastores & principes in Ecclesia, septem, octo, & plures pro necessitate Ecclesiæ: ita Hier. Rupert. Haymo, Hugo, Ribera, & alii.

V. 6. ET PASCENT TERRAM ASSUR IN GLADIO. Sane Christus gladio suo spirituali per hos principes debellabit infidelitatem Assyriorum, Græcorum, Romanorum, & sic deinceps explicat multiplicationem Ecclesiæ, quamvis modicus sit numerus initio; ~~ergo~~ tamen ista carent sua allusione

tacita ad tempora Ezechiz, Cyri & Machabeorum, vers. 7. non expectat virum, sed sponte & sine cultura prævenit.

V. 9. ET EXALTABITUR MANUS TUA SUPER HOSTES TUOS, &c. Pergit sub aliqua similitudine & umbra describere incrementum Ecclesiæ, quando Deus destruet omnia arma, equos, arces, & aurigas, quibus antea infidelitatem hostis defendebat. Denique uno verbo mundabit Ecclesiam Christianam Deus.


EX EIUSDEM AUCTARIO.

Vers. 8. LEO IN IUMENTIS: ita feliciter progrediatur spiritualis gladius Christi, ut nemo eorum, quos efficaciter aggreditur, resistat: tam potenter agat, ut sit quasi leo in iumentis. Similitudo est, quæ in hoc stat, quod infallibiliter capiatur præda: cum dissimilitudine in hoc, quod homines libere convertantur ad Deum.

Vers. 10. AUFERAM. Recte hoc de progressu Ecclesiæ, & conversione. In conspectu pro fide auferet Deus arma, & vires, quibus ante ut naturæ præsidii confidebant homines. Dabit & pastoribus convertendi vires supernaturales, & arma nova. Peribunt sculpeilia, & civitates idolorum: & simul poena erit pro rebellibus, speciatim etiam involventur Iudæi.

C A P U T VI.

Discepat Dominus cum ingratis, recensens collata illis beneficia, indicans etiam quid sit bonum, & quid Dominus a populo suo requirat: sed propter iniustitiam aliaque scelera filiorum Israel comminatur eis Dominus varias afflictiones.

1.  Uditæ quæ Dominus loquitur. Surge, contende iudicio adversum montes, & audiant colles vocem tuam. 2. Audiant montes iudicium Domini, & fortia fundamenta terræ: quia iudicium Domini cum populo suo, & cum Israel diiudicabitur. 3. (a) Popule meus quid feci tibi, aut quid molestus fui tibi? responde mihi. 4. Quia eduxi te de Terra Aegypti, & de domo servientium liberavi te: & misi ante faciem tuam Moysen, & Aaron, & Mariam? 5. (b) Popule meus memento quæso quid cogitaverit Balach rex Moab, & quid responderit ei Balaam filius Beor, de Setim usque ad Galgalam, ut cognosceres iustitias Domini. 6. Quid dignum offeram Domino? curvabo genu Deo excelso? numquid offeram ei holocaustomata, & vitulos anniculos? 7. Numquid placari potest Dominus in millibus arietum, aut in multis millibus hircorum pinguium? numquid dabo primogenitum meum pro scelere meo, fructum ventris mei pro peccato animæ meæ? 8. Indicabo tibi o homo quid sit bonum, & quid Dominus requirat a te: Utique facere iudicium, & diligere misericordiam, & sollicitum ambulare cum Deo tuo. 9. Vox Domini ad civitatem clamat, * & salus erit timentibus nomen tuum: Audite tribus, & quis approbabit illud? 10. Adhuc ignis in domo impii thesauri iniquitatis, & mensura minor iræ plena. 11. Numquid iustificabo stateram impiam, & saccelli pondera dolosa. 12. In quibus divites eius repleti sunt iniquitate, & habitantes in ea loquebantur mendacium, & lingua eorum fraudulenta in ore eorum. 13. Et ego ergo cœpi percutere te perditione super peccatis tuis. 14. Tu comedes, & non saturaberis: & humiliatio tua in medio tui: & apprehendes, & non salvabis: & quos salvaveris, in gladium dabo. 15. (c) Tu feminabis, & non metes: tu calcabis olivam, & non ungeris oleo: & mustum, & non bibes vinum. 16. Et custodisti præcepta Amri, & omne opus domus Achab, * & ambulasti in voluntatibus eorum, ut darem te in perditionem, & habitantes in ea in sibilum: & opprobrium populi mei portabitis.

(a) Gen. xi. 2. (b) Num. xxi. & 23. (c) Deut. xxxiii. 38. Agg. 2. 6.

BRUGENSIS

ROMANAE CORRECTIONES.

Verf. 9. Et salus erit. simentibus nomen tuum.
Non est mutandum pronomem secundae personae tuum in tertiam suum vel eius.

Verf. 16. Et ambulasti in voluntatibus eorum.
Legendum est voluntatibus, quod est, desideris, non voluptatibus, quod est, delectamentis.

COMMENTARIA

S A.

*Verf. 1. C*ONTENDE IUDICIO, id est argue Dei nomine. MONTES, id est Principes, vel superbos. COLLES: repetitio: vel qui minores dignitate.

V. 2. IUDICIUM, id est increpationem, seu disceptationem. FUNDAMENTA, scilicet superiores, qui urbes fulscent. TERRAE, scilicet populorum. DIUDICABITUR, id est disceptabit, scilicet more eorum, qui iudicio contendunt: vide Isa. XLIII.

V. 4. QUA, abundat more Hebræo. SERVIENTIUM. Chald. & LXX. *servitutis*. MOYSEN, &c. Chald. *Moyseu*, ut populum doceres; *Aaron*, ut expiaret; *Mariam*, ut mulieres instrueret.

V. 5. SETIM. Locus est in deserto seu campetribus Moab. Sensus vero est: Quid tecum fecerim a Setim usque Galgala, scilicet quantis affecerim beneficiis, vel quantum tibi nocere voluerit Balaam cum Balac usque dum venires Galgala, scilicet in Terram promissionis; utque te defenderim. IUSTITIAS, id est misericordias, scilicet beneficia.

V. 6. QUID, &c. Loquitur in populi persona, ut sic instruat. DIGNUM, id est idoneum ad eum placandum. CURVABO, &c. quasi dicat: Sufficietne genua curvare? Non; atque ita intellige reliqua, usque ad *induebo*, &c. ANNICULOS; quasi dicat, Teneros: videtur autem alludere ad illud Exod. XII. *Masculus*, anniculus, &c.

V. 7. PRO PECCATO. Chald. *pro expiatione peccatorum*.

V. 8. O, non est Hebr. Chald. aut in LXX. videtur additum explicandi causa, & recte quidem. IUDICIUM; scilicet te

condemnando ut peccatorem, & humiliter pro peccatis satisfaciendo. DILIGERE, adeoque prompte exercere. MISERICORDIAM, scilicet in proximum. SOLICITUM. Chald. *humilem*. AMBULARE CUM DEO, id est coram Deo conversari, scilicet ei obediendo, & placendo. Chald. *ambulare in timore Dei*.

V. 9. ET SALUS, &c. quasi dicat: Atque illi salvabuntur, qui Deum timentes fecerint quod per Prophetas clamando docet. NOMEN TUUM, pro, ipsum. TRIBUS, scilicet Israel. ET QUIS, &c. quasi dicat: Quotusquisque est qui approbata Deo dictum, & faciat?

V. 10. ADHUC, scilicet post tot Dei monitiones. IGNIS, scilicet avaritiae, seu iniquitatis; animam enim more ignis consumit. MINOR, scilicet quam par est. IRAE, scilicet Dei; quasi dicat, Dei iram provocans.

V. 11. IUSTIFICABO, id est approbabo. SACCELLI; pro, sacculi, scilicet in sacculis pondera asservabantur.

V. 11. ETUS, scilicet civitatis. INQUIRITATE, id est inique partis opibus.

V. 13. PERDITIO, id est calamitatis. SUPER, id est propter.

V. 14. HUMILIATIO, id est afflictio. IN MEDIO TUI; id est regione tua, scilicet erit. APPREHENSES, scilicet charos tibi, ut ab hoste ferves.

V. 15. CALCABIS, scilicet ad exprimendum oleum.

V. 16. AMRT. Hic & eius filius *Ashab* renovarunt, seu auxerunt idololatriam in Israel. VOLUNTATIBUS, id est iis quae volebant. LXX. *consilii*. Compl. *voluptatibus*. UT DAREM, &c. quasi dicat atque ita meritis es, ut te perdam. SIBILUM, scilicet irridendum te, vel calamitatem stupen-

pentium. Chald. *superem*. POPULI MER, id est quod populo meo sum comminatus Deut. xxviii. vel poenas opprobrii, quo affecistis populum meum.

E S T II.

Verf. 1. **I**NDICABO TIBI, O HOMO. QUID SIT BONUM, ET QUID DOMINUS REQUIRAT A TE: UTIQUE FACERE IUDICIUM, ET DILIGERE MISERICORDIAM, &c. Primum est facere iudicium, ut videlicet per opera iustitiae vitam consequamur. Secundo diligere misericordiam, ut videlicet per opera misericordiae veniam impetremus. Tertio sollicitum ambulare cum Deo, ut nimirum a iustitia per baptismum, vel reconciliationem accepta, non excidamus. Ad eam enim rem vehementer expedit, semper sollicitum esse, & numquam securum de salute, iuxta illud Proverb. xxviii. *Beatus homo, qui semper est parvus*: & I. Cor. x. *Qui se existimat stare, videat ne cadat*. Et huiusmodi loca diligenter notanda sunt contra perniciosam securitatem, quam suis sectatoribus ingerunt haeretici nostri temporis; requirentes ab eis fidem, id est presumptionem, qua certo statuant sibi peccata remissa; & Christum per omnia pro nobis satisfecisse, ut nihil nobis poenarum temporalium subeundum sit. Sed contra monet Paulus ad Philipp. ii. *Nempe, ut cum metu & tremore salutem suam operentur*.

M A R I A N A E.

Verf. 1. **S**URGE tu Propheta. CONTENTE IUDICIO ADVERSUM MONTES. Hebr. *litigat ad montes*, aut *cum montibus*; id est, increpa Reges & proceres, quos per montes & colles intelligit.

V. 2. AUDIANT MONTES IUDICIUM DOMINI. Hebr. *audite montes litam Domini*, id est increpationem. Et PORTA FUNDAMENTA TERRAE. Sic proceres etiam vocat, quibus populus innititur ut fundamentis. QUIA IUDICIUM DOMINI. Hebr. *lis Domino* cum populo. DETUDICABITUR, arguetur, disceptabit. Id ut fiat, commemorat beneficia populo data.

V. 5. QUID COGITAVIT BALACH, seu consulerit. Voluit populo per Balaam maledicere, Num. xxi. Balaam autem no-

luit id facere a Deo prohibitus, ac potius illi benedixit. DE SETIM USQUE AD GALGALAM. Tunc populus in Setim erat, Numer. xxv. t. Balaam varia loca mutavit, si posset obsequi Regi, toto eo tractu, qui a Setim ad Galgala pertinet: sic Hieronymus haec verba explicat. UT COGNOSCERES IUSTITIAS DOMINI; id est, id feci ut videres me promissis stare.

V. 6. QUID DIGNUM OFFERAM DOMINO? Verba sunt populi. Hebr. *in quo praeveniam Dominum?* CURVABO GENU. Hebr. *curvabo me Deo excelsio*. NUMQUID OFFERAM ET HOLOCAUTOMATA, &c. Hebr. *num praeveniam eum in holocaustis, in vitulis animalibus?*

V. 7. NUMQUID PLACARI POTEST DOMINUS. Hebr. *num vales Dominus*, aut *placebit Domino?* IN MULTIS MILLIBUS HIRCORUM PINGUTUM? Sept. *in decem millibus hircorum pinguium*. Hebr. *in myriadibus torrentium olei*: sic Chald. id est multo oleo oblato, aut multo adipe, id est multis pinguibus animalibus: nam יָוֶן *femen* utrumque significat, *adipem & oleum*. Porro suspicor Sept. non posuisse *חֲמִשָּׁאִין*, id est *hircorum*, sed *חֲמִשָּׁאִין* id est *torrentium*: locum a librario vitiatum, ad Hieronymum transisse. Alioqui quid commercii torrentiosus cum hircis? DABO, id est offeram. PRIMOGENITUM. Ut gentes solebant idolis mactare filios, aut offeram illum divinis obsequiis.

V. 8. INDICABO. Hebr. *indicavit*, aut *indicabit*, scilicet Deus. O HOMO. O neque Hebr. est, nec Graece, nec in Goth. FACERE IUDICIUM, colere iustitiam. DILIGERE MISERICORDIAM erga alios. SOLICITUM. Hebr. *humilitatum*. AMBULARE CUM DEO, id est illi subici, eum colere suppliciter.

V. 9. VOX DOMINI AD CIVITATEM. Reddit ad increpationem. *Vox Domini ad civitatem*, id est cives ad poenitentiam vocat. SALUS ERIT TIMENTIBUS. Hebr. *sapientia* (pro, *vir sapiens*) aut *essentia*, *constantia* (vir constans) *sinebit nomen tuum*, id est te. Vox דְּוִשָׁא *essiah* multa significat, sed praecipue *essentiam*. AUDITE TRIBUS, scilicet Israel: sic Sept. ET QUIS APPROBABIT ILLUD? scilicet verbum: pauci illud accipient. Hebr. *audite virgam* (id est, supplicium decretum) & *quis constituet illam*, scilicet vir-

virgam: quis servabit decretum, aut cavebit supplicium?

V. 10. ADHUC IGNIS IN DOMO IMPII. Rapina instat ignis est. Omnia alia consumit quæ fur ante habebat. Sept. *numquid ignis in domo impii?* Hebr. *adhuc nonne sunt in domo impii thesauri iniquitatis?* ET MENSURA MINOR IRAE PLENA. Hebr. *& ephi deficiens abominabilis.* Sed ephi pro mensura in genere sumi potest, ut Amos VIII. 5. dictum est. Et ira plena vocatur, quia eam Deus detestatur. Explicat quomodo impii eos thesauros contruant, adulterando mensuras & pondera.

V. 11. STATERAM IMPIAM. Hebr. *stateram iniquitatis*, id est inquam, fraudulentam. ET SACCELLI PONDERA, scilicet pondera quæ sunt in sacculo. Hebr. *& in sacculo lapides doli*, id est dolosus: sed lapidea pondera erant, quæ in sacco servabant.

V. 12. IN QUIBUS, id est per quæ pondera, stateras, mensuras. DIVITES EIUS, scilicet urbis, de qua loquitur. REPLETI SUNT INIQUITATE, id est thesauris iniquis. Hebr. *cuius (urbis) divites repleti sunt rapina.* Iis fraudibus divites sunt facti. LOQUEBANTUR MENDACIUM, ii cives, ut alios deciperent, quod avidi mercatores faciunt.

V. 13. COEPI PERCUTERE TE. Hebr. *cruciavi* (ut Sept.) *percutiendo te desolando propter peccata tua.* Vocem *חוריתי* *hebelshi* Hieronymus a *חלל* *halal* deduxit, quo est incipere: alii a *חל* *hol*, dolere. SUPER PECCATIS TUIS, id est propter peccata tua feci tibi dolorem, cruciavi te.

V. 14. ET MUMILIATIO TUA IN MEDIO TUI, id est paupertas: non poteris, ut dixit, saturari. ET APPREHENDES, consequeris hostes, & non redimes pretio, scilicet captivos. Hebraei longe aliter: *& zanger* (uxorem) *& non servabis*, aut *proiciet* (factum) *& quod servabis*, aut *proiciet* (id est pariet) *gladio tradam*: *לפני palat pro eicere e ventre*, seu parere sumunt. Atque hæc erit præcipua humiliationis causa, carere filiis.

V. 15. ET CUSTODISTIS PRÆCEPTA AMRI. Amri & eius filius Achab impietatis Ieroboam præcipui instauratores fuisse, & populum ad id pertraxere. IN VOLUNTATIBUS EORUM. Hebr. *in consiliis eorum ambulasti*, scicisti quod consuluerunt.

UT DAREM TE. Sic factum est, ut darem te in desolationem. ET HABITANTES IN EA, scilicet urbe Ierusalem, aut Samaria, de qua loquitur. IN SIBILUM, id est, contemptum. ET OPPROBRIUM POPULI MEI PORTABITIS. Quo vos populum afflictis, eius dabitur poenas. Aut *populi opprobrium*, id est maledicta ab eo contra vos iacta portabitis.

M E N O C H I I.

Vers. 1. AUDITE: o cives Ierusalem, o Iudæi. QUAE DOMINUS LOQUITUR: ad me Michæam, ut eadem vobis annunciem, & referam. SURORE, CONTEDE. Dicit ergo mihi Deus surge, & contende iudicio; id est, discepta cum Iudæis, eosque de sceleribus argue. ADVERSUS MONTES, &c. Citantur hic montes ut rei, eo quod in montibus erecta essent idola: est prosopopeia ad augendum pathos. Vel *montes*, & *colles* vocat reges, & magnates, ut etiam iidem sequenti versiculo vocantur *fundamenta terre*, qui scilicet terram sustinent, sine quibus minores vitam tueri non possent. CONTEDE IUDICIO. Hebr. *רִיב* *rib*, oburga, increpa.

V. 2. FORTIA FUNDAMENTA TERRÆ. Vide dicta superiori versiculo. QUIA IUDICIUM DOMINI CUM POPULO SUO; id est, quia *lis est Domino cum populo suo*, ut aliqui vertunt. DIUDICABITUR: iudicio contendet, & disceptabit. Pagnin. *Et cum Israel disputate vult.*

V. 3. POPULE MEUS, &c. Est initium expostulationis Dei; quasi dicat, Licet per me, ut quemadmodum ego tibi malefacta exprobro, ita tu mihi vicissim exprobres, si quid habes adversum me. Simile est illud Isa. XLIII. 26 *Reduc me in memoriam, & iudicemur simul, narra si quid habes, ut iustificeris*, id est ut iuste pro te sententia feratur.

V. 4. MOYSEN, AARON, ET MARIAM. Chald. habet: *Misi ante te tres prophetas, Moysen, Aaron, & Mariam; Moysen ad docendum iudiciorum traditionem, Aaron ad expiandum populum, Mariam ad eruditionem seminatum.* Ita etiam Di. Hieron. & alii.

V. 5. QUID COGITAVERIT BALACH. Memento Balaam consilium dedisse Balach, ut per mulieres te deciperet, & ita in

eo tractu, qui est a Setim trans Iordanem, usque ad Gulgala ad Iordanis transitum, omnino perisilles insidiis, & machinationibus illis, nisi ego te servassem. Ut cognosceres iustitias Domini; id est, ut ita videres quam iustus sim, & fidelis in meis promissis. Vel, ut semper Deum coleres, & eius præcepta servares.

V. 6. Quid dignum offeram, &c. Sunt verba populi penitentis. CURVABO GENU, &c. quasi dicat: Quid faciam, aut quid Domino offeram, ut gratiam eius promerear? An genua flectam? An immolabo victimas, & holocausta?

V. 7. NUMQUID PLACARI POTEST, &c. Responso est prophetæ; quasi dicat, Minime: non placabitur Deus externis hinc ceremoniis, nec sacrificiis, nec vult sibi filios aut filias offerri in holocaustum, ut superstitione faciebant Idololatæ, Moloch infando hoc sacrificii genere colentes.

V. 8. FACERE IUDICIUM, scilicet te ipsum condemnando ut peccatorem, & humiliter pro peccato satisfaciendo. DILIGERE MISERICORDIAM: in proximos, & illam promptè exercere. AMBULARE CUM DEO, id est coram Deo conversari, scilicet ei obediendo, & placendo. Chald. *Ambulare in timore Dei*: sollicitè cavendo ne quid contra illius legem, & voluntatem peccetur.

V. 9. VOX DOMINI, &c. quia longissime ab his tribus enumeratis aberant, iterum redit ad eorum reprehensionem. AD CIVITATEM, Ierusalem. SALUS ERIT TIMENTIBUS NOMEN EIUS; quasi dicat: Atque illi salvabuntur, qui Deum timentes ea fecerint, quæ Deus docet, clamando per prophetas. NOMEN EIUS, id est ipsum. ET QUIS APPROBABIT ILLUD? quasi dicat: Scio fore paucos qui probent, & effectum dent, quod ego dicam, & Dei nomine vociferabor.

V. 10. IGNIS IN DOMO IMPII, &c. quasi dicat: Post tot monita, & increpationes prophetarum, adhuc impii retinent aliena inique paria, sed illis convertentur in ignem, qui domos eorum populetur, & absumat: sic D. Iacob. in sua epist. cap. v. 3. *Aurum*, inquit, & *argentum vestrum ariginavit: & arugo eorum in testimonium vobis erit, & manducabit carnes vestras, sicut ignis*. MENSURA MINOR TRAE PLENA. Quantum detrahunt mensuris, quas

dolose minores faciunt, tantum eis addetur iræ divinæ, ut impleantur.

V. 11. IUSTIFICABO: putas mihi placere posse fraudes in mensuris, & ponderibus quas damnavi lege mea? Deut. xxv. 13. legimus: *Non habebis in saculo diversa pondera, maius, & minus. SACCELLI: sacculi, in quo pondera servabantur.*

V. 12. IN QUIBUS: quorum iniquorum ponderum usu. Pagnin. & Vatabl. vertunt, *Cuius (scilicet civitatis) divites repleti sunt iniquitate*. Itaque vox cuius, referenda est ad illud versiculi 9. *Ad civitatem, &c. vel ad illud, Audite tribus. REPLETI SUNT INIQUITATE: non tam divitiis quam scelere, & iniquitate repleti sunt. Vel per iniquitatem intelligit inique paritas opes. HABITANTES IN EA: civitate. LOQUEBANTUR MENDACIUM: asserentes merces esse incorruptas, & sinceras, & pondus iustum.*

V. 13. COEPI PERCUTERE TE. Variis cladibus & porro pergam, quia non respicis. Pagnin. & Vatabl. vertunt: *Ego quæ agrotare feci te, percutiendo, & desolando te, propter peccata tua.*

V. 14. TU COMEDIS, ET NON SATURABERIS. Etiam si multas vires divitiarum, non tamen convertentur in succum tuum. Ital. diceremus, *Mangiarai, ma non ti farai pro*. Vel sensus est, In obsequio, & captivitate ita parce comedes, ut non satureris. HUMILIATIO TUA IN MEDIO TUI, id est in terra tua affligeris ab hostibus: vel, Causam harum calamitatum non est quod in hostes reicias; tu peccatis tuis es causa tuæ humiliationis. Aliqui vertunt, *Depressio eris in medio tui*, ut sit sensus: Venter tuus olim cibo tumidus, & turgidus, præ fame, & inanitate deprimetur, sequè contrahet, & coarctabit. APPREHENDES, ET NON SALVABIS, id est apprehendes uxorem tuam, & eum illa confuses, sed sortem quem conceperit non salvabis, quia abortum faciet. Pagnin. vertit, *Tanges uxorem tuam, & non servabis conceptum*. ET QUOS SALVAVERIS, &c. Quod si vivum fuerit enixa, illum gladio hostium tradam, ut occidatur.

V. 16. CUSTODISTI PRÆCEPTA AMRI, &c. eos, a quibus animo, & voluntate distidebas, impietate, & cultu idolorum imitatus es, scilicet Amri regem Israel, & eius filium Achab, qui impietatis lectionem,

bonam, bellis quodammodo collapsæ, restauratores fuisse videntur: III. Reg. xvi. **OPUS DOMUS ACHAB.** Quod, erat idololatria, impietas, cædes prophetarum, expilatio civium, & alia scelera. **AMBULASTI IN VOLUNTATIBUS EORUM.** Ea sequens, quæ illi volebant. **LXX. Confiliis, Complut. Voluptatibus,** illa sectans & amplectens, quæ illis erant cordi: **UT DAREM TE IN PERDITTONEM.** Particula, *ut*, non intentum finem significat, sed id quod sequitur; quasi dicat: Inde consequetur, o Ierusalem, ut disperdam te. **HABITANTES IN EA,** id est in te, est enallage personæ. **IN SIBILUM.** Sibilus popularem irrisiionem, & insultationem in miseros indicat: sic. Thren. II. 15. *sibilaverunt, & moverunt caput.* **OPPROBRIUM POPULI MEI PORTABITIS:** vos execrabuntur omnes tamquam cladium omnium, quas res publica passa est, auctores, & originem præcipuam.

T I R I N I.

Verf. I. **SURGE,** o Michæa, & meo nomine **2.** **MINIME CONTENDE IUDICIO,** a id est licet iudicalem institue **ADVERSUM MONTES b ET COLLES** Iudææ, quibus quasi *foribus fundamentis*, seu fulcris *terra* fulcitur, firmatur & continetur, ne vel impetu ventorum, vel aquarum inundatione diffuatur aut dissipetur. Est prosopopœia, qua **MONTES**, ut personæ vivæ, rationales & scelerum reæ, citantur ad tribunal: quia per aras & idola, per victimarum nidorem, sanguinem, cineres, offa, quæ sinu suo fovebant, muta sed clara voce probante admissa in se scelera. Sed per metonymiam intelliguntur ipsi Iudæi incolæ & accolæ *montium*, quibus scatebat tota terra sancta. Symbolice, designantur principes & magistratus, fundamenta & fulcra reipubl. qui in populo eminent sicut montes *c* in terra: ita S. Hieron. Haymo, Remigius, Lyranus & Vatablus.

V. 4. **ÆGYPTUS** vocatur **DOMUS SERVIENTUM**, Chald. **LXX. servitutis**, non solum quod ibi servierint Israelitæ, sed etiam quod ipsimet Ægyptiî fuerint antonomastice *servi*, a Noe quondam maledicente filio suo **Cham** cuiusque posteris, servituti addicti, Gen. ix. **Servus servorum** etiam *fratribus suis*, inquit Arias & Vata-

blus. Filius enim Cham fuit *Mesraim* primus Ægypti incolæ, pater & nomenclator Ægyptiorum; Hebraice enim Ægyptus vocatur *mesraim*. **ET MISTI ANTE SE** *rer Prophetas*, (ita vertit Chald.) **MOYSEM, ET AARON, ET MARIAM:** *Moysem ad docendum iudicium traditionem, Aaron ad expiandum populum, Mariam ad eruditionem seminarum*; quasi dicat: Dedi vobis talia capita familias, quibus meliora vel optare non potuissetis: ita S. Hier. & alii supra citati. Ex hoc loco Michæa, simul & ex Jerem. xi. desumpsit Ecclesia pro officio Parasces threnos illos, quasi Christi de cruce cum Iudæis expostulantis certe elegantissimos, qui etiam læxa corda solvant in lachrymas. Et similem expostulationem in die iudicii reprobis a Christo iudice intentandam habes inter opera S. Augusti, tomo ix. tractatu de Vanitate sæculi cap. tti.

V. 5. **MEMENTO**, quam noxium tibi, quam petilens consilium **BALAAM** ariolos iugesserit *Balachio r-gi* **MOAB**, nempe ut puellas Moabitides & Madianitides speciosas, quasi vendituras edulia Israël, in castra submitteret, non una aut altera vice, sed continuo per omne Israël iter a **SETIM** USQUE AD **GALGALAM**, id est ab initio ulque ad fines regni sui: ut tanto prolixior esset hæc puellarum tentatio, & ad fornicationem, & per hanc ad idololatricam sollicitatio: atque ita continuo & diu peccarent Israelitæ, ideoque deferrentur a Deo, & deserti exderentur & escinderentur a Moabitibus. Et vero successisset exitiale consilium, nisi tempore id per Moysen Deus discussisset, occurrendo primis initiis, primoque delinquentes principes suspendendo, & 24. millia de populo similiter occidendo *d*. **UT COGNOSCERES** & reipsa experireris **TUSTETIAS DOMINI:** quibus ut sua compleret facta olim patribus tuis promissa, de te perducendo in terram sanctam, impedimenta eius rei tam diabolica, quam humana, provide benigneque omnia sustulit, noxios puniens, innoxios in terram promissam sine noxa inducens.

V. 6. **QUIN** tantis beneficiis recognoscendis **DEGNUM OFFERAM DOMINO?** Verba sunt populi Iudaici, acerrima Prophetæ increpatione commoti ac respicientis. Quid, inquit, faciam, ut placatum mihi reddam Deum? sufficere *curvare illi* **GENU,** &

exter-

externis ceremoniis, holocaustis, aliisque victimis illum honorare? vulne Deus,

V. 7. PRIMOGENITUM filium MEUM offeram illi in expiatione omnis sceleris mei, ut Moloch & seu Saturnus deposeat a cultoribus suis? Minime gentium: causam alibi f dedi.

V. 8. QUID VERO DOMINUS omnino REQUIRAT A TE, INDICABO TIBI; Hebraice *indicavit*, scilicet per Moysen, per varios Prophetas, tandem etiam per me: unde iterum indicabo iam tibi, & memoriam rescabo. UTIQUE FACERE IUDICIUM, vel iustitiam, id est complere quod iure debes sive Deo, sive proximo, sive tibi; sive illud debeas obligatione iustitiae, sive obligatione charitatis, sive religionis, sive poenitentiae, sive gratitudinis, sive cuiuscumque alterius virtutis. Iudicium enim opponitur *miseriordia*, quae significat opera liberalia & indebita, seu charitatis, seu aliarum virtutum. Per utrumque vero simul iunctum, puta per Iudicium ET MISERICORDIAM, significare solet Scriptura g omne virtutis officium omne opus bonum. Omne enim vel debitum est, & ita est iudicium: vel est indebitum & est *miseriordia*. Porro duplici isti officio iudicii & *miseriordiae*, mox vers. 10. opponit duplicem ludaeorum iniquitatem, nempe *iniustitiam* & *immiseriordiam*, puta dolosas mensuras & alias fraudes. Tertium quod requiritur a te, est, SOLLICITUM AMBULARE CUM DEO TUO. Hebraeorum, *tsana* significat *agere humiliter* & *submisce*, ut vertit Chaldaeus, Vatablus Pagnin. & alii recentiores: item *agere prompte ac sollicito*, ut vertit S. Hieron. LXX. Theodotion & quinta editio. Nam ob sublimem ac tremendam Dei maiestatem, in cuius praesentia columnae caeli contremiscent, non possumus vilissimi terrae vermiculi, toties laetiae maiestatis eius rei, non nisi summa humilitate, nostrisque deiectione, ac submissione cum ipso agere, nutus eius omnes sollicite observando, & promptissime exequendo. Ita teste Scriptura ambularunt cum Deo Henoch, Noe, Job, Tobias, David b, & alii Sancti. Ad hanc sollicitudinem ambulandi perpetuo cum Deo excitandam,

V. 9. VOX TUBALIS DOMINI per me CLAMAT AD universam CIVITATEM Ierosol. Et vero SALUS ERIT audientibus hanc

vocem, & iuxta illam TIMENTIBUS NOMEN TUUM, id est colentibus te, & ferventibus tibi, o Deus. Ceteri omnes fame, gladio, peste peribunt. AUDITE ergo TRIBUS Iuda (est enim Hebraice singularis numeri:) *audite*, inquam, scelerarum, infame, probrosum opus vestrum, quod nunc in iudicio Dei publice arguo: ET quis tam impudens, qui audeat ILLUD suo calculo *approbare*? ita Rupertus.

V. 10. ADHUC iam post tot monita & minas caelestes, *ignis* i avaritiae & iniustitiae ardet in DOMO IMPII populi. Testes sunt THESAURI INIQUITATIS, seu iniquis artibus comparati, ET MENSURA iusto MINOR, & proinde PLENA IRAE & vindictae divinae: quod enim deest illi in capacitate; supplebitur atque implebitur ira & ultione Dei. Quid enim? Ego qui Deus sum, adeoque ipsa iustitia.

V. 11. IUSTIFICABO; id est, iustam habebis & declarabo, aut certe dissimulabo vel impunitam relinquam, STATERAM iniustam? & *saccelli* (seu, sacculi, in quo circumferuntur) PONDERA DOLOSA, quae lege k mea tam severe prohibuit? Metonymice intelligit mercatores utentes statota & ponderibus dolosis.

V. 13. COEPI quidem iam PERCUTERE TE sterilitate tum terrae, tum uteri, perdente fructus tuos; sed longe acrius laeviam in te, ni desistas ab hac scelerata pauperum exhaustionem.

V. 14. HUMILIATIO TUA IN MEDIO TUI; id est, humiliaberis, deprimeris, deiciaris non solum in finibus aut angulis terrae tuae sed & in mediis visceribus, excisa urbe tua regia, cum templo & omnibus palatiis tuis. APPREHENDES & ocellis subinde fructus aliquos tum uteri, tum agri tui, puta proles & segetes: sed NON SALVABIS, nec tibi retinebis, Chaldaeo omnia rapiente, sibi quae vendicante. Ecce in quantas devolveris miseras, eo quod nolis ambulare, ut monebam, cum Deo tuo, sed

V. 16. AMBULASTI cum AMRI ET ACHAB l regibus Israel impiis atque idololatriis, obsequens VOLUNTATIBUS, id est placitis & institutis eorum, & *custodiens* PRAECEPTA ET OMNE OPUS DOMUS, sed m familiarum eorum, perinde ac si fuisses ex servis ac mancipiis ipsorum. Adeo sollicite ipsos sequeris atque imitaris in idololatria, in cetero Prophetarum n, in expiatione o

pauperum, in aliis sceleribus: ita Theodoretus. Unde ET OPPROBRIUM POPULI MEI, puta excidium, captivitatem, irrisiōnem & fannas hostiles, vos o divites, o principes, PORTABITIS, prae aliis omnibus, quia maior & ponderosior pars in vestros humeros incumbet.

- (a) Jerem. 11. 9. & xxi. 29.
 (b) Isaiz 1. 2.
 (c) Psal. lxxi. Habacuc 117. 6.
 (d) Num. xxv. 9. &c.
 (e) Levi. xviii. 1. Ili. Reg. xi. 5. & IV. Reg. xxi. 10. Jerem. xix. 5.
 (f) Isaiz 1. 11. Jerem. vi. 20. Amos v. 22.
 (g) Psal. 61. Psal. lxxxi. 12. Psal. lxxiv. 17. Psal. lx. 8.
 (h) Genes. v. 22. Genes. ix. 10. Job 31. 28. & xxv. 22. Tob 14. 6. Pl. Ezech. 10. 57.
 (i) Isaiz 1. 11.
 (k) Deut. xxv. 13.
 (l) Ili. Reg. xvi. 16. Ibid. vers. 30.
 (m) Ibid. in fine cap. ult.
 (n) Ibid. cap. xviii. 13.
 (o) Cap. xxi. vers. 2. 19. &c.
 (p) Deut. xxviii. 36. & Levin. xvi. 32.

G O R D O N I.

Vers. 1. **T**otum hoc caput videtur esse ad Indam & Benjamin, si (quod probabile est) hæc dicta fuerunt post septimum annum regnantis Ezechiz; quo annu vel præcedente translatae sunt decem tribus. Vers. 3. incipit iudicium eum populo: commemorat beneficia quæ reponit Ecclesia hebdomada sancta, & opponit ingratitudinem Iudæorum qui Dominum crucifixerunt. De Balac & Balaam vide Num. xxi. & xxii. ex Setim missi exploratores in Iericho, Iosue cap. 11. Porro de Setim usque ad Galgala, vide Iosue v. Sane, ut colligitur ex Num. xxv. impius Balaam consilium regi Balac de-

dit, ut immisissis puellis tentatriciibus in Iudæos inducerentur Israelitæ ad peccatum, & sic vinci possent: vide Num. xxiv. 14.

V. 6. Propheta in hoc iudicio inducit populum loquentem, penitentem, & penitentem quid sit agendum; ut subiungat sanum consilium, vers. 8. nempe placari Deum non solo ritu externo, non iugulatione filiorum, aut idololatrarum sacrificiis: sed veritate, iustitia, misericordia, & sollicita unione cum Deo, sollicite, hoc est, obediendo, placendo, timendo. Septuaginta, ἡ ἰστορία, paratum esse. Hebr. *modeste & humiliter*: *פניו* est *humiliare*.

V. 9. VOX DOMINI AD CIVITATEM, &c. Post offensam viam salutis, addit aculeum & minas ad movendum, ac demum excidium nisi resipiscant: nam adhuc, inquit, peccatur; IN DOMO IMPII est (vers. 10.) thesaurus iniquitatis, est mensura minor, iniusta statera, & pondera in sacco dolosa.

EX EIUDEM AUCTARIO.

Vers. 1. SURGE, inquit Dominus ad Michæam. Adversum etiam iurantem, ubi erant domicilia idolorum, contendere. *רִיב* *rib*, obiurga: rad. *רִיב* *rub*, *ligare*.

Vers. 3. POPULUS MEUS. Principium expositulationis cum ingrato populo.

Vers. 6. Verba populi penitentis.

Vers. 7. Respondet Propheta, Numquid, &c. ac si diceret, Minime.

Vers. 8. Propheta docet, & dat consilium.

Vers. 9. Et redit ad reprehensionem.

Vers. 16. Amri & alios impios principes secuti estis.

C A P U T VII.

Luget Propheta tam paucos esse reliquos qui non sint iniqui: in nullo homine ostendit esse confidendum, sed in solo Deo salvatore: qui miserebitur Sion; & pudesatis inimicis, eam ad se reducet, complens factas ad patres promissiones.

1.



AE mihi, quia factus sum sicut qui colligit in autumno racemos vindemiæ: non est botrus ad comedendum, præcoquas ficus desideravit anima mea. 2. Periit sanctus de terra, & rectus in hominibus non est: omnes in sanguine insidiantur, vir fratrem suum ad mortem venatur. 3. Malum manuum suarum dicunt bonum: princeps postulat, & iudex in reddendo est: & magnus locutus est desiderium animæ suæ, & conturbaverunt

eam. 4. Qui optimus in eis est, quasi paliurus: & qui rectus, quasi spina de sepe. Dies speculationis tuæ, visitatio tua venit: nunc erit vastitas eorum. 5. Nolite credere amico: & nolite confidere in duce: ab ea, quæ dormit in sinu tuo, custodi claustra oris tui. 6. (a) Quia filius contumeliam facit patri, & filia confurgit adversus matrem suam, nurus adversus socrum suam. (b) & inimici hominis domestici eius. 7. Ego autem ad Dominum aspiciam, expectabo Deum salvatorem meum: audiat me Deus meus. 8. Ne læteris inimica mea super me, quia cecidi: confurgam, cum sedero in tenebris, Dominus lux mea est. 9. Iram Domini portabo, quoniam peccavi ei, donec causam meam iudicet, & faciat iudicium meum: educet me in lucem, videbo iustitiam eius. 10. Et aspiciet inimica mea, & operietur confusione, quæ dicit ad me. Ubi est Dominus Deus tuus? Oculi mei videbunt in eam: nunc erit in conculcationem ut lutum placentiarum. 11. Dies, ut ædificentur maceræ tuæ: in die illa longe fiet lex. 12. In die illa & usque ad te veniet de Assur, & usque ad civitates munitas; & a civitatibus munitis usque ad flumen, & ad mare de mari, & ad montem de montem. 13. Et terra erit in desolationem propter habitatores suos, & propter fructum cogitationum eorum. 14. Pasce populum tuum in virga tua, gregem hereditatis tuæ, habitantes solos in saltu, in medio Carmeli: pascuntur Basan & Galaad iuxta dies antiquos. 15. Secundum dies egressionis tuæ de Terra AEgypti ostendam ei mirabilia. 16. Videbunt gentes, & confundentur super omni fortitudine sua: ponent manum super os, aures eorum surdæ erunt. 17. Lingent pulverem sicut serpentes, velut reptilia terræ perturbabuntur in ædibus suis: Dominum Deum nostrum formidabunt, & timebunt te. 18. (c) Quis Deus similis tui, qui auersus iniquitatem, & transis peccatum reliquiarum hereditatis tuæ? non immet ultra furorem suum, quoniam volens misericordiam est. 19. Re-

ver-

vertetur, & miserebitur nostri: deponet iniquitates nostras, & proiciet in profundum maris omnia peccata nostra. 20. Dabis veritatem Iacob, misericordiam Abraham: quæ iurasti patribus nostris a diebus antiquis.

(a) Matth. x. 29. (b) Matth. x. 28. f. a) Ier. x. 6. Act. x. 43.

B R U G E N S I S

ROMANA CORRECTIO.

Verf. 17. Velut reptilia terræ perturbabuntur in adibus suis. Ita emendarunt correctores, secuti LXX. tamen altera lectio perturbabuntur de, quod est eicientur ex a-

dibus suis Hebræo similiter sit.

Sequitur: Dominum Deum nostrum formidabunt. Pro formidabunt; quod est, pavebunt, non scribas desiderabunt; quod est, cupient.

C O M M E N T A R I A

S A.

Verf. 1. M I H I. Vox Prophete. VINDICEMIAE, id est post vindictam, scilicet si quid forte relictum sit, NON EST, &c. quasi dicat, Nec invenio quidquam, scilicet aliquem conversum post meas monitiones. PRAECOQUAS, id est bonas, nam primæ optimæ, vel quasi dicat, Citam conversionem peccatorum.

V. 2. PERIIT; quasi dicat, Vix quicquam bonus reperitur. SANCTUS. Chald. *miseriors. LXX. religiosus, seu pius. RECTUS. Chald. verax. LXX. corrigens,* scilicet se. IN SANGUINE; pro, sanguini, id est vitæ proximi, seu iis quibus sustentatur. VIR, id est quisque. VENATUR. id est per insidias, seu sollicitè, quærit.

V. 3. IN REDDENDO EST, id est reddit quod ille inique petit. MAGNUS, id est potens, seu qui in dignitate est. DESTINATUM, scilicet iniquum optans impleri. EAM, scilicet terram, de qua sup.

V. 4. PALIURUS; quasi dicat, Spinosus & asper: talis enim is frutex, scilicet hædit proximos. DIES, scilicet calamitosus. SPECULATIONIS TUAÆ, id est prædictus a tuis speculatoribus. scilicet Prophetis, vel inquisitionis, seu vigationis, ut statim explicat. NUNC, id est cito. EORUM, scilicet iniquorum, de quibus hætenus.

V. 5. DUC. Chald. propinquo. EA, scilicet uxore. CLAUSTRA, &c. quasi di-

cat, Ne ei credas arcana tua. LXX. *caute ei aliquid credas*, id est committas, quasi dicat, Ne fidas ei.

V. 7. ASPICIAM, eique fidam, non hominibus. SALVATOREM, id est liberatorem: forte Iesum Christum intelligit.

V. 8. NE LAETERIS, &c. verba Ierusalem. INIMICA, scilicet Babylon, seu civitas malorum. TENEBRIS, id est calamitate. LUX, &c. quasi dicat, Restituet mihi pristinam lætitiā. Chald. & LXX. *illuminabit me.*

V. 9. IRAM, punitionem. IUDICIUM, scilicet puniens hostes, qui me oppresserunt iniquo animo. Chald. *iniuriam meam ulciscatur.* LUCEM, id est prosperitatem. IUSTITIAM, scilicet qua punit malos; vel pro, misericordiam.

V. 10. IN EAM; pro, in ea, scilicet quod sequitur. Chald. *ruinam.* LXX. *eam,* scilicet patientem quod meretur. NUNC, id est cito.

V. 11. DIES, id est tempus, scilicet tunc erit, expugnata videlicet Babylonia a Persis. MACERIAE, id est parietes ædificiorum, seu ruinæ. TUAÆ, scilicet o Ierusalem. LEX, id est præcepta, seu imperium; quasi dicat, Non eris subdita Babylonis.

V. 12. AD TE, scilicet o Babylon. ASSUR, scilicet Persi & Medi cum Assyriis. FLUMEN, scilicet Euphratem. AD MARE, &c. quasi dicat: Occupabunt tua loca prope aquas sita, & montana, transientes ab uno ad aliud, ut solent hostes.

V. 13.

V. 13. TERRA, scilicet Babylonie.

V. 14. PASCE, scilicet o Domine. Vetera Prophetæ videntis velut præsentem captivitatem. VIRGA, id est baculo pastorali, scilicet providentia tua. Chald. *verbo tuo*. SOLOS, id est destitutos. IN SALTU; pro, velut in saltu inter scerras, id est Gentiles. IN MEDIO. Responsum Dei; quasi dicat, Redibunt ex Babylonia ad loca sua: meminit autem locorum ubi optima pascua, perstans in gregis metaphora.

V. 15. OSTENDAM, id est faciam, scilicet sicut olim cum eduxi ex Aegypto.

V. 16. FORTITUDINE, scilicet non potentes impedire reedificationem. PONENT, &c. id est tacebunt. SURDAE, scilicet pro stupore; quasi dicat, Redduntur attoniti, & velut insensibiles.

V. 17. LINGET, &c. quasi dicat, Se in terram demittent, tentantes subiectionem, vel præ timore. Hæc ad Christi tempora maxime pertinent, cum se Gentis olim inimicæ prorsus Ecclesiæ submisserunt: IN AEDIBUS. LXX. in clausura sua. FORMIDABUNT. Sic legit Hieronymus, & LXX. TE, scilicet o Israel, seu popule fidelis.

V. 18. TRANSIS, id est præteris, seu diffimulas. Phrasi hæc etiam Hispani utuntur. Chald. *missum facis*. LXX. *transiens*. ULTRA, scilicet nisi isti ad peccata redierint, ut redierunt, eoque a Romanis vastati.

V. 19. REVERTETUR, id est ad misericordiam convertetur. DEPONEY, scilicet a nobis deiiciet, ut solent onera & molesta. LXX. *demerget*. Chald. *subiciet sue misericordie*. IN PROFUNDUM MARIS; pro, velut in mare; quasi dicat, Ne amplius appareant.

V. 20. VERITATEM, id est promissa Christo venturo, & hominum liberatione. MISERICORDIAM; scilicet promissam. ABRAHAM; huic promissa benedictio etiam Gentium, Gen. xxiii. QUAE. Chald. & LXX. *sicut*.

E S T II.

Vers. 2. PERIIT SANCTUS DE TERRA, ET RECTUS IN HOMINIBUS. NON EST: OMNES IN SANGUINE INSI- DIANTUR, &c. Similis locus est Isaïæ lxiv. *Facti sumus, ut immundi omnes nos, &c.*

Sed hic locus expositio quædam est illius apud Isaïam. Hic enim prophetam non agere absolute de omnibus, neque se inter eos connumerare, ostendit verbis sequentibus dum subiungit, vers. 4. QUI OPTIMUS IN EIS EST, QUASI PALIURUS: ET QUI RECTUS, QUASI SPINA DE SEPE. Intelligenda est ergo utraque prophetia de certo quodam genere hominum, nempe Iudæis carnalibus ex lege sibi iustitiam vendicantibus.

V. 9. IRAM DOMINI PORTABO, QUONIAM PECCAVI EI, DONEC CAUSAM MEAM IUDICET. Queritur, quomodo expectat iudicari causam, cum se peccasse fateatur? Respondeo, fateatur se peccasse Domino, ideoque offert portare iram eius, id est patienter ferre afflictionem ab eo immisissam; verum quia illa afflictio erat inflicta per malos homines, iniuriam ipsi inferentes, & iniuste vexantes; hinc addit; *donec causam meam iudicet*; nempe contra istos inimicos meos.

M A R I A N A E.

Vers. 1. VAE MITI. Conqueritur paucos esse viros bonos, parum se suis obiurgationibus profecisse. SICUT QUI COLLIGIT IN AUTUMNO. Hebr. *sicut collectionis æstatis*, id est post æstatem. RACEMOS VINDEMIAE. Hebr. *sicut racemi vindemia*, id est post vindemiam, ut Chald. *la rebusca*. PRÆCOQUAS FICUS desideravi, id est celerem alicuius conversionem. Hebr. *primitivum desideravi anima mea*, id est prima aliqua poma, neque sunt matura. Ficus præcoces ante ætatem, & ante vindemiam proveniunt; neque suaves sunt, aut salutare, sed noxiæ. Sic *primitiva* veritas, ut Pagnin. quasi dicat, Neque fructus serotinos, neque tempestivos inveni, id est bona opera.

V. 2. PERIIT SANCTUS. Explicatio parabola, nullus est vir sanctus, seu *miseri- cors*, ut est Hebr. sed misericordia, præcipua est sanctitatis pars. OMNES IN SANGUINE, Hebr. *sanguinibus insidiantur*, id est cordibus oblectantur. VOX AD MORTEM, Hebr. non est, sed bene suppletur. Chald. supplet, cum ait, *ad exterminium venatur*. Sane pro *vox herem*, pro qua voce alii vertunt *rete*, Hieronymus & Chald. *mors* posuerunt: nam inter alia *anathema* & occi-

V. 16. ET CONFUNDENTUR SUPER OMNI FORTITUDINE SUA, scilicet Gentes confundentur, quam videbunt imbecillitate mutata, nec prævalere contra Dei populum. Aut præ fortitudine ipsorum, scilicet Iudæorum, quos hostibus superiores videbunt, Gentes confundentur. AURES EORUM SURDÆ ERUNT, id est obmutescant. Muti iidem surdi sunt, obstupescant id videntes.

V. 17. PERTURBABUNTUR DE AEDIBUS SUIS. Hebr. *trepidabunt de clausuris suis*, id est intra suas urbes & arces non se tutos putabunt, ut nec reptilia in cavernis. FORMIDABUNT DEUM. Sic Hieron. in Comment. & Sept. Hebr. *pavebunt*; quasi dicat: Is metus non ab hominibus erit, sed a Deo.

V. 18. ET TRANSIS PECCATUM, id est dissimulas, o Deus. NON IMMITET ULTRA FUREM SUUM. Hebr. *non reitinet in perpetuum iram suam*, cito seditur.

V. 19. DEPONET INIQUITATES NOSTRAS. Hebr. *subiciet*, scilicet pedibus, conculcabit iniquitates nostras, id est auferet.

V. 20. DABIS VERITATEM IACOB, id est implebis, quæ promissisti. Promissio autem veritas, id est iustitia vocatur, quia post factam ex iustitia debetur; & *misericordia*, quia gratis est facta.

MEINOCHII,

Verf. 1. VAE MIHI. Heu mihi. Vox est gementis prophetæ, non minantis. RACEMOS VINDEMIÆ, id est post vindemiam. NON EST BOTRUS, &c. quasi dicat, Nec invenio quidquam. Neminem invenio, qui ex meis concionibus profecerit, & meis monitionibus se abduerit a scelere. PRÆCOQUAS FICUS CONSIDERAVIT ANIMA MEA. Optavit hoc meo ævo aliquot viros veteribus illis patribus virtute pares, aut similes, qui primæstate maturescentes, nec inveni, cum tamen iam dudum maturæ esse debuissent post tot monita prophetarum, & labores meos.

V. 2. PERIIT SANCTUS; id est, vix quicquam bonus, & integer moribus, & re-

Bib. Sac. Tom. XXII:

ligione reperitur. SANCTUS. Chald. *Misericors*. LXX. *religiosus*, seu, *pius*. RECTUS, id est verax & sincerus. IN SANGUINE INSIDIANTUR, id est sanguini, & vitæ proximi. VIR, id est unusquisque. VENATUR: per insidias, & solcite querit ad mortem.

V. 3. MANUUM SUARUM: quod scilicet operantur. ET IUDEI IN REDDENDO EST, id est reddit, & adiudicat potenti, quod ille inique postulat. CONTURBABUNT EAM, id est rempublicam, vel veritatem, cui tenebras offundunt per calumnias. QUASI PALIURUS. Paliurus genus quoddam est spinæ. Sententia est, similes sunt paliuri, pungentes, vulnerantes, cruciantes, & aduncos dente retinentes eos, qui ad se accedunt. QUASI SPINA: est eiusdem sententiæ repetitio. DIES SPECULATIONIS TUÆ. Aliqui vertunt, *Dies speculationum tuarum*, *visitationisquæ tuæ venit*; sententia est, Brevi tempus aderit, quo falsi tui speculatores, id est pseudoprophetæ, prædixerunt tibi omnia felicia, sed falso; nam ille dies erit visitationis, & punitionis, & captivitatis per Chaldæos. NUNC, id est cito. VASTITAS EORUM: vastitas, desolatio, & captivitas tua.

V. 5. NOLITE CREDERE AMIGO, &c. Tantæ erunt vobis angustiae, cum obsidebitur a Chaldæis, ut inter maxime coniunctos nulla futura sit fides; omnes enim sibi consilare studebunt, ut famem, pestem, gladium, & alia mala effugiant, etiam maxime propinquos, & charos deferendo, vel etiam prodendo. IN DUCE. Pagnin. vertit *in marito*, Vatablus, *in fratre maiore natu*. In Hebræo est *אֶלֶף* *alaph*, quæ vox principem, ducem, dominum, aut magnum significat, quales sunt mariti respectu uxorum, fratres natu grandiores, respectu minorum. Eodem sensu maritus qui aliquam virginem duxit, dicitur, *dux virginis illius*: Ier. III. 4. EA QUÆ DORMIT, &c. scilicet ab uxore. QUIA FILIUS CONTUMELIAM FACIT PATRI: quia in tanta fame & angustis, filius contumeliam inseret patri, ut cum eo litiget, aut pugnet pro pane, cumque illi eripiat. INIMICI HOMINIS DOMESTICI ETUS; scilicet erunt, quia pro pane, aut aliis rebus huiusmodi pugnabunt inter se, ut inimici.

H

V. 7.

V. 7. ECO AUTEM AD DOMINUM ASPICIAM, in tantis malis salubre dat consilium, æque ac exemplum; quasi dicat: In tanta calamitate, & perfidia, ego, & alii qui sapient, non ad parentes, aut propinquos, sed ad Deum nos convertemus, illum orabimus, & quamvis minari videamur, semper tamen illius opem magna, & constanti spe expectabimus. DEUM SALVATOREM MEUM: Deum, qui me audiet, & liberabit ab ærumnis; & Christum Dominum, quem mittet ad salutem mundi.

V. 8. INIMICA MEA: Babylon, vel potius Idumæa, quæ malis meis gaudere solens, ne lateris meo excidio, & captivitate, nam licet ceciderim, aut casura sim, tamen post septuaginta annos rursum Deus per Cyrum me eriget, & restaurabit. CUM SEDERO IN TENEBRIS: in renebroso carcere Babylónico. DOMINUS LUX MEA EST: Dominus me illuminabit; Dominus me luci restituet prosperi, & florentis status.

V. 9. IRAM DOMINI PORTABO, &c. nunc patiar æquo animo hoc Dei supplicium, quod commerui. DONEC CAUSAM MEAM IUDICET. Hebr. *donec increpet inculpationem meam*; id est, donec causam meam cognoscat, & eos increpet puniendo, qui in me sævierunt, licet enim Deo pœnas deberem, barbaræ tamen gentes contra ius, & fas me vexarunt. FACIAT IUDICIUM MEUM: iniuriam meam ulciscatur. EDUCET ME IN LUCEM: prospero, & felici statui restituens, & e Babylónico, carcere educens. VIDEO IUSTITIAM EIUS: iustam scilicet vindictam, quæ pari reddet Chaldeis, dum eos valdebit per Cyrum, sicut nos ipsi vastarunt: Idumæis etiam dum eos per Chaldeos puniet, & deinde per Machabæos. Vide Machab. Lib. I. cap. v. 3.

V. 10. INIMICA MEA: hostilis Babylon, & invida Idumæa. OPERIETUR CONFUSIONE: ob clades, quas ignominiose accipiet videns se immerso mihi insultasse, quasi a Deo effem destituta. UBI EST DOMINUS DEUS TUUS: quem defensorem tuum iactabas; eripiat nunc te ab hoc excidio, & captivitate. OCULI MEI VIDERUNT IN EAM; quasi dicat: Ego in alto Sionis, & felicitatis culmine constituta, despiciam Idumæam humi iacentem, affli-

ctam, & pene exanimem, dicamque; nunc conculcabitur, ut lutum platearum, quæ me olim contempsit, irrilit, & afflixit.

V. 11. DIES UT AEDIFICENTUR MACERIAE TUAÆ. O Israel Dei, iam aderit tempus, quo macerie tuæ ædificentur. Hoc est quod dicit Amos ix. 11. *In die illa suscitabo tabernaculum David quod cecidit &c.* LONGE FIET LEX; hoc est iussio imperiosa, ut verit Theodot. & Symmachus. Chald. scilicet qui tibi tyrannice imperabant.

V. 12. IN DIE ILLA: libertatis, reditus e Babylone, & restaurationis Ierusalem. USQUE AD TE VENIET AD ASSUR: non tantum liberaberis ab hoste, sed etiam captivi tui sparsi per Assyriam, Mediam, Persidem, &c. inde ad te redibunt, & ad alias tuas munias civitates Iuda, quin & ex iis se spargent usque ad flumen. USQUE AD FLUMEN: Euphratem, qui fuit limes terræ sanctæ a Deo statutus, Iosue i. 4. AD MARE DE MARI: a mari Galilææ, quod est ad orientem, usque ad mare mediterraneum, quod est terræ sanctæ ad occidentem. AD MONTEM DE MONTE: a monte Libano, qui terminus est Iudææ ad Septentrionem, usque ad montem Idumææ, qui eiusdem terminus est ad meridiem.

V. 13. ET TERRA: inimica, & hostilis Chaldeorum. PROPTER HABITATORES SUOS: propter impios Chaldeos, qui populum Dei fidelem, & pium afflixerunt. ET PROPTER FRUCTUM COGITATIONUM EORUM, id est propter perversa eorum opera; hæc enim sunt fructus pravarum machinationum; quasi dicat, Babylon obtyrannidem, & scelera sua vastabitur.

V. 14. PASCE POPULUM TUUM. Verba sunt prophete pro populo suo orantis; quasi dicat: Domine memento populi tui, qui est grex tuus, & hereditas tua. QUI HABITABANT SOLI IN ALTU; id est, destituti aliarum nationum auxilio, & quodammodo ferarum violentiæ expositi. IN MEDIO CARMELI: pasce eos in latis pascuis Carmeli, ut scilicet omni bonorum genere abundent. PASCENTUR: Iudæi, cum eos e Babylone reduceris in Iudæam. BASAN, ET GALAAD: qui sunt montes pingues, & pecore abundantes; quasi dicat: Sicut oves in Basan, & Galaad pascuntur, & pinguescunt, sic & Iudæi ibidem

iisdem

isſdem ovibus, omnique rerum copia paſcentur a Deo. IUXTA DIES ANTIQVOS: ſicut olim ſub Davide, aut Salomone.

V. 15. SECUNDUM DIES EGRESSIONIS, &c. id eſt, edam coram eis mirabilia opera, & offendam me illis propitium, ſicut cum eduxi populum tuum ex AEGYPTO.

V. 16. CONFUNDENTUR SUPER OMNI FORTITUDINE SUA; quia ſcilicet per eam non poterunt nocere Hebrais nec poſtea vincere Chriſtianos. PONENT MANUM SUPER OS; quali dicat: Præ confuſione, conſternatione & admiratione tantorum mirabilium, obmuteſcent, & obſtupeſcent, ut mutire non audiant. AURES EORUM SURDAE ERUNT. Vel quia attoniti quid dicatur non audient; vel quia invidi aures obſtruent, ne audiant.

V. 17. LINGENT PULVEREM: pavidi, ac tremantes in terram precipident in ſignum reverentiae, & converſi etiam ad fidem verum Deum adorabunt. Sic David de Chriſto dixit Pſal. LXXIX. 9. *Coram illo proſtrident Aethiopes, & inimici eius terram lingent: & Iſa. XLIX. 23. Vultu in terram deſiſſo adorabunt te, & pulverem pedum lingent.* PERTURBABUNTUR: timebunt, commovebuntur horrore quodam admirationis, & reverentiae. Formidabunt vos ut ſerpentes formidant homines, quibus viſis in ſua antra, & cavernas ſe abdunt. IN AEDIBUS SUTS. Vatablus vertit, *in clauſuris*; id eſt in clauſis, ſeptis, & munitis civitatibus ſuis. TIMEBUNT TE: o Deus. Vel, te, o Iſrael Dei.

V. 18. TRANSIS: præteris, diſſimulas, condonas. LXX. *tranſcendis*. RELIQUIARUM HEREDITATIS TUAЕ: populi & captivitate relictæ. NON IMITTET ULTRA FUOREM SUUM: qualem immiſit per Chaldaeos, nimirum niſi Iudei ad ſua ſcelera redierint. Vel ſemper miſerebitur Eccleſiae, & benefaciet ei, nec eam relinquet ut Synagoga.

V. 19. DEPONET INIQUITATES NOSTRAS. LXX. *demergit iniquitates noſtras*. In Hebraeo יִשְׁחָבֵשׁ *ſichbeſh*, id eſt *ſubiiciet*, ut vertit Vatablus, ſub pedibus ponet, conculcabit.

V. 20. DABIS VERITATEM IACOB. Vere, & fideliter implebis in Iacobo, id eſt in Iacobi poſteris Iudeis ea, quæ miſericorditer Abraham, Iacobo, aliſque patribus promiſiſti; nimirum de cura, & protec-

ne populi, ac præſertim de mittendo Chriſto Salvatore.

T I R I N I.

Verſ. 1. VAE, Hebraice, *heumibi*. Eſt enim non nantis vox, ſed gementis; quali dicat: O me miſerum! oleum & operam peridi. Poſt multos ac prolixos labores *vinea Domini ſabaſth* excolendæ tot annis impenſos, cum ſperarem amplam vindemiam, vix licuit racemationem inſtituere, qua pauculos quidem RACEMOS Iſaie XXIV. 13. VINDEMTAE reliquos collegi, *horum* eſui aptum ne vel unum reperi. Quotquot enim reliqui ſunt, vel præmaturi & acerbi ſunt, vel ex imbre corrupti & putrefacti. Pauculos enim ex auditoribus ſuis Ieroſol. principibus ac civibus (nam de his ſolis agit Propheta, non vero de Iudæ univerſa) reperit, qui territi minis Prophetæ, videbantur vel reſpiſcere; ſed cum ad deferenda pocula, ſcorta, rapinas deveniretur, præmaturum id, & nimis acerbum erat, aut ſiqui ſubinde ſe induci ſinceret, inoluit peccandi conſuetudine putrefacti, cito redibant ad vomitum. PRAECOGNAS, id eſt præ aliis primo calore ſolis bene excoctas ficus, ut alibi dixi, poſt tot labores famelicus & anhelus deſideravi: at ne vel ex his quidem unam conſequi potui. Trifte ſane concionatori, cum videre & ſerre cogitur, quod integram vindemiam ac meſſem diabolus in infernale torcular ſuum & horreum convehat, Chriſto vero vix racematio vel ſpicilegium concedatur.

V. 2. OMNES IN SANGUINE, Hebraice, *fanguini*, id eſt vitæ proximi ſui inſudantur. Nec mala ſolum agunt, ſed &

V. 3. MALUM negant eſſe malum, & DICUNT BONUM eſſe, iniuſtum, impium. Si PRINCEPS poſtulet aliquid quantumcumque iniquum & illicitum, ſibi adiudicari; IUDEX ſtatim in REDDENDO eſt, rem illi omnem quaſi legibus conceſſam, publica ſententia adiudicans: & ſimili modo quivis MAGNUS, dives, nobilis, potens, ſimul ac LOCUTUS eſt, ſeu expoſuit non ius quod habet non apparentem cauſam aliquam vel honeſtum prætextum, ſed nudum placitum & DEſIDERIUM ANIMAE SUAE, diſto citius id omne impetrat a corrupto & perverso iudice. Argue ita CONTURBA-

VERUNT terram *b*, iura omnia pervertentes, & sanguinem pauperum exurgent, & in subditorum ruinam unanimiter conspirantes.

V. 4. QUI OPTIMUS IN HIS; id est, piissimus, benignissimus, mansuetissimus inter illos esse videtur, est tamen *QUASI PALIURUS*: genus spinæ est asperæ & acutæ, quod vulgo *agrisfolium* dicitur. Et *QUI RECTUS*; id est, æquus, iustus, sanctus videri vult, est *QUASI SPINA DE SEPE*, id est, pungit & lædit nihilominus, & licet vitæ parcat, sanguinem tamen elicit, cutem lacerat, & vessem. Nempe latrones isti mites haberi volunt cum detractis viatori spoliis, & inflictiis vulneribus; vitæ solius usum relinquunt. Sed tantis malis quodnam tandem remedium? Certe nullum præter sectionem & ultionem. Ergo *VENIT DIES SPECULATIONIS TUÆ*, id est, instat & brevi aderit tempus quod tibi Prophetæ speculati sunt & toties prædixerunt, nempe *VISITATIO*, id est, punitio, *TUA* per Chaldaeos. NUNC una eademque opera ERIT etiam VASTITAS; id est, vastabuntur & exidentur omnes isti iniqui iudices, cædeles magnates, & tyranni principes, qui in rapinis & expilationes pauperum, & consequenter in everisionem reip. antea conspirabant, iustitiam, caritatem, fidem omnem proscribentes. Et vero, durante hac perfidia, suaserim cuique:

V. 5. NOLITE CREDERE d AMICO; Hebraice, *soho*: *NOLITE CONFIDERE* etiam IN DUCE, principe, rege: cuius alioqui verbum deberet esse sacrosanctum. Cave ne quoque reveles secreta tua euipiam, ne uxori quidem, ne filix, ne filio tuo, etsi charissimo. Tanta enim iam est omnium perversitas ac perfidia, ut nulli, quantumcumque æsto vinculo, seu sanguinis, seu officii tunc adstricto, credere aut fidere possis. Citat Christus hæc eadem Michææ verba Matthæi x. eum ait, *Veni separare hominem adversus patrem suum, & filium adversus matrem suam, & virum adversus socrum suam: & inimici hominis, domestici eius*; quasi dicat: Ocasione Evangelii mei tale orietur dissidium inter filios & parentes & alios sanguine iunctos, quale fuit olim tempore Michææ apud Iudeos. Sicut enim tunc, ita etiam nunc impii conspirabant in ruinam piorum, infideles in everisionem fidelium, nullo habi-

to respectu, seu sanguinis, seu propinquitatis, solo odio virtutis & opum extorquendarum cupidine impulsis.

V. 7. EGO AUTEM in tanta rerum omnium perturbatione, amicorum perfidia, hostium malitia, nullum reperio præsentium remedium, quam ut AD DOMINUM ASPICIAM: ille in rebus etiam deploratis tutum est perflugium, & certum asylum, gaudetque tum vel maxime opitulari, ut summam potentiam ac beneficentiam suam ostendere possit, in eos præsertim qui indubitanter id credunt, sperant, & ab ipso deprecantur.

V. 8. NE LAETERIS, o Idumæa f, o æmula, o INIMICA iam pridem MEA, super casu & excidio meo, inquit Ierosolyma. *CONSURGAM* enim iterum, expletis 70. annis, quibus *sedebam* IN TENEBRIS calamitatum & afflictionum: DOMINUS enim LUX MEA EST, id est, illuminabit me, ut vertunt LXX. & Chaldaei; id est, restituet me pristinæ lætitiæ, libertati, felicitati & gloriæ; nam harum omnium symbolum g est lux. Interim forti patientique animo

V. 9. PORTABO IRAM DOMINI; Syrus & Arabicus, *plagam Domini*, id est, poenam excidii, exilii & carceris Babylonici, quam ira & iustitia divina pro tot sceleribus meis mihi infligere decrevit. Sic & Hebr. *b*, sic Ezechias *i*, sic Machabæi *k*, sic Mauritius *l* Imp. sic Sancti omnes volenti libentique animo poenas cælitus immissas excipiunt & exorbent, suis peccatis eas ascribentes. Et ita faciendum ægrotis suadet S. Basiliius *m*. *Portabo autem DONEC CAUSAM MEAM*, id est mihi cum hostibus meis controversiam, *diinduet*, puta per Cyrum & Darium, quorum opera Chaldaeos ob iniustam mei oppressionem & alia scelera supplicio mortis damnabit, & ex hac qua nunc gaudent luce derruet in tenebras æternas: ME vero e tenebris Babylonis educet in pristinam EUGEM libertatis & felicitatis. Et ita VIDEBO id est, recipiis sentiam, IUSTITIAM MEAM, qua par reddet Chaldaeis, aliisque omnibus hostibus meis. Videbit enim etiam Idumæa.

V. 10. INIMICA & æmula MEA antiqua, sed summo luctu & confusione sua, quod me in pristinam felicitatem reducta, sibi adhuc hærendum sit in miseris; unde invidia rumperetur ac contabesceret. Ego vice-

ves-

versa, ex alto Sionis vertice, ex culmine felicitatis, despiciam *n* aliis iam oculis iacentem humi & in luto volutantem Iudæam, maxime quando per Machabæos illam devictam pedibus meis substernam, ut alibi o dictum. Brevi ergo, o Ierosolyma, tibi

V. 11. Dies aderit optatissima, qua **MARCERAE TUAE**; id est, ruinæ ædificiorum tuorum e Chaldaico incendio reliquæ, instaurantur & **readificentur** iussu Cyri. Tunc **LONGE A TE FIET LEX tyrannica Chaldaeorum**, & ut Pagninus venit, **tributum** quod illis nunc pendere cogeris. Cum autem reddita fueris, o Ierosolyma, pristinae libertati & gloriæ,

V. 12. **VENIET** **REDUX AD TE** populus tuus Israel, non modo ex Chaldaea, sed & **DE ASSUR**, id est ex Assyria *p* & Media, quo decem tribus iam abductæ sunt. Ex his enim aliqui paulatim, audita Iudæorum per Cyrum restitutione, remigraverunt & ipsi in Iudæam, ex indulto Iudæorum (quibus quasi furculi inferebantur, unam eandemque constantes temp.) redierunt **AD CIVITATES MUNITAS** terræ sanctæ, suas olim singularum tribuum, sed deinceps uni scepro tribus Iudæ subiectas, sub cuius auspiciis spargent & diffundent se **USQUE AD FLUMEN Euphratem**, inquit Chaldaeus & Vatablus; occupabuntque totam terram & disionem olim *q* sibi a Deo assignatam, quaquaversum ad omnes mundi plagas, puta **A MARI Galilææ**, ad Orientem Iudææ, usque **AD MARE**, Mediterraneum Occidentale eidem: & **A MONTE Libano**, Septentrionali, usque **AD montes Idumææ Meridionales**.

V. 13. **TERRA** sancta usque ad finem 70. annorum, & usque ad redditum Iudæorum e captivitate, **ERIT IN DESOLATIONEM**, propter scelera incolarum eius, **ET PROPTER FRUCTUM COGITATIONUM**, id est propter perversa opera, eorum. Reductus ergo in patriam, sed desertam, sed incultam, & inter medios hostes suos

V. 14. **HABITANTES** iam **SOLOS** quasi **IN SALTU** *r*, inter feras, omnium rerum egenos, ab omnibus desertos, omni ope destitutos, tu o Deus, **PASCE VIRGA TUA** pastorali, rege scepro tuo, **ORAEQUE** tibi **hereditarium POPULUM** Israel tot nominibus **TUUM**. Pisce, inquam, **IN MEDIO**

pinguium pascuorum. **CARMELI** *f*, id est liberaliter, large, affluenter. Respondet & annuit petitioni Prophætæ Deus: Ne dubita, **PASCENTUR** quasi *in* **BASAN ET GALAAD**, & depascentur fertilissimos agros & pinguisima pascua, colligentesque optimos atque uberimos fructus, **IUXTA DIES ANTIQVOS**; ut olim sub Davide & Salomone. Et ut miraculoso plane modo eduxi sub Moyse Israelitas

V. 15. **E TERRA AEGYPTI**, & per prolixum ac sterile desertum, per tot hostes, per tot casus induxi salvos in Palestinam, ibique eos stabilivi, ditavi, propagavi in immensum; ita faciam isdem in regressu Chaldaea. Allegorice, S. Hieron. Haymo, Remigius, Rupertus, Hugo & Arias censent colloquium hic esse inter æternum Patrem & Filium eius Messiam, & illum commendare huic Ecclesiam suam: hunc vero spondere, illam sibi fore commendatissimam.

V. 16. **VIDEBUNT** hæc omnia **GENTES**, hostes Synagogæ & stupebunt, **ET CONFUNDENTUR** quod **OMNI** **FORTITUDINE**, omni industria, omnibus machinationibus suis non possint illi nocere vel obesse. **PO-NENT MANUM SUPER OS**, id est obmutescunt, obloqui, contradicere, contramutare non audebunt. **AURES EORUM SORDAE-RUNT**: nempe præ invidia & dolore obturabunt aures, ne prosperos populi mei successus audire cogantur.

V. 17. **LENGENT** interim **PULVEREM** *f* **terre sicut SERPENTES**, id est victoribus Iudæis supplices humi adsternentur, & more gentium suarum fronte humum ferient, ut ore terram tangere & lambere videantur: & **VELUT REPTILIA PERTURBANTUR** etiam in propriis ædibus suis, quando hostili telo vel gladio exagitantur. Sanchez vult alludi ad elephantos & cervos, qui solo halitu suo serpentes & caveris extrahunt *n*; quasi dicat: Pari facilitate Iudas, Ionathas, & alii Machabæi, Iudæos, Ammonitas, Moabitas & alios hostes suos a latibulis & arcibus suis educunt; & Apostoli atque Apostolici viri barbaras, & feroces, & antea inimicas gentes, e suis errorum antris ad Christi ovile pertrahent.

V. 18. **QUIS**, o Deus **SIMILIS** tui, fortitudine, sapientia, roscitare, sed præ omnibus, bonitate, misericordia, beneficentia?

tia? Qui per filium tuum Christum, AU-
TERS INIQUITATEM omnem, ET perinde
ac si non videres, TRANSIS, prateris,
diffimulas, immo remittis omne PECCA-
TUM RELIQUIARUM HEREDITATIS TUAE,
tum quoad culpam, tum quoad poenam?
Iam enim penitentibus cum Daniele x lu-
deis, & Babylonica servitute sat castigatis
NON IMMITTET ULTRA DEUS FUREM
SUUM, nempe ob scelera ante admitta.
Nam relapsus iterum novas decrevit poe-
nas sub Antiocho, & sub Tito. Incipit
hoc versu Propheta doxologiam suam,
qua in Dei laudes gratulabundus eru-
git, & prosequitur usque ad finem capitis.

V. 19. DEPONET ex humeris nostris gra-
ves iniquitatum nostrarum sarcinas, ET
PROICIET IN PROFUNDUM MARIS, id est
omnino abolebit, perdet & extinguet.

V. 20. DABIS VERITATEM IACOBO, ET
MISERICORDIAM ABRAHAMO; id est, mi-
sericorditer, sed vere ac fideliter implebis
in Iacobi & Abrahæ posteris, quæcum-
que eidem Abrahæ, Iacobo, aliisque PA-
TRIBUS NOSTRIS olim promissisti: primo,
de perpetua cura & ac protectione posteror-
um. Secundo, de liberatione eorumdem
&, si quando præniteret, & captivitate
aliisque miseriis in quas ob sua scelera
devolventur. Tertio, ac præcipue, de
Messia ex eorum semine ad nascituro,
qui suo merito mundum universum a pec-
catis, peccatorumque poenis, & omni alio
malorum genere liberet, donetque excelsi gra-
tia, salute, felicitate & gloria sempiterna.

(a) Jerem. xxiv. 2.

(b) Mic. vers. 2.

(c) Virg. Eclog. 9.

(d) Jerem. ix. 4.

(e) II. Pet. ii. 12.

(f) Abdiq. xii. &c. Amos i. 11. Jerem. xlix. 22. Ps.

cxvii. 7.

(g) Psal. lv. 7.

(h) Psal. xvi. vers. 1. Reg. xii. 18.

(i) IV. Reg. xx. 19.

(k) I. Mach. vii. vers. 18.

(l) Theophanes apud Hieronymum anno Christi 602.

(m) Basil. in regula falsus explic. interrogat. IV.

(n) Abdiq. xii.

(o) Ibid. & xviii. 16. 22.

(p) Osee i. vers. 6.

(q) Iosue i. & Deut. ii. 7. III. Reg. iv. 22. &c.

(r) I. Mach. ii. 38. II. Esdræ ii. 13. &c.

(s) Cant. vii. 5. Amos i. 2. Jerem. ii. 7.

(t) Psal. lxxi. 9. Hic xlii. 23. 24.

(u) Plin. Lib. XI. cap. xlii.

(v) Daniel. ix. 2. &c.

(w) Gen. xv. 14. & xxviii. 12.

(x) Deut. xxx. 1.

(y) Genes. xii. 3. xviii. 18. xlii. 18.

GORDON I.

Vers. 1. VAE MIHI, &c. Exclamatio-
est, aucta & explicata simi-
litudinibus: quia PERIT SANCTUS. Hebr.
pius. Septuag. *ἐλαφς*; *reuerens*: nec tan-
tum in populo, sed etiam in magnatibus
(vers. 3.) malum est: princeps postulat
a iudice, ut sibi adiudicet iniqua tributa:
& iudex, in reddendo est, reddit scilicet,
quod ille inique petit, quod bene expli-
cant Septuaginta. Denique magnus loqui-
tur desiderium impium animæ suæ, hoc
est, ad impietatem principis & iudicis:
accedunt magnates, faventes & approban-
tes malum; ut sic triplici funiculo ligetur
iniquitas, & firmetur. ET CONTUR-
BAVERUNT EAM. Hebr. *complicaverunt*
eam, scilicet, iniquitatem: illud vero con-
turbaverunt, est in Hebr. *נָאָץ* in piel
hbbeth, quod implicatæ res sint absque
ordine posite, ut certe in multiplicata
iniquitate nullus ordo est, sed perturba-
tio.

V. 4. QUI OPTIMUS IN EIS EST, QUASI
PALIURUS, &c. Paliurus spina acuta:
est & bene pungi: sic Iudæi: non est
quod credant amicis, decipient, & venies
vastatio; dies visitationis, ac punitionis.

V. 7. EGO AUTEM AD DOMINUM A-
SPICIAM, &c. Docet viam rectam, dant
consilium optimum in tot malis, quod facit
proponendo quod ipse facturus est,
expectabit, inquit, Dominum in patien-
tia & spe, donec transeat conculcatio.

V. 11. DIES UT AEDIFICENTUR, &c.
Video cum Hieronymo interpretes fere
omnes hæc accipere de instauratione Ie-
rusalem per Esdræ & Nehemiam. Tunc
enim fiet, ut dum reparabuntur mæcæ-
& ruinæ, longe absit a te, o Ierusalem!
lex imperiosa Chaldaeorum: tunc venient
ad te (vers. 12.) captivi tui ab Assy-
ria, & exules tui a variis regionibus.
ET ERIT TERRA HOSTILIS (vers. 13.) IN-
DESOLATIONEM.

V. 14. PASCE POPULUM TUUM, &c.
Apostrophe est Prophætæ ad Deum, ut po-
pulum redeuntem pascat & regat, etiam
habitantes in saltu & solitudine cum gre-
gibus suis, ut sic sit solida pax. Immo
addit Propheta fore, ut hoc fiat, nec de-
saturum auxilium Dei iuxta dies antiquos
sub

sub Moſe & aliis, ubi enituit Dei providentia, ita ut ad admirationem rapiantur hoſtes.

V. 18. QVIS SIMILIS TUI, &c. Verba Prophetæ ſunt, quibus claudit prophetiam ſuam in laude Dei, confeſſione miſericordiæ eius; & inculcato iterum vaticinio de Chriſto: nec, inquit, immittet iterum ſu- rorem ſuum, ſane loquendo de Eccleſia Chriſtiana.

EX EIUSDEM AUCTARIO.

Vers. 2. PERIIT SANCTUS. Expoſtulat de impietate Iſraelitarum, ut inter eos vix inveniat qui ſit ſanctus Deo. Sic interdum locuti ſunt priores Prophetæ. Sed non ideo alibi, & in quibdam etiam Iſraelitis ceſſavit verior Dei timor &

cultus. Habuit ſemper Deus ſuos cultores. Et hoc de ſe prophetetur *verſ. 8. & 9.*

Vers. 4. DIES SPÉCULATIONIS: dies aderit brevi viſitationis, afflictionis & vaſtita- tis.

Vers. 5. NOLITE CREDERE AMICO. Tan- ta rerum perturbatio erit, ut non ſit in- venire fidem apud amicum, non apud uxorem, aut liberos.

Vers. 8. INIMICA MEA, Babylon. Alii Idumzæ interpretantur.

Vers. 12. FLUMEN: eſt Euphrates. **A** MARI, Galilææ uſque ad Mediterræum.

Vers. 14. BASAN ET GALAAD, montes & paſtua abundabatis pecore.

Vers. 19. DEPONET. Heb. *ſubiiciet*. *Va-* tablus *ponet ſub pedibus*. Sept. *Demor-* get *iniquitates noſtras*.




PROPHETIA NAHUM.

DE excidio Ninivitarum vaticinatur, idque post decem tribus abductas.



CAPUT PRIMUM.

Zelus Dei adversus hostes suos, qui patiens est & fortitudine magnus, cuius ira nemo potest resistere, & in se sperantium est liberator, suiique populi hostes est consumpturus.

1.  **N**us Ninive: Liber visionis Nahum Elcesai. 2. Deus æmulator, & ulciscens Dominus: ulciscens Dominus, & habens furorem: ulciscens Dominus in hostes suos, & irascens ipse inimicis suis. 3. Dominus patiens, & magnus fortitudine, & mundans non faciet innocentem. Dominus in tempestate, & turbine viæ eius, & nebulae pulvis pedum eius. 4. Increpans mare, & exicans illud: & omnia flumina ad desertum deducens. Infirmatus est Basan, & Carmelus: & flos Libani elanguit. 5. Montes commoti sunt ab eo, & colles desolati sunt: & contremuit terra a facie eius, & orbis, & omnes habitantes in eo. 6. Ante faciem indignationis eius quis stabit? & quis resistet in ira furoris eius? indignatio eius effusa est ignis: & petrae dissolutæ sunt ab eo. 7. Bonus Dominus, & confortans in die tribulationis: & sciens sperantes in se: 8. & in diluvio prætereunte, consummationem faciet loci eius: & inimicos eius persequentur tenebræ. 9. Quid cogitatis contra Dominum? consummationem ipse faciet: non conserget duplex tribulatio. 10. Quia sicut spinæ se invicem complectuntur, sic convivium eorum pariter potantium: confumentur quasi stipula ariditate plena. 11. Ex te exibit cogitans contra Dominum malitiam: mente pertractans prævaricationem. 12. Hæc dicit Dominus: Si perfecti fuerint, & ita plures; * sic quoque attondentur, & pertransibit: afflixit te, & non affligam te ultra. 13. Et nunc conteram virgam eius de dorso tuo, & vincula tua disrumpam. 14. Et præcipiet super te Dominus, non seminabitur ex nomine tuo amplius: de domo Dei tui interficiam sculptile, & constatile, ponam sepulchrum tuum, quia inhonoratus es. 15. (a) Ecce super montes pedes evangelizantis, & annuntiantis pacem: celebra Iuda festivitates tuas, & red.

& redde vota tua : quia non adiiciet ultra ut pertranseat in te Belial :
universus interit.

(c) iſa. lxi. 7 Rom. x. 13

BRUGENSIS

ROMANA CORRECTIO.

Verſ. 12. Sic quoque attondentur pertransibit.
Non eſt mutandum ſingulare *pertransibit*,
in plurale *pertransibunt*.

NOTATIO.

Verſ. 12. S I perſecti fuerint (perſecti o.)
& ita plures, ſic quoque atton-
dentur (attondentur o. attondetur o. ſondetur
1. MS.) & pertransibit (transibit o.) Qui-
dam poſtremum verbum *pertransibit*, ut prio-
ribus eſſet conforme, in *pertransibunt* muta-
vere : nam *pertransibunt* habent 8. Hentenii,

& 6. noſtri codices cum Richelio expoſito-
tore. Ceterum longe plura noſtra, & ema-
culatiora exemplaria Brug. Leod. Lob. O.
E. L. P. &c. *pertransibit*, quod Hebraice eſt,
ſervant, adſtipulantibus tractatoribus Care-
ſi, Auſtore Gloſſæ, Ruperto, Haymone, ſi-
ve Altiſiodoreniſi (nam idem utriusque adſcri-
bitur commeniarius) & B. Hieronymo :
» Et pertransibit, inquit B. Hieronymus,
» Aſſur, vel eſſe deſiſet, ſive vaſtato exer-
» citu ſuo revertetur ad patriam, te ſolpi-
» tem derelinquens : quod alit fere ſecuti
ſunt. Chaldaus paraphraſi ſuæ accommode
ſingularem numerum plurali commutavit.

COMMENTARIA

S A.

NAHUM prophetavit paulo poſt Mi-
cham, tempore Ezechie Regis (ab-
ductis iam decem tribubus in captivita-
tem) contra Ninivem.

V. 1. ONUS, id eſt Prophetia oneroſa,
ſcilicet denuntians calamitatem. Chald. *o-
nus calicis maledictionis*. LXX. *aſſumptio*;
quaſi dicat, Sublatum onus alicui impo-
nendum, vel onus alicui ſumendum. Ni-
NIVE. Aſſyriorum metropolis, quæ ad pec-
cata rediit poſt converſionem factam ad
Ionæ prædicationem, eoque a Nabu-
chodonosor everſa eſt anno poſt circiter
200. ELCEſAEI. *Elceſe* vinculus eſt in
Galiſæa.

V. 2. AEMULATOR. LXX. *zelotes*, ſci-
licet vehementer amans, & iracens ſi non
ametur, & puniens rei a ſe amate in-
feſtos. Chald. *index*.

V. 3. PATIENS. LXX. *longanimis*. FOR-
TITUDINE, ſcilicet ad ſerendum malos,
vel ad ulciſcendum; quaſi dicat : Patiens
eſt, cum poſſet tamen facile punire; &
tandem punit ſi non emendentur. MUN-
DANS; quaſi dicat : Non quidem demittet
tamquam mundum & innocentem, led

Bib. Sac. Tom. XXII.

punit. NON FACIET, &c. quaſi dicat :
Non tractabit ut innocentem eum qui no-
cens eſt. IN TEMPESTATE; pro, velut in
tempeſtate. ET NEBULAE, &c. id eſt ve-
lut exercitus pulverem excitans, more ne-
bulæ aerem obſcurantem; quaſi dicat, For-
tis eſt, cui nemo poſſit reſiſtere.

V. 4. INCREPANS, id eſt more increpan-
tis iubens. LXX. *comminans*. EXIGGANS,
ſcilicet cum vult, ut olim Mare rubrum.
INFIRMATUS EST, id eſt amittet fertilita-
tem ſi Deus velit. FLOS. Chald. *arbores*.
LXX. *que florebant*. ELANGUIT. Chald.
defluerunt. LXX. *deſecerunt*: præterita pro
futuris.

V. 5. COMMOTI SUNT; pro, commove-
buntur, id eſt contremiſcent. AB EO, id
eſt ad eius imperium ſeu præſentiam. Chald.
a conſpectu eius. DESOLATI. Chald. *diſru-
pti*. LXX. *concuſſi* CONTREMUIT. Chald.
vaſtata eſt.

V. 6. EFFUSA EST; pro, effundetur, vel
ſolet effundi. DISSOLUTAE SUNT. Chald.
confringuntur; quaſi dicat, Duriffima quæ-
que & fortiffima conterit.

V. 7. SCIENS, &c. id eſt, favore proſe-
quens, defendens. LXX. *cognoſcens ſimenes*
ſe.

V. 8. **DILUVIO**, scilicet exercitu Sennacherib Ierusalem oppugnante, vel Chaldeorum Ninivem. **LOCUS** **ETUS**, scilicet tribulationis; quasi dicat: Faciet eam cito cessare, deletio exercitu Sennacherib; vel eius, id est Ninive, quæ everteretur a Chaldeis; vel sensus est: Cum velut diluvio perdit locum gentis sibi inimicæ. **PERSEQUENTUR TENEBRÆ**, scilicet calamitatum. Chald. *trudet gebenna*. Quidam ad mortem referunt militum Sennacherib.

V. 9. **COGITATIS**, scilicet o Assyrii, vel o impii. **CONSUMMATIONEM**, &c. quasi dicat, Perdet vos. **NON CONSURGET**, quasi dicat; Non prævalebit. **DUPLEX**, id est grandis, scilicet quam molimini contra Dei populum, o milites Sennacherib; vel, o impii Ecclesiæ hostes. Solet Scriptura quod magnum seu excellens, duplex dicere: sic *duplici contritione*, *duplex spiritus*, *vestitu duplicibus*, id est egregie. **LXX. non indicabit bis in idipsum in tribulatione**.

V. 10. **SCUT SPINÆ**, &c. quasi dicat: Ut spinæ collectæ in fasciculo comburantur, sic isti qui in exercitu Sennacherib simul potantes quasi victores gaudent, interficientur ab Angelo.

V. 11. **EX TE**, scilicet o Ninive. **EXIT**, scilicet Sennacherib, vel Rabfaco. **MALITIAM**, scilicet blasphemiam.

V. 12. **PERFECTI**, scilicet robore; quasi dicat: Esti fortes sint, non ideo evadent. **PLURES**, scilicet quam sunt, vel plures, pro, multi. **ATTENDUNTUR**; pro, attondebuntur, scilicet more capillorum attonforum deiciuntur interfecti. **PERTRANSIBIT**, id est desinet, vel redibit in Assyriam. **TE**, scilicet o Ierusalem, seu Iudæa. **ULTRA**; quasi dicat: Faciam cessare istam oppugnationem Assyriorum.

V. 13. **VRGAM**, scilicet qua te cedebat, vel sceptrum. Chald. *iugum eius*.

V. 14. **PRAECIPIT**, scilicet Angelo. **SUPER**, id est contra. **TE**, scilicet o Sennacherib. **SEMINABITUR**, id est gignetur. **EX NOMINE TUO**, id est te, seu qui dicatur filius tuus. **AMPLIUS**: paulo post enim interfectus. **DE DOMO**; pro, in domo. **SCULPTILE**, scilicet simulachrum, quod sculpendo fit ex ligno, vel lapide. **CONFLATILE**, quod ex fuso metallo: est autem sensus: Iacebis inhumatus diu, mo-

re idoli proiecti. **INHONORATUS**, id est despectus, scilicet a tuis, qui te sic dimittent interfectum a filiis tuis.

V. 15. **PACEM**, scilicet mortuo Sennacherib; quasi dicat: Illo interfecto, statim id ubique nuntiatum, tamquam pace diu duratura interempto hoste. **CELEBRA**, scilicet sublato timore. **BELIAL**, id est sine iugo, scilicet impius. Intelligit autem Assyrios. **INTERIBIT**, scilicet exercitus in Iudæa, dux vero in urbe Ninive.

EST II.

Verf. 1. O NUS NENIVE. Ninive figuram gerit gentilis populi, sed duplici modo. Qui enim tempore Ionæ, eius prædicatione commoti poenitentiam egerunt, eam gentilis populi partem significant, quæ per Apostolorum prædicationem ad Christum vocata est, & ad salutem pervenit. Qui autem postea in veteri idololatria, alisque peccatis permanentes a Chaldeis expugnati sunt, contra quos dirigitur præsens prophetia Nahum, significant eam gentiliū partem, quæ Apostolorum prædicationi non acquievit, sed in sua permansit infidelitate.

V. 9. **QUID COGITATIS CONTRA DOMINUM? CONSUMMATIONEM IPSE FACIET; NON CONSURGET DUPLEX TRIBULATIO**. Posteriora hoc modo transferunt Septuaginta: *Non vindicabit bis in idipsum in tribulatione*. Et sensus est: Dominus una punitione faciet consummationem, id est penitus disperdet, & conteret vos, ut non sit opus punitione secunda. Neque tamen ex his verbis recte statuitur, idem peccatum non posse sæpius puniri; quamquam id quoddam sensu verum sit; scilicet, si loquamur de poena, quæ sit peccati adæquata mensura, id est quæ gravitati peccati secundum iustitiam respondeat: nam alio sensu, peccata impiorum, etiam sæpe bis puniuntur: nempe, quando, & in hoc sæculo temporalem, & in futuro æternam poenam sustinent, sicut de Herode, Antiocho, & aliis legimus; quia videlicet poena præsentis temporis eis ad aliorum terrorem illata, tamen nequaquam adhuc erat tam gravium peccatorum iusta mensura. Nota etiam sententiam prophetæ non esse universalem. Non enim dicit, quod nunquam consurgat duplex tribulatio, aut quod

quod sit iniustum alicui secundo tribulationem inferri a Deo, sed tantum loquitur de statu rei praesentis: nempe quod tunc ita semel vastabitur & conteretur Ninive, ut secundae vastationi locus non relinquatur.

MARIANAE.

NAHUM. Hic fuit ex oppido Eleefai, quod Hieronymi aetate in Galilea monstrabatur. Epiphanius ultra Iordanem situm in tribu Simeon, ex qua Nahum fuisse ait. Post Ionam contra Ninivem prophetavit, ad priora scelera post poenitentiam reverfam. Post captas decem tribus, prophetavit Iosephus Lib. IX. cap. xi. ait, Nahum fuisse sub Ioathan Rege. Sed decem tribus nondum erant captæ. Seder Holam cap. xx. sub Manasse ponit, post captas scilicet eas tribus.

Vers. 1. **O** Nus, id est dura & gravis prophetia contra Ninivem. **LIBER VISIONIS.** Consultit in librum Prophetiam, ut eam Ninivitis mitteret.

V. 2. **DEUS AEMULATOR.** Sept. zelotes. Et ulciscens, ob ea quæ in Israelitas fecistis. **HABENS FUROREM.** Heb. Dominus ira, id est effundit eam in quos vult. **IRASCENS IPSE INIMICIS SUIS.** Heb. servans Dominus iram in hostes suos. Quasi in thesauro recondit iram, ut suo eam tempore effundat. Dissimulat quidem tantisper; abscondit iram, quam deinde demittit. Nec mirum:

V. 3. **DOMINUS PATIENS.** Heb. longis naribus, id est longanimis. Et **MUNDANS NON FACIET INNOCENTEM.** Heb. iustificando non iustificat, scilicet noxium impune abire non sinit. **IN TEMPESTATE,** id est repente, cum minime cogitamus, punit. Et **NEBULAE PULVIS PEDUM EIUS,** id est pulvis pedum nebulas facit. Heb. & nubes pulveris pedum eius. Sic solet in turbine pulvis instar nubis excitari. Itaque Deus instar turbinis venit.

V. 4. **INCREPANS MARE.** Instar heri servum increpantis, superbiam maris solo verbo compescit. Et **OMNIA PLUMINA AD DESERTUM DEDUCENS.** Heb. arsecit. **INFIRMATUS EST.** Bafan, Carmelus, Libanus, montes amœni, Dei increpatione deformantur, redduntur squalidi, ut ægro-

ti. **FLOS LIBANI,** id est flores, seu germina, arbores, ut Chald. languent.

V. 5. **MONTES COMMOTI SUNT.** Heb. tremuerunt. **DESOLATI SUNT.** Heb. liquefacti sunt. Et **CONTREMUIT TERRA,** &c. Heb. exusta est terra a facie eius, id est vastata.

V. 6. **ET QUIS RESISTET.** Heb. stabis in ira eius? **INDIGNATIO EIUS EFFUSA EST ET UT IGNIS,** id est ut igne liquefacta. Et **PETRAE DISSOLUTAE,** seu confractæ, solo verbo rupes comminuit. Hæc omnia eo spectant, ut Dei maiestas cognoscatur.

V. 7. **BONUS DOMINUS.** Ea quamvis potentia suos fovet & tuetur. Et **SCIENS,** id est favens. Hebraica sic quidam explicat: Bonum (Israel) Dominus in fortitudinem in die angustia.

V. 8. **IN DILUVIO PRAETEREUNTE,** id est repentino, aut vehemente. **CONSUMMATIONEM FACIET LOCUS EIUS;** id est, Ninivem evertet inundatio, quod factum aiunt, obrutam aquis fuisse; aut per inundationem Chaldaeorum copias significat, quæ Assyriorum Imperium everterunt. **INIMICOS EIUS,** scilicet Israelia. **TENEBRAE,** hoc est, res adversæ eos opprimunt, Assyrios, Ninivitas.

V. 9. **QUID COGITATIS CONTRA DOMINUM?** Captis decem tribubus, de opprimenda Ierusalem contra Dei voluntatem cogitabant. **CONSUMMATIONEM IPSE FACIET,** aut facit; ipse est auctor captivitatis decem tribuum. **NON CONSURGET DUPLEX TRIBULATIO;** id est, non permittet, ut simili clade Ierusalem involvatur.

V. 10. **QUIA SICUT SPINAE.** Locus difficilis. Heb. quia usque (id est ut) spina complexa (id est in fasciculum redactæ, ut comburantur) & sicut potatio vinorum ebriorum (scilicet ad terram eos prosternit) comeduntur, ut stipula ariditate plena (scilicet cito comburitur) sic Assyrii, scilicet prosternerentur & cadent, scilicet exercitus Sennacherib. Vulgatæ verba ad hunc sensum referantur.

V. 11. **EX TE EXIBIT Sennacherib,** aut Rabfices, qui multa contra Deum cogitarunt & dixerunt. **MENTE PERTRACTANS PRAEVARICATIONEM.** Heb. consiliens Belial, id est perversa, scilicet ut relictis Deo Iudæi se traderent Assyriis consulat Rab-

faces: IV. Reg. XVII. 19. De voce *Belial* Deuter. XIII. 13.

V. 12. SI PERFECTI FUERINT, robore scilicet aut *perfecti consilio*, ut Chald. vertit. Alii vertunt, *Si pacifici*, id est concores inter se fuerint Assyrii. ET ITA PLURES. Hebr. *U sic multi*, id est etiam multi. Sic quoque attendentur. Hebr. *U sic excindentur*; hoc est, nihilominus peribunt, *U Gbazaz*, & *tondere* significat, & *excindere*. Ea occasio Hieronymo vendi, *attenduntur*. ET PERTRANSIBIT; pro, pertransibunt Assyrii, re infecta discedent; aut *pertransibit*, Sennacherib revertetur in patriam. AFFLIXI TE; pro, si afflixit te: non affligam amplius, ea scilicet expeditione Sennacherib. Ad Iudros aut Israelitas sermo est.

V. 13. VIRGAM, qua te percutit. Hebr. *ingum eius desuper te conteram*. ET VINCU-
LA TUA. *Ingum* & *vincula* servitutem significant. Faciam, ut non servias Assyriis, qui te invadunt.

V. 14. ET PRAECIPIET SUPER TE, aut de te, ut Sept. Loquitur de Sennacherib. De quo praecepit Dominus, id est constituit quae futura erant. NON SEMINABIT, nullos posteros habebis, qui in regno succedant. Videtur ex hoc loco, petiisse cum filiis. DE DOMO DEI TUI INTERFICIAM, id est in domo Dei tui: IV. Reg. XIX. 37. intra templum Nefroch occisus est a filiis. Post verbum *interficiam* ponatur punctus. Sequitur: SCULPTILE, ET CONFLATILE, PONAM SEPULCRUM TUUM, id est inter idola sepelietis. QUIA INHONORATUS ES, quia vilis factus es, nempe, a tuis filiis occisus, & intra templum, & post cladem exercitus ad Ierusalem.

V. 15. PEDES EVANGELIZANTIS, id est nuntii per montes venient rei gestae. ET ANNUNTIANTIS PACEM, id est prospera, eam felicitatem. CELEBRA IUDA FESTIVITATES TUAS, tres praefertim, quas obfessa ab hostibus non poterat, neque ex aliis oppidis ad te venire. NON ADICIET ULTRA, UT PERTRANSEAT IN TE BELIAL, id est *iniquus*, *diaboli filius*. Sic Sennacherib vocat. UNIVERSUS INTERIIT: Ipse, filii, Imperium, succisa sunt; nihil est quod metuas.

M E N O C H I I.

Verf. 1. O NUS NINIVE, id est tristis, & minax propheta contra Ninive, quae ad peccata rediit post predicationem Ionae. VISIONIS: revelationis prophetiae. ELCESAEI: oriundi ex Elcese vicleo Galilae.

V. 2. AEMULATOR. LXX. *Zelotes*: scilicet vehementer amans, & irascens si non ametur, & puniens rei a se amatae insectos. ULCISENS. Vox ulciscens ter repetitur hoc versiculo, ut significetur tanta certitudo, quam magnitudo ultionis. IN HOSTES: contra hostes.

V. 3. DOMINUS PATIENS, ET MAGNUS FORTITUDINE: cuius scilicet constantia, & patientia offensionibus non frangitur, sed longanimis est, & vindictam in suum tempus reservans. ET MUNDANS, id est pro mundo halens. NON FACIET INNOCENTEM: non absolvet, nec ut innocentem liberabit; licet enim patiens sit, tamen fontes impunitos non dimittit. Itaque non vobis pareet, o Assyrii. IMPESTATE ET TURBINE VIAE EIUS. Describit Dei potentiam in Assyrios venientis, ut eos puniat; quasi dicat, Dominus venit in tempestate, hoc est, cum potentia, & impetu magno, & repentino, cui nullae humanae vires poterunt resistere. NEBULAE PULVIS PEDUM EIUS: exercitus eius erit innumerabilis, ut caelum nebula pulveris impleat, quem pedibus excitabit.

V. 4. INCREPANS MARE; id est, si mare increpet, illud arescit. LXX. habent, *comminans*; sententia ergo est, Si more increpantis, & comminantis impetret mari, illud dividit, aut arescat pro arbitrio, ut accidit cum Israelitas traduxit per mare rubrum. AD DESERTUM DEDUCENS: deserta faciens, aquas privans. INFIRMUS EST BASAN, ET CARMELUS; quasi dicat, Fertillissimi montes, & regiones, quales sunt Basan, Carmelus, & Libanus, sient steriles, languescant, & quodammodo emoriantur, si Deus volet. Horum montium allegoria significare videtur Ninives, & Assyriorum divitias, & opulentiam divina vindicta exardescere perdemam. FLOS LIBANI: Chald. *arbores*. LXX. *quae florebant Libani*.

V. 5. COMMOTI SUNT. Hebr. *sabescunt*, vel, *liquefunt*, scilicet prae timore concutientur, contremiscent, ut cera, aut nix liquefcent, & quasi in nihilum rediguntur. DESOLATI SUNT. LXX. *conculsi*, Chald. *disrupti*: est repetitio.

V. 6. QUIS STABIT: quis subsistere poterit, ne dum resistere? EFFUSA EST UT IGNIS: prius se Dei ira continebat, nunc quasi subductis cataractis effusa est, ut igneus torrens. Aquila vertit, *furor eius* *ἐν χυμῶδιν*, *conflatus est*, Theodotio, *ἵσταται*, *stilla-rit*; id est, cum prius non flueret ut metallum igne nondum admoto, iam fluent in modum igniti metalli, & ardore formacis oluti. ET PETRAE DISSOLUTAE SUNT AB EO: quasi dicat, durissima quaeque, & fortissima conteret.

V. 7. SCIENS, id est favore prosequens, defendens. LXX. *cognoscens timentes se*, deoque curam illorum gerens.

V. 8. IN DILUVIO PRAETEREUNTE. Exercitus intelligit Medorum, & Babylo-niorum, qui instar diluvii ingenti turba, celeritate, & impetu invaserunt Assyrios, eorumque locum, id est Ninivem regiam civitatem vastarunt. CONSUMMATIONEM IPSE PACIET: hoc est, excidium urbis, & regni Assyriorum. PERSEQUENTUR TENEBRAE: scilicet calamitatum, ærumnarum, & cladum. QUID COGITATIS CONTRA DOMINUM? Quid vos? o Assyrii, cogitatis mala contra Dominum? id est, contra Domini populum in Ierusalem, & templum. NON CONSURGET DUPLEX TRIBULATIO. Magnam cladem passæ sunt decem tribus a Salmanasar: quare non patietur Deus alteram Iudææ inferri per Sennacherib.

V. 10. QUIA SICUT SPINAE, &c. id est, sicut spinæ componuntur, & in fascies colliguntur, sicque colligatæ videntur se mutuo complecti, & desinantur incendio; sic Assyrii Israelitis infesti tamquam spinæ, & se mutuo per conviviorum philari-tatem excipientes, & complectentes, in obsidione Ierusalem simul consumuntur ab Angelo, quasi atentes stipulæ, quæ facile ignem concipiunt.

V. 11. EX TE EXIBIT: Sennacherib Rex Assyriorum. COGITANS CONTRA DOMINUM MALITIAM, id est malum contra urbem Ierusalem, & templum Domini

machinans. MENTE PERTRACTANS, &c. Repetitio. PRAEVARICATIONEM: malum, quod qui iniuste inferit, legem divinam prævaricatur.

V. 12. SI PERFECTI FUERINT, &c. Licet copius, robore, opibus prælitis, & numero suis plures, immo plurimi, tamen attondebit vos angelus pertransiens, & feriens. AFFLIXI TE: o Israel, o Ierusalem, per Sennacherib, & Assyrios. ET NON AFFLIGAM TE ULTRA: scilicet per eisdem Assyrios; nam postea per Chaldeos excisa est Ierusalem, Deo novis se-culeribus ad sumendam vindictam provocato.

V. 13. CONTERAM VIRGAM EIUS, scilicet Sennacherib. Virgam vocat vim, & tyrannidem, qua Iudæos affligebat obidebat, & quasi victos tenebat. Chald. *Frangam iugum Gentium de collo vestro, & vincula vestra præcidam*.

V. 14. PRAECIPIET SUPER TE DOMINUS; id est, decernet, & sanciet de te id quod sequitur. NON SEMINABITUR EX NOMINE TUO AMPLIUS NULLI TIBI, o Sennacherib deinceps posteræ nascentur: penitus peribit memoria tui. INTERIFICIAM SCULPTILE. LXX. *disperdam sculptilia*, Chald. *delebo simulacrum*, &c. PONAM SEPULCRUM TUUM. *Inde puniens unde sperabas auxilium. Erit sculptile, & constabile sepulcrum tuum, ut inter aras & pulvinaria adorantis idola, sanguis nefarius effundatur*, ait S. Hieronymus, quod propterea dicit, quia in templo Deorum suorum a filiis suis occisus est, I. V. Reg. xix. 37. ibique inhumatus iacuit. QUITA INHONORATUS ES: quia ob stragem exercitus tui ab Angelo percussus, & turpem fugam, contemptus a tuis civibus & filiis in templo occideris.

V. 15. ECCE SUPER MONTES, &c. quasi dicat: Nolite esse solliciti; iam mihi videor videre nuncium celeri cursu properantem, ut annunciet pacem, & omnia læta, & prospera Iudæis hoste interempto. FESTIVITATES TUAS: antea propter obsidionem intermissas. VOTA TUA: quæ Deo pollicitus es cum obsidereris. BELIAL: superbus scilicet, & crudelis Assyrius. Belial, ut alibi explicatum est, sine iugo significat, hoc est, eum, qui legis iugum excussit, qui nec rationi, nec divinæ le-

gi obtemperat. UNIVERSUS INTERIIT: exercitus quidem in Iudra, Dux vero, & princeps eadem in urbe Ninive.

T I R I N I.

Vers. 1. **O** NUS a NINIVE; id est, prophetia onerosa *Ninivitis*, libro a Nahum comprehensa & Ninivitis transmissa: neque enim adit ipsemet urbem *Niniven*, uti Ionas adierat, inquit *Arias*.

V. 2. **DEUS AEMULATOR.** Hebraice, *fortis zelotes & ultor Ichova*, id est, vehemens atque ardens amator suorum, & ultor hostium.

V. 3. **MUNDANS NON FACIET INNOCENTEM b;** id est, nullo modo declarabit Niniven mundam vel innocentem, puta perpetuo tacendo, patiando, dissimulando: sed potius nocentissimam ac fordidissimam esse declarabit coram toto mundo, gravissimi illam stato tempore puniendo. **IN TEMPESTATE VIAE EIVS.** Poetica catachresi deferibit pugnam Dei cum Assyriis, quasi magno impetu & frigore in eos irrumpentis, pulverem pedibus equorum c & rotis currum suorum excitantis, coque aerem obscurantis. Symbolice significat strepitum & multitudinem copiarum Chaldearum & Medarum Ninivem aggredientium, oppugnantium & expugnantium.

V. 4. **INCREPANS, d LXX. comminans,** id est, more increpantis & comminantis cogens MARE dividi vel *exsicari*, coneuti vel tranquillari, prout ei libuerit. Symbolice, mare & flumina designant copiam civium, militum & opum Ninivæ: sicut *BASAN*, *CARMELOS* ET *Libanus*, ubertatem frugum, fructum & gregum: quæ omnia in excidio Ninivæ sustulit & extinxit Deus.

V. 6. **INDIGNATIO, ira & vindicta eius,** ex nunc certo decreto EFFUSA EST e, & suo tempore etiam reipsa effunderetur in vos Ninivites, & in omnes peccatores, ut solet e fornace confatoria ferrum, ut, vel plumbum liquatum & igneferens, pertulo obice defluere instar ignei torrentis, petras & saxa & alia quælibet omnia momento incendentis & absumentis. Sed qui hostibus suis adeo terribilis est, amicis, vice versa summe & extreme

V. 7. **BONUS est; LXX. pater;** id est, suavis, beneficus, utilis, ut nunc, o Iudæi, experiemini in adventu potentissimi Assyriorum regis Sennacherib. Examines f enim metu *confortabit g*, ac roborabit; Hebraice est *moas*, id est fortitudo, locus munitus, arx, præsidium erit suis Deus in omni *tribulatione*. Unde desumptum nomen Dei Antiehristi. Deus *Mavem h*, id est Deus fortitudinis, id est *Mars*, ut vertit Pagninus. *Scit i* etiam, sed scientia approbationis & practica, seu efficaci, id est amat, charos habet, protegit, propugnat sperantes & confidentes in se. Uti experiemini.

V. 8. **IN DILUVIO PRÆTEREUNTE;** id est, in castris numerosis Sennacherib, instar diluvii inundantibus k & opplenibus Iudæam, inquit Rupertus & Lyrannus: Deus enim CONSUMMATIONEM l FACIET LOCUS EIVS; id est, consummate & plene perdet locum, id est Assyrios castrametantes in loco per tyrannum ad id delecto. Sed Theodoret. Clarius, *Arias*, *Vatablus* & a Castro, per diluvium hoc intelligunt exercitus Chaldeorum & Medorum, innumerable multitudinem, impetu & celeritate Assyriam invadentes, & urbem regiam Niniven obsidione cingentes, immo & diluvio aquarum obruentes, teste Diodoro Siculo m, qui scribit, supra quadringenta millia ex Chaldeis, Medis, Persis, Arabibus & Bactrianis (ex hominum diluvium) ad Ninives expugnationem confluisse: cumque biennali obsidione parum promovissent, tandem continuis imbribus exerescentem supra modum fluvium Tigrin, (en & aquarum diluvium) magnam urbis partem inondasse, & muros ad viginti stadia deiecit, & hostibus ingressum fecisse. Quod etiam Nahum cap. sequenti indicat, cum vers. 6. ait: *Portæ fluviorum aperta sunt, & templum ad solium dirutum:* & vers. 8. *Ninive quasi piscina aquarum: ipsi vero incolæ fugerunt.* Et his subscribunt S. Epiphanius, & Dorotheus n & alii complures.

V. 9. **QUID o Assyrii, COGITATIS MALA CONTRA DOMINUM,** cum in ipsum blasphemii o, & in populum eius iniurii, tanto impetu ruiis ad excidendum Iudæos, sicut excidistis Samaritas? Ipse profecto vos consumet & disperdet, ut iam dixi: nec per-

permittit, *duplicem per vos confurgere tribulationem* adversus populum suum: ita Chaldeus, Arabicus & Syrus, cum S. Hieronymo, Remigio, Haymo, Lyrano & Hebraeis; quasi dicat: Sufficiat vobis, quod Deo permittente regnum decem tribuum per Salmanassarum excideritis: non patietur clementissimus Dominus ut altera simili generali strage populum eius absumatis, reliquas duas tribus excidendo & perdendo. Sat enim poenarum iam dederunt etiam hae duae tribus, in tot amicorum, immo fratrum suorum excidio & abductione. Quin potius Assyrii, dum in Iudaea & in obsidione Ierosolymae,

V. 10. SCUT SPINAE SE INVICEM densis agminibus *complectentur*, epulantes, compotantes & obessis insulantes, ex improviso manu angelica *p* sternentur, & QUAE *arida stipula*, igne caelestis ultionis abumentur. Pari modo, capietur a Chaldeis & Medis *Ninive*, cum cives muris & munitionibus suis praesidenter, convivis & symposiis vacabunt: & ita factum scribit idem Diodorus *q*. Porro causa claudis tuae

V. 11. EX TE, o Ninive, EXIBIT, nempe rex tuus Sennacherib, qui more praescorum gigantum, cum ipso Deo bellum gerere praesumit, populum, urbem, templum ipsi sacrum & tam charum subvertere studens & excindere.

V. 12. ET SI PERFECTI FUERINT Assyrii copiis, opibus, viribus, ira ut nihil ipsi desit, ET ITA PLURES, ut Iudaei cum illis comparari non possint; tamen *attendant* eos angelus suo gladio *pertransiens* & feriens: nempe, quasi capillos facillime ac celerrime quotquot volet refecabit, & sic *PERTRANSIBIT* atque evanescet omne illud robur exercitus Assyriorum: & ipse praeter omnibus rex Sennacherib probrofa fuga *pertransibit* & Iuda in Assyriam, & ibi manu filiorum suorum *transibit* ex hac vita in gehennam: ita fere S. Hier. & alii supra citati. AFFLIXIT TE, o Israel, o Iudae, satis superque pro culpis hucusque patris: NON AFFLIGAM TE ULTRA, nisi novis sceleribus ad id me de novo coegeris.

V. 14. SUPER TE autem, o Sennacherib *PRAECEPIIT*, decerneret, sanciet DOMINUS, ut NON *seminetur* EX NOMINE TUO AMPLIUS; id est, ut deinceps nulli filii

ex te procreentur, qui nomen & stirpem tuam propagent, inquit S. Hieronymus, Remigius, Albertus, Hugo, Lyranus, Vatablus & Ribera: qui vero iam ex te procreati sunt, exitio erunt tibi tuarum familiarum. Nam filii tui Adramelech & Sarrassar propriis te manibus iugulabunt IN DOMO DEI TUI Nesroch *r*, *ibi* (sic vertit Chaldeus & Pagninus) PONAM SEPULCRUM TUUM: QUIA enim INHONORATUS e fuga Iudaica rediisti in patriam, non dignabuntur te subditi alio mausoleo: sed in ipso templo tam infami parricidio iam profanato, submotis inde omnibus idolorum quasi indignantium statuis ac sculptilibus, levi opere te tumulabunt. Assar haddon autem filius tuus succedet quidem tibi, sed in probrum & in ruinam familiae tuae; nam tyrannide sua & aliis infamibus sceleribus, odium omnium in se provocabit, & sceptrum exutus amulz illud familiarum transcribet, puta Nabuchodonosori Chaldeo, ut saltem ex non tua familia oriundo (ut dixi in Iudith & in Chronico *s*.) & sic extincta familia tua, etiam regnum & monarchia ad exteros demigrabit.

V. 15. ECCE IAM SUPER MONTES adfunt PEDES EVANGELIZANTIS tibi, o Ierosolyma, o Iudaea, caesum, fustum, fugientemque regem Sennacherib, & pristinam pacem tibi redditam: non *pertransibit* in te amplius *Belial*, *r* id est impius ille & Deo rebellis Assyrius, iam enim totus vel caesus, vel dissipatus, *interiit*: ita S. Hieron. Hugo & Vatablus. Allegorice, S. Cyrill. & Theophyl. haec omnia adaptant diabolo, peccato & morti per Christum prostratis, caesis, contritis.

(a) Isai. xlii. 2.

(b) Num. xxiv. 18. & Exodi xxxiv. 6.

(c) Esai. xxvi. 20.

(d) Pl. cv. 9. & Marci iv. 39.

(e) Isai. xxxiii. 14. Iudic. v. 20.

(f) IV. Reg. xviii. 16.

(g) Ibid. cap. xix. 6.

(h) Dan. xii. 31.

(i) Exodi xxxiii. 12. &

(k) Tim. ii. 26. & Matth. v. 23. Isa. viii. 7.

(l) Isai. x. 27.

(m) Diod. lib. iii. & v. h. 8.

(n) Epiph. & Dorothei in Vita Nahum.

(o) IV. Reg. xviii. 35. & Isai. xxxvi. 20.

(p) IV. Reg. xix. 35.

(q) Diod. l. h. iii.

(r) Ibidem.

(s) Iudith. cap. 7. 5. Chronici xxxiii. Assar haddon.

(t) Deut. xlii. 22. Proverb. vi. 32.

GORDONI.

Vers. 1. **O** NUS NINIVE, &c. Vaticinium in Ninivitas, & futuram stragem denuncians: post poenitentiam sub Iona narratur excisa Ninive ab Arbace, ex novis eorum sceleribus, ac deum iterum post aliquot reges & annos, nempe post excisam Ierusalem, eo spectare putatur hoc vaticinium. Ceterum quæ hic sunt de irato, zelante & potente Deo, continent minas excidii contra Assyrios & Ninivitas, ad quos statim hic initio dirigit hoc onus & visionem suam Nahum: contra, inquam, Ninivitas, hostes populi Dei, & post prædicationem Ionæ iterum & sæpius relapsos in scelera.

V. 3. **DOMINUS PATIENS, ET MUNDANS NON FACIET INNOCENTEM**, &c. Patiens tardus ad iram. Hebr. *longus naribus*, qui latus habent nares facile efflant fumos iræ: sic ex hoc modo loquendi Deus expectavit Ninivitas ad poenitentiam: *nec tamen mundans faciet innocentes*; hoc est, non ibunt impune, sed ob scelera punientur: certe pati & tolerare ad tempus reum, non est absolvere a pena. Demum quæ hic inscuntur, declarant quid possit Deus facere, ut sic sapere discant Ninivæ. Sept. *nocentem, non innocentem faciet*. Sic Hebræi, *faciens facies*: adde negationem, hoc est, non faciet.

V. 7. **BONUS DOMINUS, ET CONFORTANS**, &c. Iam de Iudæis quos solatur: ergo ut impios punit ira Dei, ita pios ex misericordia & bonitate sua iuvat & promovet: sic in præsentia Propheta, sicut stragem denunciavit Assyrio Sennacherib, ita iam solatur Ezechiam, & obfessos ab Assyriis Iudæos. Hinc *vers. 8.* In solutio repentino evertit inundatio Niniven per Medos & Chaldæos; vel etiam delecto exercitu Sennacherib, misso contra Ezechiam, Esai. cap. viii. 7. a neutra explanatione abhorret textus.

V. 9. **QUID COGITATIS CONTRA DOMINUM**, &c. Certant auctores, an hæc dicantur ad Iudæos pavidos adventante Sennacherib, an vero ad Assyrios: neutrum est improbabile. Placet tamen apostrophæ esse ad Assyrios; ac si dicat Deus, frustra laboras: non confurget per te duplex tribulatio, excissæ sunt ab Assyrio decem

tribus, non tamen excindes Iudam. Sed te ut stipulam excindet Deus. **EX TE EXIBIT** (*vers. 11.*) o Assyria Sennacherib, sed frustra, quamvis perfectos seu plurimos habeat secum: tamen eos attondebit Angelus percutiens. Hebr. *שליח ודעמim, pacifici*, in pace & prosperitate, aut concordēs, & hoc sensu perfecti (ut habet Vulgatus) perinde est: non affligam ultra Iuda, nempe non confurget illa duplex tribulatio. **PERTRANSIBIT**, pro pertransibunt; vel certe Sennacherib.

V. 14. **ET PRÆCIPIT SUPER TE DOMINUS**, &c. Sermo est ad Sennacherib: hoc Dominus decernet de te, ex quo fiet ut non seminetur in nomine tuo amplius: eris nempe sine liberis, regno, & idolis: nam Sennacherib post reditum in Assyriam occisus est a filiis, & Assaraddon filius regnavit quidem, sed non diu, ut satis observavi ad annum mundi 3271. & 3273.

V. 15. **ET SUPER MONTES PEDES EVANGELIZANTES**, &c. Percusso exercitu Sennacherib missi cursores ab Ezechia evangelizabant gaudium hoc magnum: nec desuere festivitates. Est certe hic allusio aliqua, dum Nahum alludit ad verba Isa. lxi. 7. *quam pulchri pedes*, & proinde etiam ad Apostolos evangelizantes sub Christo.

EX EIUSDEM AUCTARIO.

Vers. 1. **ONUS**: prophetia tristis & gravis.

Vers. 8. **LOCI EIUS**: urbium apud Assyrios.

Vers. 9. **DUPLEX**. Semel evertit Sennacherib decem tribus: non id faciet erga Iudæam.


Vers. 11. **ET EXIBIT**: Sennacherib.

Vers. 12. **SI PERFECTI FUERINT**: quamvis valeat robore & numero superes, tamen Angelus vos attondebit sub Ezechia. **AFFLIXI TE**, Israel, Iuda, & Ierusalem; non tamen amplius per Assyrios: nam per Chaldæos postea contigit excidium urbis.

Vers. 15. **BELIAL**: crudelis Assyrius. Nomen **BELIAL** est homo exlex, sine iugo.

CAPUT II.

*Obsidio Ninive eiusque a Chaldeis depopulatio, quia superbe
egit contra populum Domini.*

I.  Scendit qui dispergas coram te, qui custodiat obsidio-
nem: contemplare viam, conforta lumbos, robora vir-
tutem valde. 2. Quia reddidit Dominus superbiam Ia-
oob, sicut superbiam Israel: quia vastatores dissipave-
runt eos, & propagines eorum corruerunt. 3. Cly-
peus fortium eius ignitus, viri exercitus in coccineis:
igneæ habentæ currus in die præparationis eius, & agi-
tatores consopiti sunt. 4. * In itineribus conturbati sunt: quadrigæ colli-
sæ sunt in plateis: aspectus eorum quasi lampades, quasi fulgura discurr-
entia. 5. Recordabitur fortium suorum, ruent in itineribus suis: velociter
ascendent muros eius, & præparabitur umbraculum. 6. Portæ fluviorum
apertæ sunt, & templum ad solum dirutum. 7. Et miles captivus abdu-
ctus est: & ancillæ eius minabantur gementes ut columbæ, murmurantes
in cordibus suis. 8. Et Ninive quasi piscina aquarum aquæ eius: ipsi verò
fugerunt: state, state, & non est qui revertatur. 9. Diripite argentum,
diripite aurum: & non est finis divitiarum ex omnibus valis desiderabili-
bus. 10. Dissipata est, & scissa, & dilacerata: & cor tabescens, & dis-
solutio geniculorum, & defectio in cunctis renibus: & facies omnium
eorum sicut nigredo ollæ. 11. Ubi est habitaculum leonum, & pascua ca-
culorum leonum, ad quam ivit leo ut ingrederetur illuc, catulus leonis, &
non est qui exterreat? 12. Leo cepit sufficienter catulis suis, & necavit
leænis suis: & implevit præda speluncas suas, & cubile suum rapina. 13.
Ecce ego ad te, dicit Dominus exercituum, * & succendam usque ad su-
mum quadrigas tuas, & leunculos tuos comedet gladius: & exterminabo de
terra prædam tuam, & non audietur ultra vox nuntiorum tuorum.

BRUGENSIS

ROMANÆ CORRECTIONES.

*Vers. 4. In itineribus conturbati sunt: qua-
drige collise sunt in plateis. Mascellinum
conturbati, non est vertendum in femini-
num conturbatæ, iungendumque, cum qua-
drige.*

*Vers. 13. Et succendam usque ad summum qua-
drigas tuas. Non facile substituendum est
pronomen tertie personæ eius, pro secun-
dæ tuas.*

NOTATIO.

*Vers. 4. I N itineribus conturbati sunt: qua-
drige (eius o. collise sunt (con-
vulsa o. avulsa o. colliserunt o.) in plateis.
Quatuor manuscripta, Germani oblongum,
Plantini medium, H, & Bussidianum pro
conturbati sunt habent conturbata sunt femi-
nino genere, quod ad quadriga referatur.
Hebræa ambigua sunt ex se ad utrumque.
Ceterum Hebræi ita interpretantur, ut
cum*

cum יתהלל quod Interpres noster *conturbavi* dixit הרכב quod *quadriga* transtulit; co-
puletur: quomodo & Chaldeus & LXX. viri
distinxerunt. Porro noster Interpres, ut fa-
cile potuit, aliter videtur distinxisse;
יתהלל ab הרכב separasse; itaque transtulit
se ut primum protulimus, *In sumentibus con-*
turbati sunt: quadriga collisa sunt &c. In

primis enim sic ple aque exemplaria legunt
etiam præstantissima. Tum enarratores id
explicant, & disertissime ipse B. Hierony-
mus, cuius verba sunt: „Rursusque ad de-
scriptionis ordinem rediens: Tanta est,
inquit, multitudo venientium, ut coniu-
ctum agmen sit in itinere, & discerni ne-
queat. Ipse quoque quadrigæ, dum viam
non reperiunt præ multitudine, inter se
colliduntur in plateis.“

C O M M E N T A R I A

S A.

Vers. 1. **A** SCENDIT, scilicet Nabucho-
donosor. DISPERGAT, scili-
cet perdat, seu vallet. CORAM TE, id est
te spectante, scilicet o Ninive, & dolen-
te. OBSIDIONEM, scilicet donec te expu-
gnet. CONFORTA LUMBOS, id est collige
vires. ROBORA, &c. repetitio, seu expli-
catio præcedentis.

V. 2. REDDIDIT, id est punivit. SU-
PERBIAM, scilicet Sennacherib, qua usus
est, contra Iacob, id est Iudæos, seu Iu-
dam. LXX. *iniuriam*, seu *contumeliam*.
ISRAEL, scilicet qua contra Israelem usi
Assyrii. VASTATORES, scilicet Assyrii.
EOS, scilicet Israelitas. PROPAGINES, id
est fructus, seu possessiones, vel filias.
CORRUPERUNT, id est perdididerunt.

V. 3. EIUS, scilicet Nabuchodonosor,
IGNITUS. Hebr. & Chald. *rubeus*, quod
quidam interpretantur de laminis æreis, seu
aureis scutorum, quæ ad solem cum colo-
rem reddebant. IN COCCINEIS, scilicet ve-
stibus. IGNEÆ, scilicet auro ornate, quæ
ad solem deinde ignitæ apparent. PRÆ-
PARATIONIS, scilicet ad bellum. CONSO-
PITI, scilicet vino; quasi dicat, Velut re-
muli nihil timentes.

V. 4. CONTURBATI, scilicet milites,
quod viæ tam multos capere non possint,
vel ordinate interedere non sinant. COLLIS-
SÆ, scilicet inter se, quod eas nec late
viæ capiant. LAMPADES; quasi dicat:
Vultu pleno iracundia Chaldei irruent: sic
Psal. xvii. *Ignis a facie eius*, scilicet ira-
ti, exarsit.

V. 5. RECORDABITUR, scilicet Assy-
rius, ut se defendat. RUENT, id est ca-
dent, scilicet interempti ab hostibus in
vis. EIUS, scilicet Ninive. UMBRA-
CUM, scilicet ob æstum, ceterasque aeris

iniurias. LXX. *propugnacula*.

V. 6. FLUVIORUM, id est populorum in-
tra urbes conclusorum. LXX. *civitatem*.
TEMPLUM: forte pro templo.

V. 7. MILES. Chald. *Regina*. ANCIL-
LÆ EIUS, id est urbes subiectæ Ninive,
scilicet earum cives. MURMURANTES, id
est cum tacito seu tenui murmure dolen-
tes. LXX. *loquentes*.

V. 8. AQUÆ, id est populus, seu ci-
ves, scilicet loco amœno multi. STATE,
STATE; quasi dicat, Frustra dicit quis,
Subsistite. REVERTATUR, scilicet a fuga
contra hostes.

V. 9. DIRIPITE, scilicet o Chaldei.
Vox militum se cohortantium ad prædam.
FINIS. Hyperbole. Ex; pro, in: vel su-
baudi, capite, vel diripite. DESIDERANTI-
BUS, id est pretiosis.

V. 10. DISSIPATA EST, scilicet Ninive.
COR TABESCENS, &c. Descriptio exami-
natorum, & viribus defectorum. FACIES,
scilicet præ timore, seu mœnore, & affli-
ctione. NIGROD: contraria hæc luci, quæ
in facie lætorum velut apparet.

V. 11. UBI EST; quasi dicat: O Assy-
rii, ubi est Ninive illa, ubi habitabant sæ-
vi Reges cum filiis, omniæque per orbem
prædabantur? IVIT, id est se recipiebat ex
præda. CATULUS, &c. quasi dicat, Cum
filiis suis. EST; pro, erat.

V. 12. LEAENIS. Chald. *uxoribus*.

V. 13. AD TE, scilicet veniam punitu-
rus. EXERCITIUM. LXX. *omnipotens*.
USQUE AD FUMUM, id est dum in fumum
veriantur. Chald. *igni*. LXX. *in fumo*.
PRÆDAM TUAM, id est quod prædata es.
NUNTIORUM. Chald. *legatorum*, scilicet
ad alias urbes.

E S T II.

Vers. 2. **Q**UIA REDDIDIT DOMINUS SUPERBIAM IACOB, SICUT SUPERBIAM IACOB. Cum ista prophetia non dirigatur contra Israel, nec contra Iudam, quaeritur, quomodo propheta meminerit superbiae Iacob & Israel? Ad hoc dupliciter respondetur. Hieron. exponit hoc modo: Sicut Dominus ultus est Iudam de superbia Sennacherib, interfecto exercitu eius in Iudæa, & ipso a filiis suis iugulato; sic ulciscetur Dominus Israel, id est decem tribus quæ a superbis Assyriis possidentur. Intelligit ergo Hieronymus per superbiam Iacob & superbiam Israel, eam quam hostes eius adversus eam declaraverunt. Alii per superbiam intelligunt magnificenciam, & sic exponunt: Restituet Dominus magnificenciam & dignitatem populi sui Iacob & Israel, subverfis hostibus, a quibus opprimebantur.

V. 7. ET ANCILLAE EUS MINABANTUR, id est ducebantur, quomodo grex ovium aut armentorum minari, & duci dicitur. Sic Exodi tit. de Moysæ pascente oves Iethro socii sui: *Cumque minasset gregem ad interiora deserti*. Et hanc esse vocem huius significationem hoc loco, manifestum est ex Hebræo & Græco, ut plane reiciendus sit quorundam commentarius, de minis seu comminationibus, nescio quibus, istarum ancillarum. Nam & sequitur; *minabantur GEMENTES, UT COLUMBAS*, quod nullo modo videtur esse minas iactantiam. Itaque & quod adiungitur; *MURMURANTES IN CORDEBUS SUI*, de dolore tantum & amaritudine cordium intelligendum, non de minis.

M A R I A N A E.

Vers. 1. **A**SCENDIT QUI DISPERGAT CORAM TE. Ducat tuos, o Ninive, aut o Rex Assyriorum, in captivitatem. Is est Nabuchodonosor, ut Hieronymus explicat. CUSTODIAT OBSIDIONEM, id est obsidebit te. Hebr. *custodire munitionem*; pro, custodite arcem, o Ninivite, ne capiatur. CONTEMPLARE VIAM, per quam hostis venit. CONFORA LUMEN, id est vires assume quantas poteris, ut scilicet bellum defendas.

V. 2. QUIA REDDIDIT DOMINUS SUPERBIAM IACOB. Sept. *averit Dominum contumeliam Iacob*. Hic Iacob pro decem tribubus accipi debet; & superbia active, pro ea qua illas tribus Assyrius oppressit, pro contumelia. Quidam *excellenciam* vertunt, quam reddidit Iudæis, aut Deus hostibus vindicatis, *תגא גחון*, pro superbia & pro excellencia sumitur. Sed quocumque modo, vindictam sumpturam de hostibus significat qui illas tribus oppresserunt. SICUT SUPERBIAM IACOB. Hic Israel pro tribu Iuda sumo, quam occiso Sennacherib vindicavit. Ergo, ut tribus Iuda sum ultus, sic decem tribus vindicabo, delecta Ninive. QUA VASTATORES, &c. Hebr. *quia evacuatores evacuaverunt eos*; hoc est, bona diripuerunt Assyrii, eorum & propaginem. Per propagines minora oppida intelligit, quæ simul & urbes vastavit.

V. 3. CLYPEUS FORTIUM EUS IGNTUS. Hebr. *ruber*, scilicet sole percutiente ruber & ignitus apparet. Loquitur de militibus, quos Ninive habebat, ad resistendum. VIRE EXERCITUS IN COCCINEIS. Hebr. *vermiculati*, id est in velibus coccineis. Ex cocco vermis nascitur, ex quo color coccineus præstantissimus. Isai. 1. 18. *Si fuerint (peccata) rubra, ut vermiculus, velut lana alba erunt*. De eo vermiculo loquitur. IGNEAE HABENAE CURRUS. Sic Sept. Solis radii igneæ videntur, quia ex ære, ne facile rumpentur. Hebr. *in igne* (id est ut ignis) *lampades currus*. Canthus ferreus efficiebat, ut per petras currentes currus scintillas emitterent. IN DIE PRAEPARATIONIS EUS, cum ad bellum se comparant. ET AGITATORES CONSOPITI SUNT. Hebr. *ab istis venenatis*, id est sagittæ, aut lanceæ, quæ ex ea arbore fiunt, sunt helleboro insectæ, noxiis herbis.

V. 4. IN ITINERIBUS CONTURBATI SUNT. Se agitatores seu milites mutuo impediunt. Hebr. *in plateis insanient currus*, id est ascensores currus, nescientes quo vadant, huc illucque discurrunt quasi insanientes. QUADRIGAE COLLISAE SUNT IN PLATEIS. Hebr. *coxis collident*, scilicet adscensores, aurigæ calcaribus equos incitabant. QUASI FULGURA DISCURRENTIA. Hebr. *quasi fulgura current*, id est velociter.

V. 5. RECORDABITUR FORTIUM SUORUM; eorum, quos prius habuit, recordabi-

dabitur Assyrius, seu Ninive, eorum comparatione esse ignavos quos habet. RUMENT, sive offendens in viis suis, id est cum ierint obviam hosti, in primo conflictu peiora ferent. VELOCITER ASCENDENT MURUS EUS, scilicet urbis, se incensibus tueri conabuntur diffisi viribus. ET PRAEPARABITUR UMBRACULUM. Vineas, musculos, pluteos hostes parabunt, ut muro succedant, illum dolabris diruant. Eas machinas umbraculum vocat. Chald. *surtes edificabunt.*

V. 6. PORTAE FLUVIORUM, id est urbis aperientur, prostrabuntur, quas fluviorum vocat, quia per eas, ut fluvius, populus egredietur. Aut quia ad flumen erant portae, per quas urbs est capta. Fluviorum dicit, quia in ea urbe plura erant flumina. TEMPLUM AD SOLUM DIRUTUM. Hebr. *templum*, sive palatium liquefiet, igne iniecito metalla liquefcent.

V. 7. ET MILES CAPTIVUS. Hebr. *statio*, id est milites, captivi iverunt. Chald. *Regina abiit captiva*. Que דִּבְרֵי חֲזָבָה vocatur, aut quia sic vocabatur, aut quia Regi astabat: sic Hebr. Schol. nimirum ea voce deducta a דִּבְרֵי חֲזָבָה, id est *stare*. ANCILLAE EUS MINABANTUR, id est deducebantur. Hebr. *deducentes*, scilicet Reginam, eam comitantes. GEMENTES. Hebr. *in voce columbarum*, id est gementes. MURMURANTES. Hebr. *tundentes instar tympani cor suum*, id est pectus, scilicet ut praefice ciulabant.

V. 8. QUASI PISCINA, id est bonis repleta & copiis erat Ninive. AQUAE RIUS, id est copiae, opes. Hebr. *a diebus*, scilicet antiquis erat ea opulenta multo tempore congelata. IPSI VERO FUGERUNT, scilicet cives non sunt ausi eas copias defendere. STATE, STATE: scilicet hostis id dicebat, ne fugerent. NON EST QUI REVERTATUR. Hebr. *qui respiceret*, scilicet retro. Effusa fuga erat: nihil aliud curabant. Sept. *non erat qui respiceret.*

V. 9. DIRIPITE. Milites inter se ad praedam incitant. Aut Prophetæ sunt voces. ET NON EST FINIS DIVITIARUM, &c. Hebr. *non est finis apparatus, gloria ex omnibus vas deferatilibus*. Gloria, id est divitiarum constant ex omni vase pretioso, quod desiderant homines.

V. 10. DISSIPATA EST, ET SCISSA. Hebr. *evacuata*, & *exinanita*. DISSOLUTIO,

Hebr. *solisio genum*. DEFECTIO seu debilitas. ET FACIES OMNIUM EORUM SICUT NIGREDO OLLAE. Hebr. & *facies omnium eorum contraxerunt nigredinem*. Pingit cives Ninives quasi ægrotos ex gravi morbo, nigros præ metu & morore.

V. 11. UBI EST HABITACULUM LEONUM, id est lustrum. Ironia est. AD QUAM. Sept. & Chald. *quo ivit leo*. Gotth. *ad quem ivit leo, ut ibi moraretur sine timore*; hoc est, quomodo evanuit vestra superior ferocia, quo abiit, o Ninivite?

V. 12. LEO CEPIT, rapuit. SUFFICIENTER, quod sufficit catulis, seu abundanter. Sufficere & modum, & copiam significare potest, ut & יָדַי דְּאֵי Hebr. ET NECAVIT, seu suffocavit, e præda scilicet. LEARNIS SUI: supple, quod illis sufficit. SPELUNCAS SUAS. Hebr. *foramina sua*. ET CUBILE SUUM. Hebr. & *habitacula sua rapina implevit*. Per *foramina & habitacula*, lustra intelligit. Ergo non est mirum, si tam multas copias habebatis, quia leonum instar multa rapuistis, multos oppressistis.

V. 13. ET SUCCENDAM USQUE AD FUMUM, quousque in longe positus, fumus incendii videatur. ET LEUNCULOS TUOS, milites, filios. ET NON AUDIETUR ULTRA VOX NUNTIORUM TUORUM. Imperio stante cures, ut sit, mittebat ad alios Reges; deletio Imperio id cessabit.

M E N O C H I L.

Vers. 1. ASCENDIT, id est brevi ascendet, contra te, o Ninive, hostis Chaldeus. QUI DISPERGAT. Hebr. *יִפְּרֹץ מִפְּהִי*, id est confingat, conterat, dissipet, disperdat tuos agros, villas, munitiones, opes, incolas, &c. CORAM TE: in oculis tuis; te spectante, & gemente. QUI CUSTODIT OBSIDIONEM: qui te clausam & obseclam teneat, nec quemquam egredi patiat. CONTEMPLARE VIAM: adhibe speculatores, qui tibi nuncient hostium adventum. CONFORTA LUMBOS, id est vires collige. ROBORA VIRTUTEM: congrega exercitus, & quæ ad bellum sunt necessaria, & opportuna.

V. 2. QUIA REDDIDIT DOMINUS SUPERBIAM IACOB. Sententia est, Si Deus superbiam Iacob, id est duarum tribuum,

& Lu-

& superbiam Israel, id est decem tribuum impunitam abire non permisit, sed pro superbia eorum, & contumacia, qua divina legi fuerunt inobedientes, & idola pro vero Deo coluerunt, variis cladibus attrivit; quid de Assyriis fiet, quos pari indulgentia, & amore non complectitur ut populum suum. VASTATORES: barbaras nationes, quibus vastata est Iudæa, & decem tribus. PROPAGINES EIUS CORRUPERUNT: per propagines, vel opes, vel filios, & nepotes, vel tribus, & familias, vel minima oppida, suburbia, & circumiectos vicos intelligit.

V. 3. FORTIUM EIUS: militum scilicet Chaldeorum. IGNITUS: splendidus, & confusus, auro illitus. IN COCCINEIS: veste purpurea amicti, qui habitus procerum est, & nobilium. IGNEAE HABENAE CURRUS: auro rutilantes, & in solo splendentes, ut ignis. IN DIE PRAEPARATIONIS EIUS: scilicet ad bellum; quasi dicat: Si quis contempletur Chaldeorum apparatus, videbit omnia auro splendere, clypeos, habenas, &c. AGITATORES CONSOPIITI SUNT: scilicet vino; quasi dicat: Chaldei agitantes velut tumulenti nihil timent: irruunt in pugnam ferociter ut temulenti. Alii de Assyriis hoc dictum putant, ut sensus sit, Velociter ad vastandam Niniven venient Chaldei, cum Assyrii equites antea in agitando equis egregii, & celebres, vel erapula, vel desidia; vel pavore fuerint consopiti. Ita explicat D. Hieronymus, & ex recentioribus Ribera, & Cornel. quam interpretationem si sequamur, dicendum est Nahum, ut solent prophetæ, a Chaldeis de quibus loquebatur, ad Assyrios repente sermonem convertisse.

V. 4. IN ITINERIBUS CONTURBATI SUNT: id est, tanta est multitudo venientium Chaldeorum, ut commixtum sit agmen iunere, & perturbatum, ut discerni nequeant. QUADRIGAE COLLISAE SUNT IN PLATEIS: quadrigæ Chaldeorum per plana loca, & spatiofa decurrentes præ multitudine viam non inveniunt, mutuo inter se collidebantur. ASPECTUS ILLOUM QUASI LAMPADES: scintillas quodammodo & vultu irato emittentes. Vel, fulgebunt ob armorum splendorem, ut lampades. QUASI FULGURA: velociter scilicet decurrentes.

V. 5. RECORDABITUR FORTIUM SUO-

RUM: recensabit milites suos. RUENT IN ITINERIBUS SUIBUS: dum properant plus iusto, ut Niniven adorianur, & expugnent. MUROS EIUS; scilicet, Ninives. PRAEPARABITUR UMBRACULUM: signetur tentoria, ne obidentes sub dio esse cogantur. Pagninus vertit, *præparabitur operimentum e tabulis, pellibusque confectum*. Cornelius de testudine interpretatur, ad id instructa, ut muri ariete quati possint. PORTAE FLUVIORUM APERTAE SUNT. Portæ Ninives, & aliarum civitatum, per quas prodire solebat magna hominum multitudo instar fluvii. Vel per fluvios metaphorice intelligit copias Chaldeorum, quæ maris, & portis Ninives, quasi aggeribus cohibita, iis vi perruptis, urbem inondarunt, & vastarunt. TEMPLUM AD SOLUM DIRUTUM EST. Templum idoli Nefroch, quod a Ninivitis colebatur, per quod significatur totius urbis ruina.

V. 7. MILES: qui Niniven custodiebat. MINABANTUR: ducebantur. ANCELLAE EIUS; id est mulieres captivæ, & ancillæ factæ. MURMURANTES IN CORDE SUO: obscuro murmure gementes, lacrymas suas devorantes, & eiulatum tollere non audentes.

V. 8. QUASI PISCINA AQUARUM AQUAE EIUS; quasi dicat: Licet Ninive aquis abundaret, cum sita sit ad fluvium Tygri, non tamen illam aquarum copia defendit a Chaldeis. IPSI VERO FUGERUNT: scilicet milites Assyrii, quibus urbis custodia credita erat. STATE, STATE: vox est Ninives, aut prophetæ; cur fugitis? cur non pugnatis?

V. 9. DIRIPITE ARGENTUM, &c. se mutuo Chaldei adhortantur ad direptionem. NON EST FINIS, &c. scilicet vasorum, & pretiosæ suppellectilis, qua urbs abundat; numquam exhaurietis, adeo plena est.

V. 10. DISSIPATA EST, &c. idem significant hæc tria, sed per amplificationem iunguntur & acervantur. Dissipata, & diruta sunt domus, mœnia, & templa, publicæ, & privatæ ædes eversæ. COR TABESCENT: timore dissolutum, & liquefactum. DISSOLUTIO GENICULORUM, tremor genuum, ut aliqui vertunt. Vastatus; colliso genuum, ut accidit iis, qui magno timore percelluntur. DEPECTIO IN CUNCTIS RENIBUS. In lumbis est magnæ pars

pars roboris animalium; quare lumborum, aut renum defectio, magnam virium defectionem significat. SICUT NEGRODO OLIAE: facies enim delituta spiritibus a corde transmissis, ut accidit in magno timore, expallefcit, nigrescit, & obscura redditur; sicut e contrario, qui læti sunt, quasi luce quadam perfusi videntur.

V. 11. UBI EST HABITACULUM LEONUM? Amara irrisio; quasi dicat: O Assyrii, ubi est Ninive illa, in qua sævi habitabant Reges cum filiis, omniaque circumprædabantur? AD QUAM IVITE LEO: in quam Rex Assyrius se recipiebat ex præda. CATULUS LEONIS, id est & filii eiusdem regis. NON EST QUI EXTERREAT: non erat qui ex cubili, & lustro illo per vim posset excutere, aut quietam regni possessionem turbare.

V. 12. LEO: rex Assyrius. CATULUS, pascendis; filios intelligit; ut per leonas, uxores.

V. 13. ECCE EGO AD TE; quasi dicat: O spelunca leonum Ninive, veniam ut te per Chaldæos debellem, puniam, & evertam. USQUE AD FUMUM: ut penitus vertantur in fumum. Italice diceremus, *Fard andare in fumo*. EXTERMINABO DE TERRA PRÆDAM TUAM: faciam ut amplius non præderis. Vel, exportabitur e terra tua id quod præda es. NUNCIORUM TUORUM: legatorum, quos ad urbes mittebas, imperans eis tributum aut deditionem &c.

T I R I N I.

Vers. 1. **A** SCENDIT contra te, o Ninive & Medus QUI CORAM TE, id est in oculis tuis, in suburbana tua DISPERGAT a copias suas militares, quibus dissipabit ac disperdet omnes aggeres, ac munitiones tuas, & biennio toto custodiet OBSIDIONEM, arctissime te concludens omni ex parte: ita Hebræi, S. Hieronymus, Remigius, Albertus, Hugo, Lyranus, Clarus, Ribera, a Castro, a Lapide. CONTEMPLARE e speculis tuis VIAM qua undique ad te cingendam accurrunt: CONFORTA LUMBOS, collige quidquid virium habes, ut adventantibus resistas.

V. 2. QUIA REDDIT DOMINUS, Ninivitis SUPERBIAM, id est debitam superbiam ac tyrannidii exercitæ tam per Sennasche-

rib & in IACOB, id est in duas tribus totæ familiæ Iacobi reliquas, quam in *Israel*, id est in regnum decem tribuum per Teglah-phalasar e & Salmannassar d: qui PROPAGINES, id est familias EORUM, partim excidio, partim abductione & exilio CORRUPUNT: ita S. Hieronymus, Remigius, Albertus, Hugo, Lyranus, immo & LXX. Nunc ergo primam Chaldaici & Medici exercitus aciem contemplare:

V. 3. CLYPEUS FORTIUM EUS, qui in prima acie collocantur, IGNITUS, id est aureus est vel ex aurichalco e: VIRI INDUTI COCCINEIS, id est purpureis vestibus; quasi dicat: Nobiles omnes erunt, ac proinde generosi, strenui, imperterriti milites, qui ignem & æstum internum animi, & sitim sanguinis, etiam externa veste sanguinea & quasi ignita contestentur. Et hæc est ratio cur non modo olim, Medi, Persæ f, Græci g, Romani b Hispani i sed & nunc Galli ac Germani, saltem nobiliores milites veste utantur purpurea, ut fuisse docet Martinus de Roa k. Additque ipsos hoc etiam habitu sanguineo exprimeret velle, promptos se paratissime pro rege suo, pro republica sanguinem profunderet. Ut & Cardinales sua purpura testantur, se pro Christo & pro Ecclesia paratos proprio sanguine purpurari. Nunc ad secundam aciem. IGNEAE, id est aureæ, & instar ignis fulgentes, HABENAE CURRUS IN DIE PRÆPARATIONIS, seu expeditionis bellicæ. Pro *habenæ*, Chaldæus, Tigurini, Vatablus, Pagninus, Rabbinus vertunt *lampades* vel *tedas*; quasi dicat: Currus eorum falcati tanta rapiditate feruntur, ut ferro rotarum versantium ad scilicet aliso, ignis emicet undique instar facis vel fulguris: & *agitatores* currum peritissimi ac dexterissimi, vino insuper, vel (si mavis) furore CONSOPITI SUNT: non quoad sensus aut præsentiam animi, sed quoad apprehensionem periculi vel metum prælii; quasi dicat: Adeo ardentes & precipites feruntur in pugnam, ut furor illis & vinum mentem omnem & consilium eripuisse videantur, inquit Sanchez.

V. 4. IN ITTNERIBUS tanto numero, tantâ celeritate, tanto impetu discurrent, ut non raro sese invicem *conturbent* & *collidant*, ac collisione ignem flammæque excitent: ita S. Hieronymus, Remigius, Ru-

Rupertus, Hago, Lyranus, Aria & a Lapide.

V. 5. RECORDABITUR PORTIUM SUORUM; quasi dicat: Ad Ninives expugnationem seliget Nabuchodonosor & Cyaxares fortissimos quoque suorum exercituum, qui impetu muros petant: hi tanto numero & contentione & velocitate adcurrunt & involabunt, ut subinde corruant per viam. PRAEPARABITUR nihilominus, & muris suffodiendis aut ariete quatiendis admovebitur UMBRACULUM, id est testudo I, seu machina ligneis tabularis contexta, & cortis cilicinis, adversus ignes contexta, sub qua delitescabant qui arietem agebant, vel muros suffodiebant. Eius loco successit alia, non multum alteri absimilis, modernae militariae machina, quam *galeriam* seu porticum vocant, quod sub ea, tamquam sub tuta & commoda porticu pateat transitus & accessus ad murum vel vallum hostilem suffodiendum. Suffossae hoc modo, & anetibus conculsae.

V. 6. PORTAE FLUVIORUM, id est portae quae ducunt ad fluvium, seu ad brachia fluvii Tigris, accedente eiusdem fluvii inexpectata eluvione, de qua cap. t. 8. extis fundamentis, collapsis muris, APERTAE SUNT: ET TEMPLUM Ninives, forte Nefroh in opibus ac fama celebre, inquit Lyranus, eadem exundatione dissolutum est, ut vertunt Tigurini, & solo aequatum; LXX. *regalia*, id est regium palatium & vicina (ut fit) palatio basilica, *considerant*.

V. 7. MILIS Ninivae praedarius, hostium superventu obrutus, captus & in carcerem abductus est; LXX. & *substantia revelata est*, id est opes omnes & thesauri Ninives patuerunt Chaldaeis & Medis: Chaldaeus vertit, & *regina quae in regia sedebat regi assilens, in captivitatem abiit*. Hebraeorum enim *hutzach* vel *hutzab* significat in genere subsistentem vel stantem, quod Noster de milite statario; LXX. de substantia seu opibus; Chaldaeus de regina regi assistente exposuit; Pagninus ipsum Hebraeorum nomen *hutzab* quasi proprium reginae retinuit, vertitque, & *Hutzab regina captiva ducta est, & currum a secedere iussa*. ET ANCILLAE EIUS, virginis ac matronae nobiles, nunc captivae

quasi mancipia, immo quasi pecudes *mnabantur* n ab hoste, & gregatim abducebantur in servitutem, nec audebant ipse metu vel eiulare vel queri; solum secreto gemebant & murmurabant in corde.

V. 8. Interim tota urbs NINIVIS QUASI PISCINA, seu lacus, erat AQUARUM plena ubique & scatens aquis, quas Trigis effractis muris in eam effunderat, sitam loco humili & paludoso, ut Herodotus & Diodorus o testantur. Ipsi vero incolae eius & milites praedarii, viso hoste, *disfugerunt*: frustra principibus Ninives in clamantibus, *state viriliter, state intrepidi*, & hosti resistite. Melius auscultabant Chald. & Medi ducum suorum monitis:

V. 9. DIRIPIE ARGENTUM OMNE ET AURUM tot saeculis in unam urbem congestum: *vasa* eius & monilia ut numero infinita, sic specie sunt pulcherrima ac pretiosissima. Atque ita.

V. 10. *Dispersa sunt opes & thesauri Ninives, & urbs in frusta confissa ET DILACERATA*: incolis COR erat TABESCENS dolore, pavore, nimisque angustia. Inde DISSOLUTIO, tremor & collisio GENICULORUM: DEFECTIO *renum*, seu lumborum & virium: denique vultuum NIGREDO *instar OLLAE*, de qua alibi p.

V. 11. Ubi nunc EST speciosa illa & superba Ninive, spelunca & HABITACULUM LEONUM, regia sedet Assyriorum praedonum ac tyrannorum? in qua quasi in pascuis uberrimis & deliciosissimis neque ac tutissimis, pasebant se reges & regum filii spoliis & praedis totius orbis terrarum.

V. 12. SUFFICIENTER iam CEPIT ac praedatus est LEO iste Assyrius, ut CATULUS AC LEAENS, id est filius ac filialis, vel potius uxoris ac concubinis, suis epulum instruat opiparum.

V. 13. ECCE EGO AD TE, o Ninive, subvertendam & excindendam per Chaldaeos & Medos, adsum in proxinctu. QUADRIGAS TUAS, id est omne robur bellicum, omnia arma, quibus te restitutam praedidis, in fumum & flammam convertam. Neque ULTRA AUDIETUR VOX NUNTIORUM & emissariorum TUORUM: quos vel ad urbes debellandas, vel ad tributa colligenda, vel ad alia imperia exequenda solebas per universum orbem desti-

destinare: ita Remigius, Albertus, Hugo & alii.

- (c) Nehum 1. 9.
 (b) IV. Reg. xviii. 13.
 (c) IV. Reg. xv. 29.
 (d) Cep. xvi. j. & seqq.
 (e) III. Reg. xii. 45.
 (f) Xenophon Lib. VI. Cyropædia.
 (g) Homer. Iliad. & Ptolemaeus in Antiocho & Cleomene.
 (h) Lip. Lib. IV. militiz. Rom. c. xii.
 (i) Diodor. Lib. VI.
 (k) Ros. Lib. I. Singulæ cap. 11.
 (l) Procop. Lib. I. Belli Gothici & Vandal. Lib. V. de Re militari cap. vi.
 (m) Nehum 1. 14.
 (n) Exod. xii. 1.
 (o) Herod. Lib. I. Diodor. Lib. III.
 (p) Joel. ii. 6. Isaia xlii. 7.

GORDONI.

Vers. 1. **A**SCENDIT QUI DISPERGAT, &c. Ascendit; hoc est, brevis ascendit contra te Ninivem hostis, qui te everteret. Quod magis coheret instituto Prophetæ, qui totus est contra Ninivem; quam si quis hic intelligat obsidionem Ierosolymæ.

Ceterum excidium Ninive, de quo in præsentia, non est illud quod aliqui narrant contigisse sub Sardanapalo: hic enim Sardanapalus æqualis fuit Ozæ. Nahum autem prophetat sub Ezechia: vide quæ dixi in opere chron. qq. cap. v. num. 18. de sæpius everfa Ninive; ut notatum etiam fuit Tobiz cap. ultimo. Hoc excidium sane accidisse debuit circa tempus excidii Ierosolymitani: & forte aliquantulum post initium tertiz captivitatis: sic Cornelius hoc loco ad Nabuchodonosorum retulit.

V. 2. REDDIDIT DOMINUS SUPERBIAM IACOB ET ISRAEL, &c. hoc est, ut plerique interpretantur, vindicabit in excidio Ninive superbiam Assyriorum contra decem tribus & Iudam, quia vastatores fuerunt populi Dei.

V. 3. CLYPEUS FORTIUM, &c. Hi sunt

Chaldæi & Medi vastatores Ninive: viri fortes & nobiles: proinde vestiti coccineis chlamidibus. Habent sunt igneæ, auro scilicet ornatæ, quæ ad solem apparent igneæ: homines vino confopiti, seu nihil timentes, ac si essent ebrii. **CONTURBATI** vers. 4. dum præ multitudine non servantur ordines.

V. 5. RECORDABITUR FORTIUM SUORUM. Hoc spectat ad obesos Ninivitas: aliqui etiam hæc verba referunt ad obsidentes Chaldæos: utroque modo possunt exponi, vel de trepidatione intra urbem, & perturbatione, vel de virtute obsidentium, quibus capta civitate preparatur umbraculum in tanto æstu.

V. 6. PORTAE FLUVIORUM APERTAE SUNT, &c. Sept. porta civitatis aperta sunt, expugnatio describitur, & quod inde sequutum est.

V. 8. & 9. ET NINIVE QUASI PISCINA, &c. Describitur desolatio urbis. SYATE, STATE, irrisio est dicta fugientibus: DERIPITE, vox Chaldæorum, concisa oratio est. Sic describit, vers. 11. tandem Ninivem ut speluncam leonum, quod habet causam excidii.

-EX BIUEDEM AUCTARIO.

Vers. 1. ASCENDIT: mox ascendet contra Ninivem Chaldæus.

Vers. 8. Licet Ninive sita sit ad aquas & Tygri, non tamen eam defendent aquæ a Chaldæis.

Vers. 9. DERIPITE. Chaldæi se mutuo exhortantur, quia non est finis, est ingens vasorum numerus.

Vers. 10. NIGREDO OLLAE. Pallefcit facies, quando præ timore ad eam non emittuntur a corde spiritus. Per leonem, catulum & leonem accipio Assyrum Regem, filium, & Reginam.

CAPUT III.

Ninive urbs sanguinum sub nomine adultera vastanda predicatur: quod exemplo Alexandria a. Babylonis devastata confirmatur: nec erit qui Ninive condeleat, aut eam consoletur super ipsius devastatione.

1.  Æ civitas sanguinum, universa mendacii dilaceratione plena: non recedet a te rapinas. 2. * (a) Vox flagelli, & vox imperus rotæ, & equi frementis, & quadrigæ ferventis, & equitis ascendentis: 3. & micantis gladii, & fulgurantis hastæ, & multitudinis interfectæ, & gravis ruinæ: nec est finis cadaverum, & corruiet in corporibus suis. 4. Propter multitudinem fornicationum meretricis speciosæ, & gratæ, & habentis maleficia, quæ vendidit gentes in fornicationibus suis, & familias in maleficiis suis: 5 (b) Ecce ego ad te, dicit Dominus exercituum, & revelabo pudenda tua in facie tua, & ostendam Gentibus nuditatem tuam, & regnis ignominiam tuam. 6. Et proiciam super te abominationes, & contumeliis te afficiam, & ponam te in exemplum. 7. Et erit: omnis, qui viderit te, resiliet a te, & dicet: Vastata est Ninive: quis commovebit super te caput? unde queram consolatorem tibi? 8. * Numquid melior es Alexandria populorum, quæ habitat in fluminibus? aquæ in circuitu eius: cuius divitiæ, mare: aquæ, muri eius. 9. AÆthiopia fortitudo eius, & AÆgyptus, & non est finis: Aphrica & Libyes fuerunt in auxilio tuo. 10. Sed & ipsa in transmigrationem ducta est in captivitatem: parvuli eius elisi sunt in capite omnium viarum, & super inclitos eius miserunt sortem, & omnes optimates eius confixi sunt in compedibus. 11. Et tu ergo inebriaberis, & eris despecta: & tu quæres auxilium ab inimico. 12. Omnes munitiones tuæ sicut ficus cum grossis suis: si concussæ fuerint, cadent in os comedentis. 13. Ecce populus tuus mulieres in medio tui: * inimicis tuis adaperitione pandentur portæ terræ tuæ, devorabit ignis vestes tuos. 14. Aquam propter obsidionem hauri tibi, extrue munitiones tuas: intra in lutum, & calca, subigens tene laterem. 15. Ibi comedet te ignis: peribis gladio, devorabit te ut bruchus: congregare ut bruchus: multiplicare ut locusta. 16. Plures fecisti negotiationes tuas quam stellæ sint cæli: bruchus expansus est, & evolavit. 17. Custodes tui quasi locustæ: & parvuli tui quasi locustæ locustarum, quæ confidunt in sepihus in die frigoris: sol ortus est, & avolaverunt, & non est cognitus locus earum ubi fuerint. 18. Dormitaverunt pastores tui, rex Assur: sepelientur principes tui: latitavit populus tuus in montibus, & non est qui congreget. 19. Non est obscura contritio tua, pessima est plaga tua: omnes qui audierunt

Bib. Sac. Tom. XXII.

L

runt

runt audicionem tuam, & compresferunt manum super te: quia super quem non transit malitia tua semper?

(a) Ezech. xlii. 9. Habac. ii. 11. (b) Isa. xlvii. 3.

BRUGENSIS

ROMANÆ CORRECTIONES.

Vers. 2. 3. Vox flagelli, & vox impetus ro-
te & equi fremensis, & quadriga serven-
tis, & equis ascendens, & micantis
gladii, & fulgurantis hasta, & multitudine
interfella & gravis ruina. Quidam
libri magnam horum nominum partem
scribunt primo casu numeri pluralis: Et
quadriga serventes, & equites ascendentes,
& micantes gladii, & fulgurantes hasta,
& multitudines interfella, & graves rui-
na; Sed retinendus est ubique secundus
casus numeri singularis.

Vers. 8. Numquid melior est Alexandria popu-
lorum. Non præponas præpositionem ab
nomini Alexandria.

Vers. 13. Inimicis tuis adaperitione pandentur
porta terra tua. Una vox abbativ casus
adaperitione, non est distrahenda in duas
ad aperitionem: nam adaperitione pandentur;
hoc est, aperiendo aperietur.

NOTATIO.

Vers. 2. Vox flagelli, & vox impetus ro-
te, & equi fremensis, & qua-
drigæ serventis (fremens a.) & equis a.

scendentis, & micantis gladii, & fulgurantis
hasta, & multitudinis interfella, & gravis
ruina. Sic plerique nostri codices legunt
Lobienſis, Leodienſis, Q, L, A, &c. Duo
Brugensis, & Plantini medius habent: Vox
flagelli, & vox impetus rore, & equi fre-
mentes (fremensis o.), & quadriga serven-
tes (servensis o.) & equites ascendentes, &
micantes gladii, & fulgurantes hasta, &
multitudines (multitudinis E.) interfella,
& graves (gravis E.) ruina. His Hunnzi,
E. & O. litteris signata exemplaria ex par-
te consonant, id quod indicavimus. Notan-
tur quinque Hentenii & duo Parisiensium
antigrapha, illo omnia modo legere præter
equi frementes. Prior autem lectio Hebræo
conformior est: quamquam enim tam primo
casu quam secundo verti possit, omnia nu-
mero habet singulari, & is quidem pro plu-
rali accipitur: sed priori legendi modo ma-
nifeste Hieronymus, Auctor Glossæ, Caren-
ſis, ac Richelius suffragantur. Hieronymus:
„Vox flagelli, inquit, crudelis sem-
per & fœvientis imperii & duo impetus
„rotæ: vocem pro sonitu accipiamus; ro-
„tam serventem per diversa discursum. Et
„equi fremensis, & quadrigæ serventis, sub-
„auditur in omnibus vox“. &c.

COMMENTARIA

S A.

Vers. 1. CIVITAS, scilicet Ninive. SAN-
GUINUM, id est peccatorum,
seu homicidiorum, scilicet plena. MEN-
DACII, scilicet plena. LXX. mendax. DE-
LACERATIONE; quasi dicat, Crudelitate.
LXX. iniquitate. RECEDET; pro, rece-
dit; quasi dicat, Semper rapinæ intenta;
vel, & in te hostes rapinam exercebunt.

V. 2. Vox, scilicet brevi audietur; vel
quasi dicat, Audire mihi videor. FLA-
GELLI, scilicet aurigæ. FERVENTIS. Sic
LXX Chald. subsilentis.

V. 3. CORRUENT, &c. quasi dicat, Im-
pingent AEGYPTII in suorum cadavera.
Chald. impingent in trucidatos suos.

V. 4. FORNICATIONUM, scilicet idolo-
latriz. SPECIOSAE, scilicet Ninive, quæ
pulchra interpretatur. GAZAD, scilicet ocu-
lis amatorum. HABENTIS MALEFICIA;
quasi dicat, Veneficæ, seu superstitionibus
dedite. VENDIDIT, id est tradidit hosti-
bus; quasi dicat, Propter cuius peccata
multi ab hostibus occisi, seu capti.

V. 5. EXERCITUUM. LXX. omnipotens.
PUDENDA. Persilat in metaphora meretricis;
quasi dicat: Te afficiam ignominia. IN

facie tua; pro, in faciem tuam usque sublati vestibus. **NUDITATEM**. LXX. *superitudinem*. **IGNOMINIAM**; repetitio, scilicet est ignominiosum mulieri nudari.

V. 6. PROFIciam, &c. quasi dicat, Puniam in te tua scelera. **ET CONTUMELIIS**, &c. Chald. *teque execrandam reddam*, & ponam seditissimam in oculis omnium videntium te. **CONTUMELIIS**, &c. quasi dicat, Faciam ut te omnes convitiis prosequantur ob tua peccata. Explicatio est præcedentium. **EXEMPLUM**, scilicet Dei iudicium, seu punitionis.

V. 7. RESILIET, scilicet præ timore, vel stupore. Chald. *procul recedet*. **COMMOVEBIT**, scilicet condoles tibi. Chald. *quis condelebis tibi?*

V. 8. MELIOR, id est fortior, vel dignior. **ALEXANDRIA**, scilicet quam tamen expugnabit Nabuchodonosor. Vide Jerem. XLVI. vel expugnabit: vide inf. **POPULORUM**, id est populosa. Chald. *magna*. **IN PLUMINIBUS**. Chald. *inter flumina*. **MARE**, scilicet ob merces importatas.

V. 9. FORTITUDO, scilicet suppeditando milites. **NON EST PINIS**, id est præterea alie regiones; vel, nec est finis numerandi milites. **APHIRICA ET LIBYÆ**, scilicet præcipue. Chald. *Libyæ & Lidii*. **Tuo**, scilicet o Alexandria. LXX. *eius*.

V. 10. DUCTA EST; pro, ducetur. Chald. & LXX. *ibit*; & sic infra ubi nos legitur per præterita, ita illi vertunt per futura; scilicet quando id prædicebatur a Nahum, nondum eversa erat, sed tamen ante Ninivem evertenda. **CONFIXI**. LXX. *alligati*.

V. 11. INEBRIABERIS, id est calice iræ Dei potaberis abunde. **AB INIMICO**, id est poterat hostem, scilicet ut te defendas: vel ab his qui tibi erant inimici, cogeris opem petere in eo bello.

V. 13. MULIERES, id est ut mulieres, scilicet imbecilles, nec se defendere valentes. **VECTES TUOS**, id est portas urbium. Chald. *robur tuum*.

V. 14. OBSIDIONEM, scilicet diu duraturam. **EXTRUË**. Chald. *obfirma*. **LATEREM**, scilicet ad obturanda dirupta, & reficienda; quasi dicat: Nihil tibi omnia ista proderunt.

V. 15. BRUCHUS, scilicet qui omnia consumit. **CONGREGARE**, &c. quasi dicat: Quantumcumque multiplices milites, nihil

efficies: vel congrega sane opes iustarum bruchorum & locustarum, ut soles, nihil tibi proderunt.

V. 16. NEGOTIATIONES, scilicet ad quæstum & opes cumulandas. **EXPANSUS**, &c. quasi dicat: Multitudo ista tuarum opum cito a te avolat.

V. 17. CUSTODES; scilicet fortiores viri. **QUAST LOCUSTAE**, scilicet multitudine. **PARVULI**, id est inferiores milites viribus. **LOCUSTAE LOCUSTARUM**, id est plurimæ, vel soboles locustarum; quasi dicat, Pæne infiniti. **AVOLAVERUNT**, scilicet sic te tui desituerunt. **NON ES CONSTITUTUS**, &c. quasi dicat, Ne vestigium quidem mansit.

V. 18. DORMITAVERUNT, &c. quasi dicat, Principes tui velut dormientes nihil te iuvabunt. Chald. *fracti sunt fortes tui*.

V. 19. NON EST OBSCURA, &c. quasi dicat, Nota erit omnibus. LXX. *non est sanitas contritionis tua*. **PESSIMA**; quasi dicat, Miserera. **AUDITIONEM TUAM**, id est famam, seu rumorem de tua calamitate. **COMPRESSERUNT**, scilicet stupentes, vel insultantes. Chald. *comproberunt manibus suis super te latentes*. LXX. *plaudens*. **MALITIA TUA**; quasi dicat, Quem non afflixisti? Chald. *plaga nequitiæ tua*.

E S T I I.

Vers. 18. DORMITAVERUNT PASTORES TUI REX ASSUR: SEPELIENTUR PRINCIPES TUI. Eisdem vocat propheta pastores quos principes; significans officium omnium eorum, qui populo præfunt, sive civiliter, sive spiritualiter, esse; non dominari in populo, aut pro imperio aut animi voluptate agere, sed populum pascere; id est, omne studium suum, & administrationem conferre ad utilitatem, & salutem populi. Unde David Psal. LVII. dicit se constitutum a Domino, *pascere Iacob servum suum, & Israel hereditatem suam*. Et II. Reg. ult. ubi nos legitimus Davidem dixisse: *Ego sum qui peccavi, & ego inique egi*; Septuaginta habent: *Ecce ego sum qui inique egi, & ego sum pastor qui male feci*. Nec tantum sacre litteræ hoc pæso loquuntur, sed & apud Homerum legitimus principes Græcorum pastores appellatos.

M A R I A N A E.

Vers. 1. C IVITAS SANGUINUM, cædibus plena. Reddit rationes translati Imperii ad Chaldæos. UNIVERSA MENDACII, seu mendaciæ, aut mendacis plena, ut Chald. DILACERATIONE PLENA, id est præda plena; quæ præda, laceratio etiam Hebr. vocatur *tereph*, quia qui per vim extorquet aliquid, illud lacerat. NON RECEDET A TE RAPINA, numquam a rapiendo desistes.

V. 2. VOX FLAGELLI. Sic. vocat virgam, qua currus equi incitantur. Aut flagellum vocat afflictionem, quæ hostis adventu instabat. Hieronymus: *Vox flagelli, crudelis semper & severius imperii.* ET VOX IMPETUS ROTAE. Hebr. vox (sonitus) *fragoris rose.* ET EQUI FREMENTIS. Hebr. *equi calcantis.* terram scilicet. ET QUADRIGAE PERVENTIS. Hebr. *subsilientis*, scilicet præ velocitate subsilire videtur. ET EQUITIS ASCENDENTIS in currus, aut equos, scilicet vox auditur. Hebr. hoc cum sequentibus iungitur sic: *Eques erigens* (pro, erigit) *ferrum gladii, & ferrum lanceæ, להב laháb, & ברק barák, pro ferro fumunt splendenti, ut flamma & fulgure.* Hieronymus pro ipsa flamma & fulgure & splendore gladii sumens, dicit.

V. 3. ET MICANTIS GLADI, ET FULGURANTIS HASTAE, scilicet vox auditur. Quod commodius videtur propter coniunctionem &, quam redundare dicunt, qui diversam rationem sequuntur. ET MULTITUDINIS INTERFECTAE, sive *interfecti*, pro, intersectorum, scilicet ab equitibus. Audietur vox in suo fe volutatum sanguine. ET GRAVIS RUINAE. Hebr. & *gravitatis cadaveris*, id est multitudinis cadaverum. Repetito. NEC EST FINIS, id est numerus cadaverum, adeo ut offendant in cadaveribus ipsorum. Noster: ET CORRUENT IN CORPORIBUS SUI: *corpus pro cadavere.*

V. 4. QUAE VENDIDIT GENTES IN FORNICATIONIBUS SUI, id est docuit idola colere (id vocat fornicari) atque adeo fuit illis exitii causa. ET FAMILIAS, id est populos, nationes vendidit, fuit illis exitii causa.

V. 5. ET REVELABO. Sept. *discooperiam.* PUDENDA TUA IN FACIE TUA.

Hebr. *fmbras tuas super faciem tuam*; id est in tuam faciem coniciam, inveriam. Sept. *discooperiam posteriora tua super faciem tuam.* NUDITATEM TUAM. Hebr. *pudenda, turpitudinem*; ut Sept.

V. 6. ET PROICIAM SUPER TE ABOMINATIONES, faciam ut te omnes detestentur. ET PONAM TE IN EXEMPLUM. In exemplum magni supplicii te adducem; sic. Sept. Hebr. & *ponam te quasi stercus.*

V. 7. QVIS COMMOVEBIT. Hebr. *quis condelebit ei.* UNDE QUERAM CONSOLATOREM TIBI, civibus sublati, ceteris omnibus in te irritatis.

V. 8. NUMQUID MELIOR ES ALEXANDRIA POPULORUM. Nondum Alexandria vocabatur. Sed יוֹמָנוֹ Noaman. *Amon pro hammo*, id est *multitudine*, id est Alexandria multitudinis, id est urbe magna. QUAE HABITAT IN FLUMINIBUS? Ab Ortu & Occasu duobus Nili brachiis cingitur, a fronte mare nostrum habet, a dorso lacum Marconicum. CURUS DIVITIAE, MARE: propter commercium scilicet cum aliis Gentibus. Chald. *cuius murus est mare.* Hebr. *cuius fortitudo mare*, hoc est, munitio. AQUAE, MURI EUS. *Aqua scilicet maris*; sic Chald. Sept. *agua muri eius.* Hebr. *a mari murus eius.* פְּרוֹמִיָּה *mitam, a mari*, ut nunc est Hebr. alii legerunt מֵי מַיִם, id est *agua.*

V. 9. AETHIOPIA FORTITUDO EUS, id est ex Aethiopia fortitudo eius, id est auxilia. ET AEGYPTUS, ET NON EST PENIS, id est innumerae aliae Gentes ei saeviebant. AFRICA. Hebr. *Phus*, id est Mauritania, inde Fez. FUERUNT IN AUXILIO TUO, o Alexandria, & tamen excisa es, & capta a Nabuchodonosore.

V. 10. IPSA IN TRANSMIGRATIONEM DUCTA EST, scilicet Alexandria. Nabuchodonosor cepit eam, Cambyfes Cyri filius in provinciam redegit, Alexander instauravit. IN CAPITE OMNIUM VIARUM, seu platearum. MISERUNT SORTEM, scilicet victores sorte inter se captivos dividere. CONFIXI SUNT, seu constricti sunt compedibus.

V. 11. INEBRIABERIS MALIS, ut vino, o Nimive, ad quam vertit sermonem, de mentaberis; nescies quid facias ut ebrius. DESPECTA. Hebr. *abscondita*, scilicet præ metu, aut ignota; quasi ignoram te reliquerunt: neque opem ferent. ET TU QUAE

RES

RES AUXILIUM. Hebr. *robur*, sed *robur* pro *auxilio*. Ab INIMICO, ita ebria eris: sic Hebr. Sed verti etiam potest, *propter inimicum*, ut ei scilicet resistas. Chald. *auxilium flagitabis ab inimico*.

V. 12. OMNES MUNITIONES TUAE. Di-ruerunt tam facile arces, quam pomamatura arbore agitata. SICUT FICUS CUM GROSSIS SUIS. Hebr. *ficus cum primiti-vis*, seu *præcoctis*, scilicet deliciaribus tam facile.

V. 13. ECCE POPULUS TUUS MULIERES, id est mulieres inuiles ad pognam. ADAPERTIONE. Hebr. *pandendo panden-tur porte*, id est penitus panduntur: TER-RAE TUAE. Urbis tuae portae panduntur.

V. 14. AQUAM PROPTER OBSESSIONEM HAURI TIBI. Hebr. & Chald. *aquas munitionis hauri tibi*; hoc est, aquam, quæ intra arcem, ubi teneris, est, collige, ut lateres facias, & diruia ab hoste instantes. Id significat, INTRA IN LUTUM, ET CAL-CA SUBIGENS. Hebr. *calca lutum*. TENE LATEREM, id est fac lateres. Hebr. *tene calcarium*, id est opus calcaris sume.

V. 15. Int, intra eam arcem igne & gladio peribis. DEVORABIT TE UT BRUCHUS, scilicet consumit herbam. CON-GREGARE UT BRUCHUS: MULTIPLICARE UT LOCUSTA; id est, congrega multos & innumeros milites; nihilominus peribis. Hebr. *aggravare ut bruchus*, *aggravare ut locusta*; pro, *aggravaberis*, ut bruchus & locusta agros aggravant. Chald. *operiens te ut bruchus*, *vassilabunt te ut locusta*. Pa-ginis: *multiplia te ut bruchus*, *multiplia-te ut locusta*, id est multitudo tua nihil proderit.

V. 16. PLURES FECISTI NEGOTIATIONES TUAS. Hebr. *negotiatores tuos*, id est col-legisti mercatores magno numero: inutilem bello turbam. Hi sunt *mulieres*, quas dixit vers. 13. BRUCHUS EXPANSUS EST. Hebr. *grassatus aut prædatus est*, ET AVOLAVIT; hoc est, mercatores sunt ut bruchus, qui ubi urbis opes prædatis sunt, continuo dis-pareant, nolunt adesse in periculo.

V. 17. CUSTODES TUI, seu *maiores tui*. ET PARVULI TUI, seu *Principes tui*. Chald. *duces tui*. QUASI LOCUSTAE LO-CUSTARUM, id est magnæ locustæ. 212 *Glob*, genus locustæ maioris significat, & ipsa forma loquendi, *locusta locustarum*, id ipsum indicat. Quæ locustæ cum frigo-

re noctis ad sepes confidunt, sed cum ortu solis fugiunt: sic Principes tui in periculo te deserunt, & ipsi mercatores sunt similes.

V. 18. SEPELIENTUR, seu *iacebunt*, quie-scent quasi sepulti Princeps seu nobilis tui: prodesse non poterunt, ut mortui. LATI-TAVIT POPULUS TUUS IN MONTIBUS, seu *mansit*. Verbum *נָסַב* *napsab* id significat, scilicet præ metu. Chald. *dispersi sunt po-puli tui super montes*. Sept. *abii populus super montes*. ET NON EST QUI CONGRE-GET, id est Dux.

V. 19. NON EST OBSCURA CONTRITIO TUA, omnibus patet. Hebr. *non est cura-tio*, seu *sanitas fracturae tuae*, id est, vul-neri: *כְּחֵב* *Chehab*, *curatio* & *restrictio* pro-prie. Non est restrictio vulneri. Nimirum vulnera ligantur. Sept. *non est sanitas con-tritionis tuae*, *intumuit plaga tua*: PESSIMA EST, seu *infirmata est*; ut Chald. *plaga tua*; id est male habet. AUDITIONEM TUAM, id est ad famam rei gestæ cladis tuæ, qui audierunt. COMPRESSE- RUNT MANUM, præ dolore scilicet. Hebr. *comple-sserunt manum*, scilicet altera manu, lætitiæ signo. Quia omnes offendisti. QUIA SUPER QUEM NON TRANSIT MALITIA TUA SEM-TER? irritasti omnes.

MENOCH II:

Vers. 1. CIVITAS SANGUINUM, id est crudelis, & sanguinaria. U-NIVERSA MENDACI. LXX. *totæ mendax*. DILACERATIONE PLENA, id est plena rapina, & laceratione prædarium. NON RE-CE DAT A TE RAPINA, id est recedit, sem-per rapinis es intenta. Vel, inter hostes rapinam exercebunt.

V. 2. VOX FRAGELLI; &c. in te audie-tur flagelli vox, scilicet strepius resonan-tis flagelli, quo equi ad cursum excitantur. QUADRIGAE FERVENTIS, id est concitatæ, & calentis; nam axes, & rotæ curvatura ex motu colorem concipit.

V. 3. CORRUENT IN CORPORIBUS SUIS, id est inter suorum cadavera.

V. 4. PROPTER MULTITUDINEM, &c. quasi dicit, Ruat Ninive, quia totius or-bis sibi subiecti coluit idola, & magicis ma-leficiis dedita fuit, omnique generi super-stitionis. MERETRICES SPECIOSAE: intel-ligit Niniven, cuius nomen pulchram si-gnificat. GRATAE, scilicet oculis amato-rum.

rum. HABENTIS MALEFICIA, id est veneficæ, seu superstitionibus deditæ. QUAE VENDIDIT GENTES, IN FORNICATIONIBUS suis: quæ docuit idololatriam, & maleficia alias gentes, atque ita fuit in causa ut Deus illas puniret, & traderet in captivitatem, & prædam Chaldæorum.

V. 5. ECCE EGO AD TE: o Ninive armatus, & iratus in Chaldæos: REVELABO PUDENDA TUA, &c. ostendam omnibus quæ sis, & faciam, ut te omnes defflentur; gravissima contumelia irrogatur mulieri si coram aliis nudetur.

V. 6. PROICIAM SUPER TE ABOMINATIONES: efficiam ut omnes afficiant te contumeliis, & probris, & sordes in te proiciant, tamquam in abominandum, & execrandum caput. Pagninus verit: *proicere faciam super te abominationes*. PONAM TE IN EXEMPLUM: ut scilicet quoties de magnis peccatis, & de magno supplicio narrabitur, statim in exemplum adducaris. RESILIT A TE: stupefactus tam insigni calamitate, fugiensque ne aliquo modo eius particeps fiat. QUIS COMMOVEBIT SUPER TE CAPUT? quis vicem tuam dolebit? UNDE QUÆRAM CONSOLATOREM TIBI? quasi dicat, Nulquam invenietur, qui te consoletur, quia invisus es omnibus, ideoque omnes experti tuam tyrannidem, gaudebunt de tuo casu, & ruina.

V. 8. NUMQUID MELIOR ES: maior, fortior, frequentior, opulenter. ALEXANDRIA POPULORUM. Verti etiam posset, *Alexandria tumultus*, civitate nimirum magna, & frequenti, in qua magnus est populi fremitus ob multitudinem. QUAE HARITAT IN FLUMINIBUS: quæ ab una parte Nilo, ab altera lacu Marotico, a tertia mari mediterraneo, a quarta incommensabili solitudine cingitur. Cuius DIVITIÆ MARE: cui maris opportunitas maximam divitiarum causa est, ob mercimonia, quæ in eo emporio orientis celeberrimo exercentur.

V. 9. AETHIOPIA FORTITUDO EIUS: Aethiopia enim sive Abyssia vicina est, & adiacens Alexandria, ideoque facile auxiliares copias poterat evocare, ut etiam ex universa Aegypto. ET NON EST FINIS, scilicet militum, & copiarum quas ex vicinis gentibus sibi fœderatis poterat accersere. IN AUXILIO TUO: o Alexandria, ad eam enim se convertit.

V. 10. SED ET IPSA IN TRANSMIGRATIONEM, &c. quasi dicat: Non peperci, vel potius non parcam Alexandria tam insigni civitati, nec tibi parcam, o Ninive. DUCTA EST; pro ducetur, nam ex Ieremia cap. XLVI. 10. constat eam vastatam a Nabuchodonosore, qui diu post Nahum vixit. ELISI SUNT: allisi & laxa a Chaldæis. Allidentur. MISERUNT SORTEM; quasi dicat: Chaldæi, super viros nobiles, & primarios Alexandrinos a se captos sortem mittent, & quasi mancipia dividunt inter se. CONFIXI: confixi.

V. 11. ET TU ERGO: o Ninive, pari modo quo Alexandria plecteris. INEBRIABERIS: calice iræ Dei. ERIS DESPECTA. Chald. *peffundata*, & eo redacta, ut ab ipsis inimicis tuis, quos antea despiciebas, & premebas, auxilium petere cogaris.

V. 12. SICUT FICUS CUM GROSSIS SUT, id est muri, & arces ita cadent, ut primitivæ ficus cum concutiuntur. IN OS COMEDENTIS: eius qui sub ficu est, & desiderio inhiat scibus, & quasi ore aperto illas captat.

V. 13. PULULUS TUUS MULIERES CHALD. *imbecillis est, instar mulierum*. ADAPERTIONE PENDENTUR: plane penduntur; aperientur quantæ sunt. Italice diceremus, *spalancar se porte*. VECTES TUI: quibus portæ hostibus clauderantur.

V. 14. PROPTER OBSESSIONEM: ne potius desit obsessæ multitudini. INTRA LUTUM: pedibus lutum subige, ut lateres conficias, & muros facias, & reficias. SUBIGENS TENE LATEREM: tene lateres, & lutum subigendo illos forma.

V. 15. COMEDET TE IGNIS: dum hæc paras, & urges, igne, & ferro consument te Chaldæi. DEVORABIT TE UT BRUCHUS: magna in te Chaldæorum multitudo effundetur, qui te devorabunt, & absument, ut bruchi herbas; & fruges terræ. CONGREGARE UT BRUCHUS, &c. quantum volueris, aut poteris militum congrega, ita ut sint innumeri ut locustæ, adhuc enim peribis.

V. 16. PLURES FECISTI NEGOTIATIONES TUAS, &c. id est innumeras congregandi pecuniam artes excogitasti, & omnia negotiationum genera exercuisti, ut ditesceres; sed divitiæ tuæ istæ omnes similes erunt bruchis, qui terram regunt multitudine,

ne, sed cito volant, nullusque ex tanto admine deinceps apparet.

V. 17. CUSTODES TUI: quasi locustæ. Duces, & milites, qui te custodient multi erunt quasi locustæ. ET PARVULI TUI: inferiores, & gregarii milites. LOCUSTÆ LOCUSTARUM, id est parva germina locustarum. CONFIDUNT IN SEPIBUS IN DIE FRIGORIS: quæ nocturno tempore, cum tempestas frigida est, latent, & sedent in sepibus; & cum sol incaluit, volant. ET NON EST COGNITUS LOCUS EARUM: quia scilicet omnes ad unam volant; sic milites tui præfidiarii, & eorum duces, quibus fidebas, deferent te.

V. 18. DORMITAVERTUR CUSTODES TUI. Significat desidiam ducum causam fuisse cur a Chaldeis Ninive caperetur. REX ASSUR: o Rex Ninives. SEPELIENTUR PRINCIPES TUI: hoc vetero, & vino sepulti interficiuntur, & humo citiam ingesta sepeleuntur. LATITAVIT: latitabit timore percussus.

V. 19. NON EST OBSCURA, &c. nota erit omnibus tua calamitas, & clades. PESSIMA EST PLAGA TUA, gravissima, difficilissima curationis. AUDITIONEM TUAM: id quod de te narrabitur. COMPRESSERUNT MAKUM SUPER TE, id est ut habet Chaldeus, *comproverunt super te manus latantes*. SUPER QUEM NON TRANSIIT MALITIA TUA SEMPER? quia omnes gentes vexata bello, & tribus, & sævissima tyrannide.

T I R I N I.

Vers. 1. VAE tibi o CIVITAS sanguinaria, gentium omnium sanguine ebria, in qua nulla veritas, nulla iustitia, sed omne mendacium, omne genus idoli ac fraudis: DILACERATIONE prædaram, & rapinis PLENA. Numquam enim RAPINA RECEDET A TE; sed ut a torcularis coxisti, ita perpetuo continuabis in hac tua tyrannide.

V. 2. VOX FLAGELLI aurigarum e curribus Chaldeorum & Medorum in auribus meis insonat. Atque ita pergit Nahum pulcherrimam hypotyposi vivam belli Ninivici imaginem repræsentare.

V. 3. ET CORRUENT IN CORPORIBUS suis, vel suorum: nempe tanta erit Ninivitarum strages, tanta multitudo cada-

verum ut viam subinde tum Assyriis fugientibus, tum Chaldeis insequentibus intercludent, utrisque in ea impingentibus ac corruentibus. Porro mala hæc omnia obvenient Ninivæ,

V. 4. PROPTER MULTITUDINEM FORNICATIONUM impudentis MERETRICES huius, quæ & nomine & te speciosa est, ac proinde omnibus gentibus grata, cum ob MALEFICIA sua & superstitiones atque artes magicas, quibus omnium oculos fascinat, & ita incautos præcipitat in ruinam, deberet omnibus esse ingratiissima & extreme exosa. Non innumeras FAMULAS, immo integras GENTES, sibi qua vi, qua dolo, qua aliis malis artibus subiectas & in servitutem redactas, pro eo quod opibus suis, ut reginam decebat, eas pasceret, ditaret, protegeret; summa perfidia VENDIDIT hosti, dum præcixi idolorum suorum propugnandorum, & finium dilatandorum coegit secum exire in aciem contra Chaldeos, Medos & alios hostes, obliuiscens incautos, gladiis hostilibus ovicularum instar mactandas: ita S. Hieronymus, Theodoretus, Theophylactus, Rupertus, Hugo & Lyranus.

V. 7. QUIS COMMOVEBIT SUPER TE CAPUT: in signum a condolentis & compassionis?

V. 8. An tu, o Ninive, MELIOR, fortior, potentior, populosior es populosissima & fortissima AEGYPTI metropoli *Minno amon*, seu *No 6*, quæ tot populos sinu suo fovet, & post terna secula, ab Alexandro Magno vocata est ALEXANDRIA? QUAE HABITAT IN FLUMINIBUS, ab ortu & occasu cincta *Nilo*, qui in varios rivos dissectus urbem interluit, multasque in ea insulas fecit: AQUAE IN CIRCVITUEIUS. Nam ab Oriente & Occidente, *Nilo*, ut iam dixi: a Septentrione, mari: a Meridie lacu Marcotico vallatur, teste Iosepho, Solino c, & aliis.

V. 9. AETHIOPIA, ET tota reliqua AEGYPTUS est FORTITUDO EIUS, quia inde auxiliares copias ad se evocat Alexandria, sine *fine* & numero, ut ex tota AFRICA, & maxime ex vicinioris eius parte *Libya d.*

V. 10. SED ET HÆC IPSA tam potens, tam munita Alexandria, decreto divino ex nunc a Chaldeis expugnata est, & DUCTA IN CAPTIVITATEM, & suo tempore

pore recipia expugnabitur & ducetur, nempe 17. anno & post everfam Ierosolymam. SUPER INCLYTOS, id est super primarios nobiles ac principes Alexandrinos iam captos MISERUNT Chaldaei SORTEM, quis, cui cederet in servum & mancipium.

V. 11. ET TU ERGO, o Ninive, pari modo quo Alexandria INEBRIABERIS calice iræ & vindictæ divinæ: ET ERIS DESPECTA. Chaldeus pessumdatus: ET QUÆRES AUXILIUM AB inimicis tuis, quos antes despexeras, sed ipsi denegabunt tibi.

V. 12. SICUT FICUS quæ grossi vocantur, vento agitata, vel alio modo CONCUSSAE, facili negotio & sine labore decidunt in os hominis sub arbore hiantis, ita MUNITIONES TUAE, arces & propugnacula, quibus praesidis, o Ninive, levi arietum concussionem corruent in os, seu in manus, in sinum & potestatem Chaldaeorum: ita Vatablus, a Castro, a Lapide. Sic Tropologice, animæ peccatorum: & Anagogice, munitiones totius orbis in die iudicii cadent in os extremi incendi, glutientis abyssi, devorantis inferni, torquentis & mordentis diaboli, inquit Rupertus & Theophylactus.

V. 13. ECCE POPULUS & miles TUUS imbellis & effeminatus instar mulierum: eius ignavia & metus PENDENTUR INIMICIS omnes PORTAE TUAE.

V. 14. AQUAM potabilem NAURITIBUS, & cisternas tuas imple, PROPTER instantem OBSESSIONEM diurnam & nocturnam: INTRA IN LUTUM, subige argillam, lateres confice, quibus ruinas murorum obstruas, & propugnacula instaures. Etiam isto in loco, isto in opere Chaldaei igne & ferro te absumunt UT G. BRUCHUS germina absumit. CONGREGARE ergo & TU, ET MULTIPLICARE UT BRUCHUS, vel alia species locustæ, contrahere quantum vis numerum militum auxiliatorum: sicut

V. 16. PLURES FECISTI & collegisti tibi NEGOTIATIONES, id est mercatores, merces & opes, QUAM STEFLAE SINT CAELI; BRUCHUS ille omnis, id est collectio hæc omnis auxiliatorum & mercatorum & opum, expansis alis avolabit a te, fugient ad primum hostium accessum.

V. 17. CUSTODES TUI, id est, duces huius ac praefecti. Hebraeus *minnez araich*, a *netzer* id est corona, lamina diadematis,

coma, consecratio; Vatablus vertit, coronati tui; Chaldeus, *lamina tua*; Tigurini, *cometuli tui*; Pagninus, *magnates* & principes tui; alii, *consecrati*, *separati*, vel *nazarei tui*. Nempe principes & sacerdotes, qui corona, diademate; & proluxa caesarie a vulgo separantur, & quasi res sacra Deoque consecrata coluntur & honorantur; insani fuga tempore tantæ necessitatis se subducent, ut solet se subducere locusta cum deficit herba quam depascitur. ET PARVULI TUI; id est, inferiores & gregarii milites omnis generis & ex omni gente. Hoc enim significat Hebraeus *taphsar*, quod propterea LXX. vertunt, *commissores*: nisi mahs. per *taph* significari parvos, & per *sar* principem; quasi dicat: Parvos principis, supple servos, milites, subditos: omnes a te iam periclitante diffugient QUASI LOCUSTAE LOCUSTARUM proles, scilicet *attelabus*, ut LXX. & Tigurini vertunt, de quo nos alibi i.

V. 18. PASTORES TUI, id est praefecti militiae tuae, o rex Ninives, o Assyria monarcha: desides atque occitantes DORMITAVERUNT: unde ut vino somnoque, hæc & mox humo sepulti sunt, iugulati a Chaldeis.

V. 19. CONTRITIO TUA, id est excidium & everfusio tua, o Ninive, NON EST OBSCURA, non est secreta, sed publica & toti orbi conspicua: OMNES QUI AUDIERUNT AUDITIONEM, id est famam & claudis & excidii tui, COMPRESSERUNT MANUM SUPER TE; Chaldeus, *comploserunt manibus latantes* de tuo infortunio. Quæ enim natio est sub cælo, SUPER quam NON TRANSIIT MALITIA & tyrannis TUA per iniqua tributa, aliasque exactiones & oppressiones? neque id exiguo tempore sed semper & continuo per tredecim l. & plura sæcula.

(a.) Job xvi. 9. Ierem. xlviii. 26. &c.

(b.) Ierem. xlviii. 29.

(c.) Ioseph. Lib. 11. Belli cap. xlv.

(d.) Ierem. xlviii. 29.

(e.) Chron. cap. xxxiv. sub fin.

(f.) Nahum 1. 8.

(g.) Ierem. xlv. 27. Job vii. 20.

(h.) Ierem. 1. 4. Levit. xi. 22.

(i.) Proleg. Idiotismi Hebr. num. xlv.

(j.) Chronici cap. xxxiii.

GORDONI.

EX EIUSDEM AUCTARIO.

Verf. 1. **V**AE CIVITAS SANGUINUM, &c. Mala sunt quæ huic sanguinaræ & sceleratæ civitati obvenient; fornicatio hic, idololatria est.

V. 8. Alexandria potens & ampla in transmigrationem ducta est: en ibi exemplum, o Ninive, hæc & tu patieris.

V. 14. Dum pergit narrare mala Nini-
ves, **INTRA**, inquit, **IN LUTUM**, subige
argillam, confice lateres, quibus muros
instaures, sed nec hoc tibi concedetur;
nam **COMEDET TE IGNIS**. *Verf. 15.* bru-
chus expansus & avolavit: *verf. 16.* opum
multitudo cito avolavit, ut avolat bru-
chus, quando omnia depastus est.

Verf. 4. **QUAE VENDIDIT GENTES**. Cor-
rupit gentes, & causa fuit, ut quasi ven-
derentur ad penas & excidia.

Verf. 7. **QUIS COMMОВEBIT CAPUT**, id
est dolebit vicem tamen.

Verf. 8. **IN FLUMINIBUS**. Clauditur Nilo,
mari mediterraneo, solitudine, & Ma-
reotico lacu.

Verf. 10. **DUCTA EST**: ducetur Alexandria
per Nabuchodonosorem. Et hoc diu post
eversam Ninivem.

Verf. 11. **ET TU ARGO**. Redit ad Nini-
vem.




PROPHETIA HABACUC.

QUOD Habacuc ante captivitatem in Babylonicam vaticinatus fuerit, vel ex hoc ipso liquet, quod eam prædicit futuram primi capitis vers. 6. Quia ego suscitabo Chaldaeos, &c. alioquin bissericum, non prophetam ageret. Itaque non is videtur esse Habacuc, cuius fit mentio Danielis ultimo. Atque ut duo sunt Prophetae, Michæ nomine, ut duo sunt Abdia nomine; ita nihil prohibet, quominus duo sint eiusdem nominis Habacuc.



CAPUT PRIMUM.

Miratur Propheta impium prosperari, & prævalere adversus iustum: nam adversus Iudeos suscitavit Dominus Chaldaeos, qui victoriam non Domino, sed idolo suo tribuunt.

1.  **N**us, quod vidit Habacuc propheta. 2. Usquequo Domine clamabo, & non exaudies? vociferabor ad te vim patiens, & non salvabis? 3. Quare ostendisti mihi iniquitatem & laborem, * videre prædam & iniustitiam contra me? & factum est iudicium, & contradictio potentior. 4. Propter hoc lacerata est lex, & non pervenit usque ad finem iudicium: quia impius prævalet adversus iustum, propterea egreditur iudicium perversum. 5. (a) Aspicite in gentibus, & videte: admiramini, & obstupefcite: quia opus factum est in diebus vestris, quod nemo crederet cum narrabitur. 6. Quia ecce ego suscitabo Chaldaeos, gentem amaram & velocem, ambulantem super latitudinem terræ, ut possideat tabernacula non sua. 7. Horribilis, & terribilis est: ex semetipsa iudicium, & onus eius egredietur. 8. Leviores pardis equi eius, & velociore lupis vespertinis; & diffundentur equites eius: equites namque eius de longe venient, volabunt quasi aquila festinans ad comedendum, 9. Omnes ad prædam venient, facies eorum ventus urens: & congregabit quasi arenam, captivitatem. 10. Et ipse de regibus triumphabit, & tyranni ridiculi eius erunt: ipse super omnem munitionem ridebit, & comportabit aggerem, & capiet eam. 11. Tunc mutabitur spiritus, & pertranabit, & corruet: hæc est fortitudo eius dei sui. 12. Numquid non tu a principio Domine Deus meus, sancte meus, & non moriemur? Do-
mine

mine in iudicium posuisti eum: & fortem, ut corripere, fundasti eum. 13. Mundi sunt oculi tui, ne videas malum; & respicere ad iniquitatem non poteris: quare respicis super iniqua agentes, & taces devorante impio iustiorum se: 14. Et facies homines quasi pisces maris, & quasi reptile non habens principem. 15. Totum in hamo sublevavit, traxit illud in sagena sua, & congregavit in rete suum. Super hoc lætabitur & exultabit. 16. propterea immolabit sagenæ suæ, & sacrificabit reti suo: quia in ipsis inrastrata est pars eius, & cibus eius electus. 17. Propter hoc ergo expandit sagenam suam, * & semper interficere Gentes non parcat.

(2) AB. XIII. 31.

BRUGENSIS

ROMANÆ CORRECTIONES.

*Vers. 3. Videre prædam & iniustitiam contra me? & factum est iudicium, & contradi-
ctio potentior. Ea quæ hic inferuntur a
multis exemplaribus: Quare respicis con-
temptores, & taces consculcante impio iustio-
rem se: & facies homines quasi pisces ma-
ris & quasi reptilia non habentia ducem?*
Patres superfluere iudicaverunt, ut certe non
sunt huius loci, sed infra vers. 13. &
14. quod alia docuimus.

*Vers. 17. Et semper interficere gentes non par-
cat. Alii libri, pro parcat legunt cessat.*

NOTATIO.

*Vers. 3. Q*uare respicis contemptores, &
taces consculcante impio iustiorum
se? & facies homines quasi pisces maris, &
quasi reptilia non habentia ducem. Hanc pe-
riodum quam multi codices, suffragantibus
Richelio, Carensi, Lyrano, & Auctore Glos-
sæ tertio versui addunt post illa verba videre
prædam & iniustitiam contra me; sex Parisien-
sum, Di. o. l. Ge. o. p. Mogunt. Compl.
septem Hentenii, & novem nostri Brug.
Lob. Leod. O. Q. A. I. Colon. Quent. Ru-
perto Haymone, & D. Hieronymi textu

adstilulantibus tollunt. In Hebraicis libris,
Græcis, & Chaldaicis non legitur. Itaque e
textu Parisiensis sustulere. Epanorthotes quo-
que ait: „ Abacuc 1. ca. 2. Et iniustitiam
„ contra me? & factum est iudicium; nihil
„ est interponendum: sed quod solet hic po-
„ ni, inferius habet locum “ . Inferius ver-
sus 13. & 14. legitur ab omnibus Latinis,
Græcis, Hebræis, Chaldaicis: & quidem Lat-
inæ editionis hæc sunt verba: *Quare non*
(H, G, C,) respicis super inique agentes
*& taces devorante impio iustiorum se? & fa-
cies homines (homini o.) quasi pisces ma-
ris, & quasi reptile non habes principem?* D.
Hieronymus in initio commentariorum hu-
ius capituli, postquam illud videre prædam &
iniustitiam contra me, & quæ præcedunt iux-
ta litteram, & temporis historiam exposu-
isset, subiecit generaliter etiam accipi posse,
quod ex personâ humanæ impatientiæ, vi-
dens peccatores in sæculo abundantes, Pro-
pheta loquatur: ac tum ea recitavit Prophe-
ta verba, quia eiusdem sunt argumenti, quæ
inferius 13. & 14. versibus leguntur; huius
occasione coniecerim ea ab aliquibus initio
capituli repetita: nam & eo plane modo sunt
scripta, quo Hieronymus, 70. duorum ma-
iori ex parte editionem secutus recitat.

COMMENTARIA

S A.

HABACUC prophetavit tempore Na-
hum, de captivitate Babylonica.

V. 1. ONUS, scilicet multarum natio-
num: ideo non nominat aliquam, ut so-
lent Prophætæ.

V. 2. USQUEQUO. Loquitur de personâ
populi, secundum quosdam, secundum al-
ios in propria. VIM, scilicet Chaldeo-
rum, vel iniquorum.

V. 3. INIQUITATEM, id est iniustitias
malorum, seu oppressiones. LABOREM, id
est afflictionem. LXX. dolores. CONTRA;

M 2 pro,

pro, coram. ET FACTUM EST, &c. quasi dicat: In iudiciis vincunt, qui iustitiam contradicunt. POTENTIOR. Chald. *prævalens*.

V. 4. Hoc, id est iniquitatem tantam, vel quod statim sequitur. LACERATA EST; quasi dicat: Opprimitur, seu contemnitur, & conculcatur. FINEM, scilicet suum, quem intendit, ut iuste agatur. Chald. *in æternum*; quasi dicat: Numquam recte iudicatur, seu sit iustitia. EGREDITUR, id est egredi solet, scilicet a iudiciis.

V. 5. ASPICITE, &c. LXX. *Videte contemptores; & respicite, & videte mirabilia, & disperdimini, quia opus ego operor in diebus vestris, quod non crederetis si quis enarraverit*: atque ita citatur a Paulo Act. XIII. IN GENTIBUS; quasi dicat, In mundo: vel, o Gentes, scilicet Iudæi; vel pro, Gentes, scilicet Chaldaei; vel iunge cum *opus factum*. FACTUM EST; pro, fiet.

V. 6. AMARAM, id est nocentem, seu sevam.

V. 7. EX SEMETIPSA, &c. quasi dicat, Pro suo arbitratu condemnabit, & punit.

V. 8. LEVIOR, id est velociores. VESPERTINUS, id est qui vesperi gregi insidiantur. Dicantur vesperi magis sævire, ob rabiem famis diurnæ. Vide Ierem. v. Soph. III. LXX. *Arabia*. DIFFUNDENTUR, scilicet multitudine. Chald. *multiplicabuntur*. DE LONGE; quasi dicat, Undique congregabuntur. Vide Ierem. 1.

V. 9. VENTUS URENS; quasi dicat, Præsentia sua omnia vastabunt. CAPTIVITATEM, id est captivos.

V. 10. TRIUMPHABIT. Chald. *subannabit*. TYRANNI, id est principes. RIDICULI; pro, derisui, seu contemptui. LXX. *Iudibria*. RIDEBIT; quasi dicat, Contemnet, scilicet Rex, vel exercitus: ad utrumque enim referri possunt quæ sequuntur.

V. 11. SPIRITUS, id est status, ut solet ventus. PERTRANSIBIT, scilicet desinet dominari, a Persis victus Chaldaus. Chald. *transferetur eius Regnum*. HAEC EST, &c. Ironice; quasi dicat: Deus suus illum descendere non poterit. Etus abundat. DET SUI. LXX. *Dei mei*; quasi dicat, Dei punitione id fiet.

V. 12. A PRINCIPIO, id est ex quo elegisti nos in tuum populum. Loquitur enim in persona populi. DEUS MEUS, scilicet es. SANCTE, scilicet cuius sanctitatem agnoscimus, vel quem sancte coli-

mus, & qui nos sanctificas. MORIEMUR, scilicet te protegente. IN IUDICIUM, id est nostri punitorem. EUM, scilicet Chaldaum, vel Regem, vel exercitum.

V. 13. VIDEAS, id est approbes. RESPICIS, id est fers.

V. 14. FACIES, id est permittes agere.

V. 15. TOTUM; quasi dicat: Omnes fere nationes capit Chaldaus, ut piscator piscium copiam magnam hamo & reti.

V. 16. IMMOLABIT, &c. quasi dicat: Tribuet suis viribus, quod iam multos vincit ac si sua virtute non Dei faciat. PARS id est portio edenda. ELECTUS, id est pretiosus, seu optimus, scilicet acquiritur.

EST I I.

Verf. 2. **U** SQUEQUO DOMINE CLAMABO, ET NON EXAUDIES? VOCIFERABOR AD TE VIM PATIENS, ET NON SALVABIS? Et tandem concludit; quia IMPIUS PRAEVALET ADVERSUS IUSTUM, PROPTEREA EGREDITUR IUDICIUM PERVERSUM. Hæc verba prima quidem facie videntur esse expostulantis cum Deo, & velut conquerentis de perversa rerum humanarum administratione. Sed revera neque ex impatientia, neque ex errore circa providentiam Dei hæc oratio procedit, sed tantum, eum exaggeratione aliqua oppressionis iustorum ab impiis, petit de impiis aliquando sumi supplicium. Ita & Apocalyp. VI. Martyres sub altari positi clamant: *Ussquequo Domine, non vindicas sanguinem nostrum?* Et simili modo queritur Ieremias cap. x. sed omnem prius perversæ de Deo opinionis suspitionem simul tollit ipso quærimonia initio dicens: *Iustus quidem es Domine, si disputem tecum*, &c. Ita scilicet & hic propheta seq. cap. sibi, & cuilibet alteri providentiæ divinæ rationem nondum satis assequenti respondet: *Si moram feceris, expecta eum, quia veniens veniet & non tardabit. Et qui incredulus est, non eris recta anima eius in semetipso. Iustus autem in fide sua vivet*; quasi dissiciat: Qui eum fide expectat promissiones Dei, etiam si multa adversa patiat, ab impiis, per eam fidem vivet.

V. 13. MUNDI SUNT OCULI TUI, NE VIDEAS MALUM, ET RESPICERE AD INIQUITATEM NON POTERIS. Hinc sine dubio *respicere*, idem est quod alibi cognoscere, seu

seu approbare; sicut illud in evangelio, *Nescio vos*, id est non approbo, non recipio. Significat ergo propheta Deo malum, id est peccatum & iniquitatem minime placere posse. Sed quaeritur quid ergo sibi velit, quod mox sequitur; *QUARE RESPICIS SUPER INIQUA AGENTES, ET TACES DEVORANTE IMPIO IUSTIOREM SE?* Sic enim sine negatione & tamen cum interrogatione legunt biblia Sixtina correctæ. Prædem legebatur cum negatione: *Quare non respicis super iniqua agentes?* & sensus reddebatur, quare non punis, quare non vindicās? Sed & nunc eodem sensus redit; quasi dicat: Tu Domine non potes, scio, respicere ad iniquitatem eam approbando, & quare tamen respicis, & bene vides aliquos inique agentes, & taces? Et respondet suæ quærimoniæ tandem cap. seq. cum ait; *Si moram feceris, expecta eum, &c.*

MARIANA E.

HABACUC fuit de tribu Simeon ex agro Bethsacar: Isidorus, Epiphanius, Dorotheus. De tempore variant Auctores. Seder Holam cap. xx. ait, Joel, Nahum, & Habacuc tempore Manasses Regis vixisse, sed propter eius impietatem illius nomen non posuisse in suis Vaticiniis. Verum cum Danieli prandium detulerit, Danielis xiv. 32. fateri cogimur, captivitatis Babylonice tempore vixisse. Vaticinatus est paulo ante captivitatem, contra Babylonem præsertim, ut Nahum contra Ninivem, & Assyrios: quoniam ut hi decem tribus captivos duxerant, ita Babylonii tribum Iuda..

Vers. 1. O NUS. Dura Prophetia. Sept. *Assumptio*, sic dicta, quoniam mens Prophetæ ab humanis ad divinas traducit visiones.

V. 2. VOCIFERABOR AD TE VIM PATIENS. Sic Sept. Hebr. *vociferabor ad te rapinam*; hoc est, propter rapinam & iniquitatem, qua premunt Iudæos Chaldaei.

V. 3. QUARE OSTENDISTI MIHI INIQUITATEM; id est, viros iniquitatis Chaldaeos fecisti, ut viderem. **ET LABOREM,** scilicet meorum. **VDERE,** scilicet fecisti, **PRAEDAM ET INIUSTITIAM.** Hebr. *vassu-*

tatem & rapinam; **CONTRA ME,** id est contra meos. Sequitur in quibusdam codicibus: *Quare respicis contemptores,* & quæ sequuntur, sed merito sunt sublata. **ET FACTUM EST IUDICIUM,** id est iudicium iniustum & contradictio facta scilicet iustitiæ a Chaldaeis, prævalent. Hebraice, *& fuit litem & contentionem* (qui) *ferat*, seu accipiat, id est qui litem excitet temere contra nos.

V. 4. PROPTER HOC LACERATA EST LEX. Hebr. *debilitata*; sic Chald. *elanguit lex*. **ET NON PERVENIT USQUE AD FINEM.** Iustitia suum cursum non tenet. Hebr. *& non eris in æternum iudicium*; scilicet rectum iudicium nunquam prodit, iniuste iudicant iudices. **QUA IMPIUS PRAEVALET.** Hebr. *impius circumdat iustum*; omni ex parte illum impugnat. Ideo iudices male & perverse iudicant.

V. 5. ASPICITE IN GENTIBUS, id est O Gentes videat. **OPUS FACTUM EST,** id est fiet. Hebr. & Sept. *opus operor in diebus vestris*. Loquitur Deus. Quod est opus? Eversio templi, quam fore nemo credebatur, ac ne post factum credere poterant. Hunc locum citat Paulus Actor. xiii. 41. de exsecratione Iudæorum, sed ἀλλὰ γὰρ οὐκ ἔστιν.

V. 6. GENTEM AMARAM ET VELOCEM, seu *praecipitem* suscitabo. Sic sunt milites, nihil lex consilio & cunctanter facient. **SUPER LATITUDINEM TERRAE,** id est totum orbem, quem late patet, subigere parantes.

V. 7. EX SEMETIPSA, id est non extratione iudicabit ea gens, erit pro ratione voluntas: **ET ONUS EIUS,** scilicet quod imponet Gentibus tributum. Chald. *decretum*. Sept. *assumptio*. Sed vis vocis *onus* *seeth*, per *onus* bene exprimitur. **EGREDIETUR,** id est prævalebit.

V. 8. ET VELOCORES LUPIS. Hebr. *acutiores*. Quæ vox diligentiam significat, qua lupi per noctem prædam quaerunt. **VESPERTINIS:** qui ex lustris vespere ad cibum prodeunt. **ET DIFFUNDENTUR,** aut *multiplicabuntur* **EQUITES EIUS,** id est multi erunt. Quare? De longe venient, id est ex remotis etiam regionibus auxilia venient illis.

V. 9. FACIES EORUM VENTUS URENS. Hebr. *aspectus facierum ipsorum Orientalis ventus*. Chald. *aspectus eorum per similes est vento vehementi*. Ventus Orientalis omnia

EXIIT. ET CONGREGABO QUASI ARENAM CAPTIVITATEM, INNUMEROS CAPTIVOS DUCET.

V. 10. DE REGIBUS TRIUMPHABIT. Hebr. *in Regibus subsannabis*, id est eos contemnet. TYRANNI RIDICULI EIUS ERUNT. Hebr. *Principes risus ei*. COMPOR- TABIT AGGEREM. Hebr. *congregabis pulverem*, id est terram, ad faciendum aggerem.

V. 11. TUNC MUTABITUR SPIRITUS, id est intumescet ex victoria. ET PERTRANSIBIT FINES MODESTIÆ. ET CORRUE- T. Hebr. *delinquet*. In quo? HÆC EST FOR- TITUDO EIUS DEI SUI. Hebr. *hæc fortitudo eius deo suo*: aut sic, *hanc fortitudinem suam deo suo*, scilicet tribuens, non Deo vero, cuius nutu hæc facta sunt.

V. 12. A PRINCIPIO, seu *ab initio*, ab æterno tu es Deus meus. Veritatem sermonem ad Deum, quo auctore facta ea erant. ET NON MORIEMUR, scilicet te protegente, si volueris. DOMINE IN IUDICIUM POSUISTI EUM. Nabuchodonosorem, ut Iudæos punires. ET FORTEM. Hebr. *petram*. Sed *petra pro forti*. Didisti illi vires, ut nos puniret.

V. 13. MUNDI SUNT OCULI TUI; id est nihil vident, ut mundi dentes, qui non comedunt; non videris videre mala quæ fi- unt. QUARE RESPICIS SUPER INIQUA A- GENTES. Hebr. *quare respicis pravicator- res*, id est illis faves. LOVAN. *quare non respicis*. Sed ut versio LOVAN. constet, ne- gatio præcedens, quod sæpe fit, gemine- tur. *Quare non respicis*, id est non cohi- bes illos. ET TACES, aut obfuscescis. *וְנִי חָרָס & תַּעֲרֵב & אֲבַשְׂרָה* significat: I. Reg. x. 27. ad illud, *Diffimulabat se audire*, ubi id verbum est. Itaque con- queritur videri Deum neque videre, neque audire mala. Quod Timon apud Lucianum in Timone expostulabat, Iovem cæcutire, & cum senio furdum factum, non videre, neque audire quæ in terris agantur.

V. 14. ET FACIES HOMINES QUASI PE- SCES MARIS, id est impune, ut eos cap- tiant & vixit permittit, quasi non ha- teant Principem, qui eos homines prote- gat. Ergo homines sunt ut pisces.

V. 15. TRAXIT ILLUD INSAGENA SUA RE- PTILE, pisces: seu *congregabis*, aut *collegit*, ut Chald. SUPER HOC; hoc est, ob factam prædam lætabitur, scilicet Nabuchodonosor, quem piscatori similem facit.

V. 16. IMMO LABIT SAGENAE SUAE, suis viribus & industriae tribuet capturam, non Deo. QUA IN TRES, id est per ha- mum, sagenam, & rete. INCRASSATA EST PARS EIUS, id est hereditas, substan- tia est ditata. ET CIBUS EIUS ELECTUS. Sic Sept. Hebr. *pinguis*, id est ea arte fit ut laute vivat, instruat convivium splen- dida.

V. 17. PROPTER HOC ERGO EXPANDIT SAGENAM SUAM. Hebr. *num propter hoc?* Sed *num* redundat. Aut sic, *num hæc est illi causa, ut dicitur expandendi sagenam?* scilicet ut dicitur, & laute vivat. *Expandit sagenam suam*. Pagn. *evacuabit*, scilicet ut domum impleat, & repetat piscationem. Verum per *raia* non solum *evacuare* significat, sed *effundere*, *proiicere*, *evaginare*. Sept. *propterea iaciet rete suum*. ET SEMPER INTERFICERE GENTES NON PARCET, id est non desinit. His verbis metaphoram piscium explicat, per quos ho- mines intelligit, quos Babylonii capere & occidere numquam cessabat.

M E N O C H I I.

Vers. 1. O Nus, &c. tristis, & minax propheta, Habacuc ostensa per divinam revelationem. HABACUC PROPHETA: qui prophetavit paulo post Na- hum, sub Manasse Rege Iuda, videtur fuisse unus ex prophetis illis, quos misit Deus ad Manassem, ut eum de impietatibus suis arguerent IV. Reg. xxi. 10. Prophetat vero contra Iuda, & Ierusalem, & eorum excidium per Chaldæos prædicit, sicut etiam Chaldæorum, per Cyrus, & Persas.

V. 2. USQUEQUO DOMINE CLAMABO, &c. Queritur de pravitate morum sui xvi, suiue populi, scilicet quod cum Deum sæpe precatus esset, ut tam multa, tamque gravia scelera inhiheret, tamen non fuisset exauditus, sed ea potius videret augeri, quam minui. VIM PATIENS: nam me cruciant scelera quæ patrari video, & quodammodo in me incurunt, & propemodum enecant.

V. 3. QUARE OSTENDISTI MIHI INQUI- TATEM, &c. quasi dicat: Cur permittis, cur fieri sinis tantam iniquitatem, quæ oculis meis ostensa, & exhibita, dire me cru- ciat? LABOREM: quo scilicet impiis affi- guat, & gravant pios. Laborem, & do-

lorem, quem patiuntur iusti, & pii. **PRAEDAM ET INIUSTITIAM**, id est vim, violentiam, iniuriam, oppressionem. **CONTRA ME**, id est *coram me*, ut habent Hebr. & Chald. quasi dicat, Me videntem, & dolentem. **ET FACTUM EST IUDICIUM ET CONTRADICTIO POTENTIOR**; id est, perversi homines, qui iurgia, & lites serunt, urgenque, potentiores sunt iustis simplicibus, & quietis, eosque in iudicio circumveniunt, & opprimunt.

V. 4. LACERATA EST LEX: nihil ex scripto legum & iuris agitur. **NON PERVENIT USQUE AD FINEM**, &c. non consequitur finem suum, qui est reddere unicuique quod suum est. **EGREDITUR IUDICIUM PERVERSUM**, id est egredi solet, scilicet a iudicibus. Italice diceremus, *Riescono ingiusti li giudici*.

V. 5. ASPICITE IN GENTIBUS, &c. id est aspiciete gentes. Respondet Deus se non diu tanta mala toleraturum, sed mox republicam Iudaeorum per Chaldaeos puniurum; quasi dicat, Aspice gentes, & agmina Chaldaeorum, quae adduco ad excindendam Iudaeam. **QUIA OPUS**, &c. hoc est quod admirandum dicit. **OPUS FACTUM EST**: rex quidam fiet, quiddam fiet tempore vestro, quod fidem superabit, propter scilicet cladis, & vindictae atrocitatem.

V. 6. AMARAM: nocentem, fœvâ. **AMBULANTEM SUPER LATITUDINEM TERRAE**: quæ arma sua late circumfert, & circumiectas nationes subiicit imperio suo. **TABERNACULA NON SUA**: ædes, & civitates non suas. Tacite subindicat ipsos capiueros esse Ierusalem.

V. 7. HORRIBILES: quæ vel solo vultu terreat. **EX SEMETIPSA IUDICIUM EIUS**, ET **ONUS EGREDITUR**: id est, iudicium quo Chaldaea gens, alias gentes damnat, punit, & excindit, aliis vero parcat, & onus, sive iugum, quod aliis imponit, ex semetipsa egreditur; id est, ex sola eius voluntate, non ratione, sed ex mera libidine; erit pro ratione voluntas. Sic dicunt Iudæi rebelles, Ierem. cap. XLIV. 27. *Faciemus omne verbum, quod egreditur de ore nostro*.

V. 8. LEVIORES, id est velociores. **Pardi velocissimi sunt ad cursum**, & admodum feri; itaque designatur Chaldaeorum celeritas in persequendis hostibus, & sevitia in eodem. **VELOCIORIS LUPUS VESPERTINIS**.

Alij vertunt *Avidiores* lupis vesperinis, qui scilicet vespere exeunt e lustris suis sollicitante fame, suntque propterea fœviores, & leviores. **DIFFUNDUNTUR**: magnum terræ spaium occupabunt. In Hebræo est, *multiplicabuntur*, quod in idem recidit. **DE LONGE VENIENT**: non enim suos tantum equites adducent, sed ex aliis etiam subditis, aut fœderatis nationibus auxiliares copias, & ideo plurimi erunt. **FESTINANS AD COMEDENDUM**: cum scilicet in prædam visam de longe occysime involat.

V. 9. AD PRAEDAM VENIENT: ad prædam potius quam ad pugnam, nemo enim erit, qui eis resistere possit, & impetum illorum sustinere. **VENTUS URENS**; quasi dicat: Quacumque transferint, omnia vastabunt, ut vento urente cuncta virentia arcescunt. **CAPTIVITATEM**, id est captivos.

V. 10. RIDICULI EIUS ERUNT: derisui habebit, seu contemptui. **LXX. tyrannidibria eius**. **SUPER OMNEM MUNITIONEM RIDEBIT**: contemnet munitionem arcium, & murorum. **COMPORTABIT AGGEREM**: extruet e terra aggerem, & ita arces in arduo sitas capiet.

V. 11. TUNC MUTABITUR SPIRITUS: Regis Nabuchodonosor victoris elati, altoque spiritus sumet, & in superbiam erigetur, ut etiam Chaldaei. **ET PERTRANSIBIT**: imperium Chaldaeorum, & corruet, cum scilicet in Balthare excindetur a Cyro, & Persis. **HAEC EST FORTITUDO**, &c. ironice; quasi dicat, Deus suus illum defendere non poterit.

V. 12. NUMQUID NON TU A PRINCIPIO, &c. id est, tu Domine nos a principio elegisti, & populum tuum sumas, tuque sanctus noster, qui nos sanctificas, & quem nos sancte colimus; ideo servandi sumas a te, & a morte eripiendi, ut licet calamitatibus iactemur, non tamen funditus pereamus. **DOMINE IN IUDICIUM POSUITI EUM**; quasi dicat, Scio sane Domine possum esse a te Nabuchodonosor, ut per illum iudices, id est punias inobedientes tibi. **ET FORTE UT CORRIPERES FUNDISTI EUM**: cum firmasti, roborasti opibus, vinibus, copiis, victoriis, &c. ut per eum, quasi per virgam castigares peccata nostra, & aliarum gentium.

V. 13. MUNDI SUNT OCULI TUI, &c. quasi dicat: At cum tibi omnis iniquitas di-

displeat, ut nullo modo probare possis quod malum est, quomodo ferre potes Chaldaeos, homines pessimos pessundare, & devorare Iudaeos, qui ut peccatores sint, sunt tamen Chaldaei meliores? RESPECTUS: æquis, & benignis oculis, illis favens, & pro illis pugnavit.

V. 4. *FACIES*; id est, permittes agere Nabuchodonosor de hominibus quod faciunt de piscibus piscatores, ut seilicet illos capiat, occidat, &c. *REPTILE*. Reptilia maris sunt pisces, qui pedibus carent. *NON HABENS PRINCIPEM*: a quo protegatur, & cuius ope, & consilio possit adversariis resistere.

V. 15. *TOTUM IN HAMO*, &c. quasi dicat, Magni sunt progressus Nabuchodonosor; bene illi, euncta succedunt, partim hamo, partim sagena, partim retibus omnes circumiectas gentes in suam redegit potestatem, hoc est partim aperta vi, partim astutia, & dolo. *IMMOLABIT SAGENAE SUAE*, &c. quasi dicat, Tribuet suis viribus, quod tam multos vincat, ac si sua, non Dei virtute vinceret. *QUA IN IPSIS INCRASSATA EST RARS EIUS*; quasi dicat, Pingues, lautasque epulas, scilicet omnium gentium selectas opes, quasi partem, sortemque suam, sibi hae sua sagena, & reti comparavit. *ET CIBUS EIUS ELECTUS*; id est, optima, & pulcherrima quoque vorat, & in succum suum vertit. *PROPTER HOC ERGO EXPANDIT SAGENAM SUAM*, &c. quasi dicat, Ideoque cum hoc piscandi studium tam bellicè illi procedat, totus in eo est, ut alias gentes capiat, subigat, & spoliat, & se magis ac magis semper diat.

T I R I N I.

Vers. 2. *VIM PATIENS* a nimia scelorum populi mei multitudine & enormitate, *vescitur AD TE* quotidie, ut ab illis populum liberes & expurges; sed *USQUEQUO NON SALVABIS*, non expurgabis?

V. 3. *QUARE OSTENDESTI MIHI*, seu quare fecisti me videre tantam tamque multiplicem INIQUITATEM ET LABOREM, id est iniuriam ac molestiam quam aliis inferunt, iniuste eos deprædantes, etiam CONTRA ME, id est e regione mei, ut est in Hebræo & Chaldaeo, id est eoram me, in præsentia mea? Quod si ad

IUDICIUM vel *contradictionem*, seu privatam, seu publicam coram tribunalibus conveniatur, ipsa semper ex parte iniquorum est potentior ac prævalet, ut Chaldaeus exponit. Et quia iniqui sola sua potentia leges omnes & iura, & iudices & iudicia sic pervertunt;

V. 4. *PROPTER HOC LEX OMNIS* tam divina, quam humana, iacet LACERATA, & dissipata, ut LXX. vertunt: ita S. Hieronymus, Theodoretus, Hugo & Lyranus: *ET IUDICIUM NON PERVENIT AD FINEM suum*; id est, non assequitur quod intendit, puta ut cuique ius suum tribuatur, & quisque pro merito causæ vel triumphet, vel plectatur. Verum non erunt diuturnæ hæ tuæ querelæ, o Habacuc: mox enim profiliam ad vindictam, eamque horrendam atque extreme expavescendam. Adelsium ergo Iudæi.

V. 5. *Bogedim*, id est *contemptores mei* meorumque legum. Sic enim legerunt & verterunt LXX. & ex illis S. Paulus Act. XIII. 41. pro eo quod in Hebræo est *bagaim*; id est IN GENTIBUS, ut cum Nostro legerunt & verterunt Chaldaeus, Aquila, Symmachus & Theodotus. Volente Spiritu sancto, ad plures sensus procreandos, uti tali littera, quæ si caput habeat brevius est *vau*, in *bagaim*: sin longius, est *daleth* in *bogedim*, ut subinde alias *b* in Scripturis usæ venit. Sed in idem redit hic res: nam, esse in *Gentibus*, seu instar Gentium, vel de numero Gentium, idem est quod esse *contemptores Dei & hominum*: & utrumque poterat merito exprobari Iudæis. *OPUS FACTUM EST* a Chaldaeis, nempe excidium & everio Ierosolymæ, & abductio incolarum in Babyloniam. Allegorice, opus vastationis Iudæorum spiritualis per excecationem & reprobationem: & corporalis per Romanos, ut explicat S. Paulus loco iam citato. Quod antequam fiet, *NEMO CREDIT*. Persuaderi enim non poterat Iudæis, templum & civitatem tam sanctam tradendam infidelibus, populum Dei destituendum ope divina, & abduendum in exilium. Credebant exilium citius ruiturum.

V. 6. *Ego tamen SUSCITABO CHALDAEOS* ad hæc patranda, *GENTEM AMARAM*, id est truem ac ferocem, mira *velocitate* circumventem & *perambulantem*, sibiique subiicientem *LATITUDINEM* totius

TER.

TERRAE, seu regionum in circuitu sibi adiacentium, UT eas non spoliarent tantum, sed & stabilius possideant quasi TABERNACULA, olim NON SUA, iam vero sua, utpote bello capta.

V. 7. IUDICIUM quo gens Chaldaea gentes alias vel damnat & excindit, vel conservat & exaltat, item ONUS seu iugum quod quibus vult imponit, EX SEMETIPSA EGREDIETUR, id est ex sua ipsius voluntate & sic faciendi libidine, non vero ex certa ratione, iustitia vel iure: ita Theophyl. & Hugo.

V. 8. EQVI ET EQUITES EIUS LEVIORER, ac proinde VELOCIORES sunt PARDIS ET LUPIS VESPERTINIS, de quibus alibi d. LXX. & Arabicus Alexandrinus pro *erob*, id est *vespera*, aliis punctis legentes *Arab*, verterunt *lupos Arabes*, id est *lupos praedones & latrones*. *Arabes* enim, quia latrocinii infames, appellative sumi solent pro latronibus, sicut *Chaldaei* pro ariolo, *Chananeus* pro meretrice, *Basus* pro hebete, &c. Allegorie in diabolum optime quadrant.

V. 9. FACTES EORUM VENTUS URENS. Chaldaei, *vehemens*; Vatablus, *Orientalis*, quia hic in terra sancta, reliquaque Syria & Asia est vehementissimus; Tigurini, *quidquid faciebatur eorum obicitur, flacidum fit, ac si uredi eorum exussisset*. Et sicut turbine congregantur *arena*, ita Chaldaei colligent innumeros *captivos*.

V. 10. TYRANNI, id est reges, quantumcumque potentes, ERUNT RIDICULI. LXX. *ludibria* Nibuchodonosori, id est erunt illi risui, habebit illos ludibrio, faciet eos moriones suos, vel scabella pedum, ut Saporis postea fecit Valeriano Cæsari, & Tamberlanes Baiazeti Turcarum Imperatori.

V. 11. TUNC elato tot victoriis Nabuchodonosori MUTABITUR SPERATUS, ex humano quasi in divinum e, (volet enim in aurea statua sua adorari ut Deus:) de inde ex humano quasi in ferinum f, ita ut bos sibi esse videatur: unde & ex hominum coetu pertransibit ad convivium belluarum, & ex altissimo fortunæ fastigio CORRUENT in abyssum miserie & infelicitatis. Atque ob similem superbiam reliquorum Chaldaeorum transibit ab ipsis monarchia ad Persas & Medos. HAEC, scilicet est divina illa PURTITUDO ETUS &

DEI SUR; Chaldaee, *idoli sui*. Est ironia & hostilis irrisio; quasi dicat: Glorietur nunc de sua, & Beli sui fortitudine, quoad eo inolesebat. Porro minis his irati Dei in Iudæos terribus Propheta, nomine totius populi supplicat Deo, stragem istam avertat,

V. 12. NUMQUID NON A PRINCIPIO UNIVERSI, immo æternitatis, TU, o DOMINE es DEUS MEUS, pater, protector, sponsor meus? qui me tibi ex tot nationibus in proprium quasi peculium & hereditatem selegisti, segregasti, *sanctificasti*. An ergo iam relictus a te, reiectus & resectus præderimus Chaldaeo tyranno, ET MORIEMUR; & exstinguemur? Fatemur ah DOMINE, te *posuisse* misisse Nabuchodonosorem in IUDICIUM, id est in iustam vindictam reliquarum gentium, quarum peccata UT CORRIPERES & castigare, firmasti, FUNDASTI, stabilivisti EUM tot opibus, tot imperiis, tot victoriis.

V. 13. OCULI, mens & affectus TUI SUNT mundissimi ac iustissimi, adeo ut non possis *videre* equis oculis, id est approbare, MALUM g, aut favere *iniquitati*. QUARE ergo nunc RESPICES SUPER Chaldaeos tam multa INIQUA AGENTES? & permittis ut ipsi nos *deverent*? Elio enim sumus peccatores: tamen Chaldaeis tantis idololatriæ & tyrannii sumus *iustiores*, seu minus iniusti & minus impii.

V. 14. FACTES NE HOMINES tibi sacros ac devotos predam fieri barbaro tyranno, sicut PISCES ET reptilia, seu MARIS h, seu terræ i præda sunt piscatori, vel alteri animali fortiori se? *ne habent* PRINCIPEM qui eos ab iniuria tueatur, vel illatam vim propulset. In quo similes sunt homines piscibus & reptilibus, vide apud Corneliū a Lapide.

V. 15. TOTUM, id est totam piscium collectionem, quidquid in stagno est, rapax iste & avarus piscator Chaldaeus suo hamo, *sagena* & reti exhaurit. Primo, regem *Isakim* cum Daniele & sociis k, & alios pauculos e Iudæa quasi HAMO e-duxit anno I. regni sui. Deinde anno 8. *SAGENA*, seu minori reti *Isachinim* l regem, omnemque eius aulam ac præcipuam nobilitatem cepit & avexit. Denique anno 18. latissimo reti *Sedeciam* m regem cum toto populo suo captivum fecit. Ribera & a Lapide per *hamum* accipiunt dolos, te-

N

chnas,

chnas, stratagemata : per *sagenam* & *rete* apertam vim & praelia Nabuchodonosoris.

V. 16. PROPTEREA quia tanta felicitate piscatur, ipse IMMO LABIT ET SACRIFICABIT SAGENAE ET RETI SUO, tamquam deo & auctori tot victoriarum; quasi dicat: Arti suae militari, & suis suorumque viribus, non tibi, o Deus, acceptos feret suos triumphos, ut Mezentius apud Virgilium n.

Dextera mihi Deus, & telum quod misisse libro.

Et favebis tam impio, tam blasphemio? Patientisque ut his suis rebus pergat magis magisque in dies intrare & roborare partem suam, seu sortem imperialem? & mensas suas insternere selectis ex toto orbe dapibus ac ferculis? Huius enim solius rei causa

V. 17. EXPANDET quaquaversum SAGENAM SUAM Chaldaeus, mittet exercitus suos, ut expilet, exhauriat, absumat paulatim omnes gentes: ita S. Hieron. Theodor. Theophyl. Remigius, Albertus, Hugo. Quia allegorice omnia adaptant diabolo.

- (a) Psal. 9. 39. Psal. 119. 25. Psal. cxxxix. 70.
(b) Osee xlii. 34. Gen. xlviii. 31.
(c) Ierem. xlv. 27. & Deut. viii. 3. Matt. iv. 4.
(d) Ierem. v. 6. Danielis vii. 6.
(e) Daniel. xii. 1.
(f) Cap. xv. 30.
(g) Psal. v. 7.
(h) Psal. x. 25.
(i) IV. Reg. xxi. 8.
(k) Dan. i. 1.
(l) IV. Reg. xxiv. 21.
(m) Cap. xiv.
(n) Virg. Lib. X. Aeneid.

G O R D O N I.

Vers. 2. **O**NUS, &c. Hoc est praecipue in Iudaeos: quærimonia est ob laceratam legem (vers. 4.) & perversum iudicium unde satis apparet onus hoc ad Iudaeos pertinere. Quid vero sit onus, alibi saepe: vide Isa. i. 1. apud LXX. *λῆμμα assumptio*, de voce Hebraica mox.

V. 3. ASPICITE IN GENTIBUS, &c. Loquitur Deus, poenam designat insignendam Iudaeis & acerbam, & a ferocibus Chaldeis. Quod vero est vers. 7. ONUS EIUS EGREDIATUR EX SEMETIPSA: hoc est, iugum quo gentes opprimit, ex ipsomet est,

seu non a ratione, sed quia ita vult: vide rad. *מנא* portavis, inde *מנא מאנא*, onus a portando.

V. 8. Lupi vespertini velociter currunt urgente tunc fame.

V. 11. TUNC MUTABITUR SPIRITUS, &c. Tunc attollet spiritum Nabuchodonosor tot victoriis auctus, putans se ut Deum aliquem, Dan. iii. ET CORRUET inter feras, Dan. iv. vers. 30. & multo magis in nepote Balthasare, & (per ironiam) hæc est fortitudo eius, hoc est quam putat habere se a Deo suo Bel.

V. 11. & 13. NUMQUID NON TU A PRINCIPIO DOMINE, &c. Post denunciatam cladem, vertit se ad orandum Prophetam, ut mitius agatur cum gente hac Iudaica peccatrice. Habet oratio commemorationem pristinae voluntatis Dei bonæ erga Iudam. Hinc deprecatur hoc imminens malum. ET MUNDT, inquit, SUNT OCULI TUI NE VIDEANT, vers. 13. hoc est, ne approbent delictum: averte ergo penitus ne videant mala nostra, averte poenam tantam. Hanc orationem Novator quidam voluit esse murmurationem: non vidit esse deprecationem, & pergit Prophetam; cur Domine permittis, ut rex ille impius pisceetur homines instar piscatoris, & hamo suo capiat omnia. IMMO LABIT impius piscator SAGENAE SUAE: hoc est, viribus suis tribuit hanc totam victoriam, & non tibi Domine: in hunc sensum orat Prophetam.

EX EIUDEM AUCTARIO.

Vers. 3. QUARE OSTENDISTI. Cur finis, ut fiant tot iniquitates in omnium etiam conspectu, per vim & iniuriam. CONTRA ME: coram me, ex Hebræo. Impii facti sunt potentiores.

Vers. 4. LACERATA LEX, nihil secundum eam sit.

Vers. 9. & 10. Varia similitudine illustrat quam sint timendi Chaldaei. TYRANNI RIDICULI. Reges alii erunt risui coram Nabuchodonosoro, & velut ludibrium.

Vers. 16. IMMO LABIT SAGENAE SUAE: attribuet viribus suis, & non tibi suas victorias.

C A P U T II.

Propheta a Domino responsum expectanti præcipitur, ut scribat visionem, ac longanimiter ipsius eventum expectet: destructio Babylonis propter multa ipsorum scelera describitur, & quod idola eis non proderunt.

1. **S**uper custodiam meam stabo, & figam gradum super munitionem: & contemplabor, ut videam quid dicatur mihi, & quid respondeam ad arguentem me. 2. Et respondit mihi Dominus, & dixit: Scribe visum, & explana eum super tabulas, ut percurrat qui legerit eum. 3. Quia adhuc visus procul, & apparebit in finem, & non mentietur, si moram fecerit, expecta illum: quia veniens veniet, & non tardabit. 4. Ecce qui incredulus est, non erit recta anima eius in semetipso: (a) iustus autem in fide sua vivet. 5. Et quomodo vinum potantem decipit: sic erit vir superbus, & non decorabitur: qui dilatavit quasi infernus animam suam: & ipse quasi mors, & non adimpletur: & congregabit ad se omnes populos. 6. Numquid non omnes isti super eum parabolam sument, & loquelam ænigmatum eius: & dicetur: Væ ei, qui multiplicat non sua? usquequo & aggravat contra se densum lutum? 7. Numquid non repente consurgent qui mordeant te: & suscitabuntur lacerantes te, & eris in rapinam eis? 8. Quia tu spoliasti gentes multas, spoliabunt te omnes qui reliqui fuerint de populis, propter sanguinem hominis, & iniquitatem terræ civitatis, & omnium habitantium in ea. 9. Væ qui congregat amaritiam malam domui suæ, ut sit in excello nidus eius, & liberari se putat de manu mali. 10. Cogitasti confusionem domui tuæ, concidisti populos multos, & peccavit anima tua. 11. Quia lapis de pariete clamabit: & signum, quod inter iuncturas ædificiorum est, respondebit. 12. (b) Væ qui ædificat civitatem in sanguinibus, & præparat urbem in iniquitate. 13. Numquid non hæc sunt a Domino exercituum? Laborabunt enim populi in multo igne, & gentes in vacuum, & deficient. 14. Quia replebitur terra, ut cognoscant gloriam Domini, quasi aquæ operientes mare. 15. Væ qui potum dat amico suo mittens fel suum, & inebrians ut aspiciat nuditatem eius. 16. Repletus es ignominia pro gloria: bibe tu quoque, & consopire: circumdabit te calix dexteræ Domini, & vomitus ignominix super gloriam tuam. 17. Quia iniquitas Libani operiet te, & vastitas animalium deterrebit eos de sanguinibus hominum, & iniquitate terræ, & civitatis, & omnium habitantium in ea. 18. Quid prodest sculpsile, quia sculpsit illud fictor suus, constatile, & imaginem falsam? quia speravit in figmento fictor eius, ut faceret simulacra muta. 19. Væ qui dicit ligno: Experimentiscere; Surge, lapidi tacenti: numquid ipse docere poterit? Ecce iste coopertus

pertus est auro & argento: & omnis spiritus non est in visceribus. 20. (c) Dominus autem in templo sancto suo: fileat a facie eius omnis terra.

(a) Ioan. xlv. 27. Rom. 2. 17. Gal. xlv. 27. Hebr. x. 31. (b) Ezech. xxv. 9. Nah. 1. 7. (c) Ezech. x. 4.

C O M M E N T A R I A

S A.

Vers. 1. **C**USTODIAM, id est rem meam custodire commissam, scilicet ut solet qui est in specula. **ET FIGAM**, &c. repetitio. **DICATUR**, scilicet a Deo super iis quæ ei supra proposui. **ARGUMENTUM**, id est disputantem de Dei providentia mecum, & coarguentem, me scilicet prædicantem Dei providentiam & iustitiam. Chald. *Quid respondebitur ad deprecationem meam.*

V. 2. VISUM, id est visionem, scilicet quod tibi revelo nunc. **EXPLANA**; quasi dicat, Scribe perspicue, ut facile legi possit. **TABULAS. LXX. buxum**, scilicet buxæ tabulas. **PERCURRAT**, scilicet cum facilitate.

V. 3. VISUS, id est quod mihi visione revelatur. **PROCU**; quasi dicat, Post multum tempus implendum est. **IN FINEM**, id est tandem, seu postrema mundi ætate. **MENTIETUR**, id est faller, scilicet Deus, qui prædicat; vel *visus*, id est visio. **FECE**rit, scilicet Christus. **VENIENS VENIET**, id est omnino veniet, seu ille qui venturus expectatur veniet: solet enim Christus dici, *qui venturus est*, & *ipse* *ipso*. **NON TARDABIT**, scilicet post tempus præscriptum, scilicet & salvabit iustos, punit iniustos, ut sit responsum questioni, Quare non respicis, &c. Citat Paulus Hebr. x. iuxta LXX. nisi quod addit, *adhuc modicum aliquantulum*, pro eo quod LXX. *adhuc in tempus visio*; & noster Interpres, *adhuc visus procul*, quæ videntur alium sensum efficere. Sed quod hominibus est procul, Deo est prope; & quidem totum sæculi tempus modicum præ æternitate.

V. 4. ECCE, &c. LXX. *si subtraxeris*, scilicet per incredulitatem, quam Paulus *subtractionem* vocat, Hebr. x. opponitque fidei, dicens: *Non sumus subtractionis filii, sed fidei*. **NON ERIT RECTA**, &c. LXX. *non complacabit anima mea in eo*,

scilicet non placet Deo qui non est rectus; nec rectus est, qui non credit. **SUA. LXX. mea**, scilicet & Dei est, quia dat; & iusti, quia accipit. **VIVET**; scilicet per fidem iustificatur peccator, & iustus fit, si deque vivit, scilicet caritate formata. Est autem sermo de fide in Christum, ut patet.

V. 5. SUPERBUS, scilicet sua inebriatus superbia. **NON DECORABITUR**, id est de decore notabitur, seu ignominia; quasi dicat, Contemnetur ab omnibus. Quidam hæc de Nabuhodonosor intelligunt; a Deo ob superbiam punito. **INFERNUS**, id est sepulcrum, scilicet mors, quæ numquam satiatur, vel infernus damnatorum. **CONGREGABIT**, scilicet sibi subiciens.

V. 6. ISTI, scilicet ab eo expugnati. **SUPER EUM**, scilicet cum erit a Deo punitus. **PARABOLAM**, id est canticum paraboliæ: **ÆNIGMAM**, id est obsecram, scilicet per metaphoras. **ERUS**, id est eo. **ET ABUNDAT**, more Scripturæ: sic I. Reg. iii. *videre lucernam*. Hebr. *videre* & *lucernam*. **AGGRAVAT**, id est accumulatur. **CONTRA TE**, id est in suam perniciem: **LUTUM**, scilicet terrenas divitias, quæ viles & conculeandæ essent: **DENSUM** vero dicit, quod fortiter hærent, vel quod labore parentur.

V. 7. MORDEANT, scilicet Medi, & Persæ. **SUSCITABUNTUR**, id est excitabuntur, seu confluent in te.

V. 8. RELIQUI, scilicet a te non spoliati. **SANGUINEM**, id est eadem; quasi dicat, Ob tua homicidia. **TERRÆ**, scilicet factam a te. Chald. *terra Israel*. **CIVITATIS**. Chald. *urbis Ierusalem*.

V. 9. AVARITIAM MALAM, id est opes iniquas. Chald. *divitias impietatis*. **NIQUS** id est habitaculum.

V. 10. CONFUSIONEM, id est rem ignominiosam. **CONCIDISTI**. Chald. *depradatus es*. LXX. *consumpsisti*.

V. 11. CLAMABIT, scilicet contra te.

IN-

INTER IUNCTURAS; scilicet, quo parietes connectentur. RESPONDEBIT, scilicet similiter contra te.

V. 12. IN SANGUINIBUS, id est pecunia parva cadibus & oppressionibus. PRAEPARAT, id est stabilis.

V. 16. HAEC, scilicet quae statim dicam. A DOMINO, scilicet mihi dicta, vel impiis insignenda. POPULI, scilicet Chaldaei, seu omnes impii. IGNE, scilicet calamitas extinguendo, sed frustra.

V. 14. TERRA, scilicet Chaldaeorum. Iunge cum quasi-aque. GLORIAM, scilicet potentiae & iustitiae punientis iniquos. QUASI AQUAE, &c. pro, ut cum aquae terram operiunt, scilicet sic implebitur Chaldaea hostibus. Quidam tamen ad abundantiam referunt gratiarum tempore Evangelii, de quo Isa. xi. Ierem. xxxi.

V. 15. MITTENS, scilicet in poculum. FEL, id est iram, vel venenum. NUDITATEM; quasi dicat, ut spoliis: velut si quis amicum inebriaret, ut deinde spoliaret, scilicet spoliabat Nabuchodonosor etiam sibi foedere iunctos.

V. 16. REPLETUS ES; pro, repleberis. PRO GLORIA. Chald. *plusquam gloria*. BIBE; pro, bibes, scilicet de calice irae Dei. CONSPIRE; pro, conspiceris, more ebriorum; quasi dicat, Punieris vehementer. GLORIAM, id est gloriosas vestes, scilicet eadet: persistat in ebrii metaphora; quasi dicat, Redigeris in statum ignominiosum.

V. 17. INIQUITAS, id est poena iniquitatis. LIBANI, id est qua in Libanum, id est templum usus es. Chald. *sanctuarii*: sic dicitur Templum etiam Ezech. xvi. Zach. xi. forte quod esset cedris Libani, vel quod altum instar Libani. ANIMALIUM, id est hominum, scilicet illis occisorum ab eis: vel ipsi dicuntur animalia, id est feræ quae vastarent Ierusalem. DETERREBIT, id est in terrorem inducet, scilicet erit causa expugnationis Babylonis. DE SANGUINIBUS, id est ob cadēs. ET CIVITATIS, &c. Vide supra.

V. 18. FALSAM, id est falsi dei. UT FACERET; pro, faciens, vel ideoque faceret.

V. 19. EXPERGISCERE; quasi dicat, Adiuvam te: sic Deo dicitur, *Exsurge quare abduxeris Dominum*. DOCERE, scilicet se invocantem. OMNIS SPIRITUS NON, id est nullus.

V. 20. TEMPLO; scilicet templo. SILEAT scilicet pro reverentia. LXX. *reuerentur*. A FACIE, id est in conspectu.

EST I I.

Vers. 4. IUSTUS AUTEM IN FIDE SUA VIVET. Quæritur: quæ fides intelligatur? Respond. accommodatur ab apostolo ad Hebr. x. ad fidem promissorum Dei, ut patet ex cap. sequenti ad Hebr. xi. Et nihilominus idem apostolus ad Rom. i. & ad Galat. iii. accipit de fide, qua in Christum redemptorem creditur. Quare videtur tota fides cristiana intelligi; quæ credimus Deum esse, & Christum sua morte nos redemisse, ac denique iustitiae repositam esse coronam in caelis. Vide plenius in commentario nostro ad iam dicta loca. Iustus enim propter fidem, & spem futurorum bonorum, quæ credit, licet non videat, vivit, & perseverat in iustitia, & bonis operibus. Cognitio enim finis propoliti, cum spe illum obtinendi, facit, ut homo propter illum finem bona operetur: quod late declarat locus ad Hebr. xi. & huius definitio ibi posita.

MARIANAÆ.

Vers. 1. SUPER CUSTODIAM MEAM STABO; pro, in custodia mea stabo. Fingit se intra urbem obsessam esse (aut vere ita erat) distributa singulis loca, quæ custodirent. ET FIGAM GRADUM: consistam in munitione & arce, non deseram locum. UT VIDEAM QUID DICATUR MIHI, scilicet a Deo, & quid illi responderem, si me increpaverit: sic Hieronymus. Aut sic, Ut videam quid mihi præcipiatur a Duce, & si me negligentiae increpaverit, quid illi respondere potero. Vide, Deum iis apparere, qui muneri inuncto vocant.

V. 3. ET RESPONDIT MIHI DOMINUS, id est locutus est mihi. Respondere sæpe idem est quod loqui, seu incipere loqui. Exempla frequentia sunt. VISUM, seu visionem. ET EXPLANARE, id est litteris claris perspicuis scribere. Quam visionem? quam modo dicam. SUPER TABULAS. Sept. *in buxo scribe*.

V. 3. QUIA ADHUC VISUS. Hebr. Sept. & Goth. *visio*. PROCUL. Heb. *in tempus* *stas*.

statutum, id est suo tempore erit. ET APPAREBIT IN FINEM. Hebr. *efflabit*, seu loquetur tandem, implebitur, & non faller: certa erit. NON TARDABIT, id est non differetur, suo & definito tempore eveniet.

V. 4. ECCE QUI INCREDULUS EST. Constructio inverla. Ecce cuius anima non est recta, incredulus est, Hebr. *superbit*, conemnitur quæ dicuntur, non credit. Iustus autem in fide sua vivet, quia credit, & se contra mala ventura munier. Hæc verba citantur ad Rom. 1. ad Galat. 3. ad Hebr. x. 38. de fide divina, quæ initium est iustitiæ, non complementum, ut hæretici volunt. Sane ut Iudeis ad vitanda mala, de quibus Propheta loquitur, non esset satis credere, nisi diligentiam adhiberent: sic neque ad salutem fides est satis, nisi opera accedant.

V. 5. ET QUOMODO VINUM. Hebr. *etiam cum vinum pravaricatur*, id est nimium, ultraque modum bibit. Sic ERIT VIR SUPERBUS. Hebr. *vir superbus*, scilicet fit. ET NON DECORABITUR. Hebr. *non habitabit*, id est non permanebit in Regno; transferretur ad Medos; quasi dicat: Sicut increduli verbis meis, peribunt eadem ratione Nabuchodonosor, quia multo vino prosperitatis dementatus, & ipse non credit. QUI DILATAVIT QUASI INFERNUS, seu *sepulcrum*. Omnes devorat, neque mors umquam satiatur, sic nec Nabuchodonosor; Regna Regnis accumulata sine fine.

V. 6. PARABOLAM SUMENT. Mutatis rebus carmen lugubre, nœniam canent. ET LOQUELAM AENIGMATUM. Hebr. *interpretationem aenigmatum eius*. Nœniz plenæ sunt metaphoris obscuris, quas *aenigmata* vocat. Eius, id est de eo. ET AGGRAVAT CONTRA SE, seu *asper se*. DENSUM LUTUM? sic divitiis vocat, quia gravant. Tum Hebr. *drivites graves* vocantur ob multa impedimenta, quæ secum deferunt.

V. 7. REPENTE CONSURGENT QUI MORDEANT TE. Per mordentes, & lacerantes R. Kimhi vermes sepulcri intelligit, qui repente insurgent, quia repente morietur. Alii Medos & Persas intelligunt, qui eas opes diripient Chaldaeorum.

V. 8. OMNES QUI RELIQUI FUERINT,

quos scilicet spoliare non potuisti. PROPTER SANGUINEM HOMINIS, id est hominum, quem multum effundisti. Iunge hoc cum *spoliabunt te*, quod iam præcessit. ET INIQUITATEM TERRAE. Hebr. *rapinam, quæ terram*, id est regionem omnem diripuisti. CIVITATIS; pro, & civitatis, scilicet Ierusalem, quam prædavit es. Hæc eris vindicta malorum quæ fecisti.

V. 9. VAE QUI CONGREGAT. Hebr. *vae consupiscens avaritiam*. AVARITIAM MALAM, id est divitiis iniquas. DOMUI SUAE, scilicet ut illam ædificet, & ditet. UT SIT IN EXCELSONIDUS EIUS, id est ædificet arcem sublimem, quæ putavi se liberum fore a malo & rebellionem omni.

V. 10. COGITASTI CONFUSIONEM. Tota ea cautio cedit in ignominiam domus tuæ, ex Dei vindicta. CONCIDISTI; pro, quia concidisti populos multos. ET PECCAVIT; pro, & in eo peccavit anima tua, ideo punieris.

V. 11. QUIA LAPIS DE PARIETE. Lapis dicit, Ego ex rapina sum. Aut, Lapidis & ligna domorum, quas everitisti, tuam crudelitatem clamabant. ET LIGNUM, QUOD INTER IUNCTURAS AEDIFICIORUM EST. Lignis ex intervallo positis fulciebant parietes. Hebr. *Et signum ex arbore*, aut *ligno respondebit ei* scilicet lapidi. Quid respondet? Ego etiam sum ex rapina. Ea erit ignominia, omnes fatebuntur, iniuste parva esse quæ possides. Terzes de Variâ historia, de re manifesta ait dici, *Saxa loquentur*. Symmach. *Et iunctura edificii*, quod sequi Hieron. videtur, nempe pro *בִּישָׁם Caphis*, id est signo *בִּישָׁם Chapphaim* legerunt, id est *vulvas*, seu *iuncturas*. Sept. *scarabeus de ligno*. Sed *scarabeus*, pro *tinca*, ut Theophyl. ait. Significatio vocis *Caphis* non est satis nota.

V. 12. IN SANGUINIBUS, id est ex partis effuso aliorum sanguine. PRAEPARAT; id est, exornat urbem tuis quæ per iniquitatem sunt parva. Væ illi.

V. 13. LABORABUNT ENIM POPULI IN MULTO IGNE; id est, cognoscent, ea suo labore effecisse, quæ ignis consumit. ET GENTES IN VACUUM, ET DEFICIENT. Hebr. *Et populi in vacuum multum sunt lassati*, id est in rem nihili, quæ cito peribit.

V. 14. QUA, id est id favebuntur, & cognoscent, quia REPLEBITUR TERRA, scilicet

scilicet Dei gloria. Ex ea vindicta omnes cognoscent Dei gloriam, quæ erit ea multitudine, ut aquæ maris.

V. 15. VAE QUI POTUM DAT AMICO SUO: Hactenus de iis, quæ per vim Nabuchodonosor egit, & quæsit: nunc de fraudibus, quas specie amicitie nexuit; quasi qui dat potum, ut socium inebriet. MITTENS FEL SUUM. Locus difficilis. Variant Interpretes. Hieronymus multas affert versiones, quas hic prætereo. Tota difficultas est in voce *NON hamath*, quæ *utrem* significat, Osee vii. 5. tum *venenum*, Psal. LVII. 5: Si *utrem* hic significet, quod Hebræi putant, erit sensus: Adiungens utrem tuum, ut scilicet socius sæpe bibat, & citius cadat. Ea est fraus de qua agit. Si *venenum*, erit sensus: Adiungens venenum tuum, seu mittens. Sed *venenum* pro pigmento fumo, quod vino miscetur, ut maiorem vim inebriandi habeat, ut thus, ut myrrham, unde *murrinum*, seu *murratum vinum* apud Festum; & *myrrhinum* in Fulgentii Mythologiis. Tum *vinum myrratum* Marc. xv. 23. quod Christus obtulerunt, ut scilicet minus cruciatus sentiret. Eo Hieronymus respexit, cum dixit, *mittens fel*, nisi quod *suum* dixit, pro *tuum*, ut est in Hebræo, *hamathaca*, sed ad sententiam respiciens. Memento *venenum* non semper pro letali sumi, ut & *pharmacum* Græce, quod *venenum* etiam significat, ff. De verb. signific. L. Qui venenum 236. UT ASPICIAT NUDITATEM EUS. Hebr. *eorum*, pro, *eius* socii, de quo loquitur. Porro ebrii nudare se solent.

V. 16. REPLETUS ES. Satiatus es ignominia loco gloriæ tuæ. Quod aliis fecisti, patieris; tu quoque eris ebrius. ET CONSPIRE, ebrietatem fomus sequitur. Hebr. *et nudare*. ET VOMITUS IGNOMINIAE, id est ignominiosus. Post crapulam vomitus. SUPER GLORIAM TUAM; hoc est, pro gloria tua, aut post gloriam tuam.

V. 17. INIQUITAS LIBANI. Hebr. *rapina Libani*, id est terræ Israel, OPERIET TE; eius direptionis poenas lues. ET VASTITAS ANIMALIUM; seu *vastitas iumentorum*. DETERRERIT EOS. Hebr. *conteret ea*. Ut iumenta cum arbores vastarent, ab hero verberantur, sic Chaldaei a Deo, quos iumenta vocat. DE SANGUINIBUS HOMINUM, hoc est, ob effusum hominum sanguinem.

ET INIQUITATE. Hebr. *præda, rapina*, quam iumenta faciunt, conterentur, scilicet iumenta peribunt. TERRAE, ET CIVITATIS. Et non est Hebr. sed bene suppletur, ut vers. 8. supplevimus, ubi sunt eadem verba. Hieronymus prætermisit ibi.

V. 18. QUIA SCULPSIT. Quia, pro, quod, ut Chald. *quid prodest sculpsit*; quare sculpsit illud fictor? ET IMAGINEM FALSAM. Hebr. *doctorem*, seu *docentem mendacium*, reddentem scilicet responsa falsa, scilicet imaginem & idolum mendax quare sculpsit? Chald. *constabile*, & *numen falsum* dixit. QUIA SPERAVIT. Quid speravit, aut quare speravit? UT FACERET SIMULACRA MUTA, seu *idola muta*, scilicet fictor quid speravit ab idolo?

V. 19. VAE QUI DICIT LIGNO: EXPERGISCERE, id est orat ut audiat. SURGE, LAPIDI TACENTI, id est orat, ut ferat opem. NUMQUID IPSE DOCERE POTERIT? nihil, neque audire, neque respondere. OMNIS SPIRITUS NON EST; id est, nulla pars spiritus aut vitæ intra illum est.

V. 20. IN TEMPIO, in cælo, aut templo Ierosolymitano est Deus. SILEAT A FACIE EIUS OMNIS TERRA. Hebr. *sile a facie eius*, id est coram eo. Silentium coram maioribus est reverentiæ signum.

M E N O C H I I.

Vers. 1. SUPER CUSTODIAM MEAM, id est rem custodiz meæ commissam, scilicet ut solent excubitores in mœnibus, & propugnaculis arcium. ET FIGAM ORADUM, &c. est eiusdem sententiæ repetitio. QUID DICATUR MIHI: scilicet a Deo super iis, quæ illi proxime proposui. ET QUID RESPONDEAM AD ARGUMENTUM ME. In Hebræo est, *quid respondeam correctioni*, vel *redargutioni* meæ; quasi dicat, Præfagit animus Deum libertatem meam loquendi increpaturum & reprehensurum; cogitabo ergo quid respondendum sit, & qua ratione porro urgere possim rationes, & dicta mea defendere: sumpta est allegoria a militibus excubantibus in muris, & arcem propugnantibus; sicut enim milites hi attenti sunt, & solliciti, ne qui obsident irrumpant aliquo, & arcem capiant; sic propheta se attentum

eum fuisse significat, ne causam quam ipse tuebatur Deus argumentis infirmaret, aut infringeret.

V. 12. *SCRIBE VISUM*: visionem, quam nunc tibi revelo, ut memoria illius perennis sit, est enim magni momenti. *EXPLANNA EAM SUPER TABULAS. LXX. buxum*, scilicet *buxae tabulas*. Perspicuis & distinctis characteribus scribe, ut a quolibet facile legi possint.

V. 3. *VISUS*, id est id quod visione ostenditur. *PROCUL*; quasi dicat, Post multum tempus implendum est. *IN FINEM*; id est, tandem licet post tempus diuturnum aderit, & implebitur. Ad litteram loquitur de Nabuchodonosoris, & Babylo-nici imperii everfione, & Iudeorum ex captivitate liberatione. Simul Christum respicit humani generis liberatorem ex demonis, & peccati servitute. *VENIENS VENIET*: omnino veniet, id est implebitur omnino visum & prophetia. Christus omnino aderit suo tempore. *NON TARDABIT*: ultra tempus praescriptum.

V. 4. *NON ERIT RECTA ANIMA EIUS IN SEMETIPSO. LXX. habent*, *Non complacebit anima mea in eo*: nimirum non placet Deo, qui non est rectus; nec rectus est, qui non credit. *IUSTUS AUTEM IN FIDE SUA VIVET*: vera, recta, pacata, felique vita fidei, spei, gratiae, & gloriae; in Deo enim qui vera est vita, eiusque promissis defixus, illi gratus erit, & charus.

V. 5. *ET QUOMODO VINUM POTANTEM DECIPIT*, &c. Docet Dominus momentaneam esse, & caducam malorum felicitatem & quamvis generatim loqui videatur, non est tamen difficile intelligere Nabuchodonosorem peculiariter notari; sententia ergo est: Quomodo vinum potantem decipit, quia cum primum exhilarat, deinde humi sternit, & ridendum omnibus exponit, sic impiorum felicitas, quia superbi ebrii sunt, ad tempus eos exhilarat, sed tandem dolorem affert, & dedecus apud omnes. *NON DECORABITUR*: immo dedecore, & ignominia notabitur. *QUI DILATAVIT QUASI INFERNUS*, &c. id est, qui vasto animae desiderio divitias, & imperia captat, inferno, & morti similis, quae quodammodo dilatat se ut multos, quos vorat, capere possit. *CONGREGABIT AD SE*: suo adiungit imperio.

V. 6. *SUPER EUM PARABOLAM SUMMENT*: carmen lugubre de eius calamitate compositum, nimirum de Balthasare, sub quo Regnum Chaldeorum eversum est: sic Michae 11. 4. dicitur: *Sumentur super vos parabola*. *ET LOQUELAM AENIGMATUM EIUS*; id est, component de eo aenigmaticum carmen; huiusmodi enim esse solebant lamentationes, quae multis, & obscuris metaphoris, & allegoriis constabant. *MULTIPLICAT NON SUA*: in alienas divitias, & regna irrumpendo, & immolando. *USQUEQUO*; quasi dicat, Quis erit finis congregandi divitias, & regni fines amplificandi? *AGGRAVAT*; id est multiplicat; nam gravis idem saepe est in Scriptura, quod multus, ut patet Exod. viii. 24. Pl. xxxiv. 18. I. Macch. 1. 18. *CONTRA SE*: in perniciem suam. *DENSUM LUTUM*: divitias intelligit, quae densum lutum vocantur ob utilitatem, & quia cum ex rapinis, fraudibus, aut quibuscunque malis artibus parvae sunt, animam inquinant, gravant, tenaciter illi adherent, quia magno affectu diliguntur, & tandem in exitium trahunt.

V. 7. *QUI MORDEANT TE*: nimirum Cyrus, & Persae, qui ut fortiores sece laxerabunt te. *ET SUSCITABUNTUR*. Est repetitio eiusdem sententiae.

V. 18. *QUI RELIQUI FUERINT DE POPULIS*: qui manus, & crudelitatem tuam effugere poterint. *PROPTER SANGUINEM HOMINIS*: quia multum effudisti humani sanguinis. *ET INQUITATEM TERRAE CIVITATIS*. In Hebr. est, *Et rapinas terrae, Et civitatis*; id est propter tyrannidem, qua vexasti terram Iuda, & civitatem Ierusalem; & omnes habitantes in ea, haec mala tibi evenient.

V. 9. *AVARITIAM MALAM*: divitias malis artibus parvas. *UT SIT IN EXCLUSO*, &c. putans se propterea ab omni malo immunem fore, & extra calamitatum saeculum, ut tunc sunt aves, quae in celis rupibus, & editis locis nidulantur.

V. 10. *COGITASTI CONFUSIONEM DOMUI TUAE*; id est, putabas te magnam gloriam comparare posteris tuis, sed contra accidit, nam magni dedecoris causa illis fuisti. *CONCIDISTI POPULOS MULTOS*. Chald. *depradatus es. LXX. consumpsisti*.

V. 11. *QUIA LAPIS DE PARIETE CLAMABIT*. Est adagium significans crimen, & in-

& iniuriam publicam, & enormem, quæ celari nequeat; quasi dicat, Tua tyrannis, & violentia tanta est, adeoque manifestæ, ut licet homines taceant, tamen lapides, & ligna parietum vastatarum, & dirutarum ædium, contra te clamatura sint.

V. 12. CIVITATEM, Babylonem. IN SANGUINIBUS, id est pecunia parva cædibus, & oppressionibus pauperum. PRAEPARAT URBEM: edificat urbem.

V. 13. NUMQUID NON HABET, &c. quæ scilicet contra te vaticinor, statimque subiungam. LABORABUNT POPULI IN MULTO IGNE id est, incenduntur Babylon a Medis, & Persis, & Chaldeorum populi, agentes aliarum nationum, quæ eis adhærebunt, conabuntur extinguere incendium, sed frustra laborabunt. DEFICIENT: fatigabuntur; ut vertit Vatablus.

V. 14. QUIA REPLEBITUR TERRA: totam Chaldeorum terram implebit multitudo innumerabilis Persarum, & Medorum, sicut aquæ, quæ operiunt alveum maris, ut cum Babylon vastata fuerit, cognoscant omnes gloriam, & potentiam Domini punientis tyrannos, & alienorum bonorum direptores.

V. 15. VAE QUI POTUM DAT AMICO SUO, &c. quasi dicat; Væ Nabuchodonosori, cuiusque affectus, qui sel suum, id est suam bilem, & amaritudinem, vel ut habet Aquila, *furorē suum*; usque ad ebrietatem propinat etiam amicis regibus; hoc est, qui eos crudeli tyrannide divexat, & donec eos regno, bonis omnibus, & ipsa libertate pendente, & ad irrisiōnem despoliet, & denudet.

V. 16. REPLETUS ES IGNOMINIA PRO GLORIA; quasi dicat: Væ illi; nam legationis simili modo ab aliis sæpe nudabitur, parique ignominia, & irrisiōne mulstabitur. BIBE TU QUOQUE, ET CONSPICERE; id est, tu quoque bibes de calice iræ Dei, & conspiceris more ebriorum, qui large vinum hauferunt; quasi dicat, Punieris acerbe, & vehementer. CIRCUMDABIT TE CALIX DEXTERÆ DOMINI: valabit te, & comprehendet ingens calamitas, & afflictio. ET VOMITUS IGNOMINIAE SUPER GLORIAŢ TUAM. Tantum tibi ex calice vindictæ Dei hauriendum erit, ut non solum inebrieris, sed etiam vomas, more temulentorum, & vomitus in decoras vestes tuas redundet, significa-

tur redigendum ad ignominiosum statum.

V. 17. INQUITAS, id est poena iniquitatis. LIBANT, id est qua in Libanum, hoc est in templum Ierusalem sævisi 3 Chaldæi *Libani*, habet *sanctuarii*. Templum dicitur Libanus etiam Ezech. xvi. 3. & Zach. xi. 1. fortasse quod esset et cedris Libani, vel quod altum instar Libani. OPERIET TE: abundanter veniet super te. ET VASTITAS ANIMALIUM DETERREBIT EOS; quasi dicat, Quia Chaldæi truculentur quasi feræ vastarunt Ierusalem; idcirco vicissim truculenter a Medis, & Persis, quasi feris percellentur, vastabuntur, & conterentur. DE SANGUINIBUS, id est propter sanguinem hominum copiosum, quem fudisti. ET INQUITATEM TERRÆ, ET CIVITATIS, id est propter iniquitatem, vim & expilationem terræ Iudææ, & civitatis sanctæ Ierusalem; quasi dicat, Quia diripuiisti, & desolasti Iudæam, & Ierusalem, pari sorte, & iure tu quoque desolaberis, & diripieris a Medis, & Persis.

V. 18. QUID PRODEST SCULPTILE, &c. Irridet Chaldæos, qui in suis idolis spem locabant, & se ab eis protegendos putabant; quasi dicat, Nihil vobis proderit sculptile, quia non est Deus, sed opus artificis. CONFLETILE, &c. Nihil vobis proderit idolum, quod ex auro, vel alio metallo ab hominibus constatum est in fornace, & formatum. ET IMAGINEM FALSAM: artifex fecit conflatile, sive sculptile esse imaginem falsam, & mentientem, quia nullum verum numen representat. QUIA SPERAVIT IN FUMENTO FICTOR; quasi dicat: Et tamen adeo demens est homo, ut ille ipse, qui fecit idolum, spem suam in eo collocet, ideoque fecerit simulacra eiusmodi, quæ nec sermonis usum habent, nec rationis.

V. 19. QUID DICIT LIGNO, EXPERGI SCERE, &c. qui ita sua alloquitur idola, ac si sentire possent, sic vero Deo, & viventi bene dicebat David: *Exsurge, quare dormis Domine*: Psal. xlii. 23. In Hebræo est: *Ve dicenti ligno, expergiscere. Sustine te ipsum, lapidi tacenti*. NUMQUID IPSE DOCERE POTERIT? num lapis poterit cultori suo aliquid dicere, & indicare utilia, aut noxia? ECCE ISTE, &c. id est, nihil aliud est idolum, quam lapis, aut lignum auro tectum, vel argento, vita, sensu, ac spiritu carens.

V. 20. DOMINUS AUTEM IN TEMPLO, &c. quasi dicat: At non talis est Dominus noster, qui est in celo, ut Dominus omnium, & inde cuncta videt, & moderatur. SILEAT A FACIE EIUS OMNIS TERRA. LXX. *Reveretur faciem eius*, sitque illi subiecta, nam hoc significat nonnumquam silentium in sacris litteris, ut cum dicitur de Alexandro magno I. Machab. 1. 3. *Et siluit terra in conspectu eius*, subiecta scilicet, & nihil amplius ausa contra illum movere, aut hincere.

T I R I N I.

Vers. 1. **S**TABO, etsi tot tentationum istibus assidue concussus, im-mota tamen & firma mente constanter PERGAM A GRADUM, quasi SUPER MUNITIONEM MEAM custodiam commissam; quasi dicat: Non capio quidem, qua ratione velit Deus populum suum tam scelestis tyranno tam indignis modis divexandum, excidendum, & perdendum obicere: nolo tamen propterea vel tantillum deesse muneris mihi commissi, sed pergam qua docento, qua monendo, qui increpando invigilare bono & saluti gregis mihi crediti tamquam Prophetæ, doctori & pastori. Interim summa vigilantia & attentione CONTEMPLABOR, num QUID cælitus MITTENDUM aut iudicandum sit, quod RESPONDEAM AD ARGUMENTUM ME intellectum meum: ita Theodor. Theophyl. Pagninus & Vatablus, qui vertunt, *ad disceptationem meam*, vel *ad argumentum meum*, quo cap. præced. evincere conatus sum, non delere committi Chaldaeis excidium & eversionem populi Dei.

V. 2. ET RESPONDIT MIHI anhelio & anxio benignissimus DOMINUS: SCRIBE VTSM id est, rem a te visam, quam tibi nunc velendam & videndam propono. Atque ut omnibus innotescat, *scribe* non in libro vel volumine, mox claudendo & seponendo, sed in tabulis apertis & expansis, ut publice legi & percurri possit a quocumque prætereunte. LXX. *scribe visionem manifeste in buxum*. Quia enim buxus levis est & facile characteres excipit, olim frequens usus erat tabularum e buxo, in quas vel incidebant characteres stylo chalybeo, (& talem esse ritulum crucis Christi, testatur Beda & alii testes oculati, qui

eum Romæ in ecclesia S. Crucis viderunt) vel ceram inducebant, atque in cera complanata litteras efformabant, ut fufedocet Guevara. Scribe autem ad memoriam posterorum.

V. 4. QUA VISUS hic, seu res quæ iam tibi videnda proponitur, ADHUC PROUL EST, post multos demum annos, cum sine 70. annorum captivitatis Babylonicæ complenda. Nam ad litteram hic agi de Chaldaei imperii eversione, & Iudæorum e Babylone liberatione, patet ex contextu Prophetæ, & docent S. Cyrillus, Theodoretus, Albertus, Arias Vatablus, a Castro & a Lapide. Allegorice, tamen loquitur de eversione regni diaboli & mundi liberatione per Christum, ut S. Paulus & alii exponunt.

V. 4. ECCE QUI INCREDULUS EST huic prophetiæ de liberatione per Cyrum & Christum obventura, NON ERIT RECTA ANIMA ETUS, seu vita, sed distorta erit & iniqua, & molesta, & misera, tum naturaliter, quia carebit certissimo liberationis aliquando obventuræ solatio; tum supernaturaliter, quia carebit interna iustitia & gratia iustificante, ac proinde *displicet Deo*, ut vertunt LXX. & ex illis S. Paulus d. Nam *sine fide & fiducia impossibile est placere Deo*. E contrario iustus & fidelis, qui Deo promittenti eredit, per hanc suam (ut etiam vertit Aquila, Symmachus, & Theodotus;) vel *meam fidem* (ut LXX. vertunt, sed eadem est fides nostra, quæ Dei, nempe nostra est subiective, sed Dei est obiective;) *VIVET*, vita recta, sancta, felici & æterna secundum utrumque hominem, spe futurorum sese recreans, & interea constanti tolerantia adversitatum, maiorem perpetuo gratiam, favorem & gloriam sibi comparans apud Deum.

V. 5. QUOMODO VINUM immodice sumptum DECIPIT & inebriat & dedecorat POTANTEM, facietque non modo revomere, sed & ruere in extremam subinde perniciem: SIC ERIT VIR ISTE SUPERBUS Nabuchodonosor, vino fortunæ nimis prosperæ inebriatus & mente dimotus insanit, furit, tumultuatur, turbat omnia, sed mox ad bellus relegatus, fabula & ludibrium erit toti mundo, cogerurque post paulo per filium suum Balthasarem omnia quæ cepit, una cum imperio & vita revomere: ita S. Hier.

S. Hieronymus, Theophylactus, Remigius, Hugo, Lyranus, Clarus, Vatablus, Delrio f, Ribera, a Lapid. . Tum brevi urna concludetur, cui antea non sufficiebat universus orbis, & dilatatur quasi INFERNUS ANIMAM SUAM seu sitim & aviditatem appetitus sui, quæ insatiabilis atque inexplebilis est: ET QUASI MORAS, quæ licet omnibus dominetur, omnesque devoret, numquam tamen satiatur, sed quo plures debellat, subiugat & maculat, eo plures perdere anhelat. Ita iidem.

V. 6. & 7. OMNES ISTI qui nunc tyrannice per Nabuchodonosorem subiguntur, tunc SUMENT SUPER EUM. PARABOLAM & *enigma*, id est parabolo & proverbiali carmine, immo (commate ludent in eum, & subfannabunt illum dicentes, VAE, &c. Simile carmen de eodem Chaldo tyranno pangit etiam Iſaias, & alii de g alis. AGGRAVAT, id est multiplicat, CONTRA SE DENSUM LUTUM, id est aurum, argentum, aliasque opes; LXX. *torquem suam*. Sed hæc torques erit ei laqueus & catena quibus tota eius familia & stirps illaqueabitur & strangulabitur a Persis & Medis, qui etiam: inflat: canum in te CONSURGENT, UT MORDEANT TE, prædamque quam cepisti, faucibus eripiant. Ita iidem, nisi quod Clarus & Vatablus id de *vermibus* exponant, quos Balthasar intendit Iſaias cap. xiv. *Subtus te sternetur tinea, & operimentum tuum erunt vermes.*

V. 8. PROPTER SANGUINEM HOMINIS. LXX. & Chaldeus, *hominum*, id est quia tam copiosum sanguinem humanum profudisti; & præ aliis tam inique ac crudeliter in Iudæam, urbemque Ierosolymam, & in omnes eius incolas sæviisti.

V. 9. VAE QUI CONGREGAT AVARI- TIAM, id est opes avare per vim & rapinam extortas, MALAM, id est perniciosam & exitialem DOMUM SUAE. Tigurini, *ut inhianti lucro, idque malo domus sue*. Lucri enim odore attracti Persæ & Medi simulabunt ad domum eius invadendam, spoliandam & excindendam.

V. 11. LAPIS DE PARIETE, ET LIGNUM, etſi abditum in *innititur* palatiorum tuorum, tori orbi testabuntur, & clamabunt, *h, te raptorem & tyrannum esse, qui nullo iure, sed mera vi sustuleris illa de loco suo, tibi que usurparis: inde*

V. 12. *Ædificans CIVITATEM tuam re-*

giam IN SANGUINIBUS, id est oppressioni- bus, expilationibus, cædibus pauperum, quos præter ius & morem coegisti in tuis istis turribus, arcibus, hortis, pensilibus, aliisque infanis substructionibus i noctu & diu defudare, suosque spiritus & sanguinem exhaustire: ita Chaldeus, Albertus, & alii supra citati.

V. 13. *Nomen* HÆC omnia, quæ iam dixi tibi, o tyranne, adventum, SUNT decreta & præparata tibi a DOMINO EXERCITUUM, cui nec tu, nec ulli mortales resistendo sunt? *Laborant* quidem & defudant in arcibus & machinis tuis erigendis, quibus te tuæque adversus hostium irruptiones & insultus tuearis, *tot populi*, tot myriades, sed IN MULTO IGNE, id est præparant luculentam materiam igai, quem Persæ & Medi in tuas illas arces incipient. Innumera enim Perſarum & Mediorum, qui ignem iniecturi sunt, multitudo.

V. 14. REPLEBITUR tota TERRA Baby- lonica, sicut *agnis aperitur maris alveus*: ut tandem aliquando discant vel sic *recognoscere* & agnoscere GLORIAM DOMINI, e- iusque divinam potentiam, atque infinitam iustitiam, quam hucusque tam proterve con- temperunt, & deriserunt Chaldei.

V. 15. VAE tyranno illi, qui AMICO suo pro suavi nectare, FEL SUUM, id est bilem & amaritudinem; Aquila, *furor* suum, dat in potum, eoque inebriat illum, ut inebriato ac turpiter denudato illudat. Nempe crudelis & barbarus tyrannus etiam amicos reges ramdiu divexabat iniquis armis, donec opibus, sceptris, regis insignibus, ac libertate eos exuisset ac denudasset: ita S. Hieronymus, & Ribera, & alii iam citati.

V. 16. Sed TU vicissim, o tyranne, iusta rationis poena BIBE QUOQUE ex calice iræ & vindictæ divinæ, inebriare, CONSPIRARE, denudare & revome quo hau- sisti.

V. 17. INQUITAS LIBANI, id est, in Libano, & circa Libanum, id est in Iudæa, a te commissa, OPERARI, obruet & perdet te. Sicut enim Ierosolymam excidisti, templum Dei excussisti, tot alias nobiles urbes evertisti: ita pari modo tua Babylon, tua Chaldeæ, a Persis & Medis evertetur, exuretur, excidetur: ET VASTITAS ANIMALIUM, id est vastatio inferenda per Persas & Medos, qui quasi pardi, ursi, O 2 leones

leones & similes feræ in Chaldaam irrupent, **DETERREBIT**, confternabit, exanimabit Chaldaeos, ne contra vel latrare, vel mutire audeant: ita prædicti Patres. Tunc, o Chaldei,

V. 18. **QUID VOBIS PRODERIT** omne vestrum **SCULPTILE** & idolum? quod non est aliud quam *imago falsa Dei*, ac numen mendax, omnis divinitatis, potentie, providentie, immo & vitæ expers.

V. 20. **DOMINUS AUTEM** per essentiam suam est & vivit, idque necessario & ab æterno k immensus & infinitus in omni genere entis: cuius palatium, *templum* & solium in cælo est, unde humana & creata omnia pro libito & nutu suo moderatur ac dirigit. Habet & in terra tabernaculum suum, quasi campestris, non in delubris aut idolis, sed in augustissimo **TEMPLIO** Ierosolymitano, ubi audit & exaudit vota supplicum, & succurrit egentibus, iustitiam unicuique administrans, piis præmia, impiis supplicia decernens & instigans. Unde merito **SILEAT A FACIE EIUS OMNIS TERRA**; **LXX.** *reveretur eum*; Arabicus, *timeat*; Syrus, *contremiscat coram eo*. Præ stupore enim, timore ac reverentia solemus tacere *!*, & tacendo nostram testari insufficientiam, impotentiam & indignitatem, maxime respectu immensæ maiestatis, sapientie, sanctitatis & potentie divinæ, in cuius conspectu tremunt *cardines m cæli*; & totum hoc universum si cum ipso confatur, nec guttula *n*quidem est cum vasto Oceano collata.

(a) Eccli. xi. 22.

(b) Beda in Collectaneis & Floribus.

(c) Rom. i. 27. Hebr. ix. 36.

(d) Ibidem.

(e) Gen. xix. 18.

(f) Delio adagio 1002.

(g) Isa. xiv. 4. Ezech. xxv. in argum.

(h) Isa. xiv. 7. & cap. xxxiii. 9.

(i) Ioseph. Lib. X. Antiquit.

(k) Exodi xix. 24.

(l) Sophon. ii. 7. & I. Mach. ii. 7.

(m) Isa. vi. 4.

(n) Dan. iv. 32.

G O R D O N I.

Vers. 1. **S**ignificat Propheta se constanter permanens in officio, & interim avidè expectare, quid ad querelam responsurus sit Dominus,

V. 2. **ET RESPONDEBIT MIHI DOMINUS SCRIBE**, &c. Notari vult **LXX.** an-

norum futuram captivitatem; Iudæis quidem longam, sed quam sequetur liberatio. Iubet ergo respondens Dominus scribi, & notari quæ de futura clade sunt decreta, quæ erant suo tempore. Incredulo male erit (vers. 4.) & iustus ex fide vivet, nempe sicut incredulus rebellis, & superbus rectam animam non habet: (talis est Nabuchodonosor) ita fidelis seu Deo credens & adherens vivet ex hac sua spe & fide, per vitam gratiæ & gloriæ: talis erit qui his credet prophetiis de captivitate ad tempus; & de libertate tum per Cyrum, tum etiam allegorice per Christum. Nihil habet hinc Calvinus pro *sola* fide iustificante; nam nec *solum*, Propheta dixit, nec videt Calvinus hic requiri a Iudæis rectè agendæ rationem, diligentiam, & opera: sic fidem ait esse principium iustitiæ, non complementum; nam qui est fidelis, se muniet contra mala ut iustificetur. An non etiam, quod est hic de fide, opponitur incredulo, quod Hebr. est *חפז* *hhupel*, *clatus*, *superbus*, deductum a nomine *חפז* *hhopel*, arx alta est hic enallage generis; nam *hhuppela* est feminini Sept. habent *ex fide mea*; nempe in Deum.

V. 6. **NUMQUID NON OMNES**, &c. Ex descriptionem malorum quæ obvenient Nabuchodonosoro, & quam hic carmine propositam vocat parabolam: de qua voce dixi ad initium libri Proverbiorum: aggravat, inquit, rex impius densum lutum, nempe opes, sed perituras; & post multa concludit, vers. 17. **INIQUITAS LIBANI**, hoc est quæ tu ulus es in Libano (quæ pars est initium Iudææ) in Iudæam, & (ut aliqui exponunt) in templum, veniet super te; & vasta animalia Persarum deterrebunt Chaldaeos propter sanguinem copiosum hominis effusum, & iniquitatem Chaldaeorum in civitates & habitatores.

V. 18. **QUID PRODEST**, &c. Præclarum epiphonema tum in Nabuchodonosorum fidem suam idolis & divitiis, tum ad omnes qui in auro & argento spem suam ponunt.

EX EIUDEM AUCTARIO.

Verf. 1. AD ARGUMENTUM ME. Deum, qui est operum meorum inspector, & cum opus est, reprehensor.

Verf. 5. Vinum decipit potantem, dum

initio quidem exhilarat, tamen brevi prostermit privatum usu rationis. Sic erit de felicitate Nabuchodonosori.

Verf. 8. TERRAE CIVITATIS. Hebr. terra & civitatis.

Verf. 9. IN ECCELISO: putabit se esse extra calamitatem.



I. O R A T I O

HABACUC PROPHETAE

PRO IGNORANTIIS.

C A P U T III.

2. OMINE audiivi auditionem tuam, & timui.



Domine opus tuum, in medio annorum vivifica illud.

In medio annorum notum facies: cum iratus fueris, misericordiae recordaberis.

3: Deus ab Austro veniet, & sanctus de monte Pharan:

* Operuit caelos gloria eius: & laudis eius plena est terra.

4. Splendor eius ut lux erit: cornua in manibus eius.

Ibi abscondita est fortitudo eius: 5. ante faciem eius ibit mors.

Et egredietur diabolus ante pedes eius.

6. Stetit, & mensus est terram.

Aspexit, & dissolvit Gentes: & contriti sunt montes saeculi.

Incurvati sunt colles mundi, ab itineribus aeternitatis eius.

7. Pro iniquitate vidi tentoria Aethiopiae, turbabuntur pelles terrae Madian.

8. Numquid in fluminibus iratus es Domine? aut in fluminibus furor tuus? vel in mari indignatio tua?

* Qui ascendes super equos tuos: & quadrigae tuae salvatio.

9. Suscitans suscitabis arcum tuum, iuramenta tribubus quae locutus es.

Fluvios scindes terrae: 10. viderunt te, & doluerunt montes: gurges aquarum transiit.

Dedit abyssus vocem suam: altitudo manus suas levavit.

11. Sol & luna steterunt in habitaculo suo, in luce sagittarum tuarum, ibunt in splendore fulgurantis hastae tuae.

12. In fremitu conculcabis terram: * in furore obstupescies Gentes.

13. Egred-

13. Egressus es in salutem populi tui, in salutem cum Christo tuo.
Percussisti caput de domo impii: denudasti fundamentum eius usque ad collum.
14. Maledixisti sceptris eius, capiti bellatorum eius, venientibus ut turbo ad dispergendum me.
Exultatio eorum, sicut eius qui devorat pauperem in abscondito.
15. Viam fecisti in mari equis tuis, in luto aquarum multarum.
16. Audivi, & conturbatus est venter meus: a voce contremuerunt labia mea.
Ingredietur putredo in ossibus meis, & subter me scateat.
Ut requiescam in die tribulationis: ut ascendam ad populum accinctum nostrum.
17. Ficus enim non florebit: & non erit germen in vineis.
Mentietur opus olivæ: & arva non afferent cibum.
Abscindetur de ovili pecus: & non erit armentum in præsepibus.
18. Ego autem in Domino gaudebo: & exultabo in Deo Iesu meo.
19. Deus Dominus fortitudo mea: & ponet pedes meos quasi cervorum.
- Et super excelsa mea † deducet me victor in psalmis canentem.

B R U G E N S I S

ROMANÆ CORRECTIONES.

- Vers. 3. Opernis calor gloria eius.* Quidam libri his verbis præponunt semper positum pro hebraico *šela* & græco *diapsalma*: quod non magis hic sententiam ingreditur, quam faciat in Psalmis, ubi est frequentissimum. Idem accidit infra vers. 9. ante ea verba: *fluvius scindens servæ*; & vers. 14. ante illa: *maledixisti sceptris eius*.
- Vers. 8. Qui ascendes super equos tuos.* Non mutes futurum *ascendes* in præsens *ascendis*.
- Vers. 12. In furore obstupescas gentes.* Non præponas his verbis coniunctionem &.

LECTIONUM VARIETAS.

- Vers. 19. D* Eductus me victor in psalmis Pro nominativo *victor* Hebr. legitur vox illa prorsus eadem, quæ a D. Hieronymo (qui est proprius interpretes Prophetarum, ut in Vulgata a nobis latine leguntur) vertente Psalmos ex Hebræo, in titulis frequenter occurrens, semper vertitur *victori*, a LXX. in finem. Quare coniectura & valde probabilis doctorum quorundam translatorum, hic quoque scribendum esse dativo casu, *victori*.

C O M M E N T A R I A

S A.

*Vers. 1. P*RO IGNORANTIIS, id est peccatis: sic etiam peccata vocantur Psal. xxiv. est enim peccatum, error quidam. Vel pro peccatis per ignorantiam commissis. Orat igitur hic pro populi Iudaici peccatis, ne scilicet Dei promissa impediunt, præsertim de Christo venturo.

V. 2. AUDITIONEM, id est nuntium, scilicet quod supra ei de Christo revelatum. *Auditio*, pro, re audita, more Scripturæ; quasi dicat, Quod me audire fecisti te revelante. TIMUI, id est obstupui. LXX. addunt, *Domine consideravi opera tua, & obstupui*, seu *expavi*, scilicet admiratione tantæ bonitatis & potentiae. OPIUS, scilicet redemptionis humanæ. IN MEDIO ANNORUM, id est intra annos; quæ-

quasi dicat, Tempore a te praescripto. VIVIFICA, id est effice, suscita. LXX. in medio duarum animalium cognoscitur, id est duorum Testamentorum, quae in se vitam continent, vel populi Gentilis & Iudaici, vel affini & bovis in praesepio. IN MEDIO ANNORUM. LXX. cum appropinquaverint anni. NOTUM FACIES, scilicet te: vel demonstrabis quod promissisti. LXX. cognoscis. MISERICORDIAE, scilicet exhibendae; quasi dicat, Exhibebis promissam misericordiam.

V. 3. AUSTRO, id est Bethlehem quae ad Austrum; vel de Idumaea: quod Deut. xxxiii. dicitur de Seir; quasi dicat: Ille veniet, qui olim se ostendit in Seir & Pharan: vide Deut. xxxiii. PHARAN. LXX. umbroso. Hic additur Hebr. *Selah*, & in LXX. *Ἰσχυρὰς*. Vide Psalm. iii. OPERUIT, &c. quasi dicat: Veniet is, cuius gloria caelos implet & superat. LAUDIS, id est operum laude dignorum, seu perpetuo celebrandorum.

V. 4. SPLENDOR, scilicet doctrinae, & miraculorum. LUX, scilicet solis; quasi dicat, Maximus. CORNUA, id est vires, vel crux, in cuius cornibus confixus, & per quam fortissime vicit. IST, scilicet in cruce, ubi infirmus videbatur. FORTITUDO: hanc vocavit cornua: forte duo, quia fortis, & Deus & homo.

V. 5. IBIT, id est discedet victa, seu fugiet, scilicet mortem moriendo destruxit. DIABOLUS, scilicet victus: iuxta illud, Nunc princeps huius mundi eicietur foras.

V. 6. STETIT. Praeterita pro futuris; quasi dicat: Stabit more victorum, qui subactam bello terram dividunt, scilicet distribuit Apostolos & praedicatores per orbem. ASPEXIT, scilicet misericorditer. DISSOLVIT; pro, solvit, scilicet a peccatis, vel quasi dicat, Liquefecit, seu permisit, scilicet interficiens peccata, seu veterem hominem, & renovans per gratiam. MONTES SAECULI, id est qui in mundo similes montibus antiquis, scilicet Reges & Principes, nam & ii etiam fidei se subdiderunt, velut veritatis vi prostrati. INCURVATI, id est humiliati. COLLES, id est potentes. Vide Isa. xl. AB ITINERIBUS, &c. id est ob adventum aeterni Dei in mundum.

V. 7. PRO INIQUITATE, id est ob ini-

quitatem. TENTORIA, scilicet everfa; AETHIOPIAE; pro, Aethiopum, id est peccatorum peccatis deformium. LXX. Aethiopum. PELLES, id est tabernacula; e pellibus enim fiebant. LXX. tabernacula. MADIAN. Est Madian pars Aethiopiae, ut patet Num. xii. & II. Par. xiv. est ergo repetitio.

V. 8. IN FLUMINIBUS; pro, in flumina, scilicet tantum; quasi dicat: Numquid solum ostendes potentiam tuam in siccando Iordanem & Mare rubrum, veluti ascensa quadriga ad servandum tuos? AUT IN FLUMINIBUS, scilicet Aegypti, conversis in sanguinem olim. Vel alludit id quod dicitur Luc. xxi. & Apoc. viii. & xvi. de mari, & fluviiis. QUI ASCENDES; pro, cum ascenderis; vel ascenderes olim. SALVATIO, scilicet populi tui.

V. 9. SUSCITANS, &c. pro, omnino parabis. ARCUM, id est potentiam velut arcum, scilicet contra fidei hostes. IURAMENTA; pro, & iuramenta, scilicet suscitabis, id est implebis promissa; vel quasi dicat, Secundum iuramenta. TRIBUBUS, id est genti Israeliticæ. LOCUTUS ES, id est fecisti loquendo eum Patribus; ut Abraham, Isaac, Iacob, David, &c. vide Gen. xxi. Mich. ultimo, Psalm. lxxxviii. & cxxx. FLUVIOS, id est populos. SCINDENS, scilicet sistendo impetum, ut olim in Iordane fecisti; quasi dicat, Reprimes vim hostium Ecclesiae.

V. 10. TE, id est tuam potentiam. Quidam ad diem iudicii referunt, iuxta ea quae dicuntur Luc. xxi. & Apoc. xvi. GURGES AQUARUM, id est servos Dei persequentium impetu, more aquae inundantis. TRANSIT; pro, transibit, id est cessabit, te scilicet reprimentem. ANYSUS, id est copia aquarum, scilicet persecutorum. VOCREM, id est strepitum, ut solent aquae furibundae; quasi dicat: Vehementer persequentur impii fideles. ALTITUDO, id est profunditas, scilicet abyssi. MANUS SUAS, id est aquarum vim, velut manus, scilicet persecutores vires suas contra Dei servos. Quidam hanc referunt ad laudes Dei decantatas, per abyssum, id est homines, & altitudinem, id est Angelos, celebrantes scilicet Christi victorias.

V. 11. SOL ET LUNA, scilicet tempore Iosue olim, itemque in die iudicii, cum scilicet cessabit motus caelorum. LBUNT, id

id est fugient; scilicet hostes tui sagittis fulgentibus terribi: vide Sap. v. Apoc. xvi. seu potius in infernum detrudentur tuis percussioneibus, veluti sagittarum ictibus, & hactæ.

V. 12. FREMITU, id est indignatione. TERRAM, id est terrenos homines. OSTUPEFACIES, scilicet attonitos reddens supplicii: vel alludit ad illud Luc. xxi. *Ascensibus hominibus præ timore, &c.*

V. 13. EGRESSUS ES: præterita pro futuris. CAPUT, scilicet Antichristum. DOMO IMPET, id est familia diaboli, vel impij, pro impiorum. DENUDASTI, &c. quasi dicat, Prostrus domum evertisti usque ad fundamenta. USQUE AD COLLUM, scilicet evertisti; quasi dicat, Ut cum quis mergitur aquis totus, & obruitur, sic penitus delevisti; vel usque ad consultationem colli, quod solent victores facere. Hic iterum Hebr. additur *Selah*. LXX. in finem, id est perpetuo: vide supra.

V. 14. MALEDIXISTI, scilicet adstruendo. Dei dicere, facere est. SCEPTIS EAUS, id est potentie, seu regno diaboli, vel peccati. CAPITI; pro, capitibus, id est ducibus. DISPERGENDUM, id est perdendum. ME. Loquitur in persona populi Dei. EXULTATIO EORUM, scilicet tanta erat venientium.

V. 15. FECISTIT; pro, facies; quasi dicat: Incedes tu per medias calamitates, inde tuos eripiens.

V. 16. AUDIVI, scilicet Dei terribile iudicium de malis. VENTER, id est interiora; seu viscera. A VOCE; pro, ad vocem, scilicet tuam mihi revelantem hæc; vel quasi dicat: Ita ut vocem edere non possem præ tremore. INGREDIATUR, &c. quasi dicat: Mala mihi huius vite potius eveniant dum vivo, quam illa supplicia patriæ parati impiis. UT REQUIESCAM; pro, modo ut requiescam, Hieron. ix. contra Pelag. TRIBULATIONIS, scilicet damnatorum, vel iudicii ultimi. ACCINCTUM, scilicet fortitudine; quasi dicat, Fortem & victorem, scilicet eum Christo regnantem.

V. 18. FICUS ENIM, &c. per hæc significatur magna bonorum spiritualium penuria futura tempore Antichristi. MENTIETUR, id est faller operantem, scilicet non securo fructu: vel opus vocat fructum, qui fallere dicitur, dum non prove-

nit expectatus. ASCINDETUR, id est peribit, vel deficiet.

V. 18. IESU. LXX. Salvatore. Chald. redemptore.

V. 19. QUASI CERVORUM, id est agiles. EXGELSA, scilicet, celos. MEA, scilicet cælum patria iustorum. VICTOR, scilicet Christus, vel potius victori, ut legit Hieron. quasi dicat: Christi victoriam carmine seu cantu celebrantem, & pro victoria mihi data gratias agentem.

E S T II.

Vers. 1. **O**RATIO HABABUC PRO IGNORANTIS. Hieron. videtur dicere quod Habacuc velut canticum penitentis hoc scripserit, & se reprehenderit de eo, quod cap. i. conqueustus erat: *Usquequo Domine clamabo, & non exaudies, &c.* Et ita loquitur Hieron. Lib. I. contra Pelag. in fine, & in prologo commentarii huius loci. Verum in ipso commentario temperat sermonem, dicens prophetam vel ex sua, vel populi, vel humanæ impatientiæ persona talia dicere. Atque ad eum prophetam Habacuc in illa querela non plus peccasse, quam Ieremiam in simili; ostensum est supra, cap. i. ad dicta verba, *Usquequo, &c.* Intellige ergo *pro ignorantis*, scilicet populi.

V. 2. DOMINE OPUS TUUM, IN MEDIO ANNORUM VIVIFICA ILLUD. Opus istud intelligitur totum mysterium redemptionis nostræ; comprehendens scilicet Christi incarnationem, passionem, resurrectionem, id est evangelii, & novæ legis prædicationem, ac veteris legis in novam commutationem. Istud enim opus est, cuius promissi fidem supra requirebat dicens: *Iustus autem in fide sua vivet. Visceratautem hoc opus Deus, dum illud implet; & quidem in medio annorum, id est in plenitudine temporis; vel, ut alii exponunt, in dimidio hebdomadis: quando videlicet iuxta prophetiam Danielis prædicitur, abrogato veteri sacrificio, venturus Christus.*

Septuaginta interpretes vertunt: *In medio duorum animalium cognosceris.* Græce est *ζῷον, animalium, vel ζῷον, vitarum.* Ecclesia in nocte Nativitatis Domini canit animalia vidisse Dominum; scilicet respiciens ad hunc locum. Et in Circum-

circumcisione Domini expresse canit: *In medio duorum animalium iacentem in praeseptio*. Quidam, ut meminit Hieron. duo animalia interpretati sunt, Filium, & Spiritum sanctum. Sed videtur ea expositio quiddam Origenianum sapere, nec eam probat Hieron. sed tantum refert. Augusti. Lib. XVIII de civit. cap. xxxii. in medio duorum animalium exponit, vel duorum testamentorum, vel duorum latronum, vel in medio Moysi & Eliae. Item in concione ad Catechumenos cont. Iudaeos cap. xlii. tom. vi.

V. 13. EGRESSUS ES IN SALUTEM POPULI TUI, IN SALUTEM CUM CHRISTO TUO. Quamvis hoc modo verbat Hieron. idem tamen dicit in Hebraeo sic haberi: *Egressus es in salutem populi tui, cum Iesu Christo tuo*. Dices, Cur ergo non ita vertit? Videtur Hieronymus non aliud velle, quam Hebraea posse etiam in hunc sensum accipi, sed rectius priori modo. Commemorat ibidem Sixtinam editionem verti hoc modo: *Egressus es, ut salvares populum tuum per Iesum Christum tuum*. Et hac versione dicit proditum manifestissime sacramentum.

M A R I A N A E.

Vers. 1. PRO IGNORANTIS. Hebr. *super Sigheionoth*. Cantilena vulgaris erat, ad cuius modos haec Oratio seu Canticum cani debebat. De qua re plura Psalm. vii. 1. sic Hebraei peritiores sentiunt. Porro in hoc Canticum Propheta orat, ut quae mirabilia olim fecit, cum populum ex Aegypto eripuit, ea contra Babylonios instauraret.

V. 2. DOMINE AUDIVI AUDITIONEM TUAM, id est famam eorum quae olim fecisti mirabilia. DOMINE OPUS TUUM, quod olim fecisti. IN MEDIO ANNORUM, id est tempore suo. VIVIFICA ILLUD, id est instaura, repete. IN MEDIO ANNORUM NOTUM FACIES; pro, fac; ostende hoc tempore. Sept. in medio duorum animalium cognosceris. Hinc occasio, assurgendi Christi praesepti duo animalia. CUM IRATUS FUERIS. Hebr. *in ira misericordiae recordaberis*; pro, recordare; etiam nunc es irritatus in nos, debes meminisse eorum quae olim promissisti.

V. 3. DEUS AB AUSTRO VENIET; pro, Bib. Sac. Tom. XXI,

venit. Hebr. *a Theman venit*, quae est Idumae urbs. Sed quoniam vox ea *Austrum* etiam significat, Hieronymus, Sept. Chald. pro *Theman*, *Austrum* posuerunt. DE MONTE PHARAN. Mons est vicinus monti Sinai, quo fingit aliunde venisse Deum ad Legem dandam. Et alludit ad verba Deuter. xxxiii. 2. *Dominus de Sinai venit, & de Seir ortus est nobis: apparuit de monte Pharon*. Pro *Seir*, id est, Idumaea, Habacuc posuit *Theman*. Est autem Idumaea Sinai vicina. Hebr. hic ponitur *Sela*, quae vox per se legi debet, neque prioribus aut posterioribus iungi: sed notat, vocem, propter mysterium quod ibi continetur, elevandam: de qua re copiosius Psalm. lxi. 3. Sequitur: OPERUIT CAELOS, propter mirabilia; quae in Sina fecit, tonitrua & fulgura. Ea fuit gloria, ea laus Dei, quae caelum & terram replevit.

V. 4. SPLENDOR EIUS UT LUX, id est ut ignis. Sic cum Legem daret, dicitur: *Et aspectus gloriae Dei sicut ignis vorans*. ERIT; pro, fuit; futurum pro praeterito. CORNUA. Sic Sept. Alii vertunt *splendores*. *קַרְנֵי כְּרֶן & splendorem & cornu* significat, de quo Exod. xxxiv. 29. Verum hinc *splendores* dicas, sive *cornua*, de iis loquitur, quae Moysis facies habuit; ideo dicit, *in manibus eius*, id est Dei, & Hebr. additur *ipsi*, quia Deus ea Moysi dedit. Hebr. sic: *cornua* (seu *splendores*) *ex manu eius* (Dei) *ei*, scilicet Moysi. Aut per *cornua* robor Dei intellige, ad evertendas septem gentes. ISI ABSCONDI TA EST FORTITUDO EIUS: inde prodit; quasi esset ante in Sina reposita & ignota.

V. 5. ANTE FACIEM EIUS, ante eum. IBIT MORS. Hebr. *pellis*. ET DIABOLUS. Hebr. *pellis* iterum, aut *carbo*; id est ignis. ANTE PEDES EIUS, id est ante eum, coram eo. Ea pellis excidium est, quo Chanaanos delevit. *Diabolus* pro *peste*.

V. 6. STETIT, id est diu in deserto mansit Deus cum populo. ET MENSUS EST TERRAM. Deinde Terram promissam inter tribus mensura divisit. ASPEXIT, ET DISSOLVIT, seu *transiit*; aspexit ad transferendum Gentes septem; scilicet, Non temere, sed cum consilio id fecit. MONTES SAECULI, id est Reges contriti sunt. Hebr.

montes aeterni: qui videbantur aeternum

P

man-

mansuri. INCURVATI SUNT COLLES MUNDI; seu *saeculi*, quia Hebr. est *holam*. AN ITINERIBUS, id est expeditionibus, quas ab aeterno fore decrevit. Hebr. *itnera saeculi ei*, scilicet incurvata sunt. Per *itnera* aut *vias*, leges & mores intelligit antiquos Gentium earum, quas mutavit; per *montes & colles* Principes.

V. 7. PRO INIQUITATE. Hebr. *in loco iniquitatis*: sic hostium castra vocat. VIDI TENTORIA AETHIOPIAE. Sic Sept. Duplex erat Aethiopia. Ex Asiatica, quae erat in Arabia, venisse Gentes contra filios Israel, verisimile est. Hebr. *tentoria Cusim*. Erat Mesopotamiae Rex, qui & Madianitae primi molesti exiterunt populo Israel, cum ex Aegypto rediret: Iudic. III. & VI. PELLIS. Tentoria vocantur *pelles*, quoniam ex pellibus. Illi ergo turbati sunt, timerunt, qui in tentoriis erant.

V. 8. NUMQUID IN FLUMINIBUS. Sic cavet mare & Iordanem. In quo illis irasci videbatur, sed alio spectabat ira eius. IRATUS ES DOMINE. Hebr. *iratus est Dominus*. QUI ASCENDIS SUPER EQUOS TUOS. Per *equos & curvus* nubes intelligit, quibus vehi Deus videtur, ut configat cum hoste, ut prodigia faciat. ET QUADRIGAE TUAE SALVATIO. Hebr. (in) *curribus tuis solus*, crispis scilicet tuis.

V. 9. SUSCITANS SUSCITABIS. Hebr. *nu-dando nudabis arcum tuum*. Videris inira thecam illum continuisse, nunc autem expedit arma, ut Chanaanos evertas. IURAMENTA, id est propter iuramenta, haec fecisti ut impleres iuramenta. TRIBUBUS, id est paribus tribuum facta. QUAE LOCUTUS ES. Hebr. *dictum*, pro, dicta, scilicet iuramenta. Hebr. additur *Sela*, ut vers. 3. FLUVIO SCINDES TERRAE, pro, scindes terram fluvio, id est facies tuasque copiosae quasi fluvii erumpant e terra: quod factum est in deserto in populi siti. *Scinder*, pro scidisti.

V. 10. VIDERUNT TE, ET DOLUERUNT, seu *timuerunt*. MONTES, id est Reges. GURGES AQUARUM. Hebr. *inundatio aquarum* transit, cum mare & Iordanem dividit, aqua ripis est superflua. DEDIT ABYSSUS VOCEM SUAM, insonuit ex collisione fluctuum. ALTITUDO MANUS SUAS LEVAVIT, id est profundum, mare litora levavit. Litora *manus* vocantur; *levavit*

autem, cum aquae ab utraque parte quasi cumuli extabant. Eos cumulos *manus* & litora vocat.

V. 11. SOL ET LUNA. Hebr. 'non est', sed suppletur. Ergo STETERUNT IN HABITACULO, non erat opus eo lumine: splendor armorum pro luce erat. Hyperbole. Per *sagittas & hastas* omnia arma intelligit. IBUNT, scilicet Israel.

V. 12. IN FREMITU. Hebr. *in ira* calcabis terram, scilicet Chanaan, illam subiges, pro, subegisti. OBSTUPEFACIES. Hebr. *trituras* Gentes.

V. 13. EGRESSUS ES. Transiit ex hoc ad oblationem Ierusalem per Chaldaeos, & praeterita pro futuris. *Egressus es*, pro, egredieris. Precor ut egrediaris, sicut futura superius pro praeteritis, nunc praeterita pro futuris. Sc sunt Prophetae, tempora commutant. IN SALUTEM CUM CHRISTO TUO. Sedecia Rege. Aut forte repente a bellis Iudaeorum transiit ad Christi adventum, qui fuit salutaris omnibus. PERCUSISTI CAPUT, id est Regem Babel. DENUDASTI FUNDAMENTUM EIUS: qui diruunt, nudant fundamenta. Ergo *diruisti fundamentum eius*, domus impij. USQUE AD COLLUM, id est penitus. Aquae cum ad collum pertingunt, suffocant hominem: sic tu domum Nabuchodonosor penitus dirues. Hebr. *Sela*, ut vers. 3.

V. 14. MALEDIXISTI SCEPTIS EIUS, scilicet impij Nabuchodonosoris. Dux voces Hebr. *שבט sebet*, & *מטה matech*, *virgam* significant. Prior pro *sceptro* saepe ponitur; posteriore, quae hic est, pro co sumi non invenio. Ita alij Hebr. sic vertunt, *perfoxisti* (*perfox*) *virgis eius*, id est suismet armis perimes. CAPITI BEL-LATORUM EIUS. Hebr. *caput militum eius*, id est ipsum Nabuchodonosorem. VENIENTIBUS UT TURBO; pro, venientium ut turbo, scilicet cum impetu. AD DISPER-GENDUM ME, id est meos, ut agant eos in captivitatem. Ut solet is facere QUI DEVORAT, opprimit PAUPEREM, qui resistere non potest; & IN ABSCONDITO, ubi non sit defensor, qui ei patrocinetur.

V. 15. VIAM FECISTI. Hebr. *calcasti in mari* (pro, mare) *equis tuis*, scilicet qui mare equorum pedibus, cum illud aperuisti, calcasti, bene poteris Babylonium superare & subicere.

V. 16. VENTER MEUS, id est viscera

trc-

tremuerunt viso hostium exereitu. A VOCE CONTREMUEUNT, seu palpitant. LABIA, scilicet præ timore vocis, id est fragoris quem edebat, aut sanæ quæ ferebatur. INGREDIATUR. Hebr. *ingressa uest putredo*, id est contabui. ET SUBTER ME SCATEAT. Hebr. *subter me* (pro, intra me) tremo. UT REQUIESCAM. Hebr. *quia quiescam* (id est putavi me quieturum) in die angustie. Sed quies in angustiam versa est. UT ASCENDAM AD POPULUM ACCINTUM. Hebr. *ut ascendam ad populum, quem turmas circumdant eum*; quasi dicat: Timeo ingredi intra urbem oblesam. Huc etiam Vulgatæ verba possunt referri. Quomodo in die angustie quiescam, quomodo ascendam ad populum accinctum, id est qui est in armis?

V. 17. FICUS ENIM NON FLOREBIT, aut germinabit. Ficus flores non habet. ET NON ERIT GERMEN. Hebr. *fructus in vineis*. יבול *Iebul*, fructum significat. OPUS OLIVAE, cultura, aut fructus. ASCINDETUR, diripietur. NON ERIT ARMENTUM IN PRAESEPIBUS. Hebr. *non erit bos in bovilibus*; quasi dicat: Etiam si ab hoste omnis ager valleretur, ego tamen in Deo confidam.

V. 18. IN DEO IESU ME. Hebr. *in Deo salutis meae*, qui est salus mea, id Iesus est. Ille me eripiet; ponet pedes meos.

V. 19. QUAE CERVOBUM, ut fugiam, & evadam. ET SUPER EXCELSA MEA. Saltem in arce sublimi me constituet. DEDUCET ME. Hebr. *calcare me faciet excelsa*. VICTOR IN PALMIS CANENTEM, scilicet Deus victoria parva deducet me quasi pœana canentem. Hieronymus in Comment. *Victori*: sic Hebr. *victori* (præfesto) in canticis meis. Pars est tituli, quæ præter morem ponitur in fine. Totus titulus erit: *Oratio Habacuc super Sigheionoth præfesto in canticis meis*. Erat cantor, cui ipse sua Cantica decantanda tradebat. De hac re in Psalmis plura.

MENOCHII.

Vers. 2. **A**UDIVI AUDITIONEM TUAM: oraculum quod a te mihi revelatum est de vallatione Iudææ per Chaldeos, & de clade Chaldeorum per Medos, & Persas. Opus etiam magnum, quod

pro hominum salute facturus es, carnem assumendo. ET TIMUI: timore reverentiae. Oblitupi admiratione tanti operis. LXX. addiderunt, *Consideravi opera tua, & expavi*. Græce *ἐξέπλητο*, Extra me factus sum. IN MEDIO ANNORUM: scilicet, calamitosum, captivitatis, cum calamitates erunt in summo, sic vulgo dicimus. In medio tribulationum velor, id est in summis tribulationibus: sane Christus in medio annorum peccatis, oblivione veri Dei, & idololatria plenissimum venit in mundum. VIVIFICA ILLUD: fac ut prodeat; nec patiaris tantum opus a te promissum, iacere quasi mortuum; vivifica illud. NOTUM FACIES: idem significat quod vivifica illud. Prodire facies. CUM IRATUS FUERIS, &c. id est, licet peccatis hominum iratus sis, tamen cum tempus adveniret, misericordiam tuam non subtrahes.

V. 3. DEUS AB AUSTRO VENIET. Futurum pro præterito, *Veniet*, pro *venit*. Incipit enim propheta commemorare mirabilia, quæ Deus patravit, eum populum suum ex Aegypto eductum, induxit in terram promissam, ut significet similia facturum Deum, ut liberet ex Babylone. Ut ergo legem daturus in Sina, venit Deus ab Austro, &c. sic, a Perside & Media, quæ Australes sunt Chaldææ, adducet Cyrum, & Darium, qui Babylonem vellent, indeque nos liberent. Deus etiam se ostendet in carne, ille idem qui in montibus Scir, Pharan, & Sina olim patribus apparuit. Alludit propheta ad illud Deum. *xxiii. 2. Dominus de Sina venit, & de Scir ortus est nobis, apparuit de monte Pharan, & cum eo sanctorum millia*: vide ibi dicta. OPERUIT CAELOS GLORIA EIUS, &c. quasi dicat, Veniet is cuius gloria caelos implet, & superat LAUDES EIUS, &c. id est operum laude dignorum, seu perpetuo celebrandorum.

V. 4. SPLENDOR EIUS UT LUX ERIT; quasi dicat: Claritas, & splendor Dei advenientis ad dandam legem, erat ut splendor solis; simili maiestate venit non contra hostes nostros, claruit Christus luce doctrinæ, & miraculorum. CORNUA IN MANIBUS EIUS: robur, & potentia in manibus eius. Omnipotens est dextera eius: hinc cornibus ventilabit inimicos suos. Non male interpretantur multi de cruce, in eu

jus cornibus confixæ sunt manus Christi, & per quam fortissime adversarios vicit.

V. 5. ISI ASCONDATA EST FORTITUDO EUS. In hisce cornibus quodammodo latet fortitudo eius, quam tamen exeruit in Chanaanæos, & in Chaldæos expromet; sic in Christi cruce ascondita est fortitudo, quia in carne patiens Dominus infirmus videbatur. ANTE PACIEM EIU SUBIT MORS. Loquitur de peste, & strage, quam Deus immisit Chanaanæis, ut venientes Israelitæ facile eos opprimerent. Promiserat id Deus Exod. xxiiii. 27. *Terrorem meum mittam in præcursum tuum, & occidam omnem populum, ad quem ingredieris, &c. emittens crabrones prius, &c.* Id autem re ipsa præstiiisse Deum patet ex Iosue xxiv. 12. sic antequam exindatur regnum Chaldæorum; mortales plagæ famis, aut pestis immittentur a Domino. Ante faciem Christi iuit mors, quia moriendo mortem vicit, illaque superata, & pudibunda aufugit, *Ab sorpta est mors in victoria*, I. Cor. xv. EGREDIETUR DIABOLUS ANTE PEDES EUS. Pro diabolus, in Hebræo est *יָצָא רֵשֶׁתְּךָ*, quod significat quicquid volando adurit, ut sunt fulmina, sagittæ ignitæ, scintillæ, &c. significat ergo immisiones per angelos malos, ut loquitur David Psal. lxxvii. 49. cum scilicet fulmina, pestes, sagittas igneas in Chaldæos immittendas, omnis scilicet generis calamitates. Optime de Christo hoc intelligitur qui Diabolum vicit, & de huius mundi possessione exturbavit, iuxta illud, *Nunc principes huius mundi eiciuntur foras.*

V. 6. STETIT, ET MENSUS EST TERRAM. Deus expugnata per Hebræos terra promissa, eadem mensus est in funiculo distributionis, singulis tribubus portionem suam assignans. Pariter expugnata Babylonem per Cyrum, in eo quasi victor confisset, & Persis, ac Medis victoribus partietur, & tribuet. Christus subactam prædicatione terram divisit Apostolis, & successibus eorum, ut eam spiritualiter cohereret. ASPEXIT, ET DISSOLVIT GENTES: solo quasi aspectu, & minaci vultu Chanaanæos terruit, & timore solvit, ac perculit, eundem terrorem experientur Chaldæi. Christus aspexit, & omnia sceleribus, & infidelitate plena vidit; credentes autem in se a peccatorum vinculis solvit. CON-

TRITI SUNT MONTES SÆCULI. Per montes sæculi, & colles mundi intelligit reges; & principes qui in maioribus suis longissimo tempore regnaverunt in Chanaanitide. Hos Dominus contrivit, & idem accidit Chaldæorum regibus. Christo etiam veniente montes, & colles hi humiliati sunt, nam se doctrinæ, & legi eius subiecerunt. AB ITINERIBUS AETERNITATIS EUS, id est ob adventum æterni Dei.

V. 7. PRO INIQUITATE VIDI TENTORIA AETHIOPIAE. *Vidi*, id est, cognovi quid olim feceris Domine Aethiopiis, id est Madianitis pro iniquitate, id est propter scandalum fornicationis, & cultus Beelphegor, quod ipsi obiecerunt filiis Israel, submittendo in eorum castra filias suas, quæ ad utrumque scelus eos pellicerent: Num. xxv. 1. Cognovi enim quod eorum pelles, tentoria & castra turbaveris, & prostigaveris per Iosue; sicut ergo turbasti Madianitas per Iosue, ita turbabis, affliges, & exendes Chaldæos per Cyrum & Persas. Christus turbavit, & evertit castra Aethiopum, id est diaboli, & peccatorum sceleribus deformum.

V. 8. NUMQUID IN FLUMINIBUS IRATUS ES DOMINE. Sententia est; quasi dicat: Ad salvandum populum tuum Israel, videbaris Domine irasci, & indignari Iordanis, & fluctus maris rubri; simili modo per Cyrum deduces Euphratis alveum in fossas, & per eum ita desiccatur Persas immittes in Babylonem; ita enim a Cyro captam memorant. QUI ASCENDES SUPER EQUOS TUOS: quando scilicet tu ut populum tuum salvaras, contra Pharaonem pugnaturus ascendebas nubem, quasi currum bellicum. ET QUADRIGAE TUAE SALVATIO. In Hebræo est, *Et quadrigæ tuas ad salum*, scilicet populo tuo dandam. LXX. habent, *Et equatio tua salus.*

V. 9. SUSCITAS SUSCITABIS ARCUM TUUM. Arcum tuum arripuisti, & iaculatus in Aegyptios, eos perdidisti. IURAMENTA TRIBUBUS QUAE LOCUTUS ES: ut effecta dares promissa tua iuramento confirmata, quæ Israelitis præstiteras.

V. 10. FLUVIOS SCINDES TERRAE, id est fluentia Iordanis, & maris scidisti. VIDERUNT TE ET COLUERUNT MONTES. In Hebræo est, *Et tremuerunt montes*; id est magnæ aquarum moles ad instar montis assurgentes in transitu Iordanis, & maris

ru-

rubri reveritæ sunt imperium tuum, & quodammodo doluerunt, quod a suo cursu inhiherentur. GURGES AQUARUM TRANSIT, id est recessit, inhibitus, & retroactus. DEDIT ABYSSUS VOCEM SUAM: stremit mare, & strepitum edidit collidentibus se fluctibus. ALTITUDO MANUS SUAS LEVAVIT. Alte aquarum crepidines urineque elevatae sunt, ita ut mare videretur ad te manus suas supplex attollere.

V. 11. SOL ET LUNA STETERUNT IN HABITACULO SUO: pugnante Iosue contra Amorrhæos, Iosue x. 12. IN LUCE SAGITTARUM TUARUM IBUNT, id est ibant, vel iverunt; sensus est, cum sagittis tuis, id est lapidibus, & fulguribus grandini permixtis hostes Israelitarum impeteres, & prostrereres; tunc Israelitæ per lucem eorumdem fulminum, ac fulgurum (quæ sunt sagittæ, & hastæ Dei) illæsi, immo illustrati, inimicos insectabantur.

V. 12. IN FREMITU: fremens, & furore plenus, & vindictæ cupiditate flagrans late dedisti, & porro dabis stragem inimicorum tuorum, adeo horribilem, ut omnes obstupescant.

V. 13. EGRESSUS ES IN SALUTEM POPULI TUI: cum eum liberaisti, & eduxisti ex Aegypto. CUM CHRISTO TUO: per Moysen, quem spiritu tuo unxisti, ut esset dux, & propheta populi tui, simili modo egredieris cum Cyro in aciem contra Babylonem, ut ex ea liberes populum tuum captivum. Hinc Cyrus ab Isaia cap. xlv. 1. vocatur Christus, dum ait: *Hæc dicit Dominus Christo meo Cyro*. Egressus est etiam Deus cum Christo Iesu in salutem populi spiritualem, per opus redemptionis nobis partam. PERCUSSISTE CAPUT DE DOMO IMPII. Pharaonem intelligit, qui erat caput domus impii Cham, qui fuit nequissimus, & primus Rex Aegypti, quæ inde dicta est Terra Cham, Psalm. civ. 23. & Psalm. lxxvii. 51. Vel, caput, id est capita, hoc est, Principes impii Pharaonis. Simili modo percuties Baltasarem, qui est caput in domo impii Nabuchodonosor per Cyrum. Caput in domo Diaboli, est potentissimus ex eius domesticis, id est Antichristus, quem Christus interficiet spiritu oris sui. II. ad Thess. ii. DENUDASTI FUNDAMENTUM EIUS USQUE AD COLLUM. Ignominia eum perfuldisti turpiter proligatum, dedecore illum afficiens, non secu-

ac si totum eius corpus a pedibus, qui sunt bases, & fundamenta humani corporis, nudasset usque ad collum, & summum verticem.

V. 14. MALEDIXISTI SCEPTRIS EIUS: capitis, & ducibus exercitus eius, quos maris rubri gurgitibus misisti; simili modo Deus maledixit scepro Baltasaris, & Chaldaeorum per Cyrum; Christus vero scepro, & tyrannicæ dominationi Antichristi. VENIENTIBUS UT TURBO, &c. qui magno impetu veniebant, ut populum Israel perderent, vel in servitutem Aegyptiacam retraherent.

V. 15. EXULTATIO EORUM, &c. exultabant Aegyptiorum duces, quod me conclusum in mari cernerent; putabant enim ibi me devorare; sicut potens aliquis exultat, come pauperem, quem mactare, vel spoliare intendit, in reducto aliquo ab arbitris loco deprehendit, ubi nullus ei posset opem ferre.

V. 16. VIAM FECISTI IN MARI EQUIS TUIS. Populum tuum favore tuo, quasi in equos sublatum, transportasti per alveum lutosum maris rubri; ita tamen ut non inquinaretur, nec læderetur, complanata & exsiccata via: simili modo Deus viam faciet Persarum equitatui, ut Babylonem victores ingredi possint. Deus Apostolis scindit flumina, & maria, cum illis totum mundum pervium reddidit, & prædicationi eorum patefecit. AUDIVI: quæ Deus contra Aegyptios fecerit, & quæ facturus sit contra Chaldaeos. CONTURBATUS EST VENTER MEUS, id est interiora mea, cor meum. A VOCE: quam audiivi hæc prædicentem. CONTREMUEUNT LABIA MEA: ut iis accidis qui multum timent. INGREDIETUR PUTREDO IN OSSIBUS MEIS: emoriar Domine, ne tam atrocis cladis sum spectator. UT REQUIESCAM, in sepulcro. AD POPULUM ACCINCTUM NOSTRUM: ad coetum, Abraham, Isaac, Iacob, Iosue, aliorumque virorum sanctorum, & fortium e populo meo, qui olim pro gente sua armis accincti insignes de hostibus victorias reportarunt. Vox Hebræa quam vulgatus vertit, *accinctum nostrum*, significat etiam unitum, collectum, colligatum, congregatum, coniunctum; quod convenit Patribus in limbo degentibus.

V. 17. FICUS ENIM NON FLOREBIT, &c. quasi dicat: Tanta erit Babylonis clades

des per Cyrum, tanta rerum omnium vastitas, & desolatio, ut exarescant ficus, vinearum germina, oleæ pereant, armenta & greges. CIBUM, tritium. ABSCINDETUR, peribit, vel deficiet.

V. 18. GAUDEBO, exultabo, iubilabo, quod LXX. dixerunt *gaudibundus*, nimirum propter opem, & salutem ab eo mihi præstam. EXULTABO, gessim. IN DEO IESU ME. LXX. *Salvatore*. Chald. *Redemptore*, qui scilicet ex captivitate Babylonis, & deinde per Christum ex servitute peccati, & diaboli liberavit me.

V. 19. DEUS DOMINUS FORTITUDO MEA, id est fortis me efficit, nec aliunde fortitudinem sperabo. PONET PEDES MEOS QUAR CERVORUM: celeres ad fugienda mala, & ad transilienda impedimenta, quæ prospero, & felici statui obici possent. ET SUPER EXCELSA MEA: iuga collium, & montium Iudææ. VECTOR: Deus, cuius beneficio ego etiam victor factus sum.

T I R I N I.

Parf. 1. **O** RATIO HABACUC PROPHE-
TAE PRO IGNORANTIS. Id est, pro peccatis tum suis (ut voluit S. Hieronymus, Remigius, Albertus & Iansenius) tum populi Iudaici, ut alii exponunt; quasi dicat: Oro Domine, ne intuitu tot tantorumque scelerum negligas aut differas promissum redemptionis opus. Voco autem scelera ignorantis, sed crassas, sed affectatas subinde,) quia omni peccato, quantumque voluntario, semper coniuncta est aliqua ignorantia & error, nempe inconsideratio. Si enim peccator, ut par est, consideraret & æstimaret malitiam, turpitudinem, & damna peccati, Deumque vindicem, cuius in se provocat iram & æterna tormenta, utique non peccaret.

V. 2. DOMINE AUDIVI, intellexi, expendi, AUDITIONEM TUAM, id est, oraculum iam a te auditum duobus precedentibus capitibus, puta primo excidium Iudæorum per Chaldaeos, deinde everfionem Chaldaeorum per Medos & Persas. Idcirco TIMUI, expavi, cohorraui, tum ob insolentiam rei, tum ob periculum novæ eladis inde nobis forsan obventuræ. Quid enim si Iudæos in Babylonia captivos involvat idem incendium quo illa conflagavit? ita S. Hieronymus, Remigius & Theo-

doretus. Sed vanum hunc metum mihi excutit certa nobis a te facta promissio de liberandis Iudæis per eundem illum Cyrum per quem Babylonium evertes. Unde intrepidus oro: DOMINE, illud opus TUUM, redemptionis Iudæorum, & (Allegorice) totius generis humani, VIVIFICA, id est, suscita, adimple, perfice, optima qua tibi probabitur via, & quanto citius fieri poterit, saltem IN MEDIO ANNORUM, id est, intra a annos, seu intra terminum septuaginta annorum a te ad id præ definitorum ac destinatum; ita vertunt Symmachus, Aquila & LXX. qui ut erant Prophetæ, prophetica libertate quedam hic addunt quæ in Hebræo & Latino non repetiuntur nempe, *Consideravi opera tua & expavi*. Item, *In medio duorum animalium cognosceris*; quasi dicat: Per Cyrum & Darium, qui duobus animalibus, puta asino & camelo assimilantur ab Isaia & aliis Prophetis, innotescet toti orbi completio hæc promissi tui, ita Eusebius b, Sanchez, a Lapide, & plures alii. Allegorice, Origen. Ambrosius, Hieronymus, Augustinus, Nyssenus, Nazianzenus, Cyrillus & Paulinus e, id exponunt de Christo recens nato, & in præsepio inter bovem & asinum reclinato & a pastoribus agnito, conformiter illi Isaie 1. vers. 3. *Cognovit bos possessorem suum, & osus præsepe domini sui*. Certe Ecclesia in Officio natalitatis & circumcisionis Christi, hoc sensu locum hunc usurpat.

Porro certus iam Propheta se exaudivum a Deo, non amplius sub dubio, sed assertive pronuntiat: IN MEDIO ANNORUM, seu intra terminos prædictorum annorum, NOTUM FACIES, o Domine, toti orbi, quid? quod, CUM TRATUS VALDE FUERT, & multis annis per Chaldaeos sævire in populum tuum, stato definitoque a te tempore recordaturus sis promissæ illi MISERICORDIÆ ac liberationis e servitute Chaldaica, ac tandem etiam e diabolica. Unde merito in lætissimum canticum d prorumpo.

V. 3. DEUS, ut olim pattibus nostris ex Aegypto egredientibus dux, protector & salvator advenit ab Austro, id est, a læta regione Australi, puta ex monte Sinaï e, ubi lex divina concessa: item ex montibus Seir f, seu Idumææ, (pro qua in Hebræo, & LXX. ponitur hic *Therman*, me-

metropolis Idumæ) ubi serpens g æneus Hebræis salutis fuit : denique ex MONTE PHARAN. (quem LXX. vocant *umbrosam* & *condensam*) ubi Spiritus propheticus il-
l'apsum in 70. h iudices : ita pari modo iam per Cyrum & Dariam a Perside & Media, quæ Chaldeis ad Austrum sunt, novus Hebræis salvator adveniet idem Deus. Et ipsemet homo factus ad nos accurret ex *Austro*, id est, calor charitatis : e Bethlehem, quæ ad Austrum est Ierosolymæ, & ex Sion, ubi erecta crux Christo, ubi promulgata nova lex, ubi repleti discipuli Spiritu sancto, ita fere S. Hieronymus, Theodoretus, Theophylactus & alii.

V. 4. SPLENDOR, claritas & fulgor Dei in monte Sinai, fuit quasi LUX i folis, terram ubique illustrans. Et adventante Cyro similis affulgebit Iudeis lux redemptionis, libertatis, prosperitatis. Et nato Christo, *claritas Dei circumfulgebit* & pastores : passio autem & resurgente, totum illuminabit orbem. CORNUA I, id est robur *m*, vires & arma sunt in MANIBUS Dei. His instat ferocis & invicti tauri ; Primum, ab Hebræis in deserto per Moysen & Iosue ; Secundo, ab iisdem in Babylonia per Cyrum & Dariam ; Tertio, ex tota Ecclesia & regno suo per Christi divinitatem & humanitatem, vel, ut SS. Patres & Doctores exponunt per bina illius brachia in cruce extensa, quasi per bina cornua, in quibus omne robur eius consistit, mortem & diabolus repulit, fudit, fugavit, & quasi ferales lictores suos immisit in hostes populi sui. Pro Hebræo *deber*, id est, peste, & quæ inde consequitur morte. LXX. mutatis punctis legunt *dabar*, id est, verbum, seu præceptum, nempe quo iubet Deus hostes occidi. Hebræum *reseph*, præter diabolum significat etiam fulgur p scintillas & sagittas ignitas, quibus ut Chanaanæos, ita etiam Chaldeos postea exilitus confectos fuisset, docet Lyranus.

V. 6. STETIT hoc modo victor mortis & diaboli Deus, & per Iosue *q*, per Esdræm, per Christum *r* ADMENSUS EST populo suo TERRAM olim promissam, cum prius, solo quasi torvo aspectu *dissolvisset* animos & manus adversariorum omnium, qui antea magnitudine, celsitudine, firmitate sua videbantur quasi montes æternum

immobiles, inaccessi & inexpugnabiles. Sed illos facili negotio penetravit, expugnavit, loco cedere coegit Deus, ITINERIBUS ÆTERNITATIS SUÆ, id est, æternis, seu perpetuis, *deambulationibus*, (ut ex Hebræo verti potest) deambulans cum populo suo, ac pro illo depugnans. Hoc archistratego

V. 7. TENTORIA ÆTHIOPIÆ, & PELLIS TERRÆ MADIAN, id est, castra Æthiopum Orientalium, id est, Madianitarum (per hos intellige etiam reliquos populi Dei hostes,) sub pellibus suis & tentoriis expansa, *vidi prorsus turbari*, excindi, everti sub Moyse, sub Cyro, sub Christo, idque PRO INIQUITATE in populum Dei toties & patrata.

V. 8. An FLUMINIBUS, seu fluentis Iordanis, & mari rubro furibundus *irascens* aut indignaris, quando & tanta violentia difficas illorum aquas, & cogis ex una parte immotas stare, ex altera præcipites fugere, ut per eas inter pandas populo tuo? Et sub Cyro aquas Euphratis per novos alveos divertis *u* : sub Christo impedimento fidei omnia tollis *ascendens super equos tuos* ET *quadrigam x* bellicam, e qua, ut *salves* populum tuum,

V. 9. SUSCITAS *suscitas*, id est vehementer intendis, ARCUM TUUM, ad hostes configendos ac sternendos turbinibus, tonitruis, fulminibus : ut sic *suscites* atque impleas IURAMENTA, id est promissa tua iuramento confirmata, QUAE TRIBUBUS Israelitarum olim præstitisti : ita Albertus, Hugo & alii. Hac sane via.

V. 10. FLUVIOS, id est fluentia Iordanis & maris, *scidisti*, coactis undis cum sonitu & fremitu contra naturam suam herere, relabi, intumescere & ascendere in montium altitudinem, & quasi supplices MANUS in celum attollere ad Deum, quo licentiam obtruncat rursus per confectos alveos remeandi.

V. 11. SOL LUNA & reliqua astra STETERUNT immota ad nutum & obsequium Iosue y. Eadem *ilum* & interservit Cyro & Christo tuo, una cum LUCE SAGITTARUM, id est cum sagittis & hastis tuis luculentibus ac fulgurantibus, nempe fulminibus, tonitruis, grandinibus, lapidibus quæ omnia e nubibus eiacularis in hostes tuos, donec omnes *obstupescas* ac prostratos *conculcas* : ita Albertus, Hugo, Ly-

ranus, Dionysius. Sic, sic in bellum adversus hostes.

V. 13. EGRESSUS ES CUM CHRISTO TUO, Moyses: & egredieris cum Cyro, & eum Messia tuo: ita idem illi, & S. Hieronymus & Augustinus x, & multi Hebræi: immo Sexta editio vertit, *egressus es ut saluare populum per Iesum Christum tuum*. Sic PERCUSISTI; Pagninus, *transfixisti*; Tigurini, *contudisti*; Pharaonem, CAPUT, id est principem, *domus*, seu familiarie IMPIT Cham aa, id est regem Aegypti, quæ vocabatur terra Cham bb. Simili modo percuties & conteres caput familiarie Chaldaicæ Balthasarem: & caput, seu principem, mundanæ & infernalis nequitie cc diabolum: ita iidem. FUNDAMENTUM *domus* EUS DENUDASTI, & denudatum evertisti USQUE AD COLLUM, id est ab immo sursum; quasi dicat: Integrum, quantum quantum erat. Porro per *fundamentum* intelligit duces & principes exercitus, adeoque tota castra hostium, quia in illis robor est & fortitudo totius regni, & illis eversis evertitur regnum.

V. 14. MALEDIXISTI non nudis verbis, sed efficacibus ictibus ac cordibus perdidisti impiissimi tyranni *sepectra*, id est potentiam, imperium, dignitatem, una cum ipso *capite* & archistratego omnium exercituum eius. Quorum EXULTATIO & gaudium, cum viderent Israelitas mari conclusum, similis erat gaudio latronis, cum *pau-perculum* viatorem in latebris conclusum spoliat, ubi nemo illi auxiliari potest. Finito carmine seu epinicio suo subdit Habacuc:

V. 16. AUDIVI ex Deo, ut vers. 1. dicebam, stragem horrendam, primo Iudæorum per Chaldaeos, dein Chaldaeorum per Persas, denique dæmonum, peccati & mortis per Christum; & propter occisum Christum, totale Iudæorum excidium per Romanos, inquit Theodoretus. Sed audiens totus *contremisco* & coherresco: cor mihi *conturbatur* & palpit, vox tremat & hæret, genua labant, animo linquor. Quis mihi nunc det vita hac defungi, ut carne & ossibus putredine absumptis, anima procul ab horrenda illa tribulatione, se recipiat in locum quietis & pacis, in limbum patrum, in sinu Abraham, ibique accensear *populo nostro accincto* olim gladio, cum belandum esset; nunc cum patta est victo-

ria, baltheo & paludamento triumphi? Vide S. Augustinum dd, Hieronymum & Iansenium. Tanta enim erit strages, tanta vastitas, tanta desolatio, ut

V. 17. FICUS, *vineæ*, OLIVÆ, gramina exarescant, *oves* & *armenta* penitus intereant. Sed longe maior erit spirituum bonorum sterilitas Iudæis, post & propter cælum ab ipsis Christum, inquit S. Augustinus ee. Verum, etsi summo volupe mihi esset, ut dixi, vita hac tam tristi, tam ærumnosa defungi: quia tamen video necdum id placere Deo, componam me ad æquanimitatem, immo ad gaudium, ad exultationem, ad iubilum mentis. Sæviant ergo tyranni, ardeat Iudæa, templum excidatur, deportemur in exilium, gemant, plorent omnes.

V. 18. EGO AUTEM GAUDEBO, non in fratribus meorum miseris, sed IN DOMINO, divinaque eius providentia, sapientia, iustitia, cui vel sic, cum aliquo nostro incommodo, satisfieri gaudeo. Sed accedit & alia gaudendi exultandique occasio, nempe ingens misericordia, & erga nos beneficentia coniuncta iustitiæ divinæ tam distæ, puta salvatio ac liberatio nostri ab exilio, a carcere, a servitute Babylonica, in quam abripimur, quin & a servitute diabolica & infernali, in qua tot iam millibus annorum totus mundus detinetur. Video enim ex divina revelatione, Deum met fore Iesum nunc est. Legit enim Noster non *ipsei*, sicut nunc est in Hebræo, id est *salutem meam*, ut Pagninus, Vatablus & alii recentiores vertunt; sed aliis punctis *iesui*, id est Iesum meum, seu *salvatorem meum*, ut etiam legerunt ac venterunt LXX. Chaldaeus & Syrus. Revelatur enim Propheta, Verbum Dei incarnandum, (cuius meritis salus omnis obvoluta erat tum Iudæis, tum reliquo toti orbi,) non re tantum, sed & nomine fore Iesue seu Iesum, ac totius mundi salvatorem ac redemptorem: ita S. Augustinus ff & alii. Hic

V. 19. FORTITUDO MEA erit, roboratque me ne collabar, ne deficiam, ne etiam perpetuo maneam in hostium potestate: dabit enim mihi tibiæ & PEDES agiles, expeditos, celeres, QUASI CERVO-RUM, quibus impigre, cito & alacriter in patriam recurram ad EXCELSA Iudææ & montosa loca, ad quæ ME VICTOR omnium

hostium suorum & meorum *Iesus meus* postliminio *reducat*, summa lætitia ac iubilo laudes & gratiarum actiones fecit *psalmis* & hymnis ipsi honorum omnium auditori decantantem. Aliqui vertunt, *super cella inimicorum meorum imponet me*. Pro-mittit hæc sibi Habacuc in persona tam sua, quam populi Iudaici, festive e Baby-lone, Allegorice et vinculis diaboli, in diu operatam libertatem recursum. Potuit enim ipse tanto tempore facile supervivere, ut in procemio dixi.

- (a) Genes. 1. 6. 9. 11. Exodi 17. a. &c. Hic xxi. 7.
(b) Euseb. Lib. IX. Præpar. Evangel. cap. ult.
(c) Origenes homil. xiii. in Lucam Ambrus. in Lucam 11. 7. Hieron. ep. xxvii. ad Eustoch. Aug. contra Iudæos cap. xiii. Nyssen. & Naz. orat. in Christi nativitate. Cyr. tesoloi. catech. 12. Paulinus epist. 1. ad Severum.
(d) in signum cap.
(e) Exodi ix &c.
(f) Deut. xxxiii. 2.
(g) Num. xxi. 48. &c.
(h) Num. xxi. 29.
(i) Deut. xxxiii. 2.
(k) Lucæ 11. 9.
(l) Deut. xxxiii. 17.
(m) Psal. xlii. d. Psal. lxxiv. 9.
(n) Cypri. Lib. II. cont. Iudæos cap. xxi. Euseb. Lib. VI. Demonstr. Evang. cap. xi. August. Lib. XVIII. C. vi. cap. xxxii. S. Hieron. Theodoret. Rupertus. Haymo. Ribera. Sa. a. Lapide.
(o) Psal. lxxvii. 49.
(p) Lucæ 2. 40.
(q) Iosue xv.
(r) t. Ediz. it. ult. Math. ult. 11.
(s) Num. xxi. 1. &c. & cap. xxxii.
(t) Exodi. xiv. & Iosue 11.
(u) Dac. v. in fine.
(x) Psal. ciii. 3.
(y) Iosue 2. 12.
(z) August. sup.
(aa) Genes. ix. 28.
(bb) Psal. lxxvii. 31. Psal. civ. 23.
(cc) Ioan. xxi. 31. 34. 35. & xvi. 11.
(dd) August. 1. cap. xiv. Manual. tom. 12.
(ee) August. Lib. XVIII. Civ. cap. xxxii.
(ff) August. sup.

GORDONI.

Hebr. נשח est errare, vel ignorare: hinc recte Vulgatus in titulo huius cantici, vocem Hebraicam vertit *pro ignorantia*; hoc est pro peccatis, scilicet ut dimittantur. Sane cum peccatis est coniuncta aliqua ignorantia, saltem per modum inconsiderationis: quo sensu, peccans est ignorans.

V. 2. DOMINE AUDIVI AUDITUM, &c. Hic Hymnus recitatur fer. vi. ad laudes. Loquitur Habacuc, *audivi auditionem tuam*, verbum tuum & oraculum de clade Iudæo-
Bib. Sac. Tom. XXII.

rum per Chaldæos; & Chaldæorum per Cyrum, & de redemptione per Christum. Et timuit, oblitui. LXX. עִשְׂלוּ. At quodnam est hoc opus? Certe liberationis Iudæorum a captivitate Babylonica; & mystico sensu, opus est Christi seu verbi incarnati, & opus redemptionis humani generis. Ita cum Aug. & Hieronymo interpretes passim. Addit, *VIVIFICA* & *perfice* illud *IN MEDIO ANNORUM*, hoc est in mundi tempore medio, & quod tanto operi destinatum est. Hebr. בְּקֶרֶב bekerab, *in ipso interiori*, & velut intelligo temporis, nec in principio, nec in fine. LXX. *in medio duorum animalium*, nempe in præsepio duorum animalium. Inter bovem & asinum, ut multi optime interpretantur; iuxta illud Isa. 1. 3. *bos cognovit possessorem suum, & asinus præsepio Domini sui*. Scio hanc versionem LXX. de duobus animalibus varie a variis exponi: hic tamen allegoricus sensus de duobus animalibus prophetice videtur additus a LXX. (& non reiecta altera lectione de annis) magnæ auctoritatis est; nam eo utitur Ecclesia in officio circumcissionis, & recipitur ab antiquis Patribus, Aug. orat. contra Iudæos cap. xxi. Nazianz. orat. in Christi nativitate. Hier. epist. xxvii. Cyril. Hieros. Catech. xii. Amb. Luc. 11. 7. & demum quid si LXX. pro שָׁנִים *annus*, (*anni*) legunt שָׁנִים *veniam*, (*duorum*) & rursus pro חַיִּיתוֹ *chaiehu*, (*vivifica illud*) legunt חַיִּיתוֹ *chaiehu*, (*animalium* :) plura de his Luc. 11.

V. 3. DEUS AB AUSTRORUM VENIET, &c. Est secunda pars capitis, in qua per modum Cantici celebrat magnalia Dei, quæ liberaliter exhibuit, quando liberavit populum ex Aegypto: & hoc involvit tacitam petitionem similis auxilii, in futura liberatione a captivitate Babylonica. Orditur ergo Canticum a magnifico Dei adventu, quando pro suis bellum suscipit. *Ab Austro*, inquit, *veniet*, Deus; (quæ pars cæli felicior, & dextera æstimator) Hebr. *a Theman*; urbs est Idumææ, sed vox ea etiam Austrum significat. Atque ita Hieronymus & LXX. vertunt Austrum: de hac urbe vide Iob 19. 1. PHARAN est mons vicinus monti Sinai: vide Deut. xxxiii. 2. certe Theman Seir, & Sina sunt Australes Iudææ: omitto *Selach* Hebraicum, de quo in Ps. 111.

V. 4. CORNUA IN MANIBUS EIUS. Hoc est robur contra hostes: vires item & arma, dum Angelus per desertum perduxit populum ad terram promissionis.

V. 5. ANTE FACIEM EIUS IBIT MORS. Est strages hostium. Diabolus, pestis, ex-cidium: sic corruebat demum omnia in adventu populi. Mystice hæc accepta com-mode etiam Christo conveniunt, qui mor-tem & diabolum devicit, stetit vero, & victor mensus est terram per Iosue; & cetera quæ sequuntur de conseruatione po-pulorum.

V. 7. PRO INIQUITATE VIDI TENTO-RIA AETHIOPIARUM, &c. Aethiopes hi sunt Madianitæ: vide Num. xii. 1. sunt Aethiopes orientales. Abyssini vero Aethio-pes sunt occidentales, de quibus hic non agitur. Nam Propheta hoc Cantico tan-tum mirabilia Dei ab Exodo, usque ad ingressum in terram promissionis. Sensus iam est, pro iniquitate, hoc est ob ini-quitatem vidi eversa tentoria Aethiopiarum: & TURBABUNTUR, (enallage) turbati sunt Madianitæ, in pellibus & tentoriis suis, Num. xiiii.

V. 8. NUMQUID IN FLUMINIBUS, &c. Quin etiam ira tua apparuit in divisione maris rubri, Exod. xiv. & in siccitate Iordanis, Iosue tit.

V. 11. SOL ET LUNA STETERUNT, &c. Attingit miraculum quando pugnante Iosue stetit Sol; & consequenter orbes reliqui, Iosue x. 12. Sagitta, & splendor ha-stis fulgurantis designant grandinem, & ful-gura in hostes Israelitarum in illa pugna Iosue.

V. 13. EGRESSUS ES IN SALUTEM, &c. Venit Deus in salutem cum Christo suo Mose in Exodo: veniet iterum cum Chri-

sto Cyro cum libertate; ac demum per-fectissime cum Christo verbo incarnato. Plura addit vers. hoc 13. & deinceps de clade illata Pharaoni.

V. 13. AUDIVI ET CONTURBATUS EST, &c. Finito Cantico redit Propheta ad au-ditionem, de qua vers. 2. audivi, inquit, auditionem a Deo, & conturbata sunt vis-cera mea: reliquo ergo capite dolet de cla-de, & mox redit vers. 18. ad gaudium de populi reditu, & libertate: ergo vers. 16. exoptat potius mori quam videre tantam populi afflictionem, & in somno mortis suaviter transire ad antiquos patres Abra-ham, Isaac, &c. Exaggerat vers. 17. ma-lum ex effectu: concludit demum spe lætus quidquid acciderit, dum contemplatur fu-turam libertatem a captivitate, & salutem in Deo Iesu. Loquitur Propheta in perso-na populi sui redeuntis cum cervorum ve-locitate in patriam. Nam ipse alioqui, ad tempus solutæ captivitatis non pervenit.

EX EIUSDEM AUCTARIO.

Vers. 14. MALEDIXISTI BELLATORUM CA-PITI: ducibus militum. Sic de Pharaone, & Baltasare Babylonico. EXULTATIO, AEgyptiorum, &c. instar sicario-rum, qui prædam assequuntur sine periculo.

Vers. 15. VITAM FECISTI: tu vitam aperis, ut puniantur, quos indicas puniendos.

Vers. 16. AUDIVI. Hæc contra hostes, & futura contra populum tuum, ad quæ vehementer indolui. POPULUM ACCIN-CTUM. Hebr. *colligatum cinctum*, con-gregatum (qui sunt in limbo) vel o-lim armis accinctum, & victorem.

Vers. 17. Post novam mentionem cladum concludit sperans meliora.


PROPHETIA SOPHONIAE.

PAUCIS ante captivitatem annis sub Iosia varicinatus est: duas tribus ad pœnitentiam invitat.



CAPUT PRIMUM.

Quo tempore Sophonias prophetaverit: qui primum peccatoribus universis, deinde Iudeis comminatur, ob idololatriam & Dei contemptum, divinam ultionem: Ierusalem quoque lucernis scrutanda dicitur, & quam erit amara dies ultionis Domini.

1.  **VERBUM** Domini, quod factum est ad Sophoniam filium Chusi, filii Godoliae, filii Amariae, filii Ezechie, in diebus Iosiae filii Amon regis Iudae. 2. Congregans congregabo omnia a facie terrae, dicit Dominus: 3. congregans hominem & pecus, congregans volatilia caeli & pisces maris: & ruinae impiorum erunt: & disperdam homines a facie terrae, dicit Dominus. 4. Et extendam manum meam super Iudam, & super omnes habitantes Ierusalem: & disperdam de loco hoc reliquias Baal, & nomina ædificatorum cum sacerdotibus; 5. & eos qui adorant super tecta militiam caeli, & adorant & iurant in Domino, & iurant in Melchom. 6. Et qui avertuntur de post tergum Domini, & qui non quaesierunt Dominum, nec investigaverunt eum. 7. Silete a facie Domini Dei: quia iuxta est dies Domini, quia præparavit Dominus hostiam, sanctificavit vocatos suos. 8. Et erit: in die hostiae Domini, visitabo super principes, & super filios regis, & super omnes qui induti sunt veste peregrina: 9. & visitabo super omnem, qui arroganter ingreditur super limen in die illa: qui complent domum Domini Dei sui iniquitate & dolo. 10. Et erit in die illa, dicit Dominus, vox clamoris a porta piscium, & ululatus a Secunda, & contritio magna a collibus. 11. Ululate habitatores Pilae: conticuit omnis populus Chanaan, disperierunt omnes involuii argento. 12. Et erit in tempore illo: scrutabor Ierusalem in lucernis: & visitabo super viros defixos in facibus suis: qui dicunt in cordibus suis: Non faciet bene Dominus, & non faciet male. 13. Et erit sortitudo eorum in direptionem, & domus eorum in desertum: & (a) ædificabunt domos, & non habitabunt: & plantabunt vineas, & non bibent vinum eorum. 14. Iuxta est dies Domini magnus,

Q 2

iuxta

iuxta est & velox nimis: vox dei Domini amara, tribulabitur ibi fortis. 15. (b) Dies iræ dies illa, dies tribulationis & angustiae, dies calamitatis & miseriae, dies tenebrarum & caliginis, dies nebulae & turbinis, 16. dies tubae & clangoris super civitates munitas, & super angulos excelsos. 17. Et tribulabo homines, & ambulabunt ut cæci, quia Domino peccaverunt: & effundetur sanguis eorum sicut hamas, & corpora eorum sicut stercora. 18. (c) Sed & argentum eorum, & aurum eorum non poterit liberare eos in die iræ Domini: (d) in igne zeli eius devorabitur omnis terra, quia consummationem cum festinatione faciet cunctis habitantibus terram.

(a) Amos v. 32. (b) Jer. xxx. 7. Joel. ii. 32. Amos v. 18. (c) Ezech. viii. 12.
(d) Infr. tit. 8.

C O M M E N T A R I A

S A.

SOPHONIAS prophetat contra Iudæos, & quasdam alias nationes.

V. 1. **IOSIAE**: quo tempore etiam Ieremias prophetavit. Vide Ierem. i.

V. 2. **CONGREGANS**, &c. quasi dicat, Delebo. Chald. *delebo*; quasi dicat, Omnino delebo. OMNIA, scilicet homines & iumenta. A FACIE, id est e superficie. TERRAE, scilicet Iuda, nam Irael iam erat in captivitatem abductus.

V. 3. **CONGREGANS**, scilicet congregabo: est autem explicatio præcedentium: PECUS: quo nomine etiam iumenta intelliguntur; scilicet perdit Deus ob hominum peccata etiam quæ hominibus serviunt.

V. 4. **ET**; pro, id est: explicat senim quos homines dixerit. **EXTENDAM**, scilicet percussurum. **BAAL**, id est cultus idolorum. **AEDITUORUM**, id est sacerdotum: vox Hebr. כִּמְרִים *Kemarim* significat secundum Hieron. *sancticos*, scilicet daemonis spiritu afflatos. **LXX. sacerdotum**, scilicet orant sacerdotes idolorum. **CUM SACERDOTIBUS**; quasi dicat: Et ipsos sacerdotes delebo, & eorum nomina seu memoriam.

V. 5. **MILITIAM CAELI**, id est astra, quæ ita dicuntur, quod multa sint & ordinata more exercitus. Angeli etiam ita dicuntur. Vide' **Luce' ii. ET ADORANT**, &c. quasi dicat: Adorant cum idolis Deum, & iurant per Deum & idola. **IN DOMINO**, id est per Dominum. **MELCHOM**. Idololum erat Ammonitarum.

V. 6. **AVERTUNTUR**, id est recedunt.

LXX. declinant, scilicet disperdam etiam. **DE POST**, &c. id est a sequela Domini. **LXX. a Domino. INVESTIGABERUNT**. Chald. *precanti sunt*. **LXX. adhaeserunt**.

V. 7. **SILETE**, scilicet præ timore, seu reverentia. **LXX. time**, seu *reveramini*. **DIES**, scilicet quo puniemini per Chaldaeos. **HOSTIAM** id est Iudæos mactandos. Vide. Isa. xlii. Ierem. xli. **SANCTIFICAVIT**, id est paravit. **VOCATOS**, scilicet Chaldaeos ad eandem faciendam.

V. 8. **DOMINI**; pro, meæ; quasi dicat, Cum eos eadem. **SUPER FILIOS REGIS**, scilicet Iosiae: *fili* autem, vel liberi, vel posterii. **VESTE PEREGRINA**, id est moribus a Dei lege alienis. Forte etiam notatur vestium abusus per ambitionem.

V. 9. **LIMEN**, scilicet domus suæ, vel templi. **DOMINI**, scilicet idoli: non enim *Iehova* est Hebr. sed *Adonim*. **DET** sui: sic legit Hieron. & **LXX.** etsi nunc Heb. non est *Dei*, nec in Compl. ideoque quidam referant ad domos Principum & nobilium. **INIQUITATE**, &c. id est rebus per iniquitatem & dolum acquisitis, vel peccatis cum proximi iniuria.

V. 10. **PISCIVM**. Ita dicebatur, quod per eam pisces & locis maritimis inferrentur. Vide II. **Efd.** cap. iii. & xii. **SECUNDA**. Et id nomen portæ. Vide IV. **Reg. xiii.** **CONTRITIO**, id est dolentium mortificatio, scilicet ob adventantes Chaldaeos. **COLLIBUS**, scilicet Ierusalem; subaudi, auferretur illo tempore, scilicet occupatis portis urbis & collibus ab hoste.

V. 11. **PILAE**. Loci est nomen concævi in-

instar pilæ, seu mortarii, ob profunditatem, inde enim sic dictus. Chald. *torrens Cedron*. CONTIGIT, scilicet confusus, seu moestus tacebit, ut solent calamitate pressi. Chald. *fractus est*. CHANAAN: sic vocat Iudeos ob mores & impietatem. Vide Ezechiel. xvi. Daniel. xiii. INVOLUTI ARGENTO, id est undique opibus septi. Chald. *divites opibus*.

V. 12. SCRUTABOR, scilicet per Chaldaeos, qui omnia scrutantur. IN LUCERNIS. Chald. *ut qui cum lucerna scrutantur*. DEFIXOS IN FAECIRUS SUIIS, id est peccatis, vel more vini (quod super fæces conservatur quietum) in vititiis quiescentes. Chald. *tranquillissime fruente divitiis suis*. QUI DICUNT, &c. id est qui Dei providentiam negant. BENE, scilicet bonis. MALE, scilicet malis.

V. 13. FORTITUDO. Chald. *divitia*.

V. 14. MAGNUS, scilicet calamitatem insignem afferens. VOX, id est strepitus; quasi dicat, Audiri videtur iam, ut solent appropinquant. AMARA; quasi dicat, Calamitatem inaniens. TRIBULABITUR. Chald. *interficietur*. FORTIS; pro, etiam fortis.

V. 15. IRAE, scilicet Dei. TENEBRARUM, id est calamitatis, quæ per tenebras solet significari, ut per lucem prosperitas.

V. 16. TURAE, scilicet Chaldaeorum. CLANGORIS. Chald. *iubilationis*, scilicet hostium. ANGULOS, id est turres, quæ vel murorum anguli sunt.

V. 17. CAELI, scilicet consilii inopes. Sicut HUMUS, id est in magna copia: etiam vulgo dicitur de re copiosa, *come terra*. Chald. & LXX. & Hebr. *ut pulvis*.

V. 18. IGNE, id est ira. ZELI, Chald. *ulionis*: potest intelligi zelus, id est vehemens amor, quo contempto, solet qui amat, valde irasci. DEVORABITUR. Chald. & LXX. *consumetur*. TERRAM, scilicet Iudæam. Chald. *impia terra*.

E S T I I.

Vers. 5. **E**T EOS QUI ADORANT SUPER TECTA MILITIAM CAELI, ET ADORANT, ET IURANT IN DOMINO, ET IURANT IN MELCHOM. Non vituperat iurationem in Domino; sed peccatum

rantium per deos falsos aggravat, ex eo quod iidem qui iurabant per Deum verum, etiam iurarent per deos falsos. Cedit enim in contemptum Dei, si quis eodem ore iuret Dominum, & Melchom, id est Deum verum & falsum. Erat enim Melchom idolum Ammonitarum; de quo in Lib. Regum & alibi. Tali modo & Iacobus Apostolus exaggerat malitiam linguæ, cap. iii. his verbis: *In ipsa, inquit, benedicimus Deum & patrem, & in ipsa maledicimus homines, qui ad similitudinem Dei facti sunt. Ex eodem ore procedit benedictio & maledictio*.

V. 12. ET ERIT IN TEMPORE ILLO; SCRUTABOR IERUSALEM IN LUCERNIS, ET VISITABO SUPER VIROS DEFIXOS IN FAECIRUS SUIIS; QUI DICUNT, &c. Verba ad litteram pertinent ad Ierusalem vastatam a Chaldeis: in qua vastatione omnia, etiam abditissima loca, scrutabatur hostes, sicut adhibitis lucernis fieri solet. Sed typice significatur extremum iudicium: in quo Dominus in lucernis scrutabitur Ierusalem, quando & occulta omnia cordium manifestabuntur, & in lucem proferentur a iudice. Illud autem quod sequitur; QUI DICUNT IN CORDIBUS SUIIS, NON FACIET DOMINUS BENE, ET NON FACIET MALE, vox est virorum, qui *defixi sunt in facibus suis*; id est, qui ita affixis fordibus rerum terrenarum, ut omnem cogitationem divinæ providentiæ seponant, & abiciant a se; proferentes has impias voces: *Non faciet Dominus bene*; id est, non reddet præmia iustis; *Et non faciet male*, id est nec reddet supplicia impiis. Vide etiam Thren. iii.

M A R I A N A E.

SOPHONTIAS, de Tribu Simeon in agro Sarabath. Sub Iosia Rege contra Iudam & Ierusalem prophetai.

Vers. 1. **I**N DIEBUS IOSIAE: tunc Ieremias prophetavit. REGIS IUDAE, aut Iuda, ut Sept. & Goth.

V. 2. CONGREGANS CONGREGABO. Chald. *delendo delebo omnia*. Sic Hebr. *הפח אפס*, & congregare & delere significat. Et ipsum congregare aliquando delere est, uti aliis locis est dictum. OMNIA A FACIE

CIE TERRAE. De terra, scilicet Iuda, de-
lebo omnia.

V. 3. CONGREGANS VOLATILIA. Hebr. *delebo, consumam. ET RUINAS IMPIORUM ERUNT. Hebr. offendicula impiis*, scilicet erant, in quæ offendant & pereant.

V. 4. RELIQUAS BAAL, perdam, id est impium cultum Baal, & idolorum. ET NOMINA AEDITUORUM. Hebr. כְּנָרִים *che-
marin* significat sacerdotes, aut cultores, aut ministros idolorum, sic dictos, quod nigris vestibus uterentur. CUM SACERDOTIBUS, scilicet idolorum disperdam. *Camar* est denigrare.

V. 5. SUPER TECTA. Erant plana tecta, & in ea ascendebant, ut melius stellas viderent, quas *militiam celi* vocat. ET IURANT IN DOMINO. Aliquando per Dominum iurant, aliquando per Melchom, cum Dei cultu iungunt idola. MELCHOM, Saturnus, deus Moabiturum.

V. 6. ET QUI AVERTUNT DE POST TERGUM DOMINI, id est Deo terga verterunt, cum reliquerunt. Hebr. *Et qui retrocedunt de post Dominum*, id est illum non sequuntur. NEC INVESTIGAVERUNT EUM. Chald. *neque precibus postularunt a conspectu eius*. וְרָו דָּאֵר *daras* & *querere* significat, & interrogare. Ita verti potest; neque rogaverunt eum, ab eo responsa non postularunt.

V. 7. SILETE. Hebr. *sile*. Silentium ex timore. Sile ergo, id est metue. Sept. *time*. A FACIE DOMINI DEI, hoc est coram eo. QUA PRAEPARAVIT DOMINUS HOSTIAM. Sic vocat stragem futuram Iudaeorum. SANCTIFICAVIT VOCATOS SUOS. Sic Chaldaeos vocat, qui hostiam mactare debebant, quos sanctificavit quasi sacerdotes, aut paravit. Id *sanctificare* significat;

V. 8. VISITABO SUPER PRINCIPES, occidam eos. ET SUPER FILIOS REGIS, scilicet Sadezir, qui occisi sunt in Reblatha: IV. Reg. xxv. 7. QUI INDUTI SUNT VESTE PEREGRINA, id est non solum peritiam cives & incolae, sed & advenae, quibus victor solet parcere. Magnam laciniam.

V. 9. QUI ARROGANter INGRESsITUR SUPER LIMEN, id est in templum cum pompa intrat, scilicet divites visitabo. Hebr. *qui transiit super limen*, id est Philisthaos, cui nefas erat limen templi sui calcare,

sed transibant illud: I. Reg. v. 5. Itaque postquam in genere de advenis dixit, loquitur sigillatim de Philisthaeis, quorum maior erat numerus, ea clade perituros. QUI COMPLENT DOMUM DOMINI DEI sunt, id est ex rapina offerunt sacrificia Deo suo Hebr. *complent domum dominorum suorum*. Vulg. Regia, *implent domum Domini sui*, id est ipsi, & Principes rapto vivunt. INIQUITATE ET DOLO. Hebr. *rapina*.

V. 10. VOX CLAMORIS A PORTA PISCINAE. Ea parte triumphat hostis. Erat porta sic dicta versus mare, qua pisces inferebantur. A SECUNDA. Porta sic dicta, quoniam in secundo muro erat, & regione alterius: sic Hieronymus. Chald. haec alibi portam, *doctrinae portam*, scilicet ubi schola publica erat: IV. Reg. xxi. 14. De qua re plura eo loco diximus, quæ hic prætermittimus. Sane כְּנָנִים *knanim* inter alia *secundam*, & *scholam* significat. ET CONTRITIO, id est clamor erit. A COLLIBUS, in quibus Ierusalem erat posita.

V. 11. ULULATAE HABITATORES PILAE. Pila, priori longa, est mortarium, fovea. Sic vocat eos, qui habitabant in valle Siloe, quasi dicat: Non solum qui in collibus erant, sed qui in vallibus urbis, ululate. Urbis Ierusalem duos montes sunt: mons Sion ad Occasum, ubi Davidis ars: ad Ortum mons Moria, ubi templum. Inter hos montes vallis, quæ ad fontes Siloe & Gehon, ad Meridiem definebat. Ultra montem Moria extra urbem vallis Iosaphat, & torrens Cedron ad Ortum, & mons Oliveti. Tum ad Austrum vallis Hinnon, alio nomine Gehenna. Guillemus Tyrius Lib. VIII. de Bello sacro, cap. 11. Pro, *habitatores Pile* habet, Chald. *qui habitatis in torrente Cedron*. CONTICUIT. Hebr. *excisus est*. OMNIS POPULUS CHANAN, id est mercatore. In parte urbis inferiori erant tabernæ & mercatus. Porro mercatores *Chananaei* vocabantur, & locus Chanaan, ut Toleti, *Alcana*, ubi sunt dardanarii. INVOLUTI ARGENTO. Hebr. *serentem argentum*. Hi etiam sunt mercatores, penes quos est pecunia, quæ argenti nomine vocatur.

V. 12. DEXTROS IN FACIBUS SUIs. Hebr. *stantes*, id est quiescentes in suis facibus, id est opibus. Metaphora a vino, quod in facibus suis stans conservatur.

QUI

QUI DICUNT. Dei providentiam negant, neque Prophetis credunt. IN CORDIBUS suis, non auri lingua proferre; vel, in cordibus, id est ex corde dicunt, Non faciet Dominus bene vel male.

V. 13. FORTITUDO, seu substantia. *Haiil* utrumque significat. Chald. *divitia eorum*. IN DESERTUM. Hebr. *in desolationem desolabuntur*.

V. 14. TRIBULABITUR IBI FORTIS. Hebr. *clamabit ibi fortis*, aut *clamosa*, scilicet dies erit multi clamoris. *Ibi fortis*, scilicet interficietur. Sic distinguit Hebr. Schol. Chald. *ibi fortes occisi*.

V. 15. DIES CALAMITATIS ET MISERIAE, tumultus & desolationis. DIES NEBULAE ET TURBINIS: nubes & caliginis, Hebr.

V. 16. ANGULOS EXCELSOS, id est arces, quas angulos vocat, quia auri anguli fortes sunt: qui etiam Sept. *angulos excelsos* vertunt. Aut turres sic vocat, quæ ad murorum angulos sunt. Ergo ibi clangor erit.

V. 17. SICUT HUMUS. Hebr. *sicut pulvis*, qui multus est. Sic multus sanguis effundetur. ET CORPORA EORUM. Caro eorum, ut stercorea. *לחם* *Lehem*, panem significat, *לחם* *lehum*, carum, quæ vox hic est.

V. 18. IN IGNE ZELI EIUS. Chald. *ulionis eius peribit terra*. QUIA CONSUMMATIONEM CUM PESTINATIONE FACIET. Hebr. *consummationem profecto festinatam faciet*.

MENOCHII.

Verf. 1. IN DIEBUS IOSIAE: quo tempore etiam Ieremias prophetauit, ut patet ex Ierem. 1.

V. 2. CONGREGANS CONGREGANS; id est, colligam, & coarctabo in captivitatem. Chald. *delens delebo*; id est, omnia omnino delebo, & perdam, nam colligere in Scriptura aliquando significat vitam adimere. LXX. habent, *desolatione deficiet homo, & iumenta*. RUINAE IMPIORUM ERUNT: impii, qui me relicto idola secuti sunt, magnis, & ineluctabilibus calamitatibus opprimuntur.

V. 4. EXTENDAM MANUM MEAM, vindicem. SUPER IUDAM: duas tribus intelligit, Iudam, & Benjamin. RELIQUAS

BAAL: ita ut nullum remaneat velligum cultus prophani idoli Baal. NOMINA AEDITUORUM. In Hebraeo est *שׂוֹמְרֵי* *Chemarim*; quasi dicat, Accensores ignis, & thuris, thurificatores; a radice *שׂוֹמֵר* *Chemar*, id est *accendit*, affus.

V. 5. SUPER TECTA: in quibus facile excitari poterant aræ, cum essent plana, ut sæpe dictum est. MILITIAM CAELI: solem, lunam, & stellas. ADORANT, ET IURANT IN DOMINO, &c. disperdam eos, qui simul colunt Deum, & Melchom, id est Moloch, & per utrumque aque iurant.

V. 6. QUI AVERTUNTUR DE POSTERUM DOMINI: qui Dominum non sequuntur, sed abeunt post Idola. Chald. *Qui avertuntur retrorsum a cultu Domini*. QUI NON QUÆSTERUNT, &c. est eiusdem sententiae repetitio. LXX. *Qui non requirunt Dominum, & qui non retinent Dominum*. Adhibetur a propheta repetitio, ad maiorem exaggerationem.

V. 7. SILETE A FACIE DOMINI; silentes timete, & reveremini Dominum. Eodem sensu dixerunt LXX. *ἡσυχάζετε, time*. PROPE EST DIES DOMINI: iustitiae, & vindictæ exercendæ. PRÆPARAVIT DOMINUS HOSTIAM: multitudinem interficiendorum a Chaldeis vocat *hostiam*, ut etiam Isaias xxxiv. 9. Ierem. xlv. 10. SANCTIFICAVIT VOCATOS SUOS: paravit, & instruxit Chald. invitatos ad mactandas has hostias, & ad epulum ex his apparatus.

V. 8. IN DIE HOSTIAE DOMINI: excidii Ierusalem, quando ipsa futura est hostia mactanda a Chald. Domino. VISITABO: puniam morie. PRINCIPES: qui aliis exemplo esse debuerant, ideoque gravius peccaverunt. Ita factum narratur IV. Reg. xxv. 7. *Ingulavit, inquit, filios Sedecia in oculis eius; sed & omnes Principes Iuda occidit*. QUI INDUTI SUNT VESTE PEREGRINA: more vicinarum gentium conformata, patrio more relicto, una cum religione. Pertinebat etiam hæc vestis mutatio ad levitatem, ambitionem, & superbiam, ut patet ex sequentibus.

V. 9. SUPER LIMEN: superbos, qui cum fastu limen templi ingrediuntur. Hoc est quod etiam Amos reprehendit vi. 1. *Ve qui opulenti estis in Sion ingredientibus pompæ domum Israel*. DOMINI DEI SUI,

id est idoli, quod colunt. Pagn. & Vatabl. vertunt, *Dominorum suorum*. Vel sensus est, qui malis artibus, & periniuriis quaesita, Deo offerre volunt, quasi huiusmodi oblationes gratæ illi esse possint.

V. 10. VOX CLAMORIS A PORTA PISCINÆ: nam per hanc portam Chaldæi in urbem Ierusalem irruerunt. A SECUNDA: scilicet porta, quæ erat in secundo muro, nam Ierusalem Septentrionem versus iuxta templum triplici muro erat circumdata. A COLLIBUS: scilicet Sionis, & templi, aliisque similibus ad quos, utpote munitiones, capia a Chald. urbe confugerunt Iudæi; sed a Chald. persequentibus ibidem comprehensi, contriti, & trucidati sunt.

V. 11. HABITATORES PILÆ, id est mortarii. Aquila vertit, *δομας, mortarium*. Ita vocat voraginem Mello, quæ etiam Tyropæon dicebatur; quasi diceret: *Quemadmodum in pila frumenta vecte desuper seriente tunduntur, ita de porta piscinæ, & de secunda, & de collibus proruens in vos exercitus, contundet, & comminet vos*, ut ait D. Hieron. CONTICUIT: scilicet confusus, & mæstus tacebit, ut solent calamitate pressi. Chald. *Fractus est*. CHANAAN: sic vocat Iudæos ob mores, & impietatem: ita Ezech. xvi. dicitur: *Radix tua, & generatio tua de terra Chanaan*. INVOLUTI ARGENTO, id est undique opibus septi. Chald. *Divites opibus*.

V. 11. SCRUTABOR: per Chald. qui omnes angulos scrutabuntur. IN LUCERNIS: sumpta est metaphora ab iis qui aliquid diligentissime querunt, ideoque lucernam accendunt, ut mulier. DEFLEXOS IN FACIUS SUTS: more vini (quod super fæces suas conservatur quietum) in divitiis quiescentes. Chald. *Tranquillime fruentes divitiis suis*. NON FACIET BENE DOMINUS, &c. Vox Politicorum, & Atheorum, qui Dei tollunt providentiam, aiuntque Deum res mortalium non curare, nec bonis, & integris benefacere, nec scelera totos plectere. Hoc autem non audent palam profiteri, sed dicunt in corde suo: sic etiam David de huiusmodi hominibus ait: *Dixit impius in corde suo, non est Deus*, Psal. xtti. 1.

V. 13. FORTITUDO EORUM: divitiarum, in quibus confidunt, & fortitudinem suam locant. Pagnin. vertit, *Erit*

substantia eorum in direptionem. Chald. *Eruunt divitias eorum in spoliis*.

V. 14. IUXTA EST: prope est. DIES DOMINI, &c. dies vindictæ, & excidii Ierusalem, & captivitatis Babylonice. VOX DIEI DOMINI AMARA: quia in illa die erit clangor, strepitus, tumultus, comploratio, &c. TRIBULABITUR ISTI FORTIS; id est, fortissimi quique ciuitabunt, nec poterunt viribus suis sibi parare incolumitatem.

V. 15. DIES TRAE DIES TLLA, &c. IN GEMINATIONE nominum idem, aut fere idem significantium, ostendit magnitudinem futuræ calamitatis.

V. 16. DIES TUBÆ ET CLANGORIS: plurimæ enim tubæ hostium audientur, & clangor exhortans milites ad excindendam, & diripiendam urbem. ANGULOS EXCELOSOS, id est turres excelsas in angulis murorum exedificatas.

V. 17. TRIBULABO HOMINES. Pagnin. *Angustis afficiam*. AMBULABUNT UT CAECI: nescientes præ anxietate animi, quid consilii capiant, aut quo fugiant, & ex uno periculo in aliud gravius incidentes, ut cæci cum fugiunt. QUA DOMINO PECCAVERUNT; quasi dicat, Et quidem iuste hæc patientur, quia contra Dominum peccaverunt. SECUT HUMUS: magna copia: etiam Italice cum magnam rei alicuius copiam significare volumus, dicimus, *Come terra*. Aliqui vertunt, *Ut pulvis*. CORPORA EORUM, &c. cadavera eorum inssepulta prouidentur, ut stercorea.

V. 18. IN IGNE ZELI: ignem zeli vocat furorem vindictæ, cum enim irascitur homo, fervet sanguis circa cor. Zelum vocat quasi viri erga uxorem, habuit enim Deus synagogam ut uxorem. CONSUMMATIONEM CUM FESTINATIONE FACIET; quasi dicat: Hæc strages qua omnia consumuntur, & evertentur, prope abest, mox aderit.

T I R I N I.

vers. 2. CONGREGANS CONGREGABO; id est accurate & exacte colligam & coacervabo omnes incolas Iudææ, homines & iumenta, volucres & pisces. Colligam, inquam, ex dispersione per creaturas in primum vitæ fontem qui est in creatore, quod fit moriendo, inquit Pi.

Pineda b. Colligam ergo omnia ista ad excidium, ad mortem, ad interitum. Quia, ut ait S. Hieron. vastatis urbibus, & hominibus interfectis, raritatem & solitudinem bestiarum quoque fieri, & volatilium pisciumque, testis est Illyricus, testis Thracia, testis in quo ortus sum solum, ubi præter calum & terram, & crescentes vepres, & condensa silvarum, cuncta perierunt. Vobis ergo, o Iudæi, vel extinctis, vel in exilium deportatis, ipsa quoque bruta animalia, quasi dominorum suorum servitio iam perfuncta, partim exsurgunt, partim alio defugient, & sic

V. 3. RUINAE IMPIORUM plenæ erunt: quando non ipsi tantum, sed & omnia illorum servitia e medio tollentur.

V. 4. DISPERDAM funditus; Hebraice, exscindam, omnes RELIQUIAS BAAL, templa, altaria, statuas, sacerdotes, & ipso rum ædificios, adeo, ut ne nominandi quidem sint deinceps, nec ulla eorum memoria, nomen aut fama superfutura. Hebraicum kemarim, proprie significat accensores, puta ignis vel thuris, qui quia fuligine ut plurimum obducti, & atra erant facie ac veste; hinc Vatablus & Mariana vertit exustos; Pagninus atratos vel pullatos; Noster alibi aruspices e, additque positos fuisse ad sacrificandum in excelsis; Hebraice, lerater, id est ad suffumigandum vel thus adolendum idolis. AEDITUORUM ergo officium, præter sacræ ædis tuitionem, unde nomen sortiti videntur, erat fovere perpetuum ignem in templo, thus idolis adolere, & in victimis cremandis sacerdoti sublevire: licet & ipsi, ob dictam thuris suffumigationem, quæ species erat sacrificii, sacerdotes subinde vocarentur, ut & hic vocantur a LXX.

V. 5. SUPER TECTA; quæ plana erant in Iudæa, & etiamnum sunt in Syria, ADORANT MILITIAM, seu exercitum, CAELI, cuius rex est sol, regina luna d, signifer Venus, seu lucifer, alia sidera turme & phalanges instructæ: ET IURANT tam per MELCHOM e, quam per verum Deum, colentes utrumque pro numine & Deo: iuramentum enim est actus latriæ, quo protestamur, eum per quem iuramus, esse primam & increatam veritatem (hæc enim sola est infallibilis,) ac proinde esse Deum.

V. 7. SILETE A FACIE DOMINI; id est, filentes præ admiratione & stupore, time-

Bib. Sac. Tom XXII.

te, servite, reverimini Dominum, ut vertunt LXX. quia instat dies Domini, nempe quo solemnem victimam & sacrificium offerre designavit f, in quo vos o Iudæi, victima eritis seu hostia: Chaldæi erunt ministri, seu sacerdotes, ad hanc lanienam a me ex Chaldæa in Iudæam evocati, auditori & quasi consecrati: ita S. Hieronymus, Theodoret. Haymo & Lyranus.

V. 8. & 9. IN illo die quo HOSTIAS mactabimini Domino, id est tempore excidii Ierosolymorum, primo loco VISITABO g SUPER PRINCIPES, id est eardem, iugulabo, mactabo principes Iudæ, Sedeciam regem, ET FILIOS REGIS, quos Nabuchodonosor occidit in conspectu parentis: item principem h sacerdotum, principem militiæ, & alios principes populi interficiet in Reblatha. Secundo loco, OMNES QUI INDUTI SUNT VESTE, non Iudaica, sed PEREGRINA i & Gentili, puta AEGYPTIA, TYRIA, CHALDAICA: & cum veste etiam mores & ritus gentiles, inquit S. Hieronymus. Tercio, QUI ARROGANTER k INGREDITUR; Hebraice, qui saltat super limen domus Domini, ut sequitur, id est, qui fastuose, pompaticè & quasi subultim ascendit in templum, ubi summa animi corporisque demissione atque humilitate agendum cum Deo. Videur maxime notare sacerdotes, qui dilatati phylacteriis magno fastu atque arrogantia, quasi præfetti & præsidēs templi, per atria & vestibula illius (ut habent LXX.) incedere solebant. Neque hoc modo, sed & complebant illud INIQUITATE ET DOLO, ut isdem etiam Christus l exprobat, quod prætextu longæ seu multæ orationis, emungerent domos & bursas viduarum ac pauperum, inquit S. Hieron. Haymo, Alber- tus, Hugo & plures alii.

V. 10. VOX CLAMORIS audietur, irru- pentibus in urbem Chaldæis, a PORTA PISCUM, sita iuxta turrim seu arcem David in valle Mello, inter montem Sion & civitatem inferiorem ad plagam Occidentalem m, inquit S. Hieron. Saligniacus, Borchardus & Adrichomius n. Dicta piscium porta, quod per eam a Ioppe & a mari Galilææ pisces quotidie in urbem inferrentur, inquit Villalpandus o. Qui cum Ribera & aliis docet, per hanc portam Chaldæos primum in urbem irrupsisse fracto mu- ro extimo, & caelis de plebe, quæ istic

R

ha-

habitabat, obviis quibique, irruisse in secundum murum, eiusque portam, quæ a muro secundo SECUNDA seu media vocabatur, occupasse. Unde cum nobiles, studiosi ac doctores, quorum istic domicilium erat (unde LXX. vocant *Academiam* magno tumultu confugerent ad intimum murum, qui colles Sionis & templi secernebat a reliqua urbe; fugientes insecti Chaldaei, simulque irrumpentes in eosdem colles, & in subiectam collibus inferiorem civitatem, quæ inde *filia Sion* dicebatur, maxima istic cæde contriverunt Iudæos. Vide Iosephum, Adrichomium & Villalpandum 9.

V. 11. ULULATE HABITATORES *Machses*, id est PILAE, seu mortarii. Sic vocabatur *vallis Mello*, r, quam Iosephus *Tyropæon*, S. Hieron. *vallem Siloe*; Chaldaei *vallera Cedron* vocat, quia usque ad *Siloem* & *Cedron* per portam aquarum excurrerebat. Vocatur autem *Pila*, tum ob profunditatem, tum ob eandem istic patrandam olim, vel patrandam brevi a Chaldaeis, qui e collibus iam dictis in subiectam vallem delapsi, incolas eius acervatim maximo numero, sine ullo discrimine quasi legumina in mortario conculcaverunt, inquit S. Hieronymus, Remigius, Ribera, Sa, Mariana & a Lapide. Simili metaphora Ezechiel vocat Ierusalem *ollam* cap. XXIV. 3. Tropologice, pilæ & ollæ sunt urbes & provinciae tyrannus subiectæ; Anagogice, infernus, Vulcani *olla* Proserpinæ *pila*. Nec tamen soli Ierofolymitani in hac *pila* conculsi sunt: etiam OMNIS POPULUS CHANAN, id est omnes incolæ Chanaanitidis, seu terræ sanctæ, ab iisdem Chaldaeis eodem impetu contriti & excisi sunt, adeo ut prorsus conticerint, nullaque vox eorum amplius, vel repugnantium strepitus, vel lætantium sibilus auditus sit, omnibus aut iugulatis, aut in exilium & servitutem abreptis: ita S. Hieron. Theodoret. Haymo, Lyranus & Chald. qui addit, Iudæos ideo vocari Chananæos, quod scelestis moribus suis similes essent Chananæis s. Denique DISPERIERUNT OMNES INVOLUTI ARGENTO, id est opibus cincti & circumsepti, indeque superbiebant ac protervientes, inquit S. Hieron. LXX. *elevati argento*; alii, *portatores argenti*. Talibus enim vel maxime inhiabunt Chaldaei. Porro ne quis evadat,

V. 12. SCRUTABOR per Chaldaeos urbem totam IERUSALEM IN LUCERNIS, omnes urbis & ædium latebras excutiendo & rimando, ne quis incolarum se subducatur. Simili studio etiam Romanos investigasse Iudæos sub Vespasiano & Tito, cum cloacas quoque ac sepulcra excuterent, testis est Iosephus r, & ipse in spelunca ab iisdem deprehensus. Anagogice in die iudicii Deus infinita sua scientia & perspicacia scrutabitur & deteget omnia conscientiarum arcana, inquit Apostolus, & etiam Ecclesiasticus. Unde & Ecclesia in Officio defunctorum omnia hæc & sequentia adaptat diei iudicii.

V. 16. DIES TUBAE SUPER ANGULOS EXCELSOS, id est super *turres excelsas*, ut Tigurini vertunt, quæ sunt in angulis palatiorum; quasi dicat: Celerrime involabunt Chaldaei etiam in altissimas turres, ut inde tubis proclamant victoriam, & insonent triumphum de vobis devictis.

(a) Proleg. de Idiostismis Hebr. num. XLIX.

(b) Pineda in Job XXXIV. 14. num. 5.

(c) IV. Reg. XXXII. 5.

(d) Ierem. VII. 28. 44. 25.

(e) Levit. XVIII. 21. & I. Paral. XX. 11. Ierem. LXIX.

1. Amos I. 15. 6. 26.

(f) Isa. XXXIV. 6. Ierem. XLVI. 10. Ezech. XXXII.

17.

(g) IV. Reg. ult. vers. 7.

(h) Ibid. vers. 18. 21. 21.

(i) Ezech. XXXIII. 12. & II. Mach. IV. 13.

(k) Amos VI. 1.

(l) Math. XV. 6. & cap. XXXII. 14.

(m) II. Paral. XXXIII. 14.

(n) Solign. & alii apud Adrichom. in terra Sancta.

(o) Villalp. de Apparatu urbis p. I. Lib. III. cap. IX.

(p) Ierem. XXXIII. 3. & IV. Reg. XXXI. 14.

(q) Ioseph. L. b. VII. Antiqu. & de bello Lib. VI. cap. VI. 19. dec. Villalp. sup. & Lib. II. cap. XII.

(r) III. Reg. 14. 14.

(s) Ezech. XVI. 11. Daniel. XIII. 56.

(t) Ioseph. Lib. III. Bellic. XIV. & Lib. VII. cap. XVII. 26. 30. Hebr. XV. 12. Ezech. XXXII. 27.

G O R D O N I.

Verf. 1. C Ongregabit Deus Iudæos, & quæ eorum sunt omnia, & tradet Chaldaeis in captivitatem una cum ministris idololatriæ; & eos, qui declinant, & avertunt se a facie Domini seu post tergum; ergo, inquit, silete in reverentia præ timore coram Domino: præparati estis in hostiam mandandam a Chaldaeis, vers. 5. Iurant, coniungendo invocationem Dei, simul & idola: vel certe in idolos, tamquam in Deo.

V. 10. ET ERIT IN DIE ILLA, &c.

En clamores Iudeorum irrumpentibus Chaldeis in urbem per portam piscium (spectabat porta hæc mare, unde pisces inferebantur) & ululatus a secunda porta; quippe quæ erat in secundo muro. De triplici muro Ierosolymæ Adriehom. ad pag. CXLIV. in mappa urbis.

V. 11. ULULATE HABITATORES PILÆ. Adrichomius in descriptione urbis Ierosolymæ, ait Pilam esse vallem Cedron. Chald. torrentem Cedron inter Ierusalem & montem Oliveti: omnes etiam divites; & auro involutos scrutabitur Dominus; eos etiam qui negantes providentiam, affirmant Deum non habere curam bonorum & malorum: de portis Ierusalem Eldæ, II. cap. IV.

V. 14. IUXTA EST DIES, &c. Describit calamitatem magni illius diei, & captivitatis sub Chaldeis: hæc etiam ad diem iudicii accommodat Hieronymus, similia habentur Ioelis II.

EX EIUSDEM AUCTARIO.

Vers. 2. Congregare designat aliquando mortem ut congregare ad patres, & supra Abacue III. 16. Hic proprie est in captivitate coacervare.

Vers. 5. SUPER TECTA: erant plana. MELECHON, Moloch, peribunt; iurant vel colunt utrumque: nam solus Deus latraria coli debet.

Vers. 7. SILETE, timete.

Vers. 8. VESTE PEREGRINA. Vestis hæc externæ nationis præter levitatem, sapiebat etiam quandam professionem mutæ religionis.

Vers. 12. SCRUTATOR ERIT PER CHALDÆOS. DEFIXOS IN FACIBUS. Bene sibi esse putant, ut vinum, quod bene in facibus conservatur. NON FACIET BENE: vox Atheorum est negantium providentiam.



C A P U T II.

Hortatur Propheta populum ut ad Deum convertatur, priusquam ira Domini ei superveniat, omnesque mansuetos terra ut Dominum quarant: denuntiāns destructionem imminere Philisthis, Moabitis, Ammonitis, Aethiopibus & Assyriis.

1.  Onvenite, congregamini gens non amabilis: 2. Priusquam pariat iussio quasi pulverem transeuntem diem, antequam veniat super vos ira furoris Domini, antequam veniat super vos dies indignationis Domini. 3. Querite Dominum omnes mansueti terræ, quæ iudicium eius estis operati: querite iustum, querite mansuetum, si quomodo abscondamini in die furoris Domini. 4. Quia Gaza destructa erit, & Ascalon in desertum, Azotum in meridie eicient, & Accaron eradicabitur. 5. Væ qui habitatis funiculum maris, gens perditorum: verbum Domini super vos Chanaan terra Philisthinorum, & disperdam te, ita ut non sit inhabitator. 6. Et erit funiculus maris requies pastorum, & caulæ pecorum: 7. & erit funiculus eius, qui remanserit de domo Iuda: ibi pascuntur, in domibus Ascalonis ad vespere requiescent: quia visitabit eos Dominus Deus eorum, & avertet captivitatem eorum. 8. Audivi opprobrium Moab, & blasphemias filiorum Ammon: quæ exprobraverunt populo meo, & magnificati sunt super terminos eorum. 9. Propterea vivo ego, dicit Dominus exercituum Deus Israel, quia Moab ut Sodoma erit, & filii Ammon quasi Gomorrha, siccitas spinarum, & acervi salis, & desertum usque in æternum: reliquæ populi mei diripient eos, & residui gentis meæ possidebunt illos. 10. Hoc eis eveniet pro superbia sua: quia blasphemaverunt, & magnificati sunt super populum Domini exercituum. 11. Horribilis Dominus super eos, & attenuabit omnes deos terræ: & adorabunt eum viri de loco suo, omnes insule Gentium. 12. Sed & vos Aethiopes interfecti gladio meo eritis. 13. Et extendet manum suam super Aquilonem, & perdet Assur: & ponet speciosam in solitudinem, & in invium, & quasi desertum. 14. (a) Et accubabunt in medio eius greges, omnes bestię Gentium: & onocrotalus & ericius in liminibus eius morabuntur: vox cantantis in fenestra, corvus in superliminari, quoniam attenuabo robur eius. 15. Hæc est civitas gloriosa habitans in confidentia: quæ dicebat in corde suo: Ego sum, & extra me non est alia amplius: quomodo facta est in desertum cubile bestię? omnis qui transit per eam, sibilabit, & movebit manum suam.

(a) Isa. XXXIV. 12.

BRUGENSIS

ROMANA CORRECTIO.

Vers. 2. Antequam venias super vos dies in-

dignationis Domini. Non est omittenda hæc pericope, ut fit a multis.

G O M M E N T A R I A

S A.

Vers. 1. **C**ONVENITE, scilicet simul ad placandum Deum per preces & poenitentiam. **NON AMABILIS**, scilicet Deo; vel quasi dicat, Indigna amore. **Chald. nolens converti. LXX. indisciplinata, seu inrudita.**

V. 3. **IUSSIO**, scilicet Dei. **PULVEREM TRAEUNTEM**, scilicet derепente, & obcæcantem, vel inquinantem. **DIEM**, scilicet calamitatis, iunge cum *pariat*, id est afferat. **LXX. antequam sitis, quasi flos transiens die.**

V. 3. **MANSUETI. LXX. humiles. IUDICIUM**, id est precepta. **QUÆRITE**, scilicet omnes. **IUSTUM**, & **MANSUETUM**, id est iustitiam, & mansuetudinem. **Chald. veritatem & mansuetudinem. St quomodo. LXX. ut. ABSCONDAMINI**, id est evadatis. **Chald. & LXX. protegamini: sic Psal. xxvi. Abscondit me, &c.**

V. 4. **DESTRUCTA**, scilicet a Chaldeis **DESERTUM**, scilicet redigetur. **MERTDIE**; quasi dicat, Media luce, scilicet in omnium oculis. **ETICIENT**, scilicet in captivitatem.

V. 5. **FUNICULUM**, id est partem; funiculo enim terræ dividebantur; quasi dicat, Oram maritimam Palæstinae. **PERDITORUM**, id est periturorum, vel perditionum, scilicet alios. **Hebr. Cheræbeorum**, de quibus II. Reg. viii. ubi *Cerethi* dicuntur, scilicet Palæstini quidam dediti militiæ, virique fortes. Vide I. Regum xxx. & Ezech. xxv. ubi vocantur ab interprete *interfectores*. Quidam tamen putant omnes Palæstinos ita dici, quod essent egregii milites. **LXX. Cretensium**; sic aut etiam veterunt Ezech. xxv. **SUPER VOS CHANAN**, id est contra Palæstinos, qui erant Chananxi. Vide Ios. xiii.

V. 6. **FUNICULUS**, scilicet pars, seu possessio. **MARIS**, scilicet Philisthæi ad mare habitabant. **REQUITES**, &c. quasi dicat, Ibi, ut solet in locis desertis, pecora

pascent, scilicet vastarunt etiam Palæstinos Chaldæi. Vide Ierem. xlvi. Ez. ech. xxi.

V. 7. **REMANSERIT**, scilicet rediens ex captivitate. **PASCENTUR**, scilicet a Iudæis possessoribus tunc eius regionis. **AVERTET. Chald. reducet.**

V. 8. **BLASPHEMIAS. LXX. contumeliam. Chald. elationem. POPULO MEO**, scilicet cum abduceretur a Chaldeis. **MAGNIFICATI SUNT**, id est insolenter, seu superbe egerunt. **SUPER**, id est contra, quasi possessori ipsi, vel quasi merito vastati sint ab hostibus suis Iudæi, scilicet insultabant Iudæis victis.

V. 9. **UT SODOMA**, scilicet destructa penitus. **SICCITAS, &c. explicatio præcedentium**; quasi dicat, Redigentur in locum plenum siccis spinis. **Chald. locus derelictus carduis. ACERVIS SALIS**; pro, velut acervi salis; quasi dicat, Sterilis. **ÆTERNUM**, id est longum tempus. **RELIGIÆ**, scilicet post captivitatem Babylonicam. Quidam factum dicunt tempore Machabæorum, & deinceps: forte de Christianis intelligitur.

V. 10. **SUPERBIA. LXX. contumelia. BLASPHEMAVERUNT. Chald. & LXX. exprobraverunt. MAGNIFICATI SUNT**, id est superbierunt. **SUPER**, id est contra.

V. 11. **HORRIBILIS. Chald. terribilis. ATTENUABIT. LXX. disperdet. VIRI. Hebr. vir**, id est quisque. **LXX. quisque. DE**; pro, in. **Loco suo**; quasi dicat, Non ut olim solum in Ierusalem. **OMNES**; pro, omnes etiam. August. epist. lxxx. de Divinat. dæm. cap. ix. **INSULAE**, id est loca ad quæ mare itur.

V. 12. **GLADIO MEO**, scilicet per Nabuchodonosor.

V. 14. **EXTENDET**, scilicet Chaldeus, vel Deus; scilicet per Chaldeos. **ASSUR**, id est Assyrios. **SPECTOSAM. Hebr. Chald. & LXX. Ninivem.**

V. 14. **BESTIÆ GENTIUM**, scilicet vicinarum. **LXX. fera terrarum. Chald. fera-**

parum. ONOCROTALUS. Avis est similis cygno: vocatur sic a sono asini, quem edit: *וֹאֵס*; *asinus*, *וּסְרָאֵר* sonare: dicitur & *pellicanus*. LXX. *leones*. LIMINIBUS, scilicet domorum diuturnarum. CANTANTIS, scilicet avis; subaudi, auditur, vel sonabit, vel quasi dicit, Pro aviculis olim cantantibus succedet corvus.

V. 15. GLORIOSA. Chald. *potens*. LXX. *malis dedita*. ALIA, scilicet mihi conferenda. DESERTUM. Chald. & LXX. *desolationem*. CUBILE. LXX. *pasqua*. STABILABIT, scilicet per irrisiōnem, vel admirationem. MOVEBIT, scilicet vel complodens, quod est latans; vel extendens, quod est mirantis vel irridēdis. MANUM SUAM. LXX. *manus suas*.

E S T II.

Verf. 3. **Q**UAERITE DOMINUM OMNES MANSUETI TERRAE, QUI IUDICIUM EIUS ESTIS OPERATI, QUAEITE IUSTUM, QUAEITE MANSUETUM. Queritur, quare hæc non sit superavancæa prophetæ exhortatio, cum eo ipso mansueti sunt, iam antea Dominum quaesierint? Respondeo, quando *impiis* dicitur, *Diligite Dominum*, monentur facere id quod antea non faciebant; quando autem *reliis corde* dicitur, *Diligite Dominum*, monentur amplius & diligentius facere quod antea faciebant. Ita & cum dicitur *malis & duris*; *Quærite Dominum*, monentur facere, quod non faciebant; quando autem *mansuetis* dicitur, *Quærite Dominum*, (ut hoc loco) monentur, cum quem querebant, maiori studio & devotione querere. Querere autem Dominum non est aliud quam querere regnum Dei, & iustitiam eius, ut in Evangelio dicitur. Ex quo intelligitur iustitiam queri a iusto, ut iustificetur amplius, iuxta illud Apocalyp. xxii. *Qui in iustus est, iustificetur adhuc*, ubi termini mutationis sunt, (ut philosophice loquamur) minor iustitia, & maior; sicut in accretione minor & maior quantitas.

M A R I A N A E.

Verf. 1. **C**ONVENTE, CONGREGAMINI, id est consulite, quid vobis agendum sit, aut recedite a malo per poenitentiam. Hebr. *scrutamini vos ipsos*

(scilicet malos vestros mores) & *scrutamini*, scilicet alios increpate. *וְשֹׁרֵץ* *Ka-fas*, congregare & scrutari significat. Eadem utroque modo sententia. GENS NON AMABILIS. R. Ioseph Kimhi, *o gens sine pudore*. Chald. *gens, quæ non vultis converti ad legem*.

V. 2. PRIUSQUAM PARIAT IUSSU, decretum, id est veniat dies excidii. QUASI PULVEREM TRANSEUNTEM DIEM. Hebr. *quasi gluma* (palea tenuis) *transit die*. Per diem ventilantur arex. Ergo decretum id, ut gluma, cito veniet. Aut supple, Quo decreto peribitis, ut gluma per diem: sic Hebræus.

V. 3. MANSUETI, id est iusti. Ex una virtute ceteras intelligit. QUAEITE IUSTUM, quod iustum. Hebr. *institiam*, & *mansuetudinem*. Scrutamini eas, St quomodo abscondamini; hoc est, evadatis, ut qui se in latebras condunt.

V. 4. QUIA GAZA DESTRUCTA ERIT, sive *reliis*. IN DESERTUM, desolationem. IN MERIDIE EFFICIENT, non per insidias, sed palam in captivitate agent. Qui? Chaldæi, non Iudæam tantum, sed vicinas Philistinorum urbes vastabunt. ET ACCARON ERADICABITUR, a fundamentis convellatur. Ea est vis verbi Hebræi *וְיִהְיֶה חָקָר*. Porro in *Gaza* & *Accaron* Hebr. paronomasie sunt, quas Latina lingua non exprimit. Indicasse sit satis.

V. 5. VAE QUI HABITATIS FUNICULUM MARIS, id est oram maritimam. Funiculis dividebant agros. Sic ager, prædia, *funiculus* vocantur. Chald. *portus maris*. GENS PERDITORUM. Hebr. *gens Ceretharum*. Pars Palæstinae erat ad mare versus Sidonem. Sept. *advēne Cretensium* pro *Cerethensium*. De quo Ezech. xxv. 16. *plura*. CHANAAN TERRA PHILISTINORUM. Palæstina erat pars Chanaan, aut e contrario. Vastitatem iis regionibus minatur.

V. 6. ET ERIT FUNICULUS MARIS. Reddeat oram maritimam. REQUES PASTORUM. Hebr. *habacula fossa pastorum erit*. In latere montis fodiebant pastores specus. ET CAULAE PECORUM. Hebr. *septa*, id est caule.

V. 7. ET ERIT FUNICULUS. Ibi comma, id est ea ora maritima cedit. Quibus? iis qui remanserint & tribu Iuda post captivitate. ETUS, QUI REMANSERIT DE DOMO IUDA. E Iudæorum numero & stirpe. IBI PASCENTUR, Hebr. *in illis*, scilicet

hiet urbibus aut agris *pascuntur*, pro, pascunt greges. *REQUIESCENT*, cubabunt. Erunt illarum domus pro mopalibus. Eos, scilicet Iudaeos visitabit in bonum Deus. Non ibunt captivi ut alii.

V. 8. ET MAGNIFICATI SUNT SUPER TERMINOS EORUM. Hebr. *magnificaverunt* (scilicet os suum, probra iactarunt) *Moabitis super terminum eorum*, id est regionem Iudaeorum, videntes eam desolatam. Vertit sermonem ad Moabitas & Ammonitas.

V. 9. MOAB UT SODOMA ERIT, id est desolabitur. *STECITAS SPINARUM*. Hebr. *ortus urticae*. Totum agrum urticae & spinarum operiet. ET ACERVIS SALIS. Sic Sept. Chald. *sedine salis*. Sed melius *cumuli salis*: nam *מִכְרֵב michreb*, cumulum significat. Hebr. Schol. Ego per *sal*, nitrum in telligi, quod provenit in terra sterili. ET DESERTUM, desolationem. POSSEDEBUNT Iudaei, seu hereditabunt. Iudaeos regionem Moab & Ammon occupasse constat ex I. Machab. v. & Iosepho Lib. XIII. cap. XXI. & XXII. tum ex Iosepho Gorionis Lib. IV. cap. XII.

V. 10. ET MAGNIFICATI SUNT, magnificaverunt, ut vers. 8. super populum Domini.

V. 11. ET ATTENUABIT OMNES DEOS TERRAE. Detrahet Deus illis diis vires, ne suis cultoribus saveant. *VERI*. Hebr. *vir*; id est, quique de loco suo adorabit Deum verum, non in sola Iudaea, sed per totum orbem, quod per Christum est factum. Et Iudaei ipsi, teste Hieronymo, quae hic dicuntur, omnia ad Messie tempora referunt. OMNES INSULAE. Sic vocabant Provincias longinquas, ad quas ibatur mari. *Omnes*, pro, *omnes etiam insulae*, ut Augustinus legit epist. LXXX.

V. 12. VOX AETHIOPIES. Ex Aethio pia Asiatica Iudaeis molestiam praebitam verisimile est, quas gladio vindicare vult.

V. 13. SUPER AQUILONEM, contra Aquilonem extendet manum. ET PONET SPECTOSAM. Hebr. *ponet Ninivem caput Assyriae*, scilicet in solitudinem. Verum quoniam *Ninive*, *speciosam* significat, & quidam, quae hic dicuntur de Babylone intelligebant, de qua Isaías cap. XXXIV. II. similia vaticinatus est, ideo Hieronymus *speciosam* vertit. Sed Sept. Chald. & alii

omnes *Ninivem* ponunt. ET IN INVIVUM, sive in succitatem ponet. Memento Assyriam ad Aquilonem esse Iudaeam comparatam.

V. 14. OMNES BESTIAE GENTIUM, scilicet vicinarum Gentium armenta in ea pascantur. ET ONOCROTALUS. Alii *pellicanus*. Et quidem *onocrotalus* sic dictus, quia rudis ut asinus. *Croto* Hispanice, avis magna, credo ex anserum genere; nam Hieronymus *onocrotali* duo genera facit, aquaticale & silvestre. ET ERCTUS. Alii, *noctua*; alii, *testudo*. IN LEMENTIBUS EUS, in *superliminaribus*, quae *capitulum* Hebr. vocantur, id est *poma*; quoniam ea in superliminari infelpuntur. MORABUNTUR, aut *pernoctabunt*. VOX CANTANTIS. Hebr. *vox* (scilicet *avium*, ut Chald.) *cantabit in fenestra*, nullo scilicet prohibente. CORVUS IN SUPERLIMINARI. Hebr. *desolato in limine*; hoc est, usque ad limen perveniet. Sept. *corvi in portis eius*. Itaque tam illi, quam Hieronymus pro *בָּרֵב bareb*, id est *desolatione*, legerunt *עֵרֵב* id est *corvus*. QUONIAM ATTENUABO ROBUR EUS, scilicet illius vires debilitabo, ne cladi possit resistere. Hebr. *quia eadem eius* (tigna) *nudavit*, hostis scilicet evertit, propterea ruina ad limen perveniet, id est funditus evertetur domus.

V. 15. NON EST ALIA AMPLIUS, quae scilicet mei comparatione civitatis nomen mereatur. Sic Ninive dicebat. FACTA EST IN DESERTUM, in desolationem. CUBILE BESTIAE; pro, *bestiarum*. STIBILABIT. Viator scilicet, hoc est, ex contemptu. ET MOVEBIT MANUM SUAM, ut altera manu tacta complodat, quod latitiae erit. Alii de eius interitu mœreant, alii lætabuntur.

M E N O C H I I.

Verf. 1. CONVENITE: scilicet simul ad placandum Deum per preces, & poenitentiam. NON AMABILIS; scilicet Deo: amore indigna. LXX. *indisciplinata*, seu, *inordinata*. Chald. *Nolens converti*.

V. 2. PRIUSQUAM PARIAT IUSSIO, &c. convenite ad preces publicas, antequam Deus iussu suo pariat, & producat diem excidii Ierusalem, & captivitatis Babylonicæ, qui dies venit sicut *pulvis transiens*,

fiens, scilicet qui a vento rapitur, id est, venit subito, & cum impetu.

V. 3. OMNES MANSUETI TERRAE, id est humiles. Ex una virtute vult ceteras intelligi, ac si diceret: Omnes iusti, qui in hac gente reliqui estis. IUDICITUM ESTIS OPERATI, id est, id quod iustum est, & æquum, hoc est id quod lege præscribitur. QUÆRITE IUSTUM. In Hebræo est, *Quærite iustitiam*: quærite Deum, qui iustus est, & mitis. Vel, quærite, & sectamini ipsas virtutes iustitiæ, & mansuetudinis. St quo modo abscondamini; quasi dicat: Tanta erit acerbitas supplicii, ut vix etiam iusti liberentur.

V. 4. QUIA GAZA DESTRUCTA ERIT, &c. quasi dicat: Multum sane vobis timeandum est Iudei, quos Deus præcipue flagello Chaldeorum petit, nam etiam Gaza, & alix Palestinæ urbes, Azotus scilicet, Accaron, & Ascalon, quæ per occasionem tantum vestram, cladis erunt participes, destruentur. IN DESERTUM. In Hebr. est, *in desolationem*, scilicet erit. IN MERIDIE ERICIENT: meridie, clara luce, aperto Marte, non ex insidiis deicient, & evertent.

V. 5. FUNICULUM MARIS: tractum maris, oram maris Palestinæ. GENS PERDITORUM. Hebr. *Gens Cerethim*. Porro vox *Cerethim* vel est nomen proprium gentis, ut accipiunt LXX. qui vertunt *æcola Cretensium*; vel est appellativum, ut accipitur a vulgato, & aliis, qui vertunt, *Gens perditionis*, vel *Gens vastatrix*. Vel passive, *Genus exterminatum*, vel, *Gens interficienda*. Alloquitur ergo propheta Cerethæos, qui incolebant Australem plagam Palestinæ, & ex etymologia captat illos irridendi occasionem; quasi dicat: Vos estis interfectores, & vastatores, & vastabimini, & interficiemini. VERBUM DOMINI SUPER VOS CHANAAN, &c. quasi dicat: Verbum Domini, & decretum ultionis contra vos Philistæos, qui estis Chananzæ, significat non solos Cerethim, sed omnes omnino Philistinos vastandos esse.

V. 16. REQUES PASTORUM, ET CAULAS PECORUM: ita a Chaldeis vastabitur ora illa, ut habitatoribus occisis, vel abductis vertenda sit in pascua armentorum, & caulas gregum.

V. 7. ET ERIT FUNICULUS, &c. & tractus ille adeo destruetur, ut Iudei reli-

qui ex captivitate redeuntes possessuri sint illum, & greges suos, & armenta in illum acturi, ut ibi pascantur. AD VESPERAM REQUIESCENT: cum e pascuis oves revocantur ad caulas, agentur ad dirutas illas ardes, ut ibi nocturno tempore stabulentur. QUIA VISITABIT EOS: scilicet Iudeos, qui remanserint in Babylone. AVERTET CAPTIVITATEM: captivos per Cyrum remittet in Iudæam.

V. 8. AUDIVI; quasi dicat: Aderam, & audiebam, licet hominibus abesse viderer, quia non puniebam. OPPROBRATUM MOAB, &c. id est, probra, & convicia, quæ in vos, o Iudei iactarunt Moabitæ, & Ammonitæ. Insularunt enim vobis domum Ierusalem caperetur a Chaldeis, ideo scelus eorum impune abire non patiar. MAGNIFICATI SUNT SUPER TERMINOS EORUM. Hebr. *Magnificabat or suum*, &c. superbe, & arroganter locuti sunt, & minati se invasuros fines Iudeorum, quos desertos videbant, & irridentes eos, partem eorum sibi vendicabant. Vide Ezech. xxxv. 11. & Abdiæ num. 12.

V. 9. MOAB UT SODOMA ERIT, id est evertetur funditus. SICCITAS SPINARUM, ita deserta, ut nihil ibi possit inveniri præter spinas, quæ etiam arefcunt sponte, solo maligne succum, & alimentum illis suppeditante. ET ACERVI SALIS. Salsuginosa fiet, & sterilis, aut inundatione vicini maris mortui, quod mare salis Scriptura appellat; aut Dei peculiari flagello, ventis terram fructiferam in salsuginem, ut dicitur Psalm. cvi. RELIQUIÆ POPULI MEI: e Babylone redeuntis.

V. 11. HORRIBILIS DOMINUS, &c. id est, terribilem, & formidabilem se ostendet Deus contra has nationes. ATTENUABIT. LXX. *Disperdet*. ADORABUNT EUM VIRI DE LOCO SUO; id est, unusquisque in patria sua verum Deum adorabit. Non adorabitur in sola Iudæa, sed ubique. OMNES INSULAE GENTIUM: scilicet adorabunt eum. Hebræi *insulas* vocant omnes regiones, ad quas e Iudæa non nisi navigio adiri potest.

V. 12. SED ET VOS AETHIOPE, &c. Hæc non coherrent cum proximo versiculo, sed necessaria sunt cum dictis supra num. 9. quasi dicat: Moabitæ, Ammonitæ, & vos Aethiopes vastabimini, & interficiemini.

V. 13. EXTENDET MANUM: scilicet Chaldeus victor. ASSUR, id est Assyriam. PONENT SPECIOSAM IN SOLITUDINEM. In Hebræo est, *Ponet Ninive in desolationem*. Ninive enim *speciosam* significat. IN INVIVUM: locum desertum, & humanis vestigiis non signatum.

V. 14. OMNES BESTIÆ GENTIUM: scilicet, vicinarum, quæ eo adducunt suos greges, ut herbidum Ninives solum depascantur. ONOCROTALUS: est avis cygno similis, ita dicta a sono quem edit, absono, & incondito, ut quodammodo rudentem alinum videatur referre; hæc enim est asinus, & *apæros* sonitus, vel crepitus. Vide dicta Levit. xi. 18. ERUCTUS: de quo vide dicta Isa. xiv. 23. Ut expressius significat magnam vastitatem futuram, meminit avium, & animalium, quæ non morantur nisi in solitudine. VOX CANTANTIS IN FENESTRA; quasi dicat, In fenestris iam desolatis, & desertis confidebunt, canentque aviculæ, nulli enim erunt habitatores qui abigant. QUONIAM ATTENUABO ROBOR EIUS: extenuabo, & ad nihilum redigam robor Ninives, quæ nunc florentissima civitas est.

V. 15. HÆC EST CIVITAS, &c. insultat propheta ruinæ superbiæ civitatis. HABITANS IN CONFIDENTIA: secure agens, & sibi nihil timens. EGO SUM: sola ego sum, & ceteræ urbes mecum collatæ nihil sunt. SIBILAVIT, &c. sibilò, & complusione manuum irridebit, & insultabit.

T I R I N I.

Verf. 1. GENS IUDÆA NON AMABILIS; Pagninus, *non desiderabilis*, sed odibilis, invisa & exosa, tum Deo, propter vestra scelera; tum vicinis gentibus, propter religionis & politice differentiam, inquit Pineda a; CONVENITE IN UNUM, CONGREGAMINI in publicum cœtum, ut unanimi prece, lamento ac poenitentia communem Deum placetis, ipsique quasi vim facialis, & flagellum quod manu tenet, extorqueatis.

V. 2. PRIUSQUAM IUSIO divina PARIAT vobis diem excidii & exilii TRANSEUNTQM QUASI PULVEREM, id est instar turbinis, qui pulverem & paleas violentur dispergit, ac celerissime transit, omnia

Bib. Sac. Tom. XXII:

deicientem, & vastantem, miscentem, diripientem & auferentem, inquit S. Hieron. Theodor. Remigius, Hugo & Lyranus.

V. 13. QUÆRITE fugientem, placate iratum DOMINUM, saltem vos OMNES quotquot superestis in hac terra humiles, MANSUETI, iusti. Vos vero qui iusti aut mansueti non estis, QUÆRITE quod iustum est & MANSUETUM; id est, conamini per poenitentiam evadere iusti & mansueti. Hebraice est, *quærite iustitiam & mansuetudinem*. Insinuat Propheta, unicum, sed certissimum lenientiæ iræ divinae remedium esse, resipiscantiam & mansuetudinem, ut patuit in Moysè, Davide b, & aliis.

V. 7. AZOTUM, id est Azoti incolæ, (& reliquas etiam Philistinorum satrapias, quas hic enumerat) EFFICIENT e suis arcibus & urbibus Chaldaei non dolo, vel occulta fraude, sed aperta vi, clara luce collatis signis, IN MERIDIE: ita S. Hieronymus, Remigius, Albertus & Hugo. Quod si Philisthæos & alios infideles qui me non noverunt, tam severe ob idololatricam & in proximum perfidiam ac crudelitatem puniam; quomodo vos o Iudæi, qui mihi tam arte devincti, obstricti & adstricti, iisdem sceleribus me irritati, impune id vobis cessurum sperare potestis?

V. 5. FUNICULUM e MARIS vocat partem vel oram maritimam, quam ut hereditariam incolebat GENS Cerechim, id est gens perditionis, seu perditioni destinata.

Nota autem regionem illam Philisthæorum ad Meridiem d, e qua David cohortem suam prætoriam e olim sublegit, de qua alibi f; quasi dicat: Vos o Cerechim soletis perditionis esse alii, iam vobis ipsis eritis. Dicimini perditiores, sed iam ipsi perdemini a Chaldæis.

V. 7. FUNICULUS, seu terra ista Philisthæorum in Chanaanitide, ERIT aliquando EIUS QUI REMANSERIT superstes DE DOMO IUDÆA; id est, abductis vel excisis per Chaldæos Philisthæis, terra illorum eedet olim reductis ab exilio Iudæis, qui illa utentur pro *pascuis recorum* suorum. Quod contigit sub Machabæis g.

V. 8. MOAB ET AMMON, qui MA-

S

GNI-

GNIFICATI, id est magnis ac superbis animis elati, SUNT SUPER TERMINOS Iudæorum, iactantes, quod excisus a Chaldæis & vastatos illorum fines invasuri essent & occupaturi; vice versa excisi ipsi funditus instar Sodomez & Gomorrhæ, cedent prædam Iudæis sub Iuda Mach. *b*, eiusque nepote Alexandro *i*, ut dixi in Abdia *k* & Ezech. Allegorie, Christus & Apostoli deviecerunt & possederunt Philistinos, Ammonitas & alias barbaras gentes, uti de Gaza & Azoto constat ex Actis Apostolorum.

V. 9. ERUNT SICCITAS SPINARUM; id est, nihil in eis reperitur præter siceas spinas, ET ACERVIS SALIS ex inundatione maris *m* mortui cui vicina Moabitibus & maris Galilææ, cui adiacet Ammonitis.

V. 11. ATTENUABIT DEUS, id est consumet, OMNES falsos DEOS universæ TERRÆ: Chaldæi diripiunt illosum statuas: Machabæi etiam cultum & adorationem eorumdem adiment Moabitibus & Ammonitis, Idumæis, & aliis gentibus, ut dixi in Abdia *n*. Sed omnem idololatriam funditus exstinctet Christus per Apostolos & discipulos suos, inquit Eusebius *o*, S. Hieron. August. *p* Theodor. Remigius, & alii passim. Nam in solum legis Evangelicæ tempus quadrat quod sequitur: ADORANT DEUM & sacrificiis colunt veri; id est, singuli singularum nationum, non in una urbe Ierololyma, ut solebant Iudæi, sed ubique terrarum, singuli IN LOCO SUO, id est in regione sua: OMNES INSULAE GENTIUM. Per insulas intelligunt Iudæi quicquid ipsis trans mare erat, & navibus adiri debebat, ut alibi *q* dixi: ita S. Chrysost. a Castro, & a Lapide & alii.

V. 12. SED ET VOS ÆTHIOPE interficiemini eodem GLADIO MEO: Chaldaico corporaliter, Evangelico spiritualiter. Quia enim etiam ipsi Iudæis aliquando interfuerunt; ideo puniendi dicuntur, ut egregie puniti sunt a Nabuchodonosore, una cum Ægyptiis Æthiopix adiacentibus, itemque a Cyro, & a Cambyse, ut inquit S. Hieron. & Iosephus; & Isaias ita futurum dicit prædixerat. Sed & convertendi prædicantur ad Christum a regio Propheta Psalmo LXVII. 32. & alibi *r*. Pli-nius *u* vult Æthiopix nomen inditum ab Æthiopæ filio Vuleani. Sed alii id dedu-

cunt *a, d, o*, id est eremo, & *z, l*, id est aspectu, eo quod vultu sint quasi exulto, propter solis vicinitatem & ardorem.

V. 13. EXTENDET ETIAM DEUS per Nabuchodonosorem, MANUM ULTRICIUS SUAM SUPER AQUILONEM, id est super Assyriam, quæ Iudæis est Aquilonaris: ET REGIAM urbem Ninivem (ita habent Hebræa, Chaldæa & Græca) id est, SPECIOSAM & PONET IN SOLITUDINEM, uti prædixerunt etiam Ionas & Nahum: ita S. Hieron. Theodor. Remigius, Lyran. Vatablus, Ribera, a Lapide. Factum id 13. anno regni Iosæ, ut alibi *y* dixi. Ex quo loco constat, Sophoniam non sub finem, sed sub initia regni Iosæ prophetasse.

V. 14. OMNES BESTIÆ GENTIUM vicinarum ACCUBABUNT IN HERBIDO & pingui Ninives solo, inquit S. Hieron. & alii iam citati. De enocrotalo & ericio *z* alibi dictum. Per cantantem IN FENESTRA intelligit aviculas silvestres. Per quas designat, summam fore Ninives desolationem, utpote quæ non amplius hominum, sed silvestrium & solivagorum animalium habitationi sit deservitura.

(a) Pineda Lib. I. de Regus Salom. cap. 7.

(b) Num. XII. 3. & Exod. XXXII. 32. Isam. XXXII. 1.

(c) Psal. XV. 4.

(d) I. Reg. XXX. 24.

(e) II. Reg. XV. 18. t. Paral. XVIII. 17.

(f) Ezech. XIV. 14.

(g) I. Mach. V. ult. cap. X. 24. & seqq. Abdie XXX.

(h) I. Mach. V. 4.

(i) Ioseph. Lib. XII. Antiq. cap. 21. & Lib. I. Belli cap. 311.

(k) Abdie vers. 12. & c. Ezech. XXV. 2. & 8.

(l) Actos. VIII. 26. & 40.

(m) Genes. XXX. 25.

(n) Abdie vers. 16. 18. 20. & c.

(o) Euseb. Lib. II. Demonst. Evang. cap. XVI.

(p) August. Lib. XVIII. Civ. cap. XXXIII.

(q) Isa. XXXII. 2. Jerem. XXV. 22. & I. Mach. II. 1. Chyloph. cont. 11. cont. Iudæos.

(r) II. Par. XIV. 9.

(s) Ioseph. Lib. X. Antiq. cap. 21. & IV. I. cont. Apion. Isaias XX. 1.

(t) Psal. LXXXVI. 5.

(u) Plin. Lib. VI. cap. XXX.

(v) Proleg. de Idiomaticis Hebr. n. XXII.

(y) In Proleg. Nahum, & Chronici cap. XIII. ibi citato.

(z) Deut. XIX. 15. Psal. CIII. 18. Isaias XIV. 23. & XXIV. 21. 31.

GORDONI.

Vers. 1. **C**ONVENITE, &c. Sophonias qui eodem tempore quo Ieremias prophetauit, accedit omnino ad Ieremias argumentum, & prophetandi modum, ut haec apparet, & hic (ut passim Ieremias) hortatur Iudaeos populum Deo amabilem, ut conveniant Deum deprecantes; & agant poenitentiam, antequam veniat dies Domini plenus indignatione. Hortatur autem ad preces viros iustos; quia impiorum oratio ad impetrandam hanc veniam parum prodest.

V. 4. **QUIA GAZA DESTRUCTA ERIT**, &c. Vaticinatur, contra Philistinos seu funiculum & possessionem eorum, recensitis eorum urbibus: hae urbes designant scilicet Philistinum.

V. 7. **ET ERIT FUNICULUS**, &c. Hoc inferit obiter, fore ut redeuntes a captivitate possideant terras, & funiculum Philistinorum. Quod factum constat sub Ionatha, & Simeone Machabaeis fratribus, ac demum sub Christo alio sensu.

V. 8. & 9. **AUDITE OPPROBRIUM MOAB**, &c. Extendit vaticinium ad quatuor gentes, scilicet Moabitas, Ammonitas, Aethiopes (scilicet Orientales) & Assyrios: vide de Aethiopibus Habacuc.

Tit. 7. **RELIQUIAE**, inquit, **POPULI MEI DIRIPIENT EOS**; quod factum sub Machabaeis iam dixi, I. Mach.; v. 6. & longe illustrius sub Christo.

V. 11. **HORRIBILIS DOMINUS SUPER EOS**, &c. Dum potentiam praedicat contra has reeclitas nationes, excurret hic in spiritu ad gentium plurimarum subiectionem, quando sub Christo submittent eolla iugo Christianae Ecclesiae, & tandem *vers. 12.* redit ad eladem inferendam per Chaldaeos Aethiopiis orientalibus, ut iam dicebam: de his subactis Aethiopiis Ioseph. Lib. X. Antiq. cap. xi.

V. 13. **EXTENDET MANUM SUAM**, &c. Assyrii sunt versus Aquilonem respectu Iudae per aliquot gradus: hos etiam per Chaldaeos pereuntiet Dominus; & Metropolitim Ninivem: vide de eversione Ninives Nahum II. 1. unde facile apparet hanc eversioem contigisse post tempore Iosiae regis. Onocrotalus ex Hieronymo (& LXX. Levit. xi. 18.) est Pellicanus. Erius noctua putatur: cantus avium in sinistra est nota solitudinis. Onocrotalus, forte quia rudit ut asinus.

EX EIUDEM AUCTARIO.

Vers. 2. **PARIAT IUSO**, antequam veniat dies excidii.

Vers. 4. **IN MERIDIE**: non per insidias, sed aperto Marte.

Vers. 5. **FUNICULUM MARIS**: sunt Philistini ad litus Mediterranei maris. De his obiter, ut magis timeant Iudaei.

Vers. 7. Tanta erit desolatio Philistinorum ut redeuntes a captivitate Babylonica ibi sedes sibi inveniant.



C A P U T III.

Arguit Ierusalem, & præcipue rectores eius, quibus minatur celerrim Deū vindictam, quod neque beneficiis neque flagellis sint ad ipsum conversi: de felicitate novæ legis, ac multiplicatione credentium, pœnaque iniquorum prædicitur.

1.  AE provocatrix, & redempta civitas, columba. 2. Nonne audivit vocem, & non suscepit disciplinam: in Domino non est confisa, ad Deum suum non appropinquavit. 3. (a) Principes eius in medio eius quasi leones rugientes: iudices eius lupi vespere, non relinquebant in mane. 4. Prophetæ eius vesani, viri infideles: sacerdotēs eius polluerunt sanctum, iniuste egerunt contra legem. 5. Dominus iustus in medio eius non faciet iniquitatem: mane mane iudicium suum dabit in lucem, & non abscondetur: nescivit autem iniquus confusionem. 6. Disperdidi Gentes, & dissipati sunt anguli earum: desertas feci vias eorum, dum non est qui transeat: desolatæ sunt civitates eorum, non remanente viro, neque ullo habitatore. 7. Dixi: Attamen timebis me, suscipies disciplinam: & non peribit habitaculum eius, propter omnia in quibus visitavi eam: verumtamen diluculo surgentes corruerunt omnes cogitationes suas. 8. Quapropter expecta me, dicit Dominus, in die resurrectionis meæ in futurum, quia iudicium meum ut congregem Gentes, & colligam regna: & effundam super eos indignationem meam, omnem iram furoris mei: (b) in igne enim zeli mei devorabitur omnis terra. 9. Quia tunc reddam populis labium electum, ut invocent omnes in nomine Domini, & serviant ei humero uno. 10. Ultra flumina AEthiopiarum, inde supplices mei, filii disperforum meorum deferent munus mihi. 11. In die illa non confunderis super cunctis adinventionibus tuis, quibus prævaricata es in me: quia tunc auferam de medio tui magniloquos superbæ tuæ, & non adicies exaltari amplius in monte sancto meo. 12. Et derelinquam in medio tui populum pauperem & egenum: & sperabunt in nomine Domini. 13. Reliquiæ Israel non facient iniquitatem, nec loquentur mendacium, & non invenietur in ore eorum lingua dolosa: quoniam ipsi pascuntur, & accubabunt, & non erit qui exterreat. 14. Lauda filia Sion: iubila Israel: lætare, & exulta in omni corde filia Ierusalem. 15. Abstulit Dominus iudicium tuum, avertit inimicos tuos: rex Israel Dominus in medio tui, non timebis malum ultra. 16. In die illa dicetur Ierusalem: Noli timere: Sion, non dissolvantur manus tuæ. 17. Dominus Deus tuus in medio tui fortis, ipse salvabit: gaudebit super te in lætitia, silebit in dilectione sua, exultabit super te in laude. 18. Nugas, qui a lege recesserant, congregabo, quia ex te erant: ut non ultra habeas super eis opprobrium. 19. Ecce ego interficiam omnes, qui afflixerunt te in
temp.

tempore illo: & salvabo claudicantem: & eam, quæ eiec̃ta fuerat, congregabo: & ponam eos in laudem, & in nomen, in omni terra confusionis eorum. 20. in tempore illo, quo adducam vos: & in tempore, quo congregabo vos: dabo enim vos in nomen, & in laudem omnibus populis terræ, cum convertero captivitatem vestram coram oculis vestris, dicit Dominus.

(a) Eszech. xxi. 27. Mich. xii. 12. (b) Sap. i. 18.

BRUGENSIS

ROMANA CORRECTIO.

Verf. 17. *Silebis in dilectione sua. Retinendum est pronomen tertiæ personæ suæ, non*

substituendum secundæ suæ.
Sequitur. *Exultabis super te in laude. Non præponas his verbis & conjunctionem.*

COMMENTARIA

S A.

Verf. 1. **V** A R. Alloquitur Ierusalem. PROVOCATRIX, scilicet Dei. LXX. *illustris*. REDEMPTA, id est saepe a Deo liberata, vel ex Aegyptoeducta. COLUMBA, scilicet sine intellectu. Vide Ose. vii.

V. 2. VOCEM, scilicet Dei.

V. 3. VESPERE, id est qui vespere oves aggređiuntur fame diurna rabidi. Vide Habac. i. LXX. *Arabia*. NON RELINQUEBANT, &c. quasi dicat, Omnia statim vorantes.

V. 4. PROPHETAE. Chald. *pseudopropheta*. VESANI, scilicet spiritu malo agitati. INFIDELES. Chald. *mendaces*. LXX. *contemptores*. SANCTUM, scilicet templum. Chald. *sanctitatem*. LXX. *sancta*.

V. 5. FACIET, id est feret, seu permittet; vel quasi dicat, Faciet iustitiam. MANE, id est cito, vel quotidie. IUDICIUM, scilicet puniens. DABIT IN LUCEM, id est proferet, seu faciet conspicium. ABSCONDETUR. Chald. *tardabit*. NESCIUIT, &c. quasi dicat: Nec populum pudet suæ iniquitatis, nec poenitet; vel de quovis iniquo sermo est.

V. 6. GENTES. LXX. *superbos*. ANGUSTI, id est turres, vel regna. Chald. *palatia*. DUM NON EST; pro, ita ut non sit. DESOLATAE, &c. quasi dicat, Debuertat populus meus similia timere, & cavere ne nec offenderet.

V. 7. DIXI, &c. quasi dicat, Monui par esse, ut me timeret, & recte viveret; quod si faceret, parcerem ei. Eius; pro, tuum, mutata persona, more Scripturæ. VISITAVI, id est hactenus punivi. DETULCULO, id est sollicitè, seu sine mora. CORRUPERUNT, &c. quasi dicat: Tantum abest ut se emendarent, egerunt potius.

V. 8. QUAPROPTER, &c. verba Christi; quasi dicat: Post meam resurrectionem te per Romanos puniam, vel die iudicii, ut quidam volunt, ob ea quæ sequuntur. IN IGNE, &c. Vide sup. cap. i. TERRA. Chald. *impis terra*.

V. 9. QUIA TUNC, scilicet tempore Evangelii. POPULIS, scilicet ad fidem conversis. LABIUM. Chald. *locutionem*. HUMERO UNO, id est unanimiter: metaphora a baiulis idem simul portantibus, vel bobus. LXX. *sub iugo uno*.

V. 10. ÆTHIOPIAE, scilicet quæ est prope Aegyptum, vel *India*, secundum quosdam. Chald. *India*. FILII DISPERSORUM MEORUM; pro, dispersi mei. Heb. *dispersorum meorum filii*, id est congregatio, scilicet electi per mundum dispersi. Vide Ioan. xi.

V. 11. ADVENTIONIBUS, id est consiliis, seu operibus. MAGNILOQUOS SUPERBIAE, id est superbus magistros, vel de quibus superbiebas, scilicet Scribas & Pharisæos. Chald. *fortes gloria*. LXX. *detractationes consumelia*. EXALTARI, id est super-

perbire. LXX. *gloriarī*. IN MONTE, &c. quasi dicat, De templo Ierosolymitano, vel in Ecclesia; discitur enim hic humilitas.

V. 12. PAUPEREM ET EGNUM. Chald. *mansuetum & expientem afflictionem*. LXX. *mansuetum & humilem*. SPERAMUS IN NOMINE DOMINI, id est in Domino. LXX. *timebunt*, seu *reverebuntur nomen Domini*.

V. 13. MENDACIUM. LXX. *vans*. PASSCENTUR, scilicet ut Christi oves ab ipso. ACCUBABUNT, scilicet in Ecclesia, vel cxlo.

V. 14. FILIA SION, id est Ecclesia. IN OMNI. LXX. *ex toto*.

V. 15. IUDICIUM TUUM, id est damnationem, scilicet remissis peccatis. LXX. *iniquitates tuas*. AVERTIT, id est expulit. Chald. *extirpavit*. INIMICOS, scilicet demones, & vitia. IN MEDIO TUI, id est tecum. *Ece ego vobiscum sum. omnibus diebus*, &c.

V. 16. DICETUR. LXX. *dices Dominus*. DISSOLVANTUR. Chald. *remittantur*.

V. 17. GAUDEBIT, &c. LXX. *adducet super te letitiam, & innovabis te in claritate sua*. SILEBIT, scilicet ad peccata prætita, quia remissa. SUA, id est sui, non sua. LAUDE. Chald. *exultatione*. LXX. *delectatione*.

V. 18. NUGAS, id est peccatores, peccata enim velut nugæ & mendacia: dicuntur quidem homines nihili, & nugatores, *nuga*. EX TE, scilicet de numero electorum. OPPROBRIUM, id est tibi exprobretur illorum vita mala.

V. 19. CLAUDICANTEM, scilicet a recto, vel animam, vel Synagogam. LAudem. LXX. *gloriam*; quasi dicat: Faciam gloriosos. IN NOMEN, id est famam, seu celebritatem. LXX. *nominales*. CONFUSIONIS, scilicet ubi contempti, & contumeliis affecti.

V. 20. CORAM OCULIS VESTRIS; quasi dicat, Vobis videntibus, & gaudentibus ad tam felicem mutationem.

E S T I I.

Verf. 3. **R**ELIQUIÆ ISRAEL NON FACIENT INIQUITATEM, NEQUE LOQUENTUR MENDACIUM. Quamvis forte ad litteram hoc dictum sit de Iudæis ex

captivitate Babylonica reducendis in terram suam; quando postea ille populus non amplius defluxit ad idololatriam; certior tamen sensus est; de reliquis Iudaici populi, id est paucis illis, qui in Christum per Christi & Apostolorum predicationem, crediderunt. Sic enim reliquias Israel iuxta Isaia vaticinium intellexit Paulus ad Rom. ix. Et de his verissima esse cognoscet, quæ hic a propheta commemorantur, quisque sanctitatem & perfectionem primitivæ illius ecclesiæ ex Iudæis, in Actis Apostolorum, & in epistola Pauli ad Hebræos diligenter observaverit. Non tamen ita dicuntur, non facturi iniquitatem, quasi nemo inter eos peccator fuerit (nam Ananias & Sapphira spiritui sancto mentiti sunt Act. v. & alii præterea potuerunt esse peccatores) sed quia congregatio illa pro maiori parte laudem illam merebatur.

M A R I A N A E.

Verf. 1. **V**AE PROVOCATRIX, ET REDEMPTA. Hebr. *polluta & facta*. In Ierusalem invenitur. COLUMBA. Sic Sept. id est unice dilecta ante, ut Hieronymus explicat. Alii vertunt, *diripiens, prædatrix*. Vox Hebr. *יונה יונה* utrumque significare potest. De qua voce plura Ierem. xxv. 38:

V. 3. LUPUS VESPERE, id est vespertini. Nocte lupi ad prædā exeunt. Sept. *lupi Arabis*, id est deserti: *ערב hereb*, & *vesperam* & *desertum* significat. NON RELINQUEBANT IN MANE, totam pecudem nocte comedeant. Hebr. *non exoffabant in mane*, id est per diem non prædabantur. Sic iudices nocte & per fraudem populum spoliabant.

V. 4. PROPHETÆ EIUS VESANI. Hebr. *præcipites, leves*. VIRI INFIDELIS. Hebr. *virī pravaricationum*, id est prævaricantes. POLLUERUNT SANCTUM, id est templum. INIUSTE EGERUNT CONTRA LEGEM. Hebr. & hoc modo verū possunt, ut Chald. etiam & Sept. vertunt, & sic: *rapuerunt legem*, id est non eam docuerunt populum, ut par erat. Sic Hebræus.

V. 5. MANE MANE, id est palam, aut quotidie. IUDICIUM SUUM DABIT DEUS, id est puniet pravorum, aut bonis bene faciet. ET NON ABSCONDETUR, seu non desiciet; id est, non desisset ita facere, quam

quamvis peccatis hominum provocatus. NESCIVIT AUTEM INIQUUS CONFUSIONEM, id est pudorem, quamvis provocatus Dei iudiciis, non recedit a malo.

V. 6. ET DISSIPATI SUNT ANGULI EORUM, id est arcus, ut cap. 1. vers. 16. VITAS EORUM. Hebr. *desolavi plateas eorum*. Nullus ibi versatur, nullus transit.

V. 7. TIMEBIS ME, scilicet his cladibus provocatus. ET NON PERIBIT HABITACULUM EIUS, pro, habitacula, domus Ierusalem nollet Deos ut perirent. Verum contra accidit. DILUCULO SURGENTES, cum luce redierunt od opera solita. COGITATIONES SUAS, opera, studia mala.

V. 8. QUAPROPTER EXPECTA ME. Quando hac via non succellit, ut hic populus me coleret, aliam tentabo, ut Gentes omnes convertam; quod suo tempore fiet; ideo expectate. IN DIE RESURRECTIONIS MEAE IN FUTURUM. Hebr. *in die, quo resurgam ad spoliis*, id est quo ero victor. *17* HAD multa significat, *eternitatem futuram*. Id sequitur Hieronymus cum ait *in futurum, testimonium hoc Sept. iudicium hoc Chald. sed & Genes. XLIX. 27. significat pradam. Mane comedet pradam*. Hebræi hoc loco idem significare putant. *In die, quo surgam ad pradam*. QUIA IUDICIUM MEUM, id est decretum est; volo Gentes congregare & subicere.

V. 9. QUIA. Hæc causalis redundat, aut sumatur pro *profecto*. TUNC, postquam illos subiecero bello illato. REDDAM POPULIS LABIUM ELECTUM, ut omnes de Deo bene sentiant, & bene loquantur. HUMERO UNO, eadem mente, consensu uno.

V. 10. ULTRA FLUMINA AETHIOPIAE, id est ex omni orbe. INDE SUPPLICES MET, FILII DISPERSORUM MEORUM. Iudæorum, qui dispersi sunt. Hebr. *Natharai, Beth Puzai*. Torum hoc Hebræi putant esse nomen Gentis, unde & ex Aethiopia munera deferre debebant. DEFERENT MUNUS MIHI, id est sacrificia offerent. Vel, afferent filios Israel, qui inter eos sunt, munus mihi.

V. 11. NON CONFUNDERIS, non pudebis ob peccata præterita, quia erunt dimissa. AUFERAM DE MEDIO TUI MAGNILOQUOS SUPERBIAE TUAE. Hebr. *exultantes in superbia tua*, id est superbos, qui de tuis dotibus, genere, antiquitate, copiis superbiebant. ET NON ADICIET E-

XALTARI, superbiere. IN MONTE SANCTO MEO, in templo, id est ob templum, quod penes te est.

V. 12. POPULUM PAUPEREM. Hebr. *humilem & egenum* relinquam in te. Ii fuerunt Apostoli, & eorum discipuli.

V. 13. PASCENTUR, ut greges, metaphora. ET NON ERIT QUI EXTERREAT. Mendacia, quæ dixit non fore amplius, & fraudes, sunt ex timore; eo sublato, Dei ob præsidium, & illa non erunt.

V. 14. IUDICIUM TUUM. Supplicium, quod ferre debebas, abstulit Deus. AVERTIT, seu evertit inimicos tuos.

V. 15. NON DISSOLVANTUR, debilitentur MANUS TUAE, scilicet præ morte.

V. 17. SILEBIT IN DILECTIONE SUA, id est ob dilectionem suam non te puniet, non accusabit. Hieronymus in Comment. *in dilectione tua*, sed falso.

V. 18. NOGAS, QUI A LEGE RECESSE- RANT, id est homines perditos. Hebr. *do- lentes, tempus statutum*, scilicet non venire; quia scilicet tempus liberationis, aut adventus Christi differebatur. CONGREGA- BUNT, scilicet ad te, illis parcam. QUIA EX TE ERANT. Hebr. *congregabo ex te*; pro, quia ex te erant. UT NON ULTRA HABEAS SUPER EIS OPPROBRIUM. Hebr. *onus super eam* (id est super te, &) *opprobrium*, scilicet quod fuerunt illi homines.

V. 19. INTERFICIAM, seu, *contundam*. Hebr. *faciam*. Sed verbum *faciendi* Hebr. multa significat; inter alia frangere. Hebr. *faciam exterminationem*. PONAM EOS IN LAudem, ET IN NOMEN, IN OMNI TERRA CONFUSIONIS EORUM, id est ubi fuerunt captivi, ibi faciam ut laudentur, & fama eorum volet. Id significat, *Et in nomen ponam eos*.

V. 20. IN TEMPORE ILLO, QUO ADDUCAM VOS. Hebr. *in tempore illo adducam vos*. Sed bene suppletur *quo*, ut suppleat Sept. DABO ENIM VOS IN NOMEN. Hebr. *quia dabo vos in nomen*. Sed *quia & enim* redundant. OMNIBUS POPULIS, non iis solum, ubi captivi fuistis, sed ubique nomen vestrum celebrabitur; quia vestrae liberationis fama toto orbe diffundetur, omnibus erit nota. CORAM OCULIS VESTRIS, id est vobis videntibus, aut palam convertam captivitatem vestram, liberabo vos.

Verf. 1. **V**AE PROVOCATRIX: vix tibi Ierusalem, quæ semper tuis peccatis Deum provocas ad iracundiam. Verti etiam potest, *Væ amaricatrix!*, quæ scilicet Deum ad iram concitas. ET REDEMPTA. Taxat Ierusalem ingratitude, quæ cum a Deo redempta esset ex Aegypto; & deinceps e servitute aliarum gentium, Deum tamen idololatria, & aliis sceleribus pergeret provocare. CIVITAS, COLUMBA: columba vecors, & seducta, ut loquitur Osee vii. 11. *Factus est Ephraim quasi columba seducta.* Vel, quæ iam fuisti columba, licet iam non sis.

V. 2. VOCEM, id est divina præcepta. NON SUSCEPIT DISCIPLINAM: correpta, atque punita, noluit respicere. IN DOMINO NON EST CONFISA: cum malis premebatur, sed in hominibus spem suam locavit. NON APPROPINQUAVIT: ut illum invocaret, ei obediret, illum amaret, & sincere coleret.

V. 3. QUASI LEONES RUGIENTES: effundentes subiectorum sanguinem, & ex rapto viventes. LUPI VESPERE: vide dicta Habacuc 1. 8. NON RELINQUEBANT IN MANE: omnia statim vorabant, ita ut nullæ in tempus matutinum reliquæ superessent.

V. 4. PROPHETAE EIUS VESANI: fatiati, & spiritu malo correpti, & insanientes. INFIDELES. Chald. *Mendaces*. SACERDOTES, &c. sacerdotes sacrilegi, nam polluerunt *sanctum*, id est templum. INIUSTE EGERUNT CONTRA LEGEM. *Legem transgressi sunt*, ut vertit Vatablus, & Pagninus.

V. 5. DOMINUS IUSTUS IN MEDIO EUS, &c. id est, cum Deus sit in medio eius, & omnia videat, non erit iniquus, ut illi, sed pessimæ civitati, quæ meretur, reddet. Vel, Non inique faciet, si eos puniat. *Non gli farà torto*. MANE MANE: valde cito, citissime. Vel, quolibet mane, ut sensus sit; Deus quotidie, & quasi quolibet mane edit aliquod exemplum sui iudicii, nunc hos, nunc illos sceleratos puniens. NESCIVIT AUTEM INIQUUS CONFUSIONEM; quasi dicat: Iniquus tamen populus meus post tot peccata erubescere nescivit, & confundi, & poenitentiam agere.

V. 6. DISPERDIDI GENTES: multas gen-

tes perdi, & dissipavi. ANGULI EARUM: Angulos vocat arces, & munitiones, quæ in limitibus regnorum exciuntur. Vel intelligit satrapias, & præcipuas partes, in quas regnum tributum est. Sic Helvetiorum Relpublika divita videtur, de qua vulgari lingua dicimus, *li Cantoni de Svizzera*. DUM NON EST QUI TRANSEAT: occisus, vel abductus civibus, qui per illas transire potuissent.

V. 7. DIXI: per prophetas meos. ATTAMEN. In Hebræo est *rim ach*, quæ particula more Hebræorum poni solet initio lententia ornatus potius causa, quam significationis. TIMEBIS ME: timeas me, ut tibi parcam. SUSCEPIS DISCIPLINAM. Correctionem, & admonitionem meam, & ex illa proficere stude. ET NON PERIBIT HABITACULUM EIUS, id est habitaculum tuum, non capietur, non everietur Ierusalem, propter peccata, quorum causa hæcenus eam punivi. Contentus ero poenis, quas de te hæcenus sumpsi. VERUMTAMEN DILUCULO SURGENTES, &c. quasi dicat: At ipsi non solum non egerunt poenitentiam, sed etiam ad omne nefas affectu, & desiderio ferebantur, & cum primum potuerunt, effectum dederunt, quidquid mali fuerant machinati.

V. 8. QUAPROPTER, &c. avolat Sophonias ad Christum more prophetarum. EXPECTA ME: vindicem in extremo die iudicii. Vel, cum per Romanos Ierusalem evertam. RESURRECTIONIS MEAE: cum scilicet mea virtute mortui excitabuntur ad vitam, & ego qui resurrexi, iudicaturus adveniam. Vel, cum post meam resurrectionem, per Romanos vos plectam. IN FUTURUM: quæ longo post tempore futura est. QUA IUDICIUM MEUM: scilicet constituam, & exercebo. UT CONGREGEM GENTES, &c. scilicet, in valle Josaphat. Vel, Iudæos intelligit ex variis gentibus, & regnis congregandos in Iudæam, & Ierusalem ante urbis huius excidium. IN IGNE ENIM ZELI MEI, &c. Hæc supra explicavimus cap. 1. 18.

V. 9. QUA: redundat more Hebræorum. TUNC REDDAM POPULIS LABIUM ELECTUM. *Labium mundum*, ut vertit Symmachus, ut scilicet labia non invocent falsos deos, sed verum Deum. Hoc autem fiet tempore Christi. HUMERO UNO: uno corde, una mente: est mera-

phora

phora sumpta ab iis, qui simul humeros ponderi supponunt. Excutient iugum demonis, & iugum meum suave subibunt.

V. 10. **ULTRA FLUMINA AETHIOPIAE**, &c. De remotissimis quibusque nationibus venient ad Ecclesiam, & offerent mihi munera in signum obedientiae. **SUPPLICES MEI**: mihi supplicantes, & me, ut Deum colentes. **FILII DISPERSORUM MEORUM**, &c. Filii Ecclesiae variis regionibus dispersi. Alludit ad Iudaeos variis locis dispersos, quos per Cyrum Deum reduxit in Ierusalem, ubi hostias Deo obtulerunt in gratiarum actionem pro reditu. Vel, *filii dispersorum*, sunt filii spirituales Apostolorum, & virorum Apostolicorum, late per regiones, quas praedicatione verae religionis excoluerunt, dispersorum.

V. 11. **IN DIE ILLA NON CONFUNDERIS**, &c. Loquitur conversis ex Iudaismo; id est, non confundemini propter peccata ante admissa, nam & per baptismum tolerantur, & postea ad eadem patranda non revertimini. **ADINVENTIONIBUS**: consiliis, sive operibus. **MAGNILOQUOS SUPERBIAE TUAE**. Superbos, & elatos, magistros tuos, quibus tibi placebas, & superbiebas, Scribas scilicet, & Phariseos; habebisque illum magistrum, qui de se dixit: *Discedre a me quia mitis sum, & humilis corde*. **PAGINUS** vertit, *Qui exultant in superbia sui*; id est, qui exultant, & gestunt ob tuam dignitatem, excellentiam, & magnificentiam. **EX ALTARI IN MONTE SANCTO MEO**: non amplius de templo Salomonis gloriaberis. Solebant Iudaei valde sibi placere ob templum, ideo apud Ierem. VII. 4. reprehenduntur, qui dicebant: *Templum Domini, templum Domini, templum Domini est.*

V. 12. **ET DERELINQUAM IN MEDIO TUI**, &c. id est, pro Scribis, & Phariseis dabo tibi Apostolos pauperes, humiles, & eorum discipulos piscatores, & illiteratos, quos tamen divinitus docebo. **RELIQUIAE ISRAEL**: primi fideles, & Christiani ex Israele ad Christum conversi, & praesertim Apostoli, & perfectioris vitae sectatores. **QUONIAM IPSI PASCENTUR**, &c. Tanta sanctitatis praediti erunt, quia Deus erit eorum pastor, & ipsi, ut oves, se ab eo duci sinent. **Pascentur autem verbo Dei, & Eucharistia. ACCUBABUNT**, &c. quiete agent, nec erit qui eorum

Bib. Saa. Tom. XXII.

quietem, qua fruuntur in Ecclesia, perturbet.

V. 14. **FILIA SION**: ita vocat primitivam Ecclesiam, quam Christus e Iudaeis collegit in Sion. **IUBILA ISRAEL**: repetitio. Clama, & exulta, Deum laudans praeterea. **FILIA IERUSALEM**: idem significat quod filia Sion.

V. 15. **ABSTULIT DOMINUS IUDICIUM TUUM**, id est peccata, quibus damnationem merueras. **INIMICOS TUOS**: demones, & vitia. **REX ISRAEL**: Christus Dominus. **IN MEDIO TUI**, protegens te, iuxta promissum Matthaei ult. *Ecce ego vobiscum sum usque ad consummationem saeculi*. **NON TIMEBIS MALUM ULTRA**: facile omnia pericula contemnes, Dei auxilio freta.

V. 16. **DICETUR IERUSALEM**: ab Apostolis, & Evangelii praedicatoribus. **NON DISSOLVANTUR MANUS TUAЕ**: ne deficias timore, etiam si tyranni persequantur te.

V. 17. **DOMINUS DEUS TUUS**: Christus Dominus. **FORTIS**: cui nulla potestas resistere valet. **SALVABIT**: a persecutoribus, & hostibus liberabit. **GAUDEBIT SUPER TE IN LAETITIA**: videns quam genere certes. **SILEBIT IN DILECTIONE SUA**: quiescet in dilectione sua, qua scilicet te prosequitur, & stabilis erit, & perseverans in ea. **EXULTABIT SUPER TE IN LAUDE**: laudabit Christum Patrem, & gratiasaget ei, cum viderit fortitudinem, & praclarum opera tua.

V. 18. **NUGAS QUI A LEGE RECESSERANT**: peccatores, qui nugis fuerant sectati, & idola inania, & illius similes facti fuerant, nugaces nimirum, & nihili. **CONGREGABO**: ad Ecclesiam. **QUIA EX TE ERANT**, id est ex numero electorum. **UT NON ULTRA HABRAS SUPER EIS OPPROBRIUM**, id est ne tibi amplius exhiberent mali eorum mores.

V. 19. **INTERFICIAM OMNES QUI AFFLIXERUNT TE**: persecutores tuos, o Ecclesia Dei. Iudaeos per Titum, & Romanos. Alios etiam multos, qui propterea male perierunt, quod Ecclesiam essent persequuti, ut Iulianus Apostata, &c. **SALVABO CLAUDICANTEM**: vires addam in fide infirmis, & claudicantibus virtute sacramentorum, ut praedicationis verbi Dei. **EAM QUAE EIECTA FUERAT, CONGREGABO**: Ecclesiam, hoc est, fidelium caetum, quem Iudaei, & tyranni aversabant.

TUI,

tur, & eiciebant, nec secum esse, aut versari patiebantur. PONAM EOS IN LAUDEM, &c. faciam eos inelytos, & illustres. IN OMNI TERRA CONFUSIONIS EORUM: in omnibus illis locis, in quibus depressi prius fuerant, & afflicti. Accidit hoc Ecclesie Christi tempore Constantini, & deinceps.

V. 20. IN TEMPORE ILLO, &c. Repte, interficiam omnes, qui afflixerunt te, & salvabo claudicantem, &c. DABO VOS IN NOMEN: idem est, quod precedenti versiculo dixit: Ponam in laudem, &c. CUM CONVERTERO CAPTIVITATEM VESTRAM, &c. cum vos a captivitate demonis, & peccati liberavero. CORAM OCULIS VESTRIS: vobis videntibus, & gaudentibus ad tam felicem mutationem.

T I R I N I.

Vers. 1. VAE tibi, o Ierololyma, CIVITAS PROVOCATRIX IRÆ seu bilis divinæ, toties a iugo hostium REDEMPTA sub Moysæ, sub tot iudicibus ac regibus; COLUMBA stolidæ, seducta, sine corde, sine prudentia, aliter ruens in laqueum, in necem. Idem exprobrabat Oseas Samariæ VII. 11. *Factus est Ephraim quasi columba seducta non habens cor.* Syrus & Arabicus Antiochenus pro columba retinent Hebræum Iona, voluntque hic agi de Ninive, quæ usque hodie ab Orientalibus vocatur civitas Ione, id est columbæ, partim a Propheta Iona, partim a Semiramide prima Assyriorum regina, quam (ut fingebant,) conversam in columbam, colebant sub specie columbæ tam Assyrii, quam Chaldei, ut alibi a dixi. Sed Patres, & Interpretes omnes censent hic agi non de Ninive, sed de Ierololyma.

V. 2. NON AUDIVIT VOCEM DEI, per Prophetas eam a laqueis aucupis, ab insidijs accipitris ad manum suam vel ad proprium columbarium revocantis: ita Chaldaus, Hugo & Vatablus.

V. 3. PRINCIPES instar leonum obruunt, explant, devorant populum. IUDICES quasi LUPI b vesperini, diurna inedia & fame rabidi, iniquis iudiciis suis exhauriunt bona pauperum, tanta aviditate, ut nihil reliquum faciant.

V. 4. PROPHETÆ EIUS VESANI, insani; Aquila, enthysiasmo seu furore fanatico per-

citi; Pagninus, contemptibiles; Vatablus, homines nihili. LXX. spiritus acti, non divino, sed diabolico. Nempe vilissimi & ignorantissimi tenebriones, fingebant se furere & agi spiritu prophetico, cum agerentur spiritu immundo, ut vertit Arabicus; & lascivo atque impudico, ut Syrus. Mox in sacerdotes quoque invehitur, aculeans illos contemptus & profanationis factorum, & perfidie ac transgressionis legum. Ita verum erat etiam sub Sophonia, quod olim Isaias 1. 6. eidem populo exprobrarat, *A planta pedis usque ad verticem capitis non est in eo sanitas.*

V. 5. & 6. DOMINUS, qui IN MEDIO EIUS, in templo & throno suo residet, iustus per omnia iudex, NON FACIET INIQUITATEM, colludendo cum iniquis, & tanta scelera, quæ se spectante fiunt, perpetuo dissimulando: sed acriter illa castigabit, & cito, MANE IUDICIUM, id est iustum supplicium suum, proferendo IN LUCEM: neque clam id faciet vel in obscuro angulo, sed palam & clara luce, toto orbe spectante, uti ex nunc fecit in excidio decem tribuum, item in excidio Nives & monarchie Assyriacæ, 13. anno Iosie regis Iuda, utique & vicinarum aliarum gentium Assyrio tyranno adherentium: quarum ANGULI, id est areæ & munitiones, quæ in angulis & limitibus regionum excitari solent, iam de facto DISSIPATI SUNT. Et tamen INIQUUS iste Iudæorum populus, etsi sciat pares, immo graviores, penas sceleribus suis debitas ac paratas, nescit CONFUSIONEM, negligit resipiscere, contemnit poenitere. Ex hoc loco, ubi insinuat, iam tum prophetante Sophonia excisam fuisse Niniven, confirmari videtur quod alias e docui, excisam fuisse Niniven a Chaldeis, non post excisam Ierololymam, ut quidam contendunt; sed diu ante, nimirum tempore Iosie regis Iuda, ut iam dixi: nam sub hoc solo rege prophetauit Sophonias 4.

V. 7. DIXI, redixi, toties per Prophetas monui populum meum Israel, ut relictis idolis timeret, id est coleret, ME, merque disciplinæ ac legibus adheresceret: tuum NON PETITURUM HABITACULUM EIUS, neque excisum iri Ierololymam & reliquam Iudæam; addicens me fore contentum datis iam mihi poenis, QUIBUS EAM VISITAVI, id est punivi per Sennache-

cherib & Assyrium, & Ben-Merodach fratri suo Chaldaeorum tyrannum. Sed solidi Iudæi speris moritis & minis, DILUCULO, id est festinato, solcite, ante & super omnia hinc uni rei intenderunt perpetuo, ut pra vos mores & studia sua magis magisque corrumpere in dies.

V. 8. QUAPROPTER, o Sophonia, non est quod expectes mortum populi huius commutationem in melius, nisi exiguum admodum paucorum post datas acres poenas & post totius Iudææ excidium per Chaldaeos & alias ipsis sociandas gentes: IUDÆUM enim MEUM est firmum ac fixum, ut ad evertendos Iudæos CONGREGEM varias ex Aquilone GENTES ET REGNA, duce Nabuchodonosore, a quibus DEVORABITUR OMNIS TERRA Iudææ. Atque utinam vel sic respiciant contumaces & rebelles! Sed, ut dixi, paucorum hoc erit. Nam ut universus populus ad me recurrat, mihi que ut legitimo domino subdatur ex toto, tum demum EXPECTA cum ego ipse vestra indutus carne, IN FUTURUM, nempe post sex secula, adcurram ad vos, & auctus ab ingratis ac perfidis in crucem, tertio post mortem die redivivus, merito passionis meæ cor novum & animum novum impetram non Iudæis modo, sed & omnibus gentibus. Hic enim de Christi temporibus agi constants est sanctorum Patrum, & etiam Hebræorum sententia.

V. 9. TUNC, id est a die resurrectionis meæ in futurum, tollam omne genus idolatriæ, tollam diversa illa diversarum nationum studia, dissensionem cultuum, rituum, religionum, animorum: & REDDAM omnibus POPULIS, LABIUM UNUM, LABIUM ELECTUM; Symmachus, *labium patrum*, quo OMNES INVOCENT, colant & laudent unum eundemque Deum cæli & terræ, idque HUMERO UNO, id est unanimi consensu, consonantia & conspiratione. Cœpit hoc post Christi resurrectionem in Pentecoste, & continuat augeturque quotidie, sed plene perficitur sub finem mundi, in generali omnium Iudæorum ad Christum conversione, ac demum post resurrectionem universalem, in futura vita, ubi omnium gentium erit unus animus, unum labium, una lingua qua Deum laudabunt & benedicent in æternum. Hanc linguam dicit Arias, Galatius g & a Castro, futuram in celo eandem que in pa-

radiso fuit, nempe Hebræam, primigeniam universi, & passim sanctam vocari solitam.

V. 10. ULTRA FLUMINA AETHIOPIÆ: non illius Africane quæ Aegypto adiacet, & Abyssia vocatur, & nunc recens cum Imperatore suo Preto-Ioanne, ope Patrum Societatis Iesu reconciliata est Ecclesie Romanæ: sed alterius Arabicæ, in qua degabant Madianitæ, passim in Scriptura *hæthiopes* vocitati. Huius flumina sunt *Gihon*, *Traianus*, lacus *Sirbonides*, sinus *Arabicus*, fossa *dioryges*, inquit a Castro. Et ultra hæc flumina a Chaldaeis in exilium deportati fuerunt Iudæi, & ab Assyriis Istraëlitarum, atque ibi per totum Orientem dispersi degabant: quos Sophonia hic dicit SUPPLICES advoluturos ad templum Ierosolymitanum: & una cum his gentes omnes trans eadem flumina sitas, usque ad Indos Orientales (de quibus hæc exponunt Chaldaei, Arias, Vatabl. a Castro;) & Occidentales (de quibus S. Hier. Remigius, Albert. Hugo, Sa, Ribera:) immo usque ad extremos fines terræ, ut Hugo, Clarus, Mariana, a Lapide & alii volunt. Et faver S. Ioan. cum alludens ad hunc locum Sophonia dicit, *moriturum Christum non tantum pro gente Iudaica, sed ut quoslibet filios Dei, etiam ex aliis quibusvis gentibus, qui erant per universum orbem dispersi, congregaret in unum.*

V. 11. IN DIE ILLA, o Sion ism Christiana, NON CONFUNDERIS amplius, seu coram me, seu coram hominibus, ob priora tua scelera, idololatriam, rapinas, pauperum & expilationes, &c. ab omnibus enim mundaberis per sanguinem Messiae tui, inquit S. Hier. Theodor. Remigius, Hugo & Lyran. Quin & AUFERAM DE MEDIO TUI MAGNILOQUOS SUPERBIAE TUAE, id est fastuosos quibus nunc subiacet, principes tam politicos, quam Ecclesiasticos, Scribas & Phariseos, qui nil aliud crepant: curant vel agunt, quam. fovere, stabilire, augere, externum splendorem, superbiam ac magnificentiam ædificiorum tuorum. Sed neque sinam diutius gloriari & EXALTARI te in materiali MONTE SACRO MEO; per superbum illud templum quod in eo constructum habes; nam illud funditus excidam primo per Chaldaeos, deinde per Romanos. Sed excitabo in te

& ex te templum longe nobilius & splendidius, spirituale, puta Ecclesiam meam, sanctam fidelium congregationem, cuius hoc Salomonicum templum non nisi typus est & figura. Ac pro superbis & fastuosis Scribis, Phariseis ac principibus tuis, efficiam ut conficiat *populo paupere & egeno me*, si species terrenas opes, sed divite gratiis, potente miraculis, splendore virtutibus. Tales erant Apostoli & primi discipuli Christi, inquit S. Hier. & alii iam citati. Unde ad se suamque familiam alendam vel augendam

V. 13. *NO*, ut vos hactenus o, FACIENT alter alteri INIQUITATEM, calumniam, vim, dolum, sed paucis omnes contenti, PASCENTUR in commune p: & bene pasti tum corporaliter, tum spiritualiter, sub fida pastorum suorum cura actus laeti hilaresque ACCUBABUNT in pinguibus Ecclesie pascuis, primum in hac vita ad modicum tempus, deinde plene satiandi in altera, in perpetuas aeternitates.

V. 14. LUBIZA ISRAEL iam Christiane, tot beneficiis aucte & decorate a Deo: nam

V. 15. ABSTULIT primo, IUDICIUM TUUM, quo reus, agebaris tot tantorumque scelere, & propterea damnationis æternæ. Nam Renato per Christum condonabit omnem culpam ac penam. Secundo, AVERTIT a te INIMICOS TUOS iuratos, dæmones, infernum, mortem, iugum Moisaicæ legis, ut non ipsa amplius dominentur tibi, sed tu domineris illis, & solus Dominus dominetur tibi. Tertio,

V. 7. SILEBIT; Chaldeus, *abscondet delicta tua*; quasi dicat: Non exprobrabit tibi scelera tua præterita, non etiam ob præsentis infirmitates, aut leviores lapsus, ultor statim exsurgit; sed silentio involvet, donec ipse resipiscas & poenitentia deleas admitta: unde LXX. vertunt, *immovabit te*: idque IN DILECTIONE SUA; id est, propter ingentem amorem quo te prosequitur. Quarto

V. 18. NUGAS; Hebraice, *nuge*, id est, homines nugaces, abiectos, viles, nullius pretii (sic enim citat Cicero & Plinius & Plautus q hoc verbum usurpant) puta *Indeos*, qui ob nugas, id est nugaciam bona terre, & nugaces suas traditiones, a LEGE Dei, quæ Christum ipsis digito demonstrat, iam ab olim RECESSERUNT, etsi deserventes & contemnentes me possem iuste tamquam quiquilias & nugas contemnere

ac deserere; QUA tamen EX TE ERANT, o chara mihi primorum fidelium Synagoga, CONGREGABO illos ad me & ad te, nunc quidem inchoate per Apostolos & Apostolicos viros: complete autem sub finem mundi, quando *omnis Israel salvus fiet*: ita S. Hieronymus & alii supra citati. Quinto,

V. 19. INTERFICIAM OMNES QUI AFLIXERUNT TE, tyrannos, hæreticos, schismaticos; & in die iudicii, omnes etiam impios & hostes tuos, æterna morte & interni supplicio mulcabo. Interea sexto, SALVABO CLAUDICANTEM ex te, & horrore tormentorum vel tyrannorum nutantem firmabo ac stabiliam gratia & ope mea celesti. Septimo, collectionem fidelium QUAE vel insu tyrannorum EIECTA FUERAT e domo & urbe paterna, vel metu eorumdem ultro feculerat in exilium, CONGREGABO, & postliminio suæ patriæ restitvam, ut ibi sint in honore & laude, ubi prius affecti fuerant *confusione & ignominia*. Factum id per Constantinum Magnum & alios subsecutos Imperatores ac principes Christianos, inquit Theodoretus, Remigius & Vatablus.

V. 20. IN TEMPORE ILLO, supple, faciam hæc iam dicta, QUO ADDUCAM vos ad optatam libertatem & pacem etiam temporalem. Nam statui prorsus, vos non solum e captivitate diaboli, mortis & inferni; sed etiam e captivitate & servitute qua saltem initio christianismi sub Gentilibus magistratibus quasi captivi delitescitis, educere, & plena libertate donatos etiam supra hostium vestrorum, puta Gentilium, qui antea vobis dominabuntur, capita gloriosos evehere, ut ipsi iam vos dominemini, & templa, palatia, sceptris illorum paulatim toto orbe occupetis, & ita me & Christum meum gloriosè, splendide, magnifice colatis, inquit Vatablus & Lyranus.

(a) Psal. lxxv. 29.

(b) Habacuc 1. 2.

(c) In Proemio Nahum & aliis locis ibi citatis.

(d) Sophonia 1. 3.

(e) IV. Reg. xviii. 13.

(f) I. Par. xxxiii. 17. Chron. c. xxxiv. & initio Iudith.

(g) Galat. Lib. XII. de Arcanis Fidei cap. xii.

(h) Exodi 12. 21. & Num. xvi. 2. Ps. lxxviii. 24.

(i) Ioan. xi. 52.

(k) Hic vers. 3. (l) Ierem. vii. 4.

(m) Ador. 11. 45. (n) Ibid. vers. 43.

(o) Hic vers. 3. (p) Ador. 21. 44.

(q) Cicero Lib. VI. ad Atticum epist. xxxi. & Lib. I. ad Quint. fratrem ep. xxxviii. Plin. Lib. X. 112. Plin. & alii apud Athenarum Lib. VI.

(r) Ador. 21. 46.

GORDONI.

Verf. 1. **V**AE PROVOCATRIX, &c. Consequenter ad priora pergit Propheta commemorare mala ob quæ Iudæi merentur puniri: initio compellat Ierusalem, quæ est provocatrix iræ Dei. Sæpe quidem redempta & liberata a Deo, sed excors tamen inftar columbæ, & sine intellectu: vide Osee vtt. 11. Heb. *למנה* *Isaia*, recte in Vulgato *columba*. Hieron. sequitur *verf. 2.* commemoratio malorum & ingritudinis, & *verf. 5.* iudicium a Deo.

V. 6. DISPERDISI GENTES, &c. Tacita apostrophe est ad populum Iudaicum; quasi dicat: Disperdisi gentes multas propter similia peccata, debuisset Iudæa hoc exemplo sapuisse. Additur *verf. 7.* Deum sæpe expectasse ad poenitentiam, & tamen magna inconstantia rediit populus ad vomitum, corrumpens cogitationes si quas bonas habuit.

V. 8. QUAPROPTER EXPECTA ME, &c.

Reliquum capitis ad Christum Christique tempora referendum est; eo ergo transit Propheta, coronidem ponens in mentione & prophetia de Christo; & certe quæ hic de resurrectione, de collectione tot gentium, de labio electo, & puro invocantium Dominum, & de futuro iudicio iam sunt illustria ut alio commode referri non possint: tunc, inquit, (*verf. 13.*) **RELICUAE ISRAEL NON FACIENT INQUITATEM**: habebit enim Ecclesia, qui abstinebunt ab iniquitate, hoc est a mortali peccato, immo a veniali deliberato. Sic ergo Propheta transit a veteri Sione ad novam & Christianam. Quamvis una semper fuerit & sit Ecclesia, utpote constans una fide, una caritate & doctrina revelata. **HUMERO UNO** *verf. 9.* eadem mente & consensu uno: en unitatem Ecclesie: metaphora est a bobus sub iugo, aut a baiulis.

V. 16. **NOLI TIMERE**, &c. Fiducia Ecclesie & securitas ex promissione: adde *verf. 19.* contra hæreses.




PROPHETIA AGGAEI.



CAPUT PRIMUM.

Qua tempore prophetaverit Aggeus: qui increpat Iudeos, quod neglecta domo Dei propria aedificia curarent: ob quam causam dicit illis inmissam a Deo sterilitatem: eoque tempore dux Zorobabel & Iesus sacerdos magnus una cum populo excitati, incipiunt edificare domum Dei.

1.  N anno secundo Darii regis, in mense sexto (a), in die una mensis, factum est verbum Domini in manu Aggaei Prophetæ, ad Zorobabel filium Salathiel, ducem Iuda, & ad Iesum, filium Iosedec, sacerdotem magnum, dicens: 2. Hæc ait Dominus exercituum, dicens: Populus iste dicit: Nondum venit tempus domus Domini ædificandæ. 3. Et factum est verbum Domini in manu Aggaei Prophetæ, dicens: 4. Numquid tempus vobis est ut habitetis in domibus laqueatis, & domus ista deserta? 5. Et nunc hæc dicit Dominus exercituum: Ponite corda vestra super vias vestras. 6. (b) Seminastis multum, & intulistis parum: comedistis, & non estis satiat: bibistis: & non estis inebriati: operuistis vos, & non estis calefacti: & qui mercedes congregavit, misit eas in sacculum pertusum. 7. Hæc dicit Dominus exercituum: Ponite corda vestra super vias vestras: 8. ascendite in montem, portate ligna, & ædificate domum: & acceptabilis mihi erit, & glorificabor, dicit Dominus. 9. Respexistis ad amplius, & ecce factum est minus: & intulistis in domum, & exussavi illud: quam ob causam, dicit Dominus exercituum? quia domus mea deserta est, & vos festinatis unusquisque in domum suam. 10. Propter hoc super vos prohibiti sunt cæli ne darent rorem, & terra prohibita est ne daret germen suum: 11. & vocavi siccitatem super terram, & super montes, & super triticum, & super vinum, & super oleum, & quæcumque profert humus, & super homines, & super iumenta, & super omnem laborem manuum. 12. Et audivit Zorobabel filius Salathiel, & Iesus filius Iosedec sacerdos magnus, & omnes reliquæ populi, * vocem Domini Dei sui, & verba Aggaei prophetæ, sicut misit eum Dominus Deus eorum ad eos: & timuit populus a facie Domini. 13. Et dixit Aggeus nuntius Domini de nuntiis Domini, populo dicens: Ego vobiscum sum, dicit Dominus. 14. suscitavit Dominus spiritum Zorobabel filii Salathiel, ducis Iuda, spiritum Iesu filii Iosedec sacer-

Sacerdotis magni, & spiritum reliquorum de omni populo: & ingressi sunt, & faciebant opus in domo Domini exercituum Dei sui.

(a) Ezech. vi. 1. (b) Deut. xxviii. 38. Mich. vi. 15.

BRUGENSIS

ROMANA CORRECTIO.

institas Domini.

Verf. 12. Vocem Domini Dei sui. Non omit-

COMMENTARIA

S A.

AGGAEUS prophetauit ad Iudæos, qui ex captivitate redierant.

V. 1. DARIUS, filii Hytaspis. Alii Longimanum putant, qui fuit postea: alii aliter. Vide I. Ezech. v. Fuerunt ab hoc tempore ad Christi nativitatem anni circiter 500. SEXTO, scilicet Iulio, vel Augusto. UNA, id est prima. MANU, id est opera. ZOROBABEL: non est iste de quo I. Paral. iii. ille enim filius Phadaiz fratris Salathiel.

V. 2. ISTE, scilicet qui redierat e captivitate. NONDUM, scilicet videbant impeditum fuisse opus diu, quasi Deus nollet adhuc ædificari.

V. 4. LAQUAETIS, quasi dicat, Ornate fabricatis. Chald. *vestis cedrinis tabulis*. ISTA, scilicet coeperat ædificari templum. DESERTA. Chald. *destruata*, scilicet fuerat opus interruptum, impediens hostibus vicinis.

V. 5. PONITE CORDA, &c. quasi dicat: Cogitate sedulo quanta mala sitis passi ob istam fœcordiam. VIAS, id est opera, & labores.

V. 6. INTULISTIS, scilicet in horrea. INEBRIATI, id est satiati. MERCEDES, scilicet operarum, seu negotiationum. MISSIT, id est perdidit, ac si misisset, &c.

V. 8. MONTE, scilicet Libanum. Chald. *montes*. PORTATE. Chald. *afferte*. LXX. *incidite*. DOMUM, id est templum. GLORIFICABOR, id est cedet in gloriam meam, vel quasi dicat, Exaudiam vos, & benefaciam vobis.

V. 9. RESPEXISTIS, &c. quasi dicat: Sperastis multum fructus ex agris, sed con-

tra accidit. EXUFFLAVI, id est feci evanescere, seu redegi in nihilum; scilicet ut solet segetes ventus urens. FESTINATIS, &c. quasi dicat: Quisque suam domum diligenter ædificat, vel providet domui suæ.

V. 10. ROREM. Chald. *pluviam*.

V. 11. STICCATATEM. Chald. *sterilitatem*, seu *penuriam*.

V. 13. NUNTIVS, quasi dicat, Legatus, scilicet Propheta. DE NUNTIVS; quasi dicat, Unus de numero Prophetarum.

V. 14. SUSCITAVIT, id est excitavit. SPIRITUM, id est mentem, scilicet ut intenderet operi.

EST II.

Verf. 5. **P**ONITE CORDA VESTRA SUPER VIAS VESTRAS. SEMINASTIS MULTUM, ET INTULISTIS PARUM, COMEDISTIS, ET NON ESTIS SATIATI. Menet propheta populum, ut consideratione privatorum saltem malorum, agnoscant iratum sibi Dominum, propter neglectam reedificationem templi. Sensus ergo est: Advertite animum ad statum & successum rerum vestrarum, & ex sterilitate quam patimini, certe colligite iratum vobis Dominum. Cum autem etiam subiungit: BIBISTIS, ET NON ESTIS INEBRIATI, non ideo putandum est ebrietatem computari inter divina beneficia: nam secundum Apostolum ebrietas inter ea vitia collocatur, quæ excludunt a regno Dei, sed vel ebrietatis nomine satietatem potius intelligit, sed moderatam; sicut præcedit: *comedistis & non estis satiati*, vel negat populo tantam fuisse abundantiam vini, unde possent inebriari; quasi dicat: *Ei non estis*

astis inebriati, id est & non potuistis inebriari.

M A R I A N A E.

AGGAEUS natus est in Babylone. Iuvenis venit Ierusalem, ut intermissam templi fabricam absolvi curarent. Ex qua tribu fuit, clam est. Suspicio ex Levitica, quoniam ad sacerdotum sepulcra tumulatum, Isidorus, Epiphanius, & Dorotheus aiunt.

Vers. 1. **I**N ANNO SECUNDO DARIi REGIS. Hic fuit filius Hytaspis, ut Iosephus & Hieronymus aiunt, Secundus eo nomine. Hebraei aiunt fuisse filium Esther. Et fortasse Assuerus eius vir Hytaspes etiam vocabatur. Huius anno secundo completi sunt septuaginta captivitas seu desolationis anni: Zachar. i. 12. & anno sexto eius fabrica templi absoluta est: Eldræ i. cap. vi. 15. IN MENSE SEXTO. Is est Elul Augusto respondens. IN DIE UNA, hoc est, prima. AD ZOROBABEL FILIUM SALATHIEL, factum est verbum. Hebraei nepotem dicunt, quod sequitur Vatabl. filium Phadaiz: i. Paral. iii. 19. Verum Phadaiz non fuit filius, sed frater Salathielis, ut ex eo loco constat. Sic aut duo fuere Zorobabes patruelis, aut hic Zorobabel natura fuit filius Phadaiz, adoptione Salathielis, aut e contrario. Quin Galatinus, contra Iudeos, cap. xii. non eundem putat Zorobabel in Matth. & in Luca, nescio an vere. ET AD IESUM, FILIUM IOSEDEC. Iosedec occiso patre Saraiâ, summo Sacerdote, quando Ierusalem est capta, ivit cum aliis captivis Babylonem; eius filius fuit Iesus, seu Iosue, sacerdos summus.

V. 3. IN MANU AGGAEI, id est per Aggaeum factum est verbum.

V. 4. IN DOMIBUS LAQUEATIS. Chald. *in tabulatis cedimis*, id est laquearibus cedro factis habitatis. ET DOMUS ISTA DESERTA? seu destructa est, scilicet templum.

V. 5. SUPER VIAS VESTRAS. Studia, negotia, opera vestra considerate, ut ex iis Deum iratum esse intelligatis.

V. 6. ET INTULISTIS PARUM, scilicet in horrea. ET NON ESTIS INEBRIATI, id est satiati potu. Qui inebriantur, sariantur

vino; ideo ebrietas ponitur pro satietate. OPERUISTIS VOS. Hebr. *induere* (pro, induistis vos) & *non ad calorem*, id est vellet non eris calidus. ET QUI MERCEDES CONREGAVIT, id est pecuniam labore & industria acquisivit, eam continuo amittit, pende ac si in marsupium perforatum misisset. Nihil procedit eorum quæ tentatis.

V. 8. ASCENDITE IN MONTEM, ut tigna ad fabricam cedatis. ET ACCEPTABILIS MIHI ERIT, scilicet domus. Hebr. & *complacebo mihi in ea*. ET GLORIFICABOR, scilicet in ea.

V. 9. RESPEXISTIS AD AMPLIUS. Hebr. *ad multum*, id est cum uberes fructus ex agris speraretis, parum intulistis. Atque id parum; flaccidum & inane; hoc est quod ait, EXUFFLAVI ILLUD. Feci ut spica & grana essent inania.

V. 10. GERMIN SUUM, seu fructum suum, id est solum est dare, prohibita terra.

V. 11. ET VOCAVI; pro, vocabo, id est faciam, inducam. Deum dicere, facere est. SICCITATEM, seu *vastitatem*. חרב *Horeb* utrumque significat, *siccitatem* & *vastitatem*. Vocabo ergo vastitatem super omnia, nisi obedieritis scilicet.

V. 12. SICUT MISIT EUM DOMINUS, id est prout misit eum Dominus; iuxta id ad quod miserat illum Prophetam Aggaeum, in eo audierunt illum, fecerunt quod iussit.

V. 13. ET DIXIT AGGAEUS NUNTIIUS. Hebr. *Angelus*: sic Propheta vocatur, quia missus a Deo, quia nuntiat quæ Deus iubet. DE NUNTIIIS, id est de numero Prophetarum. Hebr. *in legatione Domini*, id est Dei verbis & nomine dixit populo: EGO VOBISCUM SUM, vobis favebo.

V. 14. ET INGRESSI SUNT, seu *venierunt*, ceperunt opus, ut iubeatur.

M E N O C H I I.

Vers. 1. **D**ARIi REGIS: Darii Hytaspis regis Persarum. Vide Lib. I. Eldræ cap. v. MENSE SEXTO: scilicet, Iulio, vel Augusto. Nisan enim primus erat mensis, qui partim Martio respondebat, partim Aprili. IN UNA MENSIS, id est prima mensis; ponunt enim non infrequenter Hebraei numerum cardinalem, pro ordinali: sic dicunt, Una sabato.

batorum, id est prima sabbatorum. IN MANU AGGAEI, id est per Aggaeum, opera, & ministerio Aggaei. FILIUM SALATHIEL. At I. Paral. III. 19. dicitur fuisse filius Phadaiz. Quomodo hic nodus solvendus sit, diximus ad eum locum, quem vide. DUCEM IUDA: supremum administratorem; Reipublicæ Iudaicæ, quæ hoc tempore reges non habebat. SACERDOTEM MAGNUM: summum Pontificem.

V. 2. NONDUM VENIT TEMPUS: revera iam tempus advenerat, sed ipsi mesu, & sordida ædificationem differebant.

V. 3. ET FACTUM EST VERBUM DOMINI. Priora verba versiculi superioris Zorobabeli, & Iesu filio Iosedec dicta sunt, ut intelligerent sermonem populi Deo non placere: quæ nunc sequuntur, universo populo dicuntur. NUMQUID TEMPUS VOBIS EST, &c. quasi dicat: Vobis suppetit tempus, & animus, nec desunt pecuniæ ad domos laquearias, concameratas, & ornatas construendas; & desunt hæc omnia ad templum meum instaurandum, quod adhuc desertum est, & squalidum?

V. 5. PONITE CORDA VESTRA SUPER VIAS VESTRAS; id est, diligenter considerate opera vestra, & quid vobis acciderit.

V. 6. SEMINASTIS MULTUM, &c. quasi dicat, Nihil vobis successit propter vestram negligentiam in instaurando templo, quam plecto infausto eventu rerum, ad quas manus admovetis.

V. 7. INTULISTIS PARUM: parum frumenti collegistis, etiam si multum seminaveritis. ET NON ESTIS SATIATI: præ inopia, quia paucos fructus congregastis in horrea. ET NON ESTIS INEBRIATI: non potuistis ad satietatem bibere, quia parum vini collegistis. ET NON ESTIS GALEFACTI: quia paucas, & pauperes vestes habuistis, eum haberetis paucas oves, & parum lanæ. ET QUI MERCEDES CONGREGAVIT, &c. quicumque sive ex negotiatione, sive ex labore suo mercedes, & lucra congregare studuit, perinde fecit, ac si pecuniæ in marsupium perforatum missæ essent.

V. 8. ASCENDITE IN MONTEM: ut inde ligna cedris templo ædificando. ACCEPTABILIS MIHI ERIT, scilicet domus ædificata. In Hebræo est, Et complacbo in ea. ET GLORIFICABOR: ibi laudabor

Bib. Sac. Tom XXII.

ab hominibus & ibi me magnum ostendam, & magnis vos beneficiis afficiam.

V. 9. RESPEXISTIS AD AMPLIUS: optastis, & sperastis vos multum iritici &c. collecturos, sed spes vos fefellit, nam parum collegistis. EXSUFFLAVI; evanescere feci, seu redegi in nihilum, ut solet seges ventus urens. FESTINATIS UNUSQUISQUE, &c. quasi dicat, Quisque suam domum diligenter ædificat, vel providet domui suæ.

V. 10. PROHIBITI SUNT, scilicet, a me.

V. 11. STICCATEM. Chald. *sterilitatem*, seu, penuriam. SUPER HOMINES, ET SUPER IUMENTA: ex siccitate enim, & aeris inflammatione multii morbi pessiferi, tam in hominibus, quam in iumentis enasci solent. ET SUPER OMNEM LABOREM: super omnes hortos, & arbores, quas manibus vestris rigabatis.

V. 12. OMNES RELIQUIÆ POPULI: quæ ex illa magna multitudine, quæ Babylonem migraverat, reliquæ fuerant, & in Iudæam venerant. TIMUIT POPULUS: timuerunt Dominum, ne maiora mala immitteret.

V. 13. NUNTIIUS DOMINI DE NUNTIIIS DOMINI, id est unus ex numero prophetarum, qui a Deo missi solent ad populum. EGO VOBISCUM SUM, DICIT DOMINUS. Hæc & similia sæpe repetit, quia populus pavidus erat, & animo deiecto; verbis autem Domini ad spem bonam plurimum erigebatur.

V. 14. SUSCITAVIT DOMINUS SPIRITUM: intus animum eius movit, & excitavit, alacritatem addens, ut operi manum admovent. ET FACIEBANT OPUS: materiam parabant, nam structura non est coepta ante diem vigesimam quartam noni mensis, ut habetur capite sequenti n. 6. & num. 19.

T I R I N I.

Verf. 2. A NNO SECUNDO DARIÏ, non Medi, (ut putant Philo, Cyrillus, Tertulianus a, Genebrardus & Gerardus Mercator, quia hic iam pridem mortuus erat;) neque Ariarxerxis Longimani (ut Iansenius b;) neque Darii Nothi (ut Sulpitius & Scaliger c) quia hi diu post Eldram & Aggaeum vixerunt: sed Darii Hytaspis filii, qui a satrapis electus

electus per hinnitum equi, post Cambysem & Smerden Magum, rex fuit Perlarum: ita Iosephus, Eusebius c., S. Hieronymus, Clemens Alexandrinus d., Theodoret. Albertus, & alii passim. Vide Chronicum nostrum e. MENSE SEXTO anni non vulgaris, (ut vult Lyranus & Vatablus,) qui inchoatur circa æquinoctium autumnale, sed anni sacri, qui inchoabatur ab æquinoctio verno: ita Iosephus f., Hieronymus & alii iam citati. Et patet ex simili locutione Zachariæ & Esdræ, qui socii fuerunt Aggæi. Zacharias enim cap. 1. 7. & cap. vii. 1. nonum mensem vocat *Castrum*, undecimum *Sabbath*: qui numeri non subsistunt, nisi annum inchoes ab æquinoctio verno. Esdras quoque Lib. I. cap. vi. 14. & 19. post duodecimum mensem *Adar* anni sacri, computat mox primum mensem *Nisan*, quo pascha comeditur. De his etiam fule legi in Chronico cap. iv. Sextus ergo hic mensis erat *Elul*, & respondebat nostro partim Augusto, partim Septembri, quando occasione malignæ messis & vindemiz recens ætæ, monuit Aggeus Iudeos, ob neglectam templi instaurationem illos puniri ab irato Deo. ZOROBABEL hic ex proavis Christi vocatur *filius SALATHIEL* filii Iosachim, seu Iechoniz regis Iuda, ad distinctionem alierius Zorobabelis filii Phadaiz filii eiusdem Iechoniz, & fratris Salathielis prædicti, ut constat ex I. Paralip. iii. 17. & 19. & Chronico g nostro. Ubi etiam b vide de Iesu filio Iosedec summo tunc temporis pontifice Iudæorum. Porro hic Zorobabel idem est cum illo qui III. Esdræ iv. 42. inter tres principes primarios corporis regii custodes recensetur, qui obtenta a rege venia, Ierosolymam contendit sub initium secundi anni Darii, ut ex indulto eiusdem regis fabricam templi instauraret. Sed Iudei memores præteritarum difficultatum, toti etiam rebus propriis promovendis inerti, ad curandam sacram fabricam induci non potuerunt, donec sterilitate puniti, metu graviorum poenarum, & hortatu Prophetarum Aggæi & Zachariæ eo pertraherentur.

V. 5. PONITE CORDA VESTRA SUPER VIAS VESTRAS; id est, attenta mente perpendite fructum operum vestrorum, simulque causam inquireite, cur, ex quo neglectis instaurationem templi, omnia vestra

studia sint infelicia & inausa. Certe deprehenditis non aliam esse, quam neglectum sacræ fabricæ, inquit Vatablus, Lyranus, Arias & alii.

V. 6. COMEDISTIS collectas fruges, sed adeo parcas ac modicas, ut iis non *esset* exsatiati; nec *inebriati*, id est repleti & exhilarati. Hæc & similia alia poenarum genera peccantibus Iudeis infligenda prædixit iam olim Moyses in Levitico & Deuteronomio l. Unde cum nullum aliud adverteretur publicum in populo peccatum, facile erat notare ex inflictis cælius poenis, neglectu sacræ fabricæ offensum esse Deum.

V. 8. ASCENDITE IN MONTEM Libanum, inde ligna cedrina & traves excindite, & Ierosolymam *deportate*, ET DOMUM Domini iam sub Cyro fundatam, pergit *adificare* & perficere: ERIT illa MIHI ACCEPTABILIS & grata, & proinde orantes in ea, vel versus eam, ut olim n, promissi, exaudiam: ET sic GLORIFICABOR, dum in ea magnifice colar, & ex ea gloriose vobis succurram ac beneficiam.

V. 13. DIXIT AGGAEUS NUNTIUS, id est legatus seu Propheta, DOMINI DE NUNTIIS DOMINI, id est unus e numero probatorum & selectorum nuntiorum, seu Prophetarum Dei: cui proinde Zorobabel & populus universus merito fidem habuit. Hebræum *malach*, & Græcum ἀγγελος significat non eum solum qui natura angelus est, sed etiam qui officio, id est, nuntium seu legatum in genere, ut etiam Chaldeus venit. Unde immerito hinc collegit Origenes, Aggæum, ut & Malachiam o, & Ioan. Baptistam p quia *angeli* vocantur in Scriptura, veros & naturales angelos fuisse humana carne indutos, ut dixi in proœmio.

(a) Philo Annii, apud Genebrard. in Chronico. & Mercatorem. Cyrilli. Ierosol. catechesi xxi. Tertull. Lib. Cont. Iudeos tit. de Passione Christi.

(b) Iansenius Concordiæ Evang. cap. xix. Sulpic. Lib. II. Histor. Scaliger, in Emend. tempor.

(c) Ioseph. Lib. XI. Ant. q. cap. iv. Euseb. in Chron.

(d) Clem. Lib. I. Stromat.

(e) Chron. cap. xxxvii.

(f) Ioseph. Lib. I. Antiq. cap. iv.

(g) Chron. viii. 46. rebula ult.

(h) Chron. xxi. inicio classis 11.

(i) III. Esdr. v. 9. (k) Ibid. xlviii.

(l) Levit. xvi. Deuter. xxxviii.

(m) I. Esdr. vi. 16. & vii. 3.

(n) Deut. xii. 18. & III. Reg. viii. 49.

(o) Malach. i. 1.

(p) Malach. i. 1.

GORDONI.

Verf. 1. **I**N ANNO SECUNDO DARIÏ, &c. Aggeus prophetauit post Cyrum & Cambylem: I. Eldæ IV. 5. templi ædificandi potestatem concessit Cyrus: eandem inhibuit Cambyles: mortuo autem Cambyle Aggeus venit Ierosolymam, ut urgeret cœptum opus. Fuit vero rex sub quo venit Aggeus, Darius Hytaspis, ut in opere Chronol. ostendi: qq. cap. XIV. num. 21. & ad annos expansus 3484. &

& insequentes. Darii VI. anno absolutum templum est, & nono completum ibid. ac proinde 46. annis ædificatum, Ioan. cap. II. cetera quæ hic sequuntur sunt clara. V. 6. SEMINASTIS MULTUM, &c. Agit ex oraculo. HAEC DICIT DOMINUS: multi tentatis, nihil vobis successit, vestra curatis, & domum Dei negligitis: quin potius famem & alia estis experti; ergo aggredimini opus Dei (vers. 8.) & advenit Dominus: sic ergo (vers. 12.) per suum est Zorobabeli principi populi & Iesu summo sacerdoti.



CAPUT II.

Exsi templum readificatum nihil videatur priori collatum; postea tamen veniente Messia, replebitur gloria maiori, quam fuerit prioris templi: & sicut Iudæi ob neglectam templi readificationem facti fuerant immundi coram Deo, ipsorumque sacrificia & sterilitas adducta; ita post inceptam readificationem omnia ipsis facta sunt prospera.

IN † in die vigesima & quarta mensis, in sexto mense, in anno secundo Darii regis. 2. In septimo mense, vigesima & prima mensis, factum est verbum Domini in manu Aggei prophetae, dicens: 3. Loquere ad Zorobabel filium Salathiel ducem Iudæ, & ad Iesum filium Iosedec sacerdotem magnum, & ad reliquos populi, dicens: 4. Quis in vobis est derelictus, qui vidit domum istam in gloria sua prima? & quid vos videtis hanc nunc? numquid non ita est, quasi non sit in oculis vestris? 5. Et nunc confortare Zorobabel, dicit Dominus: & confortare Iesum fili Iosedec sacerdos magne, & confortare omnis populus terræ, dicit Dominus exercituum: & facite (quoniam ego vobiscum sum, dicit Dominus exercituum) 6. verbum quod pepigi vobiscum cum egrederemini de Terra Aegypti: & spiritus meus erit in medio vestrum, nolite timere. 7. Quia hæc dicit Dominus exercituum: (a) Adhuc unum modicum est, & ego commovebo cælum, & terram, & mare, & aridam. 8. Et movebo omnes Gentes: Et VENIET DESIDERATUS cunctis Gentibus: & implebo domum istam gloria, dicit Dominus exercituum. 9. Meum est argentum, & meum est aurum, dicit Dominus exercituum. 10. Magna erit gloria domus istius novissimæ plus quam primæ, dicit Dominus exercituum: & in loco isto dabo pacem, dicit Dominus exercituum. 11. In vigesima & quarta noni mensis, in anno secundo Darii regis, factum est verbum Domini ad Aggeum Prophetam, dicens: 12. Hæc dicit Dominus exercituum: Interroga sacerdotes

legem, dicens: 13. Si tulerit homo carnem sanctificatam in ora vestimenti sui, & tetigerit de summitate eius panem, aut pulmentum, aut vinum, aut oleum, aut omnem cibum: numquid sanctificabitur? Respondentes autem sacerdotes, dixerunt: Non. 14. Et dixit Aggeus: Si tetigerit pollutus in anima ex omnibus his, numquid contaminabitur? Et responderunt sacerdotes, & dixerunt: Contaminabitur. 15. Et respondit Aggeus, & dixit: Sic populus iste, & sic gens ista ante faciem meam, dicit Dominus, & sic omne opus manuum eorum: & omnia quæ obtulerunt ibi, contaminata erunt. 16. Et nunc ponite corda vestra a die hac & supra, antequam poneretur lapis super lapidem in templo Domini. 17. Cum accederetis ad acervum viginti modiorum, & fierent decem: & intraretis ad torcular, ut exprimeretis quinquaginta lagenas, & fiebant viginti. 18. (b) Percussi vos vento urente, & aurugine, & grandine omnia opera manuum vestrarum: & non fuit in vobis, qui reverteretur ad me, dicit Dominus. 19. Ponite corda vestra ex die ista & in futurum, a die vigesima & quarta noni mensis: a die, qua fundamenta iasta sunt templi Domini, ponite super cor vestrum. 20. Numquid iam semen in germine est: & adhuc vinea, & ficus, & malogranatum, & lignum olivæ non floruit? ex die ista benedicam. 21. Et factum est verbum Domini secundo ad Aggeum in vigesima & quarta mensis, dicens: 22. Loquere ad Zorobabel ducem Iuda, dicens: Ego movebo cælum pariter & terram. 23. Et subvertam solium regnorum, & conteram fortitudinem regni Gentium: & subvertam quadrigam, & ascensorem eius: & descendent equi, & ascensores eorum: vir in gladio fratris sui. 24. In die illa, dicit Dominus exercituum, assumam te (c) Zorobabel fili Salathiel serve meus, dicit Dominus: & ponam te quasi signaculum, quia te elegi, dicit Dominus exercituum.

(a) Hebr. xii. 26. (b) Amos iv. 9. (c) Eccl. xlix. 13.

B R U G E N S I S

LECTIONUM VARIETAS.

Verf. 1. In die vigesima & quarta mensis, in secundo mense, in anno secundo Davii Regis. Hæc verba plerique libri faciunt initium capitis secundi: sed antiqua manuscrip-
ta quæ vidimus nos alique, quæ non habent eam capitulum distinctionem, quam nos, sic scribunt, ut liceat ea facere, vel

finem primi, vel principium secundi capitis: immo indicant esse potius finem periodi, quam principium, quando verba sequentia, in septimo mense, incipiunt a littera capitali: revera enim pertinent ad finem capitis præcedentis. *Simile occurrit Jer. xxxviii, ait vir doctissimus Franciscus Ribera, quod verum est.*

C O M M E N T A R I A

S A.

*Verf. 1. I*N DIE, &c. hic versus coniungitur cum præcedenti cap. apud Hieron. & quosdam alios, sci-

licet hac die coeptum opus, id est parari materia; nam edificium coeptum 24. mensis noni, ut dicitur infra. SEXTO, scilicet Augusto: quidam Februarium putant, quia annus vulgaris incipiebat a Septem-

prembri, facer autem a Martio. Vide E. xod. xix.

V. 4. DERELICTUS, scilicet ex iis qui viderunt primum templum. GLORIA, id est splendore. Chald. *decere*. QUID; pro, qualem. LXX. *quemodo*. NON SIT. Chald. *res nihili*.

V. 5. TERRAE, scilicet huius. FACITE, scilicet opus terrae quod coepistis.

V. 6. VERBUM, id est fœdus, scilicet firmum erit, seu servabo. SPIRITUS, scilicet tertia persona in Deitate, adeoque tota Trinitas; nec enim separantur actione. ERIT, scilicet per effectum gratiae & protectionis.

V. 7. MODICUM. Nota, 500. annos, aut 300. secundum alios, dici *modicum*, scilicet breve est, respectu non solum æternitatis, sed totius temporis. LXX. *ad huc semel*: & ita citatur Hebr. xii. *COMMUEVO*, &c. quasi dicat: Faciam rem novam & mirabilem in orbe. ET MARE, &c. explicat quid terræ nomine intellexerit.

V. 8. MOVEBO, scilicet stupore tanti mysteriorum, & letitia, & vitæ innovatione. VENIET, scilicet in mundum, vel ad iudicium. Vide August. XVIII. Civit. cap. xxxv. & xlviii. DESIDERATUS, &c. scilicet Christus, quem totus mundus desiderabat, scilicet optabat felicitatem, quam Christus attulit, etsi id eum facturum multi ignorabant. Chald. *desiderium omnium Gentium*. GLORIA, scilicet ob Christi præsentiam.

V. 9. MEUM EST, &c. quasi dicat: Si velim, possum facile istam ornare auro & argento, sed ornabo te pretiosiori, scilicet filii mei præsentia, & doctrina, &c.

V. 10. DOMUS ISTUS, id est Ecclesiae per hanc significatur. August. XVIII. Civit. PACEM, scilicet Christum, qui est pax nostra.

V. 12. LEGEM, id est de re ad legem pertinente.

V. 13. SANCTIFICATAM, scilicet per oblationem eius factam Deo. EIUS, scilicet vestimenti. SANCTIFICABITUR, scilicet id est quod factum fuit.

V. 14. IN ANIMA, id est ob contactum hominis mortui.

V. 15. SIC POPULUS, &c. quasi dicat: Contaminat quidem oblationes, quia immundus est peccatis, & non ab ipsis san-

ctificatur, quod eas tangat sanctificatus. Vide Ierem. xi. *Namquid carnes sancta auferens a te malitias tuas*, &c. Ibi, scilicet in altari quod extruxerant ad sacrificia.

V. 16. HAC, scilicet 24. mensis nomi.

V. 17. VIGINTI, scilicet opinione vestra, seu spe.

V. 18. VENTO URENTE. LXX. *sterilitate*. AURUGINE. Vitium est segetis ex nimio humore. LXX. *corruptione aeris*.

V. 19. IACTA, scilicet super illa, quæ coepta tempore Cyri, vel in altera parte, in qua nondum coepta. Vide I. Eld. iii.

V. 20. GERMINI, quasi dicat, Nondum germinavit. Hinc apparet nonum esse Novembrem, non Martium. Chald. *in area*. BENEDICAM, id est dabo copiam fructuum.

V. 23. REGNORUM. Quidam putant prædici eversionem Regni Persarum. Alii Græcorum, alii Romanorum. DESCENDENT, id est cadent in terram, scilicet morientur. VIR, id est quisque.

V. 24. TE, scilicet in posteris tuis, præcipue in Christo: sic quædam promissa Abraham, Genes. xii. & xv. quæ in posteris impleta. SIGNACULUM, id est annulum signatorium. Chald. *seulpturam annuli super manum*. ELEGI, scilicet ut ex te Christus nascatur. Chald. *in te mihi complacui*.

EST I I.

Verf. 7. A DHUC UNUM MODICUM, & 8. ET EGO COMMUEVO CAELUM ET TERRAM, ET MARE, ET ARIDAM. ET MOVEBO OMNES GENTES: ET VENIET DESIDERATUS CUNCTIS GENTIBUS. Apertissimum vaticinium est de adventu Christi, & gratia novi testamenti. Quod igitur dicit, *Ad huc modicum*, significat post breve tempus venturum Christum; quod imprimis contra Iudæos carnales notandum, qui usque hodie adhuc suum Christum expectant. Citans hunc locum Apostolus ad Hebr. xxi. significat Deum antea semel movisse terram, nunc autem promittere, quod movebit non solum terram, sed & caelum. Terram semel movit Deus, quando apparens in monte Sina, per fulgura, & horrenda tonitrua exterruit populum illud terrenum, qui tamen

men nihil aliud quam terra remansit. In adventu autem suo Christus, non solum terram, sed & calum movit, quando non terrestria tantum, sed & caelestia in suo sanguine instauravit; aut certe, quod proprium est gratiae novi testamenti, quando terrenos homines in spirituales commutavit. August. in Psal. cxviii. con. xx. & Serm. XV. de diversis cap. vii illud, *Et veniet desideratus cunctis gentibus*, refert ad secundum Christi adventum. Sed obstat, quod dicitur: *Adhuc modicum*. Agitur igitur de eo quod proxime erat futurum. Movetur August. hac ratione, quia primum adventum gentes non expectabant; hic autem dicitur, *veniet desideratus*. Sed responderetur; dicitur *desideratus*, id est desiderabilis, ut qui summum beneficium redemptionis & salutis iis esset allaturus.

V. 10. MAGNA ERIT GLORIA DOMUS ISTIUS NOVISSIMAE PLUSQUAM PRIMAE. Hoc nonnulli referunt ad tempora quae Christi adventum praecesserunt, quando, ut in Lib. Machab. legimus, etiam reges externi locum illum summo honore dignum ducebant, missis eo muneribus, & subministratis hostiis, & aliis sumptibus ad sacrificia. Alii ad Christi refertur adventum, cuius praesentia templo illi miris cum splendorem attulit; ibi scilicet oblatus est, ibi docens, ibi mira patrans fuit. Neque obulare volunt huic sententiae, quod Iosephus testetur templum hoc a Zorobabel aedificatum, ab Herode prorsus destructum, & aliud reaedificatum fuisse. Nam dicunt, eodem loco & iisdem fundamentis fuit aedificatum, & sic idem poterat templum censer. Sed sine dubio, sicut quod praecedat, *Et veniet desideratus cunctis gentibus*, de Messia intelligitur, non tantum quatenus ad Iudeos, sed quatenus ad omnes gentes salvandas missus est; sic & quod subiungitur de gloria domus illius novissimae, maxime & principaliter de gloria ecclesiae ex omnibus gentibus collectae intelligendum est.

M A R I A N A E.

Verf. 1. IN DIE VIGESIMA ET QUARTA. Hic est finis capituli superioris; sic Hebraei dividunt. Ergo Aggeus cepit vaticinari die prima mensis sexti; populus, quod hic dicitur, cepit opus e-

ius mensis die vigesimaquarta. Proximo mense denuo Aggeus Principes & populum alloquitur.

V. 2. IN SEPTIMO MENSE. Is est mensis Tisri, Septembris respondens.

V. 4. DOMUM ISTAM IN GLORIA SUA. Quis vidit? nempe Salomonis templum. NUMQUID NON ITA EST, QUASI NON SIT. Hebr. *an non jicut ipsa, ut nihil*; id est eius comparatione nihil est haec domus, in nullo illi priori domui comparata. Quinque res in secundo templo defuerunt, uti Hebraei aiunt; Primum, Divina praesentia; non enim reddebantur responsa. Secundum, Spiritus propheticus; nam in Malachia deficit. Tertium, Ignis sacer; numquam enim comparuit, ex quo abundantius est: II. Machab. 1. 19. Quartum, Urim Thumim in Rationali. Quintum, Arca, ubi Lex erat.

V. 5. ET FACITE, scilicet opus quod coepistis, in eo pergit.

V. 6. VERBUM QUOD FERIO, scilicet implebo. Quod fuit illud? quod sequitur. ET SPIRITUS MEUS ERIT, id est ego ipse ero vobiscum, non vos deseram.

V. 7. ADHUC UNUM MODICUM EST, scilicet post parum temporis. Sept. *adhuc semel*. Sic Paulus citat ad Hebr. xii. 26. id est adhuc semel meam potentiam ostendam rebus omnibus motis. ET EGO COMMOVEBO. Terram commovit tantum, cum legem terrestrem dedit; at in adventu Christi caelum & terram. CAELUM, ob stellas & Angelos; TERRAM, ob pastores & Magos, & Herodem. ET MARE, ET ARIDAM. Quia undique confluent ad Christum. Per aridam August. XVIII. de Civit. cap. xxxv. intellexit insulas, quia scilicet terra praecessit. Sed frequens in Sacris est repetitio.

V. 8. ET MOVEBO OMNES GENTES. Forte loquitur de bellis, quae multa inter Romanos adventum Christi praecesserunt. ET VENIET DESIDERATUS CUNCTIS GENTIBUS. Hebr. *Et veniet desiderium* (pro, desideria) *omnium Gentium*, id est divitiarum, aurum & argentum, quae omnes cupiunt, in hoc templum adducentur. Sic Hebraei. Favent illis Sept. vertunt enim: *Venient electa omnium Gentium*. Chald. *Veniet desiderium omnium Gentium*, pro, desideratus, ut Hieronymus posuit, nomen formae vertens in subiectum & compositum,

tum, quod sepe fit. Christus sane ob Prophetarum vaingloria a cunctis Gentibus expectabatur. ET IMPLEBO DOMUM ISTAM GLORIA, id est argento & copiis, ut Iudaei somniant; nos ob adventum & praesentiam Christi. Ea fuit gloria eius templi, non alia. De Messiae adventu Veteres Iudaei locum hunc intellexerunt: Galatinus Lib. IV. cap. IX.

V. 9. MEUM EST ARGENTUM; ut scilicet in illud templum conferatur, ego id facere possum: sic Iudaei. Nos, *meum est argentum*, id est nihili illud facio; neque iis copiis ornare hoc templum volo.

V. 10. MAGNA ERIT GLORIA, id est maior. Hebraei comparativo carent, pro eo utuntur positivo. Verum, in quo gloria posterioris templi fuit maior prioris? Iudaei respondent, duratione; quia prius stetit 410. annis, posterius 420. tum pulchritudine & forma aedificii superasse dicunt. Verum cum vers. 4. dixerit, pro nihilo esse posterius templum cum priori comparatum, eum prius auro obductum esset, de posterioris copiis nihil legamus, ac vero turbidis temporibus eas habere non poterunt; cogimur eam gloriam alio referre, ad Christi in eo templo praesentiam. ET IN LOCO ISTO DABO PACEM, in ortu Christi magna fuit pax, Iani portae ab Augusto clausae, immota toto Imperio Romano pacis argumento.

V. 11. NON ME MENSIS. Hic est Kisleu, Novembri respondens. Tunc Deus locutus est Aggeō.

V. 12. INTERROGA SACERDOTEM LEGEM, id est de lege. Propone illis quaestionem.

V. 13. IN ORA VESTIMENTI SUI: in ala vestimenti. DE SUMMITATE EIUS. Hebr. *in ala eius*, scilicet vestimenti, si tulerit quis carnem sanctam. Numquid PANEM; id est, numquid ob tactum carnis sanctificatae, illa, panis scilicet & vinum, sanctificabuntur? Respondet. Minime.

V. 14. SI TETIGERIT POLLUTUS IN ANIMA. Anima pro cadavere. Si is, qui se polluit tactu cadaveris, tetigerit panem, aut quidpiam aliud, an id etiam contaminetur? Respondet, contaminari. Sed quorsum haec? Ut ostendat, nil mirum, ob peccata populi, fruges & alia quasi contami-

nata maligne provenire, & iram Dei ad alia extendi, & eorum oblationes repudiare. Sic hi & dona eorum contaminata sunt.

V. 15. QUAE OBSTULERUNT IBI, id est in altari, quod initio aedificavit: I. Eisdem. 2. Sacrificia ingrata sunt, quia offerentes polluti ob intermissam templi structuram.

V. 16. ET NUNC PONITE CORDA VESTRA, id est considerate superiora tempora, antequam aedificationem templi incerpistis.

V. 17. CUM ACCEDERETIS AD ACERVUM, id est ex acervo, ex quo putabatis fore viginti, scilicet modios, invenistis decem; & ex torculari, unde exprimere (Hebr. *haurire*) credebatis quinquaginta, scilicet lagenas, invenistis viginti: scilicet Deo irato contra vos, proventus est imminutus, & spes fessellit. Hebr. nec *modios* est, nec *lagenas*; sed bene supplentur, quod faciunt Hieronymus, item Sept. & Chald. in diverso quamvis mensurarum genere.

V. 18. PERCUSSTI VOS VENTO URENTE. Chald. *uredine*, qua scilicet spicae siccantur. ET AURUGINE. Viciū ex nimio humore, cum pallent spicae & grana, in cinerem vertuntur. Haec fuit causa exigui proventus, percussisse me vos his plagis. ET NON FUIT IN VOBIS Hebr. *non fuit vobiscum ad me*, id est quispiam e vestro numero, qui ad me reverteretur, me oraret, a malo desisteret.

V. 19. A DIE, QUA FUNDAMENTA LATA SUNT; pro, id est a die, quo aedificare coepistis, quae fuit vigesima quarta mensis noni.

V. 20. NUMQUID IAM SEMEN IN GERME NE EST? id est, scia nondum germinarunt, ut ex illis coniectura fiat futurae ubertatis. Hebr. *nonne adhuc semen in horreo?* nondum sementis est facta. Ne dicatis me conicere ubertatem futuram ex semine iam facta. NON FLORUIT VINCA. Hebr. *non tulit*, scilicet fructum. Ex DIE ISTA BENEDICAM, id est fructus tamen uberes segetibus & arboribus dabo. Vides Deum etiam in praesenti piis secundos successus largiri, multare impios. Hoc frequenter & plurimum accidit.

V. 21. ET FACTUM EST VERBUM DOMINI

MINI SECUNDO. DUAS visiones habuit uno die.

V. 22. EGO MOVEBO CAELUM PARITER ET TERRAM. Turbabo bellis orbem; scilicet ante Christi adventum.

V. 23. ET SUBVERTAM SOLIUM, id est Regna ipsa subvertam, Regibus sublati qui nunc sunt. ET DESCENDENT EQUI, &c. pro, eadem. Chald. interficientur equi & ascensores. Vtr, id est quisque gladio fratris sui, sic Sept. & Chald. Inducant bella civilia, quae diu inter Romanos viguerunt, & alibi.

V. 24. IN DIE ILLA. Inter tot bella te incolorem, o Zorobabel, servabo; id erit tuæ pietatis premium. PONAM TE QUASI SIGNACULUM, id est ut annulum signatorium, qui semper in manu & in oculis est, te charissimum habebō. Chald. ut sculpturam annuli. QUA TE ELEGI. Chald. quoniam in te mihi complacui. Porro hæc promissio aut in ipso Zorobabel, aut in eius posteris impleta est, in Christo præsertim.

M E N O C H I I.

Verf. 1. SEXTO MENSE: Iulio, vel Augusto, ut dictum est superiori capite num. 1.

V. 2. IN MANU AGGAEI: per Aggeum.

V. 4. DERELICTUM: scilicet ex iis, qui viderunt primum templum. QUID VOS VIDETIS HANC NUNC? quasi dicat, Qualis vobis hæc videtur? Hoc dicit, quia senes, qui viderant templum primum, iugebant videntes fundamenta huius secundi templi, magnificentia, & splendore cum Salomonicum non confenderi. QUASI NON SIT: quasi sit res nihili.

V. 5. ET NUNC CONFORTARE: ne properet animus despondere, & ab opere cessetis. FACITE: promovete opus ædificationis templi. Vel potius (quod interpositioni Romanæ magis convenit) sensus est, Facite verbum, id est servate legem, quam in pacto vobiscum inito, quasi conditionem foederis a vobis præstendam exigi: ego vicissim præstabo quod meum est, vos enim protegam, & opem feram, ut difficultates omnes superare possitis.

V. 6. SPIRITUS MEUS ERIT IN MEDIO

VESTRUM; quasi dicat, Ego spiritu meo vobis adero, vobiscum aspirabo spiritum providentiæ, fortitudinis, alacritatis, &c. ut opus iuchoatum perficere possitis.

V. 7. ADHUC MODICUM. Loquitur de adventu Christi in carne; licet quingentes adhuc anni usque ad Christum superessent, dicit tamen modicum, quia breve est omne tempus comparatione æternitatis, & quingenti anni si comparantur cum tot sæculis ante, & post lapsis, & quæ habentur, modica est temporalis particula. COMMOVEBO CAELUM, ET TERRAM: ut scilicet omnes homines, & Angelos per multa, & magna prodigia excitent ad attentionem operis magni quod paraturus sum, scilicet ad Christi incarnationem, legis lationem, & redemptionem. Prodigia quæ facta sunt nascente Christo, nemini sunt ignota, nam Angeli apparuerunt pastoribus; stella visa est Magis, &c. MARE, ET ARIDAM. Explicat quid nomine terræ intellexerit: commotiones in mari factæ sunt, & in terra propter Romanorum bella civilia tempore Augusti. Facta etiam est commotio in mari, quia Christus maris fluctus commoveri iussit, & quiescere per arbitrio suo. In terra autem, quia in eius morte terra mota est, & petra fissæ sunt.

V. 8. MOVEBO OMNES GENTES: vel per bella tempore Augusti, ut dictum est, vel per censum sub Tiberio iubente distribi universum orbem Romanorum, vel per Evangelii prædicationem, & miracula Christi, & Apostolorum, &c. VENIET DESIDERATUS CUNCTIS GENTIBUS: Christus, quem omnes electi omnium nationum expectaverant, & desideraverant, ut Iob in terra Hus, &c. Vel, cuius adventu & redemptione, omnes maxime indigebant, & indeo Desideratus dicitur, ut terra cum sicca est, imbrem desiderat. ET IMPLEBODOMUM ISTAM GLORIA: ob Christi redemptionis præsentiam, qui in illo frequenter versabitur.

V. 10. MEUM EST ARGENTUM, ET MEUM EST AURUM, &c. quasi dicat: Si velim facile possim templum hoc ornare auro, & argento, sed ornabo re pretiosiori, scilicet filii mei præsentia, & doctrina, &c.

V. 10. IN LOCO ISTO DABO PACEM: in loco isto per Christum dabo pacem, id est

est benedictionem, & bonorum omnium copiam.

V. 12. INTERROGA SACERDOTES, &c. Duas quaestiones iubetur propheta proponere sacerdotibus, ut ex eorum responsis arguat Iudeos de neglectu fabricae templi. Italice dicemus, *Dimanda loro questi en- si di coscienza.*

V. 13. CARNEM SANCTIFICATAM, id est Deo immolatam. DE SUMMITATE EIUS, scilicet vestimentis. NUMQUID SANCTIFICABITUR? scilicet, id quod tactum est. DIXERUNT, NON. Recte, nam licet caro sanctificata si tangat vestem, eam sanctificet, ut habetur Levit. VI. 27. non tamen ulterius velis contactu carnis sanctificata, si tangat panem, vinum &c. illud sanctificare poterit, sanctitatem suam illi communicando, & in illud transtundendo. Apodosis similitudinis habetur infra num. 15.

V. 14. POLLUTUS IN ANIMA, id est ob contactum hominis mortui. Ex OMNIBUS HIS: verbi gratia, si tetigerit panem; aut pulmentum, aut vinum, ut dicitur numero superiori. DIXERUNT, CONTAMINABITUR. Recte, nam ex ritu legis veteris Numer. XIX. 13. & 22. pollutus ex contactu cadaveris, vel morticini, omnia quae tangebat, contactu suo immunda reddebatur.

V. 15. SIC POPULUS ISTE, &c. quasi dicat, Contaminat qui-*em* oblationes, quia immundus est peccatis, ac nominatim negligentia, & inobedientia templi reedificandi, non tamen ab ipsis sanctificatur, quod eas tangat sanctificatas; nam licet ex contactu rei sanctificatae contrahat exterioriorem quamdam sanctitatem legalem, tamen ulterius sanctificatio hae non progreditur, nec ad sanctificandam animam pervenire possit: sic Ierem. XI. 15. dicitur: *Numquid carnes sanctae auferent a te malitias tuas, in quibus gloriata es? Sic omne opus manuum eorum; scilicet, pollutum erit quicquid fecerint, quia labe peccati inobedientiae sordidi sunt.*

V. 16. ET NUNC PONITE CORDA VESTRA, &c. id est, agnoscite causam, quae hactenus vobis omnia male cesserint, usque ad diem hanc 24. mensis noni, quae coepistis reedificare templum, ut cum deinceps prospera evenerint, causam quoque intelligatis.

Bib. Sac. Tom. XXII.

V. 17. CUM ACCEDERETIS AD ACERVUM VIGINTI MODIORUM: cum quispiam vestrum accedebat ad curculum manipulorum, & lpicatur, qui daturus videbatur viginti modios tritici, postea illum virga excutens non colligebat nisi decem.

V. 18. VENTO URENTE, ET AURUGINE. Quid sit ventus urens diximus Amos IV. 9. Quid vero aurugo lucet t. 4. QUI REVERTERETUR AD ME: peccata relinquens, ad templi adificationem se accingens.

V. 19. EX DIE ISTA, ET IN FUTURUM: ut scilicet videatis quam prospera vobis futura sint omnia, quia templum adificare coepistis.

V. 20. NUMQUID IAM SEMEN IN GERMINIS EST? &c. Pagnini: *verit, Nonne ad semen est in herba? Et adhuc vitis, & ficus & malagranae, & arbor olea, non tulit fructum?* sententia autem est: Semina adhuc sunt in horreo vel si terrae sunt tradita, adhuc latent sub illa. Pari modo vinea, & ficus nondum floruerunt, cum sit nunc mensis nonus, id est pars Novembris, & Decembris; non dicetis ergo me ex signis divinare. Quamvis ergo nullum signum videatis fertilitatis; tamen praedico vobis annum proximum uberrimum, quia iam templum mihi edificatis. BENEDICAM, id est dabo copiam fructuum.

V. 22. MOVEBO CAELUM ET TERRAM: vide dicta supra num. 7.

V. 23. SUBVERTAM STILIUM REGNORUM, &c. Nam Persas tunc dominantes Iud. contrivit Deus per GRECOS; Gr. vero per Romanos; Romanos per mutua bella civilia. REGENT GENTIUM. In Hebraeo est, *regnum Gentium.* DESCENDENT EQUI, id est, cadent in terram, scilicet morientur. VIR, id est unusquisque.

V. 24. ASSUMAM TE ZOROBABEL, &c. Haec promittuntur Zorobabeli non in eius tantum persona implenda, sed in eius etiam posteris, & praecipue in Christo. QUASI SIGNACULUM, id est annulum signatorium, ut quemadmodum annulus semper in manu habetur, & diligenter custoditur, ita & tu mea peculiari cura protegaris, & serveris. ELIGI TE: scilicet ut ex te Christus nascatur. Chald. *In te mihi complacui.*

X

TI.

T I R I N I.

Perf. 1. **I**N DIE VIGESIMA QUARTA
MENSIS SEXTI: supple, coepe-
runt aggredi inlaurationem templi. Pendit
enim hæc verba a fine cap. præced. in-
quit S. Hieronymus, Theodoretus & alii
passim.

P. 4. **Q**UIS VESTRUM VIDIT DOMUM I-
STAM IN GLORIA SUA PRIMA, antequam
everteretur a Chaldeis; *Viderunt* autem il-
lam plurimi non modo plebei, sed & *prin-*
cipes patrum & seniores, etiamtum super-
flites, ut ait Eldras. Lib. I. cap. III. 12. Vix
enim effluxerant 40. anni, ut in Chronico
demonstravi cap. XXXV. **E**T QUID VOS VI-
DETIS HANC NUNC prout illam instaurare
deceveritis? NUMQUID NON ISTA EST IN
OCULIS VESTRIS QUASI NON SIT? Chal-
deis, quasi res nihili; LXX. quasi non
existens: nempe si cum magnificentia prio-
ris templi comparetur. Templum enim hoc
posterius non ex lapidibus pretiosis undi-
que laminis aureis tectum, ut Salomoni-
cum *a*, sed ex vulgaribus lapidibus exci-
tabitur, neque in parem *b* altitudinem,
neque cum tot appendicibus, gazophyla-
cis & porticibus. Unde cum utrumque
inter se conferret, *stabant vocem magna*,
inquit Eldras *c*. Sed

V. 6. **V**ERNUM FACITE QUOD PEPIGI
VOBISCUM; id est, observate legem meam,
quam in pacto vobiscum inito, quasi con-
ditionem fœderis ex vestra parte præstan-
dam exegi; & ego vicissim præstabo quod
ex mea parte præstandum addixi, nempe
ut **SPIRITUS MEUS** sanctus tum secundum
personam suam *d*, tum secundum dona *e*
sua perpetuo vobis adsit, providentia sua
vos dirigens, fortitudine corroborans ac
defendens, sapientia, scientia, consilio suo
instruens ad inchoatam iam fabricam, &
alia opera concinne & assabre perficienda:
ita Hebraei, & passim SS. Paires. Nec
solum Spiritum meum, sed & filium me-
um, vobis dabo. Expectate enim

V. 7. & 8. **A**DHUC UNUM MODICUM,
puta 515. annos (tot enim sunt a secun-
do anno Darii Hytaspis *f* usque ad Chri-
sti advenum) qui revera modicum quid
sunt respectu temporis elapsi ab orbe con-
dito, puta 3485. annorum *g*; respectu ve-

ro aternitatis vix momentum vel punctum
faciunt. Addit Arias, esse modicum respec-
tu legis Christiane; ad finem usque mun-
di duraturæ, quæ tamen & ipsa in Scri-
pturis *hora* vocatur, I. Ioan. II. 18. *Fi-*
lioli, novissima hora est. Exacto hoc mo-
dico, multis magnisque prodigiis **COMMO-**
VEBO CAELUM, TERRAM, MARE, **ET**
OMNES GENTES, ut excitæ quasi e somno
profligant ad excipiendum Messiam regem
& dominum suum. **V**ENIET enim tunc, in
hunc orbem **DESIDERATUS CUNCTIS GEN-**
TIBUS. Hebraice, *desiderium cunctarum gen-*
tium; LXX. *venient electa omnium gen-*
tium. Messias enim unus est ex omnibus
gentibus & præ omnibus electus, per quem
ceteri omnes electi & dilecti sunt a Deo:
per ipsum mala omnia ab omni creatura
removentur, & bona cuique omnia obve-
niunt: ipse est principium, finis, exem-
plar, centrum, nodus, vinculum, vita,
salus, felicitas totius universi, summa, caput,
compendium omnium operum Dei.
Unde merito gentes omnes ad ipsum anhelant
& ardent; ipsum desiderant, amant,
& exoptant vehementissimo appetitu, non
modo naturali (sicut terra arida sitit &
exoptat pluviam, & quævis res desiderare
dicitur illud quo eget, inquit Martinus de
Roa *h*:) sed & rationali: nam etiam Gen-
tes ex maiorum suorum traditione iam in-
de ab initio mundi, post etiam ex relato
Iudæorum sciebant venturum aliquando sal-
vatorem ac redemptorem mundi, ut con-
stant de primis Patriarchis, de Iobo, eius-
que amicis, de Sibyllis, & tot aliis. Quæ
vero nesciebant, simulatque ex Apostolica
viris de adventu illius certiores factæ sunt,
ardentissimo desiderio ad ipsum aspirarunt,
tantoque affectu amplexæ sunt, ut ipsis
amore, & pro ipsius honore substantiam
omnem, & sanguinem, & vitam libentes
profunderent. Porro locum hunc de Chri-
sto ad litteram exponendum esse concors
est sententia, non modo omnium SS. Pa-
trum, sed & Rabinorum, maxime anti-
quorum, quos citatos habes apud Galati-
num *i*, qui ex hoc loco clarissime convin-
cit Iudæos, advenisse iam pridem Chri-
stum, quia iam pridem desit hoc templum
Zorobabelis, quod Christi præsentia dicitur
hic gloriosius redditura, quam ante
fuerit templum Salomonis.

Pe-

Petes, Quenam commotio veniente in mundum Christo, facta est in caelo, in terra, in gentibus, in mari? Respondeo, e caelo missus est archangelus ad Zachariam k nuntiaturus praecurlorem Messiae, ad Mariam l, ad Ioseph m, ad pastores n, Incarnationem & Nativitatem Messiae: missa est stella o Magorum, missa & alia phenomena, quae ex Svetonio, Dione & Tacito recenset Orofius gravis historicus a S. Augustino laudatus, & ex eo Baronius, Barradius p & alii. His adde, quae in baptismo, transfiguratione, passionem, resurrectionem, ascensionem & pentecostem q, facta sunt caelorum apertio, angelorum emissio & vocum demissio. Terra, & in terra gentes nascentes Christo commotae fuerunt; primo, armorum per totum orbem discussione, bellorum compositione, & animorum in universalem r pacem conspiratione. Secundo, omnium ad commune lustrum & censum s concursum. Tertio, omnium vel perturbatione e vel metu ob nasciturum vel natum Messiam, ut etiam Romanis persuasum erat, teste Tacito u & Svetonio x. Quarto, oraculi Delphici & aliorum subito silentio, ut ait Cicero Arnobius & Eusebius y: statuarum & idolorum tum in Capitolio, ut scribit Dio z, tum alibi, de caelo percussione, liquefactione, deiectione, vel lapsu, ut alibi aa dixi. Quinto, numquam audito in terris miraculo, incontaminatae virginis partu, inquit S. August. Lib. XVIII. Civit. cap. xxxv. Sexto, petrarum & rupium patiente Christo, disruptione, & horrendo tremore bb, de quo Plinius cc, Terra, inquit, maximus memoria mortalium exitus motus Tiberii Caesaris principatu, duodecim uribus Asia una nocte prostratis. Taceo convulsionem & disruptionem viscerum terrae, quando anima Christi ad limbum, in feros spoliata descendit. Taceo commotionem animarum factam praedicatione & miraculis Christi & Apostolorum. Ad mare venio, quod & ipsum insolitis modis in adventu Christi concussum fuit partim per bella navalia, quae Svetonius dd; partim per tempestates, quas alii historici apud a Castro recensent; partim per Christi imperium, quo & sedae procellae, & undae pedibus calcatae, & pisces in retia coactis; denique per terrae generalem motum, patien-

te Christo, etiam mare concussum constat.

Huius tam prodigiosi, tam illustris, tam potentis Domini praesentia, doctrina, & miraculis gloriosis, inquit hic Deus, Impleto domum istam, quam nunc instauratis. Et ex his longe maior GLORIA accedet huic domui, quam alteri olim accessit ex omni auro & argento Salomonico. Et vero

V. 9. MEUM EST quidquid toto orbe extat ARGENTUM ET AURUM, neque decessit mihi ex eo quidquam, licet hanc domum non undique cingatis auro, ut fecit Salomon: nam quocumque loco fuerit aurum, etsi in terrae viscibus, in maris fundo, in regum thesauris, perinde meum est, ac si vestiendo templo meo, vel ornando altari circumdaretur. Et vero quando lubebit mihi, v. g. sub adventum Messiae, efficiam ut auro circumdetur intus & foris ab Herode Ascalonita, ut Iosephus, Iosippus, Hegesippus, & ex his S. Hieron. Chrysostomus, Genezardus, Ribera & alii describunt. Nunc etsi careat hoc ornatu, non carebit tamen mea benedictione, quia

V. 10. IN LOCO ISTO DABO vobis omnem PACEM, id est prosperitatem, & omnium bonorum copiam & affluentiam, per Christum, qui de caelis illam secum devehit in terras, & plena manu vobis impertiet. Pax vobis: Pacem meam do vobis, pacem relinquo vobis.

V. 12. INTERROGA SACERDOTES binas quaestiones, ut ad eas ex praescripto legis respondeant. Primo,

V. 13. Si quis CARNEM Deo immolatam, & ita SANCTIFICATAM ferens in veste sua, TETIGERIT veste illa PANEM vel aliud edulium, an panis ille contactu isto SANCTIFICATUR? RESPONDET SACERDOTES, Nequaquam; & bene: nam licet caro Deo oblata, si tangat vestem, illam sanctificet, uti lex ee sancit; non tamen idcirco vestis sic sanctificata, vim habet ulterius sanctitatem similem in alias res quas tangit, transfundendi. Loquitur de sanctitate legali & ceremoniali, qua res sanctae in veteri lege ab usu profano separandae erant, Deoque donandae & sanctae tractandae. Applicat mox verbi. 15. responsum sacerdotum scopo suo Propheta, hoc modo: Sic populus iste,

qui neglecto templo quod Deus instaurari iusserat, contentus solo altari : I. Eldre III. 3. licet victimis in eo altari oblati sanctificetur legaliter ; non tamen idcirco sanctificat ipse ulterius quidquid agit, molitur aut tractat, abstergens ab omni opere suo quicquid illi inest vitii, maculae aut peccati : quia talem sanctificandi vim non habet illa legalis sanctificatio. Sed potius contrario, vitium & peccatum inhaerens personae, contaminat omnia ipsius opera & actiones, quibus utitur quasi mediis seu instrumentis ad peccatum summi patrandum vel fovendum. Numquid enim (& hoc secunda quaestio ;)

V. 14. Si quis POLLUTUS in *ss* ANIMA, id est contaminatus contactu cadaveris, *contaminat* & immunda reddit quaecumque tangit? *Respondetur*. CONTAMINABIT. Ergo & vos, Iudei, qui immundi fuistis ex inobedientia & contemptu fabricae sacrae, non potuistis mundari ab hoc peccato quibuscumque victimis Deo in altari oblati, quin potius eadem inobedientia contaminatis omnia alia opera & actiones vestras quibus illam inobedientiam subiebatis & fovebatis, v. g. fabricas privatarum aedium vestrarum, procuratines propriorum lucrarum & commodorum quibus sponte vos a sacra domus meae fabrica distrahebatis.

V. 16. & 17. PONITE CORDA VESTRA ; id est, attendite & expendite penuriam, sterilitatem & inopiam qua afflicti fuistis, a DIE HAC retro computando, cum ex *aeruo*, qui videbatur daturus *viginti modios* frumenti, vix DECEM excussistis ; non aliam deprehenditis tanti mali causam, quam neglectum instauracionis templi mei, toties vobis inculcare. Contra vero

V. 19. PONITE CORDA VESTRA ; id est, attendite & expendite fertilitatem & bonorum omnium opiam, quae EX DIE ISTA qua iacta sunt fundamenta non prima, quae terra occultantur (hac enim iam pridem iacta sunt sub Cyro : I. Eisd. III. 8.) sed secunda, quae supra terrenam reliquo operi subternenda erant ; id est, ex ea die qua neglectam haecenus fabricam templi, novis animis nunc coepistis instaurare ; expendite, inquam, fertilitatem quae deinceps IN FUTURUM tempus vobis obveniet, reperiatis curam sacrae huius fabricae causam vobis esse tantorum bonorum : ita Anas, Ribeta & alii.

V. 20. An semen iam recens *nono mense* Casleo, (respondente fere nostro Novembri,) terrae commissum germinavit? Minime. Unde neque possumus ex eodem, seu copioso, seu raro, concipere messem fore vel copiosam vel raram. Ego tamen EX DIE ISTA messem vobis addico copiosam, quia ob diligentiam quam praestatis in sancta fabrica, BENEDICAM semini terrae commisso, faciamque ut in multos culmos, & plenas spicas extuberet. Quod si materialem fabricam, promoventibus sic benedixit Deus, quam putamus mercedem datorum qui spirituales animarum aedificationem totis viribus tum in se, tum in aliis procurant?

V. 22. MOVERO CAELUM PARITER ET TERRAM : commotionibus tum elementorum, supra vers. 7. tum regnorum & imperiorum inter se tumultuantium & bellantium, inquit S. Hieronymus.

V. 23. ET SUBVERTAM SOLIUM REGNORUM quae nunc tenent Persae & Medii, destruendo hos per Alexandrum & alios principes Graecos : & illos rursus per Romanos : & Romanos quoque per mutua & civilia bella : unumquemque GLADIO FRATIS sut, Postuicium gladio Caesaris, Caesarem gladio Bruti, Antonium gladio Augusti, &c.

V. 24. IN DIE ILLA ; id est, tempore tantorum tumultuum, excisis tot regibus, tot regnis, ego TE, O ZOROBABEL, dux fabricae templi mei, pro mercede operis mihi gratissimi, in singularem protectionem meam ASSUMAM, servaboque tam personam tuam, quam familiam, domum, posteritatem tuam inter tot pericula & bella intactam atque illaeram : immo & carnem tuam mihi assumam, quam QUASI annulum *gestigiorum* aureum inferam dexterae meae, nempe Filio meo, qui virtus & fortitudo mea est : ut tali filio ex te progeniti colaris & glorificeris ab omni creatura, & super omnes aequaliter, & quasi deificeris in natura humana, quam ex posteritate tua, nempe ex virgine Maria Filius meus assumet, sibi que aeternum uniet longe aetiori nexu, quam annulus digito adnectatur, nempe unione hypostatica, quae faciet hominem Deum. Alauditur autem ad Ieremiam XXXI. 24. ubi avus Zorobabelis, puta Iechonias, rex Iuda vocatur *annulus in manu dexterae Dei*, sed inde evellendus, & manui Nabuchodonosoris com-

mit-

mittendus : hic vero nepos eius dicitur manui & digito Domini restituendus.

- (a) Ist. Reg. v. 27. & vi. 7.
 (b) II. Par. xii. 4. & I. Eisd. vi. 3.
 (c) I. Eisd. xii. 22.
 (d) Sap. vii. 22.
 (e) Num. xii. 25. Exodi xxi. 3.
 (f) Chronici cap. xxvii. & xxxvii.
 (g) Croni cap. vii. & xlvii.
 (h) Roa Lib. I. Singular. cap. xxi.
 (i) Gahr. Lib. IV. cap. ix. & x.
 (k) Lucæ i. 25.
 (l) Ibid. 25.
 (m) Lucæ i. 20.
 (n) Lucæ ii. 9.
 (o) Lucæ ii. 21.
 (p) Grotius Lib. VI. cap. lxxv. & seq. Bassard. tom. 1. Lib. VIII. cap. xii. Furon. in Apocryp. 4.
 (q) Math. xxi. 27. Math. xxv. 5. Marc. xvi. 9.
 (r) Marc. xvi. 2. Act. 1. 9. & cap. x. Act. 2.
 (s) Chron. xlv.
 (t) Ibidem.
 (u) Math. ii. 3.
 (v) Tacit. Lib. XXI.
 (w) Sueton. in Vespasiano cap. iv. & in August. cap. xvi.
 (x) Cæsar Lib. II. de Divinat. Arnob. Lib. III. cont. Gentes. Euseb. Lib. V. Præparat. Evang. c. 12.
 (y) Dio Lib. XXXVII.
 (z) Hist. xix. 1.
 (aa) Marc. xix. 52.
 (ab) Flin. II. cap. xlviii.
 (ac) Sueton. in August. 1.
 (ad) Levit. vi. 27.
 (ae) Levit. xii. 28. Num. v. 2. Num. xix. 13.
 & 22.
 (ag) Eccl. xlii. 13. Iohannis vi. 27. & Cant. viii. 63.

GORDONI.

Verf. 1. IN DIE, &c. Est finis præcedentis capitis verf. 14. ubi sic ait *ingressi sunt & faciebant*; hoc est, ceperunt præparare materiam. Iam hoc primo verf. notat huius inchoatæ præparationis diem; scilicet 24. mensis sexti anno 6. Darii. Fabrica vero inchoata fuit 24. mensis noni, ut hic verf. 11. habetur: & sic notatum sit tempus duplex fabricæ.

V. 2. IN SEPTIMO MENTE, &c. Initio capitis primi notatum est tempus secundæ prophetiæ (quæ est prima huius capitis.) Quis ex vobis est derelictus, &c. non sane impossibile erat ut superesset tunc aliquis qui vidisset Templum Salomonis; vix enim ab excidio templi effluxerant 90. anni, ut docebant anni nostri expansi: iam Aggeus verf. 3. subiungit prophetiam, de qua mox.

V. 7. & 10. QUIA HAEC DIXIT DOMINUS, &c. Ostendit in quo sit futura maior gloria secundum templi. At quomodo mo-

dicum tempus ab hoc secundo templo ad Christum? certe Prophetis non est magnum tempus; præsertim si conseras hoc spatium cum illo quod est, vel a principio Synagoga & Moyses; vel etiam a templo Salomonis: sane a secundo anno huius Darii usque ad Christum, reperio annos 516. & fere totidem sunt a primo templo ad secundum.

V. 8. ET MOVERO, &c. Modicum hoc post quod veniet desideratus gentibus & desiderabilis, habebit in hoc adventu rei cuiusdam maximæ indicia. Ex his Aggeus dat has notas: *movo velatum*, ob stellam & Angelos: *terram*, ob pastores, magos, & Herodem; *mare & aridam*, ob bella inter Romanos sub illud tempus. Adde signa & miracula Christi & Apostolorum; immo & ipsam passionem Christi, resurrectionem, incarnationem ipsam, &c. Ommitto alias rerum variarum commotiones in adventum Christi incidentes, quas congestit in hunc locum magno numero Cornelius; & hæc de commotione, quam velut iudicium veritatis a Deo denunciatur attingit Aggeus. Ceterum quoad sensum litteralem, & hunc esse de Christo, habemus clare ex verbis Prophetæ, ex Paulo Hebr. xii. 2. & Patribus passim. Aug. XVIII. civit. cap. xxxv. Hier. Ambr. Cyril. & Aliis.

Quæstionem movent aliqui, an templum Herodis fuerit magnificentius templo Salomonis? Sed parum hoc facit ad rem præsentem; tum quia Herodes novum templum non extruxit, sed illud Zorobabelis restauravit, tum quia receptum a pluribus est, secundum templum impar fuisse primo in structura & pretio; vide Valerianum l. p. apparatus Lib. II. cap. v. de ampliore vero gloria secundi templi satis hic Aggeus, ut dixi, ex præsentia Christi, quia est dominator tantopere quæsitus, Malac. iii. 1. & Angelus testamenti, Deus & domo, ibi annuntiatus a Gabriele, ibi docens & disputans, ibi miraculis, doctrina & exemplo fundans Ecclesiam sub lege gratiæ amplioris quam antea.

V. 11. IN VIGESIMA ET QUARTA, &c. Hic notatur tempus inchoatæ fabricæ, ut dixi verf. 1.

V. 12. & 14. ET DIXIT AGGÆUS, &c. Duabus propositis quæstionibus reprehendit Iudeos ob neglectam fabricam; ac primo, si ca-

si caro sanctificata (Deo immolata) tangat vestem , sanctificat eam , Levit. vi. 27. tamen (non ultra) vestis sic sanctificata non sanctificat rem aliam , licet eam tangat , hoc est , non separat ab usu profano . Redditio huius habetur vers. 15. sic caro immolata in altari sine templo , licet sanctificet id quod tangit ; tamen non propagatur ultra ad sanctificandam vestram actionem in neglecta fabrica templi ; sed manebit contaminata negligentia ista , nisi quod Deus iubet accedat templum .

V. 14. Si TETIGERIT POLLUTUS , &c. Secunda questio est : pollutus in anima (phrasi Hebraica) est pollutus ex contactu cadaveris , ex Levit. xix. 27. Iam talis pollutus polluit omnia quæ tangit , ut hic concedunt sacerdotes . Hinc infert Aggeus vers. 15 sic POPULUS ISTE contaminatus est in omni opere suo , & precipue ex ista inobedientia contra Deum qui iubet promoveri fabricam . Certe malum est ex particulari defectu , & qui in uno peccat , nihil offert Deo ex vi illius status quod sufficiat . Inepte tamen hinc colligit Calvinus , omnia impiorum opera esse peccata , quia non semper operatur impius ex vi & ratione illius status ; unde est aliqua

disparitas . Nam contactus polluebat legaliter omnia sine restrictione , non sic in peccato .

V. 16. ET NUNC , &c. Est velut argumentum & exhortatio ad repetendam fabricam sumpta ab incommodo ; quasi dicat : Non alia de causa passi estis sterilitatem & damna a die intermissæ fabricæ , nisi quia non essis , ut Deus iussit , prosequuti hoc opus . Si autem promoveri vultis templi ædificationem , dabit vobis Dominus ex hac ipsa die benedictionem in bonis vestris ; diem notat vers. 19 .

V. 21. ET FACTUM EST , &c. De priorē quadam prophetia data hoc eodem die 24. mensis noni , vide versiculum 11. Iam eodem die datum est aliud oraculum quod nunc proponitur ; & est promissio de Christo nascituro ex semine Zorobabelis , obnavatam operam in fabrica ; ita cum Hieronymo passim alii interpretes . Facta autem est hæc promissio Zorobabeli , non quidem in ipsius persona , sed in posteris , in quo tamquam in signaculo , & protoplaste electo a Deo , promittitur Christus , qui eversa regnorum & gentium potestate , evadet omnium ductor & Dominus .




PROPHEETIA ZACHARIAE.

ZACHARIAS in eodem versatur argumento, quod Aggeus bre-
vi sermone perstrinxit: Iudeos ad templi constructionem adbor-
satur, sed multa prophetico stylo de Christo vaticinatur; symbolis
utitur subobscuris, ut quadrigis, oculis, volumine, candelabro, quæ
eventus ipse in Christo & Apostolis illustrat. Prophetavit anno se-
cundo Darii Hyflaspis.

CAPUT PRIMUM.

*Quo tempore Zacharias prophetaverit: qui hortatur populum ad resipiscen-
tiam, ne imitentur patres suos, qui Prophetas contemnentes puniti sunt:
duplici figura ostendit Dominus se puniturum Gentes quæ populum suum
afflixerant: hunc autem in Ierusalem revocandum, in qua edificabitur ipsi
Domino templum.*

1.  N mense octavo, in anno secundo Darii regis, factum
est verbum Domini ad Zachariam, filium Barachiz filii
Addo, Prophetam, dicens: 2. Iratus est Dominus
super patres vestros iracundia. 3. Et dices ad eos:
Hæc dicit Dominus exercituum: (a) Convertimini ad
me, ait Dominus exercituum: & convertar ad vos,
dicit Dominus exercituum. 4. Ne sitis sicut patres
vestri, (b) ad quos clamabant Prophetæ priores, di-
centes: Hæc dicit Dominus exercituum: Convertimini de viis vestris ma-
lis, & de cogitationibus vestris pessimis: & non audierunt, neque attende-
runt ad me, dicit Dominus. 5. Patres vestri ubi sunt? & Prophetæ num-
quid in sempiternum vivent? 6. Verumtamen verba mea, & legitima mea,
quæ mandavi servis meis Prophetis, numquid non comprehenderunt patres
vestros, & conversi sunt, & dixerunt: Sicut cogitavit Dominus exerci-
tuum facere nobis secundum vias nostras, & secundum adinventiones no-
stras, fecit nobis? 7. In die vigesima & quarta undecimi mensis Sabach,
in anno secundo Darii, factum est verbum Domini ad Zachariam filium
Barachiz, filii Addo, Prophetam, dicens: 8. Vidi per noctem, & ecce
vir ascendens super equum rufum, & ipse stabat inter myrteta, quæ erant
in profundo: & post eum equi rufi, varii, & albi. 9. Et dixi: Quid sunt
isti, Domine mi? * & dixit ad me Angelus, qui loquebatur in me: Ego
osten-

ostendam tibi quid sint hæc. 10. Et respondit vir, qui stabat inter myrteta, & dixit: Isti sunt, quos misit Dominus ut perambulent terram. 11. Et responderunt Angelo Domini, qui stabat inter myrteta, & dixerunt: Perambulavimus terram, & ecce omnis terra habitatur, & quiescit. 12. Et respondit Angelus Domini, & dixit: Domine exercituum usquequo tu non misereberis Ierusalem, & urbium Iuda, quibus iratus es? * Iste iam septuagesimus annus est. 13. Et respondit Dominus Angelo, qui loquebatur in me verba bona, verba consolatoria. 14. Et dixit ad me Angelus, qui loquebatur in me: Clama, dicens: Hæc dicit Dominus exercituum: (c) Zelatus sum Ierusalem & Sion zelo magno. 15. Et ira magna ego irascor super gentes opulentas: quia ego iratus sum parum, ipsi vero adinverunt in malum. 16. Propterea hæc dicit Dominus: Revertar ad Ierusalem in misericordiis: & domus mea ædificabitur in ea, ait Dominus exercituum: & perpendicularum extendetur super Ierusalem. 17. Adhuc clama, dicens: Hæc dicit Dominus exercituum: Adhuc affluent civitates meæ bonis: & consolabitur adhuc Dominus Sion, & eliget adhuc Ierusalem. 18. Et levavi oculos meos, & vidi: & ecce quatuor cornua. 19. Et dixi ad Angelum, qui loquebatur in me: Quid sunt hæc? & dixit ad me: Hæc sunt cornua, quæ ventilaverunt Iudam, & Israel, & Ierusalem. 20. Et ostendit mihi Dominus quatuor fabros: 21. Et dixi: Quid isti veniunt facere? Qui ait: dicens: Hæc sunt cornua, quæ ventilaverunt Iudam per singulos viros, & nemo eorum levavit caput suum: & venerunt isti deterere ea, ut deciliant cornua gentium, quæ levaverunt cornu super terram Iuda ut dispergerent eam.

(a) Malach. iii. 7. (b) Isa. xxi. 8. xxvi. 6. & xlv. 23. Ierem. xii. 12. Ezech. xlviii. 30. & xl. 7. & lxxx. 12. Osee xiv. 2. Joel. ii. 12. (c) Isai. viii. 2.

BRUGENSIS

ROMANAE CORRECTIONES.

Vers. 9. Et dixit ad me Angelus. Non addas Domini.
Vers. 12. Iste iam septuagesimus annus est.
 Non omittas adverbium iam.

NOTATIO.

Vers. 12. Iste iam 70. annus est. Adverbium iam quidam codices auferunt: duo Parisiense (Di. l. Ge. p.) tres

nostri (O. E. I.) quatuor Hentenii. Brugense manuscriptum supra textum minori eisdem manus littera habet; Atrebatense pronomini iste præponit. Hieronymi, & Richelii textus non legunt. Nec Græce additur, aut Chaldaice. Hebraice quod legitur pronomem הַיּ, iam verti possit, ut Pagninus vertit, iam septuaginta annos: Sed Interpres iste reddidit. Ceterum Epanorthotes sententiae causa iam additam ab Interprete existimat, sicuti est plerisque in libris.

COMMENTARIA

S A.

ZACHARIAS prophetat de Iudæis, Gentibus, Christo & Ecclesia.
 V. 1. OCTAVO, scilicet Octobri. Da-

rit: vide Agg. 1. ZACHARIAM, de quo Matth. xxiii. etsi quidam aliud sentiunt.
 V. 2. SUPER, id est contra.
 V. 3. ET DICES, scilicet præterea. EOS, scilicet Iudæos. CONVERTIMINI, scilicet per

per poenitentiam. CONVERTAR, scilicet remittendo peccata, dando gratiam, & iuvando.

V. 4. PAIORES, scilicet qui ante captivitatem.

V. 5. UBI SUNT? quasi dicat: Nonne illi acceperunt quae praedixi, etsi non credebant eventura? NUMQUID, &c. quasi dicat: Pseudoprophetae illi qui patres vestros decipiebant, nonne & ipsi misere mortui, cum tamen felicitatem promitterent? Vel si de veris Prophetis loquitur; quasi dicat: Numquid perpetuo opus est vos monere per Prophetas? nec mihi credetis sapienter monenti, cum praesertim appareat re ipsa me vera praedicere?

V. 6. LEGITIMA, id est praecpta. Heb. *statuta*. COMPREHENDERUNT, id est ad eos pervenerunt; quasi dicat: Nonne eis manifestata sunt; vel, nonne mala quae simul minabantur illis invenerunt? CONVERTI SUNT, id est ad se reversi sunt. LXX. *respondetunt*. FECIT, scilicet puniendo.

V. 7. UNDECIMI, scilicet Januarii. VERBUM. Visionem vocat verbum, quam & in ipsa visione interveniunt verba Angeli.

V. 8. VIR, id est Angelus Michael, de quo Daniel. x. EQUUM RUFUM. In *egno* celeritas, in colore puniitio hostium significata. PROFUNDO, scilicet aquarum; quasi dicat, Prope aquas, scilicet Babylonis. Chald. *Babylone*. EQUI, scilicet & equites. VARIJ. Vanetate coloris significantur varia Angelorum munia, pro varietate praecptorum Dei; nempe *rufo* puniitio seu calamitas, *albo* prosperitas.

V. 9. DIXI, scilicet Angelo, qui mihi illa ostendebat. IN ME, scilicet in ira me. Chald. *merum*. OSTENDAM, id est faciam tibi ostendi.

V. 10. VIR, scilicet Michael. PERAMBULENT, scilicet custodientes Provincias, vel exequentes varia Dei mandata.

V. 11. RESPONDERUNT, scilicet rogat de statu hominum, ut Zacharias audiret. HABITATUR, ET QUIESCIT; pro, habitatur in pace, scilicet sine praeliis. Chald. *habitatur pacifica & quieta*. Quidam ad diuionem Darii solam referunt.

V. 12. RESPONDIT, id est locutus est. QUIBUS IRATUS ES? id est quos affligis. SEPTUAGESIMUS, scilicet ex quo Ierusalem Bib. Sac. Tom. XXII.

everfa. Num. 19. Nabuchodonosoris, qui deinde regnavit 26. sed computato 19. sunt 27. nam mense 5. decimi noni capta urbs. Evilmerodach 23. Baltassar 3. Cyrus 7. post expugnatam Babylonem (etsi alii aliter sentiunt, sed deinde filio dante 14.) Cambyles 8. Qui omnes usque ad Darii 2. sunt 70.

V. 13. BONA, id est consolatoria, ut statim explicant. Chald. *reila*.

V. 14. ZELATUS SUM, id est amore persecutus, adeoque eorum causa iratus affligentibus ipsam. Haec sunt verba consolatoria.

V. 15. GENTES, scilicet Chaldaeos. Ap. IUVERUNT IN MALUM, id est gravius afflixerunt quam debuerint, seu quam vellem. Chald. *adiuverunt ad malefaciendum*.

V. 16. IN MISERICORDIIS, id est cum magna misericordia. PERPENDICULUM, &c. quasi dicat, Edificabitur. IERUSALEM. Chald. *adificium patietum Ierusalem*.

V. 17. AFFLUENT. Chald. *implebantur*. ELIGET, id est tractabit ut electam. Chald. *complacebis sibi in*: possunt haec ad Ecclesiam referri.

V. 18. LEVAVI Oculos, id est aspecti. QUATUOR CORNUA. Quidam Regna quatuor intelligunt, scilicet Chaldaeorum, Persarum, Graecorum, & Romanorum. Alii, quatuor orbis partes, quae Iudaeos vexaverunt, scilicet ab Oriente Ammonitae & Moabitarum, ab Occidente Palaestini, a Septentrione Chaldaei, a Meridie Idumaei. Chald. *quatuor Regna*.

V. 19. VENTILAUERUNT, id est vexaverunt. Chald. LXX. *dispererunt*.

V. 20. FABROS, scilicet ferrarios, qui cornua ferrea confringerent, nempe Angelos.

V. 21. PER SINGULOS, &c. quasi dicat, Iudaeos omnes. EORUM, scilicet Iudaeorum. LEVAVIT CAPUT, id est potuit resistere, seu respirare. CORNU, id est potentiam, robur.

EST II.

Vers. 3. **C**ONVERTIMINI AD ME, AIT DOMINUS EXERCITUUM: ET CONVERTAR AD VOS, DICIT DOMINUS EXERCITUUM. Magni ponderis, profundique sensus sententia, cui secundo illa verba iuncta sunt; *Dicit Dominus exercituum*.

Y

Cc-

Ceterum quomodo hinc consequens non sit, liberum arbitrium aliquo modo falsum ad bonum movere se posse, anequam Deus per gratiam se ad nos convertat, quo olim volebant Pelagiani, vide explicatum infra ad Malachiam ult. 7. ad ista verba profusus his similia: *Revertimini ad me, & revertar ad vos.*

V. 12. ET RESPONDIT ANGELUS DOMINI, ET DIXIT: DOMINE EXERCITUM, USQUEQUO TU NON MISEREBERIS IERUSALEM? ISTE TAM SEPTUAGESIMUS ANNUS EST. Habemus hic clarum, & irrefragabile Scripturæ testimonium, quo ostenditur sanctus Angelus intercedere pro hominibus apud Deum, ac divinam iram deprecari, & misericordiam flagitare. Testimonium, inquam, ita clarum, ut mirum sit, qua fronte illud hæretici obscurare conentur. Quod si sancti Angeli interpellant pro nobis, ergo multo magis Sanctorum hominum defunctorum animarum, quæ cum Christo regnant, pro fratribus suis hic adhuc in terra militantibus Dei misericordiam interpellabunt: multo enim maior est naturæ societas hominibus inter se, quam inter homines & angelos. Quod autem additur: *Isse septuagesimus annus est*, convincit Septuaginta annos a Ieremia cap. xxv. & xxxix. prædictos, esse impletos eo tempore, quo hæc prophetia scripta est. Scripta est autem, ut hoc eodem cap. vers. 7. dicitur, *anno secundo Darii*. Cognito autem illorum annorum termino, facile etiam facta supputatione eorum initium inveniri poterit.

MARIANAE.

ZACHARIAS Propheta & sacerdos fuit: Dorotheus. Diu in Babylone versatus, propectæ ætate venit Ierosolymam, ad urgendam templi fabricam, multaque & præclara est varicinctus. Isidorus de Ortu & obitu Patrum, cap. LVII. Zachariam filium Ioiadæ facit, qui & Barachias. Verum is alius est a nostro, de quo agit cap. LI. ne nominis similitudo quem falsat. Ubi, quæ hic continentur, fuerit varicinctus, Babylone, an in Iudæa, non constat.

Vers. 1. **I**N MENSE OCTAVO. Is est *Marchesium*; Octobri respon-

dens. IN ANNO SECUNDO DARI, scilicet Hytaspis. FACTUM EST VERBUM DOMINI AD ZACHARIAM, FILIUM BARACHIAE. An hic est, de quo Matth. xxiii. 35. dicitur, occisum inter templum & altare? nam patris *Barachie* nomen consentit, & fuisse ultimum, aut ex ultimis in Prophetarum numero. Quod Christus indicare voluit, cum dixit: *A sanguine Abel iusti usque ad sanguinem Zachariae*, a primo tempore ad ultimum progressus. Nam quod Hieronymus in eum Matthæi locum opponit, vix eo tempore templi ruinas superesse; parum movere, cum secundo anno Darii, Hytaspis scilicet prophetare coepit, & sexto templi structura absoluta sit: Eldræ Lib. I. cap. vi. vers. 15. quo tempore in vivis fuisse verisimile est. Sane Isidori, Epiphani, & Dorothei auctoritas magis movere affirmantium hunc Zachariam in pace quiescisse. Ceterum, an is Evangelii Zacharias fuerit Ioiadæ filius, ut Hieronymus vult, de quo II. Paral. xxiv. an vero Zacharias Baruch filius, quem occiderunt Zelotæ intra templum, ut Iosephus ait Lib. IV. de Bello cap. xxi. prælagium instantis excidii, ut ille Lib. V. cap. 1. & 12. alio fortassis loco commodius. FILII ADDO. Fuit ergo Zacharias nepos Addo. Sic Eldræ Lib. I. cap. v. vers. 1. ubi dicitur, *Zacharias filius Addo*. *Filius* pro nepote sumi debet.

V. 2. SUPER PATRES VESTROS, &c. contra patres vestros iratus est Deus.

V. 4. ET DE COGITATIONIBUS, studiis, operibus convertimini. NEQUE ATTENDERUNT AD ME, id est neque auscultaunt me, neque obedierunt mihi.

V. 5. PATRES VESTRI UBI SUNT? id est non præterita, sed futura nuntiarunt veritatis argumento; quoniam ipsi mortuis constat evenisse quæ prædixerunt vestris Patribus Prophetae. Non sunt fabulæ, aut commenta.

V. 6. VERBA MEA, ET LEGITIMA MEA. Dei sunt verba. Hebr. *verba mea*, & *decreta mea*. **COMPREHENDERUNT PATRES VESTROS, id est evenerunt illis quæ ego decrevi. ET CONVERSI SUNT AD PENITENTIAM. SECUNDUM ADINVENTIONES NOTRAS.** Sic Sept. Hebr. *secundum studia*, opera nostra, fecit nobis.

V. 7. SABATH. Sic mensis undecimus vocabatur. Et sane hæc mensum nomina Ba-

Babylonica sunt, neque ea invenias, præterquam in libris post captivitatem scriptis, ut in *Eithet*, *Esdra*, *Zacharia*. Olim alia mensium nomina habuerunt, aut per numeros eos nominabant, *primus*, *secundus*, *tertius*; ut apud Romanos veteres, *Quintilis*, *Sexilis*, *September*. Tunc ergo Deus Zachariæ est locutus.

V. 8. VIDI PER NOCTEM. Per quietem Deus apparet, & fortassis visio fuit in formis. ET ECCE VIR. Is fuit Angelus custos Synagogæ Michael, ut Theodoretus ait. ASCENDENS, &c. Hebr. *equitans super equum visum*. Equus celeritatem agendi in Angelo, color vindictam de Gentibus fumendam significat. INTER MYRTETA, QUAE ERANT IN PROFUNDO. In profundo arbores non nascuntur. Ergo in profundo, id est iuxta profundum; ad ripam fluminis, ubi arbores multum crescunt. ET POST EUM EQUI RUSI. Per equos equites intellige, custodes scilicet Angelos aliarum Gentium. VARI, id est maculosi. Porro colores, *rufus* ulionem, *albus* benignitatem, *varius* mixtam benignitatis severitatem significat. Quibus uti volebat Deus in eas Gentes, quibus ii Angeli erant pro se quique præfati conditione equi, quo singuli vehebantur. Rogat Propheta qui illi essent: respondet Angelus.

V. 9. QUI LOQUEBATUR IN ME, id est mihi: is erat Angelus, qui stabat inter myrteta; aut potius alius, qui initio Prophætæ apparuit. EGO OSTENDAM TIBI. Hebr. *videre te faciam*: sed *videre* pro audire: faciam ut audias & intelligas: sic Hebr. Ergo hi missi sunt,

V. 10. UT PERAMBULARENT TERRAM. Quisque missus est a Deo, ut lustraret Provinciam & Gentem sibi commissam.

V. 11. ET RESPONDERUNT. Quid respondent rogante nemine? Ergo responderunt, id est locuti sunt primo Angelo, qui Principatum videtur tenuisse. OMNIS TERRA HABITATUR, ET QUIESCIT, nulla est deserta, nulla bella. Darii tempore magna pax fuit.

V. 12. ET RESPONDIT. Locutus est Angelus Synagogæ. Respondere Hebræis loqui est. Loquitur autem & conquiretur, quod ceteris Provinciis quietis soli Iudæi constarentur. ISTE IAM. Hebr. non est *iām*, neque in Gorth. neque in Sept. Sed sane

anno secundo Darii, anni septuaginta captivitatis, aut desolationis prædicti a Ieremia expleti sunt. Deinde videt Angelos orare pro nobis, quin & nostras preces in Tobia & Apocalypsi Deo offerunt. Quid ergo prohibeat eos invocare, & sollicitare ut id faciant?

V. 13. QUI LOQUEBATUR IN ME, id est mihi. Illi Angelo locutus est Deus.

V. 14. ZELATUS SUM, &c. id est amavi Ierusalem, & iratus sum eius hostibus. Chald. *ulascar Ierusalem & Sion zelo magno*.

V. 15. SUPER GENTES, contra gentes. OPULENTAS, seu *potatas*; scilicet de quibus Angeli loquuntur vers. 12. *Omnis terra habitatur, & quiescit*. In eas irascitur Deus, quia ab illis oppressi sunt Iudæi. EGO IRATUS SUM PARUM, scilicet contra Iudæos; modico supplicio eram contentus: illi, apud quos Iudæi erant, peiora quam ego vellem fecerunt.

V. 16. PERPENDICULUM EXTENDITUR. Denuo edificabitur Ierusalem.

V. 17. ADHUC AFFLUENT, sive *diffundent se*, sive *spargentur*. Chald. *implebuntur bono*. ADHUC, id est rursus implebuntur bonis, sublata præfenti egestate. ELIGET, &c. Chald. *complacebit adbus suis in Ierusalem Deus*.

V. 19. HAEC SUNT CORNUA, scilicet quatuor cornua quæ vidisti, significant quatuor Gentes, quæ oppresserunt prius decem tribus, deinde Iudam & Ierusalem. Quæ illæ Gentes essent, non explicat, neque divinare est opus; & per *cornua* ventila-bra cornua intelligo.

V. 20. QUATUOR FABROS vidi, id est quatuor Angelos, qui fabrorum specie & forma apparuerunt cum suis ferramentis; quasi ad diruenda illa quatuor Regna.

V. 21. QUAE VENTILAVERUNT IUDAM PER SINGULOS VIROS. Hebr. *ventilaverunt Iudam adeo, ut vir* (id est nemo) *levaret caput suum*. Nullum innoxium & immunem reliquerunt. Hieronymus sententiam expressit. UT DEICANT IN TERRAM, scilicet solo adsequant illa Regna, quæ oppresserunt Iudæos, & LEVAVERUNT CORNU SUPER TERRAM IUDÆA, contra hanc Gentem. UT DISPERGERENT EAM, seu *ventilarent eam*, in captivitatem scilicet agerent Gentem Iudæorum. Hi quatuor fabri diruent illa Regna.

MENOCHII.

Verf. 1. **I**N MENSE OCTAVO: qui Octobri nostro fere respondet. ANNO SECUNDO DARIi Hyftaspis regis Perfaram, ex quo apparet Zachariam coævum fuiffe Aggzo, & utrumque coepiffe prophetare post captivitatem Babylonicam, anno fecundo Darii. AD ZACHARIAM FILIUM BARACHIAE. Aliqui cenfent hunc efle Zachariam illum, de quo ait Chriftus Math. xxiii. 35. *Ut veniat fuper vos omnis fanguis iuftus qui effufus eft fuper terram a fanguine Abel iufti, ufque ad fanguinem Zachariae filii Barachiae, quem occidiftis inter templum & altare.* Alii contra putant eum cuius meminit Chriftus fuiffe Zachariam patrem fancti Ioannis Baptiftae. Utraque fententia graves habet auftores patronos, & fuis nititur coniecturis, quas referre non eft huius brevitatis, quam profitemur.

V. 2. **IRATUS EST DOMINUS SUPER PATRES VESTROS IRACUNDIA;** id eft, contra patres veftros Dei exarift iracundia, eorum peccatis provocatus, adeo ut eos duci voluerit captivos in Babylonem. Quare cavete ne illorum impietatem, & scelera imitemini.

V. 3. **CONVERTIMINI AD ME,** fcilicet per veram poenitentiam. **CONVERTAR AD VOS;** id eft, propitijs vobis ero, & beneficiam vobis femp.

V. 5. **PATRES VESTRI UBI SUNT,** &c. quafi dicat: Patres illi veftri perierunt, fed & prophetae mei, qui illos monebant mortui funt, homines enim erant, nec femp vivere poterant, fed licet illi omnes perierint, verba tamen mea non perierunt, nec irrita fuerunt, fed ita facta funt omnia, ut a me praedicta funt. Itaque cave te ne contemnatis me modo per prophetas loquentem, ne pari poena involvami. Vel fensus eft, Nonne falſi prophetae, qui patribus veftris proſpera pollicebantur, & ipſi miſere mortui funt, vel gaudio, vel ærumnis captivitatis abſumpti?

V. 6. **VERBA MEA ET LEGITIMA MEA,** &c. praecepta, & mandata mea, quae adiunctam habebant comminationem, niſi illis pareret. Vel ſi non expreſſam, certe tacitam habebant, cum noium ſit Dei iuſa facere negligentes impune abire non poſſe.

ſe. **COMPREHENDERUNT;** id eſt ad eos pervenerunt, illiſque malis per minas intentatis affecti funt. **ET CONVERSI SUNT, ET DIXERUNT:** caſtigati, & ad ſe reverſi, viderunt ſe iuſte a me puniri, ſic dicebant Daniel: ix. *Peccavimus; iniquitatem fecimus,* &c. **FACERE NOBIS:** poenam ſcilicet inſigendo.

V. 7. **MENSIS SABATH:** qui noſtro reſpondet Ianuario. **DICENS,** id eſt oſtendens id quod ſequitur.

V. 8. **ET ECCE VIR,** id eſt Angelus humana forma. Angelum fuiffe patet ex n. 11. & creditur fuiffe Michael praefes populi Iſraelitici. **ASCENDENS SUPER EQUUM RUFUM:** inſidet equo quaſi celer, & feſtinus ad auxilium populi fui; eoſque ruſo, quaſi ſanguinarius, & vindex acer, in hoſtes Iudaeorum. **STABAT INTER MYRTETA,** id eſt loca myrtis conſita. Notat Babylonem, in qua Iudaei fuerant captivi; myrtus enim ob ſiccitatem amat loca deſerta, profunda, & irrigua, qualis eſt Babylon, quae vicina eſt Euphrati, & Tygri. **IN PROFUNDO;** ſignificat convallem humilem prope flumen. **POST EUM EQUI:** in equis intelliguntur etiam eorum ſeſſores, ut patet ex ſequentibus. Per hos equites ſignificantur Angeli cuſtodes variarum nationum, & gentium, qui ut dicitur num. 10. perambulabant terram, id eſt unusquisque ſuam luſtrabat provinciam, & hominum qui in illo erant, curam gerebat. **EQUI RUF:** quo colore ſignificabatur vindictam eſſe a Deo ſumendam de illis nationibus, quae alias iniuria affecerant. **VARI, ALBI,** &c. quibus ſignificabatur varii ſtatus, & fortunae populorum illorum, quibus praerant, vel ad quos deſtinabantur, partim laetæ, partim triftes, partim ex utroque mixtae.

V. 9. **ANGELUS.** Hic Angelus videtur cuſtos prophetae, & alius fuit a Michael, cuſtode & praefide totius populi, qui apparebat Zachariae ſans inter myrteta. **QUI LOQUEBATUR IN ME,** id eſt quem ego non oculis corporis, ſed imaginarie videbar videre mecum loquentem & cum Michael. **EGO OSTENDAM TIBI.** Hebr. *Videre te faciam,* ſcilicet ſuperiore Angelo revelante.

V. 10. **ISTI SUNT,** &c. hi funt Angeli praefides regionum, quos Deus miſit luſtrare eaſdem.

V. 11. OMNIS TERRA: scilicet, vicina Iudææ. HABITATUR, ET QUESCIT; id est, nulla provincia deserta est, omnes habent habitatores suos, nec bellis turbantur, fuit enim pax sub Dario.

V. 12. RESPONDIT, id est locutus est. ANGELUS DOMINI: Michael, vel Angelus cuius Zachariæ. USQUEQUO NON MISERERERIS: Ierusalem, & urbium Iudæ, ut Iudæi omnes in suam patriam restituantur, & habitetur hæc provincia, ut ceteræ. ISTE IAM SEPTUAGESIMUS ANNUS EST: quo tempore statuisti populum tuum a tam diuturnis ætumnis liberare.

V. 13. RESPONDIT DOMINUS ANGELO. Angelum docet Deus, ut per eum prophetia doceatur, ut possit aptus ordo divinæ providentiæ. VERBA BONA, id est consolatoria, ut statim explicat. Chald. recta.

V. 14. ZELATUS SUM IERUSALEM, &c. id est doleo multum, & irascor, quod ita Ierusalem ab hostibus afflicta sit.

V. 15. SUPER GENTES OPULENTAS: contra potentes populos, qui hæc Iudæos vexarunt, cuiusmodi sunt Chaldæi. QUA EGO IRATUS SUM PARUM: moderate vindicari volebam scelera Iudæorum, illi vero modum excesserunt, & plus iusto saevierunt. ADJUVERUNT IN MALUM: gravior affligerunt quam debuerint, aut quam ego volebam.

V. 16. REVERTAR AD IERUSALEM IN MISERICORDIIS; id est, deinceps propitius ero Ierusalem, & eam magnis beneficiis prosequar. DOMUS MEA, templum. PENDICULUM EXTENDATUR, id est iterum edificabitur.

V. 17. ELIGET ADHUC IERUSALEM: beneficiis eam afficiet ut electam, licet hæc reprobata visa sit.

V. 18. QUATUOR CORNUA. Per quatuor cornua intelligit regna, quæ a quatuor mundi plagis in Iudæos, & Ierusalem, & Israel variis, temporibus insurrexerunt, & malis affecerunt, ut statim explicatur.

V. 20. QUATUOR FABROS; id est, quatuor Angelos, fabricorum habitu, & fabricilibus instrumentis instructos.

V. 21. PER SINGULOS VEROS. In Hebræo est, secundum viros, hoc est, quantum quique illorum voluit, tanta enim erat eorum potentia, ut Iudæi resistere non valerent. ET NEMO EORUM LEVAVIT CA-

PUT; id est, non sinebant Iudæos caput attollere, sed illos premebant, & demisso capite iugum servitutis portare cogebant. VENERUNT DETERRERE EA. Pagninus, ad terrendum eos; id est, ut hos principes, & reges per cornua significatos terreat, & eorum potentiam deiciant, & comminuant. QUAE LEVAVERUNT CORNU: quæ gentes hostiliter insurrexerunt contra Iudæos, & Ierusalem.

TIRINI.

Verf. 1. ADDO. Si fuit hic ille Addo, qui scripsit Chronica regum Iudæ II. Paralip. xxi. 15. & Ieroboam ob erectos vitulos aureos interitum prædixit III. Reg. xxi. 1. ut censet Remigius, Albertus, Haymo, Hugo & Dionysius; non potuit esse avus nostri Zachariæ, sed sextus ut minimum vel septimus atavus illius. Probabilius tamen putarim non fuisse eundem, sed alium illi cognominem, ut ibi a dixi.

V. 5. PATRES VESTI, idololatrarum, raptores, pauperum oppressores, Dei contemptores, ubi nunc sunt? nonne vel occisi a Chaldæis, vel in servitum abrepti, & miseriis confecti sunt, ut comminatus fueram per meos Prophetas? Pari modo scitote certo complendas minas, quas nunc quoque vobis, nisi convertamini, intento per meum Zachariam. Et pseudo-propheta patrum vestrorum, qui perpetuum illis, etiam peccantibus, prosperitatem & pacem promittebant, an VIVENT IN SEMPERITERNUM? Minime, nam omnes vel gladio, vel ætumnis extincti iacent. Interiuri igitur suo, suorumque quibus longam felicemque vitam promiserant, aperte testantur, se mendaces & fallaces fuisse.

V. 6. VERUM MEI PROPHETÆ, QUI MEA VERBA ET LEGITIMA; id est, minas & penas lege mea decretas in prævaricatores legis, intendant patribus vestris, non fecerunt illos: nam quæcumque illis intendant, reipsa illos COMPREHENDERUNT. Qui proinde flagellis istis eruditi, iustum meum iudicium, suam vero culpam tandem agnoverunt, inquit S. Hieronymus, Albertus, Hugo, Lyranus, Anas, Clarus & Vatablus.

V. 7. VERBUM, id est visio, Dicens, id

id est, ostendens mihi: Deus enim non solis verbis, sed & symbolis loquitur.

V. 8. ECCE VIR, id est angelus speciei viri, ut dicitur vers. 11. ASCENDENS SUPER EQUUM, quasi accelerans suppetias ferre populo Dei: & quidem *equum rufum*; quasi vindex sanguinarius futurus in omnes hostes. S. Hieronymus, Theodoretus & alii passim cenſent fuisse S. Michael, Ecclesie Dei primarium custodem ac ducem b. Idem Theodoretus equum illum *rufum* vocat *spadicem*, id est punicei coloris, qui iuxta Vagilium e maxime commendatur in equis. Ex equi vero generositate, equitis animos, vires & iras metire. STABAT INTER MYRTETA; id est, in loco myrtis confiro. IN PROFUNDO, id est demisso & humili loco, qualis est ad ripas fluminum: myrtus enim, sicca & calida herba, amara demissa, profunda & irrigua. Ad litteram designat Babyloniam adiacentem Euphrati & Tigri, inquit Chaldeus, Vatablus & Arias. Inde enim S. Michael Iudaeorum partem aliquam eduxerat nuper sub Cyro, & partem aliam paulo post deducturus iam venit. Symbolice vero significabat familiam Iudaeorum adhuc in Babylonia & Perside degentes, ac prae omnibus familiam Mardochei & Estherae, quae Hebraice *hadissa*, latine *Edissa*, id est *myrtus* vel *myrtea* vocabatur, inquit S. Hieron. Remigius, Albertus & Hugo. In huius familia, virtutum omnium fragrantia, pulchritudine, soliditate tunc celeberrima stabat cum assecris suis praeses Ecclesiae Michael, novum de caelo beneficium portendens illi familiae, & per familiam istam toti reliquae genti Iudaeorum, puta connubium Estherae cum Dario rege, anno sequenti incundum, ut patet ex dictis Estherae t. 1. Allegorice, nostra *hadissa*, seu myrtus, est B. Virgo, in cuius medio stat Christus humana carne inde desumpta, cui tamquam equo rufo inequltat natura divina; & quam ipse sanguine tum suo, tum hostili rubricavit, iuxta illud Isaie d, *Quis est iste qui venit de Edom sinctis vestibus de Bosra? Quare rubrum est vestimentum tuum:* ita Petrus Abbas Cellensis. ET POST EUM sequebantur multi alii EQUI & equites, quidam rufi, nempe angeli praesides gentium sanguinolentarum & Iudaeis infestum, puta Chaldeorum, Assyriorum, Sa-

maritanorum, &c. quidam ALBI, praesides gentium pacificarum & Iudaeis amicarum, puta Perlarum & Medorum: reliqui *varii* coloris, praesides gentium nunc bene, nunc male Iudaeis affectarum, quales erant Aegyptii, Tyrii, Sidonii, Syrii & alii similes.

V. 9. ANGELUS quidam, (forte cultos Zachariae) qui LOQUEBATUR IN ME, (est hebraismus e, pro, *ad me*, seu *meum*, ut vertit Chaldeus:) rogat Michael, ut explicet Zachariae quinam sint, & quid velint hi equites.

V. 10. QUI RESPONDET: ISTI SUNT ANGELI praesides regnorum; QUOS DOMINUS MISIT lustrare commissas sibi provincias. Mox ipse tamquam princeps illorum, interrogat singulos, quo in statu repererint regiones sibi creditas. Respondent illi.

V. 11. OMNIS TERRA vicina Iudaeae quiescit a bellis, ab odio & ira in Iudaeos. Unde uil verendum quod inchoatam templi Ierofolymitani instaurationem impediunt, aut noceant Iudaeis: ita S. Hieronymus & alii supra citati.

V. 12. ANGELUS Michael, audito quod omnes circum nationes alta pace & prosperitate fruerentur, ad Deum conversus, USQUEQUO, inquit, TU O DOMINE EXERCITUUM, NON MISERERERIS IERUSALEM, ET URBEM reliquarum Iudaeae, quibus adhuc IRATUS ES, siens eas hucusque dirutas iacere ac pene desertas? ISTE TAM SEPTUAGESIMUS ANNUS EST: immo octogessimus, & quod excurrit. Vide de hoc calculo Chronicum f nostrum. Respondet exemplo Deus.

V. 14. ZELATUS SUM IERUSALEM ZELO MAGNO; id est, vehementissime illam amo, ut maritus zelotypus amat uxorem suam. Ideoque

V. 15. IRA MAGNA IRASCOR Chaldeis aliisque gentibus quae illam tam crudeliter everterunt, & ex eius spoliis divites & opulentiae evaserunt. QUIA EGO IRATUS SUM PARUM, id est moderatam solum castigationem per illos iubebam infligi Iudaeis, uti pater iubet infligi filiis: ipse vero non mea modice, sed suae immodice irae obsecuti, ADIUVERUNT IN MALUM: afflictis addentes totis suis viribus afflictiones quantas possent.

V. 16. PERPENDICULUM EXTENDETUR SUPER & templum & urbem IERUSALEM, id est rursus instaurabuntur ab architectis.

V. 18. & 19. ECCE QUATUOR CORNUA, verisimiliter ferrea, Chaldaeus, *quatuor regna*; QUAE VENTILABERUNT *g.* divexerunt, everterunt iam IUDAM ET IERUSALEM, quam ISRAEL & Samaritanii. Significant autem non quatuor monarchias, ut volunt Hebraei & ex illis S. Hieronymus; sed universim omnes populos ex quatuor orbis plagis, qui tam *duas*, quam *decem* tribus bellis attriverunt; puta Ammonitas & Moabitas ab Oriente: Philistinos ab Occidente: Idumaeos & Aegyptios a Meridie: Assyrios & Chaldaeos ab Aquilone: ita Theodoretus, Clarius, Ribera, Sanchez, a Castro, a Lapide.

V. 20. QUATUOR FABRI ferrarii, sunt quatuor angeli praesides, custodes & tutelares Iudae. Hi.

V. 21. VENERUNT DETERRERE, tremefacere, deprimit, *deicere* & resecare praedicta quatuor CORNUA, quae ita impetierant Iudaeos, ut NEMO illorum auderet vel CAPUT *levare*. His symbolis designabatur, sublatum iri hostibus Iudaeorum vires omnes ad impediendam instaurationem templi, & Ierosolymae, & reliquarum urbium Iudae: unde mox cap. seq. videt Prophetam apparari instaurationem iam dictam. Symbolice, quatuor cornua quae Christi Ecclesiam ventilaverunt, sunt Iudaei, Gentiles tyranni, haeretici, Saraceni. Fabri haec resecantes, Apostoli & Apostolici viri, Imperatores, & reges Christiani, Patres & Doctores, Clerici & Religiosi, etiam militares.

(a) IV. Reg. xiii. 2.

(b) Dan. ix. 21. & xix. 2.

(c) Virgil. III. Georgic.

(d) Isa. lxiii. 2.

(e) Proleg. de Idiostimis Hebr. num. xxi.

(f) Chronic. cap. xxxv. num. 11. conclus.

(g) III. Reg. xxii. 11.

GORDONI.

Verf. 7. **I**N DIE VIGESIMA ET QUARTA, &c. Prior prophetia refer-

tur ad mensem sextum seu Augustum; ista ad Ianuarium, numerando a Nisan anni sacri: vide opusc. de anno.

V. 8. ECCE VIA, &c. Angelus est sub forma viri ex vers. 11. putatur S. Michael olim Synagogae protector, nunc vero Ecclesiae Christianae: qui vero post Michaellem stabant equi & equites varii coloris, referunt Angelos praesides aliarum gentium, & hi referunt omnia iam esse in regnis pacata: sane ut ex hoc symbolo habeat Zacharias, unde colligat rebus iam pacatis, posse & debere Iudaeos ceptum opus promovere.

V. 9. ET DIXI QUI SUNT ISTI, &c. Videtur nunc loqui Zacharias cum proprio Angelo custode, a quo discit quae hic sequuntur: ita Hier. Lyræ, & alii.

V. 12. ET RESPONDET ANGELUS DOMINI, &c. Hic Angelus qui nunc respondet, videtur esse Michael: vir, inquam, ille, de quo vers. 8. qui proferens, exauctum annum decretæ captivitatis septuagesimum, rogat pro pace in Iudæa, reliquis iam nationibus in pace constitutis, & sola manente Iudæa sub vexatione a vicinis hostibus templum impediens.

V. 13. ET RESPONDET DOMINUS, &c. Responsum datur a Deo fore ut bene eveniat Iudæis, aedificetur templum, & perpendicularum extendatur super Ierosalem: adhibitum *perpendicularum* per metonymiam designat aedificium.

V. 18. ET LEVAVI OCULOS, &c. Quatuor haec cornua designant gentes in quatuor mundi plagis degentes, quae Israelitas & Iudaeos haecenus afflixerunt. Sunt vero Moab & Ammon, Philistini, Idumaei & Chaldaei. Quatuor porro fabri, sunt quatuor Angeli, qui specie fabrorum apparuerunt instructi suis ferramentis, & velut parati ad quatuor illa cornua diruenda, magna sane potentia Angelorum, praesertim quando ut custodes a Deo mittuntur.



CAPUT II.

Apparet vir mensuraturus Ierusalem, quæ post captivitatem solutam vebementer replenda est habitatoribus: cui Deus pro muro erit; & affligis Chaldaeis ac ceteris qui filios Israel affixerant, multæ gentes una cum Sion lætæ venient ad serviendum Domino, quas ipse suscipiet in populum.

1. **E**T levavi oculos meos, & vidi: & ecce vir, & in manu eius funiculus mensuræ. 2. Et dixi: Quo tu vadis? Et dixit ad me: Ut metiar Ierusalem, & videam quanta sit latitudo eius, & quanta longitudo eius. 3. Et ecce Angelus, qui loquebatur in me, egrediebatur, & Angelus alius egrediebatur in occursum istum. 4. Et dixit ad eum: Curre, loquere ad puerum istum, dicens: Absque muro habitabitur Ierusalem, præ multitudine hominum & iumentorum in medio eius. 5. Et ego ero ei, ait Dominus, murus ignis in circuitu: & in gloria ero in medio eius. 6. O, o fugite de terra Aquilonis, dicit Dominus: quoniam in quatuor ventos cæli dispersi vos, dicit Dominus. 7. O Sion, fuge quæ habitas apud filiam Babylonis: 8. quia hæc dicit Dominus exercituum: Post gloriam misit me ad Gentes, quæ spoliaverunt vos: * qui enim tetigerit vos, tangit pupillam oculi mei: 9. quia ecce ego levo manum meam super eos, & erunt prædæ his, qui serviebant sibi: & cognoscetis quia Dominus exercituum misit me. 10. Lauda, & lætare filia Sion: quia ecce ego venio, & habitabo in medio tui, ait Dominus. 11. Et applicabuntur Gentes multæ ad Dominum in die illa, & erunt mihi in populum, & habitabo in medio tui: & scies quia Dominus exercituum misit me ad te. 12. Et possidebit Dominus suam partem suam in terra sanctificata: & eliget adhuc Ierusalem. 13. Si leat omnis caro a facie Domini: quia consurrexit de habitaculo sancto suo.

BRUGENSIS

ROMANA CORRECTIO.

Verf. 8. Qui enim tetigerit vos, tangit pupillam oculi mei. Non facile mutandum est pronomen primæ personæ mei, in tertiz sui aut eius: quia de re lege Notationes.

NOTATIO.

Verf. 8. Qui enim tetigerit vos, tangit (tangit 1. MS.) pupillam (puellam o.) oculi mei. Pro mei pronomen primæ personæ quædam exemplaria scribunt

tertiz personæ pronomen eius, unum Henrici, quatuor nostra, Lob. P. V. C. In manuscripto K littera signato, videtur eius pro mei substitutum: porro in Brugenſi anti. grapho omnium præstantissimo & contra mei pro eius. Complutenſis editio legit sui. Hebraice, Græce, & Chaldaice tertiz personæ sunt pronomina, quæ & sui verti possunt & eius. Apud Hieronymum Glossæ ordinariæ auctorem, ut ea nobis est scripta, & Dionysium Richelium legitur eius: quod Richelius quidem exponit pro sui (Tangit pupillam oculi eius, id est, inquit, seipsum le-

taedet) Hieronymus vero, & ex eo Glossematicus ad Deum referunt, si tamen id certo legerint non *mei*, quod & ipsum refertur ad Deum. Qui enim sanctos Domini tetigerit, air Hieronymus, sic est, quasi vexare cupias pupillam oculi eius, & illum nitatur clara luce privare. Videri possit *eius*, quod mi-

nus intelligeretur, reiecto, *mei* plerisque in libris substitutum: ceterum Epanorhotes ob litterarum consequentiam, *eius* in *mei* mutatum ab Interprete existimat: quamquam mihi minime id exigere litterarum consequentia, aut commoditas videatur.

C O M M E N T A R I A

S A.

Vers. 1. **V**IR, scilicet Angelus specie viri. MENSORUM, scilicet quo solent Architecti metiri aedificia. LXX. *Geometricus*.

V. 2. IERUSALEM, scilicet Ecclesiam, ad eam enim pertinent quæ sequuntur. STR, scilicet futura: est enim ædificanda, vel quanta nunc sit, quantumque desit.

V. 3. EGREDIEBATUR, scilicet a me. LXX. *stabat*. ALIUS: forte ille qui funiculum gestabat.

V. 4. AD EUM, scilicet qui in me loquebatur antea. PUERUM. Chald. & LXX. *iuvenem*. Apparet Zachariam fuisse iuvenem, certe erat respectu Angeli. Vide tamen Ioan. xxi. ABSQUE MURO, &c. quasi dicat: Tanta erit multitudo, ut circumdari muro non possit, scilicet Ecclesia si gnificatur. IUMENTORUM, scilicet sunt etiam in Ecclesia, qui ut iumenta vivunt; est in area hac cum grano palea, usque ad diem Iudicii, & cum prudentibus virginibus faruz.

V. 5. MURUS, id est velut murus, seu pro muro. Et Dominus in circuitu populi sui. Psal. cxxiv. Chald. *velut murus*. IN GLORIA. LXX. *in gloriam*, scilicet redam gloriosam. *Gloriosa dicta sunt de te civitas Dei*. Vide Isa. lx.

V. 6. AQUILONIS, id est Babylone, scilicet mundo, & vitiis, potestateque diaboli. IN QUATUOR, &c. quasi dicat, O electi, qui per orbem totum dispersi estis. Vide Isa. xliii. & Ioan. xi. LXX. *de quatuor ventis cali congregabo vos*.

V. 7. SION, id est electi ex Iudæis. FIATIAM BABYLONIS, id est Babylonem; ut sup.

V. 8. EXERCITUUM. LXX. *omnipotens*: sic inf. Aperte Christus hic Deus dicitur, sicut & Psal. xxiii. est enim utrobique *mnus*. GLORIAM, scilicet *mx* resurrectionis. Bisp. Sac. Tom XXII,

tionis. Vide Ioan. vii. *Nondum erat glorificatus*, scilicet per resurrectionem. ME, scilicet Christum per Apostolos, qui Gentibus prædicarunt. Vide Isa. xlix. Aët. xiii. SPOLIAVERUNT, scilicet sæpe Iudæi vexati a Gentilibus. Ait ergo, cum per Apostolos ex vobis assumptos sint convertendæ Gentes ad fidem, quanto æquius est vos etiam converti? TANGIT, id est ledit. Vide Ps. civ. MEI, scilicet Dei; quasi dicat: Valde Deum offendit, quicumque vos persequitur. Vide Deut. xxxii. Psal. xvi. Sensus est, Valde estis Deo chari, ulcisceturque vestras iniurias, subiciendo vobis populos ad fidem convertos per Apostolos. LXX. *eius*.

V. 9. SUPER, id est contra. Eos, scilicet Gentiles. PRAEÆDÆ HIS, id est subditi Iudæis, scilicet Apostolis eos convertentibus. SERVIEBANT, scilicet Iudæi sæpe Gentilibus servierunt. DOMINUS, scilicet Pater. ME, scilicet Filium: prædicat Iudæorum conversionem post Gentes.

V. 10. LAUDA. Chald. *exulta*. LXX. *gaude*. FILIA SION, id est Ecclesia. VENIO, scilicet per Incarnationem.

V. 11. APPLICABUNTUR. Chald. *adiicientur*. LXX. *confugient*.

V. 12. IUDAM, id est fideles. PARTEM; pro, velut partem, id est hereditatem. SANCTIFICATA. LXX. *sancta*, scilicet Ecclesia. ELICET, id est amabit. Chald. *gratiam habebit*. ADHUC; quasi dicat, Perleverabit amando & favendo.

V. 13. SILEAT, scilicet præ reverentia & timore. LXX. *timeat*. CONSURRERIT. Chald. *apparebit*. HABITACULO, scilicet cælo; quasi dicat, Veniet in mundum: quod quidam ad priorem adventum referunt, alii ad secundum.

Verf. 4. **A**BSQUE MURO HABITABITUR

¶ 5. **I**ERUSALEM PRAE MULTITUDINE HOMINUM, IUMENTORUM IN MEDIO EIUS. Hebraice: *Inftar ville habitabitur*; quasi dicat, Ierusalem habitabitur more villarum: quae sunt absque muris, ita ut semper extendi possint ulterius. Et sensus est, quod tanta erit multitudo confluentium Ierusalem, ut ambitus murorum omnes capere non possint. Sed aptissime refertur ad ecclesiam novi testamenti in omnes gentes propagandam. Interpres Variabilis ei reddidit: *Vicatim habitabitur Ierusalem*, id est per omnes viros: ita ut nulla pars eius futura sit habitatore vasua. Sed priorem sensum confirmat quod sequitur: ET EGO ERO EI, AIT DOMINUS, MURUS IGNIS IN CIRCUITU.

MARIANAE.

Verf. 1. **E**T ECCE VIR, Angelus speciei viri. FUNICULUS MENSORUM. Hebr. *mensura*. Sept. *funiculus Geometrius*. Quid hoc? Chald. *funiculus mensorius*, in manu eius.

V. 2. **U**T METIAR IERUSALEM, scilicet vado. Volebat insaurare Ierusalem; ideoque metitur prius aream, ut solent facere architecsti.

V. 3. **E**GREDEBATUR Angelus alius, ut scilicet mihi loqueretur.

V. 4. **L**OQUERE AD PUERUM ISTUM. Sic Zachariam vocat, quia comparatione Angelorum, homines ut pueri sunt: Hieronymus. **A**BSQUE MURO. Hebr. *villa*, id est ut villae habitabitur Ierusalem, quae scilicet arcem & murum non habent. **PRAE MULTITUDINE**. Tam multi erunt cives, ut propter amplitudinem cingi muro non possit. Aut suorum multitudine se ruebitur, neque alia munitione opus habebit. Quod in Ecclesiae amplitudinem magis quam in eam urbem convenit. **HOMINUM ET IUMENTORUM**. Per *iumenta* aut equos intelligo, aut armenta, quae noctu in oppida referebant, eoque amplas extruebant domos. Hieronymus per *homines* Iudaeos, per *iumenta* Gentes intelligit, qui omnes Ecclesiae amplitudine continentur. Aut eruditos & simplices.

V. 5. **MURUS IGNIS** ego ero; etiam si muro careat, mea protectione quasi muro igneo tuta erit. **ET IN GLORIA ERO**, seu *in gloriam*, ut Hebr. & Sept. id est mea praesentia eam gloriosam reddam. Regis praesentia urbem nobilitat. Quod in Christi adventum & praesentiam in ea urbe bene convenit.

V. 6. **O, o.** Hebr. *Hai, loi*. Vocantis particula, seu hortantis. Ideo sic melius per *O, o*, Hebraice vertuntur, quasi dicas, *Heu, heu*, aut, *Ve, ve*, ut alii vertunt. Vox Prophetarum hortantis Iudaeos, ut Babylone relicta, redeant in patriam. **IN QUATUOR VENTOS CAELI DISPERST VOS**; id est, in remotas & disiunctas regiones expulsi vos, ideo non est mirum si ex Babylone vos advoco.

V. 8. **P**OST GLORIAM. Quam gloriam? De qua *verf. 5.* *Et in gloria ero in medio eius*, postquam eos restituit in patriam, & habitavit inter eos. **MISIT ME AD GENTES**. Quem? Prophetam, aut Angelum qui loquitur, misit ad Gentes, scilicet ut eas puniret. Nec mirum. **QUI ENIM TETIGERIT VOS, TANGIT PUPILLAM OCULI MEI**. Hebr. *oculi eius*, id est Dei. Loquitur Angelus aut Prophetas: sic Gotth. & Hieronymus in Commentar. & Sept. Chald. *qui nocet vobis, ac si extendat manum suam, ut tangat pupillam oculi sui*, id est sibi met ipse nocebit. Vulg. *Regia, oculi sui*.

V. 9. **Q**UIA ECCE EGO LEVO, seu moveo, MANUM MEAM. Aut iurantis in modum, aut ut pugnem contra illos. Memento Angelum loqui, aut Prophetam. **SUPER EOS**, sive *contra eos*. **ET ERUNT PRAEDAE**. Iudaei post captivitatem Gentes, quibus serviebant, diripient illi. **ET COGNOSCETIS QUIA DOMINUS EXERCITUM MISIT ME**. Veritas eorum quae dico, & eventus, me a Deo missum esse comprobabit.

V. 10. **E**T LAETARE, sive exulta, iubila filia: Sion, ait Dominus.

V. 11. **A**PPRICABUNTUR GENTES MULTAE AD DOMINUM, seu *adhaerebunt multa Gentes Domino*, illum, sequentur, colent eum: quod Christi adventu factum est. Sed & post reditum e captivitate, rebus prosperis, multos & vicinis Gentibus venisse Ierusalem, fide non caret.

V. 12. **E**T POSSIDEBIT DOMINUS IUDAM,

DAM, scilicet hereditate possidebit. PARTEM SUAM; pro, quasi partem, id est hereditatem. Quidam ex Hebr. verbum *nahal* volunt esse transitivum, & sic explicant, *Faciens Dominus, ut heredes ludas hereditatem suam in terra sancta*: sic Hebr. Schol. & Chald. quasi dicat: Suam hereditatem Deus in Iudam transtulerit. ET ELIGIT ABHUC; id est rursus complacuit sibi in Ierusalem, eam gratam habebit.

V. 13. SILEAT OMNIS CARO. Sept. *ti-meat*, scilicet reveratur. Silentium ex reverentia est. Hebr. *file omnis caro*. A FACIE DOMINI, id est coram Domino. QUIA CONSURREXIT, seu *exortatus est* de habitaculo suo. Hactenus indormisse videbatur, nunc evigilare contra hostes, & ut suos tueatur.

MENOCHII.

Vers. 1. **E**CCE VIR, id est Angelus, specie viri; Archangelus Michael. FUNICULUS MENSORIUS: quo solent architecti metiri longitudinem, & latitudinem edificiorum.

V. 2. ET DIXI: scilicet, ego Zacharias ad virum habentem funiculum mensurium. UT METIAR IERUSALEM: scilicet, aream in qua reedificanda erat. UT VIDEAM QUANTA SIT, id est quanta futura sit, aut esse debeat latitudo, & longitudo eius.

V. 3. ANGELUS QUI LOQUEBATUR IN ME: angelus custos Zachariæ, ut dixi superiori capite num. 9. ANGELUS ALIUS: tertius quidam alius angelus præter Michaelem, & custodem Zachariæ. IN OCCURSUM EIUS: in occursum Angeli custodis Zachariæ, ut per eum doceret Zachariam quanta futura esset Ierusalem. Hunc tertium Angelum multi putant fuisse Gabrielem.

V. 14. ET DIXIT AD EUM: ad angelum custodem Zachariæ. AD PUERUM ISTUM. Zachariæ puero non ætate, sed conditione, & statu; quia scilicet erat puer, id est cliens, & discipulus angeli sui custodis. Homines enim respectu Angelorum sunt quasi pueri, ut ait S. Hieronymus. ABSQUE MURO HABITABITUR IERUSALEM. Tanta erit hominum, domorumque frequentia, ut muro ambiri non

possit; quasi dicat: Putas Zacharia, quia vides non adeo magnum fili glorum in manu Michaelis parvam futuram Ierusalem. Ne dubita, erit adeo ampla, & frequens, ut illius muris multitudo incolarum contineri non possit. Hæc, ut reliqua, quæ hoc capite habentur, ad litteram de Ierusalem intelligenda sunt; sensu tamen allegorico, & a spiritu Sancto magis intento, de Ecclesia accipienda sunt; quare etiam quædam dicuntur angustiora quam ut urbi Ierusalem convenire possint, plene autem quadrant Ecclesiæ, quam maxime respicit spiritus Sanctus. Porro absque muro habitatur Ecclesia, quia innumerabilis hominum multitudo ad illam venit. HOMINUM, ET IUMENTORUM: Per homines allegorice significantur viri eruditi; per iumenta simplices, & rudes. Vel, homines sunt Iudæi; iumenta Gentiles, ut explicat D. Hieronymus.

V. 5. ERO ET MURUS IGNIS: etiam si muros non habeat, non tamen erit exposita hostium incurfionibus, ego enim ero ei quasi murus igneus, qui hostes terrat, & propius accedere non sinat. IN GLORIA ERO IN MEDIO EIUS. LXX. *In gloriam*, scilicet, reddam eam gloriosam. Vel sensus est, ero in gloria, id est tibi glorificabor.

V. 6. O, o, id est Heus, heus; est enim hortantis, & invitantis ad celerem fugam. DE TERRA AQUILONIS: de Babylone, quæ respectu terræ sanctæ erat ad Septentrionem. QUONIAM IN QUATUOR VENTOS CAELI DISPERSI VOS; quasi dicat: Fugite e Babylone, quia ibi dispersi estis, & dissipati; & venite in Iudæam, ut in unum populum, unamque rempublicam coalescat.

V. 7. APUD FILIAM BABYLONIS: quæ habitas in Babylone; filia enim Babylonis idem est quod Babylon.

V. 8. QUIA HÆC DIXIT DOMINUS EXERCITUUM, &c. Sensus versiculi est: Hæc dicit Dominus exercituum, quod post gloriam Ierusalem, id est post Ierusalem gloriose restauratam, mittet me Gabrielem ad Gentes, ut eis illi fortiter subiciam; sensus præcipuus de Christo est. Post exaltationem meam, & Ascensionem in cælos misit me, ut prædicem gentibus per Apostolos meos. AD GENTES QUÆ SPOLIaverunt vos: ut illas vobis subiciam,

quæ prius vos vexaverant, & spoliaverant. QUI ENIM TETIGERIT VOS, &c. Gravissime offendat, si quis vos pupillam oculi mei læsit. Phrasis est proverbialis, nihil enim charius pupilla oculi, nihilque maiori cura, & sollicitudine custoditur.

V. 9. LEVO MANUM MEAM SUPER EOS: ut illos seriam, vobisque prædæ dem, & subiiciam, sensu allegorico factum est hoc cum Christus, per Apostolos e Iudæa ortos, subiecit omnes gentes. ET COGNOSCETIS, &c. Hæc enim visuri erant Iudæi, & inde cognituri ipsum esse verum prophetam, & hæc a Deo accepisse, ut ipse asseverabat; sublimiori vero sensu dicemus, Tunc re ipsa patuisse Christum missum esse a Deo patre, cum ei gentes inimicæ subditæ sunt.

V. 10. LAUDA, &c. Excitat Synagogam Babylone redeuntem in Ierusalem ad gratiarum actionem, & inbilitum, quod læsura sit Dei in se habitantis præsentiam, opem, & gloriam. Maior, & potior lætitiæ causa adventus Christi Domini in carne ad hominum salutem.

V. 11. APPLICABUNTUR GENTES MULTAE AD DOMINUM: convertebant se ad religionem Iudaicam: plures vero postea ad Christum.

V. 12. IUDAM: tribum Iuda, & Beniamin. PARTEM SUAM: portionem hereditariam, & sibi eham. IN TERRA SANCTIFICATA: in terra sancta; in terra promissionis. ELIGET ADHUC IERUSALEM: in qua templum habeat, & colatur. Christus partem suam, id est Apostolos, & primos fideles, ex quibus constituit Ecclesiam suam, selegit, & possedit in terra sancta, hoc est in Iudæa quam sua præsentia sanctificavit.

V. 13. SILEAT: reverenter, & sancte cum colat, & illi subiecta sit. OMNIS CARO: omne humanum genus. CONSURREXIT DE HABITACULO SANCTO SUO: quia de caelo habitaculo sancto suo, quasi confurgens opem nobis tulit, quod maxime verum est per assumptam carnem, & per opus redemptionis nostræ; quod in cruce consummavit.

TIRINI.

Verf. 1. **E**CCE VIR, id est angelus fortis, ma viri, cum funiculo MENSORUM; quo solent architecti longitudinem & latitudinem ædificiorum dimetiri, an iusta sit partium omnium symmetria, seu proportio. Hoc symbolo designabat angelus Michael, se iam accingi ad plene instaurandam Ierusalem & reliquis civitates Iudææ. Similem architectum vidit etiam Ezechiel cap. XL. 3. & S. Ioannes Apocal. XXI. 15. Porro tertius ille angelus, qui

V. 3. EGREDIETUR IN OCCURSUS angelis custodis Zachariæ, perique putans fuisse *Gabrielem*, curatorem negotiorum populi Dei, Danielis IX. & X. ubi similes tres angeli, & forsitan iidem qui hic, nuntiant similia Danieli.

V. 4. LOQUERE AD PUERUM ISTUM: nempe Zachariam, clientem, discipulum, ministrum a tuum; quidni & annis adhuc iuvenem ac robustum, ut solent esse ministri? Zacharias viso in manu Michaelis funiculo in glomem convolutus, ac proinde tenui & exiguo, videtur timuisse, exiguam fore Ierolymæ instaurandæ capacitatem, utpote brevi funiculo comprehensam. Huic timorem istum eximi iubet angelus, spondens, Ierolymam tanta amplitudine & capacitate instaurandam, ut certis muris terminari non possit, qui incolæ omnes comprehendantur: multos per suburbia & villas vicinas coactum iri habitationem figere. Non igitur negat, Ierusalem cingendam muro (nam id factum constat a Nehemia 6:1) sed tantam ait confluram eo hominum frequentiam, ut spatium intra muros etsi capacissimum, non capiat tamen omnes, sed multos cogendos extra muros domicilium quærere. Unde illud, ABSQUE MURO, quidam exponunt, extra murum. Sicut illud Iosue XVII. verf.

5. *Funiculi Manaſſe ceciderunt absque terra Galaad*, id est extra terram Galaad. Porro Ierolymis, ita rem habuisse testatur oculus testis Iosephus d. Neque est tamen, quod propterea quis metuat, non futuram sat tuam incolarum, illis degentium habitationem, utpote ad quam pateat facilis etiam hostibus accessus. Ecce enim promitto, quod.

V. 5. EGO ipse Deus vester, qui IGNIS consumens es sum, ERO Ierosolymitanis pro muro s, coque non lapideo, sed igneo. Nam inflata ignei muri cingam, tutabor, exhilarabo Ierosolymæ cives, hostes vero vel solo aspectu fugabo. Alludit ad flam meum gladium, quo Cherubim custodit paradysum Genf. III. 24. quem Lactantius g & plures alii murum igneum interpretantur. Allegorice, murus igneus Ecclesie & etiam singulorum fidelium est Spiritus sanctus (cuius figura fuit olim columna h ignis:) sunt & angeli custodes, ut Eliae s, Eliseo k, & tot aliis apparuerunt. ET IN GLORIA; LXX. in gloriam, ERO IN MEDIO EIUS; id est, glorificabo Ierusalem, & gloriam ei asseram, inquit S. Cyrillus, Theodoretus, Haymo, Vatablus, Ribera, Sanchez, a Lapide. Deus enim per instauratum templum & in eo sui cultum, per legem, oracula, miracula, tutelam & protectionem caelestem, reddebat eam celeberram & gloriosam apud omnes Gentes, ut Iosephus aiebat, & Regius Propheta David, & Isaias l. Que in Christi Ecclesiam verissime quadrant, cuius gloria summa est Christus in medio eius, inquit S. Hieronymus, Haymo, Albertus & Remigius.

V. 6. O, O FUGITE Iudei, DE TERRA AQUILONIS, id est e Babylone, quæ respectu Iudææ est Aquilonaris: QUONTIAM si Babylone subliteritis, ex nunc divino decreto meo IN QUATUOR VENTOS CAELI DISPERSI VOS, dispersurus & reipla suo tempore. Expugnata enim per Darium Hyastaspis Babylone iam iterum rebellis (quod factum biennio post hanc m Zachariæ prophetiam, nempe anno 4. Darii, industria Zopyri seipsum mutantis & ad obfessos transigientis, ut narrat Iustinus, Herodotus, Torniellus, Gordonus n, & alii) vos quoque istuc deprehensi, dispergemini, & quasi socii rebellionis multabimini, atque ut minimum, in novum exilium deportabimini. Quare præstat, ex nunc inde demigrare in optatam patriam.

V. 8. QUA HAEC DICT DEDICATUS EXERCITUM, quod post redditam Ierosolymæ GLORIAM divine lux præsentis in templo, (de qua vers. 4.) MISIT ME Gabriellem AD GENTES pessumdandas, QUAE vos ante SPOLIaverunt, id est, ad excidendos Babylonios, Idumæos, Philistinos,

Ammonitas, Moabitas, &c. ita Chaldaeos, Hugo, Mariana & a Lapide. Et sensu allegorico principalis intento a Spiritu sancto, Deus exercituum Pater caelestis, cæli & terræ monarcha, post gloriam plenam manu & mensura admetnam Synagoga, me Filium suum, Gabrielis antitypum, & Deum etiam exercituum, utpote Deum verum de Deo vero, misit quasi archistrategum suum, ad gentes &c. nationes omnes totius terræ, ut eas debellem, exspoliem, mihiq; & Ecclesie meæ subiciam per Apostolos & alios prædicatores. Evangelicos, qui animas ereptas tyranni diabolo, mundo, carni, subiciant Deo legitimo domino & regi totius universi: ita S. Hieronymus, Theodoretus, Haymo, Remigius, Lyranus, Vatablus, Ribera & alii. Tam enim chari mihi vos estis, ac si pupilla o essetis oculi mei: unde quicumque vobis molestiam creat, me lædit. Gentes ergo vobis inimicas, in vestri gratiam, ne amplius noceant, omnes debellabo, & vel amicas vobis, immo subditas faciam; vel, si hostiles manserint, perdam & excidam. Ita Iudeis fecit per Mardocheum & Estherem, per Nehemiam, per Machabæos. Sed plenius Christianis per Apostolos & Apostolicos viros, per Constantinum & alios Imperatores ac Principes Catholicos, inquit Albertus, Hugo & alii iam citati. Unde merito nomen Christo p, Accelera spolia detrahare, festina prædari. Sic notum toti orbi fiet, quod

V. 12. DOMINUS POSSIDEBIT IUDAM, & de Iuda prognatam Ecclesiam, quasi partem suam q, id est peculium proprium, seu portionem sibi hereditariam, IN TERRA divino cultu suo SANCTIFICATA, & præsentia corporali filii sui, quin & sanguine quoque ipsius nobilitata.

V. 13. QUA Dominus noster, qui tot iam millibus annorum, permittendo mundum universum in dominio & potestate diaboli, mortis & inferni, visus est quasi dormire, tandem excusso somno, CONSURREXIT DE thalamo & HABITACULO sancto suo, vires suas gigantæas r & arma caelestia expediens, primo per Mardocheum, ut dixi, & Machabæos prodromos Filii sui, deinde per ipsummet Filium suum e sinu paterno emissum, & in hostes immisissum. A cuius FACIE, seu in cuius conspectu, si sapit, SILEAT OMNIS CARO;

CARO; id est, nemo illi reclamet, nemo rebellet, repugnet, recalcitret, sed omnes summo silentio, reverentia, timore, tremore, subiectione, & gratitudine, ipsum agnoscant, suspiciant, amplectantur, celebrent & colant: ita S. Cyrillus, Theodoretus & alii. His verbis olim in Liturgia S. Jacobi, dum sacerdos ad altare sacrificaturus accederet, excitabatur populus ad debitum tantis mysteriis præstandum silentium, attentionem & reverentiam, Diacono præunte & proclamante: *Sileat omnis humana & mortalis caro, siletque cum metu ac tremore.* Et similia inelamabunt angeli cum Christus in vallem Iosaphat ad extremum iudicium descendet, inquit S. Hieronymus, Haymo, Vatablus & Lyranus.

- (a) Genes. xxv. 32. & Lucæ 1. 34. & 69. Aët. iv. 27.
 (b) II. Esd. 11. 27.
 (c) Haisc xlii. 20. Ierem' xxxi. 38.
 (d) Ioseph. Lib. VI. belli cap. vi.
 (e) Hebr. xxi. 29.
 (f) Haisc xxvi. 1. Psal. xxi. 2.
 (g) Luc. Lib. II. Instit. cap. xlii.
 (h) Exodi xxi. 21. & Sap. x. 27.
 (i) IV. Reg. 11. 31.
 (k) IV. Reg. vi. 17.
 (l) Ioseph. Lib. XII. Antiq. cap. xxv. 76. lxxxvi. 1. Haisc cap. ix. 1.
 (m) Zachar. 1. 7.
 (n) Iustin. Lib. I. in fine. Herod. Lib. III. in fine
 Tornell. anno mundi 5151. Gordons in Chronol.
 fo 1. Deut. xxxii. 10.
 (p) Haisc viii. 3.
 (q) Deut. xxxii. 9.
 (r) Psal. xlviii. 7.

GORDONI.

Vers. 1. **E**T LEVAVI OCULOS, &c. Vir hic Angelus est: funiculus mensorius designat reedificationem futuram. Hinc vers. 4. multitudo habitantium designatur, & vers. 5. præsentia Dei, promuro igneo, quæ omnia commodè accommodantur etiam Ecclesie Christi. Quod est vers. 4. LOQUEBATUR IN ME, hoc est, mihi. Hebr. הִדְבַּר בִּי *hadaber bi.*

V. 6. **O FUITE DE TERRA,** &c. Hoc loco revocat Prophecia suæ gentis homines in patriam, relictis Persis, Medis, Assyriis; & præsertim relictâ Babylone, ubi adhuc Iudæi plures soluta captivitate remanserant, timentes, ne noviter reversus simile excidium eveniret, ac prius sub Nabuchodonosoro.

V. 8. **QUIA HÆC DICIT DOMINUS EXERCITUUM,** &c. Clarum est hæc verba referenda esse ad ea quæ insequuntur vers. 9. & deinceps. **POST GLORIAM MISIT ME DOMINUS,** iuxta sensum litteræ, intelligere oportet loqui adhuc Angelum proferentem; quasi dicat: Post gloriosum reditum a captivitate misit me Dominus ut gentes illas Domino subiicerem, & sint præda his quos subiugarunt: verum alter etiam sensus de Christo & allegoricus, valde commodè hic locum habet; ipse enim hic allegorice loquitur, & missus est a Deo, qui spiritali Israël & Ecclesie suæ gentes subiugaret. Cetera hinc clara sunt.

CAPUT III.

Iesus sacerdos exutus sordidis, induitur mutatoriis, qui iudicaturus est domum Domini, si in viis ipsius ambulet: adducet Dominus servum suum Orientem: & de lapide agit super quem septem oculi sunt.

1. **B**T ostendit mihi Dominus Iesum sacerdotem magnam stantem coram Angelo Domini: & satan stabat a dextris eius ut adversaretur ei. 2. Et Dixit Dominus ad satan: Increpet Dominus in te satan: & increpet Dominus in te, qui elegit Ierusalem: numquid non iste torris est erutus de igne? 3. Et Iesus erat indutus vestibus sordidis: & stabat ante faciem Angeli. 4. Qui respondit, & ait ad eos qui stabant coram se, dicens: Auferite vestimenta sordida ab eo. Et dixit ad eum: Ecce abstuli a te iniquitatem tuam, & indui te mutatoriis. 5. Et dixit: Ponite cidarim mundam super caput eius. Et posuerunt cidarim mundam super caput eius, & induerunt eum vestibus: & Angelus Domini stabat. 6. Et contestabatur Angelus Domini Iesum, dicens: 7. Hæc dicit Dominus exercituum: Si in viis meis ambulaveris, & custodiam meam custodieris; tu quoque iudicabis domum meam, & custodies atria mea, & dabo tibi ambulantes de his, qui nunc hic assunt. 8. Audi Iesu sacerdos magne, tu & amici tui, qui habitant coram te, quia viri portendentes sunt: ecce enim ego (a). ADDUCAM SERVUM MEUM ORIENTEM. 9. Quia ecce lapis, quem dedi coram Iesu: super lapidem unum septem oculi sunt: ecce ego calabo sculpturam eius, ait Dominus exercituum: & auferam iniquitatem terræ illius in die una. 10. In die illa, dicit Dominus exercituum, vocabit vir amicum suum subter vitem, & subter ficum.

(a) Luc. 1. 74.

COMMENTARIA

S A.

Verf. 1. **A**NGELO, scilicet Michaeli principe Synagagæ, secundum quosdam. SATAN. LXX *diabolus*. A DEXTRIS. Hunc locum capir & qui defendere, & qui opprimere vult, quod dextra potior sit hominis pars & valentior, adeoque ea defensa stat, victa cadit. Vide Pl. xv. & cviii. ADVERSARETUR, id est accularer.

V. 2. INCREPET; pro, increpabit, id

est reprimet; quasi dicat, Ego te cohibebo. Solet Deus de se loqui tamquam de tertia persona. Vide Gen. xix. num. 12. IN TE; pro te. Hebr. ET INCREPET; quasi dicat: Et omnino te impedit, ne scilicet quidquam possis contra Iesum, aut templi adificationem. Nota vero, ter Dominum, forte indicare Patrem, Filium, & Spiritum sanctum. ELEGIT, scilicet ut in ea sit eius templum, vultque edificari. TORRIS; pro, ut torris, id est titio. IGNE, scilicet captivitate.

V. 3.

V. 3. **INDUTUS**; scilicet sic apparebat in visione illa. **SORDIDUS**, significantur eius peccata: forte quod populum non reprehendit, ut debuit, peccantem; cum praesertim eius nepotes etiam duxissent alienigenas. Vide Eisd. x. **STABAT**, scilicet iudicans; vel opem expectans.

V. 4. **QUI**, scilicet Angelus Michael, de quo proxime. **EOS**, scilicet minores Angelos. **ABSTULI**; quasi dicat, Per hoc significo ablata a te iniquitatem tuam. **INDUI**; pro, induam. **MUTATORIS**, id est pretiosis vestibus, talibus enim solent viles mutari. *Chald. iustus. LXX. veste salari.*

V. 5. **CUDARIM**, id est tiamam pontificiam. **VESTIBUS**, scilicet pontificiis. **ANGELUS**, scilicet qui haec fieri praeceperat.

V. 6. **CONTESTABATUR**, id est velut coram testibus monebat.

V. 7. **EXERCITUUM. LXX. omnipotens**: sic infir. **CUSTODIAM MEAM**, id est quod custodiri praecepi. *LXX. praecepta mea.* **QUOQUE**; quasi dicat, Id est etiam dabo, ut, &c. **IUDICABIS DOMUM MEAM**, id est populum meum reges, ut solent Pontifices. *Chald. iudicabis templi minifros.* **CUSTODIES**, scilicet ut praesectus. **AMBULANTES**, scilicet tecum, id est protegentes. **HIS**, scilicet Angelis. *Chaldaus* intelligit promitti ei conversationem inter Angelos post resurrectionem.

V. 8. **PORTENDENTES**, id est factis suis futura figurantes, scilicet omnia illius populi facta, figura erant futurorum. *LXX. portentorum spectatores. Chald. digni quibus sunt miracula.* **ORIENTEM**, scilicet Christum. *Chald. Messiam*, scilicet ortus est mundo velut sol: unde, **Oriens nomen eius. Zachar. vi. &c. Oriens ex alto. Lue. i.** Vel **oriens** dicitur, id est **germen**: id enim significat vox Hebr. quomodo vertitur Ierem. xxxiii. & xxxiii. Isa. iv. & etiam Graeca *ἀναστῆναι*, in LXX. & in Luca, ut quidam notant: dicitur autem **germen**, scilicet e radice Iesse surculus.

V. 9. **LAPIS**, scilicet Christus, qui lapis angularis & offensivus, abscissus de monte, &c. **DEDI**, id est promisi me daturum. **CORAM IESU**, scilicet in revelatione proxima de Oriente. **UNUM**, scilicet singularem, de quo proxime dictum. **OCULI**, id est dona Spiritus sancti, vel Angeli, de quibus Apocal. i. & v. Tob. xii. Zachar.

iv. Vide etiam Apocal. viii. 15. 16. & 17: scilicet per Angelos plurimos (id enim *septem* significat) mundum gubernat. **SCULPTURAM**, scilicet passionem, ubi velus calatus clavis & virgis, vel perfectionem animae ornatæ donis. **ILLUS**, scilicet ubi pallus fuerit, nempe Iudææ, vel mundi, quantum est ex parte pretii dati pro redemptione. **UNA**, scilicet passionis.

V. 10. **D.E. ILLA**, scilicet tempore Evangelii. **VIR**, id est quisque. **VITEM**; quasi dicat: Pax erit, & convivabuntur secute invicem. Vide Isa. ii. Ose. ii. Mich. iv. Intellige vero fructus spirituales.

E S T I I.

Vers. 1. **E**T OSTENDIT MIHI DOMINUS IESUM SACERDOTEM MAGNUM: ET SATAN STABAT, UT ADVERSARETUR EI. Et vers. 3. **ET IESUS INDUTUS ERAT VESTIBUS SORDIDIS**: Ecce Iesum filium Iosedech sacerdotem magnum; qui non tantum nomine, sed & re gesta, quæ hie describitur, aperte prætulit figuram Christi Salvatoris. Primum scilicet, quando satanæ stanti a dextris eius, ut adversaretur ei, adempta est omnis potestas nocendi. Ita enim Christus de se loquitur Ioan. xiv. *Venit princeps huius mundi, & in me non habet quicquam*. Deinde in eo quod dicitur: *Iesus erat indutus vestibus sordidis, & dictum est astantibus: Auferte vestimenta sordida ab eo.* Quid autem per vestimenta sordida intelligatur, exponit ipse Dominus, quando ablatis iis sic Iesum hunc, filium Iosedech alloquitur: *Ecce abstuli a te iniquitatem tuam, & indui te mutatoris.* Igitur vestimenta sordida iniquitatem significant; non ipsius Christi Domini nostri, qui fuit Agnus sine macula, in cuius ore dolus inventus non est; sed iniquitatem humani generis: sicut *Isaias* dicit cap. lvi. *Posuit in eo iniquitatem omnium nostrum*. Hanc iniquitatem Deus pater abstulit ab eo, & induit eum mutatoris, quando post passionem exivit cum a mortuis, induens cum veste immortalitatis; & sicut Apostolus ait ad Philipp. ii. *Propter quod & Deus exaltavit illum, & dedit illi nomen, quod est super omne nomen*.

M A R I A N A E.

V. 1. **C**ORAM ANGELO DOMINI. Quasi coram Iudice videtur Iesum stantem. Atque cum Michaellem putant. ET SATAN. Diabolus templi instaurationem impedit volebat. A DEXTRIS E-
 IUS. Quia vera erat accusatio, ut Hieronymus ait, contra Legem Iudæos duxisse alienigenas, I. Esdræ x. 2. Malach. ii. 11. UT ADVERSARETUR EI, sua scilicet accusatione. Iulianus contra Tryphonem ait, accusatum a dæmone Iesum sacerdotem, quod duxisset uxorem meretricem.

V. 2. INCREPET DOMINUS. De se loquitur Deus in tertia persona; pro, increpo ego. IN TE, id est te. QUI ELEGIT IERUSALEM, id est ei placuit. TORRIS EST ERUTUS DE IGNE? Simili loquendi forma utitur Amos iv. 11. Significat, mirum non esse, si ex igne Babilonico sordes adhæserunt, ut torris fuligine plenus & sordidus est, sic & Iesus ille, qui induitur hac de causa dicitur.

V. 3. VESTIBUS SORDIDIS: ob coniugia illicita, aut ob alia populi peccata: Hieronymus.

V. 4. QUI RESPONDIT, locutus est is scilicet Angelus, ante quem Iesus stabat. AD EOS QUI STABANT CORAM SE, si est ad minores Angelos. AUFERTE VESTIMENTA SORDIDA, facite ut uxores alienigenas relinquunt, aut mores mutant. INDUIT TE MUTATORIIS, vestibus novis & mundis; feci ut alias uxores accipiat, relictis prioribus.

V. 5. CIDADIM MUNDAM, capitis integumentum, sacerdotii insigne, admonens munditia, ut eo munere sancte uteretur. ET INDUERUNT EUM; id est, postquam induerunt eum vestibus, imposuerunt capiti cidarim. ET ANGELOS DOMINI STABAT. Eo præsentem hæc omnia sunt facta, quem Michaellem esse volunt.

V. 6. ET CONTESTABATUR ANGELUS, palam & testato monebat Iesum coram testibus.

V. 7. TU QUOQUE IUDICABIS, simul cum Zorobabele iudicabis populum. Non excluduntur sacerdotes a magistratibus profanis & cura populi. ET CUSTODIES ATRIA MEA, supereris sacerdotio. ET DABO TIBI AMBULANTES, id est, ex hoc An-

Bib. Sac. Tom. XXII.

gelorum numero, qui hic adsunt dabo custodes. Hebr. *dabo tibi vias inter stantes hos*, scilicet ut cursu vitæ peracto, inter Angelos verberis. Præsentem & futuram felicitatem.

V. 8. TU ET AMICI TUI. Viri iusti, qui tecum sunt, audite. QUI HABITANT CORAM TE, QUA VIRI PORTENDENTES SUNT, id est Prophetæ, qui futura nuntiant, atque adeo probi ii sunt. Hebr. *quia viri portenti*. Viri boni sunt quasi portentum, quia rari, aut digni per quos miracula fiant. Hebræi putant hos fuisse *Ananiam, Azariam, Misaellem*, & vocari *viros potentes*, quia ab igne sunt liberati. Goth. *quia viri portentes sunt*, id est portentuosi. Sept. *ἰσχυροὶ*, portentorum inspectores. Simul adverte, quales domestici Pontificum esse debeant. Præterea, Deum arcana sua viris probis aperire, non aliis. SERVUM MEUM ORIENTEM. Sic Sept. Hebr. *servum meum germen*, id est cuius nomen est *Germen*; sic Christus vocatur *Oriens*. Luc. i. 78. Græc. *ἀνατολή*, *germen*, Isai. lv. 2. & Jerem. xxxiii. 15. Chald. his locis per *germen*, Messiam intelligit, tum hic habet: *Ecce ego servum meum Messiam adduco*. *מִצֵּי צִמְחָה, ori & germinare* significat: sic alii *orientem* vertunt, alii *germen*.

V. 9. QUA ECCE LAPIS, QUEM DEDIT, scilicet lapis fundamenti, super quo fabrica extruitur. Hebræi hunc putant fuisse Zorobabel, qui simul cum Iosue populum rexit: nos Christum dicimus, qui est fundamentum Ecclesie, quam significat templi structura & instauration. SUPER LAPIDEM UNUM SEPTEM OCULI SUNT. In lapide fundamenti solent excavari sigilla, quibus includuntur stipes auri & argenti, perpetuitatis argumento. Ea sigilla vocantur *oculi*. Aut *septem oculi* sit Dei custodia, qua protegit tum lapidem, tum totam fabricam ab hostibus, quod cap. iv. vers. 10. continetur: qui *septem*, id est multi sunt. Aut per *septem oculos* dona Spiritus sancti intellige, quæ in Christo fuerunt. ECCE EGO CAELABO SCULPTURAM EIUS: poliam, ornabo, incisus variis sigillis. Hebr. *aperiam aperturam eius*: sic *sculptura* vocatur; aut fortasse significat sigilla, quæ excavari in eo lapide diximus. ET AUFERAM INIQUITATEM TERRÆ IL-
 LIUS; id est totius gentis. IN DIE UNA,

A₃ id

id est simul & uno tempore, per Christi adventum & mortem.

V. 10. SUBIER VITEM, &c. Hebr. & Sept. *subter vitem vocabit quisque amicum*, id est summa pax erit. CONVIVIA INVITANT vir, id est quisque in suis praeiis, ad ea amicos invitabant.

MENOCHII.

Vers. 1. **I**ESUM: filium Iosedech, qui eo tempore vivebat, iamque Babilone redierat in Ierusalem, ibique erat summus Pontifex. CORAM ANGELO: Michael tutore Synagoga, qui pro eius capite Iesu-Pontifice contra satanam decernat, stat Iesus tamquam reus, Angelus ut advocatus, satanas ut accusator, Deus ut Iudex.

V. 2. INCREPET DOMINUS IN TE. Dominus reprimet, & compefct furorem tuum, ne summo sacerdoti noceas, aut templi sanctificationem impediās; loquitur Deus de se in tertia persona, ac si de aliquo alio loqueretur more Scripturae. Alii putant hic non Deum loqui, sed Angelum Michaellem, eumque invocare Deum, ut satanam increpet, & compefcat. QUI ELEGIT IERUSALEM: ut in ea sibi templum edificaretur. NUMQUID NON ISTE TORRIS EST ERUTUS DE IGNE? id est ut torris; quasi dicat, Liberavit cum Dominus de incendio captivitatis Babylonicæ, quo ambusus est, sed illum Deus eripuit ne penitus absumeretur; quare frustra niteris perdere eum, quem Deus liberare decrevit.

V. 3. INDUTUS VESTIBUS SORDIDIS. Iesus, inquit D. Hieronymus, *indutus erat vestibus sordidis tripliciter, vel ob coniugium illicitum; vel ob peccata populi, vel propter squallorem captivitatis*. ANGELI: Michaelis.

V. 4. RESPONDIT, id est locutus est. AD EOS QUI STABANT CORAM SE: ad minores Angelos. INDUI TE MUTATORIS: vestibus pulchris, & pretiosis, quæ gratiam, & virtutes, & dona significant, ut Lucae xv. videmus in filio prodigo per penitentiam gratiæ restituto. Chald. *Indui te iustitias*.

V. 5. CIDADIM. Est Cedaris ornametum capitis Pontificis, Exod. xxviii. 36. & alibi.

V. 6. CONTESTABATUR, &c. id est gravi oratione palam admonerat, quasi adhibitis testibus, ut renissionem peccatorum, & Pontificiam dignitatem consecutus, mandata Dei diligentius servet, & ab aliis servari curet.

V. 7. CUSTODIAM MEAM. LXX. *Præcepta mea*. TU QUOQUE IUDICABIS DOMUM MEAM: simul cum Zorobabele iudicabis, & gubernabis populum meum. CUSTODIES ATRIA MEA: tux curæ concedentur templum, & atria. DABO TIBI AMBULANTEM DE HIS: dabo tibi ex hoc angelorum numero, qui mihi adstant, quorum circumvallaris auxilio, & ab omni hostium fraude securus sis.

V. 8. AUDI IESU: propter magnitudinem rei dicendæ denuo captat attentionem. TU, ET AMICI TUI, id est ceterique prophetae amici tui, verbi gratia, Aggeus, Zacharias, &c. QUI VIRI PORTENDENTES SUNT: portenta Israelis, factis, & oraculis admirabiles, & portentosi, portenditque, & præmonstratis Christum, & eius mytheria. SERVUM MEUM ORIENTEM. In Hebræo est, *פדח ישראל*, id est *Germen erisus* (substantive, est enim in Græco *ἀνατολή*, non *ἀναρίσσει*) sive *germen* dicitur Christus, qui ex mortua fere Patriarcharum radice, tamquam novus furculus prodiit, & desossus in terra germinavit, & in magnam arborem crevit, cuius rami sunt filii Ecclesiæ.

V. 9. QUIA ECCE LAPIS, &c. id est, quem Iesu ostendi per revelationem, quem prius vocari *germen*, & *orientem*, qui ex mortua *lapidem* propter soliditatem, & fortitudinem, qua omnia regna contriturus est, & potissimum quia futurus est lapis angularis veri templi, id est Ecclesiæ, expressæ typo templi, quod nunc ædificat Zorobabel. SEPTEM OCULI SUPER LAPIDEM UNUM; id est, in uno lapide incisus septem oculi significant plenam, & perfectam Christi providentiam, & vigilantiam circa templi, id est Ecclesiæ suæ fabricam erigendam, augendam, promovendam, & conservandam. Alii de septem spiritibus sancti donis intelligunt, quæ animam illuminant, & quodammodo oculatam reddunt. CAELABO SCULPTURAM EIUS: clavis crucis, lancea militis, & flagellis, quibus cæsus est. IN DIE UNA: in die passionis Christi.

V. 10. Vix, id est unusquisque. VOCABIT SUBTER FICUM: pax erit, & convivabuntur secure invicem, communicantes inter se bona spiritualia quibus abundabit Ecclesia.

TIRINI.

Verf. 1. **D**OMINUS per angelum Gabriellem, OSTENDIT MIHI in visione, IESUM filium Iosedech, nuper in reditu e Babylonia designatum SACERDOTEM MAGNUM, seu summum Iudæorum pontificem: quem Iosephus a dicit vixisse toto tempore imperii Darii Hytaspis. Hinc cum pro munere suo Iudæos e longo exilio in patriam reductos, & iam pene obli-
to legis cultusque divini, deberet instruire, & ad legis implenda præcepta perurgere, ad templum excitandum provocare b, a matrimonii cum alienigenis uxoribus evincere; segnior in his & iusto remissior erat, sinebatque etiam proprios filios & fratres suos alienigenis copulari, ut dicitur I. Eldræ x. 18. ita Chaldaus, Lyranus, Vatablus, Sa, Mariana & a Lapide. Interim pontificio fungens munere supplicabat Deo pro salute populi, pro urbis & templi restauratione, pro reliquis Iudæorum familiis e Babylonia & Perside in patriam reducentis, inquit Ven. Beda, Vatablus & Arias. Indignum hoc visum *Satanæ*, id est adversario; LXX. *diabolo*, puta *Lucifero*, principi demoniorum. Qui si veteris testamenti pontificibus *satan*, id est adversarium, se præbuit, multo magis Pontificibus novi testamenti, a quibus quasi capribus pendet salus totius Ecclesiæ. Sed iidem tamquam cussos & propugnatores assistit Luciferi antagonista Michael Archangelus, qui technas & insidias principis tenebrarum facile dispeller. Ergo ad Iesum Iudæorum pontificem spe & supplicatione sua, quin & pontificatu deturbandum insurgit hic Lucifer. Indignum enim illi videbatur, obnoxium non levibus peccatis audiri a Deo, & vice ipsius fungi in Synagoga. Stat ergo ut actor in iudicio adversus Iesum, CORAM ANGELO DOMINI Michaele, Dei vicario & principe e Synagoga. Iure enim merito victor Luciferi constituitur etiam iudex ipsius. Quin & omnes Ecclesiæ causas, adeoque & animarum iudicium immediate, a morte cu-

iisque hominis, S. Michaeli tamquam iudici delegata esse a Deo, videtur communis Ecclesiæ consensus, & ita piis quibusdam e personis revelatum. Licet Bartholomæus Sybilla velit particulare iudicium per angelum cuiusque custodem exerceri. Stat autem Lucifer, utpote princeps tunc totius mundi f, & actor in hac causa, pontifici reo a DEXTAIS. Sed dum in reo acculando vehementius excandescit, nimisque improba petit, Deoque indigna, immo iniuria; non expectato rei responso,

V. 2. DOMINUS g, nempe iudex Michael, vicarius Dei, DIXIT AD SATAN: INCREPET h DOMINUS IN TE; id est, Deus increpatione, obiurgatione, imperio suo divino reprimat & conspiciat audaciam, nequitiam, impudentiam tuam, qua audes, occasione errorum ab infirmo homine admisorum postulare non solum subversionem ipsius, sed & totius Ierusalymæ ac Synagogæ ruinam: quam tamen probe nosti electam a Deo, ut templo in ea restaurato, colatur ibidem & adoretur a toto mundo. Et ad Iesum quod attinet, an nescis, ipsum ex incendio Babylonico, quo & avus i eius, & pene reliqua tota familia conflagravit, instar ambulli TORARIS vix erutum, & hucusque reductum, ut opera illius templum, urbs & religio, iuxta divina promissa restauretur? aut forte vis morte ipsius, promissa divina aboleri, Deumque mendacem fieri?

V. 3. IESUS autem, utpote reus, INDUTUS VESTIBUS ORDINIS, nudo capite, intonsa coma, collis flebilibus in iudicem defixis, STABAT coram tribunali, gratiam orans & opem. Habes hic typum veri Iesu cum eodem Lucifero primo in deserto k, dein in horto Gethsemani, denique & in cruce collectantis, coram divino tribunali vere sordidati tum sceleribus nostris, tum sanguine suo, & sputis, sanie, vulneribus ab hoste inflictis, inquit S. Hieronymus, Ambrosius & Gregorius l. Et tamen his ipsis sordidis plagis ac vulneribus Luciferum sternentis, & de toto inferno ac mundo triumphantis.

V. 4. PRO MUTATORIIS, id est speciosis ac pretiosis vestibus, quales die festo cum aliis quotidianis commutari solent, LXX. habent, *podere m*, id est tunica pontificia. Qua, ut & *cidari n*, id est mitra, seu tiara iussi iudicis reddita Iesu,

designabatur, reddi illi liberum usum & continuationem pontificis potestatis: ut per illud, **ABSTULI A TE INIQUITATEM TUAM**, de qua v. 1. pronuntiabatur absolutio ipsius in iudicio, & causa Lucifero adiudicabatur. Quæ omnia Christo mortuo ac deinde resurgenti commodissime adaptes, cum Origene, Tertulliano, Eusebio & aliis iam citatis.

V. 7. Si tu, o Iesu, eum posteris tuis, **CUSTODIAM**; id est legem, **MEAM** exacte **CUSTODIERIS**, & per te, perque tuos subditos observari curaveris; **TU QUOQUE**, non minus quam Zorobabel, **IUDICABIS**, id est, instar principis reges **DOMUM** **MEAM**, quæ familiam Israeliticam; quali dieat: Non solum ut ponis **CUSTODIES** **ATRIA** templi mei, custos supremus ac præfectus omnium sacrorum; sed etiam ut princeps secularis, reges totum Israel. Nam post reditum e Babylonia, summa potestas ac regimen Iudæorum, teste Iosepho *q* penes pontifices fuit, regibus Persarum, quibus omnes subditi erant, ita iubentibus. Et de his angelis qui nunc hic tribunali assistunt, **DABO AMBULANTES TIBI**; qui te tuosque comitabuntur ubique, & suo auxilio dirigent, protegent, promovebunt, inquit S. Hieronymus, Hugo & Lyranus: Chaldaeus, *in resurrectione mortuorum suscitabo te, pedesque veloces inter Seraphim istos ambulantes tibi donabo*.

V. 8. AUDIUIT NUNC IESU, TU ET AMICI TUI Prophetæ, Zacharias, Aggeus, Malachias, Zorobabel, Eldras, Nehemias, &c. QUA UT TU, ita & ipsi sunt **VERT** **PORTENDENTES** futura: nam & factis & oraculis suis portendunt venturum Christum, cuiusque vitam, doctrinam, passionem, & alia mysteria. Audi ergo nunc, quid portendat illa, quam sermo meo Zacharie per visionem exhibui, aculationis, absolutionis & revelationis tuæ tragicomædia. Tu Iesus in scenam inductus reus & sordidatus, contra (sed frustra) nitente Lucifero, a me liberatus es ab omni iniquitate tua, & exaudite præces tuæ pro communi populi tui salute, pro urbis & templi instauratione, pro reliquorum Iudæorum ab exilio in patriam reductione: quin & tu ipse stabilis es a me pontifex & princeps totius Synagægæ, ut sis in hoc opere primus lapis fundamentalis,

tuaque providentia ac vigilantia inchoetur, promoveatur, perficiatur & fabrica, & populi adhuc exulantis redemptio, & utraque tuis tuæque familiæ decorata insignibus, æternum tibi tamquam præcipuo ministro meo adscribatur. Hæc portendunt alium quemdam alterius longe nobilioris & fabricæ & reductionis auctorem. ECCE ENIM post quinque sæcula ego in orbis theatrum, ac primo in Iudæam, e caelis **ADDUCAM** excellentem illud **SERVUM**, immo **Filium MEUM** Messiam, *germen*, seu furculum caelestem simul & terrestrem, & divinum & humanum, secundum divinam suam naturam ex utero meo **ORIENTEM** ab æterno, secundum humanam exorturum suo tempore ex utero Virginis. Unde merito nomen illi *Oriens*, tam *ex alto*, utpote sol totum mundum illuminaturus; quam *ex imo*, seu e terra, instar arboris viræ sanaturus & instauraturus omnia: ita scire S. Hieronymus, Cynilus, Remigius & alii SS. Patres ac Doctores.

V. 9. ECCE hic est nobilis ille ac toties a Prophetis decantatus **LAPIS** Ecclesiæ fundamentalis & angularis, **QUEM** iam Zacharie spectandum **DEDI CORAM** IESU typo & figura veri Iesu, id est salvatoris, veri, summi, æterni Pontificis ac mediatoris inter Deum & homines. Super hoc fundamentalis lapide construetur fabrica templi mei spiritualis, nempe Ecclesiæ Catholicæ, *Et porta inferi non y pravelebunt adversus eam*: ita S. Hieronymus, Haymo, Remigius, Albertus & Lyranus. **SUPER hunc UNUM LAPIDEM SEPTEM**, id est multiplices, **OCULT** partim **INTENTI SUNT**, partim **INFIXI**. Intenti sunt oculi omnium angelorum, & hominum sanctorum, tum ut iussa ipsius, tamquam domini ac principis sui, ad prosecutionem & perfectionem fabricæ excipiant, tum ut gratiam ab eo & media ad complectendam fabricam, ad salutem & gloriam propriam & alienam promovendam accipiant: ita Lyranus, Vatablus, Fernandes & Sanchez. Ipse Zacharias infra *z* sic se explicat, ut & S. Ioannes in Apocalypsi *aa*, ubi *septem oculos* Christi uterque vocat *septem spiritus, qui missi discurrent in universam terram*. Alludit ad septem primates regni Persarum, qui teste Helychio & Suida *bb* vocabantur *oculi regis*, sicut erant & aliqui

AUTH.

Aures regis nominabantur. Infixi simul & inienti sunt primo, oculi divinitatis ipsius Christi, nempe plena, perfecta, perspicacissima providentia & vigilantia divina circa Ecclesie inchoationem, promotionem, conservationem & perfectionem. Secundo, oculi humanæ naturæ ipsius inditi, qui & ipsi *septem spiritus* ab Isaia vocantur, puta septem dona Spiritus sancti infusi partim intellectui, partim voluntati Christi; item multiplex ac perfectissima scientia tam naturalis, quam supernaturalis infusa Christo, qua perpetuo circumspicit, illustrat, providet, curat omnia necessaria, & protegit, promovet, perficit, Ecclesie suæ fabricant: ita S. Hieron. & alii citati. Porro lapidem hunc non committam vulgari cuiuspiam artificio, seu humano, seu angelico, credendum, celadum, sculpendum; sed ego ipse propria manu mea & præcidam de monte, & *castrabo*, & poliam, & sculpam. Sculpam autem in eo, o quam nobiles *sculpturas!* stemmata nempe & insignia quibus inlascere volumus per omnem æternitatem. Sunt autem hæc: primum, unio hæcenus invisæ, inaudita, substantialis & hypostatica Filii Dei cum humana anima & carne. Secundum, stupenda connexio gaudii beatifici & doloris, rædii, mæroris, tristitiæ lethiferæ & in una eadem illius anima. Tertium, fixuræ clavorum, puncturæ spinarum, flagellorum, crucis & lanceæ; vibices, plagæ, vulnera, quibus totum corpus eius *a planta pedum usque ad verticem ad capitis* perfoditur. In Hebræo enim ad verbum hic est, *ecce ego aperiam aperturam eius*, seu quidquid in eo aperiri potest. Sed non frustra sinet hic lapis tot plagis se incidi & excavari, nec sine fructu sanguineis his stemmatibus decorabitur. Nam per hæc primo, AUFERAM & remittam INIQUITATEM TERRÆ ILLIUS, id est totius & universi, idque in DIE UNA, immo hora una, momento uno, id est semel & simul: nempe ipso momento mortis Christi, *d-leto* ff quod adversum vos omnes est *fecali chirographo*, remittam ex parte mea peccata omnia toti universo. Secundo, tam nobili fundamento superstruam nobilissimam fabricam Ecclesie non ex solis Iudeis, sed & ex Gentibus omnibus, quæ undique ad ampliandam eius familiam ac regnum concurrent. Tertio, ex longa

horrendaque captivitate ac servitute principis tenebrarum educam, & filio meo domum reducam non modo reliquias Synagogæ, sed & suo tempore regna omnia totius mundi. Quarto, bonorum omnium tam spiritualium, quam corporalium affluentiam, intuitu meritorum tam chari capitis, imperium toti illius familie. Unde

V. 10. IN DIE ILLA victoriæ, resurrectionis ac triumphi Christi, & ex die illa deinceps, VIR quivis Ecclesie insertus, VOCABIT & invitabit ad lætas epulas & symposia AMICUM quem voluit suum, SUBTER VITEM ET FICUM suam. Qua *phra*si & parcemia significant Hebræi plenam pacem, opulentiam & securitatem. Sicut sub Salomone *eg*, cum quisque dicitur *habitasse sub vite & ficu sua*, significatur, ipso imperante plenam fuisse pacem, & copiam omnium bonorum.

(a) Joseph. Lib. XI. Antiquit. v.

(b) Aggai. i. 12. & 2.

(c) Dan. x. 21. & xii. 1.

(d) In Officio Ecclesie de S. Michael.

(e) B. Ioannæ de la Cruz Religiosa tertii ordinis de Ignientia. S. Francisci. Lib. III. Vitz B. Ioannæ cap. xii. Balth. Sylla in Speculo peregrinarum quæst. deced. i. cap. 11. quæst. vi.

(f) Ioan. xii. 31. 37. xiv. 30. xvi. 31.

(g) Exodi. xx. 2. Galat. iiii. 29. Iudic. vi. 12. Epil. Iuda vers. 9.

(h) Psal. cv. 9.

(i) Psal. lxxviii. 31. Lucæ viii. 25. Mat. iv. 39.

(k) Matth. iv. 21.

(l) Ambros. in Psal. cxviii. 33. Greg. Lib. XX.

Mor. cap. xxviii.

(m) Sap. xviii. 29. Eccli. xlviii. 9. Apoc. i. 13.

(n) Exodi. xxviii. 36. & 40.

(o) Orig. hom. xiv. In Luc. Tertull. Lib. III. cont. Marcion. cap. vii. Euseb. Lib. IV. Demonstr. ult.

(p) Num. xii. 7.

(q) Joseph. Lib. XI. Antiquit. cap. iv.

(r) 11. Eisd. ix. 36.

(s) 1. Eisd. vii. 25. & 26.

(t) Chronik. xxxvi. & seqq.

(u) Hæc. iv. 2. 11. 1. & Ierem. xxxiii. 15.

(x) Hæc. xxxiii. 16. Zachar. vi. 12.

(y) Matth. xvi. 18.

(z) Zach. iv. 10.

(aa) Apoc. v. 6.

(bb) Heijch. & Suidas in voce *ἐπαυμάς βασι*.

Ναυς.

(cc) Matth. xxvi. 38.

(dd) Hæc. i. 6.

(ee) Psal. 11. 8. Matth. ult. 18.

(ff) Gloss. 11. 14.

(gg) III. Reg. xv. 25.

GORDONI.

Verf. 1. **H**AEC usque ad *vers. 8.* per visionem apparuerunt, & revelata sunt Zachariae. Erat hoc tempore summus sacerdos Iesus filius Iosedec, quod male aliqui negant, asserentes tunc fuisse mortuum, & Iesum hic summi pro posteris. Sane huic nominatum fit promissio *vers. 8.* & clare conabitur ex *cap. vi. 11.* & apertissime *Ecclesi. cap. XLIX. 13.* ita cum aliis multis *Hero. & Aug. Lib. XII.* contra *Faultum cap. XXXVI.* Satan hoc loco est adversarius & daemon hostis Ecclesiae & bonorum. Hunc Deus reprimat *vers. 2.* impedique ne noceat oranti Pontifici. Loquitur Deus (ut notat *Mariana*) in tertia persona, INCREPET TE DOMINUS, hoc est, ego te increpo: NUMQUID NON ISTE EST TORRIS, &c. tropologicè quivis peccator opera conacionatoris revocatus a peccato ad saniorē mentem potest dici torris erutus de igne; in praesentia vero intelligitur populus iste rediens ex igne vexationis Babylonicae, velut torris adhuc fuligine plenus: cui scilicet adhaerunt sordes; sed mutabit vestem Pontifex & Deo protegente erunt nitidiora omnia.

V. 7. En custodientibus mandata Dei promissionem apertam, & speciatim factam Pontifici, nec defuturos, ait Deus, assistentes Angelos. DABO, inquit, TIBI AMBULANTES, certe ex hoc Angelorum numero, & qui nunc assistunt ut custodes sint, *Hebr. dabo tibi vias inter stantes hos.* *Sept. ἀγγέλους τῆς ἐκπαίδευς τούτου.*

V. 8. AUDI IESU SACERDOS MAGNE, &c. Clara propheta de Messia: loquitur Deus, ECCE EGO ADDUCAM SERVUM


MEUM MESSIAM. Noster & *Sept. τὸν δούλον μου ἀγαθόν*, orientem. Sic *Luc. 1. 78.* Christus vocatur oriens: vocatur etiam germen, *Isa. IV. 2.* Hinc vocem *Hebraicam מִנְחָה* *isemub*, aliqui orientem, alii germen vertunt: revelatio etiam fit his qui habitant cum Pontifice, & vocantur viri portenti, viri prodigiorum. *Sept. προφῶντοι, portentorum speculatores*, quæ facturus est Deus per Apostolos, vel etiam speculatores mysteriorum Dei: & tales secum habere debent magni Pontifices.

V. 9. QUA ECCE LAPIS, &c. Iam alia metaphora Christus vocatur lapis angularis, & apposite sane, ad lapides quibus extruebatur templum ubi Christus fundamentum est & angularis lapis, ut clare etiam habetur *Isai. XXVIII. 16.* ut ibidem notavi. Hic lapis est coram Iesu, hoc est, illi revelatus. At quid est esse super lapidem 7. oculus; an 7. dona Spiritus S. in Christo, *Isa. XI.* sed hoc tropologicum est; an vero 7. sigilla pro more insculpta lapidi fundamentali ad rememorationem; an vero designentur 7. oculi in lapide angulari primario, qui solent poni in culmine: de qua re *cap. IV. 7. & 10.* denotantes perfectam providentiam Christi erga Ecclesiam, quam exerceat per 7. Angelos primarios. Hoc sane habetur infra *cap. IV. 10.* unde *Apoc. V. 6.* ubi 7. oculi dicuntur esse 7. Spiritus, &c. Ceterum lapis hic cælatus est, ubi cælaturæ sunt oculi illi 7. cælati in lapide designantes ex hac sculptura acerbam Christi passionem, quando clavis & virgis cælatus est pro humano genere. ET AUFERAM INIQUITATES, &c. Sic Christus pro omni iniquitate satisfecit Deo, immo etiam abolevit quantum in ipso erat, ac demum pacem attulit mundo & hominibus bonæ voluntatis.



CAPUT IV.

De candelabro aureo cum duabus olivis, lapide primario & stanneo, ac septem oculis Domini, & horum interpretatio: quodque templum a Zorobabel fundatum, ab ipso consummabitur.

1.  T reversus est Angelus, qui loquebatur in me, & suscitavit me, quasi virum qui suscitatur de somno suo. 2. Et dixit ad me: Quid tu vides? Et dixi: Vidi, & ecce candelabrum aureum totum, & lampas eius super caput ipsius, & septem lucernæ eius super illud: † & septem infusoria lucernis, quæ erant super caput eius. 3. Et duæ olivæ super illud; una a dextris lampadis, & una a sinistris eius. 4. Et respondi, & aio ad Angelum, qui loquebatur in me, dicens: Quid sunt hæc, domine mi? 5. Et respondit Angelus, qui loquebatur in me, & dixit ad me: Numquid nescis quid sunt hæc? Et dixi: Non, domine mi. 6. Et respondit, & ait ad me, dicens: Hæc est verbum Domini ad Zorobabel, dicens: Non in exercitu, nec in robore, sed in spiritu meo, dicit Dominus exercituum. 7. Quis tu mons magne coram Zorobabel? in planum: & educet lapidem primum, & exæquabit gratiam gratiæ eius. 8. Et factum est verbum Domini ad me, dicens: 9. Manus Zorobabel fundaverunt domum istam, & manus eius perficient eam: & scietis quia Dominus exercituum misit me ad vos. 10. Quis enim despexit dies parvos? & lætabuntur, & videbunt lapidem stanneum in manu Zorobabel. Septem isti oculi sunt Domini, qui discurrunt in universam terram. 11. Et respondi, & dixi ad eum: Quid sunt duæ olivæ istæ, ad dexteram candelabri, & ad sinistram eius? 12. Et respondi secundo, & dixi ad eum: Quid sunt duæ spicæ olivarum, quæ sunt iuxta duo rostra aurea, in quibus sunt suffusoria ex auro? 13. Et ait ad me, dicens: Numquid nescis quid sunt hæc? Et dixi: Non, domine mi. 14. Et dixi: Isti sunt duo filii olei, qui assistunt Dominatori universæ terræ.

BRUGENSIS

ROMANA CORRECTIO.

Vers. 14. Isti sunt duo filii olei. sequitur in multis libris splendoris, sed superflue: id unde irreperit, docent nostræ Notationes.

LECTIONUM VARIETAS.

Vers. 2. Et septem infusoria lucernis. Multa manuscripta repetunt numerum septem, &

septem, & septem infusoria, consentaneæ Hebræo.

NOTATIO.

Vers. 2. ET septem infusoria (fusoria o.) Lucernis quæ erant super caput eius. Sic Latini plerique codices Græcis plerisque suffragantibus legunt. Porro unum Patristicum Latinum manuscriptum Ge. p. unum

num nostrum O, & quinq; Hentenii, insuper Hieronymi commentariis adiunctus textus addunt alterum *septem & septem infusoria lucernis*, conformiter Hebraeo, ac Chaldaeo. Coniunctio quam repetunt Parisenses, & Hentenius, *Et septem & septem infusoria*, ut non est Hebraice, nec Chaldaice, ita neque in his quæ nos vidimus Latinis exemplaribus, O, & Hieronymiano textu, nec in Cardinalis Bessarionis libro, qui posteriori hoc modo est castigatus. Hieronymianus commentarius non indicat certo quid legerit: "Septem autem infusoria, inquit, in quibus oleum sit, quod mittatur in lucernas, quæ super candelabro luceant, hoc intelligi volunt (Hebraei) septem istas gratias (Spiritus sancti) de cælo ad homines per Legem descendere: ac rursus: "Lucernas septem, & effusoria earum", & ipsi (ecclesiastici viri) gratias Spiritus sancti intelligunt: per quas oleum misericordiae Dei; cunctarumque virtutum Ecclesia suscipit. "Quidam intelligunt lucernis singulis fuisse singula infusoria: ex quibus Scholiastes Hebraicus est, cuius hæc est versio: *Septem inquam sunt* (scilicet lucernæ)

) *Et septem infusoria lucernis ipsæ quæ sunt super caput illius*. Alii intelligunt singulis lucernis septem infusoria fuisse ad olei ministerium destinata. Græca Complutensis editio scribit: *Et septem infusoria septem lucernis quæ super illud*.

V. 14. *Isti sunt duo filii olei splendoris, qui assunt domitori universæ terræ*. Unum Parisensium exemplar (Compl.) quatuor Hentenii, undecim nostra (Brug. Lob. Leod. L. H. &c.) ac nonnulla Epanorthotæ demunt splendoris: id quod apud Tractatores fere non legitur. Porro annotavit Hieronymus Hebræam vocem *אור*, quam ipse

Symmachum sequutus vertit *olei*, Aquilam interpretatum esse *ἐκκλῆσις* *silencio*, 70. duos *πίστεως* *pinguedinis* Theodotionem, *δαμπτειν* *claritatis*; hinc igitur quidam ad interpretationis varietatem indicandam iuxta textum scribere *splendoris*, ut est in Haymonis commentario, & nostra Glossa ordinaria scripta: quod in textum tandem reatum est, & maiore nunc librorum partem occupavit. Parisenses textu expulserunt recte nostra sane sententia.

COMMENTARIA

S A.

Vers. 1. **R**EVERSUS EST, scilicet fuerat egressus, ut dictum cap. II. SUSCEPIT, scilicet attonitus fuerat ad visionem præcedentem.

V. 2. CANDELABRUM, scilicet Ecclesia. AUREUM, scilicet Christus. SUPER CAPUT, id est in summitate. ET SEPTEM scilicet præterea, vel pro, id est septem, ut sit explicatio lampadis, ita enim quidam accipiunt, & candelabrum Christum dicunt. LUCENAE, scilicet iusti omnes, vel Ecclesiae magistri, vel septem nona Spiritus sancti. INFUSORIA. Pars erat hæc lucernarum, per quam in eas oleum influebat. Quidam septem Sacramenta intelligunt, per quæ oleum gratiæ insunditur in hominibus.

V. 3. SUPER, id est iuxta. Putant autem quidam intelligi Eliam & Enoch. Vide Apocal. XI.

V. 4. SUNT, id est significant.

V. 6. IN SPIRITU MEO, id est per virtutem spiritus, quem dabo meis, scilicet sicut in Ecclesia, quæ per ista, quæ hic apparent, significantur.

V. 7. QVIS TU, scilicet ut possis impedire Zorobabelem in ædificio templi, & Christum per illum significatum, in Ecclesiae dedicatione? MONS MAGNE, id est diabolus. IN PLANUM, scilicet deicicris, seu deprimeris. LXX. ut corrigis. ET EDUCET, &c. quasi dicat, Mitter Pater Filium. Chald. *Et emerget Christus, cuius ab æterno nomen dictum est, qui omnium Regnorum imperio potietur*. PRIMARIUM, scilicet fundamenta. EM. EXAEQUABIT, &c. quasi dicat: Faciet respondere gratiam Christianorum gratiæ Christi, scilicet similes ei esse vita per gratiam, tamquam membra capiti, in quo summa gratia, iuxta illud, *Conformes fieri imagini filii sui*.

V. 9. MANUS, &c. quasi dicat: Ut Zorobabel istam domum coepit & perfecit, ita Christus, qui ex eo nascetur, & per eum significatur, Ecclesiam ædificabit. ME, scilicet Christum.

V. 10. DESPEXIT; pro despiciat, vel despiciet. DIES PARVOS, id est paucos predicationis Christi: vel parvi dicuntur, ob Christi vitæ totius humilitatem. STANNEUM, scilicet qui solet alligari in per-

pen-

pendiculo; quasi dicat: Magna erit latria cum Christus Ecclesiam ædificabit. *SEPTEM*, &c. explicat quid significant oculi, de quibus supra. *DISCURRAUNT*. Angeli significantur, quorum ministerio Deus utitur in mundi gubernatione.

V. 11. *RESPONDI*, id est locutus sum.

V. 12. *SPICAE*. LXX. *rami*, scilicet pleni olivis, instar spicæ plenæ granis. *ROSTRA*, scilicet lucernarum, in quibus illud est, per quod infunditur oleum, quod hic *infusorium* vocatur. At supra dixit esse *septem*; septem quidem omnia, sed duo extrema erant in candelabro iuxta quæ asurgebant olive.

V. 12. *OLEI*. LXX. *pinguedinis*; quasi dicat, Pingues gratia. *ASSISTUNT*, scilicet orantes pro populo Iudæorum, vel parati ad iussu: mittendi enim suo tempore Elias & Enoch in mundum, e loco ubi nunc vivunt, sive is paradisi est terrestris, sive alius locus.

E S T H.

Vers. 6. **H**OC EST VERBUM DOMINI AD ZOROBABEL, DICENS: NON IN EXERCITU, NEC IN ROBORE, SED IN SPIRITU MEO, DICIT DOMINUS EXERCITUM. Post offensam prophetæ visionem de candelabro aureo & lampade in eo posita, & duabus olivis, altera a dextris, altera a sinistris, dicitur tandem hoc esse factum verbum Domini ad Zorobabel; *Non in exercitu, nec in robore, sed in spiritu meo, dicit Dominus*. Per aurum candelabrum intelligitur ecclesia; per lampadem Christus, qui super caput candelabri positus est, quia ipse caput corporis sui quod est ecclesia, ad Ephes. v. eamque velut e sublimi universam illuminat. Duas autem olivas intelligunt Moysen & Heliam; qui cum Domino loquebantur in monte Matth. xvii. ut in Moysæ, lex; in Elia prophetia intelligatur; quia Christus ab utroque testimonium accepit. Et responsum est Zorobabel: *Non in exercitu, nec in robore*, quibus verbis significatur verus Zorobabel, id est Christus, qui de semine Zorobabel nasciturus erat, non exercitu armato, aut humanis viribus redempturus genus humanum, aut subacturus adversas potestates, sed in spiritu Dei, tum quia de Spiritu sancto conceptus est, tum quia

Bib. Sac. Tom. XXII.

cuncta redemptionis nostræ mysteria in Spiritu Sancto peregit. Sententia quoque ista apte accommodari poterit ad principes Christianos, qui tamen! exercitum parent ad bellum, in Deo! tamen præcipuum fiducia robur collocare debent.

M A R I A N A E.

Vers. 1. **E**T REVERSUS EST. Alio Angeli forma & spectum receperat; nunc novam revelationem asserit.

V. 2. *ET ECCE CANDELABRUM*. Id Deum significat ex vers. 14. seu Christum. *ET LAMPAS*. Sic Sept. Alii, *lenticula*; alii, *phiala*, quæ erat in capite, id est in summo candelabro, fortassis oleo plena, ut inde lucernis alimentum esset. *ET SEPTEM INFUSORIA*. Hebr. *septem & septem*: sic Gotth. id est septena infusoria. *Infusorium* vas erat, unde oleum infundebatur lucernis, fortasse e phiala sumptum. *QUAE ERANT*, quæ lucernæ. *SUPER CAPUT EIUS*; hoc est, in summo candelabro eminebant illæ lucernæ.

V. 3. *ET DUAE OLIVAE SUPER ILLUD*, id est iuxta illud candelabrum, ex utroque phialæ & candelabri latere, quasi ex olivis oleum in phialam distillaret: ideo dixit, olivas esse ex utroque phialæ latere. Adverte, visionem esse, non rem gestam.

V. 4. *ET RESPONDI*; pro, & locutus sum. *AD ANGELUM*, QUI LOQUEBATUR IN ME, id est mihi. Quid sunt hæc? Respondet Angelus.

V. 6. *HOC EST VERBUM DOMINI AD ZOROBABEL*; id est, tota hæc visio ad Zorobabelem spectat, cuius actiones significat: nam ut candelabrum sine ulla vi lucet, solum infuso oleo; sic ille non viribus suis & armis, sed ope mea templum extruet. *SED IN SPIRITU MEO*: supple, complebit opus. Oratio est defectiva.

V. 7. *QUIS TU MONS MAGNE CORAM ZOROBABEL?* Loquitur Angelus ad Sannaballat, qui templi fabricam impediit, & vocat eum *montem magnum*, quod esset iis regionibus præfectus. Quis ergo es tu cum Zorobabele comparatus? *IN PLANUM*, seu *planitiem*, scilicet eris. Ibi punctus. Heb. accentus *Achnach*, hoc est, te ille superior erit, tuam arrogantiam deprimet. *ET EDUCET LAPIDEM PRIMARIUM*. Hebr. & *eduxit lapidem primum*, cum scilicet

B b ic-

iecit templi fundamentum, mensis noni die vigesima quarta, Aggei II. 11. Chald. *Emerget Christus, cuius ab aeterno nomen est.* Sane per *Zorobabel* & lapidem *fundamenti* recte Christum, per templum Ecclesiam intelligimus. Et *EXAEQUABIT GRATIAM GRATIAE EIVS*; id est, Deus meritis Zorobabelis parem dabit gratiam. Hebr. *clamoribus* (id est cum clamoribus & iubilo posuit lapidem) *gratia gratiae*, id est cum gratiarum actione totius populi, ob creptum opus. Geminatio auget significationem; quasi dicat: Cum magna gratulatione creptum est opus.

V. 9. *MANUS ZOROBABEL*. Qui crept fabricam, ipse complebit: & in eo, ait Propheta de se, cognoscetis, me a Deo missum esse.

V. 10. *QUIS ENIM DESPEXIT DIES PARVOS?* Hebr. *diem parvarum*, scilicet acclamationum. Plausus, cum iacta sunt fundamenta templi, exiguis fuit propter populi infrequentiam, & quoniam continuo hostes opus impediunt; sic hostes diem illum despexere. ET LAETABUNTUR, scilicet populus, cum viderit opus repeti. LAPIDEM STANNEUM, id est perpendiculum, *la plomada*. IN MANU ZOROBABEL, id est eo auctore & duce opus repeti vehementer laetabitur & plaudet. SEPTEM ISTI OCULI SUNT. Hi sunt septem oculi, de quibus capite superiori vers. 9. Dei protectio, qua fit ne opus impediatur.

V. 11. ET RESPONDI; pro, locutus sum. Quid sunt duae olivae? dicito.

V. 12. RESPONDI SECUNDO, id est dixi etiam. QUID SUNT DUAE SPICAE OLIVARUM? In olivis baccae erant iunctae inter se, quasi botrus, eas vocat *spicas*. QUAE SUNT IUXTA. Hebr. *in manu*, id est *iuxta*. DUO ROSTRA AUREA, id est uncinis. Rostria avium incurva sunt. Alii *ampullas* vertunt, quae scilicet oleum continebant. Alii *filulas*, scilicet per quas ex infusoriis oleum mittebatur in lucernas. Denique Hebr. vocis *xantheth* vis & significatio est ignota. IN QUIBUS SUNT SUFFUSORIA, scilicet ex quibus uncinis pendunt. Hebr. *qua* (filulae aut spicae olivarum) *fundunt ex ipsis aurum*, id est oleum purum, quod ob colorem flavum, aurum vocat.

V. 14. ISTI SUNT DUO FILII OLEI, id est duo vincti, Zorobabel, ob potestatem regiam quam habuit, & Iesus sacerdos ma-

gnus; id significant duae spicae. QUI ASSISTUNT DOMINATORI: Deo scilicet quem scilicet candelabrum significat. Illi adhaerebunt, eum sequentur.

MENOCHII.

Vers. 1. ANGELUS QUI LOQUEBATUR IN ME: vide dicta cap. I. n. 9. SUSCITAVIT ME: qui visionem, quam capite praecedenti videram, ruminans, & admirans, haerebam quasi stupefactus & attonitus.

V. 2. ET ECCE CANDELABRUM AU-REUM. Alludit ad candelabrum tabernaculi, quod fabricatus est Moyses Exodi xxv. 31. Non tamen est idem plane cum illo, nam Mosaicum non habebat septem infusoria, nec duas olivas, ut hoc Zachariae. Candelabrum hoc significat templum per Synecdochen; pars enim ponitur pro toto. Rursus candelabrum, & templum Ecclesiam significant, sensu sublimiori. LAMPAS. In Hebræo est *נלל* *gulla*, vas concavum, & sphaericum ad capicendum oleum. SUPER CAPUT, id est in summo stipite, sive hastili candelabri. ET SEPTEM LUCERNAE EIVS SUPER ILLUD: ex vase illo coneavo, & sphaerico prodibant septem rostra, sive canaliculi, aut tubuli, in orbem dispositi cum suis ellychniis ardentibus. ET SEPTEM INFUSORIA LUCERNIS. Quos canaliculos, sive tubulos vocavimus, eosdem appellat infusoria, quia per eos sugerebatur oleum ellychniis.

V. 3. ET DUAE OLIVAE SUPER ILLUD: hinc, & inde a latere candelabri duae erant arbores olivarum.

V. 5. NUMQUID NESCIIS? quasi dicat: Propheta es, & hæc non intelligis?

V. 6. HOC EST VERBUM DOMINI AD ZOROBABEL; id est, hæc visio pertinet ad Zorobabel. NON IN EXERCITU, NEC IN ROBORE, &c. Est explicatio visionis; quasi dicat: Fabrica templi tam magis, & tam magnifici non perficietur industria vestra, sed Dei virtute, & spiritu vos adiuvante, & impediamenta tollente.

V. 7. QUIS TU MONS MAGNE, &c. Monte hoc significantur omnes æmuli, & potentes adversarii Iudæorum, qui conabantur impedire fabricam templi, quales erant Sanaballat, & Samaritæ, qui se opposebant Zorobabeli in restauranda urbe, & tem-

& templo. **CORAM ZOROBABEL** : ut audeas, te Zorobabel opponere. **IN PLANUM**, scilicet deducam te, complanabo, & humiliabo te. **ET EDUCET LAPIDEM PRIMARIUM**. Fabricam Zorobabel vobis inivit promovebit, & educet primarios lapides, quales illi sunt, qui post fundamenta statim ponuntur in fabricis, & plus ceteris eminent, & procurunt aliquantulum extra ordinem aliorum. **ET EXAEQUABIT GRATIAM GRATIAE EIUS**; id est, templum Zorobabel aequabit templum Salomonis, splendore, & gloria non auri, ornamentorum, aut structurae, sed praesentia Messiae, qui in illo conversabitur.

V. 9. SCIENTIS QUIA DOMINUS EXERCITUM MIIT ME AD VOS: cum scilicet videritis me veracem esse prophetam, & omnia ad unguem impleri, quae ego praedico.

V. 10. QUIS ENIM DESPEXIT DIES PARVOS? Aliqui ex Hebraeo vertunt, *Dies exiguitatis*; quasi dicat: Quis desepxit structuram hanc fabricae templi, quod cito fieri videretur, indiligenter, & quasi tumultuarie? **ET LAETABUNTUR**, &c. Chaldaus ita habet: *Nonne convertetur, & Laetabitur, cum videris lapidem perpendiculari in manu Zorobabel LAPIDEM STANNEUM*: globulum stanneum intelligit, quem alligant architrecti funiculo mensorio, ut illum distendat ad parietes mensurandos. **SEPTEM ISTI OCULI SUNT DOMINI**. Aliqui putant septem hos oculos in stanneo perpendiculari globo fuisse insculptos. Alii in lapide primario, de quo num. 7. Alii septem hos oculos esse septem tubulos, vel canaliculos, aut fistulas lucernae accensae, de quibus dictum est numero 2. quibus etiam significabatur divina providentia omnia circumfusa, quam nihil latet, & cuius nutu omnia gubernantur.

V. 11. RESPONDI. Respondere ponitur pro loqui, ut saepe in Scriptura.

V. 12. ET RESPONDI SECUNDO, &c. Angelus, ut prophetiae desiderium acueret, rucebat, ideoque idem iterum, licet aliis verbis, interrogat. **DUAE SPICAE OLIVARUM**: Duo rami olivarum. **IUXTA DUO ROSTRA AUREA**: duos tubos, seu fistulas intelligit ex septem, duos inquam viciniore duabus olivis, quae stabant hinc, & inde. **IN QUIBUS SUNT SUFFUSORIA EX AURO**: qui tubi sunt suffusoria, sive, ut

vocavit num. 2. infusoria ad suggerendum oleum ellychniis.

V. 14. DUO FILII OLEI, &c. Iesus sacerdos summus & Zorobabel, qui vocantur filii olei, id est uniti oleo, sive Christi Domini, quia nimirum Iesus inunctus, & consecratus erat Pontifex; Zorobabel vero constitutus princeps populi: & assistunt Deo tamquam eius administri in gubernatione reipublicae.

TIRINI.

Verf. 2. ECCE ingens CANDELABRUM **AUREUM** simile candelabro Mosaisco *a*, in cuius vertice **LAMPAS**, id est vas concavum & sphaericum instar magnae lampadis, intus plenum oleo, & superne patens, maximae flamma ardens & collucens, ut vult Fernandez *b*, Ribera, Sanchez & a Lapide. Hanc lampadem maiorem circumdabant **SEPTEM LUCERNAE**, seu lampades minores, quae per totidem calamos, arcuatim ex fundo maioris lampadis prodibant. Calami istierant concavi instar fistularum: nam per eos derivabatur oleum ex maiori lampade ad lucernas calamis insistentes. Unde & calami isti vocantur hic **INFUSORIA**, scilicet olei in lucernas. Utriusque ad latus candelabri erat *oliva* seu olea plena olivis.

V. 6. HOC EST VERBUM, seu mysterium a Domino revelatum de *c* **ZOROBABEL**, principe politico Iudaeorum. Quod nimirum Zorobabel & Iesus, iste ut pontifex, ille ut principes, singulari studio adstabant & subservient divinae sapientiae ac providentiae per candelabrum hoc undequaque ardens & lucens designatae. Quae per *septem infusoria*, calamos & lucernas, id est per multiplices & varias vias, partim angelicas *d*, partim humanas, uti gubernat & dirigit totum universum, ita speciatim designat nunc instaurare templum & urbem Ierosolymitanam, id est religionem & republ. Iudaeorum. Allegorice, Ecclesiam *e* Christi, inquit S. Hieron. Vatabl. Fernand. & alii. Perficiant autem hoc opus **NON IN EXERCITU** vel **ROBORE** humano, **SED SPIRITU** meo divino, *f* **suavis** simul ac *fortiter* omnia disposituro, & humana consilia, industrias ac labores proferaturos.

V. 7. QUIS TU MONS MAGNE, Lucifer

fer *f*, qui per te, per Cambyſen, per Sabinaballat, per alios emiſſarios tuos, millenam *CONAM* ZOROBABEL obſicis impedi-
menta; quibus quaſi vaſiſſimis monitibus
vis conatus ipſius præpedire? ita Hebræi,
& ex illis S. Hieron. Remigius, Lyran. &
Sa. *IN PLANUM* deſcende & complanare;
quaſi dicat: Apage cum omnibus impedi-
mentis & remonis tuis, quia vel invito
te, in altum *EDUCET* iactum iam *PRIMA-
RIUM LAPIDEM*, id eſt fabricam inchoa-
tam attollet uſque ad ſalſigium: *ET GRA-
TIAM*, ſeu beneficium perfectionis fabri-
cæ, *EXÆQUABIT GRATIÆ* inchoationis
Eius; id eſt, gratia, favore, proſperitate
perficiet, quanta cepit: ita enim ſeſe ex-
plicat angelus verſ. 9. ſequenti: ita S. Hieron.
Theod. Remig. Rupert. Lyran. Arias,
Vatabl. & a Lapidem.

*V. 10. QUS ENIM deſpiciat dies hos
parvos*, id eſt, dies in quibus parva pa-
trantur? ſicut Oſee t. ii. *magnus* vocat
dies Iezrahel, eo quod magna in eo
gererentur. Occurrit enim hic tacite ob-
iectioni, qua quidam forte conabantur ele-
vare & extenuare opus Zorobabelis, di-
centes, Egregia certe initia, magno operi
ſuperſtruendo, & Salomonico templo in-
ſtaurando. Quibus reſpondet: non atten-
denda parva initia *g*, exilem materiam,
tenuia media. Conſiciant oculos in pro-
greſſum fabricæ: videant quantis incre-
mentis exiguo tempore illa exſurgat. Cer-
to enim maxima lætitia *LAETABUNTUR*
quicumque oculos conſiciant in nobilem il-
lam & excelſam fabricam, quæ quotidie
magnis paſſibus promovetur, Deo adſpi-
rante, & Zorobabelis principe *LAPIDEM
STANNEUM MANU* dirigente, quo iubet ad
perpendicularium *h* aſſurgentes parietes ex-
dificari: ita Chaldeus & plerique interpre-
tes. Neque eſt cur de hoc celeris incremen-
to, adeoque & de ſeſci fabricæ perfectione
dubites vel ambigas: nam illi promo-
vendæ ac complendæ invigilant *SEPTEM
ISTI OCULI DOMINI, diſcurrentes in UN-
VERSAM TERRAM*, media tanto opeti ne-
ceſſaria undique conſequentes, & omnia
impedimenta propulſantes. Sunt autem hi
(præter oculatiſſimam divinæ Sapientię
providentiam quæ per candelabrum totum
adumbratur *i*,) *ſeptem primarii ſpiritus*
angelici, ut S. Ioannes huc alludens ex-
plicat *k*: & Prælati Eccleſiæ ac reipubli-

cæ, qui per minores iſtas lucernas, ſeu
potius lucernarum oriſicia, quæ oculi ſpe-
ciem habent, hic designantur, lumen quod
cælitus a Deo hauriunt, toti populo im-
pertientes. Talia mille millena *lumina, ſul-
gurant ante thronum divinitatis a primordi-
luculo*, inquit S. Bernardus *l*.

V. et. RESPONDE, id eſt ſermonem inie-
ci interrogando. Cumque non ſtatim ac-
ciperem reſponſum, iterato interrogavi:
QUID SUNT DUAE OLIVÆ, vel potius
verſ. 12. *DUAE SPICÆ*, ſeu rami, *OLIV-
VARUM* pleni olivis (ſicut ſpicæ ſunt ple-
næ granis frumenti,) *QUÆ SUNT IUXTA
DUO ROSTRA? LXX. iuxta duas nates*;
Marinus & alii Hebræi, *iuxta duos cana-
les*. Extuberantia enim bina brachia o
trunco candelabri, e quibus ſurſum erum-
pebant ab utroque latere ſuffuſoria, ſeu in-
ſuſoria ſupradicta, *nates* vocabantur, quod
inſtar naris ſublimatorii ſurſum eſſent cla-
ta: *ROSTRA* vero, quod advca eſſent.

V. 14. ISTI per duas oleas designati,
SUNT DUO FILII OLIVÆ; id eſt, ſunt duo
Synagogæ ſupremi principes uncti oleo,
ſeu duo *Chriſti* Domini, nempe Jeſus un-
ctus pontifex, & Zorobabel unctus prin-
ceps politicus, qui primarii miniſtri in
excitanda fabrica & republica Iudæorum
ASSISTUNT DOMINATORI UNIVERſÆ TER-
RÆ: & Deus viciffim divina ſua providen-
tia aſſiſtit iſtis illuminandis, dirigend-
is, adiuvandis, ut inchoatum opus ad
perfectionem deducant: ita Hebræi, Theo-
dor. Lyran. Vatabl. Clar. Mariana & a
Lapide. Alludit ad duos Cherubinos, quos
ex ligno olivarum, quaſi filios oleæ, fa-
bricavit Salomon *m*. Sicut enim illi pro-
pitiatiorum & arcem, ita hi Eccleſiam &
republicam ſuſtentabant. Allegorice, *duo
filii olei* ſunt Moyſes & Elias aſſiſtentes
Chriſto in monte tranſfigurato, inquit Ter-
tul. ſed melius, ut S. Hieron. immo &
Ioan. Apoſtolus, erunt Henoch & E-
lias, hic ex circumſiſſione, ille ex præpu-
tio. Quod enim fecit Jeſus & Zorobabel
in populo e Babyloniam in Jeruſalem revo-
cando, in templo Domini inſtaurando;
idipſum facient Elias & Henoch in ulti-
ma ſæculi ruina, ut tam Iudæos, quam
Gentes ab Antichriſto revocant ad Chri-
ſtum, & Eccleſiæ collabentis fabricam in-
ſtaurant. Arias per *duas oleas* accipit du-
plicem in Chriſto dignitatem, regiam ſci-
licet

licet & sacerdotalem: Ribera duas in Christo naturas, divinam & humanam; alii duos principes Ecclesiæ Petrum Iudæorum, Paulum Gentium Apostolum.

- (a) Exod. xxv. 31.
 (b) Fernand. vii. xxxii. sect. 1.
 (c) Proleg. de Idiotismis Hebr. num. 12.
 (d) Hoc cap. vers. 10.
 (e) Apoc. 1. ult.
 (f) Zach. iii. 1.
 (g) Aggeus ii. 4.
 (h) Zach. 4. 16.
 (i) Hoc cap. vers. j. & iii. 9.
 (k) Apoc. iv. 5. & v. 6.
 (l) Bernard. in lament. B. Virginis.
 (m) III. Reg. vi. 23.
 (n) Apoc. xii. 4.

GORDONI.

Verf. 1. **ET REVERSUS EST ANGELUS.**

Hic angelus a quibuscum putatur Michael. Ceterum visio hæc est, & non res gesta: in hoc candelabro est allusio ad illud Mosaicum, Exodi xxv. 31. sicut ad hoc Zacharianum allusit Ioan. Apoc. 1. 13. lampas, Hebr. נֵרִים *gulla*, qualis nunc in templis appendi solet: accipiebat concha hæc, oleum infusum (quæ erat in summo hastili candelabri) distribuendum inde in 7. lucernas utrinque positas: erant septem lucernæ laterales insistentes septem calamis. Ceterum hi calami erant concavi, ac proinde vocantur hic *infusoria*, seu fistulæ per quas lucernæ attrahebant ad se oleum: ex lampade illa quam dixi concham sphericam: prodibant hæc fistulæ, aut calami ex fundo lampadis.

V. 6. **ET RESPONDIT, &c.** Hæc est redditio allegoriæ ad litteralem sensum, nempe de Zorobabele & templo. Sed quod additur, **NON IN EXERCITU**, hoc dici videtur, non armis perficiet templum Zorobabel, sed in spiritu & auxilio Dei, & providentia per 7. angulos: mystice vero candelabrum Ecclesiam Christi designat, & Zorobabel mystice Christum, qui Ecclesiam suam iactis fundamentis plene perficiet.

V. 7. **QUIS TU MONS MAGNE, &c.** Quis ille mons? quis diabolus aut hostis qui poterit Deo protegente impedire conatum Zorobabelis? Deus hos in planum faciet, & ut vallem humiliabit, & inducet lapidem primarium; hoc est, ponet lapidem in culmine, & perficiet cum non minori gratia, quam quando iaciendo fundamento positus est lapis fundamentalis: huic supremo lapidi mox dabuntur 7. oculi.

V. 7. Primi quidem dies parvi sunt, & parva initia, sive in Zorobabele, sive mystice in Christo; hoc est parva sunt initia; tamen erunt magna incrementa, & in progressu operis lætabuntur omnes videntes in manu Zorobabelis lapidem stanneum. Septuag. *ἀπὸς σταύρου πύρι*: ita etiam Vulgatus. Hebr. בִּדְיִל *bedil*, *separationis*: rad. בָּדַל, ergo stanneus lapillus est, qui solet alligari perpendiculo; vel lapis eximius, inquit Arias, qui solet poni in culmine velut loco & materia separatus a reliquis.


At qui sunt illi septem oculi Domini? an forte illi de quibus cap. iii. 9. qui erant in lapide angulari: hoc sane in re obscura satis probabiliter asseritur, an in lapide primario, qui in culmine eminet, & extra aliorum lapidum ordinem est. Hic lapis positus a Zorobabele significat eum impositurum finem operi. Et hic sensus litteræ est: mystice vero designat Christum lapidem primarium, sed insignitum 7. oculis ad eius singularem providentiam denotandam circa Ecclesiam.

V. 11. **ET RESPONDI, &c.** Hoc est, locutus sum, seu dixi. Duo interrogat Zacharias, vers. 11. & 12. de duabus olivis & spicis olivarum; & respondetur vers. 14. esse duos filios qui assident dominatori tetra; hoc est, sunt duo uncti, nempe Zorobabel ob potestatem magnam in Repub. & Iesus sacerdos magnus. Hos designant duæ spicæ quæ adhærebunt Deo, ut spicæ candelabro: vide cap. vi. vers. 12.



CAPUT V.

Volumen volans, quo iniqui iudicabuntur: mulier in amphora sedens cum massa plumbi, designat impietatem: & duae mulieres alae levant illam in aera.

1.  T conversus sum, & levavi oculos meos: & vidi, & ecce volumen volans. 2. Et dixit ad me: Quid tu vides? Et dixi: * Ego video volumen volans: longitudo eius viginti cubitorum, & latitudo eius decem cubitorum. 3. Et dixit ad me: Hæc est maledictio, quæ egreditur super faciem omnis terræ: quia omnis fur, sicut ibi scriptum est, iudicabitur: & omnis iurans, ex hoc similiter iudicabitur. 4. Educam illud, dicit Dominus exercituum: & veniet ad domum furis, & ad domum iurantis in nomine meo mendaciter: & commorabitur in medio domus, * & consumet eam, & ligna eius, & lapides eius. 5. Et egressus est Angelus, qui loquebatur in me: & dixit ad me: Leva oculos tuos, & vide quid est hoc, quod egreditur. 6. Et dixi: Quidnam est? Et ait: Hæc est amphora egredientes. Et dixit: * Hæc est oculus eorum in universa terra. 7. Et ecce talentum plumbi portabatur, & ecce mulier una sedens in medio amphoræ. 8. Et dixit: Hæc est impietas. Et proiecit eam in medio amphoræ, & misit massam plumbeam in os eius. 9. Et levavi oculos meos, & vidi: & ecce duæ mulieres egredientes, & spiritus in alis earum, & habebant alas quasi alas milvi: & levaverunt amphoram inter terram & cælum. 10. Et dixi ad Angelum, qui loquebatur in me: Quo istæ deferunt amphoram? 11. Et dixit ad me: Ut ædificetur ei domus in terra Sennaar, & stabiliatur, & ponatur ibi super basem suam.

BRUGENSIS

ROMANÆ CORRECTIONES.

- Verf. 2. Ego vido v lumen volans. Non prapnas adverb. um ecce pronomini ego.*
Verf. 4. Et consumes eam. Non mutes pronom. femininum eam in masculinum eum.
Verf. 6. Hæc est oculus eorum. Nec hic femininum hæc, in masculinum hic.

NOTATIO.

- Verf. 4. ET commorabitur & comminabitur (o.) in medio domus eius, & consumes eum, & ligna eius, & lapides ei-*

us. Multi libri scribunt & consumet eam feminino genere, tres Parisiense [Compl. Di. l. B.] quinque Hentenii, duodecim nostri [Lob. E. Q. Pl. m. Pl. ang. Ven. &c.] Plures masculinum genus servant eum, & tres & viginti nostri Leod. O. L. P. Mog. Nuren. Colo. &c. In Brugenſi manuſcripto ex eum factum conſpicitur eam. Ex Hebræo, & Græco utrumque ad modum verti poteſt: quamquam enim masculina ſint pronomina Hebræis, & Græcis [non enim omittunt emendatiores Græcorum librorum Regius; & Vaticanus & d'ard.] tamen referri poſſunt ad domum, quandoquidem masculino genere

ab utrisque domus efferatur. Quin textus circumstantiæ id potius videntur exigere, ut eam Latine transferatur, atque ad domum respiciatur: consumi namque domui rectius videtur quam homini tribui; & ligna lapidesque aptissime, ex quibus domus constructa est, intelligi. Itaque tum ex Græco, tum ex Hebræo Latini Interpretes fere eam transferunt. D. Hieronymi textus legit eam;

commentarius multum vult alteri eam. Et commoretur in ea [domo] & omni eius ligna lapidesque consumat. Epanot: thotes legendum censet eam his verbis. Item d. Et consumet eam, id est domum. secundum Hebræorum & antiquos. Pa- risienses quoque eundem legendi modum amplexi sunt.

C O M M E N T A R I A

S A.

Verf. 1. **V**OLUMEN, scilicet oblonga membrana: in tali enim olim scribebatur. LXX. *salx*. VOLANS: significat id celeritatem supplicii pro peccatis illic notatis.

V. 2. LONGITUDO, &c. scilicet maior supplicii longitudo seu diuturnitas quam intensio: illa enim sempiterna, scilicet sine fine, hæc finita.

V. 3. MALEDICTIO, id est supplicii sententia. TERRÆ, scilicet Iudææ. FUR, &c. Per *furtum* intelliguntur etiam reliqua peccata in proximum; per *peritium* reliqua etiam in Deum. IUDICABITUR. Chald. *percussit*. LXX. *punitur*. IURANS, scilicet falso, ut infra dicitur. Ex hoc, scilicet volumine, id est iuxta sententiam scriptam in volumine.

V. 4. ILLUD, scilicet volumen, seu scriptum in eo decretum, aut maledictum. ET LIGNA, &c. quasi dicat Proflus totam.

V. 5. EGRESSUS, scilicet ut acciperet ab Angelis superioribus novam revelationem. DIXIT, scilicet ubi fuisset reversus. EGREDITUR, scilicet repræsentabatur tamquam alicunde egrediens: forte velut a Deo, e templo; vel ex urbe, velut e populo.

V. 6. AMPHORA. Hebr. *epha*, quæ est certum genus mensuræ; sed hic pro mensura absolute sumitur. LXX. *mensura*, scilicet peccatorum Iudæorum, quæ cum est impleta, excæcari meruerunt; unde Matth. xxiii. Et vos implete mensuram patrum vestrorum. OCULUS, id est aspectus; quasi dicat: Hic apparet quales sint, qualiaque eorum facta, scilicet implent indies mensuram hanc. LXX. *iniquitas*. TERRA, scilicet in qua habitant.

V. 7. TALENTUM, scilicet massa quæ-

dam, ut dicitur inf. PORTABATUR, scilicet in amphora, ut quidam aiunt.

V. 8. IMPETRA. LXX. *impetries eorum*. Eius, scilicet amphoræ: significatur mensura plena iniquitate, & graviter oclusa, scilicet indurati Iudæi.

V. 9. MULIERES, scilicet Israel & Iudæa, vel Iudæorum cæcitas & obstinatio. SPIRITUS, id est ventus. MELVI, scilicet rapacitas indicatur, vel fortis volatus. INTER TERRAM, &c. id est per aerem.

V. 11. Et, scilicet amphoræ, adeoque impietati. SENNAAR. LXX. *Babylonis*; scilicet ibi dicuntur Iudæi tandem recepturi Antichristum; nam in Babylonia regnare incipiet. PONATUR, &c. quasi dicat. Alto & firmo loco statuatur, ut solent idola.

E S T I I.

Verf. 2. **E**GO VIDEO VOLUMEN VOLANS. Et verf. 4. QUIA OMNIS FUR, SICUT TIBI SCRIPTUM EST, IUDICABITUR, ET OMNIS IURANS SIMILITER EX HOC IUDICABITUR. Quod de fure dicitur, difficultatem non habet, sed id quod dicitur de iurante, immo de omni iurante, cum alibi quidam dicantur laudabiliter iurare; ut Psal. lxi. Laudabuntur omnes qui iurant in eo, & prius Psal. xxi. dicitur habitaturus in tabernaculo Domini, qui iurat proximo suo, & non decipit. Aug. præsentem difficultatem, quod Euseb. lib. VI. hist. eccl. cap. v. narrat Basilidem ex milite Christianum factum, cum ab eo iurandum exigeretur, constanter affirmasse sibi omnino non licere iurare, eo quod Christianus. Et huiusmodi argumenta adferunt Anabaptistæ. Ad locum prophetæ prompta est responsio: nam per eum qui iurat, intelligit peierantem: quod manifestum

stum est ex verbis subiunctis, quibus ait, de volumine loquens: *Et venit ad domum furis, & ad domum iurantis in nomine meo mendaciter. Et capite viii. similiter dicitur: Iuramentum mendas ne diligatis.* De Baslide varie responderi potest. Primo; forte nondum erat plene institutus in praeceptis Christianis; & sic quia Christiani solliciti abstinebant, ne temere iurarent, putavit ille apud Christianos prorsus vetitum esse iusiurandum. Vel etiam, quod causa ob quam exigebatur iusiurandum, parvi erat momenti. Erat enim ei controversia cum sociis satellitibus. Vel denique quod iuramentum exigebatur ab eo, non qualecumque, sed quale illis in usu erat, ut per Deos, per Iovem, per Herculem, per fortunam Cæsaris iuraret. Eo modo autem iurare omnino Christiano non licet.

MARIANA E.

Vers. 1. **E**T CONVERSUS SUM, verti faciem in aliam partem, & oculos levavi. **ET ECCE VOLUMEN VOLANS.** Varias versiones affert hoc loco Hieronymus, sed e duabus altera placet: *volumen volans*, id est charta volans, quæ vocatur *volumen*, quia voluminis instar erat in seipsa complicata, & *volans*, ob celerem executionem eorum quæ continebat. Aut sic, *volumen volans*, id est charta complicata; nam *הפּוּפּוּף* *huphaph*, quod *volare* significat, Chald. significat etiam *complicare, duplicare*.

V. 2. **LONGITUDO EIUS VIGINTI CUBITORUM.** Ea longitudine & latitudine indicat, multa & magna esse populi peccata in ea charta descripta. Notat dissimulanter impietatem Iudeorum, qui contempta patria, Babylone manserunt, quæ in Deum & in homines fuit magna, neque exigua charta comprehendi poterat. Contra illos totum hoc Caput est.

V. 3. **HAEC EST MALEDICTIO;** id est, hoc volumine continentur supplicia, quæ sumentur de universa terra, scilicet Israel, gente Iudeorum. **SUPER FACIEM OMNIS TERRAE,** id est super terram, scilicet hanc, propter quod *He* demonstrativum *terra* præfixum. **QUIA OMNIS FUR, Sicut** *ibiscriptum* est. Hebr. *quia omnis fur ex hoc sicut ipsa*; id est, sicut ipsa charta ex altera parte continet. Erat enim a fronte

& a tergo scripta. **IUDICABITUR.** Hebr. *excidetur.* Sept. *usque ad mortem punietur.* **ET OMNIS IURANS, EX HOC SIMILITER.** Hebr. *omnis iurans ex hoc sicut ipsa*, id est sicut charta continet ex altera parte. In furto & periurio comprehendit peccata in homines & in Deum.

V. 4. **EDUCAM ILLUD;** scilicet volumen proferam, & mittam in sceleratos, neque desistam, donec eos & eorum substantiam consumam. Quod Deus facit, tribuit volumini, quasi animatum sit & vindex scelerum.

V. 5. **ET EGRESSUS EST ANGELUS;** in locum alium *ibi* detulit.

V. 6. **AMPHORA EGREDIENS.** Hebr. *ephi.* Continet *ephi* tres modos, tantumdem *amphora*, sive *batius* mensura liquorum est, *ephi* aridorum. Porro *ephi* pro mensura in genere sumi potest, uti hoc loco Sept. & Chald. sumunt, qui pro *ephi*, *mensuram* substituant. **HAEC EST OCULUS EORUM,** id est Dei oculus est, quo ipsi homines videntur. Pronomen *eorum* passive sumi debet. Ergo per hanc mensuram, quasi per oculum hominum, videntur & examinantur scelera.

V. 7. **TALENTUM PLUMBI.** *Amphora & talentum* hic afferuntur ad mensurandum & ponderandum peccata, ut quisque non temere, sed prout gessit, puniatur. Itaque per *volumen* peccata puniri, per *talentum* & *amphoram* puniri cum ratione & mensura significat. Porro *talentum* antiquum Moysis tempore drachmas duodecim millia continebat, Exod. xxxviii. 25. In *amphora* sedebat mulier.

V. 8. **HAEC EST IMPIETAS,** scilicet quæ puniri debet; ideo sedet prius supra *amphoram*, deinde intra eam includitur, ne supplicia decreta fugiat, tum *amphoræ* os clauditur *talento plumbi*. Misit *massam plumbeam*. Hebr. *Lapidem plumbi*; sed per *lapidem* & *massam*, *talentum* intellige, quod כִּיכָר *chichar* Hebr. id est *sorta*, seu *massa* vocatur.

V. 9. **ET ECCE DUAE MULIERES EGREDIENTES,** scilicet ex urbe Ierusalem, aut e domibus suis. Hæ mulieres duo precipua sunt viria, quibus gens illa erat dedita; quæ illa essent, non explicatur. **ET SPIRITUS,** id est ventus in alis earum; velociter volabant. ALAS MILVI, aut *cinia*, quæ *basidach*, id est *miseriæ* vocatur,

tur, quod parentes in senectute alat. INTER TERRAM ET CAELUM, id est per aërem, sublimem ferebant amphoram. Quo defertur?

V. 11. UT AEDIFICETUR EI DOMUS IN TERRA SENNAAR, id est Babylone, ubi domicilium iniquitas habebit, diu ibi mansura. ET STABILIA TUR, seu preparatur. Hebr. *disponatur*. ET PONATUR IBI SUPER BASEM SUAM, sine spe aut mentione reditus eius gentis in patriam; nam eos impietas & scelera, quibus sunt dediti, detinebunt. Sic increpat eos, qui obliti Ierusalem haerunt Babylone, e numero & gente Iudaeorum.

MENOCHII.

Verf. 1. O CULOS MEOS: non corporis, sed phantasiae, & mentis.

V. 2. VOLUMEN VOLANS. In Hebræo est מגיללה *meghillah*, id est chartam, membranam, vel librum convolutibilem, qui in seipsum compilatur in orbem super Cylindrum, quem fortasse intellexit Symmachus, qui vertit *מגללה*, caput. Cylindrus enim ad caput pergamenti assuitur, ut super illum convolvi possit. Aquila & Theodotio verterunt *διεσπῆρας*, est autem diphthera membrana e pelle caprae. Huic simile volumen viderunt Ezechiel cap. xxxix. & S. Ioan. Apocal. x. 10. VOLANS: volans dicitur, ut celeritatem ultionem fore significet. Suspicio etiam volans idem esse quod expansum, & apertum, membrana enim in aere posita, si complicata non sit, vento movetur, & extremitates suas quasi alas commovet. LONGITUDO EUS VIGINTI CUBITORUM, &c. Haec mensura notatur universa Iudæa, quæ duplo erat longior, quam lator. In hanc enim, ut potest ubique rapinis, & pauperum oppressio-nibus contaminatam, volabat hoc præ-narium volumen. Vel hac mensurarum diver-sitate significatur maior æterni supplicii longitudo, seu diuturnitas, quam intentio: illa enim sempiterna est, & sine earet, hæc autem est finita.

V. 3. MALEDICTIO, id est supplicii sententia, & imminens punitio, QUIT OMNIS REX: per sortum intelliguntur etiam reliqua peccata in proximum; per peridurum, etiam reliqua in Deum. SICUT IBI SCRIPTUM EST: in volumine volante. Iu-

Bib. Sac. Tom. XXII.

DECABITUR. Chald. *Percontabitur*. LXX. *Punitur*. IURANS; scilicet, falso. Ex hoc; scilicet, volumine.

V. 4. EDUCAM ILLUD; scilicet, voluminem; id est, penas illo volumine contentas, educam, inquam, illud; id est, efficiam, ut quod tu modo per visionem cognoscis, illi te ipsa experiantur: VENIET; scilicet, maledictio, & punitio. ET LIGNA, ET LAPIDES EIUS; Quasi dicat, Proferat totam.

V. 5. EGRESSUS EST ANGELUS, id est a superiore visione, ad hanc amphoræ exhibendam, quod est dicere, illum egressum, ut novam prophetæ revelationem afferret. Vel, ut interpretantur Em. Sa, Egressus est, ut ab Angelis superioribus novam revelationem acciperet. QUOD EGREDITUR: representabatur chim tamquam aliunde egrediens; quasi dicat, Quod in aspectum tuum venit.

V. 6. HAEC EST AMPHORA. Hebr. *המפה* *ephah*, quæ est certa mensura, capiens tres modios frumenti, sed hic, ut etiam alibi, pro mensura in genere accipitur. Amphora hæc significat certum numerum peccatorum, quem Deus præstitueret solet, ut cum ad eum ventum sit, supplicium im-matur. HAEC EST OCLUS EORUM: intelligi passivè & obiectivè; quasi dicat: Huc tantum aspiciunt, nam adeo effrenate ruunt in peccata, ut nihil aliud spectare videantur, quam ut hanc mensuram ce-leritè impleant.

V. 7. TALENTUM PLUMBI, scilicet massa quædam ut vocatur num. sequenti. PORTABATUR. Massa, inquit Divus Hieronymus *instar lapidis ferebatur, vel suo impetu, vel domini iussione, vel ferebatur ab alio, cuius nomen tacitum est.*

V. 8. HAEC EST IMPIETAS; scilicet, populi huius. Impietatem vocat quicquid sanctitati, & iustitiæ opponitur. PROIECIT EAM IN MEDIO AMPHORAE; id est, fecit ut tota ellet intra amphoram, & nulla eius pars extra maneret, ut ita amphora, sive mensura implecretur. MISIT MASSAM PLUMBEAM IN OS EIUS; id est, os amphoræ talento illo plumbi obstruxit, ne exiret mulier. Hæc massa plumbea significat completa mensura peccatorum, & Iudæos diu mansuros in sua impietate, & damnatione: plumbum enim significat pondus damnationis, quam propter scelera sua incurrebant.

Cc

V. 9.

V. 9. DUAE MULIERES EGREDIENTES: venientes in aspectum Zachariae. Duas has mulieres Ribera interpretatur fuisse *excaciationem*, & *indurationem*. Corn. duos daemones, vel Nabuthodonolor, & Nabuzardan, qui vastarunt Ierusalem, & Iudaeos impios, in Babylonem transfulerunt. ET SPIRITUS ERAT IN ALIS EARUM, id est ventum collegerunt ad volandum, & magno impetu ferebantur. HABEBANT ALAS QUASI MILVI. Apte, nam milvus habet magnas alas, & labori pares diurni volatus. Præterea naturæ instinctu cognoscit, quandam migrandum illi sit in aliam regionem (nam ut habemus Ierem. viii. 7. *Milvus in celo cognovit tempus suum*) nec desistit a volatu, donec ad destinatum locum pervenerit: ita ergo duæ hæ mulieres celeri volatu, tempore suo, Iudæos deferunt in certam perditionem. INTER CAELUM ET TERRAM, id est per aerem.

V. 11. UT AEDIFICETUR EI DOMUS IN TERRA SENNAAR, id est in Babylone, ut vertunt LXX. nam in terra Sennaar est Babylon, ut patet Genes. xi. 2. significat Zacharias impios Iudæos a Chaldeis abductos fuisse in captivitatem Babylonicam; ibique multis annis, hoc est septuaginta fuisse. Rursus Ierusalem per Titum everfa abducendos in captivitatem, & exilium universale, & totum orbem illis fore terram Sennaar, id est *terram excussionis* (hoc enim significat Sennaar) ad quam, scilicet terra sancta excussi, vagi, & profugi delati sunt. STABILIAUTUR, ET PONATUR, &c. quasi dicat, Alto, & firmo loco statuatur, ut solent idola. Significatur ergo tam impietatis culpam, quam penam in Babylone, sive terra Sennaar locatam, ut cum in ea impietas steterit per definitam a Deo mensuram, tum peccatorum, tum temporum, puniatur, & plectatur, primo per Cyrum; secundo per Darium; tertio per Christum, qui Babylonem, & Babylonios Antichristi assecas, disperdet in fine mundi.

T I R I N I.

Vers. 1. **E**CCE VOLUMEN. Pro Hebræo *meghilla*, id est membrana vel charta convolutis, ut etiam Syrus & Arabicus Antioch. Chaldeus ac Rabbinus vertunt; LXX. & Arabicus Alexandr. le-

gisse videntur *maggal*, id est *saecum* & sic legunt S. Cyrillus, Theodoretus & passim Græci. Et forte huc alludit S. Ioannes, cum dicit *a*, vidisse se in manu Christi *saecum* acutam. Sed in idem redit: nam & *saex* demerens ac succidens, & membrana continens sententiam damnationis, pro symbolo usurpari solent punitionis, stragis & exeidii. Aquila & Theodotion eleganter verterunt *ἀνδρα*, id est membranam a pelle caprina: alludentes ad *aphtheram* Iovis & pelle *Amalthææ* capræ a qua nutritum fabulabantur, consecratam, in qua descripta habet omnia omnium hominum peccata, & penas peccatis decretas. Vidit autem seu membranam, seu *saecum*, *volantem*: quo significabatur, propere vindictam caelestem, & iam capiti imminere, & quasi involare, & quidem improvisam atque inevitabilem, inquit S. Chrysostomus *b*, Cyrillus, Rupertus, Albertus, Hugo, Clarus, & a Castro.

V. 2. LONGITUDO EIUS VIGINTI CUBITORUM, LATITUDO DECEM. Quia, ut inquit Rabbinus, & ex iis Lyranus ac Pineda *c*, porta templi, e quo volumen exire videbatur, erat tantæ altitudinis & latitudinis. Et ut idem Lyranus, cum Theodoro & Vatablo, longitudo terræ sanctæ, in quam primo volumen involabat, duplo longior erat quam lata. Sed in genere significabatur multitudo & copia scelerum & suppliciorum in volumine tam amplo descriptorum, inquit S. Chrysost. Mariana & Fernandez.

V. 3. HAEC EST MALEDICTIO; id est, hoc volumine continetur sententia condemnationis & supplicii, QUAE EGREDITUR e templo ut volunt Rabbinus, vel certe e throno & tribunali Dei, inquit S. Chrysostomus. OMNIS FUR, ET OMNIS IURANS, seu peccans *e*, sententia volumine isto contenta IUDICABITUR, id est condemnabitur & punietur. Quia enim ædificando templo magna vis pecuniarum collecta erat, verisimile est multos Iudæorum aliquid ex iis in proprios usus avernisse, & iuramentum quo sponderant se fideliter illas administraturos, secessisse, hinc contra *fures* & *periuros* maxime intonat Propheta, inquit S. Cyrillus. Sed verisimilius est, per furta & periuria, forte tunc frequentiora, designari omne genus scelerum; per furta, nempe omnem iniuriam adver-

sus

fus proximum contra secundam tabulam decalogi: per *falsa iuramenta*, omnem impietatem in Deum contra primam tabulam, ut ait S. Hieron. & Thodoret. Simile volumen vidit etiam Ezechiel, & S. Ioannes in Apocalypsi f. Et sunt hæc symbola divinæ memoriæ, voluntatis atque ordinationis, qua cuique sceleri suæ decreta ac signatæ sunt poenæ, inquit iidem Patres & idem significabat virga, seu baculus *vigilans* Ieremiæ g, item *olla succensa*, &c.

V. 4. EDUCAM ILLUD volumen, seu supplicium in volumine descriptum, profectam in publicum, in theatrum orbis: & inducam in DOMUM, in familiam, in caput, FURIS ET IURANTIS, id est in singulos peccatores: & incubabit illis, & familiæ illorum instar latronis, vel instar cancri, ipsa quoque tigna, immo fundamenta, paulatim exedentis, atque ita familias quantumvis amplissima evertentis.

V. 6. AMPHORA h; Hebraice, *epha*, vulgaris Iudæorum mensura, capiens tres modios, symbolum est, primo, mensuræ, seu cumuli peccatorum a Iudæis aliisque gentibus partim patratorum, partim patratorum. Secundo, mensuræ punitionis & supplicii peccatis proportionem commensurati. Simulatque enim impleta est mensura scelerum cuique genti, cuique familiæ, cuique homini præfixa, tum sequitur infallibiliter proportionata puniitio & quasi expurgatio eorumdem, inquit S. Hieronymus & alii supra citati, & nos alibi diximus. Hanc mensuram tam impietatis, seu culpæ, quam *plumbi*, id est poenæ, videt Propheta egredi & efferri e Iudæa, ubi ante dominata fuerat, in terram *Sennar* k, id est in Babyloniam, ut illic domicilium exinceps figat. Quo significabatur, Iudæam partim excidio urbium suarum, partim deportatione impiorum incursum, partim deponatione impiorum incursum in Babylonicum exilium, iam ab impietate expurgatam, & a poenis ei respondentibus immunem esse: Babylonem vero sedem & cloacam, ut impietatis ita & poenarum factam. Quo monentur Iudæi in Babylonia adhuc hærentes, ut relicta illa cloaca, redeant in sanctam terram & urbem Ierosolymam: ita Mariana, Sanchez, a Lapide & alii. Notat maxime profusam Babyloniolorum idolola-

triam & tyrannidem, & ob hæc scelera imminens illi excidium per Darium Hytaspis, de quo supra l. Allegorice, horrenda Synagoga Iudaicæ scelera sub Christo & in Christum, expurgata per Vespasianum & Titum; ac rursus sub Antichristo vere ac proprie in terra *Sennar*, id est Babylone m, tamquam loco stabili & firma regia sua a Iudæis colendo, inquit Rupertus, Sa, Ribera & Fernandez; quando igne & ultione cælesti tota amphora exhaurietur. HÆC AMPHORA EST OCULUS EORUM, id est obiectum oculi seu visus impiorum, IN UNIVERSA TERRA. Neque enim ad aliud respiciunt, aut alteri rei intendunt, quam ut continuatis sceleribus suam amphoram impleant: sed faxo vicissim ut & mensura poenarum tot tantisque sceleribus respondentium, fiat obiectum oculi, id est conspicua sit universæ terræ, ut Chaldæus vertit. Omnes enim videbunt enormes sceleratorum poenas, sicut viderunt enormia illorum scelera, inquit S. Hieronymus.

V. 7. TALENTUM, seu massa, PLUMBI quo os AMPHORÆ occidit, notat gravem rigidamque Dei sententiam, simul & supplicii diuturnitatem, inquit Ribera, qua tamdiu manet quasi obsegnata & conclusa impietas & reatus impietatis in amphora, donec prorsus exhausta & exoluta fuerint supplicia illi præfixa. Tropologice, significat oblationem maxime Iudæorum, in suo scelere & perfidia: Analogice, perpetuitatem tum culpæ, tum poenæ sceleratorum in inferno, ubi infami ore conclusio n, ad æternum silentium, carcerem & tormentum damnati degunt, quasi in ignita amphora consipati. Sic angelus in Apocal. *misit araneam in abyssum, & clausit & signavit os abyssi super illum*.

V. 9. DUAE MULIERES ALATÆ ALIS MILVI (Hebræum *chafida* significat enim, ut LXX. vertunt, *upupam*, & ut recentiores, *eigoniam* o,) quæ rapidissimo volatu amphoram Iudæorum deportaverunt in Babyloniam, possunt dici Ioakim & Sedecias reges Iudæ, qui sceleris causa fuerint exilii & excidii Iudaici: vel, si mavis, bini exercitus, binæ expeditionis Nabuchodonosoris: unde Chaldæus vertit; *populus levis & expeditos*. Amphoram ve-

ro pœnarum, Chaldaïs ipsiſ advexerunt Cyrus & Darius, inquit Hebrai apud S. Hieronymum & Theodoretus. Item Darius Hyſtaſpis & Zopyrus, de quibus ſupra p. In genere pœnas omnibus peccatoribus debitas, tum in hac, tum in altera vita advehunt demones quaſi liçtores ad id deſtinati a Deo.

- (a) Apoc. xiv. 14.
 (b) Chryſoſt. homil. xv. & xxvii. ad populum.
 (c) Pinedi in Job xxiv. v.
 (d) Chryſ. ſup.
 (e) Hic verſ. 4.
 (f) Ezech. ii. 9. Apoc. x. 10.
 (g) Iſerum. l. ii. & 23.
 (h) Proleg. de mentiſ, & de Idioliſmiſ Hebr.
 d. 16.
 (i) Geneſ. xv. 16. Matth. xxiii. 35.
 (k) Geneſ. xi. 2.
 (l) Zach. ii. 6.
 (m) Apoc. xvi. 12. & xviii. 2. ſeqq.
 (n) Dial. cvi. 42. Apoc. xx. 3.
 (o) Proleg. de Idioliſmiſ Hebr. num. 25. & 26.
 (p) Zachar. ii. 6.

GORDONI.


Verſ. 1. **N**Ova hæc viſio eſt menti, non oculis oblata: vices non obſcuræ ſunt. Obſervo volumen illud quod continet maledictum contra peccatores, quamvis tantum explicet unum peccatum primæ tabulæ, & aliud ſecun-

dæ; tamen intelligi contra omnia peccata, quod etiam magnitudo libri ſatis indicat.

V. 8. **ET EGRESSUS EST ANGELUS, &c.** Deus expectans peccatores ad poenitentiam non ſtatim punit, ſed expectat donec impleta fuerit iuſta meſura peccatorum. Hanc meſuram & iuſtum cumulum peccatorum recte hic deſignat per amphoram continentem hunc cumulum, quæ divinum decretum deſinit expectandum, & limitat. Ceterum hæc amphora Iudæorum per excidium & captivitatem evacuatæ eſt; & proinde Propheta hoc deſignans, ait hanc amphoram deportatam in Babylonem, ſeu in Sennar: poſtea tamen aliquoties Iudæi impleverunt hanc iniquitatis amphoram & cumulatiſſime in morte Chriſti. Hinc intelligitur quod eſt verſ. 6. *de oculo*; hæc enim amphora continens peccata, eſt id quod omnium oculi reſpiciunt, ſeu obiectum oculi. Nam quotus quiſque eſt qui non peccat à tota hæc res uſque ad finem multa ſuggerit ad ſenſus morales, quæ cuius pervia ſunt; præſertim de cumulo peccati, de muliere & iniquitate ſedente, de ocluſa amphora, & ſpiritu, ſeu vento in aliſ mulierum properantium in Babylonem.

CAPUT VI.

Quatuor quadrigæ visæ de medio duorum montium arcuorum, quatuor venti sunt, egredientes in terram: de coronis in capite Iesu sacerdotis inponendis: de viro cuius nomen Oriens, qui templum ædificabit Domino, & dominabitur in solio suo.

1.  T conversus sum, & levavi oculos meos, & vidi: & ecce quatuor quadrigæ egredientes de medio duorum montium: & montes, montes ærei. 2. In quadriga prima equi rufi, & in quadriga secunda equi nigri, 3. & in quadriga tertia equi albi, & in quadriga quarta equi varii, & sortes. 4. Et respondi, & dixi ad Angelum, qui loquebatur in me. Quid sunt hæc, domine mi? 5. Et respondit Angelus, & ait ad me: Isti sunt quatuor venti cæli, qui egrediuntur, ut stent coram Dominatore omnis terræ. 6. In qua erant equi nigri, egrediebantur in terram Aquilonis: & albi egressi sunt post eos: & varii egressi sunt ad terram Austri. 7. Qui autem erant robustissimi, exierunt, & quærebant ire & discurrere per omnem terram. Et dixit: Ite, & perambulate terram: & perambulaverunt terram. 8. Et vocavit me, & locutus est ad me, dicens: Ecce qui egrediuntur in terram Aquilonis, requiescere fecerunt spiritum meum in terra Aquilonis. 9. Et factum est verbum Domini ad me, dicens: 10. Sume a transmigracione, ab Holdai, & a Tobia, & ab Idaia; & venies tu in die illa, & intrabis domum Iosia, filii Sophoniz, qui venerunt de Babylone. 11. Et sumes aurum & argentum: & facies coronas, & pones in capite Iesu filii Iosedec sacerdotis magni, 12. & loqueris ad eum, dicens: Hæc ait Dominus exercituum, dicens: (a) ECCE VIR ORIENS NOMEN EIUS: & subter eum orietur, & ædificabit templum Domino. 13. Et ipse extruet templum Domino: & ipse portabit gloriam, & sedebit, & dominabitur super solio suo: & erit sacerdos super solio suo, & consilium pacis erit inter illos duos. 14. Et coronæ erunt Helem, & Tobiz, & Idaiz, & Hem, filio Sophoniz, memoriale in templo Domini. 15. Et qui procul sunt, venient, & ædificabunt in templo Domini: & scietis quia Dominus exercituum misit me ad vos. Erit autem hoc, si auditu audieritis vocem Domini Dei vestri.

(a) Luc. 1. 78.

COMMENTARIA

S A.

Verf. 1. QUADRIGÆ. LXX. *quatuor*. MONTIUM, scilicet Dei potentiz, & sapientiz. AERÆI, id est fortissimi.

V. 2. PRIMA, scilicet Imperio Chaldeorum. RUFÆ, scilicet ob cædes & crudelitatem. SECUNDA, scilicet Persarum. NIGRÆ, scilicet ob terrorem.

V. 3. TERTIA, scilicet Græcorum. ALBÆ,

et, scilicet ob clementiam. QUARTA, scilicet Romanorum. VARI, scilicet resper-
si albis maculis. Varium fuit Romanorum
Imperium. FORTES. LXX. multicolores.

V. 5. QUATUOR; pro, ut quatuor;
quasi dicat, Violenter subvertentes om-
nia, quocumque irrumpant. STENT, scilicet
parati ad iussa: nam per eos Deus punit
quos vult. Vide Isa. x. Jerem. xxv. Mat-
th. xxiii. Chald. *ne stent*.

V. 6. AQUILONIS, scilicet Chaldaeorum,
quos vicerunt. Ideo omissa illorum qua-
drigæ mentio hic, quia superati a Persis.
POST EOS, scilicet & Persas vicit Ale-
xander. AUSTRI, scilicet Aegyptum sub-
iugavit Augustus tandem, & sic potius
omni Græcorum Imperio.

V. 7. ROBUSTISSIMI, scilicet quos su-
pra vocavit fortes, erantque in quarta qua-
driga, a qua hinc videntur separari. Qui-
dam Gothos intelligunt, qui per orbem
discurrentes cuncta vastarunt.

V. 8. SPIRITUM MEUM. LXX. *furo-
rem meum*; quasi dicat, Satisfecerunt mi-
hi in Chaldaeos irato, dum eos vasta-
runt.

V. 10. SUME, scilicet quod infra dici-
tur. TRANSMIGRATIONE. LXX. *captivi-
te*, id est captivis, qui e Babylone redie-
rant. Chald. *filii transmigrationis*. IO-
STAE: iste forte custodiebat Templi the-
saurum.

V. 11. AURUM ET ARGENTUM. Signi-
ficantur vel duæ in Christo naturæ, vel
Gentiles & Iudæi Christo subiecti. CORO-
NAS, scilicet significantes Christi summum
Imperium, & sacerdotium. Chald. *coro-
nam magnam*.

V. 12. VIR, scilicet cuius tu in hoc
figura es. ORIENS, &c. Chald. *ecce vir,
Christus nomen eius, qui revelandus est,
& magnificandus, & edificaturus templum
Domini*. SUBTER EUM, id est loco suo,
vel sua virtute. TEMPLUM, scilicet Ec-
clesiam.

V. 13. GLORIAM, id est coronam; qua-
si dicat, Regnabit, ut statim explicat.
SOLIO. Vide Luc. i. SACERDOS. Chald.
Sacerdos summus. CONSILIUM PACIS, id
est concordie. DUOS, scilicet Regem, &
Sacerdotem: quia utrumque Christus, vel
populum Iudaicum & Gentilem, scilicet
in Ecclesia.

V. 14. HELEM. Hic supra dictus Hol-

dei. Forte binomius erat. HEM. Hic su-
pra dictus Iosias. MEMORIALE; quasi di-
cat, In memoriam, quod eas Domino ob-
tulerint, & id figura eorum, qui offerunt
sua Christo.

V. 15. PROCU, scilicet Gentiles. ME,
scilicet Prophetam, vel Christum. Hoc,
scilicet quod dixi, scietis, &c. DOMINI,
scilicet Christi, quam quia Iudæi non au-
dierunt, excæcati.

EST II.

Vers. 12. **E**CCE VIR, ORIENS NOMEN.
REUS. Ad litteram Zoroba-
bel hoc nomine significatur, idem qui su-
pra cap. iii. ubi de eo scribitur: *Ecce
enim ego adducam servum meum Orientem*.
Mythice vero non est dubium, nomen
hoc, & utrumque locum ad Christum per-
tinere, qui est verus Oriens; unde lumen
& vita nobis funditur, de quo canit alter
Zacharias pater Baptiste Lucæ i. *Visita-
vit nos Oriens ex alto*, &c. Vide etiam,
si placet, quod scribit Ribera de hoc pro-
pheta in cap. v. huius eiusdem prophetie.
Notandum enim quod tam hoc loco, quam
cap. iii. *Oriens* Hebræa est, quæ magis pro-
prie videtur significare *germen*, quam eti-
am Hier. alibi latine *germen* reddidit, ut
Jerem. xxiii. *Et suscitabo David germen
iustum*, tamen etiam illic Septuaginta ver-
terint *ἀνατολή*, id est Orientem, sicut
hoc utroque loco.

MARIANAE.

Vers. 1. **E**T CONVERSUS SUM, verti me
in aliam partem. ET ECCE
QUATUOR QUADRIGÆ, quatuor Imperia
significant. EGREDIENTES DE MEDIO DUO-
RUM MONTIUM, ubi scilicet in fauces an-
gustas coeunt. MONTES AEREI, id est
munitissimi. In monte Tauro, seu Cau-
caso, ubi iuga montis duo in fauces coe-
unt, sunt portæ ferreæ, de quibus Hege-
sippus Lib. V. cap. L. Locus sic dictus,
non quod ibi sint portæ, sed ob munitio-
nem: sic hoc loco divina voluntas & pro-
videntia comparatur duobus montibus æ-
reis, inter se coeuntibus, quia in hoc
mundo sine ea nihil egreditur, ac præser-
tim Imperia constituuntur, & cadunt ex
Dei voluntate.

V. 3. EQUI VARN]. Hebr. *grandinati*, id est maculas parvas habentes instar grandinis. FORTES. Sept. *multicolores*. Chald. *coloris cinerei*. Hebr. & Vatabl. *rufi*. D'XON *amuzim*, pro, D'XON *hamuzim*. Itaque volunt colorem fuisse rufum, sed inspersum maculis instar grandinis, & in eo differre ab equis primæ quadrigæ, qui rufi penitus erant.

V. 5. QUATUOR VENTI CAELI. Chald. *quatuor Regna, qua sunt in quatuor ventis*, id est ad quatuor orbis plagas. Id significat illæ quatuor quadrigæ. QUI EGREDIUNTUR, UT STENT, ut scilicet Dei iussa faciant. Hebr. *egrediuntur, ab stando iuxta Dominum*; id est, prius clausi continebantur a Deo, deinde eo volente sunt egressi venti quatuor. Hæ clausuræ sunt duo montes ærei, de quibus vers. 1. UT STENT CORAM DOMINATORE OMNIS TERRÆ. Quia ipse ut Dominus mutat Imperia, destituit quos vult. Ergo illis venti flant coram Deo parati iussa facere.

V. 6. IN QUÆ ERANT EQUI NIGRI, scilicet quadrigæ. De rufis equis non facit modo mentionem, faciet mox; neque de Assyriorum aut Chaldæorum Imperiis meminit, quia iam perierant. Sed per *Aquilonem*, Persas intelligit, equis nigris vestos, ob terrorem quem Cyrus & successores orbi incusserant. ALBI EGRESSI SUNT POST EOS. Hi sunt Græci, ob morum candorem & mansuetudinem candidi, qui ductore Alexandro Magno insecuti Persas, Babylonem occuparunt. VARIJ eunt ad Austrum. Per hos Aegyptum intelligo, quæ ad Austrum, & aliquando ii Reges late dominati sunt in Africa atque in Syria. Alii aliter explicant.

V. 7. ROBUSTISSIMI. Chald. *cinerei*. Sept. *multicolores*. Vatabl. *cinerei* seu *rufi*, de quo vers. 3. Ita redit ad primam quadrigam, quam omiserat, per quam aut Romanum Imperium intelligo, quod fuit latissimum, & multo effuso sanguine constitutum, quod equi rufi significant. Aut sit Christi Imperium multo latius, eius sanguine partum. ET DISCURRERE PER OMNEM TERRAM volebant. Vox omnem Hebr. non est, sed bene suppletur. ITE, PERAMBULATE TERRAM. Ecce Imperii latitudinem; quod fuit postremum tempore, dignitate primum. Ideo initio equos rufos primo loco posuit.

V. 8. ET VOCAVIT ME. Hebr. *clama-vit ad me*. Chald. sic, & Sept. *clamavit*, *O' locutus est ad me*, id est vocavit me magna voce, scilicet Angelus. REQUIESCERE FECERUNT SPIRITUM MEUM; hoc est, iram meam. *Spiritus pro ira*. Sept. *furorem meum*. Male tum Babylonios, tum Assyrios, & diu multavit Deus, ob afflictos multis modis Iudæos & pios: sic eius ira quievit.

V. 10. SUME A TRANSMIGRATIONE, a viris, qui e captivitate venerunt, scilicet iis quos mox nominat. Sume scilicet aurum & argentum. Erant divites. INTRABIS IN DOMUM IOSIÆ, quoniam ibi erant Holdai & focii, a quibus aurum & argentum debebat accipere.

V. 11. ET PONES IN CAPITE IESU, scilicet unam coronam e multis quas fecisti, aut facere iubens.

V. 12. ECCE VIR ORIENS, seu *germen*; quia ut germen sensim crescit & augetur, sic erit Zorobabel, sic Christus per eum significatus. Chald. *ecce vir Messias nomen eius*. ET SUBTER EUM ORIETUR, aut *germinabit. Subter eum*, in suo loco, in Ierusalem augebitur & crescit auctoritate instar germinis in terra. AEDIFICABIT TEMPLUM ZOROBABEL IUDÆICUM, Christus Ecclesiam.

V. 13. ET IPSE EXTRAUET TEMPLUM. Repetit ob maiorem certitudinem. PORTABIT GLORIAM. Chald. *splendorem*, scilicet regiam auctoritatem habebit. ET ERIT SACERDOS SUPER SOLIO SUO: si de Christo intelligimus, erit Rex & sacerdos; si de Zorobabele, sacerdos stabit coram eo quasi coram maiore super solio, id est iuxta solium. Aut potius sacerdos suam auctoritatem obtinebit, non invadet Zorobabel in eius iura. Quod magis sequentia confirmant. ET CONSILIUM PACIS, id est erunt unanimes, neque alter ab altero discrepabit. Quod ipsum in Ecclesia fieri debet. Reges & sacerdotes sint concordēs.

V. 14. ET CORONAE ERUNT. Eorum nomine suspendentur in templo, ut sit monimentum eorum liberalitatis, qui aurum dederunt. HELEM. Hic est *Holdai* vers. 10. HEM. Hic est *Iosias*. Fuere binomii.

V. 15. ET QUI PROCUL SUNT, VENIENT. Centes deferent munera ad templi con-

construccionem. Quod cum acciderit, ait de se Propheta, SCIETIS QUIA DOMINUS EXERCITUUM MISIT ME AD VOS.

MENOCHII.

Verf. 1. **C**ONVERSUS SUM, id est iterum vidi aliam visionem. ECCE QUATUOR QUADRIGAE: sicut Danieli cap. ii. ita nunc Zacharias proponunt quatuor imperia, quae sibi ordine successerunt, & sele mutuo evertunt: & post illa imperium Christi Domini, omnibus illis diuturnius, & potentius, ut norint omnes non casu, sed Dei voluntate haec imperia floruisse, & concidisse, regnum vero Christi semper mansurum. **EGREDIENTES DE MEDIO DUORUM MONTIUM.** Hi duo montes symbolum sunt potentiae, & providentiae Dei, cuius dux partes, & quasi montes, sunt mens, & voluntas, puta sapientia, & decretum, siue dispositio, & definitio, vel praedeterminatio, & executio. Haec igitur quadrigae montibus illis aeneis, antequam exirent, continebantur, ne alias nationes bello infestarent, proinde ac si septem essent montibus validissimis, & insuperabilibus: cum autem adfuit tempus a Deo praestitutum, ut imperio potirentur, tunc egressae sunt.

V. 2. **IN QUADRIGA PRIMA EQUI RUBRI:** hoc est imperium Chaldaeorum sanguinarium, & crudele praesertim in Iudeos. Bene etiam colore rubro designantur Chaldaei, qui hoc colore delectabantur in vestibus, quare Nahum ii. 3. dicitur: *Clypeus eius ignitus, viri exercitus eius in cocineis.* Porro cum legis *Quadrigas*, intellige etiam ascensores earum, more Scripturae. **IN QUADRIGA SECUNDA EQUI NIGRI:** hoc est imperium Medorum, & Periarum: equi sunt nigri, quia his regnantibus Iudaei gravi metu, atque luctu afflicti sunt per edictum Assueri, Esther. iii. Adde etiam his imperantibus luxurie Iudeos propter impeditam aedificationem templi.

V. 3. **IN QUADRIGA TERTIA EQUI ALBI,** regnum Graecorum, quod cepit ab Alexandro, qui clemens fuit in Iudeos. Praeterea tempore huius Monarchiae insignes victorias reportarunt Iudaei Machabaeis ducibus. **IN QUADRIGA QUARTA EQUI. VARII, ET FORTES:** imperium Romanorum forte ob bellicam virtutem; va-

rium, quia non semel mutata reipublicae forma, & Principum voluntas in gentem Iudeorum.

V. 5. **ISTI SUNT QUATUOR VENTICAEAE;** quasi dicat: Haec quatuor Monarchiae inter se confligent, ut venti contrarii, ac violentiter, & celeriter quasi venti, subvertent omnia, quocumque irruent: denique velociter transibunt, & desinent, ut solet veni. Ut **STENT:** quasi parati ad excipienda eius iussa, & perficienda.

V. 6. **IN QUA ERANT EQUI NIGRI.** De equis rubris nihil dicit, quia iam transierat imperium Chaldaeorum. **EGREDIEBANTUR IN TERRAM AQUILONIS:** Persae enim, & Medae debellarunt Babylonem, quae respectu Ierusalem est Aquilonaris. **AD TERRAM AUSTRI.** Romanos dicit exiisse in Aegyptum, quae respectu Ierusalem, erat Australis; quoniam memorat tantum bella horum regnorum, quibus priora regna deleta sunt. Augustus autem victis Antonio, & Cleopatra, Graecorum regnum, id est Ptolomaeorum in Aegypto extinxit, illudque ad se, & ad Romanos transtulit. **QUI AUTEM ROBUSTISSIMI ERANT.** Fortissimi quique Romanorum duces, quales Scipio, Marius, Sylla, Pompeius, Iulius Caesar, Augustus, &c. de his enim loquitur propheta, qui fuerunt ante Christum, nam in Christum, & Christi regnum desinere visi sunt, n. 12. **ET DIXIT ITE,** &c. scilicet Deus, qui illis potestatem fecit egrediendi. **ET VOCAVIT ME.** Narrat Angelus Zacharias se vocatum a Deo, & quae sequuntur ab illo audivisse.

V. 8. **REQUIESCERE FECERUNT SPIRITUM MEUM:** *ἡσυχαστέον τὸ πνεῦμά μου,* Requiescere fecerunt iram meam, ut habent LXX. quasi dicat, Satisfecerunt mihi irato in Chaldaeos, dum eos vastarunt.

V. 10. **SUME:** scilicet, quod infra dicitur. **A TRANSMIGRATIONE,** id est a transmigrantibus, hoc est, ab iis viris, qui venerunt Babylone, quos invenies in domo Iosue. Verba, & sensum ita ordina; quasi dicat: Venito, o Zacharia, in domum Iosue filii Sopheria, in die qua munera oblaturi sunt Hoidai, Tobias, & Idamas, qui iam recenter venerunt de Babylone, atque ab eis accipies aurum, & argentum, quae quasi domum per eos transmittunt, & templo offerunt Iudaei, qui olim in Babylone transmigrationem, ibique

adhuc

adhuc degunt, ut ex eo facias coronas, ponendas in capite Iesu Pontificis.

V. 11. FACIES CORONAS. Chal. vertit, *Facies coronam magnam*. LXX. etiam n. 14. vocant coronam, non coronas: fortasse fuit similis tiaræ Romani Pontificis, quæ una quidem est, sed tribus coronis redimita.

V. 12. ECCE VIR ORIENS NOMEN ETUS; quasi dicat: Non tibi propter te imponitur corona, sed ut figura Christi sis, & eius typum geras. Christum vocari orientem, & cur diximus cap. III. 8. SUBTER EUM ORIETUR, &c. ex illo, id est Christo, germinabit novus populus, hoc est filii Ecclesiæ. AEDIFICAVIT TEMPLUM DOMINO: illud nimirum, de quo ait Christus, Matth. xvi. *Et super hanc petram ædificabo Ecclesiam meam*.

V. 13. ET IPSE EXTRUET TEMPLUM DOMINO: ipse, inquam, non alius ædificabit Ecclesiam; quod addit ad maiorem amplificationem veritatis, & firmitatis. PORTABIT GLORIAM: coronam gloriæ gloriosi Pontificatus, & regni, iuxta illud Psal. xi. *Posuisti in capite eius coronam de lapide pretioso*. ET SEDEBIT, ET DOMINABITUR: ut verus rex totius populi Dei, Luc. i. *Et regnabit in domo David in æternum*. ET ERIT SACERDOS: De quo dicitur, *Tu es sacerdos in æternum, secundum ordinem Melchisedech*: Psal. cix. 4. ET CONSILITUM PACIS ERIT INTER ILLOS DUOS: scilicet, thronos, id est, illæ dignitates, & potestates, regia scilicet & sacerdotalis, inter quas non satis convenire solebat, nunc valde concordēs erunt in uno Christo.

V. 14. ET CORONAE ERUNT HELEM, &c. id est, postquam coronas capiti Iesu imposueris, detrahes, & in templo servabis, ut sint in memoriam eorum, qui dederunt, ideoque incidēs in eis nomina quatuor virorum illorum, qui ad eas aurum, & argentum obtulerunt, scilicet Helem, Tobiaz, Idaiz, & Hem. Notandum autem est eum, qui vers. 10. dictus est *Hol-dai*, hic vocari *Helem*: & qui ibidem dictus est *Isaias*, hic vocari *Hem*; erant enim binomii, & hæc nomina breviora potius quam prima illa longiora electa sunt, ut coronis inciderentur.

V. 14. QUI PROCUŁ SUNT: qui in remotis locis habitant, horum exemplo ex-

Bib. Sac. Tom XXII.

citati, aliquid conferent ad fabricam templi: sublimiori sensu, *Qui procul sunt*. Gentiles significant: sic habemus ad Ephes. ii. *Vos, qui aliquando eratis longe*. AEDIFICABUNT IN TEMPLO DOMINI: multum iuvabunt, & promovebunt hoc ædificium Ecclesiæ: sic legitur Isai. lx. *Ædificabunt filii peregrinorum muros tuos*. ET SCIENTES, &c. cum scilicet videbitis oracula mea impleta. ST AUDITU AUDIERITIS, &c. hæc vobis contingent, si divinæ legi, & eius vocis fueritis obediētes. Hæc enim conditione vobis promittuntur.

T I R I N I.

Vers. i. D E MEDIO DUORUM MONTIUM AEREORUM, id est septis divinæ potentie ac providentie, instar æreorum montium impenetrabilibus, ECCE TIBI EGREDIENTES QUATUOR QUADRIGÆ, id est quatuor monarchias, quas Deus divina sua providentia ac potentia successive in lucem eduxit ad impiam Babylonem occupandam, puniendam, vastandam: ita Chaldaus, S. Hieronymus, Cyrillus & alii passim. Addit Mariana, Prophetam alludere ad montem Taurum, seu Caucaſum, ubi duo montis iuga in fauces coeunt, sicut portæ ferreæ, de quibus Hegesippus Lib. V. cap. 2. *Porta*, inquam, non proprie dictæ, sed ob loci munitionem sic vocatæ. Et vero ex hisce montibus egressi sunt eorum accolæ Persæ, qui in vastando Babylonice impietatis regno primi fuerunt ac præcipui. De iisdem quatuor monarchiis dicitur,

V. 5. ISTI SUNT QUATUOR VENTI; id est, velut a quatuor ventis primo inter se confingentes, deinde obvia quæve violentæ ac celeriter subvertentes, denique instar turbinis cito transcurrentes ac desinentes. Al-ludit ad Danielis vii. 2. ubi eadem quatuor monarchiæ inducuntur quasi quatuor venti confingentes in mari: ita Theodoretus, Vatablus, Pererius & Sanchez. Porro hæ quadrigæ, hi venti *stant* CORAM Deo parati continuo ad omnia ipsius iussa excipiēda; quibus exceptis EGREDIUNTUR ad eadem exequenda. Quid egerint *equi russi*, id est Aſyrii & Chaldei, (sic dicti, quia sanguinarii, & quia russi vestibus, id est purpureis, seu coccineis, ornati sūt,) hic non explicatur, quia ipsi Ba-

D d by-

bylonem non everterunt, sed evererunt, & iam esse desierant. De secundis *equis nigris*, id est Persis & Medis, qui primi Babylonis lethalem horrorem, moerorem & luctum invenerunt, dicitur.

V. 6. & 8. QUOD EGRESSI IN TERRAM AQUILONIS, id est in Chaldaeam, quae Iudæis est ad Aquilonem, sic rem ibi gesserunt, ut SPIRITUM; LXX. *furorem*, MEUM exsatiarint, atque ita QUIESCERE fecerint ab ulteriori appetitu vindictæ. Cogita Babylonem armis Persicis bis divictam, bis spoliatam, bis excisam, primo per Cyrum, deinde per Darium & Hytaspis. Per tertios, quos albos intelligit Græcos, Alexandrum Magnum & socios eius Macedones, qui apud Arbella d, haud procul Babylone, profligatis Darii Codomanni e, ultimi Persarum monarchæ, copiis, Babyloniæ, immo totam Asiam victores obtinuerunt: ceterum subditis, ac præsertim Iudæis, sat benigni ac benevoli, quod albo colore repræsentabatur. De vique per quartos *equos varios & fortes* per excellentiam, Romanos designat, qui ut robore omnibus superiores, ita regimine, seu politia valde varii fuerint; primo, sub regibus; secundo, sub consulibus; tertio, sub tribunis plebis; quarto, sub Imperatoribus. Et his ex varia gente, cum alii essent Itali, alii Hispani, alii Galli, alii Græci, &c. & in Iudæos affectu valde vario; tempore Machabæorum benevoli, quales etiam Julius Cæsar, Augustus, Tiberius & Claudius se illis exhibuerunt: alii, ut Pompeius, Caligula, Nero, Vespasianus, Titus & Adrianus, valde ipsis infensi & infesti fuerunt: ita S. Hieron. Ex his quadricoloribus Zachariæ quadrigis putant aliqui originem sumpsisse quatuor Circensium aurigarum factiones totidem coloribus distinctas, quæ graves sæpe tumultus apud Græcos & Romanos concitarent, de quibus Dio, Svetonius & alii in Anthologia. *Albi* enim Circenses respondebant albis Zachariæ, *russati* rufis, *prasinii* seu subvirides nigris, *veneti*, cærulei, seu marini, variis. Iisdem repræsentantur quatuor elementa, rubro *ignis*, albo *aer*, prasino *terra*, veneto *aqua*. Allegorice, sunt quatuor Evangelistæ, vel quadruplices Evangelii præcones: primi, Apostoli ac Martyres: secundi, Virgines; tertii, Prophetæ ac SS. Patres; quarti, Doctores

Scholastici cum Religiosis tam variis: ita fere Clarius & Burgenfis, ut veteres f taceam.

V. 10. A TRANSMIGRATIONE, id est ab iis qui sub Nabuchodonosore olim transmigrarunt e Iudæa in Babyloniæ, & iam recens DE BABYLONE VENERUNT Ierolymam, puta AB HOLDAI, qui infra g *Helem* vocatur, ET A TOBIA, ET AB IDATA, & a *Iosia*, seu *Hem b*, in cuius domo reliqui tres hospitantur. (Hos quatuor tradunt Hebræi fuisse Daniele, eiusque socios Ananiam, Azariam & Misael, qui munerum Deo offerendorum, simulque & patriæ & amicorum revivendum causa huc excurrerint.)

V. 11. SUMES, o Zacharia, AURUM ET ARGENTUM quod in donaria templo afferunt, ET EX EO FACIES CORONAS. Hebræum *ataroth* non est dualis, sed pluralis numeri, unde tres ut minimum coronas designat, vel certe unam coronam, ut LXX. vertunt, eamque *magnum*, ut Chaldaeus, seu multiplicem, e tribus partialibus coronis contextam, qualis etiamnum capiti summi Pontificis Romani imponitur. Hanc triplicem coronam PONES IN CAPIT E IESU SACERDOTIS MAGNI, id est summi pontificis Iudæorum, quo designes; illum, fore triplici nomine maxime illustrem, primo, dignitate pontificia; secundo, potestate politica i; tertio, gloria restaurati templi Domini. Et quia in his typum geret veri Iesu Messie pontificis k, regis l & instauratoris m & universi.

V. 12. ECCE hic est VIR toties orbi promissus, & tandem aliquando exhibendus, ORIENS; Hebraice, *tschemach*, id est germen, NOMEN EIUS, ut supra n dixi: ita S. Hieronymus, Haymo, Albertus, Rupertus, Vatablus, Lyranus, & etiam veteres Rabbini apud Galatinum o. Unde Chaldaeus clare vertit, ecce vir cuius nomen est Messias; quasi dicat: Hanc coronam tibi, o Iesu fili Iosedec, impono, ut ea repræsentans triplicem iam dictam dignitatem Messia, ut cuius tu typum geris. SUBTER ipsum enim; Hebraice, *de sub ipso*, brevi ORIETUR & germinabit innumera multitudo ramorum, puta Christianorum eius sequacium, per quos hic Oriens, seu hoc germen, propagabitur per totum universum. Et ex his constabit nobile illud TEMPLUM quod ipse AEDIFICAVIT

BIT DOMINO; nempe Ecclesiam, seu fideliū congregationem, primo militantem in terris, deinde & triumphantem in cælis. Hanc ædificabit non tam manibus, quam sanguine suo & morte, cum nullus alius ex toto universo tantum opus vel inchoare possit, multo minus perficere. Unde iure merito ipsi uni laus & gloria hæc omnis debetur p.

V. 13. & 14. IPSE PORTABIT HANC GLO-
RIAM æternam, quæ per primam & maximam coronam tiaræ tuæ præfiguratur. Per secundam autem potestas eius regia, quæ principibus absolute summus SEDEBIT ET DOMINABITUR SUPER SOLIO q suo regali. Per tertiam coronam dignitas eiusdem pontificia, quæ super eodem solio suo gloriosius effulgebit. Neque enim dissensionem, ut in aliis solent, ita & in Christo parient duo isti supremi throni, regalis & pontificalis, sed CONSILIUM summæ PACTI ac concordie, & optima conspiratio atque unio maxima ERIT INTER ILLOS duos thronos, seu duos illos principatus. Sicut in tiara tua binæ illæ coronæ, quæ istorum principatuum duorum symbola sunt, optime & pulcherrime uniuntur: ita S. Hieronymus. Clarius, Arias & alii supracitati. Et si autem prædictæ CORONAE primario, ut audisti o Zacharia, deserviant ornando capiti summi pontificis, ac proinde asservandæ sint IN TEMPLO DOMINI in MEMORIALE mysterii iam expositi; volo nihilominus serviant etiam pro memoriali perpetuo munificentia quatuor istorum virorum, quia ad sacrum hoc munus opes suas contulerunt: quare iubeo nomina ipsorum in istis coronis ab auri-fabro incidere, e quibus posteri colligent, qui fuerint sacri istius monilis auctores. Simulque excitamento erunt istis exemplo suo aliis plurimis tam Gentilibus, quam Iudeis.

V. 15. QUI PROCUL SUNT, id est locis a Iudea remotis habitant toto orbe dispersi, qui simili modo Ierosolimam ædificabunt varias partes IN TEMPLO DOMINI. Et ex hoc advenarum & donatorum affluxu, tamquam ex cæto, quod nunc do vobis, signo SCIETIS, me Zachariam non ex me hæc confinxisse, sed missum & inspiratum a Deo omnia prædixisse. Simulque ex eodem signo colligete poteritis, vera esse quæcumque Dei no-

mine vobis hucusque de Christo, deque Ecclesia per ipsum instauranda, bonisque omnibus per ipsum vobis olim obventuris prædixi, certissimoque complenda suo tempore, si tamen AUDITU AUDEBITIS VOCEM DOMINI, eiusque legibus obdieritis. Nam si rebelles ei evadatis, nolo falsitatis argui, si hæc sua meaque promissa revocet Deus: ita Theodoretus.

- (a) Proleg. sup. num. 12.
(b) Nahum 11. 3.
(c) Zach. 11. 6.
(d) Curtius l. 6. V.
(e) Chronici cap. xxxviii.
(f) Apoc. 8. Hieron. hic.
(g) Vers. 14.
(h) Ibid.
(i) Cap. v. 7.
(k) Gal. cix. 4.
(l) Psal. 11. 6. Lucæ 1. 32.
(m) Ephes. 5. 10.
(n) Hic vers. 3. 8.
(o) Galatin. Lib. ttt. cap. xiiii.
(p) Apoc. v. 12.
(q) Lucæ 1. 22.

GORDONI.

Vers. 1. HOC de quatuor his regnis ante Zachariam proposuit, & prophetavit Daniel cap. ii. 32. ut rem ibidem explicatam dedi: ad utrumque Prophetam in hac visione alludit visio Ioannis Apoc. cap. vi. de quatuor regnis post Christum futuris: per equos quatuor colore varios. Ceterum in hac visione Zacharie equi rursi designant imperium Assyriorum & Chaldaeorum: nigri Persarum, albi Græcorum, & varii Romanam monarchiam: egrediuntur e faucibus duorum montium, sed arcuorum. Sane Dei potentia robustissima, & providentia est unde egrediuntur, stant, & cadunt imperia.

V. 5. & 6. ISTI SUNT QUATUOR VENTI, &c. Daniel quoque cap. vii. 2. quatuor posuit ventos consensu inter se pugnantes: sic certatum est inter has monarchias: nota historia est. Iam vero equi nigri Persici vastarunt Babylonem, quæ est Iudæis ad Aquilonem: albi Græcorum occuparunt Babylonem & Persidem. Varii Romanorum ad Austrum pergent sub Augusto. Sane AEGYPTUS est australis terræ sanctæ, nec abstinerunt a Carthaginensibus AEGYPTO vicinis, & qui australis quoque sicut Romanis.

V. 8. ECCE QUI EGREDIUNTUR, &c. Hi egrediuntur e Perside contra Babylonem Iudæis aquilonarem; non tantum sub Cyro, sed etiam tempore huius Zachariæ sub Dario Hystaspis, iterum vastata Babylon est a Persis ob rebellionem: hi vero requiescere fecerunt spiritum meum; hoc est, satisfecerunt mihi irato Chaldeis; sic enim poenas dederunt iterum ob iniquitatem, & amphoram eo translatam, de qua supra.

V. 9. ET FACTUM EST, &c. Sume a transmigratione (abstractum pro concreto) hoc est ab his qui a transmigratione redierunt (hi sunt Holdai, Tobias, Isaias, & Sophonias. Sume, inquit, aurum & argentum, ut inde facias coronam imponendam capiti Pontificis Iesu. At cur ab his sumendum aurum? certe vel quia ditiores erant, vel quia missis putantur a Iudæis remanentibus in Babylone, ut deferrent munera auri & argenti oblata ad fabricam templi.

V. 12. LOQUERIS AD EUM, ECCE VIR ORIENS, &c. Vide supra cap. III. 8. ubi Christus vir oriens promittitur, & sicut ibi, ita etiam hic fit sermo ad Iesum Pontificem. Immo hoc loco imponi-


tur corona Pontifici, ut unctio & typus Christi. Et conveniunt Christo quæ insequantur: ipse enim ædificabit templum & Ecclesiam, dominabitur in folio suo, & consilium pacis erit inter duos hos magistratus, sacerdotalem & regalem. Nam Christus utrumque in se habebit; quasi diceretur, Quamvis dux hæc potestates sint in duobus, Zorobabele & Iesu Pontifice, tamen tunc erant in uno, & absque dissensionis periculo.

V. 14. ET CORONAE ERUNT, &c. Una erat sed magna satis corona, & assurgens triplici forma; dum una imponitur alteri instar tiaræ Romani Pontificis: erunt vero hæ coronæ memoriale offerentium. Quorum nomina coronis insculpta manebunt in templo Domini. Interim apparet hic satis nullam coronam dari Zorobabele. Sane Ioseph. Lib. XI. Antiq. cap. IV. scribit omnem potestatem laicam & sacram post reditum a captivitate pertinuisse ad summum Pontificem, & ita fuisse constare sub Machabæis. Verum nos in opere chronologico ad ann. 3445. notavimus ex aliorum sententias duces aliquos. Quid si tantum progressu temporis tota res devoluta est ad Pontifices.



CAPUT VII.

Ieiunia quibus Iudæi per 70. annos captivitatis ieiunaverunt, non placebant Domino, quia in iniquitatibus suis permanebant: proinde hortatur eos ad respicientiam; nam quia Prophetas olim non audierant dispersi eos Dominus in Gentes, terraque desolata facta est propter ipsorum iniquitates.

1.  T factum est in anno quarto Darii regis, factum est verbum Domini ad Zachariam, in quarta mensis nomi, qui est Casseu. 2. Et miserunt ad domum Dei, Sarasar, & Rogommelech, & viri qui erant cum eo, ad deprecandam faciem Domini: 3. ut dicerent sacerdotibus domus Domini exercituum, & Prophetis, loquentes: Numquid flendum est mihi in quinto mense, vel sanctificare me debeo, sicut iam feci multis annis? 4. Et factum est verbum Domini exercituum ad me, dicens: 5. Loquere ad omnem populum terræ, & ad sacerdotes, dicens: (a) Cum ieiunaretis, & plangeretis

in quinto & septimo per hos septuaginta annos: numquid ieiunium ieiunastis mihi? 6. & cum comedistis, & bibistis, numquid non vobis comedistis, & vobismetipsis bibistis? 7. Numquid non sunt verba, quæ locutus est Dominus in manu Prophetarum priorum, cum adhuc Ierusalem habitaretur, & esset opulenta, ipsa & urbes in circuitu eius, & ad Austrum, & in campestribus habitaretur? 8. Et factum est verbum Domini ad Zachariam, dicens: 9. Hæc ait Dominus exercituum, dicens: Iudicium verum iudicate, & misericordiam & miserationes facite, unusquisque cum fratre suo. 10. (b) Et viduam, & pupillum, & advenam, & pauperem nolite calumniari: & malum vir fratri suo non cogitet in corde suo. 11. Et noluerunt attendere, * & averterunt scapulam recedentem, & aures suas aggravaverunt non audierent. 12. Et cor suum posuerunt ut adamantem, ne audirent legem, & * verba quæ misit Dominus exercituum in spiritu suo per manum Prophetarum priorum: & facta est indignatio magna a Domino exercituum. 13. Et factum est * sicut locutus est, & non audierunt: sic clamabunt, & non exaudiam, dicit Dominus exercituum. 14. Et dispersi eos per omnia regna, quæ nesciunt: & terra desolata est ab eis, eo quod non esset transiens & revertens: & posuerunt terram desiderabilem in desertum.

1. Is. lxvii. 5. 2. Is. Exod. xii. 22. Is. i. 23. Jerem. v. 28.

B R U G E N S I S

ROMANÆ CORRECTIONES.

Vers. 11. Et averterunt scapulam recedentem.
Retinendus est accusativus singularis *recedentem*, non substituendus nominativus plu-

ralis recedentes.

Vers. 12. Verba quæ misit Dominus exercituum. Pro *Domino* non scribas *Deus*.

Vers. 13. Sicut locutus est, non audierunt.
Non repetas adverbium *sicut* ante *non*.

C O M M E N T A R I A

S A.

*Vers. 1. N*ONI, id est Novembris.

Vers. 2. ET MISERUNT; pro, *miserant* enim. SARASAR, &c. nomina Iudæorum qui remanserant in Babylonia.

V. 3. FLENDUM, id est ieiunandum. QUINTO, scilicet ieiunabant mense quinto quo urbs incensa; & septimo, quo interfectus Godolias, adeoque dispersi Iudæi qui sub eo erant. SANCTIFICARE. Chald. *abstinere a deliciis*.

V. 4. ET FACTUM EST, &c. Redit ad id quod dixerat supra.

V. 5. MIHI, id est quod mihi gratum esset. Vide Isa. xviii.

V. 6. VOBIS, scilicet & non ad Dei gloriam.

V. 7. IN MANU, id est opera seu ministerio; quasi dicat: Nonne sæpe vos monui, non esse mihi gratia vestra ieiunia, quod deesset eis meorum præceptorum observatio?

V. 9. VERUM. LXX. iustum. ET MISERICORDIAM, &c. Hæc geminatio significat, sæpe & multum misericordia utendum.

V. 10. CALUMNIARI. Chald. & LXX. *opprimere.* ET MALUM, &c. LXX. & *malitia quisque fratris sui ne memineritis in cordibus vestris*.

V. 11. AVERTERUNT SCAPULAM, id est terga verterunt. RECEDENTEM. Sic est Hebr. & Chald. quasi dicat, *Rebellem seu onus detrahentem.* LXX. *tergum commotum*.

semitens. AGGRAVAVERUNT, scilicet velut pondere aliquo obcurantur.

V. 12. SPERITU, scilicet fidem posuit in Prophetis. INDIGNATIO, scilicet quia illos punivit.

V. 13. LOCUTUS EST, scilicet se puni-
turum. DICIT; pro, dixit etiam tunc.

V. 14. NESCIENT, id est nesciebant antea. TERRA, scilicet Iudæa. DESOLATA, id est sola relicta. AB EIS, id est ob ipsum peccata, vel ipsi discedentibus. TRANSIENS ET REVERTENS, id est ultero citroque commens. DESIDERABILEM, id est optimam. DESERTUM. Chald. & LXX. *desolationem*.

E S T II.

Vers. 3. CUM IEIUNARETIS ET PLANGERETIS IN QUINTO ET SEPTIMO (mense) PER HOS SEPTUAGINTA ANNOS: NUMQUID IEIUNIUM IEIUNASTIS MIHI? Et similia habentur capite sequenti. Nec tamen illa eo sensu accipienda sunt, ad quem ea detorqueant hæretici nostri sæculi, quasi iis significetur Deum non placari ieiuniis, aut non exhiberi per eum cultum Deo gratum, aut non satisfieri pro peccatis, cum testetur Lucas cap. 11. Annam prophetissam ieiuniis servasse, scilicet Deo, id est cultum Deo exhibuisse. Id enim plane significat vox Græca ibi posita *λατρεύειν*. Sed scilicet corrigit propheta inutilem ieiunandi modum, immo superstitionem Iudæorum, exilissimantium ieiunio Deum placari, etiamsi a peccatis non abstinere. Propterea itaque ante omnia monet, ut opera iustitiæ & misericordiæ diligenter exerceant, ita demum futurum, ut Deo gratum & placabile sit eorum ieiunium; & sic videlicet causam ieiunii convertendam in occasionem gaudii, & festivæ solemnitatis. Deinde loquitur propheta non tam de ieiuniis lege præscriptis, quam a populo post eversionem civitatis voluntarie assumptis. Nam ieiunium quarti mensis servabant, quod eo mense capta esset civitas, quinti mensis, quod in eo templum exultum esset, septimi quod in eo Godolias occisus, decimi quod in eo Nabuchodonosor cepisset obsidere Ierusalem. Hæc ergo ieiunia promittit in gaudium convertenda; dum in tam felicem statum civitatem restituendam dicit, ut

prioris luctus memoria, quodammodo obliteretur.

M A R I A N A E.

Vers. 1. IN QUARTA, scilicet die. CALEU: mensis nonus, respondet Novembri. Tunc factum est verbum ad Zachariam occasione legationis, de qua mox.

V. 2. ET MISERUNT; pro, miserant, postquam miserunt. Hæc Prophetia extitit occasione eius legationis. Hebr. *misti*: sic Sept. & Chald. Quis misit, aut qui miserunt? mox dicitur. SARASAR, ET ROGOMMELECH. Nomen proprium viri. ET VIRI QUI ERANT CUM EO, scilicet *cum Sarasar*: sic Sept. Iuxta hanc versionem qui misere legationem, fuerunt Sarasar & socii. Chald. *misti viros eius*. Itaque populus misit, qui in Babylone manserat, scilicet misit, inquam, aut miserunt (perinde enim est) Sarasar & socios. AD DEPRECANDAM FACIEM DOMINI, id est orandum coram altari, quod iam erat extructum; & per orationem intellige etiam sacrificia quæ obulerunt.

V. 3. ET PROPHETIS DICERENT. Chald. & Scribis. Per Prophetas sane peritos legibus intelligit, aut vere Prophetas, quando Zacharias respondet: NUMQUID FLENDUM EST MIHI. Carmen lugubre intelligit, quod ut nos in funere concinebant. IN QUINTO MENSE. Is mensis est *Ab*, Iulio respondens. Eo mense die septimo capta est Ierusalem, IV. Reg. xxv. 8. ideo quorannis fletum Iudæi & ieiunium celebrabant. In Kalend. Hebr. nonus dies ieiunio designatur, fortassis eo die templum est incensum. VEL SANCTIFICARE ME DEBEO, id est ieiunare. Hebr. *separando me*, scilicet a cibis & voluptatibus, id est ieiunando. SICUT IAM FECI MULTIS ANNIS? toto scilicet captivitatis tempore, uti vers. 3. dicitur. Sed quoniam templum extruebatur, & tempus lætitiæ ostendebat, rogant an cessare debeant ab eo ritu, quem forte ex voto susceperant. Respondet Deus:

V. 5. IN QUINTO ET SEPTIMO, scilicet mense, ut supplet Chald. & Goth. De quinti mensis ieiunio dictum est. Septimi mensis, id est *Tisri*, tercio die ieiunium adnotat Kalend. Hebr. quod Godolias vocat, quia eo die occisus est Godolias, & Iudæi, qui post captam Ierusalem in Iu-

dra manserant, penitus dispersi sunt, uti IV. Reg. xxv. 25. dicitur. Ieiunastis mihi? id est propter me, in meum obsequium. In Hebr. additur *ego*, sed redundat, & ab Interpretibus omittitur. Aut supple. Ego præcepi? numquid ex meo præcepto id fecistis? Itaque ieiunium vestrum, neque comestio mihi placuit.

V. 6. VOBIS COMEDISTIS, id est ex vestro libito. Hebr. & Sept. *an non vos comeditis, & vos bibistis?* id est ex vestra voluntate, non me præcipiente.

V. 7. NUMQUID NON SUNT VERBA; scilicet talia sunt verba per antiquos Prophetas dicta, vestra ieiunia esse præpostera. IN MANU PROPHETARUM, id est per Prophetas priores. Id dixi de ieiuniis vestris, cum Ierusalem staret & quæta esset. IERUSALEM HABITARETUR, scilicet secure, sine metu. OPULENTA, seu quæta. ET AD AUSTRUM. Ad Austrum Ierusalem deserta sunt, ubi nullæ urbes munitæ, & tamen eo tempore secure ea loca habitabantur.

V. 9. HAEC AIT. Hebr. *Sic dixit Dominus*, scilicet per Prophetas priores. Repetit hic quæ illi dixerunt populo, ut similia in præsentem facerent. MISERICORDIAM ET MISERATIONES. *Misericordiam* in animo, *miserationes* in opere: Cyrillus. Aut geminato ad exaggerationem.

V. 10. NOLITE CALUMNIARI, seu *opprimere*. NON COGITET. Non solum opera prava prohibet, sed & cogitationes. Quale ieiunium Deus velit, Isaias describit cap. LVIII. vers. 6. iis quæ hic dicuntur similia.

V. 11. SCAPULAM RECEDENTEM. Sic Gotth. non *recedentes*, ut legunt Biblia Regia & Lovan. Hebr. & *dederrunt scapulam rebellem*, id est tergum Deo vertente, sicut qui loquentem deserit. Itaque noluerunt obedire quæ Deus præcepit.

V. 12. IN SPIRITU SUO, scilicet Prophetæ spiritu. Chald. *in verbo suo*. PER MANUM PROPHETARUM, id est per Prophetas. Ea non audierunt maiores vestri.

V. 13. ET FACTUM EST SICUT LOCUTUS EST, scilicet Deus per Prophetas. Deus est indignatus, non obediunt tamen. SIC CLAMABUNT; pro, itaque clamaverunt. ET NON EXAUDIAM; pro, non exaudivi. Loquitur de præterito tempore. Ideo futura pro præteritis sumuntur.

V. 14. ET DISPERSI EOS. Hebr. *dispergam ut turbo*, sed bene Hieronymus vertit in præteritum. Verbum Hebr. *דָּרַגְמָא* *Æfabatem* propter puncta videtur esse passivum & intransitivum; ideo D. Kimhi in Dictionario explicat, & *dispergam cum eis*. Quasi Deus captivitate suorum esset captivus: quo modo Isa. LXIII. vers. 9. iuxta Gotthicam lectionem dicitur de Deo, *In omni tribulatione eorum est tribulatus*. Loquitur humano more. ET TERRA DESOLATA EST AB EIS. Hebr. *post eos*, id est postquam iverunt in captivitatem. EO QUOD NON ESSET TRANSIENS. Hebr. *a transeunte & a revertente*, id est quod nemo versaretur in ea regione. ET POSUERUNT. Heb. *ponent*; sed pro *posuerunt*. TERRAM DESIDERABILEM, fertilem regionem, Iudææ scilicet. IN DESERTUM, seu in *desolationem*. Ita his verbis Zacharias monet Deum parum eorum Iudæorum, qui Babylone erant, ieiunium curare, sed pietatem animi in primis exigere, prout antiquis temporibus fecit.

MENOCHII.

Verf. 1. DARIUS: Hystaspis regis Persarum. MENIS NONI: qui respondet nostro Novembri, hic enim mensis est nonus a Nisan, sive Martio, qui primus erat anni apud Hebræos.

V. 2. MISERUNT, &c. id est miserant: qui miserunt videntur fuisse Iudæi in Iudæa, sed extra Ierusalem habitantes, quod indicare videtur responso Domini vers. 5. *Loquere ad omnem populum terra, &c. AD DOMUM DEI*, id est ad templum; hic enim erat locus orationis, æque ac oraculi, quo omnes Iudæi adire, & consulere solebant. SARASAR, &c. sunt nomina eorum, qui nuncios miserunt in Ierusalem. AD DEPRECANDAM FACIEM DOMINI: ut pro ipsis orarent, & quæstionis solutionem reportarent.

V. 3. NUMQUID FLENDUM EST MIHI, &c. cum iam templi fabrica crederetur, quærent an adhuc templi præteriti incendium flere debeant; an vero ob novi surgentis fabricam lætari, & exultare. Hæc est quæstionis summa, cui directè responder infra cap. VIII. 19. IN QUINTO MENSE: qui Hebræis *Ab* dicitur, cuius die decima templum combustum fuit a Chaldæis. VEL

SAN-

SANCTIFICARE. Hebr. *נִזְנֶז* *innazet*, id est *nazazare*, hoc est, agere nazarum, instar nazarorum abstinendo a vino, & deliciis, & ieiunando iuxta legem eis praescriptam, Num. 6. SICUT IAM PEGI MULTIS ANNIS: tempore captivitatis.

V. 5. NUMQUID IEIUNIUM IEIUNASTIS MIHI? id est quod mihi gratum esset. Vide Isaiam LVIII. 3. & deinceps. VOBIS COMEDISTIS: scilicet ad voluptatem vestram, non ad honorem meum. NUMQUID NON SUNT VERBA, &c. quasi dicat; Numquid hæc eadem verba, nimirum quod ieiunia vestra operibus bonis destituta, & malis inquinata mihi displiceant, olim vobis per prophetas locutus sum? vide Isaiam loco cit. & Ierem. XIV. 12. ET AD AUSTRUM, ET IN CAMPESTRIBUS, &c. cum tam pars illa Iudæ, quæ est ad Austrum, & est montana, quam planities habitatorum magna frequentia celebraretur.

V. 6. IUDICIUM VERUM IUDICATE. Si mihi placere vultis recte iudicate, nullo habito respectu personarum, nec corrumpendo iustitiam acceptione munerum. MISERICORDIAM, ET MISERATIONES FACITE. Hæc geminatio significat crebram, & omnis generis misericordiam faciendam esse. CUM FRATRE SUO: cum proximo suo.

V. 10. NOLITE CALUMNIARI: opprimere per potentiam, bona eorum usurpando. LXX. habent *καταδυναστεύετε*, id est per potentiam opprimere; impotenter, & tyrannice dominari. NON COGITET: non machinetur.

V. 11. AVERTERUNT SCAPULUM RECEDENTEM: averterunt scapulas, & recesserunt. Italice dicimus, *Mi voltarono le spalle*, id est reliquerunt me, nec parere voluerunt preceptis, aut consiliis meis. AURES SUAS AGGRAVAVERUNT. Scilicet, velut plumbo, aut alia huiusmodi densa, & gravi materia iniecta obturaverunt.

V. 12. UT ADAMANTEM: qui lapis durissimus est, ideoque a Grecis dictus est *ἀδάμας*, id est *indomabilis*. IN SRITU SUO: Per spiritum suum sanctum, quem dedit Prophetis. PER MANUM PROPHETARUM: Per ministerium Prophetarum. ET FACTA EST INDIGNATIO MAGNA, id est punivit eos atrociter per Chaldaeos.

V. 13. SICUT LOCUTUS EST: sicut fue-

rat minitatus se puniturum eos. SIC CLAMABUNT, ET NON EXAUDIAM: ut ego olim clamans ab iis auditus non sum; sic vicissim ipsis clamantibus non exaudiam.

V. 14. PER OMNIA REGNA QUAE NESCUNT: per Syriam, Aegyptum, Mesopotamiam, Persidem, Mediam, & alia regna prius illis ignota. TERRA DESOLATA EST AB EIS: id est, ipsis recedentibus, vel abductis in captivitatem, regio relicta est solitaria, & infrequens. TRANSIENS, ET REVERTENS, id est ultro citroque commens. Itale dicimus, *Non c'è chi vada avanti, e in dietro*. DESIDERABILEM: optimam, & omnis generis frugibus abundantem. IN DESERTUM: nam terra Iudæ habitatore caruit toto tempore captivitatis II. Paral. ultimo.

T I R I N I.

Vers. 2. SARASAR; Hebraice, *seretzer*, & 3. id est praefectum thesauri, seu quæsitorem: & ROGOMMELECH, id est ducem, seu officialem regis, miserant Iudæi Babylone adhuc degentes Ierosolymam ad DOMUM DEI, seu ad templum; primo, AD DEPRECANDAM FACIEM DOMINI, eundemque placandum sacrificiis publico nomine oblatis; secundo, ad inquirendum ex SACERDOTIBUS templi ET PROPHETIS; an, sicut durante captivitate Babylonica *steterant*, ieiunarent, *seque sanctificarent*, id est separarent a cibis & voluptatibus corporis; Hebraice, *nazazarent*, id est instar Nazarorum a abstinerant a vino ac deliciis, QUINTO MENSE *Ab*, die decima *b*, qua exultum fuerat templum a Chaldeis, deberent id continuare etiam nunc cum novum templum infansuratur? ita Rupertus, Lyranus, Vatablus & Arias. Pia sane laudataque consuetudine solebant Iudæi, cum maior aliqua publica clades incumberet, ieiunio & placare iratum Deum, ipso per Prophetas sic suadente *d*. Sed cum putarent, sufficere ad id ieiunium solum corporale a cibis, nec interim abstinerent a consuetis sceleribus, voluit Deus hac de re prius illos moneri per Zachariam, quam responderetur ad quæstionem de novo propoliata.

V. 5. CUM IEIUNARETIS mense QUINTO, ut iam dictum, item mense SEPTIMO, ob casum tunc *Goliam* & *speciem*

& spem populi reliqui in Iudæa; an ieiunando Ieiunastis mihi? mihi, inquam, placando vel demerendo? quasi dicat, Minime: nam si hoc vobis propositum fuisset, utique non a solis cibis corporalibus abstinuissetis, sed insuper etiam a peccatis, quibus sciebatis me graviter offendi ac lædi. Vobis ergo solis ieiunastis, nempe ut conceptio ex tantis eladibus dolori faceretis ex parte fati: sicut quando dies festos agit & epulamini, non ad melaudandum vel colendum, vel gratias agendum id facitis, sed solum ut genio vestro obsequamini.

V. 7. NUMQUID hæc de ieiunio spirituali a peccatis, iungendo corporali ieiunio a cibis, NON SUNT ILLA VERBA QUAE toties patribus vestris olim LOCUTUS sum per Isaiam, viii. Jeremiam xiv. 12. & alios Prophetas, stante adhuc & florente IERUSALEM? Et vero steriles hucusque si bene monenti obsequi voluissent: ita Theodoretus, Lyranus & alii interpretes.

V. 11. Sed AVERTERUNT a me SCAPULAM RECEDENTEM instar refractoriorum famulorum vel rebellium filiorum, faciem a me avertentes, & dorsum obvertentes, & sic proterve me fugientes ac spernentes.

V. 12. COR SUUM POSUERUNT (Chaldæus, *inculcraverunt*) UT ADAMANTEM, nullis scalpris, nullis malleis domabilem.

V. 13. Unde FACTUM EST illis a Chaldæis SICUT LOCUTUS & minatus fuerat Dominus. Sic CLAMABUNT. Est enallage temporis, pro *clamarunt*, seu est clamavit postea ad me pro poenis avertendis, nolui vicissim clamantes exaudire; sed traditos arbitrio Chaldæorum.

V. 14. DISPERSI iam in mancipia venditos PER OMNIA terrarum REGNA; propria illorum terra, id est Iudæa, ita AB eis DESOLATA, immo incolis etiam aliis destituta, ut comparatione h priorum temporum NON ESSET TRANSIENS quispiam aut REVERTENS per eam. Nam Chaldæi ser-

vam illam omnem, etsi ob amoenitatem & fertilitatem summe DESIDERABILEM; LXX. *elecliam*, POSUERUNT tamen IN DESERTUM, vel, ut alii vertunt, in *stuporem*, ut qui viderit terram prius lacte & melle manantem, iam incolis exhaustam, & rudentibus ac spinis cooperatam, stupeat, horreat, expavescat: ita Albertus & Hugo.

(a) Num. vii.

(b) Jerem. iiii. 12.

(c) I. Reg. vii. 6. & c. & II. Par. x. 1. Iudith.

iv. 8. Esther iv. 16. & I. Sider viii. 21.

(d) Ioc. v. 16. & I. Sider viii. 21.

(e) Jerem. xli. 2. & seqq.

(f) Ezech. iiii. 9.

(g) Proleg. de Idololatriâ Nabr. num. 44.

(h) IV. Reg. xxv. 12.

GORDONI.

Vers. 1. Darius Hystaspis est, qui Cyro annos tres tantum dant, colligunt hunc quartum annum Darii esse duodecimum a soluta captivitate, sed peccant in Cyri chronologia, uti suo loco ostensum est. At quæ est hæc domus Dei, nondum extructo templo? In Hebr. est *Bethel*, בֵּית אֱלֹהִים; idem nomen retinent Sepuag. recte vulgatus vertit *domum Dei*; missi enim sunt qui de re proposita interrogarent per Sacerdotes & Prophetas in Ierusalem, orantes ad altare, quod iam extructum erat; sed unde missi? an a populo Iudaico toto? ab his qui adhuc remanserant in Babylone? Scriptura hoc non explicat.

V. 5. LOQUERE, &c. Carpit Dominus pravum ieiunandi modum antea factum. Et designatur ingratum fuisse ieiunium illud Deo, utpote non coniunctum cum solida pietate & religione.

V. 8. ET FACTUM EST VERBUM DOMINI, &c. Iubetur ergo populus, ut vere ieiunet, abstinere ab iniustitia, calumniis, & omni iniquitate; propter hæc enim mala venit indignatio.



C A P U T VIII.

Sicut Dominus propter peccata populi sui affixit eum, & desolatam fecit Ierusalem; sic nunc facit illam plurimum habitari, omniaque dabit prospera, modo ei serviant: quibus adiungentur & alie gentes: de sim-bria Iudæi a decem viris ethnicis apprehensa.

1.  T factum est verbum Domini exercituum, dicens: 2. Hæc dicit Dominus exercituum: Zelatus sum Sion zelo magno, & indignatione magna zelatus sum eam. 3. Hæc dicit Dominus exercituum: Reversus sum ad Sion, & habitabo in medio Ierusalem: & vocabitur Ierusalem Civitas veritatis & Mons Domini exercituum mons sanctificatus. 4. Hæc dicit Dominus exercituum: Adhuc habitabunt senes & anus in plateis Ierusalem: * & viri baculus in manu eius præ multitudine dierum. 5. Et plateæ civitatis complebuntur infantibus & puellis, ludentibus in plateis eius. 6. Hæc dicit Dominus exercituum: Si videbitur difficile in oculis reliquiarum populi huius in diebus illis, numquid in oculis meis difficile erit, dicit Dominus exercituum? 7. Hæc dicit Dominus exercituum: Ecce ego salvabo populum meum de terra Orientis, & de terra Occasus solis. 8. Et adducam eos, & habitabunt in medio Ierusalem: & erunt mihi in populum, & ego ero eis in Deum, in veritate & in iustitia. 9. Hæc dicit Dominus exercituum: Confortentur manus vestræ, qui auditis in his diebus sermones istos per os Prophetarum, in die qua fundata est domus Domini exercituum, ut templum ædificaretur. 10. Siquidem ante dies illos merces hominum non erat, nec merces iumentorum erat; neque introeunti, neque exeunti erat pax præ tribulatione: & dimisi omnes homines, unumquemque contra proximum suum. 11. Nunc autem non iuxta dies priores ego faciam reliquiis populi huius, dicit Dominus exercituum, 12. semen pacis erit: vinea dabit fructum suum, & terra dabit germen suum, & cali dabunt rorem suum: & possidere faciam reliquias populi huius universa hæc. 13. Et erit: sicut eratis maledictio in Gentibus, domus Iuda, & domus Israel: sic salvabo vos, & eritis benedictio: nolite timere, confortentur manus vestræ. 14. Quia hæc dicit Dominus exercituum: Sicut cogitavi ut affligerem vos, cum ad iracundiam provocassent patres vestri me, dicit Dominus, 15. & non sum misertus: sic conversus cogitavi in diebus istis ut benefaciam domui Iuda, & Ierusalem: nolite timere. 16. Hæc sunt ergo verba, quæ facietis: (a) Loquimini veritatem unusquisque cum proximo suo: veritatem: & iudicium pacis iudicate in portis vestris. 17. Et unusquisque malum contra amicum suum ne cogitatis in cordibus vestris: & iuramentum mendax ne diligatis: omnia enim hæc sunt, quæ odi, dicit Dominus. 18. Et factum est verbum Domini exercituum ad me, dicens:

cens: 19. Hæc dicit Dominus exercituum: Ieiunium quarti, & ieiunium quinti, & ieiunium septimi, & ieiunium decimi erit domui Iuda in gaudium, & lætationem, & in sollemnitates præclaras: veritatem tantum, & pacem diligite. 20. Hæc dicit Dominus exercituum: Usquequo veniant populi, & habitent in civitatibus multis, 21. & vadant habitatores, unus ad alterum, dicentes: Eamus, & deprecemur faciem Domini, & queramus Dominum exercituum: vadam etiam ego. 22. Et venient populi multi, & Gentes robustæ, ad querendum Dominum exercituum in Ierusalem, & deprecandam faciem Domini. 23. Hæc dicit Dominus exercituum: In diebus illis, in quibus apprehendent decem homines ex omnibus linguis Gentium, & apprehendent fimbriam viri Iudæi, dicentes: Ibimus vobiscum: audivimus enim quoniam Deus vobiscum est.

(a) Ephes. iv. 25.

B R U G E N S I S

ROMANA CORRECTIO.

omittas nomen viri.

Vers. 4. Et viri baculus in manu eius. Non

C O M M E N T A R I A

S A.

Vers. 2. **Z**ELATUS, &c. quasi dicat: Zelotypia persecutus sum, eoque indignatus quod me tantopere se amantem deseruerit; vel, iratus eius hostibus. SION, id est Iudæos, seu Synagogam, quæ Ecclesiæ figura & pars. Cœpit enim Ecclesia a mundi principio, sed figura etiam fuit Ecclesiæ Christianæ.

V. 3. **REVERSUS SUM.** Chald. *revertar*, scilicet in gratiam recipiam. **IERUSALEM**, scilicet Christi Ecclesia. **VERITATIS**: I. Timoth. iii. vocatur *columna & firmamentum veritatis*; scilicet in ea vera est doctrina, & firmissima. **MONS**: etiam mons dicitur Ecclesia, ob altitudinem dogmatum, & firmitatem. **SANCTIFICATUS.** Hebr. & Chald. *sanctitatis*. LXX. *sanctus*, scilicet sancta Ecclesiæ doctrina & moribus; nec extra eam ulla est sanctitas, aut vera virtus.

V. 4. **SENES**, &c. quasi dicat: Diu vivent habitatores, scilicet sancti; quasi dicat: Per totam vitam studebunt sanctificari, vel nunquam deerunt in Ecclesia Magistri, qui prudentia & doctrina ceteros

regant; est autem in senibus prudentia. *Pe terra, cuius rex puer est.* **VIRT**, id est cuiusque, scilicet senum; quasi dicat, Erunt prudentissimi, ut solent grandævi. **BACULUS.** Chald. *opera recta*, scilicet quibus ætas sustentatur.

V. 5. **INFANTIBUS**, &c. quasi dicat: Erunt & in Ecclesia multi in Christo parvuli, seu recens baptizati, & hilariter viventes: quamquam & in Ierusalem, quæ tunc edificabatur, fuerunt ista ad litteram, sed in figura spiritualium.

V. 6. **RELIQUIARUM**, id est relictorum ex captivitate, in qua multi perierant. **ILLIS**, scilicet posse fieri. **IN OCULIS MEIS**, id est coram me.

V. 7. **ORIENTIS**, &c. per hæc duo, intellege etiam Aquilonem & Austrum; quasi dicat: De omnibus mundi partibus vocabo electos ad salutem. Vide similem phrasim Matth. viii.

V. 8. **IERUSALEM**, id est Ecclesiæ. **IN VERITATE ET IN IUSTITIA**; scilicet colent me vera fide, & rectis moribus.

V. 9. **PROMPTARUM**, scilicet Aggæi, & Zachariæ. **IN DIE. LXX. ex die.**

V. 10. **MERCEES**, id est laborum fructus.

E c 2

Tal-

TRIBULATIONE, id est hostium vicinorum persecutione. DIMIST, id est permisi scilicet insurgere.

V. 12. SEMEN PACIS, id est prosperitatis; quasi dicat, Provenient seminata fertiliter. GERMEN, id est fructum.

V. 13. MALEDICTIO, id est maledicti, scilicet vexati, vel male audientes. BENEDICTIO, id est benedicti, scilicet cum ad fidem Christi conversi eritis.

V. 15. MISERTUS, scilicet haecenus, ut beneficerem. CONVERSUS, scilicet ad misericordiam, qui secundum iustitiam feceram. COGITAVI. Loquitur more humano; alioquin Deus nihil de novo cogitat. DIEBUS ISTIS, potest coniungi cum sequentibus.

V. 16. VERBA, id est res, seu opera. PACIS. LXX. *pacificum & iustum*, scilicet quo pax alatur & iustitia, non discordia, aut iniquitas. PORTIS, scilicet urbium: ibi enim fiebant iudicia.

V. 17. AMICUM. Chald. & LXX. *proximum*.

V. 19. IEIUNUM. Redit ad id, de quo questum cap. vii. QUARTI. Id observant, quia eo mense rupi a Chaldeis muri Ierusalem. DECIME, scilicet ob obsequium eo mense urbem. Vide Ierem. xxxi. & lit. Ezech. xxiv. IV. Reg. ult. IN GAUDIUM; quasi dicat, Cessabit: atque ita respondetur questio. PRAECIARAS. Hebr. & LXX. *bonas*, id est laetas. Chald. *iucundas*. VERITATEM TANTUM; pro, veritatem modo, seu interim. Chald. *propter veritatem*. LXX. & *veritatem*; quasi dicat: Id praecipue a vobis requiro, ut veritati studeatis, & paci.

V. 20. USQUEQUO; pro, in tantum ut; quasi dicat: In tantum festa celebrabitis, ut veniant ad vos multi, &c. Chald. & LXX. *adhuc venient*, &c. VENIANT, scilicet tempore Evangelii.

V. 21. UNUS AD ALTERUM; pro, *mutuo civitatis ad alteram*, ut indicant Heb. DOMINI, scilicet Christi. VADAM, scilicet respondebit alter.

V. 22. ROBUSTAE. LXX. *multa*. Chald. *regna magna*. IERUSALEM, id est Ecclesia.

V. 23. ILLIS, scilicet haec accident, quae dixi. ET APPREHENDENT; pro, apprehendent inquam. FIMBRIAM, id est oram vestis. IUDAEI, scilicet spiritualis, id est Christiani.

E S T I I.

Vers. 1. HAEC DICIT DOMINUS EXERCITUUM: IEIUNIUM QUARTI, ET IEIUNIUM QUINTI, ET IEIUNIUM SEPTIMI, ET IEIUNIUM DECIMI ERIT DOMUI IUDA IN GAUDIUM ET LAETITIAM. Quid haec sibi velint, cap. praeced. utcumque explicatum est: qui tamen volent ipsum Hieron. adeat, late explicantem, quae ieiunia hic intelligantur. Nota tamen rationes ieiunii allatas ex calamitatibus, quae post Zachariae tempora acciderunt, ad praesentem locum non posse pertinere. Quarendum etiam, an omnia haec ieiunia fuerint humanae institutionis, an aliquod eorum etiam divinae, ut ieiunium septimi mensis.

M A R I A N A E.

Vers. 1. ET FACTUM EST VERBUM DOMINI, scilicet *ad me*, ut supplet Chald. & Goth. Quod est verbum? Dixit Deus;

V. 2. ZELATUS SUM. *Zelus* est amor, sed cum indignatione in alios.

V. 3. REVERSUS SUM. Discesseram offensus, nunc placatus revertar. Praeteritum pro futuro. CIVITAS VERITATIS vocabitur, in qua veritas scilicet & iustitia erit. MONS SANCTIFICATUS. Hebr. *mons sanctitatis*, id est sanctus vocabitur, in quo Deus colitur.

V. 4. ADHUC HABITABUNT SENES, id est adhuc veniet tempus, cum senes & aetate in ea urbe erunt. Signum pacis & hilaritatis, cum senes ad ultimam procedunt aetatem. ET VITI BACULUS, &c. Hebr. & *vir*, id est quisque *baculum suum* (habebit) *in manu sua*. Hoc est, senes ad eam aetatem pervenient, ut sine baculo ingredi non possint.

V. 5. COMPLEBUNTUR INFANTIBUS, multa proles generabitur. Praecipua felicitatis pars, cum prole augetur civitas.

V. 6. SI VIDEBITUR DIFFICILE. Hebr. *si eris mirum in oculis residui populi*, quod scilicet promitto. NUMQUID IN OCULIS MEIS ERIT? Hebr. *etiam* (pro, nunc etiam) *in oculis meis mirum eris?* id est difficile. Aven Ezra, sine interrogatione: *etiam*

etiam in oculis meis mirum erit. Si illis hoc videtur mirum, ego decrevi mira facere maiora quam ab ulla memoria.

V. 7. DE TERRA ORIENTIS. Per eas duas plagas, Ortus & Occasus, alias duas intelligit; quasi dicat, Undique salvabo populum meum, & convocabo.

V. 8. ET EGO ERO EIS IN DEUM, IN VERITATE. Osee II. vers. 20. *Desponsabo te mihi in veritate*, id est in fide: non te amplius deferam, aut expellam: in veritate & iustitia tuus Deus ero, tuus sponsus.

V. 9. IN DIE QUAE FUNDATA EST DOMUS: supple, qui estis in die, qua fundatur templum, confortamini. *UT TEMPLUM AEDIFICARETUR.* Hebr. (qua die crepit) *templum aedificari*, Hieronymus sententiam expressit.

V. 10. MERCES HOMINUM NON ERAT, ante hoc tempus nulli mercenarii, nullæ operæ; quia non erat hostium metu qui terram coleret: neque iumenta onera portabant. *NEQUE INTROEUNTI, NEQUE EXEUNTI ERAT PAX.* Non erat tuum versari his locis. *ET DIMISI OMNES HOMINES;* pro, immisi. Non solum externi hostes grassabantur, sed inter cives ipsos erant dissidia civilia; alii in alios irruerant.

V. 12. SED SEMEN PACIS NUNC ERIT: pacifice seminabit sine terrore, & semen uberes fructus feret; lætæ segetes erunt. *Pacis nomine copiam & ubertatem intelligit.* *ET TERRA DABIT GERMEN SUUM,* seu fructum, seu proventum. *ET CAELI DABUNT ROREM SUUM.* In Palestina pluviz sunt tæzæ, sic cæli rore egent: aut per rorem pluvias etiam intelligit. *ET POSSIDERE FACIAM,* scilicet hereditate, Chald. hæc bona quæ dixi.

V. 13. SICUT ERATIS MALEDICTIO. Quibus male imprecabantur, dicebant: *Sis Iudæis similis; quod illis, tibi comingat.* Deinde versa ratione, quibus bene precabantur, iis dicent: *Sis felix ut Iudæi: sic maledictio in benedictionem mutabitur.*

V. 15. ET NON SUM MISERTUS. Sept. & Chald. *non me paenituit;* id est, non mutavi, quod supplicium tunc decreveram contra patres vestros.

V. 16. HAEC SUNT ERGO VERBA; quasi dicat: Hac conditione & lege quæ dixi, vobis promitto, ut veritatem loquamini, nequinem decipiat, & quæ sequuntur.

ET IUDICIUM PACIS, id est rectum, sine fraude. *IN PORTIS VESTRIS.* Ad urbis portas erat forum & tribunalia. Ibi sunt iudicia recta.

V. 19. IEIUNIUM QUARTI, scilicet mensis. Hic respondet ad id quod quaesitum erat cap. VII. vers. 2. Quarto mense murus Ierusalem ruptus est, Ierem. LII. vers. 6. ideo Iudæi ieiunabant. In Kalend. Hebr. dicitur, ob tabulas legis fractas, & quia iuge sacrificium desit, idolo in templo collocato: Iosephus Lib. VI. de Bello, cap. VIII. *ET IEIUNIUM QUINTI.* De hoc ieiunio dictum est cap. VII. vers. 3. & de ieiunio septimi mensis, ibi vers. 5. *ET IEIUNIUM DECIMI,* scilicet mense Tevet, qui Ianuario respondet. Eo mense die decimo ieiunabant; quod eo die a Chaldæis Ierusalem fuit obfessa: Kalend. Heb. Ierem. LII. vers. 4. *ERIT DOMUI IUDÆ GAUDIUM.* Et ieiunia cessabunt, & in festos dies mutabuntur. *IN SOLLEMNITATES PRAECLARAS.* Hebr. *In sollemnitates bonas*, id est lætas, ea ieiunia mutabuntur. *VERITATEM TANTUM.* Hebr. *Quæ veritatem & pacem diligit.* Et pro dummodo, seu tantum, ut posuit Hieronymus. Ea lege id concedo.

V. 20. USQUEQUO VENIANT POPULI. Hebr. *adhuc*, seu deinde (veniet tempus, quo) *veniant populi.* *ET HABITENT.* Hebr. *Et habitatores magnarum urbium.* Quo venient? Ierusalem ad eas sollemnitates, quas dixit vers. 19. Quando? tempore Messiz: sic Hebræi, & Hebr. Schol. Tunc ad eum, & in Ecclesiam omnes Gentes confluent.

V. 21. ET VADANT HABITATORES, scilicet earum urbium. *UNUS AD ALTERUM:* sic codices omnes Vulgatz, & Hieronymus in Comment. Hebr. *unius ad unam*, id est alteram: se mutuo cives urbium multarum inter se salii alios provocabant ad eundem. *QUAERAMUS,* id est consulamus, petamus a Deo responsa. *VADAM ETIAM EGO.* Qui alios hortatur ad eundem, dicit, Ego etiam ibo, meum exemplum sequimini.

V. 22. GENTES ROBUSTAE, id est Gentes magnis opibus, potentia & imperio, venient ad quaerendum Dominum, se Christo subiicient.

V. 23. IN DIEBUS ILLIS: scilicet continget quæ dico illis diebus, quibus *DUCEM HOMINES,* id est multi, Iudæo uni

se comites adiungunt : cum ex fama & multorum dictis cognoscant , Deum cum Iudæis esse , illis profecto favere , illos tueri .

M E N O C H I I .

Verf. 2. **Z**ELATUS SUM ; quasi dicat : Zelotypia profectus sum , eoque indignatus quod me tantopere se amantem deseruerit synagoga . Verum quia ipsa malis vexata resipuit , iam zelum , cupiditatemque vindictæ contra illius hostes convertam .

V. 3. **R**EVERSUS SUM AD SION ; id est , placatus sum Ierusalem , & genti Iudæorum , habitabo in ea , non eam deferam : Ecclesiæ meæ semper adero . **CIVITAS VERITATIS** : civitas fidelis Deo suo . Talis est Ecclesia , quæ etiam est civitas veritatis , quia in ea traditur veritas de credendis , & agentis , nulla falsitate adulterata . *D. Paulus I ad Tim. iii* vocat Ecclesiam columnam , & firmamentum veritatis . **MONS DOMINI EXERCITUUM** . Mons hic est Sion , & Moria in quo ædificatum est templum , qui fuit typus Ecclesiæ , quæ est mons Domini , in quo solo salvi sunt homines , *Genes. xix. 17. In monte silivum te fac.* Ex hoc monte propius caelestia contemplamur , & in eo est altitudo , & firmitas doctrinæ . **MONS SANCTIFICATUS** : sacrificio Abrahæ , *Genes. xxii. 14.* Crucifixione Christi , nam Calvarie mons est pars , sive iugum quoddam montis Moria ; templo Salomonis , quod in eodem monte excitatum fuerat : Prædicatione Christi , qui in eodem cepit congregare , docere , & instituere Ecclesiam suam , quæ est etiam ipse mons sanctificatus a Christo suis meritis , doctrina , gratia , sacramentis , &c.

V. 4. **A**DHUC HABITABUNT SENES . Significat Ierusalem fore pacatam , & felicem , ita ut abundet civibus omnis ætatis , & sexus , pueris , & puellis ludentibus in plateis , civibusque longævis . Id ita contingisse patet II. Machab. iii. 1. sensu sublimiori significatur Ecclesiæ , & fidelium pax , multitudo , & longævitæ .

V. 5. **S**I VIDERITUR DIFFICILE , &c. id est , si iis , qui reliqui sunt ab exilio , & captivitate hoc difficile videtur , saliantur , nam potentie meæ facillimum est .

V. 7. **D**E TERRA ORIENTIS , &c. Per

hæc duo intellige etiam Aquilonem , & Austrum ; quasi dicat , Quocumque Iudæi fuerint dispersi per captivitatem Babylonicam , inde salvabo eos , & reducam in Ierusalem : significatur gentium omnium ex omnibus mundi plagis concursus ad Christum , & Ecclesiam . **IN VERITATE ET IUSTITIA** : vere , & fideliter præstans eis curam , custodiam , pacem , & prosperitatem , quam promisi ; vicissim vero ab iis colar fideliter , constanter , & sancte .

V. 9. **C**ONFORTENTUR MANUS NOSTRÆ , &c. qui nunc hæc auditis ex Aggæo , & Zacharia , prosequimini quod cepistis , ut sitis Deo obsequentes , templi fabricam promoveatis , & a peccatis abstinatis . Quæmadmodum enim antequam inciperetis templum ædificare , adversæ vobis erant res , iam vero post inchoatam fabricam prosperæ sunt ; ita si pietatem colatis , non desulam vos magna bonorum copia , quæ polliceos afficere . **IN DIE QUÆ FUNDATA EST . LXX.** *Ex quo die fundata est , &c.*

V. 10. **M**ERCES HOMINUM NON ERAT ; id est , labor omnis veller , & iumentorum vestrorum , sive in agricultura , sive in agricultura , sive in mercimoniis , atque aliis operibus irritus erat , & inanis , nullamque ex eo mercedem aut fructum perciperetis . **N**E INTROEUNTI , &c. cum enim introire , aut ex urbe prodire volebatis , armis , & insidiis externorum premebamini . **T**RIBULATIONE : hostium circumsectorum , qui vos affligebant . **D**IMITTE HOMINES ; quasi dicat : Permissi non solum foris prælia , quibus ab externis vexabamini , sed etiam seditiones intus , unoquoque contra proximum suum insurgente .

V. 11. **N**UNC AUTEM : cum domus meæ fabricam curæ , & cordi habetis . **L**UXA DIES PRIORES : longe aliter me geram , quam olim gesserim .

V. 12. **S**EMEN PACIS ERIT , id est , speritatis ; quasi dicat , Sata læta erunt , & uberem frugum suarum proventum afferent . **G**ERMEN SUUM : fructum suum , ex illa germinantem . **C**AELI DABUNT ROREM SUUM : apte hoc promittitur , nam in Iudæa propter raritatem pluviarum , magna est roris utilitas , & necessitas .

V. 13. **S**ICUT ERATIS MALEDICTIO : quæmadmodum omnes gentes prius vos execrabantur ; ita & conversio nunc laudabunt , & magnificabunt .

V. 15. SIC CONVERSUS, &c. more humano loquitur, quia conversi estis ad me, decrevi multis bonis vos afficere, modo legem meam servetis.

V. 26. VERBA: res, & opera. IUDICIUM PACIS, id est pacificum, de quo nemo merito conqueri possit. IN PORTIS VESTRIS: in curiis, & prætorii vestris. Notum est Hebræos in portis civitatum prætoria habuisse, & ibi iudicia exereuisse.

V. 19. IEIUNIUM QUARTI: respondet questioni de ieiuniis a Iudæis propositæ capite superiori num. 1. Quod dicitur *quarti*, subintellige mensis. Quarius ergo mensis, qui respondebat partim Iulio, dicebatur ab illis *Tammuz*, & huius mensis die nona ieiunabant, eo quod illo die fractus esset murus civitatis Ierusalem in obsidione Chaldæorum, ut patet Ieremia LII. 6. IEIUNIUM QUINTI. Quintus mensis dicebatur *Ab*, qui respondet partim Iulio, partim Augusto. Huius diei decima ieiunabant Iudæi, quod illa die conbultum esset templum a Chaldæis, Ierem. LIII. 12. IEIUNIUM SEPTIMI. Septimus mensis vocabatur *Tisri*, qui partim Septembri, partim Octobri respondet. Huius die tertia ieiunabant, quod illa die Godolias occisus esset ab Ismaele, Ierem. XLII. 2. IEIUNIUM DECIMI: Decimus mensis appellabatur *Tebet*, qui partim Decembri, partim Ianuario respondet. Huius decimo die ieiunabant, quod eo die obsideri coepa sit Ierusalem a Chaldæis: IV. Reg. XXV. 1. ERIT DOMUI IUDA IN GAUDIUM, &c. non solum omitti possunt hæc ieiunia, sed vertenda sunt IN SOLEMNITATES PRÆCLARAS, in quibus ieiunandum non est, sed dies festus hilariter agtandus. VERITATEM TANTUM, ET PACEM DILIGITE; quasi dicat: Id præcipue a vobis requiro, ut veritati studeatis, & paci.

V. 20. USQUEQUO, &c. Hæc verba pendunt a præcedentibus; quasi dicat, Necessitas ieiuniorum convenerit in lætas solemnitates, usquequo, id est adeo, vel in tantum, ut populi eorum fama selecti veniant, & confluant, ut iis interire, & se oblectent.

V. 21. UT VADANT HABITATORES, &c. Chaldæus sic habet: *Et ibunt unus incolæ cum alterius urbis habitatoribus, dicentes: Euntes eamus oratum faciem Domini. VADAM ETIAM ECO.* Est vox unius civitatis,

& populi, vel hominis ad alterum dicentis. Ego etiam vobiscum venire volo. APPREHENDENT DECEM HOMINES, &c. quasi dicat, Plurimi ex omnibus gentibus fient proselyti, & sacra Iudæorum suscipiant. Verius hoc factum est in Christi Ecclesia, ad quam gentes innumeræ confluxerunt. FIMBRIAM: oram vestis.

TIRINI.

Vers. 1. SION, id est Synagogam Iudæorum sponfam meam, sed fugitivam, sed adulteram, ZELATUS sum ZELO ET INDIGNATIONE MAGNA: quod me sponsum suum tam sui amantem tam sece dereliquerit, & ad idola conflugerit. Unde & coactus sum tradere illam Chaldæis puniendam, inquit Theodoret. Remigius, Haymo, Lyranus & Vatablus. Sed illa iam respiciente,

V. 3. REVERSUS SUM AD illam eodem quo antea amore & affectu, supplicemque recepi in gratiam & in thorum meum: ET HABITABO deinceps cum illa, ut cum electa sponfa mea, IN URBE IERUSALEM, quæ est CIVITAS VERITATIS; Hebræice, *emeth*, id est stabilitatis, constantiæ, fidelitatis, quæ non amplius ad idola & falsos deos deflectet, sed fidem mihi sponso suo iam datam perpetuo deinceps conservatura est. Et vero post reditum e Babylonia numquam amplius ad idola deflectit. En typum Ecclesiæ Christi, quæ columna a est & firmamentum veritatis. Est eadem MONS & etiam DOMINI EXERCITUUM; Syrus & Arabicus, *mons Domini fortis*, utpote quem stipant tot exercitus angelici. Est & MONS SANCTIFICATUS. Primo, sacrificio Isaac, eiusque antiptipi Messie, istuc immolati e. Secundo, templo illic erecto, in quo tot sacrificiis, votis, hymnis, precibus, psalmis quotidie colebatur Deus. Terio, doctrina, miraculis, sanguine Christi, & institutis ibi Sacramentis, inchoata Ecclesia, effusus Spiritus sancti donis, præ omnibus terræ locis sanctificatus: ita S. Hieronymus & alii iam citati.

V. 7. ECCE DE TERRA ORIENTIS ET OCCASUS SOLIS, subaudi, & e Meridie ac Septentrione, SALVABO, dispersum POPULUM MEUM, & reducam Ierusalem. Neque enim hæserant captivi omnes in Babylonia, sed inde distracti atque in man-

cipia

capia dividendi fuerant per universum orbem: multi etiam ante excisam per Chaldaeos Iudam, inde profugerant *e* ad Ammonitas, Moabitas, Idumaeos, Syros & Aegyptios; qui insaurato rursus templo & urbe Ierosolyma, proculdubio redierunt in patriam: Allegorice, Gentiles in Christi Ecclesiam, ut ait Isaias *f*, immo ipsemet Christus *g*.

V. 8. ERUNT MIHI IN POPULUM, IN VERITATE ET IUSTITIA; id est, fideliter & iuste colent me ut Dominum & Deum suum: ET EGO vicissim fideliter ac iuste ERO EIS IN DEUM, tutando, promovendo, ditando illos, ut promisi: ita Vatablus, Arias & a Lapide.

V. 9. CONFORTENTUR MANUS VESTRAE. Ad inchoatam iussu Aggaei & Zachariae Prophetarum fabricam templi strenue proseguendam & perficiendam. Ad quod sanctum opus vos etiam excitimulet caelestis benedictio vobis hoc nomine a Deo concessa.

V. 10. SIQUIDEM ANTE DIES ILLOS cum fabrica iaceret adhuc neglecta, NON ERAT MERCES *b*, id est fructus aut lucrum operis, seu HOMINUM, seu TUMENTORUM: tam enim agri, villae, prata, vineae, quam iumenta, post omnem culturam & saginam manebant sterilia, inquit Cyrillus. NEQUE ERAT PAX Samaritis, Moabitis, aliisque vicinis hostibus undique vos infestantibus. Sed & domi, permisso meo, seditiones erant, unoquoque CONTRA PROXIMUM suum insurgente, rixante, pugnante, inquit idem Cyrillus & S. Hieronymus.

V. 12. NUNC AUTEM, cum domus mea fabrica cordi vobis & curae esset,

V. 12. SEMEN PACIS ERIT VOBIS; id est, semen fecundum, fruges copiosas & fructus uberes proferet, quales solent proferri tempore plenae pacis, quando libere coluntur agri, nec est hostis quisementem impediatur, vel messiem avehat, inquit Vatablus & a Castro. Addit S. Cyprianus, *habenti Deum nihil defuturum, si ipse non desit Deo*. Et etiam Cicero felicitatem, imperium, triumphos omnes Romanorum adscribit eorumdem religioni (ut ipse vocat) ac pietati.

V. 13. SICUT ERATIS MALEDICTIO, id est exemplum, parabola, formula maledictionis, quam exteri usurpabant cum vellent alicui maledicere, dicentes, Sis

maledictus ut sunt Iudei, vel ut sunt Israelitae; ita nunc faciam ut converso sitis omnibus exemplum & formula benedictionis: ita Vatablus. Meminit autem hic Israelitarum perinde ac Iudaeorum, quia plurimi Israelitarum, avitae fidei ac religionis sectatores transferant ad tribum Iuda, & illi inserti erant, ut alibi *k* dixi.

V. 16. IN PORTIS, id est in curiis, in tribunalibus VESTRIS, quae sunt in portis urbium vestrarum, IUDICATE VERITATEM ET IUDICIUM PACIS, id est verum, iustum & pacificum iudicium, ut vertunt LXX. & Chaldaeus.

V. 19. IETUNIUM, de quo cap. praecedenti quaerebatur, nolo vos amplius obliget, sed ERIT *denique* DOMUS IUDA IN GAUDIUM ET SOLEMNITATES PRAECIARAS: quibus festo latoque convivio vos mutuo recreabitis, & hilares ageitis dies, menses & annos.

Nota. Non omnia mensium quorum hic meminit ieiunia relaxat Deus, sed ea solummodo quae occasione ultimi exidii instituta fuerant, quae iubet in hilares dies & epulas commutari. Abolet ergo mense quarto *Tammuz*, qui fere Junio nostro respondet, ieiunium diei nonae, ob perfactum *l* ea die murum Ierosolymae per Chaldaeos: non abolet ieiunium diei 17. ob extortos ab Aarone vitulos *m* aureos. Quinto mense *Ab* remittit ieiunium diei decimae, ob exustum *n* ea die templum & urbem: non remittit ieiunium primae diei, qua mortuus fuit Aaron *o*: neque nonae, qua muturantes occasione exploratorum *p* repulsi olim fuerant ab ingressu terrae sanctae. Septimo mense *Tisri* relaxat ieiunium tertiae diei, ob casum tunc Godoliam *q*: non relaxat ieiunium decimae diei in expiationem *r* publicam olim institutum a Deo. Mense decimo *Thebeth* solvit ieiunium decimae diei, qua cepit *s* obsideri Ierosolyma a Nabuchodonosore. Sed eodem mense die octava ducentis post annis decretum novum ieiunium, ob legem ex Hebraea in Graecam linguam per 72. interpretes translaram tempore Ptolemaei & Philadelphi: ita ex Calendario Hebraeorum Genebrardus *u*. Porro ad huius tam antiquae abstinentiae & pietatis imitationem docent S. Leo & Calixtus Papa *x* institutum in Ecclesia Christi, iam inde ab illius initio ieiunium quatuor fere

eorundem temporum anni, quasi gratissimam Deo præparationem ad præcipuos anni solemnitates mox subsequeutes. Extendent autem se festiuitates vestræ & gaudia publica

V. 20. USQUEQUO, seu usque eo, ut VENIANT illecti fama illa & rumore, POPULI undique, etiam e longinquo, ut iisdem sese oblectent & pascant, inquit S. Hieronymus.

V. 23. IN DIEBUS ILLIS fient hæc iam dicta, IN QUIBUS DECEM y, id est plurimi, HOMINES EX OMNIBUS LINGUIS & nationibus, APPREHENDENT FIMBRIAM VIRI IUDÆI inter ipsos commorantis, ut bona illius pace possint una cum ipso statim festis ascendere Ierosolymam, eundemque ibi Deum colere & sacrificiis honorare. Loquitur de profelytis magno numero ad iudaismum conuersis sub Esthere, Esdra, Machabæis & sed præcipue de Gentilibus per Apostolos & discipulos Christi ad Ecclesiam conuersis, inquit S. Hieronymus, Cyrillus, Remigius, & alii passim.

- (a) I. ad Timoth. III. 15. & Matth. XVI. 16.
 (b) Isaiæ II. 3.
 (c) Gen. XXII. 14.
 (d) Zachar. 7. 14.
 (e) Isaiæ XVI. 4.
 (f) Isaiæ XLIX. 14. & XVI. 29.
 (g) Matth. VIII. 11. 14. 31.
 (h) Aggæ I. 6.
 (i) Jerem. XXIV. 9. & Ezech. XIV. 8.
 (k) Osee I. 6.
 (l) Jerem. III. 6.
 (m) Exodi XXXII. 2.
 (n) Jerem. III. 12.
 (o) Num. XX. 28.
 (p) Num. XXXI. & 14.

- (q) Jerem. XII. 2.
 (r) Levit. XXIII. 27.
 (s) IV. Reg. ult. 11.
 (t) Chron. cap. XXXIX.
 (u) Genes. ante Comment. in Psalmos.
 (x) Leo Serm. VII. de ieiunio 7. mensis & Ser. IV. & VI. de ieiunio 10. mensis. Calixt. ep. ad Benedictum.
 (y) Levit. XXVI. 26.
 (z) Ethet. VIII. 17. III. Esdr. v. 30. Abdiæ XVIII.

GORDONI.

Verf. 2. **P**ropheta usque ad verf. 18. occasione sumpta ex ieiunio in dicto ob præterita mala hortatur suos, ne iterum redeant ad priora peccata, a quibus si abstinerint, omnia promittit prospera.

V. 19. HÆC DICIT DOMINUS, &c. Soluitur quæstio proposita cap. VII. ut advertit Hieronymus: mensis hic recensiti sunt anni sacri, qui incipiunt a Nisan, quibus dixi in chrono. qq. cap. XVII. erant hæc quatuor ieiunia, ob mala quæ obvenerunt tempore excidii, commutantur in solemnitates. Ceterum quæ alias ob causas erant instituta ieiunia his mensibus, & præsertim a Deo olim præscripta, hic non revocantur. Horum meminit Genebr. in Calend. Hebræorum quod præfixit libro Psalmorum.

V. 22. ET VENIENT POPULI MULTI, &c. Hæc de adventu nationum in Ierusalem, & gentium ad populum Dei, nunc quidem inchoata sunt: sed longe illustrius completa sub Christo crescente Ecclesia in vocatione gentium.



C A P U T IX.

Vaticinatur adversus civitates Syria, & superbos Philisthaeos: rex Christus venturus est ad Sion insidens pullo asini, & ablato bello imperabit mundo in magna pace, qui etiam emisit vinctos de lacu in sanguine testamenti sui: omnia dicuntur futura populo Dei prospera, quoniam ipse eum proteget.

1.  Nus verbi Domini in terra Hadrach, & Damasci requiei eius: quia Domini est oculus hominis, & omnium tribuum Israel. 2. Emath quoque in terminis, & Tyrus, & Sidon: assumpserunt quippe sibi sapientiam valde. 3. Et edificavit Tyrus munitionem suam, & coacervavit argentum quasi humum, & aurum ut lutum platearum. 4. Ecce Dominus possidebit eam, & percutiet in mari fortitudinem eius, & hæc igni devorabitur. 5. Videbit Afcalon, & timebit; & Gaza, & dolebit nimis; & Accaron, quoniam confusa est spes eius: & peribit rex de Gaza, & Afcalon non habitabitur. 6. Et sedebit separator in Azoto, & disperdam superbiam Philistinorum. 7. Et auferam sanguinem eius de ore eius, & abominaciones eius de medio dentium eius, & relinquetur etiam ipse Deo nostro, & erit quasi dux in Iuda, & Accaron quasi Iebuseus. 8. Et circumdabo domum meam ex his, qui militant mihi euntes & revertentes, & non transibit super eos ultra exactor: quia nunc vidi in oculis meis. 9. (a) Exulta fatis filia Sion, iubila filia Ierusalem: ECCE REX TUUS VENIET TIBI IUSTUS, & salvator: ipse pauper, * & ascendens super asinam, & super pullum filium asinæ. 10. * Et disperdam quadrigam ex Ephraim, & equum de Ierusalem, & dissipabitur arcus belli: & loquetur pacem Gentibus, & potestas eius a mari usque ad mare, & a fluminibus usque ad fines terræ. 11. Tu quoque in sanguine testamenti tui emisisti vinctos tuos de lacu, in quo non est aqua. 12. Convertimini ad munitionem vincti spei, hodie quoque annuntians duplicia reddam tibi. 13. Quoniam extendi mihi Iudam quasi arcum, implevi Ephraim: & suscitabo filios tuos Sion super filios tuos Græcia: & ponam te quasi gladium fortium. 14. Et Dominus Deus super eos videbitur; & exibit ut fulgur, iaculum eius: & Dominus Deus in tuba canet, & vadet in turbine Austri. 15. Dominus exercituum proteget eos: & devorabunt, & subiicient lapidibus fundæ: & bibentes inebriabuntur quasi a vino, & replebuntur ut phialæ, & quasi cornua altaris. 16. Et salvabit eos Dominus Deus eorum in die illa, ut gregem populi sui: quia lapides sancti elevabuntur super terram eius. 17. Quid enim bonum eius est, & quid pulchrum eius, nisi frumentum electorum, & vinum germinans virgines.

(a) Isai. lxix. 16. Matth. xxv. 5.

ROMANAE CORRECTIONES.

Verf. 9. Et ascendens super asinam. Correftores prætulert femininum *asinam* mafculino *asinum*. Lege Notationes.

Verf. 10. Et difperdam quadrigam ex Ephraim. Cave legas *difpergam* a *ifpargo*, pro *difperdam*, quod eft, *deftituiam*, a *perdo*.

NOTATIO.

Verf. 9. I Pse pauper & ascendens super Asinum, & super pullum filium asinae. Multi codices legunt *Ascendens super asinam* feminino genere: quibus B. Hieronymi textus adftipulatur, ac commentarius factis convenit: „Et ascendens habet super asinam subingalem, five super pullum novum, utrumque videlicet populum, circumcifionis, & præputii.“ Porro quatuor Parifienfium, & quinque noftre lectiffima manu fcripta Ge. o. p. Di. l. o. Brug. Lob. Leod. O. E. cum tribus aliis vulgaribus, in fuper antiqui Epanorthotæ libri fcribunt: *Ascendens super Asinum*. Hebræa vox חסר quæ Chaldaice eadem eft חסר *asinum* plerumque fignificat. *Asina* חסר dicitur, quæ vox eft in

fine huius verfculi, ubi dicitur *filium asinae*. Græci ex חסר hic ὑποζυγιον fubingale tran-

ftulerunt, id quod & afinum & asinam admittit. Caftigatores Hentenius, & Parifienfes *asinum* textu donarunt; quibus fuffragatur Epanorthotes. „Item d. Ascendens super Asinum & super pullum. Hebræus, & antequi habent afinum. Require Iudicum v. 10. & I. Paralip. xxvii. 30., ubi *ladias* dicitur eſſe ſuper afinos regis; Hebræus habet ſuper afinas; quia aliquando pro utroque ſexu accipitur afinus etiam in vulgari.“ Quibus verbis id inſuper docere videtur, tametiſi legatur *Ascendens super asinum*, afinum poſſe intelligi, quemadmodum illis in locis quibus *afinae* legitur, quavis in Hebræo diſerte ſit afinae, אפרות.

Euthymius Matthæi enarrans evangelium eundem intelligit afinum, quem pullum filium afinae; ita ut ſenſus ſit: Ascendens ſuper afinum, qui ætate pulvis eſt. Cui ſenſui multum vult iſta D. Ioannis citatio: cap. xii. 15. *Sedens super pullum asinae*. Matthæi xxi. 5. ubi hæc prophetia etiam citatur: Latine legitur *asinum*, narraturque cum pullo afinam fuiſſe adductam: cuius loci occaſione poſſit hic *asinum* cum *afinam* eſſe mutatum.

COMMENTARIA

S A.

Verf. 1. O Nus, id eſt Prophetia triftis mundo, qui Evangelio reſiſt, ſed ſuperabitur tandem. HADRACH. Locus eſt prope Damafcum; per quæ duo, Mundi urbes ſignificantur. REQUIESCIT EIUS, ſcilicet Domini; quaſi dicat: Requieſcet in Gentibus ad fidem converſis. LXX. *ſacrificium eius*, ſcilicet erit; quaſi dicat: Chriſto ſacrificabitur a Gentilibus converſis. OCULIS, id eſt intuitus. HOMINIS, &c. quaſi dicat: Reſpicit Deus omnes homines, & non ſolum Iſraelitas: *An Iudeorum Deus tantum?* LXX. *quia Dominus reſpicit homines*. Chald. *quia videt Dominus opera hominum*.

V. 2. EMATH, ſcilicet Antiochia. *Erus*, ſcilicet requiei Domini, vel Eccleſiæ; quaſi dicat: Et ipſa Emath conver-

tetur ad fidem per has urbes Gentilium, reliquæ etiam intelliguntur. SAPIENTIAM, ſcilicet fidei, ſeu Eccleſiæ.

V. 3. ET AEDIFICAVIT, &c. quaſi dicat: Quamvis munitiſſima ſit, & diſtiſſima, tamen a Chriſto expugnabitur, nec poterit Evangelio reſiſtere: idemque de aliis civitatibus intelligendum. HUMUM. Chald. & LXX. *pulverem*.

V. 4. IN MARI, ſcilicet erat in mari ſita. HAEC, Hebr. Chald. & LXX. *ipſa*. IGNI, ſcilicet verbi Dei. DEVORABITUR, ſcilicet deſtruſtis erroribus & vitis.

V. 5. ASCALON, &c. id eſt qui in Gentibus oderant Evangelium. SPES, ſcilicet qua ſe putabat poſſe reſiſtere. REX; pro, Regum, vel diabolus; quaſi dicat, Chriſtus ſolus in ea regnabit. HABITABITUR, ſcilicet ab infidelibus.

V. 6. SEPARATOR, ſcilicet Chriſtus, qui

segregat oves ab hœdis, vel quicumque se separavit, scilicet ab infidelibus ad fidem conversus. LXX. *alienigna*, scilicet alienus ante a fide. SUPERBIAM, per quam etiam alia vitia intelliguntur.

V. 7. SANGUINEM, id est peccata, præfertim blasphemiam. EIUS. LXX. *corum*. ABOMINATIONES: repetitio, vel significatur idololatria. DENTUM, id est oris; quasi dicat, Ut ne de eis quidem loquatur amplius. RELINQUETUR, &c. quasi dicat: Erit in numero reliquiarum, quæ salvantur a Domino. DEO NOSTRO. Chald. *adiectus populo Dei nostri*. QUASI DUX; quasi dicat, Honoratus, & in pietio. IEBUSÆUS, id est habitator vetus Ierusalem; quasi dicat, Sicut illi, qui semper fuerunt in Ecclesia.

V. 8. CIRCUMDABO, id est muniam. DOMUM, id est Ecclesiam. EUNTES, &c. quasi dicat, Discurrentes huc illuc pro salute animarum. EXACTOR, scilicet tributarius. Chald. *Tyrannus*, scilicet diabolus. VI. DI, scilicet respecti oculis misericordiz populum meum, ut ei beneficiam.

V. 9. SATIS, id est valde. FILIA. Chald. *catus*, scilicet fidelium congregatio. FILIA IERUSALEM: repetitio. REX, scilicet Christus. TIBI, id est ad salutem tuam. IUSTUS, scilicet & te iustificans. Vide Roman. III. PAUPER. Chald. & LXX. *mansuetus*; & sic citatur Matth. XXI. ET SUPER PULLUM. Hinc apparet, super utrumque sedisse Christum. Intelliguntur vero per *asinam*, seu *subiugalem*, ut vertunt LXX. Iudæi, qui sub iugo Legis; per *pullum* Gentiles. Utroque sibi Christus subiecit per fidem, &c.

V. 10. DISPERDAM, &c. quasi dicat: Auferam arma quibus Evangelium impugnabant; seu victor tandem evadam, mihi que per fidem subiciam. LOQUETUR, scilicet Christus; quasi dicat, Salvabit etiam Gentes. Chald. *indicabit in pace regna*. A MARI, &c. quasi dicat, per totum orbem. *Data est mihi potestas in celo, & in terra*. FLUMINIBUS. Hebr. *flumina*: sed est singulare pro plurali, sic etiam intellige Plal. LXXI.

V. 11. TESTAMENTI, scilicet novi confirmatoris, unde, *Hic sanguis novi testamenti*, LACU, id est limbo, seu purgatorio. Vide August. epist. xcix. & XII. de Gen. cap. xxiii. quamquam idem XVIII.

Civit. humanæ profunditatis miseriam & sterilitatem intelligit. NON EST AQUA; quasi dicat, Qui carcer est.

V. 12. MUNITIONEM, id est Ecclesiam, seu Christum. VINCTI SPEI. Chald. *vincti*, qui redemptionem sperant. ANNUNTIANT; pro annuntio tibi, scilicet quod sequitur. DUPLICIA, id est magna. Chald. *duplicia bona*. REDDAM, scilicet pro laboribus. TIBI. Alloquitur quemque fidelium.

V. 13. EXTENDI: præterita pro futuris. IUDAM, &c. quasi dicat: Assumam ex Iuda & Israel ministros prædicationis, per quos mundum convertam. IMPLEVI, scilicet quasi arcum. Impleri arcus dicitur, cum valde tenditur. Chald. *impleri fortitudine*. SUSCITABO. Chald. *prævalere faciam*. GRAECIA, id est Gentiles; quasi dicat: Per tuos filios, scilicet Apostolos, convertam Gentes. GLADIUM, scilicet ad perpendos errores, & vitia.

V. 14. VIDEBITUR. Chald. *revelabitur*. LXX. *apparebit*. IACULUM, scilicet verbum. Chald. *verba*. LXX. *agitta*. TUBA, scilicet Evangelica. TURBINE; pro, velut turbine. AUSTRI. Chald. *venti Australis*; quasi dicat, Prosterne hostes fidei.

V. 15. DEVORABUNT, id est consumunt, scilicet hostes. LAPIDIBUS, scilicet testimoniis Scripturæ. Chald. *velut lapidibus*. INEBRIABUNTUR, scilicet sanguine. Metaphora a victoribus, qui multo hostium sanguine asperguntur. PHIALÆ, scilicet excipientes sanguinem hostiarum. CORNUA, scilicet quæ abunde sanguine aspergi solent.

V. 16. POPULI SUI. LXX. *populum suum*. LAPIDES, scilicet fideles, seu prædicatores. ELEVABUNTUR, scilicet in edificio Ecclesiæ. LXX. *volumen*. EIUS, scilicet Christi.

V. 17. QUID ENIM, &c. quasi dicat: Quid habet Christus optimum, quo suos aliat, nisi corpus suum sub specie panis, & sanguinem sub specie vini? GERMINANS, id est producens; quasi dicat, Faciens castos & puros eos, qui digne communicant.

EST II.

Vers. 9. **E**XULTA SATIS FILIA SION, IUBILA FILIA IERUSALEM:

ECCE REX TUUS VENIET TIBI IUSTUS ET SALVATOR ASCENDENS SUPER ASINAM ET SUPER PULLUM FILIUM ASINAE. Pridem codices & expositores variabant, dum alii in masculino asinum, alii in feminino asinam legerent. Sed Sixtina correctio prætulit femininum. Ceterum quando hæc prophetia completa sit, evangelium Matth. xxi. nobis declarat; quando videlicet Christus insidens asinæ, & pullo asinæ, ingressus est Ierosolimam, occurrente ei puero turba, & acclamante ex Psal. cxvii. *Benedictus qui venit in nomine Domini.* Neque ulla certior est prophetarum expositio, quam quæ novæ legis testimonio confirmatur; velut cum dicitur hoc veli simili modo: *Hoc autem factum est, ut imple-retur quod dictum est per prophetam.* Quod autem Hieron. ex Hebræo vertit, *pauper ascendens*, Septuaginta vertunt, *mansuetus*, quomodo a Matthæo citatur: ut hic etiam intelligi possit auctoritas Septuaginta interpretum ab Evangelistis confirmata. Utrumque autem in Christum optime competit: qui *pauper* quidem dicitur, quia cum dives esset, pro nobis pauper factus est; & tam pauper, ut non haberet ubi caput reclinaret; *Mansuetus* autem, quia nobis omnibus mansuetudinis exemplum factus. Unde & dicit Matth. xi. *Disce a me, quia mitis sum, & humilis corde.*

MARIANAÆ.

Vers. 1. **O**NUS, id est dura Prophetia contra Damascum & Syriam. IN TERRA HADRACH; pro, in terram Hadrach, quod oppidum erat vicinum Damasco, atque in eius agro: Hieronymus de Locis Hebr. ET DAMASCI REQUIET EIUS, scilicet Dei, ubi habitabit, ea urbe Israelitis subiecta. QUITA DOMINI EST OCVLVS HOMINIS. Hebr. *quia ad Dominum oculus hominis*; id est, omnes in eum sperant, quia potest regna mutare. ET OMNIUM TRIBUUM ISRAEL, scilicet tribus Israel sperant in Deo. Præmium spei erit imperium in urbes finitimas.

V. 2. EMATH QUOQUE IN TERMINIS

EIUS, scilicet Israel. Hebr. *Hemath terminabitur in ea*, id est finibus Israel comprehendetur. *Hemath*, *Antiochia* est, urbs Cœleſtyriæ vicina Damasco. ET TYRUS, ET SIDON. Illæ etiam Israelitis subiciuntur. ASSUMPSERUNT QUIPPE SIBI SAPIENTIAM VALDE. De Tyri copios multi in superbia: ob eam superbiam illas subiciam Israel. Hebr. *quia* (pro, quantumvis) *sapiens valde*. De Tyri copios multi in Ezech. a cap. xxvi. & de sapientia proprie cap. xxviii. vers. 3. quasi dicat: Non profuit astutia Tyro, quominus subiceretur. Hæc felicitas ad Christi tempus referri debet; sed & Aristobulus Tyrum & Sidonem expugnavit: Ioseph. Gorion. Lib. IV. cap. vii.

V. 3. ET AEDIFICAVIT TYRUS MUNITI-
TIONEM SUAM; quasi dicat: Nihil ei artes & copie, aurum & argentum profuere.

V. 4. ECCE DOMINUS POSSIDEBITEAM. *וְיָרָא וְיָרָא* & herediare significat, & eicere. Priorem significationem Hieronymus & sept. sequuntur, posteriorem Chald. *eiicet eam*, scilicet a sua gloria. PERCUTISTIN MARI, id est percussit in mare, scilicet Tyrum, ut Chald. *FORTITUDINEM EIUS*. Chald. *divitias*, seu exercitum eius: vox Hebr. *וְיָרָא* hæc omnia significat, *fortitudinem, divitias, exercitum*. ET HAEC; pro, & ipsa, scilicet urbs igne comburetur.

V. 5. VIDERIT ASCALON. Agit de Philisthorum urbibus, quæ & ipsæ clade Tyri commotæ, Israelis subiciuntur. Quod factum esse Sophoniz ii. 4. dicitur: & Iosephus XIII. Antiquit. cap. xxi. ET ACCARON, QUONIAM CONFUSA EST SPES EIUS, id est perit: fortasse suis viribus aut externis auxiliis confidebat Accaron urbs Philisthinorum.

V. 6. ET SEDEBIT SEPARATOR IN AZOTO; pro, victor Iudæus. Hebr. *Et habitabit spurius in Azoto*, id est alienigenæ; quasi dicat: Alcalon deserta manebit, non habitabitur; at Azorus habitabitur quidem, sed ab externis. Quidam putat, Azotios ipsos quasi spurios & externos fore, quia non amplius sui iuris, sed subditi Iudæis: sic Hebræus.

V. 7. ET AUFERAM SANGUINEM EIUS DE ORE EIUS. Domita superbia non amplius loquetur cardes & victorias; aut per
san.

sanguinem intellige esum sanguinis in Lege veritum. Etus; pro, eorum, quia loquitur de Philisthis in genere; aut eius, id est Azoti. ET ABOMINATIONES EUS DE MEDIO DENTUM, id est de dentibus: non comedent amplius illicita, quia conversi ad fidem. ET ERIT QUASI DUX IN IUDA. Sequentur Azotii castra Iudaeorum, dux eorum est eorum gente. ET ACCARON QUASI IERUSAELUS. Aquam & ligna comportabunt ut illi, & aliis ministeriis vilihus addicti erunt.

V. 8. ET CIRCUMDABO DOMUM MEAM. Angelorum custodia protegam meos. Hebr. *castrametabor domui meae* (id est quasi castris positus protegam ab exercitu (scilicet hostium) *a transiente & reverte* (scilicet hoste.) ULTRA EXACTOR. Non erunt subiecti externis, qui eos tribus opprimant. QUA NUNC VIDI, id est faveo meo populo. *Videre pro favere.*

V. 9. EXULTA SATIS. Hebr. *valde*. Ex his constat, quae superius dicta sunt, ad Christi tempora praecipue esse referenda. Hunc locum Matth. XXI. 5. affert de Christo, cum vestitus asino Ierusalem est ingressus. IPSE PAUPER. Matth. *mansuetus*: sic Sept. nemp. *עני hanaui*, id est *mansuetus* legerunt, ubi nunc est *עני hani*, id est *pauper*. SUPER ASINAM: sic Matth. & Hieronymus in Comment. at Hebr. & Chal. *super asinum*; sed *חמור hamor* communis generis est, ut colligitur ex II. Reg. xvi. 26. atque ita bene verti potuit, *super asinam*. Ex Rab. Selomo Exod. xv. constat ab Hebraeis hunc locum de Messia intelligi; idem hic tum ipse, tum D. Kimhi dicunt.

V. 10. ET DISPERDAM QUADRIGAM. Pax erit adventu Christi, ideo omnia bellica instrumenta erunt supervacanea, quadrigae, equi, arcus. ET LOQUETUR PACEM; pro, constituet, stabiliet. A MARI USQUE AD MARE. Aven Ezra, *a Mari rubro ad Oceanum*. A FLUMINIBUS. Hebr. *a flumine*, scilicet *Euphrate*, ut Chald. nam cum *flumen* absolute ponitur, *Euphrates* intelligitur. USQUE AD FINESTERAE; hoc est, extremum Occasum. Denique significat fore eum, scilicet Christum, Regem universi orbis Dominum.

V. 11. TU QUOQUE. Propheta vertit ad eum Regem sermonem. IN SANGUINE TESTAMENTI TUI, seu *passi tui*. Chald.

vos quoque, quibuscum in sanguine sanctum est pactum. Tangit ritum faciendi foedera sanguine pecudis, quam mactabant. Ergo tu quoque ex foedere, quod sanguine sanxisti, cum scilicet datum est tibi regnum, victos omnes liberaisti. Quod fieri solet in magna laetitia. EMISIST. Hebr. *emisi*; sed sane pro *שלחתי filahthi*, id est *emisi*, Hieronymus & Sept. legerunt *שלחתי filahthi*, *emissisti*: quae lectio multo commodior est, pro, emittes. DE LACU, IN QUO NON EST AQUA. Hebr. *de puteo, in quo non est aqua*. Talis erat carcer, cisterna sine aqua. Ideo saepe *כרוך schar* a rotunditate vocatur. Plerique de limbo intelligunt hoc, unde Christus Patres liberavit, cum sancto Thoma III. Part. quæst. LII. art. 1. qui carcer erat. Idque in *sanguine testamenti*, id est suo sanguine eos emisit.

V. 12. CONVERTIMINI AD MUNITIONEM, id est arcem, per quam Deum intelligit, in quo est commune praedictum. VENCTI SPES. Qui quamvis victi, spem tamen libertatis habetis. HODIE QUOQUE ANNUNTIANS. Regis Christi responso est. O annuntians, id est Propheta, ego hodie, id est brevi, DUPLICIA REDDAM TIBI, id est non solum e carcere victos educam, sed & multis bonis cumulabo eos.

V. 13. QUONIAM EXTENDI MIHI IUDAM QUASI ARCUM. Hebr. *extendi mihi Iude arcum*; hoc est, feci ut Iudas pro me extenderet arcum. IMPLEVI EPHRAIM, scilicet arcu: nam IV. Reg. ix. 24. ubi nos, *Iehu tetendit arcum*. Hebr. *Iehu implevit manum suam in arcu*. Ego faciam, ut Ephraim pro me pugnet. ET SUSCITABO FILIOS TUOS STON, id est faciam ut sumant arma. SUPER FILIOS TUOS. Contra filios tuos, o Græcia, suscitabo filios Sion. GRAECIA. Per *Græciam*, Gentes & populos intelligit Chald. QUASI GLADIUM FORTIUM: suggeram tibi vires. Hoc in Apostolis est impletum, qui erant e Iudæis, & subiugarunt Gentes.

V. 14. SUPER EOS VIDEBITUR, id est cum eis quasi dux erit Deus. IACULUM EIUS. Hebr. *sagittas eius*, id est sagittae erunt ut fulgur. TUBA CANET, aut clanget, ut scilicet suos congreget, & immitat in hostes. ET VADET IN TURBINE AUSTRI, id est ut turbo Austri. Sulphore pro

MENOCHII.

pro Beth olim Caph fuisse: ergo ut *in-*
bo Austri, id est a vento Australi excita-
tus concitandis turbinibus infami. Itaque
Deus magno impetu in hostes irruet.

V. 15. PROTEGET, EOS, suos milites.
ET SUBSICIANT LAPIDIBUS FUNDÆ. Fun-
ditores olim in prima acie constituaban-
tur. ET BIBENTES INEBRIABUNTUR. Hebr.
Et bibent, tumultuabuntur quasi vinum.
Constructio inverſa. *Bibent sanguinem qua-*
si vinum, postquam in hostes fuerint tumult-
uati: sic Hebr. ET REPLEBUNTUR UT
PHIALÆ. Sanguis hostiæ excipiebatur phia-
la, & fundebatur ad CORNUA ALTARIS,
ad angulos altaris. Hebr. sed perinde est.
Itaque sanguine hostium replebuntur Chri-
sti milites.

V. 16. UT GREGEM POPULI SUI, sal-
vabit Deus gregem, *salvabit quasi oves po-*
pulum suum, ut Sept. servabit scilicet ut
pastor gregem. QUIA LAPIDES SANCTI,
quasi lapides sancti elevabuntur milites.
Hebr. *quia lapides* (id est ut lapides) *co-*
ronæ, id est lapides pretiosi, qui in coro-
na ponuntur, duces & Principes Iudæ ele-
vabuntur, crunt in pretio in terra Israel.
Elevabuntur ut vexillum, ad quod scilicet
milites confugiunt. Id significat verbum
Hebr. מִתְנַסֵּסִים *mitnassejeh*.

V. 17. NISI Hebr. non est, sed sic, quod
benum eius, & quod pulchrum eius? fru-
mentum iuvenes, & vinum germinabit vir-
gines, scilicet pulchros & pulchras faciet
optimum alimentum; quasi dicat: Præter
alia, quod maxime pulchrum erit, anno-
næ copia suppetet, qua robusti iuvenes &
puellæ pulchræ crunt. David Kimhi in
Dictionario sic explicat, *frumentum iuven-*
es (scilicet lætificabit) & *vinum loqui*
faciet (seu cavare) *virgines*: nam נִסִּי
nob non solum germinare significat, sed
loqui, ex Isai. LVII. 19. ubi nos, *Creavi*
fructum laborum; Hebr. *loquelam laborum*.
Atque adeo sensus erit, Quod maxime pul-
chrum existet in hac victoria, erit finis-
eius, scilicet convivia, quæ iuvenes & vir-
gines instruent; & cantica, quibus leti-
tiam celebrabunt. Hicronymus pro iuven-
ibus, electos posuit, & vox Hebr. utrum-
que significat; sed alii omnes, etiam Sept.
iuvenes ponunt. Aliqui per *frumentum* &
vinum Eucharistiam intelligunt, an *sepulture*

Vers. 1. O Nus, id est onerosa, mole-
sta, & tristis propheta. HAD-
DRACH, id est contra Hadrach, qui vicus
sive oppidum est iuxta Damascus. DA-
MASCUS REQUIESCIT EIUS; quasi dicat, Ha-
drach, & Damascus erunt requies oneris
huius, quod vaticinor; nam Hadrach, &
Damasco incumbet, in eisque requiescet
hoc calamitatum pondus. DOMINI EST O-
CULUS HOMINIS, &c. quasi dicat: Domi-
ni oculus videt, curat, & regit omnes ho-
mines, æque ac tribus Israel, ut scilicet
impios puniat, pios vero tueatur, & pro-
tegat. Vel, quasi dicat, Domini, id est
ad Dominum respicit oculus hominis. Vel,
Domini est convertere ad se oculus om-
nium hominum; quanto ergo magis Israe-
litarum, ut illos defendat, & eorum hos-
tes perdat?

V. 2. EMATH QUOQUE IN TERMINIS
EIUS. Particula eius, referenda est ad omnes
Domini; quasi dicat: Onus Domini re-
quiescens in Damasco, pertinget quoque
ad Emath, Tyrum, & Sidonem, ita ut
hæ urbes intra terminos huius oneris Do-
mini contineantur, & eius participes sint
futuræ. Emath, vel est Antiochia, vel
Epiphania, quam multi putant esse Ala-
piam, vulgo Aleppo. ASSUMPSERUNT QUI-
PE SIBI SAPIENTIAM VALDE; quasi dicat:
Quia Tyrii, & Sidonii sibi arrogarunt sa-
pientiam (fuerunt enim Phœnices inven-
tores litterarum) quasi per eam essent in-
superabiles, tunc Deus eos insipientes esse
ostendat, eosque per Alexandrum Macedo-
nem, & per Machabæos dehellabit.

V. 3. ET AEDIFICABIT, &c. quasi di-
cat, Quasi munitissima sit, & ditissima,
tamen expugnabitur. QUAT HUMUM: ma-
gna copia; similis phrasis habetur supra
Sophon. cap. 1. 17. Vide ibi dicta.

V. 4. DOMINUS POSIDEBIT EAM: per
duces, & exercitus, quos mittet ad expu-
gnandam eam. PERCUTIET IN MARI FOR-
TITUDINEM EIUS, id est licet in mari si-
ta sit, adeoque munitissima. Vide Ezech.
XXVII. 2. ET HAEC IGNI DEVORABITUR:
& ipsa igni devorabitur, ut vertit Pagni-
nus.

V. 5. VIDEBIT ASCALON: sunt civita-
tes Philistinorum Tyro vicinæ. Quo-
NIAM

NIAM CONFUSA EST SPES EIUS: scilicet quae putabat posse resistere.

V. 6. SEDEBIT SEPARATOR IN AZOTO.

Vox separator, in Hebraeo est מַמְזֵר *mamzer*, id est *spurius*, quod aliqui de Alexandro Macedone intelligunt, qui spurius habitus est; alii de alienigenis, & externis, qui non erant ex genere Philisthaeorum; hos enim Philisthaei *mamzeres*, id est alienos, & spurios vocabant. Significatur ergo Alexandrum, sive Iudaeos, sive alias gentes peregrinas secturas tamquam dominas in Azoto; iuxta vulgatam nostram, *separator* est quilibet victor, qui dividit praedam, & si velit, viros ab uxoribus, fratres a fratribus, &c. separat, & diducit.

V. 7. AUFERAM SANGUINEM EIUS DE ORE EIUS, id est minas eius sanguinis effundendi, & patrandarum caedum. Chald. vertit, *& disperdam comedentes sanguinem*, quod intelligi potest de victimis, quas Deo suo Dagon offerebant, ex quarum sanguine, & carnibus epulum deinde instruebant. ABOMINATIONES: intelligit carnes idolis sacrificatas. RELINQUETUR ETIAM IPSE DEO NOSTRO; quasi dicat, Populus Azoti subactus Iudaeis relinquet idola, & veram religionem suscipiet. ET ERIT QUASI DUX IN IUDA: non solum admittet veram religionem, sed aliis etiam praebit, & auctor erit, ut eam suscipiant. Videtur hoc factum ex parte tempore Machabaeorum, plenius tamen tempore legis gratiae, cum tota illa ora ad Christum conversa est. ET ACCARON QUASI IEBUSAEUS; quasi dicat: Sicut olim Iebusei habitaverunt in Ierusalem, ita pariter Accaronitae sociabuntur Iudaeis, & habitabunt in Ierusalem, ac vicissim Iudaei pacifice degent in Accaron.

V. 8. DOMUM MEAM: templum. ET HIS QUI MILITANT MIHI, &c. quasi dicat, Tutabor templum meum per Machabaeos fortissimos milites meos. EXACTOR: scilicet tributis, tyrannus qui exactione iniusta avare populum explet. QUITA NUNC VIDI IN OCULIS MEIS. Est Hebraismus, pro, *oculis meis*. Vidi oculis meis zrumnas, & vexationes, quas ab hostibus passi estis, atque ideo vicem vestram miseratus, non patiar vos impofterum similia pati. Factum cum populus fidelis in Christum credens a tyrannide diaboli, & vitiis liberatus est.

V. 9. EXULTA SATIS: vehementer latitare. FILIA SION: Ierusalem. IUBILA, &c. est repetitio eiusdem sententiae. REX TUUS: Christus Dominus. VENIET TIBI, id est ad salutem tuam. IUSTUS: iustus, & iustificans te suo sanguine. SALVATOR: ut te ab hostibus liberet. PAUPER, id est *mansuetus*, ut habet Chald. & LXX. & sic citatur Matth. xxi. Et SUPER PULUM: Christus enim successive super utrumque sedit; nec sine mysterio, nam per asinam sive subiugalem, ut vertunt LXX. intelliguntur Iudaei iugum passi veteris legis; per pulum vero Gentiles: utroque per Evangelium sibi subiecit Christus.

V. 10. DISPERGAM QUADRIGAM EX EPHRAIM: non erunt bella, sed summa pax tempore Evangelii, non solum in Iudaea, sed etiam in decem tribubus ad Christum conversis. LOQUETUR PACEM GENTIBUS: pacifice, & amice eis loquetur: hortabitur eos per Evangelii praedicationem, ut secum, & cum proximis pacem ineant, & colant. A MARI, &c. id est per totum orbem.

V. 11. TU QUOQUE O Christe Rex Sionis. IN SANGUINE TESTAMENTI TUI: virtute sanguinis foederis novi testamenti, per quem reconcilisti Deo genus humanum, & veteres inimicitias dissolvisti. DE LACU, id est limbo, seu purgatorio. Vide August. epist. xcix. & XII. Genes. ca. xliii.

V. 12. CONVERTIMINI AD MUNITIONEM, id est ad Christum, & Ecclesiam. Vel ad legem Evangelicam, quae est arx Christi munitissima. VENIETI SPEI: vos, quos spes Christo devincit, & spe cum illo ita estis colligati, ut ab eo omnino pendatis. Tales erant Iudaei fideles expectantes redemptionem Israel. Tales etiam erant Gentiles habentes fidem Dei, & Messiae ante Christi adventum. ANNUNCIANS, id est annuncio. DUPLICIA, id est multiplicia, & magna bona. REDDAM, scilicet pro laboribus. TIBI. Est enallage personae, nam cum prius alloqueretur vinctos spei universim, nunc unumquemque appellat nominatim, ut intelligant non tam omnibus, quam singulis haec promitti.

V. 13. QUONIAM EXTENDI, &c. Hebr. calcavi, id est calcando, extendi; solent enim arcus balistarum pedibus nitendo extendi, & aptari ad excutendam sagittam.

IMPLEVI EPHRAIM: quasi arcum. Impletur autem arcus balistæ, cum attracto nervo, sagitta, quæ emittenda est in hostes, illi imponitur. Ital. diceremus, *Ho caricata la balestra d'Ephraim*: intelligit Apostolos, qui partim ex Iuda, partim ex reliquis tribubus fuerant, quæ per Ephraim designantur; hos ergo tamquam arcum tendit Christus, & sagittis verbi Dei instruxit, ut contra Idololatriam gentium ad eam salutem pugnarent. FILIOS TUOS SION: filios Ecclesiæ intelligit, ac nominatim Apostolos. SUPER FILIOS TUOS GRAECIA: quæ licet sapientia gloriaris, resistere non poteris Apostolorum prædicationi, ac præsertim Pauli doctoris genium, & tui. PONAM TE: O SION. QUASI GLADIUM FORTIUM: ut vincas, occidas, & subiciatis tibi omnem altitudinem extolentem se adversus scientiam Dei, II. Cor. x. 5.

V. 4. SUPER EOS VIDEBITUR: pugnans pro illis. IACULUM EIUS: scilicet Dei pro illis pugnantis, & suis illustrationibus, & inspirationibus mentes tam audientium, quam docentium Apostolorum, quasi cælestibus iaculis ferientis. IN TURA CANET: prædicationis Evangelii. VADET IN TURBINE AUSTRI, id est instar turbinis venientis ab Austro, omnes convolvit, & secum abripit. Hicce bellicis metaphoris significatur vis, & energia prædicationis Evangelicæ.

V. 15. DEVORABUNT, scilicet hostes suos. SUBICIANT EOS LAPIDIBUS FUNDÆ. LXX. & obtinent eos lapidibus fundæ. Lapidis fundæ sunt verba Scripturæ, quæ sacri fundibularii concionatores, & doctores in hostes Ecclesiæ, & veritatis, & in via contorquent. ET BIBENTES INEBRIABUNTUR QUASI A VINO. LXX. habent, *Bibentes eos sicut vinum*: sanguinem hostium suorum copiose fundent, & illo perfundentur, & quodammodo inebriabuntur. REPLEBUNTUR UT PHIALÆ: replebuntur sanguine sicut phialæ, quibus excipitur sanguis victimarum. ET QUASI CORNUA ALTARIS: super quæ sanguis fundebatur, Lev. IV. & xvi. significatur illustres triumphos reportaturos Evangelicos hosce præcones, innumeros spiritualiter debellatos, & subiecturos Ecclesiæ.

V. 16. ET SALVABIT EOS DOMINUS DEUS EORUM UT GREGEM. Maxima cura liberabit eos a periculis, ut pastor oves.

Bib. Sac. Tom. XXII.

Cum eos oves appellat, tacite docet eos non pugnatos armis corporalibus, sed verbo Dei, & mansuetudine. LAPIDES SANCTI ELEVABUNTUR SUPER TERRAM EIUS: eos lapides intelligit, qui in titulum, & monumentum victoriæ eriguntur; quasi dicat: Duodecim Apostoli in Ecclesia in titulum victoriæ, & possessionis additæ a Christo, erigentur, ut olim totidem Iosue erexit in Galaad Iosue v. 19. qui Apostolorum symbolum fuerunt. BONUM EIUS. Vox, eius, tam in Græco, quam in Hebræo est masculini generis, itaque non refertur ad terram, sed ad Deum, & consequenter eius populum; sicut enim Deus nihil melius, aut pulchrius hoc dono Eucharistiæ dare, sic nec populus accipere potest. FRUMENTUM ELECTORUM. In Hebr. & LXX. est, *iuvenum*, Eucharistia enim est frumentum electorum, quia facit selectos iuvenes, hoc est validos, alacres, & expeditos ad omne bonum, & ad quodlibet prælium temptationum sustinendum. GERMINANS VIRGINES, id est faciens castos, & puros eos, qui digne hæc sacra mysteria percipiunt.

T I R I N I.

Verf. 1. O NUS, id est onerosa & minax prophætia, qua clades intentatur terræ HADRACH ET DAMASCI: metropoles sunt, illa Cælesiæ, hæc Syriæ Damascenæ: ita ex S. Hieronymo, Ptolemæo, Guiljelmo Tyrio Adrichomio a. In duobus his locis *requiescet*, incumbet, insidebit hoc onus iam dictum, hoc calamitatum pondus, inquit Albertus, Clarus & Arias. QUIA OCVLVS DOMINI tam inspicit, curat & tangit reliquos omnes homines, quam tribus omnes Israël: ita LXX. Chaldeus, Syrus & Arabicus cum S. Hieron. & Theodoro. Quin &

V. 2. EMATH QUOQUE, seu Antiochia b, relique Syriæ caput, erit IN TERMINIS, seu intra limites eiusdem oneris, uti ET TYRVS ET SIDON primariæ urbes Phœniciæ: quia ASSUMPERUNT, id est arrogant, sibi sapientiam e incomparabilem, & munitiones insuperabiles, & opes infinitas, quibus putant se prorsus invictas fore. Sed ego primo per Alexandrum Macedonem, deinde per Machabæos, denique per Christum meum orbi notum fa-

G g ciam,

ciam, non esse sapientiam, non esse potentiam, non esse consilium contra Dominum d: & quod stultum est Dei, sapientius esse hominibus. Quicquid enim contra molitur Tyrus,

V. 4. ECCE DOMINUS victor possidebit eam: quo modo Alexander Magnus post septimestrem obsidionem expugnavit Tyrum, vide apud Plutarchum & Curtium f. Quo modo & Aristobulus, Iudae Machabae nepos, eandem obtinuerit, describit Iosippus filius Gorionis. Quo modo denique Christus eam sibi vindicavit, patet ex tanta hominum turba quae ex finibus Tyri & Sidonis g ad ipsum confluebat; & ex innumeris Martyribus quos cum Episcopo suo Tyrannione caelo dedit sub Diocletiano atque aliis Imperatoribus, ut narrat oculatus testis Eusebius, & Theodoretus h & alii Historici. Porro de excidenda Tyro eadem praeviderunt etiam Isaias i & Ezechiel.

V. 5. VIDEBIT hoc Tyri excidium vicina & ipsi confederata ACCARON, reliquaque Philisthaea, & extreme dolebit; quia excisa Tyro, confusa & sublata est omnis eius spes resistendi hostibus. Unde & MOX PERIBIT DE GAZA REX, id est regulus vel satrapa illius. Huic nomen erat Betis, quem Alexander capta post bimensem obsidionem Gaza, iussit circum urbem probe captari, inquit Curtius k. Eandem postea expugnavit Simon l Machabaeus, cuius nepos Alexander Iannaeus, ut Iosephus m enarrat. Sed nostris maxime temporibus, inquit S. Hieronymus n, videmus huc esse completum, quando ut Serapion (seu Serapidis delubrum) Alexandria, ita Marne templum Gaza, in ecclesias Domini surrexerunt, instructu S. Porphyrii & Ioannis Chrysostomi, sic iubente Arcadio Imperatore, ut ex Marco Gazensi, Theodoro & aliis docet Baronius o. ASCALON ulque eo destruetur, ut non amplius inhabitanda sit ab hominibus, sed solis pecorum pascuis deservitura, ut Sophomus praedixit. Post Alexandrum Magnum expugnavit & excidit Ascalonem, ut & Accaronem & Azotum, Ionathas p Machabaeus. Sed rursus instaurata fuit, & ex ea prodit Herodes q insensibilis r, inde Ascalonita dictus. Et etiamum hodie fortissimum propugnaculum est Saracenorum ad mare. Mu-

ros eius diruit Saladinus, sed instauravit Richardus Anglorum rex, inquit ex Tyrio Adrichomius.

V. 6. IN AZOTO quoque devicta & subacta SEDEBIT SEPARATOR, id est dominus vel iudex idem qui victor, separabitque reos ab innocentibus, morti destinatos a vita donatis, servos a liberis. Hebraice est *manzer*, quod etiam *spiritum* significat, ut vertit Vatablus & recentiores cum Alberto, Hugone & Lyrano. Qui volunt notari hic Alexandrum Magnum, non ex Philippo, sed ex Nestabano magno, Iovem se fingente, conceptum, ut mater eius Olympias confessa, ac proinde a Philippo quasi repudiata fuit. Significat & *alienigenam*, seu externum vel extraneum, ut vertit Chaldaeus, LXX. Pagninus & alii: & sic designat Ionatham Machabaeum, Philisthaeus vere extraneum, qui octo Azotiorum millia s gladio & igni separavit a reliquis devictis.

V. 7. ET SANGUINEM EIVS, seu victimarum in ea oblatarum idolo *Dagon*, AUFERAM DE ORE EIVS; id est, impia & sacrilega Azotiorum sacrificia, succenso templo & ipsum, impediens, tollam, & illorum loco inducam sacra mea, primum Iudaica per Machabaeos u, dein & Christiana per Philippum diaconum x, & alios discipulos Christi: ita Arias ex Chaldaeo. Et ita RELINQUETUR aggregatus DEO nostro ETIAM IPSE populus Azoti: immo ERIT QUASI DUX IN IUDA; LXX. quasi *eh-larchus*: nempe zelo & fervore praecellet Philisthaeus ad veram fidem ac religionem capeffendam: praecedet & Iudeos instat y, ducis ad Christum & Evangelium amplexandum: ACCARON ETIAM QUASI IERUSAELUS olim a Davide z subactus, subigetur a Machabeis, & a discipulis Christi.

V. 8. EX HIS AUIQUE gentibus antea MITH, Hebraice, Graece, Chaldaice, contra me, militantis, sed iam subactis, iam ad me conversis, CIRCUMDABO quasi fidis praedictis DOMUM, id est Ecclesiam, MEAM: ET NON TRANSIBIT ULTRA EXACTOR potnarum, seu tyrannus, super Ecclesiam meam, neque etiam super illos praedictos iam aggregatos Ecclesiae meae; quasi dicat: Nemo exinceps vim illis vel molestiam inferet, quia nunc vidi, id est aspexi, tam illos, quam vos Iudeos, oculis MEIS benevolis ac benignis: ita fe-

re Theodoretus, Albertus & Lyranus.

V. 9. EXULTA SATIS, seu valde & *re hementer*, ut Chaldaeus vertit, & LXX. Tigurini, Pagninus, Vatablus & alii. S. Ioannes aa paraphrastice legit, *noli timere*, potius gaudio plena exulta o Sion: quia non iam rigidus aliquis *exactor* bb, aut crudelis tyrannus, sed mitis, clemens ac suavis Dominus & REX TUUS Messias VENIET TIBI ET SALVATOR, ut te iustificet & salvet: ita LXX. S. Hieronymus, Tigurini & alii. Hunc enim locum de Christo Ierosolymam Dominica Palmarum gloriose investito interpretantur etiam S. Matthaeus & Ioannes Evangelista ce, & Orthodoxi omnes: quin & Rabbi Salomon & alii veteres Hebraei citari a Galatino d*id* id Messiae suo adaptant. Et ita definit Vigilius Papa in Concilio Romano, contra Theodorum Mopsuestenum, cui Zorobabelli, & alios qui Alexandro Macedoni, vel Iudae Machabaeo adaptabant. Veniet autem non regio fastu tumescens, aureis invecus quadrigis, sed PAUPER IPSE. Chaldaeus & LXX. quos sequitur S. Matthaeus, vertunt *mansuetus* (qualis esse solet pauper spiritu) vinctus *asina*, deinde etiam *pulsio eius* dem ASINAE: nam successive utrique infelicitis Christum, expresse docent S. Chrysostomus, Theophylactus, Lyranus, Caietanus, Ribera, a Castro, a Lapide. Volebat enim Christum in triumphali suo Ierosolymam ingressu palam omnibus facere, se non soli Iudaeorum populo, qui instar *asinae sub iugis* iugo legis affluebat, sed etiam Gentilibus, exlegibus & indomitis Messiam & salvatorem advenisse, inquit S. Iustinus, Cyrillus & Origenes. Ubi vero advenit, opera illius

V. 10. DISPERDAM EX EPHRAIM ET IUDA, id est ex Ecclesia mea promiscue collecta e duodecim tribubus, adeoque & ex Gentibus, QUADRIGAM, EQUUM ET ARCUM *ec* id est bellica diffidia & pugnas quae inter illos esse solent. Ipse enim omnibus praecipit colere iustitiam, concordiam & pacem, quibus lites & bella excluduntur: ita S. Hieronymus, Hugo, Arias & alii. POTESTAS EIUS REGIA extendetur A MARI Mediterranco USQUE AD MARE *ff* magnum, seu Oceanum, & ab Euphrate & Tigri ad *li*que FLUMINIBUS USQUE AD FINES *ter*RAE, id est toto orbe dominabitur, ita Rupertus, Remigius, & alii iam citati.

V. 11. TU QUOQUE, o Messia, IN SANGUINE, id est per sanguinem, seu merito & pretio sanguinis tui, quinto post triumphalem ingressum die, in cruce effusi, quod *te, lamentum* gg, seu *sedes tuum* inter Deum & homines de novo initum sancivisti & confirmasti, & quasi lytrum pro capitis & vinculis filii tuis dependuli. Huius, inquam, sanguinis tui merito, mox ut victor ad devictum infernum descendisti, perruptis carceribus, inde liberos EMISISTI VINCTOS *omnes* TUOS *hh*, & DE *aulo* LACU infernali, id est e limbo patrum, in quo nulla refrigerii vel solatii inerat aqua, tecum eduxisti in optatam tot saeculis libertatem, gaudium & gloriam; ita SS. Patres Graeci & Latini inhaerentes versioni LXX. & expositioni Origenis, S. Hieronymi, S. Augustini ii & aliorum antiquorum. Rabbinii recentiores cum Chaldaeo, mutatis, ut opinor, libriorum vitio punctis, pro *scilla* *chta*, id est emisisti, iam legunt *scallacti*, id est *missi*. Sed in idem redit, ut Bellarminus *kk* & a Lapide clare demonstrant. Hoc ergo tam illustri salvatore donati, o Iudaei, o Gentiles,

V. 12. VINCTI hucusque SPEI, id est qui ita spe astricti estis Messiae, ut ab illo uno toti pendeat, CONVERTIMINI iam & adcurrite AD MUNITIONEM, ad arcem Sion, ad Ecclesiam, ad sinum Messiae vobis transmissi: ita Clarius, Arias & alii. Potest & eum S. Hieronymo & Hugone applicari Patribus in limbo, de quibus immediate ante. Neque est necessum praebolari realem Messiae adventum, HODIE QUOQUE, id est ex nunc, si in sinum venturi Messiae quispiam per fidem, per spem, per amorem in ipsum, se coniecerit, *annuntio tibi* quique is es, quod REDDAM TIBI DUPLICIA *ll*, id est multiplicia illa bona quae a venturo Messiae praebolabitur.

V. 13. QUONIAM EXTENDI MIHI IUDAM QUASI ARCUM; id est, delegi mihi tribum Iuda, ut sit mihi pro arcu, quem valide distendam in hostes. Et quotquot ex EPHRAIM, id est ex aliis decem tribubus, se illi coniunxerint, *implebo* & illos *quasi arcum* meum, id est etiam illis utar quasi valide tensis arcibus in hostes & suos & meos. *Arcus* enim teste S. Cyrillo, Vegetio & Sidonio *mm*, *impleri* censetur, cum nervus & ferum arcus quanta possunt vi attrahantur, ut tota concavitas arcus telo repleatur, & fortior sit eiactatio. Et suscita-

20 FILIOS TUOS, O SION, ut victores fiant
SUPER FILIOS TUOS, O GRAECIA, maxime
sub Machabæis, ut constet ex ipsorum histo-
ria. Et PONAM TE, O Sion, instar herois
invicti, qui gladio suo sternit omnia adversa.

V. 14. ET DEUS SUPER EOS VIDEBITUR; id est, manifeste illis aderit ex alto, vibrans
tela quasi fulgura in hostes: excitatione in-
terna, quasi clangore tubali, suos exci-
tans, animans, roborans, & instar turbinis
ab Austro immixti convolvens adversarios &
secum abripiens. His bellicis metaphoris
designatur bellica Machabæorum fortitudo:
sed Allegorice ac præcipue, vis & energia
prædicationis Evangelicæ.

V. 15. LAPIDIBUS fûnda excussis DEVO-
RABUNT HOSTES SUOS; quasi dicat: Primo
congressu delicient & sternent illos: nam
solent velites & fundibularii in prima acie
constitui, & prælium inchoare. Et sternent
tantam hostium copiam, ut, si sanguinem
exorum bibere non vellent (quod nonnulli
effrazati olim fecerunt) prorsus inebriaren-
tur, & collo tenus repleverentur, UT repleti so-
lent PHIALAE ET CORNUA ALTARIS sangui-
ne victimarum. Idem principes Machabæi,
& Allegor. Apostoli Christi & viri Apostolici.

V. 16. ELEVABUNTUR, honore, digni-
tate, gloria extollentur, SUPER TERRAM
DEI, id est in Ecclesia Dei; sicut LAPIDES
SANCTI, qui rationale pontificis, vel
coronam eius decorabant, inquit Vatablus,
Mariana Sanchez. Vel qui fabricam templi
attollunt, ut S. Hieron. Theodor. Remigius
& Lyranus: vel, ut Sanchez, lapides termi-
nales: vel denique, ut a Lapide & alii ex-
ponunt, lapides qui in titulum victoriæ, tri-
umpho, vel alterius rei illustri memoriam
erigunt. Quales erant duodecim illi lapides
a Iosue eo erecti, in signum obtentæ pos-
sessionis terræ toties optatæ. Qui typus e-
rant duodecim Apostolorum, pari modo a
Christo erectorum in titulum obtentæ pos-
sessionis Ecclesiæ & orbis universi. Et hæc
quidem obvenient cælis filii Sion in or-
dine ad hostes suos repellendos, sternendos
ac subiugandos: ut vero penes seipsos, &
inter se mutuo etiam delicientur, deerit
prorsus nihil.

V. 17. QUID ENIM in omnibus cælesti-
bus thesauris BONUM AUT PULCHRUM ma-
gis habet Deus, quam quod illis quotidie
largitur, FRUMENTUM, seu panem, ELE-
CTORUM? Hebr. *barburim*, LXX. Syrus,

Arabicus, Vatabl. Pagn. vertunt, *invenum*:
nempe panis hic facit selectos iuvenes, va-
lidos, alacres, florentes, vividos, ad omnia
etiam ardua expeditos. Et VINUM; He-
braice, *tiros*, id est multum, quod simul est
suave, potens, fervens, ebulliens, & GER-
MINANS VIRGINES: nempe facit castos, ni-
rentes, speciosos, succulentos, vivido roseo-
que colore insignes, verbo uno incorruptos
& immortales: vaginalis enim inventary-
pus est incorruptionis, & immortalitatis,
inquit Hier. Prædices. Per hoc frumentum
ac vinum Hebr. Theodor. Sanchez & Ma-
riana intelligunt uberem alimoniam tempo-
ralem Iudæis concessam: Alberus & Hugo
alimoniam spiritalem legis Moisaicæ iisdem
cælis submissam: Clarus, Vatablus &
Arias legem & doctrinam Evangelii. Sed
omnium aptissime S. Hieron. Remigius,
Paschasius pp. Haymo, Lyranus, Ribera,
a Castro, a Lapide, & alii passim, corpus
& sanguinem Christi in Eucharistia acci-
piunt velatum speciebus panis & vini. Hoc
enim alimento nihil pulchrius; nihil nobi-
bilius, nihil melius habet Deus, nihil eti-
am efficacius ad pravos animi motus pas-
sionisque compescendas, ad castitatem, ala-
critatem, vigorem, robur, pulchritudinem,
universum hominis vivacitatem, & incor-
ruptionem, adeoque & immortalitatem in-
ducendam. Qui enim manducat hunc pa-
nem, vivet in æternum, & resuscitabitur in
novissimo die qq.

- (a) Adrich. in Descript. terræ sanctæ, pag. lxxvii.
(b) Amos vi. 3. (c) Ezech. xxviii. 3.
(d) Prov. xxi. 30. (e) 1. Cor. i. 25.
(f) Ptolearch. & Cure. in Vita Alex. Isopp. Go-
ron. L. b. IV. cap. vii. (g) Matth. xxv. ar. Mach. vii. 24.
(h) Euf. Cæsar. Lib. VIII. hist. cap. vii. & xiv. alias
xv. Theod. L. b. III. hist. cap. vi.
(i) Hæc xxvii. & Ezech. xxviii.
(k) Cæsar. Lib. IV. Vita Alexandr.
(l) 1. Mach. xxi. 45. & Chthonici cap. xlii.
(m) Joseph. XIII. Antiq. cap. xxi.
(n) Hieron. L. b. VII. in Isaiam.
(o) Marc. Diac. Gaz. in actis S. Paphyiti. Theod.
Lib. V. hist. cap. xxiv. Baron. anno Christi 981. & 401.
Soph. ix. 4. & 6. (p) 1. Mach. x. 84.
(q) Chthonici xlv. (r) Matth. xi. 20.
(s) 1. Mach. x. 84. (t) Ibid. (u) Abdias xix.
(x) Act. vii. 40. (y) Ibid. (z) II. Reg. v. 6.
(aa) Ioan. xii. 15. (bb) Hic vers. præced.
(cc) Matth. xxi. 4. Ioan. xlv. 4. (dd) Galatin. Lib.
VIII. cap. ix. (ee) Hæc xxvi. 4. (ff) Ps. lxxi. a.
(gg) Exodi xxi. 8. & 1. Cor. xi. 25. Hebr. vii. 15.
(hh) Isaiæ lxi. 1. (ii) Origen. tract. xiv. in Matthæ.
August. Lib. XVIII. Civit. cap. xxxv. (kk) Bellama-
Lib. IV. de anima Christi cap. xi. (ll) Hæc xli. a. & c.
(mm) Veget. Lib. 1. de R. milit. cap. vi. Sidor. L. b.
I. epist. 22. (nn) Ps. cxi. 7. (oo) Ioan. iv. 20.
(pp) Paschal. de corpore Domini cap. xxi.
(qq) Ioan. vi. 15. & 32.

GORDONI.

Verf. 1. **H**ADRACH locus est Damasce Syriae vicinus. Ergo onus Domini & minax hæc prophetia est Syris, Tyriis, & Philisthiim; in eisque requiescet onus hoc & pondus calamitatum: ita fiet ut Deus decrevit. Nam Domini est oculus, & quidquid videt aut possidet homo, ipse regit, fovet & castigat quos vult, etiam Israelitas. Hinc *vers. 2.* **EMATH** (est Antiochia) **TYRUS ET SIDON** sapient sibi valde; sed vapulabunt. Totam hanc fortitudinem percutiet Dominus. Idem de aliis urbibus quæ hic adduntur: de harum gentium vastatione lege Curtium de rebus gestis Alexandri Lib. III. & IV. & Plutarchum in Alexandro: mystice hæc ad Christum spectant.

V. 6. 7. 8. **ET SEDEBIT SEPARATOR**, &c. Separator, Hebr. מַמְזֵר *mamzer*, alienus, extraneus, nempe Alexander, aut Machabæus: nam hi Azotum sub iugo tenuerunt. **ET AUFERAM SANGUINEM DE ORE EUS**: quia domina superbia, inquit Mariana, non amplius loquetur cædes, **ET ABOMINATIONES, DE MEDIO DENTIUM**: auferentur eorum idola & idolothyta, quæ comedebant; **ET RELINQUETUR ETIAM TPE DEO NOSTRO**. Azotii subacti a Ionatha sequentur fidem Iudæorum; & ex illis erunt daces populi in bello: idem de Accaronitis subactis, ut contigit Iebusæis sub Davide. Hæc mystice de Christo & Apostolis suum habent locum. **ET CIRCUMDABO DOMUM MEAM**, nempe templum vallabo & muniam: hæc etiam sub Machabæo; sed mystice longe illustrius in domo Christi & Ecclesia.

V. 9. **EXULTA SATIS FILIA STON**, &c. Quod solemne est Prophetis veteris testamenti, ut passim concludant sermonem in Christo, id hic præstat etiam Zacharias, & velut unus Evangelista illustre vaticinium hic edit de Christo. En ex *vers. 9.* descriptum Christum ut regem, iustum, salvatorem, pauperem, super pulsum alinæ.

Immo utroque iumento usus est Christus successive, ut habent Zacharias & Matthæus: mystice sunt Iudæi & Gentiles subdendi Christo. En etiam *vers. 10.* vocantem gentes, & dilatantem fines Ecclesiæ. En *vers. 11.* fuso sanguine redimentem omnes, & e limbo patres liberantem: non moror in re clara: plura ad Math. cap. xxi. *vers. 1.* Quod est hic, **SALVATOR**, apud Septuag. σωτήρ, corrupte in Heb. est יְשׁוּעָה *yeshua*, salvatus.

V. 12. **CONVERTIMINI**, &c. Adhuc sermo est de Christo & Ecclesia; quo loco, **VINCITE** spet sunt qui spe & fiducia tenebantur de adventu Messie; hos hortatur Deus per Prophetam ad conversionem, promittens duplicia per Messiam, ut explicat Prophetam, *vers. 13. 14. 15. & 16.* abundantiam bonorum testantur hæc voces, **DUPPLICIA** (*vers. 12.*) **CORNUA ALTARIS** (*vers. 15.*) & **LAPIDES SANCTI** (*vers. 16.*) Apostoli & Sancti pastores.

V. 17. **QUID ENIM BONUM EIUS EST**, &c. בֹּנֵי, habet affixum masculinum; Deum seu Christum refert, non terram: sensus ergo est: Quid habet Christus optimum (sic brevi epiphonemate concludit tot dona Messie) quo Ecclesiam suam aliat & foveat, nisi FRUMENTUM ELECTORUM (corpus est sub specie panis) ET VINUM GERMINANS VIRGINES (sanguis est sub specie vini) video aliquos hæc verba explicare de lege Christi & evangelica: nec forte male. Alios lego qui hic intelligunt nescio quæ convivia, quibus instruuntur iuvenes & virgines, sed humile, hoc est & terram sapit. Sane post tam amplam de Christo prophetiam, non putandum, hanc proxime insequentem exclamationem, alio ad litteram spectare, quam ad summum illud & admirabile Eucharistiæ beneficium, ita cum Hieronymo, Lyrano, & Remigio recentiores & graves interpretes. Sic Psalm. LXXVI. *vers. 25.* *panem angelorum manducavit homo*, & August. *Serm. L. de verbis Domini*. Idem pastor & pascua.



C A P U T X.

*Solus Dominus potest petita prestare, qui confortabit Iudæos: Et misertus
ipforum congregabit eos de variis locis captivitatis in terram
pristinam, humiliatis ipforum inimicis.*

1. **D**Etite a Domino pluviam in tempore serotino, & Dominus faciet nives, & pluviam imbris dabit eis, singulis herbam in agro. 2. Quia simulacra locuta sunt inutile, & divini viderunt mendacium, & somniatores locuti sunt frustra: vane consolabantur: idcirco abducti sunt quasi grex: affligentur, quia non est eis pastor. 3. Super pastores iratus est furor meus, & super hircos visitabo: quia visitavit Dominus exercituum gregem suum, domum Iuda, & posuit eos quasi equum gloriæ suæ in bello. 4. * Ex ipso angulus, ex ipso paxillus, ex ipso arcus prælii, ex ipso egredietur omnis exactor simul. 5. Et erunt quasi fortes conculcantes lutum viarum in prælio: & bellabunt, quia Dominus cum eis: & confundentur ascensores equorum. 6. Et confortabo domum Iuda, & domum Ioseph salvabo: & convertam eos, quia miserebor eorum: & erunt sicut fuerunt quando non proieceram eos: ego enim Dominus Deus eorum, & exaudiam eos. 7. Et erunt quasi fortes Ephraim, & lætabitur cor eorum quasi a vino: & filii eorum videbunt, & lætabuntur, & exultabit cor eorum in Domino. 8. Sibilabo eis, & congregabo illos, quia redemi eos: & multiplicabo eos sicut ante fuerant multiplicati. 9. Et seminabo eos in populis, & de longe recordabuntur mei: & vivent cum filiis suis, & revertentur. 10. Et reducam eos de Terra Ægypti, & de Assyriis congregabo eos, & ad Terram Galaad & Libani adducam eos, & non inveniatur eis locus: 11. & transibit in maris freto, & percutiet in mari fluctus, & confundentur omnia profunda fluminis, & humiliabitur superbia Assur, & sceptrum Ægypti recedet. 12. Confortabo eos in Domino, & in nomine eius ambulant, dicit Dominus.

B R U G E N S I S

ROMANA CORRECTIO.

Verf. 4. Ex ipso angulus. Cave pro angulus,

scribas angelus, id est, vocalem secundam pro quinta.

COMMENTARIA

S A.

Verf. 1. **SEROTINO**, ſcilicet vere, velut enim matutinum eſt tempus ſementis. Eſt autem pluvia doctrina, temporanea quidem, qua ſemina germinant, vetus Teſtamentum; ſerotina vero, qua fructus matureſcunt, novum; quaſi dicat, Petite adventum Chriſti & Evangelii. **NIVES**; quaſi dicat: Dabit nivem, ſi opus ſit, nedum pluviam. Quidam dicunt legendum *nubes*: id enim ſignificari voce Hebrææ, & ſic Hieron. vertiſſe. Chald. *ventos*, ſcilicet deferentes nubes. **LXX. apparentias**, ſcilicet copiam nubium. Intellige vero Apoſtolos & prædicatores, *pluviam* vero doctrinam. **IMBRIS**, id eſt vehementem, ſeu copioſam. **LXX. hiemalem**, id eſt copioſam, ut ſolet eſſe hiemalis. **Eis**, ſcilicet petentibus. **HERBAM**, &c. quaſi dicat, Germina ſalutis in cordibus.

V. 2. **SOMNIATORES**. Chald. *pſendoprophete*. **FRUSTRA**. **LXX. falſa**. **CONSOLANTUR**, ſcilicet ſe conſolentes. **ABDUCTI**, ſcilicet in varios errores, ſcilicet quitalibus fidem adhibebant. **AFFLIGENTUR**, ſcilicet ab hoſtibus animæ. **PASTOR**, ſcilicet bonus; quaſi dicat, Interim, dum Chriſto carent. Chald. *Rex*. **LXX. ſanitas**.

V. 3. **PASTORES**. Chald. *Reges*. **HIRCOS**, id eſt reprobos. Vide Matth. xxv. Chald. *Principes*, ſcilicet malos. **VISITABO**, id eſt puniam. **VISITAVIT**. **LXX. viſitabit**, ſcilicet ut provideat. **GLORIAE SUAE**, id eſt glorioſum. Chald. *ſortem* & *ſplendentem*, ſcilicet bene ornatum. **LXX. decorum ſuum**.

V. 4. **EX IPſO**, ſcilicet Iuda. **ANGULUS**, ſcilicet Chriſtus lapis angularis. Chald. *Rex*. **PAXILLUS**, ſcilicet Chriſtus, e quo pendet electi. Chald. *Chriſtus*. **ARCUS**, id eſt arma ſpiritalia. Chald. *fortitudo*. **EXACTOR**, ſcilicet tributi; quaſi dicat, Viſtor. Chald. *gubernator*, ſcilicet qui exigit obedientiam. **SIMUL**; quaſi dicat, Ex ipſo hæc omnia.

V. 5. **CONCULCANTE**s, ſcilicet hoſtes fidei. **LUTUM**; pro, ut lutum. **ASCENSORES**, ſcilicet hoſtes videntes ſe non poſſe reſiſtere.

V. 6. **CONFORTABO**. Chald. *roborabo*; **IOSEPH**, id eſt Ephraim, ſcilicet decem tribus. **MISEREBOR EORUM**. **LXX. dilexi eos**.

V. 7. **FORTES**. **LXX. pugnatores**. **EPHRAIM**. Chald. *domos Ephraim*. **VINO**, ſcilicet divinæ gratiæ & conſolationis, **FILII**, id eſt diſcipuli.

V. 8. **SIBILABO**, id eſt vocabo, ſcilicet prædicatione. Chald. *clamabo*. **LXX. ſignificabo**. **CONGREGABO**, ſcilicet in Eccleſia. **LXX. ſuſcipiam**. **REDEMI**. **LXX. redimam**. **ANTE**, ſcilicet quam eos per hoſtes vaſtarem.

V. 9. **EOS**, ſcilicet fideles, vel prædicatores. **LONGE**, id eſt remotis locis. **REVERTENTUR**, ſcilicet ad me corde ſuo.

V. 10. **DE TERRA**, &c. id eſt ex omnibus locis, ubi vitiis ſerviunt. **AD TERRAM**, &c. quaſi dicat, Eccleſiam fertilem, & altam, pulchramque. **LOCUS**, ſcilicet præ multitudine. Hyperbole eſt, qua ſignificatur fidelium maxima copia: vel ſignificatur, omnes eſſe reducidos, nullumque locum ipſorum apud Aſſyrios aut Aegyptios inventum iri. **LXX. & non reliquetur ex eis ullus**. Chald. *& non ſufficit eis*, ſcilicet locus.

V. 11. **TRANSIBIT**, ſcilicet populus meus. **IN MARIS**, &c. id eſt ut olim eum tranſirent Mare rubrum; quaſi dicat: Omnes vincet difficultates, niſilque eius ad me reditum poterit impedire, ut niſil impedit eum educerem olim ex Aegypto; atque hunc ſenſum faciunt etiam Chaldaica. **PERCUTIET**, ſcilicet Dominus, vel populus. **LXX. percutient**. **CONFUNDENTUR**, ſcilicet non valentia impedire tranſitum. **LXX. ſiccabuntur**. **PROFUNDA FLUMINIS**. Chald. *Reges populorum*. **HUMILIABITUR**. Chald. *ceſſabit*. **ASSUR**, id eſt dæmonum, vel hoſtium fidei. **SCEPTRUM**, id eſt dominium. **RECEDET**, id eſt deſinit. Chald. & **LXX. ſolletur**. Intellige per Aegyptum vitia.

V. 12. **EOS**, ſcilicet fideles. **IN DOMINO**, id eſt in me. **NOMINE**, id eſt, virtute. **AMBULABUNT**. Chald. *ambulabunt redempti*. **LXX. gloriabuntur**.

ESTII.

EST I I.

Vers. 3. **V**ISITAVIT DOMINUS EXERCITUM GREGEM SUUM DOMUM IUDA, ET POSUIT EOS, QUASI EQUUM GLORIAE SUAE IN BELLO. Et sequitur, **EX IPSO ANGULUS, EX IPSO PAXILLUS, EX IPSO ARCUS.** Hebraei hæc referunt ad Iudam Machabæum, & fratres eius, & eorum posteritatem, quæ multo tempore viriliter & feciliter hostibus Iudaicæ gentis sese opposuit. Sed hæc expositio congruere huic loco non videtur: nam de domo Iuda hæc dicuntur, Iudas autem Machabæus non ex tribu Iuda fuit, sed ex tribu Levi, ut patet I. Machab. II. Quare non in alium verius, quam in Christum, & Christi regnum competunt verba prophetiæ: Christus enim, ex ipso videlicet Iuda secundum carnem genitus, ipse est *angulus*. Non *angelus* (per secundam vocalem) ut quidam perperam pridem legerunt & expoluerunt; sed *angulus*, per vocalem ultimam, id est lapis angularis, faciens utraque unum. Idem & *paxillus* dicitur, quia ab eo dependet universa lex & prophetæ. Unde in typo Christi apud Isaiam, Eliachim sacerdos in templo Dei quasi paxillus figitur. *Arcus autem praelii* intelligitur ipsum verbum Dei, quod ab Apostolo etiam gladius spiritus dicitur. Denique ex ipso *Exactor* egreditur, non qui opprimat populum, sed qui operum exactor constitutus, urgeat operarios ad instaurationem ædificii spiritualis. Sunt tamen qui *Exactorem* in malam partem interpretantur, & intelligunt diabolum, vel Antichristum, quem egredi dicunt ex ipso; hoc est, eiici ac deturbari de societate fidelium, quorum caput est Christus; qui & eum interficiet spiritu oris sui.

MARIANAE.

Vers. 1. **P**ETITE A DOMINO PLUVIAM; ut scilicet sit annonæ copia, de qua postremo erat locutus. **TEMPORE SEROTINO.** Sic vocatur pluvia mensis Aprilis quæ maxime necessaria est. **FACIET NIVES.** Mense Aprili nullæ sunt nives, præsertim in ea regione. Plerique *nubes* legendum putant. Hebraei id significare *ד'ין* *hazim* dicunt. Alii *fulgura*, seu *conuulsa-*

ziones, quæ initio pluviae existunt. Et **PLUVIAM IMBRIS**, id est copiosam, qualis post fulgura sequitur. **SINGULIS HERBAM DABIT.** Hebr. *viro* (id est cuique) *secnum*. Quid si per *secnum* segetes intelligas, ut *Psal. CIII. 14.* est dictum?

V. 2. **SIMULACHRA.** Hebr. *Teraphim*. **LOCUTA SUNT INUTILE.** Hebr. *vanitatem*. Et **SOMNIATORES.** Hebr. *somnia*, pro, *somniatores*. **LOCUTE SUNT FAUSTRA.** Hebr. *vanum*; quasi dicat: Erratis, cum ab illis pluviam & bona expectatis. **LOCUTI ABDUCTI**, scilicet in captivitatem iverunt, quia idola consuiverunt. **QUASI GREX: AFLIGENTUR.** Hebr. *humiliabuntur*; pro, humiliati sunt: post captivitatem hæc vaticinatur. **QUA NON EST EIS PASTOR**; hoc est, cum non est eis pastor, scilicet ovibus & gregibus: tunc enim inturæ opportune sunt, & a lupis lacrantur.

V. 3. **SUPER PASTORES.** *Pastores* & *hercos* vocat populi capita. **VISITABO**, id est puniam. **QUA VISITAVIT**, in bonum: recordatus est gregis & populi sui, ut illis beneficeret. Aut sic, quia postquam visitavit & punivit delicta sui gregis, posuit eos ut equum. Arque ita *et* redundabit ibi, **ET POSUIT EOS QUASI EQUUM GLORIAE SUAE IN BELLO**, id est ornati cum multis donis, ut equum gloriæ, id est generosum, cuius robur & præstantia in bello maxime apparet.

V. 4. **EX IPSO ANGULUS, EX IPSO PAXILLUS**, id est ex ipso grege paxillus angulis, ex paxillo qui ad angulum erat, pendebant pretiosa quæque: & significat, Principem illis non fore ex alia gente, sed ex sua. **EX IPSO ARCUS**, id est robur contra hostes non quaeret aliunde, sed ex se habebit. **EXACTOR**, externi Principes, qui tributis populum opprimunt, procul abscedent, egredientur.

V. 5. **QUASI FORTES**, ut milites fortes erunt Israelitæ. **CONCULCANTES LUTUM**, id est ut lutum hostes & eorum sanguinem conculcabunt. **ET CONFUNDENTUR ASCENSORES**, pudentes hostes, quamvis equis vestri vincantur.

V. 7. **ET ERUNT QUASI FORTES EPHRAIM.** Tribus Ephraim fortitudine bellica excellebat. **Faciam ergo ut omnes tribus illi fortitudine exæquentur.** **QUASI A VINO.** Hebr. *quasi vinum*; id est, quasi cor bibentis vinum lætabuntur milites.

V. 8.

MENOCHII.

V. 8. **SIBILABO** EIS, ut sibilu eos convocem; quasi dicat, Ero eis dux & pastor. **ET MULTIPLICABO** EOS. Hebr. *et multiplicabuntur sicut multiplicati sunt*, scilicet olim: non erunt ut modo, exiguo numero. Hieronymus aliis verbis bene sententiam expreſſit.

V. 9. **ET SEMINABO**; pro, seminavi, dispersi. **ET DE LONGIS RECORDABUNTUR**, in longinquis regionibus mei sunt, recordati. **ET VIVENT**. Hebr. *vixerunt cum filiis suis*: non occidebant infantes, uti in Aegypto est factum a Pharaone. **ET REVERTENTUR**. Hebr. *reversi sunt*, scilicet in patriam, Cyri indulgentia.

V. 10. **ET REDUCAM**. Hebr. *reduxi*. Omnia hæc futura, *congregabo, adducam*, & quæ sequuntur, vertantur in præterita: narrat enim quæ iam erant facta. **ET LIBANI ADDUCAM** EOS. Uique ad eum montem extendebatur Terra promissa, ad quam ex Aegypto prius, deinde ex Assyria, seu Babylone adduxit Iudæos Dominus. **ET NON INVENIETUR EIS LOCUS**, hoc est, tota regio non sufficiet eis ob multitudinem. Sic Hebræi.

V. 11. **ET TRANSIBIT**, transiit. **IN MARIS FRETO**. Sept. *in mari angusto*, id est per mare angustum transiit, cum per illud traduxit Iſrahitas. Sic mare Rubrum vocat, quia angustum est. **ET PERCUTIET IN MARI FLUCTUS**, cum undas ab utraque parte dimovit. **ET CONFUNDENTUR**. Hebr. *ſiccabuntur*; pro, siccatae sunt voragine fluminis, scilicet Jordanis, ut ſiccopede is populus transiret. Vocem מביש *hobish*, Hieronymus a בוש *bus*, id est *pudefieri* deduxit. Alii a יבש *iabas*, quod est *siccare*, seu *areſcere*. **ET HUMILIABITUR**. Hebr. *deiecta est* superbia Aſſur, quia scilicet superbe imperabant Babylonii populo Iudæorum. **ET SCEPTUM AEGYPTI RECEDET**, recessit, amotum est Imperium Aegypti in Iudæos.

V. 12. **CONFORTABO**, confortavi eos, scilicet Iudæos. Relativum ſive antecedenti. **IN DOMINO**. De ſe loquitur Deus in tertia perſona, ut eum Moſis dixit: *Aſcende ad Deum*, id est ad me. Exod. XXIV. 1. **IN NOMINE** EUS AMBULABUNT, ambulaverunt Dei virtute nixi; ideo tot miracula ſunt facta.

Verſ. 1. **IN TEMPORE** SEROTINO. Duplex pluvia frequenter memoratur in Scriptura, Temporanea, & Serotina. Temporanea est quæ tempeſtively, id est tempore ſementis decedit menſe Octobri. Serotina quæ ſero, id est adultis iam ſegetibus ad illas ineraſſandas, & ad maturitatem perducendas menſe Aprilis. Haſ monet ut petant non ab Idolis, ſed a Domino. **ET DOMINUS FACIET NIVES**; quaſi dicat: Poſt ſementem petite a Domino ut tempore ſuo det veſtris ſatis pluviam ſerotinam, & ipſe, quippe benignus, votis veſtris annuet, & non modo pluviam dabit, ſed etiam nives in hieme, ut illis tegantur ſemina, & firmiores agant radices. Quam utiles ſint nives in arvis poſt ſementem, vide apud Plin. Lib. XVII. cap. 11. **PLUVIAM** IMBRIS, id est pluviam copioſam, & uberem. LXX. vertunt, *Pluviam hiemalem dabit eis*: hiemalis enim eſt copioſa æque, ac refrigerans. **DABIT** EIS; pro, dabit vobis, id eſt enallage perſonæ. **SINGULIS HERBAM IN AGRO**. Chald. habet: *Ut dei eis frumentum ad comedendum, & herbam iumentis in agro*.

V. 2. **QUIA SIMULACRA LOCUTA SUNT** INUTILE; quaſi dicat: Petite a Deo imbres, & fertilitatem, quam muta ſimulacra præſtare non poſſunt. **LOCUTA SUNT** INUTILE: Dæmones de rerum copia, vel inopia conſulti per ſimulacra dant reſponſa inutilia, immo falſa, & noxia. **DIVINI VIDERUNT MENDACIUM**. LXX. *Viſiones falſas*. Chald. *Divini prophetant falſitatem, & vane conſolantur*. **ET SOMNATORES**, &c. Eſt repetitio eiſdem ſententiæ: ita vocat divinos, qui ex ſomniis divinabant, vel ſua ſomnia pro oraculis venditabant. **IDCIRCO ABDUCTI SUNT QUASI GREX**; id eſt, Iudæi abducti ſunt in captivitatem, quia divinatoribus hiſce ſidem accommodabant. **AFFLIGENTUR**, **QUA** NON EST EIS PASTOR; id eſt, ibique aſſiſti ſunt, & quaſi præda Chaldæis obiecti: quia carebat vero paſtore, qui eos doceret, & tutaretur, & ab hiſce ſuperſtitioſis erroribus abduceret.

V. 3. **SUPER PASTORES**, &c. id eſt, iratus ſum falſis hiſce paſtoribus, qui gregem perdiderunt. **ET SUPER HIRCOS** VISA-

STABO, & puniam horum pastorum malos mores. Vocat hircos ob fœtidos, & damnatos mores, & quod hædos sibi similes, verbo, & exemplo gignerent. QUA VISITAVIT DOMINUS GREGEM SUUM: ut eum tueatur, & ex eo constituat duces, qui eum propugnent; accipitur enim hoc verbum visitandi in bonum, ut patet ex sequentibus. ET POSUIT EOS QUASI EQUOS GLORIAE SUAE; quasi dicat: Hi autem propugnatores duces erunt, quasi equi generosi Dei, ad bella pro populo strenue proidentes, & illius hostes profligantes. Tales fuerunt Machabæi, de quibus videtur hic esse sermo.

V. 4. EX IP SO ANGULUS: ex ipso Iuda, id est ex gente Iudzorum, prodibit angulus. Porro angulus metaphoricè vocatur Princeps, qui rempublicam sulcit. PAXILLUS: idem est quod angulus, sed alia dictum metaphora: princeps enim in republica idem est quod paxillus, aut clavus fixus in pariete, ex quo arma, vasa, vel supellex suspenditur: sic ex voluntate Principis omnia pendent. ARCUS PRAELIT: prodibit fortitudo bellica, fortes milites, & duces. EXACTOR. Pagnin. vertit, Praefectus, qui scilicet a subditis militarem exigit disciplinam, aut a civibus vestigia Principi debita, quibus onera reipublicæ sustinentur.

V. 5. CONCULCANTES LUTUM VIARUM IN PRAELIO, id est conculcantes hostium cadavera in prælio, ut lutum platearum. ASCENSORES EQUORUM: hostes eorum, viribus suis & suo equitatu præfidentes.

V. 6. ET CONFORTABO DOMUM IUDÆ, &c. has reportabant victorias, quia ego vires eis suggeram ad præliandum, idcirco difficile videri non debet quod polliceor. ET DOMUM IOSEPH SALVABO. Domus Ioseph sunt decem tribus, quarum caput fuit tribus Ephraim, filii Ioseph. Dicit se salvaturum domum Ioseph, quia multi ex decem tribubus se Iudzis adiunxerant, ideoque eiusdem salutis, & felicitatis participes futuri erant. CONVERTAM EOS: a superstitione idolorum ad veram, & patriam religionem. ET ERUNT; scilicet tam Iudzæ, quam reliqui Israëlitarum ad decem tribus pertinentes. SICUT FUERUNT QUANDO NON PROIECERAM EOS, id est sicut fuerunt ante captivitatem Babylonicam, & Assyriacam. ET EXAUDIAM EOS; id est,

propitius ero eis, quacumque in re opus habuerint auxilio meo.

V. 7. ET ERUNT PORTES EPHRAÏM; quasi dicat: Erunt quasi heroes Ephraim fortiter bellantes bella Domini; Tribus Ephraim inter ceteras erat fortissima: hinc illud Psal. LXXVII. 9. Filii Ephraim intendentes, & mittentes arcum, conversi sunt in die belli. ET LAETABITUR COR EORUM: propter frequentes victorias QUASI A VINO: ut illi lætantur, qui haullò generoso vino hilarescunt. ET FILII EORUM; quasi dicat: Filii, nepotes, & posteri eorum cernent, audientque patrum, & avorum suorum trophæa, indeque exultabunt in Domino, & ad eandem gloriam emulandam accendentur.

V. 8. SIBILABO EIS, &c. id est sibilò eos evocabo, & congregabo velut oves in Ierusalem, & in synagogam, & tempore Christi in Ecclesiam. QUA REDEMÏ EOS: quia statui illos ab hostibus liberare, & captivitate dæmonis. ET MULTIPLICABO EOS, &c. adducam eos ad eam multitudinem qua florebant, antequam tot calamitatibus, & cladibus attriti minuerentur.

V. 9. ET SERVABO EOS IN POPULIS: non solum intra suos fines prospere agent, sed ad alias etiam gentes se conferent & regionem veram, patriam, & avitam retinebunt, etiam si versentur in longinquis regionibus. ET VIVENT CUM FILIIS SUI: non erit captivitas, aut servitus, quæ filios a parentibus separet. ET REVERTENTUR: & cum volent, patrium solum libere repetent.

V. 10. AD TERRAM GALAAD, ET LIBANUS, id est in Iudæam, cuius limites sunt Libanus, & Galaad. NON INVENIETUR EIS LOCUS: qui illos capere possit, tanta erit multitudo.

V. 11. ET TRANSIBIT IN MARIS FRETUM: alludit ad transitum maris rubri. Sensus est, & difficultates obstantes superabunt divini auxilii beneficio, quemadmodum olim patres eorum mare rubrum traiecerunt. ET PERCUTIENT IN MARI FLUCTUS: ac si haberent virgam illam Moysi mirabilia effedricem. ET CONFUNDENTUR OMNIA PROFUNDA FLUMINIS; quasi dicat: Erubescet quodammodo Iordanis cum sibi parendum esse videbit, sentietque aquarum suarum cursum inhiberi. HUMILIABITUR SUPERBIA ASSUR: comprimetur

tur Assyriorum, Aegyptiorum, aliarumque inimicarum gentium superbia, & potentia, ut populo meo nocere possint.

V. 12. CONFORTABO EOS IN DOMINO; hoc est, virtute Domini, id est auxilio meo. ET IN NOMINE EIUS, &c. id est, ego illis opem feram, ut possint totum iter suae peregrinationis perficere, & ad Ierusalem, hoc est ad Ecclesiam militantem, & tandem ad triumphantem in caelis pervenire.

T I R I N I.

Verf. 1. A DOMINO caeli & terræ, non ab idolis, PETITE necessariam vobis PLUVIAM IN TEMPORE SEROTINO, a id est tempore verno vel exeunte hieme. Tunc enim pluvia egent fruges ut adolescant, inquit Macrobius b. Allegorice, matutina Iudæis pluvia fuit doctrina Moysis & Prophetarum, quibus suadet ut iam petant serotinam Christi & Apostolorum, ut adolescant & viros perfectos evadant: ita S. Cyrillus, Hieronymus & Rupertus. ET DOMINUS FACIET NIVES ad terram fecundandam, & copiam frugum exprimendam. Nives enim, ut ait Plinius c, animam terræ evanescentem exhalatione, includunt & comprimunt, retroque agunt in vires frugum atque in radices: dein & liquorum sensum præbent, & purum & levissimum, quia nix aquarum celestium spuma est, qua tellus fermentescit & succi plena redditur. Tropologice, nives sunt tribulationes, quæ faciunt ne homo sese in externa nimis effundendo evanescat, sed secum habitet, & animum virtutibus omnis generis fermentet.

V. 2. SIMULACRA & idola LOCUTA SUNT INUTILE, id est non asserunt utilitatem, sed damnum. Ex livore enim & studio nocendi hominibus, suadent seu per se, seu per divinos, id est magos & sagas, ut plurimum rapinas & alia scelera: vel si quid boni subindulgeant, mox ingentes clades & damna subinfertur, ut multis exemplis docet Delrio d. Et quia eiusmodi divinis & ariolis parentes vestri fidem habuerunt, IDCIRCO in tantam miseriam prolapsi sunt, ut instar gregis ovium abducerentur a Chaldeis in Babyloniam, & ibi præda fierent lupis, destruturi vero pastore qui eos tutaretur: ita Chaldeus. Nam

V. 3. PASTORES quos illi sequebantur, putati divini & arioli, non erant veri pastores, sed fures & latrones, quos etiam furor meo contrivi & pessumdedi. Erant & hirci foedi & foetidi, populo meo ad omne nefas duces & auctores, sicut hirci præeunt capris & hœdis. Unde cum iam visisset DEUS GREGEM SUUM DOMUM IUDÆ, seu gentem Iudaicam, ex omnibus omnium tribuum, qui in Iudæam reverterant, confectam; separabit & submovebit a grege suo foetentes hircos istos, & alios sublituit viros pastores ac duces, puta nepotes Zorobabelis, & posteros Iesu pontifices, actandem etiam principes Machabæos: Allegorice, Apostolos & alios Prælatos Ecclesiæ Christi, qui quasi equi d generosi, & strenui equites, ad bella pro populo procedent, hostes illius prostrigabunt, & regnum ac gloriam Dei quaquaversum propagabunt: ita S. Hieronymus & alii supra citati. Porro Prælati Ecclesiæ modis omnibus curandum, ut Christo equi sine GLORIAE, non ruinæ, qualis erat ille Sedianus equus, qui quaternos ordine heros suos & sessoros, Seim, Dolabellam, Cassium & Antonium perdidit; ne & ipsi regnum & gloriam Christi perdant potius quam propagent.

V. 4. Ex ipso Iuda prodibit princeps Machabæus, deinde & Christus Messias, qui in republica & Ecclesia sua id præstabit quod in domo præstat primo, ANGULUS e, illam fulciens, stringens, uniens; secundo, PAXILLUS f, qui firmus & immotus alia se dependentia firmat & sustentat; tertio, ARCUS g PRAELII, per quem fugatur & sternitur hostes; quarto, EXACTOR h, qui curam disciplinæ, custodiam legum, observantiam debiti cultus, officii & obsequii constanter & exacte deposcit.

V. 5. Comeneabunt hostes suos quasi LUTUM VIARUM, ipsi FORTE IN PRAELIO; Hebraice, ghibborim, id est prævalidi, præpotentes, invicti heroes, gigantes. Quorum virtute & robore CONFUNDENTUR & sternentur ASCENSORES EQUORUM: puta duces & milites Antiochi, qui pollebant & superbiebant equitatu suo, cum Machabæi fere pedites pugnant.

V. 6. CONVERTAM; id est, ab exilio reducam in patriam, etiam qui de domo Ioseph, seu Ephraim, id est ex decem tribubus i sunt oriundi, si reverti voluerint.

Hb 2

V. 7.

V. 7. ET ERUNT QUASI PORTES; Hebraice, *ghibbarim*, de quo supra, & quidem quasi portas EPHRAIM: quæ tribus inter reliquas decem fuerat fortissima & ac gloriosissima: unde & ceteris tribubus dedit pene continuos reges.

V. 8. SIBILABO EIS; id est, sibilu illos convocabo in patriam, sicut oves in ovile. Sibilus hic erit fama instauratæ reipublicæ & religionis per Zorobabelem, per Machabæos, per Christum.

V. 9. SEMINABO quidem plurimos illos in variis ac remotis POPULIS, ut ad tanto plures notitia mei pertingat: nam ipsi etiam DE LONGE & ex locis istis remotissimis RECORDABUNTUR cultus, MET, & legis mez; sed statò tempore REVERTENTUR in patriam.

V. 10. DE TERRA AEGYPTI, in quam vel sponte profugerunt, vel vi pertrahentur sub Ptolemæo Lagi, quorum centum viginti millia reducam in Iudæam sub Ptolemæo Philadelpho, ut alibi I dixi, & quidem tanto numero advolabunt, ut LOCUS EIS sufficiens NON INVENIATUR: unde cogen tur ampliari pomeria sua.

V. 11. ET TRANSIBIT tribus vel populus Iuda etiam IN FRETO MARIS; quasi dicat: Etiam trans mare & ultra flumina transferet imperium & sedes & colonias suas. Coram eo CONFUNDENTUR OMNIA PROFUNDA, tum fluminum, tum marium, quia victoribus cedere, & liberum transitum concedere cogentur. Neque resistendo illis erunt etiam *superbissimi Assyrii*, id est quivis tyranni, aut potentissimi *Aegyptii*, quo minus per illorum regna, adeoque & per universum orbem, populus Dei sese diffundat ac propaget. Quod in Machabæis

vix inchoatum, sed in Christo eiusque Apostolis, & Apostolorum successoribus perfecte completum videmus & gaudemus.

- (a) Joel. 11. 23.
- (b) Macrobi. Lib. V. Saturnal. cap. 22.
- (c) Tulin. Lib. XVII. cap. 11.
- (d) Delsio in Disquisitione Magicis.
- (e) Iob. XXXIX. 20.
- (f) Isaiæ XIX. 13. Ephes. 11. ult.
- (g) Isaiæ XXXI. 23.
- (h) Zach. IX. 13.
- (i) Bernard. Lib. IV. de Considerat. cap. 20.
- (k) Osee 2. 6.
- (l) Isai. LXXVII. 9.
- (m) Chronici cap. XXXIX. initio.

GORDONI.

Vers. 3. SUPER PASTORES, &c. Dominus visitabit pseudopastores, quos merito hircos vocat ob turpitudinem. Visitabit etiam (contrario sensu) & fovabit quos daturus est bonos pastores. En iterum ad litteram Machabæos, & mystice Apostolos. Hinc vers. 4. Machabæus ANGULUS, erit & PAXILLUS; nempe princeps belli contineas suos, ut lapis angularis coniungit parietes; & ut paxillus, ex quo pendet & suppeditantur arma ad bellum.

V. 6. ET CONFORTABO, &c. Loquitur in hac promissione Deus de duobus regnis unitis iterum sub Machabæis. Iuda hic sunt duæ tribus. Ioseph vero sunt decem tribus, quarum caput fuit tribus Ephraim. Et aliquoties accipitur pro decem tribubus: erat Ephraim alter filius Iosephi. Hi omnes sunt quos promovebit Dominus, & quasi sibilò convocabit sub magnis & promissis ducibus, & hoc maxime sub Christo.

CAPUT XI.

Iubet Dominus pasci pecora occisionis, quibus non parceret, quia pastores eorum non parcebant eis: de duabus virgis tandem abscissis, & tribus pastoribus uno mense succisis: de appensa mercede triginta argenteorum proiectorum ad statuarium: de alio malo pastore a Domino suscitando.

I.  Peri Libane portas tuas, & comedat ignis cedros tuas. 2. Ulula abies: quia cecidit cedrus, quoniam magnifici vastati sunt: ululate quercus Balsam, quoniam succisus est saltus munitus. 3. Vox ululatus pastorum, quia vastata est magnificentia eorum: vox rugitus leonum, quoniam vastata est superbia Iordanis. 4. Hæc dicit Dominus Deus meus: Pasce pecora occisionis, 5. quæ qui possederant, occidebant, & non dolebant, & vendebant ea, dicentes: Benedictus Dominus, divites facti sumus: & pastores eorum non parcebant eis. 6. Et ego non parcam ultra super habitantes terram, dicit Dominus: ecce ego tradam homines, unumquemque in manu proximi sui, & in manu regis sui: & concident terram, & non eruum de manu eorum. 7. Et pascam pecus occisionis propter hoc, o pauperes gregis. Et assumpsi mihi duas virgas, unam vocavi Decorem, & alteram vocavi Funiculum: & pavi gregem. 8. Et succidi tres pastores in mense uno, & contracta est anima mea in eis: siquidem & anima eorum variavit in me. 9. & dixi: Non pascam vos: quod moritur, moriatur: & quod succiditur, succidatur: & reliqui devorent unusquisque carnem proximi sui. 10. * Et tuli virgam meam, quæ vocabatur Decus; & abscidi eam, ut irritum facerem sordus meum, quod percussi cum omnibus populis. 11. Et in irritum deductum est in die illa: & cognoverunt sic pauperes gregis, qui custodiunt mihi, quia verbum Domini est. 12. Et dixi ad eos: Si bonum est in oculis vestris, afferte mercedem meam; & si non, quiescite. (¶) Et appenderunt mercedem meam triginta argenteos. 13. Et dixit Dominus ad me: Proiice illud ad statuarium, decorum pretium, quo appetiatus sum ab eis. Et tuli triginta argenteos, & proieci illos in domum Domini ad statuarium. 14. Et præcidi virgam meam secundam, quæ appellabatur Funiculus, ut dissolverem germanitatem inter Iudam & Israel. 15. Et dixit Dominus ad me: Adhuc sume tibi vasa pastoris stulti. 16. Quia ecce ego suscitabo pastorem in terra, qui derelicta non visitabit, dispersum non quæret, & contritum non sanabit, & id quod stat non enutriet, & carnes pinguium comedet, & ungulas eorum dissolveret. 17. O pastor, & idolum, derelinquens gregem: gladius super brachium eius, & super oculum dextrum eius: brachium eius ariditate siccabitur, & oculus dexter eius tenebrefcens obscurabitur.

(*) Matth. xxvii. 9.

NOTATIO.

Verf. 10. **E**T tuli virgam meam qua vocabatur Decus. Sex nostri codices pro Decus legunt Decor; eo nomine quo prius virga hæc appellata est, versu septimo, *nam vocavi decorem*. Ceterum ut plerique ita & emendatissimi quique libri cum Translationum textibus posteriori hoc loco decus ha-

bent, tamen idem utrobique in Hebræo sit nomen דָּוָן & quidem etiam דָּוָן decorem potius quam decus significat: pulchritudinem enim notat; sed Interpretem pro eodem hæc accepisse, ideoque quam prius Decorem vocaverat, postea decus appellasse Epanorthotes docet.

COMMENTARIA

S A.

Verf. 1. **A**PRI LIBANE, id est templum, vel Ierusalem; erant enim loco edito, & insignes pulchritudine, & civibus, velut arboribus. Chald. *aperite populi*. IGNTS, id est bellum Romanorum. CEDROS, id est principes, & mobiles; quasi dicat: Velis nolis apertis portis tuis vastaberis. Chald. *munitiones*.

V. 2. ABIES, id est secundi dignitate principibus, seu minores magistratus. LXX. *pinus*. CEDRUS, id est supremæ dignitates. MAGNIFICI. LXX. *optimates*. Chald. *divites*. QUERCUS, &c. quasi dicat: Vicini magnates. Chald. *satrapæ provinciarum*. SALTUS, scilicet Ierusalem.

V. 2. VOX, scilicet auditus: repræsentat tempus calamitatis. PASTORUM. Chald. *Regum*. MAGNIFICENTIA, id est potentia, seu opes. Chald. *provincia*. LEONUM, scilicet potentium. Chald. *ut leonum*. SUPERBIA IORDANIS, id est superba loca, ubi habitabant.

V. 4. PASCE; quasi dicat: Pascite sane oves, o gubernatores, certe occiduntur ab hostibus. Quidam putant Christo dici. OCCISIONIS, id est credi destinatæ.

V. 5. POSSEDERANT, scilicet mali pastores. Vide Ierem. xxi. Ezech. xxxiv. OCCIDEBANT, scilicet spiritualiter. DOLEBANT. LXX. *pauperentiam agebant*, scilicet de tanto peccato. VENDEBANT; quasi dicat: Ex eis quæstum faciebant, more vendentium. PARCEBANT. LXX. *compa-*

tebantur. *V. 6.* TERRAM, scilicet Iudæam. PROXIMI, scilicet intestina fuerunt bella Iero-

solymis tempore obsidionis. REGIS, id est ducum, vel Cæsaris, cui se subiecerant. CONCIDENT, id est vastabunt, scilicet Romani. Chald. *diripient*.

V. 7. PASCAM. VOX Christi. OCCISIONIS, id est quod a malis pastoribus occiditur; vel quasi dicat: Alioqui morte dignum ob peccata. PROPTER HOC, scilicet quia defuncti pastores boni, vel quia misericors sum, & ipsi egent. O PAUPERES. Suos alloquitur, quamquam Hebr. non est o. VIRGAS, id est baculos pastorales. DECOREM: hac gubernabat omnes homines, decebat enim id Deum. FUNICULUM, hac gubernati Hebræi, quasi Dei hereditas.

V. 8. TRES, scilicet Moysen, Aaron, Mariam: sic Hieron. Vide Mich. vi. Alii intelligunt sacerdotes, Scribas, & sæcularem potestatem. MENSE UNO, id est intra paucos dies in deserto, vel bello Romano. CONTRACTA, id est anxietate, seu molestia pressa; quasi dicat: Mihi molesti fuerunt Hebræi vel coepi retrahere favorem. IN EIS, id est eorum causa, vel pro in eos. VARIAVIT, scilicet mutati sunt ab obedientia, & cultu meo. Chald. *destrata est cultum meum*.

V. 9. NON PASCAM, scilicet amplius. ut solebam. SUCCIDITUR, scilicet ab hostibus. Chald. *consumitur*. LXX. *deficit*. CARNEM. Chald. *substantiam*.

V. 10. ABSCIDI, &c. scilicet abiecit Deus populum Gentilem ob idololatriam. LXX. *proiciam*, pro, proieci. FOEDUS, scilicet de quo Genes. ix.

V. 11. GREGIS. Chald. *populi*. CUSTODIUNT, scilicet quæ eis præcepi. MINUS, scilicet obediendo: vel abundat, more Hebræi.

bro. Chald. *voluntatem meam*. VERBUM, id est decretum; quasi dicat: Agnoverunt Dei gratiam in se factam Dei bonitate, vel approbarunt Dei consilium iuxta illud, *Iustificata est sapientia a filiis suis*.

V. 12. SI BONUM. Chald. *si rectum*; quasi dicat, Si æquum esse iudicatis, ut est revera. MERCEDEM, id est quod a vobis requiro velut debitum meum in vos providentiam, scilicet obedientiam, & honorem, &c. ET SI NON, &c. quasi dicat, Quod si non placet, ne facite. ET APPENDERUNT, &c. quasi dicat, Loco mercedis me emerunt a Iuda vili pretio. Solebat pecunia ponderari olim, ut nunc scuta aurea, ne quid desit pretio. ARGENTEOS, scilicet fidos.

V. 13. AD ME, scilicet Christum. STAUARIUM. Hebr. *plasmatores*, seu formatores, scilicet Deum, qui omnia plasmavit, in eius enim templum proiecti argentei, vel figuli, in huius enim agri emptionem dati; proiecti autem Christus, quia eo movente proiecti a Iuda. DECORUM; quasi dicat, Egregium vero pretium.

V. 14. PARACIDI; quasi dicat, Deservi populum meum, ne ut antea regerem. GERMANITATEM. Chald. *pastum*. LXX. *reflamentum*; quasi dicat: Fœdus, quod initum fuerat inter me & Iudam atque Israel.

V. 15. VASA, id est instrumenta. STULTI. LXX. *imperi*. Quidam intelligunt stultitiam improbi & impii, qui scilicet officium Pastoris in perniciem ovium vertit, & Pastoris instrumenta in arma.

V. 16. PASTOREM, scilicet Antichristum, quem Iudæi recipient. DISPERSUM. Chald. *errantem*. CONTRITUM. LXX. *fractum*. ID QUOD STAT. LXX. *integrum*. ENUTRIET. Chald. *sustentabit*. LXX. *diriget*. CARNES PINGUIUM. Chald. *substantias divitum*. DISSOLVET. Chald. *consumet*. LXX. *perverset*.

V. 17. IDOLUM, id est specie tantum pastor. GLADIUS, scilicet Dei, id est Dei ultio. BRACHIUM, id est potentiam. OCULUM, id est astutiam. TENEBRESCENS, &c. LXX. *excacatus excacabitur*.

EST II.

Verf. 4. HÆC DICIT DOMINUS DEUS MEUS: PASCE PECORA OCCISIONIS, QUAE QUI POSSEDERANT, OCCI-

DEBANT, ET NON DOLEBANT. Prophetia est contra malos pastores. Occidunt pecora, & non dolent, qui animas ovium suarum malis exemplis interficiunt, de quibus dicitur generali sententia Matth. xviii.

Qui autem scandalizaverit unum de pusillis istis, expedit ei ut suspendatur mola asinaria ad collum eius, & demergatur in profundum maris. Non dolent, autem qui eum Apostolo dicere non possunt: Quis scandalizatur, & ego non uxor? II. Cor.

ii. Vendunt autem pecora, qui officium pastorale in quæstum vertunt, existimantes quæstum, & velut nundinationem esse pietatem, qui dicunt, ut hie a propheta subditur; *Benedictus Dominus, divites facti sumus*; id est, si lae & lana abundant, ubi gratulantur, ac Deo velut gratias agunt, tamquam de optimo pastoratu, intorrem parum aut nihil solliciti de salute gregis. Sed longe aliter apostolus Paulus, qui dicebat ad Philipp. iv. *Non quia quæro datum, sed requiro fructum abundantem in ratione vestra*. Fructus nempe quærebat ovium, non datum suum, id est ovium salutem, non suum commodum.

V. 15. 16. & 17. ADHUC SUME TIBI VASA PASTORIS STULTI QUI DERELICTA NON VISITABIT, DISPERSUM NON QUÆRET, ET CONTRITUM NON SANABIT, &c. Ecce adhuc alias conditiones malorum pastorum recenset, & increpat propheta. Tropologice describitur pastor non residens, & tamen pinguis comedens, fructus percipiens, immo usque ungulas ovium dura exactione dissolvens: sic enim intelligunt id quod hie dicitur: CARNES PINGUIUM COMEDET, ET UNGULAS EORUM DISSOLVET. Et exclamat super hoc propheta: O PASTOR ET IDOLUM DERELINQUENS GREGEM. Et merito idolum dicitur, quia pastoris nomen, honorem, & proventus habet, & officium non exercet; sicut idola dii dicuntur, & pro diis honorantur, & nihil divini operis hominibus præstant, sed muta sunt simulacra.

MARIANAE.

Verf. 2. A PERI LIBANE. Per Libanum Hieronymus & alii templum intelligunt, quod Libani lignis testum esset. Putat enim Hieronymus hoc loco de secundi templi excidio agi a Romanis factum.

40. Sic etiam plectique alii: Ergo aperi templi portas Romanis; non enim poteris resistere. ET COMEDAT, seu *comeder* IGNIS CEDROS; hoc est, optimates, qui in populo eminent, ut cedri in silva.

V. 2. ULULA ABIES. Perstat in eadem metaphora, & per *abietes* Hieronymus sacerdotem intelligit, qui post cedros excellere sunt. QUONIAM MAGNIFICI. Ii sunt cedri, & optimates. ULULATE QUERCUS BASAN. In regione ea fertili quercus multum crescunt. Per *quercus*, divites intelligit, quos ad planctum invitavit. QUONIAM SUCCISUS EST, seu *cecidi*, SALTUS MUNITUS, id est templum, quod instar arcis munitus erat.

V. 3. VOX ULULATUS PASTORUM, id est gubernatorum, quia capta urbe periit eorum magnificentia, in ordinem sunt redacti sublati potestate. VOX RUGITUS LEONUM. Hi sunt milites, qui rugiunt, quoniam regio universa, quae Iordane alluitur, vastata est, aut per *superbiam Iordanis* arbores intellige, quibus ripae vestitae erant. VASTATA EST SUPERBIA IORDANIS.

V. 4. PASCE PECORA OCCISIONIS, id est occisioni destinata. Pasce verbo, o Prophetia, si forte convertantur, & ignorem eis. Quidam Hebraica vertunt sic; *Pascere*, pro, pascam, oves, morti quamvis destinatas. Ego Deus eas non desituiam, si forte convertam. Huic expositioni, quae David Kimhi est, puncta Hebraica non favent, sed vult *רעה* rebe sumi pro *רעות* rebeth, id est *pasce*, pro *pascere*.

V. 5. QUAE QUI POSSEDERANT, id est Principes, qui tueri debent populum, eos occidebant, diripiebant eorum bona, ut eo adipe saginarentur. ET NON DOLEBANT. Hebr. *non peccabant*, id est non putabant se in eo peccare; tanta & tam libera lenientia ea erat. ET VENDEBANT EA, &c. Hebr. *et vendentes ea dicebant: Benedictus Deus; quasi pro te sancta & licita gratias Deo agebant, quod ea venditione divites essent facti. ET PASTORES EORUM NON PARCEBANT EIS.* Hebr. *non parcebat*, in singulari, ideo pro *pastores* Pagn. vertit *pastor*, scilicet nec ego qui pastor sum, ipse parcam, sed contra irritatus eorum peccatis, in eos grassabor.

V. 6. ET EGO NON PARCAM. Hebr. *quia non parcam amplius habitatoribus terra, ci-*

licet huius. Ea causalis indicat recte superius verti, & *pastor non parcebat*, seu *parceat eis*. ECCE EGO TRADAM, committam eos inter se, & cum suis Regibus, intestini tumultus erunt rebelliones in Reges, malorum extremum. NON ERUAM DE MANU EORUM, scilicet terram, aut imbecilliores de manu potentiorum non libetabo.

V. 7. ET PASCAM; pro, & pavi; scilicet olim gubernavi hunc populum, qui nunc cardo est destinatus. PROPTER HOC; ut, si fieri posset, haec mala vitarem & averterem. O PAUPERES GREGIS. O miseri, quos video morti destinari. ET ASSUMPSI MIHI DUAS VIRGAS, seu *sceptra*, duas gubernandi rationes, unam post alteram. UNAM VOCAVI DECOREM. Hoc Hieronymus refert ad tempora Noe, quia decorum erat, omnes homines unum Deum agnoscere: Ego ad Moysen tempora referrem & Iudicum, cum in eo populo libera & politica gubernandi ratio fuit, quam Deus praeter ceteris probavit, ut patet I. Reg. viii. 7. ET ALTERAM VOCAVI FUNICULUM. Sic Sept. Hieronymus hoc refert ad tempus Abraham, cum Deus Iudaeos ut hereditatem peculiatem elegerit. Id significat *funiculus*. Deut. xxxii. 9. *Iacob funiculus hereditatis eius*. Hebr. *hobelim*, quam vocem alii corruptores vertunt, alii *catum*, alii *nauceros*. Sed quocumque modo, Reges intelliguntur, qui Iudicibus successe- runt; & corruptores vocantur, quia plerique tyrannice gubernant: & *catus*, quia capita multitudinis; & *nauceri*, quia ut illi navim, sic Reges subditos regunt. ET PAVI GREGEM; pro, & sic pavi gregem, scilicet his duobus modis.

V. 8. SUCCIDI TRES PASTORES. Qui sunt hi pastores? Hieronymus: Moyses, Aaron, & Maria. Fortassis hi fuerunt Heli, & duo filii eius, I. Reg. iv. vers. 11. & 18. qui in confinio Iudicum & Regum simul perierunt. ET CONTRACTA EST, &c. Hebr. *abbreviata est anima mea in eis*, id est non eis peperi. Quia ANIMA EORUM VARIAVIT. Hebr. *repuhi me*. Filiorum Heli peccatum notum est.

V. 9. NON PASCAM VOS, id est non vos proregam. Magna fuit clades, cum capta est arca. ET RELIQUI DEVORENT. Hebr. *et relique* (scilicet oves) *devorent*, quae *foetam suam*. Pars ab hostibus occidatur,

datur, reliqui mutuis diffidiis cadant. Hieronymus mutato genere retinuit sententiam.

V. 10. ET ABSCIDI EAM virgam, seu fregi. Abscidi Iudices & populo. FœDUS MEUM. Volebat Deus ne Gentes ei populo nocerent, dum sub Iudicibus fuit, sub eius protectione. Eam voluntatem fœdus iustum cum Gentibus vocat.

V. 11. PAUPERES GREGIS, id est miser populus, ac probus quique cognovit experimen-
to. Qui mea protectione esse destitutos. QUI CUSTODIUNT MIHI. Sept. qui custodiuntur mihi. Hebr. qui custodiunt me, id est verba mea, mihi obediunt, ii cognoverunt. QUA VERBUM DOMINI EST. Hoc quod dico esse verum.

V. 12. ET DIXIT AD EOS. Ad quos? ad populum quem paveram. AFFERTE MERCEDEM MEAM; pro labore quo vos pavit tam multo tempore. ET SI NON, QUIESCITE; id est, si id non placet, non curio. TRIGINTA ARGENTEOS. Hebr. triginta argenti, id est argenteos dederunt scilicet. In quo addere potuisset, triginta argenti sculos, ut aliis locis addit Interpretis: de quo Lib. de Pond. & mens. cap. vi. extremo.

V. 13. ET DIXIT DOMINUS AD ME, ad Prophetam scilicet. PROICE ILLUD AD STATUARIUM. Vox יצו, iocer, id est fector, & statuarium significat & figulum, ut Matthæus ponit cap. xxvii. 10. & dederunt eos in agrum figuli, ubi hunc locum de Iude venditione affert. Ea fuit merces, quam homines Christo dederunt. Quidam explicanti, proice in domum Dei, quia fector est omnium. Ergo proice illud ad figulum, ut scilicet eo argento ematur ager figuli. Alii, proice illud ad thesaurarium, quia vox illa, mutato Iod in Aleph, quæ literæ sunt permixtæ, significat thesaurum. Huc Chald. respexit, cum dixit, Proice illud in domo sanctuarii Domini, in manu præpositi magni. DECORUM PRETIUM, seu magnificum pretium, ironice. In Matthæo legitur, quod dictum est per Ieremiam, scilicet loco aliquo, qui non extat. Syriacus tantum habet, quod dictum est per Prophetam, ut Zachariam possit intelligere. Sane cum triginta argentei, figulus, & proice illud in templum hic exprimentur, plerique putarunt hunc locum a Matthæo citari, similique de Christo intelligi, & de Zacharia.

Bib. Sac. Tom XXII.

V. 14. ET PRAECIDI, seu fregi. Sept. abieci. VIRGAM MEAM SECUNDAM, scilicet Regiam potestatem sustuli: quando? UT DISSOLVEREM GERMANITATEM; pro, ideo dissolvi germanitatem inter Iudam & Israel. Ex eo enim tempore, debilitato utroque Regno, externis iniuriis opportuni fuerunt, & nihili Reges; sic factum, ut Assyrii prævalerent, deinde Babylonii, postremo Romani.

V. 15. ADHUC SUME TIBI VASA (instrumenta) PASTORIS STULTI. Sept. imperiti. Chald. insipientis. Ea sunt fistula, cithara, pera pertusa, quæ gellat Prophetam, ut ostendat, futuros pastores & Reges tales fuisse. Hebr. vasa pastoris nihili: sic vocem כלי עויל, explicat Hebr. seu מלי עיל.

V. 16. SUSCITABO PASTOREM; pro, pastores. QUI DERELICTA NON VISITABIT. Hebr. abscessa non visitabit, id est non numerabit quæ pecudes defunt. DISPERSUM NON QUÆRET. Hebr. puerum non quæret, id est tenellos agnos. ID QUOD STAT NON ENUTRIET. Hebr. stantem non sustinebit, id est quæ retro manet, non feret humeris, solum suæ cutis & gulæ curam habebit. ET UNGULAS EORUM DISSOLVET. Hebr. rumpe, scilicet crura pedo rumpe. Id solum faciet.

V. 17. O PASTOR, ET IDOLUM, qui solum pastoris imaginem præters. Hebr. o pastor nihili. GLADIUS SUPER BRACHIUM EUS, id est cædes & consumptio illi instat. BRACHIUM EUS ARIDITATE SICCATUR; id est, neque vires habebit, neque prudentiam ullam; gregi nullam utilitatem afferet. Ita mihi de Regibus loqui videtur, qui post regni divisionem extiteret. Hieronymus per pastorem stultum Antichristum intelligit, quod multi alii sequuntur.

MENOCII.

Vers. 1. APERI LIBANE. Per Libanum templum intelligit ex cedris Libani confectum, & candore lapidum can-
dicans, ut Libanus candore nivium. Per Libanum autem & templum totam Ierusalem intelligit, de cuius excidio per Romanos hic loquitur Propheta. COMEDAT IGNIS CEDROS TUAS; id est, principes civitatis (qui inter cives eminent, ut ce-

I i dri

dri inter reliquas arbores) consumuntur extrema hac urbis calamitate, quasi a quodam incendio. Summos Principes, & Pontifices intelligit.

V. 2. ULULA ABIES. Per abietes intelligit Praepositos, Senatores, & praefectos minores; quasi dicat, Ululate senatores, & magistratus minores, quia ceciderunt Principes, qui vos alebant, & protegabant, ac proinde etiam vos manet excidium. Hoc est enim quod subdit. QUONIAM MAGNIFICI, (id est Principes) VASTATI SUNT. QUERCUS BASAN. Per quercus Basan potentes, & divites intelligit. SALTUS MUNITUS: Ierusalem, quam in eadem persiluisse allegoria arborem vocat saltum, vel silvam succisus est, pro succidetur.

V. 3. VOX ULULATUS PASTORUM; quasi dicat: Videor mihi audire vocem gubernatorum populi ululantium. MAGNIFICENTIA EORUM: urbs, & templum magnificum. VOX RUGITUS LEONUM: quos vocavit pastores, vocat nunc leones ob rapacitatem, & crudelitatem, ut notavit D. Hieron. VASTATA EST SUPERBIA IORDANIS: superba eorum palatia, & villae, quas iuxta Iordanem possidebant.

V. 4. PASCE PECORA OCCISIONIS: sunt verba Dei ad Zachariam; quasi dicat, Ego te Zacharia constituo pastorem, id est prophetam, ut tuis hisce oraculis pascas, doceas, & moneas Iudaeos de futuro excidio, ut mores emendent, atque ita cladem imminentem effugere studeant. PECORA OCCISIONIS: Iudaeos intelligit occisioni a Romanis quasi oves, & pecora destinatos. Vel appellat pecora occisionis, quia in eos, quasi in oves, impune grassabantur Principes, & Pontifices; quod bene coheret sequentibus.

V. 5. QUAE QUI POSSEDERANT, &c. id est, Gubernatores, & Principes occidebant has oves, ut comederent, & vendebant, ut ditiores fierent. Vide Jerem. xxiii. 1. & Ezech. xxxiv. 2. ET NON DOLEBANT: misericordia non tangebantur. Vel, Non putabant se peccasse. LXX. Non agebant penitentiam. DICENTES, BENEDICTUS DOMINUS: quasi gratias Deo agentes, quod sine peccato ditari essent. ET PASTORES EORUM, &c. id est, cum ipsi essent pastores, tamen eis non ignoscebant.

V. 6. NON PARCAM ULTRA; id est, sed neque ego, ignoscam pastoribus, quia

subditos devoraverunt, neque illis pepercerunt. IN MANUS PROXIME SUI. Hoc dicit propter seditiones, quae fuerunt in Ierusalem obtesta a Romanis, de quibus Ioseph. Lib. V. de bello Iud. cap. II. & Lib. VI. cap. I. & IV. IN MANU REGIS SUI, id est Caesaris; ipsi enim dixerunt Jo. ix. Non habemus Regem nisi, Caesarem. CONCIDENT TERRAM: vallabunt, scilicet Romani. Vatablus vertit, Converterent regionem ipsam.

V. 7. ET PASCAM PECUS, &c. Sunt verba Zachariae suscipientis onus pascendi oves occisionis, quod illi num. 4. fuerat impositum. PROPTER HOC, O PAUPERES GRECES: supplere, attendite ad ea, quae dicturus sum. Arias ita vertit: Pascam oves occisionis propter vos, o pauperes gregis, ut sensus sit: Quia oves hae sunt occisioni destinatae, & quia a Deo constitutus sum pastor earum, propter hoc pascam eas, praeterea ut vos o pauperes gregis, tum ab occisione imminente, tum e manu improborum pastorum vestrorum liberem. ET ASSUMPSI MIHI DUAS VIRGAS: duos baculos pastorales, ut pastoris habitum, aequae ac officium assumerem. UNAM VOCAVI DECOREM. Hebr. נִזְמָה nizam, id est decor, species, iucunditas, gratia, amabilitas, suavitas mansuetudo. Per hanc virgam significatur regimen amoris per consolationes, monitiones, & beneficia, quod post tempora Zachariae Deus exhibuit Iudaeis, per Machabaeos, & maxime per Christum. ET ALTERAM VOCAVI FUNICULUM. Per hanc significatur regimen durum per severas leges, & edicta, quibus populus, quasi funibus colligatur, constringitur, & si peccet flagellatur, vincitur, illaqueatur.

V. 8. ET SUCCIDI TRES PASTORES IN MENSE UNO. LXX. Auferam tres pastores in mense uno. Videtur intelligere Iudam, Ionatham, & Simonem Machabaeos fratres, quos Deus uno mense annorum, id est intra triginta annos sustulit; sed sub his tribus posteris, reliquosque populi principes usque ad Christum intellige. Hi enim populum rexerunt uno mense, id est exiguo tempore virga decoris, & cum ea a Deo ob iniquitatem, & rebellionem populi, praesertim dum Christo relictis, eumque occidit, successi sunt; sed Zacharias qui hic loquitur, dicit, succidi, quia loquitur tamquam propheta, & Dei Vicarius. ET CON-

TRA-

TRACTA EST ANIMA MEA IN EIS, id est præ moleſtia, & triftitia coarctata, & quali contraſta. LXX. *Gravata eſt*. Alii, *Anima mea nauſeavit in eis*. ANIMA EORUM, id eſt ipſi. VARIAVIT IN ME, id eſt in meo cultu, & in legis meæ obedientia, aliquando me colentes, & mihi parentes; aliquando a meo cultu, & obedientia recedentes. Pagnin. *verit*, & *etiam anima eorum nauſeavit in me*.

V. 9. QUOD MORITUR, MORIATUR: non erit mihi curæ veſtra ſalus, ſi qui diſcrimen mortis adibunt, per me moriantur, non ero ſolicitus, ut olim, ut liberem eos. SUCCEditUR: ab hoſtibus, & cladiſus, quibus affligemini. RELIquit: qui his mortis generibus non conſumentur, mutis ſuorum vulneribus conſiciantur, & cadant.

V. 10. ET TULI VIRGAM MEAM, &c. ſuſtuli regimen hoc amoris, & humanitatis, & huic contrarium induxi, ſeveritatis, & rigoris. UT IRRITUM FACEREM FOEDUS MEUM. Significat fœdus, & regimen amabile, & placidum, quo Iudæos regebat, & reſectus erat, ob eorum rebellionem frangendum eſſe in morte Chriſti. QUOD PERCUSSIT CUM OMNIBUS GENTIBUS. Dicitur hoc fœdus percuſſum fuiſſe cum omnibus gentibus, quia omnes eius participes eſſe poterant, ſi religionem Iudæorum ſuſcipere voluiſſent. Vel quia fœdus primo initum cum Noe a quo omnes homines propagati ſunt, traduſtum eſt ad Abraham, & Iudæos, & in illis permanſit.

V. 11. IN DIE ILLA: mortis Chriſti. ET COGNOVERUNT SIC, id eſt ex illa mea gubernandi ratione cognoscent. PAUPERES GREGIS, id eſt humiles, & manuſecti, Apoſtoli ſcilicet & alii fideles. QUI CUSTODIUNT MIHI: qui Dei voluntatem ſequuntur, & præcepta mea ſervant in mei gratiam. QUIA VERBUM DOMINI EST: cognoscent hoc eſſe iuſſum, & opus Domini, qui Iudæos impios impuſe abire non ſinit.

V. 12. ET DIXIT AD EOS. Ego, ſcilicet Zacharias paſtor ovium occiſionis, de quo munere paſtorali diximus num. 4. & ſequentibus. Memoria tamen reinendum quod ſupra monuimus Zachariam typum gerere Chriſti paſtoris, illumque repræſentare. Hæc omnia dixit, & geſſit Zacharias non re ipſa: ſed mentaliter, & per viſionem imaginariam. SE NONUM EST IN OCULIS VESTRIS, id eſt ſi vultis; ſi placet vobis. AFFERTE MERCEDEM MEAM: reddite mihi mercedem aliquam pro cura paſtorali quam ſuſtineo. ET SI NON, QUESCITE; quali dicat: Si mercedem conſtituere non vultis, non cogo, neque enim veſtra mercede, cultu, aut laude indigeo. Bene reſpondet Ital. phraſis, *ſe non volete laſciare ſtare*. ET APPENDERUNT: non ſolum numerarunt pecuniam, ſed appenderunt, ut conſtaret an iuſtum pondus haberet. TRIGINTA ARGENTEOS, ſiclos. Unus autem ſiclus quatuor Julius Romanis æquivaleret: dicitur Parisiſ eſſe unus ex illis argenteis nummis quibus venditus eſt Chriſtus, & eſſe ponderis tantum duorum Julior. Credibile eſt ſiclos, & ſemiſiclos cudi ſolitos, & illum nummum qui eſt Parisiſ, eſſe tantum ſemiſiclum, qui ſimul cum aliis partim integris ſiclis, partim ſemiſiclis, ſummam conſiceret triginta argenteorum, hoc eſt triginta ſiclorum.

V. 14. PROIICE TILLUD, &c. Zacharias pro munere ſuo paſtorali iuſtum pretium poſtulabat, fidem nimirum, & pietatem ex corde; ſed pro eo datum eſt illi vile pretium, quod Deo iuſſus eſt proicere ad ſtatuarium: ſic Chriſtus pro ſuo Evangelizandi miniſterio iuſtum pretium poſtulavit, ut ſcilicet ſui crederetur, & ut Meſſias denique filius haberetur; at illi pretio triginta argenteorum cum æſtimaverunt. Quemadmodum autem propheta indignatus proiecit pretium, & eos, qui illud dederant; ita Chriſtus proiecit Iudæos, eoſque tradidit Romanis vaſtandos. AD STATUARUM. Vox Hebraica יִסְתֵּר *iſter*, ſigillum ſignificat, aut cum qui ex metallis conſtatis ſigna format. D. Hieron. ſtatuarium vocavit, ut ſignificationem utramque complecteretur. Pagninus, Vatablus, & alii *theſaurarium* vertunt, putant enim יִסְתֵּר, *iſter* poſitum eſſe pro יִסְתֵּר *iſter*, quæ vox theſaurarium, id eſt præfectum theſauri templi ſignificat. Iubeatur ergo Zacharias proicere argenteos ad conſtatorem, ſive theſaurarium, ut illi qui metallum hoc, & ex eo formatas pecunias tractare ſolent, æſtimationem pretii huius viſitarent. Id vero iubetur propheta, ut ipſo facto repræſentet vililitatem pretii, quo Chriſtus venditus eſt; quæ etiam pecuniæ ſumma in templum

proiecta est, & conversa in pretium agri figuli. DECORUM PRETIUM: per ironiam dicitur; quasi dicat: Egregium vero pretium, quo operam meam, & me ipsum dignum putaverunt.

V. 14. ET PRÆCIDIT VIRGAM MEAM SECUNDAM, &c. Sicut num. 10. confecit priorem virgam suavis gubernationis, & secundam apprehendit severitatis, ita nunc etiam hanc præcidit, animadvertens se nec humanitate, & blanditiis, nec asperitate, & terroribus proficere, planeque permittit, ut ingenio suo utantur, & in præceptis ruant. UT DISSOLVEREM GERMANITATEM, &c. Dissoluta est germanitas hæc a Romanis sub Tiro, cum capta est Ierusalem, & Iudæi, alique Israelitæ ex decem tribubus Ierosolymis degentes, huc illucque dispersi, & dissipati sunt, ut germanitatis vinculum quod prius habebant, iam retinere non possent.

V. 15. ANHUC SUME TIBI, &c. Hæstænus Zacharias egit pastorem sapientem, & bonum; nunc ex adverso iuber illum Deus agere personam palloris stulti, & pravi. VASA PASTORIS STULTI. Vasa, sive instrumenta pastoris stulti, id est scelerati, ea sunt quæ prorsus eius emolumentis deferant, ovisibus autem nihil profint, aut etiam noceant. Ut baculus nodosus, & gravis ad percutiendum, gladius apertus ad iugulandum, pera in qua eibum suum pastor reponat; nihil autem quod ovisibus, aut ad pastum, aut ad medicamenta utile esse possit.

V. 16. ECCE SUSCITABO PASTOREM, &c. Pastor hic significat omnes perversos Pontifices, & Principes, qui Iudæos post tempora Zachariæ rexerunt, aut Pontificatum, & principatum invaserunt, qualis fuit Iason II. Machab. v. & frater eius Menelaus eod. Lib. cap. iv. & alii huiusmodi. DERELICTA NON VISITABIT: oves nimirum fessas, claudicantes, errantes, dumetis implicitas, &c. non requirit. CONTRACTUM NON SANABIT: saucius, aut contusis ovisibus medicamenta non applicabit. QUOD STAT: sanas, & integras oves. LXX. integrum non dirigit. UNGULAS EORUM DISSOLVET: violento istu baculi crura percutiet, & ungulas excutiet.

V. 17. O PASTOR, ET IDOLUM: o pastor, qui non es pastor sed idolum, & larva pastoris. GLADIUS SUPER BRACHIUM

erutus, &c. Vindicta Dei veniet super brachium eius, id est super fortitudinem eius. ET SUPER OCULUM DEXTRUM ERUTUS, &c. id est, amittere omnem providentiam, & omne sanum, atque utile consilium in rebus administrandis; ita ut omnia, quæ facere instituerat in nihilum tandem recidant. ARDITATE SICCARBITUR: brachium gladio præcivum arefcet, atque ita illi adimet omne robur, & potentiam.

TIRINI.

Verf. i. O Mons LIBANE, qui in finibus Aquilonaribus Iudææ, adversus Syros & alios hostes quasi promur es Iudæis: vel, ut S. Hieron. & alii communiter exponunt, o Ierosolyma, o templum (ut vertit Chaldaeus) instar montis Libani emineas, nitens, candicans, cedris, id est palatiis cedrinis, vel, si mavis, superbis principibus, lupis, urfis, leonibus, id est raptoribus, prædonibus, tyrannis scatens; adventantibus Romanis APERT PORTAS TUAS, quia potentie illorum resistendo non es, inquit Vatablus, Ribera, & Castro & alii passim. Narrat Iosephus 6, Orientalem portam templi aeneam, quæ vix a viginti viris claudi poterat, ipso obsidionis Titi initio, in Paschate media nocte, sponte apertam fuisse. Narrant & veteres Hebr. atque ex eis Rabbi David, Eyranus & Galatinus c, quadragesimo anno ante excisum templum a Tiro, portas templi simili modo sponte sua referatas fuisse. Quod eum videret R. Iohanan filius Zachai, qui inter Rabbinos tunc eminebat, dixisse fertur: O domus, o sacra domus, quid sibi vult quod tu tibi times? Equidem nunc scio interitum tibi ac vastationem imminere, & iam olim vaticinium illud de te editum fuisse: Apertæ Libane portas tuas. Quod si in Paschate contigit? ut illud Iosephi, contigerit profecto eodem die, & verisimiliter eadem hora, qua Christus expiravit in cruce, & velam templi scissum est a summo usque deorsum, ut bene notat Ribera. Nam Christum quadragesimo ante excisum a Tiro templum cruci affixum fuisse, in confesso est apud omnes, ut in Chronico demonstravi.

V. 2. ULULA ABIES; id est, ululate senatores & magistratus, & minores principes.

pes: QUIA CECIDIT CEDRUS, id est magnifici illi & primi ordinis principes, qui vos tangebant & protegebant. ULULATE & vos QUERCUS BASAN, id est divites & potentes cives reliqui. Quia ut nuper vidistis magnifica illa & superba Ierosolymæ palatia cum templo isto augustissimo ignibus absumi per Chaldaeos; ita hæc eadem, quæ nunc tantis impensis insinistratis, post aliquot centurias annorum posteri vestri videbunt iterum per Romanos similibus ignibus absumi: ita S. Hieronymus, Cyrillus, Eusebius &c. Quanta tunc

V. 3. VOX ULULATUS, non modo civium & plebis, sed & PASTORUM, tum politicorum, tum Ecclesiasticorum! vere rugient instar LEONUM, quando eorum cubilia in silvis ad radices montium *Sanir* & *Hermom* iuxta Iordanem, fluvio illo superbiante & exundante, aquis obruuntur, & catuli in nidis suis suffocantur; LXX. vertunt, quia *miser factus est*, seu potius miseros fecit, *fremens Iordanis*.

V. 4. & 5. PASCE O ZACHARIAS, PECORA OCCISIONIS, id est Iudeos occisioni destinatos; quasi dicat: Indue personam pastoris veri & prudentis, & monitis atque oraculis tuis pascere, doce, instrue oviculas meas, quas video a stultis & impiis pastoribus non pascendas, sed vel iugulandas & dilaniandas, vel certe alienis dominis *divendendas*. Non enim mihi, vero ac legitimo ovium domino, non commodis meis, non ovium saluti, sed proprio solum lucro studeat. Nec tamen *dolent* vel minimum de tanto scelere, perinde ac si nihil dereliquissent: quin potius quasi re bene gesta gaudent & exultant, & aucti pretio laudant hypocritæ Deum, DICENTES, BENEDICTUS DOMINUS, quia *ditati sumus*. Sed bene habet. Illi oviculis meis non pepercerunt, sed crudeli laniena in eas fævierunt: ego quoque lupis illis

V. 6. NON PARCAM ULTRA, sed ad unum omnes HABITANTES hanc TERRAM vicissim dilaniandos & iugulandos TRADAM, primo civilibus factionibus, UNUMQUEQUE de medio tollens MANU PROXIMI SUI; deinde aperto bello, destruens illos manu & vi proprii regis. Theodoret. vult hæc impleta sub Hyrcano & Aristobulo & Asmonæis, qui cum de regno contenderent, Iudam in factiones traxerunt, & a Pompeio aliisque Romanis, quos in auxilium evo-

carant, subacti, expilati, immo iugulati sunt. Alii melius tempore Vespasiani hæc completa dicunt, quando Zelotæ aliique factionis Iudæi mutuo sese expilarunt & mactarunt, ac tandem MANU proprii regis sui Agrippæ junioris, itemque Vespasiani & Titi Cæsaris, (qui & ipse rex erat Iudæorum, Iudeis sic volentibus, & coram Pilato protestantibus, *Non habemus regem, nisi Cæsarem*;) stirpitus excisi sunt, ut enarrat Iosephus h & alii historici.

V. 7. PROPTER HOC, quia video miseras oviculas a propriis pastoribus tam crudeli tradendas laniæ, & quia Deus iubet ut assumpta probi primum, dein & improbi pastoris persona, in me futura hæc represententem; idcirco scenam nunc ordiar, & PASCAM variis viis PECUS OCCISIONIS, vos, inquam, O PAUPERES GRECIS, vos mansuetos, vos simplices, vos adhuc innocentes Iudeos: ita sere Arias; Vatablus, a Castro, a Lapide. ET ASSUMPSI MIHI DUAS VIRGAS, seu duos baculos pastorales. UNAM vocat DECOREM; Syrus, *suavem vel iucundam*; Hebraum *noam*, significat iucunditatem, gratiam, decorem, pulchritudinem, suavitatem, mansuetudinem, amabilitatem. Et hæc virga typus erat suavis regiminis divini per amorem & beneficia maxime tempore Machabæorum & Christi. ALTERAM VOCAVI FUNICULUM: ita vertunt etiam LXX. & Aquila & Symmachus & Syrus & Arabicus uterque, qui legerunt *chabalin*, id est funiculos. Pro quibus recentiores Hebræi aliis punctis iam legunt *chobelin*, id est, colligantes. Significat hæc virga durum regimen, quo Deus cervicatos & brutos ac servilis ingenii Iudeos, flagellis, minis, mulctis, poenis, suppliciis ad officium pertrahere conatus est, maxime post occisum ab illis Christum, ut ait Vatablus & alii iam citati.

V. 8. ET SUCCIDI UNO MENSE TRES PASTORES. Quod S. Hieronymus, Remigius, Albertus, Hugo & Ribera accipiunt de Moyse, Aarone & Maria, uno eodemque mense primo Nisan mortis sententia damnatis a Deo. Nam mortua tunc est de facto Maria quæ seminis præfuerat, Num. xx. 1. Moyse vero & Aaron mortui addicti, vers. 12. quam & eodem anno subierunt i. Sed Zacharias noster de futuro tempore propheta. Unde per tres pastores Arias accipit Iudam, Ionatham & Simonem fratres

Ma-

Machabæos, quos *uno mense* annorum, id est spatio 30. annorum *k*, e vivis sustulit Deus. Possent etiam eodem modo intelligi tres ultimi Almonzorum principes, Hyrcanus, Alexander & Antigonus, qui longe breviori spatio, & morte etiam violenta, & quidem carnificis manu perierunt, ut in Chronico dixi. Sed malim ego per hos tres intelligere Christum, & Christi cognatos duos, Apostolos Iacobum Zebedæi, & Iacobum Alphi, primæ notæ pastores Iudæorum, qui omnes tres uno mense annorum, id est intra spatium 30. annorum, & omnes uno eodemque mense Nisan, & quidem uno eodemque mensis die, puta pridie magni festi Paschæ, omnes Ierololymis, omnes per Iudæos, omnes violenta morte succissi sunt, ut constat ex auctoribus fide dignissimis quos in Chronico citavi. Erga eisdem Iudæos iam veris pastoribus orbatos CONTRACTA, Hebraice, *angustiana*, EST ANIMA MEA; id est, factus sum illiberalior, nempe subtraxi illis virgam suavem, de qua vers. præced. & corripere illos coepi variis flagellis, ut vel sic *variantes* & a me dilapsos illorum animos, in viam retrahere. Cum vero ne flagellis quidem fierent meliores,

V. 9. DIXI, decrevi, denuntiavi illis per Christum *n*, per Apostolos *e*: NON PASCAM vos ultra, non agnoscam vos exinceps pro ovibus meis, nolo vos vestraque amplius tutari adversus hostes, percant omnes peste, gladio, inedia, quid ad me? ita sere Vatabla & Clarius. In signum vero plenæ & æternæ desertionis ac reiectionis eorumdem,

V. 10. ANSCIDI & in frustra dissecui VIRGAM MEAM pastoralem, QUAE VOCABATUR DECUS, simulque abolevi, rescidi & IRRITUM FECI FOEDUS MEUM, QUID OMNIBUS OMNIBUS duodecim tribubus, quasi totidem POPULIS PERCUSSE in Sinai, Exodus xxiv. Ipsi enim occisione Messias sui, & tot pastordiciis, aliisque horrendis sceleribus, continuaque rebellione foedus convellentibus, nec ulla via se ad mentem reduci sinitibus; æquum non videtur, ut ego illo, iam convulso ab illis foedere, diutius obstringar. Ergo disrupti & irritavi etiam ego *foedus*.

V. 11. Et cheu! COGNOVERUNT, & scenserunt id statim etiam PAUPERES ovicularum greges Iudaici sic iam a me deserti, mea que ope ac protectione destituti & lupis obiecti. Nempe scenserunt irruentes in Iudæam

exercitus Romanorum, & ingruentem famem, pestem, aliasque millenas plagas; quibus etiam ipsi, licet innocentes, & MIHI pristinum foedus *custodientes*, quia unius reipublicæ membra, simul involvuntur. VERBUM enim, id est decretum, DOMINI EST, ut in poenam communis perfidie tota devastetur Iudæa cum omnibus incolis, etsi hinc inde innocentibus.

V. 12. ET DIXI ego Zacharias, sed in persona Dei, interpellatus in proscenio a Iudæis, cur, cum pastor illorum essem, ipsos desererem; dixi, inquam, seu respondi: ST BONUM EST IN OCULIS VESTRIS, id est si vobis aridet & placet ut pergam vos pascere, AFFERTE MIHI MERCEDEM pastori debitam: neque enim par est ut nullo proflus fructu pascam tam molestas oves. Cumque expectarem, ut pro mercede mea se suaeque omnia, iustum affectum & amorem, debitam oblationem, obedientiam, omne obsequium, cultum, honorem mihi, ut æquum erat, æternum addicerent; ecce *appenderunt* pro omni mercede mea, TRIGINTA siclos ARGENTEOS *p*, seu triginta florenos Belgicos, quorum singuli constant quatuor Iulii, seu regalibus argenteis. Nisi malis per *argenteos* non siclos, ut passim solet, sed abusive *minas* intelligere, ut subinde Ioseph. intellexit; ut dicam Matth. xxvi. 13. Sic 30. argentei essent 750. floreni Belgici: si minus Atticas accipias. *Decorum pretium*. Est ironia; quasi dicat: Egregium certe, dignumque tanti laboris pretium? quod iuxta legem *q* æstimabatur & redimebatur vita servi seu mancipii occisi. Sed en aliam nequitiam, eamque intolerandam! Appendant illos 30. argenteos non mihi, sed proditori mei in manus, nulli meo commodo, sed everfioni & exitio.

V. 13. ET DOMINUS AD ME Zachariam, Christi personam in theatro gerentem, sed subinde etiam aliam, ut nunc proditoris Iudæ personam induentem, DIXIT; PROPTER, seu abiecti, sanguinarium istud pretium AD STATUARIUM. Hebræum *ioiser*, & Latine *statuarius* generatim significat eum qui statuas effingit sive ex luto, sive ex metallo. Unde LXX. & Symmachus vertunt, *constatorem*; Aquila, teste Eusebio, Tigurini, Clarius, & Arias, *ad platen vel sculptum*. ET PROIECT ILLOS IN DOMUM DOMINI (ex qua illos ad me detulerant,) ad

ad pedes alicuius sacerdotis, conferendos eius divina providentia ad figulum proagro eis coemendo in *sepulchrum peregrinorum*, ut addit, & explicat S. Matthæus, ex sententia S. Hieronymi, Ruperti, Lyranii, Iansenii, Baronii, Maldonati, Suarez, Francisci Lucæ & plurimum aliorum. Desperata igitur causa Iudæorum, cum nec prosperis, nec adversis; nec beneficiis, nec flagellis ad frugem eos reducendi spes ultra superesset, ut nuper *præcidi* iucundam & suavem virgam, ita nunc quoque alteram, sed vers. 14. *SECUNDAM VIRGAM MEAM PRÆCIDI*, nempe *funiculum* flagellorum; hoc typo cutam & regimen omne illorum exuens ac deponens, atque hostibus discerpens relinquens, puta Vespasiano & Tito, qui exciso mox templo & urbe regia, regnum, rempublicam & religionem Iudæorum funditus everterunt; ET GERMANITATEM, id est germanam seu fraternam societatem ac connexionem, qua domus Israel decem tribuum cum domo Iuda, iam inde a soluta captivitate Babylonica perpetuo unita fuerat, penitus *dissolverunt*, Iudæis omnibus patria expulsa, & per universum orbem dispersis, ut constat ex Iosepho 1, Eusebio & aliis Historicis.

V. 15. ADHUC induc, o Zacharia, personam aliam, nempe *PASTORIS STULTI*, non tam speculative, quam *præcise*, id est pastoris improbi, scelerati, rapæcis, crudelis, qui ut suæ cupidini obsequatur, gregem stultissime perdit, affligit, spoliatur, enecat, inquit Theodoretus & Cyrillus. Vasa ergo seu instrumenta talis pastoris *tibi assume*, nimirum pro pedito gladium, pro cupediis laqueum, pro fistula sustem.

V. 16. Talem ego Iudæis a me declinantibus *PASTOREM SUSCITABO*, puta Antichristum, inquit S. Hieronymus, Cyrillus, Theodoretus, Remigius, Hugo, Lyranus Arias, Vatablus & Ribera. Huic enim ambitiosissimo simul atque crudelissimo tyranno servire cogentur Iudæi, non minus quam aliæ gentes, & omnes illorum opes, corpora & animæ. Extendit id Arias etiam ad Herodem & Ascalonitam: Theodoretus ad Antiochum & Epiphanem typum Antichristi: a Castro ad Titum & Romanos: Sanchez & a Lapide ad Iasonem & Menelaum, Caipham 2, omnesque perverfos pontifices, ad Herodem quoque eiusque posteros impios p: inepes, ad Theo-

dam & Iudam *aa* Galilæum, ad Barcheebam *bb* qui tempore Adriani, ad Pseudomoysem *cc* qui tempore Theodosii Imperatoris Iudæos fœdissime deceperunt, ut Eusebius, Socrates & alii describunt. Omnes enim illi fuerunt typi & præcursores Antichristi, in quem per antonomasiam maxime quadrant quæ sequuntur.

V. 17. O PASTOR *dd* ET IDOLUM LXX. Chaldaeus, & Arabicus, & Tigurini vertunt, ut *pastori vana & nihili*, quasi dicat: Vix tibi o pastor, qui non es pastor, sed solum larva pastoris: qui nihil habes veri pastoris, nisi solam umbram & simulacrum. Notatur tamen etiam arrogantia Antichristi, quod volet adorari ut *idolum* & numen, inquit S. Hieronymus: sic crudelitas & tyrannis verbis sequentibus, GLADIUS SUPER BRACHIUM EIUS, ET SUPER OCULUM DEXTRUM EIUS, quia instat *Iansenis*, non alio colliat, quam ut iugulet oves. Ita Chaldaeus exponit. Sed alii id accipiunt de divina ultione ipsimet tyranno imminente, ut BRACHIUM, id est potentia; ET OCULUS DEXTER, id est caliditas & intentio eius, prædicantur ac destruantur. *ee*

(a) Esch. xviii. 2.

(b) Ioseph. Lib. VII. Belli cap. xix.

(c) Galatin. Lib. IV. cap. viii.

(d) Chron. cap. xlvii. & l.

(e) Euseb. Lib. VIII. Demonst. cap. xv.

(f) Cant. iv. 2.

(g) Chron. cap. xlii. class. ii.

(h) Ioseph. Lib. VI. Belli, &c.

(i) Chronic. cap. xix.

(k) Chronici cap. xlii. classe ii.

(l) Ibid.

(m) Chronici cap. l. ad annum a morte Christi 12. & 30.

(n) Matt. xxi. 43.

(o) Act. xii. 46.

(p) Proleg. de monetis.

(q) Exod. xxi. 22.

(r) Matth. xxvii. 27.

(s) Baron. ann. Christi 36. Suarez iii. p. 10. 11. disp. xxvii. sect. 2. Iansen. & alii in Matth. xxvii.

(t) Ioseph. Lib. VII. Belli, &c.

(u) Chronic. cap. xlv.

(v) Ibid. cap. xl.

(w) II. Mach. v. 6.

(x) Ibid. cap. iv. 25. Chron. cap. xlii. classe iii.

(aa) Act. v. 36. 37.

(bb) Euseb. Lib. IV. hist. cap. vi.

(cc) Socrat. Lib. VII. xxxviii.

(dd) Jerem. vi. 3. Nahum. iii. 18. Isaia. xlv. 28.

(ee) II. Tess. ii. 2.

GORDONI.

Verf. 1. uf. **A**PERI LIBANE PORTAS TUAS, &c. Hæc funt præludia, & series malorum quæ merentur excidium. Per Libanum Hieronymus & alii magno confensu intelligunt templum. Et prolixo sermone symbolico mala hæc designantur Iudæorum, quos vocat Deus pecora occisionis.

V. 7. ET PASCAM, &c. Sulcipit hic Zacharias onus pastoris impositum sibi, *verf. 4.* hæ virgæ denotant duplicem Dei providentiam; sed brevi sunt succissi tres pastores, & fracta abiectaque virga quæ ad bona prospiciebat. Hi tres pastores sunt Machabæi principes, qui uno mense, hoc est exiguo tempore, sub virga decoris rexerunt populum. Hos Deus subduxit. Nam cum Hebræi inciperent esse molesti Deo; ipse quadam amaritudine animi retraxit favorem ab his quorum anima variavit, defecitque a priori cultu & pietate.

V. 12. ET DIXI, &c. Venitur hic ad secundam virgam: pavit Christus populum, & pro petita mercede vendiderunt eum triginta argenteis, & præcisa est virga secunda. Sequiturque est excidium


Sub Tito. Quæ hic referuntur, dixit & gessit Zacharias non aliter quam per visionem imaginariam. Hæc porro videt & agit in persona non sua, sed Christi, velut actor in tragedia, verus tamen Propheta. Plurimi hic argenteum intelligunt duos Iulios, seu regales Hispanicos; ergo ut videtur dimidium sicii, & duplum denarii: sicius quatuor regales habet. Occupantur hic interpretes in conciliandis Zachariæ verbis de pretio venditi Christi, cum Matthæo, cap. xxvii. 9. qui Ieremiam citat; non vero Zachariam. Est probabile idem fuisse in Ieremia, licet nunc non extet ibi: nec in sensu discrepat Matthæus a duobus his prophetis; nil vero mirum si typus antitypo in quibusdam adiunctis non respondeat. Lege Baronium anno Christi xxxiv.

V. 15. ET DIXIT DOMINUS, &c. Hactenus Zacharias egit personam prudentis pastoris, denotando tum Machabæos sub virga decoris; tum Christum, quo occiso succisa est altera virga. Nunc assumit personam stulti pastoris, ut denotet dum nihil proficit, futurum excidium; sane ex hoc ipso quod Deus permittat præcesse malos pastores, graviter punit populum.



CAPUT XII.

Iuda & Ierusalem a variis Regnis affligentur; sed rursus reducti filii Israel in terram suam superiores erunt his qui se affixerant: effusioque a Domino spiritu gratia super habitatores Ierusalem, aspicient ad eum quem confixerunt, & super eum dolebunt, plangentes, singula familia seorsum.

1.  Nus verbi Domini super Israel. Dicit Dominus extendens cælum, & fundans terram, & fingens spiritum hominis in eo: 2. Ecce ego ponam Ierusalem superliminare crapulæ omnibus populis in circuitu: sed & Iuda erit in obsidione contra Ierusalem. 3. Et erit: In die illa ponam Ierusalem lapidem oneris cunctis populis: * omnes, qui levabunt eam, concisione lacerabuntur: & colligentur adversus eam omnia regna terræ. 4. In die illa, dicit Dominus, percutiam omnem equum in stuporem, & ascensorem eius in amentiam: & super domum Iuda aperiam oculos meos, & omnem equum populorum per-

percutiam cœtate. 5. Et dicent duces Iuda in corde suo : Confortetur mihi habitatores Ierusalem in Domino exercituum Deo eorum. 6. In die illa ponam duces Iuda sicut caminum ignis in lignis, * & sicut facem ignis in fœno, & devorabunt ad dexteram, & ad sinistram omnes populos in circuitu : & habitabitur Ierusalem rursus in loco suo in Ierusalem. 7. Et salvabit Dominus tabernacula Iuda, sicut in principio : ut non magnifice gloriatur domus David, & gloria habitantium Ierusalem contra Iudam. 8. In die illa proteget Dominus habitatores Ierusalem, & erit qui offenderit ex eis in die illa, quasi David ; & domus David quasi Dei, * sicut Angelus Domini in conspectu eorum. 9. Et erit in die illa : quæram conterere omnes Gentes, quæ veniunt contra Ierusalem. 10. Et effundam super domum David, & super habitatores Ierusalem, spiritum gratiæ & precum : (a) & aspicient ad me, quem confixerunt : & plangent eum planctu quasi super unigenitum, & dolebunt super eum, ut doli solet in morte primogeniti. 11. In die illa magnus erit planctus in Ierusalem, (b) sicut planctus Adadremmon in campo Mageddon. 12. Et plangent terra : familiæ & familiæ seorsum : familiæ domus David seorsum, & mulieres eorum seorsum : 13. familiæ domus Nathan seorsum, & mulieres eorum seorsum : familiæ domus Levi seorsum, & mulieres eorum seorsum : familiæ Semei seorsum, & mulieres eorum seorsum. 14. Omnes familiæ reliquæ, familiæ & familiæ seorsum, & mulieres eorum seorsum.

(a) Ios. 2. 17. 37. (b) II. Paral. xxxv. 22.

BRUGENSIS

ROMANÆ CORRECTIONES.

Vers. 3. Omnes qui levabunt eam, Pro femino *eam*, quod ad Ierusalem refertur, alii libri scribunt masculinum *eum*, quod ad lapidem.

Vers. 6. Et sicut faciem ignis in fano. Mendum hic est typographicum in exemplari Romano, ubi *faciem* trissyllabum nonien, legitur pro dissillabo *facem*, quod est, *faculam*, lampadem. Porro ut mendose quidam habent *faciem*, ita alii *fascem* quod est fasciculum.

Vers. 8. Sicut Angelus Domini in conspectu eorum. Non mutes plurale *eorum* in singulare *eius*.

NOTATIO.

Vers. 8. ET domus David quasi Dei, sicut angelus Domini in conspectu eorum. Multi libri scribunt in conspectu *eorum*; plures in conspectu *eius*; duo Parisiense (V. Compl.) & sedecim nostri (Lod. Leob. L. P. H. &c. illo modo; duo & viginti nostri Brug. O. E. Q. Pl. m. Mog. Muren. Co-

Bib. Sac. Tom. XXII.

lon. &c. ac plerique Epanorthotæ hoc. Rupertus, Carenfis, & Richelins enarratores exponunt *eorum*; id quod Hebraici, ac Chaldaici codices legunt; Græci etiam integrioribus, Vaticanus, Regius, Basileensis (anni 1550.) cum Theodoriti textu : nam Aldinus, & Argentoratensis pro *αὐτῶν*, *αὐτῷ* habent. Quare Hentenius, & Parisienses castigatores in textum id, *eorum* inquam, tulerunt. Porro Epanorthotes pluralem numerum ab Interprete mutatum, atque *eius* scriptum existimat. Atqui Hieronymi & textus legit, & commentarius exponit *eorum*. "Et qui de domo regia erat, habet commentarius, sit quasi de domo Dei, idest, quasi nuncius Domini, & angelicæ dignitatis in conspectu eorum, qui eo tempore fuerint resalvati. "Vertit igitur Interpres noster Hieronymus, ut Hebraice est, *eorum*; nisi dicas eum vel Græce editionis pronomen *eorum* exposuisse (legit enim *eorum*, non *eius*, & ea quæ D. Hieronymo adscripta est, LXX. virorum editio) vel priusquam commentaria scriberet aliter transulisse, eorum nempe, quod Hebraice cum *eius* commutasse, ita ut subaudiretur *Domini*.

K k

COM-

COMMENTARIA

S A.

Vers. 1. **SUPER**, id est contra. **ISRAEL**, scilicet Ecclesiam persequentem. **FINGENS**, id est formans, scilicet creando. Chald. *creans*. **SPIRITUM**, id est animam.

V. 2. **IERUSALEM**, id est Ecclesiam. **SUPERLIMINARE CRAPULAE**, id est in quod ebrii impingunt; quasi dicat: Qui eam impugnabunt, cadent more ebriorum. **POPULIS**, scilicet fidei hostibus. **JUDA**, id est Iudaei, scilicet etiam ipsi Ecclesiam impugnabant.

V. 3. **LAPIDEM**; pro, ut lapidem. **ONERIS**, id est gravem. Chald. *offensionis*. **LEVABUNT**, id est levare loco conabuntur. Chald. *vim ei intulerint*. **LXX. calcabunt**. **EAM**, scilicet Ecclesiam oppugnaturi.

V. 4. **IN STUPOREM**, id est stupore; scilicet reddam velut stupidos, ut nihil possint contra fideles. **JUDA**, id est Iudaeos, ut eos convertam. **OMNEM EQUUM**, &c. quasi dicat: Omnia bellica instrumenta parata contra Ecclesiam, reddam inutilia.

V. 5. **DUCE**, scilicet Apostoli. **MENTI**: abundat, more Hebræo.

V. 6. **SICUT CAMINUM**, &c. quasi dicat: Dabo virtutem superandi omnia. **DEVORABUNT**, &c. quasi dicat: Destruent errores & vitia. **AD DEXTERAM**, &c. quasi dicat, Per omnes mundi partes. Chald. *ad Austrum, & Aquilonem*. **ET HABITABITUR**, &c. quasi dicat: Etiam in Ierusalem terrena Christi Ecclesia, vel loca Ecclesiae ab hostibus crepta ei restituentur.

V. 7. **TABERNACULA**, scilicet Ecclesias particulares. **IN PRINCIPIO**, id est olim, scilicet servavit tabernacula Iudaeorum in deserto, quae erant harum figura. **MAGNIFICE**, id est superbe. **DOMUS DAVID**, &c. id est, Iudaei increduli contra credentes, vel mali qui sunt in Ecclesia contra bonos, scilicet ne eos laedant, vel quasi dicat: Ne quisquam fidelium potentum insurgat in pauperes fideles.

V. 8. **IERUSALEM**, id est Ecclesiae. **QUASI DAVID**, scilicet ager poenitentiam. **DOMUS DAVID**, id Ecclesia. **SICUT ANGE-**

LUS, &c. quasi dicat: Tamquam si Deus Angelus eos ducat & dirigat.

V. 10. **PRECUM**. Chald. & **LXX. misericordiae**. **ASPICIENT**, scilicet die Iudicii. Vide Apoc. 1. **CONFIXERUNT**, scilicet in cruce. **LXX. insultaverunt**. **EUM**, scilicet Christum: mutatio personae; quasi dicat: Plangent quod eum occiderint; qui se ea causa videant damnatos. **LXX. super se ipsos**. Vide Apoc. 1. Matth. XXIV. **QUASI**, &c. id est vehementissime.

V. 11. **IERUSALEM**, scilicet ibi fiet iudicium extremum. **ADADREMMON**: urbs est in campo Magdodon, ubi Iosias occisus. Vide II. Paral. XXXV.

V. 12. **TERRA**, scilicet reprobi. **FAMILIAE**, &c. id est singulae familiae. **DOMUS DAVID**, &c. nominantur praecipue quaedam familiae Iudaeorum, quae praecipue conspirarunt in Christi necem, ut quidam volunt. **MULIERES**. Chald. *uxores*. **SEORSUM**, non loco, sed quasi dicat, Proprio & ipsae planctu.

V. 13. **NATHAN**, scilicet filii David. **SEMET**. **LXX. Simeon**, dicitur & *Samai*. Vide autem princeps Phariseorum & Scribebarum. Vide Hieron. Isai. VI. & q. x. ad Alagiam.

EST I.

Vers. 10. **ET EFFUNDAM SUPER DOMUM DAVID, ET SUPER HABITATORES IERUSALEM SPIRITUM GRATIAE, ET PRECUM**. Pertinet haec prophetia ad missionem Spiritus sancti in Apostolos & fideles Christi factam in die Pentecostes; quod & quotidie per universam Christi ecclesiam in fidelibus completur. Et quidem spiritus gratiae effunditur in nos; quia *Charitas Dei diffunditur in cordibus nostris per spiritum sanctum*: Rom. v. Effunditur autem spiritus precum; quia nos, *quid oremus, nescimus, sed Spiritus adiuvans infirmitatem nostram, & postulat pro nobis gemitis innarrabilibus*, ilid. cap. VIII. id est postulare nos facit. Quod autem sequitur; **ET ASPICIENT AD ME, QUEM CONFIXERUNT**, quando impletum sit, Ioannes Evangelista cap. XIX. ostendit; quando videlicet

delicet perfollo latere Domini, effluxit sanguis & aqua. Ex quo loco manifestum est, non de manuum & pedum affixione ad Crucem, ut quidam interpretantur, sed de transfixione lateris Dominei hanc prophetiam intelligendam esse. Et nihilominus Apoc. 1. referunt quoque ad diem iudicii. Sed notandum in hac prophetia duo contineri, & prædici: alterum quod confingat, alterum quod aspiciat. Confixio impleta est Ioan. xix. Adspectio autem, siue quod hi qui eum confixerunt, eum cum magno suo dedecore videbunt, implendum ostenditur in Apocalyp. in die iudicii. Et quia formaliter & cum energia illud accipiendum est (*in quem confixerunt*), hinc recte quoque ex ea sententia colligitur, Christum in die iudicii signa vulnerum suorum ostensurum: quæ quidem videbunt boni ad gloriam, eum magna exultatione; mali vero, ac potissimum illi, qui vulnera indixerunt, ad extremam suam confusionem & ignominiam.

M A R I A N A E.

Vers. 1. **O**NUS. Prophetia dura. SUPER ISRAEL, contra Israel; & per Israel intellige alios etiam Iudæos, quia scilicet Iudæi Gentibus iuncti, Ierusalem vexarunt, FINGENS SPIRITUM, id est creans. Deus hæc dicit.

V. 2. SUPERLIMINARI CRAPULAE ponam. *Crapula*, id est ebrietatis; id est, faciam ut qui accesserit ad limen Ierusalem, quasi ebrius eadat. Chald. *ponam Ierusalem vas plenum ebrietate*. *qd Saph & limen & phialam seu scyphum* significat. Hieronymus & Sept. priorem significationem secuti sunt, posteriorem Chald. & Hebræi. Sed & pro *crapula* aut *ebrietate* alii *soporem* vertunt, alii *venenum*. Vocis *רחל* *thal* propria significatio non est nota. Sententia una: Faciam ut Ierusalem eupienibus eam capere, sit ut vas veneni mortiferi, aut ebrietatis. SED ET IUDÆI ERIT IN OBSIDIONE. Hieronymus & alii plerique hoc loco non veram Ierusalem intelligunt, sed mysticam, nempe Ecclesiam, contra quam Iudæi cum primis insurrexerunt. Ego de Ecclesia hæc dici non nego, sed puto etiam de Ierusalem hæc dici, quæ Machabæorum tempore sæpe obfessa, ut I. Machab. cap. vii. 33. & II. Machab. xi.

& xv. semper evasit. De aliqua harum obsidionum agi puto, ut quomodo superiori cap. egit de obsidione per Romanos, ita nunc agat de aliqua alia obsidione. Et aliqui mihi in Prophetis esset de rebus Machabæorum silentium, quia tamen præclaræ in primis existerent. Ergo in iis bellis multos Iudæos hostium castra secutos esse constat ex II. Machab. xv. 2. & Iosephus Lib. XII. cap. xi. Id illa verba significant, *Iudæi erit in obsidione contra Ierusalem*.

V. 3. LAPIDEM ONERIS ponam Ierusalem, id est gravem, magni ponderis, non poterunt humeris illam portare, & capere Ierusalem, sed potius qui id tentaverit, lacerabitur, ut qui lapidem graviorem viribus gestare tentat. OMNIA REGNA TERRÆ. Hebr. *omnes gentes terræ*, congregabuntur scilicet contra Ierusalem. Et quidem ex locis citatis satis constat, numerosos exercitus ex variis Gentibus conflatos in eam urbem irruisse.

V. 3. EQUUM IN STUPOREM percutiam. Sept. *in stupore*, id est stupore & amentia equos & equites hostium percutiam.

V. 5. DUCES IUDÆI. Iudæi, qui castra hostium sequuntur, intra se optabunt, ut cives Ierusalem meliora ferant, quibus ex voto favebit, quippe ex sua gente. CONFORTENTUR MIHI, id est contra me. Utinam nos vincant! sic dicent iis Iudæi.

V. 6. PONAM DUCES IUDÆI. Non loquitur de iis qui in hostium castris erunt, sed de Iudæis aliis & eorum ducibus. SICUT CAMINUM, aut *prunam*, aut *lampadem ignis* inter ligna. Et SICUT FACIEM IGNIS IN FOENO. Hebr. *in manipulo*, id est inter manipulos fœni, scilicet aut spicarum in messe, vincant Iudæi hostes suos. ET HABITABITUR IERUSALEM RURSUS IN LOCO SUO. Hebr. *sub se*, id est in suo loco. IN IERUSALEM: in area Ierusalem habitabitur, non vastabitur, neque eives in captivitatem ibunt.

V. 7. ET SALVABIT DOMINUS TABERNACULA IUDÆI, id est non solum Ierusalem, sed alia oppida regionis tuebitur. SICUT IN PRINCIPIO. Sic Sept. & Chald. Hebr. *in principio*, sed bene suppletur *fiunt*; aut quod magis puto, pro *Beth*, id est *in*, olim erat *Caph*, id est *sicut*. Ergo ut olim Deus texit ea oppida, sic modo faciet. UT NON MAGNIFICET GLORIETUR:

ne domus David, arx scilicet Sion, & ciues Ierusalem glorientur, quasi eos solos protegat Deus, non alios. ET GLORIA; scilicet & non sit gloriatio habitantium Ierusalem, quasi eos solum Deus protegat.

V. 8. ET ERIT QUI OFFENDERIT EX EIS. Sept. & Chald. *qui infirmus fuerit in eis*, id est inter ciues Ierusalem. QUASI DAVID, id est fortissimus, qualis fuit David; ac si dicat, Nemo inter eos erit ignavus. ET DOMUS DAVID QUASI DEI. Dei in plurali, id est posteri David erunt quasi Heroes, ut Chald. *Fortes creantur fortibus*. Hebræi per domum David Messiam intelligunt, qui fuit de domo David: sic Hebr. Schol. & quasi Deus: immo potius verus Deus. IN CONSPECTU EORUM, scilicet hostium, erit quasi Angelus eis superior. Quis? domus David.

V. 9. QUÆRAM CONTERERE, id est omnem studium adhibeo ut conteram, disperdam hostes Iudæorum.

V. 10. SPIRITUM GRATIÆ ET PRECUM effundam super habitatores Ierusalem, ut scilicet mihi placeant, me deprecetur. Hebr. *spiritum gratiæ & miserationum*: sic Chald. & Sept. id est, faciam ut omnibus sint grati, omnes eorum misereantur, eisque opem ferant. ET ASPICIENT AD ME, QUEM CONFIXERUNT. Ioan. xix. 37. hic locus citatur de morte Christi. & Hebræi de Messia dici putant, quodam filio Ioseph, qui in bellis occubuit, ut illi delirant. Sed vere de Christo intelligitur, qui Deus est; nam Deus hæc loquitur. Alioqui cum locum volebam intelligere præter Christum, de Iuda etiam Machabæo, qui fuit typus Christi, quasi diceret: Respicient Iudæi ad me, id est me desiderabunt. Quem confixerunt, id est occiderunt, non ipsi, sed hostes. ET PLANGENT EUM, id est me: mutat personam, quod in Hebr. lingua frequenter fit. QUASI SUPER UNIGENITUM, id est quasi super mortuogenitum. IN MORTE PRIMOGENITI? Hebr. *super primogenitum*, id est super morte primogeniti. Qui plangens erit.

V. 11. SICUT PLANCTUS ADADREMMON. Quidam putant esse loci nomen in ipsa valle Maggedon, ubi occisus est Iosias Rex, IV. Reg. xxiii. 29. & ob eius mortem magna lamenta existerunt, II. Paral. xxxv. 22. Chald. putat esse nomen viri, qui oc-

cidit Achab Regem, III. Reg. ult. vers. 24. quem dicit fuisse filium Tabremnon. Ergo qualis fuit plangens in morte Achab, & in morte Iosias, talis erit in morte Christi, & si placet, etiam in morte Iudæ; de quo I. Machab. ix. 20. Magnum & diuturnum planctum exitisse constat.

V. 12. FAMILIÆ ET FAMILIÆ SEORSUM, id est singulæ familiæ, quæque per se plangent. FAMILIÆ DOMUS DAVID. Hebr. *familia*. Chald. *virī familia David*. ET MULIERES EORUM; SEORSUM. Ut in planctu, sic in lætitia, cœtus promiscui virorum & feminarum vitari debent. Porro familiam David nominat, quia Regia; Nathan, quia Propheta; Levi familiam, quia sacerdotalis; Semei, quia ex eo Scribæ & Pharisei, quia fuit Princeps inter eos, ut Hieronymus hic ait, & ad Algasiam q. 10. & Isai. cap. viii. Ergo familias præcipuas nominavit sigillatim, quæ ploraturæ ait; alias in genere tantum vers. 14.

M E N O C H I I.

Vers. 1. O NUS, id est onerosa, tristis, & funesta prophetia. SUPER ISRAEL: contra Iudæos. EXTENDENS CÆLUM: qui tam potens est, ut cælum quasi pellem, aut velum quoddam super terram extenderit verbo suo. FUNDANS TERRAM: stabilis, & collocans ita ut immobilis sit. FINGENS SPIRITUM: id est formator animarum, ideoque creator, & Dominus tam visibilium, quam invisibilium.

V. 2. PONAM IERUSALEM SUPERLIMITARE CRAPULÆ. Ad litteram loquitur de Ierusalem arctata, & afflicta ab Antiocho Epiphane, eiusque affectis, quos Iudas & Machabæi ceciderunt, & ita corruerunt. Sensus ergo: Hostes Ierusalem sepeliant illam ingressuros victores, sed faciant ut impingant, & quasi remulenti cadant, sibi que noceant potius quam illi; ut ebrii qui in limine, aut postibus ostii impingunt, & cadunt, & ad lapidem aliquem allisi caput frangunt, aut cruentant. OMNIBUS POPULIS: Iudæis infestis. SED ET IUDÆ, &c. non solum Gentiles Ierusalem impugnabunt, sed etiam Iudæi perdiri, & transfugæ, & veræ religionis desertores, qualis Iason, & Menelaus. Vide II. Machab. cap. iv. & v.

V. 3. PONAM IERUSALEM. LAPIDEM ONERIS, &c. Id est, omnes populi volent experiri suas vices in Ierusalem oppugnanda, sicut in urbibus Palæstine, & Iudææ, iuvenes immanem lapidem tollunt in altum quisque pro suis viribus, experiendi roboris causa. OMNES QUI LEVABUNT EUM. *Necesse est*, inquit D. Hieronymus, *ut dum levatur, in ipso nisu, & elevatione ponderis, gravissimus lapis scissuram aliquam, vel rasuram in levantium corporibus derelinquat.* Sententia ergo est, Potius sibi quam Ierusalem nocebunt; qui illam oppugnant; ut sibi nocent qui pondus subeunt, cui attollendo, & serendo pares non sunt. ET COLLIGENTUR ADVERSUS EAM OMNIA REGNA TERRÆ; id est, cum ita sit, tamē non erit populus, qui aliquando illam non persequatur. Verissime hoc dicitur de Ecclesia, quæ ubique Gentium concussa est, & aliquando persecutionem passa.

V. 4. PERCUTIAM OMNEM EQUUM, scilicet hostilem, puta Antiochi, & Græcorum per Machabæos. IN STUPOREM: ita ut omnes stupeant, qui eos percussos viderint. Vel, ita ut ipsi equites præstrepore, & pavore quasi versi in amentiam, nesciant quo fugere, vel quid agere debeant. APERTAM OCULOS MEOS: ut illam benigne aspiciam, & protegam. ET OMNEM EQUUM, &c. Est repetitio, & inculcatio eiusdem sententiæ. CAECITATE: stupore mentis, pavore, confusione, & quadam amentia.

V. 5. DUCES IUDA: scilicet Machabæi præcabantur Deum, ut animos, & vires sufficiat Iudæis ad impetum hostium frangendum.

V. 6. SICUT CAMINUM IGNIS: zelo ardentē pro salute populi. SICUT PACIEM IGNIS. In Hebræo est *לפף* *lappis*, quæ vox lampadem, sive facem significat; sed sensus idem est, facies enim ignis est fax. HABITABITUR IERUSALEM: quæ prius fuerat civibus suis viduata. IN IERUSALEM: in eodem situ, & loco ubi prius fuit.

V. 7. SALVABIT DOMINUS TABERNACULA IUDA: quasi dicat: Divina virtute fiet, ut domus, & cives Iuda ab hostibus tuti servantur. SICUT IN PRINCIPIO: ut olim faciebat Deus, cum suavi, & fortis sua indulgentia, & providentia populum tuebatur. UT NON MAGNIFICE GLORIENTUR DOMUS DAVID: ut Ierosolymitæ, ac

præsertim posterī David nequaquam gloriarī possint, id eorum opera accidisse; videbunt enim mirabili Dei auxilio factum esse. ET GLORIA HABITANTIIUM IERUSALEM. LXX. habent, *& elatio habitatorum Ierusalem*, scilicet, magnifice non gloriētur. CONTRA IUDAM, id est contra Iudæos in minoribus oppidis, aut in vicis habitantes.

V. 8. QUI OFFENDERIT. In Hebræo est, *qui infirmus fuerit*. QUASI DAVID: erit sortis quasi David. ET DOMUS DAVID: & principes Iuda, qui erunt ex posteris David, scilicet Machabæi. QUASI DEI: admirabili quadam, & divina fortitudine præditi erunt. SICUT ANGELUS DOMINI. Principes hi Machabæi erunt quodammodo cum Angelis conferendi in fortitudine, & providentia, & regimine populi. IN CONSPPECTU EORUM: scilicet Iudæorum civium, & commilitonum suorum, & hostilium etiam copiarum.

V. 9. QUÆRAM CONTERERE: semper mihi curæ erit conterere.

V. 10. ET EFFUNDAM, &c. Assurgit ad Christum more prophetarum. Per Christum super Ecclesiam copiam effundam Spiritus sancti, quo grata mihi sit, & ea faciat, quæ mihi placita sunt. ET PRÆCUM: spiritum orationis, ut nunquam sibi confidat, sed in omnibus confugiat ad Dei auxilium, illudque per supplicem orationem obtineat. ET ASPICIENT AD ME QUEM CONFIXERUNT. Est prophetia de Christo in cruce confixo, ut patet ex Evangelio S. Ioan. cap. xix. 33. ubi hoc testimonium citatur. Loquitur autem de Iudæis, qui Christum in cruce aspexerunt, præsertim iis, qui ei compassi sunt, de quibus dicitur Lucæ xxiii. 48. *& omnis turba, &c. percutientes pectora sua reversebantur.* PLANGENT EUM: passionem, & mortem eius. Hucusque locutus est Christus de se in prima persona, nunc vero loquitur propheta de eodem in tertia. QUAST SUPER UNIGENITUM: luctu magno, qualis esse solet cum lugetur unigenitus, aut primogenitus, qui erat columen totius familie.

V. 21. SICUT PLANGENS ADRADEMON, &c. Adrademmon urbs est iuxta Iezrahel in campo Maggeddon, ibi mortuus est Iosias, sicut planxerunt omni Iudæi Iosiam regem optimum a Pharaōne cæsum in campo Maggeddon, ita in die

die illa fideles plorabunt indignam Christi necem.

V. 12. TERRA, scilicet Iuda. FAMILIAE, ET FAMILIAE, id est singulae familiae. FAMILIAE DOMUS DAVID SEOR-SUM. Aliqui ex domo, & gente Davidica, ut B. Virginis & Christi consanguinei, qui erant ex familia David.

V. 13. FAMILIAE DOMUS NATHAN: inter proavos Christi S. Lucas III. 31. Nathan numerat. Vel ergo significat huius Nathan nepotes, luisse, vel posteros Nathan prophetæ significat prophetas, hoc est viros pios, & religiosos, qui orationi, meditationi, & divinis laudibus vacabant; hi enim phrasi Scripturæ filii prophetarum appellantur IV. Reg. II. 3. & alibi. FAMILIAE DOMUS LEVI. Eadem etiam hic quadrat explicatio, nam inter maiores Christi in genealogia eiusdem cap. III. Lucæ vers. 24. Levi numeratur Christi proavus. Vel per Levi significantur pii, aliqui Levitæ, & sacerdotes, qui Christi mortem luserunt, quales fuisse probabile est cognatos Zachariæ patris sancti Ioannis Baptiste, & alios, qui vinculo propinquitatis Christum attingebant, aut qui in illum credebant. FAMILIAE SEMEI. Loco citato Lucæ III. 26. Semei progenitores Christi numeratur, horum ergo nepotes Christum luserint. Alii intelligunt per Semei, vel Sammai discipulos, hoc est scribas aliquos, & doctores, qui Sammai magistrum, & doctorem habuerunt, ut tradit Divus Hieronymus in hunc locum, & quæst. x. ad Algaziam, & Isaia cap. VIII.

V. 14. OMNES FAMILIAE RELIQUAE, &c. id est, aliae etiam familiae luctus huius erunt participes, nam Christus plurimi vivens benefecerat, ideoque par est credere multos illius nece doluisse.

T I R I N I.

Vers. 2. PONAM IERUSALEM, Allegorice, Ecclesiam Christi, SUPEREDIMINARE CRAPULAE. LXX. Sicut supereliminaria quæ moventur. Est metaphora desumpta a popina, ubi vinum profluit lapidum quidem, sed venenatum, ad quod hauriendum undique certatim accurritur: sed mox ut quis gullarit, ebrius, tremulus, stupens fiat & amens, cui omnia mo-

veri, inverti & corrumpere videantur; quasi dicat: Quicumque hostis vel limen attingit Ierolymæ, mox quasi ebrius & mente captus, retroagetur, trepidus & tremulus. Sicut de antro Sibyllæ Cumanæ quod Puteolis haud procul Neapoli ostenditur, scribit Virgilius VI. Aeneid, solo liminis ipsius transgressu ipsam extra se rapi & furere consuevisse. Et ipse ibidem in vicinia vidi aliud antrum, in quod si vel carnem, vel aliud animal inieceris, illico incipit emori & exanimari: & vero exanimaretur penitus, nisi e vestigio in vicinum Averni lacum immergeretur, ubi mox redditur sibi ac reviviscit. Pari modo exitiosum ac lethiferum erit vel limen urbis Ierolymæ hostiliter attingisse, inquit S. Hieronymus, Remigius & Hugo. Experti id sunt non modo Antiochus Ephiphanes, eiusque duces & sequaces Gentiles, sed etiam Iuda, id est transfuge Iudæi Jason, Menelaus, Simon & alii, qui Antiocho in oppugnanda Ierolyma adiutores fuerunt, ut videbimus in historia Machabæorum, & Iosephus a fute enarrat.

V. 3. PONAM IERUSALEM LAPIDEM ONERTS, id est onerosissimum, quem qui attollere vel auferre voluerit, in ipso nisu & elevatione, gravissima CONCISIONE vulnerabitur, lacerabitur, opprimetur. Alludit ad athletas, qui ponderosissimorum lapidum sublevatione vires suas tentare & ostentare solebant, non sine gravissima subinde latione & exitio suo. Patuit hoc in Heliodoro, in Iasone, in Menelao, in Lysimacho, in Alcimo, in Antiocho Epiphanes & Eupatore, in Nicanore, Bacchide, Apollonio, Triphone & aliisque Asiaticis tyrannis mala morte ob vim Ierolymæ illatam, mulctatis, ut de M. Crasso. Cn. Pompeio, & Herode a tacem, qui post expugnatam Ierolymam infelices admodum & tristes casus subierunt, ut Iosephus, Plutarchus & alii enarrant: tacem etiam Ammonitas, Moabites, Philisthæos, Idumæos, Syros, Tyrios, aliosque Iudæorum hostes, ab illis non modo repulso, sed & subactos non raro, ut alibi dixi. COLLIGENTUR enim ADVERSUS IERUSALEM OMNIA REGNA TERRAE; sed suo potius, quam illius malo, quamvis illa fida Deo potenti eius, dextera protegetur.

V. 4. OMNEM EQUUM & equitem hosi-

stem

Jerusalem PERCUTIAM CECIDITATE. Factum id etiam ad litteram II. Machab. x. 30.

V. 5. DUCES IUDA Machabæi non suis præfident viribus, sed auxilio omnipotentis Dei, quem corde suo, & etiam ore precabuntur, ut de caelo confortet cives IERUSALEM, ne hostibus succumbant. Semper enim Iudas Machabæus (& idem dici potest de Ionathâ & Simone) ante aciem orasse legitur, & opem divinam implorasse, excepto ultimo prælio, in quo succubuit. Idem

V. 6. DUCES IUDA, Sicut CAMINUS, vel fax ignis, omnia circum circa populabuntur, absument & ad se convertent. Quod Allegorice, de Apostolis in Pentecoste exponit S. Hieronymus, Remigius, Albertus & alii. Profugient quidem cives Ierosol. subinde metu Antiochi & similibus tyrannorum, sed virtute & armis Machabeorum restituentur pristinis sedibus, & sic urbs evacuata civibus suis, RURSUS iisdem replebitur & inhabitabitur d. ut ante. Sed hæc omnia

V. 7. DOMINUS faciet, & divinis potentius, quam humanis viis, per paucos & imbelles Iudæos sæpe maximos hostium exercitus sternens, & profigans: UT NON suis viribus MAGNIFICE GLORIETUR DOMINUS DAVID, id est familia & posterus Davidis, inter quos & Machabæi, materna stirpe oriundi ex familia Davidis: quoad paternam vero etiam essent ex tribu Levi, tamen insiti seu inserti erant familiæ Davidis, quæ illos sibi totique reipublicæ delegit in duces, & constituit in capita, & sic succedere fecit in principatu Davidis & in regimine familiæ & regni ipsius, ut alibi f. dixi. Ne igitur vel hi principes, vel alii cives qui gloriose ac triumphanter habitant & incolunt IERUSALEM, gloriantur CONTRA IUDAM; id est præ reliquis Iudæis, qui in aliis urbibus degunt: nam victoriæ quæ illis obtigerunt, non illorum industria vel studio, sed divina ope partæ sunt.

V. 8. QUI EX EIS OFFENDERINT initio, impingentes, corruent, retroacti potentia & idolis adversariorum, ut sub Antiocho accidit pene omnibus Iudæis, (nam plurimi metu tyranni descelebant ad gentilissimum;) hi ipsi IN DIE ILLA, excitati victoris Iudæ & fratrum ipsius, erunt QUASI DAVID, id est instar Davidis res-

πισcent a scelere g., & fidem resument, & cum fide tantos animos ac vires, ut bellicosissimo Davidi suppare videantur, inquit S. Hieron. Theod. & alii. Allegorice, Matthæus, Magdalena, Petrus, Pe-lagia, Augustinus, & tot alii prolapsi prius in scelera, postea a Deo tacti, instar Davidis fortiores resurgent, inquit S. Gregorius h., Albertus, Hugo & Lyranus. ET DOMUS, seu familia, DAVID erit QUASI DOMUS DEI, id est sicut angelis: qui sunt de domo seu familia Dei; quasi dicat: Principes Iuda non tantum cum Davide, sed & cum angelis comparari poterunt in fortitudine, providentia, regimine, gloria & felicitate. Addit Theodoretus, illos fore domum Dei, id est tutum refugium & asylum afflictis omnibus.

V. 9. QUÆRAM enim & satagam, per illos CONTERERE OMNES GENTES adversarias Iudæis: Allegorice, Christianis, inquit S. Hieron. Albertus, Remigius & Vatablus. Sed longe magis satagam, ut Iudæi qui tempore Christi tam misere impingent & offendent in Messiam suum, asphingentes illum cruci, serio instar Davidis resipiscant a suo scelere. Mox enim a morte Christi, sed longe magis in Pentecoste ac deinceps,

V. 10. EFFUNDAM liberalissima manu tam in principes, quam in vulgares cives Ierosolymitanos, SPIRITUM, seu donum, GRATIÆ, quæ cognitum iam scelus suum detestentur, poenitendo aboleant, atque ita gratiosi i, & chari mihi fiant: ita S. Hieronymus, Theodoretus, Remigius, & alii passim. Effundam in eosdem etiam SPIRITUM PRECUM; LXX. misericordie; Chaldaus, miserationum, Clarus, propitiationis. Hæc enim omnia significat Hebræum tachannunim; quasi dicat: Spiritum, id est vehementem mentis impetum ad preces coram Deo fundendas, quibus ipsum per merita sanguinis Christi in eum finem recens profusi, ad misericordiam, miserationem & propitiationem inflectant. ASPICIENT enim oculis vivæ fidei ac spei, non tam ad suam indignitatem ac nequitiam, quam AD ME fontem omnis gratiæ & omnium bonorum, confissi quod, etsi tam indigne me dominum, patrem ac Deum suum confixerint caput spinis, manus & pedes clavis, latus lancea, flagellis & tot iniuriis totum

totum hominem: nihilominus veniam, gratiam, reconciliationem sint impetraturi. Ita affexit crucifixum Christum *centurio* cuiusque focii, dicentes: *Vere filius Dei erat iste. Et omnis: turba eorum qui simul aderant ad spectaculum istud, & videbant quae fiebant, percutientes pectora sua revertebantur.* Porro sermonem hic esse de Christo seu Filio Dei incarnato, præterquam quod sit communis interpretatio non modo omnium SS. Patrum, sed & patrum Iudeorum quos citat Galatinus; evidenter id colligitur ex vocula *me*; quæ significat loqui hic non parum hominem, sed *hominem Deum*. Et ita eundem hunc locum de Christo crucifixo exponit S. Ioannes XIX. 37. Licet idem Anagoge, hæc eadem exponat de Christo ad extremum iudicium venturo Apoc. 1. 7. ut ibi dicam.

V. 11. IN DIE ILLA MAGNUS ERIT PLANGENTUS IN IERUSALEM, plangentium primo ob indignam Christo *m* illatam necem; secundo, ob sua scelera, quæ causa fuerunt necis *n* ipsius; tertio, ob imminentes tantorum scelorum poenas *o*, clades publicas ac privatas, & excidium Iudææ totius. Erit hic *plangens* similis, immo maior plangens, quem ob mortem pii regis Iosif olim Ieremias & reliqui Iudæi instituerunt in ADADREMMON urbe iuxta Iezrahel, IN CAMPO MAGEDDON *p*, dicta postea Maximianopoli, sed ob copiam malogranatorum iam vocata *Adad*, vel, ut Chaldaeus legit, *Hadar-remmon*, id est decor *parvulus*, id est *puerulus*, ut vertunt LXX. more suo nomina propria ex etymo interpretantes.

V. 12. PLANGENT AUTEM FAMILIAE ET FAMILIAE; id est, omnes familiae; sed SEORSUM MULIERES a viris, more recepto non solum apud Hebræos, sed & apud Græcos & alias nationes Orientales, ut sicut in conviviis, ita etiam in oratione, & in aliis actibus publicis, cœtus virorum separantur a conventu mulierum. Porro quatuor familiae præ aliis dicuntur hic plangens Christo facturæ, nempe FAMILIAE DAVID ex Salomone, familia eiusdem David ex filio suo Nathan fratre Salomonis, familia Levi, id est sacerdotum & Levitarum, denique familia *Semei*, seu *Sam-mai*, auctoris seu magistri sectæ Phariseorum inquit S. Hieronym. Theodoretus, Remigius, Albertus, Ribera & alii complu-

res: multos enim ex his familiis (quæ ob arctiorem cum Christo conjunctionem, seu sanguinis, seu officii, sane maiorem præ reliquis plangendi occasionem habuerunt) doluisse de morte Christo illata, immo ad Christum conversos fuisse, constat ex Actis Apostolorum ubi, ex omni q natione Iudeorum *qua sub celo est*, uno die tria *r* millia, altero quinque *s* millia; multa *t* etiam turba sacerdotum conversa narratur, & omni anima *u* timor incussus, &c.

(a) I. Mach. 1. 44. & 55. & II. Mach. 15. & v. & seqq. Ioseph. L. b. XII. Antiq. cap. vi.

(b) II. Mach. 11. 24. Ibid. cap. 15. 26. 29. 41. I. Mach. 12. 18. I. Mach. 15. 62. Ibid. vers. 43. cap. 12. 68. cap. 15. vers. 77. Chronic. cap. 21. Ioseph. L. b. XIV. Antiq. cap. XIII. Plin. in Pompeio & Cæsaro.

(c) Chosroici cap. 18.

(d) Mach. XIV. 4. &c.

(e) II. Mach. VIII. 17. &c.

(f) Gen. 21. 18. 10.

(g) I. Mach. 11. & seqq.

(h) Gregor. homil. 22. in Ezech.

(i) Ephes. 1. 6.

(k) Rom. VIII. 26.

(l) Mach. XVIII. 55. Lucæ XXIII. 54.

(m) Hic vers. 10.

(n) Thren. IV. 20. & cap. v. 18.

(o) Lucæ XXIII. 28.

(p) II. Par. XXV. 22.

(q) Act. 11. 5.

(r) Vers. 41.

(s) Cap. IV. 4.

(t) Cap. VI. 7.

(u) Cap. 11. 43.

GORDONI.

Vers. 1. **H**ic ad litteram agitur de Machabæis, & pendet hoc totum caput ex bellis gestis inter Antiochum Epiphanem, & duces Machabæos: de hac enim Iudeorum partim clade, partim victoria propheta Zacharias: præfatio est de Dei omnipotentia quam docet ab effectibus cælo, terra, & creata hominis anima.

V. 2. En onus verbi Dei: erit illis Antiochi temporibus Ierusalem ut superliminare crapulae, in quod scilicet ebrii impingunt, vel ex clade Iudeorum: vel quando hostes impugnantes cadent velut ebrii. Hebraice, *no saph*, significat peluim, vel calicem fororis; significat etiam limen: vide *hbd*. Ut ut sit, apparet ex his versiculis variis certaminum eventus: & tandem vers. 5. apparet Machabæus. Referuntur hæc mystice, vel allegorice ad persecutiones Ecclesie sub Apostolis.

solis. Quod est vers. 3. LAPIDEM ONE-
RIS, Syrus habet, *lapidem conculcacio-*
nis.

V. 6. IN DIE ILLA. Et ad litteram Ma-
chabzi, & mystice Apostoli denotantur
hic feliciter progredi contra hostes. Fue-
runt quidem illis temporibus ex domo &
familia David non pauci; sed per solos
Machabæos, Deo protegente, & mystice
per Apostolos facta est victoria. Ne ullus
ex domo David, aut alius gloriatur (ut
hic dicitur vers. 7. & 8.) Dominus est
qui facit hæc omnia; & suos tunc Deus
ita fovebit, ut populus aliqui timidus red-
datur validus, ut olim David: & populi
duces erunt ut angelus. Quod si quis of-
fenderit, redibit ad Deum & bellum pro
patria, ut olim etiam David poenitens.

V. 10. ET EFFUNDAM SUPER DOMUM
DAVID, &c. Iam prolabitur Propheta a-
pertius ad Christum, promittens ab illo
salutem credentibus: per Spiritum gratiæ
effusum, Hebr. *ימי עֵשׂוֹן*, gratiam signifi-
cat, qua aliquis alteri fit gratus: rad. *עֵשׂוֹן*
chanan, gratiam fecit, gratiose largitus
est. ET ASPICIENT AD ME, QUEM CON-
FIXERUNT, &c. Hunc locum de Christo
transfixo clavis in cruce interpretatur S.
Ioannes cap. xix. 33. & 37. *Videbunt*
in quem transfixerunt, & consentiunt Hie-
ronymus, & omnes interpretes. Lege Al-
cazar. Apoc. i. 7. notat. 6.

At quisnam est hic planctus, hoc vers.
10. & insequentibus? Sane ad litteram est


fideliū planctus in morte Christi. Im-
mo etiam ad litteram intelligi videtur
planctus nunc fideliū; in contemplanda
morte Christi: ita Hieronymus, Albert.
Alcazar, & alii. Nam ex contemplatione
excitamus in nobis non tantum amorem,
imitandi desiderium & compunctionem,
sed etiam planctum & compassionem. Quod
vero est hic, PLANGENT EUM, habet
enallagen personæ: solent; sæpe Hebrei
de se loqui nunc in prima persona, nunc
in tertia.

V. 11. SICUT PLANCTUS ADADREMMON,
&c. Sicut habetur H. Paral. xiv. cum
occulus est Iosias rex optimus a Pharaone
Nechao in campo Mageddon, magnus fuit
planctus: designatur hic etiam urbs Ada-
dremmon iuxta Israel. At Septuag. ha-
bent, *sicut planctus mali punici*, pro Rem-
mon Hebraica voce: solent enim inter-
dum pro nomine proprio ponere interpre-
tationem. Sane Adadremmon significat de-
corem mali granati; erat enim urbs val-
de amœna.

V. 12. Plangent quidem familie mul-
tæ, sed præcipue quatuor, David, Na-
than, Levi, & Semei; apud Septuag.
pro Semei est Simeon: per has familias
plerique cum Hieronymo intelligunt viros
nobiles in Davide: sacerdotes in Levi:
Doctores & Scribas in Semei: Prophetas
& viros religiosos in Nathan, hic est plan-
ctus magnus, & impii etiam plangent in
die iudicii.

CAPUT XIII.

Cum fuerit fons patens domui David in ablutionem peccatoris, tollentur idola; & pseudopropheta sibi charissimis lapidabuntur: quæ sint plagæ in medio manuum: percussendus pastor, & oves dispergenda: quæ partes hominum dispergentur in omni terra, & tertia per ignem probabitur.

1.  N die illa erit fons patens domui David, & habitantibus Ierusalem, in ablutionem peccatoris & menstruatæ. 2. (a) Et erit in die illa, dicit Dominus exercituum: Disperdam nomina idolorum de terra, & non memorabuntur ultra: & pseudoprophetas, & spiritum immundum auferam de terra. 3. Et erit, cum prophetaverit quispiam ultra, dicent ei pater eius & mater eius, qui genuerunt eum: Non vives: quia mendacium locutus es in nomine Domini, & configent eum pater eius & mater eius, genitores eius, cum prophetaverit. 4. Et erit: In die illa confundentur prophetae, unusquisque ex visione sua cum prophetaverit: nec operientur pallio facino, ut mentiantur. 5. sed dicet: Non sum propheta, homo agricola ego sum: quoniam Adam exemplum meum ab adolescentia mea. 6. Et dicetur ei: Quid sunt plagæ istæ in medio manuum tuarum? Et dicet: His plagatus sum in domo eorum, qui diligebant me. 7. Framea suscitare super pastorem meum, & super virum coherentem mihi, dicit Dominus exercituum: (b) percute pastorem, & dispergentur oves: & convertam manum meam ad parvulos. 8. Et erunt in omni terra, dicit Dominus: ¶ partes duæ in ea dispergentur, & deficient; & tertia pars relinquetur in ea. 9. Et ducam tertiam partem per ignem, & uram eos sicut uritur argentum, & probabo eos sicut probatur aurum. Ipse vocabit nomen meum, & ego exaudiam eum. Dicam: Populus meus es, & ipse dicet: Dominus Deus meus.

(a) Ezech. xxxix. 23. (b) Mat. xxvi. 32. Marc. xiv. 38.

BRUGENSIS

LECTIONUM VARIETAS.

Verf. 8. Partes duæ in ea dispergentur & deficient. Videtur legendum esse disperden-

tur, quod est succidentur, peribunt, non dispergentur, quod est dissipabuntur. Non enim est hic ea vox quæ supra verf. 7. Et dispergentur oves.

COMMENTARIA

S A.

E S T I I.

Verf. 1. **D**IE, scilicet tempore Christi. **FONS**, scilicet doctrinæ & gratiæ. **PATENS**, scilicet expositus omnibus. **DOMUS DAVID**, id est, tribui Iuda. **IERUSALEM**, scilicet ibi Christus diu conversatus, & predicavit. **MENSTRUATAE**, id est animæ inquinatæ peccatis, & abominabiles. Quidam per *peccatorem* Iudæos intelligunt, per *menstruatam*, Gentilitatem.

V. 2. **SPIRITUM IMMUNDUM**, scilicet dæmone vexatos homines.

V. 3. **PROPHETAVERIT**, scilicet falsa. **CONNGENT**, id est interficiendum curabunt, seu cruciandum. Vide Deut. XIII.

V. 4. **PROPHETAE**, scilicet falsi. **CHALD.** *pseudoprophetae*. **EX VISIONE**, id est ob visionem; quasi dicat: Punitur ab aliis sic, ut non audeat prophetae. **PALLIO SACRINO**, scilicet tali solebant uti pseudoprophetae, præferentes vitæ austeritatem. **LXX. pelle cilicina.**

V. 5. **EXEMPLUM**, scilicet agriculturæ; quasi dicat: Imitor Adam, qui terram colebat.

V. 6. **ET DICETUR**, &c. redit ad id, de quo sup. **EI**, scilicet Christo. **DILIGEBANT ME**, scilicet olim. **LXX. dilecti mei**, scilicet populi.

V. 7. **FRAMEA**, id est gladio, scilicet mortis sententia, seu instrumenta. **MEUM**. **VOX PATRIS**, qui Filium dedit mundo in pastorem. **COHAERENTEM**, scilicet Patri consubstantialtem quantum ad Deitatem, & quantum ad humanitatem valde coniunctum. **PERCUTE**, scilicet o framea. **OVES**, scilicet discipuli, qui fugerunt, & postea sunt per orbem dispersi ad prædicandum. **PARVULOS**, scilicet Apostolos e fuga reducidos, vel persecutione liberandos. **LXX. pastores.**

V. 8. **PARTES DUAE**, scilicet plures reprobi quam electi. **DISPERGENTUR**. Quidam legunt *disperdentur*. **LXX. peribunt**. **TERTIA**, scilicet electorum.

V. 9. **IPSE**, scilicet populus electus. **Es.** *Hebr. Chald. & LXX. est.*

Verf. 2. **ET PSEUDOPROPHETAS ET SPIRITUM IMMUNDUM AUFERAM DE TERRA**. **ET ERIT CUM PROPHETAVERIT QUIPIAM ULTRA ET CONFIGENT EUM PATER EIUS ET MATER EIVS**. De pseudopropheta his sermo est: Et prædicitur zelus fidelium contra pseudoprophetas, qui in ecclesia non alii sunt quam hæretici. **Locus hic conferendus cum Deut. XIII.** ubi hæc eadem discretissimis verbis præcipiuntur. Et notandus uterque locus pro iusta hæreticorum punitione per potestates seculares, & pœnas corporales. Quod autem dicitur *configent eum*, non significat eos privata auctoritate occidendos, sed seposito omni carnali affectu, si aliter corrigi non possint, (quandoquidem periculum sit & alios per eos infici) eosdem esse prælati ecclesiæ deferendos.

V. 6. **ET DICETUR EI: QUID SUNT PLAGAE ISTAE IN MEDIO MANUUM TUARUM? ET DICET: HEC PLAGAE SUM IN DOMO EORUM QUI DILIGEBANT ME**. Hieron. Theodoret, & quidam alii hæc intelligunt de pseudopropheta plagis affecto a parentibus seu domesticis suis; eo quod mendacium locutus esset in nomine Domini. Qui sensus præcedentibus convenit. Sed alii potius de Christo interpretantur, qui & ipse plagas in manibus & pedibus tamquam seductor populi accepit, affixus Cruci a Iudæis; qui in gente ac genere propinqui erant; & ob hoc diligere cum merito debebant. Et huius sensui conveniunt, quæ proxime sequuntur: **FRAMEA SUSCITARE SUPER PASTOREM MEUM, ET SUPER VIRUM COHAERENTEM MIHI, DIGIT DOMINUS EXERCITUM; PERCUTE PASTOREM, ET DISPERGENTUR OVES**. Nam postrema illa verba Christus aperte, apud discipulos suos, de se & sua passione iam imminente, interpretatur Matth. XXVI. & Marci XIV.

M A R I A N A E.

Verf. 1. **IN DIE ILLA**, scilicet cum planctus erit ob ducem & Dominum

num confixum. ERIT PONS, seu vena aperta & patens. DOMUS DAVID. Hieronymus, id est ex domo David, hoc est, e templo, unde Ezechiel cap. XLVII. 1. vidit fontem erumpere, & in fluvium erefere; sed quoniam addit, ET HABITANTIBUS IERUSALEM, melius est, ut per domum David Principes, per habitantes Ierusalem plebem intelligamus; quasi dicat, Omnibus patens. IN ABLUTIONEM PECCATORIS ET MENSTRUATAE. Hebr. *ad peccatum & menstruata*, id est pro illis ad expiationem peccati, seu peccatoris, & ablutionem menstruatae. Per *menstruatam* omnia peccata intelligit, & sordes, quae eo nomine comprehendit, quia de fonte egit, & menstruata aqua viva opus habet, sic Iudaei observant. Pro *menstruata* Sept. & Chald. dixerunt, *in aspersione*. Unde id? Per fontem intelligunt plerique Baptismi fontem, quo post Christi mortem abluuntur peccata. Possimus etiam absolute intelligere ablutionem peccatorum, de quibus mox agio, quae auferentur, ut fonte sordes menstruatae. Locutio est metaphorica, eoque variis modis potest explicari.

V. 2. DISPERDAM NOMINA IDOLORUM. Adventu Christi idola sunt ablata, & oracula obmutuerunt. Extat in Plutareho Disputatio, Cur oracula cessarint. PSEUDOPROPHETAS auferam. Hebr. *prophetas*, scilicet falsos & mendaces. ET SPIRITUM IMMUNDUM: diabolo nocendi & fallendi potestas tunc est ablata.

V. 3. CUM PROPHETAVÉRIT QUIPIAM ULTRA, id est post Christi adventum, post sublata simulachra. NON VIVES; pro, non vives. ET CONFIGENT EUM, id est flagellabunt, coequebunt pater eius & mater.

V. 4. CONFUNDENTUR, pudebunt; non audebunt vaticinari, quia videbunt male id accipi, aut quia videbunt falsas esse visiones eas. NEC OPERIENTUR PALLIO SACCINO. Hebr. *pallio pilloso*, sed ex pilis fiebant facci, quae erat vestis Prophetarum, ut modo Monachatus austerioris. UT MENTIAN- TUR, ut mentiri possint, & vulgus credat quae dicunt: quod apparatus externo capitur. Non ergo prophetabunt, sed dicent: Agricola ego sum.

V. 5. QUONIAM ADAM EXEMPLUM MEUM. Ut ille in fudore vultus victum querelavit, sic ego a primis annis. Hebr.

quia Adam docuit me; aut sic, fecit ut gregem possiderem. Itaque agriculturam & artem palloritiarum me docuit, eius exemplum sequor; neque religionis simulatione, ignaviae alimenta quero, ut falsi prophetæ.

V. 6. ET DICETUR EIS. Sic Chald. Hebr. *& dicet ei*, scilicet aliquis. HUS PLAGATUS SUM. Parentes sic me flagellarunt, quia scilicet prophetare tentavi.

V. 7. FRAMEA SUSCITARE SUPER PASTOREM MEUM, id est contra pastorem. Si prophetæ falsi occiduntur, ea occisione filium meum occident Pharisei, quasi sit falsus propheta. *Suscitare*, pro, suscitabitur. Pro *framea* Sept. *rhomphaea* posuerunt, Aquila & Symmachus *machera*, id est *gladius*, ut Hieronymus explicat. Hebr. *sanc* *herab*, id est *gladius seu mucro* est. Isidorus Lib. 1. de Differentiis, littera F. has voces sic distinguit, ut *framea* sit ensis utraque parte acutus; *machera* gladius altera ex parte acutus; præterea *rhomphaea* hastile habet. Val. Flaccus Lib. VI. *rhomphaea* hastile dat: sed & Tacitus de Moribus German. *hastis*, ait, *vel ipsorum vocabula frameas ferunt angusto brevi & ferro*.

ET SUPER VIRUM COHAERENTEM MIHI, id est socium, amicum, qualis Christus Patri fuit. Sept. *civem meum*. Aquila *contribulem meum*, Symmachus *virum populi mei*, Theodot. *proximum eius*. Eadem in omnibus versionibus sententia est. PERCUTE PASTOREM. Matth. XXV. 31. *percutiam*, id est *percuti permittam*: atque Hebr. sic verti possunt, & Pagn. sic vertit, ut *percutiam* sit pro *percutiam*, *percutiam* Matth. de Christi morte explicat, & fuga discipulorum: neque est cur alias expositiones quaeramus. ET CONVERTAM MANUM MEAM, non ut puniam, sed ut protegam. AD PARVULOS. Sic oves vocat, ut cap. XI. 16. eas *pueros* vocavit. Percusso pastore, non permittam tamen ut greges & oves tenelae pereant.

V. 8. ET ERUNT IN OMNI TERRA, scilicet Israel: *in omni terra* hoc propter demonstrationem. PARTES DUAE. Hebr. *duorum*, id est portio duorum: duae partes ibant captivæ. DISPERGENTUR. Goth. *disperdentur*: sic Lovan. sic Hebr. Sept. *peribunt*. Chald. *confumentur*. Itaque ex Iudæis pauci manebunt, quia pauci ad Christum convertentur, aut pauci manebunt post

post Ierusalem a Tito captam. Ea merces erit occisi Christi.

V. 9. ET DUCAM eos paucos, tertiam partem reliquam variis cladibus affligam, quas per ignem intelligit, donec castigati malis invocent nomen meum, ad me & ad fidem convertantur. Tunc enim exaudiam eos, & liberabo eos. Ipsi vocabuntur Populus Dei, & ego vocabor eorum Deus.

M E N O C H I I.

Verf. 1. **I**N DIE ILLA: cum scilicet videbunt Christum in cruce confixum. ERIT FONS PATENS: Christus, qui factus est fons quidam sanguinis ad humani generis peccata ablucenda. Si quis sitit veniat ad me & bibat, Ioannis cap. vii. PECCATORIS ET MENSTRUATAE: ad ablucendas quaslibet peccatorum maculas, & sordes. Alludit ad aquas expiationis Numer. xii. 11. quibus immunditia ex menstruo, morticino, &c. tollebat.

V. 2. DISPERDAM NOMINA IDOLORUM, &c. in predicatione Evangelii cessaverunt oracula, pseudoprophetae, & spiritus immundi ex corporibus eiectionis sunt apud Iudeos, & Gentiles.

V. 3. ET ERIT, &c. id est, tanta religione Deum colent, ut si falsus doctor surrexerit, cum vel sui parentes configant, & de medio tollant.

V. 4. CONFUNDENTUR PROPHETAE: scilicet cum viderint, non recipi suas prophetias, & sua dogmata, sed se potius contumeliis, & plagis affici, etiam a suis. NEC OPERIENTUR PALLIO SACCINO. Pagnin. & Vatabl. pallio piloso, id est cilicino, ex pilis contexto. Huiusmodi palliis utebantur prophetae. Sensus est, non utentur pallio prophetae ad mentendum, & ad decipiendum populum.

V. 5. ADAM EXEMPLUM MEUM: scilicet, agriculturæ; quasi dicat, Imitor Adam qui terram colebat.

V. 6. ET DICETUR ET, &c. Post digressionem de pseudoprophetais redit Zacharias ad Christum. QUID SUNT PLAGAE ISTAE, &c. quasi dicat, Quomodo cum sis fons benignitatis, & homines instituas ad salutem, video plagas clavorum in manibus tuis? IN DOMO EORUM, QUI DILEGEBANT ME: in populo illo in quo mul-

tos habere solebam, aut debebam, qui diligerent me. LXX. in domo dilecti mei, scilicet populi mei.

V. 7. FRAMEA SUSCITARE. Alii verunt, denudare o gladii; alii, excitare, o gladii. Est imperativus pro futuro. Sensus est, gladius denudabitur; id est, Iudei Christum ad necem usque persequentur, & tandem occident: significat Dei decretum de Christi morte futura, ex prævsa, & permissa a se Iudaeorum malitia. PASTOREM MEUM: Christum Ecclesiae pastorem. COHAERENTEM MIHI: Coniunctum mihi, & corqualem, quatenus Deus est. PERCUTE PASTOREM; id est, percutietur pastor; sinam eum comprehendere, & in crucem agere. Locum hunc de se ipso explicat Christus Matth. xxvi. 31. DISPERGENTUR OVES: fugient praetimore discipuli. CONVERTAM MANUM MEAM AD PARVULOS. Non deseram discipulos meos humiles, & pauperes, sed eos iterum ad me vocabo post resurrectionem. Vel sensus est, percussio Christi capite percutiam etiam membra, permittens discipulos, & fideles eius variis modis vexari, ut sub capite spinis horrido, non sint membra delicata.

V. 8. PARTES DUAE: Iudei, & Gentiles. DISPERGENTUR, ET DEFICIENT: veram salutem non consequentur, vel, numero minuentur deficiente Iudaismo, & Gentilismo. TERTIA PARS RELINQUETUR: populi scilicet Christiani, qui magno numero succrescent.

V. 9. DUCAM TERTIAM PARTEM PERIGNEM; id est, hunc populum salvandum exercebo, & probabo variis tribulationibus, ut fiat quasi aurum mundum. VOCABIT NOMEN MEUM: invocabit me, quia credet in me, & a me solo omnis generis bona expectabit.

T I R I N I.

Verf. 1. **I**LLA DIE qua Christus (ut cap. xii. processit) e cruce suspensus aspicietur, pasefert ex illo & ex illius vulneribus a fons uberrimus, non solum doctrinae, ut vult Remigius, sed & Sacramentorum & gratiarum omne genus; idque in ABLUTIONEM PECCATORIS cuiuscunque, ET etiam MENSTRUATAE, id est ad tollendam omnem immunditiam & sordes

des ex transgressione, seu legis naturæ, seu legis Moisaicæ contractas. Alludit primo, ad aquas expiationis, Numer. xix. 11. deinde ad aquas Siloe, Isaie viii. 6. Ioan. ix. 7. denique ad aquas sub limine templi erumpentes, Ezech. xlvii. 1. Quæ omnes erant typi & figuræ vivi fontis nostri Christi, ut etiam Hebræi a Galatino Lib. IV. cap. ult. citati agnoscunt. *Pater autem perpetuo hic fons non solum domus, id est familiaræ & posteris, Davidiæ, id est primatibus & nobilioribus personis, sed promiscue omnibus habitantibus IERUSALEM, etiam plebeis, etiam e gentilismo conversis: Erant enim tunc habitantes in Ierusalem ex omni natione quæ sub calo est b.*

V. 2. IN DIE ILLA, id est eodem illo tempore, DISPERDAM idola, quin & NOMINA IDOLORUM de omni TERRA. Ita factum per Apostolos & discipulos Christi, & horum successores loquuntur omnes historiarum. Neque per SPIRITUM IMMUNDUM hic aliud intelligit quam dæmonem, qui idolis, quasi illorum anima, assistebat, & per illa loquebatur ac responsa dabat, ut ait S. Cyrillus, Remigius & Albertus.

V. 3. CUM QUISPIAM PROPHETAVERIT: scilicet falsa vel impia, ex instinctu maligni spiritus, ut præcessit, tanto zelo compescitur etiam a propriis parentibus, ut mortis supplicio plectendus sit & potius quam ab illis tolerandus. QUA MENDACIUM LOCUTUS ES, nempe hæresin vel idololatriciam. Ex quo loco discant Lutherani, non solum in veteri, sed etiam in nova lege hereticos morte plectendos. Nam & proprii parentes; si zelo ardeant honoris divini, sententia & manu iudicum CONFICIENT filium sic apostatantem; Tigurini, *confident*; Vatablus, *transfigent*, supple gladio, lancea vel teo, vel clavis in cruce; LXX. compedibus eum *constringent*. Hebræum *dakarubus* & Latinum *configent*, ut & *urent*, *secabunt*, & similia, in Scripturis idem significant, quod, gravem dolorem vel supplicium inferent, ut bene notat Sanchez. Porro metu tantorum suppliciorum terribi tales pseudoprophetae, non audebunt exinceps personam suam agere, vel more Prophetarum.

V. 4. OPERI PALLIO SACCINO; Pagni nis, pilloso; Tigurini, *villosa*; LXX. *pelle villisima*. Vestis enim exterior Prophetarum

erat saccus cilicinus, ex pilis camelorum, equorum vel similibus animalium contextus, ut ipso etiam habitu externo populum provocarent ad luctum & poenitentiam, ut nostri quoque Capuccini faciunt. Similem vestrem assumebant etiam impostores isti, ut Prophetas se mentirentur:

V. 5. SED VERITI PLAGAS DICET quisque illorum. NON SUM PROPHETA amplius, discessi ab illo vivendi genete, iusto manuum labore victum mihi paro: HOMO AGRICOLA SUM: ADAM EXEMPLUM; id est, a puero imitatus sum Adam & alios primos patres meos, qui suo exemplo docuerunt me colere agros, & sudore dactylus victum mihi mensque parare.

V. 6. ET DICETUR EI. Non pseudopropheta, ut S. Hieronymus, Cyrillus, Theodoretus, Lyranus, Albertus, Arias & Vatablus putant: sed Messias de quo præcessit e, seu de Messia in cruce clavis, flagellis, spinis, lancea transfixo, inquit Rupertus, S. Thomas s, Ribera, a Lapide, & alii passim, immo & R. Samuel g & plures alii Hebræi a Galatino h citati. Et patet ex vers. seq. *Percute pascuorum, & dispergentur oves*, quod implet Christus de se explicat Matth. xxvi. 31. & Ecclesia in Officio Missæ de passione, hæc omnia applicat Christo. Vult autem Zacharias propheta his manuum Christi plagis explicare quo sensu dixerit vers. 1. ipsum esse sentem omnibus parentem, nimirum patefactione manuum, pedum, lateris, cordis, totiusque corporis per clavos, lanceam, flagella, spinas.

Respondet Christus: HIC PLAGATUS, vulneratus, transfixus, SUM IN DOMO EORUM QUI ANTE DILIGEBANT ME, id est in Iudæa, in urbe Ierosolyma; quasi dicat: Cives, contibules, cognati, filii mei, tot nominis mihi obstricti, cum tot sæculis ad meum adventum anhelascent, & præsentem summe amare, venerari, colere deberent, extremo alii odio me in hanc crucem tot plagis confissum egerunt. *Filii matris meæ l. pugnaverunt contra me*. Quis cogitet vel possibile esse tam indignum facinus? Sed hoc factum divina mea (inquit Patet celestis) providentia, ut sic percussa petta (*petra autem n. erat Christus*) patefceret clausus antea fons, de quo supra o. Igitur

V. 7. FRAMEA SUSCITARE; Tigurini, *excitare*; LXX. *conferge*; Chaldaeus, *deudare o gladii*, *evaginare*, *distingere*; **PERCUTE**, & occide **PASTOREM MEUM**, id est quem ego toti orbi pastorem dedi, **VIRUM CLAVUM**, ut vertit Arabicus Antiochenus, & omni exceptione maiorem, utpote artissime adstrictum & **CONHAERENTEM MIHI**, nempe consubstantialiter secundum divinam eius naturam; hypostatice secundum humanam. Unde Chaldaeus & Pagninus vertunt, *focium*; Aquila & Theodotio, *contribulem meum*; Vatablus, *conqualem mihi*. Porro *percutere*, *suscitare*, & similia verba non significant hic imperium, sed permissionem divinam, absque qua nihil eiusmodi potuisset obvenire unigenito Filio Dei p. Percussio pastore **DISPERGENTUR OVES** illius, etiam primariz, puta Apostoli & discipuli, ut Christus ipsemet expunit q. Nec stabit hic tempestas, sed etiam **AD PARVULOS** eius agnos, nempe recens conversos ad Christum, pari modo percutiendos, *conversam* & extendam **MANUM MEAM**, per lictores meos tyrannos, non Ierosolymæ tantum, sed & Romæ, & in reliquo toto orbe. Idque ut similes illos reddam pastori suo, suumque in me & in ipsum amorem contestandi, aliasque virtutes exercendi ansam illis obiciam, gloriamque tum ipsorum, tum meam illustrem & augeam: ita Theodoretus, Lyranus & alii. Sed non solam Ecclesiam Christi infestabunt tyranni. Infestabunt sane, & quidem accerrime, etiam Synagogam. Nam ante ista Messiz tempora, acerbissimam Iudæis afflictionem ac tribulationem movebunt Asiatici reges, Antiochus Epiphanes, & alii sequaces ipsius, quorum partim misis & edictis crudelissimis r, partim tormentis intolerabilibus, facile

V. 8. & 9. DUAE PARTES totius *terre Iudaicæ* **DISPERGENTUR**, vel potius (ut Lozanienfes legunt) *disperdentur* (nam Hebræum *iccaretu* significat *exfidentur*, vel *consumuntur*, ut Chaldaeus, vel *peribunt*, ut LXX. verterunt:) vel, si in vivis mancant, **DEFICIENT** a fide, a religione ad impia s Gentilium sacra; ita ut vix **TERCIA PARS** in vita & in officio mansura sit; & hæc ipsa *pars tertia* millenis adhuc afflictionibus;

SICUT AURUM in fornace, excoquitur.

- (a) Hic vers. 8.
(b) Actos. 17. v.
(c) Dent. 21. v. 6.
(d) Genes. 22. vers. 19.
(e) Hic cap. xxi. 10. & xxii. 4.
(f) 5. Thom. in Psal. xxi.
(g) R. Samuel de Adventu Messiz cap. vii.
(h) Galasia. Lib. VIII. cap. xvii.
(i) Cant. 1. vers. 9.
(k) Actos. 22. 13.
(l) Cant. 1. 5. (m) Actos. 21. 13.
(n) Exodus. 22. 4. & 1. Cor. 13. 4.
(o) Hic vers. 1.
(p) Ios. 21. 11.
(q) Matt. xxv. 31.
(r) Mach. 7. 14. aa. 26.
(s) 11. Mach. 7. 4. & seq.

GORDONI.

Verf. 1. **C**ertum est ex recte sententium sententia hic agi de Christo, qui est fons ille (מקור *makor*, *scaturigo*) in domo David, habitantibus in Ecclesia. Ex cuius aqua fiet ut dispergantur idola, percant pseudoprophetae: & ita (vers. 3.) ut ipsi parentes puniant hæc delicta in propriis filiis, in quos se armabant pro causa Dei: vides hic allusionem fieri ad fontem Siloe, de quo alibi dixi: vide Adrich. En etiam allusionem ad aquas expiationis legalis, velut typum veræ abluitionis per baptismum & poenitentiam. Sequitur vers. 5. **ADAM EXEMPLUM MEUM**, hoc est, tunc sub Christo & Apostolis, homines impune non profitebunt falso se esse Prophetas, sed pastores potius, exemplo veterum patrum, aut paterna rura colere, aut quid simile.

V. 6. ET DICETUR EI QUID SUNT FLAGRAE, &c. Post sermonem de pseudopropheta Zacharias redit ad Christum, ubi conceptis verbis exprimit plagas manibus ac lateri infixas: & quod sequitur vers. 7. **PERCUTE PASTOREM**, habetur citatum & approbatum Math. xxvi. & sensum hunc planissime expliant Septuag.

V. 7. FRAMEA SUSCITARE, &c. Hebr. *o gladii suscita te*, חרב *cherab*, quod alii *frameam*, alii *machæram*, aut *gladium* verunt. His verbis Deus loquitur pronuntiatus decretum de morte Christi pro salute mortuorum, & imperativum hoc, *percutere pastorem*, positum videtur pro futuro; ubi etiam decretum supponit præfici-

scientiam malæ voluntatis Iudeorum. Partem hic sunt Apostoli, & pusillus grex credentium initio Ecclesiæ. Per virum coherentem Deo patri (qui hic loquitur) intellige Christum. Nam secundum divinitatem est consubstantialis, & ratione humanitatis est alio titulo coherens.

V. 8. ET ERUNT IN OMNI TERRA, &c. Verum est & sub lege gratiæ fixum, ex tribus partibus nec Iudæi, nec Gentiles

(quæ duæ partes sunt) salvasbuntur, terra quæ est Christianorum electorum salvabitur. Sed per varias tribulationes eo perveniet. Ceterum tertiam partem accipe non æqualem ceteris, aut mathematicæ, sed unam ex tribus. Nam plures peribunt, ut apparet (ex sua mala voluntate) quam sicut salvandi: multi vocati, sed pauci electi, Math. vii. 13.



CAPUT XIV.

Postquam Ierusalem passa fuerit captivitatem aliasque afflictiones a Gentibus, erit dies nota Domino, cum exhibunt aquæ vivæ de Ierusalem: & filii Israël revertentur, habitaturi secure in Ierusalem: percutietque Dominus plaga Gentes quæ pugnaverunt adversus Ierusalem, & harum reliquæ ascendent ut adorent Dominum in Ierusalem, sanctumque erit quod est super frænum equi.



1. **E**cce venit dies Domini, & dividentur spolia tua in medio tui. 2. Et congregabo omnes Gentes ad Ierusalem in prælium, & capietur civitas, & vastabuntur domus, & mulieres violabuntur: & egredietur media pars civitatis in captivitatem, & reliquum populi non auferetur ex urbe. 3. Et egredietur Dominus, & præliabitur contra Gentes illas, sicut præliatus est in die certaminis. 4. Et stabunt pedes eius in die illa super Montem olivarum, qui est contra Ierusalem ad Orientem: & scindetur Mons olivarum ex media parte sui ad Orientem, & ad Occidentem, * prærupto grandi valde; & separabitur medium montis ad Aquilonem, & medium eius ad Meridiem. 5. † Et fugietis ad vallem montium eorum, quoniam coniungetur vallis montium usque ad proximum: & fugietis (a) sicut fugistis a facie terræmotus in diebus Oziz regis Iudæ: & veniet Dominus Deus meus, omnesque sancti cum eo. 6. Et erit in die illa: Non erit lux, sed frigus & gelu. 7. Et erit dies una, quæ nota est Domino, non dies neque nox: & in tempore vesperi erit lux. 8. Et erit in die illa: Exibunt aquæ vivæ de Ierusalem: medium earum ad mare Orientale, & medium earum ad mare novissimum: in æstate & in hieme erunt. 9. Et erit Dominus Rex super omnem terram: in die illa erit Dominus unus, & erit nomen eius unum. 10. Et revertetur omnis terra usque ad desertum, de colle Remmon ad Austrum Ierusalem: & exaltabitur, * & habitabit in loco suo, a porta Benjamin usque ad locum portæ prioris, & usque ad portam angulorum: & a turre Hananeel usque ad torcularia regis. 11. Et habitabunt in ea,

& ana-

& anathema non erit amplius: sed sedebit in Ierusalem secura. 12. Et hæc erit plaga, quæ percutiet Dominus omnes Gentes, quæ pugnauerunt adversus Ierusalem: tabescet caro uniuscuiusque stantis super pedes suos, & oculi eius contabescunt in foraminibus suis, & lingua eorum contabescet in ore suo. 13. In die illa erit tumultus Domini magnus in eis: & apprehendet vir manum proximi sui, & conseretur manus eius super manum proximi sui. 14. Sed & Iudas pugnabit adversus Ierusalem, & congregabuntur divitiæ omnium Gentium in circuitu, aurum, & argentum, & vestes multæ satis. 15. Et sic erit ruina equi, & muli, & cameli, & asini, & omnium iumentorum, quæ fuerint in castris illis, sicut ruina hæc. 16. Et omnes qui reliqui fuerint de universis Gentibus, quæ venerunt contra Ierusalem, ascendent ab anno in annum, ut adorent Regem, Dominum exercituum, & celebrent festivitatem tabernaculorum. 17. Et erit: qui non ascenderit de familiis terræ ad Ierusalem, ut adoret Regem, Dominum exercituum, non erit super eos imber. 18. Quod & si familia Aegypti non ascenderit, & non venerit, nec super eos erit, sed erit ruina, quæ percutiet Dominus omnes Gentes, quæ non ascenderint ad celebrandam festivitatem tabernaculorum. 19. Hoc erit peccatum Aegypti, & hoc peccatum omnium Gentium, quæ non ascenderint ad celebrandam festivitatem tabernaculorum. 20. In die illa erit quod super frænum equi est, sanctum Domino: & erunt lebetes in domo Domini quasi phialæ coram altari. 21. Et erit omnis lebes in Ierusalem & Iuda sanctificatus Domino exercituum: & venient omnes immolantes, & sument ex eis, & coquent in eis: & non erit mercator ultra in domo Domini exercituum in die illo.

(2) Amos 1. 2.

BRUGENSIS

ROMANÆ CORRECTIONES.

Ver. 4. *Prærupto grandi valde.* Non scribas quarta declinatione *præruptu*, id est vocalem u quintam pro o quarta.

Ver. 10. *Et habitabis in loco suo.* Alii legunt passive *habitabitur* sed minus recte.

LECTIONUM VARIETAS.

Verf. 5. *Et fugietis ad vallem montium eorum.* Coniiciunt probabiliter quidam pro nomine tertiz personæ *eorum*, scribendum esse primæ *eorum* ut est Hebr. & Græc.

NOTATIO.

Verf. 10. **E**T exaltabitur & habitabitur in loco suo. Quod quidam codices, impressi præsertim post primas illas quas sæpe commemoravimus editiones, legunt *habitabitur*, admittere & hoc possit fons Hebraicus: sed ut pleraque omnia, ita emendatiora manuscripta *habitabit* habent; nec nostra tantum, verum etiam Parisiensium; neque non Hentenii, qui cum Parisiensibus in textum *habitabit* recepit: id quod D. Hieronymi, Altiſiodorensis, & Ruperti commentaria probant.

COMMENTARIA

S A.

Vers. 1. **D**IVIDENTUR, scilicet a Romano milite.

V. 2. **MEDIA**, id est altera. **EX URBE**, scilicet sed in ea occidetur.

V. 3. **PROELIABITUR**, scilicet gladio Evangelico. **CERTAMINIS**, scilicet contra Aegyptios in Mari rubro; quasi dicat: Interficiet Gentium errores & vitia in Baptismo.

V. 4. **STABUNT**, scilicet cum in caelum ascendet; vel, cum Gentes ad se vocaverit, ut *Mons Olivarum* significet Ecclesiam Gentium. **PRAERUPTO**. Chald. *valle*. **LXX. voragine**. **MEDIUM**, id est altera illarum duarum partium dictarum; quasi dicat: Ubi scissus fuerit, altera pars ad Aquilonem inclinabit, altera ad Austrum, ut indicant Chald. & **LXX.** Vel significat (ut quidam volunt) dividendum in quatuor partes in modum crucis. Est autem sensus, magnam fore in Gentibus ad Evangelii predicationem commotionem, scissis cordibus, & humilitatis; sed tandem alteram partem salvandam, alteram condemnandam. *Aquila* enim reprobos significat, scilicet frigidus malitia. *Auster* electos, scilicet calidos charitate. Vel significat montium concussionem futuras die iudicii. Exprimit vero unum, per quem reliqui intelligentur.

V. 5. **FUGIETIS**, scilicet Iudaei increduli. **MONTIUM EORUM**, id est Sion, & Oliveti, seu Moria; quasi dicat: Recurretis ad Legis caerimonias. **VALLIS MONTIUM**, scilicet ad quam fugietis. **USQUE AD PROXIMUM**; quasi dicat: Non longe aberit, scilicet prope est Iudaeis lex vetus, & ritus antiqui, quocumque eant. **VENIET**, scilicet ad iudicium.

V. 6. **LUX**, scilicet reprobis. **FRIGUS**; scilicet peccati, & supplicii.

V. 7. **NON DIES**, &c. quasi dicat: In caelo non erit dierum & noctium vicissitudo. **VEPERT**, &c. quasi dicat: Semper lux erit, & non, ut nunc, vespertina obscuritas.

V. 8. **AQUAE**, scilicet doctrinae Christi, & gratiae. **IERUSALEM**, id est Ecclesia.

MEDIUM, &c. quasi dicat: Pars ad Orientem, pars ad Occidentem, scilicet in totum orbem; **ORIENTALE**, scilicet Mortuum. **NOVISSIMUM**, scilicet Mediterraneum, quod est in fine Palaestinae. **INAE-STATE**, &c. quasi dicat: Perpetuo.

V. 9. **DOMINUS**, scilicet Christus. **ERIT**, id est agnoscetur esse.

V. 10. **REVERTETUR**, scilicet ad Christum. **USQUE AD DESERTUM**, &c. per haec designatur multitudo credentium; & Ecclesiae amplificatio. **REMMON**: est in tribu Benjamin ad Septentrionem Ierusalem. **EXALTABITUR**, scilicet Ierusalem, id est Ecclesia. **A PORTA**; pro, velut si nunc de terrena diceremus, *a porta*, &c. vide Ierem. xxxi.

V. 11. **ANATHEMA**, id est excisio, seu vastatio: id enim est Hebr. *כרת* *chom*. Chald. *occisio*. **SECURA**, scilicet a malis. Chald. *confidenter*. **LXX. confidens**, scilicet Deo protegente.

V. 12. **TABESCET**, id est consumetur, seu vigorem amittet.

V. 13. **TUMULTUS**. Chald. *conturbatio*. **LXX. super**. **DOMINI**, scilicet punientis hostes Ecclesiae. **APPREHENDET**, scilicet pro timore, velut opem petens. **CONSERVATUR**, &c. Explicatio praecedentis.

V. 14. **IUDAS**, id est Iudaei, seu falsi improbique Christiani. **GENTIUM**, scilicet Ecclesiam oppugnantium.

V. 15. **ET SIC ERIT**, &c. quasi dicat: Vincuntur tamen cum omni bellico apparatu. **RUINA HAEC**, scilicet hominum, quam supra diximus; vel forte cum id diceret Propheta, aliquid fregit, aut egit, quo ruinam significaret.

V. 16. **RELIQUO**, scilicet conversi ad fidem. **AB ANNO IN ANNUM**, id est singulis annis; quasi dicat: Semper. **TABERNACULORUM**, scilicet agentes tamquam peregrini in mundo, vel per id intellige Festa omnia Ecclesiae.

V. 7. **IMBER**, scilicet gratiae & favoris Dei.

V. 18. **AEgypti**; quasi dicat: Etiam illi qui videntur alienissimi a cultu veri Dei, vel qui videntur abundare aqua doctrinae, ut Aegyptus aqua Nili. **ERIT**, scilicet.

scilicet imber: perdit enim Deus sapientiam sapientum, &c.

V. 19. PECCATUM, id est poena peccati. Chald. *punio*, scilicet privabuntur doctrina vera, & gratia.

V. 20. QUOD SUPER FRENUM, id est ornamenta. Chald. *phatera*. SANCTUM, &c. quasi dicat, Belli apparatus convettetur in Dei cultum. Quidam id referunt ad clavum sanctum a Constantino positum in equi freno ad bellicos successus, quem ego anno 1550. in Gallia vidi Carpentorati, ubi religiose asservabatur. QUASI PHILAE, id est magno numero; quasi dicat: Multa erunt instrumenta ad Dei cultum, quia magna populi devotio.

V. 21. OMNIS, scilicet ad Dei cultum necessarius; quasi dicat: Abundabit Ecclesia rebus necessariis, ut nihil cuiquam desit ad Deo serviendum. MERCATOR, scilicet rerum spiritualium, seu simoniacus.

E S T I I.

Verf. 21. **E**T NON ERIT MERCATOR ULTRA IN DOMO DOMINI EXERCITUM IN DIE ILLA. Non dicit in Israel, aut in populo meo, sed in domo Domini, quia Christus eiecit ex domo patris sui emenies & vendentes. Per quos scilicet illi significati sunt, qui gratiam Dei in ecclesia venalem habent. Sed in quiete, Tales adhuc multi sunt in ecclesia Dei. Respondeo, Prophetam hoc non velle, quod nulli tales sint futuri, sed ecclesiam contra eos gravissimas leges sancitam, ut quantum in ipsa est, iam non sint: hoc autem synagoga non fecit. Alii pro eo quod habemus mercator, vertunt Chananæus quod & a Septuaginta factum videtur, non male. Hoc enim vocabulum apud Hebræos ambiguum est ad nomen gentis, & ad mercatorem. Itaque putant interpretem nostrum, mercatorem posuisse, pro Chananæo, quomodo idem vice versa Proverb. ult. Chananæum dixit pro mercatore in illis verbis: *Cingulum fecit & vendidit, & tradidit Chananæo*. Et hæc interpretatio faciliorem habet sensum; quo nimirum significetur, non futurum amplius, ut extere, & a cultu Dei alienæ gentes, ac populo Dei inimicæ penetrarent usque in domum Domini; quod factum fuerat a Chaldæis, aliisque gentibus in everfione ci-

vitatis Ierusalem; quemadmodum in suis lamentationibus deplorat Ieremias. Huius sensus & Hieron. meminit; qui tamen Aquilam secutus, mercatorem vertere maluit.

M A R I A N A E.

Verf. t. **E**CCE VENIENT DIES DOMINI. Hebr. *venit*, sui venit: sic Vulg. Regia. Vocatur *dies Domini*, quoniam in eo ostendit gloriam & potentiam suam. ET DIVIDENTUR SPOLIA TUA IN MEDIO TUI. Sic solent milites captam intra urbem dividere spolia, præsertim cum sibi ab hostibus nihil timent.

V. 2. ET CONGREGABO. Illis eam mentem iniciam conveniendi contra Ierusalem. OMNES GENTES. Exercitus ex variis Gentibus erit conflatus. ET CAPIETUR CIVITAS. Plerique hoc ad Titi obditionem referunt. Verum post ea tempora non video Iudæis contigisse felicitatem, quæ hoc Capite continetur. Ergo aut de Ptolemæo Lagi intelligo, qui dolo occupavit Ierusalem; Ioseph. Libro XII. cap. 1. aut de Antiocho Epiphane, qui eam urbem aliquanto post cepit: idem eod. Lib. cap. vti. ET EGREDIETUR MEDIA PARS. Multi utroque tempore cives abducti sunt in captivitatem, neque urbs penitus exesa est, ut a Nabuchodonosore & Tito. Id significat, cum ait, RELIQUUM POPULI NON AUFERETUR. Hebr. *non exscindetur ex urbe*.

V. 3. ET EGREDIETUR DOMINUS, vindicabit eas Gentes. SICUT PRAELIATUS EST IN DIE CERTAMINIS, cum scilicet interfecit Aegyptios ad mare Rubrum, Exod. xiv. 24.

V. 4. SUPER MONTEM OLIVARUM, id est de proximo Deus auxiliabitur. QUI EST CONTRA IERUSALEM. Hebr. *ad facies*. Chald. *e regione*, id est prope Ierusalem. SCINDETUR MONS OLIVARUM, id est Iudæi scindentur; alii a suis stabunt, alii hostibus favebunt. EX MEDIA PARTE SUI, id est per medium. AD ORIENTEM, ET AD OCCIDENTEM, scilicet ruptura ad duas has plagas spectabit. PRAERUPTO GRANDE. Hebr. *valle magna valde*, scilicet ex ea ruptura effecta. ET SEPARABITUR. Hebr. *Recedet pars montis ad Aquilonem, pars ad Austrum*. Significat his verbis, fore illud dissidium inter Iudæos irrecon-

etiam. Inimicitiae inter propinquos graves quam cum aliis sunt.

V. 5. ET FUGIETIS AD VALLEM MONTIUM EORUM. Lege *meorum*, pro *eorum*. Sic Hieronymus in Comment. & Sept. sic etiam Hebr. *barai*, nisi quod eam vocem Hebraei positam dicunt pro *הרים* *harim*, nescio quid secuti. Chald. *lan* *valis montium* dixit, *finis meorum*. Ergo, in ter eos duos montes se condent, quia alii ad hostes confugient, alii cum suis persistent. QUONIAM CONIUNGETUR. Hebr. *pertinget* vallis montium, scilicet eorum. USQUE AD PROXIMUM, scilicet locum. Hebr. *ad Azal*, nomen loci, ad quem ruptura pertingebat: sic Sept. & Chald. & plerique e Graecis Interpretibus eam vocem inactam reliquere, solum Symmachus *proximum* dixit, quem Hieronymus est secutus. Significat vallem longissimam esse, multos capere. Loquitur enigmatice, de civium dissidio. A FACIE TERRAEMOTUS. De hoc terramotu plura Amos 1. initio. Ergo ut fugam tunc prohibere nemo poterat, ita nec vestrum dissidium & fugam in diversas partes pacare. ET VENIET DOMINUS. Praelo tamen erit Deus sanctis Angelis comitatus ad urbis tutelam & gentis.

V. 6. NON ERIT LUX, SED FRIGUS ET GELU. Sic Sept. Luce frigus temperatur, tenebris crescit. Significat diem, quo veniet Dominus, fore asperum: quibus hostibus plane. Hebr. *non erit lux claritatum, coagulationis*, pro, sed coagulationis, id est non erit lux clara, sed densa: sic Hebr. Chald. *non erit lux, sed prada & gelu*.

V. 7. ET ERIT DIES UNA, id est singularis, extraordinaria. QUAE NOTA EST DOMINO. Solus Deus scit quam aspera erit illa dies. NON DIES NEQUE NOX. Lux erit aliqua, sed neque qualis per diem, nec tenebrae nocturnae: sed maligna, qualis in crepusculo. ET IN TEMPORE VESPERI ERIT LUX, id est erit lux ut in tempore vespertino. Hebr. *& erit ad tempus vespere, erit lux*, id est qualis illo tempore. Hoc contra hostes: quid pii?

V. 8. EXIBUNT AQUAE VIVAE, id est summa erit felicitas, summa ubertas: tota regio erit irrigua aquis, quae egredientur de Ierusalem, & ad utrumque mare pertingent. ORIENTALE, id est Mare mortuum, aut mare Tiberiadis. NOVISSIMUM, id est Occiduum, Mediterraneum: neque

aquae illae deficient, neque in hieme, neque in aestate, ut proxima verba habent.

V. 9. SUPER OMNEM TERRAM illam scilicet Israel: non alius deus coelestis in ea. ET ERIT NOMEN EIUS UNUM, seu unum, non aliud nomen dei alterius audietur.

V. 10. ET REVERTETUR OMNIS TERRA USQUE AD DESERTUM; id est, omnes Iudaei & deserto & colle Remmon revertentur Ierusalem, ut eam instaurant. Hebr. *circumdabitur omnis terra hac ut planities*, scilicet iis aquis, rivis inde ductis tota irrigabitur, quamvis montuosa, ac si esset plana, *ערבה* *Herabab* & *desertum* & *planities* significat. DE COLLE REMMON AD AUSTRUM; pro, qui est ad Austrum Ierusalem. Alii vertunt, *A Gabaa ad Remmon* (qui est) *ad Austrum Ierusalem*. Quibus verbis significat felicitatem quae erat futura, perinde ac si tota regio esset irrigua. ET EXALTABITUR, scilicet Ierusalem bonis fruetur. A PORTA BENIAMIN. Nomina erant portarum & locorum in ea urbe, quam totam circulo instaurandam & habitandam dicit. Quod Machabaeorum tempore videtur contigisse.

V. 11. ET ANATHEMA NON ERIT, id est occisio, sanguinis effusio; quia omnia erunt. SED SEDEBIT IERUSALEM SECURA, seu *habitabitur Ierusalem confidenter*, id est sine ullo metu erit. Quid hostes?

V. 12. ET HAEC ERIT PLAGA, id est supplicium quod sumetur de hostibus. TABESCENT, seu *liquefies* caro cuiusque. STANTIS SUPER PEDES SUOS, id est sine ullo morbo, qui lecto eos affigit, tabescent, nulla certa causa, eoque remedio difficiliore. ET OCULI EIUS, id est cuiusque eorum. IN FORAMINIBUS SUI, intra palpebras contabescent.

V. 13. TUMULTUS, seu *contitio*. Chald. *turbatio*. Sept. *stupor*. DOMINI, id est magnus. *Mons Dei*, *mons pinguis*; aut a Deo immixtus tumultus civilis, quo inter se irruent hostes, alii in alios. ET APPREHENDET VIR, &c. id est quisque cum proximo confecti manum, pugnabit cum eo. ET CONSERETUR MANUS EIUS, id est cuiusque. Hebr. *ascendet manus eius super manum*, id est confecti manum, ut Hieronymus dixit, quisque cum proximo suo.

V. 14. SED ET IUDAS PUGNABIT ADVERSUS IERUSALEM, scilicet coacta ab ho-

ribus. ET CONGREGABUNTUR DIVITIAE, scilicet in hostium castra, direptis omnibus circum Gentibus, quo maior erit parata piis praeda.

V. 15. ET SIC ERIT RUINA, seu *plaga*: qualis dicam: EQUI; pro, equorum, camelorum. SICUT RUINA HAEC, sicut *plaga* haec, id est supradicta: nimirum contabescit, morientur omnia animalia, quae erunt in hostium castris.

V. 16. QUI RELIQUI FUERINT de hostibus. Goth. *relicti*. Sept. *derelicti*. Chald. *remanserint*. ASCENDENT AB ANNO IN ANNUM, omnibus annis ascendent in Ierusalem, scilicet ut colant Deum verum. ET CELEBRENT FESTIVITATEM TABERNACULORUM. Mense Septembri *Tisri* die quinta decima id Festum celebrabatur colentibus fructibus, sedatis aestatis ardoribus; sic commodum erat illo potius tempore quam alio ire Ierusalem.

V. 17. DE FAMILIIS TERRAE, id est de Gentibus. *Familia* pro gente saepe. Qui non ascenderit Ierusalem, carebit imbre.

V. 18. SI FAMILIA AEGYPTI, id est Aegyptus non venerit ad id Festum. NEC SUPER EOS ERIT, scilicet imber. Per imbrem, Nili inundationem intelligit; nam in Aegypto non pluit, neque imbre opus habent. Non ergo erit imber, sed potius communi plaga aliarum Gentium ariditatis & sterilitatis involventur.

V. 19. HOC ERIT PECCATUM AEGYPTI, id est poena peccati.

Vs 20. IN DIE ILLA ERIT, QUOD SUPER FRAENUM EQUI EST. Sic Sept. Heb. *erit super tintinnabula equi sanctitas Domini*. Chald. per *tintinnabula* intelligit equorum phaleras, quas hostibus ablatas offerent Deo, ut sint victorie monimentum. ET ERUNT LEBETES, scilicet capti in hostium castris, & obliti Deo magno numero, erunt quasi phiax coram altari, quae erant innumerae.

V. 21. OMNIS LEBES, scilicet captus de hostibus, & erit positus in templo. ET COQUENT IN IIS: carnes scilicet oblatæ hostiæ. ET NON ERIT MERCATOR, scilicet a quo lebetes sacrificans emat, aut conducit, quoniam in templo erit lebetum copia. Hebr. & Sept. *non eris Chananeus*; sed *Chananeus* saepe pro mercatore sumitur, Prov. xxxi. 24. *Cingulum tradidisti Chananeo*. Chald. etiam hic pro Cha-

naeco, mercatorem posuit עֲבָדָה עֵבֶר *Ha-bud tagra*, vir negotiator, id est mercator, ut est in Vulgata.

MENOCHII.

Vers. 1. DIES DOMINI: cum scilicet Ierusalem capietur ab Antiocho Epiphane, Deo Iudæis irato, & eorum peccata hac clade plecente. DIVIDENTUR SPOILIA TUA, &c. spolia detracta Iudæis in media Ierusalem a militibus Antiochi dividuntur.

V. 2. OMNES GENTES: exercitum Antiochi ex variis gentibus conflatum. EGREDIETUR MEDIA PARS CIVITATIS IN CAPTIVITATEM: ita factum est, ut constet ex Lib. II. Machab. v. 14. Non tamen media pars exacte, & arithmetice intelligenda est, sed moraliter; quasi dicat, Una pars civium egredietur in captivitatem, altera in urbe remanebit. RELIQUUM POPULI NON AUFERETUR EX URBE: quia scilicet dedit se Antiocho.

V. 3. EGREDIETUR DOMINUS: excitans quodammodo zelum, & potentiam suam contra Antiochum, & Gentiles. PRAELIABUNTUR CONTRA GENTES: per Machabæos. IN DIE CERTAMINIS: scilicet inclinati illius, cum demersit Aegyptios in mare rubrum, Exod. xiv.

V. 4. STABUNT PEDES EIUS IN DIE IL-
LA SUPER MONTEM OLIVARUM. Descendet Deus cum suis Angelis in Montem oliveti, ut ex eo propugnet Ierusalem, & profliget copias Antiochi. Sub hoc typo, sublimiori sensu, significatur Christus Deus factus homo staturus, & versaturus in monte oliveti in quo discipulos docuit, oravit, & ex quo ascendit ad caelum. Miscet enim Zacharias typo antitypum, & ad Christum monte fertur, de quo hic quædam dicuntur, & de eius Ecclesia, angustiora quam ut temporibus Machabæorum convenire possint. SCINDETUR MONS OLIVARUM. Videtur hoc factum tempore Machabæorum de quibus hic sermo, licet in Machabæorum historia non narretur. Verius tamen existimo, quod aliqui tradunt, Montem olivarum tempore iudicii scindendum in quatuor partes, ut fiat planities in qua excipiantur iudicandi, vel ut aperiat vorago, quæ damnatos absorbeat. Sensu sublimiori: Mons oliveti, id est Ecclesia scin-

fa est cum ibi a Christo ascendente iussi sunt Apostoli ire in mundum universum, & Evangelium prædicare omni creaturæ. **PRÆRUPTO GRANDI VALDE:** magna voragine patefacta.

V. 5. FUGIETIS AD VALLEM MONTIUM EORUM. Ribera ait manifestum esse mendum, & omnino legendum *Montium meorum*, ut constet ex Hebræo, & ex LXX. multisque antiquis, & recentioribus interpretibus, & ex translatione, quæ est apud D. Hieronymum, & aique ex eiusdem commentariis. Sensus ergo est, cum scindetur Mons olivæ, fugietis ad vallem montium meorum, id est in vallem Mello, sive Tyropæi, quæ interiacet inter montem Sion, & montem Moria; hi enim sunt montes mei, quia in Moria habeo meum templum, in Sion vero arcem David. **QUONIAM CONIUNGATUR VALLIS MONTIUM.** Pagninus, & Vatablus ex Hebræo vertunt, *Pertinet vallis montium*, id est Vallis, sive vorago facta ex montis scissione pertinet usque ad proximum, &c. **MONTIUM.** Dicit, *montium*, in plurali, quia post scissionem iam erunt quasi quatuor montes. **USQUE AD PROXIMUM.** Aliqui vertunt, *Usque ad separatum*, scilicet a terræ motu, ideoque securum locum. Aliqui retinent Hebræicam vocem *זמן Asfal*, quasi sit nomen proprium loci. **SICUT FUGISTIS,** &c. quasi dicat, Ea trepidatione, celeritate, & turba, qua fugistis a terræmotu, qui contigit tempore Ozæ, de quo vide dicta Amos 1. 1. **VENIET DOMINUS DEUS,** &c. Præliaturus pro Iudæis per Machabæos contra Antiochum, eumque prostriturus. **OMNES SANCTI:** Angeli. Sensu sublimiori significatur descensus Christi ad iudicium extremum.

V. 6. NON ERIT LUX. Allegoria tenebrarum denotatur tempus calamitatis, & afflictionis Iudæorum in persecutione Antiochi. Dies etiam iudicii erit dies afflictionis, & tenebrarum peccatoribus, qui etiam evadere non poterunt, nam omnia illis obtenebrescent, erique fuga illorum impedita, ut tempore hiemis cum luto, & glacie viæ sædæ sunt: sic dicitur Matth. xxiv. *Orate ne fiat fuga vestra hieme, vel sabbato.*

V. 7. ET ERIT DIES UNA, id est tempus persecutionis. **QUAE NOTA EST DOMINO:** quod tempus, & eius acerbitas no-

ta est Domino. **NON DIES NEQUE NOX.** Tempus illud non videbitur esse dies, quia obscurum erit, & mortuum propter Tyranni sævitiam; & tamen non erit nox, quia qui eo tempore vivent, haurient hanc solis lucem, & clariatem. **ET IN TEMPORE VESPERI ERIT LUX.** Ad vespertam erit lux, id est ad finem huius calamitosi temporis solvetur hoc nubium, & lucem prosperitatis afferent Machabæi reipub. Iudæicæ.

V. 8. EXIBUNT AQUAE VIVAE DE IERUSALEM. Videtur hoc ad litteram intelligendum de aquis fontanis, aut artificiorum canalium In Ierusalem inductis, & deinde extra civitatem emissis. Machabæi enim fontes, & aqueductus civitatis ad commoditatem, & ornatum videntur instaurasse. Sese sublimiori per huius aquas designatur Evangelica doctrina, quæ erumpit ex Ecclesia, ut totum orbem irriget. **ISA. XI.** dicitur: *Repleta est terra scientia Domini, sicut aquæ maris operientes.* **MEDIUM EARUM,** id est pars earum. **AD MARE ORIENTALE,** id est respiciunt mare mortuum, nimirum Fons Siloe, Fons Rogel, Fons Draconis, torrens Cedron, & probatica piscina. **AD MARE NOVISSIMUM.** Altera pars respiciebat mare mediterraneum versus Occidentem, ubi erat fons Gihon, isque duplex superior, & inferior. **IN ÆSTATE, ET HIEME ERUNT:** hæc aquæ perennes erunt, nec umquam deficient ne in summo quidem æstu.

V. 9. ET ERIT DOMINUS REX SUPER OMNEM TERRAM. Vix hoc Machabæis convenit, & eorum temporis; apte vero Messie, & Ecclesiæ; nam Christus conversus ad fidem gentilitate regnum suum per totum orbem propagavit. Si de Machabæis tantum intelligamus, per omnem terram intelligemus tantum terram Iudæam. **NOMEN EIUS UNUM:** non enim audiantur nomina idolorum, sed tantum nomen veri Dei.

V. 10. REVERTETUR OMNIS TERRA: id est, Iudæi qui in persecutione Antiochi huc & illuc fugerant, revertentur ad patrias sedes. In Hebræo est, *Circumdabitur omnis terra velut planities;* & sensus esse potest, Omnis terra aquis illis fontanis, quarum mentio facta est, circumdabitur, ac rigabitur, ac si esset planities. **USQUE AD DESERTUM:** inclusive, id est æque, ac deserta.

desertum, in Hebræo est, *scelus*, & *desertum*; quasi dicat, Quemadmodum etiam revertentur, qui ad deserti loca confugerant, ut saluti, & securitati, suæ consulere. DE COLLE REMMON. In Hebr. ut etiam apud LXX. est, *A Gabaa ad Remmon ad Austrum Ierusalem*. Sensus est, revertentur ex colle, sive ex Gabaa, qui erat limes Aquilonaris regni Iudæ, usque ad Remmon, qui erat alter Iudæ limes, ex parte Australi; quasi dicat, Iudæi dispersi ad extremos regni limites redibunt in patriam. Vel certe Gabaa, & Remmon ponuntur pro loco eodem, ut fiat terminus Aquilonaris; constat enim ex Lib. Iudicum cap. xx. 47. Petram Remmon non longe abuisse a Gabaa. Vide quæ diximus I. Reg. xiv. 2. quæ dicatur a Gabaa, & Remmon, qui terminus est Aquilonaris, & usque ab ultimis finibus Australibus eiusdem regni Iudæ redibunt in patriam. ET EXALTABITUR: scilicet Ierusalem, tam domibus, & muris, quam fama, & gloria. ET HABITABIT IN LOCO SUO; id est, loco pristino reedificabitur, ibique quiete, secure, & hilariter populus deger, nullos hostes metuetis. A PORTA BENIAMIN: quæ erat in ea parte civitatis, quæ Bezeta dicitur. Porro Bezeta, quam aliqui Cenopolim vocant, id est novam civitatem, pars erat Ierusalem de novo addita, & novo muro circumdata, vetere non diruto. USQUE AD LOCUM PORTÆ PRIORIS: ubi erat prius porta Benjamin, antequam adderetur Bezeta. USQUE AD PORTAM ANGULORUM: quam Villalpandus in typo Ierusalem constituit in angulo, qui partem muri Occidentalem, & Aquilonarem coniungit. A TURRE HANANEEL: quæ erat ultima civitatis veteris; indeque cepit augeri civitas adiecta Bezeta. USQUE AD TORCULARIA REGIS: quæ erant in adversa parte remotissima, hoc est in monte Sion, in quibus vinum regum exprimebatur.

V. 11. ANATHEMA NON ERIT AMPLIUS. Hebr. *cherem*, id est excisio, succisio; quasi dicat, Amplius non excindetur, nec vastabitur Ierusalem.

V. 12. TABESCEAT CARO UNIVSQUIUSQUE, &c. non peribunt ferro, sed lenta rabe, & invisibili morbo consumentur hostes Ierusalem, ut viventes, & ambulantes se mori sentiant. Accidit hoc Antio-

cho II. Machab. ix. 5. OCULI EUS CONTABESCENT: interorum condensur emaciato corpore, & vultu. LINGUA EORUM CONTABESCEAT: arefacti, & loquendi vim emittet.

V. 13. TUMULTUS DOMINI, id est, a Domino excitatus. IN EIS, hostibus Machabæorum, & fidelium. ET CONSERENTUR MANUS, &c. In; Hebr. est, *Et ascendet manus eius super manum proximi sui*. Et videtur esse sensus, Tantus erit hostium tumultus, ut in se invicem versæ, manus conserant, mutuique vulneribus se conficiant. Vel, tanta erit trepidatio, ut ætuo exanimis, conferti inter se, ut sit in pavore, quilibet apprehendat proximi sui manum, quod hæc ratione se tutiores credituri sint, naturali quadam apprehensione ad id ineitante.

V. 14. SED ET IUDAS, &c. quasi dicat: Multi Iudæi partim metu, partim ex improbitate, spe opum, & honorum iungent se Antiocho, & pugnabunt contra Ierusalem, & Machabæos. Vide supra cap. xii. 2. ET CONGREGABUNTUR DIVITIÆ, &c. nimirum ex spoliis hostium. Sic ad litteram spoliis Nicanoris, aliorumque Antiochi ducum, & copiarum, ditavit se, suosque Iudas Machabæus II. Machab. viii. 27.

V. 5. ET SIC ERIT RUINA EQUI, &c. quasi dicat: Sicut dixi num. 12. cædendos homines, & ruituros eos qui erunt cum Antiocho, ita idem iudicium de equis, & malis eorum.

V. 16. OMNES QUI RELIQUI FUERINT: scilicet e strage prælii. ASCENDENT AB ANNO IN ANNUM, id est singulis annis. Id factum ab eis qui post has victorias ad Iudaismum conversi sunt. Verum quia hi non multi fuerunt, plenius conveniunt quæ hic dicuntur Christianis, qui frequentant templa, & saltem singulis annis Euchariæ sacra mysteria participant. FESTIVITATEM TABERNACULORUM: quæ erat una ex maxime illustribus festivitatis legis antiquæ. Christiani per desertum huius vitæ festinantes, & in terra civitatem permanentem non habentes, ita dirigunt vitæ suæ cursum, ut ad cælestem patriam pervenire possint, habituri in ea stabilem æternitatis sedem.

V. 17. NON ERIT SUPER EOS IMBER: qui ad templum non venerit in Ierusalem statim

statis temporibus, agrorum ariditate, & sterilitate multabitur. Loquitur autem de Iudæis, quod indicant verba illa, *de familiaris terra*, scilicet Iudææ, nam de gentilibus statim loquitur. Spiritualiori vero sensu, omnes qui ad Ecclesiam venire noluerint arefcent, & peribunt, ut percunt facta, quæ de eælo non irrigantur. Non veniet super eos imber spiritus sancti & gratiæ.

V. 18. QUOD ET SI FAMILIA AEGYPTI, &c. familiæ gentium, quæ affixerunt Ecclesiam, noluerint venire, non erit super eas imber.

V. 19. HOC ERIT PECCATUM AEGYPTI, id est poena peccati.

V. 20. QUOD SUPER FRAENUM EQUI EST, &c. intelligit pretiosa ornamenta frænorum, & cum his phalaras, ceterasque manubias, quas Deo, & eius templis, principes, & duces Christiani consecraverunt. LEBETES: lebetum ulus erat in coquendis carnibus victimarum Deo immolarum. QUAST PHIALAE. Magna in templo copia erat phialarum, quia multiplex earum usus, verbi gratia, ad adolendum thymiamam, ad libamina vini, &c. ad excipiendum sanguinem victimarum. Quare in templi suppellectile plures solebant esse phialæ, quam lebetes. Dicit ergo propheta tantum fore gentium concursum in Ierusalem ad sacrificandum in festo tabernaculorum, ut lebetum, in quibus coquendæ sunt victimæ, tanta futura copia, quanta phialarum alio tempore esse solet. Sic in Ecclesia Christi maxima est sacrificiorum frequentia, & calicem, thuribulorum, ceterorumque sacrorum vasorum supplex copiosa.

V. 21. ET ERIT OMNIS LEBES, &c. quasi dicat: Tanta erit immolantium multitudo, ut ex omni Ierusalem, & Iudæa certatim afferantur lebetes, in quibus carnes victimarum coquantur, ac deinceps lebetes illi, quasi iam victimis illis sanctificati, in usum templi remanebunt, eruntque Deo, & templo consecrati. NON ERIT MERCATOR. Hebr. & LXX. *non erit Chananæus*; id est, omnes eandem sequentur religionem. Noster interpres vertit *mercator*, quia Chananæi mercaturam exercere solebant, & in sacris litteris pro eodem aliquando accipitur Chananæus, & mercator, ut cum dicitur Proverb. xxxi. 24.

Sindonem fecit, & vendidit, & cingulum tradidit Chananæo.

TIRINI.

Vers. 2. OMNES GENTES Antiocho Epiphani a subiectas vel consecratas CONGREGABO adversus IERUSALEM, ET CAPIETUR CIVITAS, ET MULIERES & VIOLABUNTUR: ET MEDIA, id est maxima, PARS ibit IN CAPTIVITATEM: ET RELIQUUM POPULI NON AUFERETUR quidem EX URBE, sed mille aliis & iniuriis divexabitur. Sed post paulo

V. 3. DOMINUS, Ecclesiæ lux perpetuus tutor & protector, EGREDIETUR per duces suos Machabæos, ET PRAELIABITUR CONTRA OMNES GENTES ILLAS, SICUT OLIUM PRAELIATUM EST IN DIE famosi illius CERTAMINIS, quo Pharaonem & contrivit in mari rubro. Sicut enim tunc scisso mari per angelos decervavit contra Aegyptios, ita sub Machabæis scisso monte Olivæ, etiam visibiliter per angelos iuebitur populum suum, & hostes prosterneat.

V. 4. STABUNT enim PEDES EIUS SUPER MONTEM OLIVARUM, ut inde auxilio sit vicinis Ierosolymitanis, & Antiochi copias profliget. Calcando vero montem, discindet illum ab Oriente. OCCIDENTEM versus in duas partes, quarum una SEPARABITUR; LXX. *inclinabit*; Tigurini, *deflectet*; Pagninus, *recedet*, AD AQUILONEM, altera AD MERIDIEM. Unde patet, non in quatuor partes, (ut vult S. Hieronymus, Cyrillus, Theodoret: Burgenlis & Palacios,) factam scissionem, sed in duas dumtaxat, (ut Chaldæus, Eusebius, Lyranus, Vatablus, Ribera, Sanchez, a Lapide & alii exponunt) relicto hiatus PRAERUPTO, id est valle, ut Chaldæus; vel *voragine*, ut LXX. GRANDI VALDE. Hanc scissionem factam putat Palacios quando tot signa sunt in celo II. Machab. v. puta equites per aera discurrentes, cohortes armatæ, &c. Erant enim myriades angelorum cum quibus in pugnam prodibat Deus: prodeunte autem Deo terra mota est & contremuit, & contriti sunt I montes sæculi. Esti enim in Machabæorum historia id non expresse enarratur; ex hoc tamen loco verisimile est ita tunc factum. Sicut factum in simili casu sub Ozia rege

constat ex verb. sequenti, licet in historia Oziz nulla istius rei mentio fiat.

V. 5. ET PRÆ METÀ AC HORRORE TERRÆMOTUS, quo mons Oliveti discinditur, FUGIETIS, o Iudæi, AD VALLEM MONTIUM *maorum* (sic enim habent Hebræa, LXX. & S. Hieronymus in commentario) id est, fugietis in *vallem Meilo*, quæ interiacet inter montem Sion & montem Moria, qui propter templum & arcem David inibi constructa, vocantur *montes mei*. Huc vero confugietis, & non ad alteram *vallem Iosaphat*, quæ inter montem Oliveti & montem Sion interiacet, quia illic non putaretis vos satutos fore, cum *vallis Iosaphat coniungatur* & pertingat usque AD PROXIMUM montem recens discissum, inquit Lyranus. FUGIETIS autem ea contentione, trepidatione, celebritate, tumultu & consternatione animorum, quæ olim FUGIETIS A TERRÆMOTU IN DIEBUS OZIZÆ M REGIS IUDÆ. Sed non est quod vereamini: neque enim ad vos obruendos, sed ad hostes vestros conterendos *veniet* tanto strepitu *Dominus*, & omnes sancti n angeli cum eo. Non quod omnes simul uno impetu velit contere, sed paulatim ac lente.

V. 6. NON ERIT ipso primo initio plena LUX, neque intensus calor solis, id est perfecta felicitas & tranquillitas, SED admiscebuntur adhuc aliquæ tenebræ, & cum iis FRIGUS ET GELU; adeo ut tempus illud (quod quamdiu durabit, solus novit Deus) non sit vocandum vel *diei*, vel *nox*, sed participans de utroque, instar crepusculi vel auroræ. Paruit id sub, Mathathia & primis Iudæi initiis, quando alterante fortuna Iudæi nunc victi, nunc viatores abibant. Sed tandem

V. 7. IN TEMPORE VESPERT, quando tenebræ naturaliter ingruunt, & nox plena præ foribus est, præter omnium expectationem suborietur clara & perfecta LUX: nempe cæso & occumbente Iudæo, videbatur actum de rebus Iudæorum; cum subito versa fortuna sub Ionatha p pax & plena quies obvenit.

V. 8. EXIBUNT tunc rursus AQUÆ VIVÆ, seu fontanæ, e suis venis ebullientes, quas olim Salomon g & Ezechias r maximis impensis Ierololympæ curarant, uti & Nehemias s, & Simon t pontifex; sed iam contractis vel collapsis sub Antio-

cho aqueductibus, magna ex parte diffluxerant. Has instauravit Machabæi, ad maius incolarum commodum & loci amenitatem, v. g. fontes Siloe a, Rogel x, & Draconis y, cum Torrente Cedron, & Probatrica piscina: AD MARE ORIENTALE, id est versus mare Mortuum, seu lacum Asphaltitem z. Utrumque fontem Gihon aa superiorem & inferiorem, aquæ ductum Gabæon bb, & alios, versus MARE NOVISSIMUM, id est Occidentale Iudææ, nempe mare Mediterraneum. Hæc aquarum copia Ierololympis, quibus omnia circum irrigabantur & fecundabantur, erat typus summæ felicitatis, maximarum opum, & deliciarum: item nobilissimarum victoriarum quas Machabæi cc Ierololympis egressi versus quatuor mundi plagas, ex hostibus retulerunt, inquit Paulus a Palatio. Sic sic paulatim

V. 9. DOMINUS DEUS REX ERIT, & instar regis coletur per OMNEM TERRAM, non Iudææ tantum, sed & totius orbis, nempe per Christum mox subsecuturum. Et abactis idolis, UNUS ubique DOMINUS, ET UNUM NOMEN ubique, puta Christi, celebrabitur toto orbe: ita S. Hier. Remigius, Rupert. Haymo, Vatabl. Ribera & a Lapide.

V. 10. OMNIS TERRA, seu incolæ terræ, qui metu Antiochi fugerant usque ad desertum, montes & speluncas, pacata per Machabæos Iudæa, eo revertentur a COLLE Gabæa dd (ut habent Hebræa, eratque limes Aquilonaris regni Iudæ, usque ad REMMON ee, qui est alter limes Iudææ ex parte Australi: ita Paladius & Mariana: ET magis quam ante EXALTABITUR IERUSALEM muris, palatiis, gloria, fama & potentia: ET HABITABIT, id est quiete, secure, læte degent incolæ ipsius IN LOCO SUO, A PORTA BENIAMIN, quæ terminat Bezetham, *בֵּזֶתְחָם*, id est novam urbem, (quæ tertia vocari solet, & erat de novo adiecta Ierololympæ) usque AD LOCUM PORTÆ PRIORIS, seu veteris civitatis, ET usque AD PORTAM anguli, vel ANGULORUM, de quibus alibi ff: ET A TURRE HANANEEL, quæ erat ultima veteris civitatis, per Secundum gg, seu mediam interiacentem civitatem, usque AD TORCULARIA REGIS, in adversa & inde remotissima parte, puta

N n

in

Bib. Sac. Tom. XXII.

in monte Sion. His omnibus significatur Ierusalem undique magnis incrementis ampliandam *bb* versus quatuor plagas caeli, inquit Mariana, Palacius & a Lapide.

V. 11. ET NON ERIT AMPLIUS ANATHEMA *ii*. Hebraice, *cherem*, id est exscisio vel succisio, id est non excindetur amplius a tyrannis; scilicet usque ad longum *kk* & immemorabile tempus, & quamdiu perstiterit in fide & sincero cultu Dei. Interea

V. 12. CARO hostium Iudæ contabescet. Hebraice, *liquefecit, dissolvetur*, ut Pagninus vertit & Vatablus. Patuit in Lysia, in Antiocho, in copiis Timothei & pluribus aliis *ll*.

V. 13. TUMULTUS DOMINI, id est a Domino excitandus, ERIT, ideoque MANUS, inter hostes Iudzorum *mm*: adeo ut apprehendat quisque MANUM PROXIMI sui, & mutuis se vulneribus concidant, inquit Theodor. & Lyranus.

V. 14. & 15. SED ET IUDAS, id est plurimi Iudæi, ut supra *nn* dixit, qui spe horum vel opum deficient ad Antiochum, & patriam suam oppugnabunt, etiam ipsi simili mala morte peribunt eo, sicut ERIT RUINA HAEC Antiochi, Lysiae, aliorumque hostium Iudæ, de quibus iam dixi quod contabescet & mutuis vulneribus cadent.

V. 16. QUI DE UNIVERSIS GENTIBUS hostilibus RELIQUI FUERINT, puta Iдумæi & alii ab Hyrcano subacti, teste Iosepho *pp* quotannis ASCENDENT Ierosolymam, ut ibi CELEBENT FESTIVITATEM TABERNACULORUM & alia festa Iudaica, id est iudaismum suscipient, ut constat ex alibi *qq* dictis: puniendi alioquin defectu *imbris rr*, id est sterilitate & aliis plagis. In quo præ aliis peccabit *AEgyptus*, id est Iudæi in *AEgypto* commorantes, qui occasione novi templi sub Ptolomæo *ss* Philometore ibi excitati, schisma fecerunt a Iudæis in Iudæa degentibus; unde & graviter exinceps afflicti sunt, teste Iosepho & aliis historicis.

V. 20. QUOD SUPER TRAENUM EQUI ERIT, ERIT SANCTUM DOMINO. Ita verterunt etiam LXX. Syrus & Arabicus Antiochenus; Chaldaeus & S. Hier. in commentario *phaleras* vertunt; Clarus, *collaria*; Pagninus, *tintinnabula*; alii, *stragula*, & alia eorum ornamenta. Sensus ve-

ro est, manubias hostium, phaleras, stragula, aliaque ornamenta equis (quibus ornandis maxime student milites) detracta, consecratum iri Deo in templo Ierosolymitano, in trophaea & in gratiarum actionem. Ut olim fecit David *tt*, qui gladium Goliath; & Israelitæ in deserto, qui spolia Madianitarum *uu*; & Abraham *xx*, qui decimas prædæ quatuor regibus ereptæ, Deo per Melchisedecum consecravit: ita S. Hier. Cyrillus Theodor. Vatablus. Arias, Ribera & a Lap. E quibus Theodor. id etiam exponit de clavo crucis Christi, quem Constant. Magnus, ut proficeretur se Christi crucifixi ope & auspiciis victoriam & salutem sperare, partim galæ, partim freno equi sui inclusit. Ridet hanc expositionem S. Hieron. sed probant S. Cyrillus. Ambrosius, Sozomenus, Nicephorus, Gregorius Turonensis & alii plures. Et certum est, omnia huius capitis, saltem Allegorice competere Ecclesie Christi & principibus Christianis. ET LEBETES, in quibus coquantur carnes victimarum, ERUNT tanto numero in DOMO DOMINI, quanto nunc sunt *phiale*, quæ penè innumerae erant, ad sanguinem victimarum excipiendum, ad thymiana, ad thus, ad tot libamina capienda. Designat maximum fore undique concursum Ierosolymam ad victimas Deo offerendas. Immo

V. 21. OMNIS LEBES ex omni Iudæa certatim advehetur in templum Ierosolymitanum, ut immolantium multitudini, in festo tabernaculorum possit fieri satis. Ubi vero semel adhibitus fuerit usus sacris, relinquatur templo, utpote DOMINO SANCTIFICATUS: ita Paulus a Palatio, & a Lapide. ET ULTRA IN DOMO DOMINI NON ERIT MERCATOR, qui lebetes & similia vasa pretio vendat, vel elocet advenis & peregrinis, ut fiebat in magnis solemnitatibus. Nam liberalitate Iudzorum sat multa gratis subministrabuntur, quæ relicta dein usus templi, servient aliis adventantibus; ut idem Palacius & a Lap. exponunt. Sed Theodoret. Albertus, Clarus retinent Hebræum nomen *Chananeus*, per quod non mercatorem intelligunt, (ut Noster cum Chaldaeo & Aquila optime vertit, quia Chananeus mercatura celeberrimus erat) sed sceleratum, improbum & sceleribus infamem, quales olim fuerant Chananeus;

nanzi; quasi dicat: Non tolerabuntur tales in templo, Allegorice in ministerio Ecclesie Christi: nam si qui irrepant, graviter in eos animadvertetur, & incorrigibiles officio & loco movebuntur, & si opus, etiam excommunicatione a cœtu si delium arcebuntur.

- (a) Chronici cap. xi.
(b) II. Mach. v. 17.
(c) Ibid. vers. 13.
(d) Vers. 14.
(e) Vers. 25. 27. 22. &c. & I. Mach. i. 55.
(f) I. Mach. 11. & seqq. & II. Mach. vii. & seqq.
(g) Exodi xiv. 24. & I. Mach. iv. 9.
(h) Huc vers. 4.
(i) II. Mach. 2. 29. & xi. 8. & xv. vers. 12.
(k) Psal. xlviii. 9.
(l) Habacuc. 111. 6.
(m) Isaie vii. 8. Amos i. 3. Chson. cap. xxix.
(n) Deut. xxxiii. 2. Psalm. xvii. 11. & seqq.
Ezech. i. &c.
(o) I. Mach. ix. 18. & seqq.
(p) Ibid. vers. 34. 29. 38. 23. &c.
(q) Ecl. 11. 4.
(r) IV. Reg. xx. 20.
(s) II. Esdr. 111. 15. 16. &c.
(t) Ecl. 1. 3.
(u) II. Paral. xxxii. 3.
(v) III. Reg. i. 13.
(w) II. Esdr. 12. 13.
(x) Genes. xii. 28.
(y) II. Paral. xxxii. 4. & 30. &c.
(z) II. Reg. 12. 12. & 13.
(aa) I. Mach. v. 6. & 23. & cap. x. 76. & seqq.
(ab) I. Reg. x. 26.
(ac) Zach. xii. 10. Isaie xix. 7.
(ad) II. Esdr. 111. 1. &c.
(ae) IV. Reg. xxi. 14.
(af) Isaie li. 2. lxi. xxxi. 34.
(ag) Levit. xxvii. 28.
(ah) Proleg. de Idiotismis Hebr. num. xxvii.
(ai) I. Mach. iv. 27. II. Mach. ix. 5. & seqq. cap. xii. 22. cap. x. vers. 30.
(aj) Ibid.
(ak) Zach. xii. vers. 3.
(al) Ibid. vers. 3.
(am) Ioseph. Lib. III. Antiq. cap. xvii.
(an) Abdæ xxvii. & seqq.
(ao) Deut. xii. 16.
(ap) Chronici cap. xxxix.
(aq) I. Reg. xxi.
(ar) Num. xxxi. 30.
(as) Gen. xiv. 20.

G O R D O N I.

Vers. 1. Describitur Ierusalem capienda ab Antiocho Epiphane: vide ad Lib. Machab. rem descriptam.

V. 3. & 4. ET EGREDIETUR DOMINUS. Vincit hic Machabæus; sed simul denotatur victoria Christi ex vers. 4. Adfuit quidem Deus in hoc monte in auxilium Machabæorum contra hostes. Sed clara & illustis fuit presentia Christi stantis in

eo monte ubi pernoctat in oratione; docet Apostolos & inchoat Passionem; ac unde demum ascendit in celum.

V. 4. ET SCINDETUR MONS OLIVARUM. Peribicorum hoc est, si quis veram scissionem montium intelligat: Nam nec tempus, nec modum produnt historie. Cornelius suspicatur eam divinitus factam a Deo, quando, ut hic dicitur, Deus sterisse dicitur in monte oliveti pro Machabæis: non moror, non reprehendo; non fuit Deo impossibile: at sane non male in hoc Mariana, qui hanc scissionem interpretatur ænigmaticè de Iudæorum dissidio sub Machabæis, quando pars una Machabæos, altera Antiochum sequebatur, & vario Marte certatum est hac illaque, victis fugam captantibus. Idem de scissione explicatur sub Christo, quem aliqui sequebantur, alii persequebantur. Mentio fit vers. 5. de terræ motu quem in libris Regum locavi ad an. 27. Oziz.

V. 6. ET ERIT IN DIE ILLA, &c. Locutus est vers. 4. de descensu Dei in auxilium Machabæorum, quem nunc magis explicat: adde sub hoc typo belli Machabæici prælia Apostolorum spiritualia pro fide. In illa die, inquit, (per lucem & frigus) non erit plena lætitia, nec res desperata, sed varius exitus.

V. 8. Dum quæ gerentur a Machabæis per varia Iudææ loca explicantur, interim allegorice describuntur, quæ facturus est Christus per se & suos. Et possunt singula ad hunc mysticum sensum facile referri. Denique utrobique post tempus calamitosum succedet pax & felicitas.

V. 12. ET HABET ERIT PLAGA, &c. Plagam describit tum ipsius Antiochi, tum ducum ipsius, quos tumultus & cædes vastabunt, nec successum impedit felitem, quamvis Iuda (hoc est plerique Iudæi qui defecerunt ad Antiochum) pugnet contra Ierusalem: similia intellige de Christo seu antitypo.

V. 16. ET OMNES QUI RELIQUI FUERINT, &c. Stabilita Machabæorum victoria, venient in Ierusalem ad Dominum, & ad festa, non tantum qui in Aegypto & aliis regnis sunt Iudæi, sed etiam multi sicut profelyti, nec deerunt in domo Domini vasa, & divitæ. Sed certe hæc omnia augustiora sunt sub Christo: historia sub Simone & Hircano hæc plane explicat.

plicat. At quid illud vers. 20. *de fratre e-* NON ERIT MERCATOR IN DOMO DOMI-
quorum? Sane quia victores Machabzi ma- NI; hoc est non Chananzi (qui vocaban-
 nubias hostium & phaleras equorum suspen- tur mercatores, ut alibi obferuo) nec ven-
 dent Domino pro anathemate, & vers. 21. ditores rerum spiritualium.



PROPHETIA MALACHIAE.

POST absolutam templi fabricam vaticinatus videtur temporibus
 Darii Hystaspis.



CAPUT PRIMUM.

Prophetia Malachiae ad Israel, quem Dominus arguit ingratitude, quod non agnoscebat se in Iacob, unde descenderat, dilectum, reiectum Esau cum populo suo: ideo conqueritur, se ab Israel non honorari neque timeri, quodque sacerdotes despiciant nomen Domini, quorum reiectis sacrificia, gratum habens oblationem mundam quæ in omni loco ei offertur.

1.



Nus verbi Domini ad Israel *in manu Malachiz. 2. Dilexi vos, dicit Dominus, & dixistis: In quo dilexisti nos? Nonne frater erat Esau Iacob, dicit Dominus, & (a) dilexi Iacob, 3. Esau autem odio habui? * & posui montes eius in solitudinem, & hereditatem eius in dracones deserti. 4. Quod si dixerit Idumzæ: Destructi sumus, sed revertentes ædificabimus quæ destructa sunt: Hæc dicit Dominus exercituum: Isti ædificabunt, & ego destruam: & vocabuntur termini impietatis, & populus cui iratus est Dominus usque in æternum. 5. Et oculi vestri videbunt: & vos dicetis: Magnificetur Dominus super terminum Israel. 6. Filius honorat patrem, & servus dominum suum: si ergo Pater ego sum, ubi est honor meus? & si Dominus ego sum, ubi est timor meus? dicit Dominus exercituum: ad vos, o sacerdotes, qui despicietis nomen meum, & dixistis: In quo despeximus nomen tuum? 7. Offeretis super altare meum panem pollutum, & dicetis: In quo polluimus te? In eo quod dicitis: Mensa Domini despecta est. 8. Si offeratis cæcum ad immolandum, nonne malum est? & si offeratis claudum, & languidum, nonne malum est? offer illud duci tuo, si placuerit ei, aut si susceperit faciem tuam, dicit Dominus exercituum. 9. Et nunc deprecamini vultum Dei ut mise-

mise.

misereatur vestri (de manu enim vestra factum est hoc) si quomodo suscipiat facies vestras , dicit Dominus exercituum . 10. Quis est in vobis , qui claudat ostia , & incendat altare meum gratuito ? non est mihi voluntas in vobis , dicit Dominus exercituum : & munus non suscipiam de manu vestra . 11. (b) Ab ortu enim solis usque ad occasum , magnum est nomen meum in Gentibus : & in omni loco sacrificatur , & offertur nomini meo oblatio munda : quia magnum est nomen meum in Gentibus , dicit Dominus exercituum . 12. Et vos polluistis illud in eo quod dicitis : Mensa Domini contaminata est : & quod superponitur , contemptibile est , cum igne qui illud devorat . 13. Et dixistis : Ecce de labore , & exufflastis illud , dicit Dominus exercituum , & intulistis de rapinis claudum , & languidum , & intulistis munus : numquid suscipiam illud de manu vestra , dicit Dominus ? 14. Maledictus dolosus , qui habet in grege suo masculum , & votum faciens immolat debile Domino : quia Rex magnus ego , dicit Dominus exercituum , & nomen meum horribile in Gentibus .

(a) Rom. ix. 13. (b) Psal. cxli. 3.

BRUGENSIS

ROMANÆ CORRECTIONES.

Verf. 1. In manu Malachie . Non subicias

propheta .
Verf. 3. Et posui montes eius in solitudinem .
Non addas Seir ante montes .

COMMENTARIA

S A.

MALACHIAS prophetavit post Aggeum & Zachariam contra Iudæos , & de quibusdam Christi mysteriis .

V. 1. AD ; pro , contra , vel , de ; vel tamquam ad auditores . ISRAEL , id est Iudæos ex captivitate reductos ; erant enim in eis aliqui etiam ex decem tribubus . Itaque omnes communi nomine appellantur . IN MANU , id est opera , seu ministerio . MALACHIAE . Hebræi & Hieron. putant esse Eisdram , alii negant . IACOB , scilicet electos : sic per Esau reprobi intelliguntur .

V. 3. ODI HABUI . Chald. *reprobavi* . IN SOLITUDINEM , scilicet vastante Nabuchodonosor . DRACONES . Chald. *vastationem* . Intellige per hæc reproborum animas vastatas & desertas Dei gratia .

V. 4. DESTRUAM , scilicet Dei iudicio occulto destruantur reproborum ædificia spiritualia . IMPIETATIS . Chald. *populi impii* . LXX. *iniquitatis* .

V. 5. MAGNIFICETUR , id est glorificetur , seu laudetur . LXX. *magnificatus est* . SUPER TERMINUM . Chald. *qui dilatavit fines* .

V. 6. HONORAT , id est honorare solet , seu debet .

V. 7. ALTARE , id est mensam , vel altare holocausti . PANEM , scilicet panes propositionis ; vel pro , oblationem . Chald. *oblationem* . POLLUTUM , id est non ut prescribit Lex , vel inquinatum offerentis peccato . Chald. *excetrandam* . DICITIS ; pro , si dicatis . Chald. *si dixeritis* . TE , id est tibi oblata . DESPECTA , id est contemptibilis ; quasi dicat : In eo quod eam contemptui habetis , quasi nihil referat , quo modo quique offeratur .

V. 8. LANGUIDUM , id est infirmum . ST PLACUERIT ; quasi dicat , Certe non placebit . Chald. *numquid placebit* ? SUSCEPERIT FACIEM ; quasi dicat , Benignè aspiciet & amanter ?

V. 9. Hoc , scilicet quod dixit ; quasi dicat , Peccastis enim .

V. 10. GRATUITO; quasi dicat: An pro ministerio non habetis stipendium sufficiens? cur ergo agitis negligenter? Hebr. tamen & LXX. & Complut. ubi negative legitur, & non incendat, sensus est: Satius esset claudere templum, & non offerre gratias, id est frustra, scilicet quæ mihi non sunt grata. NON EST MIHI, &c. quasi dicat, Non mihi placetis, nec vestra sacrificia volo.

V. 11. MAGNUM EST. LXX. glorificatum est; pro, glorificabitur: loquitur enim de tempore Evangelii. NOMINI MEI, id est mihi. OBLATIO, scilicet in Missa. MUNDA, scilicet purissimum Christi corpus.

V. 12. MENSA, id est altare. CONTAMINATA EST; quasi dicat: Ita tractatis ut rem pollutam & contemptibilem.

V. 13. DE LABORE; quasi dicat, Sudore meo partum Deo offero. EXUFFLANTIS, id est offertis rem dignam exufflatione, scilicet vilem. MUNUS, scilicet mihi offerendum.

V. 14. MASCULUM, scilicet integrum, seu perfectum. DEBILE, id est vitiatum. Chald. corruptum. REX, &c. quasi dicat, Cum tamen vestro Duci tale quid offerre non audeatis. HORRIBILE, id est tremendum; quasi dicat, Timeatur, seu in honore est. Chald. potens. LXX. illustre. IN GENTIBUS; pro, apud Gentes: de futura re loquitur quasi de presenti.

E S T I I.

Verf. II. **E**T IN OMNI LOCO SACRIFICATUR, ET OFFERTUR NOMINI MEI OBLATIO MUNDA, QUIA MAGNUM EST NOMEN MEUM IN GENTIBUS. Hanc scripturam magno consensu veteres de sacrificio corporis, & sanguinis Christi, (quod, relictis antiquæ legis sacrificiis, per universam catholicam ecclesiam offertur) interpretati sunt; ut Irenæus Lib. IV. cont. hæres. cap. xxxii. Iulianus cont. Tryphonem, Cyprianus cont. Iudæos cap. xvi. Eusebius demonstr. Evang. Lib. I. cap. vi. & ult. Hieronymus & Theodoretus in hunc locum. Augustinus Lib. XVIII. de civit. cap. xxxv. & Lib. XIX. cap. xxv. item Lib. I. contra advers. leg. & proph. cap. xx. & xxii. & in Psalm. cvi. Chrysost. orat. iv. contra Iudæos. Damasc. Lib.

IV. cap. xiv. Sane & ipse propheticus loquendi modus ostendit sermonem esse de sacrificio quodam novo, & externo, in locum sacrificiorum veterum, quæ sibi deinceps displicere dicebat, substituendo: sic enim proxime ante hæc verba præcedit: *Non est mihi voluntas in vobis, dicit Dominus exercituum, & manus non suscipiam de manu vestra*; quasi dicat: Itaque iam aliud in eius locum constituam. Vide nostra in IV. sent. dist. 12.

M A R I A N A E.

MALACHIAS post reditum populi & captivitate natus est in oppido Sopha, ut Isidorus & Dorotheus testantur. Addit Epiphanius, id oppidum fuisse in tribu Zabulon, ex qua Malachias erat, sic dictus ob vultus decorem, & morum modestiam: nam Malachias est *Angelus Domini*, seu *Angelus meus*. Hieronymus in Procem. Comment. ait, Hebræos sentire, Malachiam fuisse Esdræ. Sane eadem reprehendit, quæ ille sui libri cap. ix. & x. mores corruptos præterit sacerdotum. Brevis Prophetia, sed secunda mysteriis.

Verf. 1. **O**NUS. Prophetia gravis. Sed quoniam non est contra Israël, sed ad Israël, aliquid lenitatis habet: Hieronymus. IN MANU, id est per manum MALACHIAE, id est per Malachiam, eo in interprete & ministro hæc Prophetia est dicta. Dilexi vos, ait Deus.

V. 2. IN QUO DILEXISTI NOS? Populus alloquitur Deum: Quo nos beneficio affecisti? quod argumentum huius amoris extat, cum potius omnibus nos malis mulctaris. DILEXI IACOB. Paulus ad Rom. ix. 13. hunc locum de æterna prædestinatione assert, qua Deus e duobus pari conditione unum eligit, alterum reicit. Verum, in quo amor Iacob perspicitur, odium Esau? Paulus, quia Esau subiecit Iacobo, maiorem minori. Malachias, quia posteros Iacob in patriam restituit, Idumæos sine fine vastavit.

V. 3: POSUI MONTES EIUS (id est Idumææ) IN SOLITUDINEM. Hebr. *desolationem*, & per montes intelligitur in montibus positas, quas vastavit. IN DRACONES DESERTI; id est, habitacula draconum, qui in deserto habitant, erunt scilicet ex urbes.

V. 4.

V. 4. QUOD SI DIXERIT. Sic Chald. Heb. *quia dixerit Idumæa. Quia pro quod si. DESTRUCTI-SUMUS.* Hebr. *pauperes facti sumus*; patria scilicet & bonis eieci. SED REVERTENTES. Chald. *nunc divites facti revertamur.* Hebr. *revertetur, & edificabimur.* IRATUS EST DOMINUS USQUE IN AETERNUM. In eo est odium Edom; Israhelitarum ad tempus vexati sunt, Idumæi in perpetuum. Quomodo Idumæi a Iudæis & aliis fuerint vexati, Machab. Lib. I. cap. II. & Lib. II. cap. x. extat; tum apud Iosephum Libi III. cap. XVII. & Ioseph. Gorionis, Lib. IV. cap. IV.

V. 5. ET OCULI VESTRI VIDEBUNT. Idumææ scilicet desolationem. MAGNIFICETUR DOMINUS SUPER TERMINUM. Hebr. *desuper ad terminum*, id est *qui addidit* laut dilatavit terminos Israel: sic Chald. nempe subdita illi Idumææ,

V. 6. FILIUS HONORAT; quasi dicat: Iam ostendi, in quo vos dilexi. Quid contra vos facitis? non honoratis me. Ad vos, O SACERDOTES. Vestra id culpa fit, vestro exemplo me populum contemnit.

V. 7. OFFERTIS SUPER ALTARE MEUM PANEM POLLUTUM. Panis non offertur in altari, sed in mensa. Ideo Hebræi per panem pollutum intelligunt oblationes illegitimas pecudis cæcæ, aut claudæ, de quibus mox agit. Vox *חלב* *lehem*, id est panis, in Sacris sæpe non panem significat, sed carnem, sed cibum promiscue. MENSA DOMINI, id est altare. DESPECTA EST, id est iam est polluta oblationibus illegitimis, nihil refert, si in ea alia polluta offerantur. Id vos dicitis.

V. 8. SI OFFERATIS CAECUM. Hebr. *Et quando offeritis caecum.* Cæcus de ministro intelligi potest; sed melius de hostia, quæ ex Lege cæca, clauda, aut languida, id est morbida esse non poterat. AD IMMOLANDUM, id est ut immoletur. OFFERILLUD DUCI TUO, SI PLACUERIT EI. Hebr. *num complacebis tibi*, id est *sibi in te*, ut Chald. Sept. *si suscipiet te.* AUT SI SUSCEPERIT FACIEM TUAM, id est numplacebis ei? num tuum donum Duci erit gratum? minime.

V. 9. DEPRECAMINI VULTUM DEI. Hebr. *facies Dei*, id est precamini coram Deo, coram propitiatorio, quod facies Dei vocatur. UT MISEREATUR VESTRI. Hebr. *et miserebitur vultus.* Et pro ut accipit

Hieron. quod sæpe fit. (DE MANU ENIM VESTRA FACTUM EST HOC.) Vos deliquistis, nil mirum, si pœnas luitis. SI QUOMODO SUSCIPAT FACIES VESTRAS, id est vobis placetur. Hebr. *num suscipiet ex vobis faciem*, id est munus. Quid si pro suscipiet, veritatem tollat; pro facies, iram, sic: *num tollet a vobis iram?*

V. 10. QUIS EST IN VOBIS, QUI CLAUDAT OSTIA? Pro, Utinam esset, qui attrit ostia clauderet, ne scilicet hæc polluta munera inferrentur. ET INCENDAT ALTARE MEUM GRATUITO, id est non illectus his illicitis oblationibus. Hebr. *et non incendatis altare meum frustra*; pro, ut non incenderetis altare frustra. Nollem, ut aliqua sacrificia offerretis, quia displicent mihi & illa, & vos; quia NON EST MIHI VOLUNUAS IN VOBIS. Nec vos mihi placeatis, nec munera vestra de manu vestra suscipiam.

V. 11. AB ORTU ENIM SOLIS, per totum orbem. SACRIFICATUR. Hebr. *offertur incensum.* OBLATIO MUNDA. Vos polluta offertis, mihi in Gentibus offertur oblatio munda, id est Eucharistia, Sacrificium incruentum, de qua hunc locum explicant Hieronymus & alii antiqui Patres tum Augustinus de Civitate. Lib. XVIII. cap. XXXVI. Concilium Tridentinum sess. XXII. cap. 1. Vocatur munda, quia incruenta, & quia sanctificat nos, mundat nos. Hunc locum tam apertum de vocatione Gentium, Hebræi invertunt & Chald. quorum verba afferre non attinet.

V. 2. ET VOS POLLUITIS ILLUD, scilicet nomen meum. IN EO QUOD DICTIS. Non verbis, sed factis contaminastis altare. ET QUOD SUPERPONITUR. Hebr. *et fructus eius contemptibilis, & cibis eius*, id est oblatio. Hieronymus illud quod addit, CUM IGNE QUI ILLUD DEVORAT, posuit, pro, *cibus eius contemnitur*, ut est in Hebræo. Sed a sententia non recessit, illis sacrificiis omnia esse polluta.

V. 13. ECCE DE LABORE, id est dixistis, Hæc oblatio a paupere offertur, qui ex labore suo vivit, & querit quæ offertur. ET EXUFFLASTIS ILLUD, scilicet donum contempsistis, quia nempe exigui preit. Exufflare pro contemnere, Augustinus epist. L. & Uluadi Martyrologium Ian. XII. contra sufflare pro extollere in Augustino,

sino, epist. lvi. ET INTULISTIS DE RAPINIS. Hebr. *rapsum*, id est dona divitum admisistis, quæ plerumque ex rapina sunt. *Dives enim, aut iniquus, aut heres iniqui*, ut Hieronymus ait ad Hedibiam. Idem Eunapius in Iamblichio. CLAUDUM, ET LANGUIDUM; id est, etiamsi vitiosum sit, accipitis, quia divitis. ET INTULISTIS MUNUS, seu *oblationem*, ex eo quod attulit Deo, & in altari fecistis.

V. 14. MALEDICTUS DOLOSUS, versutus, fraudulentus. QUI HABET IN GREGE SUO MASCULUM, id est hostiam legitimam & mundam. VOTUM FACIENS, id est cum voverit. IMMOLAT DEBILES DOMINO. Hebr. *corruptum*, id est immundum, pollutum. QUIA REX MAGNU EGO; quasi dicat, Nec considerat, quanta sit maiestas mea. ET NOMEN MEUM HORRIBILE, horrendum & tremendum etiam inter Gentem, quæ scilicet non colunt me.

M E N O C H I I.

Verf. 1. O NUS, id est tristis, & minax prophetia, ut iam sæpe dictum est supra. AD ISRAEL: quia non dicitur contra Israel, sed ad Israel mysterium esse putat D. Hieronymus, & significari prophetiam hanc aliquid habere admixtum lenitatis, & consolationis. IN MANU MALACHIAE: ministerio Malachiae. Porro Malachias hic prophetavit sub Dario Hystaspis rege Persarum, ac deinceps, sub quo etiam Aggeus, & Zacharias prophetaverunt, sed post eos, ita S. Hieronymus.

V. 2. DILEXI VOS. Cetera tacentur per Apoliopseum, quasi impediendo dolore; quasi diceret, dilexi vos, & pro hac dilectione iniurias mihi, & peccata rependitis. ET NIXISTIS: verti etiam potest, *quod si dicatis*. IN QUO DILEXISTI NOS? quod si nunc habemus dilectionis istius? DILEXI IACOB: dilexi vos Israelitas magis quam Idumæos fratres vestros.

V. 3. ESAU AUTEM ODI HABUI: cuius odii argumentum statim subdit. ET POSUI MONTES ETUS IN SOLITUDINEM; quasi dicat: Cum tam vos, quam Idumæos vastandos tradidissem Chaldaeis, vos reduxi in patriam; Idumæos autem in captivitate reliqui, eorumque terram in solitudinem redactam draconibus habitandam dedi.

V. 4. ISTI AEDIFICABUNT, &c. Si Idumæi

ædificare incipiant, ego destruiam quicquid illi ædificaverint, cum ex adverso fabricam templi vestri, & civitatis vestrae protexerim, & promoverim. Ecce ergo odium Esau, & dilectionem Iacob. VOCABUNTUR TERMINI IMPIETATIS. Idumæa vocabitur terra inops, & maledicta, terra ob impietatem desolata.

V. 5. MAGNIFICETUR DOMINUS SUPER TERMINUM ISRAEL: laudetur Dominus, quod tam amplios terminos Israeli reliquerit, illisque benedixerit, cum interim Idumæos e suis finibus excluserit.

V. 6. FILIUS HONORAT PATREM, &c. Recentitis suis in ludos beneficiis transit ad eorum commemoranda maleficia, quæ ipsi ingratis rependerunt. Sensus est: Ego primum omnium cupiebam ut me, sicut bonos decet filios, honoraretis. vel saltem sicut servi me timeretis, timore tamen liberali, ut ita a peccatis abstineretis, sed neutrum fecistis. AD VOS O SACERDOTES: scilicet orationem, & querimonias meas converto. IN QUO DESEPEXIMUS NOMEN TUUM? qua in re non honoravimus te debito honore? *disimulationis impudentia vulnus conscientia protegunt*, inquit D. Hieronymus.

V. 7. PANEM POLLUTUM. Panem pollutum vocat quamcumque victimam pollutam, tum similæ, & panem, quos quasi sacrificia cremabant Deo in altari, vocabantque *mincha*, ut patet Levit. 11. tum carniem; Hebraei enim panem vocant quamcumque escam, etiamsi caro sit. Victimæ vero & earum carnes altari imponebantur quasi esset convivium quod Deo instrueretur. Porro hæ victimæ non uno modo pollutæ esse poterant, vel quod cæcæ essent, aut maculatæ contra legem Levit. 22. 19. 22. quod indicat propheta num. sequenti, vel quod non offerrentur debito ritu, vel quod offerrentur ab impiis sacerdotibus, & sceleratis. Veteris enim legis sacrificia non valebant, nec impetrandi vim habebant ex opere operato. IN QUO POLLUTUMUS TE? id est pollutum panem, id est victimam obtulimus tibi? Deus dicitur pollui, cum ei polluta munera offeruntur, quia inhonoratur, & quasi contemptibilis iudicatur. MENS DOMINI DESPECTA: quia scilicet dictis, iam viluit altare Domini, ac proinde vilia quælibet in eo offerri possunt.

V. 8. NONNE MALUM EST? quasi dicat: Omnino malum est, quia contra legem Levitici xxi. 12. quæ poscit victimam integram, & vitio carentem. OFFER IL- LUD DUCI TUO; quasi dicat: Quomodo mihi, qui Deus sum, placere potest mu- nus illud, quod homini non placeret, si illi offerretur? DUCem dicit, quia hoc tem- pore Iudæi regem non habebant. Si PLA- CUERIT EI, id est nullo modo placebit ei. Si SUSCEPERIT FACIEM TUAM, id est non te amico vultu intuebitur, nec quæ ab illo postulaveris concedet.

V. 9. ET NUNC DEPRECAMINI, &c. hortatur illos ad poenitentiam. VULTUM DEI: scilicet vobis irati, Deus enim irato vultu aspicit peccatores, iuxta dictum Da- vidis Psal. xxxiii. 17. *Filius autem Do- mini super facientes mala*. Precamini igitur faciem Dei, ut vos placato, & amico vultu intueatur. DE MANU ENIM VESTRA FACTUM EST HOC: vos enim hæc, quæ dixi, universa fecistis. Si QUOMODO SUS- CIPIAT FACIES VESTRAS. Utitur dubita- tione, ut rei difficultatem ostendat; quasi dicat: Cum Deum habetis valde iratum; orate ardentem, & instantem, ut vos & ve- stras oblationes admittat.

V. 10. QUIS EST IN VOBIS, &c. Pergit crimina sacerdotibus, & Levitis obicere. Sententia est, Nullum munus exercetis in domo mea gratis, quantumvis minimum, quale est claudere ostia, ignem subicere holocaustis cremandis, &c. sed pro omni- bus decimas exigitis. NON EST MIHI VO- LUNTAS IN VOBIS: non mihi placetis, non estis mihi grati ob hæc quæ peccatis in cultu meo.

V. 11. AB ORTU ENIM SOLIS, &c. quasi dicat: Brevis igitur per Christum efficiam, ut nomen meum Gentibus toto orbe præ- dicetur, illæque me ubique agnoscant, a- dorent, celebrent. SACRIFICANTUR: sa- crificabitur. OBLATIO MUNDA: sacrificium corporis, & sanguinis Christi in Euchari- stia. Dicitur *munda* ex Tridentino Sess. xxii. cap. 1. quia nulla offerentium indi- gnitate polluitur. MAGNUM EST NOMEN MEUM: magnum, & inclytum erit no- men meum, & gloria mea.

V. 12. ET VOS POLLUISTIS ILLUD; id est, nomen meum vile, & quasi pollutum effecistis, in eo quod factis, aut etiam

Bib. Sac. Tom. XXII.

verbis dicitis mensam Domini contamina- tam esse. CONTAMINATA EST: despecta, vilis, contemptibilis, vide supra num. 7. QUOD SUPERPONITUR, &c. victima aut holocaustum, & ignis, qui adhibetur ad incendendam victimam.

V. 13. ECCE DE LABORE, &c. quasi di- cat: Vos tam sacerdotes quam laici offer- tis hostias vitiosas, & languidas, & dicitis; de nostro labore hæc, qualiacumque sunt, asferre potuimus, nec habemus me- liora, quia Babylone pauperes venimus. ET EXSUFFLASTIS ILLUD. LXX. ventum, *Exsufflavi*: exsufflatione mea dignum fe- cistis, id est ut ego exsufflarem illud, & pro nihilo haberem. INTELISTIS DE RA- PINIS: cum tamen diceretis esse de la- bore.

V. 14. MALEDICTUS DOLOSUS. Osten- dit eos non pauperiatis, sed avaritiæ cau- sa asferre tales victimas. *Dolosum* vocat eum, qui vovit, & imperfecta, aut mu- nia offert: licet enim essent quidam de- fectus tolerabiles in hostiis voluntarie o- blatis, non tamen in iis quæ offerebantur ex voto, ut patet Levit. xxii. 23. QUIA REX MAGNUS EGO: cui proinde parva, & vilia offerri non debent. HORRIBILE: dignum omni timore, & reverentia. LXX. habent *Empanit*, id est *inclytum, illustre*.

TIRINI.

Verf. 2. **I**N QUO DILEXISTI NOS? quo signo, quo dono, quo benefi- cio tuam in nos dilectionem prodidisti? Vah ingratitude! Tot tantisque benefi- ciis, antiquis, recentibus, perpetuis a Deo cumulat, rogant, numquid umquam boni ab illius manu acceperint. Vere obli- ti sunt benefactorum eius, & mirabilium quæ ostendit eis a. Sed ut alia innumera omittam, an oblivisci potestis maximi manifestissimique beneficii, quo neglecta fa- milia Esau, fratris gemelli IACOB patris vestri, vos Iacobi posteros in filios & heredes mihi delegi, & ut tales in ter- ram sanctam lacte & melle manantem, tot tantisque prodigiis ac miraculis olim induxi, & nunc recens iterum reduxi: urbem, templum, palatia vestra excisa a Chaldaeis instauravi, religionem, temp- plorescere feci? cum e contrario *Esa-*

O o *tas,*

nas, id est Idumæos, odio semper habuerim, id est neglexerim *b*, parum curam, & gravissime afflixerim, ut solent qui alios odio prosequuntur. Nam pro habitatione dedi illis.

V. 3. MONTES præruptos, nec sat fertiles aut amoenos: & inde ob sua scelera expulsi *c* a Chaldæis, non reduxi *c* captivitate in patriam: sed reliqui montes *e*rus desertos. Porro non loqui hic Prophetam de personis Iacob vel Esau, sed posteris illorum: neque de prædestinatione illorum, seu ad gratiam, seu ad gloriam, & horum æterna reprobatione; sed solum de dilectione & electione ad bona temporalia, vel reiectione ab iisdem; certo constat ex ratione & explicatione quam subiicit versibus sequentibus: & quia contrarium sat notum est, nempe plurimos Israelitas impios fuisse & damnatos, Idumæos vero multos salvatos: & quia S. Hier. Theodor. Lyran. Vatabl. Arias, Ribera, Vasquez, a Valentia, a Lap. & alii Doctores *d* ita expresse docent.

V. 4. QUOD SI DIXERINT Idumæi, (qui clam & pauci numero reversi sunt in patriam,) AEDIFICABIMUS QUAE IN urbibus nostris DESTRUCTA SUNT per Chaldæos, ut Iudæos videmus suum templum & urbes feliciter instaurasse; permittam id quidem, sed lente ac sobrie: & quæcumque ædificaverint, ego tum per Medos, Persas, Græcos & alios communes hostes, tum per vosmet, o Iudæi, destruam: adeo ut passim terra *Idumææ* vocanda sit TERMINI IMPIETATIS, id est terra obnoxia & subiecta poenis gravissimi sceleris ab incolis admitti: incolæ vero vocentur POPULUS CUI OB maxima scelera CRATUS EST DOMINUS IN æTERNUM, & per consequens, perpetuis poenis & miseris subiacet. Nempe quamdiu stetit Idumæa respública & religio, nempe usque ad Hyrcanum *e*, Iudæ Machabæi ex Simone fratre nepotem, a quo armis subacti, & ad Iudæorum religionem transire coacti sunt.

V. 5. OCULI VESTRI post 400. & annos id VIDEBUNT, cum publice acclamabitur Deo laus & gloria, quod TERMINUM ISRAEL, id est fines & imperium Iudæorum tam spirituale, quam temporale, tam late propagarit. Quod in Ec-

clesiam Christi partim militantem; partim triumphantem longe verius quadrat, inquit S. Hieronymus.

V. 6. VOS O SACERDOTES, qui ut præ ceteris Israelitis, quasi primogeniti *b* mei, ad primariam dignitatem a me delecti essis, ita peculiari præ aliis amore & timore, id est reverentia, honore, cultu, me prosequi deberetis; præ me DESPICITIS & contemnitis, dum mihi

V. 7. OFFERTIS PANEM, id est cibum, POLLUTUM. Hebræi enim panem vocant omnem escam: ita Chaldæus, Vatablus, Clarius, Arias & alii. Porro victimæ in altari apponebantur quasi cibus Deo, ut dixi Levit. 1. Unde & hic Malachias ALTARE vocat mensam DOMINI. Panem ergo pollutum hic vocat primo, panes proprie dictos, quos in sacrificio mincha, (de quo Levit. 11.) offerebant Deo, forte non rite coctos aut frigos, vel ex frumento non sat puro & præstanti. Secundo, boves, oves, aliaque victimas, quas subinde claudas, carcas, mancas contra præscriptum *i* legis ex avaritia vel neglectu Deo immolabant, dicentes: Mensa DOMINI DESPECTA, vilis & contemptibilis est, ac proinde viliora quæque illi sufficiunt. O quam errant, qui non selecta & optima quæque deferunt Deo omnium domino, creatori & donatori! inquit Card. Bellarminus. *k*

V. 10. QUIS IN VOBIS claudit ostia templi, vel incendit ignem altaris mei GRATUITO? Nonne sat lauta stipendia ex tot victimis, decimis & donariis meo iussu *l* accipitis? Ergo si non vultis duci religione, certe iustitiz legibus tenemini, fideliter, accurate & diligenter fungi in his supradictis officio vobis commissio: ita S. Hieron. Cyrillus & alii. Nunc cum id negligatis, NON EST MINI VOLUNTAS amplius IN VOBIS aut in vestris muneribus, seu sacrificiis. In quibus & hoc displicet, quod tam angustis unius Ierosolymitani templi finibus sacrificia vestra restringantur *m*.

V. 11. AB ORTU ENIM SOLIS USQUE AD OCCASUM, id est per universum mundum, etiam in GENTIBUS, seu in regnis Gentilium, ut per instantem adventum Christi, & prædicationem discipulorum & legatorum ipsius, MAGNUM & celebre

EST

EST NOMEN MEUM, omaibus me pro summo & unico Numine agnoscentibus, colentibus, fervientibus: ita etiam ex meo decreto & Christi instituto, SACRIFICATUR mihi IN OMNI LOCO ET OFFERTUR OBLATIO. absolute & perfecte MUNDA, non multiplex & varia, ut apud vos, sed unica, quæ omnium oblationum vestrarum vim & energiam eminenenter continet. Hebraice est, *mincha*, quod licet in genere *munus* seu *donum* significet, a Deo tamen appropriatur particulari speciei sacrificii ex pane vel farina confecti, ut dixi Leviticis II. Quod, accedente ordinario libamine *in vini*, typus erat sacrificii novæ legis Eucharistici, in quod unum & solum quadrant omnia iam dicta, ut SS. Patres & Doctores Orthodoxi ad unum omnes, & etiam Rabini non pauci, quos citat Galatinus, & Tridentinum Concilium o expresse docent, & res ipsa loquitur. Nam in Eucharistia in honorem Dei, ad summum eius in omnia dominium contestandum, panis & vinum transubstantiata in corpus & sanguinem Christi, offeruntur per universum orbem terrarum, oblatione mundissima, sive substantiam speciem, sive effectum, quæ nulla offerentium ministrum immunditia inquinari potest. Vide Bellarminum, a Valentia p, Suarez, Coninck & alios Doctores..

V. 12. Vos autem, o sacerdotes Aaronici polluitis nomen meum, id est vilipenditis & contemnitis, eo ipso quo dicitis, id est indigno modo vestro agendi palam toti orbi facitis, *mensam*, id est altare meum, rem vilem esse & quasi pollutam, seu *contaminatam*, cum omnibus hostiis impositis, & igni supposito, sacro aliquin & g caelesti.

V. 13. Dixistis pro excusatione vestra, ECCE DE LABORE; LXX. *hæc de afflictione sunt*, id est quod meliores victimas non offeramus, onitur ex paupertate nostra, quam peperit nupta afflictio Babylonica: & tali figmento tegitis scelus vestrum & *exsufflati* quasi rem nihili. Verum hic dolus non mihi imponet, sed vobismet exitio erit. Nam

V. 14. MALEDICTUS erit a Domino omnis defraudator DOLOSUS, QUI cum ex voto teneatur offerre victimam Domino,

& HABET IN OREGO suo, vel coemere potest, animal MASCULUM? id est robustum, perfectum, & integrum & sine vitio, tamen eo neglecto *tymolat* quod est DEBILE, mancum, vitiosum, corruptum. Nam in omni holocausto id lege prohibitum erat: uti & in hostia pacifica, quando ex voto debebatur: secus si hostia esset voluntaria f: ita S. Hieron. Cyrillus & alii Patres..

- (a) Psal. LXXV. 11.
(b) Proleg. de Idiotismis Hebr. num. 7.
(c) Abdiæ vers. 16. &c.
(d) Valquez in 1. p. quæst. XXIII. disp. XXV. n. 45. Valentia & alii DD. ibid.
(e) Chron. cap. XLII. classe 19.
(f) Abdiæ XXV. 11.
(g) Chron. cap. XXXVII. & XLII. sup.
(h) Exodi XLII. 2. Num. VIII. 16.
(i) Levit. XXII. 19. 22 &c.
(k) Bellarm. de gemitiu columbæ.
(l) Num. XXVII. 8.
(m) Levit. XVIII. 3. Deut. XII. 6.
(n) Num. XV. 5. &c.
(o) Galatia. Lib. XI. Trident. sess. XXV. cap. 7.
(p) Bellarm. Lib. I. de Missa. cap. X. Valentia & alii in 3. p.
(q) It. Mech. 1. 22.
(r) Levit. 1. 3.
(s) Levit. XII. vers. 2. cap. XXII. vers. 25. 27.

G O R D O N I.

Verf. 1. O NUS VERBI, &c. Onerosa hæc Prophetia est ad Israel non agnoscentem beneficia Dei, & dilectionem, cuius dat exemplum in Iacob & Esau vers. 2. & cum sit pater & Dominus, negatur tamen ex vers. 6. honor qui debetur. Nomen Israel hic complectitur Iudam, Benjamin, & quotquot ex decem tribubus coalescerunt in unam rempubl. post reditum a captivitate, ut fiebat ante divisionem regni.

V. 2. JACOB DILEXI, &c. Hoc loco post S. Paulum passim utuntur Theologi in materia, & qq. de prædestinatione, de quo etiam dixi in opere Theolo. Lib. IX. quæst. x. num. xxx. primum adverto, non accipi hic odium formale & proprie dictum. Sic enim Deus nihil odit eorum quæ fecit. Solum ergo designatur minor amor; dum v. g. unum postponit alteri: sicut Deus hic sub nominibus & persona duorum fratrum postposuit Idumæos Israeli. Idque in multis rebus: & vero de prælectione spiritali

disputant Theologi in qq. de prædeterminatione, siue sit ad gratiam, siue gloriam. Paulus quidem Rom. ix. 13. accepit hinc similitudinem, dum hinc transit ad prædeterminationem, ad bona spiritualia velut transitu a typo ad anitypum. Ceterum quomodo Paulus ibi agat de electione, non quidem ad gloriam, se ad gratiam, dixi suo loco.

V. 6. FILIUS HONORAT PATREM, &c. Expofuit beneficia: en auoc ingratitudinem dum male colentes Deum peccant contra ius naturale & diuinum; ubi etiam, quod claudum est & cæcum, seu mutilum animal, offertur Deo: quod nequidem apud homines, & erga ducem populi fieri debet. Qualis debeat esse victima, vide Levit. xxii. 23.


V. 11. AB ORTU ENIM SOLIS, &c. Prophetice loquitur Malachias; nam loquitur de futuro, ac si res esset præfens: docet ergo, reprobatis Iudæorum & Moisaici sacrificiis & victimis male oblati, a Deo decretum esse novum, iuge & ad-

mirabile sacrificium, etiam a gentibus offerendum in omni loco, & mundum. In Ecclesia Christiana. In Hebr. vers. 11. מִנְחָה *minha*, de qua Levit. ix. eratque vere, & proprie sacrificium ex farina & pane. Sane verus typus Eucharistie in nova lege; inepte ergo Calvinus per mincham intelligit orationem & hymnum. Porro Septuag. vertunt sacrificium, *θυσία*. Dicat Calvinus quodnam sit aliud in gentibus sacrificium mundum, gratum Deo & oblatum nomini eius. Et præsertim cum Malachias his solis loquatur sacerdotibus, ex vers. 6. & de altari vers. 7. quis videns hic tria hæc mincham, altare, & sacerdotem, non intelliget verum sacrificium? inepte ergo Calvinus, quem etiam damnat vox *sacrificatur*, Hebr. מִקְטָר *miktar*: quis enim dicit hymnum adoleri, incendi, cremari? sicut idem Novator damnatur a Trid. sess. xxii. cap. 1. a Patribus & tota Ecclesia, ut prolixius dixi in opere Theologico Lib. VI. agendo de sacrificio.



C A P U T II.

Comminatur Dominus se maledicturum benedictionibus sacerdotum, nisi respiciant: ipsius enim legem contemnunt, irritum facientes pactum Levi, qui hic laudatur: transgressus est & Iuda duceus alienigenas, quapropter non respiciet deinceps Dominus ad sacrificium eorum: de uxore diligenda, seu admittenda: laborare fecerunt Dominum in sermonibus suis.

I.  Tunc ad vos mandatum hoc, o sacerdotes. 2. (a) Si nolueritis audire, & si nolueritis ponere super cor, ut detis gloriam nomini meo, ait Dominus exercituum: mittam in vos egestatem, & maledicam benedictionibus vestris, & maledicam illis quoniam non posuistis super cor. 3. Ecce ego proiciam vobis baculum, & dispergam super vultum vestrum stercus sollemnitatum vestrarum, & assumet vos secum. 4. Et scietis quia misi ad vos mandatum istud, ut esset pactum meum cum Levi, dicit Dominus exercituum. 5. Pactum meum fuit cum eo vitæ & pacis: & dedi ei timorem, & timuit me, & a facie nominis mei pavebat. 6. Lex veritatis fuit in ore eius, & iniquitas non est inventa in labiis eius: in pace & in æquitate ambulavit mecum, & multos avertit ab iniquitate. 7. Labia enim

sa

sacerdotis custodient scientiam, & legem requirent ex ore eius: quia angelus Domini exercituum est. 8. Vos autem recessistis de via, & scandalizastis plurimos in lege: irritum fecistis pactum Levi, dicit Dominus exercituum. 9. Propter quod & ego dedi vos contemptibiles; & humiles omnibus populis, sicut non servastis vias meas, & accepistis faciem in lege. 10. (b) Numquid non pater unus omnium nostrum? numquid non Deus unus creavit nos? * quare ergo despicit unusquisque nostrum fratrem suum, violans pactum patrum nostrorum? 11. Transgressus est Iuda, & abominatio facta est in Israel, & in Ierusalem: quia contaminavit Iudas sanctificationem Domini, quam dilexit; & habuit filiam dei alieni. 12. Disperdet Dominus virum qui fecerit hoc, magistrum & discipulum * de tabernaculis Iacob, & offerentem munus Domino exercituum. 13. Et hoc rursum fecistis, operiebatis lacrymis altare Domini, fletu, & mugitu, ita ut non respiciam ultra ad sacrificium, nec accipiam placabile quid de manu vestra. 14. Et dixistis: Quam ob causam? quia Dominus testificatus est inter te, & uxorem pubertatis tuæ, quam tu despexisti: & hæc particeps tua, & uxor fœderis tui. 15. Nonne unus fecit, & residuum spiritus eius est? Et quid unus querit, nisi semen Dei? Custodite ergo spiritum vestrum & uxorem adolescentiæ tuæ noli despiciere. 16. Cum odio habueris, dimitte, dicit Dominus Deus Israel: operiet autem iniquitas vestimentum eius, dicit Dominus exercituum: custodite spiritum vestrum, & nolite despiciere. 17. Laborare fecistis Dominum in sermonibus vestris, & dixistis? In quo eum fecimus laborare? In eo quod dicitis: Omnis qui facit malum, bonus est in conspectu Domini, & tales ei placent: aut certe ubi est Deus iudicii?

(a) Levit. xxv. 14. Dent. xxviii. 25. (b) Mat. xxiii. 9. Ephes. iv. 3.

BRUGENSIS

ROMANÆ CORRECTIONES.

Vers. 10. Quare ergo despicit unusquisque nostrum fratrem suum violans pactum patrum nostrorum. Pronomina primæ personæ nostrum & nostrorum non sunt mutanda in secundæ vestrum & vestrorum.

Vers. 12. De tabernaculis Iacob. Pro plurali tabernaculo non supponas singulare tabernaculo.

NOTATIO.

Vers. 10. Quare ergo despicit unusquisque nostrum fratrem suum? D. Hen. tenius correxit unusquisque nostrum: sic enim multi codices legunt, & quidem emendationes nostri, Brug. Lob. Leod. O. L. Pl. m. atque antiqui Epanorthotæ. Alii multi scribunt unusquisque vestrum: quidam & nostrum

omittunt, & vestrum: unusquisque fratrem suum? Græce est: Quid quod reliquistis unusquisque fratrem suum? id quod iis ad stipulatur qui habent vestrum: cuius personæ pronomine ceteras omnes huius versus partes Græci legunt, cum Hebræi, Chaldaei, melioresque Latini, primæ. Hebraice est פָּרִישָׁלָא כִּנְרָא מִשֵּׁי בָאֲחָיו quod si veritas,

Cur despiciatur unusquisque a fratre suo, nec nostrum continetur, nec vestrum; si vero quod Chaldeus sequitur, & Cambio probatur, Cur despiciamus unusquisque fratrem suum, manifeste continetur nostrum, Latineque exponatur: Quare ergo despicit unusquisque nostrum fratrem suum? Quam Hieronymi esse translationem & commentarius discrete loquitur: „Propheta se ip[s]is annumeravit qui deliquerant, ut correptionem eo facilius susceperent.“

S A.

Vers. 1. **H**OC, scilicet quod sequitur.
V. 2. **MALEDICAM**, &c. id est
privabo vos bonis quæ dedi, vel iis, quæ
vos benedixeritis, ego maledicam; seu (ut
indicat Chald.) habebō vestras benedictio-
nes pro execrationibus. **SUPER COR**, sci-
licet ut daretis mihi gloriam, Chald. *su-
per cor timorem mei*.

V. 3. **VOSIS. LXX. a vobis**; quasi di-
cat, Auferam emolumenta sacerdotii. **BRA-
CHITUM**, id est armum, qui sacerdotibus
dabatur: vel quasi dicat, Viribus privabo
vos. **STERCUS**, scilicet ventriculi, qui i-
tem sacerdoti dabatur. **LXX. ventriculum**;
quasi dicat, Pro ventriculo vobis debito,
velut fecibus contaminabo, scilicet reddam
ignominiosos dignosque confusione. **SOLEMNITATUM**, id est hofiarum in festis offer-
ri solitarum. **ASSUMET**, id est involvet,
scilicet stercus.

V. 4. **ISTUD**, scilicet de victimis recte
offerendis. **ESSET**, scilicet firmum. **LEVIT**,
id est familia sacerdotalis.

V. 5. **VITAE ET PACIS**, scilicet ei dan-
dæ si mihi obediret. **TEMUIT**, de sanctis
loquitur, ut Aaron, Phinees, &c.

V. 6. **LEX**, &c. quasi dicat, Semper ve-
ram de Lege doctrinam docuit. **PACE**,
scilicet non resistens meæ voluntati. **Æ-
QUITATE**, id est iustitia. **AMBULAVIT
MECUM**, id est mihi servivit, seu mihi
placuit.

V. 7. **CUSTODIENT**, id est custodire de-
bent, scilicet proferendam cum opus erit.
REQUIRENT, scilicet requirere debent.
ANGELUS, id est Legatus, seu nuntius,
vel Angelicum munus exercens.

V. 8. **DE VIA**, scilicet mandatorum Dei.
SCANDALIZASTIS, scilicet malo exemplo.
LXX. infirmos scisitis. **IN LEGE**, scilicet
dum eam non servatis. **IRRITUM**, sci-
licet non servando pacti conditiones.

V. 9. **HUMILES**, id est abiectos. **FA-
CIEM**. **LXX. personam**; quasi dicat, Cum
secundum legem iudicare deberetis, iudica-
stis secundum acceptionem seu respectum
personarum.

V. 10. **PATER**, scilicet Abraham, vel

Iacob, vel Deus. **DEUS**, &c. quasi dicat:
Nonne omnes Deum verum colimus? **PA-
CTUM PATRUM**, id est legem patribus da-
tam, vel pactum de servanda Dei lege,
quæ iubet neminem despici.

V. 11. **SANCTIFICATIONEM**, id est fan-
ctitatem. **LXX. sancta**, scilicet Dei præ-
cepta. **HABUIT**, scilicet in uxorem. **FI-
LIAM**, &c. id est colentem deos alienos.

V. 12. **TABERNACULIS**. Chald. *urbi-
bus*. **ET OFFERENTEM**, &c. quasi dicat,
Etiam sacerdotes.

V. 13. **OPERIEBATHIS**, &c. quasi dicat:
Faciebatis, ut uxores a vobis repudiaret la-
crymis altare implerent, apud me de vo-
bis conquerentes. **MUGITU**. **LXX. gemitu**.
PLACABILE, id est quod me placet,
seu mihi gratum sit.

V. 14. **TESTIFICATUS**, id est per legem
cum attestatione præcepit, scilicet non de-
serendam uxorem temere. Vide *testificandi*
significationem Exod. xix. Deut. xxxii.
IV. Reg. xvii. PUBERTATIS TUAE, id
est quam adolescens duxisti. **PARTICEPS**,
id est socia. **FOEDERIS**, scilicet primo cum
ea inito.

V. 15. **UNUS**, scilicet Deus. **FECIT**,
scilicet etiam feminam. **RESIDUUM**, &c.
quasi dicat: Nonne etiam ei dedit, ut ho-
mini spiritum suum? inspirans. scilicet in
eam spiraculum vitæ. **ET QUID UNUS**,
&c. quasi dicat: Et quid Deus ipse vult,
nisi filios sanctos gigni ex fidei patre &
matre? **LXX. & dixistis, quid aliud nisi
femen queris Deus?** quasi dicat: Exeula-
tis peccatum, dicentes, quid refert ex qua
femina quis prolem habeat, cum matrimo-
nium sit causa prolis a Deo institutum?
CUSTODITE, scilicet a peccato.

V. 16. **OBIO**, &c. scilicet ob fornicatio-
nem, aut iustam causam lege permissam.
Quidam tamen putant ob solum adulte-
rium licuisse. **DIMITTE**, scilicet dato li-
bello repudii. **INQUITAS**, id est iniquita-
tis punitio, scilicet si contra Dei legem
fecerit. **VESTIMENTUM**, id est corpus:
vel, ut vestimentum; quasi dicat: To-
tum hominem velut vestimentum. **EIUS**,
iudex, scilicet viri. **DESPICERE**, scilicet
uxores.

V. 17. LABORARE, &c. id est molestia affecit. LXX. *ad iram provocastis*. PLACERE. Id dicebant quidam, quod viderent malos prosperari in hac vita. IUDICIS, id est iustus iudex; quasi dicat: Ubi est Dei providentia? LXX. *injustitia*.

EST II.

Verf. 7. LABIA SACERDOTIS CUSTODIANT SCIENTIAM, ET LEGEM REQUIRANT EX ORE EUS, QUIA ANGELUS DOMINI EXERCITUM EST. Verba clara sunt, neque egent explicatione; sed tantum diligenti consideratione, & operis executione, ut tanto muneri respondere conemur, quotquot ad sacerdotalem dignitatem vocati sumus. Alioqui merito budiemus, quod sequitur: Vos AUTEM RECESSISTIS DE VIA, ET SCANDALIZASTIS PLURIMOS IN LEGE, TRITUM FECISTIS PACTUM LEVI. PROPTER QUOD ET EGO DEDI VOS CONTEMPTIBILES ET HUMILES (id est, viles) OMNIBUS POPULIS, Sicut non servastis vias MEAS. Videtis rationem, quare apud multos hoc tempore in tanto contemptu sit sacerdotium. Sed queritur nihilominus, an illud, *Labia sacerdotis custodiens scientiam*; pertineat ad omnes sacerdotes? an vero ad eos solos, quibus committitur regimen animarum? Respondeo, ad omnes pertinere, quia ecclesiam vult omnes, qui sacerdotio initiatur, habere doctrinam divinae legis competentem; super quo & praemittitur eorum examen, antequam ordinentur. Omnes enim sacerdotes, etiam illi, qui curam animarum non habent, debet esse sal populi; ut interrogati a laicis, de his quae ad Deum, & salutem pertinent, possint saltem mediocriter respondere.

MARIANAE.

Verf. 1. AD VOS MANDATUM HOC. Hoc est, quod mihi mandatum est, ut dicam vobis: seu potius, hoc est mandatum de oblationibus, de quibus agit; aut quod mox dicit, de non ducendo uxores alienigenas, ad vos, o sacerdotes, potissimum spectat.

V. 2. MITTAM IN VOS EGESTATEM. Hebr. *maledictionem*: sic Sept. & Chald. ET MALEDICAM BENEDICTIONIBUS VE-

STRIS, id est auferam bona, quae ex meo beneficio habetis, aut quae vobis benedixeritis, ut pecora, & agros, iis ego sterilitatem inducam: Hieronymus. ET MALEDICAM ILLIS. Hebr. *Et etiam maledicam illi*, scilicet cuique benedictioni vestrae addam quotidie ad maledictionem. Id ea repetitione significat. QUONIAM NON POSUITIS SUPER COR: nempe hoc praecceptum.

V. 3. ECCE EGO PROICIAM VOBIS BRACHIUM. Sept. *humerum*, id est arcum, quod ex Lege sacerdotibus debebantur, Levit. VII. Deuter. XVIII. STERCUS. Sept. *ventriculum*, qui debebatur etiam ex lege. Id in faciem vobis proiciam, contemniam ea, vosque iis ut stercore sordabo. Hebr. *Ecce ego corrumpam vobis* (id est propter vos) *semen* (agri nihil ferent) *Et disperdam super facies vestras sterces sollemnitatum* (id est pecudum, quae in sollemnitatibus mactantur) *eo stercore vos sordabo, contemniam vestras oblationes*: *וְרָץ* pro ratione punctorum *brachium* & *semen* significat; ea variae interpretationis occasio. ET ASSUMET VOS SECUM, semper eo stercore sordati eritis. Hebr. *Et solles* (iniquitas) *vos ad illud*, id est ad eam ignominiam & sordiditatem perducet.

V. 4. ET SCITIS, QUIA MISE AD VOS MANDATUM ISTUD, scilicet de oblationibus, aut uxoribus alienigenis. UT ESSET PACTUM MEUM CUM LEVI. Ut pactum, quod cum tribu Levi pepigi olim, vobiscum etiam staret. Levi non sumitur pro uno homine, sed pro tribu Levi: sic Hieronymus. Pactum fuit, ut in ea tribu esset sacerdotium, & eius emolumenta.

V. 5. FACTUM MEUM FUIT CUM VO VITAE ET PACIS: me illi daturum vitam & felicitatem. ET DEDIT EI TIMOREM. Hebr. *Et dedi ea* (vitam & pacem) *ei, timorem*, id est propter timorem; *Et timuit me*, id est quo timuit me. ET A FACIE NOMINIS MEI PAVEBAT. Hebr. *contritus est, audito meo nomine*. Loquitur de bonis, qui semper fuerunt in tribu Levi.

V. 6. LEX VERITATIS; scilicet veritas semper fuit in ore eius, nullum decepit. IN PACE, quiete ambulavit mecum.

V. 7. SACERDOTES CUSTODIENT SCIENTIAM, ut scilicet suo tempore deprimant & proferant: Hieronymus. ET LEGEM

RE-

REQUIRENT, non fabulas & nugæ: Bernardus II. de Confid. QUA ANGELUS DOMINI. Nuntius & interpres Dei est sacerdos.

V. 8. RECESSISTIS DE VIA, scilicet recta. ET SCANDALIZASTIS PLURIMOS. Hebr. *offendere fecistis multos*. IN LEGE, ne servarent scilicet legem. IRRITUM FECISTIS, corruptis, violatis pactum cum tribu Levi initum.

V. 9. ET EGO DEDI VOS CONTEMPTIBILES. Par pari reuli: vos me contemptibiles, ego vos reddidi contemptibiles, & humiliavi vos ubique. ET ACCEPISTIS FACIEM IN LEGE, id est non iuste iudicatis, sed contra legem. Aut non estis ausi increpare eos, qui contra legem hostias pollutas deferrebant ad templum, aut qui ducebant uxores alienigenas.

V. 10. PATER UNUS OMNIUM. Si eodem patre Deo procreati sumus, quare vir despicit uxorem suam, ut aliam ducat. DESPICIT UNUSQUIQUE NOSTRUM FRATREM SUUM, sororem scilicet eius, aut filiam repudiando. VIOLANS PACTUM PATRUM NOSTRORUM? Sic Hebr. Sept. *vestrum*: sic Goth. Ergo violatis pactum patrum antiquorum, quo alienigenas ducere vetabantur. Aut patrum quisque suorum, cum filios & filias desponsarunt, & pro eis inter se pepigerunt.

V. 11. TRANSGRESSUS, prævaricatus est IUDA, id est tribus Iuda. ET ABOMINATIO, hoc est scelus. IN ISRAEL. Cum tribu Iuda multi ex aliis tribubus confusi erant. QUA CONTAMINAVIT IUDASSANCTIFICATIONEM. Hebr. *sanctitatem Domini*. Sic nuptias vocat, quas illi contaminarunt. HABUIT: duxit, possedit, ut maritus. Id vox Hebr. *bahal* significat. FILIAM DEI ALIENI, id est filiam, quæ colebat deum alienum, alienigenam rem.

V. 12. DISPERDET. Hebr. *facidet Dominus*. MAGISTRUM ET DISCIPULUM. Chald. *filium & nepotem*. Hebr. *vigilantem & respondentem*, id est omnes occidet propter hanc nequitiam, heros, & famulos qui vigilat, & fores pulsantibus respondere solent. ET OFFERENTEM MUNUS, pro, etiam si offerat munus Deo, non placabitur, non parcat.

V. 13. ET HOC RURSUS FECISTIS; pro, hoc etiam fecistis. Hebr. *& hoc secundo*

fecistis. Hoc est, hæc est secunda noxa, scilicet dimittere uxores; nam prima fuit, oblationes pollutas obtulisse. OPERIEBAMUS. Hebr. *operire lacrymis altare*, scilicet quas fundunt uxores repudiatæ. ITA UT NON: quo factum, ut non respiciam ultra munera & oblationes. NEC ACCIPIAM PLACABILE. Hebr. *ne accipiam* (in) bona voluntate de manu vestra, scilicet oblationem & sacrificium.

V. 14. QUAM OB CAUSAM? scilicet Deus irascitur in nos. QUA DOMINUS TESTIFICATUS EST INTER TE, ET UXOREM, id est sanxit, firmavit tuum coniugium, eo auctore factum est & stipulatore. QUAM TU DESPEXISTI. Hebr. *in quam tu prævaricatus es*. ET HAEC PARTICEPS TUA, seu socia tua. ET UXOR FOEDERIS TUI, id est legitima, cum qua foedus inivisti.

V. 15. NONNE UNUS FECIT, scilicet Deus, qui unus est, fecit uxorem. ET RESIDUUM SPIRITUS EIUS EST? id est in eam etiam inspiravit animam: sic Hieronymus explicat. Chald. & Hebraei per *unum* intelligunt Abraham, qui fuit unus, hoc est, primus in eo populo, nonne ille fecit quod dicimus, suo exemplo ceteros docuit? *Et residuum spiritus*; id est excellentia spiritus erat in eo, melior ceteris fuit. ET QUID UNUS QUÆRIT, NISI SEMEN DEI? Scilicet Deus id quærit, ut filii legitimi ex utroque parente fidei generentur. Aut, *quid quærit*, pro, quæsit Abraham, nempe, *semen Dei*, ut filios scilicet ea conditione procrearet. CUSTODITE ERGO SPIRITUM VESTRUM, scilicet a malo, custodite legem. Quid fiduciamus, *custodite societatem vestram*, id est coniugium; nam eadem vox est, quæ superiori versu, ubi est, *& hac particeps tua*. Solum transpositis litteris *ברוך ברוח* sit pro *חבר* habet, id est societate; & apte cohercet sequentia. ET UXOREM ADULESCENTIAE TUAE NOLI DESPICERE, non offendas, non prævariceris in eam. Sed prior expositio potior est.

V. 16. CUM ODO HABUERIS, DIMITTE, scilicet dato libello repudii, ut alteri nubere possit. OPERIET AUTEM INIQUITAS VESTIMENTUM EIUS, id est corpus, ipsum dimittentem operiet iniquitas. Non erit innocuus. Aut iniquitas sumatur pro poena iniquitatis, ut sumit Hieronymus, qui *vestimen-*

Stimulum pro corpore fuit. Hebr. *Operuit iniquitatem vestimento suo*, scilicet retenta uxore quam odit, nec dato libello, sed ducta alia; ea dissimulatione ut pallio scelus tegit. ET NOLITE DESPICERE, aut *pravocari*.

V. 17. LABORARE FECISTIS DOMINUM. Humano more loquitur, pro, peccastis in Deum. AUT CERTE UBI EST DEUS IUDICI? Id dicendo peccastis. Iudicia Dei ubi sunt? cuncta sursum deorsum aguntur, Deus res humanas non curat, nulla est providentia. Vox impiorum.

MENOCHII.

Vers. 1. AD VOS MANDATUM HOC; quasi dicat: Audite hoc quod mihi Dominus mandavit ut dicerem vobis.

V. 2. PONERE SUPER COR: diligenter, & attente cogitare, cordi imprimere, cor, & mentem applicare. UT DETIS GLORIAM NOMINI MEO: me, ut par est, colendo, & iurando ut meo altari, victimis, & universo religioso cultui suus constet decor, honor, & gloria, mundas offerendo victimas &c. MALEDICAM BENEDICTIONIBUS VESTRIS: id est, privabo vos bonis, quæ dedi. Vel iis quæ vos benedixeritis, ego maledicam, seu, ut indicat Chald. habeo vestras benedictiones pro execrationibus.

V. 3. PROICIAM VOBIS BRACHIUM; quasi dicat: Armum quem lege Levit. vii. 31. vobis separavi, & dedi, indignanter vobis proiciam, commotus quod victima mihi non placuerit, quia immunda, aut manca. DISPERGAM SUPER VULTUM VESTRUM STERCUS SOLEMNITATUM VESTRARUM. Ut armus debebatur sacerdotibus in hostia pacifica, ita etiam ventriculus, ut habetur Levitici loco citato. Sensus ergo est, Offensus peccatis vestris non tam dabo vobis ventriculum, quam eius stercus proiciam in vultum vestrum. Vel simpliciter sensus est, Solemnitates vestras, quas ut stercus abominor, reiciam indignabundus, & in vultum vestrum proiciam. ASSUMET VOS SECUM: adiunget vos sibi, & se vobis, ut semper fordidi illo sitis, ideoque contemptibiles, & execrabiles.

V. 4. ET SCIETIS: docti poena, quam indignam. QUIA MIHI AD VOS MANDATUM ISTUD: intelligetis prophetam, qui

Bib. Sac. Tom. XXII.

ad vos venit huius mandati nuncius, nomine meo venisse, & a me fuisse missum, ut moniti mores emendaretis. UT ESSET PACTUM MEUM CUM LEVI: ut pactum quod ego cum Levitis ini, semper staret, possemque vobis benefacere.

V. 5. PACTUM MEUM FUIT CUM EO VITAE, ET PACIS; quasi dicat, Pepigi, & promisi Aaroni, & posteris eius longam, pacificam, prosperam, opulentam, & felicem vitam, si meum pactum, & meas sanctiones, & leges ad sacras ceremonias spectantes religiose servasset. ET DEDI EI Timorem. Et ipse, alique ei similes, me reverenter, & cum religioso timore coluerunt; huncque reverentiae sensum habuerunt munere meo. A FACIENOMINIS MEI PAVEBAT: coram me trepidabat, præ ingenti reverentia, & tremebat.

V. 6. LEX VERITATIS, &c. id est, semper veram doctrinam, & salutarem doceant. ET INIQUITAS NON EST INVENTA &c. neminem deciperunt, ut a vero Dei cultu aberraret. IN PACE, ET AEQUITATE AMBULAVIT MECUM, id est sollicite mihi servierunt, pacem mecum, & cum proximis servando, & omnia mandata mea implendo, quod est ambulare in aequitate. LXX. habent, *in pace dirigens, ambulavit mecum*. Ubi, *in pace dirigere*, est prospere agere, hoc enim est *paraduxit*, quem sensum etiam exhibet vulgata editio.

V. 7. LABIA SACERDOTIS CUSTODIENT SCIENTIAM, id est cognitionem rerum ad bene sentiendum, & agendum necessariam, ut sint quasi arca testamenti in qua erat Lex. LEGEM REQUIRENT EX ORE EIUS: & ex ore eius legis interpretationem accipient, & quærent. QUIA ANGELUS DOMINI EXERCITUM EST, id est nuncius Dei, ideoque eius oracula ita tradit ut accipit, nihil addens, aut detrahens. Fortasse Divus Hieronymus consulto non vertit, *Nuntius*, sed, *Angelus*, ut ostenderet Angelum dici, non solum quia voluntatis Dei nuntius, & interpres est; sed etiam quia Angelorum sanctitatem, & puritatem imitari debet.

V. 8. RECESSISTIS DE VIA, id est a rectitudine morum, & observantia legis. SCANDALIZASTIS: malo exemplo vestro, non servantes legem. IRRITUM FECISTIS PACTUM LEVI. Hebr. *Corrupistis*; non impletis præcepta familiaræ vestræ tradita,

Pp

ideo-

ideoque indigni facti estis, quibus promissa vobis facta ferventur.

V. 9. HUMILES, id est abiectos, & viles. ACCEPISTIS FACIEM IN LEGE : iniuste iudicatis, non causas attendentes, sed personas : acceptores personarum fuistis.

V. 10. NUMQUID NON PATER UNUS OMNIUM NOSTRUM. Translat Malachias, ad reprehendendos sacerdotes, principes, & populum, quod reversi Babylone uxores suas dimitterent mæne confectas, aut deformes propter fatigationem itineris, aut ætatem, & ducerent alienigenas, contra legem, Deut. vii. 3. Idem vitium taxat, & emendat Esdras Malachia: cœvus Lib. I. cap. ix. & x. Sensus ergo est : Cum omnes habeamus unum patrem Abraham, tam viri quam femine, contra hoc commune vinculum peccatis, & sorores vestras, eiusque sanguinis participes, alienigenis posthabebitis. NUMQUID NON DEUS UNUS CREAVIT NOS? Duæ sunt dilectionis causæ maximæ; altera communio generis, de qua iam dixit, altera communio religionis, de qua nunc loquitur, quasi dicat : Cum Deus unus nos omnes creaverit, omnesque hunc creatorem colamus, cur dimittis uxores, quæ eundem vobiscum Deum, & creatorem colunt, & ducitis idolorum cultrices? DESPICIT UNUSQUISQUE FRATREM SUUM : fratrem despiciit abiiciendo filiam, aut sororem eius. PACTUM PATRUM NOSTRORUM : legem Deut. vii. 3. de non ducendis alienigenis.

V. 11. TRANSGRESSUS EST IUDA. Transgressionem vocat acceptionem alienigenarum uxorum, ac dimissionem Israelitarum. Idem etiam intelligit nomine *abominationis*. IN ISRAEL : id est in Iuda, post reditum enim ex captivitate non erat alius Israel, quam Iuda, & Iudæi. Vel, nomine Israelis intelligit paucos illos qui ex decem tribubus Iudæis adhererant. ET IN IERUSALEM; quæ sanctior esse debebat, cum habeat templum, & sacerdotes. SANCTIFICATIONEM DOMINI, id est sanctitatem, quam habebat ex eo quod esset præ omnibus populis Deo dicatus, amisit, aut corripuit, miscendo se cum alienigenis. Vel, vinculum matrimonii a Deo sancitum, & sacratum in paradiso. Chald. vertit : *Violaverunt viri domus Iuda animam suam, quæ erat sanctificata coram Domino, & dilecta*. QUAM DILEXIT : scilicet Domi-

nus. HABUIT FILIAM DEI ALIENI: duxit uxorem cultricem dei alieni; pro habuit est *hys babal*, id est possedit ut uxorem.

V. 12. MAGISTRUM, ET DISCIPULUM, sive sit sacerdos, & magister, sive laicus, & discipulus. DE TABERNACULIS IACOB, id est de urbibus Israel, ut vertit Chaldaus. ET OFFERENTEM MUNUS : id est, etiamsi sit quisvis alius, qui munera multa offerat, & illis speret Deum esse placandum. Vel, cum Chaldæo & aliis, per offerentem munera sacerdotem intellige.

13. ET HOC RURSUM FECISTIS; id est, priori scelesi, quo alienigenas ducitis, secundum adicitis. OPERIEBATIS LACRYMIS ALTARE : lacrymas intelligit uxorum dimissarum, a Deo petentium vindictam, & auxilium. MUGITU : clamore vehementi. ITA UT NON RESPICIAM ULTRA AD SACRIFICIUM : quia aspicio ad lacrymas, & mugitum uxorum, quas vos opprimistis : magis enim illæ, utpote iustæ, & miserabiles, me movent, quam iniqua, & impura sacrificia crudelium.

V. 14. DOMINUS TESTIFICATUS EST, &c. Ex Hebræo verti potest, *Testatus est*, id est testis fuit contractus matrimonii cum iniretur. UXOREM PUBERTATIS TUÆ : quam legitime duxisti cum primum factus es puer. PARTICIPES TUÆ : uxor tua, socia tua; Itali etiam uxorem appellant *Consorte*. UXOR FOEDERIS TUI : cum qua foedus iniivisti : nam altera quam duxisti, non est uxor tua, sed concubina, non iniivisti cum illa legitimum foedus.

V. 15. NONNE UNUS FECIT, &c. Sensus est Deus qui unus est, Adamum etiam unum, & Evam unam fecit, ut nec Adam aliam uxorem quæreret, nec Eva alium maritum. Decet ergo vos sanctionem hanc Dei, unitatemque coniugii non discindere, aut infringere. ET RESIDUUM SPIRITUS EIUS. Et aliud argumentum ad idem probandum. Et pro spiritu intelligit statum Dei; quasi dicat : Deus in hominem aspiravit spiraculum vitæ, & residuum spiravit in mulierem, id est æqualem animam illi dedit, sicut & viro. Cum ergo corpus mulieris sit ex costa Adami formatum, & anima eius sit quasi residuum spiritus, status sive halitus Dei, par est viro & uxorem tantam coniunctionem non dissolvere, quod vos facitis aliis ductis uxoribus, & primis demissis. ET QUID UNUS

QUAE-

QUAERIT, NISI SEMEN DEI? LXX. habent. *Quid aliud prater semen querit Deus?* est aliud argumentum idem probans. Sententia est: Nihil aliud querit Deus cum vult matrimonia sociari, nisi ut propagetur populus fidelis, sique vere semen Dei, hoc est, ex fidelibus parentibus natus, & bene iuxta legem institutus, & educatus, non autem ex alienigenis, ut vos facitis. CUSTODITE ERGO SPIRITUM VESTRUM; id est, retinete uxores vestras, quas dixi esse residuum spiritus Dei.

V. 16. CUM ODIS HABUERIS, DIMITTE. Sunt verba Iudaeorum factum suum exultantium permissione legis; quasi dicant; Cur nos reprehendis? An non licet hoc per legem, quae facultatem facit repudiandi uxores? OPERIET INIQUITAS VESTIMENTUM EIUS. In Hebræo est, *Operiet iniquitas super vestimentum tuum*; id est, ita redundabit, eminebit; & exuberabit tua iniquitas, ut nullo vestimento occultari, aut dissimulari possit. Hoc dictum videtur, quia lex permittebat quidem uxoris dimissionem, sed ad duritiam cordis eorum; itaque crimine non vacabat, qui temere, & sine iusta causa illam dimittebat.

V. 17. LABORARE PECISTIS, id est molestia affecistis. LXX. *ad iram provocastis*. IN SERMONIBUS VESTRIS: cum scilicet dicitis, *Omnis qui faciet molam*, &c. BONUS EST IN CONSPECTU DOMINI. Erat hoc aliud crimen Iudaeorum, quod pauperes e captivitate reversi, videntes vicinos idololatrias florere divitiis, & prospere agere, divinam providentiam requirebant, Deumque inculpabant, quod suos cum ærumnis constitari pateretur; infideles vero, & impios omnis generis bonis auget. UBI EST DEUS IUDICIT? id est, iustus iudex; ubi est divina providentia? LXX. *injusta*.

T I R I N I.

Vers. 2. SI NOLUERIS PONERE SUPER COR, id est cordi habere, serio & sollicite curare, UT DETIS GLORIAM NOMINI MEIO magno debitam, colendo me, meoque altari & victimis invigilando, ut suis cuique constet decor, honor & gloria; MALEDICAM BENEDICTIONIBUS VESTRIS, id est, fruges, opes, honores, aliaque bona quæ ex mea benedictione possidetis,

corrumpam, evertam, tollam, inquit S. Cyrillus, Remigius & Vatablus.

V. 3. BRACHTUM, id est robur omne virium, opum, prolium, amicorum, alimentis, PROICIAM & adimam VOBIS, ET STERCUS SOLEMNITATUM VESTRARUM, id est extremam ignominiam & probum, ob neglecta mea sacra, congeram in vos, maxime sub Antiocho Epiphane, aliique tyrannis, quibus vexandi, ridendi, illudendi tradimini. Tuoc malo vestro edocti,

V. 4. SCIETIS MANDATUM ISTUD de sacris meis rite procurandis, missum a me AD VOS, tamquam conditionem necessario ex parte vestra implendam, UT PACTUM a MEUM cum familia LEVI initum olim tempore Moysis, perpetuo firmum & stabile consistat: ita S. Hieron. Remigius, Albertus, Hugo, Lyranus. Ex mea vero parte

V. 5. PACTUM MEUM cum eo, nempe cum Aaron, abnepote Levi, fuit pactum VITAE ET PACIS; id est, pepigi & promisi Aaroni, eiusque posteris, si munia sacerdotalia rite obirent, longam, pacificam, opulentam & felicem vitam, & omnia prospera: ita Theodoretus. Nec aliud: DEDIT aut præscripti, quod ipse ex sua parte complere deberet, quam TIMOREM & MET, id est reverentiam, cultum & servitium mihi præstandum. Et ipse & quidem, eiusque nepotes ut plurimum, præstiterunt, quod debebant mihi.

V. 6. LEX VERITATIS FUIT IN ORE E-
tus; id est, ore & exemplo suo vere, recte, sincere docuit subditos suos legem meam.

V. 7. LABIA ENIM SACERDOTIS, maxime supremi, id est pontificis, *custodiunt*, id est custodire debent, SCIENTIAM legis divinæ, ut opportuno & congruo tempore illam eloquantur populo, qui & quando illam requirit, aut indigebit: ita S. Hieronymus, Ambrosius, Chrysostomus, Bernardus d. QUA ANGELUS, id est nuntius; TIGURINI, *legatus DOMINI* EST. Unde debet, instar *legati*, voluntatem principis sui integre denuntiare nihil addendo, nihil detrahendo: debet instar angeli, Deo iugiter altare ac ministrare, & nihilominus subditos suos oportunis monitis, purgare, illuminare, perficere, ut ait S. Dionysius e; & sanctificare, ut addit Basilius f.

V. 8. VOS AUTEM bonorum parentum mali

malii filii, RECESSISTIS procul ab hac *vita* legis, scientiæ, veritatis, & timoris divini, *scandalizantes* PLURIMOS in LEGE, dando subditis exemplum contemnendæ & violandæ legis: atque ita ex parte vestra IARITUM FECISTIS PACTUM initum olim inter me & familiam LEVI, quia non servastis pacti conditiones, quas iam recensui.

V. 9. ACCEPISTIS FACIEM in LEGE, id est personarum qualitatem respexitis potius quam præscriptum legis divine, quando illa executioni mandanda erat. Nam divinum victimas, etsi mutilas & lege veritas, admittitis, pauperum reicitis, inquit Theodoretus. Item, ut Rupertus, ad pulchras mulierum alienigenarum facies respicitis, easque in uxores ducitis, proprias vero Israelitides non aequè scmolos & divites repudiatis, ait S. Hieronymus, vel falsem, ut Lyranus, præ illis *despicitis*, & quasi ancillas habetis. Quo vitium Eldæ quoque corvæ Malachiæ acriter reprehendit, atque etiam emendavit.

V. 10. NUMQUID NON PATER UNUS est OMNIUM nostrum, puta Abraham, & Isaac, & Iacob? *Numquid non etiam DEUS UNUS nobis est*, qui CREAVIT NOS? QUARE ERGO, & quo iure *despicimus fratres* cognationis & religionis, filias illorum repudiantes, vel reiicientes, & copulamur extraneis, sic *violantes* PACTUM per *patres nostros* initum cum Deo?

V. 11. CONTAMINAVIT IUDAS SANCTIFICATIONEM DOMINI, id est sanctum fœdus & pactum cum Deo initum, violando legem qua iubentur Israelitæ *sanctificari*, id est separari, seu procul esse a connubio gentium idololatrarum, & solis cultoribus veri Dei copulari. *Iudæa enim sanctificatio h Dei est*, id est gens ab aliis separata, & uni Deo dicata, & consecrata, inquit S. Hieronymus, Remigius & Hugo. ET FILIAM DEI ALIENI, id est alienæ gentis alienum deum seu idolum colentis, MABUIT in uxorem.

V. 12. QUICUMQUE HOC FECERIT, DISPERDET eum DOMINUS, sive *magister* is fuerit, herus vel princeps, sive *discipulus*, servus, plebeius; sive *sacerdos offerens munus* in altari, sive laicus: ita Chaldaeus & S. Cyrillus. Plurimi enim tam ex sacerdotibus, quam ex principibus rei erant eius criminis.

V. 13. RURSUM FECISTIS HOC aliud ma-

lum: uxores vestras priores Israelitides vel repudiando, vel indigne quasi ancillas habendo, cogitis ad ALTARE & ad templum meum confugere, & illud uberrimis lacrymis *aperire*, & perpetuo FLETO, immo horrore MUGITU omnia implere. Mox septem rationibus conatur Iudæos ab hoc crimine revocare. Prima est:

V. 14. QUA DOMINUS TESTIFICATUS EST INTER TE ET UXOREM; id est, iam inde ab initio mundi palam contestatus est & sanxit, matrimonii vinculum debere perpetuum esse, diligendamque uxorem etiam præ propriis parentibus, Genes. ii. *Relinquit homo patrem suum & matrem, & adheret uxori sue*. Secunda ratio: quia prior uxor tua est PUBERTATIS, seu, *adulescentia tua* uxor; nempe, quam summo amore & affectu, cum primum coniugio te dares, tibi copulasti: noli tam teneros, tam antiquos amores abruptere. Tertia ratio: HAEC est PARTICEPS; Pagninus, *fores*; Tigurini, *confort tua*, tibi a Deo data in adiutorium, in solatium, in lenimen laborum & dolorum. Quarta est UXOR FOEDERIS TUI, quam indissolubili fœdere & nexu tibi ultro copulasti. Quinta:

V. 15. NONNE UNUS FECIT? alii vertunt *nonne unum fecit Deus?* quasi dicat: Ex prima matrimonii & Dei institutione, maritus & uxor non sunt duo, sed una caro k. Quod ergo Deus coniunxit, homo non separet. Sexta ratio: UXOR EST RESTIDUUM SPIRITUS, seu halitus vitalis a Deo inspirati marito. Deus enim sicut ex cocta Adami plasmavit corpus EVÆ, ita *spiraculo vite* quasi uno & eodem (neque enim nisi semel in eos inspirasse l legitur,) animavit utrumque, ut indicaret, unus plane animi & affectus illos esse debere, inquit S. Chrysostomus m. Septima ratio. QUID UNUS DEUS, ex unius cum una fidei coniugio a se sanctio QUÆRIT aut intendit, NISI SEMEN DEI, id est filios fideles & sanctos sibi procreari? At ex matre alienigena & idololatra, non Dei, sed diaboli semen procreabitur, matre infillatura prolium suum erga idola affectum, & in horum cultu illas educatura, inquit S. Hieronymus. Quæ eadem rationes etiam suadent Catholicis, ne cum hæreticis vel aliis fidei hostilibus matrimonia coniungant. Dissuadent item divortia atque adulteria, æque ac iurgia & dissidia coniugum. His

enq

enim omnibus unio coniugalís, quæ Deo tantopere cordi est, dissolvitur, aut minuitur saltem & labefactatur. CUSTODITE ERGO omni custodia SPIRITUM VESTRUM, id est amorem & affectum quem maritus debet uxori, quasi alteri parti corporis & spiritus sui.

V. 16. CUM ODO HABUERIS UXOREM, DIMITTE illam, dato repudii libello, ut alteri nubere possit. Hoc enim minus illi grave fuit, quam si domi retentam, instar ancillæ, contemptum habeas, verberes, mutilés, vel aliis modis affligas. Porro quia repudiare ex solo odio, etsi valde fieret, grande tamen peccatum erat, i deo subdit: OPERIET AUTEM INIQUITAS VESTIMENTUM EIUS; nempe repudiantis, ut patet ex Hebræo, id est operiet te; quasi dicat: Hæc violentia & iniuria illata uxori tam quoad poenam, quam quoad culpam, operiet te undique, ut in omnium oculis futurus sis infamis, Deo scelus tuum occultum publica poena palam vindicante: ita fere Lyranus, Arias, a Castro, & a Lapide.

V. 17. DOMINUM LABORARE FECISTIS; Arias & Tigurini, *fatigastis* & *delassastis*; LXX. *provocastis* Deum sermonibus vestris impiis, blasphemis, atheis, dicentes: Nulla inest Deo providentia, vel cura rerum humanarum: OMNIS QUI FACIT MALUM, BONUS EST, Chaldaice, *rectus est*, IN CONPECTU DOMINI, gratus est & placet Deo. AUT si displicet, UBI EST Deus o iudicet, id est cur impios non puniat? quin immo prosperat, ditat & exultat? Huic blasphemiae respondet cap. sequenti.

(a) Eccli. xlv. vers. 7. & seqq.

(b) Malach. i. 6.

(c) Eccli. xlv. 22.

(d) Ambr. Lib. IV. de Fide cap. vii. Chryso. homil. de eo qui incidit in latrones. Et de Sacerdoto. Bern. Lib. II. de Consuetud. cap. xiii.

(e) Dionys. in Cælesti hierarchia.

(f) Basil. hom. de Spiritu sancto.

(g) I. Eldr. ix. & x.

(h) Psal. cxviii. 2.

(i) Eld. sup.

(k) Genes. xi. 24. & I. Cor. vi. 16. & Matth. xvi. 1. & 6.

(l) Genes. xi. 7.

(m) Chryso. homil. de libello repudii.

(n) Hæc. i. 14.

(o) Habac. cap. iv.

Vers. 1. **N**UNC, &c. Insignis est hic sacerdotum increpatio ob incuriam in rebus sacris, & avaritiam, aliasque scelera: avaris proponit poenam egellatis, & negligentibus Dei cultum, promittit contemptum.

V. 4. & 5. Pactum Dei cum Levi filio Jacob non fuit in persona propria, sed in successoribus & cum tribu Levi, Levit. viii. ac initio quidem in Aarone, qui primus sacratu est Sacerdos a Mose, & Pontifex a Deo constitutus; pacti huius conditiones quæ exiguntur a sacerdotibus hic designantur, timor Dei, veritas, pax, æquitas, & scientia cum zelo animarum.

V. 10. NUMQUID NON PATER, &c. Transiit ad reprehendum initium coniugii, ut præfatus sum; orditur a dissidio, non quovis, sed inter coniuges ob superinductas alienigenas contra pactum & legem, Deuter. vii. 3.

V. 12. ET HOC RURSUS FECISTIS, &c. Hoc secundum malum est: fecistis ut repudiaretis a vobis uxores impleverit lacrymis altaria mea, dum queruntur apud me de hac illis illata iniuria. Ita Hieronymus.

V. 14. ET DIXISTIS QUAM OB CAUSAM, &c. Querentibus cur irascatur Deus ob tale repudium, respondet Propheta ex Gen. ii. 2. quia Deus designavit coniugium esse vinculum constans, ubi unius coniugii rationes subiungit varias, quia est prima & pubertatis uxor, quia data est ut sociæ, quia ex pacto & fœdere possidet. Quia ex uno Adamo & Eva Deus dixit non fore amplius duos, sed unum: immo ex parte una viri procreata Eva est; & unum in coniugio spectatur, & queritur a Deo nascatur filius fidelis & uni Deo sanctus.

V. 16. CUM ODO HABUERIS, &c. Significat minus quidem malum esse dimittere uxorem ex repudio, quam eam domi retentam graviter vexare aut occidere. Illud tamen quamvis minus, non sine Deo imputum, sed iniquitas illi operiet vestimentum meriti: ergo custodite spiritum, & affectum; nolite despiciere uxores vestras.

V. 17. LABORARE FECISTIS DOMINUM, &c. Novum crimen & blasphemiam taxat: molestia, inquit, affectistis Dominum [scilicet quantum in vobis est] dum aliqui inter vos dicunt non esse Deum qui puniat impios; aut impietatem placere Deo.

CA.



C A P U T III.

De præcurſore Chriſti, & huius adventu, ac futuro iudicio: qui purgatis filiis Levi gratum habebit ſacrificium Iuda & Ieruſalem: comminatur ſceleratis gravem ultionem; quos tamen ad ſe revocat, plurima bona converſis promittens: conqueritur de ingratiſtudine filiorum Iſrael, & quod ipſum in decimis ſuis configant, quodque dicant Deo non eſſe curæ ſuos cultores, cuius contrarium tandem experientur.

1.  Cce (a) ego mitto angelum meum, & præparabit viam ante faciem meam. Et ſtatim veniet ad templum ſuum Dominator, quem vos queritis, & angelus teſtamenti, quem vos vultis. Ecce venit, dicit Dominus exercituum: 2. & quis poterit cogitare diem adventus eius, & quis ſtabit ad videndum eum? Ipſe enim quaſi ignis conſans, & quaſi herba fullonum: 3. & ſedebit conſans, & emundans argentum, & purgabit filios Levi, & colabit eos quaſi aurum, & quaſi argentum, & erunt Domino offerentes ſacrificia in iuſtitia. 4. Et placebit Domino ſacrificium Iuda & Ieruſalem, ſicut dies ſæculi, & ſicut anni antiqui. 5. Et accedam ad vos in iudicio, & ero teſtis velocis maleficis, & adulteris, & periuris, * & qui calumniantur mercedem mercenarii, viduas, & pupillos, & opprimunt peregrinum, nec timuerunt me, dicit Dominus exercituum. 6. Ego enim Dominus, & non mutor: & vos filii Iacob non eſtis conſumpti. 7. A diebus enim patrum veſtrorum receſſiſtis a legitimis meis, & non cuſtodidiſtis. (b) Revertimini ad me, & revertar ad vos, dicit Dominus exercituum. Et dixiſtis: In quo revertemur? 8. Si affiget homo Deum, quia vos configitis me? Et dixiſtis: In quo configimus te? In decimis, & in primitiis. 9. Et in penuria vos malediſti eſtis, & me vos configitis gens tota. 10. Inferre omnem decimam in horreum, & ſit cibus in domo mea, & probate me ſuper hoc, dicit Dominus: ſi non aperuero vobis cataraſtas cæli, & effuſero vobis benedictionem uſque ad abundantiam, 11. & increpabo pro vobis devorantem, & non corrumpet fructum terræ veſtræ; nec erit ſterilis vinea in agro, dicit Dominus exercituum. 12. (c) Et beatos vos dicent omnes Gentes: critis enim vos terra deſiderabilis, dicit Dominus exercituum. 13. invaluerunt ſuper me verba veſtra, dicit Dominus. 14. Et dixiſtis: Quid locuti ſumus contra te? Dixiſtis: Vanus eſt, qui ſervit Deo: & quod e-molumentum quia cuſtodivimus præcepta eius, & quia ambulavimus triſtes coram Domino exercituum? 15. ergo nunc beatos dicimus arrogantes: ſiquidem ædificati ſunt facientes impietatem; & tentaverunt Deum, & ſalvi facti ſunt. 16. Tunc locuti ſunt timentes Dominum, unusquiſque cum proximo ſuo: Et attendit Dominus, & audivit: & ſcriptus eſt liber monumenti coram eo timentibus Dominum, & cogitantibus nomen eius. 17.

Et

Et erunt mihi, ait Dominus exercituum, in die qua ego facio, in peculium: & parcam eis, sicut parci vir filio suo servienti sibi. 18. * Et convertemini, & videbitis quid sit inter iustum & impium; & inter servientem Deo, & non servientem ei.

(a) Matth' XI. 10. Marc. 1. 2. Luc. 1. 27. & VII. 27. (b) Zach. 1. 3. (c) Ioan. XXI. 14.

BRUGENSIS

ROMANAE CORRECTIONES.

Verf. 5. Et qui calumniantur mercedem mercenarii, viduas & pupillos, & opprimunt peregrinum. Quidam ante viduas praeponunt & humilium, ex Græco acceptum;

sed minus recte: sicut & illi non recte qui omittunt, & ante opprimunt.

Verf. 18. Et convertemini & videbitis. Retinendum est futurum indicativi convertemini.

COMMENTARIA

S A.

Verf. 1. ANGELUM, scilicet Ioannem Baptistam. PRAEPARABIT, scilicet invitando ad poenitentiam, & de me testimonium perhibendo. Chald. complanabit. FACIEM MEAM, id est me. Loquitur vero Pater, ut patet Matth. XI. Marc. 1. Luc. VII. At Evangelistae dicunt ante faciem tuam, scilicet quod ante Patrem, ante Filium etiam est, & in Filio Pater erat, & opera faciebat. TEMPLUM SUUM, scilicet saepe ad templum venit, ibique praedicavit, & miracula fecit. Apparet autem hinc, Christum esse Deum, Dei enim illud templum erat. DOMINATOR. Hebr. Chald. & LXX. Dominus. QUÆRITIS, id est expectatis, seu optatis. ANGELUS, scilicet officio legati, seu nuntii. TESTAMENTI, scilicet novi confirmator per Sanguinem suum, vel pacti, id est Dei per pactum promissionis.

V. 2. POTERIT COGITARE, id est cogitatione comprehendere, seu capere, scilicet tantam adventus bonitatem, sapientiam, & potentiam. Chald. & LXX. sustinebis: quod ad secundum adventum quidam referunt. STABIT, id est consistere poterit, scilicet præ timore, seu stupore. AD VIDENDUM. LXX. videndo. CONFANS, scilicet & purificans metalla. HERBA, scilicet qua pannorum sordes mundant: Japonariam quidam dicunt. Hebr.

bonith. Herbz nomen est. Vide Ierem. II. FULLONUM. LXX. lavantium.

V. 3. CONFANS, pro, velut confans, scilicet purgans animas igni Spiritus sancti. FILIOS LEVI, id est sacerdotes Ecclesiae. COLABIT. Chald. expurgabit. LXX. effundet, scilicet effundendo purgantur metalla ad ignem. IN IUSTITIA, id est iuste, seu perfecte.

V. 4. IUDA, id est Christianorum. IERUSALEM, id est Ecclesiae. ANTIQVI: explicat quid sint dies saeculi, seu a saeculo. LXX. priores, scilicet quibus sancti viri Deo placebant, eique sancte offerebant munera sua.

V. 5. AD VOS, scilicet o peccatores. IN IUDICIO, id est iudicaturus. VELOX, id est promptus. MALEFICIS. Chald. contra maleficos. LXX. super veneficos, CALUMNIANTUR, id est per calumniam auferunt. Chald. violenter auferunt. LXX. privant.

V. 6. NON MUTOR; quasi dicat, Faciam quod praedico. NON ESTIS CONSUMPTI, scilicet sed tolerati hactenus a me clementer. LXX. non recessistis a peccatis.

V. 7. LEGITIMIS. Chald. mandatis. REVERTIMINI, scilicet per poenitentiam. REVERTAR, scilicet per misericordiam & gratiam.

V. 8. SI AFFIGET, &c. quasi dicat: Aequum est, ut homo Deum contristet? Chald.

Chald. *Nunc ad iracundiam provocat*, id est provocare debet? LXX. *si supplantabit*, id est decipiet, seu defraudabit. DECIPIETIS, scilicet quas non datis.

V. 9. IN PENURIA, id est ob penuriam, scilicet quia non datis decimas, aut non quantum debetis. MALEDICTI, id est execrabiles.

V. 10. HORREUM, scilicet sacerdotum. CATARACTAS. Chald. *fenestras*: scilicet videntur celi aperiiri cum copiose pluit. BENEDICTIONEM, id est fructuum copiam. USQUE AD ABUNDANTIAM, id est abundanter.

V. 11. INCREPABO, id est prohibebo. DEVORANTEM, scilicet locustam & bruchum.

V. 12. TERRA. LXX. *ut terra*. DESTDERABILIS, id est optima; quasi dicat, Rem omnium copia abundabit.

V. 13. INVALUERUNT. LXX. *ingravastis*. SUPER, id est contra; quasi dicat, Valde mihi molesta fuerunt.

V. 14. TRISTES, id est poenitenter, seu ieiunantes.

V. 15. ERGO NUNC. Chald. *nunc autem*. LXX. & *nunc*. ARROGANTES. Chald. *impios*. LXX. *alienos*, scilicet a Dei cultu. AEDIFICATI, id est aucti prole, vel divitiis. TENTAVERUNT DEUM. LXX. *reverserunt Deo*. SALVI, id est servati. Chald. *liberati*.

V. 16. LOCUTI SUNT, scilicet pro Deo, seu in defensionem veritatis, MONUMENTI, id est memorie; quasi dicat, Ut Deus eorum recordetur. Loquitur more humano. TIMENTIBUS, id est in gratiam timentium, scilicet ut a Deo suo tempore remunerentur.

V. 17. FACIO; pro, faciam, scilicet iudicium. PECULIUM, id est peculiarem populum, & velut thesaurum pretiosum.

V. 18. CONVERTEMINI, scilicet ad considerandum; quasi dicat, Tum vero intelligetis docti experientia.

E S T I I.

Vers. 7. **R**EVERTAMINI AD ME, ET REVERTAR AD VOS, Dicit DOMINUS EXERCITUUM. Similis est sententia Zachariæ 1. *Convertimini ad me, ait Dominus exercituum, & convertar ad vos,*

dicat Dominus, exercituum. Has, aliaque similes sententias olim Pelagiani ad sui erroris defensionem produxerunt, docentes gratiam dari secundum merita nostra: & Deum non prius homini suam infundere gratiam, quam homo per liberam suam voluntatis motionem se ad eam suscipiendam præparasset. Qua de re August. tum aliis pluribus locis, tum imprimis de gratia & libero arbitrio cap. v. Sed quod Dei donum sit etiam nostra ad Deum conversio, plurimæ docent Scripturæ, ut Psal. LXXIX. bis: *Deus converte nos, & ostende faciem tuam, & salvi erimus, & rursum: Deus virtutum converte nos, & Psal. LXXXIV. Converte nos Deus salutaris noster*. Et apertissime Threnorum v. cum dicit Ieremias: *Converte nos Domine, & convertemur*. Ergo, (ut verbis Concilii Tridentini utar sess. vi. cap. v.) cum dicitur, *Convertimini ad me, & ego convertar ad vos*; libertatis nostræ admonemur: Cum vero respondemus: *Converte nos Domine ad te, & convertemur*, Dei nos gratia præveniri consitemur. Hæc Concil. scilicet liberum arbitrium suo voluntario motu ad Deum sese convertit quidem, tamen non nisi præveniente, & cooperante gratia Dei. Quod autem additur, *Et ego convertar ad vos*, non significat gratiam subiunctam esse libero arbitrio, motumque eius sequi, sed vel significat posteriorem gratiam promitti, quæ a scholasticis subsequens, & comitans gratia vocatur; vel remissionem peccatorum cum remotione prevarum, & afflictionum temporalium, & largitione bonorum. Eam enim promissionem frequentissime inculcant Scripturæ veteris Testamenti.

M A R I A N A E.

Vers. 1. **E**CCE EGO MITTO ANGELUM MEUM. Respondet ad illud, *Ubi est Deus iudicii?* quasi dicat, Iam venit. De Iosue Baptista hæc diei, Christus ipse ait Matth. xi. 10. neque de alio quoquam intelligi possunt. ET PRÆPARABIT. Chald. *complanabit*. ANTE FACIEM MEAM, id est ante me, antequam ego veniam, suis verbis & testimonio iter aperiet. *Matthæus ante faciem tuam habet*; sed perinde est. Si Filius loquitur, est

est ante faciem meam: si Pater, ante faciem tuam. ET STATIM; brevi venit, suo tempore. QUEM VOS QUÆRITIS, id est quem magnopere expetitis, vel expetierunt Patres. ET ANGELUS TESTAMENTI: Christus in Lege promissus.

V. 2. ET QUIS POTERIT COGITARE, id est mente complecti eius dei magnificentiam. Hebr. *sustinere*, id est expectare præ desiderio ardenti dum veniat, aut ferre afflictiones quæ eo tempore existent. IPSE ENIM QUASI IGNIS CONELANS; hoc est, purgans peccata. ET QUASI HERBA FUL-LONUM; seu *sapo fullonum*. An hæc herba est kali, nostris *sosa*, ex qua fit sapo? Igne & aqua purgantur sordes. Modis omnibus suos mundabit.

V. 3. ET SEDEBIT CONELANS. Non rapim & persuntorie id faciet, sed ex profecto. ET PURGABIT FILIOS LEVI. Novos sacerdotes, & meliores pro veteribus filiis Levi substituet. ET COLABIT EOS, seu *excoget*, confabit eos quasi aurum. ET ERUNT DOMINO OFFERENTES SACRIFICIA IN IUSTITIA. Oblationes mundas & legitimas offerent Deo, non ut veteres.

V. 4. ET PLACEBIT DOMINO. Hebr. *dulcescent Deo*. SACRIFICIUM, seu oblatio. IUDA ET IERUSALEM, id est populi sui. SICUT DIES SÆCULI; seu, *secundum dies sæculi*, id est antiquos, & secundum annos priores. Ita placebit id sacrificium, ut quæ primis temporibus a viris sanctissimis sunt oblata.

V. 5. ET ACCEDAM AD VOS IN IUDICIO. Hebr. *ad iudicium*. Ego ipse volo vobiscum disceptare, quia dicitis mihi malos placere. Ero iudex vester, & quia scio omnia etiam abscondita, ERO TESTIS, non ego aliis testibus. VELOX, seu *festinans*, reddere scilicet cuique quod meretur. ET CONTRA EOS. QUI CALUMNIANTUR, &c. Chald. *auferunt mercedem mercenarii*, seu *subtrahunt*, seu potius *opprimunt*. VIDUAS, ET PUPILLOS, scilicet opprimunt. ET OPPRIMUNT. Hebr. *declinare faciunt*, PERGRINUM, id est litem peregrini pervertunt.

V. 6. EGO ENIM DOMINUS, ET NON MOTOR. Semper averter & punio pravos homines; & tamen vobis pepercì, nec vos consumpsi, quia scilicet simul sum misericors, quamvis opera vestra id mererentur.

V. 7. A LEGITIMIS MEIS. Hebr. *a præ-*
Bib. Sac. Tom. XXII.

ceptis recessistis. ET NON CUSTODISTIS, scilicet legitima, præcepta mea.

V. 8. SI AFFIGET HOMO DEUM, id est *per vim auferet*, furabitur Deum: Hebr. *sic Deum*, id est quæ Dei sunt, rapitis. IN QUO CONFIGIMUS TE? seu *confiximus*, ut Gorth. Hebr. *in quo rapimus te*, id est tua. IN DECIMIS, ET IN PRIMITIIS. In eo est rapina, quia integra fide non solvitis eas.

V. 9. ET IN PENURIA VOS MALEDICTI ESTIS. Ideo vos penuriam patimini: Hebr. *maledictione vos maledicti*, scilicet estis, ad penuriam redacti. ET ME VOS CONFIGITIS GENS TOTA. Non pauci id faciunt, sed omnes.

V. 10. DECIMAM IN HORREUM INFERT. Hebr. *in domum thesauri*; sed perinde est. Apothecæ & horrea thesauri sæpe vocantur Hebr. ET SIT CIBUS. Hebr. *præda*, id est quod vos rapitis. Chald. *sit alimentum eis qui ministrant in ade sanctuarii*. Magna fuit eo tempore fames, Nehem. v. vers. 1. adeo ut Levitis victus non suppetere, ibi cap. xv. 20. Ea occasio populo fraudandi decimas. ET PROBATE ME SUPER HOC, facite quod præcipio. SI NON APERUERO, supple, non credatis amplius mihi, nisi fecero quod promitto. CATA-RACTAS. Hebr. *fenestras calis aperiam*; sic Chald. id est si non dederò copiosum imbrem. Cataracta in fluviis sunt fauces angustæ, unde præcipitur aqua; hic pronubus humore onustus fumuntur. BENEDICTIONEM, id est ubertatem, copiam fructuum dabo. USQUE AD ABUNDANTIAM. Sept. *dones sufficiat*. Chald. *adeo ut dicatis: Satis est*. Hebr. *usque ad non sufficiens*; id est, non sint vasa & horrea, quæ eos fructus capiant.

V. 11. ET INCREPABO PRO VOBIS DEVORANTEM, id est depellam locustas & noxia alia animalcula. NEC ERIT STERILIS VINEA. Hebr. *nec orabit* (locusta) *vobis vineam in agro*.

V. 12. ET BEATOS VOS DICENT OMNES GENTES, scilicet admiratæ tamen ubertatem. TERRA DESIDERABILIS ERITIS; id est, omnes in ea habitare cupiens: Hicronym. Hæc. *terra beneplacii*, id est in qua Deus sibi placet, & illi ubertatem tribuit.

V. 13. INVALUERUNT SUPER ME, seu *contra me*, verba insolentia & gravia dixistis.

V. 14. PRAECEPTA EIUS. Hebr. *custodiam eius*, id est legem, quid prosoit nobis eam custodisse? *TRISTES.* Hebr. *obscuri*, id est humiliter, aut in nigra & pul- la veste lugentium in morem ambulavi- mus.

V. 15. ERGO NUNC BEATOS DICIMUS ARROGANTES. Hebr. *et nunc beatificamus arrogantes.* AEDIFICATI SUNT; id est, multos genuerunt filios, quod ad felicitatem in primis habebatur.

V. 16. TUNC LOCUTI SUNT. Hebr. *oblo- cuti sunt timentes Deum.* Increparunt ea stulta verba. Quisque focium suum incre- pavit. ET ATTENDIT DOMINUS, scilicet eorum verba. ET SCRIPTUS EST LIBER, id est eorum memoriam conservavit. TE- MENTIBUS DOMINUM, in eorum gratiam, ut illis beneficeret. ET COGITANTIBUS, id est legem Dei meditantibus, & mentis oculos ad Deum intentos habentibus.

V. 17. IN DIE QUA EGO FACIO; pro, faciam, scilicet iudicium. ET PARCAM EIS Sicut PARCIT VIR, id est quisque. FILIO SUO SERVIENTI SIBI: sic est Hebr. Duplex amoris causa; & quia filius, & quia obediens. Ut ergo pater filium talem ardentem amat, sic ego timentes me.

V. 18. ET CONVERTEMINI, scilicet qui dicitis: Vanus est, qui servit Deo; muta- bitis sententiam. ET VIDEBITIS QUID SIT INTER IUSTUM ET IMPIUM, id est quid intersit, quantum iustus differat ab impio, quali uterque conditione sit, qua- lem referat uterque mercedem.

M E N O C H I I.

Verf. 1. **E**CCE. VOX, ecce magnum do- cet esse quod sequitur, & at- tentione auditorum dignum. Assurgit ergo propheta ad tempora Christi, & de ad- ventu, praedicatione S. Ioannis Baptistae va- ricinatur. ANGELUM MEUM, id est Ioan- nem Baptistam, ut Dominus explicuit Matth. 21. 10. sunt verba Christi. PRAEPARA- BIT VIAM: docendo adventum meum, ex- hortando ad poenitentiam, & ad recipien- dum me. AD TEMPLUM SUUM: ad tem- plum Ierosolymitanum, ut ibi praedicet. DOMINUM. In Hebræo & cum articulo *יהוה haadon*, id est ille Dominus, sic et- iam in Græco *ὁ κυριος* Dominus ille, qui eminens, plenum, & supremum habet in

omnia dominatum. QUEM VOS QUÆR- TIS, id est expectatis, & venire optatis. ANGELUS TESTAMENTI, id est foederis, & pacti; hoc est, Angelus in foedere promissus, de quo mittendo Deus vobiscum iunxit foedus. Dicitur autem Angelus, quia Christus nuntius fuit, & interpret fidus di- vine voluntatis, quam manifestavit ho- minibus.

V. 2. ET QUIS POTERIT COGITARE, &c. Quis poterit cogitando comprehendere quanta futura sit dei illius gloria, cum filius Dei homo erit inter homines? QUIS STABIT AD VIDENDUM EUM? Quis lucem, & maiestatem solis huius iustitiae fer- re poterit? IPSE ENIM QUASI IGNIS CON- FLANS. Nullus ad tantam lucem, tantum- que amoris, & zeli ipsius ardorem non ca- leschet, & liquecet, nisi durus sit, obsti- natus, & rebellis lumini. Ignis conflans est ignis quo metalla solvuntur, & purifi- cantur. HERBA FULLONUM. S. Hiero- nym. in cap. 11. Jerem. num. 22. tradit herbam hanc Borith, sive fullonum, in virentibus & humectis Palæstinae locis na- sci, & ad eluendas sordes, & maculas e pannis eandem sive habere quam habet nitrum, & sapo, unde & herba saponaria tum Latine, tum Italice vocatur, signifi- catur Christum animas purissimas, & candidissimas redditurum.

V. 3. ET SEDEBIT CONFLANS: non per- functorie mundabit, sed ex professo, quod situs sedentis indicat. EMUNDANS ARGEN- TUM, id est animas purgans, sicut argen- tum purgat argenteus. ET PURGAVIT FI- LIOS LEVI; id est, sacerdotes Novi Te- stamenti, quorum figura fuerunt filii Le- vi. Dabit Ecclesiae optimos, & purgatissi- mos sacerdotes, ut Apostolos, & eorum successores. ET COLABIT EOS QUASI AU- RUM. Aliis, atque aliis verbis idem repe- tit ad emphasim purgationis. Aurum pu- rificatur igne, & colatur, ut penitus se- cernatur scoria, & immunditia omnis. ET ERUNT DOMINO OFFERENTES, &c. Cas- te, & sancte ministrabunt; non ut sacer- dotes, de quibus superiori capite locutus est. IN IUSTITIA: iuste, & perfecte.

V. 4. SACRIFICIUM IUDA, ET IERU- SALEM. Hoc est, Ecclesiae Christianae, quæ nova est Sion, & nova Ierusalem, SICUT DIES SAECULI, &c. sicut dies an- tiqui, quibus præci sancti viri Abel, Noe, Mel-

Melchisedech, Abraham, &c. sacrificaverunt: sic in Canone Missæ dicimus: *Sicuti accepta habere dignatus es munera pueri tui iusti Abel.*

V. 5. ET ACCEDAM AD VOS IN IUDICIO. Redit ad querelam Iudæorum dicentium supra cap. 11. numero ultimo, *Ubi est Deus iudicii?* Respondet enim, ecce brevi veniam in iudicio, vel, ut aliqui vertunt, ad iudicium, scilicet descendam in carne, & inspiciam perditos hominum mores; accedam etiam in ultimo adventu ad iudicium, ut reddam omnibus iuxta ea quæ meriti sunt. ERO TESTIS: ego qui futurus sum Iudex, cro etiam testis, nihil enim testibus indigeo, cum omnia nuda sint, & aperta oculis meis. VELOX. Vatablus vertit *Promptus*; alii, *Frissus*. MALEFICIS: incantatoribus, & magiæ deditis. QUICALUMNIANTUR MERCEDEM: qui per vim, & fraudem privant mercenarium mercede sua.

V. 6. EGO ENIM DOMINUS, ET NON MUTOR. Vos putabatis me indolem mutasse, & cum primum iustitiam amarem, nunc malos mihi placere, sed non ita est, ego enim Deus sum, & immutabilis. ET VOS FILII JACOB NON ESTIS CONSUMPTI: sicut sententiam non muto, & mihi semper mali displicent, eosque punio suo tempore; ita virtuti, & pietati semper faveo; quare licet malis multis vexati fueritis ad correptionem, non tamen consumpti estis, vos enim mea providentia servavi, & e malis eripui. Licet vos eodem sitis semper ingenio cervicosi, refractarii, & legibus meis rebelles, simile illud Threnorum tit. 22. *Miseri cordia Domini quia non sumus consumpti.*

V. 7. A LEGITIMIS MEIS: legibus meis. REVERTIMINI AD ME: per poenitentiam. ET REVERTAR AD VOS: per gratiam, amicitiam, & beneficentiam. IN QUO REVERTEMUR? quid faciendum nobis est, ut ad te revertamur, non enim videmur nobis a te recessisse.

V. 8. ST AFFIGET HOMO DEUM. Verbum Hebraicum *גָּבַח* *gabab*, significat affigere, & per metaphoram affligere, & vehementi dolore afficere, qui enim clavis affiguntur gravissimo dolore cruciantur. Sensus ergo est, quasi dicat: An æquum est ut homo Deum suum sauciet, & quasi agat in crucem, aut lancea transverbe-

ret, decimas, & primitias sacerdotibus, & Levitis debitas non persolvendo? IN DECIMIS, ET PRIMITIIS. Historiam habemus apud Nehemiam, orta est enim magna famines, ut dicitur eius Libri cap. v. 1. & seq. ita ut propter penuriam, decimæ Levitis non darentur a populo, sicut idem auctor scribit cap. xiii. 10.

V. 9. ET IN PENURIA VOS MALEDICTI ESTIS: immisi in vos magnam sterilitatem, quæ maledictionis nomine solet intelligi, quia pari modo me vos configitis, & affligitis egestate, & fame meos Levitas laborare permittentes.

V. 10. IN HORREUM, scilicet templi. ET SIT CIBUS IN DOMO MEA: quo ministri mei alantur. ET PROBATE ME SUPER HOC: experimentum capite, an sciam bene facere servantibus legem meam. Si NON APERUERO VOBIS; CATARACTAS CAELI; quasi dicat: Si non dederò vobis copiosum imbrem, quo fruges vobis large proveniant, habear mendax, vel non existimet Deus. Cataractæ sunt cancellatæ portarum fores adversum hostilem imperum pendulæ, quæ ingruentibus hostibus statim demittuntur. Tales etiam cataractæ adhibentur ad sustinendum aquarum fluxum: de his autem metaphoricè loquitur quasi essent in celo. ET EFFUDERO VOBIS BENEDICTIONEM, id est largissimam fertilitatem omnium quæ nascuntur in terra.

V. 11. INCREPABO PRO VOBIS DEVORANTES: prohibebo, quasi increpans, locustas, & alia animantia, quæ vorant fruges.

V. 12. BEATOS DICENT, &c. Admiratæ tantam fertilitatem, & ex ea vos Deo caros esse iudicantes. ERITIS VOS TERRA DESIDERABILIS, id est quasi terra desiderabilis, ut vertunt LXX. id est optimum fructuum bonorum operum feretis. Vel, ut ait D. Hieronym. Omnes in terra vestra habitare desiderabunt, propter insignem eius fertilitatem. Tribuit hominibus quod terræ est.

V. 13. INVALUERUNT SUPER ME. Redit Propheta ad blasphemiam Iudæorum, de qua extremo cap. 11. sensus est: prævaluerunt contra me, & sicut onus grave quodammodo opprimunt, & obrunt me, semper enim persistitis, immo crescitis in vestris blasphemis, quibus plures a me avertitis quam prophetæ mei suis concionibus ad me convertant.

V. 14. VANUS EST: frustra, & in vanum laborat. AMBULAVIMUS TRISTES: poenitentia, & dolore peccatorum.

V. 15. ERGO NUNC BEATOS DICIMUS ARROGANTES: cum hæc videamus, beatos vocamus arrogantes, qui contra Deum superbiunt, & blasphemant. SI QUIDEM AEDIFICATI SUNT; id est, re familiari aucti sunt, & filiis, quod magnæ felicitatis putatur; quasi dicat, Adeo non sunt extincti, ut etiam multa prole aucti sint, & divitiis abundant. TENTAVERUNT DEUM: peccatis eum irritantes, & provocantes. ET SALVI FACTI SUNT: nec tamen quidquam adversi illis accidit.

V. 16. TUNC LOCUTI SUNT. Iusti hæc videntes locuti sunt inter se; quod in hoc decebat, & se mutuo sunt cohortati ad defendendam Dei providentiam, & iustitiam cum proximis, proferentes quæ opportuna erant, & ex sacris litteris dedicerant. ET ATTENDIT DOMINUS ET AUDIVIT: scilicet quæ iusti pro Dei providentia, & quæ impii contra illam loquebantur. ET SCRIPTUS EST LIBER MONUMENTI, id est liber memoriarum, ut scilicet unusquisque suo tempore, aut premium referat; aut poenam eorum quæ locutus fuerit. TIMENTIBUS DOMINUM: in favorem, & gratiam timentium Dominum, qui semper eius recordantur, & de eo cogitant.

V. 17. ET ERUNT, scilicet iusti, & pii. IN DIE, QUAE EGO FACTO: cum quæ dixi effecta dabo, poenam infligendo sceleris, & premium largiendo integris, & probis cum iudicio faciam. ERUNT MIHI IN PECULUM, id est servabo eos, quasi peculium meum; erunt mihi in populum proprium, & peculiarem mihi dicarum, & ex mei visione, & fruitionem beatum. ET PARCAM EIS: non finem ut eos tribulatio, aut veritas excruciet, aut molestiam inferat. SICUT PARCIT VIR FILIO SUO: quem duplici nomine amat, & quod filius sit, & quod morigerum illum sit expertus.

V. 18. ET CONVERTEMINI, id est sententiam mutabitis vos impii.

T I R I N I.

Verf. 1. **E**CCE EGO (inquit SS. Trinitas) MITTO ANGELUM MEUM, nempe Ioanem Baptistam, ut ip-

semet Christus explicuit Matth. xi. 10. docent omnes SS. Patres: angelum, inquam, non natura vel incarnatione, (ut somniabat Origenes *a* & quidam Hebræi apud Eusebium *b* & S. Hieronymum,) sed officio, dignitate, excellentia, puritate & sanctitate, ut supra *c* dixit de sacerdotibus. Ioannes enim proxime præcessit Christum quasi honoratissimus eius legatus, prodromus, pronubus, & quasi vox, Propheta & plulquam Propheta, lucifer, aurora, amicus coniunctissimus: qui testimonio, doctrina, exemplo, baptismo suo PRAEPARABIT VIAM ANTE FACIEM MEAM, seu ante me, id est disponet animos Iudæorum, ut quando ego Messias me mundo patefaciam, ipsi me recipiant. Unde statim post Ioannem, VENIET DOMINATOR, Hebraice, *haadon*, id est ille (per excellentiam) Dominus, QUEM tot sæculis vos QUÆRITIS & post priorem illum angelum sequetur alter vobis optatissimus ANGELUS TESTAMENTI; Tigurini *legatus fœderis*, id est internuntius, mediator, conciliator fœderis inter Deum & homines non typici, umbratici, corporalis & temporalis, quale fuit vetus fœs Moisaicum, sed veri, spiritualis, æternis, & æterni, quale est novum testamentum, seu fœdus ab hoc magni consilii *d* angelo conciliandum.

V. 2. ET QUIS, seu hominum, seu angelorum, POTERIT COGITARE, vel mentem capere splendorem huius angeli; immo Filii Dei incarnandi? quis gloriam, emolumenta & fructus dici quo adveniet, vel a longe comprehendat? *Quis ferre poterit*, ut vertit Pagninus; vel ut LXX. *quis sustinebit* tantam adventantis lucem, gloriam, maiestatem? quis irretitoris oculis STABIT AD VIDENTEM hunc solem? Hæc cogita, o anima mea, dum Christum in Eucharistia præsentem habes, immo præsentem facis, & manibus tenes: & ore manducas. IPSE ENIM QUASI IGNIS CONFLANS, in ardentissima fornace succensus, quo sicut metalla conflantur, a scoria perpurgantur, mollescent, splendent & ignescunt, atque ita in quamlibet formam pro confessoris arbitrio deducuntur: ita & animis hominum accidet succensus igni & doctrinæ Sacramentorum, virtutum, & gratiarum a Christo submittendarum: *in quem enim misit se in terram: & baptiza-*

bit vos Spiritu S. & igne g. Tropologie, etiam igne g. tribulationis & afflictionis excoquet & mundabit Mariyres & electos suos Christus, ut Vatablus ait. ET QUASI HERBA FULLONUM; Hebraice, *sicut bo rith lavantium pannos*, (de qua alibi egimus) emundabit vestem suorum nuptiallem, candidamque & splendidam reddet. Et cum primis

V. 3. *Filiorum LEVI*, quos iam nominatim præ ceteris coargui. Parebit hoc in Stephano k, in Barnaba l, in tot sacerdotibus, quorum multa turba m, obediit fidei & Christo: ita Theodoret. Et hi sic emundati offerent Deo non amplius pollutas victimas Mosaicæ, sed sacrificium, Hebraice, *mineha*, (de quo supra n) puta corpus & sanguinem Christi sub speciebus panis & vini, idque in iustitia, id est iuste, pure, sancte, inquit idem Theodoretus, Rupertus & Lyranus.

V. 4. ET HOC SACRIFICIUM NOVUM *Ierosolyma*, id est Ecclesiæ Christi Ierosolymis inchoandæ, quæ vere & proprie erit IUDA, id est consensit Deum, PLACENT; Hebraice, *arbu*, id est dulce, sapidum, gratissimumque erit, DOMINO, SICUT DIES SÆCULI, id est (ut sequitur) SICUT ANNI ANTIQUI, seu sicut sacrificia quæ prisci patriarchæ Abel, Noe, Melchisedech, Abraham, Moyses, Aaron & alii viri sancti obtulerunt olim Deo. Si enim hæc, quæ tantum typi & umbræ erant sacrificii Eucharistici, adeo p acuerunt Deo, ut propterea benediceret toti illorum posteritati, immo toti orbi; quanto magis placebit illorum antitypum sacrificium Christi, a quo prisca illa vim omnem dignitatem suam hauserunt, & quod innitiis paribus præstantius est.

V. 5. ACCEDAM AD VOS IN, seu cum, IUDICIO, partim correctivo, de quo hætenus: partim vindicativo & punitivo, quod paulatim exeraim pro re nata, & pro occasione, sed perfecte demum complebo in die extremi iudicii. Nec subterfugiet quis iudicium istud, neque iudici imponet, quia qui iudex futurus sum, simul ERO ET TESTIS o.

V. 6. & 7. ET NON MUTOR, seu prece, seu pretio: sed constans & immutabilis sum in exequendis dictis, decretis, promissis meis, præmia bonis, poenas malis (contra quam vos supra p calumniati

etis,) impertiens, sed suo cuique tempore: ita S. Cyrillus, Theodoretus, Remigius, Rupertus, Hugo, Vatablus, Lyranus. Porro ad hoc vobis comprobandum, non aliis testibus utar, quam vobismet, o FILII IACOB, qui etiam recedendo a LEGITIMIS, seu legibus MEIS, milites promeruii sitis, ut vos contererem & stirpitus excinderem; tamen a me CONSUMPTI NON ESTIS, quia patribus vestris olim promisi y me vobis, et si peccantibus parciturum, dummodo poenitete velletis: unde etiam nunc suadeo vobis, REVERTIMINI AD ME per poenitentiam, & ego consueta beneficentia (quam vobis subtraham querimini) REVERTAR AD VOS, ut alibi r sapius promisi.

V. 8. SI AFFIGET HOMO DEUM; LXX. *si supplantabit*; Pagninus & Vatablus, *an spoliabit*; Aquila, Symmachus, Theodotion, *an fraudabit*; Syrus & Arabicus, *an opprimet*: hæc enim omnia significat Hebræorum *kaba*: sed præ omnibus, etiam Chaldaeorum & Syrorum lingua, ut ait S. Hieronymus, significat *affigere*. Sensus ergo est: Fierine potest, eo demeritis probabatur homo, ut Deum suum supplantare, bonis suis spoliare vel defraudare, quin & opprimere, & variis iniuriis atque opprobriis, quasi iaculis, clavis aut lanceis in cruce, configere conetur, uti vos conamini, subtrahendo mihi meisque ministris debitas *primitias ac decimas*? quarum defectu ministri cultum meum negligunt, sacra adulterant, calcant, pessumdant, ut ante / querebar: ita Remigius, Albertus, Hugo, Lyranus, Ribera, a Lapide. De hac eadem defraudatione, sub hoc idem tempus etiam Nehemias conqueritur, II. Eld. xiii. 10. S. Hieronymus refert hoc ad realem Filii Dei confixionem in cruce. Sed hoc mysticum est. Tropologie, omnes peccatores peccato suo quasi sagitta, quantum in se est, Deum configunt, *rursus crucifigentes Filium Dei, & ostentui habentes*, ut ait S. Paulus t. Et non est unius hoc aut elerius crimen;

V. 9. CONFIGITIS ME VOS OMNES & GENS TOTA. Quid mirum si etiam tota gens PENURIA & fame maledicatur & pleatur? Quæ cito cessabit, si vos ab hoc scelere resipueritis. Statim enim

V. 11. INCREPABO, id est cohibebo, locustam DEVORANTEM iam segetes vestras.

V. 12.

V. 12. ET VOS ERITIS TERRA DESIDERABILIS *u.* Hebraice, *desiderii* & complacentiæ, in qua scilicet complacebit sibi Deus, & quam benedicet, ac bonis omnibus cumulabit, ut fusc atque eleganter demonstrat S. Augustinus x, cum de reddendis Ecclesiæ decimis agit. Interim

V. 13. VERBA VESTRA blasphemata, quibus divinx iustitiæ ac providentiæ petulant, immo scurriliter detrahitis, INVALUERUNT & crescunt quotidie SUPER, id est contra, ME, ut exponitur vers. seq.

V. 14. VANUS, id est irremuneratus abit, QUI SERVIT DEO. Audin stulta mundi iudicia? Ergo nunc felices vocamus, TRISTES; Pagninus, *humiles*; LXX. *supplices*; Chaldaeus, *spiritus depressos*; sed *beatos dicimus*,

V. 15. ARROGANTES, superbos, Deo rebelles, qui quidvis audent, neminem reverentur, proximum calcant, obruunt, exsugunt. Nam quantumcumque impii in Deum, & in proximum iniurii, tamen AEDIFICATI SUNT, id est creverunt, aucti & ditati sunt proliis, opibus, impetio; scelus enormitate, frequentia, assiduitate TENTAVERUNT DEUM, explorare volentes an ad iram vel vindictam concitaretur, inquit a Castro. Sed ut salvos se & impunitos senserunt, quasi viatores, Deo, & iustis quibusque insultantes, liberrime in quavis scelera proruerunt.

V. 16. TUNC qui timebant DOMINUM, id est pii cultores Dei, palam contra LOCUTI SUNT, & Dei sui causam adversus blasphemos istos tuendam susceperunt, variis rationibus animantes se mutuo ad fidem, fiduciam & cultum Deo debitum fortiter constanterque præstandum: ita S. Hieronymus & alii passim. ET vero ATTENDIT utrisque DOMINUS, fidelis & testis omnium etiam minutissimorum futurus & iudex: unde & in libro MONUMENTI seu *memoriae* suæ (ut habent Hebræa, Græca, Syriaca & Arabica) singulorum diæta, facta, cogitata omnia accuratissime describit, & cuique pro meritis condigna præmia vel poenas decernit, quas statim tempore insiglet partim in hac, partim in futura vita. Hic liber *aa* publice patet toti universo in die iudicii. Tunc, sed *se*rius,

V. 18. CONVERTEMINI ET mutabitis sententiam, quando VIDEBITIS & recipia sen-

tietis, impios & arrogantes æternis inferorum ignibus, *humiles* vero & iustos celestibus paradisi gaudiis addici, ut fufius explicatur cap. seq.

(a) Orig. sup. cit. in prologo.

(b) Eutib. Lib. IX. Demonst. v.

(c) Malach. 11. 7.

(d) Isai. ix. 8.

(e) Isai. 19. 9.

(f) Luc. xii. 49.

(g) Luc. xii. 16.

(h) Psal. xvi. 3.

(i) Isai. 11. 22.

(k) Act. vi. 3.

(l) Act. 17. 36.

(m) Act. 17. 7.

(n) Malach. 1. 11.

(o) Apoc. 1. 5.

(p) Malach. 11. 17.

(q) Deut. xxx. 1.

(r) Zach. 1. 3. Thren. v. 22. Vide Tzid. fess. ve

cap. v.

(s) Malach. 1. 7.

(t) Hebr. vii. 8.

(u) Isai. lxxi. 3. Isai. 117. 39.

(v) August. Sermon. CCXIX. de tempore.

(y) Malach. 111. 5.

(z) Ezech. 11. 23.

(aa) Dan. vii. 10. Apoc. xx. 12. Deut. xxxiii.

43. Luc. x. 20.

GORDONI.

Vers. 1. ECCE EGO MITTO ANGELUM, &c. Christus venturus Deus homo, dabit pueros sacerdotes. Et ipse hic loquitur, dicens se mittere Angelum, seu, ut interpretatur Mathæus, præcursores Baptistam, ex Math. xi. 10. ergo ANTE FACIEM MEAM (si filius loquitur) hoc est ante me, seu antequam veniam, ut Matth. habet ante faciem tuam. Certe Christus Deus est & homo, & ex hoc duplici capite dicere Christus potuit, tum meam, ut notum est; tum etiam tuam, dum Christus Deus loquitur sibi ut homini, seu ante faciem tuam o fili hominis. Nec putandum est aliud voluisse Cornelium, quando in medio loquendi finxit sibi hic personam humanam.

Ceterum Hieronymus hic, per templum intelligit Ecclesiam Angeli vero hic duo sunt; unus est præcursor Ioannes; alter est Christus ipse, Angelus legatus, & conciliator novi Testamenti, nempe Salvator expectatur, & qui Isai. ix. 6. vocatur *magis consilii Angelus*.

V. 2. ET QUIS POTERIT COGITARE, &c. Loquitur constanter, de primo adventu, & quidem admirabili. Quis enim satis com-

comprehendet hoc Dei consilium, hoc divinum opus incarnati verbi, hanc potentiam, virtutem, charismata, &c. Ipse quasi ignis conplans, ipse enim ut fornax ardens emollit quæ vult hominum corda, adde mitos gratiæ effectus, & cum erga alios, tum mundando sibi ministros Levi; ET PLACBIT, tunc oblatum sacrificium: ergo sub lege Evangelica & Messia erit sacrificium, ut probatum est cap. 1. II.

V. 5. ET ACCEDAM AD VOS IN IUDI-

cio, &c. In die illa descendet velut inspector criminum, iudex, & puniens. Quamvis aliqui hoc referant ad secundum adventum; mox verò 8. criminatur Iudæos Deus ob usurpatas decimas, & malum intentat.

V. 6. Locus Theo. de immutabilitate Dei.

V. 13. INVALUERUNT, &c. Hæc sunt in blasphematores, negantes providentiam, & atheos: textus clarus est habens præmia malorum & bonorum.

CAPUT IV.

Dies Domini inflammabit omnes facientes impietatem, evulsa ipsorum radice: orietur sol iustitiæ Deum timentibus, qui calcabunt impios: iubet reminisci legis Moysi: Elias antequam veniat dies Domini missendus prædicitur, qui convertat cor patrum ad filios.

Ecce enim dies veniet succensa quasi caminus, & erunt omnes superbi, & omnes facientes impietatem, stipula: & inflammabit eos dies veniens, dicit Dominus exercituum, quæ non derelinquet eis radicem & germen. 2. (a) Et orietur vobis timentibus nomen meum Sol iustitiæ, & sanitas in pennis eius: & egrediemini, & salietis sicut vituli de armento. 3. Et calcabitis impios, cum fuerint cinis sub planta pedum vestrorum, in die qua ego facio, dicit Dominus exercituum. 4. (b) Mementote legis Moysi servi mei, quam mandavi ei in Horeb ad omnem Israel, præcepta & iudicia. 5. (c) Ecce ego mittam vobis Eliam prophetam, antequam veniat dies Domini magnus, & horribilis. 6. Et convertet cor patrum ad filios, & cor filiorum ad patres eorum: ne forte veniam, & percutiam terram anathemate.

(a) Luc. 1. 78. (b) Exod. 22. Deut. 10. 6. (c) Mat. xviii. 10. Marc. 9. 13. Luc. 1. 17.

COMMENTARIA

S A.

Vers. 1. DIES, scilicet iudicii. SUC-
CENSA, scilicet igne præc-
dente iudicium. SUPERBI. Chald. *impii*.
IMPIETATEM. LXX. *iniqua*. STIPULA.
Chald. *sicut stipula*. NON DERELINQUET,
&c. quasi dicat, Penitus, seu omnia bo-
na, spemque boni.

V. 2. SOL, scilicet Christus. IUSTITIÆ,
scilicet dator, & conservator. PENNIS, id
est radiis, scilicet gratiis. EGREDIEMINI,
scilicet e mundo, vel sepulcris. VITULI
DE ARMENTO. Chald. *vituli saginati*. LXX.
vituli relaxati vinculis; quasi dicat, Cele-
riter, & læte.

V. 3. CALCABITIS, scilicet sub pedibus
habebitis, & eum Christo damnabitis. Vi-
de

de Psal. cxlxi. Sap. iii. Cinis; pro, velur cinis; quasi dicat, Utilissimi & abiectionissimi. FACIO, scilicet iudicium de toto mundo.

V. 4. MEMENTOTE, scilicet ut servetis. HOREB, qui & Sinai. PRAECEPTA, & Lex, moralia praecepta; praecepta, carimonialia; iudicia, iudicialia.

V. 5. ELIAM, scilicet in primo adventu Ioannem, in secundo Eliam. HORRIBILIS. Chald. *terribilis*. LXX. *illustris*.

V. 6. CONVERTET, &c. August. XX. Civit. patrum intelligentiam ad filios perducet, & faciet, ut filii consentiant in id quod patres senserunt. Chald. *refrictur*. PATRUM, scilicet Patriarcharum. AD FILIOS, scilicet ut illorum cor & filiorum unum sit, Christum suscipiendo. AD PATRES, scilicet imitandos in vera fide, & moribus. ANATHEMATE. Chald. *exterminatione*. LXX. *penitus*; quasi d'cat, Ne illos (si aliter agant quam volo) supplicio aeterno eodemque seu a sanctorum consortio separem praecisos.

E S T II.

Vers. 5. **E**CCE EGO MITTAM VOBIS ELIAM PROPRIETAM, ANTEQUAM VENIAT DIES DOMINI MAGNUS ET HORRIBILIS. ET CONVERTET COR PATRUM AD FILIOS, ET COR FILIORUM AD PATRES EORUM. Duplex huius loci est expositio. Alii de Elia Thesbite intelligunt, qui venturus sit ante diem extremi iudicii quem hoc loco dicunt vocari diem Domini magnum, & horribilem, ut convertat populum Iudaicum sua praedicatione ad fidem veri Messiae. Alii exponunt de Ioanne Baptista, quia ut testatur Angelus Gabriel Luca 1. *Ipse praecedet Dominum in spiritu & virtute Eliae*. Ubi etiam quod hic additur, *Et convertet cor patrum*, &c. similiter Angelus Ioanni tribuit. Eandem expositionem confirmare videtur Dominus in Evangelio, de Ioanne loquens: *Si vultis recipere, inquit, ipse est Elias, qui venturus est*. Et cap. xviii. *Dico autem vobis, quia Elias iam venit; & non cognoverunt eum, sed fecerunt in eum, quicumque voluerunt*. Hanc posteriorem expositionem pluribus locis sequitur B. Hieronymus, & alii post eum. Priori tamen neque favet ecclesiastica sententia, de Elia

venturo in fine saeculi. Unde apud Septuaginta hoc loco legitur: *Mittam vobis Eliam Thesbiten*; quasi dicat: Ipsum Eliam in persona. Ita habet codex meus Graecus, Latinus non habet. Tertull. quoque Lib. de anima cap. xxv. legit *Thesbiten*. Sic quoque apparet legisse Cyrillum Lib. I. in Ioannem cap. xxiv. Chrysost. etiam hom. lviii. in Matt. xviii. aperte testatur Malachiam adscripsisse patriam, dicendo Thesbiten; ne illa prophetia putaretur in Ioanne Baptista completa. Item Euthymius in Math. xi. & xvii. citat verba prophetarum, addendo *Thesbiten*.

M A R I A N A E.

Vers. 1. **E**CCE ENIM DIES VENIET. Dixisti: Vanus est qui servit Deo. Timentes Deum contra locui sunt: Veniet dies iudicii quasi ignis, scilicet constans & purgans metalla, ut inter utroque discerneret. FACIENTES IMPIETATEM, sive iniquitatem erunt. STIPULA, id est quasi stipula cito consumentur & penitus. ET INFLAMMABIT EOS DIES VENIENS, seu ventura, illo die consumentur. QUAE NON DERELINQUET EIS RADICEM ET GERMIN, seu radicem & ramum, ut Sept. id est penitus comburentur. Chald. *filium nec nepotem non relinquet eis*.

V. 2. SOL IUSTITIAE orietur, nempe Christus. Aut sic: Ignis, qui impios consumet, illuminabit vos, quasi Sol iustitiae; quem *iustitia* vocat, quia magna aequitate inter impios & iustos discernet. ET SANITAS IN PENNIS EIUS, scilicet radiis. Radii erunt salutare, qui *penna* vocantur, aut *ale*, quia radii sol tegitur quasi alis. ET EGREDIEMINI, ET SALIETIS, scilicet prae laetitia palam choreas plaudetis. Hebr. *egrediemini, & crescetis*, id est quicumque iveritis, crescetis numero & opibus. SICUT VITULI DE ARMENTO. Hebr. *sicut vituli saginati*; ut illi adipe & carnibus maiores sunt aliis, sic vestra felicitas maior quam aliorum erit. Et calcabitis impios.

V. 3. CUM FUERUNT CINIS, seu, quia erunt pulvis, id est ut pulvis sub vestris pedibus, vobis subditi, ut pulvis pedibus, & contempti erunt impii. IN DIE QUAE EGO FACIO, scilicet iudicium. Hebr. posunt sic verti: *In die, quam ego facio*. Is

Is erit peculiaris dies Domini, dies scilicet iudicii.

V. 4. MEMENTOTE LEGIS, eam servate legem, quam Moyses lex significabat, id est Evangelicam. QUAM MANDAVI ET IN HOREB, id est Sinai. Mons binomius. PRAECEPTA ET IUDICIA. Per legem hic moralia, per praecepta caerimonias, per iudicia quidam iudicialia intelligunt. Esto.

V. 5. MITTAM VOBIS ELIAM PROPHE- TAM. Hieronymus per Eliam Prophetas in genere intelligit. Mittam vobis Prophetas ante diem iudicii. Burg. & Vatabl. totum Caput de primo Christi adventu explicant, & per Eliam, Ioannem Baptistam intelligunt. Verum antiqui Patres repugnant, qui haec de Elia accipiunt frequentes venturo ante diem iudicii, & ante secundum Christi adventum, de quo hoc Caput accipiunt: Augustinus XX. de Civit. cap. xxix. & Isidorus de Ortu & obitu Patrum, cap. xxxv. Summa, duplex Elia exiit, alter mysticus: Ioannes Baptista, de quo Marc. ix. 13. *Elias iam venit; & Lucæ 1. 17. in spiritu & virtute Elia.* Alter verus Elia, de quo III. Reg. Christus utrumque Eliam iunxit Matth. xviii. illis verbis: *Elias quidem venturus est, & quæ sequuntur.* Malachias plane hoc loco de vero Elia agit, atque adeo Sept. pro *Eliam Prophetam* verterunt *Eliam Thesbiten*, ut legitur in Comment. Hieronymi, & Græcis Bibliis Romæ editis. Nam Regia, quæ Græce legunt *Eliam Prophetam*, haud dubium in eo sunt vitiata.

V. 6. ET CONVERTET COR PATRUM AD FILIOS, id est faciet, ut quod Patriarchæ crediderunt & observarunt, idem eorum posterii faciant & credant, sit unum cor & mens patrum & filiorum. Hoc Hieronymus. Aut sic cum Hebr. Schol. *convertet patres cum filiis, & filios cum patribus*, id est omnes simul convertet, orbem universum. NE FORTE VENIAM. Hic forte non significat eventum dubium, sed tempus adventus indeterminatum; quasi dicat: Convertet omnes Elias, antequam suo tempore veniam. ET PERCUTIAM TERRAM ANATHEMATE, id est excindam penitus terræ habitatores, quod in die iudicii fiet. Id significat quod posuere Sept. *percutiam terram penitus.*

Bib. Sac. Tom. XXII.

MENOCHII.

Verf. 1. **D**IES VENIET, scilicet iudicii. SUCCENSA: & propter ignem præcedentem faciem iudicis, & propter ignem infernum, qui damnatos excipiet Daniel. vii. 9. legimus, *Fluvius igneus rapidusque egrediebatur a facie eius.* STIPULA: non quod finem habiturus sit ignis ille, sed quod ita celeriter eos corripiet, ac si essent stipula, quæ se ab igne proximo defendere non possent. DIES VENIENS: nam dies succensa erit. RADICEM ET GERMEN: omnia bona & spem boni absumet. Omnes eorum voluptates, & divitias penitus abolabit. Italice etiam dicimus, *Non ci resterà nè ramo nè radice.*

V. 2. ET ORIETUR VOBIS, &c. cum hæc mali patientur, vobis iustus oriatur sol iustitiæ; id est, Christus venit de cælo ad iudicium. Christus sol dicitur propter splendorem visibilem, & maiestatem. Secundo, propter lætitiā, quam iusti asferet. Tertio, quia adventu suo fugabit omnes tenebras, id est afflictiones iustorum. Quarto patefaciet arcana cordium. SOL IUSTITIÆ. Dicitur sol iustitiæ, quia ea omnia quæ habet, ut sol, hoc est, in quibus soli similis est, impendit iustitiæ, hoc est in favorem, & commodum iustorum. SANITAS IN PENNIS EIUS: sanitas corporis, & animæ. Corporis quidem propter dotes impassibilitatis, agilitatis, subtilitatis, claritatis, &c. Animæ propter integritatem omnium virium, & facultatem ipsius, & lætitiā, & beatitudinem quam asferet. IN PENNIS EIUS: in radiis eius; sic enim hos vocat locutione poetica; radii enim solis sunt in eo, quasi pennæ in avibus. EGREDIEMINI: de hoc seculo, de hac vita, vel de sepulchris obviam Christo. SALIETIS: in altum tollemini dote agilitatis. Sicut vituli de armento. LXX. *sicut vituli de vinculis relaxati.* Hac similitudine significatur I. absoluta sanitas, robur, & vigor corporum beatorum. II. ingens lætitiā. III. dos agilitatis, quæ præditi erunt.

V. 3. CALCABITIS IMPIOS: sub pedibus eos habebitis victos. Quod Christi est, iuxta illud Psal. cix. *Donc ponam inimicos tuos, &c. tribuit sanctis, quia etiam ipsi*

R r

ipfi

ipsi suo modo iudicatori sunt. CUM FUERINT CINIS, id est instar cineris comminuti, & humiliati, contemptissimi facti, & abiectissimi. IN DIE QUA EGO FACTO: vide dicta superiori cap. num. 7.

V. 4. MEMENTO LEGIS MOYSI. Cum tanta pramia maneant bonos, legem servate, ut tunc salutem inveniat. Loquitur hominibus sui temporis. Eadem ratione præcipitur Christianis, ut servant legem Christi. I. HOREB: ubi data est Lex, & est mons Arabiæ ad Galat. IV. 25. appellatur etiam Sina. PRAECEPTA ET IUDICIA. Vel hæc sunt Synonyma, vel si distinguere placeat, per legem intellige præcepta moralia; per præcepta, ceremonialia; per iudicia, iudicialia.

V. 4. ELIAM PROPHETAM: qui designatus est, & servatus præcursor secundi adventus. DIES DOMINI: dies iudicii. MAGNUS: quia magna in eo facturus est Christus. HORRIBILIS: propter sententiam, & damnationem impiis infligendam. Magnus iustus; horribilis peccatoribus.

V. 6. CONVERTET COR PATRUM AD FILIOS: cor patriarcharum aversum a filiis suis in Christum non credentibus, convertet Elias ad filios, reddens eos gratos ipsis patriarchis Abraham, Isaac, Iacob, &c. NE FORTE VENIAM, &c. ne cum venero, forte inveniam terram in sua incredulitate, & peccatis adhuc hærentem; atque ita illam funditus perdam. TERRAM: ita vocat eos qui terrena sapiunt, quales præcipue sunt Iudæi. ANATHEMATE. Anathema vocat perditionem integram, & excisionem, nam Hebraicum *חרם* *cherem*, significat excisionem, qua res spiritus excinditur, excimitur, & perditur.

T I R I N I.

Verf. 1. ECCE ENIM DIES IUDICII tum particularis, tum universalis, *adveniet* unicuique, illa in morte singulorum, ista in fine mundi, SUCCENSA ardentissimo igne *a*, non tantum metaphorico, iræ & ultionis divinæ, ut S. Hieronymus, Remigius & Clarus exponunt, sed etiam physico & proprio dicto, puta igne conflagrationis mundi, qui præbit iudicium: & igne infernali, qui instat listoris assistet iudici, inquit Lyranus, Vatablus & a Lapide. Hoc igne ita excidentur opes, deli-

ciz, gloria *impiorum*, ut *nee germen, nee radix*, id est spes recuperandi ulla relinquatur. Pius e contrario

V. 2. ORIETUR SOL IUSTITIAE, id est iustus seu verus Sol, nempe *Christus*, non ad eos excrucandos, adurendos, affligendos, (ut impiis *b* continget, sed ad eos vivificandos, illuminandos, recreandos, ac plene sanandos: *sanctus* enim est IN PENNIS, seu alis, id est in radiis, EIUS: nam ut horum claritate fugantur tenebræ, calore vero plantæ & animalia vegetantur, sanantur, recreantur, reviviscunt; ita dotibus gloriosis & gloria beatifica quasi radiis solaribus a Christo iudice in omnes iustos emittendis, perfecte sanabuntur, instaurantur, recreabuntur tum corpora, tum animæ illorum, inquit S. Hieronymus, Cyrillus, Theodoretus, Remigius, Lyranus & alii, uno excepto Aria, qui hæc omnia primo Christi adventui accommodat.

V. 4. MEMENTOTE, o Iudæi, LEGIS QUAM MANDAVI MOYSI IN HOREB, ut PRAECEPTA istic tradita ET IUDICIA, id est sanctiones iudiciales, immo & ceremoniales, quamdiu istæ obligabunt (nam loquitur Iudæis istius ævi) exactissime complentis: nam in die iudicii rationem servatz, vel non servatz legis iudex ante omnia deposcet: ita Remigius, Albertus, Hugo, Vatablus, Arias, a Lapide. Porro ad magis vos excitandos, & officii vestri commonefaciendos,

V. 5. & 6. ECCE EGO sub id tempus MITTAM VOBIS notum charumque monitorem, doctorem, PROPHETAM ELIAM Thesbiten, ut est in Arabico, & etiam in LXX. Vaticana editione, & est communis non modo SS. Patrum Græcorum ac Latinorum, sed etiam antiquorum Hebræorum sententia *c*. Et Ecclesiasticus alludens ad hunc locum, aptat hæc Eliæ qui cælum continuit seu clausit *d* annis tribus cum medio, qui ter *e* deiecit ignem de cælo, qui mortuum suscitavit *f* filium viduæ Sareptanz, qui curru igneorum *g* e quorum raptus est in paradysum: quæ nulli alteri quam Eliæ Thesbitæ conveniunt. Sic præcursor erit secundi adventus Christi, sicut Ioannes Baptista præcursor fuit primi. Par erit utriusque officium, zelus, prædicatio: unde & nomen *Eliæ* idem utique *b*, sed uni typicum, alteri proprium. Ioannes enim *præcedet* Christum in *i* spiritu & vir-

tute

GORDONI.

tate *Eliæ*: Thesbites autem etiam in persona. Uterque CONVERTET COR PATRUM AD FILIOS, ET COR FILIORUM AD PATRES; id est, efficiet sua prædicatione, ut Iudæi filii primum Patriarcharum idem circa personam Messie, alique fidei mysteria sentiant quod senserunt à Patriarchæ: & ita cor Patriarcharum ante ab incredulis filiis aversum & alienatum, ad eandem credentes & Christo servientes convertet, ut illos pro legitimis & carissimis filiis suis agnoscant, inquit S. Hieronymus, Remigius, Rupertus, Lyranus. *Ipse restituet omnia*, id est omnes tribus *Iacob* (ut Ecclesiasticus *m ait*) reducet ad pristinam patrum & sinceram fidem. Quod Ioannes solum inchoate fecit; sed *Eliæ* plene perficiet: nam ipsius ope *omnis in Israël salvus fiet*, ut est communis Patrum sententia, & Ecclesiæ traditio. Prævertet ergo *Eliæ* & impedit NE FORTE VENIAM ET PERCUTIAM (est hendiadys, pro, *ne veniens percutiam*) ANATHEMATE, id est maledictione æternæ damnationis, TERRAM, id est incolas terræ: nam conversos tam ex Iudæis quam ex Gentilibus non damnabo, sed salvabo æternum, inquit S. Hieronymus, & alii Patres. Quo loco, quo statum sit *Eliæ*, & quo socio sub finem mundi ad nos rediturus, exposui Gen. v. 24. & IV. Reg. ii. 11. & Apoc. xi. 3.

(a) *Isaï* I. 115. *Psal.* xcvi. 3. *Dan.* vii. 9. & I. Cor. iiii. 11.

(b) *Matth.* xxv. 41.

(c) *Matth.* xvii. 10. & *Galatin.* Lib. X. cap. vi. *Ecclesi.* xlviii. 10.

(d) *III. Reg.* xviii. 1. & *Iacobi* v. 17.

(e) *III. Reg.* xviii. 38. & *IV. Reg.* i. 10. & 12.

(f) *III. Reg.* xviii. 22.

(g) *IV. Reg.* ii. 11.

(h) *Matth.* xxi. 16. *xviii.* 10.

(i) *Lucæ* i. 17.

(k) *Iosue.* viii. 36. *Lucæ* xxiv. *Matth.* xiii. 17.

(l) *Matth.* xvii. 10.

(m) *Ecclesi.* sup.

(n) *Rom.* xi. 26.

vers. 1. **O** Curre hic illis qui cap. iiii. *vers.* 14. dicebant cultum Dei esse inutilem. VENIET, inquit, Deus per Prophetam purgans & discriminans metalla, & impii ut combusta stipula consumantur. Sol iustitiæ Christus orietur, & sanitas bonorum erit in pennis seu radiis eius. Quod varia insuper similitudine & metaphora declaratur, interim servate (*vers.* 4.) inquit, legem quam denotabat lex Moïsi; hoc est, Evangelicam custodite. Sunt etiam qui dicant hic velut in parenthesis agi de servanda lege Moisaica, nempe usque ad Christi adventum, sed nexus vix apparet. V. 5. MITTAM VOBIS ELIAM, &c. Omnino dicendum hic agi de vero *Eliæ*, ut sentiunt antiqui Patres: immo Septuaginta vertunt *Eliam* Thesbitem ex Hieronymo in commentariis; quamvis aliqua additio Græca habeat *Eliam* Prophetam. Lege consentientem Aug. Lib. XX. de civitate cap. xxix. mysticus quidem *Eliæ* fuit Ioannes Baptista, de quo *Matth.* xi. 14. Christus iunxit utrumque *Eliam* *Matth.* *vers.* xi.

V. 6. ET CONVERTET COR PATRUM AD FILIOS, &c. Sane Iudæi in fine mundi convertentur, & ad hoc conferet plurimum prædicatione *Eliæ*, qui convertet corda filiorum, & efficiet ut quod antiqui Patres & Patriarchæ summis votis expectaverunt de adventu Messie, hoc ipsum tandem credant & amplectantur posteri Iudæorum & reliquæ *Israel*. Quod optime expressit Ecclesiasticus. cap. xlviii. 10. hæc autem præstabit *Eliæ*; ne cum venero forte inveniam terram impietate plenam. Itaque *forte* refertur non quidem ad adventum, quippe qui certus & decretus est, sed ad impietatem hominum, quibus nempe manet libertas & indifferentia ad bonum & malum.

LIBER PRIMUS MACHABAEORUM.

HIC liber historiam quadraginta annorum continet; qui non a morte Alexandri, sed a regno Seleucidarum numerantur, duodecim post annis, ex Eusebio, Lib. VIII. Demonstrat. Evang. Illud quoque admodum probabile est, auctores horum librorum uno fere anno inter se diffidere in computatione, seu ob allatam supra rationem, seu ob diversa anni principia: cum alii a Martio, ut Iudai, anno inciperent, alii a Septembri, ut Antiocheni.

Ceterum perturbatus narrationis ordo, & capita transposita obscuritatem quamdam afferunt. Historia fere omnis utriusque libri, Antiochi Illustris, Eupatoris, & Demetrii temporibus continetur. Antiochus Epiphanes regnare cepit anno Imperii Græcorum 137. Duas in Ægyptum expeditiones paravit, priorem anno 143. de qua Machab. L. II. cap. iv. alteram anno 145. de qua eo in libro, cap. v. Eodem anno spoliatur templum Ierosolymæ, & Matathias primus Iudeorum dux patrias leges tueri, ex Lib. I. Machab. cap. II. Anno 146. Iudas Machabæus Antiocho bellum infert; Machabæi nomen illi inditum plerique volunt, quod vexillis hæc verba cantici Moysis Exod. xv. 11. Hebraice מַכַּבִּי inscripserit, Quis similis tui in diis, Domine? Prima harum vocum littera Hebraica nomen Machabæi efficiunt. Hebræi compendii causa sæpe unum constant vocabulum ex primis litteris multarum vocum.

Anno 148. Iudas purgat templum ex L. I. Machab. cap. iv. vers. 52. anno ante obitum Antiochi. Quod autem Lib. II. Machab. cap. x. vers. 3. purgatio facta narratur post biennium a morte Antiochi, purgatio non dicitur bis facta, aut diversis temporibus, sed narrata morte Antiochi repetitur, & facta dicitur post biennium, non a morte Antiochi, sed a profanatione templi. Ita quidem P. Gordanus in Synopsis horum librorum, qui rerum gestarum seriem & librorum capita nativo ordini restituit.

CAPUT PRIMUM.

Mortuo Alexandro Magno, qui Darium percusserat, successit tandem in Græcia Antiochus Illustris: sub quo scelerati quidam ex filiis Israel profanarunt Ierusalem: Antiochus autem, devicto Ptolemæo rege Ægypti, invasis Ierusalem; & ablatis omnibus vasis templi ac thesauris, fecit eadem magnam, unde ortus est ingens planctus: simile fecit & Princeps tributorum ab eo missus, incensa Ierusalem, plurimisque in captivitatem ductis: Antiochus leges idololatriæ Iudeis statuit, ablatis cunctis divini cultus caerimoniis, & edificato idolo desolationis, renitentes misere trucidans: cuius edicta plurimi impii secuti sunt, pii vero respuerunt, mortem potius subire parati.

1.  T factum est, postquam percussit Alexander Philippi Macedo, qui primus regnavit in Græcia, egressus de terra Cethim, Darium regem Persarum & Medorum: 2. constituit prælia multa, & obtinuit omnium munitiones, & interfecit reges terræ, 3. & pertransiit usque ad fines terræ: & accepit spolia multitudinis Gentium: & siluit terra in conspectu eius. 4. Et congregavit virtutem, & exercitum fortem nimis: & exaltatum est, & elevatum cor eius: 5. & obtinuit regiones Gentium, & tyrannos: & facti sunt illi in tributum. 6. Et post hæc decedit in lectum, & cognovit quia moreretur. 7. Et vocavit pueros suos nobiles, qui secum erant nutriti a juventute: & divisit illis regnum suum, cum adhuc viveret. 8. Et regnavit Alexander annis duodecim, & mortuus est. 9. Et obtinuerunt pueri eius regnum, unusquisque in loco suo: 10. & imposuerunt omnes sibi diademata post mortem eius, & filii eorum post eos, annis multis, & multiplicata sunt mala in terra. 11. * Et exiit ex eis radix peccatrix, Antiochus illustris, filius Antiochi regis, qui fuerat Romæ obses: & regnavit in anno centesimo trigesimo septimo regni Græcorum. 12. In diebus illis exierunt ex Israel filii iniqui, & suaserunt multis, dicentes: Eamus, & disponamus testamentum cum Gentibus, quæ circa nos sunt: quia ex quo recessimus ab eis, invenerunt nos multa mala. 13. Et bonus visus est sermo in oculis eorum. 14. Et destinaverunt aliqui de populo, & abierunt ad regem: & dedit illis potestatem ut facerent iustitiam Gentium. 15. Et ædificaverunt gymnasium in Ierosolymis secundum leges Nationum: 16. & fecerunt sibi præputia, & recesserunt a testamento sancto, & iuncti sunt Nationibus, & venundati sunt ut facerent malum. 17. Et paratum est regnum in conspectu Antiochi, & cœpit regnare in terra Ægypti, ut regnaret super duo regna. 18. Et intravit in Ægyptum in multitudine gravi, in curribus, & elephantis, & equitibus, & copiosa navium multitudi-
ne: 19. & constituit bellum adversus Ptolemæum regem Ægypti, & veritus

ritus

ritus est Ptolemæus a facie eius, & fugit, & ceciderunt vulnerati multi. 20. Et comprehendit civitates munitas in Terra Aegypti: & accepit spolia Terræ Aegypti. 21. Et convertit Antiochus, postquam percussit Aegyptum in centesimo & quadragesimo tertio anno: & ascendit ad Israel. 22. & ascendit Ierosolymam in multitudine gravi. 23. Et intravit in sanctificationem cum superbia, & accepit altare aureum, & candelabrum luminis, & universa vasa eius, & mensam propositionis, & libatoria, & phialas, & mortariola aurea, & velum, & coronas, & ornamentum aureum, quod in facie templi erat: & comminuit omnia. 24. Et accepit argentum, & aurum, & vasa concupiscibilia: & accepit thesauros occultos, quos invenit: & sublati omnibus abiit in terram suam. 25. Et fecit eadem hominum, & locutus est in superbia magna. 26. Et factus est planctus magnus in Israel, & in omni loco eorum: 27. & ingemuerunt principes, & seniores: * virgines, & iuvenes infirmati sunt: & speciositas mulierum immutata est. 28. Omnis maritus sumpsit lamentum: & quæ sedebant in thoro maritali, lugebant: 29. & commota est terra super habitantes in ea, & universa domus Iacob induit confusionem. 30. Et post duos annos dierum, misit Rex principem tributorum in civitates Iuda, & venit Ierusalem cum turba magna. 31. Et locutus est ad eos verba pacifica in dolo: & crediderunt ei. 32. Et irruit super civitatem repente, & percussit eam plaga magna, & perdidit populum multum ex Israel. 33. Et accepit spolia civitatis: & succendit eam igni, & destruxit domos eius, & muros eius in circuitu. 34. & captivas duxerunt mulieres: & natos, & pecora possederunt. 35. Et ædificaverunt civitatem David muro magno & firmo, & turribus firmis, & facta est illis in arcem. 36. & posuerunt illic gentem peccatricem, viros iniquos, & convulnerunt in ea, & posuerunt arma, & escas, & congregaverunt spolia Ierusalem; 37. & repoluerunt illic: & facti sunt in laqueum magnum. 38. * Et factum est hoc ad insidias sanctificationi, & in diabolum malum in Israel: 39. & effuderunt sanguinem innocentem per circuitum sanctificationis, & contaminaverunt sanctificationem. 40. Et sugerunt habitatores Ierusalem propter eos, & facta est habitatio exterorum, & facta est externa semini suo, & nati eius reliquerunt eam. 41. Sanctificatio eius desolata est sicut solitudo, (a) dies festi eius conversi sunt in luctum, sabbata eius in opprobrium, honores eius in nihilum. 42. Secundum gloriam eius multiplicata est ignominia eius: & sublimitas eius conversa est in luctum. 43. Et scripsit Rex Antiochus omni regno suo, ut esset omnis populus, unus: & relinqueret unusquisque legem suam. 44. Et consenserunt omnes Gentes secundum verbum regis Antiochi: 45. & multi ex Israel consenserunt servituti eius, & sacrificaverunt idolis, & coinquinaverunt sabbatum. 46. Et misit Rex libros per manus nuntiorum in Ierusalem, & in omnes civitates Iuda: ut sequerentur leges Gentium terræ, 47. & prohiberent holocausta, & sacrificia, & placationes fieri in templo Dei, 48. & prohiberent celebrari sabbatum, & dies sollemnes: 49. & iussit coinquinari sancta, & sanctum populum Israel. 50. Et iussit ædificari aras, & templa, & idola, & immolari carnes suillas, & pecora communia, 51. & relinquere filios suos incircumcisos, & coinquinari animas

eorum * in omnibus immundis, & abominationibus, ita ut obliviscerentur legem, & immutarent omnes iustificationes Dei: 52. Et quicumque non fecissent secundum verbum regis Antiochi, morerentur. 53. Secundum omnia verba hæc scripsit omni regno suo: & præposuit principes populo, qui hæc fieri cogerent. 54. Et iusserunt civitatibus Iuda sacrificare. 55. Et congregati sunt multi de populo, ad eos qui dereliquerant legem Domini: & fecerunt mala super terram: 56. & effugaverunt populum Israel in abditis: & in absconditis fugitivorum locis. 57. Die quintadecima mensis Casseu, * quinto & quadagesimo & centesimo anno, ædificavit Rex Antiochus abominandum idolum desolationis super altare Dei, & per universas civitates Iuda in circuitu ædificaverunt aras: 58. & ante ianuas domorum, & in plateis incendebant thura, & sacrificabant: 59. & libros legis Dei combusserunt igni, scindentes eos: 60. & apud quemcumque inveniebantur libri testamenti Domini, & quicumque observabat legem Domini, secundum edictum regis trucidabant eum. 61. In virtute sua faciebant hæc populo Israel, qui inveniebatur in omni mense & mense in civitatibus. 62. Et quinta & vigesima die mensis sacrificabant super aram, quæ erat contra altare. 63. Et mulieres, quæ circumcidebant filios suos, trucidabantur secundum iussu regis Antiochi. 64. & suspendebant pueros a cervicibus per universas domos eorum: & eos, qui circumciderant illos, trucidabant. 65. Et multi de populo Israel desinierunt apud se, ut non manducarent immunda: & elegerunt magis mori, quam cibis coinquinari immundis: 66. & noluerunt infringere legem Dei sanctam, & trucidati sunt: 67. & facta est ira magna super populum valde.

(2) Tub. 21. 6. Atmos 7111. 10.

B R U G E N S I S

ROMANÆ CORRECTIONES.

- Vers. 11. Et exiit ex eis radix peccatrix.* Nominalivus femininus peccatrix, non est commutandus cum genitivo neutro peccati.
- Vers. 27. Virgines & juvenes infirmati sunt.* Non sunt præponendi juvenes virginibus.
- Vers. 38. Et factum est hoc ad insidias sanctificationi.* Dativus casus sanctificationi, non est mutandus cum genitivo.
- Vers. 51. In omnibus immundis.* Pro adiectivo immundis, non scribas substantivum immunditiis.
- Vers. 57. Quinto, & quadagesimo & centesimo anno.* Non omittas & centesimo.

NOTATIO.

- Vers. 57. D*ie quintadecima (vicecima o.) mensis Casien. quinto & quadagesimo (xv. o.) & centesimo (cent. & quadra. quinto o.) anno, ædificavit rex An-

tiachus abominandum idolum desolationis super altare Dei. Latinorum exemplarium alia legunt, alia omittunt, & centesimo; septem & viginti nostra, Leod. Malmund. O. E. L. Mog. &c. legunt; novem Lob. Q. Pl. med. Pl. ang. A. antiquum D. Hunnzi Breviarium &c. cum decem Hentenii omittunt. Brugenſis manuſcripto poſtea additum eſſe videtur. Meminit huius Latinorum librorum diverſitatis Hugo Cardinalis. Græcorum anaglyphorum ſimilis eſt varietas. Remigium & Complutenſe addunt, καὶ ἐν τῷ αὐτῷ. Aldinum, Argent. & Baſilienſe rollunt. Porro illud conſtat ſive legendum ſit, ſive non, intelligendum eſſe. Ordine enim procedit ſacræ huius hiſtoriæ auctor (quomodo enim oſtendat Anniius (2), quod ait, Machabæorum libris, cum abique temporibus ſcripti eſſent, Iosephum tempora adieciſſe? Certe argumentum, quo docet, Iosephum hiſ in temporibus erraſſe, inſirmum eſt) ab anno centeſimo triceſimo ſeptimo regni Græcorum quo

quo regnum suum scribit inchoasse Antiochum illustrem usque ad hunc centesimum quadagesimum quintum, qui nonus erat regi Antiochi, quo magna clade affectam ab eo narrat Ierusalem, impositumque divino altari idolum desolationis. Legantur huius capitis. versus, undecimus praefertim, 21. & 30. sequenti-

bus etiam capitibus, pergit ad sequentes ordine annos. Non est vero insolitus numerandi modus, quo minor dumtaxat numerus maiori, quod notior sit, suppresso exprimitur.

(a) Ioannes Anolus in Philonis (de temporibus scribarum).

C O M M E N T A R I A

S A.

Vers. 1. PRIMUS, scilicet Monarcha. Græc. *πρῶτος*, id est prius, scilicet quam Perfas vinceret. **CENTIM**. Sic Scriptura *Graciam* vocat: hic *Macedonium* intellige. **DARTUM**. In hoc desit Perfarum Imperium.

V. 2. OMNIUM, scilicet debellatorum, vel pro plurimorum. **REGES**, scilicet multos.

V. 3. SILUIT, id est quievit, non ausa resistere; quasi dicat, Se illi subdidit.

V. 4. VIRTUTEM, id est exercitum, ut statim explicatur.

V. 5. IN TRIBUTUM, id est tributarii.

V. 7. PUEROS, id est famulos. **DIVISIT**, id est permisit ut dividerent (nece nim successorem nominavit,) vel dividendum reliquit, ut Glos. interpretatur. Complut. *dimisit*.

V. 11. QUI, scilicet Antiochus illustris. **CENTESIMO**, &c. scilicet a Seleuco primo, post mortem Alexandri, rege Syrie.

V. 12. TESTAMENTUM, id est foedus.

V. 14. FACERENT IUSTITIAM, id est sequerentur instituta, seu rationem vivendi.

V. 15. GYMNASIUM, scilicet palæstricum.

V. 16. FECERUNT, scilicet non se circumcidendo, vel forte medicamine aliquo. **TESTAMENTO SANCTO**, id est pacto, seu lege Dei. **VENUMDATI SUNT**, id est velut servi empti se addixerunt.

V. 17. PARATUM, id est stabilitum.

V. 18. GRAVI, id est magna. **IN**; pro, cum.

V. 21. CONVERTIT, scilicet bellum; vel pro, revertit.

V. 23. SANCTIFICATIONEM, id est templum. **VASA**, id est instrumenta. **LIBATORIA**, scilicet vasa.

V. 24. CONCUISCIBILIA, id est pretiosa.

V. 27. INFIRMATI, id est animo deiectioni.

V. 28. MARITUS. Græc. *sponsus*. **ET QUAE**, &c. id est, sponsæ.

V. 29. SUPER, &c. id est, ob calamitatem habitantium. **INDUIT CONFUSIONEM**, id est valde est afflicta & turbata.

V. 30. DIERUM, id est plenos; quasi dicat, Integros.

V. 36. CONVALUERUNT, id est fortes facti sunt.

V. 37. LAQUEUM, scilicet Iudæis.

V. 38. SANCTIFICATIONI, id est templo. **DIABOLUM MALUM**; quasi dicat, Pessimum hostem.

V. 39. CONTAMINAVERUNT, id est profanarunt.

V. 40. EXTERA, id est aliena. **SEMINI**. Græc. *genimini*, scilicet indigenis.

V. 41. OPPROBRIUM, id est ignominiam, seu vituperium, scilicet exposita ludibrio hostium. **NIHILUM**. Græc. *conemptum*, scilicet successit pro honore vilipendium.

V. 42. SECUNDUM, &c. quasi dicat, Priori gloriæ successit par ignominia.

V. 41. UNUS, scilicet moribus.

V. 45. COINQUINAVERUNT, id est profanarunt, scilicet non observantes.

V. 46. LIBROS, id est epistolas, seu libellos legum. **GENTIUM TERRÆ**; quasi dicat, Genilium. Græc. *alienas terras*, scilicet gentilicas.

V. 49. COINQUINARI, id est profanari, scilicet rebus contrariis templi sanctitati. **SANCTA**, id est res sanctas. Græc. *sanctos* scilicet homines, id est Deo dicatos.

V. 50. COMMUNIA, id est immunda secundum legem.

V. 51. IUSTIFICATIONES, id est præcepta & instituta.

V. 52. MORERENTUR, id est interficerentur.

V. 53. VERBA HAEC; pro, quae diximus.

V. 56. ABDITIS, &c. pro, abdita & abscondita, &c.

V. 57. CALEU, scilicet Decembris, seu Novembris: vide inf. cap. iv. ABOMINANDUM IDOLUM. Græc. *abominationem*, scilicet idolum Iovis. DESOLATIONIS: ita vocatur idolum; forte quod magna sit desolatio, magnaque abominatio, tale quid statui in Dei templo: est enim *abominatio desolationis* idem quod *abominabilis desolatio*, vel *abominatio desolatoria*. Videretur quidem huc respexisse Daniel cap. ix. nisi Christus aliter explicasset Matth. xxiv.

V. 61. IN VIRTUTE SUA, id est pro potestate quam habebant, vel pro viribus. IN OMNI, &c. id est per singulos menses.

V. 62. CONTRA ALTARE. Græc. *in altari*, seu *super altare*.

V. 67. IRA, id est indignatio, seu puniatio, scilicet Dei, vel Antiochi.

E S T I I.

Perf. 6. **E**T POST HAEC DECIDIT IN
C. 7. LECTUM, ET COGNOVIT QUIA
MORERETUR. ET VOCAVIT PUEROS SUOS
NOBILES, ET DIVISIT ILLIS REGNUM
SUUM, &c. Hæc de Alexandro Magno:
quibus non satis concordare videtur Oro-
sius Lib. III. cap. xx. ubi dicit Alexan-
dram ministri invidiis veneno potato inte-
riisse, & cap. xxiii. ubi refert, post mor-
tem Alexandri a variis disceptum eius re-
gnum, aliis aliam partem vendicantibus.
Aliiter tamen referunt Iustinus historicus
Lib. XIII. & Q. Curtius in historiæ suæ
fine. Orofii sententiam confirmat, quod est
apud Hieron. in epist. ad Laetam, ubi sic
loquitur: Multo gloriosior mundi philoso-
pho, qui non regem Macedonum, Baby-
lonico perituro veneno, sed ancillam,
& sponfam Christi erudiam. Hæc ille.
An dici potest, quod aliquandiu egrotave-
rit ex veneno propinato, & ipse forte ne-
scivit, sed res postea detecta fuerit?

P. 15. ET AEDIFICAVERUNT GYMNASIUM IN IEROSOLYMIS SECUNDUM LEGES
NATIONUM. Gymnasium interpretantur
quidam Scholam publicam, in qua doce-

Bib. Sac. Tom. XXII.

rentur leges, & instituta gentilium per-
tinentia ad cultum idolorum. Sunt etiam
qui intelligunt Gymnasium litterarum, ac
bonarum artium; atque ex hoc loco do-
cere contendunt, quam sit vetus institu-
tum studiorum Generalium, quas Univer-
sitates seu Academias vocant. Sed aliter
Ioseph. Lib. XII. Amiquit. Iud. cap. vi.
qui gymnasium intelligit Palæstricum; in
quo videlicet ad luctum exercebantur: quod
exercitii genus apud Iudæos prius in usu
non fuerat, sed tunc a gentibus introdu-
ctum est, ut Iudæi, susceptis gentium mor-
ibus, & exercitiis, facilius ad similitudi-
nem religionis quoque traducerentur.

V. 16. ET FECERUNT SIBI PRAEPUTIA,
ET RECESSERUNT A TESTAMENTO SAN-
CTO. Quidam sic interpretantur, ut instru-
mento quodam medico pelle reducta, præ-
putia nova sibi facerent, qui ante circum-
cisi essent. Sic Iosephus Lib. XII. antiq.
cap. vi. ut nudi, inquit, non essent Græ-
cis dissimiles. Vide etiam Epiphanius, in
Lib. de pond. & mens. de Symmacho bis
circumciso. Et eodem modo intelligunt il-
lud I. Cor. vii. *Circumcisis aliquis voca-
tus est, non adducat præputium*. Sed alii
simpliciter intelligunt, id quod dicitur, *Et
fecerunt sibi præputia*, scilicet id non factum
esse in ipsis patribus, sed in eorum
filiis. Id enim tantum habebat lex Antio-
chi, (de qua infra hoc eodem capite scri-
bitur) edictum fuisse, ut Iudæi filios suos
relinquerent incircumcisos.

M A R I A N A E.

QUIS Auctor fuerit horum Librorum,
incertum est. Sic Isidorus ait Lib.
VI. Etymol. cap. ii. & Lib. I. de Offi-
ciis, cap. xxi. & Rabanus Lib. II. de In-
stitutione Cleric. cap. lvi. Prior Liber He-
braice scriptus videtur ex ipsa forma lo-
quendi Hebraicæ simili. Et Hieronymus
epistola clx. quæ est Præfatio in Libros
Regum; se eum Hebraicum legisse testa-
tur. Posterior Græce conscriptus videtur,
Iasonis Cyrenensis quinque libris, quos de
Iudæ Machabæi rebus scripsit, Iudææ na-
tione, in compendium redactis, uti ex
Lib. II. constat cap. ii. vers. 24. A quo?
id ignoratur. Honoratus tantum Augusto-
dunensis Lib. de Luminibus Ecclesiæ, cap.
xi. a Philone ait; quod non minus imper-
tum

tum puto. Et quidem prior Liber bella narrat a Mathathia & quatuor eius filiis contra Macedones gesta per annos quadraginta duos, nihilominus ab anno Græcorum 137. quo Antiochus Epiphanes regnare cepit, usque ad annum 178. quo anno Simon Machabæus est occisus. In secundo Libro bella tantum continentur Iudæ Machabæi latius quam in primo explicata, non omnia, neque usque ad eius mortem; sed quousque Nicanorem vicit & occidit ductum a Demetrio Rege missum contra Iudæos cum numerosis copiis.

Verf. 1. ALEXANDER PHILIPPI. Goth.

Alexander filius Philippi. Græcè Ἀλέξανδρος υἱὸς Φιλίππου sive τὸ Φιλίππου. QUI PRIMUS. Goth. prius REGNAVIT IN GRÆCIA. Græcè πρῶτος ut Regia, non πρῶτος, id est primus, ut Ro. n. Goth. lectio. vera esse videtur; neque enim Alexander fuit primus Græciæ Rex, nisi ad dignitatem referat; quod non placet: sed in Græcia prius quam in Asia regnavit. EGRESSUS DE TERRA CETHIM. Pro hac voce aliquando Hieronymus. Italianam vertit, aliquando Macedoniam, ubi Cithon urbs & mons erat eo nomine. Aliqui Cyprium Cethim esse putant, ubi etiam Cithium urbs. Plura Gen. x. 4. Nec dubium est hoc loco Macedoniam significari, ubi natus est & regnavit Alexander. DARTUM REGEM, scilicet percussit Alexander. De hoc Dario Nehemix xii. 22. fit mentio. Non est autem ille, cuius permissu templum edificatum est Aggæi i. & ii. & eius anno sexto fabrica absoluta est: Esdræ i. cap. vi. 15. Inter utrumque ab Eusebio Xerxes, Artaxerxes Longimanus, Darius Nothus, Artaxerxes Mnemon, Ochusque numerantur. Ita Nehemias ad Alexandri tempora pervenire non potuit. Neque Iaduas Pontifex, sub quo templum est extractum, Iadus est, qui Alexandro, cum iret contra Dariam, obviam prodiiit, ut Iosephus ait Lib. XI. cap. viii. Et Nicephorus Constant. eos distinguit in Catalogo eorum Pontificum. Porro Darius ille Nehemix cap. ii. Artaxerxes vocatur, quoniam id cognomen Regibus Persarum commune erat: sic Seder Holam cap. xxx. ait.

V. 3. SILUIT TERRA: ἡσυχασεν, quiescit. Coegit Alexander ut omnes arma deponere

rent. IN CONSPECTU EIUS: ἐν ὄψει αὐτοῦ, ad eius adventum, & propter eum.

V. 7. ET VOCAVIT PUEROS SUOS. Παις Græcum & Hebr. nash, puerum seu ministrum & filium significat. Regii pueri apud Macedones vocabantur Principum liberi, qui in Regia educabantur, Regie ministrabant, ut Livius ait Lib. V. Decad. v. Sic fiebat inter Hebræos: per eosque Achab vicit Regem Syriæ III. Reg. xx. 14. nam ubi Hieronymus posuit per pedissequos Principum, & Hebr. est per pueros, nos diximus posse intelligi de filiis Principum, qui erant in aula Achab. Eos ergo hic vocat pueros suos, id est ministros. ET DIVISE ILLIS REGNUM SUUM CUM ADHUC VIVERET. Eo mortuo divisum fuisse regnum sive a Perdicca, sive a Philippo, Curtius, Iustinus Lib. XIII. Pausanias, Appianus aiunt; falsi omnes, ut ex hoc loco convincitur. Et fuisse qui: ita sentient, Curtius Lib. X. extremo illis verbis ait: Credidere quidam, testamento Alexandri distributas esse Provincias. Non est ergo quod explicemus, Regnum divise, id est dividi sanxit, aut inquit, ut quidam aiunt.

V. 10. MULTIPLICATA SUNT MALA. Sic solet fieri in Regni divisione. Multa mala passa sunt Hispania ob divisum regnum inter filios a Ferdinando Castellæ Rege Primo.

V. 11. EXIIT EX EIS RADIX PECCATRIX. Sic lege, non peccati, ut Regia, ῥίζα ἀμαρτίας, non ἀμαρτίας, id est fons omnium peccatorum. Profligata vita fuit Antiochus. ET REGNAVIT, id est cepit regnare. ANNO CENTESIMO TRIGESIMO SEPTIMO. Hi anni regni Græcorum inchoantur a Seleuci regno, cum Babylone capta se Asiæ Regem dixit, post mortem Alexandri anno duodecimo: sic Eusebius. VIII. de Demonstr. Evang. Demonstr. ii. & in Chron. Et quidem Seleucus in Græcia non regnavit, sed quia Græcus gentis & lingua, Græcorum regni anni vocantur. Porro a primo Seleuci anno usque ad hunc Antiochum, qui Epiphanes, id est illustris vocatur, in Eusebii Chron. anni computantur 137. præcise. Quare vitiosa est Goth. lectio, quæ habet, centesimo trigésimo regni Græcorum.

V. 12. DISPONAMUS TESTAMENTUM. id est pactum: ineamus fœdus. Saepè hæc

vox in Sacris libris pro *pacto* sumitur, ut & Græca *σάβια*, & Hebr. *berish*.

V. 14. ET DESTINAVÉRUNT; pro, destinati sunt, *προορισθέντες* Græce, *parati* prompte sunt.

V. 15. AEDIFICAVÉRUNT GYMNASIUM. Ubi scilicet iuvenes certabant disco, arcu, saltu, cursu, lucta, ut habet Græcorum Epigramma Lib. I. cap. 1. Carebat ante ea gens spectaculis, gymnasiis, theatris: vitinam & nostra!

V. 16. ET FECERUNT SIBI PRAEPULIA. Solebant membri pellem extendere instrumento, quod Epiphanius Lib. de Pond. & mens. *Epatistère* vocat. Quod Paulus I. ad Cor. VII. 18 fieri vetat illis verbis: *Circumcisos vocatus est, non adducat praputium*. Hieron. in Isai. cap. LII. hunc locum de pueris intelligit, quos non circumcidebant; non de adultis. IUNCTI SUNT NATIONIBUS, per coniugia, quod nefas erat: *ἑνωμένοι*, id est *iugati sunt*, a *ζεύγω*, quod est *iugum*, unde *coniugium*. ET VENUDATI SUNT, id est quasi servi nequitie facti sunt pretio empti.

V. 17. ET PARATUM EST REGNUM, id est stabilitum, cum se Antiochus in regno firmasset, ad Aegyptum adiecit animum. IN CONSPPECTU ANTIOCHI; aut, coram Antiocho, id est ut ipse cupiebat: omnino & penitus.

V. 19. VERITUS EST PTOLOMÆUS A FACIE EIUS. Gotth. *faciem eius*: noluit cum eo congregari. *Videre se sæpe* in Sacris pro *pugnare* sumitur.

V. 23. INTRAVIT IN SANCTIFICATIONEM, id est sanctuarium, *ἁγιασμός*. ET LIBATORIA. *Συνεσθία*, crateres sunt, ad libandum & bibendum vinum, ex Athen. Lib. IX.

V. 24. THESAUROS OCCULTOS accepit Antiochus. In templis aurum & pretiosa quæque deponere, ut tuiora essent, moris erat. Ex Cicero Lib. V. epist. ad Att. epist. x. & Lib. II. de Legibus; tum ex Iosepho, Lib. XIV. cap. xxi.

V. 27. VIRGINES ET IUVENES: seu *Virgines & pueri*. Lovan. & Regia, *Iuvenes & virgines*. Vox *virgines* in Gotth. deest. INFIRMATI SUNT, præ tristitia scilicet quæ vires debilitant & cadunt.

V. 29. COMMOTA EST TERRA; sive *concussa est terra*. SUPER HABITANTES IN EA, id est contra; *ὑπὸ* Hal Hebraicum su-

per & contra significat. *Munera super innocentem non acceptis*. Psalm. xiv. 5. id est contra innocentem. Ergo tota Provincia arma contra eius incolas movebantur.

V. 30. ET POST DUOS ANNOS DIERUM, id est post duos integros annos. PRINCIPEM TRIBUTORUM misit, seu Quæstorem. Is Apollonius videtur fuisse, ex II. Machab. v. 24.

V. 34. ET AEDIFICAVÉRUNT CIVITATEM David, id est arcem, quæ erat in monte Sion, ad urbis Occasum: & vocabatur *civitas David*, quia ipse eam construxit, & ibi habitabat. Eam ergo inflaurarunt Græci, & munierunt, ne se Iudei commoverent.

V. 36. GENTEM PECCATRICEM posuerit in ea arce, quales fere sunt milites. Gotth. *gentem peccatorum*.

V. 38. AD INSIDIAS SANCTIFICATIONI, seu sanctuario. Templum in monte Moria ad Ortum erat instar arcis. Contra illud Davidis arcem opposuerunt, & ut milites inde egressi disturbarent ad illud convenientes. IN DIABOLUM fuerit milites externi. *Diabolus est calumniator*; sed hic pro hoste & adversario sumo.

V. 41. HONORES EIUS IN NIHILUM versi sunt. Græce, *honor in vilipendium*. Quæ urbs prius erat in honore, nunc est vilis, quod proxima verba magis declarant.

V. 43. SCRIPTISIT REX ... UT ESSET OMNIS POPULUS, UNUS. Concordiam in dissidio religionis constare non posse, iniqui etiam & impii intelligunt. De qua re nos multa De Rege & Regis insit. Lib. III. cap. ultimo.

V. 45. CONSENSERUNT SERVITUTI EIUS, *καταπαύσιν αὐτὸν, religioni cultui eius*. Gotth. *consenserunt ei*: sic Regia.

V. 46. MISIT REX LIBROS, id est epistolas, codicillos, edicta; nempe ut

V. 47. PLACATIONES prohiberent *συνήθη*, id est *libamen*. Verum hoc loco *hostias pacificas* significare puto, quæ ex fœdere & voto sæpe offerebantur: quod ea etiam voce significatur.

V. 50. IMMOLARI CARNES SUILLAS iussit, quod vetium erat eis vesci. In sacrificio autem ex oblatis carnibus epulantur. Et

V. 51. IUSTIFICATIONES DEI immutarent, id est præcepta Dei, legem. Quinto & quadragesimo anno,

V. 57. ET CENTESIMO: hoc non est in Goth. neque in multis aliis codicibus, certe decem Lovanienfium. Et saepe maior numerus supprimitur & suppletur. Porro ea contaminatio templi anno octavo eius Regis facta est mensis *Cisleu* sive *Cisleu*, id est Uovemb. die xv. **IDOLUM DESOLATIONIS**; sive *abominationem desolationis*. *Idolum*, Hebr. vocatur *abominatio*. *Desolationis*, quoniam templi ruinam significabat, iuxta illud Matth. xxiv. 15. *Cum videritis abominationem desolationis*. Combuferunt Sacros libros,

V. 59. SCINDENTES EOS. Prius lacera-
bant libros, deinde in ignem mittebant.

V. 61. IN VIRTUTE SEA. Hoc non est in Graecis Regis, est tamen in Romanis *in virtute*. Per potentiam, non ex ratione id faciebant. IN OMNI MENSE ET MENSE, id est semper, omnibus diebus.

V. 67. FACTA EST IRA MAGNA, id est afflictio ex divina indignatione, propter eius populi peccata.

MENOCHII.

Verf. 1. **E**T FACTUM. Particula, & abundat per Hebraismum. PERCUSIT: debellavit. PRIMUS PUGNAVIT IN GRAECIA: qui primus totius Graeciae regnum adeptus est. DE CETHIM: vide dicta Isa. xxiii. 1. ubi hoc explicamus.

V. 2. CONSTITUIT PRAELIA MULTA: frequenter cum hostibus conflavit. OBTRUIT OMNIUM MUNITIONES. Cum nullo hostium unquam congressus est, quem non viceris; nullam urbem obsedit, quam non expugnaveris; nullam gentem adiit quam non calcaveris: inquit Iustin. hist. Lib. XII. ad finem. USQUE AD FINES TERRAE: nam ad extrema orientis, usque ad Oceanum pervenit. MULTITUDINIS GENTIUM: multarum Gentium. SILUIT: quievit, non ausa resistere; quasi dicat, Se illi subdidit.

V. 4. VIRTUTEM: *δύναμις*, exercitum, copias militares. IN TRIBUTUM, id est tributarii.

V. 7. PUEROS: famulos, ancillos, sive duces exercitus sui. DIVISIT ILLIS REGNUM SUUM, &c. Negant hoc prophani scriptores, sed gravior, & potior apud nos sacrae Scripturae auctoritas, quae ita factum affirmat. Curtius etiam docet famam vul-

gasse ab Alexandro divisas fuisse provincias, licet ipse famam hanc absque ratione reiciat. Iosephus vero filius Gorionis plane Scripturae consentit, ait enim, *Partitus est terram in quatuor Principes magnos & familia sua*. UNUSQUISQUE IN LOCO SUO; id est, unusquisque in ea provincia, quae sibi vel armis, vel forte obvenerat.

V. 10. MULTIPLICATA SUNT MALA: mutuis enim bellis colliserunt se Alexandri successores, unde magnis eladibus affecti sunt populi.

V. 11. EXIIT EX EIS: prodiit, progenitus est. RADIX PECCATORUM: *ρίζα ἀκαρπία*, *germen sceleratum*. Nam quemadmodum radix ramos portat, ut ait S. Paul. ad Roman. xi. 18. & ex ea rami, fructus & folia nascuntur; sic ex Antiocho multus impietatis, & scelerum proventus excrevit. ANTIOCHUS ILLUSTRIS: Antiochus cognomento Epiphanes: *ἐπιφανής* enim Graece, idem est quod *Illustris* Latine. Ita appellatus est post aliqua praecleara gesta. FILIUS ANTIOCHI REGIS: Antiochi magni. IN ANNO CENTESIMO TRIGESIMO SEPTIMO REGNI GRAECORUM: quod in Alexandro Magno sumpsit exordium.

V. 12. FILII INIQUI: degeneres, & scelerati Israelitae *παράνομος*, transgressores, exleges, & contemptiores religionis, & apostatae. DISPONAMUS TESTAMENTUM, id est, pactum, foedus, Dei cultu abiecto & gentilium mores imitando, & superstitionem suscipiendo. QUIA EX QUO TEMPORE, &c. Unde huic plane geminam querelam Iudeorum apud Ierem. xlii. 18.

V. 14. IUSTITIAM GENTIUM: instituta, seu rationem vivendi sequerentur.

V. 15. GYMNASIUM. Aliqui putant fuisse scholas in quibus prophanae, ac superstitionis litterae docerentur. Alii fuisse impuras libidinis officinas masculae veneri destitutas. SECUNDUM LEGES NATIONUM: iuxta morem, consuetudinem gentilium.

V. 16. FECERUNT SIBI PRAEPUTIA: suppreffa, & quantum fieri poterat abolita circumcissione, praeputium attractione quadam, & medicamentis reducendo, ut pel-
lis ad regendam pudendi glandem extenderetur. Vide Corn. Cels. VII. cap. xxv. TESTAMENTO SANCTO: pacto, seu lege Dei. VENUMDATI SUNT UT FACERENT MALUM: a concupiscentia sua, commodi, & honoris quasi pretio traditi sunt super-
sti-

stitioni, & secleri, factique sunt eius mancipia. Quæ venundatur traduntur.

V. 17. PARATUM EST ÆONUM: stabilitum est. COEPIT REGNARE. In Græco est *ἡ ἀρχὴ*, cogitavi, destinavi, consilium inivit, affectavit regnare. Italice dicemus: *Pensò, dissiñò di regnare, sarò padrone del regno*. DUO REGNA: Syriæ scilicet & Aegypti.

V. 18. IN MULTITUDINE ORAVI: cum magna multitudo, cum ingentibus copiis.

V. 21. CONVERTIT, id est reversus est, *ἐπιστρέφει*. CENTESIMO QUADRAGESIMO TERTIO ANNO: regni Græcorum ut supra num. 11.

V. 23. SANCTIFICATIONEM, id est templum. VASA: instrumenta ipsius candelabri: nam in Græco est, *οὐν αὐτῶν* & refertur ad *κελίας*, cum utraque vox sit generis feminini. Talia vasa, live instrumenta erant forcipes quibus lucernæ emungebantur, & patellæ in quibus emuncta excipiebantur, & exinguebantur. Vide Exod. xlv. 38. ORNAMENTUM AUREUM, QUOD IN FACIE TEMPLI ERAT. Paulo ante meminerat veli: cum autem velum dicitur, illud solet intelligi, quod ante sanctum sanctorum erat oppanum. Hic ergo crediderim significari velum primum quod ante partem eam templi, quæ dicitur sanctum pendebat. Duo enim vela pependisse in templo patet ex I. Mach. iv. 41. Ubi legitur: *Posuerunt super mensam panes, & appenderunt vela*. Ut ex D. Paulo ad Hebr. ix. 3. *Post velamentum*, inquit, *secundum, tabernaculum, quod dicitur sancta sanctorum*. CORONAS: aureis enim coronis templorum postes ornati solutos habemus infra iv. 57. *Ornaverunt faciem templi coronis aureis*.

V. 24. CONCONPISCIBILIA, id est pretiosa.

V. 25. LOCUTUS EST IN SUPERBIA MAGNA: malis quæ intulerat graves minas addens.

V. 26. IN OMNI LOCO EORUM: in omni ditione Iudæorum.

V. 27. INFIRMATI SUNT, id est animo deiecti.

V. 28. MARITUS: sponsus *νύμφης*. QUAE ARDEBAT IN THORO MARITALI: sponsam intelligit.

V. 29. SUPER HABITANTES IN EA, id est propter calamitatem habitantium in ea.

INDUIT CONFUSIONEM, id est valde afflictus est, & turbatus.

V. 30. POST DUOS ANNOS DIERUM, id est post duos annos plenos & integros.

PRINCIPEM TRIBUTORUM: *ἀρχὴν φορολογίας* qui describendis, & colligendis pecuniis, & vestigalibus præerat. Princeps hic Lib. II. Machab. v. 24. vocatur Apollonius, dicitur venisse cum exercitu viginti duorum millium, & iussus fuisse ab Antiocho, *Omnes perfectæ ætatis interficere*, &c.

V. 35. CIVITATEM DAVID, partem eam Ierusalem, quæ dicebatur civitas David, & erat edito loco in monte Sion.

V. 36. CONVALUERUNT IN EA: fortes facti sunt. Italice dicimus, *si fortificaroni in esse*.

V. 37. FACTI SUNT IN LAQUEUM MAGNUM: ut inde videlicet caperent occasionem Iudæos tamquam laqueo feros comprehendendi, & venandi, si qui ad templum adirent ad deplorandas calamitates suas, quod explicans subdit, *& factum est hoc ad insidias sanctificationi*.

V. 38. ET IN DIABOLUM MAGNUM, id est calumniatorem, live hostem perpetuum inientum, & excubantem ad nocendum.

V. 39. CONTAMINAVERUNT: prophanarunt.

V. 40. EXTERA SEMINI SUO: aliena indigenis, & ab exteris possessa: externa suis, & sua alienis. NATI EIUS RELIQUERUNT EAM: cives reliquerunt eam, vel capti ab hostibus, vel in voluntarium exilium profecti.

V. 41. IN OPPROBRIUM, scilicet ignominiam, seu vituperium; quia nimirum exposita hostium ludibrio. NIHILUM: *οὐκ ἔστιν*, in contemptum; successit enim honori contemptus, & vilipendium.

V. 42. SECUNDUM GLORIAM EIUS, &c. Quanta prius fuerat gloria eius, tanta & fortasse maior fuit ignominia. Similis phras. Apocal. xviii. 7. *quantum glorificavit se, & in deliciis fuit, tantum date illi tormentum & luctum*.

V. 43. UNUS: moribus, & religione; suspecta nimirum superstitione Gentilium, & cultis idolis. RELINQUERET UNUSQUISQUE LEGEM SUAM. Voluit legem esse generalem, ut Iudæi, quos sciebat moris, & legis lux retinentissimos, facilius inducerentur ad Gentilissimum.

V. 45. CONSENSERUNT SERVITUTI EIUS. In

In Græco est, τὴ λατρεία ἀντὶ, quod religioni eius vertere possis. COINQUINAV-
RUNT SABBATUM: illud profanaverunt,
scilicet non observantes.

V. 46. LIBROS: diplomata regia, decre-
ta, edicta.

V. 47. PLACATIONES: sacrificia ad Deum
placandum; quale peculiariter erat illud
quod pro peccato offerebatur: Num. v. 8.
ubi vocatur placabilis hostia.

V. 46. COINQUINARI, id est profanari
scilicet rebus contrariis templi sancti, quas
sequenti versiculo enumerat.

V. 50. TEMPLA: lucus in honorem ido-
lorum, sive delubra. IDOLA. Græce
εἰδωλῶν, loca ad idolorum cultum destina-
ta. COMMUNIA, id est immunda: sic S.
Petrus in visu Act. x. 14. *Abstine Domine,
quia numquam manducavi omne commune,
& immundum.*

V. 51. ABOMINATIONIBUS: scilicet, ci-
borum lege prohibitorum. Vel per abomi-
nationes idola intelligit, ut etiam ea vo-
cat Ezech. vii. 20. & viii. 10. IUSTIFI-
CATIONES: precepta, & instituta.

V. 52. MORENTUR: interficerentur.

V. 53. PRINCIPES. In Græco est, ἐπι-
στάτους; quasi dicat, Inspectores, qui sci-
licet observarent an regia edicta servaren-
tur, & Iudeos ad obediendum cogerent.

V. 54. IUSSE RUNT CIVITATIBUS IUDA
SACRIFICARE. In Græco est, διατάξαντες κατὰ
πόλιν, καὶ πόλιν: Ut scilicet per singulos ci-
vitates sacrificarentur, nimirum idolis.

V. 55. CONGREGATI SUNT AD EOS.
Græcus textus significat ad presbiteros, &
principes se adiunxisse. Latinus vero ad Iu-
deos legis desertores; sed res eodem reci-
dit.

V. 56. IN ABDITIS: in abdita, & ab-
scoudita, ad quæ confugiebant.

V. 57. MENSIS CALEU: qui Novem-
bri nostro respondet. QUINTO, ET QUAR-
TAGESTIMO, ET CENTESIMO ANNO, sci-
licet regni Græcorum ut supra num. 11.
ABOMINANDUM IDOLUM: idolum Iovis
Olympii. DESOLATIONIS. Idolum desola-
tionis illud dicitur per quod desolatur tem-
plum, & profanatur. Vel sic dicitur, quod
magna sit desolatio, & magna abominatio
tale quid statui in templo Dei; est enim
abominatio desolationis, idem abominabi-
lis desolatio, vel abominatio desolatoria.
SUPER ALTARE DEI: super altare holo-

caustorum. IN CIRCUITU: quæ sunt circa
Ierusalem.

V. 58. INCENDEBANT THURA, scilicet
idolis.

V. 61. IN VIRTUTE: id est, pro pote-
state quam habebant, vel pro viribus &
tyrannice. Ital. dicunt, *far di potenza*.
IN OMNI MENSE, quia nimirum singulis
mensibus die vigesimaquinta sacrificabatur
Iovi ut dicitur num. seq. SUPER ARAM
QUÆ ERAT CONTRA ALTARE: quia al-
tare holocaustorum in quo statua Iovis lo-
cata est, amplum erat, ideo in eo præter
ipsum simulacrum Iovis, constitutum est
etiam aliud parvum altare, in quo idolo
sacrificabatur. Itaque aliqui vertunt, *super
aram altari impositam*, in Græco enim
est, ἐν τῇ θυμῷ, ὅς ἐστιν ἐν τῇ θυμῷ.

V. 63. MULIERES QUÆ CIRCUMCIDEBANT
FILIOS SUOS: poterant enim mulie-
res filios circumcidere, ut patet ex facto
Sephora Exod. iv.

V. 64. SUSPENDEBANT PUEROS A CER-
VICIBUS: infantulos necabant, & eorum
cadavera de collo matrum suspendebant, ut
patet ex Lib. II. cap. vi. 10.

V. 67. IRA MAGNA, id est indignatio,
seu punitio, scilicet Dei vel Antiochi.

T I R I N I.

Vers. 1. **A**LEXANDER PHILIPPI filius, a
terum gestarum magnitudine
dictus *Magnus*, QUI PRIMUS REGNAVIT IN
GRÆCIA, nempe tota, ut exponit Sera-
rius. Græce non est *primus*, sed *πρῶτος*,
id est primum, seu prius. EGRESSUS ANNO
2. regni sui, inquit Diodorus 2, DE TER-
RA B CETHIM, id est ex Occidentalibus
insulis & regionibus maritimis, quales erant
Græcia, Macedonia, Cyprus, Italia,
&c. ut S. Hieron. & alii exponunt. He-
brei enim populos omnes mari Mediterræ-
neo a se discretos vocabant *Cethim*, *insu-
lanos*, eo quod non nisi navibus ad in
continente commorantes accederent: uti
nunc Itali Germanos, Gallos, Belgas, An-
glos, ceterosque omnes trans alpes habitan-
tes, vocant uno nomine *Tramontanos*: ita
S. Hieronymus, Theodoretus & Iosephus
c. Qui etiam addunt, *Cethim* nepotem la-
phet filii Noe, primum occupasse *Cyprum*;
inde *Cypro* inditum nomen *Cethim*. Alio-
quin & in Macedonia nominatim mons est
& urbs

& urbs *Cizium* dicta, unde forte toti etiam regioni nomen *Cethim*. Eodem illo anno primum iniiit prælum cum ducibus *Darii regis PERSARUM ET MEDORUM*; anno 3 secundum prælum. Anno 6. subiugatis interim Phœnicia, Aegypto & Iudæa, Darium tertio prælio penitus prostravit, totiusque Asiæ Imperator salutus est. Hic est ille Danielis vit. 6. alatus pardus; ille *Occidentis hircus* cap. viii. vers. 3. bicornem *Orientis arietem* prostrernens & conculcans, vers. 7. Nec his contentus victoriis, imperio totius mundi inhians,

V. 2. CONSTITUIT PRÆLIA MULTA cum aliis regibus, & *tyranis*, id est terrarum præfectis, dominis, docibus, ad Gangem usque & Oceanum Indicum omnia si bi subiciens, testibus Iosepho, Iustino, Livio, Plinio & aliis.

V. 3. ET SILUIT TERRA, seu mundus univertus, IN CONSPPECTU EIUS; nemine auro vel contra hiscere.

V. 6. POST HAEC, exacto anno regni sui 12. monarchiæ vero 6. ætatis 32. cum 8. aliis mensibus, (ut ex Arriano, Livio & aliis probat noster Pererius *e*;) DECIDIT IN LECTUM, seu veneno, seu crapula prostratus, de quo alibi *f*.

V. 7. ET VOCAVIT PUEROS SUOS NOBILES, id est præclariores exercituum suorum duces, Seleucum, Ptolemaum, Antigonum, Aridæum, & alios, de quibus Dan. ix. 6. in Chronico. *g*. Porro *pueri regii apud Macedonas vocabantur principum liberi ad ministerium regis electi*, inquit Livius *h*. His DIVISIT REGNUM SUUM non per Perdiccam vel alios post mortem suam, (ut Iustinus, Diodorus, Curtius, & Orosius scribunt) sed per se, CUM ADHUC VIVERET, quod etiam Iosephus Gorionides affirmat.

V. 11. EX RIS ALEXANDRI pueris, sed iam regibus, puta ex Seleuco eiusque posteris, exiit tandem RADIX UNA PECCATRIX, id est pessima, pessimorum fructuum mater & nutrix, nempe ANTIOCHUS cognomento *επιμανης*, id est ILLUSTRIS, seu nobilis, a rerum gestarum gloria sic dictus a suis Gentilibus. Sed bellicam gloriam sæde obscuravit infans in Deum Deique cultores furor, sordidæque helluationes & scortationes: unde & passim *επιμανης*, id est infans, audiebat, inquit Iosephus Gorionides, Athenæus & Cedrenus ex Poly-

bio *i* & aliis. Hic aliquando pro *Antiocho* Magno, patre suo a Scipione in Asia devicto, obles Romæ fuerat; sed morte fratris sui Seleuci Philopatoris comperta, Roma profugit in Syriam, ut Daniel xi. 21. prædixerat. Ibi regnare cepit ANNO CENTESIMO TRIGESIMO SEPTIMO REGNI GRAECORUM, in Syria. De quibus annis vide Chronicon initio cap. x.

V. 12. EXIERUNT EX ISRAEL FILII INIQUI; & inter hos etiam ipse Iesus Oniæ summus pontificis frater, qui Gentile nomen *Iasonis* accepit, homo ambitionissimus, de quo Lib. II. cap. iv. 7. Item Menelaus, Alcimus, Simon & alii, de quibus eodem Lib. II. cap. v. &c. & apud Iosephum k passim.

V. 14. DEDIT ILLIS IUX POTESTATEM UT FACERENT IUSTITIAM GENTIUM; id est, ut Ethnicos religionis ritus & mores impone, immo cum laude suscipere, & in Iudæam inducere possent. Hi ergo

V. 15. AEDIFICAVERUNT IN IEROSOLYMIS GYMNASIUM SECUNDUM LEGES NATIONUM, id est iuxta morem Gentilium ubi iuvenes exercebantur non solo *disco* 1, *arcu*, *salu*, *curso*, *luctu*, ut putat Ioannes Mariana; neque in solis profanis ac superstitiosis litteris, ut vult S. Thomas, Tyrannus & Genebrardus; sed insuper etiam in impuris omne genus libidinis. Unde Lib. II. cap. iv. 12. *gymnasio huic ephæbia*, seu *lupanaria*, & quidem malcula coniunguntur. Talia quoque olim Ierosolymis effeminatorum lustra instituerant impii reges Iuda, III. Reg. xv. 12. & Lib. IV. cap. xxiii. 7. & instauravit postea Herodes, teste Iosepho m & aliis.

V. 16. ET FECERUNT SIBI PRÆPUTIA: pellem paulatim attrahentes, qui glans ante nudata rursus tegeatur. Quod S. Paulus I. Cor. vii. 18. vocat *adducere præputium*. Id enim adductione, certifice medicamentis sensum reduci posse, docent Celsus, Epiphanius, Sixtus Senensis n & alii. Et erat *επιμαρτυρις*, seu *re-præputiatio* symbolum apostatiæ a Iudaica religione.

V. 17. ET PARATUM EST REGNUM SYRIÆ IN CONSPPECTU ANTHIOCHI: nempe pulso Heliodoro in valorem, & Demetrio quoque nepote suo fraudibus sublato, regnum iam pacifice possidebat. Sed non contentus uno regno paterno, tentavit etiam par-

partim dolo, partim vi, potiri sceptro Aegyptio, ut prae-dixerat Gabriel Dan. xi. 22. & seqq. Et haec est secunda Antiochii huius in Aegyptum expeditio. De prioribus habes II. Mach. iv. 21. quae suscepta videtur anno 2. regni eius: posterior vero anno 6. nempe 142. anno regni Graecorum, ut hic insinuat. Nam sequenti anno regressus *ascendit Ierosolymam*, ubi

V. 23. INGRESSUS SANCTIFICATIONEM, id est sanctuarium, seu templum, totius, orbis locum sanctissimum, extulit inde *altare thymiamatis aureum*, ET MENSAM auream in qua panes Deo sacri apponi solebant, ET LIBATORIA, id est cratetes, ad vinum Deo libandum. Unde

V. 29. COMMOTA, conturbata, moerore repleta, EST tota TERRA Iudaea, SUPER HABITANTES IN EA, id est propter levitiam quae in incolis exercebatur.

V. 30. POST DUOS ANNOS DIERUM; id est, post duos plenos annos, ita ut dies aliquot superfluerunt, MISIT REX Antiochus PRINCIPEM TRIBUTORUM: exigendis tributis praepositum quaesorem, nempe Apollonium. Machab. v. 24. ad expilandos de novo Iudaeos, immo ad iugulandos, ut ibidem dicitur. Is civitatem Ierosolymitanam expilavit

V. 33. SUCCENDIT IGNI, ET DESTRUXIT DOMOS ET MUROS EIUS IN CIRCUITU; ne ferviret pro munitione Iudaeis adversus Antiochum. Solam

V. 35. CIVITATEM DAVID, id est arcem Sion, quae civitati Ierosolymae quasi castrum imminabat, AEDIFICAVERUNT munieruntque undique MURO alto ET MAGNO, ET FIRMO, ET FACTA EST ILLIS IN ARCEM, e qua dominabantur toti urbi: & maxime serviebat *genti peccatrici*, id est sceleratissimis praedictariis,

V. 38. AD INSIDIAS SANCTIFICATIONIS, id est insidiandum iis qui seu orationis gratia ascendebant ad templum. Nam si equos deprehendebant eo contendere, subito eruptione facta ex arce in sanctuarium, male omnes multabant.

V. 43. ET SCRIPSIT, id est scripta lege mandavit rex omnibus subditis suis, UT ESSET OMNIS POPULUS, UNUS quo ad religionem: ac proinde, ut RELINQUERET UNUSQUISQUE LEGEM SUAM, id est patriam religionem, & amplecteretur eam quam Antiochus sectabatur.

V. 49. IUSSET COINQUINARI SANCTA, nempe violari sabbatha & festa, profanari templum & sacra vasa, ET SANCTUM POPULUM ISRAEL: per profana sacrificia, per velut epulas, ut sequitur.

V. 50. IUSSET AEDIFICARI passim ARAS idololatrias, ET TEMPLA Ethnica, ET erigi ubique IDOLA, ET IMMOLARI PECORA COMMUNIA, id est immunda, v. g. porcos, quibus ne velci quidem licebat Iudaeis. Adeo ut paulatim Iudaei, ac praecipue rudiores,

V. 51. IMMUTARENT OMNES IUSTIFICATIONES DEI, id est leges divinas promissae & libere transgredirentur. Saltem

V. 55. MULTI DE POPULO Iudaico CONGREGATI SUNT quotidie, id est accesserunt ad numerum apostatarum, qui iam antea DERELIQUERANT LEGEM DOMINI: nempe ad Isanem, ad Menelaum, &c. Interim praefecti Antiochii passim ex uribus

V. 56. EFFUGAVERUNT de populo ISRAEL, si qui constantiores nollent accedere partibus Gentilium. Hi metu mortis vel tormentorum fugiebant ad loca deserta, seseque occultabant IN ABSCONDITIS FUGITIVORUM LOCIS: in atris & specubus, quibus abundat Iudaea, ut alibi p. dixi.

V. 57. DIE QUINTADECIMA MENSIS CALEU 9, id est sub finem Novembris, AEDIFICAVIT REX & constituit SUPER ALTARE DEI in templo Ierosolymitano, ABOMINANDUM IDOLUM DESOLATIONIS, ut prae-dixerat angelus Danielis xi. 31.

V. 61. IN VIRTUTE SUA; id est violente ac tyrannice, FACIEBANT ministri Antiochii HAEC POPULO ISRAEL, qui INVENIEBATUR IN OMNI MENSE ET MENSE; id est, qui Neomenias primo die cuiusque mensis celebrare deprehendebatur ex praescripto legis divinae. Si qui enim tunc feriarentur, vel sacros convenus agerent, subito trucidabantur ab impiis militibus. Ipsi vero afflicti regis Antiochii, ad abolendam omnem Neomeniarum memoriam, noteabant primo die cuiusque mensis publica & festa sacrificia offerri, nequidem idalis suis, sed

V. 62. SACRIFICABANT iis QUINTA ET VIGESIMA DIE cuiusque MENSIS, idque non super altare Domini, iam profanatum superpositum idolo; sed SUPER novam ARAM, CONTRA, seu ante, ALTARE Domini exeatam.

V. 67.

V. 67. FACTA EST IRA MAGNA DEI SUPER POPULUM Israel VALDE; id est, ingens afflictio ex divina indignatione effusa est & inundavit in Iudæos.

- (a) Diod. Lib. XIII.
 (b) Num. xxiv. Isai. xxxiv. Jerem. xxvii. Michon. in Isai. xxxiv. Jerem. xxvii.
 (c) Ioseph. Lib. I. Antiq. cap. vi. & xi. Theodot. in cap. xxvii. Eszech.
 (d) Ioseph. Lib. XI. Antiq. cap. ult. Iust. Lib. XI. Livius Lib. XLV. Plin. Lib. X.
 (e) Ariam. Lib. VIII. Perer. Lib. X. Daniel.
 (f) Dan. viii. 8.
 (g) Chron. cap. xl.
 (h) Lv. Lib. XXIII.
 (i) Ioseph. Gorion. Lib. III. cap. vi. Poly. Lib. II. V. 8. dec.
 (k) Ioseph. Lib. XIII. cap. vi. Antiq. & Lib. t. Captivitas cap. i.
 (l) II. Mach. iv. 14.
 (m) Ioseph. Lib. XIV. Antiq. cap. ix. & Lib. XVI. cap. xi.
 (n) Cellus Lib. VII. cap. xxv. Epiph. Lib. de Mensura. Sixtus Sen. Lib. IV. in Symmacho.
 (o) II. Mach. v. 31.
 (p) I. Reg. xxiv. 4.
 (q) Chron. cap. iv.

G O R D O N I.

De auctore & auctoritate horum Librorum.

Duo Libri Machabeorum primus & secundus (quos solos recipit Trident. sess. tv.) a duobus diversis auctoribus scripti sunt, nam pene utriusque idem est argumentum: qui tamen fuerint hi auctores, non est certum, ut observavit Iddorus Lib. VI. originum, cap. 11. nominant aliqui Iudam quendam Eschaim esse auctorem: certe auctor non fuit Iosephus, quippe qui cum sua soleat commemorare, huius opusculi nullam fecit mentionem, immo etiam falsum est quod ait Philo Anni, Iosephum hic adiecisse annos & tempora. Sed nec Hieron. Lib. II. contra Pelagian. vult Iosephum esse auctorem huius operis. Loquitur etiam Hieronymus de alio quodam opusculo inter opera Iosephi, quod inscribitur, *In Machabæos*, seu de ratione imperatrice; hoc latuit & secessit nostros Novatores.

Ceterum si agatur de horum Librorum auctoritate, tertius & quartus Canonici non sunt; nec enim a Patribus, nec a Concilio ullo sunt probati: obicitur Canon 84. Apostolorum, probans Librum tertium. Verum scire debent Novatores hunc Canonem esse adiectitium; quod op-

Bib. Sac. Tom. X XII.

time demonstrat Baron. ad an. cxx. nec morari quemquam debet Trullana Synodus, laudans hunc Canonem: nam illa Synodus quinisexta, reiecta est ab Ecclesia.

Sed unde habemus duos priores Libros esse Canonicos? Sane ex Concilio Carthaginensi. III. Can. xliii. & citato Trident. sess. iv. Item ex Decreto Gelasii de Libris Canon. (ubi uterque liber vocatur unus, quia idem est argumentum.) Denique ex Innocent. III. Epist. ad Exuperium; varios pro hac veritate Patres citat Serrarius ad initium horum Librorum; prolixè insuper ostendens apertam esse hanc Augustini sententiam; præsertim Lib. XVIII. de civit. cap. xxxvi. *Ecclesia*, inquit, *pro Canonicis eos habet*. Obiciunt Novatores a quibusdam veteribus Origene, Hieronymo, Gregorio Magno non agnoscî hos libros ut Canonicos. Respondeo, non tamen damnari ut vitiosos. Porro licet re nondum definita, illi, & postea alii dubitare potuerint; tamen re iam definita nemo dubitabit nisi hæreticus.

Argumentum & inscriptio Libri.

Multa est apud aliquos dispositio de inscriptione huius operis, quod est de Machabæis. Satis sit apud Latinos & Græcos, nunc vocari simpliciter Machabeorum Libros; petita nominis ratione a primo illo veræ religionis vindice, sub imperio Græcorum; hic enim proprio nomine dictus Iudas, appellatus est Machabeus, ut hic apparet Lib. I. cap. tt. invaluitque demum Machabeorum nomen ad fratres & posteros; ipsam vero etymologiam petunt aliqui a מַכָּה quod sibi extingueret: hinc Machabi extinctor; quasi sint extinctores falsæ religionis, aut sua fortitudine ἀνέστησαν: hinc Mathathias cap. tt. ver. 66. compellat Iudam, vocans Machabeum & fortem viribus; alii aliter hanc vocem confingunt: non moror. Machabæi etiam Asamoni dicti sunt, de quo Chron. 99. cap. xvi. num. 16. Librorum istorum primi & secundum Argumentum complectitur statum Ecclesiæ sub imperio Græcorum, & præsertim ab anno Græcorum 137. quando regnare cepit Antiochus (cuius anno 9. Mathathias apparuit, profanato Templo) usque ad annum Græcorum 177. & principatum Hircani, uti nunc subiicio.

T t

D d

De annis Graecorum, & Epochæ.

Novatores sub Calvino nati, arbitrantur in his Libris numerari annos Græcorum a morte Alexandri; quod etiam male sibi persuasit Lyranos, ad cap. 1. Lib. II. Machab. Nam hi libri tantum numerant hos annos a principio Seleucidarum; hoc recte monuit Eusebius Lib. VIII. de Demonstr. Evang. cap. 1. & recipitur a recentioribus Chronologis. Coepit autem Seleucidarum regnum annis 11. post Alexandri mortem ex citato Eusebio cap. 11. idemque probavi in Chronologicis, qq. cap. xv. 1. num. 1. ratio denique firmans hanc Epocham, est, quia Seleucidæ imperabant Asiæ, Syriæ, & Iudæis; & Seleucus erat lingua & genere Græcus; nec tamen aliunde carebant suis annis prioribus; sed ut illi priores a Philippi regno vocabantur Philippici; ita nunc mutata Epochæ a principio Seleucidarum vocantur his Libris anni Græcorum. Vocabantur etiam apud Græcos anni Macedonici, aut denique Alexandri: de hac Epochæ hæcenus.

Sed questio de his annis superest, quod interdum duo hi Libri discordent uno fere anno, & diversa ponant horum annorum principia, dum primus numerat a mense Martio, secundus a mense Octobri. Sed mirum hoc non est: observavit Scaliger, triplices esse Græcorum annos, ob tria diversa principia; scilicet a Nisan ab Elud

sequentis anni (hoc est post sequeium) & tertio ab Elul sex mensibus post Nisan Iudaicum. Et hoc tertio modo inchoatos aliqui vocant annos Antiochenos; quod his uteretur Antiochia; primi ordinis annos vocant Iudaicos; nempe a Nisan inchoatos; hinc aperta est discordiæ ratio. Nam ut sunt duo illi libri a diversis auctoribus scripti; ita unus uno modo inchoatos accipere potuit annos, alius alio. Vide in Chronologicis qq. 17. num. 7. ubi etiam de mensibus agitur; est similis questio de epistola Eupatoris libro secundo, capite decimo.

Synopsis & Syntaxis horum librorum, & quænam in illis sint difficultia.

QUAE aliquam in duobus his libris pariunt difficultatem Lectori, sunt vel ex perturbato narrationis & capitum ordine, quæ transpositæ, non satis retinent rerum gestarum seriem; vel ex ratione temporis & chronologia sub Græcis; vel denique ex implicato & non satis aperto verborum sensu: hæc tria capita, ita hoc insequente diagrammate complector, ut hinc liceat ire deinceps per singula utriusque libri capita inoffenso pede. Quia vero tota hæc contigit historia sub Antiocho, sub Eupatore, & Demetrio; dicam initio & separatim de Assamonzorum rebus sub Antiocho, ut quæ sunt partis huius difficultates, commodius aperiantur.

ANNI MUNDI	V. C.	GRÆCO- RUM.	RES MACHAB. SUB ANTIOCHO.
3828	577	137	Antiochus Epiphanes incipit regnare.
3834	583	143	Expeditionem parat in Aegyptum primam, redit a prima hac expeditione Machab. 2. cap. 4.
3836	585	145	Secundam parat expeditionem, lib. 2. c. 5. v. 1.
3836	585	145	Redit & spoliat Templum: finitur bellum Aegyptiacum.
3836		145	Templi profanatio. Mathathias dux primus, lib. 1. cap. 2. vers. 27.
3837		146	Iudas Machabæus, 1. Machab. cap. 2. vers. 66.
3839		148	Purgatio Templi.
3840	589	149	Antiochus moritur.

Tria hic sunt quæ non carent difficultate: unum est de purgatione Templi; alterum de Iuda, & scripta ab eo epistola, ut creditur; tertium de morte Antiochi. Incipio a primo, Iudas dicitur purgasse Templum anno 148. ex I. Machab. cap. iv. vers.

iv. vers. 52. hoc est, uno anno ante mortem Antiochi, ut habet diagramma; & tamen ex II. Machab. cap. x. vers. 3. purgatio dicitur facta biennio post mortem Antiochi. Respondeo, narrari factam purgationem duobus quidem locis, non tamen dicitur bis facta, aut diversis temporibus. Quæ ergo facta tota est ante mortem Antiochi, iterum narrata morte repetitur; & proinde etiam habetur facta post biennium; non quidem a morte illa, sed post biennium a profanatione, ut habet diagramma: vide cap. iv. num. 38.

Ad illud de Iuda ex Machab. cap. ix. ubi narratur mortuus anno Græcorum 152. & tamen Lib. II. cap. 1. significatur eum scripsisse epistolam an. 188 quod est scripsisse multis annis post suam mortem. Respondeo, capite illo primo, narrari duas esse scriptas epistolas, sed neutram a nostro hoc Iuda: nam, ut alibi observavi, prior scripta est anno 160. sub Demetrio. Posterior est ipse secundus liber Machabæorum, de quo ad annum 3879. Dices epistolam quæ scripta est anno Græcorum 188. nempe tempore Hircani cap. illo primo vers. 10. dici scriptam a Iuda. Sed occurrendum est, Iudam ibi nominatum, non esse illum primum ducem & Mathathie fi-

lium; sed esse vel Aristobulum Hircani filium, qui etiam Iudas nominatur, ex Iosepho Lib. XX. cap. penult. vel esse alium, ut fuerunt tunc temporis plures. Postremum est de morte Antiochi; quæ incipit in annum 149. Ex I. Machab. vi. certe hic Epiphanes non est ille Antiochus de quo ibidem cap. i. vers. 16. Quis autem sit iste occisus Antiochus, ab historicis qui multa alia omiserunt, non est proditum.

Verum de loco quo obiit Epiphanes Antiochus non levis est quæstio. Quam ego quidem attingi ad annum mundi 3840. certe hic Lib. I. cap. vi. vers. 4. Antiochus dicitur reversus in Babyloniam (cuius erat dominus) quomodo ergo se mori dixit vers. 13. in terra aliena? quomodo Libro II. cap. ix. peregre in montibus, vers. 28. Existimo commodius hæc explicari dicendo Antiochum vere obiisse in terra aliena, cum autem dicitur reversus in Babyloniam, sensus est abiisse ut reverteretur, ex interprete editionis Vaticanæ & Regiæ: consentit Tigurina: abscissit, inquit, inde repetens Babyloniam: hinc in Græco non est *ἀναστρέφας*, sed *ἡ ἀναστρέφας* sic *ἀναστρέφας*, inquit: en sensum clarum.

ANNI MUNDI	ANNI GRÆCO- RUM.	RERUM GESTARUM SE- RIES NATIVO ORDINI RE- STITUTA.	LIBRORUM CAPITA ORDINE RERUM GE- STARUM CITATA.
		Præfatio operis.	Lib. 2. cap. 2. a vers. 20.
3674	Incipit Monar- chia an. 7.	Narrationis exordium ab Ale- xandro Magno.	Lib. 1. c. 1. usque ad v. 11.
3692	1.	Incipit primus annus Græcorum in Seleuco.	Annus est 12. a morte Alexandri.
3817	126	Felix Iudæorum status, sed pa- turbatur in Onia, sub Seleuco rege 7.	Lib. 2. c. 3. & 4.
3828	137	Annus primus Antiochi: per- fectionis initia ab Antiocho sub- sequuntur.	Lib. 1. c. 1. v. 11. usque ad 16.
3834	143	Antiochi prima expeditio in Ægyptum.	Lib. 1. c. 1. v. 17. ad 50.

3836	145	Secunda expeditio Antiochi.	Lib. 2. c. 5. usq. ad v. 15.
3836	145	Gesta post bellum Aegyptiacum, profanatio Templi in reditu ex Aegypto.	Lib. 1. c. 1. a v. 21. ad 67.
		Mors Eleazari, & fratrum.	Lib. 1. c. 6. a v. 18. ad 31. & c. 7. ad v. 42.
3836	145	Bella primo duce Mathathia.	Lib. 1. cap. 2.
3837	146	Quatuor praelia Iudæ.	Lib. 1. c. 3. & c. 4.
3839	148	Antiochus in Perside; purgatur Templum post quartum praelium.	Lib. 1. c. 4. v. 36.
	148	Praelia varia Iudæ, purgatur Templum.	Lib. 1. c. 4. & 5.
3840	149	Mors Antiochi.	Lib. 1. c. 6.
	149	Bella cum Eupatore successore: epistola eius an nunc scripta.	Lib. 1. c. 6. v. 17.
	149	Cura pro mortuis.	Lib. 2. c. 12.
3842	151	Gesta sub Demetrio.	Lib. 1. c. 7.
	151	Alcimus a Demetrio in Iudæos: mox Nicanor.	Lib. 1. c. 7. Lib. 2. c. 14.
3843	152	Primum fœdus cum Romanis.	Lib. 1. c. 8.
	152	Iudas pugnans occumbit.	Lib. 1. c. 9.
	153	Ionathas dux & Pontifex.	Lib. 1. c. 9.
1851	160	Ionathas adhæret Alexandro.	Lib. 1. c. 10. v. 46.
	162	Mors Demetrii occisi, deinceps pax longa Ionathæ.	Lib. 1. c. 10. v. 50.
	167	Demetrius Junior regnat ope Ptolemæi occiso Alexandro.	Lib. 1. c. 11. v. 16.
		Demetrius fidem datam Ionathæ violat.	Lib. 1. c. 11. v. 17.
3860	169	Fœdus sub Ionatha cum Romanis Secundum & cum Lacedæmon.	Lib. 1. c. 12.
3861	170	Simon dux contra Tryphonem.	Lib. 1. c. 13.
3863	172	Capto Demetrio a Parthis pax longa Iudæis, & fœdus cum Romanis.	Lib. 1. c. 14.

	173	Demetrii Iunioris frater Antiochus regnat cum Cleopatra.	Lib. 1. c. 15.
	174	Tryphon tyrannus perit.	Lib. 1. c. 15.
3868	177	De Simonis filii & morte patris.	Lib. 1. c. 16.
3879	188	Epistola in Aegyptum de felis.	Lib. 2. c. 1. & 2.

Qua defunt hoc capite, ad plenam rei hic narrata historiam, sunt hac qua sequuntur.

Perturbatus est, ut notavi, ordo capitum, quapropter ut omnia quae sunt de eadem re, possint simul legi, adiicio succincte ad singulos capitum versus, quae sint alibi de eodem argumento scripta ab hoc sacro historico.

Ergo ad versiculum hic decimum, de malis Iudaeorum sub Alexandri successioribus, adde quae habentur Lib. II. cap. 11. de statu civitatis sanctae. De Oniae pietate, de Simonis perfidia, & Heliodoro misfo a rege, sed bene castigato.

Adde porro ex Lib. II. cap. IV. a versiculo 1. usque ad 7. de eodem Simeone accusante Oniam, & cur Onias regem adierit.

Adde insuper ad versiculum 11. ea quae habentur Lib. II. cap. IV. a versiculo 7. ad 20. de ambitione Iasonis contra Oniam fratrem, & scelerati viri gravissimis peccatis, contra divinam legem, & bonos mores.

Addendum quoque ad versiculum 20. quod habetur Lib. II. cap. IV. a versiculo 21. usque ad 49. de Apollonio Mnethei filio in Aegyptum, & Antiochi adventu Ierusalem, ubi cum honore susceptus est. Item de pulso primum Iasone, & mox Menelao, de occisis Onia & Andronico, & aliis in hoc tragico rerum statu sublequitis malis. Plura etiam de Iasone & Menelao, eorumque exitu habentur, Lib. II. cap. V. a versiculo 1. usque ad 10.

Ad cladem & mala, quae capite hoc primo narrantur a versiculo 21. usque ad finem, adde quae habentur Lib. II. cap. V. a num. 11. de iisdem malis & occisione ingenti: item quae narrantur eodem, Lib. II. cap. VI. usque ad vers. 17. ac quae leguntur ibidem, vers. 18. de illustri

morte Eleazari, & toto cap. VII. de septem fratribus martyribus, & talis est historiae ordo.

Explicatio capitis.

V. 1. 2. & 3. Primus dicitur regnare in Graecia, Alexander, quia totius certe Graeciae Rex primus est, post sextum regni annum fit monarcha: sic sicut TERRA vers. 3. pacavit omnia usque ad FINES TERRAE, seu extrema orientis: post sextum Monarchiae annum moritur, ac post 12. annos ab eius morte regnum Seleucidarum incipit in Seleuco, anno mundi 3692. qui annus est primus Graecorum: tandem anno Graecorum 137. Antiochus regnat octavus a Seleuco, & de quo hic agitur.

Cethim hic designat Macedoniam: eodem etiam nomine Hebraei designant Cyprum, & adiacentes insulas: hinc Ierem. 10. *transite per insulas Cethim*. Immo & Graecia idem apud aliquos nomen accipit. Ceterum de praeliis cum Dario vide ad ann. mundi 3674. & deinceps, ubi eius victoriae ad singulos annos ponuntur, quae initio huius capitis paucis designantur; sed haec anteriora sunt.

V. 7. Quomodo dicitur adhuc vivens regnum suum divisisse? nam hoc negant Diodor. Curtius & Orosius, Lib. III. cap. xxxix. Sanè Perdicas filio Alexandri datus est tutor, is est cui Alexander moriens annulum dedit, ac per eum ex voluntate Alexandri iam mortui regna sunt divisa.

V. 11. & 12. ANTIOCHUS ILLUSTRIS. Hic incipiendo a Seleuco est octavus rex Syriae anno mundi 3828. & V. C. 577. anno 1. Olym. 151. hic obfes Roma rediens accepit regnum mortui fratris, dictus *Επιφανής*. Roma, inquam, obfes fuit, pro patre victo, Antiocho magno. Recte radix

radix peccatrix nominatur, & peccati: dixi supra coepisse annos Græcorum 137. plures sunt a morte Alexandri. Sed de his & aliis Græcorum annis dixi Chron. 99. cap. xvii. num. 5. & 7. DISPONAMUS TESTAMENTUM fœdus, διαθήκη. DESTINAVERUNT, destinati sunt. Dei cultu relicto vivamus more gentium.

V. 15. & 16. AEDIFICAVERUNT GYMNASIUM. Aliqui Scholas esse interpretantur profanæ literaturæ: verum rectius ex Lib. II. cap. iv. 12. colligitur fuisse impuras ad libidinem officinas. En interim ex corruptis moribus paratam viam ad insequentem perfectionem. FECERUNT PRÆPUTIA, vel non circumcidendo, vel extractione pellis adducendo præputium: quod prohibetur I. Cor. vii. 18.

K. 17. ET PARATUM EST REGNUM. Prima est expeditio in Aegyptum, quo venit Antiochus prætextu reducendi Ptolemæum Philometorem (ex duobus fratribus natu maiorem, & contententem cum fratre de regno) in regnum: revera tamen ex vers. 17. ut cum iam Syriæ regnum paratum, hoc est sibi firmatum videret, adiceret etiam Aegypti regnum suo imperio.

V. 19. CONSTITUIT BELLUM ADVERSUS PTOLEMAEUM. Pugnatur navali prælio ad Pelusium, & nomine Philometoris quem secum habebat; ac cuius se redemptorem profitebatur: occupat aliquot civitates, refert ampla spolia; & valido Pelusi relicto præsidio, rediit in Syriam; non tamen tota potitus est AEgypto; obstabat Alexandria; ac proinde cum hic vers. 17. dicitur coepisse regnare in terra Aegypti; sane coepisse, non est perfecisse, sed potius voluisse. In Græco est ἐπὶ τῆς Ἀιγύπτου τῆς Ἀλγύπρου: rediens, inquit Strabo Lib. XVI. voluit videre Ierosolymam, ubi cum honore exceptus est, & amice illinc rediit in Syriam. Hæc quidem Strabo; sed verius est, prius hoc accidisse; ut dixi in Synopsi an. Græc. 138.

Verum ne fallat nomen, uterque frater nomen Ptolemæi habebat, sed maior natu vocabatur Philometor, cuius causam suscepit initio Antiochus avunculus: alter est Ptolemæus, ab aliquibus doctus Evergetes: hic posterior est ille qui Alexandriæ clausus obsidebatur, quam quia ex

pugnare non potuit Antiochus, reduxit exercitum in Syriam: interim pax componitur inter fratres, quibus suspectus iam erat Antiochus: ipse interim ex hac pace iratus, parabit in utrumque nepotem secundam expeditionem, quam duxit anno Græcorum 145.

V. 21. ET CONVERTIT ANTIOCHUS. Narratur est reditus Antiochi a prima expeditione Aegypti (anno Græcorum 143.) Secunda autem expeditio accidit anno 145. quam infreata est gravissima illa in Iudæos persecutio, eodem anno 145. scilicet post biennium a prima expeditione, ex I. Machab. I. 30. & in hunc annum 145. incidit profanatio templi, ut serica narrationis ostendit. Et textus ipse citato cap. I. 57. purgatum vero est templum ann. 148. Lib. I. cap. iv. 53. Hæc ut semel dicam, sunt probabiliora; licet aliqui unicam tantum ponant Antiochi expeditionem, & profanationem templi locent ad ann. 142. atque ita sex annos, & aliquot dies reperiant a cepta clade ad purgationem templi. Nituntur verbis Angeli, Dan. viii. 14. Verum a qua parte cladis numeret Angelus dies 2300. usque ad mundatum sanctuarium, non est satis notum. Nos hic numeramus non a Iafonis tumultu, de quo Lib. II. cap. v. 5 sed ab illa abominatione, qua idolum positum est in altari, anno 145. ut habetur I. Machab. I. 57. hinc vero ad purgationem sunt tres anni.

V. 30. & 57. Multa hinc colliguntur. Primo ex Lib. II. cap. v. 1. non unam tantum, sed duas expeditiones paratas ab Antiocho in Aegyptum. Secundum tamen (ut narrat Livius) coactus est a Romanis relinquere. Deinde post duos annos a priorē expeditione profanatum templum, anno 145. Ex his vers. 30. & 57. unde tertio colligendum est esse tres annos ad purgationem; nam incidit in annum 148. ex Lib. I. cap. iv. num. 53. Nota hic ex vers. 43. in dissidio religionis nullam stare concordiam. Reliquum capitis nihil habet obscurum in sensu literalī.

V. 61. IN OMNI MENSE: nam quolibet mense sacrificabant Iovi die 25.

In vocibus hæc observari possunt.

V. 2. & 3. OBTINUIT MUNITIONES: omnia subegit. Iustin. Lib. XII. ad si-
nem,

nem, AD FINES TERRAR, extrema orientis. SILUIT, quievit.

V. 7. PUEROS: famulos, duces exercitus.

V. 12. FILII INQUI: scelerati Israelitæ, apostatæ. TESTAMENTUM, fœdus, pactum.

V. 14. IUSTITIA GENTIUM: rationem vivendi, & institutum.

V. 16. TESTAMENTO SANCTO: lege Dei, VENUNDATI, quasi pretio traditi.

V. 17. PARATUM: firmatum, stabilitum. CAPIT, affectavit.

V. 21. CONVERTIT: reversus est.

V. 23. SANCTIFICATIONEM, id est Templum. VASA, instrumenta candelabri. Exodus. xiv. 38. ORNAMENTUM AUREUM, pendebat ante sanctum.

V. 24. CONSPICIBILIA: prætiosa.

V. 27. INFIRMATI: animum deiecerunt.

V. 29. COMMOTA: velut indoluit.

V. 30. ANNOS DIURUM: integros. PRINCIPEM TRIBUTORUM: præter vestigalibus.

V. 38. IN DIABOLUM: calumniatorem, hostem.

V. 42. SECUNDUM: quanta fuit gloria.

V. 43. POPULUS UNUS: unius religionis.

V. 46. LIBROS: edicta regia, decreta.

V. 47. PLACATIONES: sacrificia, hostiz.

V. 50. TEMPLA, idolis. COMMUNIA, immunda.

V. 51. IUSTIFICATIONES: Dei leges & præcepta.

V. 54. SACRIFICARE, idolis.

V. 56. IN ABDITIS: in abdita.

V. 57. CASLEU: November. ALTARE DEI, IN CIRCUITU, circa Ierusalem.

V. 62. ARAM. Putatur parvum altare impositum magno altari holocaustorum.



CAPUT II.

Matthias cum filiis luget afflictionem civitatis, & sanctorum profanationem: ostensisque signis mœstitiæ, respondet his qui a rege missi erant, nec se nec cognationem suam impio decreto obtemperaturos: occisisque idololatra Iudæ & regis ministro, fugit cum filiis in montes: plurimi nolentes obtemperare trucidantur, cum nolent sabbato inimicis resistere: Matthias collecto piorum exercitu, revocat Dei cultum, destructa idololatria, caesoque Antiochi presidio: & moriturus hortatur filios, ut patrum exemplo semper tueantur legem Domini, datus Simonem filium suum in consultorem, & Iudam in militia principem.

IN diebus illis surrexit Mathathias filius Ioannis, filii Simeonis *, sacerdos ex filiis Ioarib ab Ierusalem, & cœdedit in monte Modin: 2. & habebat filios quinque, Ioannem, qui cognominabatur Gaddis: 3. & Simonem, qui cognominabatur Thasi: 4. & Iudam, qui vocabatur Machabæus: 5. & Eleazarum, qui cognominabatur Abaron: & Ionathan, qui cognominabatur Apphus: 6. hi viderunt mala, quæ fiebant in populo Iudæ, & in Ierusalem. 7. Et dixit Mathathias: Væ mihi, ut quid natus sum videre contritionem populi mei, & contritionem civitatis sanctæ, & sedere illic, cum datur in manibus inimicorum? 8. Sancta in manu extraneorum facta sunt: templum eius sicut homo ignobilis. 9. Vasa gloriæ eius captiva

priva abducta sunt: trucidati sunt senes eius in plateis, & iuvenes eius ceciderunt in gladio inimicorum. 10. Quae gens non hereditavit regnum eius, & non obtinuit spolia eius? 11. Omnis compositio eius ablata est. Quae erat libera, facta est ancilla. 12. Ecce sancta nostra, & pulchritudo nostra, & claritas nostra desolata est, & coinquinaverunt ea Gentes. 13. Quo ergo nobis adhuc vivere? 14. Et scidit vestimenta sua Mathathias, & filii eius: & operuerunt se cilieiis, & planxerunt valde. 15. Et venerunt illuc qui missi erant a rege Antiocho; ut cogerent eos, qui confugerant in civitatem Modin, immolare, & accendere thura: & a lege Dei discedere. 16. Et multi de populo Israel consentientes accesserunt ad eos: sed Mathathias, & filii eius constanter steterunt. 17. Et respondentes qui missi erant ab Antiocho, dixerunt Mathathiaz: Princeps & clarissimus & magnus es in hac civitate, & ornatus filiis & fratribus. 18. ergo accede prior, & fac iussum regis, sicut fecerunt omnes Gentes, & viri Iuda, & qui remanserunt in Ierusalem: & eris tu, & filii tui, inter amicos regis, & amplificatus auro & argento, & muneribus multis. 19. Et respondit Mathathias, & dixit magna voce: Et si omnes Gentes regi Antiocho obediunt, ut discedat unusquisque a servitute legis patrum suorum, & consentiat mandatis eius: 20. ego, & filii mei, & fratres mei, obediemus legi patrum nostrorum: 21. propitius sit nobis Deus: non est nobis utile relinquere legem & iustitias Dei: 22. non audiemus verba regis Antiochi, nec sacrificabimus transgredientes legis nostrae mandata, ut eamus altera via. 23. Et cessavit loqui verba haec, accessit quidam Iudaeus in omnium oculis sacrificare idolis super aram in civitate Modin, secundum iussum regis: 24. & vidit Mathathias, & doluit, & contremuerunt renes eius, & accensus est furor eius secundum iudicium legis, & insiliens trucidavit eum super aram: 25. sed & virum, quem rex Antiochus miserat, qui cogebat immolare, occidit in ipso tempore, & aram destruxit, 26. & zelatus est legem, (a) sicut fecit Phinees Zamri filio Salomi. 27. Et exclamavit Mathathias voce magna in civitate, dicens: Omnis, qui zelum habet legis statuens testamentum, exeat post me. 28. Et fugit ipse, & filii eius in montes, & reliquerunt quaecumque habebant in civitate. 29. Tunc descenderunt multi quærentes iudicium, & iustitiam, in desertum: * 30. & sederunt ibi ipsi, & filii eorum, & mulieres eorum, & pecora eorum: quoniam inundaverunt super eos mala. 31. Et renuntiavit ut viris regis, & exercitui, * qui erat in Ierusalem civitate David, quoniam discessissent viri quidam, qui dissipaverunt mandatum regis, in loca occulta in deserto, & abiissent post illos multi. 32. Et statim perrexerunt ad eos, & constituerunt adversus eos praelium in die sabbatorum, 33. & dixerunt ad eos: Resistitis & nunc adhuc? exite, & facite secundum verbum regis Antiochi, & vivetis. 34. Et dixerunt: Non exhibimus, neque faciemus verbum regis, ut polluamus diem sabbatorum. 35. Et concitaverunt adversus eos praelium. 36. Et non responderunt eis, nec lapidem miserunt in eos, nec oppilaverunt loca occulta, 37. dicentes: Moriamur omnes in simplicitate nostra: & testes erunt super nos caelum & terra, quod iniuste perditis nos. 38. Et intulerunt

runt

runt illis bellum sabbatis : & mortui sunt ipsi, & uxores eorum, & filii eorum, & pecora eorum, usque ad mille animas hominum. 39. Et cognovit Mathathias, & amici eius, & luctum habuerunt super eos valde. 40. Et dixit vir proximo suo : Si omnes fecerimus sicut fratres nostri fecerunt, & non pugnauerimus adversus gentes pro animabus nostris, & iustificationibus nostris : nunc citius disperdent nos a terra. 41. Et cogitaverunt in die illa, dicentes : Omnis homo quicumque venerit ad nos in bello die sabbatorum, pugnemus adversus eum : & non moriemur omnes, sicut mortui sunt fratres nostri in occultis. 42. * Tunc congregata est ad eos synagoga Assidorum fortis viribus ex Israel, omnis voluntarius in lege. 43. & omnes, qui fugiebant a malis, additi sunt ad eos, & facti sunt illis ad firmamentum. 44. Et collegerunt exercitum, & percusserunt peccatores in ira sua, & viros iniquos in indignatione sua : & ceteri fugerunt ad nationes, ut evaderent. 45. Et circumvit Mathathias, & amici eius, & destruxerunt aras : 46. & circumciderunt pueros incircumcisos * quotquot invenerunt in finibus Israel : & in fortitudine. 47. Et persecuti sunt filios superbiz, & prosperatum est opus in manibus eorum : 48. & obtinuerunt legem de manibus gentium, & de manibus regum : & non dederunt cornu peccatori. 49. Et appropinquaverunt dies Mathathie moriendi, & dixit filiis suis : Nunc confortata est superbia, & castigatio, & tempus everisionis, & ira indignationis. 50. Nunc ergo, o filii, æmulatores estote legis, & date animas vestras pro testamento patrum vestrorum, 51. & mementote operum patrum, quæ fecerunt in generationibus suis : & accipietis gloriam magnam, & nomen æternum. 52. (b) Abraham nonne in tentatione inventus est fidelis, & reputatum est ei ad iustitiam ? 53. (c) Ioseph in tempore angustie sue custodivit mandatum, & factus est dominus Aegypti. 54. (d) Phinees pater noster, zelando zelum Dei, accepit testamentum sacerdotii æterni. 55. (e) Iesus dum implevit verbum, factus est dux in Israel. 56. (f) Caleb, dum testificatur in ecclesia, accepit hereditatem. 57. (g) David in sua misericordia consecutus est sedem regni in sæcula. 58. (h) Elias, dum zelat zelum legis, receptus est in cælum. 59. (i) Ananias & Azarias & Misael credentes, liberati sunt de flamma. 60. (k) Daniel in tua simplicitate liberatus est de ore leonum. 61. Et ita cogitate per generationem & generationem : quia omnes qui sperant in eum, non infirmantur. 62. Et a verbis viri peccatoris ne timueritis : quia gloria eius, stercus & vermis est ; 63. hodie extollitur, & cras non invenietur : quia conversus est in terram suam, & cogitatio eius periit. 64. Vos ergo filii confortamini, & viriliter agite in lege : * quia in ipsa gloriosi eritis. 65. Et ecce Simon frater vester, scio quod vir consilii est : ipsum audite semper, & ipse erit vobis pater. 66. Et Iudas Machabæus fortis viribus a iuventute sua, sit vobis princeps militie, & ipse aget bellum populi. 67. Et adducetis ad vos omnes factores legis : & vindicatis vindictam populi vestri. 68. Retribuite retributionem Gentibus, & intendite in præceptum legis. 69. Et benedixit eos, & appositus est ad patres suos. 70. Et defunctus est anno centesimo & quadragesimo sexto : &

Bib. Sac. Tom. XXII.

V u

sepul.

sepultus est a filiis suis in sepulcris patrum suorum in Modin, & planxerunt cum omnis Israel planctu magno.

(a) Num. xxv. 13. (b) Gen. xxxi. 2. (c) Gen. xli. 40. (d) Num. xxv. 33. Eccli. xlv. 28. (e) Ios. ii. 2. (f) Num. xiv. 6. Ios. xiv. 14. (g) II. Reg. ii. 4. (h) II. Reg. ii. 11. (i) Dan. xii. 30. (k) Dan. vi. 22.

B R U G E N S I S

ROMANAE CORRECTIONES.

Vers. 1. Sacerdos ex filiis Iosab ab Ierusalem. Scribendum est Iosab, ultima littera existente b secunda alphabeti; non Iosabim, ultima littera existente m secunda liquidarum.

Vers. 30. Et sederunt ibi ipsi & filii eorum. Non mutes plurale eorum in singulare eius. Ibidem: Quoniam inundaverunt super eos maela. Alii libri scribunt induraverunt, minus verisimiliter.

Vers. 31. Qui erat in Ierusalem. Retinendus

est numerus singularis erat.

Vers. 42. Tunc congregata est ad eos synagoga Assydeorum. Cave ne ponas nomen generale Iudeorum pro particulari, Assydeorum, quod alias dicitur assenorum.

Vers. 46. Quotquot invenerunt in finibus Israel. Nomen Israel non est mutandum in pronomen eorum.

Vers. 64. Quia in ipsa gloriosi eritis. Quod quidam libri adiciunt post coniunctionem quia cum feceritis quae vobis praecepta sunt in lege a Domino Deo nostro, merito ut superfluum omisum est.

C O M M E N T A R I A

S A.

Vers. 1. A B IERUSALEM: iunge cum surtaxis.

V. 7. CONTRITIONEM, id est vastationem.

V. 8. SANCTA; pro, sanctorum. FACTA; pro, data. EIUS, scilicet Ierusalem. IGNOBILIS, id est contemptibilis, seu vilis.

V. 9. GLORIAE, id est gloriosa, seu magnifica. SENES. Graec. parvuli, seu infantes.

V. 10. EIUS, scilicet Ierusalem.

V. 11. COMPOSITIO, id est ornatus.

V. 16. STETERUNT, scilicet in proposito non recedendi a lege Dei.

V. 19. OBEDIUNT; pro, obediant. SERVITUTE, id est observantia.

V. 21. PROPITIUS SIT, id est saveat; quasi dicat: Ita nos Deus servet, ut non faciemus id.

V. 24. RENES, id est interiora. SECUNDUM IUDICIUM LEGIS, id est prout postulabat amor, seu zelus legis. Graec. secundum iudicium, id est ut solet, scilicet in talibus rebus.

V. 27. STATUENS; quasi dicat, Defendens ne cadat. TESTAMENTUM, id est

pactum, scilicet legem Dei, quae secundum foedus debet observari.

V. 29. IUDICIUM, ET IUSTITIAM, id est iuste & sancte vivere.

V. 30. SEDERUNT. Sedere dicuntur in Scriptura afflicti & moesti, INUNDAVERUNT. Graec. multiplicata sunt.

V. 31. DISSIPAVERT, id est violaverunt.

V. 32. SABBATORUM; pro, sabbati: sic infra.

V. 34. POLLUAMUS, id est profanemus, scilicet putabant non licere Sabbato praecari etiam se descendendo.

V. 37. SIMPLICITATE, id est innocentia, seu integritate. SUPER NOS, pro, nobis, seu de nobis.

V. 40. VIR, id est quisque. ANIMABUS NOSTRIS, id est vita nostra. IUSTIFICATIONIBUS, id est legibus. A TERRA, id est ne vivamus super terram.

V. 41. OCCULTIS, scilicet locis, ubi se absconderant.

V. 42. VOLUNTARIUS IN REGE, id est desiderans legem observare.

V. 43. MALUS, id est persecutione, seu calamitate. ADDITI SUNT, id est adiunxerunt se. FACTI SUNT, &c. quasi dicat, Fuerunt illis magno praesidio.

V. 44. IN IRA SUA, id est irati. CETERI, scilicet hostium. NATIONES, id est Gentiles.

V. 46. IN FORTITUDINE, id est fortiter.

V. 47. FILIOS SUPERBIAE, id est superbos, scilicet hostes. PROSPERATUM EST, id est bene succellit.

V. 48. OBTINUERUNT LEGEM, id est legis observationem, quam hostes impediebant. CORNU, id est potentiam; quasi dicat, Victoriam.

V. 49. CONFORTATA EST, id est invaluit. CASTIGATIO, scilicet Dei per hostes. EVERSIONIS, scilicet rerum nostrarum. IRA INDIGNATIONIS, id est magna punitio.

V. 50. AEMULATORES, id est zelatores, seu studiosi vehementer. TESTAMENTUM, id est pactum, vel lege, ut sit repetitio.

V. 51. GENERATIONIBUS, id est seculis, seu aetatibus.

V. 52. REPUTATUM EST, &c. quasi dicat, Estque in eo apud Deum iustior effectus.

V. 54. ZELANDO ZELUM, id est affectus zelo. DEI, id est Dei causa. TESTAMENTUM, id est pactum.

V. 55. VERBUM, id est praeceptum, scilicet Dei.

V. 56. TESTIFICATUR, id est affirmat in Dei causa. ECCLESIA, id est congregatio, scilicet Iudaeorum in deserto.

V. 57. MISERICORDIA, id est pietate, seu mansuetudine, & clementia. IN SAECULA. GRÆC. *æterni*; æternam quidem est in Christo.

V. 58. ZELAT, &c. id est pro lege zelo magno afficitur. CAELUM, scilicet in aerem sublatus curru igneo, reponendus deinde loco aliquo terræ, usque ad finem sæculi.

V. 59. CREDENTES, scilicet Dei fide constantes le præbentes.

V. 60. SIMPLICITATE, id est sinceritate, seu integritate.

61. GENERATIONEM, ET GENERATIONEM, id est singulas ætates. INFIRMANTUR, id est vinibus deficiunt.

V. 62. VERBIS, scilicet minacibus. STERCUS; pro, velut stercus, vel quasi dicat, Cito desinit per mortem in stercus & vermes.

V. 63. PERIIT; quasi dicat, In nihilum recidit quicquid designari cogitatione.

V. 67. VINDICATE VINDICTAM, id est ulciscimini iniurias.

V. 68. RETRIBUTIONEM, scilicet quod merentur eis retribui.

E S T I I.

Verf. 22. **N**ON AUDIEMUS VERBAREGIS ANTIOCHI. Et paulo post verf. 24. ET VIDIT MATHATHIAS, ET DOLUIT, ET INSILIENS TRUCIDAVIT EUM SUPER ARAM; SED ET VIRUM QUEM REX ANTIOCHUS MISERAT. Quæritur, utrum exemplo Mathathie licitum sit resistere regi aut principi iniusta imperanti? & minus impietatis eius occidere: & populo adversus eum concitato, bellum movere? Talia enim hoc loco fecisse legitur Mathathias, & zelus eius comparatur cum zelo Phinees sacerdotis. Quæsitio hoc tempore inter quosdam agitata, & varie disputata; aliis putantibus licitum esse principi apertam tyrannidem molienti, (maxime adversus religionem) resistere; non tamen per seditionem plebe concitata, sed opponentibus se perverso conatu principi, iis, ad quos pertinet toti Reip. prospicere, de iusta eius administratione; qualis videtur fuisse Mathathias. Vocatur enim hoc eodem cap. verf. 17. *Princeps, & clarissimus, & magnus in populo*. Alii existimant nulla ratione, & nullo casu lege divina permissum esse, ut legitimo principi aliquando per vim resistatur, etiamsi iniuste imperet, sed putant subditos sola patientia armari debere adversus eiusmodi tyrannidem. De facto autem Mathathie respondent, eum non legitimo principi, sed iniusto Iudaici regni invasori resistisse. In hanc sententiam extat libellus doctissimi viri, & Reverendissimi Domini sanctæ memoriæ Cunei Episcopi Levvardiensis. Contra sentit Molanus, & alii doctissimi viri; & probatur exemplo reprobat Roboam III. Regum XII. Nec valet responso contrarie opinionis. Nam Antiochus a maioribus suis acceperat regnum Iudæe, sicut & postea Tiberius Cæsar ab aliis Cæsaribus & populo Romano: de quo tamen Tiberio Christus Matth. XXII. *Reddite quæ sunt Cæsaris, Cæsari*.

V. 40. SI OMNES FECERIMUS, SICUT

FRATRES NOSTRI FECERUNT, ET NON PUGNAVERIMUS ADVERSUS GENTES (scilicet in Sabbatho) CITIUS DISPERDENT NOS A TERRA. Discimus hunc ordinem legis naturalis, & positivæ ad invicem, ut si quando simul ambix servari non possint, lex positiva, etiamsi divina sit, cedat legi naturali: quæ & ipsa divina est, nec divina tantum, sed & æterna: scilicet hominem vitam suam conservare debere. Sed queritur an similiter Iudei potius debuerint edere cibos lege vetitos, quam permittere se occidi? cum etiam hic videantur concurrere lex positiva de cibis immundis non comedendis, & naturalis de vitæ conservatione. At superiori cap. dictum est, quod elegerunt magis mori, quam cibis contaminari gentiliū. Et similiter hodie queri potest; An quis potius debeat eligere mori, quam comedere carnes in quadagesima? Respondeo, si tantum hæc duo concurrant, & nihil aliud accedat, servanda est lex naturalis, præ lege positiva, ut Iudeus, vel Christianus esset fame moriturus, quia nihil aliud haberet, tunc liceret cibum vetitum comedere. Verum cum Iudeus cogebatur a tyranno edere immundum, tunc non tam agebatur de lege una positiva, quam de tota religione, quam tyrannus hac ratione volebat auferre. Et ita quoque si hodie quis metu mortis egeretur a tyranno ad edendum carnes in quadagesima, mortem eligere deberet. Agitur enim non tam de virtute illius legis ecclesiasticæ, quam de obedientia, quam fideles debent ecclesie. Vide Dom. a Soro Lib. I. de iustitia & iure quæst. vi. art. iv.

V. 46. ET CIRCUMCIDERUNT PUEROS INCIRCUMCISOS, QUOTQUOT INVENERUNT IN FINIBUS EORUM IN FORTITUDINE. Pro, in finibus eorum, Græce est in terminis Israel. Faciebant autem hoc in fortitudine, id est magno & forti animo, non veriti hostes, a quibus dudum oppressi fuerant, quinve necdum erant exterminati. Quidam hinc colligere volunt, filios invitis parentibus, posse baptizari. Putant enim pueros, de quibus hic agitur, invitis parentibus fuisse circumcisos, propter id quod additur, in fortitudine, quod sic intelligunt, sorti & violenta manu. Sed magis probabilis est expositio, quam dedi. Nam fortiter tanquam hæc egisse dicuntur contra

eos, qui se prohibebant, iussu regis Antiochi, ab observatione legis paternæ. Unde & sequitur vers. 48. ET OBTINUERUNT LEGEM DE MANIBUS GENTIUM, ET DE MANIBUS REGUM; id est, hac fortitudine sua legem instaurarunt, gentilibus, ac rege eorum invitis. Dictum est quidem cap. 1. de Iudeis, quod non ausi fuerint circumcidere filios suos metu mortis interminatæ ab Antiocho, sed nihil obstat, quod tandem permiserint filios suos circumcidi a sociis Mathathie, qui iam contra gentiles aliquantulum ceperant prævalere.

MARIANAE.

Vers. 1. IN DIEBUS ILLIS SURREXIT: *איש*, sive *exiit*, sive *rebellavit* ut Antiocho resistere, sive *abii*. MATHATHIAS. Idem a Iosepho Lib. XII. cap. viii. vocatur *Marthias*. Nec refert: utraque vox a Deo donatum significat. FILII SIMEONIS. Ioannes fuit Simeonis filius, Mathathias nepos. Ergo *filii* pro nepote. SACERDOS, scilicet magnus & Pontifex: sic canunt Iudei in eorum Synagogis uti ex eorum Rituali libro patet, in quo hæc sunt verba: יִתְּנָן כִּימֵי מַתְּתִיָּא בְּרַחֲמֵי הַשֵּׁמוֹנָה. In dirbus Mathathia filii Iobanæ sacerdotis magni Hasmonæ. Sic Chaldaus Cant. vi. 6. Iosephus Gorionis Lib. III. cap. ix. Ex nostris Alf. Tostatus Episc. Abulenſis, Exod. xx. q. xxxv. & Num. x. quæst. xiv. Ut mirer neque Iosephum cum nominare inter Pontifices, neque Niephorum in suo Catalogo. Quod si eius filii Pontifices fuerunt, ut ipse fateretur, eum honorem utique a patre acceperunt. Ex FILIIS IOARIB. Sic lege, non *Ioarim* ut Regia & Lavan. Iosephus Lib. XII. cap. viii. *Sacerdos ait ex vice Ioarib*, sic infr. xiv. 29. & I. Par. xxiv. 7. Fuit autem *Ioarib*, uti ex eo loco patet, princeps familiæ primæ inter vigintiquatuor, quas ex posteris Aaronis ministerio templi designavit David. AB IERUSALEM, scilicet surrexit, abiit occiso in ea urbe Bacehide Antiochi præfesto, ut Iosephus ait Lib. I. de bello Iud. cap. 1. Ea causa fuit fugiendi in montem Modin, ubi opidum eo nomine erat. Habebar

V. 2. FILIOS QUINQUE, IOANNEM. An hi Mathathie filii numerentur hoc loco quo nati ordine sunt, queri potest. Quidam

dam Iudam natu maximum putant cum Iosepho Lib. I. de Bello Iud. cap. 1. Ego credam natos esse, quo ordine hic ponuntur, cum Egesippo Lib. I. Mutandi eum ordinem nulla ratio fuit.

V. 4. IUDAM QUI VOCABATUR MACHABAEUS. Mathathias & filii ab Hebraeis *Hasmonei* vocantur, ab Hasmonzo uno ex primogenitoribus Mathathiae proavo, ut Iosephus ait Lib. XII. cap. viii. Quare mutato nomine Iudas prior, deinde ex illo alii eius fratres, & eorum posteri, *Machabai* fuerint vocati, ex Rabbi Isaac Benischola affert Xystus Senensis Lib. I. Bibliothecae, §. de Scripioribus sacris, nimirum, in vexillis quatuor has litteras gessisse מַכַּבִּיִּם quibus compedio & pro quaque littera voce integra substituit, hac sententia continebatur: *Quis ut tu in fortibus Domine?* Exod. xv. 11. Vulgus, cum litteras illas iungeret, legisset *Machai*, unde *Machabaeus* vox est constata.

V. 5. ELEAZARUM, QUI COGNOMINABATUR ABARON. Graec. *Avaram*. Inde factum *Abaron*, unius litterae mutatione.

V. 7. ET SEDERE ILIC, scilicet in urbe Ierusalem nolebat. Ut quid? Ea secessus Mathathiae causa, praeter eadem factam excidium urbis, cui interesse nolebat.

V. 12. COINQUINAVERUNT EA GENTES. Sic Graece. At Gotth. & Regia, *eam*, scilicet claritatem urbis.

V. 14. SCIDIT VESTIMENTA, id est vestes laceras sumpsit. Ea Iudeis vestis lugubris in luctu. Hispani in funere regio sacco induebantur, olim *Xerga*.

V. 19. A SERVITUTE LEGIS PATRUM non discedam, id est ab obedientia legis, si alii discedant. Graece, *ἀλλὰ τῆς νόμου πατρῶν*, id est a cultu, a religione patrum. Suspicio vocem legis redundare. Nam Lucifer Episcopus in libro De non parciendo pravis in Deum, sic habet: *Ut discedas unusquisque ab officio patrum suorum. Officium, pro latrā posuit.*

V. 21. PROPITIUS SIT NOBIS, id est abest. Detestantis formula, familiaris Hebraeis.

V. 24. ACCENSUS EST FUROR EUS. Gotth. *ascendit furor eius*, Lucifer, *ἔτις ἰραμ*. Sic Graece, *ἀνέστη θυμὸς*. SECUNDUM IUDICIUM LEGIS. Graece, *secundum iudicium*. Sed bene suppletur le-

gis. Id decretum est Deut. xiii. 6. Ut quis aliquem abstrahere velit a religione patriā, ipsemet occidat.

V. 25. SED ET VIRUM, QUEM REX ANTIOCHUS MISERAT, OCCIDIT. Hic vocabatur *Apelles*, ex Iosepho Lib. XII. cap. viii.

V. 27. ET EXCLAMAVIT. Gotth. *clamavit*. Sic Graece. STATUENS TESTAMENTUM; pro, stabiliens, defendens legem. Sederunt in montibus.

V. 34. IPSI, ET FILII EORUM. Sic Graec. Gotth. *non filii eius*, ut est in Reg. & Lovan. QUONIAM INUNDAVERUNT SUPER EOS MALA. Gotth. & multi alii codices, *Induraverunt super eos mala*. Graece, *Multiplicata sunt supra eos mala*. Dixerunt:

V. 37. MORIAMUR OMNES IN SIMPLICITATE, id est innocentia, immerito, innoxii. Aut simplicitas sumatur pro patientia, ubi Iob tt. 9. *Adhuc permanes in simplicitate?* Ea simplicitas seu ignorantia eos homines liberavit a culpa; alioqui in Sabbato pugnare licebat. Iosephus Lib. XIV. cap. tti. susceptum ait more inter Iudaeos, ut Sabbato non aggredirentur hostes, impugnantibus tamen resisterent.

V. 40. NUNC CITIUS DISPERDENT NOS, nisi contra Gentes pugnemus. Gotth. & in Regiis non est vox *nunc*, & videtur turbare sententiam. Retinemus tamen eam, quoniam Graece est, & aliis Latinis codicibus.

V. 42. SYNAGOGA ASSIDAEORUM: sic Gotth. & Graec. non *Iudeorum*, ut Regia. Porro *Assidaei* in Iosepho saepe a probitate laudantur. Num ii *Essaei*, secta inter Iudaeos praecipua? Quidam putant, nec displicet.

V. 48. ET OBTINUERUNT LEGEM; pro, defenderunt. Verbum *ἀντιτάσσασθαι*, quod hic est, multa significat. DE MANIBUS GENTIUM, id est contra Gentes. ET NON DEDERUNT CORNU PECCATORI, id est viatoriam & robur non cesserunt eis.

V. 49. NUNC CONFORTATA EST SUPERBIA. Ad culmen malorum ventum est. ET CASTIGATIO. Supplicia gravia piis inferuntur. Date animas

V. 50. PRO TESTAMENTO, id est lege. PATRUM VESTRORUM. Gotth. & Regia, *patrum*, sine *vestrorum*. Graeca Romana, *patrum nostrorum*. Abraham

V. 52. IN TENTATIONE. Quando filium immolare iussus est. Laudatur

V. 55. IESUS, id est Iosue, qui Moyse obediit, factus est populi dux. Peccator

V. 63. CONVERSUS EST IN TERRAM SUAM. Eo redit unde est factus. Finis cum principio consentit, licet in presenti extollatur.

V. 65. ECCE SIMON. Græc. *Simcon*: sic Gothi. vir est consilii.

V. 69. APPOSITUS EST AD PATRES SUOS. Id de iustis tantum dicitur: sic Abulenſis Gen. xxv. 17. & ex eo probat, Ismaelem salutem conſecutum; quoniam de eo ibi dicitur: *Appositus est ad populum suum*. Vere ea nostra patria est, hic in exilio sumus, & ad tempus peregrini. *Nostra autem conversatio* (seu civitas) *in celo est*: ad Philip. iii. 20. Sepultus est

V. 70. IN SEPULCRIS PATRUM. Exatbat id sepulchrum Hieronymi ætate, ut ipse ait de Locis Hebr. sed & nunc extare dicunt, qua forma describitur hoc I. Libro, cap. xiii. 27.

MENOCHII.

Verſ. 1. **E**X filiis IOARIB: cuius fors prima exiti tempore David I. Paral. xxiv. 7. fuitque prima in viginti quatuor vicibus, quæ omnes erant de filiis Aaron, ibidem num. 19. Ad IERUSALEM: neſtendum cum verbo surrexit, id est diſceſſit Ieroſolyma. IN MONTE MODIN. Vicum Iudææ vocat Iosephus Lib. XII. cap. viii. at Scriptura civitatem appellat hoc capite num. 15. & alibi. Adrichomius collocat in tribu Dan; sed ea in antiqua distributione finibus Iudææ continebatur. D. Hieron. de locis Hebræicis: *Modin ait vicus iuxta Dioſpolim, unde fuerunt Machabei, quorum hodieque ibidem ſepulcra monſtrantur*.

V. 7. CONTRITIONEM: vaſtationem. Duſta est metaphora a vaſis fictilibus. Vi. de Iſa. xxx. 14. Polycarpus apud Euseb. Lib. V. cap. xix. exclamare ſolebat: *O bone Deus in qua tempora me reſervaviſti, ut hæc patiar?* SEDERE ILIC: illic habitare.

V. 8. SANCTA, ſanctuarium. FACTA, data. IGNOBILIS: contemptibilis, vilis.

V. 9. VASA GLORIAE: glorioſa, pre-

tioſaque ſupellex templi, de cuius pulchritudine, & pretio gloriari ſoles; ſic Ezech. xxv. 26. ubi legibus, *Vaſa gloriae tuae*, in Græco est, *καυχῶντος, gloriationis, ſive iactantiae*.

V. 10. QUAE GENS NON HEREDITAVIT REGNUM EIUS? ut in eo, velut in paterna hereditate dominaretur, pulſis, aut æſis legitimis poſſeſſoribus; quod maxime pertinet ad Sionem, & arcem regiam, in qua cum præſidio erant præſecti regii, & duram in Iudæos tyrannidem exercebant.

V. 11. COMPOSITO, ornatus, Græce enim est, *κόμης*.

V. 14. SCIDIT VESTIMENTA SUA, &c. ſponte ſuſcepſis corporis aſſiſtationibus, divinam indignationem in Iudæos ſevientem mitigare cupiens.

V. 16. CONSTANTER STETERUNT; ſcilicet in propoſito non recedendi a lege Dei.

V. 18. MUNERIBUS MULTIS. In Græco est, *παραλαβὴ, miſſibus*, ſcilicet munerum a rege.

V. 19. OBIEDIUNT; pro, obediunt. SERVITUTE, obſervantia.

V. 21. PROPITIUS SIT, id est ſaveat; quaſi dicat: Ita nos Deus ſervet, ut non faciamus hoc quod iubemur. IUSTITIAS: idem ſignificat quod legem, ſecundum quam ambulantes iuſti ſunt.

V. 22. UT EAMUS ALTERA VIA: alteram religionem ſequamur. Græcus textus habet, *dextera, vel ſiniſtra*: ut aliqua ex parte a recta via aberremus. Vel, ne latum quidem unguem a veritate diſcedemus, & legitimo Dei cultu.

V. 23. ACCESSIT QUIDAM IUDÆUS: fortasſe de induſtria comparatus a miniſtris regiis, ut verbis exempla coniuncta, vehementius permoverent legis patriæ tenaces, ſed falſi ſunt expectatione ſua.

V. 24. CONTRERMUERUNT RENES EIUS: viſcera, & interiora eius dolore, & zelo commota ſunt. SECUNDUM IUDICIUM LEGIS; id est, prout poſtulabat amor, ſeu zelus. Non deſuit Mathathiae auctoritas iuris publici, ut poſſet ſine noxa Iudæum interficere; erat enim Summus Pontifex, & ſummus reipublicæ Iudæicæ eo tempore præſectus.

V. 16. SICUT FECIT PHINEES, &c. Hilariorum habes Num. xxv. 13.

V. 27. STATUENS TESTAMENTUM, id

est stabilire, & assertere volens testamentum, id est pactum initum cum Deo. Legem Dei, quæ secundum fœdus observari debet.

V. 29. IUDICIUM, ET IUSTITIAM, id est iuste, & sancte vivere.

V. 30. SEDERUNT, habitarunt.

V. 31. DISSIPAVERUNT, violaverunt.

V. 32. IN DIE SABBATORUM: in die sabbati, quo die Iudæi a tractandis armis abstinere; ea enim omnibus infederat opinio, non licere eo die, ne ad defensionem quidem arma capessere, & hostibus repugnare; quæ ignorantia zelo legis servandæ, & amore & reverentia in Deum, quæ movebantur, excusatio digna est.

V. 36. NEC OPPILAVERUNT LOCA OCCULTA: nec clauferunt loca occulta, & latebras suas in qua se receperant.

V. 37. IN SIMPLICITATE NOSTRA: in innocentia, seu integritate. SUPER NOS; pro nobis, de nobis.

V. 40. VIR, id est quisque. ANIMABUS NOSTRIS, id est vita nostra. IUSTIFICATIONIBUS, id est legibus. A TERRA, id est legibus. A TERRA, id est ne vivamus super terram.

V. 41. COGITAVERUNT IN DIE ILLA, &c. ex absurdo intelligunt cum tanto rigore sabbati observantiam retinendam non esse. OCCULTIS, scilicet locis, ubi se absconderant.

V. 42. SYNAGOGA ASSIDAEORUM: Assidæi, vel iidem fuerunt cum Essenis, vel certe fuerunt familiar, & sectæ quædam institutis valde inter se similes, & coniunctæ. Profitebantur Esseni vitam theoreticam, erantque quodammodo monachi illius ævi. Vide Sararium in Trihæresio Lib. III. cap. vii. 7. VOLUNTARIUS IN LEGE. Ille dicitur voluntarius in lege, cuius voluntas prompta est ad observandam legem.

V. 43. MALIS, id est persecutione, seu calamitate. ADDITI SUNT: adiunxerunt se. FACTI SUNT ILLIS AD FIRMAMENTUM, id est fuerant illis magno præsidio.

V. 44. PECCATORES. Peccatores singulariter in Scriptura dicuntur, qui apostatæ facti sunt, ut non semel in libris Regum, & Prophetarum occurrunt exempla. IN IRA SUA, id est irati. CETERI, scilicet hostium. NATONES, id est Gentiles.

V. 46. ET IN FORTITUDINE. In Gericco non est conjunctio &, habetur enim

tantum *in* fortitudine, id est fortiter.

V. 47. FILIOS SUPERBIAE, hostes superbos Iudæorum. PROSPERATUM EST OPUS, id est bene successit.

V. 48. OBSTINUERUNT LEGEM DE MANIBUS EORUM, id est obtinuerunt legis observationem, quam hostes, & reges impediabant. ET NON DEDERUNT CORNU PEC-CATORI; id est, non permisit ut peccatores, & hostes prævalerent.

V. 49. CONFORTATA EST, id est invaluit. CASTIGATIO, scilicet, Dei per hostes nos affligentis, & punientis. EVER-SIONIS, scilicet rerum nostrarum. IRAI-DIGNATIONIS: vehemens Dei ira, & ad puniendum incitata.

V. 50. AEMULATORES: zelatores, & valde studiosi. ANIMAS VESTRAS: vitam vestram. PRO TESTAMENTO PATRUM VESTRORUM; pro custodia legum paternarum.

V. 51. IN GENERATIONIBUS SUIS: suo ævo, cum essent in vivis.

V. 52. IN TENTATIONE: cum Deus iussit illum immolare Isaac filium suum, Genes. xxii. 1. REPUTATUM EST EI ADIUSTITIAM; quasi dicat, Estque in eo apud Deum iustus habitus, seu iuste agens, perfectæ iustitiæ laudem, & eximium meritum consecutus est.

V. 53. IN TEMPORE ANGSTIÆ SUÆ: cum ab uxore Putipharis calumniæ passus est, in carcerem coniectus. CUSTODIVIT MANDATUM: legem Dei violare noluit, nec consentire in adulterium: Genes. xxxix. 9.

V. 54. PATER NOSTER. Ita loquitur, quia Machabæi sacerdotalis generis erant, & a Phinees genus ducebant. ZELANDO ZELUM, id est zelo ardens: cum scilicet Israelitam, & seorsum Madianitidem pugione confodit: Num. xxv. 8. ACCEPIT TESTAMENTUM SACERDOTII: promissionem sacerdotii in posteris eius perpetuo permanfuri: dictum enim est Moyse de Phinees: Ecce do ei pacem fœderis mei, & erit tam ipse, quam semini eius pactum sacerdotii sempiternum, quia zelatus est pro Deo suo, & expiavit scelus filiorum Israel: Num. xxv. 12.

V. 55. IESUS: Iosue. DUM IMPLEVIT VERBUM, id est præceptum Dei transiit Jordanem, & occupandi terram promissam,

missam, eamque populo dividendi, Iosue 1. 2.

V. 56. DEUM TESTIFICATUR IN ECCLESIA: dum hortatur populum, ut audeant aggredi terram promissam Num. xiv. 6. IN ECCLESIA: in cotu populi. ACCEPIT HEREDITATEM: nimirum Hebron, quam urbem accepisse dicitur, Iosue xiv. 14. quia secutus est Dominum Deum Israel.

V. 57. IN SUA MISERICORDIA: pietate, mansuetudine, clementia, quam praestitum cum Saule exercuit.

V. 58. ELIAS DUM ZELAT ZELUM LEGIS: occidens propheta Baal: III. Reg. xviii. 40. & contra idololatriam pugnans. RECEPTUS EST IN CAELUM: IV. Reg. ii. 11.

V. 59. LIBERATI SUNT DE FLAMMA: historia est apud Daniel. cap. iii.

V. 60. SIMPLICITATE: sinceritate, integritate. LIBERATUS EST DE ORE LEONUM: historiam habes Daniel. vi.

V. 61. PER GENERATIONEM, ET GENERATIONEM, id est per singulas aetates. NON INFIRMANTUR: viribus non deficiunt, nec succumbunt adversis.

V. 62. A VERBIS, minacibus. VIRI PECCATORIS: Antiochi, & ministrorum eius. STERCUS, ET VERMIS EST; pro, velut stercus. Vel, quasi dicat, Cito desinit per mortem in stercus, & vermes. CONVERSUS EST IN TERRAM SUAM: solvit in terram & pulverem, ex quo formatus est. COGITATIO PERIIT: quaecumque machinabatur in nihilum reciderunt.

V. 64. IN IPSA GLORIOSI ERITIS. Non vult eos gloriam querere; id enim vanitatis est, & indignum sanctis viris, sed eam secururam ait, sicut umbram corpus.

V. 66. AGIT BELLUM POPULI. In Graeco est, πολέμους πόλεμι λαόν, bellum bellum populorum, quod idem est; singula enim urbes habent populum suum. Nisi explices bellum, populum, id est contra populos Iudeorum inimicos.

V. 67. VINDICATA VINDICTAM: ulciscimini iniurias.

V. 68. RETRIBUTIONEM, scilicet id quod par est eis rependi pro iniuriis, & damnis populo fidei illatis. INTENDITE IN PRAECEPTUM LEGIS: solliciti estote in legis observatione.

V. 69. APPOSITUS EST, AD PATRES

suos: in limbo patrum suorum ceteri aggregati sunt. Vide dicta Genes. xiv. 8. ANNO CENTESIMO QUADRAGESIMO SEXTO: non aetatis, sed regni Graecorum, ut supra cap. 1. 11.

V. 70. IN SEPULCRIS PATRUM SUORUM IN MODIN: ex quo apparet Mathathiam cum liberis suis licet habitarent in Ierusalem, oriundos tamen fuisse ex oppido Modin. PLANCTU MAGNO: lacrymis eius mortem, & honestis exequiis eius funus profecti sunt.

T I R I N I.

Vers. 1. **M**ATHATHIAS, id est Dorotheus, seu donum Dei a Iosepho & Theodoretis a usitata syncope Mathias vocatur, certe magno Dei dono, in tanto religionis discrimine, Iudeis donatus. Ab abavo suo Assamone, (ut vult idem Iosephus, & alter Iosephus Gorionides b, Zonaras, Nicephorus & alii) tam ipse quam parentes eius omnesque posteris, dicti magni principes: eo quod e prima essent classe sacerdotali, nempe IOARIB e, ut hic dicitur & inter ipsos, Iontibaez, huius dignitate, forsitan & primogenitura nobilitate praestarent. Unde & summum sacerdotem, seu pontificem fuisse Mathathiam, non sola electione, sed & successione iure, probabilius putant Serarius, Mariana, Abulensis & alii. Certe in Rituali Hebraeorum, & a Chaldaeo Paraphrase d, & a Rabbini Kimbi, Abenefra, Iosepho Gorionide e, & aliis passim summus sacerdos, vel sacerdos magnus, vel, pontifex vocatur. Occiso enim Onia tertio sancto & summo pontifice anno 141. regni Graecorum, quinto regni Antiochi, ut dicitur II. Machab. iv. 23. & xxxiv. filio autem eius Oriana in Aegyptum profugo, ut Iosephus f affirmat: fratre autem Isalone ad ritus Gentilitios delapso, ut idem Iosephus & historia Machabaeorum testatur; ad quem, quæso, devolvebatur pontificatus nisi ad Mathathiam, primæ sacerdotalis classis principem primum? Et licet forte primo & secundo anno, pro sua modestia, spe conversionis fratrum Oniae perpetuo inter se tumultuantium, abstinerit usurpatione pontificatus; ubi tamen re desperata coactus est (percutiente aliquo religione & republica, & consentientibus g

ac probantibus indigenis) temporalem principatum suscipere admisit eadem opera etiam pontificatum, cui iam inde a relaxata captivitate Babylonica, iussu regnum Persarum, adnexus erat, magna ex parte, principatus temporalis, teste Iosepho *h*, immo S. Scriptura, ut alibi *i* dixi. Admisit, inquam, anno regni Antiochi nono, Græcorum 145. tenuitque announo, sed non integro.

Hic ergo zelo Dei plenus, non ferens impii tyranni nequitiam, occiso Ierosolymis, teste Iosepho *k*, ex Antiochi præfectis Bacchide, ex ea urbe aufugit, & concessit in MODIN oppidulum monti inædificatum. Hic vers. 7. se suosque filios ad religionis pectus evitis defensionem excitat, inslar parturitientis exclamans, inquit Rupertus *l*, eodem pene modo quo postea S. Polycarpus apud Eusebium *m*. Inde vers. 14. convertitur ad opera penitentiae, ad cilicia, ad planctus publicos.

V. 23. IUDAM apostatam publice IDOLIS SACRIFICARE parantem zelo Phineitico, in ipsa ara, deinde & præfectum ipsum a rege submissum *Apellem* nomine, inquit Iosephus *n*, eodem impetu occidit.

V. 25. SECUNDUM IUDICIUM, seu decretum LEGIS divinæ, Deuter. XIII. 6. ubi iubet Deus, si quis aliquem abstrahere velit a patria religione, ab ipso occidatur, inquit S. Cyprianus *o*.

V. 27. VOCE MAGNA, quemadmodum post Cannensem pugnam Scipio apud Livium *p*, & contra Gracum, Natica apud Paternulum & Valerium Maximum *q* & paucis post sæculis Narses contra Francos iturus, apud Agathiam *r*; sic noster hic MATHATHIAS exclamat, OMNIS, QUI ZELUM HABET LEGIS servandæ & propagandæ, STATUENS TESTAMENTUM, id est initium cum Deo fœdus religionis conservare, & ut stet stabiliturque, & vigeat, procurare studens; verbo uno, qui salvam vult religionem & rempublicam, EXEAT POST ME, me sequatur.

V. 29. TUNC secuti sunt MULTI QUÆRENTES IUDICIUM ET IUSTITIAM, id est volentes pie & iuste vivere. Sed contra hos in deserto profugos missæ mox a regis armatæ copiæ, quibus ipsi *die sabbathi* licet absque peccato potuissent resistere, & iniustam viam iusta vi repellere, maluerunt tamen crudeli nece perire, quam sab-

Bib. Sac. Tom. XXII.

bathi violatores, vel opinione hostium, auidire. Quod cum ex zelo religionis, & sincero in Deum cuiusque legis affectu fecisse constet, non arguendi sunt aut superstitionis, aut imprudentiæ, ut eos arguit Lucas Osiander alique hæretici; sed tamquam Martyribus summæ laudi illis dandum, quod pro legum divinarum custodia voluerint gravissima quæque perpeti, etsi forte scirent, se tali occasione, loco & tempore ad id non obligari: nam idem in Martyribus quotidie usu venit. Et a Lacedæmoniis aliisque Gentilibus in simili casu factitatum, Plutarchus *f* testatur. Et exstant recentia aliorum Iudæorum exempla, prorsus huic similia, sub Ptolemæo Lagi, ut Iosephus *e* enarrat sub Apollonio, sub Philippo, II. Machabæorum *v* & vi. Et multis post annis, immo sæculis, simili modo passi sunt diebus festis, & sabbathis sese invadi impune & iugulari, a Mithridate, a Pompeio, a Cæsarensibus *n*, ab aliis. Nihilo tamen minus prudenter & pie decretum a Mathathia (penes quem, utpote summum pontificem, potestas erat declarandi dubia si quæ occurrerent, ut dicitur Deuter. XVII.) ut adversus invasores etiam sabbato sese defenderent, divino, opinor, instinctu, ne stirpis ea familia excinderetur, e qua Christum Iesum in salutem totius humani generis nasci oportebat: ita Rupertus, Abulenſis *x*, Scriverius.

V. 42. TUNC aggregata EST Mathathiaë SYNAGOGA, seu collectio ASSIDAËORUM; Græce simplici sigma scribitur: Hebræice, *chafidim*; omnes sortes VIRIBUS, quin & a probitate sæpius a Iosepho laudati. Suspiciatur Mariana & quidam alii *Effas* fuisse, qui olim *Cinai* & *Rechabai* dicebantur, ut dixi Numer. x. sub finem. Item OMNIS VOLUNTARIUS IN LEGE, id est omnis qui desiderabat legem Dei observare.

V. 44. CETERI apostatæ FUGERUNT AD NATIONES vicinas Gentilium, UT EVADERENT gladium Mathathiaë, qui percutiebat eos in IRA SUA, id est iusta in impios ira, furore, zelo.

V. 46. ET IN FORTITUDINE CIRCUMCIDERUNT PUEROS; quasi dicat: Etiam invitis parentibus, etiam reluctantibus. Atque ita tandem

V. 48. OBtinuerunt LEGEM, id est

X x de-

defenderunt, tutati sunt, fartam testam
conservaverunt legem & ritus patrios adver-
sus vim & furorem *Gentilium*, & regum
tyrannorum: ET NON DEDERUNT CORNU
PECCATORI, id est, Antiocho eiusque as-
sectis non fuerunt Iudaei deinceps occasio,
seu glorie, seu potentie amplioris, neque
passi sunt eos ulterius crescere, cornua tole-
lere aut ferocire, inquit S. Thomas.

V. 49. NUNC CONPORTATA EST; id
est, invaluit, SUPERBIA, immo ad cul-
men malorum iam ventum: obtinet iam
CASTIGATIO Dei per hostes nostros: iam
TEMPUS EVERSIONIS rerum nostrarum &
publicarum: iam sedit TRA INDIGNATIO-
NIS, seu indignantis Dei.

V. 65. SIMON ERIT VOBIS PATER; id
est, loco patris, propter insignem pruden-
tiam, experientiam, & dexteritatem in re-
bus administrandis. Iosephus Gorionides y
facit illum primogenitum Mathathiae, uti
& Viterbiensis x. Sed Flavius Iosephus
aa, Iosippus, Seder minor, alique libri
Hebraeorum omnes Iudae id tribuunt, se-
cundo loco Jonathan, tertio Ioannem,
quarto demum Simonem collocantes.

V. 70. DEFUNCTUS EST MATHATHIAS;
ANNO regni Graecorum CENTESIMO QUA-
DRAGESIMO SEXTO. An sicca & naturali
morte? ita prorsus insinuat mortis eius nar-
ratio. Porphyrius tamen apud S. Hierony-
mum bb vult Mathathiam in praelio occi-
sum. Fieri potest, vulneratus fuerit, Iosue
instar vel Epaminondae, ac domum rela-
tus, post insignem suorum adhortationem,
e vulnere post paulo interierit. ET SEPUL-
TUS EST IN SEPULCRIS PATRUM SUORUM
IN URBE MODIN; ubi sicut in urbe palatium
suum fixerant olim parentes, ita in subur-
bio sepulcri locum sibi construxerant: quem
paucis post annis Simon filius Mathathiae
magnificis columnis & pyramidibus exor-
navit, I. Machabaeorum XIII. 27. quae
tempore S. Hieronymi adhuc extabant.
Sed & modo dicunt sepulchralia illa Ma-
chabaeorum in Modin extare, eadem for-
ma qua I. Machab. XIII. describuntur,
inquit Ioannes Mariana.

- (a) Ioseph. Lib. XII. cap. viii. Theodor. in
Dan. xi.
(b) Ioseph. sup. Corionid. Lib. III. cap. vii.
(c) Chosroici cap. xiv. tab. xii.
(d) Chosroici. Cantic. vi. 6.
(e) Ioseph. Gorion. Lib. III. cap. x.
(f) Ioseph. Lib. XII. Antiq. cap. vi. & Lib. XIII.
cap. vi.

- (g) Hier. vers. 42. & seqq. & cap. xiv. 25.
(h) Ioseph. Lib. XI. Antiq. cap. xv.
(i) I. Eisd. vii. 25. & 26. & II. Eisd. ix. 28.
& Zach. iii. 7.
(k) Ioseph. Lib. I. Belli cap. 8.
(l) Rupert. Lib. IX. de Vict. c. xxviii.
(m) Euseb. Lib. V. hist. cap. xix.
(n) Ioseph. Lib. XIII. Antiq. cap. viii.
(o) Cypr. Exhortat. ad martyrium cap. v.
(p) Livius Lib. II. Dec. xii.
(q) Patric. Lib. II. Valer. Max. Lib. III. cat.
(r) Agathias Lib. II.
(s) Plutarch. in Aristide.
(t) Ioseph. Lib. XII. Antiq. cap. 1.
(u) Ioseph. Lib. XIII. cap. ult. ibidem Lib.
XIV. viii. Ioseph. Lib. II. Cap. viii. cap. xxiv. &c.
(x) Rupert. I. b. X. de Vict. cap. 11. Abulensis in
Exod. I. xx. quest. xxv.
(y) Ioseph. Gorion. Lib. III. cap. ix.
(z) Viterbiensis parte xx.
(aa) Fl. Iosephus Lib. I. Belli. cap. 1.
(bb) Hieron. Dan. xi.

GORDONI.

Verf. 1. QUI sunt Machabaei, & cur
Assamoni dicantur, supra
est abunde declaratum. Quae hic de bello
gerendo dicuntur in die festo, passim di-
scuntur Theologi. Hoc Mathathiae exor-
dium incidit in annum Graecorum 145.
Cetera clara. AB IERUSALEM, iunge cum
surrexit.

- V. 11. COMPOSITIO: ornatus, Κοσμη-
V. 22. ALTERA VIA: alia religione.
V. 24. SECUNDUM FUDICIUM: crati-
dex tunc.
V. 27. STATUENS TESTAMENTUM: re-
tinens pactum cum Deo.
V. 29. QUAESENTES FUDICIUM: vo-
lentes pie vivere.
V. 36. LOCA OCCULTA: latebras in qui-
bus se absconderant, iustificacionibus, le-
gibus.
V. 40. ASSIDAEI: Essenis non multum
dissimiles.
V. 46. IN FORTITUDINE, id est fortiter.
V. 48. NON DEDERUNT CORNU PECCA-
TORI: non passi sunt prevalere.
V. 49. CONPORTATA: invaluit.
V. 51. IN TENTATIONE: cum immolan-
dus erat Isaac. REPUTATUM AD IUSTI-
TIAM, habitus iuste agens.
V. 54. PATER NOSTER: quia a Phinees
descendebant Machabaei TESTAMENTUM,
promissionem sacerdotii.
V. 55. IESUS: Iosue.
V. 56. Dum hortaretur ad terram prom-
issam (Num. xiv. 6.) ACCEPTHERE-
DITATEM Hebron (Iosue xiv.)

CA.

C A P U T III.

Iudas Machabeus dux eximius predicatur; qui perambulans civitates Iuda, trucidabat omnes impios: & occiso duce Apollonio, eiusque exercitu disperso, visit cum paucis potentissimum Syriæ exercitum una cum duce Serone: iratus autem ob hoc rex Antiochus, profectus in Persidem constituit Lyfiam viceregem, dato belli in Iudeos apparatu, qui misit contra terram Iuda Gorgiam cum exercitu: Iudas autem & sui ad bellum se parant, maxime operibus penitentia & oratione ad Deum.

I T surrexit Iudas, qui vocabatur Machabeus, filius eius pro eo: 2. & adiuvabant eum omnes fratres eius, & universi qui se coniunxerant patri eius, & præliabantur prælium Israel cum lætitia. 3. Et dilatavit gloriam populo suo, & induit se lorica: sicut gigas, luccinxit se arma bellica sua in præliis, & protegebat castra gladio suo. 4. Similis factus est Leoni in operibus suis, & sicut catulus leonis rugiens in venatione. 5. Et persecutus est iniquos perscrutans eos: & qui conturbabant populum suum, eos succendit flammis: 6. & repulsi sunt inimici eius præ timore eius, & omnes operarii iniquitatis conturbati sunt: & directæ est salus in manu eius. 7. Et exacerbabat reges multos, & lætificabat Iacob in operibus suis, & in sæculum memoria eius in benedictione. 8. * Et perambulavit civitates Iuda, & perdidit impios ex eis, & avertit iram ab Israel. 9. Et nominatus est usque ad novissimum terræ, & congregavit pereuntes. 10. Et congregavit Apollonius Gentes, & a Samaria virtutem multam & magnam, ad bellandum contra Israel. 11. Et cognovit Iudas, & exiit obviam illi: & percussit, & occidit illum: & ceciderunt vulnerati multi, & reliqui fugerunt: 12. & accepit spolia eorum: & gladium Apollonii abstulit Iudas, & erat pugnans in eo omnibus diebus. 13. Et audivit Seron princeps exercitus Syriæ, quod congregavit Iudas congregationem fidelium & ecclesiam secum, 14. & ait: Faciam mihi nomen, & glorificabor in regno, & debellabo Iudam, & eos qui cum ipso sunt, qui spernebant verbum regis. 15. Et præparavit se: & ascenderunt cum eo castra impiorum, fortes auxilarii, ut facerent vindictam in filios Israel. 16. Et appropinquaverunt usque ad Bethoron: & exivit Iudas obviam illi cum paucis. 17. Ut autem viderunt exercitum venientem sibi obviam, dixerunt Iudæ: Quomodo poterimus pauci pugnare contra multitudinem tantam, & tam fortem, & nos fatigatissimi ieiunio hodie? 18. Et ait Iudas: Facile est concludi multos in manus paucorum: & non est differentia in conspectu Dei: cæli liberare in multis, & in paucis. 19. quoniam non in multitudine exercitus victoria belli, sed de cælo fortitudo est. 20. Ipsi veniunt ad nos in multitudine contumaci & superbia, ut disperdant nos, & uxores nostras, & filios no-

stros, & ut spolient nos: 21. nos vero pugnabimus pro animabus nostris; & legibus nostris: 22. & ipse Dominus conteret eos ante faciem nostram: vos autem ne timueritis eos. 23. Ut cessavit autem loqui, insiluit in eos subito: & contritus est Seron, & exercitus eius in conspectu ipsius: 24. & persecutus est eum in descensu Bethoron usque in campum, & ceciderunt ex eis octingenti viri, reliqui autem fugerunt in terram Philistiim. 25. Et cecidit timor Iudæ, ac fratrū eius, & formido super omnes gentes in circuitu eorum: 26. & pervenit ad regem nomen eius, & de præliis Iudæ narrabant omnes gentes. 27. Ut audivit autem rex Antiochus sermones istos, iratus est animo: & misit, & congregavit exercitum universi regni sui, castra sortia valde: 28. & aperuit ærarium suum, & dedit stipendia exercitui in annum: & mandavit illis ut essent parati ad omnia. 29. Et vidit quod defecit pecunia de thesauris suis, & tributa regionis modica propter dissensionem, & plagam, quam fecit in terra, ut tolleretur legitima, quæ erant a primis diebus: 30. & timuit ne non haberet ut semel & bis, in sumptus & donaria, quæ dederat ante larga manu: & abundaverat super reges qui ante eum fuerant. 31. Et conternatus erat animo valde, & cogitavit ire in Persidem, & accipere tributa regionum, & congregare argentum multum. 32. Et reliquit Lysiam hominem nobilem de genere regali, super negotia regia, a flumine Euphrate usque ad flumen Aegypti: 33. & ut nutrirer Antiochum filium suum, donec rediret. 34. Et tradidit ei medium exercitum, & elephantos: & mandavit ei de omnibus quæ volebat, & de inhabitantibus Iudæam & Ierusalem: 35. & ut mitteret ad eos exercitum, ad conterendam & extirpandam virtutem Israel, & reliquias Ierusalem, & auferendam memoriam eorum de loco: 36. & ut constitueret habitatores filios alienigenas in omnibus finibus eorum, & sorte distribueret terram eorum. 37. Et rex assumpsit partem exercitus residui, & exivit ab Antiochia civitate regni sui, anno centesimo & quadragesimo septimo: & transfretavit Euphratem flumen, & perambulabat superiores regiones. 38. Et elegit Lysias Ptolemæum filium Dorymini, & Nicanorem, & Gorgiam, viros potentes ex amicis regis: 39. & misit cum eis quadraginta millia virorum, & septem millia equitum, ut venirent in terram Iudæ, & disperderent eam secundum verbum regis. 40. Et processerunt cum universa virtute sua, & venerunt, & applicuerunt Emmaum in terra campestri. 41. Et audierunt mercatores regionum nomen eorum: & acceperunt argentum & aurum multum valde, & pueros: & venerunt in castra, ut acciperent filios Israel in servos; & additi sunt ad eos exercitus Syriæ, & terræ alienigenarum. 42. Et vidit Iudas, & fratres eius, quia multiplicata sunt mala, & exercitus applicabant ad finem eorum: & cognoverunt verba regis, quæ mandavit populo facere in interitum & consummationem: 43. & dixerunt unusquisque ad proximum suum: Erigamus deiectionem populi nostri, & pugnemus pro populo nostro, & sanctis nostris. 44. Et congregatus est coventus ut essent parati in prelium; & ut orarent, & peterent misericordiam & miserationes. 45. Et Ierusalem non habitabatur, sed eras sicut desertum: non erat qui ingrederetur & egrederetur de natis eius: & sanctum conculcabatur: & filii alic-

alienigenarum erant in arce, ibi erat habitatio Gentium: & ablata est voluptas a Iacob, & defecit ibi tibia & cithara. 46. Et congregati sunt, & venerunt in Maspha contra Ierusalem: quia locus orationis erat in Maspha ante in Israel. 47. Et ieiunaverunt illa die, & induerunt se ciliciis, & cinerem imposuerunt capiti suo, & disciderunt vestimenta sua: 48. & expanderunt libros legis, de quibus scrutabantur Gentes similitudinem simulachrorum suorum: 49. & attulerunt ornamenta sacerdotalia, & primitias, & decimas: & suscitaverunt Nazaraeos, qui impleverant dies: 50. & clamaverunt voce magna in cælum, dicentes: Quid faciemus istis, & quo eos duteamus? 51. & sancta tua conculcata sunt, & contaminata sunt, & sacerdotes tui facti sunt in luctum, & in humilitatem: 52. & ecce Nationes conveniunt adversum nos ut nos disperdant: tu scis quæ cogitant in nos. 53. Quomodo poterimus subsistere ante faciem eorum, nisi tu Deus adiuves nos? 54. Et tubis exclamaverunt voce magna. 55. Et post hæc constituit Iudas duces populi, tribunos, & centuriones, & pentacontarchos, & decuriones. 56. (a) Et dixit his, qui ædificabant domos, & sponsabant uxores, & plantabant vineas, & formidolosus, ut redirent unusquisque in domum suam secundum legem. 57. Et moverunt castra, & collocaverunt ad Austrum Emmaum. 58. Et ait Iudas: Accingimini, & estote filii potentes, & estote parati in mane, ut pugnetis adversus Nationes has, quæ convenerunt adversus nos, disperdere nos & sancta nostra: 59. quoniam melius est nos mori in bello, quam videre mala gentis nostræ, & sanctorum. 60. Sicut autem fuerit voluntas in cælo, sic fiat.

(a) Deut. 32. 6. Iud. vii. 3.

B R U G E N S I S

ROMANA CORRECTIO.

Vers. 8. Et perambulavit civitates Iudas. Non

mutas præteritum perfectum in Imperfectum *perambulabat*.

C O M M E N T A R I A

S A.

Vers. 6. **R**EPULSI SUNT, id est cohibiti. DIRECTA EST, id est prospere successit.

V. 7. EXACERBABAT, id est provocabat ad iram; quasi dicat, Molestiam exhibebat. IN BENEDICTIONE, id est cum laude, scilicet erit.

V. 8. IRAM, id est noxam, seu afflictionem.

V. 9. NOVISSIMUM, id est ultimum, seu extremum. PEREUNTES, id est aliqui perituros.

V. 10. APOLLONIUS, scilicet Syrie

præfectus. VIRTUTEM, id est exercitum.

V. 11. CECIDERUNT, id est occubuerunt.

V. 12. IN EO; pro, cum eo.

V. 13. ET ECCLESIAM. Repetitio.

V. 14. FACIAM MIHI, id est comparabo. VERBUM, id est præceptum.

V. 18. CONCLUDI, scilicet tradi victos. IN MULTIS, id est per multos.

V. 19. VICTORIA, scilicet evenit. FOR-
TITUDO, scilicet ad vincendum.

V. 20. SUPERBIA. Græc. *iniqua*.

V. 25. TIMOR. ET FORMIDO; pro,
ingens timor.

V. 29. DISSENSIONEM, scilicet per bellum.

lum. TERRA, scilicet Iudæa, quæ idcirco desiderat tributa solvere. LEGITIMA, id est iura, seu leges. PRIMIS id est antiquis.

V. 30. UT SEMEL, &c. quasi dicat, ut solebat. ABUNDAVERAT, id est abundanter dederat.

V. 32. FLUMEN. GRÆC. *finis*.

V. 35. AD EOS, id est contra eos.

V. 40. VIRTUTE, id est exercitu.

V. 41. NOMEN, id est famam. PUEROS, id est servos, ALIENIGENARUM, scilicet Philistinorum.

V. 43. SANCTIS, id est templo, seu rebus sacris.

V. 44. CONVENTUS. GRÆC. *synagoga*. MISERICORDIAM ET MISERATIONES, id est copiosam Dei misericordiam.

V. 45. SANCTUM, id est templum. FILII ALIENIGENARUM, id est Gentiles.

V. 46. CONTRA, id est e regione.

V. 48. DE QUIBUS, &c. id est quos diligenter inquirebant, ut in iis depingerent similitudines idolorum suorum.

V. 49. SUSCITAVÉRUNT, id est excitaverunt; scilicet renovarunt illum ritum, qui in desuetudinem videtur illo tempore abiisse.

V. 51. HUMILITATEM, id est abiectiorem.

V. 52. NATIONES, id est Gentiles.

V. 56. LEGEM: vide. Deut. xx. Iudic. xvii.

V. 59. SANCTORUM, id est: factorum, scilicet templi.

EST II.

V. 48. **E**T EXPANDERUNT LIBROS LEGIS, DE QUIBUS SCRUTABANTUR GENTES SIMILITUDINEM SIMULACRORUM SUORUM. Varie hoc exponunt: Primo de imaginibus Cherubim, quas in sanctuario Dominus poni iussit Exodi xxv. iuxta quas dicunt gentiles fabricasse simulacra, quæ pro diis colenda ponebant, ut sic ad suum cultum Iudæos pertraherent. Græce sic legitur: Et expandērunt libros legis, de quibus scrutantur gentes, ut inscribērent in ipsis similitudines idolorum suorum. Et sensus esse videtur: Expandērunt ad Deum librum legis (quem servabant sacerdotes) cuius libri exemplaria scrutabantur, & conquirebant gentiles; ut in iis, vel super iis in-

scriberent, seu pingerent suorum idolorum imagines, videlicet ad contumeliam unius Dei; vel, ut huiusmodi imaginum impressione, libros sacros suis diis vindicarent, & religionem suam velut eum Iudaica coniungerent, facerentque communem.

V. 55. ET POST HÆC CONSTITUIT IUDAS DUCES POPULI; scilicet, eos qui sequuntur: TRIBUNOS ET CENTURIONES, ET PENTACONTARCHOS, ET DECURIONES. Non enim sic intelligendum istud, quasi alios adhuc constituerit duces, præter Tribunos & ceteros qui sequuntur; sed præmittitur generale vocabulum, *duces*, Græce *ἡγούμενοι*, id est: *prefecti*, ut illud in species suas distribuatur. Ita hoc accipiendum esse patet. Exodi xviii ubi & de gradibus istarum præfecturarum, & nominatum, de *pentacontarchis*, id est quinquagenariis, qui peculiare fuisse videntur apud Iudæos, dictum est.

MARIANAE.

Vers. 1. **S**URREXIT IUDAS. Non solum electus a patre in morte, sed antea unctus in templo, more Regum, ut ait Gorion Lib. IX. cap. iiii:

V. 3. INDUIT SE LORICAM SICUT GIGAS. Gigantes erant viri fortes, vasto corpore, idonei ad ferenda arma. ferrea: sic dicti, quod ob vastitatem, non ex mulieribus, sed e terra natos putarent: γῆ *terra* est. Quomodo Hebraice vocentur, aliis locis est dictum. SUCCINXIT SE ARMA BELLICA; pro, armis bellicis. Græca constructio. Sicut leo.

V. 4. RUGIENS IN VENATIONE: Græce, *irruens seu fremens in venationem*.

V. 7. EXACERBABAT REGES MULTOS, scilicet Iudas, Antiochum Epiphanem, Antiochum Eupatorem, & Demetrium, cum quibus bellum gessit. LAETIFICABAT IACOB, id est populum Israël.

V. 8. AVERTIT IRAM AB ISRAEL, id est afflictionem, calamitatem; quæ vocatur ira, scilicet Dei, quoniam propter peccata. Hæc Iudæ bella Lib. II. cap. viii. latius explicantur, quæ componi debent cum iis quæ hic dicuntur.

V. 14. GLADIUM APOLLONII: acceperit Iudas. Nempe optimus erat, & ut inflat trophæi esset de victoria parva de illo.

V. 13.

V. 13. CONGREGAVIT IUDAS CONGREGATIONEM FIDELIUM. Goth. *congregavit Sias congregationem & ecclesiam fidelium*. Sic Græce, sententia eadem.

V. 16. ET APPROPINQUAVERUNT. Goth. *appropinquerunt*: perinde est. USQUE AD BETHORON. Vicus erat in tribu Benjamin prope Ierusalem, ut Iosephus Lib. XII. cap. x. Eoque venerunt hostes. Græce, & *appropinquerunt usque ad ascensum Bethoron*, id est superiorem eius partem. Nempe ut ex superiori loco pugnarent.

V. 17. CONTRA MULTITUDINEM TANTAM, ET TAM FORTEM. Goth. & Græce, *contra multitudinem tantam sortem*, scilicet quomodo pugnabimus. FATIGATISSIMUS IEIUNIO. Erant ieiuni sive ob religionem dicti, sive ob penuriam annonæ, eoque opportuni iniuriæ.

V. 24. VIDIT QUOD DEFECIT PECUNIA DE THESAURIS SUIS. Græce & Goth. *de thesauris*, sive suis. Quia turbabat omnia, UT TOLLERET LEGITIMA. Quia Iudeorum legem mutare voluit, turbata gente, tributa non poterant colligi. Deerat autem pecunia tum in stipendium, tum quia Romanis debebat duo millia talenta; Lib. II. cap. VIII. 10. Hæc Antiocho causa fuit professionis in Perfidem. Reliquit Lysiam.

V. 35. AD EXTIRPANDAM VIRTUTEM, id est exercitum. *Haili*. Hebr. & *robur & exercitum* significat. AUFERENDAM MEMORIAM EORUM DE LOCO illo scilicet propter articulum Græcum. Goth. *de celo*: commoda lectio, nisi alii omnes codices repugnarent.

V. 38. PTOLEMAEUM FILIUM DORYMINI elegit Lysias, non *Dori*, ut habet Sulpitius Severus.

V. 40. APPLICUERUNT EMMAUM Dupplex *Emmaus*, altera prope Ierusalem, dicta *Nicopolis*: Hieronymus de Locis Hebr. Iosephus Lib. XVII. cap. XII. Cleophræ patria. Altera prope Tiberiadem: Iosephus Lib. IV. de bello Iud. cap. III. De priori hic agitur.

V. 41. AUDIERUNT MERCATORES. Venditis Iudæis, Lysias seu Nicanor pecuniam redigere voluit, unde debita Romanis solverentur, pollicitus pro uno talento novaginta captivos. Id mercatores excitavit, ut multi in hostium castra confluerent; ut patet ex Lib. II. cap. VIII. 10.

V. 43. ERIGAMUS DIRECTIONEM: *re-*

nipere, id est *cadem*, abolitionem. *Erigamus*, id est propulsemus. ET SANCTIS-NOSTRIS. Græc. & *sanctis*, scilicet sanctuario & lege; pro illis pugnemus.

V. 46. VENERUNT IN MASPHA. Plures erant eo nomine. In tribu Iuda locus orationis, I. Reg. VII. 10. & 22. in tribu Ruben altera, I. Mach. v. 35. Alia in tribu Gad, Iudic. XI. 29.

V. 47. DISCIDERUNT VESTIMENTA. Vestes laceras & pannos sumperunt. Lugentium sunt, ieiunium, cilicium, cinis, & alia quæ hic ponuntur.

V. 48. EXPANDERUNT LIBROS LEGIS: ut scilicet Deum suarum promissionum admo-nerent, & quali cum eo litigarent. DE QUIBUS; pro, in quibus. SCRUTABANTUR, seu *quærebant*, colebant Gentes. *Εξασθῶ*, *scrutari* & *quære* significat. Quid quærebant, seu volebant? SIMILITUDINEM. Græco *similitudines*, *imagines*: sup. *inscribere in eis*, ut est Græce, *εἰσγράφειν ἐν αὐτοῖς*. SIMULACRORUM: idolorum suorum. Nimirum in Libris sacris, ob contumeliam idolorum, imagines Gentes pingebant. Id quærentur & dolent. Loci difficilis hæc expositio simplicior & commodior ceteris videtur aliis, Glossæ, Liræ, aliorum, quas asserre non est tanti.

V. 49. ATTULERUNT ORNAMENTA. Sanctissima, quæque nos etiam proferre in angustia solemus ad impetrandum Dei misericordiam.

32. SACERDOTES TUI FACTI SUNT IN LUCTUM. Græc. *Sacerdotes tui in luctu & humilitate*: sic etiam Goth. Pugnemus, ait Iudas, contra Gentes,

V. 58. QUAE CONVENERUNT ADVERSUS NOS, DISPERDERE NOS: sic Græc. Vulg. Regia: *Quæ convenerunt disperdere nos*: sic Goth. Illud, *adversus nos*, redundare videtur; sed multa alia in Sacris redundat.

MENOCHII.

Vers. I. ET SURREXIT IUDAS, succedit, & institutione patris, ut patet superiori capite num. 66. & iure etiam primogenituræ, ut volunt Serarius, & Salianus. Nec si Scriptura Iudæ fortitudinem commendat numero illo 66. citatio, dum causam asseri cur suspectus sit patri, ideo ipsum negat fuisse primogenitum. CUM PAUCIS: cum omnibus suis, qui ta-

men

men pauci erant, si cum hostibus conferrantur. FATIGATI SUMUS ICIUNIO HODIE: necessitatis ne, an religionis causa ieiunaverint, non constat. Fortasse hostium vicinitas subito animadversa, tempus reficiendi cibo viribus eripuit. Fortasse etiam voluntaria fuit inedia, illud enim *hodie*, diem ieiunio dicatam significat. Quod si ita est, & notanda militum pietas, qui armati, & iter agentes, & pugnaturi, Deum ieiunio sibi propitium reddere voluerunt, vel a lege præscriptum observare.

V. 18. CONCLUDI, id est tradi victos. IN MULTIS, id est per multos: auxilio multorum.

V. 19. VICTORIA: scilicet contingit. FORTITUDO, scilicet ad vincendum.

V. 20. IN MULTITUDINE CONTUMACI, ET SUPERBIA: ἰ πλεονεξίᾳ καὶ ἀπειρίᾳ, id est, in multitudine contumelia, & iniquitatis; quasi dicat: Multis sceleribus degenerati, & odiosi Deo.

V. 21. PRO ANIMABUS NOSTRIS; pro vita nostra.

V. 24. PERSECUTUS EST EUM IN DESCENSU BETHORON: iam nobilitatus fuerat olim hic ipse descensus Bethoron, Iosue x. 11. immissa caelitus in fugientem hostem lapidatione grandinis.

V. 29. DEFECIT PECUNIA DE THESAURIS SUIS. Licet magnam auri, & argenti vim in exilatione templi confecisset, adhuc tamen eget, quod impiis principibus, Deo faciente, usufvenire solet. TRIBUTA REGIONIS MODICA, &c. hæc una ex causis fuit deficientis pecunias in thesauris regis, nimirum tenuitas vectigalium in exilata provincia, & quæ geminos iam exercitus nutriebat. Accedebat grave tributum quod Romanis a Rege pendebatur, cuius mentio Lib. II. Machab. cap. vttt. 10. DISSENTIONEM, bellum. LEGITIMA: legem Iudæorum, quam abolere nitebatur Antiochus.

V. 30. UT SEMEL ET BIS, id est ut alias habuerat. DONARIA QUAE DEDERAT LARGA MANU: hæc etiam causa fuit exhausti regi ærarii. ABUNDAVERAT: largius dederat.

V. 33. ANTIOCHUM FILIUM SUUM: qui dictus est Antiochus Eupator, qui patri ad triennium in regno successit, & cum Lyfia a Demetrio Sotere consobрино interfectus est.

V. 35. AD EOS: contra eos. VIRTUTEM, id est exercitum: ad defendendas copias Iudæorum.

V. 41. NOMEN, id est famam. PUGROS, famulos, vel servos. ALIENIGENARUM: scilicet Philistinorum, aliorumve gentilium.

V. 42. IN INTERITUM, ET CONSUMMATIONEM: in ruinam & extremam perniciem Iudæorum.

V. 43. ERIGEMUS DEIECTIONEM: faciamus ne gens nostra deiciatur, & perfundetur, & quæ iam afflicta sunt erigamus, & in pristinum statum restituamus. SANCTIS NOSTRIS: templo, & rebus sacris.

V. 44. CONVENTUS. Græce synagoga: coetus Iudæorum. MISERICORDIAM, ET MISERATIONES, id est copiam Dei misericordiam.

V. 45. SANCTUM, id est templum. ABBLATA EST VOLUPTAS A IACOB: omnibus mercentibus, & lugentibus, quod tam indigne sancta tractarentur, & quod urbs ad solitudinem esset redacta. Vel, ablata est voluptas, Græce τῆς ἡδονῆς, delectatio, gaudium, quo Iudæi afficientur in celebratione festivitatum, in quibus instrumenta musica perfonabant, sic David Psalm. xxvi. 4. Expetebat videre Domini voluptatem, Græce τῆς ἡδονῆς, id est delectationem percipere, & sacris solemnitatibus cum voluptate interesse.

V. 46. LOCUS ORATIONIS ERAT IN MASSPHA ANTE IN ISRAEL. Intelligit tempora Samuelis; nam I. Regum. vtt. 5. dixit Samuel: Congregate universum Israel in Massphath, ut orem pro vobis Dominum, &c. erat id oppidum in edito loco situm, quod in confinio tribuum Iuda, & Benjamin positum putat Adrichomius, in descriptione tribus Benjamin num. 88.

V. 47. EXPANDERUNT LIBROS LEGIS: qua ceremonia videntur voluisse quodammodo commonefacere Deum de promissa venia poenitenti populo suo, & auxilio supplicibus suis, & de hostibus coercendis, simile factum Ezechie IV. Reg. xix. 14.

DE QUIBUS SCRUTABANTUR GENTES. SIMILITUDINES SIMULACRORUM SUORUM. Putant Serapim, & Salianus Gentiles insignes quasque historias, & Dei miracula ad deos suos, quasi auctores transferre studeant.

duisse, uti de Elize quadriga in Solis quadrigam versa, ut notat Beda questione 27. in libros Regum. Sensus est ergo, quasi dicat sacer histiorius: Expanderunt sacros libros, ac si Deo dicerent: En Domine, qui mirabilia magna fecisti pro servis tuis, & similia his, te, cum opus fuerit, futurum promissisti, en, inquam, ea impii, & prophani homines scrutantur, & mendaciter, & sacrilege diis suis affingunt. In Græcis codicibus Vaticanis est, *πρὸς τὸν ἑσπερίον τὸν ἀδελφὸν τὸν ἀντιόχον*, quæ verba, cum nostra vulgata consentiunt, verum in multis Gr. codicibus est *τὸν ἐν τῷ παλαιῷ ἱερῷ ἀδελφὸν*, ut inferberant in ipsi; id est, ut in ipsi idolorum suorum imagines depingerent, & ut templum simulacro Iovis profanaverunt, ita etiam sacros codices polluerunt, illis idolorum suorum imagines appingendo.

V. 49. ET ATTULERUNT ORNAMENTA, &c. Vestes, ornamenta, oblationes primitiarum, & sacros homines ante divinæ Maiestatis conspectum statuunt, ut tot religionis symbolis Deum ad misericordiam commoverent, & ut lamentarentur, quod iam nullus esset, sacrorum illorum ornamentorum usus. SUSCITAVERUNT NAZARÆOS, QUI IMPLEVERUNT DIES; id est, eos qui ad impetrandam populo salutem leges nazareus se ad aliquod tempus servatos promiserant, & tempus illud expleverant, & statuerunt & collocarunt ante Deum, ut precibus ad Dominum suis quasi iure repocescens tantæ calamitati remedium. Vel, *nazaræi*, qui impleverant dies, Græce *ἡ ἐνδύπουρος τῆς ψυχῆς*, sunt nazareï, iam senes, qui totam ætatem in Dei cultu contriverant, quæ explicatio bene convenit cum sequentibus.

V. 50. QUID, FACIEMUS ISTIS? quasi diagesi. Senes hos quomodo tantæ cladi subtrahemus, cum expedite nos affectari non possint annis graves; an eos hosti prædam relinqueamus?

V. 51. HUMILITATEM, id est abiectiōnem.

V. 55. TRIBUNOS: tribui mille præerant militibus, quare etiam a Græcis *χιλιάρχη*, dicebantur. CENTURIONES: qui centum militibus præerant. PENTACONTARCHOS: qui præerant quinquaginta. DECURIONES: qui decem.

Bib. Sac. Tom. XXII.

V. 56. SECUNDUM LEGEM: Deut. xx. 5. 6. Vide etiam Iudæ. vii. 3.

T I R I N I.

Vers. 3. INDUIT SE IUDAS LORICAM SICUT GIGAS, id est ad modum fortissimi herois viribus & animo iniuncti, Deo confisi, nullum mortalem metuentis. Et Rabbinos, ut refert Sixtus Senensis & Genebrardus a, consuevisse Iudam eiusque fratres in labaris & vexillis suis has quatuor litteras gestare *mem, caph, beth, iod* Quibus compendio, & pro quaque littera voce integra substituta, hæc sententia ex illorum mente continebatur, *mi camoccha baalim iehova?* id est, *b quis similis tui in fortibus Domine?* Vulgus autem cum ignarum huius sententie litteras istas suo sensu iungeret, legisse *Machabai*, & inde coram vocem *Machabai*. Sed Iosephus Gorionides e vult nomen illud Iudæ ab ipso mer parente inditum fuisse propter eius robur militare, nempe a radice *caba*, id est *exstinxit*, dictum *Machabai*, id est *exstinctorem*, scilicet hostium Ecclesiæ.

V. 6. DIRECTA EST SALUS IN MANU EIUS; id est, saluem feliciter consecuti sunt Iudæi ductu, industria & fortitudine Iudæ. Qui prosperis suis successibus & egregiis victoriis

V. 7. EXACERBABAT, fremere & fremere faciebat, REGES MULTOS, Antiochum Eptiphanem, Antiochum Eupatorem, & Demetrium: cum his enim omnibus bellum gessit: primo, prioris Antiochi regis in Syria vicarium

V. 11. Apollonium maximis copiis instructum exigua manu PERCUSSIT ET OCCIPIT. Cum enim inter pugnandum (verba sunt Iosephi Gorionidis d) videret Iudas Apollonium stantem in medio exercitus sui, summo fure decurrit ad eum, ad medium usque castrorum, omnia penetrans, ad dextram, ad sinistram fortissimos hostium prosteruens, non secus ac messor manipulos ac spicas messis suæ decit, pergensque ad Apollonium, percussit eum sternitque suomet gladio. Quo deinceps, utpote valde probato & arato, ut subdit idem Iosephus e, simulque in memoriam ac trophæum primæ suæ victoriæ, in stimulum quoque atque excitamentum paræ perpetuo fortitu-

Y y di-

dinis, in omnibus sequentibus bellis usus est Iudas. Secundo praelio.

V. 13. *Sermonem EXERCITUS SYRIAE principem pari felicitate, prostravit, occidit, cum non nisi paucos suorum haberet ad manum, eosque sat pavidos vers. 17. ET IETUNIO fatigatos, quod tota nocte inter fecissent, inquit idem Iosephus.*

Quibus compertis vers. 27. ANTIOCHUS REX extreme IRATUS, congregat EXERCITUM, & vires UNIVERSI REGNI SUI, STIPENDIA IN ANNUM integrum omnibus adpendens. Sed profusus his largitionibus brevi exhaustio avario,

V. 29. VIDIT sensilque deficere pecuniam DE THESAURIS suis: nec exhaustos iterum de novo compleri, quod TRIBUTA a vicinis regionibus pendi solita, iam valde MODICA subministrarent, idque PROPTER DISSIONEM, id est defectionem non solum Iudaeorum, sed verisimiliter etiam quarundam aliarum nationum hac occasione regi rebellantium: item propter bellum in Syria & vicinis Iudae partibus semel iterumque infelicitur gestum, quo fere exhaustae regiones non erant subministrando tributo ante condito. Denique propter PLAGAM, quam ipsemet Antiochus tum per se, tum per suos FECIT IN TERRIS sibi ante subiectis, cum TOLLERET eis LEGITIMA sua & patrios ritus ac leges, quibus illae gavissae fuerant a PRIMIS conditarum rerum publicarum suarum diebus. Ita tyrannice egisse Antiochum vidimus cap. 4. 47. Ergo destitutus tributorum subsidio,

V. 30. TIMUIT NE post primam illam stipendiorum primi anni liberalem exhibitionem, NON HABERET unde iterum similes SUMPTUS ET DONARIA in usus belli subinde necessaria sufficere posset. Erant & his mille talenta Romanis pro tributo iam a tempore Antiochi Magni a Scipione devoti quotannis pendenda, Dan. 1. 18. Unde

V. 31. CONTERNATUS ANIMO VALDE, COGITAVIT ire IN PERSIDEM, & pecuniam inde emungere, partim expilando, ut II. Mach. IX. 2. dicitur, partim cogendo ad TRIBUTA vel augenda, vel de novo pendenda. Ergo assumpta medietate exercitus iam parati concessit in Persidem, vers. 37. relicto in Syria pro vicario suo, *Lyssa homine nobili de stirpe regali*, v. 32. cum mandatis,

V. 33. UT ANTIOCHUM Eupatorem FI-

LIUM suum & heredem regni NUTRATRET eo modo quo decebat tantum principem educari. Deinde

V. 34. Ut Iudaeos contereret & exstirparet, tradita ei in hunc finem altera medietate exercitus sui, cum instructis elephantis.

V. 38. LYSIAS obsecutus imperio regis sui misit ternos duces in Iudaeam, PROLOMAEUM FILIUM DORYMENIS, ut est in Graeco, *Calestria & Phanaeis ducem*, II. Machab. VIII. 8. ET NICANOREM Patrocli filiam, ET GORGIAM in bellicis rebus *experientissimum*, ibid. cum quadraginta milibus peditum, & septem milibus equitum.

V. 40. APPLICAVERUNT EMMAUM non illum quae prope Tiberiadem est, sed quae prope Ierosolymam, & postea dicta fuit Nicopolis, inquit S. Hieron. f. Utriusque meminit Iosephus g.

V. 41. ET ADDITI SUNT insuper AD eos aliae novae copiae, nempe EXERCITUS SYRIAE, propriis Syrorum impensis collectis, &c. Quibus adeo praesidebat *Nicanor*, ut quasi certus de victoria, evocaret undique *mercatores ad Iudaica mancipia*, quasi iam capta teneret, vilissimo pretio commendata, II. Machab. VIII. 11. Et hi maximo numero mox consuebant ad castra. Quid interim Iudaei?

V. 42. Excitant alii alios, animant se mutuo: ERIGAMUS DEFECTIONEM POPULI NOSTRI, id est gentem Iudaicam Iudibrio passim habitam, linguis omnium delectam, pedibus hostium prostritam, virtute & robore nostro erigamus, pristino splendori restituamus. Sic animati

V. 46. Congregantur IN MASPHEA, non illa in tribu Ruben, I. Machab. v. 33. neque altera illa in tribu Gad, Iudic. XI. 29. sed tertia, quae erat in tribu Benjamin CONTRA, seu prope & e regione IERUSALEM, ubi ANTE constructum Salomonis templum, ERAT publicus ORATIONIS LOCUS, I. Reg. VII. 5. Hic unanimi prece implorant opem celsitem,

V. 47. *Ieremiam*, CILICIS SE induunt, CINEREM CAPITIS inspergunt, VESTIMENTA discindunt.

V. 48. EXPANDUNT LIBROS LEGIS divinae, exemplo Ezechiae, qui litteras Sennacherib tyranni, blasphemias plenas IV. Regum XIX. coram Domino expandebat. Sic hi sacra Biblia a Gentibus profanata, & i-

dolorum imaginibus nominibusque ad contumeliam hinc inde inscriptis fordata, inquit Emanuel Sa & Ioannes Mariana, & quidam alii: qui conformiter textui Græco dicunt, hac ratione *Gentiles similitudines simulacrorum suorum a libris legis scrutatos* fuisse, quia Græce est, *scrutabantur inscribere in ipsis similitudines idolorum suorum*. Sed textui Latino conformior est expositio Fabri, Gentiles solitos fuisse insigniores quasque Bibliorum historiarum & divina miracula ad suos falsos deos transferre: v. g. de gigantomachia, de diluvio, de turri Babel, de Iosepho, de Moyse, de mari Rubro, de solstitio Iosue, de Samione, de quadrigis Eliæ & de aliis. Ita testatur Iosephus, Theopompum & Theodestem fecisse, non tamen impune: ita alios Beda i & Serarius. Quia & sacerdos ritus ac ceremonias, quibus coli volebat Deus, Gentiles ad inaniam deorum suorum sacra traxerunt, notat Rupertus k. Et hoc est proprie scrutari similitudinem simulacrorum de libris sacris. Neque hic sterit Iudeorum devotio. Insper in conspectum Dei

V. 49. ATTULERUNT ORNAMENTA SACERDOTALIA, quibus solemniori ritu celebrarent divinum officium: attulerunt & redidit Deo debitos, PRIMITAS I ET DECIMAS: ET SUSCITAVERUNT NAZARÆOS, id est excitarunt quosdam qui sese Domino, Nazaræorum n ritu, sanctificarent, seu perpetuo, seu ad tempus. Si qui vero ex Nazaræis iam ante Deo dicatis IMPLEVERANT DIES, id est expleverunt tempus sui nazaræatus, hos excitarunt ut hostias quæ in fine nazaræatus ex præscripto legis o offerendæ erant Deo, rite offerrent. De quibus sane solliciti quærent,

V. 50. QUID FACIEMUS ISTIS NAZARÆIS, ut rite compleant quæ in fine nazaræatus complenda lex præscribit, et quo eos DUCEMUS? Ducendi erant ad ostium tabernaculi sacerdotis, ut præscribitur Num. vi. 12. Sed istud,

V. 51. ET SANCTA omnia templi loca & vasa CONCULCATA ET CONTAMINATA iacent: sacerdotes autem quibus sibi iubentur, FACTI SUNT IN LUCTUM ET HUMILITATEM, id est in luctuoso & tristis exilio vagantur, absque ullo honore. Porro divinis subsidii hac viæ procuratis, addit Iudas etiam humanæ.

V. 55. CONSTITUIT DUCES POPULI, TRIBUNOS, ET CENTURIONES, &c. partitur acciem in duos ordines, & hoc in quatuor partes, quarum singulis singulos fratrum suorum præfuit, II. Mach. viii. 21. Deinde

V. 56. HIS QUI AEDIFICABANT DOMOS, SPONSABANT UXORES, PLANTABANT VITÆAS, vel formidolosi erant, iussit ex præscripto divinæ legis p DOMUM SUAM repetent.

V. 58. Suos adhortatur ad fortitudinem, ad promptitudinem, ad mortem potius pro patria subeundam, quam vitam in ignava servitute trahendam. Fufius hæc explicantur II. Mach. viii. 20. & seqq.

- (a) Sixtus Sen. Lib. I. Bibliothecæ. Genet. in Chronolog.
(b) Exodi xv. 11.
(c) Ioseph. Gorion. Lib. III. cap. 12.
(d) Ioseph. Gorion. Lib. III. cap. 2.
(e) Ioseph. ibid. cap. xxix.
(f) Hieron. de Locis Hebr.
(g) Ioseph. Lib. IV. Belli cap. 111. & Lib. XIII. Antiquit. cap. 111.
(h) Ioseph. Lib. Xtt. Antiq. cap. 11.
(i) Benda in libros Reg. quæst. xxvii.
(k) Rupert. Lib. VI. in Gen. cap. xv.
(l) Exod. xxxvi. j. Num. xv. 19.
(m) Levit. xix. 23. & xxvii. 30.
(n) Num. vi. 2. & o) Ibid. vers. 13.
(p) Deut. 22.

GORDONI.

Vers. 1. Iudas electus dux, non quod esset natu maximus, sed quia fortis viribus, cap. II. 66. Nunc bellum gerit temporibus trium Regum, Antiochi illustris, Antiochi Eupatoris, & Demetrii, vario Græcorum anno: unctum a patre Iudam scribunt aliqui.

V. 10. ET CONGREGAVIT APOLLONIUS. Quatuor inivit prælia Iudas cum Antiochi ducibus; nempe cum Apollonio, vers. 10. cum Serone, vers. 13. tertium prælium cum Gorgia & Nicanore, quod narrat cap. iv. a vers. 1. usque ad 27. Quartum prælium cum Lysia, de quo agitur cap. iv. a versulo 28. usque ad 36.

V. 24. BETHORON. Vide Iosue x. 11. de alia ibi victoria.

V. 29. DISSENTIONEM: bella, & calamitates provincie illatas.

V. 33. ANTIOCHUM. Hic Eupator est a Demetrio consobino, postea cæsus.

V. 46. LOCUS ORATIONIS ERAT IN MASPIA, scilicet tempore Samuelis (I. Reg. vii. 5.)

V. 48. His religionis symbolis provocabant misericordiam. Pentarchus quinquaginta; Centurio centum, & tribunus mille.

V. 55. Decurio militibus decem praest. V. 56. SECUNDUM LEGEM: Deut. xx. 5.



CAPUT IV.

Gorgias querit Iudam: at hic suos hortatus fudit hostes, rursusque Gorgias exercitu suo colligit spolia: & iterum suis ad Deum precibus, devincit Lysiae exercitum, ac postmodum purificato templo, novum erigit altare: & omnibus quae ad Dei cultum requirebantur preparatis, sacrificiisque oblationibus, magna letitia celebrant illius dedicationem diebus octo, statuto etiam huius dedicationis annuo festo ad dies octo.

1.  T assumpsit Gorgias quinque millia virorum, & mille equites electos: & moverunt castra nocte, 2. ut applicarent ad castra Iudaeorum, & percuterent eos subito: & filii, qui erant ex arce, erant illis duces. 3. Et audivit Iudas, & surrexit ipse, & potentes, percutere virtutem exercituum regis, qui erant in Emmaum. 4. Adhuc enim dispersus erat exercitus a castris. 5. Et venit Gorgias in castra Iudae noctu, & neminem invenit, & querebat eos in montibus: quoniam dixit: Fugiant hi a nobis. 6. Et cum dies factus esset, apparuit Iudas in campo cum tribus millibus virorum tantum: qui tegumenta & gladios non habebant. 7. & viderunt castra Gentium valida, & loricos, & equitatus in circuitu eorum, & hi docti ad praelium. 8. Et ait Iudas viris, qui secum erant: Ne timueritis multitudinem eorum, & impetum eorum ne formidetis. 9. (a) Memento te qualiter salvi facti sunt patres nostri in mari rubro, cum sequeretur eos Pharaon cum exercitu multo. 10. Et nunc clamemus in caelum; & miseretur nostri Dominus, & memor erit testamenti patrum nostrorum, & conteret exercitum istum ante faciem nostram hodie: 11. & scient omnes gentes, quia est qui redimat & liberet Israel. 12. Et elevaverunt alienigenae oculos suos, & viderunt eos venientes ex adverso. 13. Et exierunt de castris in praelium; & tuba cecinerunt hi qui erant cum Iuda. 14. Et congressi sunt: & contrita sunt Gentes, & fugerunt in campum. 15. Novissimi autem omnes ceciderunt in gladio, & persecuti sunt eos usque Gezeron, & usque in campos Idumae, & Azoti, & Iamniae: & ceciderunt ex illis usque ad tria millia virorum. 16. Et reversus est Iudas, & exercitus eius, sequens eum. 17. Dixitque ad populum: Non concupiscatis spolia: quia bellum contra nos est, 18. & Gorgias & exercitus eius prope nos in monte: sed state nunc contra inimicos nostros, & expugnat eos, & fumetis postea spolia securi. 19. Et adhuc loquente Iuda haec, ecce apparuit pars quadam prospiciens de monte. 20. * Et vidit Gorgias quod in fugam conversi sunt sui, & succenderunt castra; sumus enim, qui

qui videbatur, declarabat quod factum est. 21. Quibus illi conspectis timuerunt valde, aspicientes simul. & Iudam, & exercitum in campo paratum ad prælium. 22. Et sugerunt omnes in campum alienigenarum: 23. & Iudas reversus est ad spolia castrorum, & acceperunt aurum multum, & argentum, & hyacinthum, & purpuram marinam, & opes magnas. 24. Et conversi, hymnum canebant, & benedicebant Deum in cælum, quoniam bonus est, quoniam in sæculum misericordia eius. 25. Et facta est salus magna in Israel in die illa. 26. Quicumque autem alienigenarum evaserunt, venerunt, & nuntiaverunt Lysiz universa quæ acciderant. 27. Quibus ille auditis, consternatus animo deficiebat: quod non qualia voluit, talia contigerunt in Israel, & qualia mandavit rex. 28. Et sequenti anno congregavit Lysias virorum electorum sexaginta millia, & equitum quinque millia, ut debellaret eos. 29. Et venerunt in Iudeam, & castra posuerunt in Bethoron, & occurrit illis Iudas cum decem millibus viris. 30. Et viderunt exercitum sortem, & oravit, & dixit: Benedictus es salvator Israel, (b) qui contrivisti impetum potentis in manu servi tui David, (c) & tradidisti castra alienigenarum in manu Ionathæ filii Saul, & armigeri eius. 31. Conclude exercitum istum in manu populi tui Israel, * & confundantur in exercitu suo & equitibus. 32. Da illis formidinem, & tabefac audaciam virtutis eorum, & commoveantur contritione sua. 33. Deince illos gladio diligentium te: & collaudent te omnes, qui noverunt nomen tuum, in hymnis. 34. Et commiserunt prælium: & ceciderunt de exercitu Lysiz quinque millia virorum. 35. Videns autem Lysias fugam suorum, & Iudeorum audaciam, & quod parati sunt aut vivere, aut mori, fortiter, abiit Antiochiam, & elegit milites, ut multiplicati rursus venirent in Iudeam. 36. Dixit autem Iudas, & fratres eius: Ecce contriti sunt inimici nostri: ascendamus nunc mundare sancta, & renovare. 37. Et congregatus est omnis exercitus, & ascenderunt in montem Sion. 38. Et viderunt sanctificationem desertam, & altare profanatum, & portas exutas, & in atriiis virgulta nata sicut in saltu vel in montibus, & pastorphoria diruta. 39. Et sciderunt vestimenta sua, & planxerunt planctu magno, & imposuerunt cinerem super caput suum. 40. & ceciderunt in faciem super terram, & exclamaverunt tubis signorum, & clamaverunt in cælum. 41. Tunc ordinavit Iudas viros, ut pugnarent adversus eos qui erant in arce, donec emundarent sancta. 42. Et elegit sacerdotes sine macula, voluntatem habentes in lege Dei. 43. & mundaverunt sancta, & tulerunt lapides contaminationis in locum immundum. 44. Et cogitavit de altari holocaustorum, quod profanatum erat, quid de eo faceret. 45. Et incidit illis consilium bonum ut destruerent illud: ne forte illis esset in opprobrium, quia contaminaverunt illud Gentes, & demoliti sunt illud. 46. Et reposuerunt lapides in monte domus in loco apto, quoadusque veniret propheta, & responderet de eis. 47. Et acceperunt lapides integros secundum legem, & ædificaverunt altare novum, secundum illud quod fuit prius. 48. & ædificaverunt sancta, & quæ intra domum erant intrinsecus: & ædem, & atria sanctificaverunt: 49. Et fecerunt vasa sancta nova, & intulerunt candelabrum, & altare incen-

incensorum, & mensam in templum. 50. Et incensum posuerunt super altare, & accenderunt lucernas, quæ super candelabrum erant, & lucebant in templo. 51. Et posuerunt super mensam panes, & appenderunt vela: & consummaverunt omnia opera quæ fecerunt. 52. Et ante matutinum surrexerunt quinta & vigesima die mensis noni (hic est mensis Casleu) centesimi quadragesimi octavi anni. 53. & obtulerunt sacrificium secundum legem, super altare holocaustorum novum quod fecerunt. 54. Secundum tempus & secundum diem, in qua contaminaverunt illud Gentes, in ipsa renovatum est in canticis, & citharis, & cinyris, & in cymbalis. 55. Et cecidit omnis populus in faciem, & adoraverunt, & benedixerunt in cælum eum, qui prosperavit eis. 56. Et fecerunt dedicationem altaris diebus octo, & obtulerunt holocausta cum læticia, & sacrificium salutaris & laudis. 57. Et ornaverunt faciem templi coronis aureis & scutulis: & dedicaverunt portas, & pastophoria, & imposuerunt eis ianuas. 58. Et facta est læticia in populo magna valde, & aversum est opprobrium Gentium. 59. (d) Et statuit Iudas, & fratres eius, & universa ecclesia Israel, ut agatur dies dedicationis altaris in temporibus suis, ab anno in annum, per dies octo, a quinta & vigesima die mensis Casleu, cum læticia & gaudio. 60. Et ædificaverunt in tempore illo montem Sion, & per circuitum muros altos, & turres firmas, nequando venirent Gentes, & conculcarent eum sicut antea fecerunt. 61. Et collocavit illic exercitum, ut servarent eum, & munivit eum ad custodiendam Bethsuram, ut haberet populus munitionem contra faciem Idumææ.

(a) Exod. xiv. 9. (b) I. Reg. xvii. 50. (c) I. Reg. xiv. 17. (d) Ios. x. 22.

B R U G E N S I S

ROMANÆ CORRECTIONES.

Vers. 20. Et vidit Gorgias quod in fugam conversi sunt sui. Correctores putarunt non omittendas voces Gorgias & sui, quas multi omittunt.

Sequitur: Et succenderunt castra. Non mutes: succenderunt cum successa sunt.

Vers. 31. Et confundantur in exercitu suo. Servandus est numerus pluralis confundantur non surrogandus singularis confundantur.

C O M M E N T A R I A

S A.

Vers. 2. FILII, QUI ERANT EX ARCE. Græc. filii arcis, id est qui arcem tenebant.

V. 3. VIRTUTEM EXERCITUUM. Græc. exercitum.

V. 4. ADHUC ENIM. Græc. dum adhuc. DISPERSUS, id est separatus.

V. 6. NON HABEBANT. Græc. non habebant ut volebant.

V. 7. HI DOCTI; pro, hos doctos.

AD PRAELIUM; quasi dicat, Praeliandi peritos.

V. 10. IN CAELUM, id est ad Deum. TESTAMENTI PATRUM, id est pacti facti cum patribus, scilicet de savendo ipsis, & posteris.

V. 11. REDIMAT, id est eripiat.

V. 17. EST, scilicet paratum.

V. 19. PARS, scilicet hostium.

V. 20. SUCCENDERUNT. Quidam, successa sunt, scilicet a Iuda.

V. 22. CAMPUM. Græc. terram.

V. 23.

V. 23. *HYACINTHUM*, scilicet sericum. *MARINAM*, scilicet e conciliis factam.

V. 24. *CONVERSI*, id est reversi. *IN CAELUM*, scilicet alte voce sublata.

V. 29. *IUDAEAM*. Græc. *Idumeam*. *BETHORON*. Græc. *Bethsuris*.

V. 30. *POTENTIS*, scilicet Goliath. *ALIENIGENARUM*, id est Philisthorum.

V. 31. *CONCLUDE*, id est trade.

V. 32. *TABEFAC*. Forte legendum *labefac*. *COMMOVEANTUR*, id est concutiantur; quasi dicat, Deleantur.

V. 36. *SANCTA*, id est templum.

V. 38. *SANCTIFICATIONEM*, id est templum. *PASTOPHORIA*, id est exedras, seu cubacula, ubi asservabantur res sacræ.

V. 40. *SIGNORUM*, id est quibus solent signum dari, scilicet in bello, seu in festis.

V. 42. *VOLUNTATEM HABENTES*, &c. id est legis studiosos.

V. 43. *CONTAMINATIONIS*, id est profanatos, scilicet a Gentilibus. Forte intelligit lapides altarium idolorum.

V. 45. *IN OPPROBRIUM*, id est dederoti.

V. 46. *DOMUS*, id est templi.

V. 48. *INTRA DOMUM*, scilicet sancta sanctorum. *ET AEDEM*; quasi dicat, Totum denique templum; vel intelligit atrium Sacerdotum. *SANCTIFICAVÉRUNT*, id est dedicarunt, seu consecrarunt.

V. 52. *ANTE MATUTINUM*. Græc. *di-luculo*.

V. 56. *SALUTARIS ET LAUDIS*, id est sacrificia pacifica, scilicet in gratiarum actionem.

V. 58. *AVERSUM*, id est ablatum.

V. 59. *AB ANNO IN ANNUM*, id est singulis annis.

V. 61. *BETHSURAM*. Civitas montana in tribu Iuda, prope Ierusalem. Vide II. Mach. xi.

E S T I I.

Verf. 36. **D**IXIT AUTEM IUDAS ET FRATRES EUS: ECCE CONTRITI SUNT INIMICI NOSTRI; ASCENDAMUS NUNC MUNDARE SANCTA, ET REVOCARE, &c. Ecce Iudas Machabæus, mox concessa nonnulla securitate, cum non tantum Dux belli esset, verum etiam sacerdos, ut constet ex initio capitis secun-

di, totum se confert ad inflaurandum in templo Ierosolymitano cultum Dei; qui aliquanto tempore iam intermissus erat, & ad repurgandum sacra loca, quæ gentilium abominandis cultibus erant contaminata. Unde & dicitur: *Et altare profanatum*. Profanatum quippe erat duplici ratione; tum quia carnes lege prohibita in eo oblatae erant, videlicet foillæ; tum, quod in eo sacrificatum fuisset diis gentium, & quidem Iovi Olympio, cui Antiochus templum illud consecrari iusserat. Porro quod sequitur: *Et pastophoria diruta*. Pastophoria, alii exedras, alii thalamos exponunt; quæ tamen & ipsæ sunt græcæ voces. Latine conclavia dici posse videntur. Ea autem templo adhærebant, extructa in usum scribarum & præpositorum templi, ut indicat Hieron. in xxi. caput Ilaix, & colligi etiam potest ex III. Esdræ viii. & ix. Ribera Lib. de templo dicit pastophoria, gazophylacia & exedras idem significare, & lapsos esse qui ista distinxerunt. Nomen gazophylacii legibus Nehemiæ ultimo.

V. 56. *ET FECERUNT DEDICATIONEM ALTARIS DIEBUS OCTO*. Et verf. 59. *ET STATUIT IUDAS, ET FRATRES EUS, ET UNIVERSA ECCLESIA, UT AGATUR DIES DEDICATIONIS AB ANNO IN ANNUM, &c.* En exemplar dedicationis altarium, & ecclesiarum; quæ etiam in novo testamento servantur. Et sicut nunc in iis solemnitatibus templa quam splendidissime ornantur, ita & hic dicitur: *Et ornaverunt faciem templi coronis aureis, & sentulis; & dedicaverunt portas, & pastophoria, & imposuerunt eis Ianuas*. Denique quod Iudas, totaque ecclesia hic leguntur sanxisse, ut ageretur hæc solemnitas dedicationis quotannis, servatum est usque ad tempora ipsius Christi, ut colligitur ex iis verbis Ioannis viii. *Facta sunt autem Encensia Ierosolymis, & hyems erat*; quia videlicet, mense Casleu, qui nostro Novembri respondet dedicatio hæc facta est, ut hic legitur. Hunc ergo dedicationis altarium, & templorum ritum servat etiam hodie Ecclesia, & servavit olim, quemadmodum ex vita S. Silvestri, & epistola Decretali Felicis IV. demonstratur. Servat, inquam, non tantum ceremoniam cultus Iudæici, ut calumniantur hæretici; sed tamquam ritum, etiam novi testamenti conditioni & statui aptum,

apum, & convenientem, & a Christo ipso sua praesentia cohonestatum, ut patet ex dictis.

MARIANAE.

Verf. 2. ET PERCUTERENT EOS SUBITO. It Gorgias contra Iudaeos noctu, scilicet dormientes, inopinantes, QUI ERANT IN ARCE: perfrax, ex Iosepho Lib. XXII. c. xi. li, propter locorum notitiam, viz ductores hostibus erant.

V. 3. AUDUIT IUDAS. Cognito hostium consilio Iudas castra reliquit, sed multis accensis ignibus, ut hostes falleret.

V. 5. VENIT GORGAS IN CASTRA IUDAE NOCTU, seu nocte, ut Gotth. Iudae milites apparent.

V. 6. QUI TEGUMENTA: loricas, thoraces non habebant. Gotth. quia; quasi dicat, Ideo tria millia tantum Iudas habuit, quia arma pluribus non suppetebant. Non incommoda sententia, sed alii codices resistunt; quorum lectioe significatur, neque ea tria millia arma habuisse.

V. 9. CUM EXERCITU MULTO SEQUEBATUR OLIM PHARAO. Gotth. cum exercitu: sic Graec.

V. 13. ET EXIERUNT DE CASTRIS, scilicet hostes: non inventis Iudaeis, redierant in sua castra, quae ad Emmaum erant.

V. 17. NON CONCUSPISCATIS SPOLIA. Malo saepe in bello fuit, devicti hostis legere spolia festinanter: Polybius Lib. X. QUIA BELLUM CONTRA NOS EST: nondum hostes sunt prostigati penitus.

V. 19. ECCE APPARUIT. Gotth. & Graec. apparuit. PARS QUAE DAM, scilicet hostium.

V. 20. VIDIT GORGAS QUOD IN FUGAM GORGAS VERSI SUNT. ET SUCCENDERUNT CASTRA, scilicet Iudaei captis hostium castris incicere ignem.

V. 22. IN CAMPUM ALIENIGENARUM sugerunt hostes, *ἐν τῷ ἀλλοφύλῳ*, In terram Philisthim, qui Graece in Sacris saepe vocantur *Allophyl*.

V. 23. HYACINTHUM acceperunt, id est vestes hyacinthinas coloris violacei. Et alioqui hyacinthus gemma est; color illi violaceus, sed dilutior quam in amethysto: Plin. Lib. XXXVII. cap. 9. ET PURPURAM, id est vestes purpureas. MARINAM.

Omnis purpura ex mari est; sed & est ista purpura ex vacciniis & violis, ut Vitruvius ait Lib. VII. cap. xiv. Et fortasse Tyriam purpuram designat, quae omnium praestantissima est: Plin. Lib. IV. cap. xxxviii. & xxxix. Iudaei victores.

V. 24. BENEDICEBANT DEUM IN CAELUM; pro, in caelo, qui in caelo habitabat. Graece, *Benedicebant in caelum*. Sed bene suppletur Deum.

V. 29. CASTRA POSUERUNT IN BETHORON, scilicet Lyfiae copiae. Bethoron vicus erat in tribu Beniamin prope Ierusalem; de quo cap. iiii. 16. Graec. in Bethsuris. Iosephus. Lib. XII. cap. xi. in Bethsura. Arx munitissima erat, rupibus imposita, quinque stadiis ab Ierusalem, ut dicitur vers. 60. Suspicio haec duo loca Bethoron & Bethsuram esse coniuncta.

V. 30. IMPETUM POTENTIS, id est Goliath. Potentes vocantur gigantes, Gen. vi. 4. *Illi sunt potentes a saeculo.* Hebr. & se gigantes. ALIENIGENARUM *Allophylorum*, id est Philisthinorum castra everit Ionahtas.

V. 34. COMMOVEANTUR; seu perturbentur. CONTRITIONE SUA, *κατακλίνας* commoveantur, scilicet hostes cum contriti fuerint.

V. 37. ASCENDERUNT IN MONTEM SION. Templum erat in monte Moriah, ex adverso montis Sion. Occupant tamen montem Sion, quoniam erat munitissima pars urbis.

V. 38. VIDERUNT SANCTIFICATIONEM, id est sanctuarium, templum desertum. IN ATRIS VIRGULTA. Multa erant atria, ut impluvia. PASTOPHORIA, id est exedras dirutas viderunt. Ezech. cap. xl. habes templi & partium eius descriptionem nostram.

V. 46. REPOSUERUNT LAPIDES IN MONTE DOMUS, id est in vicino templi monte, qui mons templi vocabatur, & illi serviebat.

V. 47. ACCEPERUNT LAPIDES INTEGROS: non scotos nec dolatos, uti Exod. xx. 25. mandatur.

V. 49. CANDELABRUM, ET ALTARE INCENSORUM ET MENSAM intulerunt; non arcam. Quinque rebus caruit secundum templum, inter eas arca, uti Agg. ii. diximus vers. 4.

V. 52. QUINTA ET VIGESIMA DIE MEN-

MENSIS CASLEU, id est Novembris. CENTESIMI QUADRAGESIMO OCTAVI ANNI. Eadem porro die ante tres annos templum fuit ab Antiocho contaminatum: cap. I. 62. & Iosephus Lib. XII. cap. XI. qui addit, eam fuisse abominationem seu idolum defolationis, quam Daniel prædixit, nempe cap. IX. ubi nos diximus quomodo id intelligatur.

V. 54. IN CANTICIS, ET CITHARIS, ET CINYRIS, renovatum est templum. Cinyra musicum instrumentum est, quod cum cithara aliquando confunditur, ut I. Par. IX. 25. Pro cyniris, quæ vox in Græco est, noster Interpres citharas posuit: aliquando ab ea distinguitur, ut hic, & inferius cap. XIII. 51.

V. 55. BENEDIXERUNT IN CAELUM, scilicet conversi, aut suple, Deum in cælo.

V. 56. SACRIFICIUM SALUTARIS ET LAUDIS, id est hostias pacificas, Levit. IX. 4. obtulerunt.

V. 59. AB ANNO IN ANNUM; id est, per singulos annos celebratur festum dedicationis altaris. Hoc festum *encania*, id est *immovatio* vocabatur, ob altare & sacrificia instaurata.

V. 60. MONTEM SION ædificaverunt, id est arcem, quæ ibi erat, novis operibus munierunt, imposito etiam militari prædicio. Id est quod ait,

V. 61. COLLOCAVIT ILLIC EXERCITUM: tum ut urbem tueretur, tum Bethsuram arcem urbi proximam & illi imminentem. Quinque stadiis ab urbe distabat, Lib. II. cap. XI. 5.

MENOCHII.

Verf. 1. **G**ORGAS: qui a Lyfia dux fuerat electus, supra cap. III. 38. SUBITO: nec opinantes, & imparatos.

V. 2. FILII QUI ERANT EX ARCE. In Græco est, *Filii arcis*, id est qui arcem tenebant. DUCES: *ἡγῶν*: duces itineris.

V. 3. VIRTUTEM EXERCITUM. In Græco est tantum *τὴν δύναμιν*. Virtutem, id est exercitum.

V. 4. ADHUC ENIM DISPERSUS ERAT EXERCITUS; id est, dum adhuc divisæ erant copię, nec omnes iisdem castris continebantur, a quibus Gorgias dux aberat cum parte regii exercitus.

V. 5. ET VENIT GORGAS IN CASTRA. Bib. Sac. Tom. XXII.

IUDAE, &c. Interim dum Iudas cum suis Emmaum versus iter intendit, Gorgias alia via venit in castra Iudeorum. CUM TRIBUS MILLIBUS VIRO-
RUM TANTUM, &c. In Græco textu est *ἐν τριακισίοις ἀνδράσι*: *πρὸς καθίσταται, ἢ μάταιος ἐν τῶν δυνάμεϊ βούλῃ*; id est, cum tribus millibus virorum: ceterum tegumenta, & gladios non habebant sicut volebant. Hoc est quod scribit Ioseph. Lib. XII. cap. XI. *Duces tria virorum millia non satis instructa armis, propter inopiam.*

V. 7. ET HI DOCTI: scilicet, erant: hi strenui erant, & exercitati milites.

V. 10. IN CAELUM, id est ad Deum. TESTAMENTI PATRUM, id est pacti cum patribus initii de favendo ipsis, & posteris.

V. 11. REDIMAT, id est eripiat.

V. 14. IN CAMPUM: per aperta camporum fugerunt.

V. 15. NOVISSIMI: scilicet fugientium, qui non ita cito se fuga proripere potuerunt. GEZERON. Iosephus habet *Gadara*, sed eadem civitas utroque nomine appellabatur, & dicebatur etiam Gazer. Vide Adrichomium in Ephraim num. 46.

V. 17. NON CONCUSPISCATIS SPOLIA: nec ullus se illis oneret, aut eorum detrahendorum causa ordines deserat. QUITA BEL-
LUM CONTRA NOS EST; id est, imminet nobis dimicatio contra vicinum hostem, & ex adverso habentem copias.

V. 18. PROPE NOS IN MONTE: ex irritis scilicet venatione reversus.

V. 19. PARS QUÆDAM: hostilium copiarum. SUCCENDERUNT CASTRA: Iudæi scilicet, castra gentilium.

V. 22. IN CAMPUM ALIENIGENARUM: in terram, ut est in Græco.

V. 23. AD SPOLIA: scilicet detrahenda, & colligenda. AURUM, ARGENTUM, HYACINTHUM, ET PURPURAM. Videntur hæc allata fuisse a mercatoribus, qui præter pecuniam etiam merces attulerant, quas victori exercitui venderent, aut cum captivis Iudæis commutarent. HYACINTHUM: lanam, aut vestes coloris hyacinthini. PURPURAM MARINAM, id est tyriam, quæ omnium erat præstantissima, & succo marinorum conchiliorum infusa.

V. 24. CONVERTI, id est reversi. IN CAELUM, id est voce in altum sublata. QUONIAM BONUS, &c. Illud Psalmi ingeminantes: *Confitemini Domino quoniam*

donus, quoniam in saeculum misericordia eius.

V. 25. SALUS MAGNA: libertas, victoria, & incolumitas.

V. 30. POTENTIS: scilicet, Goliz validi, ac robusti bellatoris. IN MANU IO-NATHAE. Historia habetur I. Reg. xiv. 13.

V. 31. CONCLUDE, id est trade. CONFUNDANTUR IN EXERCITU SUO: licet ingentes habeant copias, ignominiose tamen vincantur.

V. 32. TABEFAC AUDACIAM, &c. τῆς ἀπαρτίας. Tabefac, dissolve timore immis-sio, & compressis ingentibus hostium spiri-tibus. AUDACIAM VIRTUTIS EORUM: au-daciam eorum, quam viribus suis praesiden-tes conceperunt. COMMOVEANTUR, id est concutiantur; quasi dicat, Deleantur.

V. 32. DILIGENTIAM TE: Iudaeorum. COLLAUDENT IN HYMNIS: hymni tibi decantantes.

V. 36. MUNDARE SANCTA, id est tem-plum purgare, & expiare.

V. 38. SANCTIFICATIONEM, id est tem-plum. VIRGULTA NATA Sicut IN SAL-TU: quia praedictarii qui erant in aetate ir-ruebant in omnes, qui templum adire vo-lebant, eosque male mulstabant. PASTO-RORIA: quae tum exedrae, tum gazophy-laciae, aediculae, aut eubacula dicuntur, va-riis usibus destinata, tam in porticibus, quam ad latera ipsius aedis sanctae: πασός si-gnificat thalamum, inde pastophorium, quasi ferens thalamum, vel via, aut tran-situs ad thalamum ducens, sive porticus, ut etiam προπάσος est locus ante thala-mum.

V. 39. ET SCINDERUNT VESTIMENTA SUA, &c. Etsi consule iam sciebant quam luctuosus esset templi status, tamen obie-cta oculis miserabilis eius species lacrymas exiecit, & signa doloris, quae hic recen-sentur.

V. 40. TUBIS SIGNORUM; id est, qui-bus solebat signum dari scilicet in bello, vel in festis. Vide Num. x. 2.

V. 41. UT PUGNARENT, &c. si forte erumpentes hostes emundationem templi impedire conententur.

V. 42. SINE MACULA: qui non essent caeci, vel claudi, vel fracti, vel colliso pe-de, vel manu ut praescribitur lege Leviti-ci cap. xxi. 17. VOLUNTATEM HABEN-TES, id est legis servandae studiosos.

V. 43. LAPIDES CONTAMINATIONIS: si-mulachra idolorum comminuta, & aras lapideas in eorum honorem excitatas. IN LOCUM IMMUNDUM. Locus hic in quem immunda proiciebantur erat torrens Cedron, sive convallis Cedron, sive Tophe-th, ubi comburebantur immunda, & us-que ad cineres redigebantur. Vide II. Pa-ral. xxix. 15. & 16. & IV. Reg. xxiii. 4.

V. 44. ET COGITAVIT: Iudas tamquam Pontifex. PROFANATUM ERAT: vel im-mundis victimis, vel porius quia illi fue-rat impositum idolum desolationis supra cap. i. 57.

V. 45. NE FORTE ILLIS ESSET IN OP-PROBRIUM: Iudaei enim Ethnici irrisi-scent, & illis obieissent quod communia haberent sacra, & idem altare, quod ma-gnum fuisset dedecus vere religionis cul-toribus. DEMOLITI SUNT ILLUD: lapides tamen quibus superpositum fuerat altare aenum, quia sacris usibus infervierant, non abiecerunt cum ceteris lapidibus profanis.

V. 46. IN MONTE DOMUS: extra tem-pli septa, sed in eodem monte, in quo domus, & templum Domini erat extru-ctum. IN LOCO APTO, id est honesto, & mundo. QUODAMQUE VENIRET PROPHE-TA: per quem consultus Dominus respon-deret quid illis esset faciendum: nam ora-culum Domini ex area iam pridem nul-lum erat. Vide infra cap. xiv. 41.

V. 47. ET ACCEPERUNT LAPIDES IN-TEGROS: lapides impolitos, quos ferrum non tetigit, iuxta legem, Exod. xx. 25. SECUNDUM ILLUD QUOD FUIT PRIUS: quale illud fuit, quod a Moyse factum de-scribitur Exod. xxxviii. Nam penuria praesens, post immensas clades, & vastitates Salomonis magnificentiam non admittebat, quam etiam ob causam unius candelabri, & unius mensae panum fit mentio, quae dena fecerat Salomon II. Paral. vii. 8. ita Serar. & Salian.

V. 48. AEDIFICAVERUNT SANCTA: par-tes templi, & atriorum collapsas instaura-runt. SANCTIFICAVERUNT: legitimis vi-delicet expiationibus.

V. 52. ANTE MATUTINUM, id est dilucu-lo. MENSIS CALEU: qui nostro Novem-bri respondet. CENTESIMI QUADRAGESIMI OCTAVI ANNI. Itaque tres fluxerant anni ex quo aedificavit Rex Antiochus idolum desolationis super altare Dei; id enim fa-ctum

Annus est anno centesimo quadagesimo quinto, ut supra dicitur capite i. 57. Sed obli- scire videtur quod libro secundo capite x. i. ubi eadem historia narratur, dicitur purgationem templi factam *post biennium*. Dicendum profanationem templi per sacrificia oblata idolo existenti super altare holocaustorum triennium tenuisse, ut dicitur capite i. Libro I. citato. Cum vero dicitur capite x. Libro II. biennium durasse, intelligitur sub Iudæ Pontificatu, nam eo loco facit textus peculiariter agit de rebus gestis Iudæ, itaque & tempus quo illa gesta sunt, ad ipsum Iudam referendum videtur. Ita Serar. & Salian. alii aliter, apud eosdem fute de hoc disputantes.

V. 54. SECUNDUM TEMPUS, ET SECUNDUM DIEM, &c. Quo tempore, & quo die profanatum fuerat, eadem die instauratum est, nimirum vigesima quinta mensis Casleu: vide supra cap. i. 57. & 62. IN CITHARIS, ET CINYRIS. Hoc loco citharæ a cinyris distinguuntur, sed II. Paralipomenon xxix. 25. ubi nostra Vulgata habet *in citharis*, Græcus textus habet *ἰν κινύραις*, & huius Libri I. Machabæorum, xiii. 51. citharas cum cinyris copulavit noster interpret, cum Græce tantum legamus *ἰν κινύραις*: I. Reg. x. 5. & II. Regum vi. 5. ubi nostra Vulgata habet *in citharis*, Græcus textus legit *ἰν κινύραις*. Itaque hæc instrumenta musica admodum similia videntur fuisse inter se, & fortasse sola magnitudine, & fidium numero inter se distincta, ut apud nos ea quæ vocamus, *violæ*, & *violini*.

V. 55. PROSPERAVIT HIS: prospera omnia illis dedit.

V. 56. SALUTARIS, ET LAUDIS, id est sacrificia pacifica, quæ in actionem gratiarum offerebantur.

V. 57. ORNAVERUNT FACIEM TEMPLI CORONIS AUREIS. Coronare templa non est aliud quam festa fronde illa contegere, & vestire. Dicuntur coronæ aureæ, quia bracteolis aureis frondes illæ aspersæ erant: vel quia inter frondes, ut etiam noum fit, auriferæ folia pendebant, vel quid simile. Vide Carolum Paschaliū de Coronis Lib. IV. cap. xviii. SCUTULIS. Rex Salomon aurea scuta templo affixerat III. Regum x. Roboam pro illis, ærea ibidem capite xiv. Hi nostri neque scuta, neque ærea, sed scutula quidem, sed tamen aurea. Ita

Serarius: verum quia scuta Salomonis, & Roboam in domo salus Libani, aut in regio armamentario servata dicuntur, nec adhibita ad ornandum templum, sed potius ad cohonestandum pompam Regis ad templum procedentis; crediderim scutula hæc fuisse ornamenta aliqua pendentia in facie templi scuti formam habentia, & deaurata. DEDICAVÉRUNT: legitimis sanctificationibus & benedictionibus.

V. 58. AVERSUM EST OPPROBRIUM GENTIUM: sublatus est dedecus a gentibus inultum rebus sacris, & templo, quod ab illis idololatriæ cultu fuerat dehonestatum. Vel, ita sunt restitute res, ut non auderent amplius Gentiles fidei populo insultare.

V. 59. UT AGATUR DIES DEDICATIONIS, &c. Hoc festum appellabant Encenia Ioann. x. 22. id est instauracionis festum, & renovationis.

V. 60. AEDIFICAVÉRUNT MONTEM STON, &c. Templum erat in Monte Moria, cui a dextera, lævæque imminabant Sion, & Aeramontes, in quibus hæc turres ædificatæ intelliguntur ad templi custodiam.

V. 62. EXERCITUM, id est præfidiarios milites. ET MUNIVIT EUM AD CUSTODIENDAM BETHSURAM. Textus Græcus ambiguus est, an Bethsura munita sit ad custodiam loci sancti, an exercitus qui iuxta templum positus erat, tam templum quam Bethsuram custodiret. Utrumque verum est; sibi enim mutuas operas prestare poterant; prior tamen sensus videtur convenientior, quem secutus Vatablus ita vertit: *Copias ibidem præsidii causa collocaverunt, eisdemque tuendo Bethsuram, ut præsidium haberet populus adversus Idumæam.* BETHSURAM: est locus Iudææ munitissimus, quinque stadiis Ierosolyma distans, ut patet Lib. II. capite xi. 5. CONTRA FACIEM IDUMÆÆ: unde hostes plerumque Iudæam invadebant.

T I R I N I.

Verf. 1. **G**ORGIAE e tribus primariis & 2. Antiochi docibus annos, & cum eo sex MILLIA, MOVERUNT CASTRA NOCTE, clam & secreto, ut PERCUTERENT Iudæos SUBITO, ex improviso, nihil adhuc tale expectantes. His DUCES, seu ductores, ERANT FILII QUI ERANT EX ARCE, id est præfidiarii artis Ierosolymitanæ

tanz 6, quorum nonnulli viarum periti ad Gorgiam decurrant. Sed

V. 3. & 4. IUDAS, comperto dolo, praevertit Gorgiam, & quas ipse Iudaeis insidias parabat, retorfit in relictas a Gorgia copias in EMMAUM, ubi praecipue erat virtus exercitus regis Antiochi, sed adhuc dispersus erat exercitus a castris, id est sine ordinibus degebant, non ad modum castrorum bene compositionum, utpote nihil hostile metuentes. Sed milites Iudae

V. 6. TEGUMENTA, id est loricas, thessaces ferreos, clypeos, ET GLADIOS. NON HABEBANT, nempe sicut volebant, ut in Graeco additur, & etiam in pluribus Latinis, seu manuscriptis, seu editis; quasi dicat: Iudaei quoad arma non erant pro voto suo sat instructi, certe hostibus nulla ex parte aequandi.

V. 14. CONGRESSI nihilominus contriverunt illos, & in fugam egerunt per campos & agros. Qui vero inter fugientes erant

V. 15. NOVISSIMI, OMNES GLADIO trucidati sunt, AD TRIA MILLIA VIRORUM.

V. 16. Hac obventa victoria non contentus IUDAS, REVERSUS in castrorum Gorgiae locum spoliis refectum, prudenti sane consilio suos omnes sub signis continuit, NON CONCUSCIS, inquit, SPOLIA praepropere & premature: QUIA BELLUM adhuc CONTRA NOS EST, prius cum hoste cervicibus nostris imminente conflegendum nobis, quam spolia legere, vel praedae incutere possumus.

V. 18. ET ENIM GORGAS ET EXERCITUS eius, sex electa millia, castris nuper egressi verò t. ad nos noctu opprimendos, iam reversi ecce PROPE NOS sunt IN MONTE. Ah quoties victori iam & triumphabundo exercitui praepropere collecta spolia sedulissimam stragem attulerunt! De quo vide Polybium c. Recens exemplum orbis universus vidit ad Agriam, cum victores Christianorum exercitus premature ad spolia legenda delapsos Turcae ex fuga retraherent, ceciderunt, in fugam compulerunt. Cautiores hi Iudaei, qui spoliis tantisper abstinentes, victoriam bene ceptam proseguuntur,

V. 20. ET SUCCENDERUNT CASTRA, id est relicta a fugiivis tuguria. Nempe flammis istis voluerunt indicare Gorgia su-

as esse copias eius omnes, & invasa castra; quo & illum terrent, & in fugam compellerent: uti accidit pro voto. Tum licuit Iudaeis per otium spolia legere hostilia, inter quae, praeter alias opes nobiliores, repererunt

V. 23. HYACINTHUM, id est vestes plurimas hyacinthinas d. violacei coloris: ET PURPURAM, non fictam ex vacciniis, vel violis, sed veram, nempe MARINAM, ex oltreis teste Vitruvio & Plinio e, qui addit, Tyriam purpuram omnium praestantissimam fuisse. Egi de his fufe Exodi xxv.

V. 28. Pari felicitate IUDAS ANNO SEQUENTI Lyfiam s. ipsum cum multo maioribus copiis cecidit, fugat, sternit. Neque armorum magis quam sacrorum dux felicissimus, post nobilissimas has victorias, interim dum copias suas instaurat Lyfias ipse,

V. 36. ASCENDAMUS, inquit, Ierosolymam, MUNDARE SANCTA templi loca, & abolitum Dei cultum RENOVARE, atque instaurare, & postliminio reducere.

V. 38. SANCTIFICATIONEM, id est templum, quod Sancto constabat & sancto sanctorum, VIDERUNT desertum esse, uti ET PASTOPHORIA, id est sacerdotum cubicula ad latus templi, ut dixi III. Reg. vi.

V. 43. LAPIDES CONTAMINATIONIS, id est idolorum statuas, bases & aras, de quibus supra g, TULERUNT IN LOCUM IMMUNDUM; nempe in Topheth, alias dictam Gehennam, IV. Reg. xxiii. 10. Sed quid agant

V. 44. DE ALTARI HOLOCAUSTORUM, ab Eldra, & aliis sacerdotibus olim exedificato, sed iam per impositum Iovis Olympii statum h. fcede profanato? Eluente illud & mundabunt, & utentur deinceps? At timebant

V. 45. & 46. Ne id FORTE ILLIS cederet IN OPPROBRIUM, tam apud Deum, quam apud homines, eo quod tam fcede contaminato altari ad tam sancta caeriticia uterentur, quasi sumptui parcentes in re tam gravi. An ergo deiectionem & dissolutionem altare, ut reliquas aras profanas idolorum, abiciant in immundum Topheth, seu Gehennam? Verum horrebant, rem Deo semel consecratam, oleoque sancto & ritu sacro dedicatam loco spurco committere. Ergo INCIDIT ILLIS CONSILIUM BONORUM, ut medix insisterent viæ, & dis-

solverent quidem altare, sed LAPIDES repperent non in *Topheth*, sed IN LOCO sacro ad id APTO, nempe in angulo aliquo aræ unius in templo, vel etiam extra templum, sed in eodem MONTE Sion, in quo DOMUS DEI, seu templum constructum erat. Ex quibus discimus quanta nunc veneratio debeat rebus longe sacratioribus, v. g. altaribus Christianorum, vestibus sacerdotalibus, calicibus, cælitum reliquiis, &c. Saltem eo loci putarunt Iudæi lapides istos tantisper adservandos, donec certius quid de illis responderetur per venturum Prophetam, quicumque is esset Propheta qui primum a Deo mitteretur: vel certe per Prophetam intelligunt Christum Messiam, qui nomine Prophetæ sapius in Scripturis k designatur. Et vero sciebant ex hebdomadibus Danielis paulatim accelerare tempus adventus Messie. Nam ab hoc anno 148. regni Græcorum, usque ad Messie adventum, seu nativitatem, non effluerunt nisi 159. anni. Expectabant autem Iudæi ex Messia suo solutionem omnium dubiorum suorum, ut colligitur ex Ioannis iv. 25. *Scio quia Messias venit, qui dicitur Christus: cum ergo venerit, ille nobis annuntiabit omnia.*

V. 48. QUAE INTRA DOMUM ERANT INTRINSECE, ET AEDEM; id est, interiora omnia sanctuarii & Sancti sanctorum, ET ATRIA exteriora templi SANCTIFICAVERT, id est emundarunt, consecrarunt, dedicarunt:

V. 49. ET INTULERUNT CANDELARUM septiceps, seu septiramus: ET MENSAM auream, in qua panes sacri proponerentur Deo. Non ergo Salomonico more (qui dena candelabra, & denas mensas in sanctuario posuit, ut dixi III. Reg. vi.) sed Mosaico, (qui non nisi unum e singulis habebat) templum hoc suum instruxerunt Iudæi.

V. 54. SECUNDUM TEMPUS ET SECUNDUM DIEM; id est, eodem profusus die, nempe 25. mensis *moni Casleu*, id est 14. nostri Decembris (inquit Scaliger m) quo coepit profanatio templi per profana & idololatrica sacrificia, I. Mach. 1. 62. eodem etiam desit vertente triennio, ut hic & Lib. II. cap. x. 5. discrete affirmatur. Nam *biennium*, cuius ibi vers. 3. mentio fit, non respicit initium profanationis templi, sed initium principatus Iudæ, ut legenti

n patet. Et licet ibi hæc templi repurgatio narretur post enarratam Antiochi mortem, non tamen dicitur, accidisse illam post illius mortem: & ex hoc Lib. I. cap. iv. constat, accidisse anno Græcorum 148. cum Antiochus non sit mortuus nisi anno 149. ut dicitur cap. vi. 16. Sicut vero idem hic dies obigit sacrilegio & consecrationi, tenebris & luci, calamitati & lætitiæ ita notat Iosephus e, eundem quoque mensem & diem obgitisse excidio Ierosolymorum per Nabuchodonosorem, & per Titum, ut dixi in fine Chronicis. Porro innovatio hæc, seu nova templi & altaris dedicatio facta fuit cum CITHARIS ET CINYRIS, musicis instrumentis, quæ aliquando pro iisdem sumuntur, v. g. II. Paralip. ix. 11. ubi pro Græco *cinyris*, Latinus vertit *citharas*. Aliquando distinguuntur, ut hic & alibi p.

V. 59. STATUIT IUDAS, ET UNIVERSA IUDÆORUM ECCLESIA, UT solum hoc DEICATIONIS quotannis exinceps per octiduum celebraretur. De quibus *encaniis*, etiam Reza q teste, & aliis Calvinistis, meminit Ioannes x. 22. *Facta sunt encania in Ierosolymis, & hiems erat.* Quod de encaniis Salomonis mense Tisri, seu Septembri, III. Reg. vii. de encaniis Esdræ, mense Adar, seu Februario nostro, I. Esdr. vi. commodè intelligi nequit, quia tunc in Iudæa proprie non est hiems, nam post medium sequentis mensis *Nisan* spicas maturas colligebant, & postmodum Paschæ Deo offerebant.

V. 60. ET AEDIFICAVERT MONTEM STON; id est, arcem præsidariam construxerunt in monte Sion, ex opposito arcis hostilis, I. Mach. 1. 35. Licet enim coecernerit excursionem præsidiorum hostilium Iudas, interim dum templum repurgaretur, ut vidimus hoc cap. iv. 41. certum tamen est, ipsum arcem hostili potitum non fuisse tum temporis; nam biennio post, nempe anno 150. Græcorum, ut cap. vi. 20. narratur, coepit demum illam obsidere: nec nisi post 23. annos, nempe 171. anno Græcorum, ea arce potiti sunt Iudæi, cap. xxi. 50. Ergo ad compescendos hostes, ne more consueto erumperent, & templum infestarent, novam hanc illis arcem obiecerunt Iudæi, forte parte una extimæ aræ templi in eum usum conversa, ut insinuat eod. cap. vi. 51. Construa.

struxit insuper Iudas & aliam munitionem contra Idumaeos.

V. 61. In urbe *Bethsura* quinto stadio r ab Ierosolymis, ubi intra montium fauces & angustias munitionem insignem erexit, Thermopyrarum instar, inquit Iosephus, quæ *Laedemoniorum* virtute toto orbe celebrantur. Vide eundem & de pluribus aliis Machabæorum ædificiis.

- (a) *Sopha* 111. 38.
(b) *Cap.* 1. 35.
(c) *Polyb.* Lib. X.
(d) *Exodi* xiv. vers. 4.
(e) *Vitruv.* Lib. VII. cap. xiv. *Plin.* Lib. IV. cap. xxviii. & xxxix.
(f) *I. Mach.* 111. 32.
(g) *Cap.* 1. 36. & Lib. II. cap. x.
(h) *I. Mach.* 1. 37. 62.
(i) *Cap. Altaris*, de consecrat. dist. 2.
(k) *Deut.* xviii. 15. & *I. Mach.* xiv. 45.
(l) *Hic I. Machab.* 19. 52.
(m) *Scalig.* Lib. V. *Emend. tempor.*
(n) *Hic cap.* 11. ult. & 19. 52.
(o) *Ioseph.* Lib. VI. *Capit.* cap. xxv.
(p) *I. Mach.* 111. 52.
(q) *Bera* in *Ioan.* x. 22. *Biblia Calvinista*, in margine huius loci.
(r) *Hic cap.* vi. 7. 31. 40. & 11. 52. & 65. & xiv. 7. & 19. Lib. II. cap. 21. 5.
(s) *Ioseph.* Lib. XII. cap. 12. Lib. XIV. cap. xvi.
(t) *Ioseph.* Lib. XV. cap. ult. & Lib. XX. cap. vii. & Lib. II. *Capit.* cap. xxviii. & Lib. V. c. 1111.

GORDONI.

Vers. 1. **H**ic de tertio agitur prælio, quod gessit Iudas: ubi habent reges & duces viam præclaram ad victoriam, per vitæ innocentiam, & invocationem divini nominis. Ceterum quæ in tertio prælio vel præcesserunt pugnam, vel subsequuta sunt, vel in ipso conflictu acciderunt; ex his capitibus tertio & quarto satis sunt manifesta.

V. 4. Industria Iuda est, qui copias regias nondum unitas aggreditur. Interim Iuda eunte in Emmaus, Gor invadit castra Iudæorum.

Reliquum Capituli 4.

Lysias armatur ad quartum prælium, vers. 28. Venitur ad Bethoron, 29. orat Iudas, vers. 30. vincit, 34. Lysias redit Antiochiam, 35. Mundatur Templum, vers. 36. & deinceps. Acta res est ann. Græcorum 148. vers. 52. Statuitur festum dedicationis, vers. 59.

Hic addæ ex Lib. II. cap. x. a versiculo 2. usque ad vers. 9. ubi etiam agitur

de purgato Templo eodem die quo postum fuit. Hæret adhuc Antiochus in Perside.

V. 15. GEZERON: Iosepho est Gaddara.

V. 26. Hic habent, quod probare, laudareque deberent Novatores de Templorum purgatione, novi altaris extructione, & dedicatione. Similia de Encænis pleraque dant Exodus & liber tertius Regum sub Salomone.

V. 30. POTENTIS. Hic est Goliath gigas.

V. 38. SANCTIFICATIO. Hic est ipsum templum, vel pars, quæ dicebatur Sancta Sanctorum. Pastophoria sunt exedrae, & cubicula, ubi servabantur res sacræ. Ceterum non fuit dirutum templum sub Antiocho, sed labefactum, & vastatum ignibus: tamen altare novum positum est, & dedicatum. Supra vero dixi, narrari quidem dedicationem hanc duobus in locis, nempe hic & Lib. II. cap. x. semel tamen factam; idque ante mortem Antiochi & anno Seleucidarum 148. hic Lib. I. cap. 19. 52. tertio nempe anno præcise a profanatione: nam quo die cepit, eodem desinit profanatio: ibid. vers. 54. At dicere aliquis, ex Lib. II. cap. x. 32. oblatum dici sacrificium post biennium. Certe post biennium fuit, si intervenit triennium; tamen designatio hæc per exactum biennium est Chaldaica, quæ liberior est in colligendis annis. Iosephus addit ad triennium solidum sex menses; sed hoc Iosephi commentum est, immo ipse Lib. XII. cap. 11. dat purum triennium, *mensē Caslem*, nobis November est: an vero 2300. dies, de quibus Dan. viii. 14. ad hanc templi profanationem possint aptari, ibidem dicendum est: vide Serrar. Lib. I. cap. vi. quest. v. denique hæc putantur encænias, de quibus Christus Ioan. x. 22.

V. 40. TURIS. Vide Num. x. 2.

V. 42. SINE MACULA. Vide Levit. xii. 17.

V. 43. LAPIDES CONTAMINATIONIS: erant ex dirutis aris idolorum.

V. 46. IN MONTE. Extra templum, sed in monte templi, loco honesto.

V. 47. Hic apparatus non æquabat Salomonicum.

V. 48. SANCTA: partes templi dirutæ restaurant & atriolum.

V. 56. SALUTARIS. Sunt sacrificia pa-
cifica, quæ offerri solebant in gratiarum
actionem.

V. 57. CORONIS. Festa fronde & stri-
dentis atri foliis, scutula non aurea, ut
Solomonis, nec ætea ut Roborini, sed sunt

aurata quidam ornamenta ad modum scutuli.

V. 60. AEDIFICAVÉRUNT MONTEM.
Moniverunt turres in monte Sion, qui e-
rat templo vicinus.

V. 61. Urbs montana prope Ierusalem,
ex Lib. II. cap. XI. 5.



CAPUT V.

Percussit Iudas plurimas Gentes finitimas: obsessosque Galaaditas & Galileos ipse una cum fratre Simone liberat: & devicto semel atque iterum Timotheo, captæque civitate Ephron, quæ transitum ipsi præbere noluerat, & omni masculo ipsius interempto, tandem integro numero læti revertuntur in montem Sion ad sacrificandum Domino: interea qui relictæ fuerant duces in Ierusalem, dum contra Iudæ præceptum pugnant adversus Gentes, ceduntur: Iudas vero percussit Chebron & Arctum, subversis ipsarum simulacris.

I.



T factum est ut audierunt Gentes in circuitu, quia ædificatum est aliare, & sanctuarium sicut prius, iratæ sunt valde: 2. & cogitabant tollere genus Iacob, qui erant inter eos, & cœperunt occidere de populo, & persequi. 3. Et debellabat Iudas filios Esau in Idumæa, * & eos qui erant in Acrabathane, quia circumsedebant Israelitas, & percussit eos plaga magna. 4.

Et recordatus est malitiam filiorum Bean, qui erant populo in laqueum, & in scandalum, insidiantes ei in via. 5. Et conclusi sunt ab eo in turribus, & applicuit ad eos, & anathematizavit eos, & incendit turres eorum igni, cum omnibus qui in eis erant. 6. Et transivit ad filios Ammon, & invenit manum fortem, & populum copiosum, & Timotheum ducem ipsorum: 7. & commisit cum eis prælia multa, & contriti sunt in conspectu eorum, & percussit eos: 8. & cepit Gazer civitatem, & filias eius, & reversus est in Iudæam. 9. Et congregatæ sunt gentes quæ sunt in Galaad, adversus Israelitas qui erant in finibus eorum, ut tollerent eos: & fugerunt in Datheman munitionem, 10. & miserunt litteras ad Iudam & fratres eius, dicentes: Congregatæ sunt adversum nos gentes per circuitum, ut nos auferant: 11. & parant venire, & occupare munitionem, in quam confugimus: & Timotheus est dux exercitus eorum. 12. Nunc ergo veni, & eripe nos de manibus eorum, quia cecidit multitudo de nobis. 13. Et omnes fratres nostri, qui erant in locis Tubin, interfecisti sunt: & captivas duxerunt uxores eorum, & natos, & spolia, & peremerunt illic fere mille viros. 14. Et adhuc epistolæ legebantur, & ecce alii nuntii venerunt de Galilæa confisissis tunicis, nuntiantes secundum verba hæc: 15. dicentes convenisse adversum se a Ptolemaida, & Tyro, & Sidone: & repleta est omnis Galilæa alienigenis, ut nos consumant. 16. Ut audivit autem Iudas,

non poterimus sustinere eum: quia potens poterit adversum nos: 41. si vero timuerit transire, & posuerit castra extra flumen, transfretemus ad eos, & poterimus adversus illum. 42. Ut autem appropinquavit Iudas ad torrentem aquæ, statuit scribas populi secus torrentem, & mandavit eis, dicens: Neminem hominum reliqueritis: sed veniant omnes in prælium. 43. Et transfretavit ad illos prior, & omnis populus post eum, & contritæ sunt omnes gentes a facie eorum, & proiecerunt arma sua, & fugerunt ad fanum, quod erat in Carnaim. 44. Et occupavit ipsam civitatem, & fanum succendit igni, * cum omnibus qui erant in ipso: & oppressa est Carnaim, & non potuit sustinere contra faciem Iudæ. 45. Et congregavit Iudas universos Israelitas, qui erant in Galaaditide, a minimo usque ad maximum, & uxores eorum, & natos, & exercitum magnum valde, ut venirent in terram Iuda. 46. Et venerunt usque Ephron: & hæc civitas magna in ingressu posita, munita valde, & non erat declinare ab ea dextera vel sinistra, sed per mediam iter erat. 47. Et incluserunt se qui erant in civitate, & obstruxerunt portas lapidibus: & misit ad eos Iudas verbis pacificis, 48. dicens: Transeamus per terram vestram, ut eamus in terram nostram: & nemo vobis nocebit: tantum pedibus transibimus. Et volebant eis aperire. 49. Et præcepit Iudas prædicare in castris, ut applicarent unusquisque in quo erat loco: 50. & applicuerunt se viri virtutis: & oppugnavit civitatem illam tota die, & tota nocte, & tradita est civitas in manu eius: 51. & peremerunt omnem masculum in ore gladii, & eradicavit eam, & accepit spolia eius, & transivit per totam civitatem super interfectos. 52. Et transgressi sunt Iordanem in campo magno, contra faciem Bethsan. 53. Et erat Iudas congregans extremos, & exhortabatur populum per totam viam, donec venirent in terram Iuda. 54. Et ascenderunt in montem Sion cum læticia & gaudio, & obtulerunt holocausta, quod nemo ex eis cecidisset, donec reverterentur in pace. 55. Et in diebus, quibus erat Iudas & Ionathas in terra Galaad, & Simon frater eius in Galilæa contra faciem Ptolemaidis, 56. audivit Iosephus Zachariæ filius, * & Azarias princeps virtutis, res bene gestas, & prælia quæ facta sunt, 57. & dixit: faciamus & ipsi nobis nomen, & eamus pugnare adversus gentes, quæ in circuitu nostro sunt. 58. Et præcepit his qui erant in exercitu suo, & abierunt Iamnam. 59. Et exivit Gorgias de civitate, & viri eius obviam illis in pugnam. 60. Et fugati sunt Iosephus & Azarias usque ad fines Iudæ: & ceciderunt illo die de populo Israel ad duo millia viri, * & facta est fuga magna in populo: 61. quia non audierunt Iudam, & fratres eius, existimantes sortiter se facturos. 62. Ipsi autem non erant de semine virorum illorum, per quos salus facta est in Israel. 63. Et viri Iuda magnificati sunt valde in conspectu omnis Israel, & gentium omnium ubi audiebatur nomen eorum. 64. Et convenerunt ad eos lausta acclamantes. 65. Et exivit Iudas, & fratres eius, & expugnabant filios Esau, in terra quæ ad Austrum est, & percussit Chebron & filias eius: & muros eius & turres succendit igni in circuitu. 66. Et movit castra ut iret in terram alienigenarum, & perambulabat Samariam. 67. In die illa ceciderunt sacerdotes, in bello, dum vo-

Bibl. Sac. Tom. XXII.

Aaa

lunt

lunt fortiter facere, dum sine consilio exeunt in praelium. 68. Et declinavit Iudas in Azotum in terram alienigenarum, & diruit aras eorum, & sculpilia deorum ipsorum succendit igni: & cepit spolia civitatum, & reversus est in terram Iuda.

BRUGENSIS

ROMANAE CORRECTIONES.

Vers. 3. Et eos qui erant in Acrabathane.
Plerique libri vocem *Acrabathane* male scribunt omissa littera *e*, quae tertia quidem est alphabeti, huius autem dictionis secunda.
Vers. 30. Et expugnarent eos. Alii legunt *expugnabant*.
Vers. 35. Et sumpsit spolia eius. Non supponas verbum compositum *assumpsit* pro simplici

sumpsit.

Vers. 44. Cum omnibus qui erant in ipso. Pro masculino qui multi libri habent neutrum *qua*. Graecum ambiguum est.

Vers. 56. Et Azarias princeps virtutis. Correctores praetulerunt singulare *princeps* plurali *principes*.

Vers. 60. Et facta est fuga magna in populo. Correctores recte emendarunt *fuga* pro eo quod vulgo legitur *plaga*, quod amplius est.

COMMENTARIA

S A.

Vers. 2. ERANT, id est habitabant.
V. 3. CIRCUMSEDEBANT, id est obsidebant.

V. 4. SCANDALUM, id est offendiculum.

V. 5. ANATHEMATIZAVIT, id est destruxit penitus.

V. 8. FILIAS, id est vicos, seu oppida subiecta.

V. 9. DATHEMAN. Erat in monte Galaad.

V. 10. PER CIRCUITUM. Graec. *que circum nos sunt*.

V. 13. SPOLIA. Graec. *supellecilem*.

V. 14. SECUNDUM VERBA HAEC, id est similia.

V. 16. ECCLESA, id est concio, seu conventus populi. COGITARE, id est consultare. EXPUGNANTUR AB EIS, id est oppugnabantur ab illis, scilicet hostibus.

V. 21. A FACIE EIUS; pro, ab eo.

V. 26. COMPREHENS, id est capti, vel conclusi, scilicet ne possent exire.

V. 29. MUNITIONEM, scilicet in qua Iudaei conclusi.

V. 30. EOS, scilicet qui intus erant.

V. 33. ORDINIBUS, scilicet militum dispositis per diversa loca. ORATIONE, scilicet ad Deum.

V. 34. EOS, scilicet hostes Iudae.

V. 40. POTENS POTERIT, id est praevalebit.

V. 42. SCRIBAS, scilicet qui descriptos habebant milites.

V. 43. TRANSFRETAVIT, id est traiecit.

V. 46. EPHRON. Civitas ultra Iordanem: videtur esse quae Ioannis xi. dicitur *Ephrem*. INGRESSU, id est transitu. ERAT, scilicet faciendum.

V. 48. PEDIBUS; quasi dicat, Recta iter facientes, nec in aliud intenti.

V. 50. VIRTUTIS, id est fortis.

V. 52. CONTRA FACIEM, id est e regione, seu in conspectu, vel prope.

V. 54. DONEC. Nota id *donec*; nec enim significat reverbos cecidisse.

V. 56. VIRTUTIS, id est exercitus.

V. 62. FACTA EST; pro, facienda erat.

V. 63. VIRI IUDA. Graec. *vir Iudas, & fratres eius*.

V. 67. SACERDOTES, scilicet de quibus supra.

EST I I.

Vers. 40. ET ait TIMOTHEUS PRINCIPIBUS EXERCITUS SUI: Si TRANSIERIT IUDAS AD NOS PRIOR, NON POTERIMUS SUSTINERE EUM. Sermonem hunc Timothei rei probavit eventus. Sequi-

quitur cuim: vers. 43. ET TRANSERET-
VIT AD ILLOS PRIOR IUDAS, ET CON-
TRITAE SUNT OMNES GENTES A FACIE
EORUM. Simile quid habemus I. Reg. xiv.
dictum a Ionatha ad armigerum suum,
ubi & similiter eventus sermonem proba-
vit. Quæritur ergo utrum signum, quod
uterque, tum Ionathas, tum Timotheus
sibi proposuit ad eventum belli, non fue-
rit supersticiosum? De Ionatha quidem re-
spondendum videtur, quia signum ab eo
propositum, paulo post divino miraculo
fuit comprobatum, etiam signum ipsum,
divina inspiratione fuisse ei demonstratum.
Ita sentit Iosephus in antiquitat. Videli-
cet Ionatham fuisse ad Deum precibus pro
victoria contra Philistinos, accepisse a Deo
dicti signi revelationem. De Timotheo au-
tem duobus modis responderi potest; vel
per superstitionem cum sibi suisque tale si-
gnum proposuisse, quod esset homo divi-
nationi deditus, & quod talibus hominibus
sæpe Deus huiusmodi evenire permittat,
ut docet August. in enchiridio; vel signum
illud ex parte fuisse naturale, & morta-
le. Transitus enim fluvii in fines hostiles,
audaciz & confidentiz magnæ signum e-
rat. Itaque ex transitu hostium merito
prælagiebat & illorum victoriam, & suo-
rum cladem.

V. 60. ET FUGATI SUNT IOSEPHUS ET
AZARIAS USQUE IN FINES IUDÆÆ, ET
CECIDERUNT ILLO DIE DE POPULO IS-
RAEL AD DUO MILLIA VIRI. Causam in-
felicis pugne non tacuit Scriptura, immo
tres causas adfert. Primam, cum ait:
Quia non audierunt Iudam fratres eius. En
prima causa. Iudas enim diserte præcepe-
rat iis, ne bellum cum gentibus commit-
terent, donec ipse reverteretur. Quod er-
go ab iis contra ducis iussionem tentatum
est, merito cessit infelicit. Secunda cau-
sa indicator, cum ait: *Exissimantes forti-
ter se facturos,* id est gloriam fortitudinis
aucupantes. Dixerant enim: *Faciamus Op-*
ipsi nobis nomen; ac si dicant: *Faciamus*
aliquid æterna memoria dignum, & no-
men nostrum posteritati consecremus. Hinc
quoque discimus minus succedere eas ex-
peditiones bellicas, quæ non pure ad hono-
rem Dei, & ecclesiæ, sed ad inanem glo-
riam, & nominis celebritatem, consequen-
dam (ut sæpe fit) suscipiuntur. Tertia
causa est, cum dicitur, *Ipsi autem non e-*

rant de semine victorum illorum, per quos
salus facta est in Israel, quorum verbo-
rum sensus est; quod Deus multis iudiciis
iam satis declaraverat se ad bellum illud
gerendum pro populo Dei contra gentes
peculiariter delegisse, immo fuscitasse Du-
ces Mathathiam, & filios eius. Quoniam
ergo Iosephus & Azarias non erant de se-
mine illorum, & temere auctoritatem pu-
gnandi sibi sumperant, hinc merito suæ
temeritatis dederunt poenas.

MARIANÆ.

Vers. 1. **E**T FACTUM EST. Hoc capite
multa bella a Machabæis pro-
spere contra finitimas Gentes gesta conti-
nentur, contra Idumæos, filios Bean, &
alios.

V. 3. QUI ERANT IN ACRABATHANÆ
debellavit Iudas. Græce *Acrabathina*. Sic
in Iosepho Lib. III. de bello, cap. ttt. &
Plinio Lib. V. cap. xiv. Plerique *Araba-*
thane scribunt. Idumææ civitas fuisse vi-
detur. Plinius in Iudæa ponit. QUIA CIR-
CUMSEDEBANT ISRAELITAS. Obsidebant
aliquod Iudæorum oppidum. Recordatur
est Iudas.

V. 4. FILIORUM BEAN. Hanc volunt
esse urbem Amorrhæorum ultra Iordanem,
quæ *Bean* vocatur Num. xxxi. 3. Ergo
Iudas recordatus est militia filiorum *Bean*,
id est civium. INSIDIANTES EI IN VIA.
Latrones ex ea urbe obsidebant itinera.

V. 5. ANATEMATIZAVIT EOS, id est
decrevit eos penitus delere. Quid sit *ana-*
thema, dictum est Iosue vi. 7.

V. 7. CONTRITI SUNT IN CONSPECTU
EORUM AMMONITE. Græce, *in conspectu*
eius, id est ab eo, scilicet Iuda, de quo
mox sequitur: ET PERCUSSIT EOS.

V. 8. CEPIT GAZER. Urbs Ammoni-
tarum. Alia *Gazer* in Iudæa & prope Ie-
rusalem, de qua Iosue x. 33. quam I. Par.
xiv. 16. *Gazaram* vocat. Iosephus Lib. V.
Antiq. cap. 1. *Gadaram*. ET FILIAS E-
IUS. Vicos, qui in agro eius urbis erant,
cepit.

V. 9. CONGRÆGATÆ SUNT GENTES
QUÆ SUNT IN GALAAD. Hæc regio est
ultra Iordanem, ubi dimidia tribus Ma-
nassis: Gen. xxxi. 21. Porro *Datheman*
& *Tubin* arces aut oppida iis in locis e-
rant.

V. 15. ET REPLETA EST OMNIS GALILAEA ALIENIGENIS. Græce, *Et omnem Galilaam alienigenarum*, scilicet nuntiaverunt convenisse copias. Goth. *a Ptolemaide, & Tyro, & Sidone, & omni Galilea convenisse*, scilicet nuntiaverunt. ALIENIGENIS: *allophylis*, id est Philisthis. Ergo ex omni Galilea conveniunt Philisthi. Duplex Galilea erat, inferior & superior, quæ & Galilea Gentium dicebatur, Tyro & Sidoni finitima. De ea agi videtur.

V. 17. IBIMUS IN GALAADITIM ego & Ionathas, id est in Galaad.

V. 20. ET PARTITI SUNT SIMONI: *iuxta ad nos* Græce, id est *distributa sunt*. Regia, *Et data sunt Simoni virorum tria milia*. Goth. *dati sunt Simoni viri tria milia*.

V. 21. CONTRITAE SUNT GENTES A FACIE EIUS, id est ab eo, a Simone.

V. 23. ASSUMPSIT EOS: quos? Israelitas, quos Gentes opprimere voluerant. Deduxit illos in Iudæam, ut tui essent ab iniuria.

V. 26. MULTI EX EIS, (scilicet Israelitis) COMPREHENSUM SUNT, id est obsecrati intra civitates illas quæ nominat.

V. 28. IN DESERTO BOSOR. Civitas Moabiturum trans Iordanem in tribu Ruben, sed Levitis data: Ios. xx. 8.

V. 33. CLAMAVERUNT IN ORATIONE, id est orabant voce magna, & clamantes.

V. 35. DIVERTIT IUDAS IN MASPHA. Erat Maspha in tribu Iuda, de qua cap. ult. 46. Erat altera in terra Galaad: I. Reg. xxii. 3. & de illa hic est sermo.

V. 37. CASTRA POSUIT CONTRA RAPHON Timotheus, id est e regione Raphon. Videtur esse urbis nomen. TRANS TORRENTEM: non debiguit nomen eius torrentis, nec nos divinamus. Sed is torrentis, *fluvijs* vocatur vers. 41. neque insolens, ut *fluvijs*, torrentes vocentur. Lucanus Lib. IX. Nilum *torrentem* vocat. Ita puto eum torrentem fuisse fluvium, quo Raphon alluebatur.

V. 39. ARABAS CONDUXERUNT. Goth. *conduxit*, scilicet Timotheus. Sic etiam Græce.

V. 41. POSUERIT CASTRA EXTRA FLUMEN: *πίπας πῦρ παραῖον, trans flumen*, scilicet medio inter utroque fluvio. Iudas

V. 2. STATUIT SCRIBAS, id est præfectos, duces, centuriones.

V. 46. VENERUNT USQUE EPHRON. Videtur fuisse in aditu Galaad & ultra Iordanem urbs munita, ut dicitur II. Mach. xii. 27. distincta ab Ephrem de qua Ioan. xi. 54. Hæc enim erat prope Iordanem. Nec hæc duæ urbes Hebraice scribuntur eodem modo, sed multo aliter; quod ad eum Ioannis locum non advertimus. NON ERAT DECLINARE AB EA DEXTERA VEE SINISTRA; pro *ad dexteram vel sinistram*, ut est Græce.

V. 52. IN CAMPO MAGNO; pro, in campum magnum. Vocatur *Aulon*, & *Vallis Silvestris*, Gen. xiv. 3. Maiori ex parte eam cooperuit Mare mortuum post Sodomæ incendium. CONTRA FACIEM BETHSAN, id est e regione eius. Goth. *contra Bethsan* sententia eadem. Vox *facies* sæpe redundat.

V. 53. ERAT IUDAS CONGREGANS EXTREMOS: novissimum agmen curabat, scilicet ne aliquis dilaberetur, aut lassus fuisset.

V. 56. AZARIAS PRINCEPS VIRTUTIS: *δυναμικος, exercitus*, militibus præfectus.

V. 60. ET FACTA EST PUGA: *πόνη*. Sic etiam Gothi non *plaga*, ut quidam codices; quasi dicat, Piger occisos alii fugerunt.

V. 62. NON ERANT DE SEMINE, id est non erant ad id opus a Deo destinati. Sine divina vocatione vix quidquam bene succedit.

V. 66. IN TERRAM ALIENIGENARUM. *Ἀλλοφύλων*, Philisthinorum.

V. 67. CECIDERUNT SACERDOTES IN BELLO. Græce, *sacerdotes urbium*. Reveritur ad superiora, & ad expeditionem Azariz, DUM VOLUNT, &c. Goth. *dum vult fortiter agere, & sine consilio exit*, scilicet Azarias. Græca etiam sunt in singulari: *Volente eo fortiter agere, & exire sine consilio*. Multi etiam codices Latini hæc verba in singulari ponunt.

M E N O C H I I.

Vers. 1. ERANT, id est habitabant.

Vers. 2. IN ACRA BATHANE. Acrabata (inquit Adrichomius in descriptione dimidiæ tribus Manassis iuxta Iordanem num. 4.) urbs una ex undecim Iudææ ruparchijs, forte tertia, a qua Acrabathena, seu Acrabithena toparchia, & regum

nomen habet: terminus est Samariz, quemadmodum & Hieron. in locis Heb. confinium Amorrhæorum Acrabatane vocari docet.

V. 4. FILIORUM BEAN: qui sint filii Bean obscurum est, cum hoc tantum loco eorum mentio fiat in sacris literis. Iosephus significat fuisse Idumæos. IN LAQUEUM, &c. Quomodo essent Iudæis in laqueum, & scandalum, statim explicatur cum dicitur, INSIDIANTES EI IN VIA.

V. 5. ANATHEMATIZAVIT: penitus destruxit, ut destructa est Iericho a Iosue, qui sic de illa militibus suis præcepit: *sic civitas hæc anathema, & omnia quæ in ea sunt Domino*: Iosue vi. 17. Hebræi anathema חרם *Chrem* vocant, id est occisionem, perditionem, excisionem, devotionem, &c. a radice חרם *Charam*, quæ occidere significat.

V. 8. GAZER. In textu Græco est Γαζερ, de qua Iosue xiii. enim 24. & videtur distincta a Gazer, quæ est cis Iordanem in tribu Ephraim, cum Iazer sit in tribu Gad. FILIAS EIUS, id est vicos, sive oppida Iazer subiecta.

V. 9. DATHEMAN: erat in monte Galaad, inter Bosor, & Maspha.

V. 12. CECIDIT MULTITUDO DE NOBIS: multi e nostris ab hostibus cæli sunt.

V. 13. IN LOCIS TUBIN. In Græco est *in τοῖς τοῖς τοῖς*, in locis Tobia: vide dicta infra num. 25. SPOLIA. ἀποσκευῆ, *supellectilem*.

V. 14. SECUNDUM VERBA HÆC, id est similia. Vel potius dicentes, & nuntiantes, quæ sequuntur.

V. 16. ECCLESIA, id est concio, sive conventus populi. COGITARE, id est consultare. EXPUGNABANTUR, id est oppugnabantur; nam in Græco est *ἐπιπορεύοντες*.

V. 20. PARTITI SUNT: passively sumitur, in Græco enim est, *ἐπιπορεύοντες*.

V. 23. ASSUMPSIT EOS QUI ERANT IN GALILAEA, &c. eos inde abducunt ut remotiores sint, & a periculo tutiores. ET IN ARBATUS. Quæ sint Arbata non satis constat: apparet tamen esse oppidum, aut regiunculam Galilææ. Inde fortasse oriundus fuit Abialbon Arbathites, unus de fortibus David, II. Reg. xxxiii. 31.

V. 24. PER DESERTUM: quod appellatur desertum, sive solitudo Bosor ab hac

civitate, quæ illic sita est: Iosue xx. 8. & xxi. 36.

V. 25. NABUTHÆI: populi Arabiz, qui etiam dicuntur Nabatheni, & Nabathæi, & Tubianæi. Vide Adrichomium in descriptione dimidiæ partis Manasse ultra Iordanem num. 12.

V. 26. COMPREHENSIT, id est capti, vel conclusi scilicet ne possint exire.

V. 27. CONSTITUERUNT AD MOVERE EXERCITUM: nimirum hostes Iudæorum.

V. 28. OCCUPAVIT CIVITATEM, scilicet Bosor.

V. 29. MUNITIONEM, scilicet in qua Iudæi erant conclusi Datheman.

V. 30. EPS; qui scilicet intus erant.

V. 31. CLAMOR BELLI ASCENDIT AD CÆLUM SICUT TUBA. In Græco est, *ἡ ἡ ἀναστὰς τῆς πόλεως ἀνέβη τὸν ἐπὶ τὸν οὐρανόν, ἡ φωνὴ μεγάλη*; id est, *& clamor civitatis ascendit in cælum, tubis & voce magna*. Itaque significatur eos qui intra munitionem conclusi erant clamorem ad cælum extulisse, & tubis insonuisse, ad implorandum divinum auxilium, & accendendos animos in prælium.

V. 33. ORDINIBUS, scilicet militum dispositis per diversa loca.

V. 34. POST EOS; scilicet, hostes Iudæorum. CLAMAVÉRUNT IN ORATIONE, scilicet orantes Deum, & ad illum clamantes, ut propitiis adesset, & Dei nomen Adonai ingeminantes, vel sabaoth, vel quid simile.

V. 37. TRANS TORRENTIEM: cum Adrichomius in tribu Gad num. 23. putat esse Iaboc, vel Ieboc, quo dividebatur tribus Gad a tribu Manasse trans Iordanem, Iosue xii. 2. Deur. iii. 16. sed Raphon prætermisit, quam urbem fuisse Iosephus affirmat Lib. XII. cap. xii.

V. 40. SI TRANSIERIT AD NOS PRIOR: simile omen captivitatis Ionathas I. Reg. xiv. 9. vide tibi notata. POTENS POTERIT, id est prævalebit.

V. 42. SCRIBAS POPULI: qui scilicet descriptos habebant milites, & tribuni militum erant, vel centuriones.

V. 43. TRANSFRETAVIT: torrentem transmisit.

V. 45. CONGREGAVIT: sive ut ruitores essent ab hostibus; sive ut a periculo amittendæ religionis removerentur; sive ut

ut terram Iuda cladibus desolatam frequenter redderet.

V. 46. USQUE EPHRON. Et Ephron trans Iordanem civitas munita, cuius mentio habetur infra Lib. II. cap. XII. 27. & II. Par. XIII. 19. Neque est eadem cum Ephrem: de qua Io. XI. 54. & hoc Lib. cap. XI. 34. Nam ut ait Toletus loco cit. S. Ioan. annot. XIX. differunt & situ, & scriptio, cum unius principium sit *ἡ βαιν*, alterius *ἡ Αλεφ*. IN INGRESSU: in transitu. ITER ERAT: necessario faciendum.

V. 48. PEDIRUS: quasi dicat, Recta iter facientes, nec in aliud intenti.

V. 49. PRAEDICARE: edici per praecomen. APPLICARE: Invaderet. VIRI VIRUTIS. Viri exercitus. Vel *ἄνδρες θειοτάτοι* idem est, ac viri fortes. Italice dicimus, *nomini di valore*.

V. 51. ERADICAVIT EAM: omnibus masculis qui stirpem renovarent ferro sublati.

V. 52. CONTRA FACIEM, id est e regione, seu in conspectu, vel prope. BETHSAN. Eam urbem locat Adrichomius in tribu Issacher, Scythopolim dictam a Graecis ait Iosephus. CONGREGANS EXTREMOS: eos qui cunctabantur, vel praeter ignavia, vel praeter infirmitate, nimisque desatigatione in postremis haerebant, urgebat, & colligebat, ne quid mali illis accideret. Hoc est quod in Graeco significanter dicitur, *ἐπιπαινῶν τοὺς ὑσυχισμένους*.

V. 56. IOSEPHUS ZACHARIAE FILIUS, &c. de quibus supra hoc eodem cap. 18.

V. 57. FACIAMUS NOBIS NOMEN: pareremus nobis famam: nomen nostrum inclytum faciamus.

V. 58. ABIERUNT IAMNIAM: civitas est maritima in tribu Dan, quam Adrichomius prope Ioppen collocat. Hanc urbem tenebat Gorgias, quem Scriptura Lib. II. cap. VIII. 9. belli scientissimum appellat.

V. 62. NON ERANT DE SEMINE VIRO-
RUM ILLORUM: non erant ex Machabeorum familia, quam Dominus elegerat, ut per illam salus fideli populo contingeret. FACTA EST: faciendae erat.

V. 63. VIRI IUDA. In Graeco est, *ἄνδρες Ἰουδαί, ἢ οἱ ἀδελφοὶ αὐτῶν*, id est Viri Iudas & fratres eius.

V. 65. CHEBRON: urbs in montanis Iudaeae, quam hoc tempore tenebant Idumaei.

V. 66. ALIENIGENARUM: Philisthaeorum.

V. 67. SACERDOTES: scilicet, Iosephus, & Azarias, de quibus num. 56.

V. 68. IN AZOTUM: quae erat una ex quinque satrapis Philisthaeorum.

T I R I N I.

Vers. 3. **A** Crabathantos, ex Idumaeorum numero, obfidentes oppidum aliquod Israelitarum percutit Iudas. Dein

V. 4. **Beonitas**, forsitan ab urbe *Beon* Amorrhoeorum, Num. XXXII. 3. sic nominatos *anathematizat a*, id est funditus delet, eo quod essent Iudaeis IN LAQUEUM ET IN SCANDALUM: instat latronum ex insidiis erumpentes in inermes & incautos viatores.

V. 8. CEPIT GAZER Ammonitarum urbem, de qua Iosue XIII. 25. Neque enim hic agitur de *Gazara* Iudaeae, I. Paralip. XIV. 16. & Iosue X. 33. Exin divisit copias Iudas in *Galaaditidem* concessit, Simon in *Galileam*: e qua

V. 23. ASSUMPSIT Iudaeos, seu Israelitas, incolas eius regionis, sed ob Philisthaeorum aliorumque Gentilium viciniam minus tutos, *translulit* IN IUDAEAM. Neque enim poterant Iudaei tam vastae regioni, & a Iudaea remotae praesidio nunc esse, cum numero essent admodum exigui, & urbes Galilaeae simul & vici recenterentur 204. teste Iosepho *b*, quorum minus contineret incolas *plusquam quindecim milia*. Quid pauculi Israelitae facerent inter & contra tot hostes? Iudas interim transito Iordane in *Galaaditide* succurrit aliis Israelitis, quorum multi

V. 26. COMPREHENS, id est obfessi, cincti & quasi capti, tenebantur ab hoste IN BARASA. Graece, in *Bosra* (& sic vocatur Ierem. XLVI. 24.) & in aliis variis urbibus, ne exire possent Iudaei vel fugere.

V. 28. BOSOR civitas erat Moabitaram trans Iordanem in tribu Ruben, sed Levitis donata Iosue XX. 8. Hac urbe capta & successa,

V. 29. Succurrit periclitantibus Israelitis

tis in *munitione*, id est in munita arce vel oppido ei loco vicino.

V. 33. ET CLAMAVÉRUNT non solistutis, sed & ORATIONE, alta voce implorantes opem divinam. Ita hostes in fugam acti, & turpiter exsi, inde

V. 35. EXPUGNAT MASPHA in terra Moab, in tribu Ruben, I. Reg. xxii. 3. ut dixi I. Mach. iii. 46. Et cepit *Carbon* vers. 3. 6. Græce, *Casphor*, ut vers. 26. dixerat. Interim

V. 37. TIMOTHEUS Ammonitarum dux instaurato rursus exercitu, CASTRA *pontis* CONTRA, id est e regione urbis RAPHON TRANS TORRENTEM, qui urbem alloit, & vers. 41. *flumen* vocatur. Sic Lucianus e fluvium Nilum subinde torrentem vocat & infra cap. xvi. vers. 5. pro Græco *χέρας* &c id est *torrens*, Latinus vertit, *fluvium torrentis*. Porro ex traiectu torrentis omen capiat Timotheus,

V. 40. SI IUDAS TRANSIERIT TORRENTEM PRIOR, & AD NOS IMPUGNANDOS ULTRO ADCURRERIT, signum erit quod nos non timeat, quasi fortior nobis: ac proinde POTENS POTERIT ADVERSUM NOS, id est prævalebit nobis utpote infirmioribus. Iudas ergo torrentem

V. 42. & 43. Constitutis *scribis*, id est præfectis militaribus qui descriptos habebant singuli suos milites, cum mandato, ne quis militem relinqueretur, supple, in castris, & abesset a pugna iamiam instant; TRANSFRETAVIT PRIOR AD HOSTES, eosdemque ececidit, contrivit, reliquos in fugam egit. Mox

V. 45. ISRAELITAS UNIVERSOS QUI incoluerant *Galaaditidem*, inde in Iudæam transtulit, ob causam supra vers. 23. alalaram.

V. 46. Urbem EPHRON trans Iordanem Iudas expugnat, postquam in INGRESSU, seu aditu Galaaditidis, cuius etiam alibi a fit mentio in Scripturis; sed longe alia est ab Ephron urbe ad Iordanem sita, cuius infra meminisse cap. xi. 34. & Ioan. xi. 54. Nam ut ibi notat Toletus, non situ tantum, sed & descriptione differunt hæ urbes, cum una inchoetur ab *ain*, altera ab *aleph*.

V. 52. *Campus magnus* hic est eis Iordanem respectu Iudæ, & a S. Hieron e. vocatur Hebraice, *Aulon*, alias *valis Silvestris* Genes. xiv. 3. quam post Sodomæ

incendium maiori ex parte cooperuit mare Mortuum.

V. 53. ERAT IUDAS, ut providum ducebat, CONGREGANS EXTREMOS agminis, ne qui forte præ ignavia, fagitatione, vel infirmitate, in tanta multitudine, etiam seminarum & puerorum, deviares a reliquo agmine, & sic hostibus præda fieret. Rursus instat pii parentis, opportunis *exhortationibus* animos addebat populo, ut alacriter procederet. Duo interea magnæ dignitatis sacerdotes,

V. 56. IOSEPHUS ET AZARIAS PRINCIPES VIRTUTIS, seu exercitus in Iudæa relictæ, Machabæorum gloriæ, quæ omnium linguis longe lateque celebrabatur, æmuli ducunt copias in hostem, sed funestissimo successu: nam fugati ipsi, & e populo cæsi ad duo milia viri. Et quæ causa tam funestæ cladis?

V. 61. QUIA NON AUDIERUNT IUDAM, supra vers. 19. diserte præcipientem, ne bellum ulro moverent. Item quia

V. 62. IPSI NON ERANT DE SEMINE ILLORUM, PER QUOS SALUS EST IN ISRAEL; id est, non erant ad id munus a Deo destinati vel vocati: non erant ex familia illorum, quorum opera Deus uti voluit in liberando populo suo. Simile factum lege in Onia, apud Iosephum f. Quam multi sese ingerunt hodie in quævis officia, ad quodlibet in quolibet vitæ statu per fas nefasque audiendum! & miramur tam infausos subinde successus? Utinam divinæ vocationi tam obsequentes sint omnes, quam impollui propriæ laudis, gloriæ, honoris, vel utilitatis? Porro accepta damna brevi refarciuit Iudas,

V. 65. EXPUGNANS FILIOS ESAU, reliquias Idumæorum; *alienigenis* quoque, id est Philisthæos, & Samaritanos, aliquosque Israhelitarum hostes; reipâ complens quæ tot ante annis de illorum per Iudæos excidio præduxerant Abdias, Sophonias g & alii Prophetæ.

V. 67. IN DIE ILLA, & in expeditione illa adversus Samaritanos, rursus CECIDERUNT aliquot SACERDOTES focii & æmuli Iudæ, DUM SINE CONSILIO, forsân & sine consensu ducis sui EKEUNT IN PRÆLIUM. Plerumque enim temeritas & stultitiam virum præfidentia, infelix esse solet: inobedientia vero infelicissima. Mariana &

Sa

Sa putant hos sacerdotes esse *Iosephum & Azariam*, de quibus supra vers. 56. Sed historica hæc narratio diversos esse probat, ni fallor.

- (a) *Isaia vi. vers. 17.*
 (b) *Ioseph. in Vita sua & Lib. III. Cap. iv.*
 (c) *Lucian. Lib. IX.*
 (d) *Lib. II. Mach. cap. xxi. 27, & II. Par. xxi.*
 (e) *Hieron. in locis Hebr.*
 (f) *Ioseph. Lib. XIII. Antiq. cap. vi.*
 (g) *Abdæ 1. Sophoniae xi.*

GORDONI.

Vers. 3. **A**CRABATHANE. *Plin. Lib. V. cap. xiv.* vult esse urbem Iudææ; sed textus hic subindicat esse in Idumæa. Hieronymus in locis Hebraicis dat confinium Amorrhæorum.

V. 4. FILIORUM BEAN. *Iosephus* indicat Idumæos esse: hic tantum fit horum mentio.

V. 5. ANATHEMATIZAVIT. Dedit in destructionem. *Hebr. Cherem*: vide *Iosue vi. 17.*

V. 8. GAZOR. Alia est cis Iordanem in Tribu Ephraim. FILIAS EIUS, vicus, oppida.

V. 9. DATHEMAN: erat in monte Galaad.

V. 13. LOCIS TUBIN: in Arabia, sunt Tubianzi.

V. 14. SECUNDUM VERBA HÆC: similia.

V. 23. IN ARBATIS: pars aliqua Galilææ.

V. 25. NABUTHÆI. An Tubianzi, populus est in Arabia, dicti Nabathæi.

V. 28. CIVITATEM, scilicet Bosor.

V. 35. MASPHA: in Iuda.

V. 42. SCRIBAS POPULI: qui milites habebant descriptos; aut Centuriones.

V. 46. EPHRON: civitas munita trans Iordanem, de qua II. Par. XIII. 19.

V. 51. ERADICAVIT: extinxit masculos qui possent stirpem renovare.

V. 52. & 53. IN CAMPO MAGNO: iuxta mare mortuum est vallis silvestris.

Gen. XIV. 3. CONGREGANS EXTREMOS, cunctantes, infirmiores.

V. 58. IAMNIAM. In Tribu Dan, civitas maritima: hanc tenebat Gorgias.

V. 62. FACTA: facienda.

V. 63. VIRI IUDA: in Græco *vir Iudas & fratres eius*.

V. 67. SACERDOTES: recensiti, vers. 56.

V. 68. ALIENIGENARUM: Philisthinorum, ἀλλογενῶν.

CAPUT VI.

Antiochus repulsus ab opulenta civitate Elymaide venit in Babylonem; ubi auditis infortuniis quæ sui in Iudæa passi erant, incidit præ tristitia in mortis languorem, confitens hoc sibi contigisse ob impietatem quam in Iudæos exercuerat: quo ibi mortuo, & Iudæa arcem Ierusalem obsidente, successor eius filius Antiochus dictus Eupator, congregato adversus Iudam potentissimo exercitu non potuit eum vincere; & Eleazar, occiso ingenti elephante, ab eo oppressus, interit: Rex autem oppugnans Ierusalem revocatur a Lyfia; sed post iurata pacem non servat iusturandum.

I.



T rex Antiochus perambulabat superiores regiones, & audivit esse civitatem Elymaidem in Perside nobilissimam, & copiosam in argento & auro, 2. templumque in ea locuples valde: & illic velamina aurea, & lorice, & scuta, quæ reliquit Alexander Philippi rex Macedo, qui regnavit primus in Græcia. 3. Et venit, & quærebat capere civitatem, & deprædari eam: & non potuit, quoniam innotuit sermo his qui erant in civitate: 4. & in fugerunt in prælium, & fugit inde, & abiit cum tristitia magna, & reversus est in Babyloniam. 5. Et venit qui nuntiaret ei in Perside, quia fugata sunt castra, quæ erant in terra Iudæa: 6. & quia abiit Lyfias cum virtute forti in primis, & fugatus est a facie Iudæorum, & invaluerunt armis, & viribus, & spoliis multis, quæ ceperunt de castris, quæ exciderunt: 7. & quia diruerunt abominationem, * quam ædificaverat super altare, quod erat in Ierusalem, & sanctificationem, sicut prius, circumdederunt muris excelsis, sed & Bethsuram civitatem suam. 8. Et factum est ut audivit rex sermones istos, expavit, & commotus est valde: & decidit in lectum, & incidit in languorem per tristitia, quia non factum est ei sicut cogitabat. 9. Et erat illic per dies multos: quia renovata est in eo tristitia magna, & arbitratus est se mori. 10. Et vocavit omnes amicos suos, & dixit illis: Recessit somnus ab oculis meis, & concidi, & corui corde præ sollicitudine: 11. & dixi in corde meo: In quantam tribulationem deveni, & in quos fluctus tristitiæ, in qua nunc sum; qui iucundus eram, & dilectus in potestate mea! 12. Nunc vero reminiscor malorum, quæ feci in Ierusalem, unde & abstuli omnia spolia aurea & argentea, quæ erant in ea, & misi auferre habitantes Iudæam sine causa. 13. Cognovi ergo quia propterea invenerunt me mala ista: & ecce pereō tristitia magna in terra aliena. 14. Et vocavit Philippum, unum de amicis suis, & præposuit eum super universum regnum suum: 15. & dedit ei diadema, & stolam suam, & anulum, ut adduceret Antiochum filium suum, & nutrirēt eum, & regnaret. 16. Et mortuus est illic Antiochus rex, anno centesimo quadragésimo nono. 17. Et cognovit Lyfias, quo-

Bib. Sac. Tom. XXII.

Bbb

niam

niam mortuus est rex, & constituit regnare Antiochum filium eius, quem nutritivit adolescentem: * & vocavit nomen eius Eupator. 18. Et hi qui erant in arce, concluserant Israel in circuitu sanctorum: & querebant eis mala semper, & firmamentum Gentium. 19. Et cogitavit Iudas disperdere eos: & convocavit universum populum, ut obsiderent eos. 20. Et convenerunt simul, & obsederunt eos, anno centesimo quinquagesimo, & fecerunt balistas & machinas. 21. Et exierunt quidam ex eis qui obsidebantur, & adiunxerunt se illis aliqui impii ex Israel, 22. & abierunt ad regem, & dixerunt: Quousque non facis iudicium, & vindicas fratres nostros? 23. Nos decrevimus servire patri tuo, & ambulare in praeceptis eius, & obsequi edictis eius: 24. & filii populi nostri propter hoc alienabant se a nobis, & quicumque inveniebantur ex nobis, interficiebantur, & hereditates nostrae diripiebantur. 25. Et non ad nos tantum extenderunt manum, sed & in omnes fines nostros: 26. & ecce applicuerunt hodie * ad arcem Ierusalem occupare eam, & munitionem Bethluram munierunt: 27. & nisi praevenieris eos velocius, maiora quam haec facient, & non poteris obtinere eos. 28. Et iratus est rex, ut haec audivit: & convocavit omnes amicos suos, & principes exercitus sui, & eos qui super equites erant: 29. sed & de regnis aliis, & de insulis maritimis, venerunt ad eum exercitus conductitii. 30. Et erat numerus exercitus eius, centum millia pedum, & viginti millia equitum, & elephanti trigintado, docti ad praelium. 31. Et venerunt per Idumaeam, & applicuerunt ad Bethsuram, & pugnaverunt dies multos, & fecerunt machinas: & exierunt, & succenderunt eas igni, & pugnaverunt viriliter. 32. Et recessit Iudas ab arce, & movit castra ad Bethzacharam contra castra regis. 33. Et surrexit rex ante lucem, & concitavit exercitus in impetum contra viam Bethzacharam: & comparaverunt se exercitus in praelium, & tubis cecinerunt: 34. & elephantis ostenderunt sanguinem urae & mori, ad acuendos eos in praelium: 35. & diviserunt bestias per legiones: & astiterunt singulis elephantis mille viri in loriceis concatenatis, & galeae aereae in capitibus eorum: & quingenti equites ordinati unicuique bestiae electi erant. 36. Hi ante tempus ubicumque erat bestia, ibi erant: & quocumque ibat, ibant, & non discedebant ab ea. 37. Sed & turres lignae super eos firmae protegentes super singulas bestias: & super eas machinae: & super singulas viri virtutis triginta duo, qui pugnabant desuper, * & Indus magister bestiae. 38. Et residuum equitatum hinc & inde statuit in duas partes, tubis exercitum commovere, & perurgere constipatos in legionibus eius. 39. Et ut refussit sol in clypeos aureos, & aereos, resplenderunt montes ab eis, & resplenderunt sicut lampades ignis. 40. Et distincta est pars exercitus regis per montes excelsos, & alia per loca humilia: & ibant caute & ordinate. 41. Et commovebantur omnes inhabitantes terram a voce multitudinis, & incessu turbae, & collisione armorum: erat enim exercitus magnus valde, & fortis. 42. Et appropriavit Iudas, & exercitus eius in praelium: & ceciderunt de exercitu regis sexcenti viri. 43. Et vidit Eleazar filius Saura unam de bestiis loriceatam loriceis regis: & erat eminens super ceteras bestias, & visum est ei quod in ea esset rex: 44. & dedit se ut liberaret popu-

populum suum, & acquireret sibi nomen æternum. 45. Et cœcurrit ad eam audacter in medio legionis, interficiens a dextris & a sinistris, & cadebant ab eo huc atque illuc. 46. Et ivit sub pedes elephantis, & supposuit se ei, & occidit eum: & cecidit in terram super ipsum, & mortuus est illic. 47. Et videntes virtutem regis, & impetum exercitus eius, divertērunt se ab eis. 48. Castra autem regis ascenderunt contra eos in Ierusalem, & applicuerunt castra regis ad Iudæam & montem Sion. 49. Et fecit pacem cum his qui erant in Bethsura: & exierunt de civitate, quia non erant eis ibi alimenta conclusis, quia sabbata erant terræ. 50. Et comprehendit rex Bethsuram: & constituit illic custodiam servare eam. 51. Et convertit castra ad locum sanctificationis dies multos: & statuit illic balistas, & machinas, & ignis iacula, & tormenta ad lapides iactandos, & spicula, & scorpiones ad mittendas sagittas, & fundibula. 52. Fecerunt autem & ipsi machinas adversus machinas eorum, & pugnauerunt dies multos. 53. Escæ autem non erant in civitate, eo quod septimus annus esset: & qui remanserant in Iudæa de Gentibus, consumpserant reliquias eorum, quæ repositæ fuerant. 54. Et remanserunt in sanctis viri pauci, quoniam obtinuerat eos fames; & dispersi sunt unusquisque in locum suum. 55. Et audiuit Lysias quod Philippus, quem constituerat rex Antiochus, cum adhuc viveret, ut nutrirer Antiochum filium suum, & regnaret, 56. reversus esset a Perside, & Media, & exercitus qui abierat cum ipso, & quia quærebat suscipere regni negotia: 57. * festinavit ire, & dicere ad regem, & duces exercitus: Deficimus quotidie, & escæ nobis modica est, & locus, quem obsidemus, est munitus, & incumbit nobis ordinare de regno. 58. Nunc itaque demus dexteras hominibus istis, & faciamus cum illis pacem, & cum omni gente eorum: 59. & constituamus illis ut ambulent in legitimis suis sicut prius: propter legitima enim ipsorum, quæ despeximus, irati sunt, & fecerunt omnia hæc. 60. Et placuit sermo in conspectu regis & principum: & misit ad eos pacem facere, & receperunt illam. 61. Et iuravit illis rex, & principes: & exierunt de munitione. 62. Et intravit rex montem Sion, & vidit munitionem loci: & rupit citius iuramentum, quod iuravit: & mandavit destruere murum in gyro. 63. Et discessit festinanter, & reversus est ad Antiochiam, & invenit Philippum dominantem civitati: & pugnavit adversus eum, & occupavit civitatem.

B R U G E N S I S

ROMANÆ CORRECTIONES.

Verf. 7. Quam edificaverat super altare.

Retinendum est singulare *edificaverat*, non mutandum in plurale *edificaverant*.

V. 17. Et vocavit nomen eius Eupator. Alii, pro nominativo scribunt accusativum *Eupatorem*.

Verf. 26. Ad arcem Ierusalem. Non intericiat præpositionem *in* ante *Ierusalem*.

Ibidem. Et munitionem Bethsuram munierunt. Neque hic ante *Bethsuram*.

Verf. 37. Et Indus magister bestiarum. Insignis correctio qua nomen *indus* repositum est pro eo quod vulgo scribitur adverbio *in*us. Significatur super singulos elephantes, præter viros bellatores, fuisse Indum Magistrum Elephantis.

Verf. 57. Festinavit ire. Alii præponunt conjunctionem *et*.

COMMENTARIA

S A.

Verf. 2. **V**ELAMINA, id est tegumenta militum. SCUTA. Græc. *armis*. GRAECIA, scilicet tota.

V. 3. SERMO, id est res.

V. 5. IN PERSIDE, scilicet adhuc agent: vel *Persis* posita pro Babylonia, ut Lib. II. cap. 1.

V. 6. VIRTUTE, id est exercitu. INVALUERUNT, scilicet Iudæi.

V. 7. ABOMINATIONEM, id est idolum.

V. 8. COMMOTUS id est turbatus.

V. 11. IUCUNDUS, id est lætus. Græc. *χρησός*, id est *benignus*, seu *bonus*, scilicet felix, seu lætus phrasi Hebr. POTESTATE, id est dominio.

V. 12. AUFERRE, id est delere. Græc. *ἵκαναι*, id est *tolle*.

V. 15. STOLAM, id est vestem. ADDUCERET, scilicet in regnum.

V. 18. SANCTORUM, id est templi.

V. 22. VINDICAS PRÆTRES NOSTROS, id est ulcisceris Iudæos.

V. 24. FILII POPULI NOSTRI, id est populi nostri.

V. 31. EXIERUNT, scilicet qui erant intra Bethsuram.

V. 33. COMPARAVERUNT, id est paraverunt, seu expelierunt.

V. 35. CONCATENATIS, id est hamatis, scilicet factis ex hamis inter se more catenarum iunctis, ut etiam nunc sunt. ORDINATI, id est destinati, seu attributi, scilicet ad defensionem.

V. 36. ANTE TEMPUS, id est opportunè, seu citissime. ERANT; pro, aderant.

V. 37. VIRTUTIS, id est fortis.

V. 38. PERURGERE, scilicet ad prælium. CONSTITUTOS, id est immixtos; quasi dicat, Huc illuc discurrentes & sollicitantes milites.

V. 40. DISTINCTA, id est divisa, seu disposita.

41. COMMOTEBANTUR, scilicet admiratione, vel timore.

V. 43. FILIUS SAURA. Græc. *Sauran*, quasi id cognomen fuerit.

V. 46. PEDES ELEPHANTIS. Græc. *elephantem*.

V. 49. CIVITATE, scilicet Bethsura. SABBATA, id est *vacationes*, seu *cessationes*, scilicet non colebantur ob bella, seu potius quia septimus annus erat, ut dicitur infr. Vide Lev. xxv.

V. 51. SANCTIFICATIONIS, id est sanctuarii, seu templi. FUNDIBULA, id est fundas.

V. 54. SANCTIS, id est sanctuario.

V. 59. LEGITIMA, id est leges.

V. 61. EXIERUNT, scilicet Iudæi: forte obviam Regi.

EST II.

Verf. 12. **N**UNC VERO REMINISCOR MALORUM, QUAE FECI IN IERUSALEM. Et *vers. 13.* COGNOVE ERGO QUOD PROPTEREA INVENERUNT ME MALA ISTA. In hoc Antiocho habemus exemplum inutilis poenitentiae, quæ non est secundum Deum, sed secundum sæculum; de qua Apostolus dicit, *Sæculi tristitia mortem operatur*. Fuit quidem in Antiocho verus dolor, & vera tristitia; immo & ducebatur poenitentia super omnia mala, quæ fecerat in Ierusalem, optans, si fieri posset, se ea non perpetrasse; sed dolor hic inutilis erat, & ad salutem eum perducere non poterat. Non enim nascebatur ex consideratione violaræ iustitiæ, ac legis Dei, sed extortus erat, & expressus magnitudine cruciatuum, quibus in morbo affligebatur. Et similis fuit poenitentia Esau super venditis primogenitis suis, de quo dicit Apostolus ad Hebr. xix. *Quod non invenis poenitentia locum, quamvis cum lacrymis tam inquisisset*. Similis denique fuit poenitentia Iudæi proditoris, qui ductus poenitentia retulit triginta argenteos, & peccatum agnovit: sed dum ad fontem veniæ non recurrit, præ desperatione laqueo se suspendit.

V. 42. ET VIDIT ELEAZAR FILIUS SAURA UNAM DE BESTIIS LORICATAM LORICIS REGIS, &c. Ac tamen *vers. 46.* ET IVIT SUB PEDES ELEPHANTIS, ET OCCIDIT EUM, ET CECIDIT IN TERRAM SUPER IPSUM. De hoc facto Eleazari scriptores non eodem modo sentiunt. Raba-

nus putat factum hoc non laude, sed vituperatione dignum, tamquam profectum ex inordinato gloriæ appetitu. Quin, ne quidem boni publici causa cuiquam permittum esse semetipsum occidere, aut etiam id facere, ex quo sui interitus certo consequatur; veluti murum suffodere, sub quo sit opprimendus. Neque obtulit factum Sampsonis, qui, coneuissus delubri columnis, se pariter cum hostibus oppressit. Nam, ut ait August. Lib. II. contra epistolam Gaudentii cap. xxxiii. ipse non sua sponte id fecit, sed hoc spiritui Dei tribuendum est, qui usus est eo, ut id faceret. Vide annotat. Iudicum xvi. Est & apud Gregorium locus de Eleazar, ubi factum vituperat. Ambrosius tamen laudat Lib. I. offic. cap. xl. & legitur in officio Ecclesiastico Do. 1. Octobris. Sic & Franciscus a Viatoribus sub finem relict. x. de homicidio, adducens hanc auctoritatem Ambrosii; & dicit quod Eleazarus sicut & Sampson principaliter intendebat vindicare populum Dei, opprimendo hostes eius, secundario autem, seu porius consecutive parare sibi nomen. Nam ira & ipse Iudas Machabæus dicat cap. ix. *Non inferamus crimen gloriæ nostræ*. Potuit etiam Eleazar cogitare quod bestia in alterutram partem caderet, & sic potuisset evadere. Ceterum qui fuerit hic Eleazar, non satis liquet. Iosephus Lib. XII. antiq. cap. xiv. dicit fuisse fratrem Iudæ Machabæi, & idem videtur sensisse Egesippus. Ea putant etiam alii eundem esse, qui supra cap. ii. vocatur Eleazarus cognominatus Abaron, & hic filius Saura; eo quod utrobique Græce est, *αυαρά*. Sed questio remanet, quomodo hic vocetur filius Saura, si fuit frater Iudæ de quo cap. ii.

MARIANAÆ.

Verf. 1. **E**SSE CIVITATEM ELYMAIDEM audivit Antiochus. Hæc urbs Lib. II, ix. 2. vocatur *Perspolis*. Binominia. Sic hi duo loci conciliantur. Esse ibi audivit.

V. 2. **VELAMINA AUREA**: vestes ex auro, & *brocados*. Alexander REGNAVIT PRIMUS IN GRÆCIA. Lego *prius* propter ea quæ sunt dicta l. 2. Et Græce pro *πρῶτος* lego *πρῶτος*, *primum* seu *prius*.

V. 6. **ABIT LYSIAS CUM VIRTUTE FOR- TI**: *δυναμῶν*, exercitu fortis.

V. 7. **DIRUERUNT ABOMINATIONEM**. Sic Hebraice *idolum* vocatur, & sæpe in Sacris. **SANCTIFICATIONEM**, id est sanctuarium, templum munierunt. **BETHSURAM**, scilicet munierunt. **CIVITATEM SUAM**, *αὐτῆς*, eius, quæ scilicet Regis fuerat.

V. 11. **DILECTUS IN POTESTATE MEA**, id est gratus subditis meis, in dominio meo.

V. 12. **ABSTULI OMNIA SPOLIA**. Græce *ἐκινῶν, vasa aurea & argentea*. Morior.

V. 19. **IN TERRA ALIENA**. Genus infelicitatis ducebatur, procul a patria mori.

V. 15. **DEDIT EI DIADEMA**, ut ferret ad filium. **UT ADDUCERET ANTIOCHUM**; pro, ad Antiochum filium suum. **ET REGNARET**, scilicet ipse Antiochus, qui tate parvulus erat, ut ait Iust. Lib. XXXIV. Novennem ait Appianus in Syriacis. Ideo voluit eius pater ut Philippus regnum procuraret, & filium nutrebat. Prævenit Lysias, & puerum, quem penes se habebat, pro patre Regem constituit.

V. 18. **QUI ERANT IN ARCE**. Macedones & persegue Iudeorum, **CONCLUSERANT ISRAEL IN CIRCUITU SANCTORUM**, id est templum obsidebant. Inde malorum exemplum, & hostibus firmitas & vires maiores.

V. 20. **FE CERUNT BALISTAS**. *Balistæ* lapides mittit, *catapulta* iacula. Sed & hæc voces sæpe confunduntur.

V. 26. **APPLICUERUNT HODIE AD ARCEM**. Græce, *castra posuerunt hodie ad arcem*. **ET MUNITIONEM BETHSURAM**. Græce, *& sanctum* (id est Sanctuarium) & *Bethsuram* munierunt.

V. 31. **APPLICUERUNT**, seu *castrametati sunt* ad Bethsuram. **ET EXIERUNT**: nempe obsessi, eruptione facta, combussentur machinas Regis, & fortiter pugnaverunt.

V. 32. **AD BETHZACHARAM** ivit Iudas. Non procul Bethsura est locus erat.

V. 34. **SANGUINEM UVÆ ET MORIS** ostenderunt elephantis, id est potarunt eos vino ex uvæ & moris, quo potu actiores redduntur.

V. 35. **MILLE VIRI IN LORICIS CONCA- TENATIS**. Ex sunt macularæ scutæ; scilicet ad

ad modum retis, annulis concatenatis inter se. Hispanis, *cota de malla*.

V. 37. VIRI VIRTUTIS, id est fortes. TRIGINTA DUO. Fortissimæ bestię erant, nempe Indici elephantes Africanis fortiores. Et nihilominus mirum est, tot viros sustinere potuisse. Suspicio constructionem esse inverſam, & legendum: *Super singulas trigintaduas viri fortes qui pugnabant*. Memento vers. 30. dixisse, elephantes sustinere numero 32. Numerorum notæ, quibus olim scribebantur, quolibet casu veru possunt. Nostro tempore elephas quatuor aut quinque homines gestat. Et INDUS. MAGISTER BESTIÆ. Græce, & Indus eius, bene suppletur *magister*. Regia & Lohan. pro Indus habent *intus*, sed male.

V. 38. ET RESIDUUM EQUITATUS. Græca aliter. Significat tamen copias Regis bifariam divisas & confertas processisse, partem per montes, partem per plana, ut vers. 40. dicitur; nimirum utroque loco in Iudæos irruere volebat. Verba quæ sunt intricata, ad hanc sententiam referri debent.

V. 39. UT REFULSIT SOL IN CLYPEOS AUREOS ET AEREOS. Græce non est *aereos*; sed non omnes clypei aurei erant.

V. 42. SEXCENTI VIRI DE REGIIS CEDIDERUNT, scilicet in primo conflictu. In toto prælio quatuor millia: II. Machab. cap. xtti.

V. 43. ELEAZAR FILIUS SAURA. Græc. Eleazarus Avaran. Ex ea voce facta est in cap. ii. 5. *Abaron*: hic *Saura*, additione litteræ S. Nec fuit filius Avaran, ut ponitur in Regiis, sed *Muthabie*, ut ait Iosephus Lib. XII. cap. xiv. frater Iudæ, quem ibi *Auranem* vocat.

V. 44. ET DEDIT SE, id est se morti devovit. An id liceat, & an quis se perire possit, disputavimus de Morte & immort. Lib. I. cap. ultimo.

V. 45. CADEBANT AB EO. Græc. *Di videbantur ab eo hinc atque hinc*, nempe submotis hostibus ab bestia penetrare potuit Eleazarus.

V. 46. CECICIT IN TERRAM SUPER IP-SUM, scilicet bestia. Sic suo est *sepultus triumpho*, ut ait Ambros. Lib. I. Offic. cap. x.

V. 47. DIVERTERUNT SE AB EIS, scilicet Iudæi similes fugientibus. Itaque Iudæ victus est in hoc prælio, seque in urbem

recepit, ut suos eius munitione tueretur; Sic Ioseph. Lib. XII. cap. xiv.

V. 49. QUIA SABBATA ERANT TERRÆ. Non habebant alimenta in Bethſura. Annus septimus & Sabbaticus erat, quo agri non colebantur. Exod. xxxiii. Levit. xxv.

V. 51. CONVERTIT CASTRA AD LOCUM SANCTIFICATIONIS, id est sanctuarium, obsedit Ierusalem. SCORPIOS AD MITTENDAS SAGITTAS. Ex sunt catapultæ. ET FUNDIBULÆ, *agendæ*, id est *fundas*. Bene nostes *fundibula* posuit, quibus certe mittuntur lapides, ballistæ maiores sunt.

V. 54. REMANSERUNT IN SANCTIS, id est in sanctuario, in urbe Ierusalem manserunt viri pauci. Sic defendi non poterat.

V. 56. ET EXERCITUS QUI ABIERAT. Goth. *ibi erat cum eo*, scilicet Philippo. Græc. & exercitus qui *iverant Regis cum eo*. Itaque exercitus quem Antiochus pater duxerat in Persidem, erat cum Philippo. QUÆREBAT SUSCIPERE REGNI NEGOTIA. Nimirum sic statuerat novi Regis pater vers. 14. Id male habebat Lysiam. Fœderis cum Iudæis faciendi ea causa fuit.

V. 61. EXIERUNT DE MUNITIONE, id est Iudæi ex arce, ut scilicet Rex intrare possit.

V. 62. RUPIT CITIUS IURAMENTUM. Græc. *rupit iuramentum*. Goth. *rupit ius iuramenti*: fortassis ea est vera lectio. Quo anno hæc sunt gesta Anno 150. indicat Iosephus eo Lib. XII. & cap. xiv.

V. 63. PUGNAVIT ADVERSUS EUM, scilicet Antiochus contra Philippum. Vicit & occidit: Iosephus Lib. XII. cap. xv.

M E N O C H I I.

Vers. 1. SUPERIORES REGIONES, scilicet Asix, quæ erant ultra Euphratem. ELYMAIDEM: quæ etiam Persopolis dicitur, ut infra.

V. 2. VELAMINA AUREA: vestes militares auro graves.

V. 3. QUÆREBAT CAPERE CIVITATEM. Hic dicitur voluisse capere civitatem, ac Lib. II. cap. ix. 2. dicitur, ingressus Persopolim. Fieri potest ut princeps aliquis sit in civitate, nec tamen illa potius, quod Antiocho contigit.

V. 4. REVERSUS EST. In Græc. *ἐπιστρέψας*, ut *revertetur*, neque enim pervenit in Babylonem, cum dicatur inf. Lib. II. cap.

esp. ix. 28. *Peregre in montibus vita sumus.*

V. 6. VIRTUTE, exercitū.

V. 7. ABOMINATIONEM, idolum. CIVITATEM SUAM, id est Antiochi, quam scilicet antea ipse occupavit.

V. 8. COMMOTUS, id est turbatus. INCIDIT IN LANGUOREM PRÆ TRISTITIA. Dum languoris causa hic affertur tristitia, non excluditur altera plaga, & dolorum divinitus inflictorum, quorum mentio Lib. II. cap. ix. 5.

V. 9. ET ERAT ILLIC: in lecto, cui medio in itinere affixus est, nec enim iastationem ferre poterat, & iter prosequi Babylonem versus. RENOVATA EST IN EO TRISTITIA MAGNA: dimirum ex conscientia admissorum scelerum, & prægustatione imminuentium tormentorum. ARBITRATUS EST SE MORT: suspicatus est hunc morbum sibi lethalem fore.

V. 10. CORRUIT CORDE PRÆSOLICITUDE: concidi animo, & magna tristitia, & solitudine premor.

V. 11. IUCUNDUS, id est lætus. Græce *χρηδός*, id est benignus, seu bonus, scilicet felix, vel lætus. IN POTESTATE MEA: dominatione. Græce *ἐξουσία*.

V. 12. AUFERRE, id est delere. Græce *ἀρπάξαι*, id est tollere. SINE CAUSA. Causam quidem admiserant Iudæi, cur talia paterentur, qui sponte ad gentilitios ritus transierant, & templum, Deique in eo cultum neglexerant; verum in Antiochum ipsum nihil deliquerant.

V. 15. DEDIT EI DIADEMA, &c. non quod hisce regni insignibus eum uti vellet, sed ut suo tempore Antiochum filium iis cohonestaret, & in regni possessionem mitteret.

V. 17. CONSTITUIT REGNARE: constituit regem. EUPATOR: ille dicitur a Græcis *εὐπάτωρ*, cui bonus pater contigit. Ita ergo appellatus est Antiochus, licet secleratum parentem nactus esset, nimirum adulatione subditorum.

V. 18. HI QUI ERANT IN ARCE: præsidarii milites, qui erant in arce Sionis, & illam nomine Antiochi tenebant. CONCLUSERUNT ISRAEL, &c. Significatur Hebræos sæpe comprehensos, ipsosque, aut cæcos, aut male mulctatos ab iis, qui erant in arce, dum in templum, aut orationis, aut sacrificiorum causa ibant. ET QUÆ REBANT EIS MALA SEMPER, &c. intenti

semper erant Iudæorum damnis, ut vires eorum attererent, eosque opprimerent; suorum vero potentiam stabiliarent.

V. 22. QUO USQUE NON FACIS IUDICIUM, &c. quasi a Iudæis violarentur, cum e contra illis ipsi essent infesti, ideoque Iudam adeptissent ad consilium capiendum de vexatione suorum tollenda.

V. 31. EXIERUNT: Bethsuræ cives. SUCENDERUNT EAS: machinas.

V. 33. CONCITAVIT EXERCITUS; Lyfiæ scilicet, & suum. BETHZACHARAM. Textus Græcus Bethzachariam vocat, id est domum Zachariæ.

V. 34. SANGUINEM UVÆ, ET MORI: succum ex moris & uvæ expressum, qui sanguinis speciem quandam præ se fert.

V. 35. IN LORICIS CONCATENATIS, id est hamatis, hamis inter se confectis, & more catenarum vinclis, ut etiam nunc lorice sunt.

V. 36. ANTE TEMPUS, id est opportune, seu citissime.

V. 37. PROTEGENTES SUPER SINGULAS BESTIAS, id est turres lignee singulis elephantis impositæ ipsos elephantos protegabant. VIRI VIRTUTIS, bellatores.

V. 38. PERURGERE; scilicet, ad prælium. CONSTIPATOS IN LEGIONIBUS. Vulgatus noster legit, *ἡ τὰς φάλαγγας*, in phalangibus, sive legionibus; ad nunclegitur, *ἐν τοῖς φάραγας*, in vallibus, sive in angustis faucibus montium, & collium.

V. 41. COMMOVEBANTUR; scilicet, admiratione, vel timore.

V. 43. ELEAZAR FILIUS SAURA. In Græc. est *ἑλεάζαρ ὁ σαυράς*. Iosephus ait fuisse Iudæ Machabæi fratrem, quod probabile existimant Salianus, & Serarius, qui pro filius Saura putat legendum, dictus Aura, sive Abaron, ut aliqui vertunt, & appellatur supra cap. ii. 5. cum autem in Græco dicitur *ἑλεάζαρ ὁ σαυράς*, subintelligendum est *καλαμῆρος*, appellatus: consentit etiam Iosepho alius Iosephus filius Goriönis, & eandem sententiam videtur innuere Emanuel Sa.

V. 45. CADEBANT AB EO. In Græco est, *ἐκείνῳ*, dividebantur, id est attem faciebant irruptenti. Verum est tamen quod habet vulgata, nam propterea cedebant, quia cadebantur, & cadebant.

V. 49. CECIDIT; scilicet, elephas. MORTUUS EST ILLIC. Egregium laudatorem ha-

habet Eleazarus S. Ambrosium Lib. I. offic. cap. iv. Nec peccavit Eleazarus hoc facto, licet dicatur num. 44. ad tantum opus accessisse, ut *argueretur sui nomen aeternum*. Nam gloriam quaerere modo in ea finis ultimus, & primarius non statuitur, vel immoderate non apparetur, peccatum non est, cum sit res induferens. Vide J. A. bulens. l. Reg. kv. quere. lxvii. Porro Eleazarus scilicet hoc aggressus est, ut liberaret populum suum, cui primarie intentioni alteram acquirendæ gloriæ, sine culpa potuit adungere.

V. 47. VIRTUTEM LEGIS: τὴν ἰσχυρὰν, potentiam, fortitudinem: videntes regem tanto superiore numero exercitus.

V. 49. FECIT PACEM CUM HIS QUI ERANT IN BETHSURA: qui scilicet amice regi dederunt. SABBATA ERANT TERRAE: sabbata terræ vocat annum septimum, quo terræ vocatio dabatur ex lege, Levit. xiv.

V. 50. SERVARE EAM: ad servandam, & custodiendam eam.

V. 51. CONVERTIT CASTRA AD LOCUM SANCTIFICATIONIS: urbe potius, templum obsecit.

V. 54. REMANSERUNT IN SANCTIS, id est in templo ad eius defensionem. DISPERSI SUNT, &c. urgente fame huc illuc dilabebantur.

V. 55. PHILIPPUS, QUEM CONSTITUERAT REX, &c. vide supra num. 14.

V. 56. QUÆREBAT SUSCIPERE REGIA NEGOTIA: redacto scilicet in ordinem Lybia, qui hoc munereungebatur.

V. 57. DICERE AD REGEM; dicere regi. Vulgatus de verbo ad verbum vertit ex Græco, in quo habetur *ἔπειτα πρὸς βασιλέα*. ORDINARE DE REGNO: regni negotia curare, & ordinare.

V. 59. LEGITIMIS SUT: legibus suis. DESPEXIMUS. In Græco est, *ἀπομάχασαμιν*, dispersimus.

V. 61. EXIERUNT DE MUNITIONE; scilicet, Iudæi, forte obviam regi officii causa.

T I R I N I.

Vers. 1. REX ANTIOCHUS Epiphanes, (interum dum Iudas Machabæus victoris potitur in Iudæa & vicinis regionibus,) PERAMBULABAT RE-

GRONES Persidis. Cuius urbem primariam *Elymaida*, II. Mach. ix. *Persopolim*, id est Persidis urbem, verisimiliter tum primariam, & in ea templum Veneri, more Persico, sacrum, exulare tenebat. Sed Persis arma in eum vententibus, re infecta, moerore confectus, in ea in Babyloniā refugit. Nuntio quoque cladis Lybiæ, & victurium Iudæ magis irritatus, IN LANGUORUM INCIDIT.

V. 9. ET ERAT ILLIC, in Babylonia, PER DIES MULTOS. Quin; & mortuus illic est.

V. 19. ANNO GRÆCORUM CENTESIMO QUADRAGESIMO NONO. De morbis & morte illius suse cania enarrat Liber II. cap. ix. Succellit parenti.

V. 17. Filius, parvulus admodum, inquit Iustinus a; *mouennem* facit Appianus, addique a Syris, annitente *Lyfia*, dictum *Expariem*: quasi felicem tanto patre. Sub hac tempora Gentiles

V. 18. QUI ERANT Ierosolymis IN ARCE b sua, usi absentia Iudæ bellis alibi dissenti, continuis excursionibus infestabant Iudæos: neque poterant a presidariis alterius arcis e Iudæiæ, ob horum paucitatem, compelli: quin potius CONCLUSERANT hos illi IN CIRCUITU SANCTORUM, ut extra septa templi & arcis suæ nullus egredi vel posset, vel auderet. Et hoc modo crescebat continuo FIRMAMENTUM GENTIUM, id est robur & potentia Gentium. Cui malo evertendo, Iudas cum omnibus suis copiis

V. 20. Obsides arcem, anno 150. Græcorum. Quo per legatos & apostatas quosdam Iudæos cognito, rex iuvenis mox adcurrit.

V. 30. Cum centum millibus PEDITUM, & viginti millibus EQUITUM, &, triginta duobus elephantis, doctis instructisque AD PRAELIUM. Ante omnia obsidet

V. 31. BETHSURAM, de qua cap. iv. ult. Sed egressi Bethsura presidarii Iudæi, MACHINAS regias igni succendunt.

V. 32. IUDAS relicta quam obsidebat arce Ierosolymitana, CASTRA metatur CONTRA, id est ex adverso, seu iuxta CASTRA REGIS. Cuius iussu

V. 33. ANTE LUCEM comparantur exercitus omnes ad PRAELIUM, instruuntur acies, machinæ expediuntur:

V. 34. ELEPHANTIS ostendunt sanguis una,

vinum, id est rubrum vinum *d*, & sanguis, cui est succus, MORT, qui & ipse *vinosus* est, testis Plinio *e*. Neque vero solo vini aspectu vel olfactu iritabantur elephantis, ut vult Frane. Valesius; sed reipsa epotandum ipsis dabatur, teste AEliano *g*, & Libro II Machab. Et licet elephantis, ut & tauri, leones & apri, & reite eodem AEliano, nulla egeant ad pugnam cohortatione, vel stimulo, sed suapte sese impetu accendant, quando res aliqua, cum qua iis est antipathia, seu naturalis dissensio, oculis vel phantasia occurrit: quando tamen nulla res talis occurrit, proritatione opus habent, maxime si in homines sint immittendi, quibus aliquin infesti esse non solent.

V. 35. ELEPHANTIS PER LEGIONES DISTRIBUTIS ASSISTEBANT SINGULIS MILLIA VIRTELLI LORICIS CONCATENATIS, seu hamatis. Ex sunt maculæ ferreæ, ad modum retis confectæ, hamis seu annulis inter se concatenatis. Hispan. *cota de malla*.

V. 37. SUPER SINGULOS ELEPHANTOS LIGNEAE TURRES ERANT FIRMAE, sic vallis & loricis instructæ, ut *proterentes* tum machinas impolitas, tum milites, qui ex *viris virtutum*, id est ex robutionibus, selecti imponebantur singulis turribus numero TRIGINTA DUO, præter Indum (ita etiam legit Græcus) *magistrum* ac rectorem BESTIAE. Ex quo constat, elephantos hos non fuisse Africanos, qui iam vix senos aut septenos armatos ferrent in lignea turri: sed Indicos Africanos longe maiores, testibus Plinio, Livio, Gelnero *b*, Solino & Philostrato. Horum vero elephantorum maximum, insigni fortitudine animi.

V. 43. INVALUIT, confodit & prostravit ELEAZARUS FILIUS SAURA. Hunc Iosephus uterque assenti fratrein fuisse Iudæ Machabæi. Et Græca id insinuant, in quibus vocatur *Eleazarus Avuran*, eodem modo quo supra cap. II. *frater Iudæ* vocatur *Eleazarus Abaron*, id est fortis ipsorum *k*, seu qui inter illis est fortissimus. Ad Latinam lectionem tutandam possit quis dicere, *Machathæ* cognomen a robore fuisse *Abaron*, vel litteræ unus adiectione *Saura*, & hoc filio eius Eleazaro adhaesisse. Erant enim olim polyimi, & a variis eventibus varia nomina fortiebantur.

Verum licuitne Eleazaro, cum certissima viæ iactura facinus illud aggredi? Li Bib. Sac. Tom. XXII.

cui sane, ut bene docent Abulensis, Navaerus *l* & alii: immo ut summe laudabile celebrant SS. Ambrosius & Gregorius *m*, & alii SS. Patres, quod vitam pro publica salute proderit. At fecit hoc, ut ACQUIRERET SIBI NOMEN AETERNUM, vers. 44. quod merx *ambitionis* fuit, inquit Lucas Osiander. Sed mala fide dissimulat hæreticus, hanc non nisi secundariam fuisse intentionem Eleazari; primariam vero fuisse quæ verbis immediate præcedentibus exprimitur, ipsum id fecisse ut LIBERARET POPULUM SUUM. Quod & coniectus est, inquit S. Ambrosius *n*: nam rex *territus unius fortitudine, pacem rogavit*, &c. Simile pene facinus edidit ille apud Xenophontem *o*, qui venire equi, cui Cyrus infidebat, perfollo, Cyrum prostravit. Porro cælis e regis primo 600. ut hic dicitur vers. 42. deinde 400. ut Lib. II. cap. XIII. 15. *Et summo metu ac perturbatione repletis castris regis: cum tamen viderent Iudæi, ut hic vers. 47. dicitur, tantam esse VIRTUTEM, seu potentiam regis, prudenti consilio declinauerunt ad tempus. Nec tamen ausus fuit rex vi aggredi fecedentes: sed arse, ut Lib. II. cap. XIII. 18. dicitur, & astutia reliquum peragere decrevit: v. g. muneribus animos expugnando; rumores falsos spargendo, insidias struendo, aquam divertendo, cuniculos agendo, &c. His certe vel similibus viis*

V. 49. PACEM FECIT CUM HIS QUI ERANT IN BETHSURA, quos etiam fames compulsi, quia SABBATHA ERANT TERRAE; id est, erat tum annus septimus seu sabbathicus *p*, quo nec ferre nec metere licebat Iudæis. Simili anno sabbathico cepit postea Herodes Ierosolymam, ut Iosephus *q* enarrat. Et iam quoque tentabat eandem rex Antiochus, vel potius arcem illam quæ nuper in extrema templi parte a Iudæis constructa fuit cap. VI. 60, quam hic

V. 51. LOCUM SANCTIFICATIONIS VOCAT. Adversus hanc SCORPIOS expedit, id est catapultas, ET FUNDIBULA; Græce, *σφοδράς*, id est fundas, nempe balistas maiores, quæ lapides fundebant, inquit Lippius & Vegerius *r*. SPICULA in Græco omittuntur. Interim prælio iterum cum Iudæa inito, iterum superatus est rex, II. Machab. XIII. 23. Quando accessit & Philippi rebellio, quia moriturus Antiochus Epiphanes, ut hic vers. 14. dictum fuit,

Ccc sum.

summam administrationis regni, tamquam proregi commiserat. Hac occasione x-mulus Philippi Lyfias regi perfuafit, ut inita cum Iudæis pace, Antiochiam fedem regni fui totis viribus aggrederetur, unde summa rei dependeret. Perfualus rex Iudæos pacem precatur, etiam *subdicens* se illis, II. Machab. xiii. 23. Sed pace ob-tenta, dum in templum admittitur, & Deo facrificat, perfidus iubet *destrui murum arcis in gyro*, ut hic vers. 62. dicitur. Sed cito poenituit perfidiæ, cum videret valde utilem sibi futuram Iudæorum ope-ram in bellis instantibus. Quare inlaurato foedere, & Iudæis quæcumque iusta essent concessis, Iudæa quoque summis honoribus aucto /, Antiochiam aduersus Philippum contendit:

V. 63. Quam, & Iudæis multum adiu-uantibus, teite utroque Iosepho /, tandem victor obtinuit.

(a) Iustin. Lib. XXXIV. Appian. in Syriacis.

(b) I. Mach. 2. 35.

(c) Ibid. cap. iv. 60.

(d) Deut. xxxiv. 10.

(e) Plin. XV. cap. xxiv.

(f) Vales. Sacer. Ph. Iosephus cap. lxxxvii.

(g) Aelian. de Animalib. Lib. VI.

(h) Plin. sup. & Lib. VII. cap. ii. Livius de

cad. iv. 7. Gellius. Lib. I. de Quadriped.

(i) Ioseph. Lib. XII. Antiq. cap. xiv. Gorionid.

Lib. III. cap. 22.

(k) Ioseph. xxi. 19. & II. Reg. xxi. 7. Tobit

iii. 4. 7. &c.

(l) Abulen. I. Reg. xv. quæst. lxxv. Navar. de

Enibus num. lxxx.

(m) Ambr. Lib. I. Offic. cap. xl. Gregor. XIX.

Moral. cap. xlii.

(n) Amb. sup.

(o) Xenoph. Lib. VII. Cyropæd.

(p) Chironici cap. xxi. & Exodi xxxiii. & II. Le-

vit. xxv.

(q) Ioseph. Lib. XIV. Antiq. cap. xxxviii.

(r) I. plus Lib. III. Palæsticæ dial. iii. Ve-

get. Lib. III. cap. xiv.

(s) II. Mach. xiii. 23. & 24.

(t) Ioseph. Flavius sup. Ios. Gorionid. sup. c. xx.

GORDONI.

Vers. 1. **D**Um esset rediens (ἀνέστη) & 4. **D**ΑΥΕΥΣ' ΙΟΥ) in itinere, pe-
diculari morbo inter alta corripitur, Lib. II.
ix. 9. Urbem eandem, & Elymaidem &
Persipolim vocari (quæ nominum varietas
aliis etiam urbibus obvenit) docent hoc
sextum caput & nonum Lib. II. Dici eti-
am potest Persipolim illi urbi esse nomen
adjectivum, quasi Persidis urbem dicas:
nec priori explicationi obstat, quod Cur-

tius Lib. V. dicat everfam ab Alexandro
Persipolim. Nam] ex Diodoro Lib. XX.
significatur restituta, quidquid dicat Cur-
tius, qui putatur deceptus in sua topogra-
phia.

V. 16. Moritur in montibus, ut habet
hic textus expressus, Lib. II. cap. ix. 28.
de qua quæstione dixi in præloquio ad hunc
librum: porro quo regi anno obierit con-
stat ex diagrammate ibidem dato.

Additio. Ad hanc partem capitis sexti,
reduci debent, quæ habentur Lib. II. toto
cap. ix. de hac eadem professione & morte
Antiochi, ubi speciatim a vers. 18. ad
28. ponitur epistola Antiochi ad Iudæos de
mutato animo erga Iudæos, & de Philip-
po cui filium commendat, vers. 29.

Pars altera cap. sexti.

V. 17. Lyfias audita morte Antiochi,
constituit filium Antiochum Eupatorem,
regem impii Antiochi filium.

Explicantur tria cap. libri II.

Additio. Ad hanc capitis sexti partem
reduci debent quæ narratur Lib. II. cap.
x. vers. a 10. usque ad vers. 37. sub finem
illius capitis, ubi agitur de gestis sub Eu-
patore: quidem ab illo vers. 10. usque ad
vers. 23. narratur de violenta morte Pro-
lemæi, qui Macer dictus est, & de munitionibus
expugnatis a Machabæo. Tandem
vers. 24. venit ad Timotheum, qui prius
a Machabæis superatus, nunc iterum di-
vinitus fuso exercitu, fugatus primum, &
deinde occisus est, vers. 31. & 37.

Additio. Ad res gestas sub Eupatore ple-
ne habendas addenda hic sunt recto ordi-
ne duo capita libri secundi; nempe un-
decimum & duodecesimum, ubi de his quæ
cum Lyfia duce gesta sunt, qui alias vi-
ctus fuit.

Itaque ex capite undecimo hæc habentur.
Lyfias cum ingenti exercitu Iudæos
invadit, vers. 1. 3. & 4. Iudas it ad pu-
gnam præunte divinitus Angelo, vers. 5.
6. & 8. prosternuntur hostes, fugit Ly-
fias, vers. 11. & 12. pacem petit; fit fo-
edus; firmantur conditiones, vers. 13. 15.
& deinceps: recitantur epistolæ hinc inde
anno 148. ad hæc etiam accedunt Roma-
ni, vers. 34. Hic quamvis in nominibus
men-

mensium sit varietas, non parit difficultatem: constat enim nomina mensium esse diversa apud diversas nationes; immo alii in eadem gente, ut nihil dicam de Embolismo, unde oriri potest diversitas eadem.

At difficultatem habet quod hic habetur, vers. 21. & 33. de anno 148. utriusque epistolæ; immo & anno fœderis. Nam Lib. I. cap. vi. 16. obiit Antiochus, anno 149. & tamen epistolæ istæ scriptæ sub Eupatore post mortem patris, dicuntur scriptæ anno 148. Verum satis conlat varium interdum notari annum, ob varium initium alicuius Epochæ; sic multum interest an incipias Epocham Christi a Martio, a nativitate, aut a Januario. Sane annus Græcorum apud Iudeos potest esse a Nisan vel Martio, & epocha Iudaica dicitur: potest etiam post sex menses incipere, ut dixi agendo de mensibus, & vocatur Antiochena, vel Alexandrina. Quis ergo non videt, fieri posse, ut qui secundum unam epocham est annus 148. sit secundum aliam 149. Nihil ergo incommodum est, si dicamus in annum 149. incidisse mortem Antiochi, principium regni Eupatoris, & pugnam hanc cum Lysia, ac Lysianum fœdus, cum idem annus 149. Iudaicus sit, 148. Antiochenus seu Alexandrinus: vide Prælog. num. 4. Ceterum fœdus hoc, non est idem cum eo de quo agitur capite hoc vi. Libri I. vers. 60.

Additio. Ad res gestas cum Lysia cap. vi. addenda etiam sunt quæ habentur Lib. II. toto capite xxi. Illius autem capituli xxi. hæc est Synopsis. Constituto cum Lysia fœdere (quod durasse putatur per octo menses, seu usque ad pugnam cum Timotheo) Iudas ferro animadvertit in eos Iudeos impios & alios ex occasione quæ hoc cap. xxi. narratur: ergo agriculturæ vacare incipiunt Iudei, vers. 1. sed eos vexabant Timotheus (non ille qui cap. x. occisus est) Apollonius (non ille de quo Lib. I. cap. iti.) Gorgias quidam & alii hic recensiti, vers. 2. Sed in hac mora fœderis cum Eupatore Iudas castigat Iopitas vers. 3. Iamnitæ, vers. 8. Arabes superatos dimittit, vers. 10. & 12. Aggreditur urbem Casphin, vers. 13. eam capit, vers. 14. & deinceps. Venit in Charracæ, vers. 17. progreditur contra Timotheum, vers. 20. victum dimittit, vers.

23. & 24. Carnion occupat, vers. 26. capit Ephron vers. 27. & 28. Scythopolitis benigne relinquit, vers. 29. est Ierosolymis in Pentecoste, vers. 31. Itur contra Gorgiam præpositum Idumææ, vers. 32. & 33. fugatur Gorgias, 37. peractio Sabbato parentatum est defunctis, 39. sacrificium paratur pro peccato invento, vers. 42. & 43. oratio pro defunctis, vers. 44.

Quod male habent Novatores, est hæc tam expressa mentio orationis & oblationis pro defunctis. Sane locus hic tam est apertus, ut ne veritatem admittant, cogantur negare huius libri auctoritatem, quam tamen hic initio in Præloquio satis asserui. Ceterum quam sit pium pro defunctis orare, ut solvantur a peccatis (τὴν ἀμαρτίαν ἀπαλυσθῆναι) alibi ex professo ostensum est, nec qui commentarios scribunt hoc præterierunt. Mihi pro instituto satis est, locum hunc non esse obscurum ostendere, & alibi probatum; sed ut adhuc clarior series narrationis appareat, ecce vers. 42. ubi Iudas agnoscit suorum delictum, violando legem de prædis idolorum (quæ habetur Deuter. vii. 25.) quos Deus hic castigat; Iudas tamen permittendo victoriam, qui mox orat ut delictum oblivioni tradatur perfecte, τὴν αἰτίαν ἐξαλειφθῆναι, quod sit, cum etiam cessat reatus pœnæ. Præterea designat sacrificium expiatorium pro defunctorum animabus, ut a pœnis eripiantur. An vero duo millia drachmas, an duodecim millia, est lectionis diversitas: nam Græcus habet 2000. Tandem velui epiphonema est, πάντῃ καλῶς, ἢ ἀρίστως πράττει, valde bene, & civiliter faciens, hoc est honeste. Quid drachma sit, dixi Cap. xxviii.

Obiiciet hic aliquis, non videri superfluum, nec vanum orare pro mortuis, licet nulla futura esset resurrectio: nam adhuc posset anima separata solvi a peccatis, corpore numquam resurgente; quorsum ergo additur illud de resurrectione? Sed ex occurritur, duo hic esse connexa, & ex uno sequi alterum. Si enim anima est immortalis (ut vere est) sequi debet resurrectio ex appetitu nativo animæ, & natura beatitudinis, quæ debet esse completa. Porro ex fide est, animam redituram ad corpus: stante ergo necessitate huius connubii, & supposita lege de resurrectione, non frustra oraret, qui oraret pro mortuo. Denique

Ccc z quam-

quamvis demus esse possibile Deo solvere animam, numquam resurgente corpore; non tamen ita fit, nec fiet. Fingentium est Calvini. Lege Augusti. Lib. de cura, cap. 1. & 1v. Tertuli. Lib. de Monogamia (monet ut uxores orent pro maritis defunctis.) Damasc. orat. pro defunctis. Inepte fingitur oppositum, contra Scripturæ verba, & sensum tot sæculorum: vide Lib. II cap. xii.

Pars tertia capitis sexti.

V. 18. Post bella Iudæ cum Timotheo, & Lysia sub Eupatore iam cum ipso Eupatore bellum gerit, ac primum Iudas, ann. 150. arcem Ierusalem obedit. Ita Lib. I. cap. vi. 18. & 20. in circuitu Sanctorum, id est obsidebant templum, qui erant in arce: ideo Iudas arcem eonatur obsidere. Eupator excitatus ab Apostatis, ingentem eo ducit exercitum, vers. 21. & deinceps, usque ad vers. 24. Venitur primo ad Bethiuram: eam obsidet Rex v. 31. mox ad pugnam vers. 34. Pugnatur vers. 42. Eleazari facinus vers. 43. Iudas fugit aliquantulum, declinando ab impetu tanti exercitus vers. 47. Rex obsidet Ierusalem & templum, ubi iterum a Iuda pugnatum est, vers. 48. & 51. Interim Rex audiens rebellasse Philippum: pace constituta cum Iuda, redit Antiochiam. Locus sanctificationis, vers. 51. est Ierusalem. Scorpium sunt catapultæ.

Additio. His addi debet caput XIII. Lib. II. ubi eadem historia narratur de morte Menelai, de magno exercitu Eupatoris, pugna cum Iuda, & tandem de pace cum illo, & reditu Regis Antiochiam, audita rebellionem Philippi.

V. 30. ET ERAT NUMERUS EXERCITUS. Non est idem numerus, hic cap. vi. qui est Lib. II. cap. xiii. verum ut ex libris Regum apparuit compositis cum Paralipom. inæqualitas numeri aliquoties reperitur. Cause diversæ esse possunt, præsertim hic, ubi pro vario tempore expeditionis, exercitus nunc maior, nunc minor esse potuit. Immo aliquando maior in principio expeditionis, quam tempore pugnae. Legimus enim Gedeonem, & Machabæum ipsum elegisse ad pugnam pauciores. Sane ex magno numero misit potuit Eupator subsidia in aliam provinciam. Historicis porro noster non ait se

narrare audita: quod autem ex se dicit, accipi debet, ut verum.

Ad ludros apostatas accessit Menelaus, de quo Lib. II. cap. xiii. Hic pleudopontitex auctor malorum, Rege iubente, perit misere. Hoc genus supplicii, h. e. *εὐδωποντισμῶς*, ut habet Græcis, explicat Lib. IX. cap. 11. puto hoc actum in reditu Regis, constituta iam pace.

V. 32. & 42. Videtur Iudas his aggressus exercitum regium, ex his duobus locis. Et quia illi exiguus erat exercitus, nocte invalit regium tabernaculum, ex citato cap. xiii. 15. castris 4000. & elephantiorum maximus. Post hanc nocturnam invasionem Rex vers. 33. instruit aciem, & iterum pugnatur, ex his initio viris 600. a Iudæis, vers. 42. vide Iosephum Lib. XII. cap. xiv. BETHZACHARAM vers. 33. domum Zachariæ.

V. 37. Indici hi elephantes fortiores sunt Africanis. En ut gestant viros 32. mirum est. Suspiscatur Mariana inverfam esse constructionem, & esse legendum, super singulas triginta duas, viri fortes qui pugnant. SABBATA TERRAE, vers. 49. annus septimus, de quo vide Levit. xxv.

V. 53. ESCAE AUTEM NON ERANT. Dat causam, quia annus septimus, & sabbaticus erat. Ceterum non utitur anno sabbatico pro characteris Chronologico. Res aperte colligitur in opere Chronologico cap. ix. num. 3. & cap. xii. num. 9. ac demum ad ann. mundi 2537.

V. 54. IN SANCTIS: in templo ad defensionem.

V. 55. ET AUDIVIT LYSTAS. En Philippi rebellionem, causam reditus Eupatoris, & pacis cum Machabæo. Est hoc fœdus omnino diversum ab eo, de quo supra, cap. xi. Lib. II. vers. 13. in hoc reditu putatur occisus impius Menelaus, de quo Lib. II. cap. xiii. capta est in reditu Antiochia a rege adiuvantibus Iudæis: nondum enim violatum erat hoc fœdus. Obiectum fuisse templum a rege anno 150. scribit Iosephus cap. xiv. Ceterum narrat historici regem post reditum acerbius tractatum a legatis Romanorum: ipse legatum per suos occidit, & post moram aliquam, ipse cum Lysia a Demetrio regni æmulo occiditur.

V. 61. EXIERUNT: obviam regi honoris causa, ut apparet.

CA.

CAPUT VII.

Demetrius Seleuci filius, occisis Antiocho & Lyſia, obtinet regnum patrum ſuorum: qui, accusato apud ſe Iuda Machabæo, mittit ducem Bacchidem & accusatorem Alcimum conſtitutum ſacerdotem ad affligendum filios Iſrael: ſed cum non poſſent adverſus Iudam prævalere, miſſus eſt a rege Nicænor, qui, ut & priores, cum dolo nequiret, vi Iudam aggreſſus, ſemel atque iterum ab eo devictus eſt, & præmiſſis ad Deum precibus, cum toto ſuo exercitu occiſus, amputato ipſius capite ac dextera, quam irriſis Iudæorum ſacrificiis ſuperbe contra locum ſanctum extulerat: cuius viſtoria dies annuus apud Iudæos celebris inſtituitur.

1.  Nno centeſimo quinquageſimo primo, exiit Demetrius Seleuci filius ab urbe Roma, & aſcendit cum paucis viris in civitatem maritimam, & regnavit illic. 2. Et factum eſt, ut ingreſſus eſt domum regni patrum ſuorum, comprehendit exercitus Antiochum & Lyſiam, ut adducerent eos ad eum. 3. Et res ei innotuit: & ait: Nolite mihi oſtendere faciem eorum. 4. Et occidit eos exercitus. Et ſedit Demetrius ſuper ſedem regni ſui: 5. & venerunt ad eum viri iniqui & impii ex Iſrael: & Alcimus dux eorum, qui volebat fieri ſacerdos. 6. Et accuſaverunt populum apud regem, dicentes: Perdidit Iudas, & fratres eius, omnes amicos tuos, * & nos diſperſit de terra noſtra. 7. Nunc ergo mitte virum, cui credis, * ut eat, & videat exterminium omne, * quod fecit nobis, & regionibus regis: & puniat omnes amicos eius, & adiutores eorum. 8. Et elegit rex ex amicis ſuis Bacchidem, qui dominabatur trans flumen, magnum in regno, & fidelem regi: † & miſit eum, 9. ut videret exterminium, quod fecit Iudas: ſed & Alcimum impium conſtituit in ſacerdotium, & mandavit ei ſacere ultionem in filios Iſrael. 10. Et ſurrexerunt, & venerunt cum exercitu magno in terram Iudæ: & miſerunt nuntios, & locuti ſunt ad Iudam, & ad fratres eius, verbis pacificis in dolo. 11. Et non intenderunt ſermonibus eorum: viderunt enim quia venerunt cum exercitu magno. 12. Et convenerunt ad Alcimum & Bacchidem congregatio ſcribarum requirere quæ iuſta ſunt: 13. & primi, Aſſidæi qui erant in filiis Iſrael, & exquirebant ab eis pacem. 14. Dixerunt enim: Homo ſacerdos de ſemine Aaron venit, non decipiet nos. 15. Et locutus eſt cum eis verba pacifica: & iuravit illis, dicens: Non inferemus vobis malum, neque amicis veſtris. 16. Et crediderunt ei: Et comprehendit ex eis ſexaginta viros, & occidit eos in una die, ſecundum verbum quod ſcriptum eſt: 17. (a) Carnes ſanctorum tuorum, & ſanguinem ipſorum effuderunt in circuitu Ieruſalem, & non erat qui ſepeliret. 18. Et incubuit timor & tremor in omnem populum: quia dixerunt: Non eſt veritas & iudicium in eis: transgreſſi ſunt enim conſtitutum,

turum, & iusiurandum quod iuraverunt. 19. Et movit Bacchides castra ab Ierusalem, & applicuit in Bethzecha: & misit, * † & comprehendit multos ex eis qui a se effugerant, & quosdam de populo mactavit, & in puteum magnum proiecit. 20. Et commisit regionem Alcimo, & reliquit cum eo auxilium in adiutorium ipsi. 21. Et abiit Bacchides ad regem: & satis agebat Alcimus pro principatu sacerdotii sui: 22. & convenerunt ad eum omnes, qui perturbabant populum suum, & obtinuerunt terram Iuda, & fecerunt plagam magnam in Israel. 23. Et vidit Iudas omnia mala quæ fecit Alcimus, & qui cum eo erant, filiis Israel, multo plus quam Gentes: 24. & exiit in omnes fines Iudæ in circuitu, & fecit vindictam in viros desertores, & cessaverunt ultra exire in regionem. 25. Vidit autem Alcimus quod prævaluit Iudas, & qui cum eo erant: & cognovit quia non potest sustinere eos, & regressus est ad regem, & accusavit eos multis criminibus. 26. (b) Et misit rex Nicanorem, unum ex principibus suis nobilioribus: qui erat inimicitias exercens contra Israel: & mandavit ei evertere populum. 27. Et venit Nicanor in Ierusalem cum exercitu magno, & misit ad Iudam & ad fratres eius verbis pacificis cum dolo, 28. dicens: Non sit pugna inter me & vos: veniam cum viris paucis, ut videam facies vestras cum pace. 29. Et venit ad Iudam, & salutaverunt se invicem pacifice: & hostes parati erant rapere Iudam. 30. Et innouit sermo Iudæ, quoniam cum dolo venerat ad eum: & conterritus est ab eo, & amplius noluit videre faciem eius. 31. Et cognovit Nicanor quoniam denudatum est consilium eius: & exivit obviam Iudæ in pugnam iuxta Capharsalama. 32. Et ceciderunt de Nicanoris exercitu fere quinque millia viri, & superunt in civitatem David. 33. Et post hæc verba ascendit Nicanor in montem Sion: & exierunt de sacerdotibus populi salutare eum in pace, & demonstrare ei holocaustomata, quæ offerebantur pro rege. 34. Et irridens sprexit eos, & polluit: & locutus est superbe. 35. & iuravit cum ira, dicens: Nisi traditus fuerit Iudas, & exercitus eius in manus meas, continuo cum regressus fuero in pace, succendam domum istam. Et exiit cum ira magna: 36. & intraverunt sacerdotes, & steterunt ante faciem altaris & templi: & flentes dixerunt: 37. Tu Domine elegisti domum istam ad invocandum nomen tuum in ea, ut esset domus orationis, & obsecrationis populo tuo: 38. fac vindictam in homine isto, & exercitu eius, & cadant in gladio: memento blasphemias eorum, & ne dederis eis ut permaneant. 39. Et exiit Nicanor ab Ierusalem, & castra applicuit ad Bethoron: & occurrit illi exercitus Syriæ. 40. Et Iudas applicuit in Adarsa cum tribus millibus viris: & oravit Iudas, & dixit: 41. (c) Qui missi erant a rege Sennacherib, Domine, quia blasphemaverunt te, exiit angelus, & percussit ex eis centum octogintaquinque millia: 42. sic conterere exercitum istum in conspectu nostro hodie: & sciant ceteri quia male locutus est super sancta tua: & iudica illum secundum malitiam illius. 43. Et commiserunt exercitus prælium triadecima die mensis Adar: & contrita sunt castra Nicanoris, & cecidit ipse primus in prælio. 44. Ut autem vidit exercitus eius quia cecidisset Nicanor, proiecerunt arma sua, & superunt: 45. & persecuti sunt eos viam unius diei, ab Adazer usque

quo veniatur in Gazara, & tubis cecinerunt post eos cum significationibus: 46. & exierunt de omnibus castellis Iudæ in circuitu, & ventilabant eos cornibus, & convertebantur iterum ad eos, & ceciderunt omnes gladio, & non est relictus ex eis nec unus. 47. Et acceperunt spolia eorum in prædam: & caput Nicanoris amputaverunt, & dexteram eius, quam extenderat superbe, & attulerunt & suspenderunt contra Ierusalem. 48. Et lætatus est populus valde, & egerunt diem illam in læticia magna. 49. & constituit agi omnibus annis diem istam, terdecima die mensis Adar. 50. Et siluit terra Iuda dies paucos.

(a) Psal. lxxviii. v. 2. j. (b) II Mach. xv. 2. (c) IV. Reg. xix. 35. Tob. 2. 21. Eccli. xlviii. 25. Isai. xxxvii. 46. II. Mach. viii. 19.

B R U G E N S I S

ROMANÆ CORRECTIONES.

LECTIONUM VARIETAS.

Vers. 6. Et nos disperse de terra nostra¹. Pro disperse, quod est eiecit, non scribas disperdidiis.

Vers. 7. Quod fecit nobis & regionibus regis. Coniunctio & mutanda non est cum præpositione in

Vers. 19. Et comprehendis multos ex eis qui a se effugerant. Ita est in quibusdam veteribus manuscriptis: in aliis legitur contrarium; qui ad se refugerant.

Vers. 9. ET misit eum ut videres exterminium quod fecit Iudas; sed & Alcimum. Alii omittunt hæc verba, ut videres exterminium quod fecit Iudas: sed, Græco consentaneæ: quæ ab omnibus leguntur supra vers. 7. unde & facile hic subaudiuntur.

Vers. 19. Et comprehendis multos ex eis qui a se effugerant. Ita est in quibusdam veteribus manuscriptis: in aliis legitur contrarium qui ad se refugerant.

C O M M E N T A R I A

S A.

Vers. 1. DEMETRIUS, scilicet frater Antiochi Illustris, secundum quosdam; aliis filius Seleuci fratris Antiochi Illustris, adeoque huius ex fratre nepos, non frater. Fuerat autem Seleucus Rex ante Antiochum. MARITIMAM. Tyrum quidam putant. Vide tamen Lib II. c. xiv.

V. 7. OMNES. Græc. eos, & omnes ad introitus eorum.

V. 8. FLUMEN, scilicet Euphratem.

V. 17. ET LOCUTUS, &c. quasi dicat, Fuerat enim locutus, &c. & iuraverat, &c.

V. 18. IUDICIUM, id est iustitia seu probitas. CONSTITUTUM, id est pactum.

V. 19. A SE. Græc. qui apud ipsam transfigurarum.

V. 24. EXIRE, id est excurrere.

V. 30. CONTERRITUS EST, id est timuissibi.

V. 31. CIVITATEM DAVID, scilicet in

arcem, quam tenebant adhuc hostes.

V. 33. VERBA, id est gesta.

V. 34. POLLUIT, id est ignominiose traxit.

V. 37. NOMEN TUUM, id est te.

V. 38. IN GLADIO, id est cæsi. PERMANEANT, scilicet superstites.

V. 41. EXIIT, scilicet a te missus.

V. 42. SUPER SANCTA, id est contra templum. IUDICA, &c. id est; puni secundum quod meretur malitia. ADAR, scilicet Februarii.

V. 45. CUM SIGNIFICATIONIBUS. Græc. signorum, id est quibus dari solebat signum bellicum, seu elasticum.

V. 46. VENTILABANT EOS CORNIBUS, id est vehementer evertabant. Metaphora a rauris. ITERUM, id est subinde, quasi dicat, Saepè cecidendo, tandem omnes interierunt.

V. 47. CONTRA, id est e regione, scilicet prope.

V. 50.

V. 50. STULTI, id est, qui quievit, scilicet pacata fuit.

E S T I I.

Vers. 5. **E**T VENERUNT AD EUM VIRI INIQUI ET IMPII EX ISRAEL: ET ALCIMUS DUX EORUM, QUI VOLEBAT FIERI SACERDOS. In Alcimo notandum exemplum huminis ambitiosi. Cuius ambitio in primis designatur dum dicitur; quod volebas fieri sacerdos. Intelligit autem Scriptura summum sacerdotium. Nam erat iam sacerdos, prout postea sequitur dixisse populum: *Homo sacerdos de semine Aaron non decipies nos*. Et ostenditur hoc exemplo, ad quanta mala perpetranda impellat hominem circa ambitio. Nam Alcimus iste, dum per fas, & nefas ad pontificatum contendit, primo populum suum Iudaicum apud regem ethnicum accusat, falsa & odiosa crimina imponens Iudæ, & fratribus eius religionis & patriæ defensoribus; secundo bellum concitat adversus patriam, & cives suos innocentes; tertio fraude accersitos ad se viros primarios, qui Affidæ vocantur, quorum consiliis respublica regebatur, omnes ad unum interfecit. Hi sunt portentosi fratres insanæ ambitiosis.

V. 27. ET VENIT NICANOR IN IERUSALEM CUM EXERCITU MAGNO, ET MISIT AD IUDAM, ET AD FRATRES EIUS VERBIS PACIFICIS CUM DOLO. In Nicanore exemplum est hominis fraudulentis, & maxime impii; qui & irrissile legitur ritus sacros, & sprevisse, & polluisse, denique & superbe comminatus cum iureiurando se succensurum domum Dei. Sed sicut Sennacherib rex Assyriorum IV. Reg. xix. non diu inultum tulerat blasphemiam, quam per oratores suos evomuerat in locum sanctum; ita & Nicanor iste, persequente eum vindicta divina, paulo post cum toto exercitu suo interiit, & caput impii & dextra in sublimi loco posita contra templum Domini, omnibus documento fuisse iustitiam Dei adversus impios ultionis. Sed quid est, quod sacerdotes in oratione ad Deum precantur hoc modo? *Fac vindictam in homine isto, & exercitu eius, & cadant in gladio. Memento blasphemias eorum, & ne dederis eis ut permanent; cum vindictam expetere non liceat?* Respondeo, duobus modis vindicta expetitur; vel ex do-

lore privatæ iniuriæ; vel ex amore iustitiæ divinæ. Priori modo non licet, posteriori licet; sicut & Ezechias super Sennacherib vindictam expetiit, & Elizeus super pueris iridentibus eius calvitiem, & Martyres super persecutoribus Apoc. vi.

M A R I A N A E.

Vers. 1. **D**EMETRIUS SELEUCI FILIUS. Seleucus hic fuit frater Antiochi Epiphanis. Demetrius pro patre obles Romæ: Appianus in Syriacis. Fallitur Iustinus Lib. XXXIV. cum Demetrium Antiochi Epiphanis fratrem facit. Fuit Eupatoris patruelis, & audita patris morte, clam Roma! & cum paucis discedit. IN CIVITATEM MARITIMAM APPULIT. Quæ ea civitas? Tripolis, II. Mach. xiv. 1. Phœniciz urbs est.

V. 2. UT INGRESSUS EST DOMUM REGNI, id est regnum. COMPREHENDIT EXERCITUS ANTIOCHUM. Puto hunc exercitum fuisse, qui ductore Philippo ex Perside venerat. Eo victo & sub lato quamvis, irritati manserunt, & occasione oblata contra Eupatorem rebellaverunt.

V. 5. ET ALCIMUS DUX EORUM. Hic Menelao successerat anno superiore 150. ut Iosephus Lib. XII. cap. xv. VOLEBAT FIERI SACERDOS, id est in Pontificatu confirmari a Demetrio, quem ab Antiocho Eupatore iam acceperat. Erat quidem ex semine Aaron, vers. 14. tum Iosepho, Lib. ult. cap. pænultimo, sed intrusus tum Menelaus, tum ipse Nicephorus in Catalogo Alcimum alienigenam vocat. Legitimi sacerdotes, Mathathias & filii. Verum ob turbationem temporum non puto Mathathiam id munus exercuisse, & ob id neque a Iosepho, neque a Nicephoro Const. numerari inter Pontifices Hebraicos.

V. 6. ET NOS DISPERSIT, eiecit e terra nostra Iudas.

V. 8. DOMINABATUR TRANS FLUMEN MAGNUM, scilicet Euphratem. Mesopotamiz Præfectus erat Bacchides.

V. 13. PRIMI, ASSIDAE QUI ERANT IN FILIIS ISRAEL. Græce, *Primi Assidæ erant in filiis Israel*. De Assidæ dictum est cap. xi. 42.

V. 18. NON EST VERITAS ET IUDICUM: *Kien, iudicium* hic sumitur pro iure, pro iustitia.

V. 19.

V. 19. *APPLICUIT IN BETHZECHA* seu *castrametatus est in Bethzeth*, ut est Græce. Num hic locus est, quem *Bethzatham* vocavit cap. vi. 33. prope Ierusalem? Nihil certi.

V. 20. *RELICUIT CUM EO AUXILIUM IN ADIUTORIUM IPSI*, *exercitum ut auxiliaretur ei*: sic est Græce: reliquit Bacchides cum Alcimo.

V. 21. *SATIS AGEBAT*; vel *satagebat*, curabat diligenter, *ἐπιμεύων*, Alcimus.

V. 24. *CESSAVERUNT ULTRA EXIRE*. Græce, *ire*, id est aggredi regionem Iudææ non audebant.

V. 26. *MISIT REX NICANOREM*, scilicet Deinetrius. Venerat is cum eo Roma, ex Iosepho, eoque gratissimuserat ei.

V. 31. *CAPHARSALAMA*. Hæc est *Antipatris*, Palæstinæ urbs, hodie *Asfur*. Iosephus Lib. XVI. campum ubi erat Antipatris, *Capharsabam* vocat.

V. 34. *ET POLLUIT*. Nicanor sacerdos adgens, scilicet ad illicita & vetita in Lege.

V. 39. *CASTRAS APPLICUIT*; seu *posuit*, ad *BETHORON*. Urbs in tribu Ephraim: Ioseph. xvi. 3. *OC-CURRIT ILLI EXERCITUS SYRIÆ*. Venerunt ad Nicanorem novæ copiæ.

V. 40. *IUDAS APPLICUIT*. Castra posuit in *ADARSA*. Græc. *Adasa*. Gotth. *adversa*. Utramque vitiosè ex Hieronymo de Locis Hebr. Erant ea loca vicina, & castra castris collata. O Deus,

V. 42. *SUPER SANCTA TUA male locutus est: in te dixit iniqua, contra sancta tua*. Sic Gotth.

V. 43. *TERTIADÉCIMA DIE MENSIS ADAR*. Is est Februarius, anni Hebr. mens ultimus. Victos Iudæi persecuti sunt.

V. 45. *AD ADAZER*. Græc. *Adasa*: nempe ibi prælium fuit. *GAZARA*. Urbs tribus Ephraim data *Levitis* Iosue xxi. 21. non procul Nicopoli. *TUBIS CECINERUNT POST EOS CUM SIGNIFICATIONIBUS*, id est victoriam partam significantes. Varii sonus tubæ varia in bello significant, quibus pro voce utuntur.

V. 46. *VENTILABANT EOS CORNIBUS*, *ἐκπνεύοντες*, id est cornua utroque ex latere, omni ex parte supientibus instabant. Id significat *ventilare cornibus*. ET *CONVERTEBANTUR ITERUM AD EOS*. Græce, *Et convertébantur hi ad hos*, id est quif-

Bib. Sac. Tom. XXII.

que feriebat quem poterat, & qui illi occurrebat.

V. 49. *CONSTITUIT AGI OMNIBUS ANTES DIEM FESTUM*. De hoc Festo Lib. II. cap. ultimo vers. 37.

MENOCHII.

Verf. 1. **D**EMETRIUS SELEUCI FILIUS: Seleuci qui fuit Antiochi Epiphanis frater. Ab URBE ROMA: ubi obfessus fuerat pro Epiphane patruo, & unde cum paucis clam aufugit. IN CIVITATEM MARITIMAM: Tripolim Syriæ. REGNAVIT ILLIC; id est, ibi primum ut rex Syriæ acceptus, & salutus est.

V. 2. *REGNI PATRUM SUORUM*: sibi scilicet a patre Seleuco, & Antiocho magno avo debitum, tamquam primogenito Seleuci, eius primogeniti.

V. 5. *QUI VOLEBAT FIERI SACERDOS*: scilicet summus; iam enim erat ex ordine sacerdotali: vide II. Machab. xiv. 3.

V. 7. *VIrum CUI CREDIS*: tibi fidem. AMICOS EUS, ET ADIUTORES EORUM: intelligit Assidæos, ut patet ex II. Lib. cap. xiv. 6.

V. 8. *TRANS FLUMEN*; scilicet, Euphratem. MAGNUM EN REGNO: virum primum inter regios satrapas.

V. 11. ET NON INTENDERUNT SERMONIBUS EORUM. Iudas cum suis ex divino lumine, & rerum militarium pericia, intellexit fidem non esse adhibendam Bacchidi, nec Alcimo sacrilego. Alii vero viri minime mali, ex seipfis alios metientes fidem adhibendam putaverint, sed suo malo.

V. 13. ET PRIMI ASSIDAR, &c. Ordo est: & Assidæi, qui primi erant in filiis Israel, exquirebant ab eis pacem.

V. 15. ET LOCUTUS EST, &c. quasi dicat, Fuerat enim locutus, &c. & iuraverat.

V. 7. *CARNES SANCTORUM*, &c. Sancti erant Assidæi professione religionis, & fidei: sumptum est hoc testimonium ex Psalm. lxxviii. 2.

V. 18. *IUDICIUM*, id est iustitia, seu probitas. CONSTITUTUM, id est pactum.

V. 20. *COMMISSIT REGIONEM ALCIMO*: ut scilicet eius gubernator esset, & Pontifex loco Iudæ, eumque omni ope, & studio prosequeretur. IN ADIUTORIUM IPSI: ut Iudæ resistere posset.

Ddd

V. 21.

V. 21. ET SATIS AGEBAT ALCIMUS, &c. sollicitus erat, & conabatur Pontificatu spoliare Iudam, eoque se, iuxta Demetrii voluntatem inducere. PRO PRINCIPATU SACERDOTII: *πρὸς ἀρχιεπισκοπῆς, de summo sacerdotio.*

V. 22. FECERUNT PLAGAM MAGNAM: excursionibus faciendis, in quibus etiam caedes patrabant, rapinas, &c.

V. 24. EXIRE: excurrere, populari.

V. 26. NICANOREM: præpositum Elephantorum, ex Lib. II. xiv. 12. QUI ERAT INIMICITIAS EXERCENS CONTRA ISRAEL. Fortasse erat Iudæis infensus, quia turpiter ab illis victus proflugerat Antiochiam, ex Lib. II. cap. vii. 35.

V. 30. CONTRITUS EST, id est timuit sibi.

V. 31. IUXTA CAPHARSALAMA: quam urbem Adrichomius in tribu Manassis cis Iordanem collocat; posteaque ait ab Herode restructam; & a parente suo Antipatrida appellatam.

V. 32. IN CIVITATEM DAVID; hoc est, in arcem, quam adhuc hostes tenebant.

V. 33. VERBA, id est gesta.

V. 34. POLLUIT, id est ignominiosetavit: *ῥυπαρὸν ἀνέχεσθαι.*

V. 36. STETERUNT: non significat erecto corpore fuisse, sed steterunt positum est pro manserunt, scilicet orantes, ut par est credere, flexis genibus. ANTE FACIEM ALTARIS: holocaustorum, quod erat in attio sacerdotum ante ipsum templum.

V. 38. UT PERMANEANT: ut vivant, ut superfluit sint.

V. 39. OCCURRIT ILLI EXERCITUS SYRIÆ: incrementum copiarum ex Syria.

V. 40. IN ADARSA. Hunc vicum triginta tantum stadiis a Bethoron abfuisse scribit Iosephus; licet enim Adarsa in locis Samaritæ, & tribu Ephraim esset, Bethoron autem in tribu Benjamin, contiguæ tamen erant tribus illæ, ut absurdum non sit tam exiguo spatio distasse inter se.

V. 41. QUI MISSE ERANT A REGE SENACHERIB, &c. Historia habetur IV. Reg. xix. 35.

V. 42. SUPER SANCTA, id est contra templum. INDICA, &c. puni, vindica, ut exigit malitia eius.

V. 43. MENSIS ADAR: qui Februario nostro respondet.

V. 45. AB ADAR: loco prælii, qui

num. 40. dictus est Adarsa. CUM MONTIFICATIONIBUS: ut scilicet omnes undique convolarent ad fugientium hostium caedem. In Græco est, *signorum*, quibus scilicet dari solebat signum bellicum, seu classicum cani.

V. 46. VENTILABANT EOS CORNIBUS, id est vehementer illos persequantur, & impetebant: metaphoraumpta est a tauris. ITERUM, id est subinde; quasi dicat, Sæpe cædendo, donec tandem omnes decerent.

V. 47. QUAM EXTENDERAT SUPERBE: scilicet contra domum sanctam omnipotentis Dei, ut dicitur Lib. II. cap. xv. 32. CONTRA, id est e regione, scilicet prope.

V. 50. SILUIT, id est quievit, pacata fuit.

T I R I N I.

Vers. 1. DEMETRIUS SELEUCT Philopatoris filius, extincto parente, fraude patris sui Antiochi Epiphanis spoliatus patrum, cum propter teneram ætatem minus idoneus esset rebus gerendis, Romæ tantisper latuit dum adoleveret, nemper per annos circiter quatuordecim. Adultior factus, ANNO CENTESIMO QUINQUAGESIMO PRIMO regni Græcorum EXIIT AB URBE ROMA, ET CUM PAUCIS VIRIS, quo tutius lateret, ACENDIT IN CIVITATEM MARITIMAM: Tripolim fuisse dicitur II. Mach. xiv. 1. ubi volentibus omnium animis pro legitimo rege agnitus & admissus REGNAVIT ad tempus: nempe donec collectis copiis, & certior factus de mente ducum exercitus Syriaci, iis invitantibus.

V. 2. INGRESSUS EST DOMUM REGNI PATRUM SUORUM, id est Antiochiam urbem regiam, & sedem regni paterni. Cum mox EXERCITUS ab Antiocho ad Demetrium deficiens comprehendit ET ANTIOCHUM iam undecennem a, ET LYSIAM protegem, UT captivos adducerent ad Demetrium. Qua te compeita, Demetrius,

V. 3. NOLITE, inquit, MIHI OSTENDERE FACIEM TILORUM; quasi dicat: Nolo vivos habere, sed mortuos. Hoc accepto mandato:

V. 4. OCCIDIT EOS EXERCITUS. Nec vero favit Iudæis Demetrius, tum ob auxilium

Iudæos optem ferret. Sed omnes illæ copiz

V. 40. IN ADARSA; Græce, in *Adasa* (ut & vers. 45.) a TRIBUS MILLIBUS VIRIS Iudæ, *tertiadecima die mensis Adar*. id est principio nostri Martii, vers. 43. cæso ante omnes ipso Nicanore,

V. 44. Fugæ, fugatæ, *contra sunt*. Iudæis fugientes persequentibus vers. 45. AB ADAZER; Græce, *Adasa*, ubi pugna vers. 40. commissæ fuerat, ulque in GAZARA, urbem tribus Ephraim, quæ Levitis cesserat Iosue xxi. 21. haud procul Nicopoli: ET TUBIS POST fugientium terga *canentibus*, CUM SIGNIFICATIONIBUS partæ victoriæ: vel potius cum signo bellico, quod cantu tubarum dabant vicinis & accolis omnibus, ut & ipsi in hostes fugientes arma verterent; uti & fecerunt:

V. 46. ET VENTILABANT EOS CORNIBUS. Metaphora est a tauris desumpta, qua significare volunt Iudæos omni ex parte fugientes instituisse, nullo ad evadendum vel latitandum loco relicto. Nam post casus semel uno loco, CONVERTEBANTUR AD EOS qui effugerant, seu in eodem, seu in vicino loco indagandos & iugulandos, adeo UT NEC UNUS EX IIS RELICTUS sit in vivis. Fugios hæc omnia describuntur Lib. II. Machab. cap. ult. ubi prostrata dicuntur 35000. Addit Gorioides o, Nicanorem ipsiusmet Iudæ manu in duas partes dissectum fuisse.

V. 47. PORRO CAPUT ET DEXTERAM blasphemii tyranni SUSPENDERUNT IUDÆI CONTRA IERUSALEM, id est e regione, seu prope urbem, nempe CAPUT in arce, manum prope templum, ut dicitur II. Machab. ult. vers. 33. & 35. Idque in memoriam perpetuam tum victoriæ, tum ultionis divinz, ut ibid. additur.

(a) t. Mach. vi. 17.

(b) Supra, in fine cap. vi.

(c) Infra hic, 24.

(d) II. Mach. xiv. 2.

(e) Ibid. vers. 7.

(f) Ioseph. Lib. XII. Antiq. cap. xv.

(g) II. Mach. xiii. 4.

(h) Ioseph. sup.

(i) Ioseph. Lib. II. Belli cap. xii. Gorioid. Lib. I. cap. xxxi. Lib. IV. cap. vi.

(k) 3222. hic & in Trifarelio.

(l) Mariana in I. Mach. xi. 42.

(m) Ioseph. sup.

(n) Ioseph. Lib. XVI. Antiquit.

(o) Ioseph. Gorioid. sup. cap. xxi.

GORDONI.

Huius argumenti sunt, quæ de Alcimo narrantur, Lib. II. cap. xiv. ulque ad vers. 11. ubi notatur annus Græcorum 150.

V. 1. Demetrius hic Seleucum patrem habuit, fratrem Antiochi Epiphanis: ex Appia in Syriacis. Fuit pro Epiphanis patris obles Romam missus a Paire, & nunc Roma clam fugiens, recipitur a Syris, anno 151. & liler secundus cap. xiv. 1. dat in hunc primum annum Demetrii incidisse tertium annum Eupatoris: patruelis erant, & triennium accipe inchoatum: certe (ut apparet) a principio regni Eupatoris. Nam coepit regnare Eupator paulo ante annum 150. hinc Eusebius in Chronico biennium tantum dat Eupatori: reliqua vide in opere Chiron. an. 384. & deinceps.

V. 5. Anno quo occisus est Menelaus sub Eupatore, eodem etiam quæ impius Alcimus Pontificatum accipit: ex stirpe quidem Aaronis (Lib. I. cap. vit. 14.) ramen verus Pontificatus erat apud Machabeos. At a quo factus Pontifex Alcimus? certe primum ab Eupatore statim occiso Menelao. Deinde a Demetrio ut hic habetur. Hinc in Græco est (cap. xiv.) *πρωτόμυθος ἀρχιερέως*, hoc est ante factus summus sacerdos, scilicet a rege ethnico, alioqui legitime exclusus ab hac successione per apollasiam, citato etiam cap. xiv. 4. dicitur obtulisse regi tallos: *ῥαμνός* ramum significat, ramos aureos & aureas palmas obtulit: templo subiectas has res intelligo. At qui sunt Assidæi c. illo xiv. vers. 6. certe qui præ ceteris maiorem religionis cultum præ se ferebant. Quasi benignitate & benevolentia insigniti. Hebr. *חסידים*, *benignus* & *חסידים* *hesed*, *benignitas*. Sed de Assidæis proluxe alii, & noster Serr. ad cap. vit. Lib. I.

Pars altera capituli septimi.

Nicanor missus a Demetrio rege, cum exercitu venit in Iudæam, vers. 27. dolo agit. Sed detectus aperte grassatur, vers. 29. vers. 31. minatur ruinam templi post editum a pugna, 33. & 36.

Additio. Huc referenda sunt, quæ narrantur Lib. II. cap. xiv. a vers. 13. ulque

ad finem capitis, ubi prolixius narratur, quæ hæc parte II. cap. vii. sunt indicata.

V. 28. Pacem quidem, & amicitiam initio habuit cum Iuda. Sed ex citato hic cap. xiv. iubente rege mutata est in bellum. At quomodo vers. 25. cap. xiv. uxorem ducit Iudas, cum sit Assidæus, ut indicatum iam est, seu Essenis (Essenis omnia erant communia.) Certe demus du xisse uxorem; tamen institutum Essenorum retrinuit; habens, inquam, omnia communia: quamvis revera de eius filio nullam faciat mentionem Scriptura. Quod si filium suscepit, vix potuit esse nisi posthumus, cum hinc ad mortem Iudæ vix superfluit novem menses. Quæ vero Lib. II. cap. xiv. 25. dicuntur de communi vita reterta, eam intellige, quæ Essenorum propria erat; quam vitæ constantiam, & firmitatem designat, *in iudæis*.

At quid illud hoc capite septimo, vers. 32. Capharsalomo. Iosephus Lib. XVI. vocat Capharsalām Antipatris, urbs erat Palæstinæ.

Ceterum Razias, de quo Lib. II. cap. xiv. vers. 37 fuit primæ nobilitatis, *ἐξ ἀρχαίων* habitus, seu boni communis amator. Nam mirum videtur hunc qui seipsum occidit, laudari a Scriptura: de quo multa. Aug. de hæres. Hæz. lxi. & Lib. II. contra Gaudentium cap. xx. circumcellionum insaniam damnans, præsertim epist. lxi. Sane Aug. magis videtur damnare hoc factum quam probare. Quod autem laudari nunc videatur, referunt aliqui ad merita eius in Reipub. antea, & quæ hic recensentur: nisi quis velit hic, factum hoc de quo agitur laudari, ut in Samfone, velut patrum peculiari aliquo instinctu divinitus immisso, ne forte retervatus ad tormenta incidere in perfidiam: aut etiam nisi quis dicat non laudari facinus hoc ut bonum, sed ut audax, & constantis animi indicium.

Pars tertia capitis vii. Iudas.

Nicanor castra movet in Iudam, vers. 39. orat Iudas 40. & 42. certatur 43. vincitur, & occiditur Nicanor, vers. 44. & 45. deletur exercitus 46. spolia, 47. dies festus instituitur, vers. 49.

Additio. Huc spectant quæ narratur cap. ult. Lib. II. usque ad vers. 38. ubi Iudæi compulsi ad bellum cum Nicanore dissuadent illi bellum in Sabbato, vers. 3. & 4. insanus tamen blasphemator Nicanor pergit. Somnium Iudæ, vers. 12. hortatur suos, vers. 17. orat, vers. 22. pugnat 25. victus & occisus Nicanor fuso exercitu, vers. 28. suspensum caput in arce, 32. & 33.

Clara hic sunt omnia, duo non placent tibi adversariis & Novatoribus. Primum, *ne novitiorum*; nolent enim ad divinum honorem & sanctorum dies aliquot certos designari. Sed passim sunt refutati, convicti, damnati: alterum quod displicet novis hominibus est somnium illud Iudæ divinitus immisum, in quo legunt sanctos pro nobis orare: valde hos verat sacra libri auctoritas. Nam aliud quod contra hoc obganniant nihil habent; extrema hæc verba, *populi mei Israel*, non sunt in Græco, nisi per sensum priorum verborum, & proinde stat iusta versio nostri interpretis.

Ratio nominum propriorum.

- V. 8. TRANS FLUMEN, Euphratem.
- V. 13. PRIMI ASSIDÆI: nobiliumordo: sic qui primi erant, exquirebant pacem.
- V. 17. CARNES SANCTORUM. Assidæi sancti erant possessione religionis vetæ.
- V. 28. CONSTITUTUM: pactum.
- V. 31. CAPHARSALAMA. Herodes Antipatrida vocavit; est cis Iordanem in Tribu Manassis.
- V. 32. CIVITATEM DAVID. Hanc arcem adhuc hostis tenebat.
- V. 36. ALTARE EST HOLOCAUSTORUM: in atrio sacerdotum.
- V. 40. ADARSA. Vicus in confinio Tribus Benjamin, tamen in Tribu Ephraim & Samaria.
- V. 41. SENNACHERIB. Vide IV. Reg. xix.
- V. 43. ADAR. Februarius est.
- V. 45. ADAZER. Est Adarsa, vers. 40. CUM SIGNIFICATIONIBUS, dando signum, ut undique concurreret in hostes.
- V. 46. VENTILABANT: Persequebantur vehementer, ITERUM, & sæpius instabant & occidebant.

CAPUT VIII.

Iudas, audita celeberrima Romanorum fama ac virtute quæ hic recitantur, missis nuntiis fœdus cum illis percussit, ut ipsorum præsidio Iudei a Græcorum iugo liberentur: Romani autem Iudæ remittunt iſti fœderis reſcriptum in tabulis æreis ſculptum, quod hic reſertur.

1.  T audivit Iudas nomen Romanorum, quia sunt potentes viribus, & acquiescunt ad omnia, quæ postuluntur ab eis: & quicumque accesserunt ad eos, statuerunt cum eis amicitias, & quia sunt potentes viribus. 2. & audierunt prælia eorum, & virtutes bonas, quas fecerunt in Galacia, quia obtinuerunt eos, & duxerunt sub tributum: 3. & quanta fecerunt in regione Hispaniæ, & quod in potestatem redegerunt metalla argenti & auri, quæ illic sunt, & possederunt omnem locum consilio suo, & patientia: 4. locaque quæ longe erant valde ab eis, & Reges qui supervenerant eis ab extremis terræ, contriverunt, & percusserunt eos plaga magna: ceteri autem dant eis tributum omnibus annis: 5. & Philippum & Perſen Cætorum regem, & ceteros qui adversum eos arma tulerant, contriverunt in bello, & obtinuerunt eos: 6. & Antiochum magnum regem Asiæ, qui eis pugnam intulerat habens centum viginti elephantos, & equitatum, & currus, & exercitum magnum valde, contritum ab eis: 7. & quia ceperunt eum vivum, & statuerunt ei ut daret ipse, & qui regnarent post ipsum, tributum magnum, & daret obsides, & constitutum, 8. & regionem Indorum, & Medos, & Lydos, de optimis regionibus eorum: & acceptas eas ab eis, dederunt Eumeni regi: 9. & quia qui erant apud Helladam, voluerunt ire, & tollere eos: & innotuit sermo his, 10. & miserunt ad eos ducem unum, & pugnaverunt contra illos, & ceciderunt ex eis multi, & captivas duxerunt uxores eorum, & filios, & diripuerunt eos, & terram eorum possederunt, & destruxerunt muros eorum, & in servitutem illos redegerunt usque in hunc diem: 11. & residua regna, & insulas, quæ aliquando restiterant illis, exterminaverunt, & in potestatem redegerunt. 12. Cum amicis autem suis, & qui in ipsis requiem habebant, conservaverunt amicitiam, & obtinuerunt regna, quæ erant proxima, & quæ erant longe: quia quicumque audiebant nomen eorum, timebant eos: 13. quibus vero vellent auxilio esse ut regnarent, regnabant: quos autem vellent, regna deturbabant: & exaltati sunt valde. 14. Et in omnibus istis nemo portabat diademata, nec induebatur purpura, ut magnificaretur in ea. 15. Et quia curiam fecerunt sibi, & quotidie consulebant trecentos viginti, consilium agentes semper de multitudine, ut quæ digna sunt, gerant: 16. & committunt uni homini magistratum suum per singulos annos dominari universæ terræ suæ, & omnes obediunt uni, & non est invidia, neque zelus inter

inter eos. 17. Et elegit Iudas Eupoleum, filium Ioannis, filii Iacob, & Iafonem, filium Eleazari; & misit eos Romam conficere cum illis amicitiam, & societatem: 18. & ut auferrent ab eis iugum Græcorum, quia viderunt quod in servitutem premerent regnum Israel. 19. Et abierunt Romam viam multam valde, & introierunt curiam, & dixerunt: 20. Iudas Machabæus, & fratres eius, & populus Iudæorum miserunt nos ad vos statuere vobiscum societatem & pacem, & conscribere nos socios & amicos vestros. 21. Et placuit sermo in conspectu eorum. 22. Et hoc rescriptum est, quod rescripserunt in tabulis æreis, & miserunt in Ierusalem, ut esset apud eos ibi memoriale pacis & societatis. 23. BENE SIT ROMANIS, & genti Iudæorum, in mari & in terra in æternum: gladiusque & hostis procul sit ab eis. 24. Quod si institerit bellum Romanis prius, aut omnibus sociis eorum in omni dominatione eorum: 25. auxilium feret gens Iudæorum, prout tempus distaverit, corde pleno: 26. & præliantibus non dabunt, neque subministrabunt triticum, arma, pecuniam, naves, sicut placuit Romanis: & custodient mandata eorum, nihil ab eis accipientes. 27. Similiter autem & si genti Iudæorum prius acciderit bellum, adiuvabunt Romani ex animo, prout eis tempus permiserit: 28. & adiuvantibus non dabitur triticum, arma, pecunia, naves, sicut placuit Romanis: & custodient mandata eorum absque dolo: 29. secundum hæc verba constituerunt Romani populo Iudæorum. 30. Quod si post hæc verba hi aut illi addere aut demere ad hæc aliquid voluerint, facient ex proposito suo: & quæcumque addiderint, vel dempserint, rata erunt. 31. Sed & de malis, quæ Demetrius rex fecit in eos, scripsimus ei, dicentes: Quare gravasti iugum tuum super amicos nostros, & socios Iudæos? 32. Si ergo iterum adierint nos, adversum te faciemus illis iudicium, & pugnabimus tecum mari terraque.

COMMENTARIA

S. A.

Vers. 1. **A** CQUIESCUNT AD, id est facile concedunt.

V. 2. VIRTUTES BONAS, id est egregia facta. IN GALATIA, id est contra Gallos.

V. 3. LOCUM, scilicet Hispaniæ; vel quasi dicat, Omnia loca quæ possidebant, consilio sibi & patientia pararunt.

V. 4. SUPERVENERANT EIS, id est eos bello laceraverant. CETERI, scilicet a eadem superstitēs.

V. 7. CONSTITUTUM, scilicet quod sequitur.

V. 8. INDORUM. Ad veritatem historię sufficit, Iudam ita audisse; etsi aliter forte res haberet. EORUM, scilicet fuisse ablatas regiones has.

V. 9. HELLADAM, scilicet Græciam. TOLLERE, id est expugnare, seu interficere.

V. 12. REQUIEM; quasi dicat, Qui eis fidebant, vel acquiescebant.

V. 13. CURIAM, id est Senatū. MULTITUDINE, id est populo, scilicet recte gubernando.

V. 16. UNI, scilicet Consuli. At duo erant, sed sic auderat Iudas; ut & quod sequitur de invidia, &c. quod tamen falsum. ZELUS, id est æmulatio.

V. 23. BENE SIT, &c. Sententiam refert phrasi Hebræica.

V. 25. DISTAVERIT, id est ferret, seu postulabit. CORDE PLENO, id est promississime.

V. 26. PRÆLIANTIBUS, scilicet Iudæis. DA-

DABUNT, scilicet Romani; quasi dicat, Suis impensis Iudae bellum iuvabunt. Ab eis, scilicet Romanis.

V. 28. DABITUR, scilicet a Iudaeis. EORUM, scilicet Iudaeorum.

V. 30. EX PROPOSITO, id est pro arbitratu.

V. 32. FACIEMUS ILLIS, &c. id est defendemus eorum causam.

E S T I I.

vers. 1. **E**T AUDIVIT IUDAS NOMEN ROMANORUM QUIA SUNT POTENTES VIRIBUS, ET ACQUIESCUNT AD OMNIA. Ac tandem *vers. 16.* ET COMMITTUNT UNI HOMINI MAGISTRATUM SUUM PER SINGULOS ANNOS. Queritur, quomodo hic dicatur, uni apud Romanos commissum fuisse Magistratum? cum consilet post exactos reges, per duos consules in singulos annos eorum rempublicam fuisse administratam? Aliqui respondent, administrationem quidem fuisse praecipue penes denatum populumque Romanum; sed electos fuisse duos Consules, qui secundum leges, & ea quae a patribus conscriptis decernerentur, Rempublicam ordinarie gubernarent: atque adeo, etsi duo essent consules; tamen, quia unus semper alterum aliquo modo praecellebat, & quia communi consensu sine emulatione primis illis temporibus gubernabant, non aliter hoc fuisse, quam si ab uno homine tota Respublica regeretur. Vel etiam *dici potest*, Scripturam, ista non affirmare, sed tantum commemorare; & dicere, quod horum omnium fama venerit ad Iudam Machabaeum & Iudeos: itaque non nimis anxie de singulorum exacta veritate laborandum. Et huius responsioni favet phrasia illa mox in initio huius narrationis: *Et audivit Iudas, &c.*

V. 17. & 18. ET ELEGIT IUDAS EUPOLEUM, ET IASONEM, ET MISIT EOS ROMAM CONSTITUERE CUM ILLIS AMICITIAM ET SOCIETATEM. Scriptura hoc factum ita commemorat, ut neque laudet, neque vituperet. Improbandum videri potest ex simili; quia II. Paralip. xvi. reprehenditur Asa rex Iuda, quod inito foedere cum Benadab rege Syriae, cum in auxilium vocaverit contra hostes suos, & cap. ix. etiam reprehenditur Iosaphat, quod impio Achab praebere auxilium; & simi-

liter Sedechias rex, qui a rege Aegypti petiit auxilium. Et Rupertus Lib. X. de vict. verbi cap. ult. etiam non probat hoc foedus Iudae cum Romanis. Nihilominus Scriptura huius facti honestam causam reddere videtur, dum subiungit. ET UT AUFERRENT AB EIS IUGUM GRAECORUM, QUIA VIDERUNT QUOD IN SERVITUTEM PREMERENT REGNUM ISRAEL. Iugum scilicet illud, de quo toto hoc, & seq. libro: quo Israelitas quoque ad religionem Graecorum volebant transferre. Nec simile videtur de Asa, vel Iosaphat, qui nulla huiusmodi premebantur necessitate. Nec in Sedechia quoque simile erat. Nam vetitum erat expresse in lege, ne animo redirent in Aegyptum. Deinde auxilium petebatur in re iniuncta, quia Sedechias periturus erat Nabuchodonosori, & contra prophetias Isaiae & Ieremie mitebatur. Ac denique pro iustificatione Iudae, & fratrum eius videntur etiam facere exempla sanctorum Patriarcharum, Abrahae, Isaac, & Jacob, & sanctissimi regis Davidis, qui omnes confederati fuerunt infidelibus, non tamen hostiliter odientibus populum Dei, nec eius religionem; sicut nec Romani tempore Iudae & fratrum eius odiebant. Vide Molanum Lib. I. de fide servanda cap. xx. & xxi.

M A R I A N A E.

vers. 1. **A**UDIVIT IUDAS. Verum est, audivisse Iudam, quae sequuntur omnia. Id Scriptura dicit. Non tamen sunt necessario credenda quae illi narrata sunt. De quo Augustinus contra Priscill. cap. ix. **QUA SUNT POTENTES VIRIBUS.** Bis hoc dicitur in uno versu. Frequentes in Sacris repetitiones sunt.

V. 2. VIRTUTES BONAS AUDIVIT: *ἀνδραγαθίας, facinora.* QUAS FECERUNT IN GALATIA. Asiatica, an Europae Gallia? Utraque Galatia vocatur, ut dicimus II. ad Timotheum, iv. 10. De Asiatica agi putato, ubi bella a Romanis eo tempore gerebantur. Sic Graeca non fecerunt habent, sed faciunt.

V. 3. QUANTA FECERUNT IN REGIONE HISPANIAE. Annis 230. Romani Hispaniam subiecerunt, quantum tempus nulla alia Provincia subienda posuerunt. METALLA ARGENTI obtinuerunt. Dives olim

olim fuit Hispania iis venis: & nostra aetate Guadalcanā solina multis annis magnam argenti vim exhibuit. POSSEDERUNT OMNEM LOCUM; aut in Hispania, aut in toto orbe quem aggressi sunt.

V. 4. LOCAQUE QUAE LONGE ERANT VALDE. Græc. *Et locus erat valde distans*, id est quamvis locus valde distaret, eum obtinuerunt. Gotth. *locus qui longe erat valde ab eis*. CETERI; pro, & alii Reges dant tributum.

V. 5. PHILIPPUM ET PERSEN CETEORUM REGEM? Græc. *Citiorum*, id est Macedonum. *Citium* urbs & mons in Macedonia. Memento Alexandrum e Cethim prodiisse.

V. 6. CENTUM VIGINTI ELEPHANTOS HABUIT ANTIOCHUS. Polybius Lib. V. eduxisse eum contra Ptolemaem centum & duos ait.

V. 7. CEPERUNT EUM VIVUM. Sic dictum est Iudæ. Historici fuga elapsum Antiochum aiunt, & per Legatos de pace egisse. Aut certe aliquanto tempore fuit captus. DARET OBSIDES. Filium obsidem dedit. ET CONSTITUTUM. Græc. *διασπῆναι, divisionem*, id est Regni partem quam ex fœdere Romanis reliquit.

V. 8. ET REGIONEM INDORUM. Gotth. *Medorum*: fortassis ea est vera lectio: quid enim Romanis cum Indis? ET MEDOS. Hoc Gotth. non est. ET LYDOS, scilicet statuerunt ut daret. Ab eo verba hæc omnia reguntur. DE OPTIMIS. Græc. *ὁ de optimis regionibus eorum*; id est, alias optimas regiones statuerunt ut daret. ET ACCEPTAS EAS AB EIS. Græc. *ab eo* Antiocho DEDERUNT EUMENI. Is fuit Bithyniæ Rex, amicus Romanorum.

V. 9. QUI ERANT APUD HELLADAM. Græc. *ex Hellade*, id est Græci. TOLLERE EOS, scilicet liberare eas regiones, aut Romanos expellere. INNOTUIT SERMO, id est res illa. His, nempe Romanis.

V. 11. EXTERMINAVERUNT; seu destruxerunt.

V. 12. QUI IN IPSIS REQUIEM HABEBANT. Græc. *qui acquiescebant eis*, id est fœderati eorum, etque obtemperantes. ET OBTINUERUNT REGNA; aut fœderati, aut Romani ipsi obtinuerunt proxima & longinqua Regna.

V. 15. CURIAM FECERUNT, seu Senatib. Sac. Tom. XXII.

tum. TRECENTI VIGINTI. Numerus Senatorum Romæ fuit varius. Romulus centum constituit, deinde ad trecentos, & quadringentos, & mille creverunt aliquando.

V. 16. COMMITTUNT UNI HOMINI MAGISTRATUM. Monarchia præstaurior est aliis formis gubernandi. Verum eo tempore duo Consules Romæ erant, alternis tamē diebus imperantes, uti ex Livio colligitur, Lib. II. & XXII. atque ex Plutarcho in Numa.

V. 17. FILII IACOB. Græc. *fili Accor*. Parum refert. Certe *Eupolemus* & *Iason*, quos Iudas Romanis misit, eximii viri & nobiles fuere, ideo maiores eorum designat. Miserunt Iudæi,

V. 20. CONSCRIBERE NOS SOCIOS: *γραφῆσαι, scribi*. Gotth. *conferri*. Sed perinde est.

V. 26. NIHIL AB EIS ACCIPIENTES: nempe, a Romanis; quasi dicat, Gratis id facient. Aut ab hostibus nihil accipient, ut nec dabunt, nullum cum eis erit commercium. Græc. non est *cum eis*.

V. 28. ET ADIUVANTIBUS: *συνμαχῶν*. Puto hoc loco eam vocem significare *compugnantibus*, scilicet contra Iudæos. NON DABITUR. Gotth. *non dabunt*, scilicet Romani, triticum. CUSTODIENT MANDATA, id est statuta. EORUM. Græc. *hec*, sine fraude.

V. 29. SECUNDUM HÆC VERBA CONSTITUERUNT, id est fœdus fecerunt Romani cum Iudæis. Si mutare quid voluerint in eo,

V. 30. FACIENT EX PROPOSITO SUO. Græc. *ex beneplacito eorum*, id est utriusque partis consensu.

V. 32. SI ERGO ITERUM ADIERINT NOS. Forte legendum *vos*; id est, si vos denovo aggressi fuerint, si arma sumplerint contra vos. Græc. neutrum est pronomen; & id videtur melius, quia sequitur *contra te*. Si contra te iverint hostes, FACIEMUS ILLIS IUDICIUM, id est contra illos facto decreto bellum geremus.

MENOCHII.

Vers. 1. ACQUIESCANT AD OMNIA QUAE POSTULANTUR AB EIS. In Græco est, *ὑποτάσσονται ἰς πάντας τοὺς ἀποδεχόμενους αὐτοῖς*, quod verti potest, *Benevolos se præbent iis qui se illis adiungunt*, scilicet. Eec licet

licet acquiescendo iussis eorum postulatis. AD OMNIA QUAE POSTULANTUR, id est non semel, aut in uno aliquo eventu, sed perpetuo.

V. 2. VIRTUTES BONAS, id est egregia facinora. IN GALATIA: Galatia, nam Gallos Graeci γαλάτες appellant. Vel respicit bellum gestum contra Gallograecos, qui & Galli, & Galatæ dicti sunt, qui in bello contra Antiochum magnum a Romanis gesto a patribus regis steterunt. METALLA: fodinas.

V. 3. OMNEM LOCUM; scilicet Hispaniae. Vel generatim sensus est; quasi dicat: Omnia loca, quae possidebant, consilio sibi, & patientia parant.

V. 4. SUPERVENERUNT EIS: qui eos bello lacessiverant. CETERI AUTEM: qui scilicet ab eis armis domiti sunt.

V. 5. CETEORUM REGEM, id est Macedoniam; nam huius libri cap. 1. statim initio Macedonia, & Graecia terra Cethim dicitur. OBTINUERUNT EOS: debellarunt, vel sibi subiecerunt.

V. 7. ET CONSTITUTUM. In Graeco est διασώζω; significat autem aliquando διασώζω pacificationem, & reconciliationem animum. Sallianus putat idem valere διασώζω quod διαδίδω, pactum, foedus, sive foederis conditiones constitutas.

V. 8. ET REGIONEM INDORUM, &c. Mirum est hic dici regionem Indorum, &c. ereptam ab Antiocho, & datam Eumeni, nam Indiam neuter unquam possedit. Ad veritatem historiae sufficit Iudam ita audivisse, esse aliter res forte haberet.

V. 9. QUI ERANT APUD HELLADAM, id est Graeciam; ab accusandi casu formatus nominativus, sicut & Ptolemaida, & Lampada. AEOLUS intelligit, qui Antiochum, & Philippum ad arma capienda contra Romanos sollicitavit. TOLLERE EOS: expugnare.

V. 12. QUI IN IPSIS REQUIEM, &c. sociis, & fautoribus, qui illis fidebant, & spem in eorum auxilio ponebant.

V. 14. ET IN OMNIBUS ISTIS: cum scilicet tantum opibus, & potentia praestarent.

V. 15. CURIAM, id est senatum. DE MULTITUDINE, id est de populo, scilicet recte gubernando.

V. 16. UNI: scilicet consuli. At duorant: sed sic audierat Iudas, ut etiam

quod sequitur de invidia, &c. quod tamen falsum est. ZELUS: æmulatio.

V. 23. BENE SIT ROMANIS, &c. sententiam rescripti refert phrasi Hebraica.

V. 25. DICTAVERIT, id est feret, aut postulaverit. CORDE PLENO, id est promississime.

V. 26. PRAELIANTIBUS, scilicet Iudæis. NON DABUNT, scilicet Romani; quasi dicat: Suis impensis Iudæi copias auxiliares mittent. Tota sententia decreti est, ut Iudæi pro Romanis, & vice versa Romani pro Iudæis, suis sumptibus militare teneantur, pro arbitrio eorum, in quorum utilitatem pugnabitur: hoc enim est quod dicitur, Custodient mandata eorum. Nam quibus in bello necessaria suppetenda sunt, si non amicit, aut socii, sed conductitii milites videntur.

V. 30. EX PROPOSITO SUO, id est arbitrato, consentientibus tamen partibus.

V. 32. SI ITERUM ADIERINT NOS: Iudæi; expostulantes quod male tractentur. FACIEMUS ILLIS IUDICIUM: eos iutabimur, & vindicabimus. Respondet phrasi Ital. Faranno loro ragione.

T I R I N I.

Verf. 1. AUDIVIT IUDAS; & verf. 2. AUDIERUNT Iudæi. Certum ergo hæc omnia fuisse Iudæis enarrata de Romanis: sed necessum non est, ut quæ narrata illis sunt, omnia vera sint. Sic certum est, blasphemos Iudæos dixisse de Christo, potatorem vini, populi seductorem, demonio plenum: non tamen ideo vera erant quæ dicebantur. Nam Scriptura quid narretur, enuntiat: non tamen affirmat, verum esse quod narratur. Hoc responso eludi possent, si quæ in his quæ de Romanis hic sane ampla & magnificaarrantur, deprehendi contingeret quæ probatis historiographis adversarentur. Ego tamen nihil eiusmodi deprehendere possum, & vera esse omnia ex sequentibus manifestum faciam. Nam quod de Galatis subactis narratur, sive per hos intelligas Asiaticos, sive Europæos Gallos, certum est ex Livio, Diodoro, Iustino, Floro, Iosepho, & aliis, vere utrosque a Romanis tum subactos fuisse, paulo ante hoc tem-

tempus. Quando & Punica bella, quæ hie vers. 4. obscure, sed clare apud Iosephum Iudæis enarrantur, confecta constat.

V. 3. LOCUM OMNEM HISPANIAE prudenter consilio suo et singulari patientia, post 230. annos tandem sibi subiecit, quantum tempus nulla alia provincia subigenda posuerunt; iidem auctores diserte enarrant: uti & de *fodinis auri et argenti* in Hispania, Strabo, Plinius & alii. Et nostra quoque ætate, inquit Mariana, *Guadalcana* fodina magnam nobis argenti vim exhibuit.

V. 5. PHILIPPUM Epiri & Macedonia regem, eiusque filium norum PERSEM, seu Perseum, CETAERORUM, id est Macedonum, REGEM bello obtinuerunt Romani per L. AEmilium Paulum, qui & de victum Perseum in triumphum duxit, & Macedoniam in provinciam redegit. Quæ mox

V. 6. & 7. De *Antiocho Magno*, *ASTAF* rege narrantur, vera esse patet ex dictis Danielis XI. 10. & Chronicis cap. XI. Hunc Polybius d. dicit advertere Ptolemæum eduxisse in aciem ELEPHANTOS centum & duos; quod mirum, si contra Romanos, ut hic dicitur, eduxerit CENTUM VIGINTI? Quod vivum reperire, fateor, non asserunt Livius, Florus, Appianus. Dicunt nihilominus a L. Scipione ira prestim & in arcem redactum, ut inilar captivi cesserit Romanis quæcumque petierunt, nempe TRIBUTUM his mille talentorum quotannis, proprium insuper solum inter obsoles. CONSTITUTUM quoque; Græce, *διασθέν*, id est divisionem, le licet regnorum suorum, pati debuit, & ut optime regiones suæ, nempe *Mæcia*, *Lydia*, & *india* (quo nomine videntur designari remotiores provincie ultra montes Tauri sitæ, ut ex Strabone, Procopio & aliis fide docet Serarius) sibi subtraherentur, & EUMENI Pergami & Bithyniæ regi, hosti & semulo suo, sed Romanorum amico dicerentur: ipse sola Syria & aliis inaspirabilibus regnis cis Taurum continens viveret, ut Dan. XI. 18. expolit. Quis huius duras, tam probrofas conditiones, nisi captus, vel quasi captus subeat? Fieri etiam potuit, ut ad breve spatium revera captus fuerit, sed iussu Scipionis ita non sit milis. Cur enim aliquis & levo suspectus fuit postea Romanis Scipio? cur in ius pertrahatur?

V. 9. & 10. ET QUIA QUI ERANT APUD HELLADAM; Græce, in *Hellade*, id est Græcia, VOLUERUNT IRE & bellare adversum Romanos, ET TOLLERE EOS de medio, nempe Romanas legiones illic in vicinia deponere; MISERUNT AD EOS debellandos ROMANI DUCEM UNUM suum Nabidem, & post hunc alios, qui variis præliis omnes paulatim subegerunt, teste Livio, Floro & aliis.

V. 12. AMICOS autem ET QUI IN IPSIS REQUIEM HABEBANT, id est qui acquiescebant Romanis, ut est in Græco, fidentes illis, & iussis & monitis illorum obtemperantes, opibus auxerunt & regnis. Exemplo sit Eumenes, de quo vers. 6. & tot alii.

V. 15. ET CURIAM FECERUNT SIBI Romani, id est senatum constituerunt ex *secentis viginti* capitibus. Qui numerus non semper idem fuit: primo enim certum duntaxat a Romulo constituit, mox decenti, paulo post trecenti. Et hic numerus cum aliquo subinde auctario, (ut ex hoc loco colligitur,) usque ad Græci seditiones duravit, quando 600. fuerunt senatores: post etiam 900. immo mille, & plures, teste Livio f. & aliis.

V. 16. COMMITTUNT UNI HOMINI MAGISTRATUM SUUM PER SINGULOS ANNOS. Verum id est non de solo Dictatore, sed & de Consule Romano. Nam licet duo quotannis crearentur, numquam tamen ambo simul uno eodemque loco imperabant: sed unus in urbe, alter in exercitu: unus in una orbis parte, alter in altera. Quod si uterque simul vel in urbe essent, vel in uno eodemque exercitu, singuli alternis diebus imperabant, & alteri soli sacres illo die præferebantur, inquit Livius & Siginus g. Et huius rei nimis evidens testis fuit infelix illa dies, qua contra Hannibalem ad Cannas pugnatum a Romanis fuit, iuvene Varrone Consule, cui fors eius *diei imperii* erat, nihil consulto collega suo Paulo, penes quem pridie summa imperii fuerat, & postredie rursus futura erat, ut ait idem Livius h: qui & alibi i in M. Livio Consule simile quid notat, & Plutarchus in Numa & Fabio. Idem in suis Strategis observabant Græci, in Epistolis suis Athenienses, in Decemviris suis antiqui Romani, testibus iidem Plutarchus, Sigonio, Livio k & aliis. *Decimo enim die ius po-*

pulo singulis reddebant: quo die penes praefectum iuris fascies duodecim erant: collegis novem singuli accensi apparebant. ET NON EST INVIDIA, NEQUE ZELUS INTER EOS; nempe publica, & quæ temp. in apertas factiones vel bella traherent, ut postea sub Graccho, Mario, Iulio Cæsare & aliis contigit. Eandem Romanorum concordiam sub hæc tempora eximie commendat Aristides apud Plutarchum, Iosephus, S. Augustinus & alii. Cum Romanis ergo tam potentibus, tam æquis, tam laudatis amicitiam & fœdus incundum putavit Iudas Machabæum, eo maxime consilio, ut auctoritate illorum compeferet insolentiam Demetrii regis Syriæ, cui alioquin humanis viribus se diu resistendo non esse sentiebat. Inter pacis, seu fœderis, conditiones una erat, ut, si bellum Romanis, sociisque Romanorum aliunde ingrueretur, Iudæi illis

V. 25. AUXILIUM FERANT CORDEPLENO, id est promptissime & alacerrime: Iudæis tamen sic pro Romanis

V. 26. PRAELIANTIBUS NON DABUNT ROMANI TRITICUM, ARMA, PECUNIAM, NAVES: sed de his omnibus aliisque necessariis ipsimet Iudæi suis prospicient, NIHIL a Romanis ACCIPIENTES, sed gratis, ac propria impensa illis succurrentes.

V. 27. SIMILITER VICISSIM SI GENTI IUDAEORUM PRIUS ACCIDERIT BELLUM, ADIUVABUNT EOS ROMANI EX ANIMO:

V. 28. ET ADIUVANTIBUS NON DABITUR seu commearus, seu apparatus bellicus a Iudæis: sed his Romani succurrent gratuito & propriis impensis. Sic exigit vera amicitia: durumque esset afflictis & laborantibus, nullam ab amicis opem sperare vel accipere, nisi quantam proprio re coemptum ab illis vellent.

- (a) Ioseph. Lib. XII. Antiq. cap. xviii.
 (b) Strabo Lib. III. Plin. in fine sui operis.
 (c) Sup. 1. 2. & in Chron. xlii.
 (d) Polyb. Lib. V.
 (e) Livius Lib. XXXIV. XXXV. &c. Flor. Lib. II. cap. vii.
 (f) Livius sup. VIII. &c.
 (g) Livius Lib. II. Sigon. Lib. II. de Antiquitate Roman. cap. 11.
 (h) Livius Lib. XXII. (i) Lib. XXVII.
 (k) Plutarch. in Aristide. Sigon. Lib. IV. de Rep. Athen. cap. 11. Livius Lib. III.
 (l) Ioseph. Lib. II. Cap. xviii. & xlii. August. Lib. II. de Civ. cap. xvii. & xviii. & Lib. V. cap. xii. xv. xvi. xvii.

GORDONI.

Verf. 2. ET AUDIERUNT. Quæ hic de Romanis bellis narratur, sunt in Chronologicis ad singulos annos expressius notata cum annis V. C. & Olympiadum: hic etiam univérse observa, dici hæc omnia narrata Iudæ; quamvis historicus, facer non interponat suam de omnium veritate auctoritatem, & hoc spectat ad, quarundam rerum explicationem, quæ hic dicuntur. Ceterum hæc legatio instituta post devictum Nicanorem non potuit accidisse ante hunc annum 152.

Verum ut occurratur calumniis Novatorum quærentium in scripto nodum; ibo hic paucis per aliquot capita, ut veritas historiarum clare appareat. Primum ergo Romani hic dicuntur acquiescere ad omnia quæ postulantur. Quis sanæ mentis non intelliget, hic legitime postulata, præsertim in societate ineunda? nam de hac nunc agitur. Secundum est de bello in Galatia. Certe contra Antiochum magnum pugnum est anno V. C. 563. ut ibidem notavi ad ann. orbis 3814. item contra Perseum, ann. 3834. & 3838. bella Hispanica nota sunt tempore Hannibalis & Scipionum. Tertium, an vivus captus Antiochus, ut hic dicitur, verf. 7. Resp. hoc quidem narrari, non proponi tamen ut verum, sed ut auditum. Quid vetat autem narratoribus addi, vel mutari adiuncta aliqua, seu circumstantiam. Evaluit quidem fusa, ut narrat Livius; sed cur non etiam captus dimitti clam potuit a Scipione? Quartum 120. elephantos habuisse narratur Antiochus, nimirum vel in acie, vel alibi. Quintum, quale fuit illud tributum magnum. Resp. fuisse quindecim millia talentum Euboicorum, & præter alia accedebant 12. millia talentum, numeranda intra annos 12. vide annum orbis 3814 hæc & similia intellige hic, nomine constituti, seu fœderis. Græce *σύνδοξος, διακοῦν* & *διαδοῦν*, fœdus designant, vel pacificationem. Sextum de Indis, Medis, & Lydis, verf. 8. ereptis Antiocho. Sane ut dixi anno 3814. variis provinciis multatus est Antiochus. Media hic est Thraciæ provincia: sic Oretius dat Medos Thracicos, & Asiaticos. Lydiam inter Asiæ, minoris provincias numero: de Indica provincia vari

varia pronunciant: precipue Salianus dat ex Stephano, regionem dictam Indicam circa Pontum.

V. 5. CETEORUM: Maedoniz: vide cap. 1. de Cethim.

V. 9. ET QUI ERANT APUD HELLADAM. Hellada intelligit Graeciam: hic de rebus transactis cum Aetolis agitur in Graecia: vide annum orbis 3813. & V. C. 562. & 564. quod vero addit (VOUERUNT IRE ET TOLLERE NOS) hi a Romanis defeecerunt ad Antiochum; & minabantur se ad Tyberis ripam castra posituros. Sed victi sunt a M. Aelio Glabrio: anno citato. *Hellada* nominativus formatus ab acculandi casu Graeco.

V. 13. QUIBUS VERO VELLENT. En Demetrius de quo nunc agimus, regno dum obses esset, privatum; & Antiochum Epiphanem iubente Popilio, coactum in Aegypto respondere e circulo: sic Livius, & pleraque similia.


V. 14. NEMO PORTABAT. Sic Livius Lib. II. id modo cautum est (sub Consulibus) ne si ambo fasces haberent, duplicatus terror videretur. Brutus prior concedente collega, fasces habuit: auctor porro est Halicari: trecentorum numerum a Tarquinio Prisco institutum fuisse, tamen censorum arbitrio poterat hic numerus interdum augeri; semper tamen retinebatur numerus trecentorum, sicut solet retineri numerus 70. interpretum, vel discipulorum. De purpura Consulum vide Sigonium Lib. III. de iudiciis cap. viii. Sane ex Halic. Consules non gestabant coronam, nec togam pictam purpuream: toga praetexta purpura (quamvis daretur Consulibus) non est purpurea: erat *πριπέππος* solum.

At, quid illud est vers. 16. OMNES OBEDIUNT UNI, ET NON EST INVIDIA? Certe hoc de invidia facile potest admitti, humano

quodam modo & politico; quamdiu fiat Respublica bene instituta: uni vero obediabant, sive quia ita narratum est, & sciebat in Iudaea, ut dixi vers. 2. initio; vel quia saepe fiebat, ut Consules alternis imperarent; praetertim in bello, ut narrat Livius de pugna Cannensis. Est hic porro magistratus annuus: certe ex hoc anno & singulorum imperio; sive ex unico dictatore qui interdum ad aliquot menses creabatur, facile fuit ut Iudaei ex auditu haberent pro re probabili, quae hic de Romanae Reipublicae administratione narratur.


V. 21. ET PLACUIT SERMO. Antehoc foedus omnia satis feliciter Iudaei obvenierunt, dum in suo Deo auxilium collocaret; at post hoc foedus cum Gentilibus non sic: quaestio proinde est, an recte inierint hanc societatem Iudaei. Sane Rupert. Lib. X. cap. ult. de vict. vitio vertit Iudaei hoc foedus: recte tamen, ut existimo, opinatur Salianus ann. 3894. num. 38. nullam hic culpam esse semotis periculis & scandalo, talem cum infidelibus habere societatem pro defensione iusta patriae & regni susceptionem. Nam & belluarum etiam ope utimur; & stat eum Gentilibus humana societas etiam hodie, non interdicta per ullam, aut censuram Ecclesiasticam, aut divinam prohibitionem (qualis est quae nobis prohibetur cum daemonibus:) & aperta sunt illa ex Libris Regum, & Genesi exempla de Davide & Abraham, nec improbat; eum fuerint non ad protectionem impietatis, sed ad legitimam iustamque innocentis defensionem.

V. 26. Sensus est. Suis propriis sumptibus, tam Romani pro Iudaeis, quam Iudaei pro Romanis militabant; hoc est, neutri erant, ut conductitii milites, & res geretur pro arbitrio illorum in quorum utilitatem pugnabitur.



CAPUT IX.

Bacchide & Alcimo contra Iudeam missis a Demetrio, Iudas minimo exercitu fortissime resistens occiditur, ac lugeur: graviterque afflictis piis Israelitis frater ipseus Ionathas in eius locum sufficitur: qui ob fratris Iohannis mortem percussit filios Iambri in nuptiis: rursusque percussus de Bacchidis exercitu mille viris, Alcimus ob impia in locum sanctum opera percussus a Deo paralyti, mortuus est: sed & Bacchides cum nec dolo nec vi posset Ionathan perdere, inito cum eo foedere discessit, nec amplius in Iudeam reversus est.

1.  Nterea ut audivit Demetrius, quia cecidit Nicanor & exercitus in prælio, * apposuit Bacchidem & Alcimum rursus mittere in Iudeam, & dextrum cornu cum illis. 2. Et abierunt viam, quæ ducit in Galgala, & castra posuerunt in Masaloth, quæ est in Arbellis: & occupaverunt eam, & peremerunt animas hominum multas. 3. In mense primo anni centesimi & quinquagesimi secundi, applicuerunt exercitum ad Ierusalem: 4. & surrexerunt, & abierunt in Beream viginti millia virorum, & duo millia equitum. 5. Et Iudas posuerat castra in Laifa, & tria millia viri electi cum eo: 6. & viderunt multitudinem exercitus quia multi sunt, & timuerunt valde: & multi subtraxerunt se de castris, & non remanserunt ex eis nisi octingenti viri. 7. Et vidit Iudas quod defluxit exercitus suus, & bellum perurgebat eum, & contractus est corde, quia non habebat tempus congregandi eos, & dissolutus est. 8. Et dixit his qui residui erant: Surgamus, & eamus ad adversarios nostros, si poterimus pugnare adversus eos. 9. Et avertēbant eum, dicentes: Non poterimus, sed liberemus animas nostras modo, & revertamur ad fratres nostros, & tunc pugnabimus adversus eos: nos autem pauci sumus. 10. Et ait Iudas: Absit illam rem facere ut fugiamus ab eis: & si appropriavit tempus nostrum, moriamur in virtute propter fratres nostros, & non inferamus crimen gloriæ nostræ. 11. Et movit exercitus de castris, & steterunt illis obviam: & divisi sunt equites in duas partes, & fundibularii & sagittarii præbant exercitum, & primi certaminis omnes potentes. 12. Bacchides autem erat in dextro cornu, & proximavit legio ex duabus partibus, & clamabant tubis: 13. exclamaverunt autem & hi, qui erant ex parte Iudæ, etiam ipsi, & commota est terra a voce exercituum: & commissum est prælium a mane usque ad vespem. 14. Et vidit Iudas, quod firmior est pars exercitus Bacchidis in dextris, & convenerunt cum ipso omnes constantes corde: 15. & contrita est dextera pars ab eis, & persecutus est eos usque ad montem Azoti. 16. Et qui in sinistro cornu erant, viderunt quod contritum est dextrum cornu, & secuti sunt post Iudam, & eos qui cum ipso erant, a tergo: 17. & ingravatum est prælium, & ceciderunt vulnerati multi ex his & ex illis. 18. Et

18. Et Iudas cecidit, & veteri fugerunt. 19. Et Ionathas & Simon tales Iudam fratrem suum, & sepelierunt eum in sepulcro patrum suorum in civitate Modin. 20. Et fleverunt eum omnis populus Israel planctu magno, & lugebant dies multos, 21. & dixerunt: Quomodo cecidit potens, qui salvum faciebat populum Israel! 22. Et cetera verba bellorum Iudæ, & virtutum quas fecit, & magnitudinis eius, non sunt descripta: multa enim erant valde. 23. Et factum est: post obitum Iudæ emerferunt iniqui in omnibus finibus Israel, & exorti sunt omnes qui operabantur iniquitatem. 24. In diebus illis facta est famis magna valde, & tradidit se Bacchidi omnis regio eorum cum ipsis. 25. Et elegit Bacchides viros impios, & constituit eos dominos regionis: 26. & exquirebant, & perscrutabantur amicos Iudæ, & adducebant eos ad Bacchidem, & vindicabat in illos, & illudebat. 27. Et facta est tribulatio magna in Israel, qualis non fuit ex die, qua non est visus propheta in Israel. 28. Et congregati sunt omnes amici Iudæ, & dixerunt Ionathæ: 29. Ex quo frater tuus Iudas defunctus est, vir similis ei non est, qui exeat contra inimicos nostros, Bacchidem, & eos qui inimici sunt gentis nostræ. 30. Nunc itaque te hodie elegimus esse pro eo nobis in principem, & ducem ad bellandum bellum nostrum. 31. Et suscepit Ionathas tempore illo principatum, & surrexit loco Iudæ fratris sui. 32. Et cognovit Bacchides, & quærebat eum occidere. 33. Et cognovit Ionathas, & Simon frater eius, & omnes qui cum eo erant: & fugerunt in desertum Thecuz, & confederunt ad aquam lacus Asphar. 34. Et cognovit Bacchides, & die sabbatorum venit ipse, & omnis exercitus eius, trans Iordanem. 35. Et Ionathas misit fratrem suum ducem populi, & rogavit Nabuthæos amicos suos, ut commodarent illis apparatus suum, qui erat copiosus. 36. Et exierunt filii Iambri ex Madaba, & comprehenderunt Ioannem, & omnia quæ habebat, & abierunt habentes ea. 37. Post hæc verba, renuntiatum est Ionathæ, & Simoni fratri eius, quia filii Iambri faciunt nuptias magnas, & ducunt sponsam ex Madaba, filiam unius de magnis principibus Chanaan, cum ambitione magna. 38. Et recordati sunt sanguinis Ioannis fratris sui: & ascenderunt, & absconderunt se sub tegumento montis. 39. Et elevarunt oculos suos, & viderunt: & ecce tumultus, & apparatus multus: & sponsus processit, & amici eius, & fratres eius, obviam illis cum tympanis & musicis, & armis multis. 40. Et surrexerunt ad eos ex insidiis, & occiderunt eos, & ceciderunt vulnerati multi, & residui fugerunt in montes: & acceperunt omnia spolia eorum: 41. & conversæ sunt nuptiæ in luctum, & vox musicorum ipsorum in lamentum. 42. Et vindicaverunt vindictam sanguinis fratris sui: & reversi sunt ad ripam Iordanis. 43. Et audivit Bacchides, & venit die sabbatorum usque ad oram Iordanis in virtute magna. 44. Et dixit ad suos Ionathas: Surgamus, & pugnemus contra inimicos nostros: non est enim hodie sicut heri & nudius tertius. 45. ecce enim bellum ex adverso, aqua vero Iordanis hinc & inde, & ripæ, & paludes, & saltus: & non est locus divertendi. 46. (α) Nunc ergo clamate in cælum, ut liberemini de manu inimicorum vestrorum. Et commissum est bel-

bellum. 47. Et extendit Ionathas manum suam percutere Bacchidem; & diverit ab eo retro: 48. & dissiliit Ionathas, & qui cum eo erant, in Iordanem, & transnataverunt ad eos Iordanem. 49. & ceciderunt de parte Bacchidis illa mille viri. Et reversi sunt in Ierusalem, 50. & ædificaverunt civitates munitas in Iudæa, munitionem, quæ erat in Iericho, & in Ammaum, & in Bethoron, & in Bethel, & Thamnata, & Phara, & Thopo muris excelsis, & portis, & seris. 51. Et posuit custodiam in eis, ut inimicitias exercerent in Israel: 52. & munivit civitatem Bethsaram, & Gazaram, & arcem, & posuit in eis auxilia, & apparatus escarum: 53. & accepit filios principum regionis obsoles, & posuit eos in arce in Ierusalem in custodiam. 54. Et anno centesimo quinquagesimo tertio, mense secundo, præcepit Alcimus destrui muros domus sanctæ interioris, & destrui opera prophetarum: & cœpit destruere. 55. In tempore illo percussus est Alcimus: & impedita sunt opera illius, & oclusum est os eius, & dissolutus est paralyti, nec ultra potuit loqui verbum, & mandare de domo sua. 56. Et mortuus est Alcimus in tempore illo cum tormento magno. 57. Et vidit Bacchides quoniam mortuus est Alcimus: & reversus est ad regem, * & siluit terra annis duobus. 58. Et cogitaverunt omnes iniqui dicentes: Ecce Ionathas, & qui cum eo sunt, in silentio habitant confidenter: nunc ergo adducamus Bacchidem, & comprehendet eos omnes una nocte. 59. Et abierunt, & consilium ei dederunt. 60. Et surrexit ut veniret cum exercitu multo: & misit occulte epistolas sociis suis, qui erant in Iudæa, ut comprehenderent Ionathan, & eos qui cum eo erant: sed non potuerunt, quia innotuit eis consilium eorum. 61. Et apprehendit de viris regionis, * qui principes erant malitiæ, quinquaginta viros, & occidit eos: 62. & recessit Ionathas, & Simon, & qui cum eo erant, in Bethbessen, quæ est in deserto: & extruxit diruta eius, & firmaverunt eam. 63. Et cognovit Bacchides, & congregavit universam multitudinem suam: & his, qui de Iudæa erant, denuntiavit. 64. Et venit, & castra posuit desuper Bethbessen: & oppugnavit eam dies multos, & fecit machinas. 65. Et reliquit Ionathas Simonem fratrem suum in civitate, & exiit in regionem, & venit cum numero. 66. & percussit Odaren, & fratres eius, & filios Phaferon in tabernaculis ipsorum; & cœpit cadere, & crescere in virtutibus. 67. Simon vero, & qui cum ipso erant, exierunt de civitate, & succenderunt machinas. 68. & pugnarent contra Bacchidem, & contritus est ab eis: & affligerunt eum valde, quoniam consilium eius, & congressus eius erat inanis. 69. Et iratus contra viros iniquos, qui ei consilium dederant ut veniret in regionem ipsorum, multos ex eis occidit: ipse autem cogitavit cum reliquis abire in regionem suam. 70. Et cognovit Ionathas, & misit ad eum legatos componere pacem cum ipso, & reddere ei captivitatem. 71. Et libenter accepit, & fecit secundum verba eius, & iuravit se nihil facturum ei mali omnibus diebus vitæ eius. 72. Et reddidit ei captivitatem, quam prius erat prædatus de terra Iuda: & conversus abiit in terram suam, & non apposuit amplius venire in fines eius. 73. Et cessavit gladius ex Israel: & ha-

& habitavit Ionathas in Machmas, & cepit Ionathas ibi iudicare populum, & exterminavit impios ex Israel.

(a) IL. PAR. XX. 1.

BRUGENSIS

ROMANAE CORRECTIONES.

Verf. 1. Apposuit Baecbidem. Non interponas &c.

Verf. 57. Et filius terra annis duobus. Non facile addas voci terra nomen Iuda, etiam

ampli Græce addatur.

Verf. 61. Qui principes erant malitia. Legendum est malitia quod est insidiarum, non militia quod est exercitus, id est legenda est a prima vocalis non i tertia.

COMMENTARIA

S A.

Verf. 1. CUM ILLIS, id est illis commissum.

V. 2. ANIMAS HOMINUM; pro, homines, vel animas, pro, vitas.

V. 7. DISSOLUTUS, id est consternatus animo. Not. hic, post fœdus initum cum Romanis res eis infelicitier successisse. Itemque postea Ionathæ & Simoni. Vide infra cap. XII. & XIV. ut videatur factum non placuisse Deo, cui fuerat magis fidendum.

V. 8. Si POTERIMUS; pro, si forte possumus.

V. 10. ABSIT. Mihi certe probatur illorum consilium. TEMPUS, scilicet moriendi. IN VIRTUTE, id est fortiter. CRIMEN. GRÆC. *arias*, id est *accusationem*, seu *reprehensionem*; quasi dicat: Nequid minuamus gloriam nostram, eoque reprehendamus. Equidem non video quid gloriæ deperibat, si sibi tam locisq; consuleret, seque servasset ad tempora meliora. Scio D. Amorosum laudare factum hoc, sed ego rudior sum quam ut capiam: laudare, si suorum fuisset consilium secutus.

V. 13. COMMOTA, id est concussa. Hyperbole.

V. 22. VERRA, id est gesta.

V. 23. ELORTE SUNT, id est prodierunt.

V. 31. SURREXIT, id est exhibuit.

V. 36. MADABA. Urbs est in tribu Ruben.

V. 37. VERBA, id est gesta.

Bib. Sac. Tom. XXII.

V. 38. SANGUINIS, id est cædis. TEGUMENTO, id est latebra.

V. 39. PROGRESSIT; pro, procedebat.

V. 42. VINDICAVÉRUNT; pro, fecerunt.

V. 43. IN VIRTUTE, id est cum exercitu.

V. 45. EX ADVERSO. GRÆC. *a fronte*, & *a tergo*.

V. 46. IN CAELUM, id est ad Deum.

V. 47. DIVERTIT, scilicet Baecchides.

V. 48. ET TRANSNAVÉRUNT. GRÆC. *non transierunt*, scilicet hostes.

V. 49. REVERSUS SUNT. GRÆC. *reversus est*, scilicet Baecchides cum suis.

V. 51. UT INIMICITIAS, &c. id est ut bello infestarent Israelcem.

V. 54. DOMUS SANCTÆ INTERIORIS. GRÆC. *attii interioris*, scilicet sacerdotum. PROPHETARUM, scilicet Aggæ & Zachariæ, quorum exhortatione ædificatum templum.

V. 55. MANDARE, id est disponere, ut solet a morientibus.

V. 57. SILUIT, quievit a bellis.

V. 58. SILENTIO, id est quiete.

V. 61. APPREHENDIT. GRÆC. *apprehenderunt*, scilicet hostes: quidam tamen ad Ionathan referunt. MALITIÆ: non militia; quasi dicat, Qui dederant Baecchidi illud consilium.

V. 63. DE IUDAEA; pro, in Iudæa, scilicet socii, vel militibus.

V. 65. NUMERO, scilicet militum.

V. 66. VIRTUTIBUS, id est viribus, seu fortiter gestis.

V. 68. QUONIAM; pro, itaque, vel coniunge cum sequenti versu.

Fff

V. 70.

V. 70. Et, scilicet Ionathæ, Græc. *eis*, scilicet invicem. CAPTIVITATEM, id est captivos.

V. 73. GLADIUS, id est bellum. IUDICARE, id est gubernare, seu ius dicere.

E S T I I.

Verf. 10. **E**T AIT IUDAS; ABSIT ISTAM REM FACERE, UT FUGIAMUS AB EIS, ET NON INFERAMUS CRIMEN GLORIAE NOSTRAE. D. Ambros. Lib. I. offic. cap. xlt. non dubitavit hoc factum Iudæ laudare, dicitque cum gloriosam potius mortem, quam turpem fugam suavis illis verbis: *Ne crimen nostræ religionis gloria*, sic enim ille legit pro eo quod habemus, *inferamus*. Et concludens; Habet, inquit, fortitudinem bellicam, in qua non mediocriter honesti, ac decori forma est: quod mortem servituti præferat, ac turpitudini. Hæc Ambrosius; quæ etiam publice legit ecclesia in officio. Matutinarum dominica tertia Octobris. Ex quibus etiam perspicuum fit, Iudam in hoc suo facto nec temeritate, nec tentatione Dei peccasse. Quia enim sæpe divinam operam sibi præsentem inserat in rebus valde dubiis, cum iam causa iusta esset periculo se committendi, non dubitavit, rebus humano iudicio deploratis, operam & salutem a Deo expectare; nec in hoc tentatur Deus, sed magis honoratur. Cur igitur, inquires, frustratus fuit hæc sua expectatione, & in periculo derelictus? Resp. iustos propriæ suæ expectatione nunquam frustrari, nec in periculis deserti a Deo; quia vel hoc ipsum quod petunt, consequuntur; vel visibiliter deserti, invisibiliter consolantur, & coronantur.

M A R I A N A E.

Verf. 1. **I**NTEREA UT AUDIVIT DEMENTRIUS. Goth. *ubi audit* Dementrius. Sed perinde est. DEXTRUM CORNU, id est tertiam sui exercitus partem. In acie duo erant cornua, & medium corpus. In dextro cornu lectissimi milites.

V. 2. VIAM QUAE DUCIT IN GALGALA. Urbs erat hoc nomine ultra Iordanem, Iosue iv. 20. Hic tamen pro Galilæa sumitur, ex Iosephi Lib. XII. cap. xviii. Et alioqui quorundam Baecchides inter

ultra Iordanem petens Ierosolimam? CASTRA POSUERUNT IN MASALOTH. Iosephus, in *Arbella*; sed oppida erant coniuncta, & *Masoloth in Arbellis*, ut hic dicitur.

V. 3. IN MENSE PRIMO: is erat *Nisan*, veris initio, bello sumendo idoneus. APPLICUERUNT EXERCITUM, seu castra posuerunt ad Ierusalem hostes: *παριστάδων*.

V. IUDAS POSUERUNT CASTRA IN LATSA. Urbs in tribu Iuda, Iosephus in *Berætho* ait. Eadem urbs aut vicus fortassis alio nomine. TRIA MILLIA: mille tantum Iosephus, scilicet habuit Iudas.

V. 7. DISSOLUTUS EST, scilicet Iudas: timuit, concidit animo, quia paucos secum milites habebat.

V. 11. MOVIT EXERCITUS DE CASTRIS. Temerarius videatur conatus. Nec est minoris virtutis recusare aliquando certamen, quam sumere. Iudas tamen virtute suorum subbat, quos electos habuit, verf. 5. ac præsertim ope Dei, cui facile est, paucorum armis multitudinem sternere. PRIMI CERTAMINIS. Græc. *primi pugnatores*. OMNES PŌTENTES. In prælio fortissimi milites ponuntur in primo ordine & acie, duces, centuriones, antesignani.

V. 12. PROXIMAVIT LEGIO. Phalanx, agmen, acies. Ex DUATUS PARTIBUS, id est divisa in duo cornua: sic erant hostium copiae.

V. 15. USQUE AD MONTEM AZOTI Iudas securus est hostes. *Azotus* in tribu Iuda: Ios. xv. 46. Una e quinque urbibus Philistinorum, templo Dagon nobilis: I. Reg. vi. 17. Cadit Iudas.

V. 19. IONATHAS ET SIMON TULERUNT IUDAM, induciis cum hoste factis: Iosephus Lib. XII. cap. xix.

V. 22. NON SUNT DESCRIPTA IUDÆ omnia bella: quod e Christi miraculis dixit Ioan. xx. 30. Fuit dux populi & Pontifex, non post Alcimum, nec triennio tantum, ut dicit Iosephus Lib. XII. cap. xvii. & xix. sed a morte patris sui, qui fuit etiam Pontifex. Iosephus Lib. XX. cap. pænultimo utrumque e numero Pontificum eximit, sibi contrarius.

V. 24. TRADIDIT SE BACCHIDI OMNIS REGIO: *παραδόχῃ*, *defecit*, scilicet ad Bacchidem, ut nosser ait. EORUM CUM IPSIS, scilicet Iudæorum cum ipsis habitatoribus eius, se Bacchidi tradidit. Talis afflictio non fuit.

V. 27. EX DIE QUA NON EST VISUS PROPHETA. Ultimus Prophetarum fuit Malachias, quem Hebræi Eldram putant, ut ex Hieronymo diximus initio eius Prophetæ. E quinque rebus quæ in secundo templo defuerunt, una fuit Prophetia.

V. 31. SUSCEPIT IONATHAS . . . PRINCIPATUM, seu ducatum. Suscepit etiam sacerdotium: Iosephus Lib. XX. cap. pœnultimo. Fugit Ionathas.

V. 33. IN DESERTUM THECUAE. Urbs erat prope Bethleem, unde Theeuites semina prudens, II. Reg. xiv. 2. Verum hæc Theua alia urbs erat, & trans Iordanem, ut colligitur ex vers. 34.

V. 35. ET IONATHAS MISIT. Græce & Goth. *Et misit*: sed necessario suppletur *Ionathas*. FRATREM SUUM: nempe Ioannem, qui primus ponitur inter fratres filios Mathathie, cap. II. 2. An natu maximus? non omnes consentiunt. NABUTHAEOS: seu *Nabothas* rogavit. *Naboth* seu *Nabo* erat in tribu Ruben, Num. xxxii. 38. APPARATUM commodarent, scilicet bellicum, arma, machinas.

V. 36. FILII IAMBRI EX MADABA: seu *Madaba*, Nabathæorum urbs in Arabia Stephano, in Arabia Petraea Ptolomæo *Madaba*. COMPREHENDERUNT IOANNEM, & occiderunt. Filii Iambri.

V. 37. CUM AMBITIONE, *παράνομως*, pompa, apparatu magno ducunt sponsam.

V. 43. IN VIRTUTE MAGNA, id est cum exercitu magno venit Bacchides. Goth. *in virtute multa*: sic Græc.

V. 44. NON EST ENIM HODIE SICUT HERI, ait Ionathas, id est non est locus quieti uti antea. Neque locus fugæ est: hinc hostes, inde fluvius, paludes & saltus. Superest cælestis præsidium; illud clamore invokeat.

V. 47. DIVERTIT AB EO RETRO; seu *declinavit*, fugit Bacchides.

V. 48. DISSILIIT IONATHAS, seu *infiltravit*. IN JORDANEM: cessit loco, ut fluvium hosti opponeret. ET TRANSNATAVERUNT AD EOS. Ad quos? Græce: *Et transnataverunt in ulteriorem partem*; additurque, *Et non transferam ad eos Iordanem*, scilicet ad Iudeos adversarii.

V. 49. REVERSI SUNT IN IERUSALEM: hostes scilicet; nam in eorum ditione erat.

V. 50. PORTIS, ET SERIS, seu *vestibus* Bacchides munivit: *πορθῶν, cerroios, gaudados*.

V. 51. ET POSUIT CUSTODIAM, id est præsidium militare. UT INIMICITIAS: *ἡ ἐχθρὰ*, inimico in Israel animo.

V. 52. BETHSURAM MUNIVIT. De hac arce cap. iv. 60. ET ARCEM: nempe Ierosolymitanam, propter articulum *τῆς ἀρχῆς*, arcem illam.

V. 54. MENSE SECUNDO: nempe Iar, Aprilis MUROS DOMUS SANCTAE INTERIORIS, seu *interiores*, ut Regia, præcepit Alcimus destrui. Peribolo pepercit: verum murum qui atria circumdabat, everti voluit. Erat templum instar arcis; ne ergo Iudæi eo præsidio rebellarent, providebat. OPERA PROPHETARUM. Plerique e Prophetis minoribus, ut id templum extrueretur, impense curarunt, uti ex eorum vaticiniis constat.

V. 57. SILUIT TERRA ANNIS DUOBUS. Sic Goth. quievit, non fuit bellum. Græce terra Iuda. Sed vox Iuda addititia videtur. Quæ tamen in multis Latinis codicibus legitur.

V. 61. ET APPREHENDIT. Quis? Ionathas. QUI PRINCIPES ERANT MALINIÆ. Sic lege, non *milicia*, ut plerique codices habent.

V. 62. BETHBESEN. Palæstinæ urbs in deserto. In quo deserto, non explicant: eius hoc tantum loco mentio extat.

V. 63. HIS, QUI IN IUDAEA ERANT, DENUNTIAVIT: Bacchides, nempe ut ipsum sequerentur.

V. 65. VENIT CUM NUMERO: militum scilicet, id est multis militibus: *ἀριθμῶν*, pro *per ἀριθμῶν*, cum numeris.

V. 66. COEPIT CAEDERE. Græce, *percutere*. ET CRESCERE IN VIRTUTIBUS, id est augeri copiis militaribus. Græce, *Et ascendit cum copiis*.

V. 68. CONSILIUM EIUS ET CONGRESSUS: *ἱεδοῦς*, exitus eius vanus. Initium expeditionis & finis non successerunt. Bacchides.

V. 69. IRATUS EST CONTRA VIROS INIQUOS. Proditor exilus est iis etiam quibus gratificari vult, ac præsertim si conatus fallit.

V. 70. REDDERE CAPTIVITATEM, id est captivos in eo bello dimitteret Bacchides, impetratum.

V. 73. CESSAVIT GLADIUS: non fuit bellum, sed quies.

MENOCHII.

Verf. 1. **D**EXTRUM CORNU CUM ILLIS, id est & illis camparum copiarum attribuit, quæ in dextro cornu pugnare solebat.

V. 2. **CASTRA FOSUERUNT IN MASALOTH, QUAE EST IN ARBELLIS.** Arbellam provinciam facit Scriptura, in qua oppidum Masaloth collocat. Iosephus Arbellam oppidum Galilææ superioris facit, & Masaloth missam facit. Adrichomius utramque in tribu Nephthali constituit. ANIMAS HOMINUM, id est homines.

V. 3. **APPLICUERUNT EXERCITUM AD IERUSALEM:** querebant eorum Iudam cum copiis suis. Ipso enim incolumi nihil ipsorum in Iudæa fore merito arbitrabantur.

V. 4. **SURREXERUNT, ET ABIERUNT:** Iuda non invento. **IN BEREAM:** videtur fuisse oppidulum aliquod non longe positum a Ierusalem. Iosephus Berzethum appellat.

V. 5. **IN LAISA.** Græci textus habent *Eleasa*; nec est eadem hæc Laisa cum illa, quæ erat ad Libanum montem, & fontes Iordanis, quæ etiam Dan dicta est.

V. 7. **DISSOLUTUS EST:** animo confectus.

V. 8. **SI POTERIMUS PUGNARE ADVERSUS EOS.** In Græco est, *si forte possimus debellare eos.*

V. 10. **IN VIRTUTE,** id est fortiter. **CRIMEN.** Græce *αἰτία*, id est accusationem, seu reprehensionem; quasi dicat: Ne minuamus gloriam nostram. eoque reprehendamus; licet enim nullum esset dedecus tam impares viribus ad tempus cedere, immo id recta ratio postularet, erat tamen in eius opinione, idque in Deum redundare existimabat, cui vitæ suæ terminos committebat cum dicebat, si APPROXIMAVIT TEMPUS nostrum, MORIAMUR.

V. 11. **MOVIT EXERCITUS;** scilicet, Bacchidis. **ET STETERUNT ILLIS OBVIAM:** ex adverso Iudæis. **EQUITES, regii.** IN DUAS PARTES: in duo cornua. **PRIMI CERTAMINIS:** qui in primis erant ordinibus fortissimi erant.

V. 12. **ET PROXIMAVIT LEGIO:** phalanx Græce, more Macedonico, hæc erat gravis armatura peditum, & præcipuum ro-

bur exereitus. **EX DUABUS PARTIBUS:** utrumque cornu contra Iudæos promovens. **Acies enim regionum erat lunata.**

V. 13. **COMMOTA:** concussa, reddito fodo, & per montes, & vales reperculso.

V. 18. **IUDAS CECIDIT, ET CETERI FUGERUNT:** ut fere accidit cum Dux exercitus in prælio occiditur.

V. 22. **VERBA,** id est gesta.

V. 23. **EXORTI SUNT:** coorti sunt, emerferunt: qui scilicet metu Iudæ aut abscondebant se, aut pietatem simulabant.

V. 19. **VINDICABAT IN ILLOS, ET ILUDEBAT.** *Et is tortos primum, cruciatusque ad libitum, & postremo omnes ad unum enecabat, inquit Iosephus.*

V. 27. **EX DIE, QUAE NON EST VISUS PROPHETA IN ISRAEL:** scilicet a tempore reedificati templi, quando nimirum ultimi prophetæ floruerunt, sive, ut habet Iosephus, post captivitatem *Babylonicam.*

V. 33. **IN DESERTUM THECUAE:** iam desertum Thecua, quam lacus Alphar erat in tribu Iuda, non longe a Bethlehemi: vide Adrichom. in Iuda num. 39.

V. 34. **DIE SABBATORUM:** vel in contemptum legis Iudaicæ, ut Nicanor infra Lib. II. xv. 1. vel, ut quietos Iudæos, incautosque opprimat; exultans non repuganturos propter religionem Dei.

V. 35. **FRAATREM SUUM, DUCEM POPULI:** fratrem suum Ioannem cum manu militum, ideoque eum vocat *ducem populi.* **NABUTHAEOS AMICOS SUOS:** qui longius trans Iordanem habitabant versus Orientem. **UT COMMODARENT ILLIS APPARATUM SUUM.** Ad verbum ex Græco habetur: *Deponere apud ipsos apparatus, id est impedimenta, supellectilem suam,* ut nimirum ad pugnandum essent expeditiores. Iosephus habet: *Misit fratrem suum Ioannem ad Nabathæos, Arabas, ut apud eos impedimenta deponeret.* Quare, quod in textu nostro dicitur, *commodarent,* aliqui legunt *commendarent,* propius ad sensum Græc. textus, in quo habemus *παράδοσαι.*

V. 36. **EX MADABA.** Sita erat ea urbs trans Iordanem in tribu Ruben, ad torrentem Arnon, in tabulis Adrichomii.

V. 37. **VERBA,** id est gesta.

V. 38. **SANGUINIS, id est exidis. TEGUMENTO,** id est latebra.

V. 43. VENIT DIE SABBATORUM: vide dicta supra num. 34.

V. 44. NON ENIM EST HODIE SECUT HERT, ET NUQUISTERTIUS: cum scilicet eramus in deserto Thecur, & liberum erat nobis prælum aut admittere, aut declinare. Nunc autem hostem ex aduerso, hoc est a fronte habemus, & ideo necessario nobis pugnandum est, cum flumine, & paludibus interclusi evadere alia ratione non possumus.

V. 46. IN CAELUM: ad Deum.

V. 49. PERCUTERE BACCHIDEM: ut ubi duce reliquum exercitum in fugam verteret. DIVERTIT: Bacchides istum declinavit.

V. 48. DISSILIT IONATHAS: iam de victoria desperans. ET TRANSNATAVERUNT AD EOS. In Greco est *ἡ διασπασίς* *διὰ τοῦ*, *ἢ* non transferunt ad eos, id est milites Bacchides Iudæos ultra Iordanem non sunt persecuti.

V. 47. REVERSI SUNT, scilicet, milites Bacchidis.

V. 50. AEDIFICAVERUNT CIVITATES MUNITAS, id est ædificantes munierunt.

V. 51. UT INEMICITIAS EXERCERENT IN ISRAEL; id est, ut bello infestarent Israel, & hostilitate se gererent; hoc enim est *ἡ ἐχθρά*.

V. 54. MUROS DOMUS SANCTAE INTERIORIS: arii scilicet interioris Levitarum, & Sacerdotum. PROPHETARUM; scilicet Aggei & Zachariæ, quorum exhortatione post captivitatem Babylonicam templum reedificatum.

V. 55. OCCLUSUM EST OS EIUS: usu vocis privatus. MANDARE DE DOMO SUA: disponere domui suæ: testamentum condere.

V. 57. SILUIT, id est quievit a bellis.

V. 58. IN SILENTIO, id est quiete.

V. 61. APPREHENDIT; scilicet, Ionathas. PRINCEPES MALITIÆ: qui auctores fuerant pravi illius consilii Bacchidi dati.

V. 62. IN BETHESSEN: in deserto Iericho, in tribu Benjamin, non longe a Iordane.

V. 63. DENUNCIAVIT: ut præsto essent ad expugnandam Bethessen.

V. 65. CUM NUMERO: scilicet, militum.

V. 66. ODAREN, &c. Erant hi ex Bac-

chidis exercitu. CAEDERE, hostes. CRESCERE IN VIRTUTIBUS: rebus præclare gestis clarescere.

V. 68. CONSILIUM EIUS, ET CONGRESSUS EIUS ERAT INANES, irrita scilicet tanti apparatus expeditio, quæ in dedecus, & cladem eius cederet.

V. 70. REDDERE ET CAPTIVITATEM: captivis utrinque reddiis: ut sit cum pax cum hostibus initur, etiam Bacchidem captivos reddidisse conitatur ex num. 72.

V. 72. IN TERRAM SUAM: Antiochiam scilicet, ad regem Demetrium.

V. 73. GLADIUS, id est bellum. IN MACHMAS: oppidum, quod erat in confinio tribuum Benjamin, & Ephraim. IUDICARE, id est gubernare, seu ius dicere.

T I R I N I.

Verf. 3. **M**ENSE PRIMO Nisan, ANNI CENTESIMI ET QUINQUAGESIMI SECUNDI regni Grecorum APPLICUERUNT Bacchides & Alcimus EXERCITUM AD IERUSALEM, triginta armatorum millia enumerat Gorionides *a*. Quid istis egerint, vel quamdiu hæserint incertum. Forte spe potiundæ urbis exclusi, Iudæ cum suis adveniantem procedendum obviam putarunt. Ergo relictis hinc inde pro præsidio, vel in arcibus octo millibus, soluta obsidione Ierosolymæ,

V. 4. *Abiit* IN BEREAM obviam Iudæ, ducentes secum VIGINTI MILLIA pedum, ET DUO MILLIA EQUITUM, cum Iudas

V. 5. IN LAISA, Græce, in *Eleasa*, non haberet universum nisi TRE MILLIA, sed fortium & *electorum virorum*; tunc tamen temporis minus constantium, minus fidelium: nam duo millia & ducenti conspecta hostium tanta multitudine, suorum vero paucitate, panico correpti timore, desertis in præsentem periculo sociis, obliti fiduciæ in Deum, SUBTRAHERUNT SE DE CASTRIS Iudæ, ET NON REMANSERUNT cum eo nisi OCTINGENTI VIRI.

V. 7. Hic IUDAS CONTRACTUS EST CORDE ET DISSOLUTUS EST: nempe perturbato naturaliter animo, dubius quid in tantis angustiis ageret, & inops consilii hærebatur, ac pene concedebat. Sed rebus humana via desperatis, mentem mox erigit ad Deum, & ex certa in ipsum fiducia,

cia, simul & ex ipsa] necessitate animum recipiens.

V. 8. Dixit *residuis*, sociis suis: **EAMUS** AD PROSLIGANDUM ADVERSARIOS NOSTROS, non postis nisi viribus, sed ope caelestis: *tentemus si possimus* prospere PUGNARE, & victoriam ADVERSUS EOS obtinere. Neque enim Deo vel difficile, vel insolitum esse, ipsimet sepius experti sumus *b*, per paucos prosligare etiam maximas hostium copias. Olim vero tantis adversariorum exercitibus ut obviam irent Abraham, Iosue, Gedeon, Ionathas, David, & tot alii, quantillas ipsi copias eduxerunt? His, simul & magnificis Dei promissis Deuter. xxviii. & passim in Prophetis, animatus Iudas, potuit prudenter, pie & fortiter, etiam cum tam paucis incurrere in confectos hostes. Heroica enim fortitudo, non communem tritamque viam, sed arduam magis ac difficiliorem ingreditur, Dei potius quam humano robore confisa.

Dices, Fugere dum necessitas urget, non minoris virtutis est, quam certamen inire. Respondeo, Nulla hic absoluta necessitate putabat Iudas se premi: fidebat enim virtute & robore suorum, quos etsi paucos, tamen selectos habuit, fidebat & ope divina, ut dixi. Et certe eventus, & victoria docuit, non temere tale ab ipso consilium susceptum fuisse.

Dices secundo, Fugere noloit, ne, ut dicitur, *maculam inferret gloria sua*. Respondeo, Gloria illa ipsius non erat vana & titulus gloriola mundana, sed vera, religiosa & solida gloria, quam Lib. II. caput. vers. 18. & alibi *c* discrete explicuit, nempe quæ ex defensione gloriæ Dei, veræ religionis, templi, patriæ, & piorum civium subnascebatur: ita S. August. Ambr. d & alii SS. Patres. Ergo, *Moriamur*, inquit, *in virtute*, id est fortiter, generose, gloriose, si ex decreto divino *appropriavit tempus nostrum*, ut ex hac vita excedamus. Neque enim gloriosiore morte defungi possumus, quam præ sacris aris, pro sociis, pro Deo.

V. 18. AT CECIDIT IUDAS, ET CETERI eius socii vel tum saltem FUGERUNT. Respondeo, Fugerunt certe, sed post gloriosissimam victoriam, post contritum cornu dexterum exercitus regii, post cæsa tot hostium millia, cum viribus iam exhaustis, diutius arma tractare non possent. Quod

vero dux omnium Iudas cadere a Deo permissus sit, altioris consilii fuit, quam ut a nobis capi possit. Auguratur Rupertus, Petrus Blesensis, Emanuel Sa, & quidam alii, displicuisse Deo sordus initum cum Romanis. Addit Lucas Osiander & alii hæretici, aliquid humani passum hic fuisse Iudam, debuisse plus fidere divino auxilio: Ionathæ quoque & Simoni fratribus eius ab innovato fœdere cum Romanis omnia infelicius cecidisse, immo cito extinctos esse. Verum temerarium videtur ex eventu consilia metiri. Et quis tantos viros ausu tanta vecordia, vel de Deo dissidentiaz accusare? Cur vero & hos potius damnemus, quam Abrahamum, Isaacum, Iacobum, Davidem Asaram, & tot alios, qui cum Gentilibus fœdera societatemque inierunt? An non permittunt divinæ leges, an non suadet ratio naturalis, ut ad sui suorumque defensionem, humana divinis præsidia iungantur? Vita, patria, religio, mediis omnibus (quæ vetita esse non constet) propugnentur? Potius dixerim, mortem in forti pugna & pleno victoriæ prælio Iudæ nostræ, & omnibus viris cordatis non inter adversa vel pœnas, sed inter trophæa adnumerandam esse, ut merito adnumeratur Samsoni, Ionathæ, Sauli, Iosue & tot aliis heroibus. Vide de hoc fufius Serarium f.

V. 22. CETERA VERA BELLORUM IUDÆ, id est plurimæ aliz res in bello fortiter gestæ a Iuda, NON SUNT *descriptæ*. Hic enim liber non nisi breve quoddam excerptum, seu compendium est heroicarum virtutum. Extingito Iuda,

V. 23. EMERSEUNT & cristas erigere ceperunt INQUI apostatæ, qui antea metu illius nec hiscere audebant. Sed &

V. 24. FAMES EXORTA EST MAGNA, forte frugibus ab hoste prortitis. Cum ergo gemino hosti, bello simul & fami, resistendo non essent Iudæi, urgentemque apostatæ ut pacem cum hostibus, etsi iniquis conditionibus, inirent, TRADIDIT SE BACCHIDI OMNIS REGIO EORUM CUM IPSIS INCOLIS, exceptis Machabæis, eorumque affeclis, quorum iussu

V. 31. SUSCEPIT IONATHAS PRINCIPATUM tum Ecclesiasticum, tum politicum, LOCO IUDÆ FRATRIS sui. Qui mox una cum sociis, quod pauci admodum essent,

nec tuti in urbibus Bacchidi iam devotis, FUGERUNT *trans Iordanem* g.

V. 33. IN DESERTUM THECUAE, quae alia urbs est ab illa Thecuā cis Iordanem prope Bethlehem, unde Thecutitis semina prudens, II. Reg. xiv. 2.

Cum arma & instrumenta bellica deessent fugitivis Machabæis; ex Thecuæ deserto.

V. 35. MISIT IONATHAS FRATREM SUUM IOANNEM, an seniore incertum, certum primo loco inter fratres numeratum cap. II. 2. & hic POPULI DUCEM a Ionatha designatum fuisse, missumque ad NABUTHAEOS sic dictos ab urbe *Nabo* in tribu Ruben, Num. xxxii. 38. vicinos & AMICOS SUOS, UT commodata Iudæis darent APPARATUM SUUM bellicum, arma, machinas. Sed *Iambrita*, Bacchidi magis quam Iudæis addicti,

V. 36. Ex oppido MADABA hostiliter aggressi IOANNEM, eiusque socios, & impedimenta OMNIA raperunt, & IOANNEM occiderunt. Cuius mortem ultus egregie Ionathas

V. 42. Rediit obviam Bacchidi AD REMPAM IORDANIS. Ubi suos ad fortiter præliandum inflammat.

V. 44. NON EST HODIE, inquit, sicut HERI ET NUDIUSTERTIUS, ut prohibito declinare possimus impetum hostilem, vel fuga nobis consulere. Necessitas nos cogit, & quidem inevitabilis, cum hoste configere. Mox impetu in hostes facto, perruptis aciebus,

V. 47. EXTENDIT IONATHAS MANUM SUAM ut *percuteret* & occideret BACCHIDEM, qui Iudam nuper devicerat & occiderat. Sed Bacchides effugit ictum, ET DIVERTIT AB EO RETRO: cunisque in Ionatham eiusque socios agmina hostilia undique incurrunt,

V. 48. DISSIUNT EX COMPOSITO IONATHAS eiusque socii IN IORDANEM, ET TRANSNATAVERUNT in ulteriorem ripam, ut est in Græco: nec amplius reversi sunt ad Bacchidem impugnandum. Quid vero hic hostes? Non *transnataverunt* ipsi IORDANEM AD EOS persequendos, nam assidue non potuissent. Ita in Græco & apud Iosephum. Ergo desideratis *ex sua parte mille viris*, Iosephus h. ponit duo milia.

V. 49. REVERSI SUNT Bacchides & e-

xercitus IN IERUSALEM, subditam sibi tum urbem. Nec ausus exinde bello lacessere Ionatham, *munitiones* solum construxit hinc inde, & *custodiam*, id est præsidarios, iis *imposuit*:

V. 51. UT INTIMIGITIAS EXERCERENT IN ISRAEL, id est excursionibus inde factis divexarent Iudæos.

V. 52. *Imposuit*, etiam *apparatum* *esearum* frumentum, vinum & comestum omnigenum, ut obsidionem ferre possent, si a Ionatha urgerentur.

V. 53. ACCEPTIT quoque FILIOS PRINCIPUM TOTIUS REGIONIS Iudæe in obsides, ne parentes ipsorum rebellare, & cum Ionatha conspirare auderent. Quid inter hæc pseudopontifex Alcimus?

V. 54. Is eodem ANNO CENTESIMO QUINQUAGESIMO TERTIO, MENSE SECUNDO, PRÆCEPIT DESTRUI MUROS DOMUS SANCTAE INTERIORIS. Græce, *aula*, seu atrii templi. Nempe iussit deleri muros interiores arcis quam in atrio templi Iudas Machabæus cap. iv. 60. adversus munitionem hostilem construxerat, non propria inventione, sed ad exemplum *operum* olim a *prophetis* Aggæo, Zacharia & aliis designatorum, ut præsidium & tuelum perpetuum haberent sacerdotes & Levitæ in suo templo. Hoc præsidium ne iam gauderent, & adversus arcem regiam se turarentur Iudæi, iussit impius Alcimus muros ab intus destrui: sed destructionis initio, divina vindicta

V. 55. PARALYSI PERCUSSUS interiit. Cœpto tamen operi insisterunt ipsius affectu. Nam septimo demum post anno restauravit muros illos Ionathas, cap. x. 11. Interim *Alcimi* huius morte terribus

V. 57. BACCHIDES recurrit in SYRIAM AD REGEM suum Demetrium. Et sic biennio toto pax & quies a bello Iudæis fuit, quam etiam Florius i. describit. Quamdiu ægre ferrent impii apostatæ, Machabæorum æmuli, revocant Bacchidem.

V. 61. Sed PRINCIPES tantæ MALITIÆ pacisque publicæ turbatores APPREHENDIT Ionathas, ET OCCIDIT QUINQUAGINTA viros. Advolat interim *Bacchides* cum *exercitu multo*: sed a Machabæis vers. 68. cæsus ET CONTRITUS, in impios apostatas,

V. 69. QUI CONSILIUM EI DEDERUNT, UT REDIRET IN IUDAM, iras omnes vertit, & MULTOS EX IIS OCCIDIT. Inde a *Ionatha*

V. 70. Interpellatus de pace, ultro dedit, captivis omnibus ei redditus, neque amplius in Iudæam rediit. Gorionides k dicit, fugientem *Bacchidem* in desertum, a *Ionatha* eiusque fratribus captum, cum supplex iis esset, iurasse, se quæ e Iudæa abduxerat, omnia redditurum, atque ita firmata cum illis pace liberum in Syriam demissum esse. Fides sit penes auctorem.

- (a) Gorion. Lib. III. cap. xxxiii.
 (b) I. Mach. ult. vers. 7. & 19.
 (c) I. Mach. xxi. 59.
 (d) Augult. Lib. V. de Civ. cap. xxi. 13, 14, 15.
 (e) Ambr. Lib. I. Offic. cap. xli.
 (f) Rupert. Lib. X. de Viâ. verbi Dei cap. ult.
 (g) Sacerdot. cap. vii. a fine sui Comm. in libros Machab. quest. xxxii.
 (h) Hic vers. 34.
 (i) Ioseph. XII. Antiquit.
 (j) Florus initio a. iij. Lib. II.
 (k) Gorion. Lib. IV. cap. 2.

GORDONI.

Vers. 48. **D**ISSILIIT IONATHAS, &c. ET
Or. 49. TANSNATAVERUNT AD EOS
 IORDANEM; In Græco est negatio, *h* ei
didicimus ipse, ut sit sensus: Ionathas frustra
 ictu contra *Bacchidem*, natando traiecit, &
Bacchidæ non sunt persecuti *Machabæum*
 natatu; & hunc sensum dat *Iosephus*.
 Hostis redit in Ierusalem, vers. 49. nam
 erat in hostium ditone.

V. 52. Muniendis locis vacat hostis: cessatum ab excursionibus, quando hostis to-

tam regionem, & firmiora loca occupasset.
 Dum vero *Alcimus* lætum sibi pollicetur
 Ierosolymis pontificatum, en tibi funestum
 casum, ac demum pacem per duos annos,
 ut habet hic reliquum caput, & mox subiiciam.

V. 4. SURREXERUNT: videntes non esse
 ibi Iudam.

V. 5. LAISA: est ex Tribu Iuda urbs.

V. 11. EQUITES: scilicet regii.

V. 15. AZOTUS. Etiam in Tribu Iuda
 est, & una ex quinque Philistinorum urbibus,
Iosue xv. 46. Porro

V. 33. DESERTUM THECUAE: urbis iuxta
 Bethleem. Erat etiam in alia Thecus.

V. 35. NABATHAEOS. Erat Nabo, vel
 Naboth in Tribu Ruben. Num. xxxii. vers.
 38. COMMODARENT APPARATUM, depone-
 rent ibi impedimenta: hinc aliqui legunt
commendarent. Græc. παρατίθαι.

V. 36. MADABA NABATHAEORUM: urbs
 in Arabia.

V. 48. Desperans de victoria.

V. 52. BETHSURA: urbs montana prope
 Ierusalem.

V. 50. Or. 54. AEDIFICAVERT, id est muniverunt.
 PROPHETARUM Aggæ & Zachariæ.

V. 62. BETBESSEN: urbs Palæstina.

V. 70. REDDERE CAPTIVITATEM: restituere
 captivos.

V. 71. Captivi utrinque redditi.



CAPUT X.

Alexandro Nobilis Antiochi filio occupante Ptolemaida, conatur Demetrius finire fœdus cum Ionatha, semel ac iterum plurima pollicens: at ille prælegit oblatas ab Alexandro amicitias; qui Alexander, devotio occisoque Demetrio, ducit uxorem Cleopatram Ptolemæi regis Aegypti filiam, plurimum Ionathan honorans: porro Apollonium ducem iunioris Demetrii devicit Ionathas, successa Azoto & templo Dagon: rursumque ab Alexandro honoratur, data sibi Accaron ac fibula aurea.

1.  T anno centesimo sexagesimo ascendit Alexander Antiochi filius, qui cognominatus est Nobilis: & occupavit Ptolemaidam: & receperunt eum, & regnavit illic. 2. Et audivit Demetrius rex, & congregavit exercitum copiosum valde, & exivit obviam illi in prælium. 3. Et misit Demetrius epistolam ad Ionathan verbis pacificis, ut magnificaret eum. 4. Dixit enim: Anticipemus facere pacem cum eo, priusquam faciat cum Alexandro adversum nos; 5. recordabitur enim omnium malorum, quæ secimus in eum, & in fratrem eius, & in gentem eius. 6. Et dedit ei potestatem congregandi exercitum, & fabricare arma, & esse ipsum socium eius: & obsides, qui erant in arce, iussit tradi ei. 7. Et venit Ionathas in Ierusalem, & legit epistolam in auditu omnis populi, & eorum qui in arce erant. 8. Et timuerunt timore magno, quoniam audierunt quod dedit ei rex potestatem congregandi exercitum. 9. Et traditi sunt Ionathæ obsides, & redidit eos parentibus suis: 10. & habitavit Ionathas in Ierusalem, & cœpit ædificare & innovare civitatem. 11. Et dixit facientibus opera, ut extruerent muros, & montem Sion in circuitu lapidibus quadratis ad munitionem: & ita fecerunt. 12. Et fugerunt alienigenæ, qui erant in munitionibus, quas Bacchides ædificaverat: 13. * & reliquit unusquisque locum suum, & abiit in terram suam: 14. tantum in Bethsura remanserunt aliqui, ex his qui reliquerant legem & præcepta Dei: erat enim hæc eis ad refugium. 15. Et audivit Alexander rex promissa, quæ promisit Demetrius Ionathæ: & narraverunt ei prælia, & virtutes, quas ipse fecit, & fratres eius, & labores, quos laboraverunt, 16. & ait: Numquid invenimus aliquem virum talem? & nunc faciemus eum amicum, & socium nostrum. 17. Et scripsit epistolam, & misit ei secundum hæc verba, dicens: 18. REX Alexander fratri Ionathæ salutem. 19. Audivimus de te, quod vir potens sis viribus, & aptus es ut sis amicus noster: 20. & nunc constitimus te hodie summum sacerdotem gentis tuæ, * & ut amicus voceris regis, (& misit ei purpuram, & coronam auream) & quæ nostra sunt sentias nobiscum, & conserves amicitias ad nos. 21. Et induit se Ionathas stola sancta septimo mense, anno centesimo sexagesimo, in die sollemni sce-

nopegia: & congregavit exercitum, & fecit arma copiosa. 22. Et audiviss^{us} Demetrius verba ista, & contristatus est nimis, & ait: 23. Quid hoc fecimus, quod preoccupavit nos Alexander apprehendere amicitiam Iudaeorum ad munimen sui? 24. Scribam & ego illis verba deprecatoria, & dignitates, & dona: ut sint mecum in adiutorium. 25. Et scripsit eis in hæc verba: Rex Demetrius genti Iudaeorum salutem: 26. Quoniam servastis ad nos pactum, & mansistis in amicitia nostra, & non accessistis ad inimicos nostros, audivimus, & gavisi sumus. 27. Et nunc perseverate adhuc conservare ad nos fidem, & retribuemus vobis bona pro his quæ fecistis nobiscum. 28. Et remitemus vobis præstationes multas, & dabimus vobis donationes. 29. Et nunc absolvo vos & omnes Iudæos a tributis, & pretia falis indulgeo, & coronas remitto, & tertias feminis: 30. & dimidiam partem fructus ligni, quod est portionis meæ, relinquo vobis ex hodierno die, & deinceps, ne accipiatur a terra Iuda, & a tribus civitatibus, quæ additæ sunt illi ex Samaria & Galilæa, ex hodierna die & in totum tempus: 31. & Ierusalem sit sancta, & libera cum finibus suis: & decimæ & tributa ipsius sint: 32. Remitto etiam potestatem arcis, quæ est in Ierusalem: & do eam summo sacerdoti, ut constituat in ea viros quoscunque ipse elegerit, qui custodiant eam. 33. Et omnem animam Iudaeorum, quæ captiva est a terra Iuda in omni regno meo, relinquo liberam gratis, ut omnes a tributis solvantur, etiam pecorum suorum. 34. Et omnes dies sollempnes, & sabbata, & neomeniæ, & dies decreti, & tres dies ante diem sollempnem, & tres dies post diem sollempnem, sint omnes immunitatis & remissionis omnibus Iudæis, qui sunt in regno meo: 35. & nemo habebit potestatem agere aliquid, & movere negotia adversus aliquem illorum, in omni causa. 36. Et ascribantur ex Iudæis in exercitu regis ad triginta millia virorum, & dabuntur illis copiæ ut oportet omnibus exercitibus regis, & ex eis ordinabuntur qui sint in munitionibus regis magni: 37. & ex his constituentur super negotia regni, quæ aguntur ex fide, & principes sint ex eis, & ambulent in legibus suis, sicut præcepit rex in terra Iuda. 38. Et tres civitates, quæ additæ sunt Iudææ ex regione Samaritæ, cum Iudæa reputentur: ut sint sub uno, * & non obediant alii potestati, nisi summi sacerdotis. 39. Ptolemaida, & confines eius, quas dedi donum sanctis, qui sunt in Ierusalem, ad necessarios sumptus sanctorum. 40. Et ego do singulis annis quindecim millia siclorum argenti de rationibus regis, quæ me contingunt: 41. & omne quod reliquum fuerit, quod non reddiderant qui super negotia erant annis prioribus, & hoc dabunt in opera domus. 42. Et super hæc quinque millia siclorum argenti, quæ accipiebant de sanctorum ratione per singulos annos: & hæc ad sacerdotes pertineant, qui ministerio funguntur. 43. Et quicumque confugerint in templum, quod est Ierosolymis, & in omnibus finibus eius, obnoxii regi in omni negotio dimittantur, & universa, quæ sunt eis in regno meo, libera habeant. 44. Et ad ædificanda vel restauranda opera sanctorum, sumptus dabuntur de ratione regis: 45. * & ad extruendos muros Ierusalem, & communiendos in circuitu, sumptus dabuntur de ratione regis, & ad construendos muros in Iudæa. 46. Ut audivit autem

Ionathas & populus sermones istos, (a) non crediderunt eis, nec receperunt eos: quia recordati sunt malitiæ magnæ, quam fecerat in Israel, & tribulaverat eos valde. 47. Et complacuit eis in Alexandrum, quia ipse fuerat eis princeps sermonum pacis, & ipsi auxilium ferebant omnibus diebus. 48. Et congregavit rex Alexander exercitum magnum, & admovit castra contra Demetrium. 49. Et commiserunt prælium duo reges, & fugit exercitus Demetrii, & infecutus est eum Alexander, & incubuit super eos. 50. Et invaluit prælium nimis, donec occidit sol: & cecidit Demetrius in die illa. 51. Et misit Alexander ad Ptolemæum regem Aegypti legatos secundum hæc verba, dicens: 52. QUONIAM regressus sum in regnum meum, & sedi in sede patrum meorum, & obtinui principatum, & contrivi Demetrium, & possedi regionem nostram, 53. & commisi pugnam cum eo, & contritus est ipse, & castra eius, a nobis; * & sedimus in sede regni eius: 54. & nunc statuamus ad invicem amicitiam: & da mihi filiam tuam uxorem, & ego ero gener tuus, * & dabo tibi dona, & ipsi, digna te. 55. Et respondit rex Ptolemæus, dicens: FELIX dies, in qua reversus es ad terram patrum tuorum, & sedisti in sede regni eorum. 56. Et nunc faciam tibi quod scripsisti: sed occurre mihi Ptolemaidam, ut videamus invicem nos, & spondeam tibi sicut dixisti. 57. Et exivit Ptolemæus de Aegypto, ipse, & Cleopatra filia eius, & venit Ptolemaidam, anno centesimo sexagesimo secundo. 58. Et occurrit ei Alexander rex, & dedit ei Cleopatram filiam suam: & fecit nuptias eius Ptolemaidæ, sicut reges, in magna gloria. 59. Et scripsit rex Alexander Ionathæ, ut veniret obviam sibi. 60. Et abiit cum gloria Ptolemaidam, & occurrit ibi duobus regibus, & dedit illis argentum multum, & aurum, & dona: & invenit gratiam in conspectu eorum. 61. Et convenerunt adversus eum viri pestilentes ex Israel, viri iniqui interpellantes adversus eum: & non intendit ad eos rex. 62. Et iussit spoliari Ionathan vestibus suis, & indui eum purpura: & ita fecerunt. Et collocavit eum rex sedere secum. 63. Dixitque principibus suis: Exite cum eo in medium civitatis, & prædicate, ut nemo adversus eum interpellat de ullo negotio, nec quisquam ei molestus sit de ulla ratione. 64. Et factum est, ut viderunt qui interpellabant gloriam eius, quæ prædicabatur, & opertum eum purpura, fugerunt omnes: 65. & magnificavit eum rex, & scripsit eum inter primos amicos, & posuit eum ducem, & participem principatus. 66. Et reversus est Ionathas in Ierusalem cum pace, & lætitia. 67. In anno centesimo sexagesimo quinto, venit Demetrius filius Demetrii a Creta in terram patrum suorum. 68. Et audivit Alexander rex, & contristatus est valde, & reversus est Antiochiam. 69. Et constituit Demetrius rex Apollonium ducem, qui præerat Cælesyriæ: & congregavit exercitum magnum, & accessit ad Iamniam: & misit ad Ionathan summum sacerdotem, 70. dicens: Tu solus resistis nobis: ego autem factus sum in derisum, & in opprobrium, propterea quia tu potestatem adversum nos exerces in montibus. 71. Nunc ergo si confidis in virtutibus tuis, descende ad nos in campum, & comparemus illic invicem: quia mecum est virtus bellorum. 72. Interroga, & discite quis sum ego, & ceteri, qui auxilio sunt mihi, qui &

dicunt quia non potest stare pes vester ante faciem nostram, quia bis in fugam conversi sunt patres tui in terra sua: 73. & nunc quomodo poteris sustinere equitatum & exercitum tantum in campo, ubi non est lapis, neque saxum, neque locus fugiendi? 74. Ut audivit autem Ionathas sermones Apollonii, motus est animo: & elegit decem millia virorum, & exiit ab Ierusalem, & occurrit ei Simon frater eius in adiutorium: 75. & applicuerunt castra in Ioppen, & exclusit eum a civitate (quia custodia Apollonii Ioppe erat) & oppugnavit eam. 76. Et exterriti qui erant in civitate, aperuerunt ei, & obtinuit Ionathas Ioppen. 77. Et audivit Apollonius, & admovit tria millia equitum, & exercitum multum. 78. Et abiit Azotum tamquam iter faciens, & statim exit in campum, eo quod haberet multitudinem equitum, & confideret in eis. Et insecutus est eum Ionathas in Azotum, & commiserunt praelium. 79. Et reliquit Apollonius in castris mille equites post eos occulte. 80. Et cognovit Ionathas quoniam insidiae sunt post se, & circumierunt castra eius, & iecerunt iacula in populum a mane usque ad vespem. 81. Populus autem Stabaf, sicut praeceperat Ionathas: & laboraverunt equi eorum. 82. Et eiecit Simon exercitum suum, & commisit contra legionem: equites enim fatigati erant: & contriti sunt ab eo, & fugerunt. 83. Et qui dispersi sunt per campum, fugerunt in Azotum, & intraverunt in Bethdagon idolum suum, ut ibi se liberarent. 84. Et succendit Ionathas Azotum, & civitates, quae erant in circuitu eius, & accepit spolia eorum, & templum Dagon: & omnes, qui fugerunt in illud, succendit igni. 85. Et fuerunt qui ceciderunt gladio, cum his qui successi sunt, fere octo millia virorum. 86. Et movit inde Ionathas castra, & applicuit ea Ascalonem: & exierunt de civitate obviam illi in magna gloria. 87. Et reversus est Ionathas in Ierusalem cum suis, habentibus spolia multa. 88. Et factum est: ut audivit Alexander rex sermones istos, addidit adhuc glorificare Ionathan. 89. Et misit ei fibulam auream, sicut consuetudo est dari cognatis regum. Et dedit ei Accaron, & omnes fines eius, in possessionem.

(A) Sup. VII. 12.

BRUGENSIS

ROMANAE CORRECTIONES.

Vers. 13. Et reliquit unusquisque locum suum:
Nonomittas pronomen suum.
Vers. 20. Et ut amicus voceris regis. Nechic
omittenda est conjunctio &.
Vers. 38. Et non obediunt alii potestati. Non
commutes alii cum aliena.
Vers. 45. Et ad extruendos muros Ierusalem.

Non praeponas nomini *Ierusalem* praepositionem in.

Vers. 53. Et sedimus in sede regni eius. Non est mutandum praeteritum *sedimus* in praesens *sedemur*.

Vers. 54. Et dabo tibi dona, & ipsi digna te. Duae voces *digna te*, quo est decentia te, non sunt contrahenda in unam, quod vulgo fit, dignitatem.

COMMENTARIA

S A.

Verf. 1. **Q**U^ot, scilicet Antiochus: sic enim ait Iosephus, scilicet fuisse Antiochi Epiphanis filium. Græc. tamen videtur ad Alexandrum referri, & forte is idem habuit cum patre cognomen.

V. 3. **U**T MAGNIFICARET; pro, magnificans; quasi dicat, Quibus illum magnificare præferebat.

V. 4. **D**IXIT, id est cogitavit.

V. 11. **A**D MUNITIONEM, id est ut civitati essent munimento.

V. 15. **V**IRTUTES, id est facta fortia.

V. 20. **E**T QUAE NOSTRA, &c. id est ut faveas rebus nostris.

V. 21. **S**TOLA SANCTA, id est vestem sacerdotalem, scilicet Pontificiam.

V. 24. **D**ONA, scilicet promittam, vel dabo.

V. 28. **P**RAESTATIONES, id est quæ soleratis nobis præstare.

V. 29. **P**RETIA, id est pensiones. **I**NDULGEO, id est condono. **R**EMITTO, scilicet ne posthac eas dare debeatis. Vide cap. XI. **T**ERTIAS, id est tertiam partem, scilicet frugum, quæ in feminatis agris proveniebant.

V. 30. **L**IGNI, id est arborum. **C**IVITATIBUS. Græc. *regionibus*, seu *præfecturis*: sic inf. **I**LLI, scilicet eius ditioni.

V. 31. **S**IT SANCTA, id est gaudeat immunitate, quæ decet sanctum locum.

V. 33. **A**NIMAM, id est personam, ut vulgo dicitur. **U**T; pro, utque.

V. 34. **D**ECRETI, id est stati, seu statuti.

V. 35. **E**T NEMO, &c. Explicat præcedentem immunitatem. **O**MNI CAUSA, id est re, seu negotio: *omni* vero, pro, ultra, positum, more Hebr.

V. 36. **C**OPIAE. Græc. *munera*, scilicet stipendia. **O**RDNABUNTUR, id est constituentur. **M**AGNI. Græc. *magnis*.

V. 37. **A**GIUNTUR EX FIDE, id est fidem postulant.

V. 39. **Q**UAS DEDI; pro, præterea dedi. **S**ANCTIS, id est templo.

V. 40. **Q**UAE ME CONTINGUNT, id est ad me pertinent. Græc. *a locis attinentibus*, id est qui solvere debent.

V. 41. **R**EDDIDERANT, id est solverant; scilicet Regi, indicat se remittere sibi a Iudæis debita superiorum annorum. **E**X HOC, id est ex nunc. **D**OMUS, id est templi.

V. 42. **A**CCIPERANT, scilicet tributorum Regis exactores. **S**ANCTORUM, id est sanctuariorum, seu templi.

V. 43. **O**MNIBUS FINIBUS; pro, omnes fines. **D**IMITTANTUR, scilicet liberi.

V. 44. **R**ATIONE, scilicet ex erario.

V. 47. **I**N ALEXANDRUM. Græc. *in Alexandro*, id est amicos esse Alexandri. **P**RINCEPS; quasi dicat, Primus egerat cum ipsis bona fide.

V. 56. **S**PONDEAM TIBI, scilicet filiam. Græc. *sine tibi facer*.

V. 58. **R**EGES, scilicet solent.

V. 63. **P**RAEDICATE, scilicet per præconem denuntiate.

V. 70. **I**N OPPROBRIUM; quasi dicat, **C**ontemnor.

V. 71. **V**IRTUTIBUS, id est viribus, vel exercitiis. **B**ELLORUM. Græc. *urbium*.

V. 75. **E**XCLUSIT. Græc. *excluserunt*, scilicet Ioppenfes.

V. 80. **E**TUS, scilicet Ionathæ.

V. 81. **E**ORUM, scilicet hostium.

V. 83. **B**ETHDAGON, id est *adem Dagonis*, scilicet idoli Azotiorum. **I**dolum Græc. *idolaster*, id est templum idoli.

V. 86. **I**N; pro, cum.

E S T I I.

Verf. 18. **R**EX ALEXANDER FRATRI IONATHAE SALUTEM. Et

verf. 20. **E**T NUNC CONSTITUIMUS TE HODIE SUMMUM SACERDOTEM GENTIS TUAE. De hoc Ionathæ factio queri potest, an iusta reprehensione careat, quod ab ethnico rege, cui in sacra Iudaica ius nullum esset, acceperit summum sacerdotium? Et sane supra legimus vehementer culpatum Alcimum, qui apud Demetrium regem pro summo sacerdotio sollicitasset. Respondendum videtur, nihil aliud hic significari verbis Alexandri regis, quam Ionathæ confirmatum fuisse sacerdotium, quo iam anteaungebatur. Simul enim cum principatu

tu sacerdotium] acceperat post Iudam fratrem suum, ut clare & distincte narrat Iosephus Lib. XII. antiq. cap. xvii. & Lib. seq. cap. v. Sed utrumque Alexander sua regia auctoritate confirmat, quam quidem confirmationem etiam Ionathas non petierat. Sic & postea cap. seq. Demetrius quod ei statuit sacerdotium & similiter Antiochus; quæ non potuit impedire Ionathas. Neque obitar, quod legitur paulo post induisse se Ionathas stola sancta in die solemnii scenopægiæ: non enim tunc primum coepit fungi sacerdotii munere; sed tum primum indutus est ea stola, quæ facta erat ex purpura, quam rex Alexander ei dono miserat.

M A R I A N A E.

Verf. 1. **A**LEXANDER ANTIOCHI FILIUS. Cuius Antiochi? Epiphanis: Iosephus Lib. XIII. cap. 11. Iustinus Lib. XXXV. & Appianus in Syriacis negant fuisse eius filium, sed mendacio id finxisse, & *Prompanum* fuisse eius nomen ait Iustinus. Mihi huius libri & Iosephi auctoritas potior est, ut credam fuisse Antiochi filium. Qui COGNOMINATUS EST NOBILIS. Antiochus Epiphanes, id est *nobilis*. OCCUPAVIT PTOLEMAIDAM. Urbs Phœnicie fuit, nunc *Accon* seu *Aere* vocatur. RECEPERUNT EUM, odio Demetrii voluptatibus & ignavia sediti, ut Iosephus ait. Pollicetur Ionathæ,

V. 3. UT MAGNIFICARET EUM. Id epistolæ Demetrii pollicebantur fore, ut magnus faceret.

V. 5. IN FRATREM EIUS, scilicet Iudam. Græce, *in fratres eius*, quæ fecimus mala recordabitur.

V. 7. EORUM QUI IN ARCE ERANT. Arx Ierusalem erat in potestate Demetrii. Ergo litteras Demetrii praesidiarii legit, scilicet ut quod iubebatur, illi obsides darent.

V. 15. AUDIUIT, ALEXANDER. Facile se iunxit Ionathas Alexandro, a quo laesus non erat, memor Demetrii iniuriarum. Eleganter quidam, Benefacta cito oblivioni tradi, malorum perpetua memoria est.

Debita præclaris meritis est gratia lausque

Petbrevis: æternum sed malefacta dolens.

VIRTUTES QUAS IPSE FECIT Ionathas,

seu *facinora*, ἀδικαβλάς; natiaverunt Alexandro.

V. 20. CONSTITUIMUS TE HODIE SUMMUM SACERDOTE. Iam erat Pontifex a morte fratris Iudæ; confirmat tantum id, & ratum habet. ET QUAE NOSTRA SUNT SENTIAS. Gotth. & Regia: *ut quæ nostra sentias nobiscum*. Vox *nobiscum* non est Græce, nec in Gotth. & videtur redundare.

V. 21. INDUIT SE IONATHAS STOLA. Forte eatenus non fecerat, quoniam Ierusalem erat in hostium potestate; tunc tamen sumpsit pontificium ornatum. SEPTIMO MENSE. Is est *Tisri*, cuius die 15. Scenopægia, Festum Tabernaculorum celebrabatur, & in eo se Pontifices in stola pontificia populo ostendebant, ex Iosepho Lib. XV. cap. III.

V. 24. ET DIGNITATES, ET DONA, scilicet polliceor.

V. 26. PRETIA SALIS VOBIS INDULGEO. Vendebatur a Rege carius. Genus tributi & monopolii. ET CORONAS. Pro regia corona exigebatur aliquid. Et tertia feminis pars. Et ex fructibus arborum dimidium. Id significant illa verba, ET DIMIDTAM PARTEM FRUCTUS LIGNI, id est lignorum, arborum. Græce, *fructus lignei*. Gravissima tributa Iudæis imposuerunt.

V. 34. DIES DECRETI. Festa quæ de novo indicebantur. Itaque in festis omnibus, ut ait Iosephus Lib. XV. cap. ttr. Iudæos a tributis immunes esse volebat, ut sit in nostris mundinis; tum etiam a litibus iis diebus liberabat.

V. 36. DABUNTUR ILLIS COPIAE. Græce, *dona*: nempe commeatus, stipendia. QUI SUNT IN MUNITIONIBUS. In arcibus ex Iudæis constituentur, non ex alia gente.

V. 37. SUPER NEGOTIA REGNI. Non erunt alii publicani, Iudæi ipsi vectigalia administrabunt. Quod proximum libertati est. Tres civitates Iudæis additæ,

V. 38. UT SUNT SUB UNO; aut, *in unum corpus*, scilicet redigantur eis tres civitates.

V. 40. ET EGO DO. Sic Græce. at Gotth. & Regia, *dabo*. DE RATIONIBUS REGIS, id est de tributis.

V. 41. IN OPERA DOMUS, id est templi, publicanorum debita tribuit.

V. 42. ET SUPER HAEC; id est, præterea

terea sacerdotibus dat alia quinque millia siclorum, quæ ex templo annus accipiebat.

V. 47. IPSE FUERAT EIS PRINCEPS, id est primus de pace fuerat locutus Alexander. ET TPT, scilicet Alexandro ferebant opem Iudæi.

V. 49. FUGIT EXERCITUS DEMETRII. Græc. & Gotth. *Alexandri*. ET INSECUTUS EST EUM ALEXANDER. Demetrium, Iosephus Lib. XIII. cap. xv. ait, cornu dextrum Alexandri fugatum a sinistro Demetrii; contra dextrum cornu Demetrii fugatum, tum ipsum equo cadente occisum. Sic victoria Alexandri fuit.

V. 51. MISIT ALEXANDER AD PTOLEMAEUM. Hic fuit *Ptolemaus Philometor*, qui filiam Cleopatram Alexandro uxorem dedit. Occurre mihi

V. 59. ET SPONDEAM TIBI; pro, despondeam, scilicet filiam tibi. Novus Demetrius

V. 69. ACCESSIT AD IANNIAM; seu *castra posuit in Ianniam*. Civitas erat maritima in Iudæa, ubi novus Demetrius posuit castra, seu Apollonium eius dux. Ad Jonathan misit, qui diceret:

V. 70. POTESTATEM ADVERSUS NOS EXERCES IN MONTIBUS. Ierusalem in montibus est Psal. cxxiv. 2. *Montes in circuitu eius*. Demetrius cum locorum asperitate pugnare recusabat.

V. 71. COMPAREMUS; seu *comparemur*, configamus: sic Apollonius. MECUM EST VIRTUS BELLORUM, id est exercitus bellax. Græce, *mecum est exercitus urbium*. Noster *πάλαιος* legit, pro *πάλαιος* ut nunc est.

V. 73. NON EST LAPIS, id est nullæ rupes, ad quas se fugientes recipiant, nullæ silvæ, nullus fugiendi locus.

V. 75. EXCLUSIT EUM A CIVITATE, scilicet Jonathan. Quis exclusit? Ioppe a civitate, id est a se.

V. 79. RELIQUIT APOLLONIUS IN CASTRIS. Vox in castris Græce non est, & videtur redundare. In castris insidiæ non ponuntur.

V. 80. ET IECERUNT FAGULA IN POPULUM: hostes in Iudæos.

V. 81. LABORAUERUNT EQUI EORUM: hostium.

V. 82. CONTRA LEGIONEM, seu *phalangem*, contra pedites. EQUITES ENIM;

pro, etiam, FATIGATI ERANT; & victi sunt a Simone, & in fugam coniecti.

V. 83. INTRAVERUNT IN BETHDAGON, id est *domum, templum Dagon*, quod Azotii erat: de quo diximus I. Reg. vi. Quid Alexander?

V. 89. MISIT EI FIBULAM AUREAM. Torquem fuisse puto, ex quo fibula pendeat, qualis est in Gallia torquis D. Michaelis, in Burgundia Aurei velleris: qui pro magno munere a Regibus dantur e prima nobilitate viris. Quid si *peris*, bullam, monile dicamus; nam hoc etiam significat.

MENOCHII.

Vers. 1. ALEXANDER ANTIOCHI FILIUS: filius Antiochi Epiphanis, quem aliqui norum fuisse aiunt; alii se quidem vendidisse ut filium, sed fuisse hominem ignotum, & stirpis incertæ. PTOLEMAIDAM: Syriæ urbem.

V. 3. UT MAGNIFICARET EUM: in quibus eum se magnificare ostendebat, & ad maiora velle promovere.

V. 5. IN ARCE: in civitate David.

V. 11. MUROS ET MONTEM, id est muros montis. AD MUNITIONEM, id est ut civitati essent munimento.

V. 14. ERAT HAEC EIS AD REFUGIUM: propter eximiam loci firmitatem, qui, ut vidimus supra cap. vi. 30. & seq. maximum exercitum Antiochi Eupatoris contempserunt, irrisosque plane reddidisset eius conatus, nisi fames Bethsuræ propugnatores ad deditionem coegisset.

V. 15. VIRTUTES: facta fortia.

V. 20. CONSTITUIMUS TE SUMMUM SACERDOTE M GENTIS TUÆ. Fungebatur Jonathan iam inde a fratris morte summo sacerdotio, sicut & principatu; erant enim eo tempore hæc officia copulata, & ab uno eodemque gerebantur. Itaque illud Jonathan non accipit ab Alexandro profano rege, sed illius adiuvium favore publice Pontificem egit, quod prius non poterat, cum Ierusalem, & Iudæa erat in Gentilium potestate. MISIT EI PURPURAM, ET CORONAM AUREAM. Purpura hæc, & corona aurea nihil pertinent ad amicum Pontificium, nec iis Rex ornare voluit Pontificem, cum eius ornatum ignoraret; sed ad eorum Dynastarum amicum, qui amici regis,

regis, & ex amictu purpureo, purpurati dicebantur: sic de Mardocheo legimus. **EITHER. VIII.** eum processisse de palatio, coronam auream portantem in capite, & amictum serico pallio, atque purpureo. **STOLA SANCTA**, id est habitus sacerdotalis, seu Pontificio. **IN DIE SOLEMNI SCENOPEGIAE**: in festo tabernaculorum, de quo vide dicta Levit. XIII. Videtur Ionathas argui posse, quod acceptus ab Alexandro munusculis Demetrii paulo ante initam amicitiam, quae potior esse debuit, violarit; sed dicendum est Ionatham regem quidem favore Demetrii usum esse, sed non promississe se a partibus illius staturum. Cum vero Obsides accepit, quos illi reddi iussit Demetrius, iure suo usus est; nam eos ad eam diem iniussit rex retinuerat, ut etiam iniussit Iudaei dominatum sibi vendicabat.

V. 23. PRAEOCCUPAVIT NOS: mittendis scilicet donis, & conferenda Pontificia dignitate. Nam aliqui Demetrius anteverterat Alexandrum in ambienda Ionathae amicitia. **VERBA DEPRECATORIA**. Graece λέγοντες παρακλήσεις, *verba exhortatoria*, quibus scilicet ad iungendam mecum amicitiam exhortatur. **DIGNITAS ET DONA**, scilicet promittam, & dabo.

V. 26. QUONIAM SERVASTIS AD NOS FACTUM, &c. callida captatio benevolentiae, & dissimulatio gestorum a Ionatha, ut tempus & locum tribuat mutandae sententiae.

V. 28. PRAESTATIONES: res quas Iudaei Demetrio praestare tenebantur, quas mox recenset.

V. 29. PRETIA SALIS: vectigal salis condono, & remissio. **CORONAS**: aurum coronarium, quod dudum a Provinciis ultro oblatum, postea quasi debitum exigebatur. Vide Carolum Palchrum de corona Lib. VIII. capite VI. **TERTIAS SEMINIS**: si enim quis duodecim modios tritici, verbi gratia feminasset, quatuor modios dabat tempore messis tribui nomine.

V. 30. DIMIDIAM PARTEM FRUCTUS LIGNI QUOD EST PORTIONIS MEAE: non omnes fructus, quarumcumque arborum pertinebant ad regem, sed aliquarum tantum; horum ergo fructuum regiae portionis dimidiam partem remittit. Vel, remittit totam portionem regiam, quae erat pars dimidia illorum fructuum. **EX TRIBUS CIVITATIBUS, QUAE ADDITAE SUNT IL-**

LI: vel ab Antiocho, vel a Ptolemæo; vel ab aliquo additæ fuerant provinciae Iudaeae tres civitates ex Samaria, id est Galilaea, quas eodem privilegio frui vult Demetrius.

V. 31. SIT SANCTA, id est gaudeat immunitate, quæ decet sanctum locum.

V. 33. OMNEM ANIMAM, id est personam, ut vulgo dicitur.

V. 34. NEOMENIAE: festum Calendarum: primus enim cuiusque mensis dies festus erat apud Hebræos. **DIES DECRETI**, id est statuti, seu statuti.

V. 35. ET NEMO, &c. Explicat præcedentem immunitatem, ut scilicet nemo Iudæos ad iudicium tribunalia se diebus illis sistere, possit compellere.

V. 36. COPIAE. Graece ἑξῆς, *munera, stipendia*. **ORDINABUNTUR**, id est constituantur. **REGIS MAGNI**. In Graeco est, ἀρχιεπισκοπῆς μεγάλης, *munitionibus magnis*.

V. 37. AGUNTUR EX FIDE, id est fidem pollulant. **PRINCIPES**, id est praefecti, & praefides. **SICUT PRAECEPIT REX**, &c. contra quam nuper edixerat Antiochus Epiphanes.

V. 38. ET TRES CIVITATES, &c. quas ante declarata erat tributorum immunes, nunc in eas ius summum, ac regium tributum Pontifici.

V. 39. QUAS DEDI DONUM SANCTIS: quam dono templo. Dotat Ptolemaida, & eius agrum, in ea quippe insensus erat, ut quæ prima recepisset hostem suum Alexandrum, qui & regni sui sedem ibi collocarat. Itaque eam quasi proscriptam Iudæis tradit, si forte eam eorum opus recuperare posset, vultque redditus illos templi sumptibus, & sacrificiis addici.

V. 40. QUINDECIM MILLIA SICLORUM. Siclus unus aequivalens quatuor Iulis Romanis. Itaque quindecim millia sicli efficiunt sex millia scutorum eiusdem monetae Romanae. **DE RATIONIBUS REGIS, QUAE ME CONTINGUNT**. In Graeco est, ἐξ ἰσθῆος, *quæ me contingunt*, id est quæ ad me spectant, quæ proprii iuris sunt Regum Syriae.

V. 41. ET OMNE QUOD RELIQUUM FUERIT, &c. significat se remittere sibi a Iudæis debita superiorum annorum. **IN OPERA DOMUS**: ad expensas templi.

V. 42. ET SUPER HAEC. Est alia largitio quinque millium siclorum, qui de templi redditibus quotannis accipiebantur.

Quin-

Quinque millia siclorum efficiunt duo milia scutorum Romanorum.

V. 43. ET QUTUMQUE CONFUGERUNT, &c. Templum Asyli iure donat, ut scilicet non solum personæ, quæ fugerint in templum, violari non possint, sed nec eorum bona, quocumque in loco sita fuerint. OMNIUS REGI: obligati regi.

V. 44. DE RATIONE REGIS: ex ærario regio; ex proventibus regis.

V. 46. NON CREDIDERUNT EIS. Hæc tam profusa promissionum copia, hoc ipso parum probabilis visa est, quod ab homine proficeretur, qui rebus ipsi docuisset se odisse Iudæos. MALITIÆ MAGNÆ, &c. mulatorum damnorum, quæ inulerat, præsertim occiso a Bacchide Iuda Machabæo, & variis illatis cladibus, quæ toto capite IX. memorantur.

V. 47. IN ALEXANDRUM. Græce, in *Alexandro*, id est amicos esse Alexandri. PRINCEPS SERMONUM PACIS; quasi dicat, Primus egerat cum illis bona fide, & amicitiam eorum ambiverat prior. OMNIBUS DIEBUS: quibus scilicet rerum potius est Alexander.

V. 50. INVALUIT PRAELIUM: In Græco est, *ἐπέβητο τὸν πόλεμον*, confirmavit praelium, fortiter pugnavit.

V. 56. SPONDEAM TIBI; id est, dem tibi sponfam siliam meam, & asciscam te mihi in generum; in Græco enim est, *ἐγγαμίζω σοι*: Ero tibi socer, vel, *factam te generum meum*.

V. 58. SICUT REGES: sicut reges solent, conviviis, ludis, certaminibus &c. celebratis.

V. 59. UT VENIRET OBVIAM SIBI: invitatus scilicet ad nuptias honoris causa.

V. 61. VTRI PESTILENTES, &c. Appareret hos fuisse de Apostatis, quos Ionathas persequatur, quem ipsi vice versa apud novum regem calumniis traducere nitebantur. INTERPELLANTES ADVERSUS EUM: regem interpellantes, & accusationes proferentes contra eum. NON INTENDIT AD EOS: reiecit accusatores, & calumnias eorum.

V. 62. SEDERE SECUM: quasi eiusdem consortem imperii.

V. 63. PRAEDICATE: scilicet per præconem denunciate, & edicite. DE ULLO NEGOTIO, &c. quasi negotia regia, aurationes minus fideliter administraverit.

Bib. Sac. Tom. XXII.

V. 64. FUGERUNT OMNES: sibi ab illius potentia timentes.

V. 65. PARTICIPEM PRINCIPATUS. Non quidem regni sui socium, sed quasi proregem in omni regione Iudæorum, quæ regi Syriæ subesset.

V. 67. VENIT DEMETRIUS, &c. nimirum paterat regi recuperandi causa.

V. 68. REVERSUS EST ANTIOCHIAM: ut scilicet Antiochenorum defensionem impediret.

V. 69. AD IAMNIAM: erat urbs maritima Palæstinæ egregie munita.

V. 70. TU SOLUS RESTITIS NOBIS. In Græco est, *ἐξήλθης*, sive elevaris super nos, intumescis, & superbis. IN OPPROBRIUM, id est contemnor.

V. 71. VIRTUTIBUS, id est viribus, seu exercitiis. COMPAREMUS ILLIC INVICEM: decertemus cominus. VIRTUS BELLORUM. In Græco est *πόλεμος*, civitatum, sed vulgatus legit, *πολέμους*, bellorum.

V. 73. IN CAMPO, UBI NON EST LAPIS, &c. quasi dicat, ut habet Iosephus, *Provoce te in eum locum, ubi armis, non saxis pugnandum est, & in quo nullum praesto est victis refugium*.

V. 75. ET EXCLUSIT EUM A CIVITATE. In Græco est, *ἐκείλησαν*, scilicet Ioppenfes. CUSTODIA APOLLONIS: praesidium Apollonii.

V. 77. ADMOVIT: instruxit ad pugnam, ET EXERCITUM MULTUM: pedestrem, quem Iosephus ait fuisse octo millium.

V. 78. ET ABIT AZOTUM, TAMQUAM ITER FACIENS. Situs, & dispositio harum urbium Ioppe, Iamnia, & Azotus erat qualis est harum litterarum A. B. C. Ionathas potius erat Ioppe, Apollonius castra metatus erat in Iamnia, ibique abiens versus Azotum reliquerat occulte mille equites, in quodam torrente, ut ait Iosephus, ut cum Ionathas sequens Apollonium prætergressus esset Iamniam, illi ex insidiis emergerent, & Iudæorum terga caderent. ET COMMISERUNT PRAELIUM. In Græco est, *ἐπ' αὐτῶν αἱ παραβολαὶ ἐπὶ πόλεμος*: quod verti potest, *& appropinquaverunt exercitus ad committendum praelium*. Agnovit enim insidias Ionathas antequam pugnaretur.

V. 80. COGNOVIT IONATHAS QUONIAM INSIDIAE SUNT POST SE. Cognovit postquam iam superaverat Iamniam, & illam

Hhh

fue-

fuerat prætergressus. CIRCUIVERUNT: equites illi, qui ab Apollonio relictis fuerant in insidiis. IN POPULUM: in exercitum Ionathæ.

V. 81. POPULUS: stabat sicut præceperat Ionathas. Præceperat autem, ut ait Iosephus, ut obiectis securis exciperent tela ab equitibus immissa. LABORAVERUNT EQUIZORUM, scilicet alienigenarum, fatigati sunt diuturna iaculatione.

V. 82. EIECIT: educit in aciem. CONTRA ITI SUNT, scilicet legionarii pedites.

V. 83. BETHDAGON, id est ædem Dagonis, scilicet idoli Azotiorum. IDOLUM. Græce ἰδωλιον, id est templum idoli.

V. 86. IN MAGNA GLORIA: magno scilicet cum honore affluentes.

T I R I N I.

Verf. 1. ANNO CENTESIMO SEXAGESIMO, cum ab ultimo Bacchidis abscellu Iudæa toto quinquennio egisset in pace, rebus Machabæorum iam plane stabilitis; ecce tibi ex improvviso ALEXANDER Balles Iosepho, Balas Straboni a, aliis *Veles* dictus, ANTIOCHI b Epiphanis, seu NOBILIS illius tyranni filius frater Eupatoris c: ita etiam Iosephus. Nescio vero unde Iulianus, Appianus & Livii d Epitome habeant, infimæ sortis hominem fuisse, *Prompanum* nomine, mentitumque se ex nobili Seleucidarum stirpe procreatum. Credo, ad exemplum *Pseudophilippi*, qui hoc eodem tempore contra Romanos bellum Macedonicum tertium excitavit, teste Floro & Epitome Livii e: vel certe alterius *Pseudoalexandri*, de quo multis post annis Iosephus f, voluisse etiam nostrum hunc *Alexandrum Veles* fictitius & falsariis regibus ascendere. Sed standum Scripturæ, quæ cum Iosepho discrete affirmat, filium fuisse *Antiochi Nobilis*. Igitur Demetrio propter superbiam, luxum & ignaviam suis admodum exolo, volentibus Syris ASCENDIT in thronum regium *Alexander*, et primo OCCUPAVIT PTOLEMAIDAM Phœniciz urbem, nunc *Aeron* vel *Aere*: ubi incolæ illius & vicinæ regionis RECEPERUNT EUM in regem & dominum suum. Mox uterque rex *Ionathas* sibi adiungere, multis magnique promissis ac donis studet. Rex *Alexander* verf. 38. vocat eum fratrem g

suum, id est singularem amicum & socium, qui fratri instat etc.

V. 20. UT QUAE NOSTRA SUNT SENTIAS, id est, adharceas partibus nostris adversus Demetrium, faveas & optinleris causæ nostræ. Oblata ab utroque rege beneficia admittit Ionathas. Sed ob iniustam tyrannidem & hostilitatem, adversus Iudæos iam inde ab initio exercitum, merito deserit Demetrium, adharcet Alexander. Ac tum demum

V. 21. INDUIT SE IONATHAS STOLA SANCTA, id est veste pontificali, SEPTIMO MENSE, die 15. in festo SCENOPEIAE. Hactenus enim occupata ab hostibus Ierololyma h, non usus fuerat ornatu pontificis. Demetrius postpositum se dolens, novis beneficiis tentat animos Iudæorum. Et quasi nescires a se delapsos ad Alexandrum, alloquitur tamquam fideles amicos, verf. 26.

V. 28. REMITTEMUS VOBIS PRAESTATIONES, id est tributa nobis præstari solita a Iudæis.

V. 29. PRETIA SALIS, id est vestigal & alia emolumenta quæ ex salis confectione i & venditione & devectione mihi obveniebant. Item CORONAS quæ mihi quotannis deferri debent, cap. seq. verf. 35. aureas utique k & gemmeas, iam REMITTITO: uti & TERTIAS SEMINIS, id est tertiam partem omnium, quæ ex agris seminis confectis colligi solent. Item

V. 30. DIMIDIAM PARTEM FRUCTUS LIGNI, seu omnium fructuum qui ex arboribus colliguntur; quæ portio hactenus ad me spectabat. Nihil horum volo DEINCEPS exigi vel A TERRA IUDÆA, vel A TRIBUS CIVITATIBUS, seu præfecturis, illi adiunctis, quæ cap. seq. verf. 34. recensentur.

V. 31. ET IERUSALEM, non amplius profanetur aut refragetur a præsidariis arcibus l mæx, sed SIT SANCTA ET LIBERA, gaudeatque plena immunitate, qualis decet locum tam sanctum. Unde DECIMAE ET TRIBUTA, quæ ex illa urbe, totaque vicinia colligebantur, & in meum ærarium inferebantur, iam deinceps sint IUSTIS reip. Ierololymitanæ.

V. 32. POTESTATEM vero, id est imperium, ARCIS MÆX QUAE EST IN IERUSALEM in monte SION, DO SUMMO SACERDOTI.

V. 33. OMNEM ANIMAM IUDÆORUM, QUAE

QUAE CAPTIVA EST A TERRA IUDA, id est omnes Iudaeos captivos, qui tamquam mancipia hinc inde detinentur in toto regni mei districtu, & duram servium servitutum, absque pretio libertatis pristinae restitutione, Neque volo ut quicumque illorum, seu suo, seu pecorum suorum nomine quidquam tributi pendat.

V. 34. OMNIBUS VERO IUDAEIS, QUI SUNT & manere volunt IN REGNO MEO, ne in exercendo culeu suo divino praepediatur, volo ut omnia SABBATHA ET DIES DECRETI, seu destinati, cortis festivitatis, sint omnes hoc meo statuto dies IMMUNITATIS, REMISSIONIS & QUIETIS. Eodemque privilegio gaudeant TRES DIES antecedentes, & res subsequentes aliquem solemniorum diem.

V. 35. Explicat in quo consistat haec immunitas, quam diebus istis omnibus concessam vult Iudaeis, nempe nemini liceat ullam ipsis litem vel molestiam movere, quocumque iuris pretextu.

V. 36. ADSCRIPTIS IUDAEIS IN EXERCITUM REGIS DABUNTUR COPTIAE, id est copiosae ac liberaliter eurauntur stipendia, aliaque omnia necessaria. Ex eis desumentur qui praesint MUNITIONIBUS REGIS MAONI; Graece, *magis*, id est praecipuis arcibus & urbibus regni.

V. 37. Ex istis Iudaeis desumentur qui praesint arcanis regis negotiis, *qua constituuntur ex fide*, id est quae summam fidem & taciturnitatem requirunt. Et principes ac magistratus etiam *ex eis* deligantur: LEGIBUS interim suis omnibus passim toto regno meo utantur, perinde atque in propria TERRA IUDA ex precepto regis uterentur.

V. 39. PTOLEMAIDA urbem, quam nunc Alexander in hostis noster occupat, eiusque confinia dono de SANCTIS QUI, Graece, *quae*, SUNT IN IERUSALEM (ut est vers. 42. & 44.) id est templo Ierosolymitano, & quidem in eum finem ut ex his proveniunt foveatur cultus divinus.

V. 41. OMNE QUOD ANNIS PRIORIBUS quiflores mei subtraxerunt proveniunt templi ad illius fabricam fovendam destinatis, volo reddant IN OPERA DOMUS sanctae prosequenda.

V. 42. ET SUPER HAEC, QUINQUE MILLIA SICLORUM ARGENTI, seu florentium Belgicorum, quae mei quiflores ac-

CIPIEBANT quotannis DE SANCTORUM RATIONE, id est ex arario & proventus templi, & in usus profanos convertant iubeo reddi & impendi in stipendia sacerdotum.

V. 43. TEMPLUM eiusque confinia privilegium habeant asyli, etiam pro omnibus exteris, quorum seu vitam, seu bona, licet alibi sita, nemo interim infellet. Haec & plura alia privilegia Iudaeis offerebat tyrannus Demetrius. Sed hi iam pridem perspectum habentes hominis ingenium inconcilians & fallax, memores quoque

V. 46. MALITIAE MAGNAE & tyrannidis QUAM exercuerat IN ISRAEL: illo deserto desexerunt in Alexandrum:

V. 47. QUIA IPSE FUERAT EIS PRINCEPS SERMONUM PACIS; id est, ipse prior Iudaeos de pace & amicitia interpellarat, neque eos umquam Izierat. Ergo iuvantibus Alexandrum Iudaeis, pugna inter duos reges commissa, victus, caesus, vita exutus est Demetrius vers. 50. equo ipsius cadente, & telis ipsum obruentibus, inquit Iosephus.

Victori Alexandro rex Aegypti Ptolemaeus Philometor filiam suam Cleopatram dat uxorem. Occurrit, inquit,

V. 56. MIHI PTOLEMAIDAM, UT SPONDEAM TIBI, seu despondeam filiam meam; Graece, *ut sim tibi fecer*. Accessit eodem

V. 60. Etiam Ionathas evocans ab Alexandro rege. Ubi PURPURA vers. 62. id est regio amictu, INDUT iubetur: eiusque gloria per medium civitatis publice per praecones predicatur, vers. 64. id est, dignitas eius regia, quae (si non quoad nomen, certe quoad rem) decoratus fuerat ab Alexandro, iubetur toto oppido per primarios principes, quasi per publicos praecones, denuntiari ac divulgari.

V. 67. Triennio post regis nuptias, DEMETRIUS IUNIOR, FILIUS senioris DEMETRII Seleuci, nuper ab Alexandro pressigati & occisi, VENIT ex insula Creta, ubi haecenus latitabat, IN TERRAM PATRUM SUORUM, id est in Syriam, regnum suum hereditarium recuperaturus, & eadem patris ulturus. Quo audito vers. 64. REX ALEXANDER CONTRISTATUS VALDE, ob novam quam regno suo sentiebat imminere calamitatem, mox Ptolemaide recurrit ANTIOCHIAM. Sed iam in armis & in agro erat

V. 69. DEMETRIUS NOVUS REX, pro
dute exercitus sui habens APOLLONIUM
quemdam, QUI ante pro Alexandro PRAE-
ERAT COELESYRIAE, sed iam ab Alexan-
dro defecerat ad illius hostem Demetrium.
Ionathas in fide persequens Alexandri, eo
abiente se opposit Apollonio: vers. 70. TU
SOLUS RESISTIS NOBIS, & novi regis re-
gnique quietem perturbas. Cur non ut ce-
deret omnes, tu quoque accommodas te tem-
pori? EGO cum rege meo *deideur* a te &
contemnor, immo probris afficior, QUIA
POTESTATEM EXERCES IN MONTIBUS.
Montuosa enim est Iudaea: & facile est
inter montium angustias, etiam cum exi-
guis copiis maximorum exercituum vim
eludere. Sed si vir fortis es, &

V. 71. SI CONFIDIS IN VIRTUTIBUS TUIS,
seu copiis militariis, age, e latebris e-
 rumpe, ex angustius proserpe, e montibus
DESCENDE AD NOS IN CAMPUM, ET COM-
PAREMUS ILLIC INVICEM; id est, copias
copiis opponamus, periculum faciamus uter
alteri virtute praestet. Quo si

V. 72. PATRES, id est maiores, TUI a
nostris Syris BIS IN FUGAM CONVERSI SUNT,
idque IN TERRA SUA, inter illas montium
angustias:

V. 73. QUOMODO POTERIS IN APERTO
CAMPO SUSTINERE EXERCITUM nostrum,
& TANTUM? UBI NON EST LAPIS, NE-
QUE SAXUM; id est, ubi nulla reperies
latibula, nulla loca petrosa & cavernosa,
ad quae te recipias vel tuos.

Acris certe provocatio, nec frustranea.
Quid enim timeat leo?

V. 74. COMMOTUS ANIMO IONATHAS
ita incandescens, & zelo exardescens, cum
decem millibus & Simone fratre, suo, ob-
viavit it Apollonio etiam in apertum cam-
pum:

V. 78. Ubi equitibus Syris a fronte &
a tergo, immo undique

V. 80. *Iaculis & spiculis* Iudeos infe-
stantibus a MANE AD VESPERAM, immo-
tos, neque ulla ex parte turbatis ordini-
bus fortissime resistit, donec tandem vers.
81. LABORAVERUNT, id est valde defa-
tati sunt, & QUI Syrorum. Tunc enim ex
prescripto Ionathae,

V. 82. SIMON expansis subito: alis E-
CIT omnem EXERCITUM SUUM IN HO-
STES, fundens, credens, fugans pedites, e-
quites omnes. Qui evadere potuerunt,

V. 83. & 84. FUGERUNT IN ABOTUM ur-
bem loco pugnae vicinam; nec in urbe sar-
tuti, INTRAYERUNT IN BETHDAGON, id
est in domum seu templum *Dagon* ad IDO-
LUM SUUM, sibi (ut sperabant) tutela-
re; Graece est, in *εὐδαίμων* p suum, id est
in templum idoli sui. Sed quomodo tuta-
bitur clientes suos Dagon, qui seipsum tu-
tari non potuit? Nam subiectis a Ionathâ
flammis, & idolum, & idolum, ET OM-
NES QUI FUGERUNT IN ILLUD, & urbs
universa Azotus, & vicinæ omnes confla-
grarunt. Prudentiores Ascalonitæ, qui

V. 86. *Ionathâ* ad urbem oppugnandam
CASTRÂ applicanti OBVIAM EXIERUNT,
portantur claves ei offerentes, & MAGNA
GLORIA atque honore cum excipientes. His
a Ionathâ adversus Apollonium ac Deme-
trium tam praeclare gestis,

V. 88. ALEXANDER REX nunc letatius,
ADDIDIT ADHUC longe magis GLORIFICA-
RE, honorare IONATHAN.

V. 89. ET MISIT EI FIBULAM AURE-
AM. Graece, *κίρκιν*, quod monile, verti
posse censet Mariana, putatque ex torque
dependisse, ut in Gallia *S. Michael*, in
domo Burgundica *vellus auream*. Seratius
vult vel ad pectus, vel ad cingulum, vel
ad quaecumque aliam vestium partem ap-
plicatum fuisse monile, quo tamquam fi-
bula, subnecterentur longiora & fluxiora
vestimenta. Unde Virgilius q:

*Aurea purpuream subnectis fibula ve-
stem.*

Ut ut est, constat, primæ notæ ornamen-
tum fuisse, etiam militare, teste Livio r,
& paucis admodum, nec nisi REGUM con-
sanguineis concedi solitum, ut ex hoc loco
colligitur.

(a) Ioseph. Lib. XIII. Antiq. cap. 22. Strabo
Lib. XVI.

(b) 1. Mach. vi. 1. &c.

(c) Ibid. vers. 17. &c.

(d) Iustin. Lib. XXXV. Appian. in Syriac. Li-

vii Epitome Lib. II.

(e) Eusebius Lib. II. cap. xiv. Euseb. Epit. Lib. XLIX.

(f) Ioseph. Lib. XVII. cap. xiv.

(g) 11. Mach. xi. 22.

(h) Cap. ix. vers. 24.

(i) Lib. I. cap. xi. 35.

(k) Lib. I. Mach. xix. 37.

(l) 1. Mach. i. 35. (m) Sup. vers. 2.

(n) Ioseph. Lib. XIII. cap. v.

(o) 1. Reg. v. 2.

(p) 1. Cor. viii. 20.

(q) Aeneid. IV.

(r) Livius Lib. XXXIX.

GORDONI.

IAM hoc caput decimum oritur narrationem ab anno 160. (qui videtur octavus, vel novus Ionathæ) de bello nato inter Alexandrum (qui se dicebat Antiochi Epiphanis filium) & Demetrium vers. 1. & 2. uterque sollicitat societatem Ionathæ, vers. 3. & deinceps. Sed Ionathas adhæret Alexandro (qui dictus est Balas) vers. 46. occisus in acie Demetrius, vers. 50. cum filio Ptolemæi. Alexandri nuptiæ celebratæ (vers. 57.) anno 162. sic Ionathas Iudæam totam urbes, & coronam accepit, vers. 62. verum anno 165. Junior Demetrius dictus Nicanor, & prior Demetrii filius invertit omnia, vers. 67. & deinceps. Sed missus Apollonius a Demetrio, vincitur a Ionatha vers. 77. & deinceps. Ionathas verum potitur latante Alexandro, vers. 89.

V. 7. Nunc arx Ierusalem erat in potestate Demetrii.

V. 21. INDUIT SE STOLA: habitu pontificio.

V. 29. PARTIA BALIS: tributū genus. Sequuntur hic alia quoque taxata tributa, & aurum coronarium, coronas vocat, quod initio ultro, postea ut debitum dabatur.

V. 34. DIES DECRETI. Ampla immunitas etiam quoad solemnitates, ne cogantur causas agere, diebus decretæ alicuius solemnitatis. Hinc apparet, quanta & quæ gravia fuerint tributa Iudæorum, copiæ hic sunt largitiones militares.


V. 69. IAMNIAM: urbs Iudææ maritima.

V. 75. EXCLUSIT EUM: urbs Ioppe noluit eum recipere.

V. 86. FIBULAM AUREAM: putatur torques, unde pendebat fibula.

CAPUT XI.

Mortuo Alexandro, & similiter Ptolemæo qui Alexandri regnum dolo invaserat, ablata ab eo filia sua & tradita in uxorem Demetrio, hic Demetrius Ionathan honorat datis litteris immunitatis a tributis: Ionathas autem mittit ei auxiliares milites, qui occisis uno die centum millibus, regem a civibus Antiochia liberarunt, & Antiochiam incenderunt: illo autem fœdus cum Ionatha initum prævaricantes, Antiochus filius Alexandri devicto Demetrio regnans, fœdus init cum Ionatha, qui una cum fratre Simone sapiens victor evadit adversus alienigenas.

1.  **T** rex Aegypti congregavit exercitum, sicut arenâ quæ est circa oram maris, & naves multas: & quærebat obtinere regnum Alexandri dolo, & addere illud regno suo. 2. Et exiit in Syriam verbis pacificis, & aperiebant ei civitates, & occurrebant ei: quia mandaverat Alexander rex exire ei obviam, eo quod socer suus esset. 3. Cum autem introiret civitatem Ptolemæus, ponebat custodias militum in singulis civitatibus. 4. Et ut appropiavit Azoto, ostenderunt ei templum Dagon succensum igni, & Azotum & cetera eius demolita, & corpora proiecta, & eorum qui cæsi erant in bello tumulos, quos fecerant sæcus viam. 5. Et narraverunt regi quia hæc fecit Ionathas, ut invidiam facerent ei: & tacuit rex. 6. Et occurrit Ionathas regi in Ioppen cum gloria, & invicem se salutaverunt, & dor-

dormierunt illic. 7. Et abiit Ionathas cum rege usque ad fluvium, * quod vocatur Eleutherus: & reversus est in Ierusalem. 8. Rex autem Ptolemæus obtinuit dominium civitatum usque Seleuciam maritimam, & cogitabat in Alexandrum consilia mala. 9. Et misit legatos ad Demetrium, dicens: VENI, componamus inter nos pactum, & dabo tibi filiam meam, quam habet Alexander, & regnabis in regno patris tui: 10. pœnitet enim me quod dederim illi filiam meam: quæsit enim me occidere. 11. Et vituperavit eum, propterea quod concupierat regnum eius. 12. Et abstulit filiam suam, & dedit eam Demetrio, & alienavit se ab Alexandro, & manifestæ sunt inimicitie eius. 13. Et intravit Ptolemæus Antiochiam, & imposuit duo diademata capiti suo, Aegypti & Asiæ. 14. Alexander autem rex erat in Cilicia illis temporibus: quia rebellabant qui erant in locis illis. 15. Et audivit Alexander, & venit ad eum in bellum: & produxit Ptolemæus rex exercitum, & occurrit ei in manu valida, & fugavit eum. 16. Et fugit Alexander in Arabiam, ut ibi protegeretur: Rex autem Ptolemæus exaltatus est. 17. Et abstulit Zabdiel Arabs caput Alexandri, & misit Ptolemæo. 18. Et rex Ptolemæus mortuus est in die tertia: & qui erant in munitionibus, perierunt ab his qui erant intra castra. 19. Et regnavit Demetrius anno centesimo sexagesimo septimo. 20. In diebus illis congregavit Ionathas eos qui erant in Iudæa, ut expugnarent arcem, quæ est in Ierusalem: & fecerunt contra eam machinas multas. 21. Et abierunt quidam qui oderant gentem suam viri iniqui ad regem Demetrium, & renuntiaverunt ei quod Ionathas obsideret arcem. 22. Et ut audivit, iratus est: & statim venit ad Ptolemaidam, & scripsit Ionathæ ne obsideret arcem, sed occurreret sibi ad colloquium festinato. 23. Ut audivit autem Ionathas, iussit obsidere: & elegit de senioribus Israel, & de sacerdotibus, & dedit se periculo. 24. Et accepit aurum, & argentum, & vestem, & alia xenia multa, & abiit ad regem Ptolemaidam, & invenit gratiam in conspectu eius. 25. Et interpellabant adversus eum quidam iniqui ex gente sua. 26. Et fecit ei rex, sicut fecerant ei qui ante eum fuerant: & exaltavit eum in conspectu omnium amicorum suorum, 27. & statuit ei principatum sacerdotii, & quæcumque alia habuit prius pretiosa, & fecit eum principem amicorum. 28. Et postulavit Ionathas a rege, ut immunem faceret Iudam, & tres toparchias, & Samariam, & confines eius: & promisit ei talenta trecenta. 29. Et consensit rex: & scripsit Ionathæ epistolæ de his omnibus, hunc modum continentes: 30. REX Demetrius fratri Ionathæ salutem, & genti Iudæorum. 31. Exemplum epistolæ, quam scripsimus Latheni parenti nostro de vobis, misimus ad vos ut sciretis: 32. Rex Demetrius Latheni parenti salutem. 33. Genti Iudæorum, amicis nostris, & conservantibus quæ iusta sunt apud nos, decrevimus benefacere, propter benignitatem ipsorum, quam erga nos habent. 34. Statuimus ergo illis omnes fines Iudææ, & tres civitates, Lydan, & Ramathan, quæ addicæ sunt Iudææ ex Samaria, & omnes confines earum, sequestrari omnibus sacrificantibus in Ierosolymis, pro his quæ ab eis prius accipiebat rex per singulos annos, & pro fructibus terræ & pomorum. 35. Et alia quæ ad nos pertinebant decimarum & tributorum, ex hoc tempore remittit.

mittimus eis: & areas salinarum, & coronas quæ nobis deferebantur, 36. omnia ipsis concedimus: & nihil horum irritum erit ex hoc, & in omne tempus. 37. Nunc ergo curate facere horum exemplum, & detur Ionathæ, & ponatur * in monte sancto, in loco celebri. 38. Et videns Demetrius rex quod siluit terra in conspectu suo, & nihil ei resistit, dimisit totum exercitum suum, unumquemque in locum suum, excepto peregrino exercitu, * quem contraxit ab insulis Gentium: & inimici erant ei omnes exercitus patrum eius. 39. Tryphon autem erat quidam partium Alexandri prius: & vidit * quoniam omnis exercitus murmurabat contra Demetrium, & ivit ad Emalchuel Arabem, qui nutriebat Antiochum filium Alexandri: 40. & assidebat ei, ut traderet eum ipsi, ut regnaret loco patris sui: & enuntiavit ei quanta fecit Demetrius, & inimicitias exercituum eius adversus illum. Et mansit ibi diebus multis. 41. Et misit Ionathas ad Demetrium regem, ut eiiceret eos, qui in arce erant in Ierusalem, & qui in præsidii erant: quia impugnabant Israel. 42. Et misit Demetrius ad Ionathan dicens: Non hæc tantum faciam tibi, & genti tuæ, sed gloria illustro te, & gentem tuam, cum fuerit opportunum. 43. Nunc ergo recte feceris, si miseris in auxilium mihi viros: quia discessit omnis exercitus meus. 44. Et misit ei Ionathas tria millia virorum, fortium Antiochiam: & venerunt ad regem, & delectatus est rex in adventu eorum. 45. Et convenerunt qui erant de civitate, centum viginti millia virorum, & volebant interficere regem. 46. Et fugit rex in aulam: & occupaverunt qui erant de civitate, itinera civitatis, & cœperunt pugnare. 47. Et vocavit rex Iudæos in auxilium, & convenerunt omnes simul ad eum, & dispersi sunt omnes per civitatem: 48. & occiderunt in illa die centum millia hominum, & succenderunt civitatem, & ceperunt spolia multa in die illa, & liberaverunt regem. 49. Et viderunt qui erant de civitate, quod obtinuissent Iudæi civitatem sicut volebant: & infirmati sunt mente sua, & clamaverunt ad regem cum precibus, dicentes: 50. Da nobis dexteras, & cessent Iudæi oppugnare nos & civitatem. 51. Et proiecerunt arma sua, & fecerunt pacem, & glorificati sunt Iudæi in conspectu regis, & in conspectu omnium qui erant in regno eius, & nominati sunt in regno: & regressi sunt in Ierusalem habentes spolia multa. 52. Et sedit Demetrius rex in sede regni sui: & siluit terra in conspectu eius. 53. Et mentitus est omnia quæcumque dixit, & abalienavit se a Ionatha, & non retribuit ei secundum beneficia quæ sibi tribuerat, & vexabat eum valde. 54. Post hæc autem reversus est Thryphon, & Antiochus cum eo puer adolescens, & regnavit, & imposuit sibi diadema. 55. Et congregati sunt ad eum omnes exercitus, quos disperferat Demetrius, & pugnaverunt contra eum: & fugit, & terga vertit. 56. Et accepit Tryphon bestias, & obtinuit Antiochiam: 57. & scripsit Antiochus adolescens Ionathæ, dicens: Constituo tibi sacerdotium, & constituo te super quatuor civitates, ut sis de amicis regis. 58. Et misit illi vasa aurea in ministerium, & dedit ei potestatem bibendi in auro, & esse in purpura, & habere fibulam auream: 59. & Simonem fratrem eius constituit ducem a terminis Tyri usque ad fines Ægypti. 60. Et exiit Ionathas, & perambulabat trans flumen civitates.

uocet: & congregatus est ad eum omnis exercitus Syriæ in auxilium, & venit Alcalonem, & occurrerunt ei honorifice de civitate. 61. Et abiit inde Gazam: & concluderunt se qui erant Gaza: & obsedit eam, & succendit quæ erant in circuitu civitatis, & prædatus est ea. 62. Et rogaverunt Gazenses Ionathan, & dedit illis dexteram: & accepit filios eorum obsides, & misit illos in Ierusalem: & perambulavit regionem usque Damascum. 63. Et audivit Ionathas quod prævaricati sunt principes Demetrii in Cades, quæ est in Galilæa, cum exercitu multo, volentes eum removere a negotio regni: 64. & occurrit illis: fratrem autem suum Simonem reliquit intra provinciam. 65. Et applicuit Simon ad Bethsuram, & expugnabat eam diebus multis, & conclusit eos. 66. Et postulaverunt ab eo dexteram accipere, & dedit illis: & eiecit eos inde, & cepit civitatem, & posuit in ea præsidium. 67. Et Ionathas & castra eius applicuerunt ad aquam Genesar, & ante lucem vigilaverunt in campo Asor: 68. & ecce castra alienigenarum occurrebant in campo, & tendebant ei insidias in montibus: ipse autem occurrit ex adverso. 69. Insidiæ vero exurrexerunt de locis suis, & commiserunt prælium. 70. Et fugerunt qui erant ex parte Ionathæ omnes, & nemo relictus est ex eis, nisi Mathathias filius Absolomi, & Iudas filius Calphi, princeps militiæ exercitus. 71. Et scidit Ionathas vestimenta sua, & posuit terram in capite suo, & oravit. 72. Et reversus est Ionathas ad eos in prælium, & convertit eos in fugam, & pugnaverunt. 73. Et viderunt qui fugiebant partis illius, & reversi sunt ad eum, & insequabantur eum eo omnes usque Cades ad castra sua, & pervenerunt usque illuc: 74. & ceciderunt de alienigenis in die illa tria millia virorum: & reversus est Ionathas in Ierusalem.

BRUGENSIS

ROMANÆ CORRECTIONES.

- Vers. 7. Qui vocatur Eleutherus. Non surrogas imperfectum vocabatur in locum præsentis.*
Vers. 37. In monte sancto, in loco celebri. Non intericiis coniunctionem &.
Vers. 38. Quem contraxit ab insulis gentium, Verbum compositum contraxit non est mutandum in simplex traxit.
Vers. 39. Quoniam omnis exercitus murmurabat contra Demetrium. Præteritum imperfectum non mutetur cum perfecto, murmuravit.
Vers. 61. Et prædatus est ea. Neutrum plurale ea non est vertendum in: singulari: emi nimum ea.

COMMENTARIA

S A.

- Vers. 4. CETERA. Græc. suburbia. Turmuzos, id est acervos cadaverum, vel lapidum super sepultos.*
V. 11. Eius, scilicet Alexandri.
V. 18. PERIERUNT, id est occisi sunt.
INTRA CASTRA. Græc. in ipsis munitionibus.
V. 23. OSSIDERE, scilicet arceem.
V. 24. XENIA, id est munera.
V. 28. TOPARCHIAS, id est præfecturas: vide sup. cap. x. & infra.
V. 31. PARENTI. Græc. cognato.
V. 32. PARENTI, id est velut patri.
V. 33. BENIGNITATEM. Græc. benevolentiam.
V. 34. CIVITATES. Græc. præfecturas.
 LX.

LYDAN. Græc. *Apherêma* & *Lydan*. PROHIS, id est in compensationem eorum.

V. 36. EX HOC, scilicet tempore.

V. 38. SILEUIT, id est quievit, scilicet a bellis. ET INIMICI; pro, ideo inimici, vel, quia inimici.

V. 46. AULAM, scilicet regiam.

V. 49. INFIRMATI, id est consternati.

V. 60. FLUMEN, scilicet Iordanem, vel Euphratem.

V. 63. PRAEVARICATI SUNT. Græc. *adessent*. EUM, scilicet Ionathan. NEGOTIO REGNI. Græc. *regione*.

V. 64. PROVINCIAM, scilicet Iudææ.

V. 67. VIGILAVERUNT, &c. id est summo mane se consulerunt in campum.

V. 70. PRINCEPS. Græc. *principes*.

V. 71. PUGNAVERUNT. Græc. *fugerunt*.

V. 73. FUGIEBANT; pro, fugerant. ILLIUS, scilicet Ionathæ. SUA, id est ipsum.

EST II.

Verf. 70. **ET** FUGERUNT, QUI ERANT & 71. **EX** PARTE IONATHAE OMNES. ET SCIDIT IONATHAS VESTIMENTA SUA, ET POSUIT TERRAM IN CAPITE SUO; QUÆRIUR AN IONATHAS HOC LICITE FECERIT? cum esset summus sacerdos, de quo scriptum est Levit. xxi. *Caput suum non discoperies, vestimenta sua non scinder, &c.* Respondet, Locus ille Levitici non prohibet, nullo omnino casu summum sacerdotem vestimenta scindere; sed loquitur totum illud caput de diversis funeribus; & præcipit Moyses, ne summus sacerdos ad ullum omnino mortuum ingrediatur, nec ullo funere polluat, ne quidem patris aut matris; idque ob certa mysteria ibi explicata: alioqui IV. Reg. xviii. Eliacim præpositus domus, audita blasphemiam, scidit vestimenta sua; & Caphas etiam, cum diceret Christum blasphemasse. Et sit etiam in periculo isto, quod blasphemandum timebatur nomen Domini a gentibus, propter tantam cladem, non male videtur Ionathas scidisse vestimenta sua; maxime cum non solum esset summus sacerdos, sed etiam princeps. Sic & Eldras sacerdos I. Esdræ ix. scribit se scidisse pallium suum & tunicam.

Bib. Sac. Tom. XXII.

MARIANAÆ.

Verf. 1. **R**EX AEGYPTI. Omnia iura subvertit regnandi cupiditas; ignis est, nullis finibus resistit; fœcit in generum insurgit.

V. 3. CUM AUTEM INTROIRET IN CIVITATEM PTOLEMAEUS: quamvis Græce, in *crivates Ptolemaidis*. Sic in Regius: Romana cum nostra editione consentiunt.

V. 4. ET CETERA RIUS DEMOLITA: *παραδία*, suburbia destructa a Ionathæ Ptolemaeo ostendunt.

V. 8. PTOLEMEUS OBTINUIT DOMINIUM CIVITATUM. Græce, *civitatum litioris*, *παράλιας*, seu *maritimarum*, usque Seleuciam.

V. 9. MISIT LEGATOS AD DEMETRIUM, filium prioris Demetrii, qui venerat ex Greia, cap. x. 67.

V. 17. QUÆRUIT ENIM ME OCCIDERE, ait Ptolemaeus per Ammonium Ptolemaide: Iosephus Lib. XIII. cap. viii. Fugit Alexander. Caput Alexandri.

V. 17. ABSTULIT ZABDIEL. Iosephus loco citato *Zabêlum* vocat, is Alexandro caput abstulit in Arabiam profugo.

V. 18. PTOLEMAEUS MORTUUS EST IN DIE TERTIA post allatum ad eum caput Alexandri, ex vulneribus quæ in pugna cum eo accepit, quinto die post pugnam, ut ait Iosephus.

V. 23. IUSSIT OBSIDERE. Non intermissa obsidione arcis, Ionathas tamen ivit ad Regem, qui multa ei dedit.

V. 28. ET TRES TOPARCHIAS. Vox tres in Goth. non est, nempe verf. 34. duas nominat, *Lydan* & *Ramathan*. Verum codices omnes tres habent, & cap. x. 38. tres urbes ex Samaria contribuntur Iudææ; & de iis nunc loquitur. ET SAMARIAM. Goth. *id est Samariam*. Sic Regia. Nimirum eas tres toparchias volunt in Samaria & confinibus contineri.

V. 34. TRES CIVITATES. Græce, *νῦν*; sed perinde est. LYDAN, ET RAMATHAN. Adice *Ἀφαιρῖμα*, quæ Græc. est, ut sint tres numero. An hæc *Apherima* est, quæ Ioan. xi. verf. 54. vocatur *Ephrem*? Concedit Demeirius Iudæis.

V. 35. AREAS SALINARUM. Græce est, *ἁλῶν*.

flagna salinarum. Aqua maris in areas seu lacunas redigitur, ut vapore solis concre-
scat in sal.

V. 45. QUI ERANT DE CIVITATE. Græce additur, *in medium civitatis*, scilicet convenerunt contra Regem.

V. 51. ET NOMINATI SUNT IN REGNO. Hoc est Græce.

V. 56. ACCEPIT TRYPHON BESTIAS: elephantos scilicet Demetrii.

V. 61. QUAE ERANT IN CIRCUITU CIVITATIS. *Περὶ πόλιν*, suburbia succendit. PRAEDATUS EST EA: sic lege, non eam, ut Regia, nec ear, ut Gothi. Audivit Ionathas.

V. 63. QUOD PRAEVARICATI SUNT, id est rebellant Demetrii duces contra Antiochum. Græce, *παρῳκῶν*, alterant, noster legit, *παρῳκῶν*. VOLENTES EUM REMOVERE Ionathan.

V. 67. IN CAMPO ASOR. Melius sic quam *Nasor*, ut est Græce: sic Masius Iosue xi. Et sane *Asor* erat prope *Cades*, ubi hostes erant. *Cadafam* vocat urbem *Cades* Lib. XIII. cap. ix. Iosephus.

V. 70. PRINCIPES MILITIAE. Græce, *Πρίνκιπες μιλίτιας*, scilicet Mathathias & Iudas. EXERCITUS. Græce, *ἐκκέρκινον*.

V. 72. ET REVERSUS EST IONATHAS AD EOS, scilicet hostes. ET PUGNAVERUNT. Græce, *ὁρ* *ῥεγερντ* *ὁστεις*.

V. 73. ET VIDERUNT QUI FUGIEBANT, scilicet Iudæi, Ionathæ milites. INSEQUEBANTUR CUM EO, cum Ionatha. OMNES: nec Græce nec Gothi. est: & sine ea voce constat sententia. PERVENERUNT USQUE ILLUC. Græce, *κατὰ μέτρον* *ἔλθουσιν* *ἐκεῖ*.

MENOCHII.

Perf. 4. CETERA. In Græco est, *καὶ περὶ πόλιν*, suburbia. TUMULO, id est acervos cadaverum vel lapidum super sepultos.

V. 5. TACUIT REX: sicut Alexandri ruinam quam moliebatur dissimulabat, ita & Ionathæ amici eius.

V. 6. CUM GLORIA: magnifico scilicet apparatu, & comitatu.

V. 7. AD FLUMEN, QUI VOCATUR EULEUTHERUS: quem Adrichomius ultra Ptolemaidem, & Tyrum collocat, non longe a Sidone ex Libano monte prorumpentem.

Vide eundem in tribu Aser num. 37. Ptolemaeus tamen ultra Libanum collocat.

V. 8. DOMINUM CIVITATUM: quas prædiis occupat. USQUE SELEUCIAM MARITIMAM: est enim in maris mediterranei littore prope Orontem fluvium, non longe ab Antiochia.

V. 9. IN REGNO PATRIS TUI: quod scilicet occupat Alexander, quem regno tibi debito extrudam.

V. 10. QUÆSIVIT ME OCCIDERE: calamum est. VITUPERAVIT EUM: criminatione conficta. ETUS; scilicet, Alexandri.

V. 12. DEDIT EAM DEMETRIO: non quod Demetrium magis amaret quam Alexandrum; neutrum enim cupiebat Regnum Syriæ possidere, ad quod ipse oculos adiecerat; sed noluit utrumque simul habere adversarium sperans altero sublato, se etiam alterum everfurum.

V. 17. ET ABSTULIT ZABDIEL, &c. sive sponte id fecit Ptolemaeus gratificaturus, sive ab eo redemptus sicarius.

V. 18. REX PTOLEMAEUS MORTUUS EST: ex vulnere accepto in pugna, ut auctores sunt Ioseph, Strabo, & Florus. PERIERUNT, id est occisi sunt. AB HIS, QUI ERANT INTRA CAESTRA. In Græco est, *ἐν τοῖς ἀποσκευαῖς*; quasi dicat: Qui erant in prædiis, & munitis locis, tam ex parte Demetrii, sive Ptolemaei, quam Alexandri, alteri ab alteris interfecti sunt.

V. 21. QUIDAM: Iudæi patriæ inimici. V. 22. IRATUS EST: nolens sibi eripi prædium illud, quo Ierusalem, & Iudæam habebat in potestate.

V. 23. LUSIT OBSIDERE, id est urgeri obsidionem. ELEGIT DE SENIORIBUS, &c. Omnino probabile est Ionathan parasse quid responderet regi de obsidione arcis. Nimirum se id aggressurum necessitate compulsum, propterea quod multis quotidie iniuriis afficeretur a prædicatorum militibus, essetque id periculum omnium sceleratorum gentis suæ. Huius ergo rei ut fidem faceret, secum duxit viros primarios seniores scilicet, & sacerdotes fidei dignissimos. DEDIT SE PERICULO: commisit se periculo.

V. 24. XENIA: munera.

V. 25. INTERPELLABANT: eum accusabant apud regem.

V. 26. SICUT FECERANT, &c. Ptolemaeus videlicet Philometor, & Alexander.

V. 27.

V. 27. STATUIT: confirmavit. ET QUAE-
CUMQUE HABUIT PRIUS PRETIOSA: di-
gnitatis insignia, & gentis suae principa-
tum.

V. 28. TRES TOPARCHIAS. Intelligit
tres civitates, de quibus supra x. 30. vide
infra nu. 34. SAMARIAM: civitatem Sa-
mariae cum suis confinibus, & subiectis
locis.

V. 29. EPISTOLAS: litteras patentes.

V. 31. LASTHENI PARENTI NOSTRO:
infratris parentis Lasthenem colebat Deme-
trius, quod eius ope adiutus, ex Creta cum
exercitu veniens regnum recuperasset. Vi-
de Iosephum Libr. XIII. cap. VIII. in
Graeco tamen non est, *parenti*, sed *αυγινη*,
id est *cognato*. Utrumque verum esse po-
test, ut scilicet quis propinquus sit, & co-
latur loco parentis. Adde hoc eodem ver-
iculo Lasthenem vocari *αυγινη*, & *πα-
τερ* in Graeco textu.

V. 33. CONSERVANTIBUS QUAE IUSTA
SUNT APUD NOS: ius nostrum factum te-
ctum custodientibus, nec illud violentibus.

V. 34. ET TRES CIVITATES LYDAN,
ET RAMATHAN. In Graeco est, *ἡ τρις
πόλεις ὅντων ἀκριβῶς*, *ἡ λυδία, ῥαμαθίμ*;
id est, *tres praefecturae* (hoc enim si-
gnificant *πολις*) *Αφάρημα*, & *Lyddan*,
& *Rhamathem*. Adrichomius Apharema
in tribu Ephraim collocat, iuxta Lyddam,
quae etiam dicta est Diospolis, & Rhama-
tham Samuels natalibus, habitatione, &
sepultura illustret. Vide infra cap. xv. 5.
a civitatibus praefecturae nomen accipiunt,
& promissae accipiuntur. Sic eum dicit
rex Neapolis, intelligitur etiam totius regni
dominus. SEQUESTRARI. In Graeco non est
hoc verbum; sententia videtur esse, vo-
luisse regem tres illas civitates, sive praefec-
turas obligari ad praebendos sumptus sa-
crificiorum in Ierusalem. PRO HIS, QUAE
AB EIS PRIUS ACCIPIEBAT REX, &c. id
est, ut proventus regius ex illis civitatibus
non iam in ararium regis inferretur, sed
sacro usui sacrificiorum deserviret.

V. 35. AREAS SALINARUM. In Graeco,
ὁρμας ἁλὸς, *ἁλινὰς ἀράς*, id est conce-
pitacula aquarum marinarum, quae solis aut
ignis ardore excoctae concreverunt in duri-
tiam salis.

V. 37. IN MONTE SANCTO: in tem-
plo, vel in atrio aliquo templi, quod a
multitudine populi celebratur.

V. 38. SILUIT TERRA, id est quievit a
bellis. EXCEPTO PEREGRINO EXERCITU:
quem scilicet e Creta secum duxerat, &
ex vicinis insulis. ET INIMICI ERANT EI,
&c. id est, ideoque odium incurrit proprii
exercitus e sua ditione collecti; dolebant
enim milites quod stipendiis privarentur,
quibus hactenus se aluerant.

V. 40. ASSIDEbant EI, illum urgebant.
UT TRADERET EUM IPSI, Antiochum,
scilicet Tryphoni.

V. 42. GLORIA ILLUSTRABO TE: hono-
res tibi addam; augebo te dignitate.

V. 46. ITINERA CIVITATIS: vias ur-
bis, ne quis ferre posset auxilium Deme-
trio, qui se in regiam receperat.

V. 47. DISPERSI SUNT OMNES PER CI-
VITATEM: ut eos qui variis locis vias ci-
vitatibus obsidebant, de medio tollerent.

V. 49. INFIRMATI SUNT, id est consterna-
ti.

V. 50. DA NOBIS DEXTRAS: in signum
pacis, & reconciliationis.

V. 52. SILUIT TERRA: quievit a bellis.

V. 54. PUER ADOLESCENS. Graecus textus
vocat, *παιδίον νήπιον*, adolefcentiu-
lum, sive potius puerulum, decem scili-
cet, aut duodecim scilicet annorum.

V. 55. QUOS DISPENSERAT DEMETRIUS;
id est, quos stipendiis fraudaverat, & di-
miserat a militia.

V. 56. BESTIAS: elephantos.

V. 57. SUPER QUATUOR CIVITATES:
superius num. 34. trium tantum civitatum
mentio facta fuerat, sed novus rex addit
quartam.

V. 58. IN MINISTERIUM: domus scili-
cet, aut mensae suae, ut patet ex sequen-
tibus. ESSE IN PURPURA, &c. ut purpu-
ram, & fibulam auream gestaret.

V. 59. A TERMINIS TYRI USQUE AD
FINES AEGYPTI, id est, dedit totam o-
ram maritimam Palaestinae, ut eam sibi
Iudaeorum armis subiectam redderet.

V. 60. TRANS FLUMEN: Iordanem.

V. 61. QUAE ERANT IN CIRCUITU CI-
VITATIS, id est suburbia.

V. 63. PRAEVARICATI SUNT. In Graeco
est, *παρῆσαν*, id est *adessent*. Noster
videtur legisse, *παρίσαν*, vel *παρῆσαν*.
EUM: scilicet, Ionathan. A NEGOTIO
REONT: volebant enim Ionathan in suam
Iudaeam egere, ne se regni Syriae negotiis
immisceret.

V. 64. PROVINCIAM, id est Iudæam.

V. 65. EXPUGNABAT: oppugnabat. CON-
CLUST: obfisione cinxit.

V. 66. DEXTERAS ACCIPERE: pacem
facere, ut supra num. 30.

V. 67. AD AQUAM GENESAR: ad sta-
gnum Genesareth, quod etiam vocatur
mare Galilee, cuius in tribu Zabulon.
ANTE LUCEM VIGILAVERUNT, id est sum-
mo mane se contulerunt in campum. IN
CAMPO ASOR. Asor gloriola quondam ci-
vitas ante ipsa Iosue tempora, ut patet Io-
sue xi. 1. 10. cum campo suo Nephthalim,
ad quem locum nocturno itinere summo ma-
ne pervenerunt.

V. 68. TENEBANT: tenebant.

V. 70. NISI MATHATHIAS, &c. Hi so-
li cum suis remanserunt.

V. 72. PUGNAVERUNT. In Græco est,
μαχησεν, & suggerunt.

V. 73. PARTIS ILLIUS, scilicet Iona-
thæ.

T I R I N I.

Vers. 1. **R**EX AEGYPTI Ptolemæus am-
bitione exsultans, inhiat re-
gno Syriæ. Ergo focer in generum arma-
tur. Prius tamen rem DOLO tentat, &
amicitiæ arque affinitatis prætextu abusus,
Syriam cum validissimis copiis ingreditur,
usus ubique

V. 2. VERBIS PACIFICIS, quasi gene-
rum suum revisurus, & maximi momen-
ti negotia cum eo tractaturus. Quamcum-
que interim

V. 3. CIVITATEM INTROIRET, impone-
bat ei præsidium militare. Nec diu latuit
dolos: mox enim ut vers. 12. FILIAM
SUAM Cleopatram ABSTULIT Alexandro,
ET DEDIT EAM æmulo eius DEMETRIO,
MANIFESTAE SUNT OMNIBUS INIMICITIÆ
EUS adversus Alexandrum. Et ecce hos-
tium prætextum. Vers. 10. *Quasi* Alex-
ander ME interficere veneno, vel per si-
carios; ideo, scilicet *viruperavit*, id est re-
pudiavit, EUM, & a thoro filix repuli, &
regno exui. Sed vera causa fuit, vers. 11.
QUOD Ptolemæus CONCUPIERAT REGNUM
Alexandri, velleque illud annexere regno
Aegypti. Unde utriusque regni *diadema*

V. 13. AEGYPTI, scilicet ET ASTAE.
IMPOSUIT Antiochiæ CAPITUM SUO. Neque
vero intendebat Ptolemæus tradere regnum

Assæ novo genero suo Demetrio, licet hoc
illi promississet vers. 9. sed illo solum pro
vasallo uri volebat.

V. 14. ALEXANDER absens tum IN CE-
LICIA ut rebellantes istuc compelleret, au-
ditis dolis & perfidia focer, voluit bello
cum ipso congressi; sed primo congressu
celus fugatusque; vers. 16. IN ARABIAM
se recepit, UT IBI PROTEGERETUR a *Zab-
diele Arabum* rege, Iosephus a *Zabelum*
vocat. Sed hic veritus, ne hac occasione
Ptolemæus tot iam regnorum potentia au-
ctus, ac proinde insuperabilis, etiam re-
gnum Arabiæ invaderet, prævertit inhu-
mano scelere, *præciso capite Alexandri*, &
ad *Ptolemæum transiisse*, illum sibi hoc
munere divincire & periculum a suis fini-
bus amovere. Sed ea celerem Numinis
vindictam.

V. 18. PTOLEMAEUS & conspecto generi
capite non supervixit nisi usque ad *ter-
tiam diem*, vulneribus exstinctus, inquit
Iosephus quæ in nuptia cum Alexandro
pugna acceperat. Inchoabatur tunc annus
Græcorum 167. regni Philometoris 36. Quo
extincto milites Aegyptii, qui a Ptole-
mæo relicti erant IN MUNITIONIBUS Syriæ
nuper ab illo occupatis, mox iubente De-
metrio invasi sunt & occisi AB HIS QUI
ERANT INTRA CASTRA, id est a Syriis &
Assiaticis, quos *Demetrius* tum temporis
habebat secum in castris. Atque ira re-
gnum universum Syriacum cecidit Demetrio
anno 167. Græcorum.

V. 10. Horum tumultuum occasione usus
IONATHAS ARCEM obsedit *Ierosolymitanam*,
quæ Syriaco præsidio etiam tum insideba-
tur. Nam licet *Demetrius senior* cap. præ-
ced. vers. 32. dederit hanc arcem Ionathæ;
donatio tamen illa, quia conditionata erat
(nempe, si Iudæi faverent Demetrio ad-
versus Alexandrum) nec conditio hæc
acceptata fuerat, in rem deducta non fuit.
Dum ergo Ionathas arcem sibi iam vindic-
care conatur, en tibi perfidos apostatas

V. 21. QUI oderant propriam GENTEM
SUAM Iudaicam, AD DEMETRIUM NOVUM
REGEM querelas deferentes.

V. 22. IRATUS Demetrius inhihet IO-
NATHAE NE ARCEM *obsideret*, sed PTOLE-
MADAM mox advolet, collatusque secum
super hoc & aliis pluribus negotiis. Sed
Ionathas nil terribius litteris regis, suis in
obsidenda arce occupatis,

V. 23. Iussit porro **OBSIDERE**, & strenue in opere bene capto progredi. Ipse interim excurrit ad regem Ptolemaidam a quo honorificentissime exceptus, & amplissimis dignitatibus auctus est. Arque hac occasione obviuit a rege non quidem *arce* prædictam, (nam ex vers. 41. contrarium colligitur: unde verisimile est Ionathan a reditu suo solvissse obsidionem arce,) sed alia longe maiora: nempe

V. 28. **UT** *humilis* esset tota *Iudea* ab omni externo præsidio, ab omni tributo, ab omni onere. Nec Iudea solum, sed & omnia quæ annexa erant Iudææ, puta *tres toparchiæ*, seu præfecturæ, vers. 34. nominatæ: item *Samarita* ET EIUS **CONFINES** civitates. Porro ad hanc immunitatem facilius extorquendam PROMISIT Ionathas regi **TALENTA TRECENTA** pro honorario munere.

V. 31. **EXEMPLUM** *epistolæ* QUAM SCRIPSIMUS NOS rex Demetrius LASTHENTI PARENTI NOSTRO, seu insar parentis charo & grato, (vicario nostro in finibus Iudææ, vel etiam Syriæ præregi,) MISIMUS AD VOS, o Iudei, **UT** SCIRETIS quid in usum & commodum vestrum illi mandaverim.

V. 34. **STATUIMUS** ERGO genti Iudæorum immunes deinceps relinqui **OMNES** *FINES* IUDÆÆ, item *TRES* **CIVITATES**, seu præfecturas, (Iosephus *satrapias* vocat,) nempe *ἀρχαὶ* (hæc enim ex Græco supplenda) *LYDAN*, ET *RAMATHAN*, cum *omnibus confinibus* EARUM. Et omnia, quæ inde quotannis, seu *tributa*, seu *decime*, seu regalia colligebantur, volumus **SUQUAESTRARI**, & cedere deinceps in usum *sacerdotum* Ierololymis, eo sensu quo cap. præced. vers. 28. & seqq. addixerat Iudæis senior Demetrius, & iam Ionathas a iuniore deposebat hoc cap. XI. vers. 28.

V. 35. *Remisit* quoque Iudæis rex **AREAS** *SALINARUM*. Græce, *ἁγνα λῆλις*. Solet enim aqua maris in areas, seu lacunas, vel stagna redigi, ibique evaporare, & calore solis concrefcere in sal. De salinis redditibus multa refert Liplius in *Admirandis* b.

V. 38. **DEMETRIUS** REX cum nullum amplius haberet regni æmulum, exauctorat **TOTUM** **EXERCITUM** SUUM, quem ex Syris & Asiaticis civibus & subditis suis col-

lectum habuerat, qui strenuam ipsius parentibus operam perpetuo navarat: retinuit autem penes se *peregrinum exercitum* QUEM AB **INSULIS**, seu regionibus externarum GENTIUM secum *traxerat* in Syriam: quasi plus fidens externis militibus, quam propriis subditis & civibus suis. Et vero debebat magnis sumptibus alere externum illum militem, cum posset longe minore impensa subditorum suorum favore ac benevolentia frui, quæ nunc in odium commutata fuit, nam idcirco INIMICI facti sunt ET OMNES EXERCITUS PATRUM EIUS, omnes antiquæ legiones Syriacæ & Asiaticæ.

V. 39. Usus est occasione **TRYPHON** QUIDAM, dictus antea *Didotus*, inquit Applanus, natione *Apamæus*; vel saltem educatione, ut Ioseph. Strabo & Iustinus d volunt; homo potens & facilius, & ope harum legionum viam stravit ad regnum *Antiocho* iuniori filio **ALEXANDRI** Velis, recens a *Zabdiele* Arabe capite plexi, apud alium principem **ARABEM** nomine *EMALCHUEL* secreto latitanti. Sed de hoc infra. Uti sunt & cives *Antiocheni*,

V. 45. Qui seditioso furore **CONVENERUNT** in *medium civitatis* (ut additur in Græco) id est in forum, ad **CENTUM** **VIGINTI** **MILLIA**, ET **VOLEBANT** **INTERFICERE** **REGEM** Demetrium: & iam cœperant

V. 46. *Oppugnare* AU. AM. seu *arce* in quam rex confugerat. Sed ope *trium militum Iudæorum* a Ionatha vers. 44. Antiochiam submissorum, liberatus est rex, cæcis Antiochenorum facile *centum millibus*. Sed parva rursus quiete

V. 53. **MENTITUS** EST rex Demetrius, nihil præstans eorum omnium quæ Ionathæ & Iudæis vers. 34. & 42. amplissimis verbis addixerat. Quin potius **VERABAT** **EUM** VALDE, pro bonis referens mala benefactori & conservatori suo. Unde & Ionathas cum suis adhæsit deinceps æmulo Demetrii, Antiocho iuniori, quem *Tryphon* ex Arabia

V. 54. In Syriam, eduxit, & regio diademate insignivit, Demetrio prima pugna in fugam abacto.

V. 56. ET **BESTIIS**, id est elephantis omnibus territis, & machinis, & impediementis, adeoque & regia scilicet *Antiochia*, victori

victori in spoliis cedentibus. Victoriæ causa non minima fuerant *Ionathas* & *Simon*; unde mox insignibus a novo rege muneribus atque honoribus decorantur *vers.* 57. & 59. Et profectus victoriam *Ionathas* pro *Antiocho*, ut ait *Iosephus* &

V. 60. TRANS FLUMEN *Iordanem*, adiutus omnibus *Syriacis* legionibus, omnia *Damascum usque* detrahit *Demeirio*, & novo regni *Antiocho* subiecit. Interea

V. 63. PRINCIPES exercitus *DEMETRII* PRAEVARICATI SUNT IN CADES, id est ad rebellionem concitavit incolas *Cades*, *Iosepho Cadesa*; QUAE SITA EST IN GALILAEA, persuadentes eis ut pro *Demetrio* arma fumerent adversus *Antiochum*; VOLENTES hoc stratagemate revocare c*Syria* & REMOVERE *Ionatham* A NEGOTIO REGNI pro *Antiocho* conquirendi & stabilendi: ne, dum aliena curatum iret, propria perderet. Sed *Ionathas*, rebus in *Syria* compositis,

V. 64. OCCURRIT cum victore exercitu suo *ILLIS* *Demeirii* ducibus, relicta fratri suo *Simoni* INTRA PROVINCIAM *Iudæam* cura expugnandæ *Betofura* iuxta *Ierusalem* f, quod illi successit ex animi sententia *vers.* 66.

V. 67. Sed *IONATHAS* cum suis AD LACUM *GENEZAR*, seu *Genezareth*, ANTE LUCEM VIGILAVERUNT IN CAMPO; *Græce, in campum*. *ASOR*: nam eo festinabant *Iudæi*. Cumque eo appulissent summo mane aciem instrunt: sed dum ab insidiis a tergo positis non sat cavent, circumventi *vers.* 70. aguntur in fugam, nemine apud signa militaria reliquo præter *Mathathiam filium ABSALOMI*, forsan illius cuius mentio est *cap. xxi. 11.* vel *II. Machabæorum xi. 17.* & *Iudam filium CALPHI*, principes MILITIAE exercitus (ut est in *Græco*:) sed cum duobus his principibus manserunt verosimilius illorum quoque milites, saltem fortiores & nobiliores. Quomodo enim duo isti soli cum *Ionatha* potuissent prælium instaurare & continuare, donec hostes in fugam verterentur? inquit *Serarius*. *Iosephus* dicit cum duobus istis ducibus ad signa remansisse circiter quin-

quaginta milites. Quid vero ad hæc *Ionathas*?

V. 71. SCINDIT VESTIMENTA, pulverem capiti inpergit, oras supplex Deum, ut in rebus deploratis ipse succurrat e machina. Sic novis animis, novo robore, novo impetu recurrit cum suis in hostes, cædit, sternit, fugat: nec prius urgere definit, quam

V. 73. & 74. REVERSI e fuga *Iudæis*, & in hostes iam fugientes reverts, sterneret ILLA DIE TRIA MILLIA VIRORUM.

(a) *Ioseph. Lib. XIII. cap. viii.*

(b) *Lib. II. cap. 1.*

(c) *Appian. in Syria.*

(d) *Ioseph. Lib. XIII. cap. xiv. Strabo Lib. VI. Iustin L. b. XXXVI.*

(e) *Ioseph. sup. cap. ix.*

(f) *Cap. iv. in fine.*

GORDONI.

Vers. 4. CETERA. τὰ περιόδια, superbia.


V. 12. Neutrum regem amabat *Ptolemæus*; sed callide prius unum, & postea alterum volebat regno *Asiæ* privare.

V. 18. *Ptolemæum* obiisse ex vulnere scribunt *Iosephus* & *Strabo*. Milites horum regum non cessarunt a mutua cæde.

V. 23. IUSSIT OBSIDERI. Mirantur hic aliqui *Ionatham* iussisse obsideri arcem contra regis mandatum, & tamen adiisse regem; quamvis sane hoc ascribi possit fiducia quam concepit ex causæ æquitate & benevolæ regis: tamen aliqui legunt in *Græco* codice per negationem, iussit non obsidere, ἰκέλει μὴ περιβάλλειν.

V. 30. Tres dat civitates; duas tantum habet *Latinus* codex, sed tertiam addit *Græcus*. EPISTOLAE, sunt litteræ patentes.

V. 34. Tertia civitas habetur in *Græco*, scilicet ἀντιόχεια. *Ioan. xi. Ephrem vers.* 35. AREAS, ex *Græco stagna, vers.* 56. ACCIPIT BESTIAS, elephantes, *vers.* 57. *ASOR*, nempe prope *Cades*, ubi erant hostes. *Vers.* 72. Dum *Iudæi* vident *Ionatham* mansisse in prælio, convertuntur a fuga, & pugnant.



C A P U T XII.

Ionathas cum Romanis ac Spartiatis fœdus renovat: Principes Demetrii ipsam invadentes fugat: percussisque Arabibus ordinat adificare præsidia in Iudea, & muros contra arcem in Ierusalem: sed a Tryphone cupiente regnum Antiochi invadere, & fingente se amicum, apud Ptolemaida dolo captus est, cunctisque qui cum eo erant, interfecit.

I.  T vidit Ionathas quia tempus eum juvat, * & elegit viros, & misit eos Romam, statuere & renovare cum eis amicitiam: 2. & ad Spartiatis, & ad alia loca misit epistolas secundum eandem formam. 3. Et abierunt Romam, & intraverunt curiam, & dixerunt: Ionathas summus sacerdos, & gens Iudæorum miserunt nos, ut renovaremus amicitiam & societatem secundum pristinum. 4. Et dederunt illis epistolas ad ipsos per loca, ut deducerent eos in terram Iuda cum pace. 5. Et hoc est exemplum epistolarum, quas scripsit Ionathas Spartiatis: 6. IONATHAS summus sacerdos, & seniores gentis, & sacerdotes, & reliquus populus Iudæorum, Spartiatis fratribus salutem. 7. Iampridem missæ erant epistolæ ad Oniam summum sacerdotem * ab Ario, qui regnabat apud vos, quoniam estis fratres nostri, sicut rescriptum continet, quod subiectum est. 8. Et suscepit Onias virum, qui missus fuerat, cum honore: & accepit epistolas, in quibus significabatur de societate & amicitia. 9. * Nos, cum nullo horum indigeremus, habentes solatio sanctos libros, qui sunt in manibus nostris, 10. maluimus mittere ad vos renovare fraternitatem, & amicitiam, ne forte alieni efficiamur a vobis: multa enim tempora transierunt, ex quod misistis nos. 11. Nos ergo in omni tempore sine intermissione in diebus sollempnibus, & ceteris quibus oportet, memores sumus vestri in sacrificiis quæ offerimus, & in observationibus, sicut fas est & decet meminisse fratrum. 12. Lætatur itaque de gloria vestra. 13. Nos autem circumdederunt multe tribulationes, & multa prælia, & impugnaverunt nos reges, qui sunt in circuitu nostro. 14. Nolumus ergo vobis molesti esse, neque ceteris sociis & amicis nostris, in his præliis: 15. habuimus enim de cælo auxilium, & liberati sumus nos, & humiliati sunt inimici nostri. 16. Elegimus itaque * Numerium Antiochi filium, & Antipatrem Iasonis filium, & misimus ad Romanos renovare cum eis amicitiam & societatem pristinam. 17. Mandavimus itaque eis ut veniant etiam ad vos, & saluent vos: & reddant vobis epistolas nostras de innovatione fraternitatis nostræ. 18. Et nunc beneficiis respondentes nobis ad hæc. 19. * Et hoc est rescriptum epistolarum, quod miserat Oniæ: 20. Arius, rex Spartiatarum, Oniæ sacerdoti magno salutem. 21. Inventum est in scriptura de Spartiatis & Iudæis, quoniam sunt fratres, & quod sunt de genere Abraham. 22. Et nunc ex quo hæc cogno-

cognovimus, benefacitis scribentes nobis de pace vestra. 23. Sed & nos rescripsimus vobis: Pecora nostra, & possessiones nostræ, vestræ sunt; & vestræ, nostræ: mandavimus itaque hæc nuntiari vobis. 24. Et audivit Ionathas, quoniam regressi sunt principes Demetrii cum exercitu multo supra quam prius, pugnare adversus eum: 25. & exiit ab Ierusalem, & occurrit eis in Amathite regione: non enim dederat eis spatium ut ingrederentur regionem eius. 26. Et misit speculatores in castra eorum: & reversi renuntiaverunt quod constituunt supervenire illis nocte. 27. Cum occidisset autem sol, præcepit Ionathas suis vigilare, & esse in armis paratos ad pugnam tota nocte, & posuit custodes per circuitum castrorum. 28. Et audierunt adversarii quod paratus est Ionathas cum suis in bello: & timuerunt, & formidaverunt in corde suo: & accenderunt focos in castris suis. 29. Ionathas autem, & qui cum eo erant, non cognoverunt usque mane: videbant autem luminaria ardentia: 30. & secutus est eos Ionathas, & non comprehendit eos: transierant enim flumen Eleutheram. 31. Et diverit Ionathas * ad Arabas, qui vocantur Zabadei, & percussit eos, & accepit spolia eorum. 32. Et iunxit, & venit Damascum, & perambulabat omnem regionem illam. 33. Simon autem exiit, & venit usque ad Ascalonem, & ad proxima præsidia: & declinavit in Ioppen, & occupavit eam (34. audivit enim quod vellent præsidium tradere partibus Demetrii) & posuit ibi custodes ut custodirent eam. 35. Et reversus est Ionathas, & convocavit seniores populi, & cogitavit cum eis ædificare præsidia in Iudæa, 36. & ædificare muros in Ierusalem, * & exaltare altitudinem magnam inter medium aris & civitatis, ut separaret eam a civitate, ut esset ipsa singulariter, & neque emant, neque vendant. 37. Et convenerunt, ut ædificarent civitatem: & cecidit murus, qui erat super torrentem ab ortu solis, & reparavit eum, qui vocatur Capheretha: 38. & Simon ædificavit Adiada in Sephela, & munivit eam, & imposuit portas & seras. 39. Et cum cogitasset Tryphon regnare Asiæ, & assumere diadema, & extendere manum in Antiochum regem: 40. timens ne forte non permetteret eum Ionathas, sed pugnaret adversus eum, quærebat comprehendere eum, & occidere. Et exurgens abiit in Bethsan. 41. Et exivit Ionathas obviam illi eum quadraginta millibus virorum electorum in prælium, & venit Bethsan. 42. Et vidit Tryphon quia venit Ionathas cum exercitu multo * ut extenderet in eum manus, timuit, 43. & excepit eum cum honore, & commendavit eum omnibus amicis suis, & dedit ei munera: & præcepit exercitibus suis ut obedirent ei, sicut sibi. 44. Et dixit Ionathas: Ut quid vexasti universum populum, cum bellum nobis non sit? 45. Et nunc remitte eos in domos suas: elige autem tibi viros paucos, qui tecum sint, & veni mecum Ptolemaidam, & tradam eam tibi, & reliqua præsidia, & exercitum, & universos præpositos negotii, & conversus abibo: propterea enim veni. 46. Et credidit ei, & fecit sicut dixit: & dimisit exercitum, & abierunt in terram Iudæ. 47. Retinuit autem secum tria millia virorum: ex quibus remisit in Galilæam duo millia, mille autem venerunt cum eo. 48. Ut autem intravit Ptolemaidam Ionathas, clausurunt portas civitatis Ptolemenenses: & comprehenderunt eum: & omnes, qui cum eo intra-

intraverant, gladio interfecerunt. 49. Et misit Tryphon exercitum & equites in Galilzam, & in campum magnum, ut perderent omnes socios Ionathæ. 50. At illi cum cognovissent quia comprehensus est Ionathas, & periiit, & omnes qui cum eo erant, hortati sunt semetipsos, & exierunt parati in prælium. 51. Et videntes hi, qui insecuti fuerant, quia pro anima res est illis, reversi sunt: 52. illi autem venerunt omnes cum pace in terram Iuda. Et planxerunt Jonathan, * & eos qui cum ipso fuerant, valde: & luxit Israel luctu magno. 53. Et quæsierunt omnes gentes, quæ erant in circuitu eorum, contereere eos: dixerunt enim: 54. Non habent principem, & adiuvantem: nunc ergo expugnemus illos, & tollamus de hominibus memoriam eorum.

BRUGENSIS

ROMANÆ CORRECTIONES.

- Vers. 1. Et elegis viros. Non est omittenda coniunctio.*
Vers. 7. Ab Ario qui regnabat apud vos. Patres legendum censuerunt Ario, prima littera alphabeti existente prima vocis, non Dario præposita d quarta alphabeti.
Ibidem. Sicut rescriptum continet quod subiectum est. Pro nomine composito rescriptum, non est substituendum simplex scriptum.
Vers. 9. Nos eum nullo horum indigeremus. Non est addenda coniunctio enim.
Vers. 16. Numenium Antiochi filium & Anטיפатrem Iasonis filium. Non omittas vocem filium repetitam.
Vers. 19. Et hoc est rescriptum epistularum quod miserat Onias. Præteritum plusquam perfectum miserat, non est mutandum in imperfectum misit multoque minus dativus Onie in nominativum Onias.
Sequitur Vers. 20. Arius rex Spartiatarum Onie Sacerdoti magno salutem. Triplex correctio est hic observanda, ne in vetera vitia recedatur. Prima nomen Arius nec omittendum esse, nec augendum, sive littera una Darius, sive sillaba Oniades. Altera, nomen Onias legendum esse casu tertio, non primo Onie. Tertia, nullo modo hic addendum esse nomen Ionathæ.
Vers. 31. Ad Arabes, qui vocantur Zabadaï. Præsens vocantur non est mutandum cum imperfecto vocabantur.
Vers. 36. Et exaltare altitudinem magnam. Accusativi altitudinem magnam, nullo modo vertendi sunt in ablativos.
Vers. 42. Ut extenderes in eum manus tuas. Non est addenda coniunctio & ante simul.
Vers. 52. Et eos qui cum ipso fuerant. Reti-

nendum est plusquam perfectum fuerant, non substituendum imperfectum erant.

NOTATIO.

Vers. 19. ET hoc rescriptum (est o.) epistolarum quod miserat Onias. Rex Spartiatarum Onias Ionathæ sacerdoti magno salutem. Inventum est in scriptura de Spartiatis & Iudæis, quoniam sunt fratres, & quod sunt de genere Abrahæ. Et nunc ex quo hoc cognovimus bene facitis scribentes nobis de pace vestra. Sed & nos rescriptimus vobis. Pecora nostra (vestra Gr.) & possessiones nostræ (vestra Gr.) vestra (nostra Gr.) sunt, & vestra nostra (nostra vestra Gr.) Mandavimus itaque hæc nuntiari vobis. Arbitrantur Glossematici Lyranus, & Richellius epistolam hanc responsonem esse Spartiatarum ad superiores Ionathæ litteras: nimirum quod id producta iam verba significare videantur. Verum suspicio mihi est, temerata ea verba ab iis esse, quorum hæc fuerit præoccupata opinio, responsonem esse ad litteras Ionathæ, quæ litteris Ionathæ lubiiciatur. At quomodo sit responso ad litteras Ionathæ, quæ ad eorum nihil, quæ Ionathas scripserat, respondet? Scripserat missas iam pridem litteras a Dario Spartiatarum rege, quibus certiores Iudæos fecerat, fratres Iudæorum esse Spartiatis. Hic vero scribunt Spartiatis repertum esse in monumentis scriptorum, fratres esse Iudæos & Spartiatis, ac ex eodem Abrahæ genere originem ducere, subduntque: Et nunc ex quo hæc (hoc 3. MS.) cognovimus, &c. tamquam qui iam primum id novetint, non monitu Iudæorum, sed ex monumentis quæ legi contigerat; ipsique priores id Iudæis scribant. Scripserat scriptas a Spartiatis litteras de ineunda cum

Kkk Iu-

Iudæis amicitia ac societate. Hic vero quasi nunquam antea primum cum Iudæis societatem inire videntur, qui posteaquam cognoverint ex eodem fecum genere Iudæos esse, pecora & facultates suas omnes cum Iudæis communes esse statuant. Nani quod habemus: *Sed & vos rescripsimus vobis*, intelligendum est his litteris: & certe præfatus est Græce ἀντιγράφον rescripsimus, quod est vicissim scribimus, scribitur ipsi ut vos ad scribendum hortemur; non quod respondeamus litteris a Iudæis datis. Scripsit Ionathas de Iudæis Resp. statu; hic vero Spartiatæ tamquam qui nihil litterarum acceperant, ad scribendum ea de re hortantur, quod fratres fratribus de rerum suarum statu scribere congruat. Et nunc ex quo hoc cognovimus bene facietis scribentes nobis de pace vestra: sic enim Nurembergensis editio anni 1478. & manuscriptum D. littera notatum legunt, *benefacietis*. Græce est καλῶς ποιεῖτε benefacietis, id quod alius reddit, existimavimus vos recte futuris esse. Quod si benefacietis quæ legendum contendat, atque ad superiores Ionathæ litteras respici, animadvertat, quam non de pace sua ac Iudæorum Ionathas scripserit, sed de bellis potius quibus continuo appetebantur, quanvis tunc, ut sæpe alias, divino ipsi auxilio liberari, hostesque ipsorum deprelli essent. Observandumque est, omnino nihil in hac Spartiarum ad Iudæos epistola, de bellis, quibus multo iam tempore Iudæi fuerant divexati, mentionis esse. Utique si in responderent litteris, quibus id scripserat Ionathas, hand prætermittendum, quin fratribus congratulandi de adepta sepe victoria fuissent, atque ad agendum semper fortiter animum addidissent, ac auxilium, si opus esset, ad facultatum, quas communes esse volebant, defensionem promississent, aut saltem aliquid huiusmodi significassent. Quare non Spartiatarum ad Ionatham responsionem hanc esse existimo: sed eas ipsas litteras, quas scribit Ionathas, a Dario Spartiarum rege ad Oniam summum sacerdotem fuisse iampridem missas, quibus declaratum fuerit, fratres esse Iudæorum Spartiatas, & de amicitia ac societate significatum: quarum exemplum, ut Ionathas suis subiecit litteris, ita hic subiectum legitur. Hæc sunt litterarum Ionathæ verba: *Iampridem misse erant epistolæ ad Oniam summum sacerdotem, a Dario qui regnabat apud vos, quantum esset frater nostri, sicut scriptum (vel quod est in plerisque emendationibusque manuscriptis rescriptum: id enim Interpres posuit pro ἀντιγράφον, sive exemplum, hic, ut inferius, ubi ante exempli huius subiectionem, præmittitur, Et hoc*

rescriptum) continet quod subiectum est. Et suscepit Onias (Adonias o.) viros qui fuerat missus cum honore, & accepit epistulas in (5. MS.) quibus significabatur de societate & amicitia. Vides quam omnia huic sententia respondeant? Accedit vero Iosephi historia, (Lib. XI. antiq. Iud. cap. v.) quæ eo loco, quo gesta sub Onia pontifice narrat, litteras recitat Lacedæmoniorum regis, ad Oniam sensu reque ipsa cum his quæ hic recitatur per omnia convenientes. Verba hæc sunt: „ Rex Lacedæmoniorum Arius Onia salutem. Legentes scripturam quandam, invenimus ex uno esse genere Iudæos, & Lacedæmones „ (ἐν τῇ ἀρχῇ ἀσπράδα εὐνοῦμεν) ex ea cum Abraham cognatione. Iustum est ergo, ut fratres exilientes transmittatis ad nos, de quibuscunque velitis. Faciemus vero & nos idem: & ea quæ vestra sunt, propria ducemus; & ea quæ nostra ipsolum communia vobiscum habebimus. „ Suffragantur eidem sententia codices Græci, qui non ut Latini, Et hoc rescriptum epistolarum quod misit Onias. Rex Spartiatarum Onias Ionathæ; sed quæ misit Oniares. Rex Spartiatarum Onia, habent. Pagnini vero nova versio manifestius: Quat Darius misit ad Oniam. Rex Spartiatarum Onia; his ergo adductus arbitror, Latinum textum, ut vulgo legitur, & quidem in omnibus nostris tam scriptis, quam impressis libris, depravatam hic corruptumque esse; quod, ut dixi citra dubium aliquibus persuasum fuerit responsionem esse ad Ionathæ litteras, quæ Ionathæ litteris subieciatur. Priusquam vero quomodo restitui hac parte textus possit, videamus, de quibusdam diversitatibus est differendum. Nonnulli libri: Et hoc rescriptum epistolarum quod misit Onias legunt: sed manuscripti plerique atque emendatissimi quique misit habent, id quod in textum Hentenius, & Parisiensis castigatores retulerunt. Aoristum ἀντίγραφον, Interpres plerumque perfectum misit verit; agnoscens eas has esse litteras, quarum suarum litterarum initio Ionathas mentionem fecerat. Aliqui ex eodem quem supra diximus errore misit substituere. Altera est varietas distinctionis: quidam codices interponunt: Quod misit Onias rex (Rex Onias o.) Spartiatarum. Onias Ionathæ; quidam: Quod misit Onias. Rex Spartiatarum Onias Ionathæ. Huic secundo interponendi modo adspiciuntur Aldi præsertim & Germanorum Græca Biblia: ἡ γὰρ τὸ ἀντίγραφον τῶν ἐπιστῶν ὧν ἀντίγραφον ἐστὶν, βασιλεὺς σπαρτιάτῶν ὄντα ἰσὺ μὲν καὶ χαίρει: Et hoc exemplum litterarum quas misit Onias. Rex Spartiatarum Onia sacerdoti magno gaudere. Regia editio ex Complutenfi habet s

habet : ὁ ἀντίπαυλος δούρειος βασιλεὺς σπαρτιά-
 τῶν ὄντων ἡμῶν μεγάλου χαίρειν, quas miserant.
Oniaries Rex Spartiatarum Onia sacerdoti ma-
gno gaudere. Tertia demum est diversitas in pro-
 prio Regis Spartiatarum nomine. In Ionathæ
 epistola prius *dapies* five *Darius* vocatur; postea
 ubi subicitur exemplum epistolæ ad Oniam,
Oniaries, nam *Onias* in Latino corrupte legi
 non dubitamus. Porro Iosephus, *pater Arium*
 appellat, & in Ionathæ ad Spartiatarum, & in
 Spartiatarum ad Oniam litteris : quo nomi-
 ne sextus Babylonæ rex apud Berolum legi-
 tur nuncupatus *Arius* & *Darius* satis mihi
 manifestum videtur, idem huius esse nomen,
 five alteri vel desit, vel redundet *D*, five
 utrumque in usu fuerit. *Oniaries* vero & *Da-*
rius five *Arius* an duo sint eiusdem nomina,
 an unum idemque, cuius principio nunc præ-
 poni, nunc auferri soleat oni : certe enim

Oniaries interpreteris, fortitudo mea *Arius* &
ym On siquidem fortitudinem signat (possit
 & si id velis, fortitudo mea *Ares*, five *Mars*
 a quo *ἀρειος* *Martius* dicitur) an vero *Onia-*
ries mutatum sit ex *Ariarum* aut *Dariarum* quo-
 modo ab Hebræis nomen *Darius* effectus, ig-
 noro. Utut sit, existimarem ab Interprete
 nostro lectum versumque ante epistolam a
 Spartianis missam, *Oniaries* : id quod deprava-
 tores mutarint cum *Onias*, addito nomine
Ionathæ : hanc enim consecerim germanam
 esse Interpretis scripturam : Et hoc rescriptum
 epistolæ, quod miserat *Oniaries*. Rex Spar-
 tiatarum *Onia* Sacerdoti magno salutem : que
 ut cum Græcorum editionum Aldi & Ger-
 manorum scriptura omnino convenit, ita ad
 Latinorum codicum vulgarem lectionem pro-
 xime accedit.

C O M M E N T A R I A

S A.

Verf. 1. **T**EMPUS, id est opportuni-
 tas.

V. 4. DEFERUNT, scilicet Romanis.
 PER LOCA, id est per quos transibant.

V. 10. EFFICIAMUR, id est habeamur.

V. 11. QUIBUS OPORTET, id est op-
 portunitis. OBSERVATIONIBUS. Græc. *obs-*
ervationibus. FAS EST; pro, par est, seu
 oportet.

V. 15. HUMILIATI, id est afflicti, seu
 depressi.

V. 19. RESCRIPTUM, id est exemplum,
 scilicet de quo supra.

V. 21. SCRIPTURA, scilicet rerum no-
 strarum, quasi dicat, Anna ibus.

V. 24. SUPRA, id est maiori.

V. 25. EIUS, scilicet Ionathæ.

V. 26. ILLIS, scilicet Iudæis. Græc. *ir-*
ruere in ipsos.

V. 28. IN BELLO; pro, ad bellum. TI-
 MUERUNT, ET FORMIDAUERUNT; pro,
 timerunt valde. FOCOS, id est ignes.

V. 29. CUGNOVERUNT, scilicet illos fu-
 gisse.

V. 32. IUNXIT, id est castra movit.

V. 36. IPSA, scilicet arx. SINGULARI-
 TER, id est seorsim, seu semota prorsus:
 vulgo, *per se*. EMANT, scilicet qui in ar-
 ce; quali dicat, Commercio prohibeantur
 & commutari.

V. 37. ET CECIDIT; pro, nam cecide-

rat. AB ORTU SOLIS, id est ad Orien-
 tem.

V. 38. SEPHELA, id est planitie, seu
 valle.

V. 42. MULTO UT; pro, maiori quam
 ut.

V. 50. PERIIT. Ita audierant, sed fal-
 sum.

V. 51. PRO ANIMA, &c. id est sibi vi-
 tæ periculum imminere, vel illos paratos
 esse vitam defendere.

V. 54. DE HOMINIBUS, id est ex ho-
 minum menibus.

E S T I I.

Verf. 9. **N**OI CUM NULLO HORUM IN-
 DIGREMUS, HABENTES SO-
 LATIO SANCTOS LIBROS, QUI SUNT IN
 MANIBUS NOSTRIS, MALUIMUS MITTE-
 RE AD VOS, &c. Ex hoc loco discimus,
 & admonemur in omni afflictione, solatio
 nobis esse debere sanctos libros, five Scrip-
 turam sacram, id est eam doctrinam, quæ
 sacris litteris continetur. Id quod ab Apo-
 stolo Paulo manifestius dictum est ad Rom.
 x. *Quæcumque scripta sunt, ad nostram do-*
ctrinam scripta sunt, ut per patientiam &
consolationem Scripturarum spem habeamus.
 Ea autem consolatio in hoc potissimum
 consistit, quod Scriptura sacra certos non
 facit eos omnes qui tribulationem patiun-
 tur in hoc sæculo, propter leges Dei, &
 fidem.

idem Christi: atque in genere, quotquot persecutionem patiuntur propter iustitiam, mercedem & gloriam adepturos esse eternae felicitatis. Nam si compatiemur, & glorificabimur. Non enim condigne sunt passionibus huius temporis ad futuram gloriam, quae revelabitur in nobis. Unde idem Apostolus non tantum consolationem nos accipere dicit in tribulationibus, sed etiam gloriandi materiam nobis subministrari. Gloriamur, inquit, in tribulationibus, scientes, quod tribulatio patientiam operatur, patientia probationem, probatio spem, spes autem non confundit. Vide nostra ad Rom. xv.

V. 50. CUM COGNOVISSENT, QUIA COMPREHENSUS EST IONATHAS, ET PERIIT. Sic & Simon cap. seq. Horum gratia perierunt fratres mei omnes, & reliquus sum ego solus. Queritur quomodo his locis dicitur Ionathas periisse, qui tamen adhuc vivit capite proxime sequenti? Sic enim ibi dicitur vers. 12. Et movit Tryphon cum exiret, & Ionathas cum eo in custodia. Et tandem legitur occisus cum filiis in Bactran. Sed respondeo quod Scriptura ipsa prioribus illis locis non asserat illum periisse, sed dicit tantum, & narrat quid filii Ionathae fecerint; tunc scilicet cum cognovissent, id est cum intellexissent ex vulgi fama certo praesupponentis Ionathan periisse. Et similiter quoque intelligenda sunt verba Simonis.

M A R I A N A E.

Vers. 1. AD SPARTIATAS MISIT IONATHAS VIROS, seu epistolas. Goth. ad Spartas.

V. 7. MISSAE ERANT EPISTOLAE AD ONIAM. Tres fuerunt Pontifices hoc nomine: ad quem ex illis regum epistolae missae fuerint, non explicatur. Credam ad primum, qui vixit circa Alexandri tempore, quia ait iam pridem missas fuisse. Eusebius in Chron. ait, ad Oniam filium Simonis, nempe secundum, qui vixit tempore Ptolemæi Philopatoris. Ab ARTO. Sic lege: plerique codices, etiam Græci, a Dario habent: sic ex Iosepho colligitur Lib. XIII. cap. ix. ex Paulania in Laconicis, ex Plutarcho in Pyrrho, ex Eusebio in Chron. vocari Arum, Darii nomine nullus Lacedæmone Rex. SICUT RESCRIPTUM CONTINET. Hoc rescriptum seu

exemplum in fine epistolae Ionathae vers. 19. subiicitur.

V. 19. HOC EST RESCRIPTUM EPISTOLARUM, QUOD MISERAT ONIAE. Hic finitur hic versus. Plerique codices Græci & Latini Oniæres habent, duobus vocibus, ultima huius versus & prima sequentis, in unam conflatis: male; sic enim habet:

V. 20. ARIUS, REX SPARTIATARUM. ONIAE SACERDOTI MAGNO. Græci: Oniæres Rex Spartiatarum Onia sacerdoti magno, Regia & Lovan. Rex Spartiatarum Onias Ionathae sacerdoti magno. Nugæ. Vera lectio restituta est in Bibliis Romanis.

V. 21. INVENTUM EST. Hic post saulationem incipit epistola Regis. INSCRIPTURA: nempe in archivis, seu tabulariis. QUONIAM SUNT FRATRES. Multae migrationes Gentium extiterunt; ex aliqua a posteris Isaac aut Iſmaelis Lacedæmon fundata est; quo tempore & duce, divinare non est opus.

V. 23. SED ET NOS RESCRIPSIMUS. Græce, referibimus: vobis, scilicet hanc epistolam.

V. 25. OCCURRIT EIS IN AMATHITE. Amatha regio Arabiæ apud Stephanum. Simul adverte, Ducis prudentis esse, extra fines suos in hostico bellum gerere.

V. 30. FLUMEN ELEUTHERUM. Syriæ fluvius, hodie Pellanis.

V. 32. IUNXIT, Ἀνὰ τὴν ἑξῆς, motis castris venit Damascum Ionathas.

V. 36. UT ESSET IPSA SINGULARITER, scilicet arx esset ab utroque sejuncta. NEQUE EMANT, NEQUE VENDANT; id est, nempe arx erat in hostium potestate, volebat ut fame laborarent.

V. 37. ER CECIDIT MURUS. Græce, Et appropinquavit muro torrentis, scilicet Cedron. Noster Græce legit καὶ ὁ τείχος. Sic etiam hodie legitur in quibusdam codicibus Græcis. Tryphon

V. 40. ABIT IN BETHSAN. Alio nomine Scythopolis, urbs Syriæ, non procul Tiberiade.

V. 42. UT EXTENDERET IN EUM MANUS, TIMUIT. Græce, Et extendere in eum manus timuit, id est noluit cum eo pugnare, Tryphon cum Ionatha.

V. 51. QUIA PRO ANIMA RES EST ILLIS. Magnum telum desperatio.

Verf. 1. **T**EMPUS, id est opportunitas.

V. 4. **D**EDERUNT, scilicet Romani. **D**EDERUNT ILLIS EPISTOLAS ADIPPOS PER ZOCA, id est ad præsidem locorum, per quæ transituri erant; nam *ἡ ἀρχὴ τοῦ τόπου*, sunt singulorum locorum præpositi.

V. 7. **I**AMPRIDEM: ante annos fere nonaginta. **E**STIS FRATRES NOSTRI: vide infra num. 21.

V. 9. **N**OS CUM NULLO HORUM INDIGEREMUS: nec societate armorum, debellatis inimicis nostris; nec amicitia, cum & vicinos reges, Antiochum scilicet, & Tryphonem, & Romanos amicos habeamus. **H**ABENTES SOLATIO SANCTOS LIBROS, &c. id est, cum Dei beneficio, quiete, & pace fruatur respublica nostra, & divino cultu operam dare possimus, & lectione factorum librorum nos oblectare, nullo nos interpellante; non tamen vestri oblitii sumus, &c. **N**E FORTE ALIENI EFFICIAMUR A VOBIS: amicitie enim sicut mutua communicatio firmatur, ita silentio, & desuetudine distrahuntur.

V. 10. **M**ULTA ENIM TEMPORA; hoc est, anni circiter nonaginta. **I**N OBSERVATIONIBUS. *In Græco est, παρατηρίαις, arationibus, observationibus.*

V. 15. **H**UMILIATI, id est afflicti, seu depressi.

V. 18. **B**ENEFACIETIS, id est gratum nobis facietis.

V. 21. **I**N SCRIPTURA: in antiquis Spartanorum monumentis. **S**UNT DE GENERE ABRAHAM: quomodo hoc verum sit, & fieri poterit, suse disputant Serarius ad hunc locum, & Sallianus tom. 5. anno mundi 3821. num. 8. & deinceps. Nihil est certi.

V. 24. **R**EGRESSI SUNT PRINCIPES DEMETRII, &c. Bellum instaurant Demetrii duces contra Ionathan, quod scilicet Tryphoni, & Antiocho adhaesisset. **S**UPRA QUAM PRIUS, id est maiori quam prius.

V. 25. **I**N AMATHITE REGIONE. Regio est iuxta montem Libanum ab urbe Amath, quæ frequentius Emath appellatur in Scriptura, nomen habens. **R**EGIONEM EIUS; scilicet, Ionathæ.

V. 26. **I**LLIS, Iudæis.

V. 28. **A**CCENDERUNT FOCOS IN CASTRIS SUI: ut videntes Iudæi frequentes ignes non suspicarentur hostes fugisse.

V. 29. **N**ON COGNOVERUNT; scilicet, illos fugisse.

V. 30. **F**LUEN ELEUTHERUM: de quo superiori capite num. 7.

V. 32. **P**ERAMBULABAT OMNEM REGIONEM ILLAM: Demetrianos inquirens, & persequens.

V. 33. **E**XIIT: expeditione bellica. **O**CUPAVIT EAM: erat illa quidem in potestate Ionathæ, ut constat ex capite x. 73. & 76. sed dicitur occupasse, quia Ioppenfes ad defensionem inclinabant, ideoque Simon adfuit, ut illos in fide contineret.

V. 35. **R**EVERSUS EST IONATHAS: ab expeditione sua in Iudæam.

V. 36. **E**XALTARE: attollere. **I**PSA, scilicet arx. **S**INGULARITER, id est seorsim, seu semota prorsus. **E**MANT, &c. scilicet, qui in arce; quasi dicat, Commercio prohibeantur, & comiteatu. Ita statuant, quia arcis expugnatio diuturnioris erat laboris, & temporis.

V. 37. **E**T CECIDIT MURUS; pro, nam ceciderat. **A**B ORTU SOLIS: versus Orientem.

V. 38. **A**DIADA: urbs in tribu Dan, de qua Adrichomius in Dan, num. 3. **S**EPHELA: nomen regionis, in qua sita erat Adiada.

V. 40. **P**UGNARET ADVERSUS EUM: pro defensione nimirum regis adolescentis bene de se, & Simone fratre suo meriti sciebat enim Tryphon Ionathan virum esse fortem, ac potentem, & qui pietatem, ac fidem ambitioni, & rebus omnibus anteferebat. **I**N BETHSAN: quæ erat civitas in tribu Manassis citra Iordanem.

V. 42. **U**T EXTENDERET IN EUM MANUS. *In Græco est, Et extendere in eum manus similit.* **P**RÆPOSITOS NEGOTII: & omnes qui regia negotia curant, tibi subieciam.

V. 49. **I**N CAMPUM MAGNUM: proprium est loci nomen, qui etiam dicitur campus Eldrelon. & Mageddo, & Planicies Galilææ. Vide Adrichomium in tribu Issachar.

V. 50. **P**ERIT: ita audierant, sed falsum.

V. 51.

V. 51. PRO ANIMA, &c. rati sub cum desperatis, & pro vita pugnantis certamen fore.

V. 53. CONTERERE EOS; scilicet Iudæos.

T I R I N I.

Vers. 1. **R** Omanis, vers. 2. *Spartiatas*, seu Lacedæmoniiis novo fudere Ionathas coniungitur. Dicuntur *Spartiatas*, seu *Spartani*, ab urbe *Sparta* in Achaia regione Laconiz in Peloponneso. Dicuntur & Lacedæmones ab urbe Lacedæmonia, seu *Ladas*, id est lapis, & *ladas*, quasi dicat: *Lapis Cadmi*, ut ex Clemente Alexandrino a & aliis fuisse Serarius. Ab aliis *Lacones* vocantur, & erant posterii *Heracidarum*, Agidæ dicti. De quibus fuisse Paulanias, Euseb. 6 Sigonius & alii. Horum rex *Arius*, vel, ut alii,

V. 7. Arcus, quartus a fine inter *Agidarum* reges, contra Phryrum Epiri, & Antigonum Gonatam Macedoniæ reges multa bella gessit, & amicus dedit litteras ad ONIAM secundum (testis Eusebio) Iudæorum pontificem, quæ hic citantur vers. 20, ubi & Spartanos FRATRES vocat: Iudæorum, & de genere *Abraham*, puta ex *Cetura*, quam post partum Saræ secundariam uxorem duxit Abraham, Genes. xxv. 1. ita Iosephus supra. Ita inventum est in scriptura, non sacra, sed profana, nempe, in antiquis Spartanorum annalibus. Alii volunt, eos ex posteris esse Agar ancillæ Saræ, eiusque filii Ismaelis, Gen. xxv. 12, & his subseribit etiam Matthæus Dresserus c.

V. 8. Spartanorum societatem, & amicitiam ambabus ulnis amplexi sunt Iudæi. Quia tamen a bellis tunc feriabantur, adiungunt.

V. 9. Se NULO HORUM indigere, nempe quoad opem vel subsidium ulterius a Spartanis tamquam amicis & sociis oblatum, ut explicant vers. 14. pro SOLATIO SUO HABENTES SANTOS LIBROS, quibus tempore pacis securi incumbabant. Iam vero

V. 10. MALUITIS, inquit, MITTE RE legatos AD VOS, ad renovandam AMICITIAM priusnam, ne diuturniore mora forsitan illa intercidat, & nos sic loco fra-

trum, ALIENI EFFICIAMUR A VOBIS & peregrini. Licet nos nunquam vestri depomamus.

V. 11. *Memoiam* IN SACRIFICIIS, ET OBSERVATIONIBUS sacrarum ceremoniarum nostrarum. Græcè & melius, in observationibus.

V. 15. POSSESSIONES NOSTRÆ, VESTRÆ SUNT, ET VESTRÆ NOSTRÆ; quasi dicat: Amicorum omnia sunt communia. Formula hæc fuisse videtur artificis amicitiz explicandæ. Copias interim suas nuper d. a. Ionatha, fufas fugatæque, instaurant.

V. 24. PRINCIPES exercitus Demetrii, SUPRA QUAM PRIUS, id est longe maiore numero quam antea. Quo comperto, IONATHAS.

V. 25. OCCURRIT BIS extra Iudæam IN AMATHITE Arabiz REGIONE; prudentis enim duces est, extra fines suos in hostes bellum gerere. Sed timidiore hostes, non ausi palam manus conferre cum Iudæis, fugam capessunt.

V. 30. Trans FLUMEN ELEUTHERUM in Syria, nunc *Velomus* dictum. Ergo Ierosolymam REVERSUS IONATHAS.

V. 35. Cum aream istic a Gentilibus: adhuc infestam expugnare se posse diffideret, statuit altissimo muro.

V. 36. Illam a CIVITATE separare accludere, UT IPSA SINGULARITER ac seorsum relinqueretur; & qui in ea essent, praesidiarii, NEQUE emere quidquam a civibus, NEQUE vendere, neque commercium aliud exercere possint: felici sane consilio, ut cap. seq. vers. 50. videbimus.

V. 39. Intera TRYPHON: bis perduellus, non sat habuit deliquisse a Demetrio, in eiusque locum introfisse iniuriorem ANTIOCHUM, ut supra f. vidimus; nunc in ipsum quoque insurgit *Antiochum*, si-bique imperium ASIÆ rapere conatur. Conatui obstiturus erat præ ceteris IONATHAS. Ergo & hic de medio tollendus.

V. 41. IONATHAS nil veritus mali, summa magnificentia Tryphoni occurrit in BETHSAN, alias Scythopoli, Syriæ oppido, non procul Tiberiade. Quia tamen de amicitia Tryphonis non proflus securus erat, e præstantissimis suis militibus secum duxit.

duxit 40. millia. Sed mox suavis versipellis tyranni

V. 46. Remissis pene omnibus in Iudam, cum solus mille viris vers. 47. se fidei illius credidit in urbe Ptolemaide: ubi iussu tyranni

V. 48. Comprehensus ipse a praefidis, socii vero ipsius omnes gladio caesi sunt. En divinam vindictam, ait Osiander, prosequentem Ionatham, quod nulla cogente necessitate, ad humana Romanorum aliarumque impiarum & idololatricarum gentium praesidia nuper respexerit, nec in solo Deo spem & fiduciam suam collocavit: Sed adversus eiusmodi haeticorum calumniam iam supra respondi cap. IX. vers. 18.

(a) Clem. Lib. I. Stromat.

(b) Pausan. in Laconicis. Euseb. in Chronico.

(c) Drexler, in epist. ad amicum contra Reineccium.

(d) Cap. XI. 72.

(e) Cap. XI. 7.

(f) Cap. XI. 54.

(g) Sup. vers. 1. &c.

GORDONI.

Vers. 2. **D**um renovatur foedus cum Romanis inchoatum anno

Græcorum 152. iubentur Legati obiter salutare Lacedæmonios socios.

V. 7. In hoc Onia hallucinatur Scaliger; nam hic Onias ad quem missi sunt Arit litteræ, est Onias huius nominis secundus qui floruit (ut notat Sallianus an. Græc. 79.) ab Olympiade 133. ad Olymp. 136. exeuntem. Recte ergo iam pridem, cum fluxerint anni multi, certe tempore tertii Oniz non vivebat Arius rex. Ceterum hic vers. 7. & 8. attingitur epistola Ionathæ nunc data ad Lacedæmonios cum antiquo rescripto Arit regis ad Oniam, quod autem nunc rescripserunt Lacedæmonii, extat infra cap. XIV. 20.

V. 25. AMATHITAE. Amatha Arabiz regio est.

V. 30. FLUMEN ELEUTHERUM. Fluvius est in Syria.

V. 36. SINGULARITER: ut rex esset separata ab urbe. BETHSAN, est Scythopolis.

V. 39. Nunc anno 170. scripta est epistola Ionathæ, incunte hoc anno 170. ante captivitatem Ionathæ, sumpto anni principio Iudaico, quod sex mensibus antecedit initium Chaldaicum, ut dixi in præloquio.

C A P U T XIII.

Suscepto Simon principatu pro fratre Ionatha misit petram a Tryphone pecuniam una cum filiis Ionatha, ad eius redemptionem: Tryphon autem, accepta pecunia, patrem occidit cum filiis: quibus sepulchris ac desertis, Simon magnificum extruxit parentibus ac fratribus sepulcrum in Modin: Tryphon vero, occiso Antiocho, regnum eius invasit: & Simon, impetratis a rege Demetrio literis fœderis ac immunitaris, expugnauit Gazaram, & arcem Ierosolymorum obtinuit: propter quod letum agunt festum, quod etiam quotannis apud Iudæos agi precipitur.

1.



T audivit Simon quod congregauit Tryphon exercitum copiosum, ut veniret in terram Iuda, & atteteret eam. 2. Videns quia in tremore populus est, & in timore, ascendit Ierusalem, & congregauit populum: 3. & adhortans dixit: Vos scitis quanta ego, & fratres mei, & domus patris mei, fecimus pro legibus, & pro sanctis praelia, & angustias quales vidimus: 4. horum gratia perierunt fratres mei omnes propter Irael, & relictus sum ego solus. 5. Et nunc non mihi contingat parcere animæ meæ in omni tempore tribulationis: non enim melior sum fratribus meis. 6. Vindicabo itaque gentem meam, & sancta, * natos quoque nostros, & uxores: quia congregatæ sunt uniuersæ gentes contereere nos inimicitiz gratia. 7. Et accensus est spiritus populi simul ut audivit sermones istos: 8. & responderunt voce magna dicentes: Tu es dux noster loco Iudæ & Ionathæ fratris tui: 9. pugna prælium nostrum: & omnia, quæcumque dixeris nobis, faciemus. 10. Et congregans omnes viros bellatores, accelerauit consummare uniuersos muros Ierusalem, & munivit eam in gyro. 11. Et misit Ionathan filium Absalom, & cum eo exercitum novum, in Ioppen; * & ciectis his, qui erant in ea, remansit illie ipse. 12. Et movit Tryphon a Ptolemaida cum exercitu multo, ut veniret in terram Iuda, & Ionathas cum eo in custodia. 13. Simon autem applicuit in Addus contra faciem campi. 14. Et ut cognouit Tryphon quia surrexit Simon loco fratris sui Ionathæ: & quia commissurus esset cum eo prælium, misit ad eum legatos, 15. dicens: Pro argento, quod debebat frater tuus Ionathas in ratione regis, * propter negotia quæ habuit, detinuimus eum. 16. Et nunc mitte argenti talenta centum, & duos filios eius obfides, ut non dimissus fugiat a nobis, & remitemus eum. 17. Et cognouit Simon quia cum dolo loqueretur secum, iussit tamen dari argentum, & pueros: ne inimicitiam magnam sumeret ad populum Irael, dicentem: 18. Quia non misit ei argentum, & pueros, propterea perit. 19. Et misit pueros, & centum talenta: & inuentus est, & non dimisit Ionathan. 20. Et post hæc venit Tryphon intra regionem, ut contereret eam: & gyraretur per viam quæ ducit Adot: & Simon, & castra eius ambulabant in omnem locum quocumque ibant. 21. Qui autem in arce erant, miserunt ad Tryphonem legatos, ut festinaret venire per desertum, & mitteret illis allmonias. 22. Et parauit Tryphon omnem equitatum, ut veniret illa nocte: erat autem nix multa valde, & non venit in Galaaditiam. 23. Et cum appropinquasset, Bascaman, occidit Ionathan & filios eius illic. 24. Et convertit Tryphon, & abiit in terram suam. 25. Et misit Simon, & accepit ossa Ionathæ fratris sui, & sepelivit ea in Modin ciuitate patrum eius. 26. Et planxerunt eum omnis Irael planctu magno, & luxerunt eum

eum dies multos. 27. Et ædificavit Simon super sepulcrum patris sui & fratrum suorum ædificium altum visis, lapide polito retro & ante. 28. Et statuit septem pyramidas, unam contra unam patri & matri, & quatuor fratribus. 29. & his circumposuit columnas magnas; & super columnas arma, ad memoriam æternam; & iuxta arma naves sculptas, quæ viderentur ab omnibus navigantibus mare. 30. hoc est sepulcrum, quod fecit in Modin, usque in hunc diem. 31. Tryphon autem cum iter faceret cum Antiocho rege adolescente, dolo occidit eum. 32. Et regnavit loco eius, & imposuit sibi diadema Asiæ, & fecit plagam magnam in terra. 33. Et ædificavit Simon præsidia Iudææ, muniens ea turribus excelsis, & muris magnis, & portis, & feris: & posuit alimenta in munitionibus. 34. Et elegit Simon viros, & misit ad Demetrium regem, ut faceret remissionem regioni: quia actus omnes Tryphonis per directionem fuerant gesti. 35. Et Demetrius rex ad verba ista respondit ei, & scripsit epistolam talem: 36. Rex Demetrius Simoni summo sacerdoti, & amico regum, & senioribus & genti Iudæorum, salutem. 37. Coronam auream, & bahem, quam misisti, suscepimus: & parati sumus facere vobiscum pacem magnam, & scribere præpositis regis remittere vobis quæ indulimus. 38. Quæcumque enim constituimus, vobis constant. Munitiones, quas adificastis, vobis sint: 39. remittimus quoque ignorantias, & peccata usque in hodiernum diem, & coronam quam debebatis; & si quid aliud erat tributarium in Ierusalem, iam non sit tributarium. 40. Et si qui ex vobis apti sunt conscribi inter nostros, conscribantur, & sit inter nos pax. 41. Anno centesimo septuagesimo ablatum est iugum Gentium ab Israel. 42. Et cepit populus Israel scribere in tabulis & gestis publicis, anno primo sub Simone summo sacerdote, magno duce, & principe Iudæorum. 43. In diebus illis applicuit Simon ad Gazam, & circumdedit eam castris, & fecit machinas, & applicuit ad civitatem, & percussit turrem unam, & comprehendit eam. 44. Et eruperant qui erant intra machinam in civitatem: & factus est motus magnus in civitate. 45. Et ascenderunt qui erant in civitate, cum uxoribus & filiis supra murum, scissis tunicis suis, & clamaverunt voce magna, postulantes a Simone dexteras sibi dari, 46. & dixerunt: Non nobis reddas secundum malitias nostras, * sed secundum misericordias tuas. 47. Et flexus Simon, non debellavit eos: eiecit tamen eos de civitate, & mundavit ædes in quibus fuerant simulacra, & tunc intravit in eam cum hymnis benedicens Dominum. 48. & eiecta ab ea omni immunditia, collocavit in ea viros qui legem facerent: & munivit eam, & fecit sibi habitationem. 49. Qui autem erant in arce Ierusalem, prohibebantur egredi & ingredi regionem, & emere, ac vendere: & esurierunt valde, & multi ex eis fame perierunt. * 50. Et clamaverunt ad Simonem ut dexteras acciperent: & dedit illis: & eiecit eos inde, & mundavit artem a contaminationibus: 51. & intraverunt in eam tertia & vigesima die secundi mensis, anno centesimo septuagesimo primo, cum laude, & ramis palmarum, & cinyris, & cymbalis, & nablīs, & hymnis, & canticis, quia contritus est inimicus magnus ex Israel. 52. Et constituit ut omnibus annis agerentur dies hi cum læticia. 53. Et munivit montem templi, qui erat secus arcem, & habitavit ibi ipse, & qui cum eo erant. 54. Et vidit Simon Ioannem filium suum, quod fortis prælii vir esset: & posuit eum ducem virutum universarum: & habitavit in Gazaris.

BRUGENSIS

ROMANAE CORRECTIONES.

Vers. 6. Natos quoque nostros. Non scribas pronomen secundae personae vestros, pro primae nostros.

Vers. 11. Et ceteris his qui erant in ea remansit illic ipse. Pronomen ea nequaquam commutandum est cum nomine aie.

Vers. 15. Propter negotia quae habuit. Non sunt haec verba e textu auferenda iudicio correctorum.

Vers. 46. Sed secundum misericordias tuas. Non subiungas & serviemus tibi.

V. 50. Et clamaverunt ad Simonem ut dex-

tras acciperent. Non mutes pluralem numerum in singularem acciperes.

Vers. 51. Et cingris & cymbalis. Scribendum est cingris vel cingris vocali media ypsilon, non alpha.

LECTIONUM VARIETAS.

Vers. 54. Quid fortis praelii vir esset. Latinorum librorum quos vidi, quidam illud solum legunt quod vir esset, consentanee Græco; quidam addunt, quod vir fortis esset, quidam, quod vir praelii esset. Hic omnia copulantur.

COMMENTARIA

S A.

Vers. 5. ANIMAE, id est vitæ.

Vers. 6. SANCTA, id est templum. INIMICITIAE GRATIA, id est hostiliter, scilicet tamquam hostes.

V. 11. IN EA, scilicet Ioppe. IPSE, scilicet Ionathas.

V. 13. CONTRA FACIEM, id est in prospectu.

V. 16. FUGIAT, id est deficiat.

V. 20. IBANT, scilicet hostes. GRÆC. IBAT, scilicet Tryphon.

V. 22. ILLA NOCTE, &c. GRÆC. & illa nocte fuit valde multa nix, & non venit propter nivem, sed abiit in Galaaditim.

V. 24. CONVERTIT, id est revertit.

V. 27. VISU, id est aspectu, scilicet qui longe videri posset.

V. 28. STATUIT. GRÆC. statuit super ea. SEPTEM, id est multas.

V. 29. QUAE, scilicet aedificia, nempe tota illa moles.

V. 30. DIEM, scilicet extans.

V. 34. REGIONI, scilicet Iudææ.

V. 37. BAHEM, id est torquem, vel balteum, vel smaragdum.

V. 42. ANNO PRIMO; quasi dicat, Incipit numerare annos a principatu Simonis.

V. 44. ET ERUPERANT QUI, &c. GRÆC. & qui erant intra machinam, eruperunt in civitatem.

V. 48. IMMUNDITIA, scilicet idololatriz. SIBI. GRÆC. sibi in ea.

V. 50. CONTAMINATIONIBUS, scilicet gentilibus.

V. 51. INIMICUS, scilicet arx illa erat velut hostis insensibilis.

V. 54. VIRTUTUM, id est exercitus. GAZARIS, id est Gaza.

EST II.

Vers. 17. ET COGNOVIT SIMON, QUOD & 18. CUM DOLO LOQUERETUR SECUM, TUSSIT TAMEN DARI ARGENTUM ET PUEROS. QUÆRITUR AN IN HOC FACTO SIMON NON PECCARIT, FILIOS FRATRIS MITTENDO IN TAM CERTUM DISCRIMEN? COGNOVIT ENIM, UT SCRIPTURA LOQUITUR, TRYPHONEM DOLO AGERE; SCIEBAT ETIAM OMNES COMITES IONATHÆ FUISSE INTERFECTOS; & PROINDE FALSUM ESSE PRÆTEXTUM TRYPHONIS DE IONATHA DETENTO, QUOD PRO DEBITIS IN RATIONE REGIS DETINERETUR. RESPONDEO SCRIPTURAM IPSAM ADDERE RATIONEM: NE, INQUIT, INIMICITIAM MAGNAM SUMERET AD POPULUM ISRAEL, DICIENTES; QUIA NON MISIT EI ARGENTUM ET PUEROS, PROPTEREA PERIIT. ITAQUE DEBEbat SIMON EX DUOBUS INCOMMODIS & MALIS ELIGERE QUOD MINUS ERAT. ATQUI MINUS ERAT PUEROS PERIRE; QUAM TUMULTUM POPULI TEMPORIS TAM DIFFICILI EXPECTARE; & QUANDO Nihilominus FUTURUM ERAT, UT PEERI MITTERENTUR. Id enim

nam

nim populus omnino volebat. Adde quod nec omnino certum erat pueros perituros. Potuisset enim Tryphon pueros detinere vivos ad extorquendum plus argenti. Nec mittendo pueros cooperabatur Simon homicidio, quia illum actum non tenebatur omittre, sed potius, ut iam diximus, facere causa publici boni, seu poxius permittere.

V. 28. & 29. ET STATUIT SEPTEM PYRAMIDAS, UNAM CONTRA UNAM PATRI ET MATRI, ET QUATUOR FRATRIBUS; ET HIS CIRCUMPOSUIT COLUMNAS MAGNAS, &c. Sine dubio, scilicet Simon septimam pyramidem sepulcralem sibi statuit. Verum qui sint fratres eius quatuor, confer ea quæ sunt cap. II. huius libri, cum iis quæ annotavimus ad cap. VI. vers. 43. de Eleazar.

M A R I A N A E.

Verf. 5. NON ENIM MELIOR. Sic Simon: aut maior, potior, *μηδ' ἑσθ' ἢ*, fratribus meis sum, maioris pretii.

V. 6. NATOS QUOQUE NOSTROS vindicabo. Gothi. *fratrosque vestros*: sic Græce in Regiis.

V. 8. TU ES DUX NOSTER. Simon constituitur princeps & pontifex. Gorion. Lib. III. cap. IX. videtur eum facere primogenitum inter fratres.

V. 11. EIECTIS HIS, QUI ERANT IN EA. Sic etiam Gothi. & Græc. scilicet loppe: remansit ibi Ionathas. Non legendum *in arce*, ut quidam.

V. 13. SIMON AUTEM APPLICUIT, aut *castra posuit*, *καταβύβαλον*. IN ADDUS: cap. XII. 38. vocatur *Adiada*. Iosephus Lib. XIII. cap. XI. vocat *Addida*: hic Græce est *Adida*. In Ptolomæo est *Adada* in *Palmyrena*, quæ est in Phœnicia. *Palmyra* est etiam prope Euphratem, alio nomine *Thadamer*, a Salomone ædificata, ubi Odenatus Zenobiz vir, de qua III. Reg. IX. 18. nos.

V. 20. GYRAVERUNT, id est non recta ierunt, sed circulo facta. PER VIAM QUÆ DUCIT ADOR. Græce, *Adora*. *Dor* sive *Dora* Ptolomæo urbs est in Phœnicia maritima prope Carmelum ex Iosepho II. contra Apionem. Duos fuisse Carmelos, dixi Isaiæ XXIX. 18. Hic mons Carmelus in tribu Aser propter Ptolemaidam.

V. 21. QUI AUTEM IN ARCE ERANT, scilicet Ador.

V. 22. ERAT AUTEM NIX MULTA VALE, ET NON VENIT, scilicet Tryphon in arcem eam. IN GALAADITIM, scilicet abiit. Græce, *Nocte illa fuit nix multa: & non venit propter nivem, & abiit in Galaaditum*, id est in Galilæam.

V. 23. CUM APPROPINQUASSET BASCANAN. Iosephus Lib. XIII. cap. XI. *Rasfa*. OCCIDIT IONATHAN ET FILIOS EIUS. Græc. *occidit Ionathan, & sepultus est ibi*: de filiis nihil.

V. 28. STATUIT SEPTEM PYRAMIDAS, scilicet Simon. Extabant Hieronymi tempore; extant nunc, ut cap. II. diximus. PATRI ET MATRI, ET QUATUOR FRATRIBUS, unam sibi, ut sint septem, de qua siletur.

V. 34. ACTUS OMNES TRYPHONIS PER DIREPTIONEM. Græc. *actus Tryphonis erant rapina*, id est tyrannice regnabat.

V. 37. CORONAM AUREAM, ET BAHEM. Græce, *bainem*. Quid hoc? Quidam monile putat, alius palmam, nempe ex auro, victoriæ symbolum. *βαΐνον* Græce *ramus palmarum* est: sic infra vers. 51.

V. 42. COEPIT POPULUS ISRAEL SCRIBERE. Ratio annorum est immutata, neque deinde annos; Græcorum numerabant in Actis. Simon obsidet Gazam,

V. 44. ET ERUPERANT; seu *eruperunt*, ut est Græce; hoc est, ingressi sunt in civitatem. In Regiis, *Et qui eruperant*: male.

V. 51. SECUNDI MENSIS, scilicet *Iyar*, Aprilis, a Simone capta est arx Ierusalem, CINYRIS, genus citharæ, ut antea diximus: plectro an digitis pulsaretur, incertum.

V. 53. MUNIVIT MONTEM TEMPLI, id est montem Moria. QUI ERAT SECUS ARCEM, id est prope arcem. Olim arx erat in monte Sion ex adversum templi, sed Gentes prope templum videntur extruxisse arcem: sed cap. XIV. 36. fuisse eam arcem ait in civitate David.

V. 54. DUCEM VIRTUTUM Simon constituit filium, id est exercituum & copiarum omnium.

M E N O C H II.

Verf. 4. HORUM GRATIA PERIERUNT, &c. per has angustias, & prælia.

V. 9. ANIMAE MEAE, id est vitæ meæ. NON ENIM MELIOR SUM FRATRIBUS MEIS: etsi præ ceteris ut vir consilii celebratus fuerat a patre suo supra cap. 11. 65. & 70.

V. 6. SANCTA, templum. INIMICITIÆ GRATIA; quasi dicat: Non quia offensus sunt a nobis, sed quia hostili nos odio prosequuntur, & quia veram religionem abolere, & idololatriam inducere nituntur.

V. 7. ACCENSUS EST SPIRITUS POPULI, alacer factus est populus, & excitatus ad reipublicæ defensionem.

V. 11. EIECTIS HIS QUI ERANT IN EA: quorum fortasse fides erat suspecta. REMANSIT ILLIC IPSE, id est Ionathas.

V. 13. IN ADDUS CONTRA FACIEM CAMPI: iuxta oppidum Addida, inquit Iosephus, in monte situm, cui Iudeorum campi subiecti sunt; ita etiam Græci codices vocant. Adrichomius id opprobrium in tribu Ephraim collocat. Serarius eandem putat eum Adiada, cuius mentio superiori cap. num. 38. sicque campi facies, quæ hic dicitur, erit Sephela, quæ eodem loco memoratur.

V. 15. IN RATIONE REGIS, &c. mentitur Ionathan deinere tantisper dum debitam regi pecuniam solvat.

V. 16. UT NON DIMISSUS FUGIAT A NOBIS: ne deficiat a nobis, & fiat inimicus, cum fuerit dimissus. In Græco enim est, *ὅπως μὴ ἀποδῇ ἀνταρτίαν ἡμῶν*.

V. 18. QUA NON MISIT ARGENTUM, &c. Videbat se accusatum in avaritia, quod vitæ fratris pecuniam prætulisset; & ambitionis, quod, ut rerum ipse potiretur, fratrem vinctulis eximi noluisse.

V. 19. MENTITUS EST: Tryphon.

V. 20. INTRA REGIONEM: Iudææ. IBANT; scilicet hostes: in Græco est, *ἵβαν*, scilicet, Tryphon. IN ARCE: urbis Ador.

V. 22. ILLA NOCTE, &c. In Græco est: *Ἐξ illa nocte fuit valde multa nix, & non venit propter nivem, sed abiit in Galaaditum*.

V. 25. ACCEPTIT OSSA IONATHÆ, &c. & Ionathæ, & filiorum. Quod dicit ossa, non autem corpora, significat non ita statim post illorum exitum adducta fuisse.

V. 28. UNAM CONTRA UNAM: singulis lingulis adversas, vel alteram e regione atque, recto videlicet ordine, ut præternavigantibus a fronte singulis apparerent.

V. 29. ET SUPER COLUMNAS ARMA, &c. Hæc arma videntur sculpta fuisse, sicut & naves, eo genere sculpturæ quod vocant semitoreuma, & Italice dicimus, *Mezzo rilievo*, vel, *basso-rilievo*.

V. 30. USQUE IN HANC DIEM; scilicet, extans.

V. 32. PLAGAM MAGNAM IN TERRA, id est magna clade, & perturbatione Syriam affecit.

V. 34. FACERET REMISSIONEM REGIONI, id est vacationem daret ab oneribus, & tributis. PER DIREPTIONEM FUERANT GESTI, id est fuerant rapinæ, & direptiones.

V. 37. BAHEM, QUAM MISISTIS. In Græco est *βαῖλον*, qua voce videtur significari palma, vel aliquid ad palmam spectans, quia *βαῖς*, & *βαῖον*, ramus est palmæ arboris, Ioan. XII. 13. fortasse fuit aureus palmæ ramus missus cum corona. PACEM MAGNAM; firmam, & perennem. REMITTERE VOBIS QUAE INDULSIMUS. In Græco est: *Ὁ ἴδωκεν εἰς, qui præsumt negotiis, remittere nobis remissiones*, id est ut vobis vocationes, & immunitates concedant, nihil a vobis evigendo.

V. 38. VOBIS CONSTANT, id est rata esse volo.

V. 39. REMITTIMUS QUOQUE IGNORANTIAS, &c. quæcumque contra me peccastis condono. Tribuit ignorantia, ut culpam extenuare videatur.

V. 40. COMSCRIBI INTER NOSTROS: aulicos, vel domesticos.

V. 42. SCRIBERE IN TABULIS, ET GESTIS PUBLICIS, &c. In Græco est, *ἐν ταῖς συγγραφαῖς, & συμμαχίαις*, in syngraphis, & contractibus, ceperunt scribere, scilicet initium, ut sequitur; hoc est, *Anna primo*, &c. vide cap. sequenti num. 27.

V. 44. ET ERUPERANT, &c. In Græco est, *Ὁ ἐν ἡμέρᾳ ἐκείνῃ ἐκ τῆς μηχανῆς ἐκέρησαν ἐν τῇ πόλει*.

V. 45. DEXTRAS SIBI DARI: pacem sibi dari.

V. 47. MUNDAVIT AEDES: eiecit idolorum immundicia, ut dicitur num. seq.

V. 49. PROHIBEBANTUR EGREDI, &c. vide superiori cap. vers. 36. & ibi dicta.

V. 51. CINYRIS, &c. vide dicta cap. IV.

V. 54. NABLIS. Quid sint dixi I. Paral. XV. 6. ubi etiam explicavi quid sit cymbalum. INIMICUS MAGNUS: intelligit militem

litem prædiciarium urbi, & civibus infestum.

V. 54. **FORTIS PRAELII VIR ESSET.** Vox fortis, non est in Græco. **VIRTUTUM**, id est exercitus. **IN GAZARIS**, id est in Gaza; patet autem ita interpretandum esse, quia cap. sequenti num. 34. dicitur. *Qua est in finibus Asot.*

T I R I N I.

Verf. 1. **SIMON** dux & pontifex Iudæorum anno Græcorum 170. finiente a loco Ionathæ delectus verf. 8. inchoatos cap. præced. verf. 36. muros Ierolymis

V. 10. **Accedetis CONSUMMARE**, seu perficere: nempe ne quid adversi, eo absente, civibus accideret ab iis qui erant in arce. Mox

V. 13. **Adversum Tryphonem** movet, applicans exercitum sum in **ADDUS**, quam urbem cap. xxi. 38. ipsemet communicerat. Sed ibi vocatur *Adiada*; Græce, *Adida*; Ptolemæo, *Adada*: in Palmyrena est Phoenicæ regione. Est & mentio Palmyræ III. Reg. ix. 18. iuxta Euphratem, a Salomone exedificata: unde *Odenatus* Zenobii maritus, de quo ibi Mariana. Hic castra metatur **SIMON CONTRA FACIEM CAMP**, id est in prospectu, vel iuxta campum latissimum, iritans hoc modo Tryphonem ad prælium. Sed is

V. 14. Diffusus suis viribus, dolum excogitat, quo & impetum Simonis elusit, & capti Ionathæ filios ambos obtinuit, & insuper grandem pecuniam summam Iudæis extorsit. Fingit paratum se liberare Ionathæ, quasi non hostili animo captum, sed solum

V. 15. **PRO ARGENTO**, quo in rationibus regis compertum fuerat *Jonathan debere* regi, detentum penes se in custodia. Exsolvat ergo

V. 16. **SIMON** hoc fratris sui debitum, nempe **CENTUM TALENTA** auri: quæ si Attica fuerint, faciunt sexcenta millia aureorum in auro: sin Hebræa, duplam summam. Mittantur insuper mihi in **OBSIDES** ambo **EIUS FILII**, quibus quasi compedibus patrem mihi advinctum teneam, **UT DATISSUS**: & liberati suæ redditus, ad ulciscendam hanc captivitatem, **NON FUGIAT** & abalienet se a **NOBIS**, atque ad ho-

stes nostros transfugiat, illis adversum nos adhaerens & rudens.

V. 17. **ET COGNOVI** quidam sat probe **SIMON**, Triphonem non sincere, sed fraudulenter **SECUM** agere. Ne tamen populo ansum daret queritandi, quasi ex avaritia neglexisset fratri succurrere, ut ipse principatu frueretur: & quia pietas in fratrem omnia, ut in vivis conservaretur, tentare surdebat: neque certus omnino erat, Tryphonem consilia tam perfida & crudelia capturum, inquit S. Thom.

V. 19. **MISIT SIMON** petitam pecuniam, **ET PUEROS**; sed, heu! ad lanienam, ut dicitur verf. 23. Accepta enim pecunia & obsidibus, non abiit retrosum, ut convenerat, sed porro perrexit

V. 20. **Intrare REGIONEM** Iudæorum, non quidem recto itinere pergens (sic enim incurrisset in Simonem) sed **perfrans PER VIAM QUAE DUCIT IN ADOR**: **PTOLEMÆO DOR**, seu *Dora*: urbs est in Phoenicia maritima non ita procul a Ptolemaide; Iosephus b urbem Idumææ esse dicit. Igitur semicirculo facto circum fines Iudææ, ductabat exercitum suum Tryphon; Simone vestigiis eius ubique insidiane, ne qua irrumperet. Interim muris altissimis obsepti, & fame pressi prædiciarii Gentiles

V. 21. **QUI ERANT IN ARCE** Ierolymitana, rogant per **LEGATOS**, **TRYPHONEM**, sestet **ALIMENTIS** submittere, & viam qua inferri possint, suggerunt, nempe **PER DESERTUM**. Sed submissos equites, utique cum sacculis frumento vel alia annonâ plenis

V. 22. Præpedivit nimia **NIX** nocte illa delapsa. Unde non *pervenit* ad arcem Ierolymitanam: sed (ut in Græco est, & apud Iosephum) *abijt & venit in Galatitum*; ubi eum non posset alia ratione Iudæis nocere, ut saltem aliquo ægre illis faceret,

V. 23. **OCCIDIT** quem captivum hucusque secum traxerat, **IONATHAN**, **ET EIUS FILIOS**, cum pontificatum & principatum Iudæorum is administrasset annis omnino 19. Occisorum cadavera, post Tryphonis in Asiam recessum,

V. 25. **SEPELIUIT SIMON** in patria sua **MODIN**, constructis illie pro mausoleis *sepem* altissimis nobilissimisque e lecto, inciso, *polioque lapide pyramidibus, una contra*

tra unam, id est sibi mutuo e regione apte oppositis, una patri suo Mathathiae, altera matri, quatuor aliis quatuor fratribus suis, Iudae, Ionathae, Iohanni, Eleazaro e, septima sibi: pyramidibus

V. 29. HIS CIRCUMPOSUIT alias COLUMNAS MAGNAS, ET SUPER COLUMNAS affixit ARMA suorum bellica, ET SCULPTAS e marmore NAVES, quibus designabat partem terra marique victorias per Machabaeos. De hoc mausoleo aliquid dixi in fine capituli II.

V. 31. & 32. TRYPHON AUTEM capta opportunitate, cum ITER quoddam per ASIAM FACERET CUM NOVO REGE ANTIOCHO adhuc ADOLESCENTE, forsitan ut variis in provinciis solemni ritu novus rex inauguraretur, clam & DOLO OCCIDIT eum, seu veneno, seu laqueo, seu alio genere mortis: & assumpto, immo rapto, stat diademate ASIAE, REGNAVIT LOCO eius. ET FECIT PLAGAM, seu afflictionem, MAGNAM in omni TERRA sua, & persequens & excindens quotquot sibi adversari competerat. Hic a tempore Alexandri Magni primus est qui extra ordinem & stirpem Seleucidarum vi se ingessit in regnum Syriae & Asiae, tenuisque triennio: quo evoluta occisus ab Antiocho Sedete filio Demetrii Nicanoris, sceptrum Seleucidis restituit. Adversus hunc tyrannum ut magis se communit,

V. 34. SIMON, amicitiam acceptat Demetrii Nicanoris, nuper a Tryphone d regno pulsus, & a Ionatha semel e iterumque fectus vel fugatus, & nunc Iudaeorum auxilia sollicitantis. Sed inter amicitiae & fructus leges hanc unam a rege Demetrio deposcit, UT REGIONI Iudaeorum facias REMISSIONEM ab exactionibus, a tributis, a iugo Gentilium: QUIA ACTUS TRYPHONIS, quibus Iudaeam de novo gravavit, OMNES PER DIREPTIONEM, subreptionem & tyrannidem GESTI FUERANT, ac proinde rescindi iure merito debebant. Rescidiit omnia Demetrius,

V. 37. Accepta a Iudaeis in benevoli animi signum corona aurea, qua regnum illi postliminio stabilitum seu gratulabantur, seu volebant: miserant item Iudaei Demetrio BANEM; Graece, βασιμ, id est ramum palmarum, utique aureum, victoriae de tyranno symbolum vel omen. Bani enim & banon ramum palmarum significat, ut etiam No-

ster hic vers. 31. vertit. Neque solam remissionem onerum quam Simon postularat, indulsit rex Iudaeis, sed & alia omnia, inquit,

V. 38. QUaecumque VOBIUS CONSTITUITUR iam olim capite XI. 34. constare iam & firma ac rata esse volumus.

V. 39. REMITTITURUS quoque IGNORANTIAS ET PECCATA, id est quicquid adversum nos, seu per imprudenciam, seu alio modo peccatis. Nam post iniurias a Demetrio acceptas cap. XI. 53. hostes illi se semper exhibuerant Iudaeis: ibid. vers. 63. & cap. XII. vers. 24. Ex illo itaque tempore liberati sunt Iudaei

V. 41. AT omni iugo GENTIUM, nempe ANNO CENTESIMO SEPTUAGESIMO regni Graecorum iam finiente. Interim occasione horum inter novos reges & Iudaeos tumultuum, Gazenses nuper g a Ionatha subacti, iugum rursus excusserant. Sed a Simone vi ad officium reducti, vers. 43. & alio migrare iussi, suffectis illorum loco viris qui legem Dei facerent, id est Israelitis h vel proselytis divinae legis studiosis.

V. 49. QUI ERANT IN ARCH IERUSALEM, cincti & conclusi muris i altissimis & fame iam enecti, dedicationem tandem faciunt Simoni anno centesimo septuagesimo primo mensis secundi Ikar die vigesima tertia, cum gentiles totis 26. annis, nempe ab anno 145. k ulque ad 171. eam tenuissent. Addit Iosephus l, eam a Simone funditus everfam esse, utpote

V. 51. Inimicum magnum Israel, & templo, totique Iudaeae infestissimum. De CENYRIS m & NABIS n alibi dixi. Ex opposito diruta est Gentilium

V. 53. & 54. Communit alteram Iudaeorum arcem in monte TEMPLI nuper a Iuda exstructam, sed ab Alcimo destructam, rursumque a Ionatha g instauratam, nunc novis munitionibus auctam & perfectam. Et hic sedem fixit Simon domicilio Gazara i Ierosolymam translatam, & filio suo Iohanne Hyrcano, iam duce VIRTUTUM UNIVERSARUM, id est praefecto copiis omnibus militaribus, loco suo Gazara collocato.

(a) Cap. XII. 28. & XIII. 41.

(b) Ioseph. Lib. XII. Antiq. cap. XIII.

(c) I. Mach. XI. 2. & c. (d) Cap. XI. & lvi.

(e) Ibid. vers. ult. (f) Cap. XII. 28. & c.

(g) Cap. XI. 61. (h) Cap. XIV. 34.

(i) Cap. XII. 36. (k) Cap. I. 21. 30. 31.

(l) Ioseph. Lib. XIII. cap. XI. (m) I. Mach. IV. 54.

(n) I. Par. XV. 20. (o) I. Mach. IV. 60.

(p) Cap. IX. 54. (q) Cap. I. 11. (r) Hic vers. 1.

GORDONI.

Vers. 30. **A**DOR, vel Dora., urbs est Phœnicie maritimæ.

V. 28. SEPTEM PYRAMIDAS. Extabant ætate Hieronymi.

V. 51. CINYRIS: genus citharæ.

V. 54. DUCEM VIRTUTUM: exercituum.

CAPUT XIV.

Demetrio a duce Arsacis devicto & capto, Simon cum suo populo magna pace fruatur, ad quem missæ sunt litteræ renovati fœderis a Spartiatis & Romanis cum maxima laude Simonis, quæ Romanis vlypentem aureum minarum mille miserat.

1.  Nno centesimo septuagesimo secundo congregavit rex Demetrius exercitum suum, & abiit in Mediam ad contrahenda sibi auxilia, ut expugnaret Tryphonem. 2. Et audivit Arsaces rex Persidis & Mediæ, quia intravit Demetrius confines suos, & inivit unum de principibus suis ut comprehenderet eum vivum, & adduceret eum ad se. 3. Et abiit, & percussit castra Demetrii: & comprehendit eum, & duxit eum ad Arsacem, & posuit eum in custodiam. 4. Et siluit omnis terra Iuda omnibus diebus Simonis, & quæsit bona genti suæ: & placuit illis potestas eius, & gloria eius, omnibus diebus. 5. Et cum omni gloria sua accepit Ioppen in portum, & fecit introitum in insulis maris. 6. Et dilatavit fines gentis suæ, & obtinuit regionem. 7. Et congregavit captivitatem multam, & dominatus est Gazaræ, & Bethsuræ, & arci: & abstulit immunditias ex ea, & non erat qui resisteret ei. 8. Et unusquisque colebat terram suam cum pace: & terra Iuda dabat fructus suos: & ligna camporum fructum suum. 9. Seniores in plateis sedebant omnes, & de bonis terræ tractabant, & iuvenes induebant se gloriam & stolas belli. 10. Et civitatibus tribuebat alimonias, & constituēbat eas ut essent vasa munitionis, quoad usque nominatum est nomen gloriæ eius usque ad extremum terræ. 11. Fecit pacem super terram, & lætatur est Israel lætitia magna. 12. Et sedit unusquisque sub vite sua, & sub ficulnea sua: & non erat qui eos terretet. 13. Defecit impugnans eos super terram: reges contriti sunt in diebus illis. 14. Et confirmavit omnes humiles populi sui & legem exquisivit, & abstulit omnem iniquum & malum: 15. sancta glorificavit, & multiplicavit vasa sanctorum. 16. Et audierunt est Romæ quia defunctus esset Ionathas, & usque in Spartiatis: & contristati sunt valde. 17. Ut audirent autem quod Simon frater eius factus esset summus sacerdos loco eius, & ipse obtinere omnem regionem, & civitates in ea; 18. scripserunt ad eum in tabulis æreis, ut renovarent amicitias & societatem, quam fecerant cum Iuda, & cum Ionatha fratribus eius. 19. Et lætæ sunt in conspectu ecclesiæ in Ierusalem. Et hoc exemplum epistolarum, quas Spartiatis miserunt: 20. SPARTIANORUM principes, & civitates, Simoni Sacerdoti magno, & senioribus, & sacerdotibus, reliquo populo Iudeorum, fratribus, salutem. 21. Legati, qui missi sunt ad populum nostrum, nuntiaverunt nobis de vestra gloria, & honore, ac lætitiæ: & gavisi sumus in introitu eorum. 22. Et scripsimus quæ ab eis erant dicta in conciliis populi, sic: Numenius Antiochi, & Antipater Iasonis filius, legati Iudeorum, venerunt ad nos, renovantes nobiscum amicitiam pristinam. 23. Et placuit populo excipere viros gloriose, & ponere exemplum sermonum eorum in segregatis populis,

libris, ut sit ad memoriam populo Sparciatarum. Exemplum autem horum scriptum Simoni magno sacerdoti. 24. Post hæc autem misit Sinton Numenium Romanum, habentem clypeum aureum magnum, pondo mmarum mille, ad statendam cum eis societatem. Cum autem audisset populus Romanus 25. sermones istos, dixerunt: Quam gratiarum actionem reddemus Simoni, & filiis eius? 26. Restituit enim ipse fratres suos, & expugnavit inimicos Israel ab eis: & statuerunt ei libertatem, & descripserunt in tabulis æreis, & posuerunt in titulis in monte Sion. 27. * Et hoc est exemplum scripturæ: OCTAVA decima die mensis Elul, anno centesimo septuagesimo secundo, anno tertio sub Simone sacerdote magno in Asaramel, 28. in conventu magno sacerdotum, & populi, & principum gentis, & seniorum regionis, nota facta sunt hæc: Quoniam frequenter facta sunt prælia in regione nostra. 29. Simon autem Mathathia filius ex filiis Lari, & fratres eius dederunt se periculo, & resisterunt adversariis gentis suæ, ut starent sancta ipsorum, & lex: & gloria magna glorificaverunt gentem suam. 30. Et congregavit Ionathas gentem suam, & factus est illis sacerdos magnus, & appositus est ad populum suum. 31. Et voluerunt inimici eorum calcare, & atterere regionem ipsorum, & extendere manus in sancta eorum. 32. Tunc resistit Simon, & pugnavit pro gente sua, & erogavit pecunias multas, & armavit viros virtutis gentis suæ, & dedit illis stipendia: 33. & munivit civitates Iudææ, & Bethsuram, quæ erat in finibus Iudææ, ubi erant arma hostium antea: & posuit illic præsidium viros Iudæos. 34. Et Ioppen munivit, quæ erat ad mare; & Gazaram, quæ est in finibus Azoti, in qua hostes antea habitabant, & collocavit illic Iudæos: & quæcumque apta erant ad correptionem eorum, posuit in eis. 35. Et vidit populus actum Simonis, & gloriam quam cogitabat facere genti suæ, & posuerunt eum ducem suum, & principem sacerdotum, eo quod ipse fecerat hæc omnia, & iustitiam, & fidem, quam conservavit genti suæ, & exquisivit omni modo exaltare populum suum. 36. Et in diebus eius prosperatum est in manibus eius, ut tollerentur gentes de regione ipsorum, & qui in civitate David erant in Ierusalem, in arce, de qua procedebant, & contaminabant omnia quæ in circuitu sanctorum sunt, & inferebant plagam magnam castitati: 37. & collocavit in ea viros Iudæos ad tutamentum regionis, & civitatis, & exaltavit muros Ierusalem. 38. Et rex Demetrius statuit illi summum sacerdotium. 39. Secundum hæc fecit eum amicum suum, & glorificavit eum gloria magna. 40. Audivit enim quod appellati sunt Iudæi a Romanis amici, & focii, & fratres, & quia susceperunt legatos Simonis gloriose: 41. & quia Iudæi, & sacerdotes eorum consenserunt eum esse ducem suum, & summum sacerdotem in æternum, donec surgat propheta fidelis: 42. & ut sit super eos dux, & ut cura esset illi pro sanctis, & ut constitueret præpositos super opera eorum, & super regionem, & super arma, & super præsidia: 43. & cura sit illi de sanctis: & ut audiantur ab omnibus, & scribantur in nomine eius omnes conscriptiones in regione: & ut operiatur purpura, & auro: 44. & ne liceat ulli ex populo, & ex sacerdotibus, irritum facere aliquid horum, & contradicere his quæ ab eo dicuntur, aut convocare conventum in regione sine ipso; & vestiri purpura, & uti fibula aurea: 45. qui autem fecerit extra hæc, aut irritum fecerit aliquid horum, reus erit. 46. Et complacuit omni populo statuere Simonem, & facere secundum verba ista. 47. Et suscepit Simon, & placuit ei ut summo sacerdotio fungeretur, & esset dux & princeps gentis Iudæarum, & sacerdotium, & præficeret omnibus. 48. Et scripturam istam dixerunt ponere in tabulis æreis, & ponere eas in peribolo sanctorum, in loco celebri: 49. exemplum autem eorum ponere in erario, ut habeat Simon, & filii eius.

BRUGENSIS

ROMANAE CORRECTIONES.

Verf. 2. Et addiderit enim ad se. Correctores hæc verba ex veteribus manuscriptis addiderunt.

Verf. 27. Et hoc est exemplum scripturae. Ne quaquam omittenda sunt hæc verba.

COMMENTARIA

S A.

Verf. 4. **Q**UAESIVIT BONA; quasi dicat, Diligens fuit in promovendo statu bono.

V. 5. ET CUM OMNI, &c. quasi dicat: Accessitque eius gloriæ, quod Ioppe portus est ad navigandum ad insulas.

V. 6. OBSTINUIT, id est pacifice possedit, vel gubernavit.

V. 7. CAPTIVITATEM. Vel Iudæos e captivitate liberatos intelligit, vel hostes captivos factos.

V. 8. LIGNA, id est arbores.

V. 9. BONIS, id est utilitate, seu commodis. *GLORIAM,* id est splendide. *BELLUM,* id est bello paratus.

V. 10. VASA, id est receptacula; quasi dicat, Ut afferarent instrumenta bellica. *QUOADUSQUE;* pro, adeo quod.

V. 14. HUMILES, id est afflictos. *LEGEM EXQUISIVIT,* id est legi studuit, seu curavit ut observaretur.

V. 15. SANCTA GLORIFICAVIT, id est templum decoravit.

V. 26. TITULIS, id est columnis.

V. 27. ELUL, id est Augusti, vel Septembris. *ASARAMEL.* Quidam legunt *Ierusalem.*

V. 28. NOTA FACTA SUNT, id est acciderunt.

V. 32. VIRTUTIS, id est fortes.

V. 34. CORREPTIONEM, id est directionem. *Græc. ἡ παιδεία.*

V. 35. ACTUM. *Græc. fidem.*

V. 36. CASTITATE, id est loci sancti tati.

V. 39. SECUNDUM HÆC; pro, ad hæc, id est præterea. *Græc. per omnia:* ut iungatur superioribus; quasi dicat, Cum summa potestate.

V. 41. DONEC. Not. *eternum cum donec surgat,* &c. quasi dicat: Eousque dum *Bib. Sac. Tom. XXII.*

Christus veniret, voluerunt illum eiusque familiam populum regere, etsi essent de tribu Levi; principatus enim ad Iudam spectabat, cuius partem administrabat Sanhedrim, scilicet Iudicum ceterus.

V. 48. DIXERUNT, id est constituerunt. *PERIBOLO,* id est ambitu seu porticu.

V. 49. HABEAT, scilicet unde possit fumere.

EST I I.

Verf. 4. **E**T SILUIT OMNIS TERRA IO-
DA OMNIBUS DIEBUS SIMONIS, ET QUÆSIVIT BONA GENTI SUÆ, &c. Sciendum est hunc Simonem, cuius hoc capite beneficia in populum suum, & laudes recensentur, diversum esse ab illo Simone, cuius decantat Ecclesiasticus cap. L. Hic enim Simon fuit frater Iudæ Machabæi, & filius Marathie, ille autem filius Onizæ; ut ex dicto loco est manifestum, cuius pater cognominatus fuit Priscus, quod cognomen & ipse accepit. Ceterum sub filio huius Simonis Prisci, nomine Eleazaro, putantur Biblia sacra rogatu Ptolemæi Philadelphi a Septuaginta interpretibus Iudæis in linguam græcam conversa: inter quos interpretes putant nonnulli unum etiam fuisse Iesum filium Sirach, auctorem, vel collectorem libri Ecclesiastici. Itaque Simon ille Onizæ filius antiquior fuit hoc Simone fratre Iudæ Machabæi annis plus minus centum quinquaginta. Sane nisi auctor libri Ecclesiæ thei antiquior esset Machabæis, numquam laudes Machabæorum tantas & tam multas tacuisset.

V. 40. & 41. ET QUIA SUSCEPERUNT LEGATOS SIMONIS GLORIOSE; ET QUIA IUDÆI ET SACERDOTES EORUM CONSENSERUNT EUM ESSE DUCEM SUUM, ET SUMMUM SACERDOTEM IN ÆTERNUM,

M m m DO-

DONEC SURGAT PROPHETA FIDELIS. Quidam hunc prophetam Christum intelligunt, de quo Deut. xviii. *Prophetam suscitabit vobis Deus*, &c. dicuntque filios Simonis tenuisse principatum, & sacerdotium usque ad Herodem Ascalonitam, cuius tempore natus est Christus. Verum in Græco non est articulus, ut proinde non videatur excellens ille propheta intelligi, sed propheta quicumque fidelis & doctus, ad eum modum, quo dicitur Nehem. vii. *domec surgeret sacerdos doctus & eruditus*. Ubi sermo est de iis, qui non poterunt reperire genealogiam suam, cum tamen dicerent, se stirpis esse Leviticæ. Et similiter I. Eldæ ii. Vide ea loca. Sic igitur & hic, cum non satis liqueret, ad quem iure pertineret summum sacerdotium, propter gravem & longam recip. Iudaicæ perturbationem, cumque Iudæa tunc temporis non haberet prophetas, qui possent super hac difficultate Deum consulere, placuit, (ut hic scribitur) & consenserunt Iudæi & sacerdotes eorum, ut Simon esset dux & sacerdos in æternum, donec surgeret propheta aliquis qui de hoc posset per os Domini respondere. Et sic hæc accipienda esse, innunt illa verba, *consenserunt Iudæi & sacerdotes*. Nam si aliquando iure id ei competisset, nequaquam suffragiis sacerdotum & populi opus fuisset.

MARIANAE.

Vers. 1. CONGREGAVIT REX DEMETRIUS EXERCITUM SUUM. Goth. & Græc. *exercitus suos*.

V. 2. ET AUDIVIT. Goth. & *ut audivit*. ARSACES REX PERSIDIS. Parthorum etiam, quod nomen *Arsaces* declarat, Parthorum Regibus familiare. ET MISIT. Goth. *misit*.

V. 7. CONGREGAVIT CAPTIVITATEM, scilicet ex hostibus multos in servos cepit.

V. 8. TERRA IUDÆA, &c. Goth. & Græc. *terra dabit fructus suos*.

V. 9. IUVENES INDEBANT SE GLORIAM, id est vestem pretiosam, ornatum.

V. 10. UT ESSENT VASA MUNITIONIS, civitates, id est eas munivit & annonam eis tribuit. QUOADUSQUE; pro, sic factum ut nomen eius (Simonis) extenderetur usque ad fines terræ.

V. 24. CLYPEUM AUREUM MAGNUM,

PONDO MNARUM MILLE, misit Simon Romam. De his minis seu minis quo pondere essent, diximus libro de Pond. & mens. cap. vii.

V. 26. RESTITUIT ENIM IPSE FRATRES SVOS. Græc. *firmavit ipse & fratres eius, & domus patris eius, pro firmatus est, aut firmavit suos*. POSUERUNT IN TITULIS. Græc. *in columnis*. Sed titulus pro columna. Gen. xviii. vers. 18. *Erexit eum in titulum*.

V. 27. MENIS ELUL, sextus mensis, Augustus. IN ASARAMEL. Græc. *Saramel*: loci nomen, aut oppidi, ubi ille conventus fuit.

V. 34. AD CORREPTIONEM EORUM, quæ apta erant, collocavit: dicerem, ut prospere seu bene agerent, *in auxilium*.

V. 35. VIDIT POPULUS ACTUM SIMONIS, id est acta. Græc. *fidem Simonis*.

V. 39. SECUNDUM HÆC. Græca Regia, *nam nam, secundum omnia*. Romana, *nam nam, secundum hæc*, id est post hæc, præterea Demetrius Simonem amicum fecit.

V. 41. DONEC SURGAT PROPHETA FIDELIS. Goth. *domec surgat Christus*. Usque ad ea tempora Simon & eius posteritenuere sacerdotium & principatum gentis.

V. 46. STATUERE SIMONEM, ET FACERE. Græca Regia, *Statuere Simonem facere*, id est ut decreta in eo conventu ipse confirmaret.

V. 48. IN PERIBOLO SANCTORUM. Erat peribolus & quasi lorica circum atria templi, & intervallum inter peribolum & atria. In ea platea volunt hoc decretum affigi. De peribolo & templi partibus plura ad cap. lx. Ezechielis.

MENOCHII.

Vers. 4. SILUIT: quievit a bellis. QUÆSIVIT BONA; quasi dicat, Diligens fuit in promovendo statu bono reipublicæ. POTESTAS EIUS: gubernationis ratio, qua usus est. GLORIA EIUS: vel idem est quod *potestas eius*, vel significavit gentem Iudæorum delectatam esse ducis sui gloriosis gestis, & fama sapientiæ, & potentie.

V. 5. ET CUM OMNI GLORIA SUA, gloriosum enim erat Iudæis potiri celeberrimo portu, ex quo in mare, & insulas, sive ad auxilia petenda, sive ad celebranda

da commercia liceret excurrere. Hoc enim est quod dicitur, *FECIT INTROITUM*, &c. sic Italici portus vocant, *Scale di mare*, per quos scilicet ad insulas, & longe distitas regiones gradum facere licet.

V. 6. *OBTINUIT*, id est pacifice possedit, vel gubernavit.

V. 7. *CAPTIVITATEM*: vel Iudæos captivitate liberatos intelligit; vel hostes captivos factos: prior sensus verior videtur. *ET DOMINATUS EST GAZARAE*, &c. Hæc tria loca tamquam omnium munitissima commemorat, quorum possessio præbebat securum urbis Ierusalem dominatum Iudææ, & Palæstinæ. *IMMUNDITIAS*: idola.

V. 8. *LIGNA*, id est arbores.

V. 9. *SENIORES IN PLATEIS SEDEBANT*, &c. Seniores consultabant de utilitate reipublicæ, & iuvenes armati, si opus esset, deliberata exequabantur. *GLORIAM*, id est splendide.

V. 10. *VASA MUNITIONIS*, id est receptacula; quasi dicat, ut asservarent instrumenta bellica. Vel instruebat urbes armis, & commatu in omnem belli eventum. *QUODDUSQUE*, &c. quasi dicat: Ita ut sit consecutus ut nomen eius esset ubique inclytum. Respiciat ad ea quæ paulo post de Romanis, & Spartanis dicit: & rursus cap. sequenti de litteris Roma scriptis ad plurimas gentes in gratiam Simonis, & Iudæorum.

V. 11. *FECIT PACEM SUPER TERRAM*; scilicet Iudæam.

V. 14. *HUMILES*, id est afflictos. *LEGEM EXQUISIVIT*, id est legi studuit, seu curavit, ut lex servaretur.

V. 15. *SANCTA GLORIFICAVIT*, &c. ornavit templum, & sacram eius suppellestilem auxit.

V. 19. *ECCLESIAE*: cætus Seniorum, & populi.

V. 21. *IN INTROITU EORUM*, id est in adventu ad nos.

V. 22. *SCRIPTISIMUS*: scilicet in annalibus, & monumentis nostris ad rei memoriam.

V. 24. *PONDO MINARUM MILLE*. Milla Hebræa ex Corneliæ & Lapidæ in opusculo de mensuris, & ponderibus, continetur sexaginta siclos, id est deachmas 2400. uncias triginta, duas nimirum libras, cum dimidia. Dicitur Mina, vel Moa a *MO*

manach, id est *numerauit*. Salianus tamen tomo 6. anno mundi 3914. num. 12. locum hunc explicans, minam putat uni ferre libræ respondere, totiusque clypei pretium fuisse existimat circiter centum millium coronatorum.

V. 25. *POPULUS ROMANUS*. Vox *Romanus* abest a Græcis omnibus, & Latinis codicibus, putantque Serarius & Salianus ex margine, ubi ab aliqua explanationis causa esset adscripta, in textum irrepsisse. Voluntque hi auctores verba hæc populi Iudaici esse, non Romanorum; nam responsio populi Romani habetur capite sequenti num. 16.

V. 26. *RESTITUIT ENIM IPSE*, &c. Totus hic versiculus in Græco sic habet, *ἵσχυς γὰρ αὐτοῦ, ὃ ἐκ ἀδυναμίας αὐτοῦ, ὃ ἐκ ἐλπίος τοῦ πατρὸς αὐτοῦ, ὃ ἐκ ἐκείνου αὐτοῦ ἐκδόσθης*. Nam ipse cum fratribus suis, domoque paternæ suæ constabularis Iherusalem, & hostibus bello propulsatis libertatem eidem peperit. *IN TITULIS*: in columnis.

V. 27. *MENSIS ELUL*: qui est sextus, & respondet ex parte Augusto. *ANNO CENTESIMO SEPTUAGESIMO SECUNDO*: regni Græcorum. *ANNO TERTIO SUB SIMONE*, &c. Confirmatur, & revocatur ad proximum, quod dictum est superiori capite vers. 42. observatum iri a populo, in tabulis publicis, privatique annos Simonis. *IN ASARAMEL*: vel, ut habent Græci, *Saramel*. Vatablus vocem corruptam putat, & legendum *Ierusalem*. Serarius ait retentam vocem Hebræam, quæ significat, *In principe Deo*, ut Simon dicatur sacerdos magnus in Domino Deo, sive Domini Dei.

V. 28. *IN CONVENTU MAGNO*, &c. Hoc est exordium ad recolendam expositionem rerum hæcenus bene gestarum, quibus populus excitatus est ad gratias Simoni referendas. Tantis porro personarum apparatus ostendit hanc non esse promulgationem Romani decreti, sed proprii. Adde quod decretum hoc lex quædam est: at legem accipere a Romanis non esset eos habere amicos, & socios, sed dominos. *NOTA FACTA SUNT HÆC*: In aliquibus Græcis codicibus est, *innotuit nobis*; in aliis, *Notum facimus vobis*.

V. 29. *SANCTA IPSORUM*: templum eorum, & sacræ legis ceremoniarum.

V. 30. APPOSITUS EST AD POPULUM
SUUM, id est mortuus est.

V. 31. CALCARE: *invasurum, invadere,*
penetrare.

V. 32. VIROS VIRTUTIS, id est fortes.

V. 33. ARMA HOSTIUM: praesidium ho-
stium.

V. 34. GAZARAM. Gazam intelligit, ut
patet ex eo quod additur, quæ est in fini-
bus Azoti. CORREPTIONEM. In Græco est
ἰκανισμός, id est instauracionem, restitu-
tionem in bonum statum. Aliqui putant
in nostro textu legendum *correctionem*. Ita
Vatablus, Em. Sa, & Saliarius.

V. 35. ACTUM SIMONIS: res gestas. In
Græcis Vaticanis est, *τὰς πράξεις, actum;*
in aliquibus aliis *τὰς πράξεις, fidem.*

V. 36. CASTRATI, id est loci sancti-
tati.

V. 39. SECUNDUM HAEC, id est ad hæc,
præterea.

V. 41. DONEC SURGAT PROPHETA FI-
DELIS: quali dicat: Eo usque dum Chri-
stus veniat voluerunt illum eiusque fami-
liam populum regere, licet sint de tribu
Levi, & principatus spectet ad Iudam.
Vel sensus est, donec Deus prophetam ali-
quem populo suo concedat, & per eum
nobis declaret quomodo constituenda respu-
blica; & ad quem regni administratio
pertineat. Vide supra cap. iv. 46.

V. 42. PRO SANCTIS, id est sanctorum,
scilicet templi, & sacri cultus. SUPER
OPERA EORUM: ad fabricam, & facta
secta.

V. 43. AUDIATUR AB OMNIBUS: omnes
illi obediant. SCRIBANTUR IN NOMINE
XPI, &c. vide dicta num. 27.

V. 48. DIXERUNT, id est constituerunt.

V. 49. PERIBOLO, id est ambitu, seu
porticu. Vide supra vers. 26. HABEAT:
habeat in potestate, ut possit inspicere, aut
aliis ostendere.

T I R I N I.

Vers. 2. **A**RSACES REX PERSIDIS ET
MEDIÆ, (utique & *Parthorum* rex: quod nomen *Arsaces* indicat,
Parthorum regibus familiare:) cognito
QUIA DEMETRIUS SYRIÆ & ALIÆ rex se
inconsulto fines suos INTRAVIT cum exer-
citu, ut maiores inde copias sibi collige-

ret; mittit praefectum militum suæ, qui
Demeetrium vi aggredereatur, & si pos-
set, vivum capere. Aggreditus est, vi-
vum capit, regi Arsaci misit, & custodire
mandat. Capto Demeetrio, uxor a eius
Cleopatra Seleuciam ad se fratrem illius
Antiochum evocat, eumque ex leviro vi-
rum suum facit, Iosepho teste b. Sequi-
tur felix imperium Simonis.

V. 5. IOPPEN civitatem maritimam,
per Jonathan Absoloni filium, vicarium
suum, ACCEPIT e IN PORTUM, certe Iu-
dæis valde opportunum, ut INTROITUM ha-
berent IN INSULIS MARIS, id est ex hoc
portu solverent in alias regiones, etiam
remotissimas.

V. 7. ET CONGREGAVIT CAPTIVITATEM
MULTAM, id est captivos multos
Iudeos e manibus hostium liberavit: ho-
stes vero ipsos maximo numero captivos
fecit. Ipso temp. administrante, aurea e-
rant tempora.

V. 9. IUVENES INDUEBANT SE GLO-
RIAM, id est ornabant se veste pretiosa
& triumphali, nempe spoliis hostilibus, &
gloriis bello partis.

V. 10. URBS IUDÆÆ minus ante mu-
nitas, novis muris, vallibus & arcibus adie-
ctis, effecit UT ESSENT VASA MUNITIONIS,
seu receptacula munitissima.

V. 14. OMNES HUMILES POPULI SUI,
id est afflictos Iudeos, seu a contribuli-
bus suis, seu ab hostibus, CONFIRMAVIT
opportunis remediis & auxiliis: & ABSTU-
LIT OMNEM INIQUIUM ET MALUM, id
est facinorosos & publico bono noxiose
medio sustulit.

V. 15. SANCTA GLORIFICAVIT; id est
auxit gloriam, ornatum, splendorem san-
ctuarii & templi Dei, eiusque VASA,
id est suppellectilia sacra, magno numero
auxit.

V. 20. Gratulantur illi Spartiade d, seu
Lacedæmonii: dicta legatorum Iudæico-
rum confribentes ad perpetuum memo-
riam,

V. 22. IN CONCILIIS POPULI, id est in
publicis libris, quibus acta reipublicæ no-
stræ continentur.

V. 24. & 25. Cum Romanis quoque
renovavit foedus & societatem, misit eia
clypeo magno aureo MNARUM e MILLE,
id est centum milium aureorum. CUM

AU-

AUTEM AUDISSET POPULUS ROMANUS SERMONES ISTOS, seu res præclare gestas Simonis. In Græco solum legitur, *populus*, non addito, *Romanus*. Et vero ex sequenti serie tota videtur subintelligi hic debere, non *Romanum*, sed *Iudaicum* populum, qui de principe & pontifice suis, quibus potuit modis, etiam ipse bene mereri voluit: publico *synedrum* decreto, concessa ei, eiusque toti familiae plena libertate, non a solis tributis, aut aliis publicis & communibus oneribus, sed etiam ab omni subiectione. Nempe, constituerunt illum principem suum supremum, in eiusque posterum voluerunt hanc dignitatem æternum derivari, adeo ut omnes Iudæi illi subicerentur, ipse nulli subiceretur. Patet ex publicis tabulis hac de re confectis, vers. 35. 42. & sequentibus. Publicæ autem tabulæ sic incipiunt:

V. 27. MENSIS ELUL sexti apud Hebræos, DIE DECIMA OCTAVA (sub initium nostri Septembris) ANNO GRÆCORUM CENTESIMO SEPTUAGESIMO SECUNDO, pontificatus *Simonis* ANNO TERTIO, IN URBE ASARAMEL: forte legendum *Ierusalem*: vel dic, *Asaramel* denotare locum publici synedri, seu conventus, in quo hæc decreta a comitiis generalibus concepta & firmata sunt. In quibus primum a

V. 29. usque 35. recensent præclara facta & merita Simonis, eiusque fratrum, ac præ aliis *Ionathæ*. Cumque in his omnibus

V. 35. SIMONIS actibus VIDIT sensitque POPULUS universus Iudæorum, non alium scopum ab illo heroe intendi, quam publicum commodum ET GLORIAM GENTIS Iudaicæ; detulit illi communibus suffragiis in præmium rei bene gestæ summum sacerdotium, & supremum principatum f. Qua dignitate non minus felicitatem, quam prudentem usum est, adeo ut ipso demum imperante, sublatæ sint

V. 36. GENTES, earumque imperium ac dominatus, DE REGIONE 9 Iudæorum, coactis ad dedicationem his quæ ultimæ supererant IN CIVITATE DAVID h, id est in arce Sion i, e qua perpetuo prosiliebant in Iudæos, ET CONTAMINABAT OMNIA QUÆ IN CIRCUITU SANCTORUM, seu sanctuarii, vel templi, SUNT, ET

INFEREbant FLAGRAM MAGNAM CIVITATI, seu puritati loci sancti. Nempe scelerati milites isti lubio triumphabant ex arce, & rapinis, caedibus, contumptionibus polluebant ac profanabant templum, ministros templi, sacrificia & sacrificantes. Et in hæc populi Iudaici suffragia consensit quoque

V. 38. DEMETRIUS Syriæ & Asiæ REX, maxime cum audisset tam arctam Iudæis amicitiam esse cum Romanis: & Iudæos omnes

V. 41. In id conspirasse, ut *Simonem* DUCEM haberent, ET SUMMUM SACERDOTEEM IN AETERNUM, & dignitas utraque perpetuo in ipsius familiae & posteritate permaneat, DONEC SURGAT PROPHEETA FIDELIS; id est, donec veniat in orbem magnus ille Propheeta k Messias, a Moysæ l, aliiisque Prophetis toties promissus. Et vero mansit uterque principatus in Hasamonzorum familia ac posteris usque ad Herodem m, cuius tempore natus est Christus summus princeps & Pontifex totius Ecclesiæ & populi Dei. Ergo omnium priorum consensus, & Iudæorum & Gentium, unanimiter decretum,

V. 42. UT *Simon* SIT DUX SUPER Iudæos, ET UT CURA SUPREMA PRO SANCTIS, id est sanctuario, seu templo, SIT penes *illum*,

V. 43. ET UT AUDIATUR, obediaturque ei AB OMNIBUS, ET SCRIBANTUR IN NOMINE EIUS OMNES CONSCRIPTIONES IN REGIONE, Græcæ, omnes *syngraphæ*, mandata & edicta publica, Quin & æra & subductio annorum apud Iudæos fiat secundum annos principatus Simonis. Atque ita deinceps factum patet ex initio harum tabularum vers. 27. & iam ante fastidiari ceptum dicitur cap. xxi. 42. De *purpura n*, de *fibula aurea* o alibi diximus. Denique

V. 48. & 49. SCRIPTURAM ISTAM, id est decreta hæc totius populi Iudaici, TABULIS AEREIS incidi iubent, & poni IN PERIBOLOS SANCTORUM, id est in una porticum templi, quæ sanctuarii undique ambiebant. Iubent postremo, ut eorumdem decretorum exemplar reponatur IN AERARIO, seu gazophylacio, id est in publicis templi thesauris & archivis, ut sit quando SIMON vel FILII, vel posterius

EIVS

ius illa egerent, inde depromere possent.

- (a) Cap. xi. 12.
 (b) Ioseph. L. b. I. cap. xiii. & in Chron. no
 Bio cap. xi.
 (c) Cap. xiii. 11.
 (d) Cap. xiii. 1.
 (e) In Psalms. de ponderibus & monetis.
 (f) Cap. xiii. 8.
 (g) Cap. xiii. 41.
 (h) Cap. i. 35.
 (i) Cap. xiii. 50.
 (k) Cap. iv. 46.
 (l) Deut. xxiii.
 (m) Chronici cap. xiii.
 (n) Exodi xxv. 4.
 (o) I. Mach. x. ult.

GORDONI.

Verf. 24. **M**NA. Quid sit vide Esdræ I. cap. viii.

V. 26. ET STATUERUNT EI LIBERTATEM. Notatur verf. 27. firmatam fuisse

omnium consensu auctoritatem Simonis, anno ræcorum 172. qui dicitur tertius annus Simonis, sed quid illud est, STATUERUNT EI LIBERTATEM? Sane ut apparet, Romani statuerunt; idque Simoni, & cum plena potestate libere regendi: vox Asaram corrupta putatur, & legendum est Ierusalem; alii retentam vocem Hebræam putant.

V. 27. ELUZ. Augustus. IN ASARAMEL. Aliqui legunt Ierusalem, ut iam dixi.


V. 48. IN PERIBOLO SANCTORUM. De his peribolis circa templum, & templi partibus, vide Ezechiel. xl.

V. 28. & 48. Deereium Iudæorum hic proponitur in gratiam Simonis, ad perpetuam rei memoriam: non ergo est hæc publicatio Romani decreti, & videntur finire hæc tabulæ, verf. 46.



CAPUT XV.

Antiochus Demetrii filius litteras amicis suarum mittit ad Simonem: Romani federatos sibi Iudeos ceteris nationibus per litteras commendat: Antiochus dum Tryphonem insequitur, missum a Simone militum auxilium recusat, mittitque ad eum Athenobium qui multa tamquam debita reposcat; & Simonis responso accepto, constituit adversus eum Cendebeum ducem exercitus, ipse vera Tryphonem persequitur.

1.  T inisit rex Antiochus filius Demetrii epistolas ab insulis maris Simoni sacerdoti, & principi gentis Iudeorum, & universæ genti: 2. & erant continentes hunc modum: Rex Antiochus Simoni sacerdoti magno, & genti Iudeorum, salutem. 3. Quoniam quidem pestilentes obtinuerunt regnum patrum nostrorum, volo autem vindicare regnum, & restituere illud sicut erat antea: & electam feci multitudinem exercitus, & feci naves bellicas. 4. * Volo autem procedere per regionem, ut ulciscar in eos, qui corrumperunt regionem nostram, & qui desolaverunt civitates multas in regno meo. 5. Nunc ergo statuo tibi omnes oblationes, quas remiserunt tibi ante me omnes reges, & quæcumque alia dona remiserunt tibi: 6. & permitto tibi facere percussuram proprii numismatis in regione tua; 7. Ierusalem autem sanctam esse, & liberam: & omnia arma quæ fabricata sunt, & præsidia quæ construxisti, quæ tenes, mancant tibi. 8. Et omne debitum regis, & quæ futura sunt regi, ex hoc & in totum tempus remittuntur tibi. 9. Cum autem obtinuerimus regnum nostrum, glorificabimus te, & gentem tuam, & templum gloria magna, ita ut manifestetur gloria vestra in universa terra. 10. Anno centesimo septuagesimo quarto exiit Antiochus in terram patrum suorum, & convencit.

Venerunt ad eum omnes exercitus, ita ut pauci relictī essent cum Tryphone. 11. Et infecutus est cum Antiochus rex, & venit Doram fugiens per maritimam: 12. sciebat enim quod congregata sunt mala in eum, & reliquit eum exercitus. 13. Et applicuit Antiochus super Doram cum centum viginti millibus virorum belligerorum, & octo millibus equitum: 14. & circumvit civitatem, & naves a mari accesserunt: & vexabant civitatem a terra & mari, & neminem sinebant ingredi vel egredi. 15. Venit autem Numenius, & qui cum eo fuerant, ab urbe Roma, habentes epistolas regibus & regionibus scriptas, in quibus continebantur hæc: 16. Lucius consul Romanorum, Ptolemæo regi salutem. 17. Legati Iudæorum venerunt ad nos amici nostri, renovantes pristinam amicitiam & societatem, missi a Simone principe Sacerdotum, & populo Iudæorum. 18. Attulerunt autem & clypeum aureum mmarum mille. 19. Placuit itaque nobis scribere regibus, & regionibus, ut non inferant illis mala, neque impugnent eos, & civitates eorum, & regiones eorum: & ut non ferant auxilium pugnantibus adversus eos. 20. Visum autem est nobis accipere ab eis clypeum. 21. * Si qui ergo pestilentes refugerunt de regione ipsorum ad vos, tradite eos Simoni principi sacerdotum, ut vindicet in eos secundum legem suam. 22. Hæc eadem scripta sunt Demetrio regi, * & Attalo, & Ariarathi, & Arsaci, 23. & in omnes regiones: † & Lampfaci, & Spartariis, * & in Delum, & in Myndum, & in Sicyonem, & in Cariam, & in Samum, & in Pamphyliam, & in Lyciam, & Alicarnassum, & in Coos, & in Siden, & in Aradon, & in Rhodum, & in Phaselidem, & in Gortynum, & Gnidum, & Cyprum, & Cyrenen. 24. Exemplum autem eorum scripturunt * Simoni principi sacerdotum, & populo Iudæorum. 25. Antiochus autem rex applicuit castra in Doram secundo, admoveus ei semper manus, & machinas faciens: & conclusit Tryphonem, ne procederet: 26. & inisit ad eum Simon duo millia virorum electorum in auxilium, & argentum, & aurum, & vasa copiosa: 27. & noluit ea accipere, sed rupit omnia, quæ pactus est cum eo antea, & alienavit se ab eo. 28. Et misit ad eum Athenobium unum de amicis suis, ut tractaret cum ipso, dicens: Vos tenetis Ioppen, & Gazaram, & arcem quæ est in Ierusalem, civitates regni mei: 29. fines earum desolastis, & fecistis plagam magnam in terra, & dominati estis per loca multa in regno meo. 30. Nunc ergo tradite civitates, quas occupastis; & tributa locorum, in quibus dominati estis extra fines Iudææ: 31. sin autem, date pro illis quingenta talenta argenti, & exterminii, quod exterminastis, & tributorum civitatum alia talenta quingenta: sin autem, veniemus, & expugnabimus vos. 32. Et venit Athenobius amicus regis in Ierusalem, & vidit gloriam Simonis, & claritatem in auro & argento, & apparatus copiosum: & oblitupuit: & retulit ei verba Regis. 33. Et respondit ei Simon, & dixit ei: Neque alienam terram sumpsimus, neque aliena detinemus: sed hereditatem patrum nostrorum, quæ iniuste ab inimicis nostris aliquo tempore possessa est. 34. Nos vero tempus habentes, vindicamus hereditatem patrum nostrorum. 35. Nam de Ioppe & Gazara quæ expositas, ipsi faciebant in populo plagam magnam, & in regione nostra: horum datus talenta centum. Et non respondit ei Athenobius verbum. 36. Reversus autem cum ira ad regem, renuntiavit ei verba ista, & gloriam Simonis, & universa quæ vidit: & iratus est rex ira magna. 37. Tryphon autem fugit navi in Orthosiada. 38. Et constituit rex Cendebrum ducem maritimum, & exercitum pedum & equinum dedit illi. 39. * Et mandavit illi movere castra contra faciem Iudææ: & mandavit ei ædificare Gedorem, & obstruere portas civitatis, & debellare populum. Rex autem persequeretur Tryphonem. 40. Et pervenit Cendebrus Iamniam, & cepit irritare plebem, & conculcare Iudæam, & captivare populum, & interficere, & ædificare Gedorem. 41. Et collocavit equites, & exercitum: ut egressi perambularent viam Iudææ, sicut constituit ei rex.

ROMANAE CORRECTIONES.

Vers. 4. Volo autem procedere per regionem.
Non mutes numerum singularem in pluralem *regiones*.

Vers. 21. Si qui ergo pestilentes refugerunt.
Non commutes verbum compositum *refugerunt* cum simplici *fugerunt*.

Vers. 22. Et Attalo, & Ariarathi, & Arsacii. Media vox quinque syllaba est, aut certe quadrissyllaba, *Ariarathi*, a nominativo *Ariarathes*; pro qua Græce legitur trissyllaba *Aratha* latine a plerisque mendose *Araba*.

Vers. 23. Et in Delum & in Myndum & in Sicyonem & in Cariam, & in Samum, & in Pamphiliam & in Lyciam & in Alicarnassum & in Coa, & in Siden, & in Aradon & in Rhodum & in Phaselidem, & in Gortynum & Gnidum. Prima alii quot horum nominum propriorum multi

latini libri legunt tertio casu, omissa præpositione, *Et Delo & Mydo* &c. Ceterum *Myndum* scribendum est *Aradon*, non *Mydo* & *Arado*, omissa littera *n*. Rursus *Gortynum* non *Corinnum*; *g* septima non tertia alphabeti littera *c*.

Vers. 24. Simoni principi sacerdotum & populo Iudeorum. Vetera manuscripta addunt illud & populo Iudeorum.

Vers. 39. Et mandavit ei edificare Gedorem. Pro eo quod Latini fere libri græcis conformiter legunt *cedronem*, Romani Patres emendarunt *Gedorem* tum hoc, tum proximo versu 40.

LECTIONUM VARIETAS.

Vers. 23. ET Lampfaco & Spartiatis. Pro *Lampfaco* alii Latini libri, Græco conformiter, habent *Samsama*.

COMMENTARIA

S A.

Vers. 2. INSULIS, id est una ex insulis.

V. 2. HUNC; pro, in hunc.

V. 5. DONA, id est pensiones.

V. 7. SANCTAM, &c. Græc. & *sancta esse libera*.

V. 8. FUTURA SUNT, id est 'debeuntur'.

V. 34. TEMPUS, id est opportunitatem.

V. 39. OBSTRUERE. Græc. *munire*.

V. 40. IRRITARE, id est provocare, seu vexare. *CONCULCARE.* Græc. *intrare*, seu *invadere*.

V. 41. VIAM. Græc. *vias*, seu *itinerata*.

E S T I I.

Vers. 5. NUNC ERGO STATUO TIBI
& 6. OMNES OBLATIONES, QUAS REMISERUNT TIBI ANTE ME OMNES REGES: ET PERMITTO TIBI FACERE PERCUSSIONEM PROPRII NUMISMATIS IN REGIONE TUA, &c. Ex eo quod dicitur; quas remisissent tibi ante me omnes reges,

fatis colligitur ordinarie concessas fuisse a regibus immunitates supradictas populo Iudaico; & præcipue civitati Ierosolymitanæ; idque religionis causa, quod in ea civitate esset templum, quod etiam apud externos reges ac principes in summa veneratione haberetur. Quæ cum facta sint a regibus ethnicis, obscuram tantum imaginem religionis menti impressam habentibus; satis liquet, id multo magis observandum a principibus Christianis erga ecclesiam Dei, ut velint scilicet, ac statuam Ierosalem, id est ecclesiam esse sanctam ac liberam, ut hic Scriptura loquitur. *Sanctam*, id est inviolabilem; quod præstant, dum neminem sinunt impune sacra, aut iura ecclesiastica violare, sed etiam armis iniuriam omnem ab ea propulsare conantur: *liberam*, dum privilegia libertatis concedunt, aut ab aliis concessa conservant. Utriusque certe habemus illustria exempla in rege nostro catholico Philippo.

MARIANAE.

Vers. 1. ET MISIT REX ANTIOCHUS.
Goth. & Græce non est vox *Rex*.

Rex. Hic *Antiochus* prioris *Demetrii* filius, frater posterioris eius qui in Perside captus tenebatur. Eius uxor *Cleopatra*, viro capto, in Seleuciam se recepit; inde *Antiocho* huic suum coniugium & regnum obtulit. Sic ex leviro factus maritus, *Tryphoni* bellum intulit, qui se Regem dicebat, & captum tandem *Apameæ* occidit. Sic *Iosephus* Lib. XIII. cap. xii. a quo *Sater* vocatur, ab *Eufubio* in *Chron. Sederes*. Vocatus est etiam *Pius*. Causas & origines horum cognominum non perscrutamur. Sic *Antiochus*.

V. 3. ELECTAM FECI. Græce elegi multitudinem exercituum. PROCEDERE PER REGIONEM volo. Goth. per regiones. Sic multi alii Latini codices habent.

V. 6. PERCUSSURAM PROPRII NUMISMATIS permitto. Monetam cudere, lege Imperatoria inter Regalia numeratur.

V. 8. QUAE FUTURA SUNT REGI, id est regalia omnia iura & tributa remitto vobis Iudæis.

V. 11. VENIT DORAM *Tryphon*. Quam cap. xiii. 20. vocavit *Adoram*, nunc *Doram* vocat. FUGIENS PER MARITIMAM. Goth. per maritima. Græce, per mare fugit *Tryphon*.

V. 14. CIRCVIT CIVITATEM *Antiochus*, pro, obsedit.

V. 16. LUCIUS CONSUL. Hic fuit *Lucius Furius*, de quo *Cicero* meminit III. de Officiis, & in *Bruto*. *Car. Sigonius* hunc fuisse Consulem ait ab Urbe cond. anno 617. in quem incidere debet annus 174. Regni Græcorum. Quidam ex hoc numero annorum urbis unum annum demunt, non magno discrimine: neque mirum variare computationes. Romani a iunt:

V. 18. MNARUM MILLE clypeum attulerunt. Græca Regia, minarum quinque milium. Error est corrigendus ex Romana editione, & cap. superiori, vers. 24.

V. 23. LAMPASCO. Mysiæ urbs est. Græce, *Sampsamæ*: quæ lectio vitiosa obtinuit in omnibus fere codicibus Latinis.

V. 25. CONCLVSIT TRYPHONEM, NE PROCEDERET, id est ne fugeret. Græce, *conclvsit Tryphonem ingredi & egredi*, id est ne quis ingredi eo, aut inde egredi posset. *Antiochus* ad Iudæos:

V. 31. ET EXTERMINET, QUOD EXTERMINASTIS, id est pro exterminio, scilicet *Bib. Sac.* Tom. XXII.

damnis quæ intulistis. ET TRIBUTORUM pro, & pro tributis quæ occupastis. Videt *Regis Legatus Simonis*.

V. 32. CLARITATEM IN AURO. Græce, *abaeum cum vasis aureis & argenteis*.

V. 35. HORUM DAMUS (aut dabimus) TALENTA CENTUM, id est pro his, scilicet *Ioppe* & *Gazara*, damus talenta centum pro earum possessione. ET, NON RESPONDIT ET *ATHENOBIVS*. Græce & Goth. non est *Athenobius*, sed bene suppletur.

V. 37. TRYPHON AUTEM FUGIT NAVI IN ORTHOSIADA. An hæc urbs est *Apamea*, in quam *Tryphonem* fuisse & ibi occisum *Iosephus* ait Lib. XIII. cap. xii.

V. 39. AEDIFICARE GEDOREM mandavit *Rex*, nimirum ut ex eo Iudæi vexarentur. ET OBSTRUERE PORTAS CIVITATIS. Goth. extruere portas civitatis. Græce, munire portas, nempe *Gedoris* mandavit.

M E N O C H I I.

Vers. 1. FILIUS DEMETRII: *Demetrii* cognomento *Soteris*, quem *Alexander* interfecerat, frater autem *Demetrii*, qui *Nicanor* dictus est. Ab insulis maris: scilicet *Rhodo*, ut habetur ex *Appiano* in *Syriacis*.

V. 3. PESTILENTES: scelerati. *Tryphonem* intelligit, & affeclas eius.

V. 4. PROCEDERE PER REGIONEM, id est *Syriam* ingredi.

V. 5. OMNES OBLATIONES. In Græco est, *πάντα τὰ ἀναφύματα*, id est omnes oblationes; quasi dicat, Quæcumque nomine vectigalium, aut tributui auferenda erant, & in fiscum regium deferenda, ea remitto. Iuxta eundem sensum explicanda Latina versio, ut sit sententia: omnia quæ offerre, id est repræsentare tenebamini regio fisco, vobis remitto. QUÆCUMQUE ALIA DONA: quale erat aurum coronarium, de quo diximus supra cap. x. 29.

V. 6. PERCUSSURAM PROPRII NUMISMATIS: quod signum est supremi dominii permitti Iudæis.

V. 7. SANCTAM, ET LIBERAM. In Græco est, *& sancta esse libera*, id est est templum, & quæ ad pietatem, & cultum Dei pertinent.

V. 8. QUAE FUTURA SUNT REGI, id est quæ debebuntur, vel quæ deberentur. In Græco est, *βασιλικὰ, regia*: vulgo *regalia*.

Nnn

galia

galiz dicuntur, & Italice etiam eandem vocem retinimus, appellamus enim *Regalie*.

V. 11. DORAM: quæ est prope Ioppen, in littore maris mediterranei.

V. 16. LUCIUS. Sallianus cum aliis putat hunc esse Lucium Calphurnium Pisonem.

V. 21. PESTILENTES: scelerati homines, publici boni, & patriæ hostes. VINDICET: puniat.

V. 24. EXEMPLUM EORUM: exemplum litterarum scripturarum ad reges recensitos, populos, & infusus, &c.

V. 25. NE PROCEDERET: ne exire posset; ne fuga se inde proriperet.

V. 27. RUPIT OMNIA: fidem violavit in omnibus, quæ fuerat pollicitus.

V. 28. GAZARAM, id est Gazam, ut supra non semel.

V. 29. FECISTIS PLAGAM MAGNAM: intulistis magnam cladem.

V. 31. ET EXTERMINI QUOD EXTERMINASTIS, &c. id est, pro clade, & vastitate, & damnis illatis, pendite alia quinquaginta talenta.

V. 32. CLARITATEM. In Græco est, *καλότητα*, id est abacum in quo calices, patere, & alia vasa aurea, & argentea in usum mensæ reponuntur.

V. 34. TEMPUS, id est opportunitatem *καιρός*.

V. 35. NAM DE IOPPE, &c. Ioppitarum in Iudæos flagitium, cum ducentos eorum submerserunt, habes in secundo libro cap. xii. Quid autem a Gazensibus contra Iudæos peccatum sit, non facile reperitur. IN POPOLO, ET IN REGIONE: & personis nocentes, & locis nostris. HODIUM DAMUS TALENTA CENTUM: redimendæ vexationis gratia, horum causa offert talenta centum.

V. 36. REVERSUS EST CUM IRA AD REGEM: putavit enim se contemptum, quod decima tantum pars eorum, quæ postulaverat, fuisset oblata.

V. 37. ORTHOSTADA: quæ est urbs Phœnicæ.

V. 39. CONTRA FACIEM IUDÆÆ: contra Iudæam. AEDIFICARE GEDOREM: ut scilicet inde impune posset ex propinquo vexare Iudæos. Gedor est civitas in tribu Dan, quæ Iosue xv. 58. Gedor dicitur, & I. Paral. iv. 39. Gador.

V. 40. IRRITARE PLEBEM: vexare plebem, quæ habitabat in pagis. Et CON-
CULCARE IUDÆAM: in fines Iudææ irrumpere, in Græco est, *εμβαλεῖν*.

V. 41. PERAMBULARE VIAM IUDÆÆ: in Iudæam excurrere, & eam populationibus infestam haberent.

T I R I N I.

Verf. 1. **A**NTIOCHUS, capto fratre suo Demetrio Nicanore, regnum illius, simul & uxorem sibi vindicat, ut supra a dixi. Et iam AB INEULIS MARIS, nempe ex Rhodo, ubi cum fuisse scribit Appianus, litteras honoris plenas mittit ad Simonem, & Iudæos, ut eos sibi adversus æmulum suum Tryphonem devinciat: alioquin hostis infestissimus Iudæorum, ut patet verf. 27. Inter alia verf. 5. statuit Simoni OMNES OBLATIONES. Græce, *ἀπαρτίματα*, id est *ablationes*, supple, onerum, seu immunitates a præcedentibus regibus indultas Iudæis. Has nempe ratas esse vult Antiochus. Porro Tryphon impar copiis Antiochi

V. 11. FUGIT DORAM, urbem Phœnicæ maritimam, quam cap. xtti. 20. Adoram vocavit. Sed Antiochus mox

V. 14. CIRCUIT, id est circumdat. cingit, obfidet, undique CIVITATEM TERRA ET MARI. Interim

V. 15. NUMENIUS a Simone missus Romanus legatus, redditus a S. P. Q. R. litteras in favorem Iudæorum ad varios *reges ac regiones*, seu republicas Simoni relett. Litteris nomen suum inscribit *Consul Romanorum Lucius*, utique *Furius*, cuius consulatus incidit in annum conditæ Urbis 617. teste Sigonio, Cicerone b & aliis. Qui annus cum posteriori sui parte concutit cum anno 174. Græcorum, cuius hic verf. 10. fit mentio; certum hinc habes vinculum sacre chronologiæ cum profana. Eiusdem prorsus formæ litteras dant Romani

V. 16. AD PTOLEMAEUM Evergetem Aegypti regem:

V. 22. Ad Demetrium Nicanorem Syriæ, licet apud *Arsacem* in carcere regem: ad *Attalium* Asiæ: ad *Antiochum* Cappado-

dociae: ad *Asfacen* Persarum & Parthorum reges. Item ad respubl. Primo, *Lampsacenam*, in Syria (liberam tum) regionem Ptolemæo teste *c*; secundo, *Spartiarum d*; tertio, in insulam *Delum*, &c. Sed hæ Romanorum litteræ ad tot tamque potentes reges & resp. Romanorum quidem tum temporis potentiam arguunt: sed Iudæis exiguo solatio, nulli prorsus usui, nulli auxilio fuerunt, ut ex sequentibus patet. Bilem potius Antiocho, Iudæis odium crearunt. Nam

V. 27. Antiochus, repulsis Iudæorum auxiliis, repudiatis muneribus, hostem se illis apertum declarat, misso in Iudæam

V. 28. *Athenobio* legato, qui cum eis de iniuriis & damnis regno Syriæ illatis expoñeret, ablata repetat, tributa deposcatur: sin autem, bellum indicat. Nihil interitus minis

V. 33. SIMON, generose RESPONDIT: NEQUE ALIENAM TERRAM SUMPSIMUS, seu occupavimus, neque aliena insulo titulo DETINEMUS: SED HEREDITATEM PATRUM NOSTRORUM; id est, quæ nobis hereditario iure debentur, opportunum tempus nacli, armis repetivimus AB INIMICIS NOSTRIS qui ea INIUSTE possidebant.

V. 35. Quod vero de occupatis a nobis IOPPE ET GAZARA conquereris, summa necessitas nos coegit, eas urbes occupare: incolæ enim earum perpetuis eruptionibus maxima nobis damna dabant: unde si velimus in pace esse, cogimur eas urbes nobis detinere. Sed earum ratione parati sumus dare regi Antiocho CENTUM TALENTA argenti, id est centum & viginti millia aureorum, pro grati animi & beneficii quasi ab ipso accepti recognitione. Hæc modesta Simonis responsio iram tyranni non restinxit, sed auxit. Cumque non posset ipsemet expeditionem in Iudæam suscipere, præpeditus prosecutione Tryphonis, qui ex urbe Dora clam elapsus, NAVI profugerat in OATHOSIADA, (quæ Ptolemæo e in Phœnicia est,) loco suo misit eo CENDEBAEUM classis suæ præfectum supremum, seu archithalassum, cum validis copis, iubens ei Iudæam vastare universam: communis initio urbe GEDORE; G gce, Cedrene, in finibus & iniressu Iudææ, & obsitruclis; Græce, munitis, portus eiusdem civitatis, ut eruptiones inde

& incursionēs in Iudæam reliquam tuto facere posset.

- (a) Cap. xiv. 17.
(b) Cicero III. de Officiis, & in Bruto.
(c) Ptolem. Lib. V. cap. xv.
(d) Supra xiv. 2.
(e) Ptolem. Lib. V. Geogr. cap. xxv.

G O R D O N I.

Am huius Antiochi epistola ad Simonem refertur hic vers. 1. & 2. exir in bellum contra Tryphonem anno 174. Græcorum vers. 10. rex cum ingenti exercitu obsidet Doram, vers. 13. Litteræ Romanorum ad reges Orientales, & alios nevexent Iudæos. Lucio Cos. vers. 16. usque ad 25. Antiochus obsidet Doram contra Tryphonem, vers. 25. Simon mittit Antiocho supplicat, vers. 26. eas reicit Antiochus, violando promissâ, 27. Simon negat reddere civitates Ioppen & Gazaram, vers. 33. & 35. immitit rex Cendebæum in Iudæos, vers. 38.

V. 11. DORAM: cap. xttt. Adoram vocavit.

V. 18. Dum anno Græc. 174. Antiochus persequitur Tryphonem, redeunt Roma legati Simonis: quo anno noratur Lucius Consul; quis hic Consul fuerit certatur. Serrarius putat pro Lucio legi debere Lepidum, qui anno Græc. 176. Consul fuit. Verum si nomen consulis mutare licet, potius Lælius lepi debet qui anno Græc. 173. Consul scribitur: puto tamen nihil mirandum, nam (ut observavi ad annum mundi 3865.) ad annum Græc. 174. Consul ponitur Calphurnius Piso. Lucium vocat Valer. Max. Lib. I. cap. iv. & ita in falsis legit Sigonius: item Onaphr. & Genebrar. in Chron. en interrim nostræ Chronologiæ firmamentum. MINARUM MILLE, non quinque millia: vide cap. xiv. vers. 24.

V. 22. Scripsere Romani, ut vides, ad quinque reges, & loca alia, licet aliqua in Græco sint omiffa, & immutetur numerandi ordo.

V. 23. LAMPSACO: urbs in Myfia est.


V. 25. Hanc obsidionem Doræ refert Sallianus ad an. Græc. 175. saltem inchoari potuit anno 374. ut satis docet versiculus 10. In hac parte historiæ passim hal-

lucinetur Iosephus, sicut etiam omisit A-
thenobii legationem, de qua vers. 28.

P. 35. HORUM DAMUS TALENTA CEN-
TUM. Poterant iure belli obtenta hæc lo-
ca sine pretio retineri: attamen Simon, Phœniciz est, de qua mox.

ut vel sic redimeret vexationem, offert
centum talenta: vide valorem cap. XIII.
& an. mundi 3879.

V. 37. IN ORTHODIA. Hæc forte
ea sine pretio retineri: attamen Simon, Phœniciz est, de qua mox.



C A P U T XVI.

*Simon senex misit exercitum suum cum filiis suis Iuda & Ioanne adversus Cende-
bæum: quo devicto, Ptolemæus gener Simonis dominandi ambitione inflammatus,
acceptos convivio socerum eiusque filios Mathathiam & Iudam dolo interfecit,
ut ita Iudæa provincias obtineret: porro nuntii quos ad Ioannem dolo interimen-
dum miserat, sunt ab illo interfeciti, & Ioannes patri in summo sacerdotio suc-
cessit.*



1. T ascendit Ioannes de Gazaris, & nuntiavit Simoni patri suo
quæ fecit Cendebræus in populo ipsorum. 2. Et vocavit Si-
mon duos filios seniores, Iudam & Ioannem, & ait illis:
Ego, & fratres mei, & domus patris mei, expugnavimus
hostes Israël ab adolescentia usque in hunc diem: & prospere-
rarum est in manibus nostris liberare Israël aliquoties. 3.
Nunc autem senui, sed esto re loco meo, & fratres mei, &
egressi pugnate pro gente nostra: auxilium vero de celo vo-
bisum sit. 4. Et elegit de regione viginti millia virorum belligeratorum, & equi-
tes; & profecti sunt ad Cendebræum: & dormierunt in Modin. 5. Et surrexerunt
mane, & abierunt in campum: & ecce excreitus copiosus in obvium illis peditem,
& equitum, & fluvius torrentis erat inter medium ipsorum. 6. Et admovit castra
contra faciem eorum ipse, & populus eius, & vidit populum trepidantem ad transi-
tandum torrentem, & transfretavit primus: & viderunt cum vici, & transierunt
post eum. 7. Et divisit populum, & equites in medio peditem: erat autem equi-
tatus adversariorum copiosus nimis. 8. Et exclamaverunt sacris tubis, & in fugam
conversus est Cendebræus, & castra eius: & ceciderunt ex eis multi vulnerati: re-
sidui autem in munitionem fugerunt. 9. Tunc vulneratus est Iudas frater Ioannis:
Ioannes autem insecutus est eos, donec venit Cedronem, quam edificavit. 10. &
fugerunt usque ad turres, quæ erant in agris Azoti, & succendit eas igni. Et oc-
ciderunt ex illis duo millia virorum, & reversus est in Iudæam in pace. 11. Et
Ptolemæus filius Abobi constitutus erat dux in campo Iericho, & habebat argentum
& aurum multum: 12. erat enim gener summi sacerdotis. 13. Et exaltatum est cor
eius, & volebat obtinere regionem, & eogitabat dolum adversus Simonem, & fi-
lios eius ut tolleret eos. 14. Simon autem, perambulans civitates, quæ erant in
regione Iudææ, & sollicitudinem gerens earum, descendit in Iericho ipse, & Ma-
thathias filius eius, & Iudas, anno centesimo septuagesimo septimo, mense undeci-
mo: hic est mensis Sabbath. 15. Et suscepit eos filius Abobi in munitioneulam,
quæ vocatur Doch, eum dolo, quam edificavit: & fecit eis convivium magnum,
& abscondit illic viros. 16. Et cum inebriatus esset Simon, & filii eius, surrexit
Ptolemæus eum suis, & sumperunt arma sua, & intraverunt in convivium, & oc-
ciderunt eum, & duos filios eius, & quosdam pueros eius. 17. & fecit deceptio-
nem magnam in Israël, & reddidit mala pro bonis. 18. Et scripsit hæc Ptolemæus,
& mi-

& misit regi, ut mitteret ei exercitum in auxilium, & traderet ei regionem, & civitates eorum, & tributa. 19. Et misit alios in Gazaram tollere Ioannem: & tribunis misit epistolas, ut venirent ad se, & daret eis argentum, & aurum, & dona. 20. Et alios misit occupare Ierusalem, & montem templi. 21. Et præcurrens quidam, nuntiavit Ioanni in Gazara, quia petiti paret eius, & fratres eius, & quia misit te quoque interfici. 22. Ur audivit auxem, vehementer expavit: & comprehendit viros, qui venerant petere eum, & occidit eos: cognovit enim quia quærebant eum perdere. 23. Et cetera sermonum Ioannis, & bellorum eius, & bonarum virtutum, quibus fortiter gessit, & ædificii murorum, quos extruxit, & rerum gestarum eius: 24. ecce hæc scripta sunt in libro dierum sacerdotii eius, ex quo factus est princeps sacerdotum post patrem suum.

C O M M E N T A R I A

S A.

Verf. 4. **E**LEGIT, scilicet Simon, vel potius Ioannes.

V. 9. AEDIFICAVIT, scilicet ipse Ioannes, id est instauravit, vel potius Cedebeus, ut supra dictum cap. xv.

V. 14. UNDECIMO, scilicet Ianuario.

V. 23. BONARUM VIRTUTUM, id est egregie factorum.

V. 24. LIBRO DIERUM, id est Annalium.

E S T I I.

Verf. 11. **E**T PTOLEMEUS FILIUS ABOC' 13. BI CONSTITUTUSERAT DUX, ET HABEBAT ARGENTUM ET AURUM MULTUM. ET EXALTATUM EST COR EIUS, &c. Enim Ptolemæo genero Simonis, rursus nobis ostendit exemplum, & scelus ambitionis. Ille enim, ut ait Scriptura, cum esset gener summi sacerdotis, exaltavit, seu elevavit cor suum. En superbia. ET VOLEBAT OBTINERE REGIONEM. Ecce ambitio. ET COGITABAT DOLUM, ADVERSUS SIMONEM ET FILIOS EIUS, UT TOLLERET EOS. Ecce ambitionis fructus, seu scelus, quem animo conceptum, paulo post etiam peperit, & in publicum protulit; dum scilicet Simonem cum duobus filii convivio excepit crudeliter trucidavit, simul & affinitatis, & hospitalitatis iura violans. Hic sane illud poetæ completum est: *Non hospes ab hospite tutus: Non facer a genero.* utrumque enim in hoc exemplo concurreit.

M A R I A N A E.

Verf. 1. **E**T ASCENDIT IOANNES DE GAZARIS. Ex hoc capite constat, tres filios habuisse Simonem, Ioannem, Iudam, & Matthaniam, eo ut videtur ordine natos, quo eos hic numeramus. An plures? Iosephus Lib. XIII. cap. xv. indicat habuisse alios. IN POPULO ISORUM. Hoc non est Gosh. neque Græce.

V. 2. LIBERARE ISRAEL ALIQUOTIES. Græce, *multoties*, id fecimus, dicit Simon filius.

V. 3. ESTOTE LOCO MEO, ET FRATRES MEI: lege *fratris mei*, ut est Græce, & in Vulgata Regia, scilicet Ionathæ aut Iudæ.

V. 6. ET ADMOVIT CASTRA. Quis? Ioannes, qui propter ætatem erat præcipuus dux, patris loco.

V. 10. SUCCENDIT EAS, scilicet turres, ad quas hostes confugerant. Græce, *enim*, scilicet Azotum succendit.

V. 14. ANNO CENTESIMO SEPTUAGESIMO SEPTIMO: nempe ab Urbe condita 620. Consulibus P. Mutio Scævola & Luc. Calpurnio; cum Simon præfuisset annis octo, ut Iosephus ait Lib. XIII. cap. xiv. nam anno 170. post Ionathæ mortem crepit, & anno 177. extremo est occisus. Computato utroque anno, octo anni emergunt. Accepit Ptolemæus Simonem in arce.

V. 15. QUAE VOCATUR DOCH, scilicet illa arx. Iosephus vocat *Dagon*.

V. 16. CUM INEBRIATUS ESSET SIMON, id est potu satius, se poculis invitasset. Nonius Marcellus *Ebrios, non violentos, sed expletos, quælibet te possumus dicit*.

dicere. De quo plura Augustinus quæst. XLIV. in Genes. in illa verba, *Biberunt* (fratres Ioseph) & *inebriati sunt*.

V. 23. CETERA SERMONUM, (id est rerum gestarum) IOANNIS. Hic patri in Pontificatu & Principatu successit. A Iosepho saepe vocatur *Hircanus*, cognomine ab Hircanis deventis facto, uti Eusebius in Chron. ait.

MENOCHII.

Vers. 1. **D**E GAZARIS. De Gaza, in qua cum pater constituerat supra XIII. 34.

V. 3. ET FRATRIS MEI: Ionathæ.

V. 4. ELEGIT: scilicet Iohannes dux a patre constitutus. IN MODIN: loco vicino Gedori.

V. 8. EXCLAMAUERUNT SACRIS TUBIS, &c. & impletum est quod promiserat Dominus, Num. x. 9. *Si exieritis ad bellum, &c. clangetis ululantibus tubis, & erit recordatio vestri coram Domino Deo vestro, ut eruamini de manibus inimicorum vestrorum.* IN MUNITIONEM: Gedor.

V. 9. CEDRONEM: idem locutus est cum Gedor. QUAM AEDIFICAVIT: scilicet Cenedæus.

V. 10. FUGERUNT USQUE AD TURRES, &c. qui scilicet in munitione Gedor admitti non potuerunt.

V. 11. CONSTITUTUS DUX: scilicet a Simone sacro suo.

V. 13. ORTINERE REGIONEM: cum summo imperio, loco Simonis fieri.

V. 14. MENSE UNDECIMO: mense Ianuario.

V. 17. DECEPTIONEM MAGNAM IN ISRAEL: id est, in proditorem Israeli damnosissimam, REDDIT MALA PRO BONIS: fuerat enim honoratus affinitate summi sacerdotis, & Principis Simonis.

V. 18. CIVITATES EORUM, id est Iudæorum.

V. 19. GAZARAM: Gazam. TOLLERE IOANNEM: Ioannem occidere. TRIBUNIS: Iudaicæ militiæ.

V. 23. BONARUM VIRTUTUM, id est egregie factorum.

V. 24. IN LIBRO DIERUM, &c. id est in annalibus eius temporis.

TIRINI.

Vers. 3. **E** STOTE LOCO MEO (inquit Simon filiis suis) ET FRATRES MEI. Græcè, & loco fratris mei.

Ergo capessunt imperium: & prior vers. 6. ADMOVIT CASTRA sua Iohannes, propter ciuitatem primarius a belli dux, loco patris, CONTRA FACIEM Cenedæi & co-piarum ipsius.

V. 8. ET EXCLAMAUERUNT SACRISTUBIS, de quibus Num. 10. Et facta impressione fuderunt & fugerunt Cenedæum, casus quamplurimis, reliquis IN MUNITIONEM Gedoris b fuga se recipientibus. Sed insequitur

V. 9. IOANNES fugientes hostes, DONEC VENIT CEDRONEM, QUAM aedificauit e & communicat Cenedæus. Hinc colligimus, Cedronem non tantum vallis vel torrentis d, sed & urbis nomen esse. Sed præclaram victoriam paulo post magna excipit clades. Nam Simon summus Iudæorum pontifex & princeps indigna morte

V. 11. A Ptolemæo genero suo, dolo in convivio, e medio tollitur, una cum filiis suis Iuda & Mathathia, Græcorum ANNO CENTESIMO SEPTUAGESIMO SEPTIMO, idque in munitione, ieu arce, DOCH, Iosepho Dagon, in campo Iericho.

V. 16. CUM INEBRIATUS ESSET, id est liberaliore potu exhilaratus esset, SIMON. Nam teste Nonio Marcello, ebrii dicuntur, non soli violenti, sed & quilibet re expleti: exemplo fratrum Iosephi Genes. XLIII. & Psal. LXIV. *Visitasti terram, & inebriasti eam*. Voluit & primogenitum Simonis, nempe Ioannem, simili dolo e medio tollere, vers. 19. sed detestis Ioannis insidiis, percussores ad se missos ipse prævertit.

V. 22. ET OCCIDIT. Præter hos tres; fuisse plures Simoni filios affirmat discrete Iosephus f, cum inter alios obsides Antiocho Sedeti datos, ipsum Ioannis fratrem collocat, & alios captos ac victos narrat, una cum matre eorumdem. Regnavit Simon annis universim septem, nempe a 170. g. Græcorum anno usque 177. h Iosephus octo annos illi dat, quia octavum inchoarat Sed multum fallitur Iosippus, qui 18. annos illi assignat, & a Ptolemæo Aegypti rege veneno necatum dicit, mani-

manifesta Dei vindicta, quod cum Spartianis & eum Romanis fœdus i pepigisset. Sed hoc supra k. refellimus. Simoni defuncto successit filius eius

V. 13. *Ioannes cognomento Hircanus*, cuius præclara gesta profequitur; Liber II. Machabæorum, profequuntur & ambo Iosephi, Flavius & Gorioides l. Vocatur *Hyrcanus*, a devictis Hircanis, inquit Eusebius & S. Thomas. Perfidum paricidam Ptolemæum in arce sua *Doch*, seu Dagon, mox obsedit Ioannes: sed cum ante sabbaticum annum iam imminentem arce potiri non posset, soluta obsidione, effugere passus est. Cum Antiocho rege, qui Tryphone Apamæm, quo confugerat, occiso, Ierosolymam obsellurus cum ingentibus copiis advolarat, inducias primo propter Scenopægorum solemnes dies, deinde etiam pacem pepigit rege complures auratis cornibus tauros ad templi sacrificia submittere. Eundem regem ad bellum *Parthicum comitatus est*: Syria plurimas urbes cepit, *Samatitas vicerit*, *Garratanum templum evertit*, *Idumæos domuit*, ad innovandam societatem legatos *Romam misit*. Tandem post 31. annos principatus & sacerdotii sui satis concessit, relicto successore filio suo Aristobulo, qui loco *ducis*, nomen *regis* cum diademate primus *Hasmoneorum* assumpsit, & pontificatui adnexuit, & adnexum reliquit fratri suo Alexandro, & Alexandri filio Aristobulo secundo: quo regnante capta a Pompeio Ierosolyma, & Iudæa in provinciam redacta, & dignitas regia a pontificali prorsus avulsa est, ut in Chronico dixi cap. XII. Aristobulus a Pompeio captus Romam n. mittitur: filio eius Antigono cervices ab Antonio o. prædicuntur, sic rogante Herode. Atque ira extinctis Hasmoneorum regibus, & sceptro de tribu Iuda sublato, Herode alienigena per vim

a Romanis intruso, natus est in Bethlehem Iuda *Iesus qui vocatur Christus*.

(a) I. Mach. XIII. 14.

(b) Cap. XV. 35.

(c) Ibid. de 40.

(d) II. Reg. XV. 27. & Ioan. XVIII. 1.

(e) Ioseph. Lib. XIII. cap. XIV.

(f) Ioseph. sup. cap. XV.

(g) I. Mach. XII. 8. & 41.

(h) Cap. XVI. 14.

(i) Cap. XIV. 20. & 24. & XV. 16.

(k) Cap. IX. 18.

(l) Flav. Ioseph. Lib. XIII. Antiq. cap. XIV. & seqq. Gorioid. Lib. IV. cap. 21. & seqq.

(m) Ioseph. sup. cap. XII.

(n) Ioseph. Lib. XIV. cap. VI. 8. 11.

(o) Ioseph. Lib. XV. cap. 1. &c.

GORDONI.

EX hoc capite XVI. hæc habentur. Ex tribus Simonis filiis, Iuda, Ioanne, & Mathathia, missus a patre est Ioannes contra Cendebæum, vers. 2. egregie rem bellicam gerit, vers. 6. reportat victoriam fugato Cendebæo, vers. 7 & 10. Arx Doch a Iosepho vocatur Dagon. Ptolemæus filius Abobi; molitur insidias contra Simonem, quem anno 177. prætextu convivii occidit, & duos filios, vers. 16. Ioannes re cognita, se & principatum tuetur, vers. 21. & deinceps: hæc passus est Simon a Ptolemæo genero suo. Hallucinat Iosephus affirmans hunc Ptolemæum fuisse regem Aegypti. Homicidas postea persecutus est hic Ioannes dux ac Pontifex, & Hircanus nominatus. De sacris tubis, vers. 8. vide Num. x. 2. Vide opus chronol. ad annum mundi 3869. ubi anno Græcor. 178. & V. C. 163. notatur primus annus Hircani, cui dantur anni 30. sed in Simone finem accepit Machabæorum historia, anno Simonis octavo. Iosepho Lib. XIII. scribit Ioannem nihil a maiorum virtute degenerasse.

LIBER SECUNDUS MACHABAEORUM.

CAPUT PRIMUM.

Iudei habitantes Ierosolymis scribunt Iudæis in Ægypto commorantibus mortem Antiochi ac suorum que in Perside contigerat, gratias Deo agentes, & hortantes ut celebrent diem scenopægiæ & diem dati ignis post reductionem captivitatis: cuius rei narratur hic historia, & oratio Nehemias.

1.  **R**ATRIBUS, qui sunt per Ægyptum, Iudæis, salutem dicunt fratres, qui sunt in Ierosolymis, Iudæi, * & qui in regione Iudææ, & pacem bonam. 2. Benefaciat vobis Deus, & meminerit testamenti sui, quod locutus est ad Abraham, & Isaac, & Jacob, servorum suorum fidelium: 3. & det vobis cor omnibus, ut colatis eum, & faciatis eius voluntatem, corde inagno, & animo volenti. 4. Adaperiat cor vestrum in lege sua, & in præceptis suis, & faciat pacem. 5. Exaudiat orationes vestras, & reconcilietur vobis, nec vos deficiat in tempore malo. 6. Et nunc hic sumus orantes pro vobis. 7. Regnante Demetrio, anno centesimo sexagesimo nono, nos Iudæi scripsimus vobis in tribulatione, & impetu, qui supervenit nobis in istis annis, ex quo recessit Iason a sancta terra, & a regno. 8. Portam succenderunt, & effuderunt sanguinem innocentem: & eravimus ad Dominum, & exauditi sumus, & obtulimus sacrificium, & similaginem, & accendimus lucernas, & proposuimus panes. 9. Et nunc frequentate dies scenopægiæ mensis Casleu. 10. Anno centesimo octogesimo octavo, populus, qui est Ierosolymis, & in Iudæa, Senatusque & Iudas, Aristobolo magistro Ptolemæi regis, qui est de genere christorum sacerdotum, & his, qui in Ægypto sunt, Iudæis, salutem & sanitatem. 11. De magnis periculis a Deo liberati, magnifice gratias agimus ipsi, utpote qui adversus talem regem dimicavimus. 12. Ipse enim ebullire fecit de Perside eos, qui pugnaverunt contra nos, & sanctam civitatem. 13. Nam cum in Perside esset dux ipse, & cum ipso inmensus exercitus, cecidit in templo Nancæ, consilio deceptus sacerdotum Nancæ: 14. etenim cum ea habitaturus venit ad locum Antiochus, & amici eius, * & ut acciperet pecunias multas dotis nomine. 15. Cumque proposuissent eas sacerdotes Nancæ, & ipse cum paucis ingressus esset intra ambitum fani, clauscrunt templum, 16. cum intrasset Antiochus: apertoque occulto aditu templi, mitentes lapides percusserunt ducem & eos qui cum eo erant, & diviserunt membratim, & caputibus amputatis foras proiecerunt. 17. Per omnia benedictus Deus, qui tradidit impios. 18. Facturi igitur quinta & vigesima die mensis Casleu purificationem templi, necessarium duximus significare vobis: * ut & vos quoque agatis diem scenopægiæ, & diem ignis qui datus est quando Nehemias ædificavit templo & altari obtulit sacrificia. 19. Nam cum in Persidem ducebantur patres nostri, sacerdotes, qui tunc cultores Dei erant, acceptum ignem de altari occulte absconderunt in valle, ubi erat puteus altus & siccus, & in eo conpositi sunt cum, ita ut omnibus ignotus esset locus. 20. Cum autem præterissent

an-

anni multi, & placuit Deo ut mitteretur Nehemias a rege Persidis: nepotes sacerdotum illorum, qui absconderant, misit ad requirendum ignem: & sicut narraverunt nobis, non invenerunt ignem, sed aquam crassam. 21. Et iussit eos haurire, & afferre sibi: & sacrificia, quæ imposita erant, iussit sacerdotes aspergi ipsa aqua, & ligna, & quæ erant superposita. 22. Utque hoc factum est, & tempus affuit, quo sol resulsit, qui prius erat in nubilo, accensus est ignis magnus, ita ut omnes mirarentur. 23. Orationem autem faciebant omnes sacerdotes, dum consummaretur sacrificium, Ionatha inchoante, ceteris autem respondentibus. 24. Et Nehemias erat oratio hunc habens modum: DOMINE Deus omnium creator, terribilis & fortis, iustus & misericors, qui solus es bonus rex, 25. solus præstans, solus iustus, & omnipotens, & æternus, qui liberas Israel de omni malo, qui scisti patres electos, & sanctificasti eos: 26. accipe sacrificium pro universo populo tuo Israel, & custodi partem tuam, & sanctifica. 27. Congrega dispersionem nostram, libera eos qui serviunt Gentibus, & contemptos & abominatos respice, ut sciant Gentes quia tu es Deus noster. 28. Afflige opprimentes nos, & contumeliam facientes in superbia. 29. Constitu populum tuum in loco sancto tuo, (a) sicut dixit Moyses. 30. Sacerdotes autem psallabant hymnos, usquequo consumptum esset sacrificium. 31. Cum autem consumptum esset sacrificium, ex residua aqua Nehemias iussit lapides maiores perfundi. 32. Quod ut factum est, ex eis flamma accensa est: * sed ex lumine, quod resulsit ab altari, consumpta est. 33. Ut vero manifestata est res, renuntiavit regi Persarum, quod in loco, in quo ignem absconderant hi qui translati fuerant sacerdotes, aqua apparuit, de qua Nehemias, & qui cum eo erant, purificaverunt sacrificia. 34. Considerans autem rex, & rem diligenter examinans, fecit ei templum, † ut probaret quid factum erat. 35. & cum probasset, sacerdotibus donavit multa bona, & alia * atque alia munera, & accipiens manu sua, tribuebat eis. 36. Appellavit autem Nehemias hunc locum Nephthar, quod interpretatur Purificatio. Vocatur autem apud plures Nephi.

(a) Deut. xxx. 3. 5. Insc. 11. 18.

BRUGENSIS

ROMANÆ CORRECTIONES.

Verf. 1. Et qui in regione Iudæe. Non multes numerum singularem in pluralem regionibus, nec genitivum Iudæe in ablativum Iudæe.

Verf. 14. Et ut acciperet pecunias multas. Alii scribunt plurali numero acciperent.

Verf. 18. Ut & vos quoque agatis diem scenopægie. Non addas p̄sionem.

Verf. 32. Sed ex lumine quod resulsit ab altari consumpta est. Non interponas & inter sed & ex.

Verf. 35. Atque alia munera &c. Quatuor harum vocum loco nequaquam scribas unum vocem innumerat.

LECTIONUM VARIETAS.

Verf. 34. UT probaret quod factum erat: & cum probasset. Hac verba Bib. Sac. Tom. XXII.

a multis bonis manuscriptis omitti, Græco consentaneæ, docent Notationes nostræ.

NOTATIONES.

Verf. 18. F Acturi igitur quinta & vicefima die mensis Caslen purificationem templi; necessarium auximus significare vobis, ut & vos agatis diem scenopægie. Sedecim nostra manuscripta Brug. Lob. Leod. Malm. Brevi. O. Q. L. V. &c. tollunt Græcis libris similiter Die: Quinta, habent, & vicefima mensis Caslen. Quatuor ex illis Malm. O. Q. U. tollunt insuper &, quod est post ut conjunctionem (superfluit enim alterum aut &, aut quoque) Ut vos quoque agatis. Brugense, quod minus est verisimile, aufert ut: Et vos quoque agatis. Illud Græco consonat: ἡμεῖς καὶ αὐτοὶ ἀγῶμεν, ut & ipsi agatis. Sequitur in Græco: αἱ ἐκκαθαρίαι, inflat scenopægie vel ut scenopægie, subaudi, solem-
Ooo nita-

nitatem toto pene anno a mense Casleu usque ad Tifri, a nono usque ad septimum celebrari. Verius est igitur quod in Complutensibus *ὡς ἐκκαυσίας*. Interpres addidit quod subauditur *ut in scenopægia*: non tamen addidisse opinor, quod est in quatuor Hentenii exemplaribus, nullis vero nostris, *Diem festum scenopægiae*. Cum vero addiderit quod subauditur, omiserit ne quod exprimitur, ad verbum similitudinis & præsertim cum ad rem non parum faciat: D. Ianfenio (In caput xxi. i. Concordiæ Evangelicæ; verisimile est, scriptorum vitio omisum esse, omninoque legendum: quod non festum scenopægiæ sive tabernaculorum petant celebrari: id enim decimoquinque septimi mensis, qui Tifri dicitur, die celebrandum erat; sed templi purificationem altarique dedicationem instar festivitatis tabernaculorum, octo nimirum diebus, & cum palmarum ramis. Possit igitur ut, id quod omittit Brugense manuscriptum, aut quod alia & io ut mutatum hunc in locum transferri: *Ut vos quoque agatis ut diem scenopægiæ*. Ceterum nouo huius capitis verso vocatur hi dedicationis festi dies, *dies scenopægiæ*: Et nunc frequentate dies scenopægiæ mensis Casleu; nempe quod in modum solemnitatis tabernaculorum agi eos voluerint: egeruotque in modum tabernaculorum, ut est decimo huius libri capite, cum lætitia dies oportet recordantes, quo pacto ante modicum temporis solemnes tabernaculorum diem in montibus & speluncis, bestiarum more, transferant. Quare etiam recte locus intelligatur, tamen similitudinis adverbium ut non addatur.

V. 34. *Considerans autem rex, & rem (rem & o.) diligenter examinans fecit ei templum (tunc o. exemplum. I. MS. C. littera notatum.) ut probaret quod factum erat (est 3. MS.)* Sic plerique cum scripti, tum impressi codices legunt, adsuplantibus Glossematicis, Lyrano, & Richelio. Octo autem nostra, eaque antiquiora & emendatiora manuscripta, quæ paulo post suis indicabimus nominibus, cum Hugonis Carenis antiquioribus libris auferunt postremam huius versus partem: *ut probaret quod factum erat*. Græca Complutensis editio habet: *παραβῆς* (*παράβη* R. i. & *παράβη* (ὁ δὲ τὸν αὐτὸν Γγ.) *ἐπὶ τῶν τοῦ*, Circumspiciens autem Rex templum (locum Gg. aut sacrum) fecit. Interpres legisse videtur *παράβη* a *παῖς* considero; pro *παράβη*, quod est a *παῖς* scio: *τὸν αὐτὸν*, quod addunt Aldi & Germanorum Biblia non legit; ut in Regius & Complutensibus non legitur: putarim expositionis gratia adiectum. Sequitur atque io aliis editionibus simili modo *ἐκκαυσίας τὸ πᾶν*: id quod verti potest: Et explorans sive exami-

nans rem, &, quod idem est, *probans factum*. Quare nihil mirum in integrioribus libris id, ut *probaret quod factum erat* non legi, cum ex altera esse videatur eiusdem partis translatione.

Sequitur versus 35. qui in impressis codicibus est hunc in modum: *Et cum probasset, (probavit 1. MS.) facerdaus donavit (donaverat Rex 1. MS. dedit 1. MS.) multa bona, & alia, atque alia munera (innumera 1. MS.)*; & accipiens (accipiebat 2. MS.) manu sua (munera 1. MS.) tribuebat (tribuebat 2. MS. traiebat 3. MS.) eis: quæ & vulgarium fere manuscriptorum, ac Glossematicorum Lyrani, & Richeli lectio est, exceptis dumtaxat varietatibus quibuldam, quas margo indicat. Porro vetustiora emaculatoriaque manuscripta longe aliter habent: *Et si quibus donaverat rex multa bona accipiebat. accipiebat o.) ex hoc & tribuebat, nec plus aliquid. Sic Brugense, Lobienae, Lodiense, Malmundarsenae, Huoozi Bravarium, O, L, R: oisi quod Brugense dominaverat pro donaverat; & L sic pro si habeat. Testatur & Hugo Cardinalis in antiquioribus libris esse: Et si quibus prius dominatus fuerat rex, multa bona accipiebat ex hoc tempore & tribuebat: verum hic addita sunt explanationis ergo prius & tempore. Est hoc loco iterum duplex eiusdem Græce sententiæ interpretatio: in vulgariis libris una, in eximius altera lecta: *ἡ, εἰς, est Græce, ἐκαστος ὁ βασιλεὺς πάλαι δίδωκε δαπάνην ὑμῖν ἰδίῳ*: quod est ad verbum: *Et quibus donabat (aut gratificabatur) rex multa diversa accipiebat, & tradebat*. Posterior antiquorum manuscriptorum lectio atque interpretatio multo huic, quod Græce legitur, vicinior est: itaque & hoc nomine præferenda. Clarum est autem, manifestum esse errorem, quod est in quibusdam, *dominatus fuerat, dominabatur, vel donaverat, pro donaverat*: hoc eoim, non illud *ἐκαστος* notat. Hanc vero Interpretis conventionem, quod obscura sit, ut & fons ipse, cum altera illa mutantur, quæ clarior est, & paraphrastice rem explicat. Eius autem prima particula & cum probasset, ex eodem illo est, quod superior versus habet *ἐκκαυσίας τὸ πᾶν*, quam exemplar C. notatum habet, omisso illo ut probaret quod factum erat. Quinque nostra, & 4. Hentenii exemplaria utramque interpretationem connectunt coininguntque: & quædam quidem eorum eam quæ germana est nostri Interpretis præponunt; quædam postponunt alteri; ex illis C.; ex his est Q. Sed hæc quia & longa & spuria sunt nolo hic recitare: potius adscribam, quomodo locus integer genuine pureque legatur. Itaque*

hunc

hunc id in modum ex antiquis codicibus fieri arbitror: *Considerans autem Rex, & rem diligenter examinans, fecit ei templum: & si quibus donaverat rex multa bona accipiebat ex his & tribuebat; cuius sensum exultantim dari posse huiusmodi: Cognita Rex perse-*

ptaque rei veritate, locum in quo divinus ignis absconditus fuerat, sacrum reddidit ac consecravit: & q̄ in quos Iudaeorum ante hac munificus fuerat; ut certe in multos fuerat; iam multa eis bona suis accepta munibus per se elargiebatur.

COMMENTARIA

S A.

Verf. 1. **B**ONAM, id est felicem.
V. 2. **TESTAMENTI**, id est pacti.
SERVORUM, &c. pro, servos, &c.

V. 3. **VOLENTI**, id est prompto.

V. 4. **PACEM**, id est prosperitatem.

V. 5. **MALO**, id est calamitoso.

V. 7. **DEMETRIO**. Vide sup. Lib. I. cap. xi. **RECESSIT**, id est defecit, scilicet per apostasiam.

V. 8. **SUCCENDERUNT**, scilicet hostes.

V. 9. **SCENOPEGIAE**, scilicet ob purificationem templum a Iuda eo mense. Apparet eos id festum Encenoriorum celebrare solitos ritu Scenopegiae, de quo vide inf. cap. x. vel legendum *Scenopegiae* & vide inf. verf. 8. **CASLEU**, id est Novembris. Vide Zach. vii.

V. 10. **ANNO**, &c. id est finis superioris epistolae. **POPULUS**, &c. Hic incipit altera epistola. **IUDAS**, scilicet Machabeus. **CHARITORUM**, id est victorum. **SALUTEM ET SANITATEM**. Graece, *gaudere & salvere*.

V. 11. **REGEM**, scilicet Antiochum Epiphanem.

V. 12. **EBULLIRE**, scilicet prodire in magna copia, utq̄ de ranis dictum Exod. viii. & de monibus I. Reg. v.

V. 13. **CECIDIT**. Quidam *percutsum* interpretantur: alii Antiochum Magnum intelligunt, non Epiphanem, ne haec contraria sint iis quae dicta Lib. I. cap. vi. **NANEAE**, id est Dianae: vox Persica.

V. 14. **CUM EA**, scilicet velut sponsa vel dea.

V. 16. **ADITU**, id est porta, seu fenestra. **TEMPLI**. Graece, *laquearis*.

V. 18. **DIEM**. Graece, *velut diem*.

V. 19. **PERSIDEM**, id est Babyloniam: sic I. Mach. vi. **CONTUTATI SUNT**, id est tuto servarunt.

V. 20. **NARRAVERUNT**, scilicet aliqui.

V. 24. **BONUS REX**. Graece, *Rex & bonus*, seu *benignus*.

V. 25. **PRAESTANS**. Graece, *χαρις*, id est *munificus*, sed *liberalis*.

V. 16. **PARTEM**, id est hereditatem, scilicet populum Israel.

V. 27. **ADOMINATOS**, id est execratos, scilicet a Gentibus.

V. 28. **IN SUPERBIA**, id est superbe.

V. 29. **DIXIT**, id est instituit.

V. 33. **TRANSLATI**, id est ducti in civitatem.

V. 34. **UT PROBARET**; pro, approbans.

E S T I I.

Verf. 13. **N**AM CUM IN PERSIDE ESSET DUX IPSE; (de Antiocho sermo est, ut patet verf. seq.) ET CUM IPSE IMMENSUS EXERCITUS CECIDIT IN TEMPO NANEAE, CONSILIO DECEPTUS SACERDOTUM. Scilicet postea dicitur sacerdotes, templo clauso, post ingressum Antiochi, & aperio occulto aditu templi, missis lapidibus percussisse duem, & eos qui cum ipso erant, eosque divisisse membratim. Cui narrationi non satis consentire videtur, quod libro praecedenti cap. vi. scriptum est, Antiochum de Perside reversum, prae animi aegritudine in lectum decidisse, factoque testamento, & instituto regni successore filio, mortem obiisse. Et rursum, quod cap. ix. huius libri scribitur fugiens de curru cecidisse, & collisus totius corporis membris, vermibusque scatentibus inter horribiles dolores & foetores, expirasse. Hoc argumento haeretici nostri temporis conantur huic libro fidem abrogare, ne cogantur admittere orationes pro defunctis, in hoc libro apertissime stabilitas. Sed respondeo, has historiarum partes diligenter consideratas & discussas, nullo modo inter se pugnare. Nam nihil obstat quod Antiochus merore animi consternatus in languorem incidit, quod habetur

Ooo 2 I. Mach.

I. Mach. vi. & nihilo minus hoc languore comprehensus in fuga del curru decidit, membrisque misere collis, & foedissimo morbo correptus fuerit, quod narratur hoc libro. cap. ix. Tantum explicandum est, quomodo hoc capite, dicitur cecidisse in templo Naxæ, & paulo post vers. 16. percussus cum facie, &c. Nullo enim modo putandum est, eum una cum sociis in templo Naxæ fuisse occisum. Id enim non dicitur; hæc enim sunt ipsius Scripturæ verba: vers. 15. & 16. CLAUSERUNT TEMPLUM, CUM INTRASSET ANTIOCHUS, APERTOQUE OCCULTO ADITU TEMPLI MITTENTES LAPIDES, PERCUSSERUNT DUCES, ET EOS QUI CUM EO ERANT, ET DIVISERUNT MEMBRATIM, ET CANTIBUS AMPUTATIS, FORAS PROIECERUNT. Nempè postrema vera sunt. etiam de solis locis intellecta, Antiocho inter pugnandum effractis foribus elapso. Similis locus est Genes. xiv. ubi rex Sodomorum & Gomorihæ vers. 10. dicuntur cecidisse ibi, & quod reliqui fugerunt, & tamen postea narrantur adhuc vivere: item I. Reg. xxx. dicitur de Amalechitis, quod percusserint Siceleg; & tamen statim post additur, quod neminem occiderint. Similis quoque phrasis est in vita S. Augusti. cap. xii.

MARIANAÆ.

Vers. 1. **F**RATRIBUS. Dux epistolæ hoc primo Capite & parte sequentis videntur contineri, secunda ab iis verbis inchoari vers. 10. Anno centesimo octogesimo octavo. Præmittuntur autem huic secundo libro quasi præludia, quoniam in iis fit mentio Iudæ vers. 10. qui creditur fuisse huius secundi Libri auctor; tum Iudeorum; qui in Aegypto erant sub Onia Iuniore, qui post occisum patrem Oniam cap. iv. fugit in Aegyptum, & ibi templum extruxit ad formam Ierosolymitani, ut refert Iosephus Lib. XII. cap. xv. Meminerit Deus testamenti,

V. 2. QUOD LOCUTUS EST. Illud locutus est Græce non est. AD ABRAHAM. Ad, pro, &, ut sollemniter vitetur. Sic totum lego: Meminerit testamenti sui, & Abraham, & Isaac, & Jacob servorum suorum testamentum, id est pactum Dei & illorum patrum.

V. 4. FACIAT PACEM, id est omnia

bona tribuat. Per pacem Hebraei felicitatem intelligunt. Unde frequens inter eos salutatio, Pax vobis.

V. 7. REGNANTE DEMETRIO. Hic fuit successor Alexandri, duodecimus Afæ Rex; de quo Lib. I. cap. xi. Ex quo recessit IASON, multa passi sumus. Hic fuit Oniæ Pontificis frater, qui ambiens Pontificatum, abiit ad Antiochum Epiphanem, ut cap. iv. refertur vers. 7. ut ab eo eum honorem emeret. Græce additur, Et qui cum eo, scilicet recesserunt. Hostes

V. 8. PORTAM SUCCENDERUNT; pro, portas, scilicet urbis aut templi. Hæc mala præcipue tempore Antiochi Epiphanis passi sunt Iudæi, quæ epitola refertur scripta post aliquot annis. Sim lapinam obtulimus instaurato scilicet templo: Similago est satiræ filius. Nebriss. semola. Nunc ergo

V. 9. FREQUENTATE DIES SCENOPEGIAE. Sic Festum Tabernaculorum vocabatur. Verum illud non mense Casleu, id est Novembris celebrabatur, sed mense Thifri, id est Septembris. Ita hoc loco scenepogia significat dedicationem templi, quæ Casleu mensis die 25. celebrabatur, emecania. Quare sic vocetur, cap. x. 6. dicemus.

V. 10. ANNO CENTESIMO OCTOGESIMO OCTAVO. Initium secundæ epistolæ, incipitque hic annus in Antiochi regnum, qui dicitur est Gryphus, Afæ Rex quintus decimus. IUDAS ARISTOBOLUS, scilicet hic creditur hunc 2. Librum composuisse. ARISTOBOLUS MAGISTRO PTOLEMAË. Hic Ptolemæus Evergetes fuit, cuius regnum incipit in 188. cum epistola scripta est. Porro Rupertus II. de Victoria Verbi cap. xv. a tempore Ptolemæi Philadelphi susceptum ait, ut Reges illi Iudæos magistros haberent. DE GENERE CHRISTORUM, id est unctorum, SACERDOTUM. Reges, sacerdotes, & Prophetæ ungebantur.

V. 11. QUI ADVERSUS TALEM REGEM DEMICAVIMUS. Græce, contra Regem. De hoc Rege variant Auctores; quidam Antiochum Magnum volunt, qui fuit secundus Afæ Rex, alio nomine Soter: alii Antiochum Epiphanem. Verum nec tempora consentiunt, nec mortis genus: fuit ergo Antiochus Demetrii prioris filius, frater alterius Demetrii, qui Sedetes est dictus. Hic Iudæos vexavit, Lib. I. cap. xv. eoque subegit: Iustinus Lib. XXXVI

Bis in Persidem irruit, etque in secunda expeditione occisus; qua forma & dolo, hic narratur. Profani Scriptores violenta morte oculum solum aiunt, de templo Nanæ nihil. Aut Antiochus Gryphus est, qui per ea tempora regnabat, eum epistola est scripta.

V. 13. CECIDIT IN NANEAE; hoc est, Diant, ut quidam volunt; aut Veneris, ut alii. CONSIDILLO DECEPTUS. Græce, *παταλόμενος*, id est deceptioe tentibus sacerdotibus Nanæ, percussus sunt. Rex scilicet & socii.

V. 14. EST ENIM. Gotth. ut enim. CUM EO HABITATURUS: quasi cum uxore, *συνεκεῖνος* id proprie frequenter significat. Quidam Principes ea fuerunt amentia, ut se deos aut deorum filios facerent; alii deam aliquam habere uxorem. Nimirum ea specie templa quasi dotis nomine expiabant; quod de Heliogabalo refertur, quasi Minervam desponsasset, quadraginta aureorum millia dotis nomine accepisse. Id Antiochus voluit, ut illa verba magis declarant, UT ACCIPERET PECUNIAS MULTAS DOTIS NOMINE.

V. 15. CUMQUE PROPOSUISSENT EAS, id est pollicii essent sacerdotes.

V. 16. APERTOQUE OCCULTO ADITU. Græce addit in *laqueari*. MITTENTES LAPIDES PERCUSERUNT. Græce, *mittentes lapides fulminarunt*. Nempe loco superiori lapides ut fulmina erant.

V. 19. CUM IN PERSIDEM DUCERENTUR PATRES, ignem absconderunt. Per Persidem Babylonem intelligit, quo Iudæi ducti sunt. Erant Regna coniuncta.

V. 23. IONATHA INCHOANTE orabant. Hunc puto fuisse summum sacerdotem, & a Nicéphoro in Catalogo horum Pontificum vocari *Iode*.

V. 34. CONSIDERANS AUTEM REX, scilicet miraculum ignis. Gotth. *determinans*. Græce, *obstans*. FECIT ET TEMPLUM, scilicet in eo puico, ubi fuit ignis. Græce, *templum fecit*; nempe Ierololymitanum. UT PROBARET QUOD FACTUM ERAT. Hoc & totus sequens vers. non est in Gotth. at Græc. hoc, *Probens rem*. Et quibus gratificabatur Rex, multa diversa accipiebat & dabat.

V. 36. APPELLAVIT AUTEM NEHEMIAS. Græce, *appellarunt autem qui cum Neemia*. HUNC LOCUM NEPHTHAR, id

est *purificationem*, lingua nempe Persica seu Babylonica. Non est quod vocis notationem quaramus, sunt qui ignem perpetuum fieri docent; aut qui aqua accendatur, extinguitur oleo. Nugæ & deliria somniantium.

M E N O C H II.

Vers. 1. PATRIBUS, &c. litteræ anno 188. regni Græc. gubernante Iudaicam rempublicam Ioanne Hyrcano Simonis filio, cuius mentio est ultimo capite superioris libri, mixtæ sunt a Iudæis habitantibus Ierololymis, ad Iudæos, qui erant in AEGypto, quos Rupertus, & alii tradunt in magno tunc errore vixisse, templo in AEGypto ædificato, contra Dei legem. Itaque conantur hac epistola eos ab illegitimo cultu abducere, & ad Ierololymitani templi cultum, & solemnitates celebrandas inducere.

V. 2. TESTAMENTI, id est pacti. SERVORUM SUORUM: servos suos, noster interpretes genitivos, ut sunt in Græco ad verbum expressit.

V. 3. VOLENT, id est prompto.

V. 4. ADAPERIAT COR VESTRUM IN LEGE SUA: ut scilicet legem intelligatis, & ad praxim revocetis. Iudæi AEGYPTII male intelligebant Scripturam de Altari in media AEGYPTO exciando Isaiæ xiv. 19. FACIAT PACEM: prospera omnia vobis largiatur, ut solet iis, qui legem suam fideliter servant.

V. 5. RECONCILIETUR VOBIS: a quo illud aversum esse veremur. MALA, id est calamitosa.

V. 6. HIC SUMUS ORANTES PRO VOBIS: ut scilicet prædicta Dei dona recipiatis.

V. 7. DEMETRIO: vide supra Lib. I. cap. xi. IMPETU. Græce *ἀνάσσει*, id est cum tribulatio illa ad summum vigorem pervenisset, & nos vehementissime urgeret, & premeret, id est summo nostro discrimine scriptimus ad vos. RECESSIT, id est deficit, scilicet per apostasiam.

V. 8. SACRIFICIUM, ET SIMILAGINEM: sacrificia ex animalibus addita similia, iuxta legem. Vide Exod. cap. xxix. 40. ACCENDIMUS LUCERNAS: in candelabro templi. PROPOSUIMUS PANES: in mensa propositionis.

V. 9. ET NUNC FREQUENTATE, &c. In Græco est: *Et nunc* (supple scribimus) *ut agatis dies scenopægiæ mensis Casleu*. SCENOPEGIAE. Festum Enceniorum, quod instar festi scenopægiæ celebratur Lib. I. Machab. IV. 52. & Lib. hoc secundo x. 4. & 16. Alioqui scenopægia, sive tabernaculo-rum solemnitas spectabat ad mensem Tisri. Exod. XXIII. & XXXIV. Levit. XXIII. Vide Riberam Lib. V. de festis cap. XVII. & XVIII. CASLEU: qui Novembri nostro responder.

V. 10. ANNO CENTESIMO OCTOGESIMO OCTAVO. Hoc multi putant esse initium alterius epistolæ, sed Serarius, & Salius probabilis negant, voluntque esse sensum; quasi dicat: Et hæc quidem illo anno scripsimus, hoc autem anno 188. scribimus vobis quæ sequuntur. Ut autem constaret quinam essent qui scriberent, eos enumerat, ut fit initio epistolarum; cum præsertim hæc enumeratio initio epistolæ fuisset prætermissa; dictum enim tantum fuerat, *Fratribus*, &c. nominibus eorum qui scribebant non appositis. ET IUDAS. Quia Iudas Machabæum dudum erat mortuus ante annum hunc 188. propterea in eam multi sententiam iwerunt, ut verba illa Anno 188. &c. essent clausula superioris epistolæ, & posterior inciperet illis verbis, *Populus qui est Ierusalem*, &c. sed dicendum Iudam, cuius hic mentio, non esse Iudam Machabæum, sed Iudam quendam secta Essenum, prophetiæ dono inclytum, cuius prædicationes, inquit Iosephus Lib. XIII. cap. XIX. numquam fefellerunt. Huc ergo, quia magnæ erat auctoritatis, & religionis initio epistolæ adscribunt. Ita Serarius, & Salius. ARISTOBOLUS MAGISTRO PTOLEMAEI REGIS. De hoc Aristobolo ita scribit Eusebius Libro VIII. de præparat. capite III. *Aristobolus autem ille, cuius secundus Machabæorum liber initio meminit, quemque Aristoteles peritum philosophia fuisse constat, similiter manus, & ætera membra, quando de Deo dicuntur, intelligenda esse, in libro quem, ad Ptolemaem scripsit, declarat*, &c. MAGISTRO PTOLEMAEI REGIS. Videtur Aristobolus magistri Regis nomen adeptus, vel propter librum illum, cuius proxime meminimus scriptum in regis gratiam, eique dictum; vel quod regem doceret res ad sacram Scripturam, & legem Mosaicam pertinentes. PTOLEMAEI REGIS: Ptolemæum Philome-

tolem intelligit, qui cum hæc scriberentur mortuus erat, sed nihilominus Aristobolo nomen magistri regis remanebant, quod semel adhaerat. CHRISTORUM, id est unctorum, *χριστῶν*.

V. 11. ADVERSUS TALEM REGEM DIMICAVIMUS. Intelligit Antiochum Sidetem filium Demetrii Soteris, qui Tryphonem persecutus est, &c. & Iudæos in multis afflixit, & Simone adhuc vivente, & post Simonem filio eius Ioanne Hyrcano principatum tenente.

V. 12. EBULLIRE: scilicet prodire in magna copia, ut de ranis dictum Exod. VIII. 3. & de muribus I. Reg. v. 6. DE PERSIDE. Late sumit Persidem ut etiam Syriam comprehendit Parthiam, Mediam, & Chaldæam: sic infra hoc eodem cap. vetf. 19. dicitur, *cum in Persidem ducerentur patres nostri*, id est Chaldæam, & Babylonem. Vide Serar ad hoc cap. quæst. XI.

V. 13. IN TEMPO NANEAE. Naneam hanc esse Venerem pluribus disputat & Serar. ad hunc locum quæst. VII. CONSILIO DECEPTUS, &c. Aliter est in Græco. Sed nostræ versionis sententia est fraudulento consilio sacerdotum Naneæ occisum Antiochum; res autem quomodo gesta fuerit, statim subiicitur.

V. 14. CUM EA HABITATURUS: eam ducturus uxorem: hoc enim significat Græca, *ὡς εὖ καὶ χεῖρον ἀντὶ*.

V. 15. PROPOSUISSENT EAS; scilicet, pecunias.

V. 16. APERTOQUE OCCULTO ADITO TEMPLE: *ἀνιζαντες τὰς θύρας τοῦ ναοῦ* *ἰδὲν*, id est aperientes occultam portam, quæ erat in laqueati. MITTENTES LAPIDES: e sublimi loco.

V. 17. TRADIDIT: morti, exitio.

V. 18. PURIFICATIONEM TEMPLI, id est memoriam templi emundati, quod etiam festum Enceniorum appellatum est. DIEM SCENOPEGIAE. In Græc. est *ἡμέρα τῆς σκηνοπέγας*. DIEM IGNI: cuius historia statim subditur.

V. 19. IN PERSIDEM: in Chaldæam. Vide dicta num. 12.

V. 25. BONUS REX. In Græco est, *βασιλεὺς καὶ χρηστὸς*, Rex & bonus, sive benignus. PRAESTANS. In Græco est *χεῖρονος*, id est munificus, seu liberalis. FECISTA PATRES ELECTOS, id est elegisti patres nostros.

V. 26. *PARTEM TUAM*, id est hereditatem, populum scilicet Israel.

V. 27. *CONGREGA DISPERSIONEM NOSTRAM*, reducens in patriam Israelitas, qui multis locis inter Gentes dispersi exulant. *CONTEMPTOS*, ET *ABOMINATOS*: despectos, & viles habitos, quos etiam Gentiles abominantur propter religionis diversitatem.

V. 28. *IN SUPERBIA*, id est superbe.

V. 29. *CONSTITUE POPULUM*, &c. restitue patriis sedibus, & reduc in terram sanctas. *SICUT DIXIT MOYSES*: Deut. xxx. 3. & 5.

V. 31. *IUSSIT LAPIDES MAIORES PERFUNDI*. Qui essent maiores hi lapides non satis constati, fortasse intelligit lapides inferiores altaris, ad quos sæpe hostiarum sanguis ut nunc aqua, fundebatur, usque ad imam crepidinem eius. Vide Ezechiel. xliii. 13. & que ibi notavimus.

V. 32. *SED EX LUMINE*. Pro, *nam ex lumine*, id est ex igne, qui iam ardebat in altari.

V. 33. *QUI TRANSLATI FUERANT*, id est ducti in captivitatem.

V. 34. *FECIT EI TEMPLUM*. In Greco est, *ἱεροποιῆσαι διὰ τὸ βασανισθῆναι τοὺς ἱερεῖς*; id est, cum *sepelisset rex sacrum fecit*; id est, locum illum, in quo repositus fuerat ignis, qui deinde mutatus est in aquam crassam, sacrum esse voluit, & illum sepelit. Itaque *ἱερός*, sumitur adiective, & ad eundem sensum facile explicari potest text. vulg. nostræ ditionis.

V. 36. *VOCATUR AUTEM APUD PLURES NEPHI*. Vulgo appellationem loci corruptentem, ut quotidie fieri videmus in aliis vocibus, quæ huiusmodi syncopas, & mutationes patiuntur.

T I R I N I.

Vers. 1. *FRATRIBUS, QUI SUNT PER ÆGYPTUM, IUDÆIS*, qui vel vi eo abrepti a Ptolemæo Lagi, vel suapte sponte eo concesserunt cum Onia filio Onie tertii pontificis sub Ptolemæo Philometore, & ibidem in Heliopolitana regione nobilissimum templum excitant, teste Iosepho, & Chronico nostro a. PACEM BONAM: &

V. 2. *BENEFACIAT VOBIS DEUS*; formulæ Hebræis familiares, quibus omne ge-

nus bonorum mutuo adprecantur. *MINERIT DEUS TESTAMENTI*, seu pacti sui, quod pepigit & locutus est ad ABRAHAM, ET ISAAC ET IACOB, *seruus suos fideles*: & ratione pacti illius misereatur vestri qui successores & filii illorum estis, & consequenter heredes bonorum illis promissorum.

V. 4. *ADAPERIAT COR VESTRUM gratia sua & lumine cælesti*, ut serio obediatis legi & præceptis ipsius. Maxime vero ut a profano templo & vetitis sacrificiis, ad templum Domini, quod nonnisi Ierololymis est, postliminio redeatis.

V. 7. *REGNANTE DEMETRIO* Demetrii Seleuci filio: nam huius regni tertius annus concurrit cum ANNO CENTESIMO TRIGESIMO NONO Græcorum, cuius hic fit mentio. Captus enim est Demetrius anno demum 172. d. Porro de *Iasene*, qui hic inducitur, fusc infra IV. 7. Hoc duce hostes nostri sub Antiocho Epiphane.

V. 8. *PORTAM templi & urbis Ierololymitanæ, & portas quoque reliquarum urbium Iudææ, succenderunt*. Sed piorum gemitus & orationes exaudivit tandem Deus, adeo ut repurgato iam ab omnibus abominationibus templo, offeramus in eo quotidie iuge SACRIFICIUM & holocausta, ET SIMILAGINEM, seu florem farinæ; & in candelabro septiramo ACCENDIMUS SACRAS & LUCERNAS: & in mensa aurea PENINIMUS PANES propositionis. Igitur & vos

V. 9. *FREQVENTATE nobiscum DIES SCENOPEGIÆ*, non illos mensis septimi *Tisri* g, sed dies *encaniorum* mensis noni *CASLEU*, quando a Iuda Machabeo repurgatum fuit templum, & de novo dedicatum altare: I. Machab. iv. 52. & Lib. II. cap. 1. 6. tunc enim licet non occurreret dies Scenopægiæ, seu Tabernaculorum, tamen dies totos octo dedicationis illius peregerunt fessive Iudæi, in modum festivitatis *Tabernaculorum*, ut ibid. dicitur, & nos ibidem explicabimus.

V. 10. Sequitur altera epistola ab iisdem ad eosdem in Ægyptum data ANNO Græcorum CENTESIMO OCTAGESIMO OCTAVO. Ubi in titulo, IUDAS is esse Roperto h, Serario & Marianz videtur auctor huius epistolæ, adeoque & libri huius secundi totius, nempe *Iudææ Essenus i*, qui tum temporis, Iosepho teste k, ob sapientiam, futurorumque prædictendorum infallibilem scientiam

magne apud omnes auctoritatis erat, & viginti post annis Antigono Ioannis Hyrcani pontificis secundogenito mortem post paulo secutam praedixit. *Aristobolus* vero sacerdos in Aegypto quis qualisve fuerit, incertum; certum, magne auctoritatis dignitatisque virum fuisse non solum inter Iudaeos, sed & inter Aegyptios, utpote *magistrum* PTOLEMAEI REGIS Aegypti, qui anno illo 188. erat Evergetes, filius Philometoris natu maior. *Consueverant* enim, inquit Rupertus I., *Aegypti reges*, iam inde a diebus Philadelphi (qui legem per LXXII. sibi fecit interpretari,) *magistros habere Iudaeos*.

V. 11. ADVERSUS TALEM REGEM DICAVIMUS: nampe *Antiochum* Seletem, ut Rupertus m., Medina, Sigonius n., Serarius & Mariana exponunt. Licet enim Antiochus in initio videri voluerit Iudaeis amicus, I. Machab. xv. 1. postea tamen in acerbissima adversus eosdem odia, inimicitias & arma prorupit, ibid. vers. 27. & ingentia damna iis intulit, ut ibid. dixi vers. ult. Et fieri potest, ut post innovatam rursus amicitiam, de qua ibidem egi, ad vomitum more suo tyrannus redierit, & ex amico iuratus iterum hostis evaserit. *His enim in Persidem irrupit*, inquit Iustinus o: primo comitante Ioanne Hircano, ut dixi in fine Libri I. Secundo, sine illo, forte iam hostis illius & Iudaeorum. Quando &

V. 12. EBULLIRE FECIT milites DE PERSIDE, id est maxima copia prodire adversum Iudaeos. *Sic rone ebullierunt* Exodi viii. & mures I. Reg. v. Sed suis adfuit iustus scelerum vindex Deus nam

V. 13. CUM DUX IPSE Antiochus IN PERSIDE ESSET, occisus ibidem est a sacerdotibus templi NANEAE, id est Diana, inquit S. Thomas, Lyranus, Sa, Pederius, Lutherus & quidam alii; vel potius Veneris, ut ex Agathia, Clemente, Beroso, Athenocle, Symmacho, Gyraldo & pluribus antiquioribus auctoribus ostendit Serarius, Mariana & alii. Utraque in Perside colebatur: sed sequentia magis Veneri favent quam Dianae.

V. 14. Venerat ANTIOCHUS rex HABITATURUS CUM illa dea; Graece *συνωκεῖν*, id est coniugalem cohabitationem initurus cum illa. Ita enim hanc vocem usurpat pas-

sim Iosephus, Herodotus, Plutarchus, Iustinianus Imperator & alii Graeci. Et vero solitos regum veterum nonnullos suis eum deabus matrimonia iniie, docet Hellogabali Urania, seu Venus apud Xiphilinum: & altera illa Caligulae apud Suetonium: Pelei Thetis apud Isoeratem. Et Thetidis illa seu maris desponsatio, quam Veneti quotannis in Ascensione Domini tanta solemnitate faciunt, nonne vestigium est pristini eiusmodi erroris? Sed clarissimum habemus exemplum in Antonii Minerva apud Senecam: *Desponderunt*, inquit, *Asiaticenses Antonio in matrimonium Minervam*. Antonius ait se ducturum, sed dotis nomine imponere se illis mille talenta. Sic noster hic Antiochus Venerem ducturus aderat, ut dotis nomine pecunias multas acciperet, & honesto praetextu thesauros templi expilaret. Sed cautiore erant sacerdotes quam ut tam facili negotio paterentur sibi imponi.

V. 15. CUM enim SACERDOTES PROPOSUISSENT, seu polliciti essent, regi fe quas dotis nomine postularat pecunias subministraturos; deducto in templum rege CUM PAUCIS sociis, & clausis valvis, quasi peracturi sacros nuptiarum ritus, e parietum lateribus, vel ex superiori laqueari lapidibus fulminarunt (ita est in Graeco) in subiectum regem eiusque comites, & omnes ad unum occiderunt, sparso forsan in vulgus rumore, profanos Syros a Numine, vel Numinis proco alio caros, prostratos & in orcum relegatos esse. Hae tyranni tam infamis mors non sat innotuisse videtur profanis scriptoribus, qui tamen sat innuunt simili aliquo modo illum occubuisse. Nam Iustinus desertum ait a suis, & occisum eum contra Parthos pugnaret: Appianus, seipsum interfecisse; Aelianus, seipsum praecipitasse. Nempe secrete peracta caries varis variam loquendi ansam dedit. Pro tanto caesi tyranni beneficio gratias ut Deo rependant, hac epistola invitant Iudaei Ierosolymitani Iudaeos Aegyptios. Simulque

V. 18. Festa encaniorum, more scenopaeorum, de quibus vers. 9. ut celebrentur hortantur, uti ET DIEM IGNTS, qui eodem tempore quo *encania* videtur a Iudaeis celebrari quotannis consuevisse. Historia hic ad longum deferribitur, & de ea dixi obiter II. Eldae xii. 27. Porro quod hic

Untum Iudæi, se **VIGESIMA QUINTA DIE** CASLEU **SACRUM PURIFICATIONEM TEMPLI**, idem est ac si dicerent, se die illa celebraturus veriente anno seilum, in memoriam repurgati nuper templi: **L. Mach. iv. 52.**

Cum vero **Verf. 19.** **IN PERSIDEM** dicunt **abductos** a Nabuchodonosore Iudæos, indicare volunt, non in solam Chaldaem, sed & in Persidem, & alia regna Chaldaeorum monarchie subiecta Iudæos abductos fuisse. Vel certe nomen *Persidis* laius sumunt, ut omnes Orientales partes complectatur, uti supra **vers. 12. 20.** & alibi subinde usurpatur, & ex Lucano & Chrysostomo & aliis probat Serarius, Mariana & Sa. Sic nomine Hispaniæ designamus omnia illa regna vicina quæ uni regi parent. Verisimile autem est, pios hos sacerdotes horiatu Ieremix Prophetae, sacrum **IGNEM** hunc in hoc puteo abscondisse. Quorum fidem valde commendat Rupertus p: **Ignem, inquit, morientem, qui nutrir non poterat, ubi nutritur non habebat, illi resuscitantium commiserunt, in quo est spes resurrectionis mortuorum. Nec eos ssp. dis spes. Quomodo? Revixit ignis post centum annos & aqua lignis & lapidibus superfusa accensa est & in flammam erupit, vers. 22. & 32. ubi auditur, EX LUMINE, seu igne qui REFULSIT AD ALTARE, consumptum esse flammam, quæ ex aqua lapidibus vicinis superfusa eruperat. Nempe ignis qui ex ea aquæ portione quæ hostis & lignis altari superpositis infusa fuit, eruperat, debebat in eodem altari æternum conservari: non item is qui ex altera portione lapidibus superfusa exortus fuerat; merito proinde hoc ab illo absorptus & absumptus est. Similes ignium de celo delapsus habet, **Levit. ix. & II. Par. vii. & III. Reg. xviii.** & alibi. S. Ambros. & Chrys. Abulen. Ribera & alii dicunt ignem hunc typum fuisse Spiritus sancti de Pentecostes forma ignis in Apostolos delapsi.**

Ionathas, cuius mentio est **vers. 23.** non fuit summus sacerdos, ut quibuldam visum fuit, sed **canonum** s. præfectus, cuius tum vices erant.

V. 33. Rex PERSARUM erat tunc Artaxerxes Longimanus, qui miraculo hoc **DILIGENTER EXAMINATO, FECIT vers. 34.**

Bib. Sac. Tom. XXII.

ei loco **TEMPLEUM**: Græce, ἱερὸν, quod Genebrardus u, Beda & Serarius de sacro aliquo ædificio exposunt quo rex locum putei istius cohonestavit, ut qui antea profanus puteus erat, iam sacer haberetur. Unde & **vers. 36. NEPHTAR** vocatur, vel, ut Serario legendum videtur, *Ephthar*, id est purificatio, seu sanctificatio, a radice *potar*, quod Hebraeis, Chaldaeis & Syris significat *diminere & liberare*. Loca enim purificata & Deo consecrata solent ab omni profano vulgarique usu libera esse, & a tributis aliisque oneribus immunita *dimitti*. Græce est, ἱερὸν.

(a) Joseph. Lib. XII. Antiq. cap. 2. & vs. & Lib. XIII. cap. vi. Chron. cap. xxxix.

(c) Levit. xviii. 1. & Deut. xxi. 6.

(d) I. Mach. xiv. 2. & j.

(e) Exodi xxv. 31.

(f) ibid. vers. 30.

(g) Ibid. cap. xxv. & xxiv. & Levit. xxviii.

(h) Rupert. Lib. X. Victoris verbi Dei cap.

xv.

(i) I. Mach. vii. 23.

(k) Joseph. Lib. XIII. cap. xix.

(l) Rupert. sup.

(m) Rupert. sup. cap. vi. 16. 24.

(n) Sign. Lib. II. in Sulpitium.

(o) Iustin. Lib. XXXVI.

(p) Rupert. de Vict. verbi Dei Lib. X. cap.

xxvii.

(g) Chron. cap. xxxv. & xxxvi. xxxviii.

(c) S. Ambros. in Lib. Pauli, de Tob. & Chrysost. homil. xi. ad Hebræos. Abulen. in

Exodi xxx. quæst. 2. Ribera de Templo Lib. V.

cap. xvii.

(i) I. Ps. xxv.

(c) Chionici cap. xxxvii.

(a) Genes. in Notis.

GORDONI.

Vers. 13. NAM CUM IN PERSIDE, &c. De quo Antiocho hic agatur, dubitant plerique. Certe hic est Antiochus Soter, de quo dixi Lib. I. Par. vii. & III. Reg. xviii. & alibi. S. Ambros. & Chrys. Abulen. Ribera & alii dicunt ignem hunc typum fuisse Spiritus sancti de Pentecostes forma ignis in Apostolos delapsi.

NAM CUM IN PERSIDE, &c. De quo Antiocho hic agatur, dubitant plerique. Certe hic est Antiochus Soter, de quo dixi Lib. I. Par. vii. & III. Reg. xviii. & alibi. S. Ambros. & Chrys. Abulen. Ribera & alii dicunt ignem hunc typum fuisse Spiritus sancti de Pentecostes forma ignis in Apostolos delapsi.

NAM CUM IN PERSIDE, &c. De quo Antiocho hic agatur, dubitant plerique. Certe hic est Antiochus Soter, de quo dixi Lib. I. Par. vii. & III. Reg. xviii. & alibi. S. Ambros. & Chrys. Abulen. Ribera & alii dicunt ignem hunc typum fuisse Spiritus sancti de Pentecostes forma ignis in Apostolos delapsi.

NAM CUM IN PERSIDE, &c. De quo Antiocho hic agatur, dubitant plerique. Certe hic est Antiochus Soter, de quo dixi Lib. I. Par. vii. & III. Reg. xviii. & alibi. S. Ambros. & Chrys. Abulen. Ribera & alii dicunt ignem hunc typum fuisse Spiritus sancti de Pentecostes forma ignis in Apostolos delapsi.

Ppp
tus,

his, *contempnuerunt rei signa*. Ceterum moneri alias Persidis nomen latius interdum accipi, & completi Parthiam, Mediam, & Chaldæam.

V. 18. FACTURI IORTUM, &c. Scenopægia quidem, seu tabernaculorum solemnitas ad menslem Tisri spectat, Exod. xxiii. & xxiv. Cur ergo festum dedicationis vocat hic Scenopægiam? Certe ut ex Lib. II. esp. x. 6. quia fiebat ad modum Scenopægiæ, utrobique canebatur osanna. In præsentia ergo dies Enceniorum est, de quo I. Machab. cap. iv. At quis ignis dies; varii sunt tales dies. Hic tamen est dies Enceniorum templi secundi. Enceniorum, inquam, Eisdæ vi. die tertio mensis Adar, quando aderat Nehemias, & Persarum Rex urgebat, ut ibidem dictum est, & dicitur cap. ii.

V. 20. & 23. CUM AUTEM PRÆTERIISSENT ANNI MULTI, &c. Jonathan, cuius hic fit mentio, vers. 23. non erat Pontifex, sed cantor, aut Levita. Cete-


ram mirare hic divinam virtutem, dum ignis non in cineres, aut aerem, sed in aquam vertitur; dum aqua hostiis & lignis iniecta accenditur; & dum ignis in altari non consumitur: ubi textus designat porro ab hoc altaris lumine, seu flamma, consumptam esse, & superatam flammam lapidum.

V. 33. RENUNCIATUM EST REGI PERSARUM, &c. Persarum Rex audito (per eos qui venerant e captivitate) miraculo, ædificiam aliquam sacram (templum vocat interpretes) eo in loco fieri probavit; & e thesauris suis bona sacerdotibus dari fecit. Sic ubi puteus erat, locus sacer constitutus est: *ut ipsi*, scilicet, etiam significat, nisi velis adiective, inquit Serrar. *ipsi non*, intelligere: ad quod declarandum refert illud AENEID. viii. *serpex sava Bacchi templa*. Illud Nephtar an sit Persica vox, vel Babylonica, cum Latinus interpretes reddat purificationem, non laboro.



CAPUT II.

Jeremias sub Babylonicam captivitatem tradito transmigrantibus igne & lege Dei, in eo monte ad quem ascendens Moyses vidit Terram promissionis, abscondit tabernaculum, arcam & altare incensi, ut ibi essent usque ad populi reditum ex captivitate Babylonica: quedam Moysi & Salomonis facta hic attinguntur: de factis Iudæ Machabæi & fratrum eius: de quo quinque Iesonis volumina in unum hunc librum contrahuntur.

1.  Nvenitur autem in descriptionibus Ieremiæ prophætæ, quod iussit eos ignem accipere qui transigrabant: ut significatum est, & ut mandavit transigratis. 2. Et dedit illis legem ne obliviscerentur præcepta Domini, & ut non exerrarent mentibus videntes simulacra aurea & argentea, & ornamenta eorum. 3. Et alia huiusmodi dicens, hortabatur ne legem amoverent a corde suo. 4. Erat autem in ipsa scriptura, quomodo tabernaculum & arcam iussit propheta divino responso ad se facto comitari secum, usquequo exiit in montem, (a) in quo Moyses ascendit, & vidit Dei hereditatem. 5. Et veniens ibi Ieremias invenit locum speluncæ: & tabernaculum, & arcam, & altare incensi intulit illuc, & ostium obstruxit. 6. Et accesserunt quidam simul, qui sequebantur, ut notarent sibi locum: & non potuerunt invenire. 7. Ut autem cognovit Ieremias, culpans illos, dixit: Quod ignotus erit locus, donec congreget Deus congregationem populi, & propitius fiat: 8. & tunc Dominus ostendet hæc, & apparebit maiestas Domini, & nubes erit, sicut & Moysi manifestabatur, & (b) sicut cum Salomon petiit ut locus sanctificaretur magno Deo, manifestabat hæc; 9. Magnifice etenim sapientiam

tra-

mandabat: & ut sapientiam habens, (c) obtulit sacrificium dedicationis & consumptionis templi. 10. Sicut & Moyses orabat ad Dominum, & descendit ignis de celo, & consumpsit holocaustum, * sic (d) & Salomon oravit, & descendit ignis de celo, & consumpsit holocaustum. 11. Et dixit Moyses, (e) * eo quod non sit comestum quod erat pro peccato, consumptum est. 12. Similiter & Salomon octo diebus celebravit dedicationem. 13. Inferbantur autem in descriptionibus & commentariis Nehemie hæc eadem: * & ut construens bibliothecam congregavit de regionibus libros, & Prophetarum, & David, & epistolas Regum, & de donariis. 14. Similiter autem & Iudas * ea, quæ deciderant per bellum, quod nobis acciderat, congregavit omnia, & sunt apud nos. 15. Si ergo desideratis hæc, mittere qui petserant vobis. 16. Acturi itaque purificationem scripsimus vobis: bene ergo facietis, si egeritis hos dies. 17. Deus autem, qui liberavit populum suum, & reddidit hereditatem omnibus, & regnum, & sacerdotium, & sanctificationem, 18. (f) sicut promisit in lege, speramus quod cito nostri miserebitur, & congregabit de sub celo in locum sanctum. 19. Eripuit enim nos de magnis periculis, & locum purgavit. 20. De Iuda vero Machabæo, & fratribus eius, & de templi magni purificatione, & de ære dedicatione; 21. sed & de præliis, quæ pertinent ad Antiochum Nobilem, & filium eius Eupatorem; 22. & de illuminationibus quæ de celo factæ sunt ad eos, qui pro Iudeis fortiter fecerunt, ita ut universam regionem, cum pauci essent, vindicarent, & barbaram multitudinem fugarent, 23. & famosissimum in toto orbe templum recuperarent, & civitatem liberarent, † & leges, quæ abolitæ erant, restituerentur, Domino cum omni tranquillitate propitio facto illis; 24. itemque ab Iasone Cyrenæo quinque libris comprehensa, renavimus nos uno volumine brevare. 25. Considerantes enim multitudinem librorum, & difficultatem volentibus aggredi narrationes historiarum propter multitudinem rerum, 26. curavimus volentibus quidem legere, ut esset animi oblectatio: studiosis vero, ut facilius possint memorie commendare: omnibus autem legentibus utilitas conferatur. 27. Et nobis quidem ipsis, qui hoc opus breviandi causa suscepimus, non facilem laborem, immo vero negotium plenum vigiliarum & sudoris assumpsimus. 28. Sicut hi qui præparant convivium, & querunt aliorum voluntati parere propter multorum gratiam, libenter laborem sustinemus. 29. Veritatem quidem de singulis, auctoribus concedentes, ipsi autem secundum datam formam brevitati studentes. 30. Sicut enim novæ domus architecto de universa structura curandum est: ei vero qui pingere curat, quæ apæ sunt ad ornam, exquirenda sunt: ita æstimandum est & in nobis. 31. Etenim intellectum colligere, & ordinare sermonem, & curiosius partes singulas quasque disquirere; historiarum congrui auctoritati concedendum est. 32. breviter vero dictionis sectari, & executiones rerum vitare, breviantur concedendum est. 33. Hinc ergo narrationem incipimus: de præfatione tantum dixisse sufficiat: stultum etenim est ante historiam effluere, in ipsa autem historia succingi.

(a) Deut. xxxiv. 1. (b) II. Reg. viii. 19. II. Par. vi. 26. (c) Lev. ix. 24.
(d) II. Par. viii. 1. (e) Lev. x. 16. 17. (f) Deut. xxx. 3. 5.

B R U G E N S I S

ROMANÆ CORRECTIONES.

Verf. 11. *Eo quod non sit comestum, quod erat pro peccato, consumptum est.* Pro comestum in libris manuscriptis fere est *mundatum* aut *mandatum*, sed male loco *manducatum*. Iam, quod quidam hic addunt verba Levitici ad quæ locus iste respicit, P p p 2

Verf. 10. *Sic & Salomon oravit & descendit ignis de celo & consumpsit holocaustum.* Neuiquam omittenda est pericope ista, tamen multi libri id faciunt. Cur

Cur non comedistis hostiam pro peccato in loco Sancto, superfluum est. Denique conjunctio & quam præponunt multi libri verbo consumptum est est omittenda.

Verf. 12. Et ut confluentibus bibliothecam, congregavit de regionibus libros & prophetarum & David. Pro ut multi libri habent qualiter, & pro confluentibus, confluentibus; minus recte. Pro regionibus impressi libri ut est Grace, fere egunt rectibus; sed Patres præteritum regionibus quod est in libris manuscriptis. Postremo & ante Prophanorum multi voluit; Patres græco confonituri restituerunt. Legat lector Notationes nostras, si placet. Jñ.

Perf. 14. Ea que acciderant per bellum. Legendum est acciderant quod est dilapsa fuerant non didicerut a disce.

LECTIONUM VARIETAS.

Verf. 23. **E**T *leges quæ abolitæ erant restituerentur*. Præteritum *abolitæ*, alii libri mutant in futurum *abolenda* consentaneè Græco.

NOTATIONES.

Pref. 11. **E**T dixit Moyses: *Et quod non sit*
consumptum quod erat pro peccato,
 & consumptum *est.* Pro comestione, quod post
 Moguntinam plerique omnes typographorum
 editiones habent, manuscripta exemplaria
 fere *mandatum* legunt tam antiqua, quam
 quae aetate posteriora sunt. Duo C, & D,
 litteris notata scribunt *mandatum*: quibus
 Nurenburgensis editio anni 1478. conformis
 est. Unum Atrebaensis Collegii seriatum
manducatum habet, quamquam addat & *mand-*
atum: in altero A signato, expuncto *mand-*
atum scriptum est *manducatum*. Richelius
 dierte legit atque interpretatur *manducatum*:
 Carelins hanc cum aliis manuscriptorum va-
 rietatibus exponit. Hanc autem, *mandu-*
catum inquam, genuinem esse existima-
 rim lectionem: quam mutarint scribæ,
 quod minus eis verosimile videretur, di-
 vino igne exulum fuisse sacrificium, quia
 non sit manducatum: potius quia non sit
 mundatum. Porro hic respicitur ad locum
 Levitici, qui decimo est capite; quo Moles
 cum hircum pro peccato oblatum, exulum
 reperisset, increpat Aaronis filios, quod eum
 non comederint. Inter haec est eo Levitici
 loco, cap. x. 16. 17. hircum qui oblatum
 fuerat pro peccato cum quæreret Moyses,
 exulum reperit: irasulque contra Eleazar &
 Ithamar filios Aaron qui remanebant, ait

Cur non comedistis hostiam pro peccato in loco sancto. In Græco totide aperte est manducatum: δια μη μη σιμωσονται οι απλοι τι απαγορευατο δι. (αποστολ. Gg.) Quod in impressis codicibus legiur, *comestum*, non minus aptum est quam *manducatum*: Sed manuscriptorum manducatum potius Interpretis est, re scripturam loquuntur, in quibus, a nobis quidem, nec inventum est *comestum*; putatis *comestum* ex aliquorum esse correctio. ne, qui viderint, *manducatum* loco non convenire. Scriptor fericati manuscripti Collegii Atrebatensis, quod id esse arbitror, quod Hentenius notavit, transtulit hunc locum Levitici verba, coniunxitque varias huius loci lectiones hoc modo: Et dixit Moyses: Cur non comedistis hostiam pro peccato in loco sancto? ex quod non sit manducatum, mandatum quod erat pro peccato, in loco sancto, & quod non sit manducatum, mandatum quod erat pro peccato, *consumption* est; ubi errore eadem verba repetita videntur. Et quod est ante *consumption* (consumption enim legendum, non ut nonnulli male *consummation*) non pauci libri auferunt: & quidem etiam Græci auferunt, sed ut multi, ita emendatissimi quique Latini addunt. Possit pro etiam accipi, nempe ut *holocaustum*.

V. 13. Et qualiter congruunt bibliothecam congregavit de regionibus libros & Prophetarum, & David. Qualiter quidam codices omittunt: male: quidam eius loco nō legunt; bene: sic namque & in emendatioribus est. Congruunt fervant uno consensu boni libri quare in nonnullis vitiose scriptum est congregavit, tamen etiam hoc vox Græca admittit. Pro regionibus pleraque manuscripta cum Hentenii tum nostra, & priores typographorum editiones, Richelii fustigant ante, regionibus habent. Duo tantum manuscripta nostra Planini latum, & Hunnizi V. regionibus scribunt, quod est in posterioribus typographorum editionibus. Ceterum hoc regionibus Græco cum fonte convenit, qui hunc habet in modum: ἡ οὖν καταβαλλόμενος συλλέγει τὰς ἐπιγραφὰς τὰ περι τὸ βασίλειον ἢ προφητικά, τὰ τῶν δαυὶδ. id quod est: Et ut congruunt bibliothecam, congregavit ea quæ de regionibus & Prophetis & ea quæ Davidus. Unde vel solum colligi non obicere posse videtur, Interpretum regionibus, non regionibus convertisse. Nam quod Græce est, ea quæ de regionibus, exposuisse eum manifestum est, libros de regionibus. Neque vero coniunxit de regionibus cum congregavit, & libros aut sine adiecto posuit apud sequentia retulit: cum Græca nec vocem libros habeant, nec illam distinctionem ulla modo pariantur. Porro quia præpositum τὰ de regionibus τῶν libros, nostri iunxerunt illud.

regibus cum congregatis, scripseruntque de regionibus, quod congregare de regibus non apium esse videretur. Mutato autem *regibus* in *regionibus*, quoniam voces *Prophetarum* & *David* quæ sequuntur non satis commode præcedentibus hæere videbantur, sustulerunt quidam antecedens &, ita ut esset: *Congregavit de regionibus libros Prophetarum & David*: verum & illud, ut in pluribus adhuc

codicibus, ita in antiquioribus conspiciatur Germana igitur, salva sententia meliori, huius loci lectio est: *Et ut confluent Bibliothecam, congregavit de regibus libros, & Prophetarum & David*. Interpretis huic &, πρὸς τὰς, subaudivit τὰ τῶν: itaque vertit & *Prophetarum* scilicet libros; cum alioqui verti possit *libros de regibus & Prophetis*: continent enim libri Regum Regum & Prophetarum gesta.

COMMENTARIA

S A.

Verf. 1. I NVENITUR AUTEM, &c. Et hæc ad epistolam pertinent.

IEREMIAE. GRÆC. *Ieremias* *Propheta*, iungiturque cum sequentibus; quasi dicat: Legitur in quadam scriptura, *Ieremiam* iussisse, &c. *TRANSMIGRABANT*, id est migrabant, seu captivi abducebantur, scilicet in Babyloniam. *SIGNIFICATUM*, scilicet supra. *MANDAVIT*; scilicet quo sequitur.

V. 4. COMITARI, id est portari ab aliquibus se sequentibus. *DEI HEREDITATEM*, id est Terram promissionis: vide Deut. XXXIV.

V. 8. HAEC, id est talia. *GRÆC.* *manifestabat autem*, scilicet liber ille quæ sequuntur.

V. 9. TRACTABAT, scilicet Salomon.

V. 10. SICUT, &c. scilicet referebat ille liber.

V. 11. EO QUOD, &c. quasi dicat, Itemque erat in libro illud Moysis, Levit. x. Cur non comestum esset, quod pro peccato oblatum fuerit, sed igni consumptum totum. Vide locum; hic enim valde concise & obscure refertur.

V. 13. NEHEMIAE, scilicet tempore scriptis. *HAEC*, scilicet quæ retulimus. *DONARIIS*, scilicet templo offerentis.

V. 17. SANCTIFICATIONEM, id est item plura.

V. 18. CONGREGABIT, scilicet etiam alios, qui dispersi sunt.

V. 22. ILLUMINATIONIBUS, id est Dei favoribus.

V. 23. RECUPERARENT. GRÆC. *repararent*.

V. 25. AGGREDI, scilicet legendo.

V. 32. EXECUTIONES. GRÆC. *exquisitio- nes*, seu *exquisita*, scilicet curiosa, seu ni-

mis exquisitam narrationem. *SUCCINGIT*, id est altringi, seu arctari. Hactenus epistola, in qua & illud.

E S T I I.

Verf. 29. V ERITATEM QUIDEM DESINGULIS, AUCTORIBUS CONCE- DENTES, IPSI AUTEM SECUNDUM DATAM FORMAM BREVITATI STUDENTES. Obiiciunt nobis hæretici nostri & hæc contra auctoritatem huius libri. En, iniquiunt, huic auctori non fuit cura de veritate, sed tantum de commoditate compendii. Respondeo in Græco non esse nomen veritatis; sic enim Græca sonant. *Exactam pertractationem singulorum auctori concedentes, insequendo autem præscriptum exemplar, compendia studentes.* His igitur verbis non aliud significat abbreviator, quam se brevitati historiarum studere, relicta suo auctori exacta de rebus singulis narratione. Quod & paulo post in nostra quoque versione significatur: ubi dicitur *vers. 31. ETENIM INTELLECTUM COLLIGERE, ET ORDINARE SERMONEM, ET CURTOSIUS PARTES SINOUAS QUASQUE DISQUIRE, HISTORIAE CONGRUIT AUCTORI, &c.*

M A R I A N A E.

Verf. 1. I NVENITUR AUTEM. Prima huius capitis pars, superioris epistolæ pars est; & potuit cum illo capite coniungi. IN DESCRIPTIONIBUS. Α'γγελῶν, in libris Ieremie Prophetæ. Alios libros scripsit præter eos qui sunt in Canone; in iis continebatur sequens narratio.

V. 4. TABERNACULUM. Cortinas veteris tabernaculi, quæ servabantur in templo, accipit Ieremias, & arcam. Usque-

quo

QUO EXIIT IN MONTEM. HIC MONS VOCATUR Nebo a quibusdam. Certe fuit pars montis Sinai, ubi Moyses VIDIT DEI HEREDITATEM, id est bona, gloriam. Ea est hereditas Dei. Quidam iverunt,

V. 6. UT NOTARENT SIBI LOCUM. GRÆC. *ut notarent viam*. Ignotus erit locus,

V. 7. DONEC CONGREGET DEUS CONGREGATIONEM; id est donec Iudei omnes convertantur, quod fiet ante Iudicii diem. Trunc Deus ostendet locum nube.

V. 8. ET SICUT CUM SALOMON. GRÆC. *Sicut & Salomon perit*. Sic etiam Gothi. Quod sequitur quoque, MAGNIFICE ETENIM SAPIENTIAM TRACTABAT: neque in GRÆCIS neque in Gothi. est. ET UT SAPIENTIAM HABENS, scilicet Salomon.

V. 11. QUOD NON SIT COMESTUM. Hostia pro peccato non comederatur, ideo eam ignis comedit Moyses tempore.

V. 13. INFEREBANTUR. Narrabantur hæc eadem in COMMENTARIIS NEHEMIAE. Ea Commentaria perierunt. CONSTRUENS BIBLIOTHECAM Nehemias, Philadelphi bibliotheca & aliorum antiquiorum celebrantur. Sic Nehemias fecit. DE REGIONIBUS. Sic Gothi. at GRÆCÆ, *De Regibus*. Sic plerique codices Latini, & Lovan. *Com gregavis de Regibus libros*. ET PROPHE TARUM. Quæ sunt in Canone & alia ab ipsis scripta. ET DE DONARIIS. GRÆCÆ, *epistolas Regum de donariis*; scilicet quas quas adungebant donis, quæ scilicet templo mittebant.

V. 14. IUDAS EA, QUÆ DECIDERANT, scribens, id est acciderant in bello: non didicerat, ut multi legunt, etiam Vulgata Regia. Verum ex hoc loco colligitur, Iudam Machabæum de suis rebus commentaria reliquisse. In his ergo monumentis omnibus continetur, quæ hic de Ieremia referuntur. Plura Dorotheus in Ieremia, & Gorion Lib. I. cap. XVII. tum Epiphanius de Prophetarum vita, in Ieremia.

V. 20. DE IUDA VERO. Superiora epistolæ sunt & præludia libri; ex his verbis incipit Præfatio. De Iuda vero, pro, de Iuda quidem. Hæc cum superioribus non connectuntur, quod adverbialia indicat. Sic Gen. 1. 2. terra autem; pro, de terra quidem erat inanis, scribimus.

V. 22. ET DE ILLUMINATIONIBUS, id est miraculis de celo factis.

V. 23. CUM OMNI TRANQUILITATE: *εὐθυμίας, benignitate*, propitio Deo.

V. 24. ITEMQUE AB IASONE CYRENABO. Hic quinque libros scripsit de Iudæ rebus & bellis, quæ Auctor compendio in hunc Librum contulit.

V. 25. MULTITUDINEM LIBRORUM CONSIDERANTES. GRÆCÆ *ἀριθμῶν, numerorum*, pro *ἀριθμῶν, numerationum, narrationum*. Ideo abbreviamus.

V. 39. VERITATEM QUIDEM DE SINGULIS, AUCTORIBUS CONCEDENTES, seu dimittentes; quasi dicat, De singulis fides Auctores appellat.

V. 30. NOVÆ DOMUS ARCHITECTO. Ut illi cura totius structuræ incumbit, pictori de ornatu solum: sic curam historie ablegantes ad auctores, nos compendio colligere tantum, quæ illi dixerunt, studeamus.

V. 32. EXECUTIONES RERUM VITARE. *Ἐξαρτῶν, alacritatem* interpretor, id est elegantiam vitæ abbreviator, id est eam non curat. VITARE BREVIANTI CONCEDENDUM EST. Gothi. *vita brevitati concedendum*. Non incommoda lectio, suppleto aliquo verbo, nisi alii omnes Codices reclamarent.

MENOCHII.

Vers. 1. IN DESCRIPTIONIBUS IEREMIAE: qui liber modo non erat. IGNEM ACCIPERE: sacrum ignem ne periret. QUI TRANSMIGRABANT: qui captivi ducebantur in Babilonem. UT SIGNIFICATUM EST: superiori cap. num. 19.

V. 4. IN IPSA SCRIPTURA, scilicet descriptionum Ieremie. QUOMODO TABERNACULUM, ET ARCAM, &c. Non fuisse a militibus diripientibus Ierusalem ablata arcam, aut tabernaculum satis patet ex Ierem. cap. LII. ubi enumerantur omnia, quæ exemplo Domini Chaldei abstulerunt, usque ad phylas, & mortuariola, arcæ vero, & tabernaculi nulla mentio. Itaque hæc a Ieremia ablata sunt, ut hic habemus; quomodo autem id fieri poterit, & quando factum sit, antequam captam urbem, aut post, disputat Serar. in hoc caput quæst. XVII. & Bellarm. de verbo Dei Lib. I. cap. XV. in respon. ad quartam obiectionem. Vide etiam Salian. tom. IV. anno mundi 3446. num. 28. MONTEM: Nebo. D. I.

DEI HEREDITATEM : veram sanctam, quam, Deus Mosi ex arduo illo montis vertice ostendit; vide. Deut. III. 41.

V. 5. VENIENS IBI IEREMIAS : solus, nullis comitantibus, ut apparet ex sequentibus. Itaque censet Serar. quest. XVIII. arcam angelorum opera delatam fuisse. Sic, tanto post, ædes Lauretana non semel ab Angelis de uno loco in alium translata est.

V. 7. IGNOTUS ERIT LOCUS, DONEC, &c. Salianus tom. v. anno mundi 3609. num. 95. & sequentibus, fuisse probat tunc arcam & tabernaculum, &c. inventa esse, cum inventa est aqua crassa, de qua supra. 1. 20. Quod admodum probabiliter dicitur; neque enim aliud tempus proferri potest, in quo hæc Ieremias propheta impleta sit, in quo visibilis Dei maiestas apparuerit ut Mosi, & Salomoni, quam hoc in quo Deus præsentiam maiestatis in igne mirabiliter accenso demonstravit; in quo nubes solem, & sacrificia, & altare obregebat, ut Mosi, & Salomonis temporibus contingerat. Ista etiam congregatio populi non alia intelligenda est, quam quæ post captivitatem Babylonicam facta est, sub Cyro, Dario, & Artaxerxe.

V. 8. SICUT QUAM SALOMON, &c. Vide III. Reg. VIII. 14. & II. Paral. VI. 14. MANIFESTABAT HAEC : scilicet Deus, nubes templum obtegens.

V. 9. MAGNIFICE ETENIM SAPIENTIAM TRACTABAT. Hæc verba non sunt in textu Græco. Possunt autem referri vel ad Deum, vel ad Salomonem. Ad Deum ut sensus sit, Deum sapientiam Salomonis, qua templum extruxit, magnifica nubis obumbratione cohonestasse. Ad Salomonem, ut sententia sit, eum magnifica opera edidisse consentanea magnæ sapientie suæ.

V. 10. DESCENDIT IGNIS : historiam habet Lev. IX. 24. Sic ET SALOMON. Vide II. Paral. VII. 1.

V. 11. ET DIXIT MOYSES : questus est Moyses. ET QUOD NON SIT COMESTUM QUOD ERAT PRO PECCATO : eo quod Aaron, & eius filii recenti suorum clade percussis, & mortui hircum pro peccato non comessent, ut debebant per legem Lev. cap. VI. 26. ET CONSUMPTUM EST. Sacrificium illud pro peccato, hoc est, hircum cum ipsi non comederent, combusserunt, putante ita faciendum esse ex

lege Levit. VII. 17. Historia hæc habetur cap. X. Levit. ver. 26. Vide quæ ibi notavimus. Sunt hæc aliquo modo cum superioribus continuanda, & applicanda. Ut nimirum quemadmodum ignis ceteras victimas accendit, ita & hostiam hanc pro peccato assumpserit.

V. 13. INFEREbantur. Græce ἵεσθαι, id est *narrabantur*. **CONSTRUENS BIBLIOTHECAM, &c.** Per congregationem hanc librorum quæ a Nehemia facta dicitur, non significatur libros sacros quasi deperditos, esse ab eo, vel ab Esdra restitutos, sed tantum bibliothecam extructam, in qua essent lib. de regibus, & prophetis, res ipsius Davidis, Epistolæ regum, & de anathematibus sive donariis.

V. 14. IUDAS : videtur intelligi Iudas Essenus, cuius facta mentio cap. I. 10.

V. 17. SANCTIFICATIONEM, id est templum.

V. 18. CONGREGABIT : scilicet, etiam alios, qui adhuc dispersi sunt.

V. 19. LOCUM PURGABIT : hæc videtur esse ultima verba epistolæ, ut docet Serar. quest. XI.

V. 22. ILLUMINATIONIBUS : favoribus; in Græco est, ἱεραναίαι, *apparitionibus*.

V. 24. AB IASONE CYRENAEO, &c. vide dicta ad titulum horum librorum ante cap. I. Lib. I.

V. 25. AGREDI : scilicet legendo.

V. 27. NEOOTIUM PLENUM VIGILARUM, ET SUDORIS. Ex hoc loco hæretici probare conantur librum hunc non esse scriptum divino spiritu, sed humano. Non enim adeo laborant, & sudant quibus Deus dicitur quæ scribant. Respondet Bellarm. de verbo Dei Lib. I. cap. XV. obiectione secunda, Deum quidem esse auctorem omnium divinarum Scripturarum, sed aliter tamen adesse solum prophetis, aliter aliis, præsertim historicis. Nam prophetis revelabat futura, & simul assistebat, ne aliquid falsi admiscerent in scribendo, & ideo prophetæ non alium habuerunt laborem, quam scribendi, aut dictandi : aliis autem scriptoribus Deus non semper revelabat ea, quæ scripturi erant, sed excitabat ut scriberent quæ viderant, vel audierant, quorum recordabantur. & simul assistebat, ne falsi aliquid scriberent : quæ assistentia non faciebat ne laborarent in cogitando, & quærendo, quid, & quomo-
do

do scripturi essent: Quare S. Lucas in præfatione in Evangelium a se scriptum, testatur se assecutum omnia diligenter, quæ ad Evangelii scripturam pertinebant, idque ab iis, qui ipsi audierant, & viderant, & ministri fuerant sermonis.

V. 18. SICUT HI QUI PRÆPARANT CONVIVIUM, &c. In Græco est: *Quemadmodum paranti convivium, & aliorum utilitatem querenti facile quidem non est; tamen ut multis gratum fiat, libenter laborem subibimus.*

V. 19. VERITATEM QUIDEM DE SINGULIS AUCTORIBUS CONCEDENTES. In Græco est, το, μὴ διακρίνειν πρὸς ἑαυτὸν τὸ συγγραφεὶ παραχρησάμενος; id est, negotium diligenter cognoscendi, & investigandi singula, auctori ipsi permittentes & relinquentes. Videtur significare se libros Iasonis Cyrenzi in Epiomen quidem redegitse, velle autem ut fides rerum sit penes auctorem: vide Emanuelelem Sa ad hoc caput num. 32. Verum cum Ecclesia hunc librum ut Canonicum admittat, dicendum est quæ hic habentur ex libro Iasonis excerpta verissima esse, & indubitæ fidei. Fieri enim potest ut sacer aliquis scriptor aliquid scribat Deo calamum ne erret dirigente, & tamen ille nesciat se dirigere, quod huius libri scriptori videtur accidisse.

V. 20. SICUT ENIM NOVAE DOMUS ARCHITECTO: se, qui stylum tantum ex suo poscebat pictori domus comparat; Iasonem vero qui historiam scripserat primus, architecto.

V. 32. EXECUTIONES: τὸ ἐξπρᾶσις, elaboratam dictionem, exquisitum dicendi genus, ita ut ἐξπρᾶσις positum sit pro ἐξπρᾶσις. Vel ut Flaminius vertit, *subtilem executionem rerum.*

V. 33. EFFLUIRE: prolixum esse. Succingi: esse brevem.

T I R I N I.

Verf. 1. **D**escriptiones JEREMIAE PROPHETAE. Liber erat, in quo res a Ieremia gestæ recitabantur, verisimiliter ab ipsomet Ieremia conscriptus. Hoc libro continebantur Primo, leges & monita quæ Ieremias Iudæis in Babyloniam demigrantibus tradidit. Secundo, in studio de igne altaris holocaustorum, in

puteo per eum recondito. Tertio, de tabernaculo, arca foederis & altari incensæ per eundem delatis in specum montis Nebo. Sed hic liber intercidit: neque quidquam eorum quorum hic fit mentio, habetur in eo volumine quod inter Canoniceos Prophetas secundo loco nunc exstat. Iussit ergo Ieremias sacerdotibus in Chaldæam transmigrantibus, sacrum IONEM, ex altari secum ACCIPERE puta certo loco deducendum, ut cap. 1. 19. dictum est. Dedit & volumina legis divinæ in Chaldæam deferenda pro suo suorumque contribulium solatio & instructione.

V. 4. TABERNACULUM quoque Mosaicum, quod in templo Salomonico prope sanctuarium aservabatur, ut divi 1. Reg. xxi. 7. Item ARCAM foederis & vers. 5. ALTARE INCENSI, seu thymiamatis IUSIT idem PROPHETA divino oraculo, monitus, COMITARI SECUM, seu angelorum (ut vult Serapius) seu potius Levitarum baiulorum opera, ut ex vers. 6. Lyræus exponit, debeant omnia IN MONTEM e quo MOYSES VIDIT DEI HEREDITATEM, id est terram sanctam Iudæis hereditarie promissam & donatam. Hic est mons Nebo, Deuter. ult. vers. 1. Porro facile fuit Ieremæ, tam charo Nabuzardani militi Chaldæorum præfesto, veniam ab eo extorquere transendi hæc sacra Iphana. Et post urbem occupatam, priusquam templum succenderetur, sit multum spatii intercessit, quo commodè fieri possint, Ierem. xxxix & IV. Reg. ult. ita scilicet Gorionides, Dorotheus, Epiphanius, & ex his S. Thomas, Serapius & Sallustius a.

V. 7. Et dixit JEREMIAS, QUOD LOCUS, in quem hæc omnia recondidit, IGNOTUS ERIT hominibus, DONEC CONGREGET DEUS CONGREGATIONEM POPULI. Quod cum constet ex vers. 27. cap. præced. nondum factum tempore Nebemix sub Artaxerxe; sed neque tempore Machabæorum sub Antiocho Grypho, anno Græcorum 188. ut ex vers. 18. huius ti. cap. colligitur; & certum sit, ex eo tempore res Iudæorum continuo in prius prolapsas esse; non potest de alio, quam de novissimo mundi tempore poni, quando per Henoch & Eliam hæc Iudæorum arthæ proferentur in lucem, & illorum ad Christum conversioni subservient, ut probant auctores supra citati & plerique Rabbinæ, item

item Richardus a S. Victore, Rupert. Canus, Ribera, & Mariana. Et testis est Iosephus e, tempore Romanorum nihil omnino fuisse in Sancto Sanctorum. Nec ullibi mentio est arcae post captivitatem Babylonicam. Et cum spolia templi saepius recensentur d, nusquam mentio fit arcae, licet auctor Historiz Scholasticæ, Iudith. tit. poret (sed fallitur e) arcam in Titi triumpho Romæ fuisse. Neque in arcu Titi triumphali, quietissimum Romæ visitur, arca compareret. De altari incensi Mosaico idem dico: nam quo postea usi sunt Iudæi, ad imitationem Molaici illius constructum fuit. Uti & *tabula* illz testamenti, & *Cherubini*, quos f. Egesippus commemorat, Pompeium, cum intima templi Ierolymitani lustraret, ibidem conspexisse. Porro ad commendandum festum hoc enceniorum Nehemiz, comparant illa cum encenisi Moyſis & Salomonis: nam in omnibus tribus nubes maiestatem Domini præsentem adesse designabat, & victimæ altari impositæ, igni cælitus submisso absumptæ, gratum accidisse Deo sacrificium & dedicationem indicabant. Simul tamen innunt, quod, quando Deus sub finem mundi redhibebat Iudæis hæc sua sacra lipsana, simili modo per nubem splendidam, & ignem cælitus submittendum, manifestabat illis præsentiam & favorem maiestatis sue divinæ.

P. 8. *Manifestatus hæc*, supple, Salomon.

V. 9. *Magnifice etenim sapientiam tractabat*, non est in Græco.

V. 11. *ET DIXIT MOYSES: EO QUOD NON SIT COMESTUM a sacerdotibus QUOD ERAT oblatum Deo PRO PECCATO* (ut pote immundum;) ideo a flamma est consumptum. Historiam habes Levit. ix. & x. quo hic alludunt: ita Rupertus & Serarius. Quod si quis dixerit, hæc quæ de Nehemiz sacrificio iam dicta sunt, nullibi in sacris Scripturis reperiri; respondebunt Iudæi:

P. 13. *INFEREBANTUR; Græce, referebantur, in scriptis et commentariis eiusdem NEHEMIZ*: non quæ nunc extant Lib. II. Eldæ, sed quæ olim extiterunt, sed iniuria temporum & bellorum iam intercederunt, ut vers. i. dixi de scriptis Ieremiz. Ex iisdem Nehemiz scriptis constat, ipsum nobilissimam undique collegis-

Bib. Sac. Tom. XXII.

se bibliothecam, maxime librorum sacrorum, v. g. Prophetarum, Psalmorum & gestorum Davidis, aliorumque regum Iudæ & Israelis. Item DE DONATIS per Cyrum, Darium, Artaxerxen aliosque reges donatis templo Ierolymitano & sacerdotibus illius, supra i. 33.

V. 14. *Simli studio etiam IUDAS Machabæus*, dispersa nuperis bellis sacra volumina, rursus omnia congregavit. Credo, Ierolymitanos hæc de restituta sua bibliotheca tam operose inculcare, ut ostendat, se diligentiz Aegyptiorum, Ptolemæi Philadelphi bibliotheca famosissima gloriantium, nolle credere: quin potius, si quidem de sacris libris esset questio, penes se habere quibus scirent Aegyptios cæcere. Ex his vero videas falli Strabonem g, cum primum bibliothecarum auctorem tradidit fuisse Aristotelem in Græcia. Nam Aristotele antiquior Nehemias bibliothecam in Iudæa collegit, ut hic dicitur. Et apud Chaldæos ac Persas fuisse bibliothecam, dicitur I. Eldæ vt. t. & alias alibi, ut Plutarchus, Gellius, Isidorus & Goropius h demonstrant.

V. 20. *DE IUDA VERO MACHABÆO, &c.* Hic incipit præfatio totius Lib. II. ut versu ult. indicatur: immo & maioris partis libri primi. Unde & a Serario ponitur primo loco, quasi totius operis præfatio.

V. 22. *ILLUMINATIONES DE CAELO FACTÆ*, sunt signa cælitus exhibita, quæ portendebant victoriam Iudæis.

V. 24. *Iason Cyrenæus* non profanus aut Gentilis scriptor fuit, ut Calvinus & VVittakerus i coniungunt; sed Iudæos, & ut apparet, vir sanctus. Multi enim erant in Cyrenæ Iudæi, ut constat ex Actuum ii. & vi. & Iosepho k passim.

V. 27. *NEGOTIUM PLENUM VIGILARUM ET SUDORIS*. non arguit, hunc librum non esse Canonicum, ut iidem hæretici & eorum sequaces blasphemant. Nam licet Spiritui sancto, qui auctor est Canonicarum Scripturarum, nihil sit molestum; homini tamen, quo tamquam instrumento suo utitur Spiritus sanctus, potest subinde molestus esse labor, seu colligendi, seu abbreviandi, seu scribendi. Neque enim omnibus Hagiographis ita semper suggerit omnia aut dictat Spiritus sanctus, sicut Ieremie suggesterat cap. xxxvi. 18. sed sæpe relinquit illis querendi & di-

Q q q

spo-

CAPUT II.

491

quotquot recte sentiunt, ut sunt Catho- rem: de filo tantum & dicendi modo lo-
lici omnes, vident factis scriptorem mul- quitur, & plane aliud est vera loqui, aliud
lam fateri culpam contra historiz verita- facunde.

UBI SINT RELIQUA LIBRI II. CAPITA EXPLICATA INDICATUR.

LIBRI SECUNDI CAPITA.	LIBRI PRIMI CAPITA.
Libri secundi capita 3. 4. 5. 6. 7. explicantur.	lib. 1. c. 1. prae: pauca infrequentia.
Caput 8. omnia a versiculo 1. usque ad v. 7. continentur.	lib. 1. c. 3. a v. 1. usque ad 9.
Caput 8 quae sunt a versiculo 8. usque ad 36. continentur.	lib. 1. c. 4. a v. 1. ad 27.
Caput 9. a versiculo 1. usque ad 29. reducitur ad	c. 6. lib. 1. a v. 1. ad 16.
Caput 10. a versiculo 1. usque ad 9. reducitur ad	lib. 1. c. 4. a v. 28. ad 61.
Caput 10. a versiculo 10. usque ad 38. reducitur ad	lib. 1. cap. 6. v. 17.
Caput 11. a versiculo 1. usque ad v. 38. reducitur ad	lib. 1. caput 6. v. 17.
Caput 12. a versiculo 1. usque ad v. 46.	lib. 1. c. 6. v. 17.
Caput 13. a principio usque ad 26. reducitur ad	lib. 1. caput 6. v. 18. usque ad finem.
Caput 14. a principio usque ad v. 12. reducitur ad	lib. 1. caput 7. a v. 1. ad 16.
Reliquum capitis 14. a versiculo 13. reducitur ad	lib. 1. caput 7. v. 17.
Caput ultimum a versiculo 1. ad 37. reducitur ad	lib. 1. caput 7. a v. 39.

CAPUT III.

Simon templi prepositus thesauros eius Apollonio duci prodit: ad quos rapiendos missus a rege Heliodorus, post suas Iudeorum orationes, a Deo percussus, sed Onia pontificis sacrificio ac precibus liberatur, aliisque Deo & Onia gratias, narrat regi ac ceteris omnibus Dei magnalia.

Igitur cum sancta civitas habitaretur in omni pace, leges etiam adhuc optime custodirentur, * propter Onie pontificis pietatem, & animos odio habentes mala, 2. fiebat ut & ipsi reges & principes locum summo honore dignum ducerent, & templum maximis muneribus illustrarent: 3. ita ut Seleucus Afiz rex de redditibus suis præstaret omnes sumptus ad ministerium sacrificiorum pertinentes. 4. Simon autem de tribu Benjamin præpositus templi constitutus, contendebar, obstante sibi principe sacerdotum, iniquum aliquid in civitate moliri. 5. Sed cum vincere Oniam non posset, venit ad Apollonium Tharseæ filium, qui eo tempore erat dux Cælesyriæ, & Phœniciæ: 6. & nuntiavit ei, pecuniis innumerabilibus plenum esse ærarium Ierosolymis, & conpunctis copias immensas esse, quæ non pertinent ad rationem sacrificiorum: esse autem possibile sub potestate regis cadere universa. 7. Cumque retulisset ad regem Apollonius de pecuniis * quæ delatæ erant, ille accitum Heliodorum, qui erat super negotia eius, misit cum mandatis, ut prædictam pecuniam transporteret. 8. Statimque Heliodorus iter est aggerens, specie quidem quasi per Cælesyriam & Phœnicen civitates esset peragraturus, re vera autem regis propositum persequens. 9. Sed, cum venisset Ierosolymam, & benigne a summo sacerdote in civitate esset exceptus, narravit de dato indicio pecuniarum: & cuius rei grata adesset, aperuit: interrogabat autem: si vere hæc ita essent. 10. Tunc summus sacerdos ostendit deposita esse hæc, & victualia viduarum & pupillorum: 11. quædam vero esse Hircani Tobie viri valde eminentis, in his quæ denulerat impius Simon: universa autem argenti talenta esse quadringenta, & auri ducenta, 12. decipi vero eos, qui credidissent loco & templo, quod per universum mundum honoratur, pro sui veneratione & sanctitate omnino impossibile esse. 13. At ille pro his quæ habebat in mandatis a rege, dicebat omni genere regi ea esse deferenda. 14. Constituta autem die intrabat de his Heliodorus ordinaturus. Non modica vero per universam civitatem erat trepidatio. 15. Sacerdotes autem ante altare cum stolis sacerdotilibus iactaverunt se, & invocabant de celo eum, qui de depositis legem posuit, ut his, qui deposuerant ea, salva custodiret. 16. Iam vero qui videbat summi sacerdotis vultum, merite vulnerabatur: facies enim & color immutatus declarabat internum animi dolorem: 17. circumfusa enim erat mœstia quædam vito, & horrore corporis, per quem manifestus aspicientibus dolor cordis eius efficebatur. 18. Alii etiam gregatim de domibus consuebant, publica supplicatione obsecrantes, pro eo quod in contemptum locus esset venturus. 19. Accinctæque mulieres eliceis pectus, per plateas consuebant, sed & virgines, quæ conclusæ erant, procurrebant ad Oniam, aliz autem ad muros, quædam vero per fenestras aspiciebant: 20. universæ autem protendentes manus in æterum, deprecabantur: 21. erat enim misera commixta multitudinis, & magni sacerdotis in agone constituti expectatio. 22. Et hi quidem invocabant omnipotentem Deum, ut credita sibi, his qui crediderant, cum omni into-

Integritate conservarentur. 23. Heliodorus autem, quod decreverat, perficiebat eodem loco ipse cum satellitibus circa ararium praesens. 24. Sed spiritus omnipotentis Dei magnam fecit suae ostensionis evidentiam, ita ut omnes, qui ausi fuerant parere ei, ruentes Dei virtute, in dissolutionem & formidinem converterentur. 25. Apparuit enim illis quidam equus terribilem habens sessorem, optimis operimentis adornatus: isque cum imperu Heliodoro priores calces elisit: qui autem ei sedebat, videbatur arma habere aurea. 26. Alii etiam apparuerunt duo iuvenes utraque decori, optimi gloria, speciosique amictu: qui circumsteterunt eum, & ex utraque parte flagellabant, sine intermissione multis plagis verberantes. 27. Subito autem Heliodorus concidit in terram, eumque multa caligine circumfusus rapuerunt, atque in sella gestatoria positum eiecerunt. 28. Et is, qui cum multis cursoribus & satellitibus praedictum ingressus est ararium, portabatur nullo sibi auxilium ferente, manifesta Dei cognita virtute: 29. & ille quidem per divinam virtutem iacebat munus, atque omni spe & salute privatus. 30. Hi autem benedicebant, quia magnificabat locum suum; & templum, quod paulo ante timore ac tumultu erat plenum, apparente omnipotente Domino, gaudio & leticia impletum est. 31. Tunc vero ex amicis Heliodori quidam rogabant consilium Oniam, ut invocaret Altissimum, ut vitam donaret ei, qui in supremo spiritu erat constitutus. 32. Considerans autem summus sacerdos, ne forte rex suspicaretur malitiam aliquam ex Iudeis circa Heliodorum consummatam, obrulit pro salute viri hostiam salutarem. 33. Cumque summus sacerdos exoraret, iidem iuvenes eisdem vestibus amicti, astantes Heliodoro, dixerunt: Onia sacerdoti gratias age: nam propter eum Dominus tibi vitam donavit. 34. Tu autem a Deo flagellatus, nuntia omnibus magnalia Dei, & potestatem. Et his dictis, non comparuerunt. 35. Heliodorus autem, hostia Deo oblata, & vocis magnis promissis ei, qui vivere illi concessit, & Onia gratias agens, recepto exercitu, repedabat ad regem. 36. Testabatur autem omnibus ea quae sub oculis suis viderat opera magni Dei. 37. Cum autem rex interrogasset Heliodorum, quis esset aptus adhuc semel Ierosolimam mittere, ait: 38. Si quem habes hostem, aut regni tui insidiatorem, mitte illum, & flagellatum eum recipies, si tamen evaserit: eo quod in loco sit vere Dei quaedam virtus. 39. Nam ipse, qui habet in celis habitationem, visitator & adiutor est loci illius, & venientes ad malefaciendum percucit, ac perdit. 40. Igitur de Heliodoro, & ararii custodia, ira res se habet.

B R U G E N S I S

ROMANAE CORRECTIONES.

Vers. 1. Propter Onia pontificis pietatem.
Non interponas *dispositionem* & ante *pietatem*.

Vers. 7. Qua delata erat. Non mutes *seminum delata* in neutrum *delata*.

NOTATIO.

*Vers. 1. P*ropter Onia pontificis pietatem, & animas odio habentes mala. Multi codices Carenti, & Richelio adstipulantibus addunt *dispositionem* & hoc modo: Propter Onia pontificis dispositionem & pietatem: verum illud tum in praestantioribus codicibus non legitur; nostris Brug. Lob. Leod.

Malm. Brevi. O. E. L. & aliis tribus; tum Graece non est. Quare merito Henicenus castigat textu populi. Monet & Lyranus non esse in correctis libris, nec de textu esse. Quod sequitur: *Et animo*, (*animo* 2. MS. *animas* 1. MS.) odio habentes mala, manuscripta tria Q. Pl. ang. G. scribunt hunc in modum: *Et animam odio habentis mala*. Quem scribendi modum (quamquam magis conveniat *animam*) illi praeferrere posse existimarem, quod certius commodiusque ad Oniam se referat. De Onia enim, non de aliis qui Onia adhaeserint, de quibus Lyranus, & Richelius; quorum ea est, quae vulgaris lectio: exponunt intelligendum hoc esse, clare satis Graeca loquuntur: *διὰ τὴν ἐν τῇ ἀρχῇ τῶν ἱερῶν τὴν ἐν τῇ πόλει*

id quod *uasa* transferas: Propter ipsam *Onia summi sacerdotis pietatemque & ueritatem (sacrum) malitia*. Hunc uero scribendi modum, qui nobis praeferi posse uidetur, alia quaedam exemplaria ex parte re-

ferunt. Duo namque O & C. habent: *Et animos odio habentis mala*; quinque Malm. E. A. Tril. Mogunt. *Et animo odio habentis mala*.

C O M M E N T A R I A

S A.

Verf. 1. **I**N OMNI, id est cum summa.
V. 2. ILLUSTRARENT, id est ornarent, seu decorarent.

V. 3. SELEUCUS. Hinc apparet, narra-
ri hic res priores iis quae libro superiore
scriptae sunt.

V. 7. TRANSPORTARET, id est ad se
afferret.

V. 11. IN HIS, id est ex his.

V. 12. UNIVERSUM, &c. Hyperbole.

V. 13. OMNI GENERE, id est omni mo-
do, seu omnino.

V. 15. ALTARE, scilicet holocausti.

V. 19. AD ONIAM. Græc. *ad iannas*,
scilicet domorum suarum, seu templi.

V. 24. SPIRITUS, &c. Græc. *Spirituum*,
& omnis potestatis Dominus (seu *Princeps*)
mignum & evidens facit miraculum.
OSTENSIONIS; pro, potentiae. RUENTES,
id est confecti: forte legendum, *ruen-
tes*; pro, intuentes Dei virtutem. Græc.
stupentes. DISSOLUTIONEM, scilicet ani-
mi, vel membrorum.

V. 25. CALCES, id est ungulas.

V. 26. OPTIMI. Græc. *pulcherrimi*.

V. 27. EIECERUNT, id est extraverunt.

V. 30. MAGNIFICABAT, id est glori-
cabat.

V. 32. MALITIAM, id est dolum, seu
malecium. Ex; pro, a. CONSUMMA-
TAM, id est factam. SALUTAREM: non
est Græce.

E S T I I.

Verf. 1. **I**GITUR CUM LEGES ADHUC O-
& 2. PTIME CUSTODIRENTUR, PRO-
PTER ONIAE PONTIFICIS PIETATEM, PIE-
BAT UT ET IPSI REGES, ET PRINCIPES
LOCUM SUMMO HONORE DIGNUM DUCE-
RENT, &c. Ex his uerbis perspicue osten-
ditur observationem legum, & pietatem
sacerdotum, in primis causam & occasio-
nem esse, ut in uenerationem ab omnibus

habeantur loca sacra. Unde consequens est,
etiam e contra fieri, uidelicet, ut negle-
ctus legum, & pietatis defectus in sacer-
dotibus causa sit, ob quam loca sacra,
ipsumque sacerdotium, & in universum
tota religio in contemptum abeant, que-
madmodum Malach. iii. etiam Dominus
comminatus est.

V. 11. DECIPIT VERO EOS QUI CREDEN-
DISSENT LOCO ET TEMPIO, QUOD PER
UNIVERSUM MUNDUM HONORATUR, PRO
SUI VENERATIONE ET SANCTITATE OM-
NINO IMPOSSIBILE. Obscuritas huius loci
nata est ex incommoda translatione. Nam
in Græca lectione nihil est obiculis.
Sic enim sonat: *per iniuriam autem frau-
dari eos, qui sanctitate loci & maiestate
templi per universum mundum honorati, a-
iusque immunitate confisi essent (deponen-
tes uidelicet ibi pecuniam suam) id pri-
us absurdum esse ac prorsus indignum*. Scili-
cet, significat Onias indignum esse, ac
prorsus fieri non debere quod interpres no-
ster vertit, *impossibile*, ut fallerentur illi
spe sua, qui sanctitate & securitate loci
confidentes, inibi thesauros suos tamquam
loco tutissimo deposuissent.

M A R I A N A E.

Verf. 1. **I**GITUR CUM SANCTA CIVI-
TAS. Hinc narratio incipit &
historia. ET ANIMOS OLIO HABENTES
MALA. Græce, & malorum odium. Got-
th. & animo odio habentis mala, ut pietas
& odium malorum restitatur.

V. 3. ITA UT SELEUCUS ASIAE REX.
Hic, aut Seleucus Philopator fuit septimus
Asiae Rex, ut quidam putant, quoniam
tunc vicinus his temporibus, cui Antiochus
Epiphanes successit. Ego Seleucum Pri-
mum crediderim potius, qui dicitur est Ni-
canor. Sic Gorion Lib. iii. cap. i. de quo
Iosephus Lib. XII. cap. iii. Iudaeos hono-
rallse; eosque cives scripsisse in omnibus
civi-

civitatis quas condidit, quæ multæ fuerunt.

V. 4. SIMON. Hic fuit præpositus templi, nempe Oeconomus aut Thesaurarius.

V. 5. VENIT AD APOLLONIUM. De hoc Lib. I. cap. x. 69. Fuit Crelesyriæ dux multis annis, nam quæ hic narrantur, Seleuco Septimo Asiæ Rege gesta sunt. Nam hic Seleucus Heliodorum misit: cap. v. 18. postea cum Ionatha Machabæo bellum gessit, uti eo primi libri loco dicitur.

V. 10. VICTUALIA. Hæc vox Græce non est; hoc solum: *Deposita esse victuarum & orphanorum*.

M E N O C H I I.

Vers. 1. **I**GITUR CUM SANCTA CIVITAS, &c. Historia hæc ab ipsa origine turbarum Iudaicarum, a morte Antiochi magni, qui fuit pater Antiochi Epiphanis, cuius mentio superiore Lib. cap. i. petita est. ANIMOS ODO HABENTES MALA. In Græco est tantum *μισοσπονην*, id est *odium mali*, & malorum, & ad O niam tantum refertur, nec tamen male vulgatus, nam etiam alicuius unius hominis animos, & spiritus dicimus.

V. 2. LOCUM: scilicet sacrum, & templum.

V. 3. SELEUCUS ASIAE REX: Antiochi magni filius, & Antiochi Epiphanis frater, qui post Antiochum magnum, & ante Antiochum Epiphanem regnum tenuit.

V. 4. DE TRIBU BENIAMIN: cum ergo ex hac tribu esset, non autem ex Levitica, nec ex posteris Aaronis, probabile non est eum voluisse summum sacerdotium invadere, ut est apud Eusebium. PRAEPOSITUS TEMPLI: qui circa res templi aliquam præfecturam exercebat, quæ qualis fuerit ex sacro textu non habetur. Serarius putat fuisse militarem magistratum cui & lictores, & milites ad templi custodiam essent, ex Libro I. cap. iv. 61. & ex Matth. xxvii. Luc. xxii. & Act. iv. ubi *σπαραγῆς τοῦ ἱεροῦ* dicuntur, quasi plures fuerint, sed ita ut unus summus foret. Vide Sigon. de rep. Hebr. Lib. VII. cap. xiii. CONTEDEBAT IN QUOQUE ALIQUID IN CIVITATE MOLIRI. In Græ-

co est *ἐδούλετο τὸ ἀρχιερεὶ παρρησιᾶς*, quod bene respondet vulgatæ versioni: in biblis tamen regis est, *πρὸς ἀρχιερεῖας*, quasi contentio fuerit inter illos de civili quopiam officio, aut de urbana ædilitate.

V. 5. AD APOLLONIUM, &c. ut scilicet eius opera obineret quod opabatur; & quidem interventu multarum pecuniarum, quas cum ipse suppeditare non posset, aperiebat viam, quæ alienæ in eius, aut regis potestatem venirent.

V. 6. COMMUNES COPIAS: collectas scilicet ex vestigalibus, tribus, & id genus aliis proventibus, quæ communes, sive profanæ dicuntur, & opponuntur sacris pecuniis, unde sequitur, QUAE NON PERTINENT AD RATIONEM SACRIFICIORUM, quas scilicet Seleucus suppeditabat, ut supra dicitur num. 3.

V. 7. TRANSPORTARET, id est ad se afferret.

V. 10. DEPOSITA HAEC ESSE, &c. Sive has pecunias repositas & destinatas esse viduis, pupillisque sublevandis, sive ab ipsismet, sive ab aliis, qui pauperibus benigne facere vellent per manus Pontificis.

V. 11. QUÆDAM VERO ESSE HIRCANI, &c. qui eas loco propter religionem omnium tutissimo reposuerat. TOBIAE: non filium sed nepotem; Iosephus enim Lib. XII. cap. iv. ait eum filium Iosephi filium fuisse, Tobiae vero nepotem. In his: ex his. QUAE DETULERAT. In Græco est, *ὃν ἀπέβηεν διὰ βαλλὺν ὁ Διοσκόριος Σίμων*; id est, non autem ut calumniabatur impius Simon.

V. 12. DECIPI VERO, &c. id est fraudari deposita pecunia, & iniuriam illis fieri; in Græco enim est *ἀδικεῖν*. Sententia ergo est, Indignum esse, ne ullo modo fieri posse, aut debere, ut pecunie eorum qui eas templo crediderant auferantur per iniuriam; sic enim templi apud omnes gentes sancti maestas, & securitas violaretur.

V. 13. OMNI GENERE: omni ratione, omni modo, omnino. In Græco enim est, *πᾶν*; licet in biblis Vaticanis per errorem scribatur *παντων*.

V. 15. ALTARE: holocausti: locus orationis sacerdotum erat inter templum, & altare.

V. 18. PRO EO QUOD IN CONTEMPTUM, &c. pa-

&c. pavidi, & solliciti, quia videbant sacrum locum in contemptum venturum, si pecuniae illae auferrentur.

V. 19. VIRGINES, QUAE CONCLUSAE ERANT: in templi quodam domicilio, ubi & pie viduae morabantur. PROCURREBANT AD ONIAM. In Graeco est, ἐπὶ τοῦ πυλῶντος, ad ianuam, scilicet templi. Sed idem est, nam ibi erat Onias. ALIAE AUTEM AD MUROS: scilicet procurrebant, muros, inquam, templi, ubi tota res ageretur, & in quod illae conclusae erant, ut inde efferre pedem non liceret, donec coniugio traderentur.

V. 21. ERAT ENIM MISERA COMMISTAE MULTITUDINIS. In Graeco est, αἰὲς διὰ τὸ τοῦ πλῆθους παμμεγέθη πρίπτειν, id est, commiserationem autem movebat commissa multitudinis prolapsae, anierum scilicet deiectione, & corporum ad orandum prostratio. MAGNI SACERDOTIS EXPECTATIO: scilicet spectantis quo res evaderet, & quid auderet Heliodorus in templum, aut populus conatibus in Heliodorum.

V. 22. ET, QUIDEM: scilicet. Iudaei.

V. 24. SPIRITUS OMNIPOTENTIS DEI: Deus: paulo aliter haec habentur in Graeco, sed sensus idem est. RUENTES: conternati, καταπλαγῆντες, stupore percussi, & attoniti. DISSOLUTIONEM: ἐκλογὴν, animi, aut membrorum dissolutionem, propter metum, & consternationem.

V. 25. OPTIMIS OPERIMENTIS ADORNATUS. In Graeco est, καλλίστῳ ἐσθρῇ διαπικραμένως: est autem ἐσθρῇ equi indumentum, quod recentiores Graeci ἐσθρῆον dixerint. Vide Meursium in glossario Graeco barbaro. PRORES CARCES ELISIT. Significat equum insurrexisse in Heliodorum, & anterioribus ungulis impulsus, eum prostravisse. Et SEDEBAT: ex equo insidebat.

V. 26. VIRTUTE: τῇ ἐνέργειᾳ, robore, viribus.

V. 27. EIECERUNT: extraxerunt, exportarunt.

V. 28. CURSORIBUS: famulis a pedibus. Italice vocamus *staffieri*. NULLO SIT AUXILIO FERENTE. In Graeco est, ἀποστρεφὲς αὐτὸν καθίστρεφα, qui nihil auxilii sibi ipse afferre poterat. Italice phrasi optime respondet, dicimus enim: *Non si potes avertere da se stesso*.

V. 30. MAGNIFICABAT: glorificabat.

V. 32. MALITIAM, id est dolum, seu malefictum. EX IUDAEIS: a Iudaeis. COMMUNMATAM, id est factam. HOSTIAM SALUTAREM: qua scilicet illi salus, & sanitas, aliquo deplorata restitueretur, Dei misericordia precibus, & sacrificio Pontificis propitiata.

V. 33. CUMQUE SUMMUS SACERDOS EXORARET: vel, ut est in Graeco, faciente autem summo sacerdote propitiationem, ut scilicet ei Deus propitius fieret. IDEM IUVENES: rursus apparuerunt Heliodoro.

V. 34. MAGNALTA DEI: Dei mirabilis.

V. 35. HOSTIA DEO OBLATA: per sacerdotem. Et, QUI VIVERE ILLI CONCESSIT: scilicet, Deo.

V. 39. VISITATOR: πύργος. Ille dicitur alicuius rei ἐνδεσμεῖν: sub cuius cura, & tutela res aliqua est.

T I R I N I.

Verf. 2. DE hoc Onia a vide Chronicon nostrum; uti & de rege Seleuco b, cognomento Philopatore: qui exemplo Cyri e, Darii d, Artaxerxis e, regum Persarum, & Seleuci primi Asiae regis, itemque Antiochi Magni f & aliorum regum, nobilissimis donariis templum Ierololymitanum condecoravit initio sui regni: sed post avaritia transversum actus, idem illud per Heliodorum explicare conatus est.

V. 4. SIMON PRAEPOSITUS TEMPLI, nomine sacris (nam erat in TRIBU BENIAMIN) sed in politicis. Foran praerant thesauris, vel certe militari custodiam templi, de qua I. Machab. iv. verf. ult. Hic CONVENDEBAT INIQUUM ALIQUID IN CIVITATE MOLIRI, nempe civium animos ad se adtrahere, dominium supremum sibi vindicare, foran & summum pontificatum affectare, ut postea fecit frater eius Melchielus g.

V. 5. APOLLONTIS hic COELESYRIAE ET PHOENICIS DUX, seu princeps, inferioris Syriae a rege Seleuco praefectus, idem est cum illo qui post aliquot annos cum Ionatha infelicitur conflixit, I. Mach. x. 69. & seqq. Hic iam ex suggestione impii Simonis suadet regi Seleuco, ut sacros templi thesauros sibi vindicaret. Sed hunc in finem misso Heliodoro.

V. 10. & 11. SUMMUS SACERDOS ONIAS OSTENDIT, thesauros hos non esse templi proprios, sed esse variorum deposita, partim viduarum et pupillorum, qui inde victitare debebant: partim Hyrcani Tobiae filii, virtutibus & dignitate, forsitan & vitæ sanctitate, ut S. Ambrosius & Lyranus volunt, valde eminentis. Videtur Tobias hic esse ille qui Oniz secundus pontificis fororem duxerat, teste Iosepho i, qui dicit filios, id est posteros eius, ad Antiochum Epiphanem profugisse. Unumque illorum, ex filio Tobiae nepotem, Hyrcanum dictum fuisse. ARGENTI TALENTA QUADRINGENTA faciunt ducenta millia aureorum & in specie, si Attica fuerint talenta: duplum vero, si Hebraea. AURI talenta ducenta Attica faciunt duodecies centena millia aureorum: Hebraea duplam summam. Quæ tamen parva censeri debet respectu thesaurorum quos constat aliis temporibus in templo repertos fuisse: nam, ut Salomonica & aliorum regum Iuda tempora omittam, Pompeius cum Ierosolymam obtinisset, bis mille talenta in templi gazophylaciis, seu *corbona* invenit, necquid tamen abstulit: quæ summa decuplo maior est hac præsentis quam Heliodorus auferre conatus est. Porro solere deposita eiusmodi in loco sacro deponi, pro veneratione & sanctitate loci, ut immunitas essent ab omni vi & iniuria, non modo in usu fuit tum apud Iudeos, tum apud Gentiles, tum apud Christianos; sed etiam severissimis legibus perpetuo sanctum, ut Iosephus, Cicero, Svetonius, S. Ambrosius & Ius Canonicum m, testantur. Unde merito subdit hic Onias,

V. 12. DECIPI, id est deposito suo frustrari eos qui fortunas suas templi crediderunt, OMNINO IMPOSSIBILE ESSE, nec ulla ratione vel prætextu permitti posse: obflare loci sanctitatem, obflare fidem datam, obflare leges humanas & divinas. Sed frustra omnia. Ergo publicis precibus, lamentis & supplicationibus recursum ad Deum, etiam a virginibus

V. 19. QUAE ALIAS CONCLUSAE ERANT, & domi parentum latere solebant, ut Gotionides & Lyranus exponunt: vel certe quæ intra templi certa claustra concludebantur, ut alibi n dixi, iam in publicum, quasi ad reslinguendum commune incen-

Bib. Sac. Tom. XXII.

dium, provolant: alie ad Oniam pontificem, solati vel consilii causa; ALIÆ AD MUROS templi, quasi locum tutaturæ, alie ad FENESTRAS eiusdem, precibus saltem & lamentis, cum aliud non possent, seu tyrannum exoraturæ, seu Deum in tutelam evocaturæ. Ex vero adfuit subito & machina Deus, ut fusc auctor enarrat. S. Ambrosius & huius Heliodori exemplo terruit Imp. Theodosium, ne simile depositum viduæ cuiusdam in Ecclesia Tiennensi abripere auderet. Est vero hic idem ille Heliodorus, qui postea regi suo Seleuco necem ex insidiis attulit, & regium sceptrum sibi rapuit; sed mox ab Attalo & Eumene regibus, Antiochi Epiphanis Roma redeuntis tunc studiosi, eiecitus est, ut p alibi dixi. Hæc saltem vice flagellis angelicis serio respuit Heliodorus, a Gentilitia superstitione conversus ad verum Deum. Utinam respiciisset & Simon ille Beniaminus malorum horum omnium causa & origo! Sed huius tragœdiam enarrabant capita frequentia.

(a) Cap. xlii.

(b) Cap. xl.

(c) I. Elixir 1.

(d) Ibid. cap. vi.

(e) II Elixir 11.

(f) Gotion. Lib. III. cap. 1. Ioseph. Lib. II. Antiq. cap. 111. Lib. XVI. cap. x. Lib. II. Belli cap. xxii. & Lib. II. cont. Apionem. Item Gotionides Lib. IV. cap. ult. &c.

(g) II Mach. 14. 21. &c.

(h) Ambrosius 11. Officiorum cap. xxix.

(i) Ioseph. Lib. XII. Antiq. cap. 14. & Lib. I. Capiv. Lib. 1.

(k) Prolegomena de ponderibus.

(l) Ioseph. Lib. XIV. Antiqua. cap. viii.

(m) Ioseph. sup. Cicero Lib. II. de Legibus, & Lib. V. epistola xx. & Lib. V. ad Atticum. Sveton de Iulii testamentis. Ambrosius sup. cap. Gravis. Extra de deposito.

(n) Exodus xxviii. 2. & I. Reg. 11. 22.

(o) Ambrosius sup.

(p) In Chron. cap. xl.

GORDONI.

HÆC de Onia sub Seleuco Syriz Rege septimo, filio Antiochi magni, & fratre Antiochi Epiphanis, ut noto ad annum 3817. & 3828. & 44. cap. xvi. num. 10. de Onia. Initio hic narratur pax Reipublicæ sub Onia, & Seleuco, annis illis notatis, vers. 2. & 3. Simon molitur mala, vers. 4. Heliodorus missus in Iudeos, vers. 7. Castigatur divinitus, vers. 14. & 23. & 27. Sanatur, vers. 33. Redir ad Regem, vers. 35.

R r r

CA-

C A P U T IV.

Onias ob Simonis detractiones ad Seleucum concessit: cuius pontificatum ambiens frater eius Iason, promisit regi plurima talenta, acceptoque pontificatu omnem Dei cultum pervertit; quem pontificatu privari curat Menelaus, plura regi talenta pollicens: cui promissa non praestanti succedit frater ipsius, Lyfimachus: Onias cum Menelaum de sacrilegio argueret, illius suasu ab Andronico perimitur; propter quod iussu Antiochi in eodem loco Andronicus interimitur; Lyfimacho a populo oppresso, Menelaus apud regem accusatus, intercedentibus donis absolvitur, occisis innocentibus eius accusatoribus.

1. imon autem praedictus pecuniarum & patrie delator, male loquebatur de Onia, tanquam ipse Meliodorum instigasset ad haec, & ipse fuisset inventor malorum: 2. providoremque civitatis, ac defensorem gentis suae, & aemulatorem legis Dei, audebat insidiatorem regni dicere. 3. Sed, cum inimiciz intantum procederent, ut etiam per quosdam Simonis necessarios homicidia fierent: 4. considerans Onias periculum contentionis, & Apollonium insanire, utpote ducem Coelestriae & Phoenicis, ad augendam malitiam Simonis, ad regem se contulit, 5. non ut civium accusator, sed communem utilitatem apud semetipsum universae multitudinis considerans. 6. Videbat enim sine regali providentia impossibile esse pacem rebus dari, nec Simonem posse cessare a stultitia sua. 7. Sed post Seleuci vitae excessum, cum suscepisset regnum Antiochus, qui Nobilis appellabatur, ambiebat Iason frater Oniae summum sacerdotium: 8. adito rege, promittens ei argenti talenta trecenta sexaginta, & ex redditibus aliis talenta octoginta, 9. super haec promittebat & alia centum quinquaginta, si potestati eius concederetur gymnasium & ephebia sibi constituere, & eos, qui in Ierosolymis erant, Antiochenos scribere. 10. Quod cum rex annuisset, & obtinisset principum, statim ad gentilem ritum contribules suos transferre coepit: 11. & amotis his, quae humanitatis causa Iudaeis a regibus fuerant constituta, * per Ioannem patrem Eupolemi, qui apud Romanos de amicitia & societate functus est legatione legitima, civium iura destruens, prava instituta sanciebat. 12. Extremum ausus est sub ipsa arce gymnasium constituere, & optimos quoque epheborum in lupanatibus ponere. 13. Erat autem hoc non initium, sed incrementum quoddam, & profectus gentilis & alienigenae conversationis, propter impii & non sacerdotis Iasonis nefarium & inauditum scelus: 14. ita ut sacerdotes iam non circa altaris officia dediti essent, sed contempto templo, & sacrificiis neglectis, festinarent participes fieri palaestrae, & probationis eius iniuste, & in exercitiis disci: 15. & patrios quidem honores nihil habentes, Graecas glorias optimas arbitrabantur: 16. quarum gratia periculosa eos contentio habebat, & eorum instituta aemulabantur, ac per omnia his consimiles esse cupiebant, quos hostes & peremptores habuerant. 17. In leges enim divinas impie agere impune non cedit: sed hoc tempus sequens declarabit. 18. Cum autem quinquennalis agone Tyri celebraretur, & rex praesens esset, 19. * misit Iason facinorosus, ab Ierosolymis ¶ viros peccatores, portantes argenti didrachmas trecentas in sacrificium Herculis: quas postulaverunt hi qui asportaverunt ne in sacrificiis erogarentur, quia non oporteret, sed in alios sumptus eas deputari. 20.

Sed

Sed hæc oblatæ sunt quidem ab eo, qui miserat, in sacrificium Herculis: propter præfentes autem datæ sunt in fabricam navium tritæmum. 21. Misto autem in Aegyptum Apollonio Mnesthei filio, † propter primates Ptolemæi Philometoris regis, cum cognovisset Antiochus alienum se a negotiis regni effectum, propriis utilitatibus consulens, profectus inde venit Ioppen, & inde Ierosolymam; 22. Et magnifice ab Iafone & civitate susceptus, cum sacrularum luminibus & laudibus ingressus est: & inde in Phœnicen exercitum convertit. 23. Et post triennii tempus misit Iason Menelaum, supradicti Simonis fratrem, portantem pecunias regi, & de negotiis necessariis responsa perlaturum. 24. At ille commendatus regi, cum magnificasset faciem potestatis eius, in semetipsum retorfit summum sacerdotium, superponens Iasoni talenta argenti trecenta. 25. Accipisque a rege mandatis, venit, nihil quidem habens dignum sacerdotio; animos vero crudelis tyranni, & feræ beluæ iram gerens. 26. Et Iason quidem, qui proprium fratrem captivaverat, ipse deceptus profugus in Ammanitem expulsus est regionem. 27. Menelaus autem principatum quidem obtinuit: de pecuniis vero regi promissis, nihil agebat, cum exactionem faceret Sosistras, qui arci erat præpositus: 28. (nam ad hunc exactio vectigalium pertinebat) quam ob causam utrique ad regem sunt evocati. 29. Et Menelaus amoris est a sacerdotio, succedente Lyfimacho fratre suo: Sosistras autem prælatus est Cyriis. 30. Et cum hæc agerentur, contigit, Tharsenses & Mallos seditionem movere, * eo quod Antiochidi regis concubinae dono essent dari. 31. Festivante itaque rex venit sedare illos, relicto suscepto uno ex comitibus suis Andronico. 32. Rarus autem Menelaus accepisse se tempus opportunum, aurea quedam vasa e templo furatus donavit Andronico, & alia vendiderat Tyri, & per vicinas civitates. 33. Quod cum certissime cognovisset Onias, arguebat eum, ipse in loco tuto se continens Antiochiæ secus Daphnem. 34. Unde Menelaus accedens ad Andronicum, rogabat ut Oniam interficeret. Qui cum venisset ad Oniam, & davis dextris cum iureiurando (quamvis esset ei suspectus) suavisset de asylo procedere, strum eum peremit, non veritus iustitiam. 35. Ob quam causam non solum Iudæi, * sed aliæ quoque nationes indignabantur, & moleste ferebant de nece tanti viri iniusta. 36. Sed regressum regem de Ciliciæ locis, adierunt Iudæi apud Antiochiam, simul & Greci, conquirentes de iniqua nece Onie. 37. Contristatus itaque animo Antiochus propter Oniam, & flexus ad misericordiam, lacrymas fudit, recordatus defuncti sobrietatem, & modestiam: 38. accensisque animis, Andronicum purpura exutum, per totam civitatem iubet circumduci: & in eodem loco, in quo in Oniam impietatem commiserat, sacrilegum vitam privari, Domino illi condignam retribuentem penam. 39. Multis autem sacrilegiis in templo a Lyfimacho commissis Menelai consilio, & divulgata fama, congregata est multitudo adversum Lyfimachum, multo iam auro exportato. 40. Turbis autem insurgentibus, & animis ira repletis, Lyfimachus armatis fere tribus millibus iniquis manibus uti cepit, duce quodam tyranno, ætate pariter & dementia provecto. 41. Sed, ut intellexerunt conarum Lyfimachi, alii lapides, alii fustes validos arripuerunt: quidam vero cinerem in Lyfimachum iecerunt. 42. Et multi quidem vulnerati, quidam autem & prostrati, omnes vero in fugam convecti sunt: ipsum etiam sacrilegum secus ætarium interfecerunt. 43. De his ergo cepit iudicium adversus Menelaum agitari. 44. Et cum venisset rex Tyrum, ad ipsum negotium denulerunt missi tres viri a senioribus. 45. Et cum superaretur Menelaus, promisit Ptolemæo multas pecunias dare ad suadendum regi. 46. Itaque Ptolemæus in quodam atrio posuim quasi refrigerandi gratia regem adiit, & deduxit a sententia: 47. & Menelaum quidem universæ malitiæ reum criminibus absol-

vit: miseros autem, qui, etiamsi apud Scythas causam dixissent, innocentes indicarentur, hos morte damnavit. 48. Cito ergo iniustam poenam dederunt, qui pro civitate, & populo, & sacris vasis, causam persecuti sunt. 49. Quam ob rem Tyrus quoque indignati, erga sepulturam eorum liberalissimi extiterunt. 50. Menelaus autem, propter eorum, qui in potentia erant, avaritiam, permanebat in potestate, crescens in malitia ad insidias civium.

B R U G E N S I S

ROMANAE CORRECTIONES.

Verf. 11. Per Joannem patrem Eupolemi. Non praeponas his verbis coniunctionem &.

Verf. 19. Misit Iason facinorosus ab Ierosolymis viros peccatores. Nominativus facinorosus non est mutandus in accusativum facinorosos.

Sequitur: Sed in alios sumptus eas deputari. Retinendum est femininum eas, non substituendum masculinum eos: quemadmodum & versu proximo semina non sunt commutanda cum neutris ubi sequitur: *Sed haec ablata sunt quidem Graec. propter praesentes autem data sunt.* Sermo est de drachmis.

Verf. 30. Eo quod Antiochidi regis concubine dono essent dati. Quod vulgo legitur Antiochi secundo casu generis masculini Pa-

tres recte emendarunt Antiochidi, tertio casu generis feminini.

Verf. 35. Sed alienae quoque nationes. Non addas etiam voculae sed.

LECTIONUM VARIETAS.

Verf. 19. V. Iros peccatores. Pro peccatores quidam coniungunt legendum esse spectatores, quidam peccatores, quidam denique sacrorum procuratores. In antiquis Bibliis manuscriptis, uno Brugenſi, altero Audomarenſi diſerte leguntur ſpeculatores. Graeca vox θεωρῆς deducta est a θεωρῆν quae proprie ſpeculari, contemplari, ſpectare ſignificat.

V. 21. Propter primates Ptolomae Philometoris regis. Quaedam insignia manuſcripta pro primates, tertiae declinationis, legunt primatus, quartae declinationis, ut eſt Graec. τὰ πρωτοκλήσια, vel πρωτοκλήσια.

C O M M E N T A R I A

S A.

Verf. 1. INSTIGASSET, id est induxisset.

V. 2. AEMULATOREM, id est incensum zelo. Graec. ζήλον.

V. 4. INSANIRE: tunc cum ad augendam.

V. 7. ANTIOCHUS, scilicet Seleuci frater.

V. 8. REDDITIBUS, &c. forte id volebat quorannis reddere.

V. 9. EPHEBIAM, id est Epheborum palæstram, seu potius lupanar. ANTIOCHENOS, scilicet cives.

V. 11. PER JOANNEM. Incertum, an per hunc illa instituta, seu impetrata a Regibus, an vero eius opera destructa. Qui, scilicet Eupolemus. Vide Lib. I. cap. VIII.

V. 13. PROPECTUS, id est progressus. SACERDOTIS. Graec. summi Sacerdotis, scilicet revera.

V. 14. PRAEBITIONIS, id est exhibitionis, scilicet spectaculi. EXERCITIIS, id est certaminibus.

V. 15. NIHIL, id est pro nihilo.

V. 16. CONTENTIO. Graec. εὐκαμίτια. ET EORUM; pro, nam eorum. HABUERANT. Graec. habuerunt; scilicet postea.

V. 19. DIDRACHMAS. Graec. δραχμας. SACRIFICIIS, scilicet Herculis. OPORTEAT, scilicet necesse esse, seu deceret.

V. 20. PRAESENTES, scilicet Legatos, qui id rogaverant.

V. 21. PRIMATES; pro, primum, id est principatum, scilicet contentio erat cum Antiocho. ALIENUM, scilicet ob absentiam. INDE, scilicet ubi erat: forte ex Antiochia.

V. 24. FACIEM, &c. id est regiam potestatem; quasi dicat, Ei fuisset adulatus. SUPERPONENS, &c. Graec. superans Iasonem talentis, &c.

V. 29. ET MENE LAUS, &c. GRÆC. & quidem Menelaus reliquit summi sacerdotii successorem Lyfimachum fratrem suum, Seistratus autem Cratesen Praefectum Cypris.

V. 40. INQUIS: iunge cum manibus.

E S T I I.

Verf. 7. SED POST SELEUCI VITAE EXCESSUM, CUM SUSCEPISSET REGNUM ANTIOCHUS..... AMBIEBAT IASON FRATER ONIAE SUMMUM SACERDOTIUM, ADITO REGE, PROMITTENS ET ARGENTI TALENTA TRECENTA SEXAGINTA, &c. In hoc capite annotari rursus potest, in quantā, & quam multiplicia mala hominem præcipit ambui. Ea mala sunt homicidia, calumniæ, sacerdotii emptio & venditio, quæ a nobis uno nomine simonia appellatur, ipsa denique impietas & defectus a vero cultu Dei. Primum enim hic legimus Iasonem Oniæ fratrem, promissis regi argenti talenti trecentis sexaginta, & aliis octo & centum quinquaginta emisit a rege pontificatum. Deinde quod Menelaus pensionem Iasonis ad regem adferens, & maiorem summam promittens, velut auctione facta, eundem pontificatum sibi acquisierit: ita, inquit Scriptura hoc eodem cap. verf. 24. & 25. IN SEMETIPSUM RETORSIT SUMMUM SACERDOTIUM, SUPERPONENS IASONI TALENTA ARGENTI TRECENTA; ACCEPTISQUE A REGE MANDATIS, VENIT, NIHIL QUIDEM HABENS DIGNUM SACERDOTIO, ANIMOS VERO CRUDELIS TYRANNI, ET FERAE BELLUAE IRAM GERENS. Sed & cum Iason iste promissis non stare, simili conditione post eum Lyfimachus frater eius ad pontificatum pervenit, & per huiusmodi sacrorum emptiones horrenda mala evenerunt, ut hic narratur.

M A R I A N A E.

Verf. 4. AD AUGENDAM MALITIAM SIMONIS. GRÆCÆ, *augentem malitiam Simonis*, scilicet Apollonium vidit Onias.

V. 7. POST SELEUCI VITAE EXCESSUM. Antiochus Seleuco fratri suo succedit in regno, Iason in Pontificatu Oniæ fratri suo, novi Regis opera. Hic a Rege impetravit, ut

V. 9. GYMNASIUM ET EPHEBIAM daretur constituit. *Gymnasium*, ubi iuvenes certabant more Græcorum, disco, arcu, saltu, cursu, lœta, ut Lib. I. Epigr. dicitur cap. vii. *Ephebia*, lupanar, ubi pueri prostituebantur. In Athenis Lib. XI. *pueri prostituti* vocantur *Ephebi*. Sic verf. 12. ubi Græcæ est, *Optimos epheborum sub peraso constituens*. Hieronymus dixit, *In lupanari ponere*. *Petasus* aut galerus erat, quem ii pueri gestabant, aut velum quo fornix tegebatur. Qui in IEROSOLYMIS ERANT, ANTIOCHENOS SCRIBERE, id est ut vocarentur *Antiocheni*, scilicet ab Antiocho, quasi eius servi. Novum adulationis genus.

V. 14. SACERDOTES: templo contempto in gymnasio certabant, ut participes essent. PRAEBITIONIS EIUS INTUSTAE, scilicet præmiorum, quæ in iis certaminibus dabantur, coronæ, vestes, aurum; quæ præmia verf. proximo, *Græcas glorios* vocat.

V. 19. DIDRACHMAS TRECENTAS misit, scilicet Iason. Græcæ, *drachmas*. IN SACRIFICIUM HERCULIS. Græca certamina Herculi erant sacra. Eius statuae in gymnasiis ponebantur, illi sacrificabant.

V. 20. PROPTER PRÆSENTES. Græcæ, *propter portantes data sunt ille drachma in fabricam tritemium*, ne scilicet videretur Rex sibi eas usurpare. Vile pretium, fortassis pro *drachmis*, minæ, aut numeri sunt vitiiati. Misit Antiochus Apollonium in Aegyptum,

V. 21. PROPTER PRIMATES PTOLEMAEI. Cleopatra huius Ptolemæi Philometoris mater erat, Antiochi soror. Sic res Aegypti procurabat, Proceres repugnabant. ALIENUM SE A NEGOTIIS REGNI: videns scilicet ei proceres procuracionem detrachere.

V. 22. MENELAUM. Simonis fratrem, quem *Simonem* cap. iii. verf. 4. dixit esse e tribu Benjamin. Non ergo *Menelæus* erat e genere sacerdotum.

V. 26. QUI PROPRIUM FRATREM CAPTIVAVÉRAT, *ἡνελδὶσας*, id est se illegitime & nothus suppoluerat fratri. Eodem verbo utitur verf. 7. cum agit de Pontificatu dato Iasoni: quo insinuat, Iasonem & Menelaum non fuisse veros Pontifices.

V. 29. MENELAUS AMOTUS EST A SACER-

CE-

CERDOTIO. Illi quasi vicarius suffectus est Lyfimachus eius frater. Nulla de eo inter Pontifices Iudaeorum mentio.

V. 33. SECUS DAPHNEM. Graece, in *Daphne* se tenebat Onias. *Daphne* suburbium erat Antiochiae, irriguum aquis, in medio asylum & templum Apollini & Dianae sacrum: ibi se tenebat Onias metu Menelai.

V. 34. MENELAUS ACCEDENS AD ANDRONICUM. Oniae morte & fuga eius filii in Aegyptum, ut refert Iosephus Lib. XIII. cap. vi. & Lib. XX. cap. viii. Marthias Pontifex fuit: quippe ex Eleazari Aaronis filii posteris, & ex prima sorte sacerdotum. Menelaus & Alcimus, qui Pontificatum emerant, & ex alio genere erant, illegitimi Pontifices fuisse. Simul puto in ea temporum labe Marthiam Pontificalia exercere non potuisse. Oniam occidit Andronicus. Hunc Rex.

V. 38. ANDRONICUM PURPURA EXUTUM. Graece additur, *et vestes scindens*, aut suas Antiochus, ut in locu; aut Andronici, ut pangsos per urbem circumferretur.

V. 40. DUCE QUODAM TYRANNO. Graece, *dnce quodam Aurano*. Lyfimachus tumultum excitat.

MENOCH II.

Vers. 2. **P**ROVISOREM. In Graeco est, *inysirw, benefactorem*. AEMULATOREM, id est zelo legis incesum; Graece *ἐκέρως*. INSIDIATOREM REGNI: *ἐπίβουλος τῷ πραγμάτῳ insidiatorem rerum*, scilicet, regiarum.

V. 3. PER QUOSDAM SIMONIS NECESSARIOS. Innuittur absentia Simonis, qui per suos caedes pararet, eum autem ad Apollonium confugisse declarat sequentia.

V. 4. INSANIRE. Iunge cum, *ad augendam*; sententia est, Oniam periculum animadvertisse, quod illi ab Apollonio viro potente, & gubernatore Coelestriae & a Simone imminerebat, nam pessime uterque animatus erat in Oniam, & intelligebat Apollonium Simonis malitiam fovere, & augere; ex quo magnum aliquod malum tandem erumpere erat necesse. AD REGEM: Seleucum Philopatorem.

V. 7. ANTIOCHUS: Seleuci frater. No-

BILIS: hoc enim significat vox Graeca *ἐπίβουλος, epiphancs*.

V. 9. GYMNASIUM, ET EPHEBIA: impuam scortorum maleolorum officinum, ex qua luctum ipsi proveiret. ANTIOCHENOS SCRIBERE: ut scilicet privilegiis fruerentur, quibus gaudebant cives Antiocheni; ut interpretatur Sallian. Vel, (quae est Seratii interpretatio) ut Ierololymitani Antiocheni dicerentur, partim in Antiochi honorem, partim in Graecorum rituum commendationem.

V. 10. CONTRIBULOS SUOS: gentiles suos Iudaeos.

V. 21. AMOTIS HIS, QUAE HUMANITATIS CAUSA, &c. significat Iasonem amovisse, penitusque irrita fecisse Iudaeorum privilegia, & omnia quae mitiora, & humaniora ipsis a Syriis superioribus regibus constituta fuerant, quaeque per insignem virum Iasonem Eupolemi patrem fuerant impetrata.

V. 12. GYMNASIUM: vide dicta num. 9. INCREMENTUM QUODDAM. In Graeco est *ἀύξωσις*, vigor quidam, & summum Gentilistria. ET NON SACERDOTIS: pseudopontificis, falsi sacerdotis, & Pontificis Iasonis.

V. 14. PARTICIPES FIERI PALAESTRAE, &c. sensus est, proposito praemio ab agonotheta, profanos sacerdotes tum palatristis, & athletis publice cum contumelia dignitatis suae decernisse, & eorum instituta amulatos fuisse. PRAEBITIONIS INIUSTAE: *παράδωκε χάριτας, praebeatibus scelestis*: intelligit munera, & praemia ab agonothetis: proposita, quorum sine scelere fieri participes sacerdotes illi non poterant. EXERCITIIS DISCI, id est certaminibus sciendi disci.

V. 15. PATRIOS HONORES: patrias leges, & instituta Iudaica, in quibus illos gloriari oportuisset. NIHIL, id est pro nihilo. GRAECAS GLORIAS: Graecorum mores gentilistis affectabant, & in illis gloriabantur.

V. 16. QUARUM GRATIA PERICULOSA: EOS CONTENTIO HABEBAT. In Graeco est, *ἐν χάριτι περιεσχὼν αὐτοὺς χάριτις περιεσχόντος*; id est, *Quarum gratia occupavit eos gravem infortunisatem*, ut vertit Flaminus. HABUERANT. In Graeco est, *habuerunt*.

V. 17. IMPUNE NON CEDIT: non ab impune peccatum contra legem divinam.

V. 18. QUIQUENNALIS AGON : festum, & certamina in honorem Herculis, fortasse ad imitationem ludorum Olympicorum.

V. 19. PECCATORES . In Græco est *δραπῆς*, id est *spectatores*; illi autem dicebantur *δραμοὶ* a Græcis, qui ad festa, oracula, rerumque divinarum curationem mittebantur. Vide Sigon. de Rep. Athen. Lib. IV. cap. VII. DIDRACHMAS . In Græco est, *Drachmas*; didrachma est numisma æquivalens duabus drachmis. Trecentæ argenti didrachmæ non plus efficiunt quam sexaginta scuta huius monete Romanæ. Mirum videtur tam exiguam pecuniam missam fuisse, aut postulatam in fabricam triremium. Rem non satis allequor. Nisi forte dicimus *τὸ ἀργέντι*, positum esse pro, *pecunia*, & didrachmas fuisse aureas, ut sensus sit, tulisse pecuniæ didrachmas aureas trecentas. Sic Galli quodcumque pecuniæ genus, etiam aureum, vocant *ἀργέντι*. QUIA NON OPORTERET : quia non esset necessaria pecunia ad sacrificia, & uti-tilius poni videretur in construendis triremibus.

V. 20. SED HÆC OBLATAE SUNT QUIDEM AB EO, &c. quasi dicat : Licet revera impensa non sit pecunia in sacrificia, per Iasonem facilem non stetit, qui eo consilio eam Tyrum misit.

V. 21. PROPTER PRIMATES, &c. ut cum regni primatibus, & optimatibus ageret, ut Antiocho Ptolemæi Philometoris tutela crederetur. ALIENUM A REGNI NEGOTIIS EFFECTUM : postulationem enim Antiochi reiecerunt, non ignari illum ad Ægypti regnum anhelare. PROPECTUS INDE ; scilicet, Tyro. IN PHOENICEN EXERCITUM CONVERTIT : ut scilicet instructa ibi classe suo tempore Ægyptum invaderet.

V. 23. RESPONSA : Regis.

V. 24. COMMENDATUS REGI : a Iasone scilicet vel ab amicis. CUM MAGNIFICASSET FACIEM POTESTATIS EIUS, id est cum ei esset adularius. SUPERPONENS IASONI, &c. Superans Iasonem talentis, &c. ut est in Græco.

V. 26. PROPRIUM FRATREM : scilicet Oniam. CAPTIVAVÉRAT. In Græco est, *ἐνέειλοντο*, id est *circumvenerat*, & per fraudem, & simoniam Pontificatu deiecerat. DECEPTUS. Recurrit eadem vox *ἐνέειλοντο* id est *circumvenerat*. IN AMMANI-

TEM REGIONEM : in Ammonitarum regionem.

V. 27. CUM EXACTIONEM FACERET SOSTRATUS, &c. id est, Sostrato questori regio, arci, & vespigalibus præfecto, non satisfaciebat. UTRIQUE : tam Menelaus, quam Sostratus.

V. 30. THARSENSES, ET MALLOTAS : utrique sunt in Cilicia. Mallus in sinu Iffico, iuxta Pyramum fluvium, Tharsenses autem iuxta Cydnum, non magno a littore intervallo. QUOD ANTHIOCHI, &c. hi se conemptos putarunt quod scorto donati essent, ideoque moverunt seditionem.

V. 31. SUFFECTO : vicario, & rerum administratore interim dum ipse abesset. EX COMITIBUS. Græce, *ἐκπαιδῆς*.

V. 33. SE CONTINENS ANTIOCHIAE, &c. quo credibile est cum venisse, ut Pontificatus suo restitueretur. SECUS DAPHNEM : quod erat asylum suburbanum.

V. 34. DATIS DEXTRIS : fide dam quod illi non noceat.

V. 36. IUDÆI APUD ANTIOCHIAM : Iudæi, qui Antiochie versabantur. SEMUL ET GRÆCI : qui & ipsi dolebant violentum rus asyli sui.

V. 37. SOBRIETATEM : *εὐπορίαν*, moderationem, temperantiam, prudentiam.

V. 38. ACCENSIS ANIMIS : ira, & indignatione.

V. 39. MENELAI CONSILIO . In Græco est *γνώμη*, id est voluntate, consilio, decreto, consensu, iussione. Ital. dicemus, *secondo il volere di Menelao*. AURO . In Græco est *χρυσόπαιδον*, id est *vassus aureis*. INIQUIS MANIBUS UTI COEPIT. Est Græca phrasia. Græci enim illos dicunt, *ἐπὶ τοῖς δαυ χερσὶν ἀλλοτρίων*, qui iniurias primi inferunt.

V. 44. CUM VENISSET REX TYRUM : nimirum ex Antiochia, ubi Andronicum debito supplicio affecerat. A SENIORIBUS, populi Iudæici. CUM SUPERARETUR MENELAUS : cum succumberet in iudicio. PTOLEMEI : filio Dorymeni, cuius mentio Lib. I. cap. III. 38.

V. 45. QUASI REFRIGERANDI GRATIA : *ὡς αἰσχρογύνη*, refrigerandi, reficiendi se causa, præsertim a calore.

V. 48. ERGA SPULTURAM EORUM LIBERALISSIME EXISTITERUNT : quod in eorum laudem, & iudicis condemnationem cedebat.

TIRINI.

Verf. 1. SIMON impius proditor accusat sanctum pontificem Oniam, TAMQUAM IPSE HELTODORUM INSTIGASSET, & malis artibus impulsisset AD MAEC flagella subeunda. Quin & affectati regni aulus est insimulare.

V. 2. PROVISOIREM, seu procuratorem, boni communis fidelissimum, tum CIVITATIS Ierosolymitanæ, tum reip. univerſæ Iudaicæ.

V. 4. Sed ONIAS AD REGEM Seleucum excurrit ipsemet, & deterſis calumniis, regia auctoritate petulantiam Simonis facile compellit. Mortuo tamen Seleuco, en aliud longe gravius domesticum malum?

V. 7. FRATER ONIAE IASON, ab Antiocho Epiphane Seleuci fratre & successore summum pontificatum maximo pretio coemit, & extruso fratre sibi vindicat. Mox ad religionem Ethnicam & ritus Gentilios se totum transfert, & una secum trahere conatur universum populum Iudaicum. In quem finem maxima vi pecuniae impetrat a rege.

V. 9. Potestatem constituendi Ierosolymis GYMNASIUM ET EPHEBIAM, de quibus Lib. I. cap. t. 15. Emit & Ierosolymitanis ius civium Antiochenorum, cui (quod ibi sedes esset regia) magna erant annexa privilegia: uti & iuri civium Romanorum & Alexandrinorum, ut omnibus est notissimum.

V. 11. AMOTIS ergo & abolitis piis omnibus institutis, sacris ritibus, & honestis exercitiis, QUAE A PRISCIS REGIBUS HUMANITATIS & benevolentiae CAUSA IUDAEIS olim indulta & praestituta fuerant, cepit contra patriae iura surrogare PRAVA Gentilium INSTITUTA, usus ad id opere Joannis divitis ac praepotentis viri, patris EUPOLEMI, qui postea foedens cum Romanis faciendis gratia a Iuda Machabæo Romam missus est, I. Mach. viii. 17. Nec hic res stetit.

V. 14. SACERDOTES etiam CONTEMPTO TEMPLO, festabant ad theatra, ut PARTICIPES essent profanae PALAESTRAE, seu exhibendæ, seu spectandæ: participes item essent PRAEBITIONIS EIUS. INTUSTAE, id est praemiorum quæ in ludis istis & luctis

præberi & erogari solent victoribus, vestes, coronæ, auri & hisq. similia. Quæ quia non virtutis, sed impudentiæ & scurrilitatis, ut plurimum præmia erant, idcirco *præbitionem* illorum *iniustam* vocat. Pro EXERCITIIS DISCT, de quibus Lib. I. cap. t. 15. in Græco est, *post disci provocationem*; id est, post invitationem ad exercitia quæ fiebant præmiis disco impolit, & in disco per medium stadium circumferri solitis, ad plures agonistas provocandos in certamen, inquit Petrus Faber.

V. 15. Porro præmia hæc agonistica GRAECAS GLORIAS vocat, quia Græci, id est Gentiles, his vanitatibus maxime gloriabantur, ut ex Isthmicis, Pythiis & Olympicis patet, de quibus egi in Chronico 8, ubi & de aliis agonum generibus. Sed an impune hæc omnia? Minime gentium. Nam *verf. 16.* quorum INSTITUTA tam anxie AEMULABANTUR, eos postea HOSTES ET PEREMPTORES habuerunt, ut est in Græco.

V. 18. CUM QUINQUENNALIS AGON & Iudi in urbe TYRI celebrarentur in honorem HERCULIS, MISIT eo pseudopontifex IASON *verf. 19.* TRECENTAS ARGENTIDRACHMAS, id est trecentos florenos Belgicos, pro victimis aliquot coemendis, & Herculi offerendis in sacrificium. Sed religiosiores legati, etsi PECCATORES; Græce *θυσιαί*, id est *precatores*, vel sacrorum procuratores, vel (ut Henricus Stephanus vult) oraculorum fescitatores; rogarunt regem, ne sacræ pecuniae, vel a persona sacra submissæ, in profani idoli sacrificium impenderentur. Et iustæ petitioni annuit rex, iussitque.

V. 20. Impendi IN FABRICAM TIRMUM: quibus uteretur in priore sua AEGYPTIACA expeditione, quam adornabat specie tenuis.

V. 21. PROPTER PRIMATES AEGYPTIOS, qui a Ptolemæo Philometore defecerant ad fratrem eius natu minorem Evergetem. Simulabat enim Antiochus avunculus istorum duorum fratrum, se velle lites eorum componere, ac proinde poscebat tutelam puerorum sibi committi. Sed revera inhiabat ipsemet sceptro AEGYPTIO, ut prædixerat de eo Gabriel Dan. xi. 22. & seqq. CUM vero *recessisset* ANTIOCHUS, ALIENUM SE A NEGOTIIS REGNI AEGYPTIACI

ptiaci EFFECTUM, & primates Aegyptios tutelam puerorum regum nolle sibi deferre d, PROPRIIS CONSULTURUS UTILITATIBUS in Syriam recurrit, ubi

V. 22. IEROSOLYMIS MAGNIFICE A pseudopontifice IASONE, & eridus SUSCEPTUS est, nihilque tum nocuit civitati vel Iudææ.

V. 23. & 24. POST TRIENNII TEMPUS, IASON a Menelao SIMONIS proditoris fratre, quem pro se ad regem Antiochum cum muneribus & mandatis legatum mittebat, eodem quo fratrem ipse suum Oniam e scelere nuper captivatus, circumscripterat & deceperat, iam ipse quoque circumscriptus & deceptus est: nam Menelaus CUM MAGNIFICASSET FACIEM POTESTATUS Antiochi, id est regiam eius maiestatem ac potentiam tam magnam esse ostendisset, ut quidvis, etiam in omnia sacra, pro libito posset; hac adulatione extorsit ut summus Iudæorum pontifex a Iasone in se, qui ne quidem de tribu Levi, sed solum de Beniamina erat, inaudito hactenus facinore transferretur.

V. 29. Sed cum pecunia regi submittenda fidem datam falleret MENELAUS, cito a pontificatu suo AMOTUS EST, LYSIMACHO fratre eius aequo impio ac sacrilego, forsitan & pari fraude, saltem pari simonia, ipsi suffecto. Interea

V. 30. *Farsus* & *Mallus* duæ insignes Ciliciæ urbes, de quibus Strabo f, indignæ, quod in regis pellicis, quæ se Antiochidem vocabat, sumptum donatæ essent, tumultuari & rebellare coeperunt. Erat hoc sordidum donationis genus apud Orientis reges usitatissimum, testibus Platone, Cicero, Plutarcho & Athenæo g.

V. 31. REX tumultum ut sedaret, in Ciliciam excurrit, RELICTO Antiochiæ prorege ANDRONICO.

V. 32. Huius *Andronici* animum sic sacrilegis muneribus divincti MENELAUS. Sed impia sacrilegiæ zelo magno

V. 33. ARGUABAT sanctus pontifex ONIAS, e sede quidem sua pontificia deturbatus h, pontificis tamen munere fungens, asylo totus ad quod profugerat, nempe ANTIOCHIAE, seu in Antiocheno districtu, secus templum *Daphnes*. Græce clarius, in *Daphne*, quæ iuxta Antiochiam est, 40. tantum stadiis ab ea distans, te-

Bib. Sac. Tom. XXII.

ste Strabone, unde & *suburbium* eius a Dione i vocatur: a Plinio & aliis *Antiochia epidaphnes*. Locus erat amoenus & augustus, Dianæ & Apollinis luo ac sano celebris, planeque inviolabilis. Eius mentionem facit Codex Iulianæus k, & S. Babylæ historia.

V. 34. Ex hoc ASYLO nequitia Menelai & Andronici eductus pontifex Onias proditorie occiditur.

V. 37. Quo audito rex ANTIOCHUS, innocentis viri necem lacrymis; Andronici vero impietatem condigno supplicio prosequitur.

V. 39. *Lysimachus* Menelai frater iam pseudopontifex, cum inauditis facinoribus & sacrilegiis se invisum suis omnibus redderet, insurgente in eum populo, cum tueri se tribus armatorum milibus DUCE TYRANNO, Græce, *Aurano*, QUODAM, frustra conaretur, iuxta AERARIUM templi, seu gazophylacium occiditur.

V. 43. *Menelaus* quoque eius frater in IUDICIUM vocatur a senioribus, & apud regem sacrilegiis ac perturbatæ publicæ quietis reculari.

V. 45. Sed is CUM SUPERARETUR multitudinis & evidentia criminum, neque causam suam pessimam defendere posset, corrumpit multa pecunia *Ptolemæum* Dorymenis filium, uti Græce hie & alibi vocatur. Atque huius interventu a rege absolvitur.

V. 47. *Miseri* vero accusatores illius, pro præmio quod merebantur, *innocentissimi* MORTE iniustissima afficiuntur, contra ius gentium, & mortem etiam *Scytharum*, ac maxime barbararum nationum.

V. 49. QUAMOBREM TYRIT quoque, apud quos hæc gerebantur, indignique, & immane scelus detestati, legatos illos qui in bona causa innocentes occubuerant, honorifica sepultura profeuti sunt; & Menelai nequitiam detestati. Qui

V. 50. AVARITIAM exaians primatum Antiochi regis, *permanfit* aliquot annis in pontificia dignitate, nempe post mortem *Lysimachi* restitutus est loco suo. Numquam tamen legitimus pontifex fuit, cum non esset de tribu Levi, sed Beniamina n. Ergo a morte Oniæ, quæ contigit anno Græcorum 141. usque ad Mathatiam, qui exsurrexit anno 145. pontificatus in manu spuria fuit per quadriennium. Licet

Sff enim

enim iure devolvi debuisset a morte Onizæ tertii ad filium eius Oniam; de facto tamen numquam ei obtigit, utpote iam profugo in Aegyptum: sed neque Iasoni fratri Onizæ ius ullum erat, iam ad ritus Gentilitios delapso p, & in Ammonitide g exulanti.

(a) Faber. Lib. I. Agonisticæ cap. xxix.

(b) Chron. cap. xxxi.

(c) Hent. Steph. in Theodosio, in dict. ἀρχιεπισ-

pos.

(d) Chionici cap. xxix. in Philomet.

(e) Hic vers. 7.

(f) Strabo Lib. XIV.

(g) Plato in Alcibiade. Cicero Verrina v. Flus in Themistocle. Athenæus Lib. I.

(h) Sup. vers. 7.

(i) Dio. Lib. LI.

(k) Cod. de capressis ex Iaco Daphnenf. Lib. XI.

(l) I. Mach. xxi. 18.

(m) Sup. vers. 44.

(n) Sup. vers. 23 & cap. xxi. 4.

(o) I. Mach. xi. 1. & in Chron. cap. xxxix. in Philometore.

(p) Hic vers. 7. & seqq.

(q) Vers. 26.

GORDONI.

Simon calumniator in Oniam, vers. 1. Onias Regem adit Seleucum, de quo supra, dicturus de bono communi, vers. 7. Mortuo Seleuco, frater Antiochus illustis regnat. Iason frater Onizæ adit novum Regem contra patriam, vers. 9. Gentilium impietatem inducit, vers. 11. 12. & 13. Curat sacrificia Herculis, vers. 20. Menelaus Simonis frater missus a Iasone, omnia ad se transfert, vers. 24. Sed pulsus brevi, celsit Lyfimacho, vers. 29. Novæ tragediæ, vers. 33. Mors Onizæ, 34. Lyfimachus armatur, vers. 40. Menelaus iterum crescit potentia, vers. 45. & 46. Ceterum, quid sit vers. 19. didrachma, alibi dictum est. Item quæ sint hæc gymnasia, dixi Lib. I. cap. 1. ubi etiam totum hoc caput salis explicatum est, præsertim a vers. 11.



CAPUT V.

Armatis exercitus, ipsorumque congressiones Ierosolymis in aere quadraginta diebus conspiciuntur: Iason Ierusalem invadens, & cives crudeliter trucidans, apud externos misere moritur: Antiochus, innumeris in Ierusalem trucidatis, vinculis ac venenatis, templum spoliatur; & discedens, relinquit crudeles prepositos qui populum affligant: rursusque misso duce Apollonia plurimos interficit: Iudas vero Machabeus cum suis in desertum locum secessit.



1. Odem tempore Antiochus secundam processionem paravit in Aegyptum. 2. Contigit autem per universam Ierosolymorum civitatem videri diebus quadraginta per acta equites discurrentes, auratas stolas habentes, & hastis, quasi cohortes, armatos, 3. & cursus equorum per ordines digestos, & congressiones fieri cominus, & scutorum motus, & galeatorum multitudinem gladiis districtis, & telorum iactus, & armorum splendorem, omnisque generis loricatorum. 4. Quapropter omnes rogabant in bonum monstra converti. 5. Sed cum falsus rumor exisset, tamquam vita excessisset Antiochus: assumptis Iason non minus mille viris, repente aggressus est civitatem: & civibus ad mutuum convolantibus, ad ultimum apprehensa civitate, Menelaus fugit in arcem: 6. Iason vero non parcebat in cæde civibus suis, nec cogitabat prosperitatem adversum cognatos malum esse maximum, arbitrans hostium & non civium se trophæa caputurum. 7. Et principatum quidem non obtinuit, finem vero insidiarum suarum confusionem accepit, & profugus iterum abiit in Ammaniten. 8. Ad ultimum, in exitium sui conclusus ab Areta Arabum tyranno, fugiens de civitate in civitatem, omnibus odiosus, ut fuga

fuga legum & execrabilis, ut patriæ & civium hostis, in Aegyptum extrusus est: 9. & qui multos de patria sua expulerat, peregre periit, Lacedæmonas profectus, quasi pro cognatione ibi refugium habiturus: 10. & qui insepultos multos abiecerat, ipse & illamentatus, & insepultus abiicitur, sepultura neque peregrina usus, neque patrio sepulcro participans. 11. His itaque gestis, suspicatus est rex societatem deserturos Iudeos: & ob hoc profectus ex Aegypto effertis animis, civitatem quidem armis cepit. 12. Iussit autem militibus interficere, nec parere occurrantibus, & per domos ascendentes trucidare. 13. Fiebant ergo caedes iuvenum ac seniorum, & mulierum & natorum exterminia, virginumque & parvulorum neces. 14. Erant autem toto triduo octoginta millia interfecti, quadraginta millia vincti, non minus autem venundati. 15. Sed nec ista sufficiunt: ausus est etiam intrare templum universa terra sanctius, Menelao ducere, qui legum & patriæ fuit proditor: 16. & sacris manibus sumens sancta vasa: quæ ab aliis regibus & civitatibus erant posita ad ornatum loci, & gloriam, convectabat indigne, & contaminabat. 17. Ita alienatus mente Antiochus, non considerabat, quod propter peccata habitantium civitatem, modicum Deus fuerat iratus: propter quod & accidit circa locum despectio: 18. alioquin nisi contigisset eos multis peccatis esse involutos, (a) sicut Heliodorus, qui missus est a Seleuco rege ad expoliandum ararium, etiam hic statim adveniens flagellatus, & repulsus unique fuisset ab audacia. 19. Vetum non propter locum, gentem; sed propter gentem, locum Deus elegit. 20. Ideoque & ipse locus particeps factus est populi malorum: postea autem fiet focus bonorum, & qui derelictus in ira Dei omnipotentis est, iterum in magni Domini reconciliatione cum summa gloria exaltabitur. 21. Igitur Antiochus mille & octingentis ablatis de templo talentis, velociter Antiochiam regressus est, existimans se præ superbia terram ad navigandum, pelagus vero ad iter agendum deducturum propter mentis elationem. 22. Reliquit autem & præpositos ad affigendam gentem: Ierosolymis quidem Philippum genere Phrygem, moribus crudeliorem eo ipso, a quo constitutus est: 23. in Garizim autem Andronicum & Menelaum, qui gravius quam ceteri imminebant civibus: 24. Cumque appositus esset contra Iudeos, misit odiosum principem Apollonium cum exercitu viginti & duobus milibus, præcipiens ei omnes perfectæ ætatis interficere, mulieres ac iuvenes vendere. 25. Qui cum venisset Ierosolymam, pacem simulans, quievit usque ad diem sanctum sabbati: & tunc feriatis Iudeis, arma capere suis præcepit. 26. Omnesque qui ad spectaculum processerant, trucidavit: & civitatem cum armatis discurrrens, ingentem multitudinem peremit. 27. Iudas autem Machabeus, qui decimus fuerat, secesserat in desertum locum, ibique inter fræs vitam in montibus cum suis agebat: & fœni cibo vescentes, demorabantur, ne participes essent coinquinationis.

(a) Sup. 112. 25. 27.

BRUGENSIS

ROMANA CORRECTIO.

Verf. 2. Et hastis quas cohortes armator. Multi pro ablativo hastis accusativum hastas,

& pro masculino armatos femininum armatas; sed male; retinenda est enim Patrum correctio.

COMMENTARIA

S A.

Verf. 4. **M**ONSTRA, id est ostenta, seu prodigia.

V. 8. EXITUM, scilicet nisi evasisset.

V. 11. EFFERATIS ANIMIS. Græc. *effertus animo*.

V. 15. ISTA] SUFFICIUNT. Græc. *istis contentus*.

V. 17. DESPECTIO, id est ille contemptus.

V. 19. ELEGIT; scilicet atque adeo propter gentis peccata permittit locum trahari indignis modis, id quod statim additur.

V. 23. GARIZIM, scilicet monte Samarie.

V. 24. APPOSITUS, id est hostili animo.

V. 26. SPECTACULUM, scilicet exercitus visendi causa.

V. 27. DECIMUS, scilicet Pontifex a tempore Alexandri Magni legitimus. Quidam tamen dicunt *Decimum* nomen esse officii, seu magistratus, ut *Decurio* & *Decanus*. FUERAT; pro, fuit.

E S T I I.

Verf. 19. **V**ERUM NON PROPTER LOCUM, GENTEM, SED PROPTER GENTEM LOCUM DEUS ELEGIT. Reprimit hæc sententia eorum superstitionem imaginationem, qui arbitrantur, Deum ita certo alicui templo, aut cuicumque alteri loco addictum & affectum esse, ut non obstantibus peccatis incolarum, eum locum nihilominus tutari velit, & conservare; idque, velut propter stræctorum maiestatem & magnificentiam, vel aliam quamcumque loci qualitatem. Satis profecto ostendit Deus his nostris temporibus, quod non propter locum, quantumcumque magnificentum & habitum sacrum, gentem elegerit, sed propter peccata gentis locum, immo tam multa loca sacra reiecerit, & profanationi permiserit, partim infidelium Turcarum, partim hæreticorum.

Neque tamen hæc sententia negatur, quin Deus aliquando parcat genti pecca-

trici propter merita Sanctorum, qui locum illum incoluerunt, & sancta conversatione illustrarunt, vel etiam tantum suis sanctis reliquiis ornant; sicut Iudæis sæpe pepercit Deus propter Abraham, Isaac, & Jacob, & propter David servum suum; & Sodomitis pepercisset propter decem solos iustos, si in eo loco fuissent inventi; sed aliud est eligere gentem propter locum, id est propter nudam aliquam loci qualitatem, qua Deus incorporeus non delectatur; aliud propitium esse populo peccanti, & vindictam debitam remittere propter merita Sanctorum, qui Deo placuerunt. Item Deus parcat peccatoribus poenitentibus, si confugiant ad locum divini cultui deputatum, & ibi Deum orent (quod Salomon in dedicatione templi a Deo petiit) sed nec hoc est gentem propter locum eligere; sed tantum genti poenitenti indulgere propter preces; quibus scilicet locus ille deputatus est, quod tamen non faciet, si populus permaneat in peccatis, quantumcumque cum iis de quibus Ieremias VII. dicant, & clament; *Templum Domini, templum Domini, templum Domini est.*

M A R I A N A E.

Verf. 1. **A**NTIOCHUS SECUNDAM PROFECTIONEM PARAVIT, seu fecit, IN AEGYPTUM. Bis eo ivisse Antiochum Livius ait Libris XLIV. & XLV. prius, ut Ptolemæo Philometori faceret contra eius fratrem; deinde contra utrumque fratrem. Causæ belli & odii inter finitimos nunquam desunt. Ambitio ipsa rixarum fons est. Visæ acies per aerem,

V. 4. ROGABANT IN BONUM MONSTRA CONVERTI. seu ostenta.

V. 8. AD ULTIMUM, IN EXITIUM SUI, &c. Græc. *demum malam reversionem adeptus, conclusus ab Areta, scilicet Iason*.

V. 9. QUI MULTOS DE PATRIA SUA EXPULERAT. Græc. *qui quasi pulverem de patria sua expulerat*. Sic in Regis: sed pro *veni xnis*, lege *i eynis*, qui frequenter multos expulerat. Sic est in Græcis Romanis.

V. 12. HIS ITAQUE GESTIS. Græce, cum innotuissent autem Regi, ex iis quæ facta erant, id est tumultus eos novisset, putavit. SOCIETATEM DESERTUROS IUDÆOS, seu rebellaturos.

V. 14. NON MINUS AUTEM VENUNDATI. Græce, non minus autem occisis venundati. Occisi fuerant octoginta millia.

V. 23. IN GARIZIM AUTEM ANDRONICUM constituit Antiochus. Erat ibi templum altetur a Samaritis constitutum, ex quo se ab aliis Iudæis diverserunt. De quo Iosephus meminit Lib. XI. cap. ultimo.

V. 26. OMNESQUE QUI AD SPECTACULUM PROCESSERUNT, occidit Apollonius. *ἦν τῶν θεσπιῶν, ad spectandum*, id est ad festi celebritatem. Hac laniena prior illa fuit, quæ Lib. I. cap. II. ponitur.

V. 27. IUDAS. Hic liber res a Iuda Machabæo gestas continet latius quam in primo libro explicatas. DECIMUS FUERAT. Sic Græce. Quo significatur, decimum inter Pontifices fuisse Iudam. Quod verum est, sumpto principio ab Imperio Græcorum, & a Iaddo, qui fuit tempore Alexandri Magni Pontifex, expunctis Iasone, Menelao, Lyfimacho & Alcimo, quia contra legem; & annumerato Mattheia, invenitur Iudam decimum Pontificem fuisse præcise. Aut si magis placeat *Decimus pro Decurio*, *Decurio* pro Duce sumatur. FOENI CIBO VESCENTES, id est verbis vescebantur, ob annonæ angustiam, Iudas & socii profugi in montes.

M E N O C H I I.

Vers. 4. **M**ONSTRA, id est ostenta, seu prodigia.

V. 5. AGGRESSUS EST CIVITATEM: ut scilicet pontificatum reciperet, & eos qui sibi fuerant adversarii, e medio tolleret.

V. 7. IN AMMANITEN: in Ammonitarum regionem.

V. 8. EXITIUM SUI: nisi evasisset: significat sacer textus Iasonem ab Ammonitis abisse ad Arabas, ibique suspectum alicuius molitionis, aut criminis in vincula coniectum fuisse, inde evasisse, & profugum multis mutatis locis in Aegyptum venisse. REFUGA LEGUM: τῶν νόμων ἀνέσταν. Apostata a legibus Iudaicis.

V. 11. SOCIETATEM DESERTUROS: ἑνὸς

συνῆς, ab ipso defecturos. EFFERATIS ANIMIS: efferato animo.

V. 17. ITA ALIENATUS MENTE ANTIOCHUS. In Græco est, καὶ ἠσυχνίσθη τὸ δὲ διάνοιαν ἔσθ' Ἀντίοχος, id est *et elevatus est mente Antiochus*. DESPECTIO, id est ille contemptus.

V. 18. EOS MULTIS PECCATIS ESSE INVOLUTOS: Iudæos intelligit.

V. 20. POSTEA FIET SOCIUS BONORUM: cum scilicet mores correxerint. IN IRA DEI OMNIPOTENTIS, id est Deo nobis irato. IN MAGNI DOMINI RECONCILIATIONE: cum scilicet Deus nobis reconciliabitur.

V. 21. TERRAM AD NAVIGANDUM, &c. existimans se posse facere terram navigabilem, & pelagus aptum, ut per illud iretur pedestri itinere.

V. 23. IN GARIZIM: in Samatia, in qua erat mons Garizim, & in eo templum Samaritanorum, qui schismate a Iudæis separati erant.

V. 24. APPPOSITUS CONTRA IUDÆOS, id est male dispositus: in Græco est, ἀντιπῶς πρὸς τοὺς πολεμίους Ἰουδαίους ἰσχυρὸς διαδωκὴν, id est *hostilem in cives suos Iudæos dispositionem habens*. ODIOSUM PRINCIPEM APOLLONIUM: τὸ μισῶμενον Ἀπολλωνίῳ, sceleris principem Apollonium. Vulgatus legit *μισῶμενον*, per iota. VIGINTI DUOBUS MILLIBUS, scilicet constantem.

V. 26. SPECTACULUM, scilicet exercitus visendi causa.

V. 27. QUI DECIMUS FUERAT. Aliqui ita interpretantur, ut dicant fuisse decimum Pontificem legitimum a tempore Alexandri magni. Alii dicunt, *Decimum* esse nomen officii, seu Magistratus, ut *Decurio* & *Decanus*. Salius putat senium esse, Iudam abisse decimum, id est cum novem locis, & cum illis versatum in montibus, &c. FOENI CIBO VESCENTES: herbis visitantes. NE PARTICIPES ESSENT COINQUINATIONIS: ne violarent patrias leges sese coinquinando profano idololorum cultu, & cibis carniū illis imolatarum.

T I R I N I.

Verf. 1. **D**E expeditionibus Antiochi in Aegyptum tam prima quam secunda, vide quæ Gabriel 340. & pluribus ante annis prædixerat Daniel. xt. 23. & seqq.

V. 4. Meteorologica in aere ostenta Græcus *εἰρησμοί*, id est visionem, seu apparitionem; Latinus *MONSTRA* vocat, quia futurum quid monstrabant. Quæ rideant quantum voluit Calvinista: nimis certa experientia conitatur etiam nostri sæculi, monitis, seu ostentis, eiusmodi præsignari bella & clades imminentes: & fule id docent Plinius, Seneca, Iulius Obsequens, Niphus, Gemma, Lycosthenes. & tot alii.

V. 5. Certe occasione horum ostentorum, simul & fama de morte regis Antiochi adversarii sui, excitatus est IASON Onizæ frater, ut cum paucis armatis CIVITATEM Ierosolymam vi. *aggrederetur*, & pontificatum, e quo per Menelaum extrusus erat, sibi postliminio vindicaret. Et in urbem quidem per *insidias* irrupit, & ingentem civium stragem edidit: sed

V. 7. *Principatu*, seu dominio, spirituali vel politico potiri non potuit. Quin potius furæ quasi Carnica d. vitam, si salvam vellet, tueri coactus, tandem exitu infelicitissimo extinctus est, nec sepultura dignus habitus.

V. 11. SUSPICATUS EST REX Antiochus IUDÆOS SOCIETATEM quam hætenus cum eo habuerant, DESERTUROS. Suspicionis argumenta erant, quod mortuum e esse sparsissent, quod victum a Romanis, quod AEGYPTO excedere iussum: quod Lysimachum constitutum a se summum pontificem lapidassent: quod *Iasonem* hostem suum se inficio quidam revocassent: quod in factiones discissa urbe, pars maior ad vertaretur Menelao pseudopontifici, & consequenter Antiocho regi, qui mortuo fratre eius Lysimacho pontificatum illi reddiderat. Et vero sejunxerunt hi sese ab aliis qui Menelao & Antiocho studebant, & adventanti cum omnibus copiis regi portas ocluserant: unde ARMIS opus fuit regi ad civitatem interceptandam. Et hæ-

causæ quoque impulerunt tyrannum ad faciendum tam atrociter in optimos quosque cives, prodeute ipsos, & regem impellente Menelao.

V. 17. ALIENATUS MENTE; Græce est, *elatus animo*, ANTIOCHUS, non fat habuit impræsentiarum & per se afflixisse populum. Abiens quoque

V. 22. *¶* 23. RELIQUIT ubique PRÆPOSITOS, seu præfectos militares, AD AFFLIGENDAM pro libito suo CENTEM Iudaicam: IEROSOLYMIS quavis tigris CRUELIOREM PHILIPPUM: IN monte vero GARIZIM, ubi Samaritanorum f. erat templum, constituit ANDRONICUM quemdam nihilo Philippo mitiorem. Utrique adiunxit pseudopontificem MENELAUM totius huius tragediæ auctorem g & architectum.

V. 24. CUMQUE APPOSITUS, forte legendum, *oppositus*, ESSET Antiochus, id est hostili perorsus animo, CONTRA IUDÆOS, ut est in Græco, MISIT insuper APOLLONIUM Iudæis admodum ODIOSUM PRINCEPEM qui paucis ante annis in AEGYPTUM h. ab eodem rege missus fuerat, & tempore parentis eius. *Antiochi Magni*, teste Livio, classis dextrum cornu duxerat, cum laevum Hannibal tenebat. Idem, inquam, ille Apollonius, qui paucis post annis a Iuda Machabæo cæsus & occisus est. Hic quiete Iudæorum fraudulenter usus *die SABBATHI*, OMNES QUI AD SPECTACULUM, seu ad spectanda sacrificia, aliaque festa propriæ publicum PROCESSEANT, ex improviso TRUCIDAVIT, Iudæis propter festi sollemnitate non ausis arma capere, & tyranno resistere, ut post paulo contingit etiam aliis qui ad desertæ loca confugerant, de quibus Lib. I. cap. 11. 29. Ubi etiam exposui, laudandumne istud in Iudæis fuerit, nec ne. Porro occasione harum turbarum,

V. 27. IUDAS MACHABÆUS CUM parente, fratribus & cognatis suis SECESSERAT IN DESERTUM LOCUM, & NE PARTICIPES ESSENT COINQUINATIONIS, seu contaminationis; id est, ne polluerentur profano convictu, esu, usu, vel consuetudine Gentilium, malebant summa rerum inedia INTER FERAS, POENI CIBO, id est herbarum & radicum esu, vitam ducere.

ductare. Quod alioquin *Affidais* piis ac religiosis viris non erant inuictum, quorum tum DECIMUS, seu decadarius erat Iudas, id est unus ex *Affidæorum* decem viris, ut exposui Lib. I. cap. vii. 13. Licet aliqui *malint* per *decimum* hic intelligere pontificem ordine decimum a tempore Alexandri Magni. Quod licet verum sit, inchoando ab Iaddo, & excludendo spurios pontifices, Iasonem, Menelaum, Lyfimachum, Alcimum, & includendo Mathathiam; minus tamen congruit huic loco, ubi de Iuda dicitur, quod ante fugam in desertum FUERAT decimus: cuius sic dicendum esset, quod postea factus sit decimus pontifex.

(f) IV. Reg. xvi. 24.

(g) Ric. vi. 15.

(h) Cap. xv. 22.

(i) L. vii. Lib. XXXVII.

(k) I. Mach. xii. 17.

(l) Emanuel Sa. & Mariana.

GORDONI.

Verf. 1. ANtiochus parat secundam expeditionem in Aegyptum, ver. 2. Armati exercitus in aere, verf. 2. Iason fugato Menelao occupat civitatem, verf. 6. Rex ex Aegypto regressus invadit urbem, verf. 11. Cædes ingens, verf. 13. 14. 16. Spoliat templum, verf. 21. Postea missi alii, qui novam cædem edunt, verf. 22. 23. 24. Iudas Machabæus cecedit, verf. 27.

Hic GARIZIM, verf. 23. erat templum Samaritanorum. Porro verf. 27. DECIMUS, id est Decurio. Alii decimum vocant inter Pontifices a Iaddo, tempore Alexandri, si expungas Iasonem, Menelaum, Lyfimachum & Alcimum.

(a) Calvinista præfatione Gallica in hunc Lib. II.

(b) Plin. Lib. II. cap. lvi. Seneca in Quæst. natural. lxxv. Obicq. cap. 28. & lxxv. Niphus in Meteorologicis. Gemma in Cosmographicis. Lycosth. de prodigiis f. 189. 210. 228. 366.


(c) Sup. xv. 23. & seqq.

(d) Genes. xv. 19. &c.

(e) Hic verf. 3.

CAPUT VI.

Per duces a rege missum Iudei a lege Dei arcentur, templumque fœdissime profanatur, & Iudei etiam per varias regiones dispersi ad idolorum coguntur sacrificia: describitur duarum mulierum supplicium eo quod filios suos circumcidissent, sabbatumque celebrantes contemnantur: ostenditur tamen hac afflictio non esse Dei deferentis, sed suos corripientis: egregium Eleazari senis martyrium nolentis porcinis vesci carnibus, nec id simulare.

I.  Ed non post multum temporis, misit rex senem quemdam Antiochenum, qui compelleret Iudeos, ut se transerent a patriis & Dei legibus: 2. contaminare etiam quod in Ierosolymis erat templum, & cognominare Iovis Olympii: & in Garizim, prout erant hi, qui locum inhabitabant, Iovis hospitalis. 3. Pessima autem & universis gravis erat malorum incurio: 4. nam templum luxuria & commolationibus Gentium erat plenum, & scortantium cum meretricibus, sacrificiumque celebrantium: 5. Altare etiam plenum erat illicitis, quæ legibus prohibebantur. 6. Neque autem sabbata custodiebantur, neque dies sollemnes patrii servabantur, nec simpliciter Iudeum se esse quisquam confitebatur. 7. Ducebantur autem cum amara necessitate in die natalis regis ad sacrificia: & cum Liberi sacra celebrarentur, cogeabant hedera coronati Libero circuire. 8. Decretum autem exit in proximas Gentilium civitates, suggerentibus Ptolemæis, ut pari modo & ipsi adversus Iudeos agerent, ut sacrificarent, 9. eos autem, qui nolent transire ad instituta Gentium, interficerent:

tunt: erat ergo videtur miseriam. 10. Dux enim mulieres delatae sunt natos suos circumcidisse: quas, infantibus ad ubera suspensis, cum publice per civitatem circumduxissent, per muros praecipitaverunt. 11. Alii vero, ad proximas coeuntes speluncas, & latenter sabbati diem celebrantes, cum indicati essent Philippo, flammis succensi sunt, eo quod verebantur, propter religionem & observantiam, manu sibi met auxilium ferre. 12. Obsecro autem eos, qui hunc librum lecturi sunt, ne abhorrescant propter adversos casus, sed reputent, ea quae acciderunt, non ad interitum, sed ad correptionem esse generis nostri. 13. Ecce enim multo tempore non finire peccatoribus ex sententia agere, sed statim ultiones adhibere, magni beneficii est indicium. 14. Non enim, sicut in aliis nationibus, Dominus patienter expectat, ut eas, cum iudicii dies advenerit, in plenitudine peccatorum puniat: 15. ita & in nobis statuit, ut peccatis nostris in finem devolutis, ita demum in nos vindicet. 16. Propter quod numquam quidem a nobis misericordiam suam amovet: corripens vero in adversis, populum suum non derelinquit. 17. Sed haec nobis ad commonitionem legentium dicta sint paucis. Iam autem veniendum est ad narrationem. 18. Igitur Eleazarus unus de primoribus scribarum, vir aetate provectus, & vultu decorus, aperto ore hians compellebatur carnem porcinam manducare. 19. At ille gloriosissimam mortem magis quam odibilem vitam complectens, voluntarie praebat ad supplicium. 20. Intuens autem, quemadmodum oporteret accedere; patienter sustinens, destinavit non admittere illicita propter vitae amorem. 21. Hi autem qui astabant, iniqua miseratione commoti, propter antiquam viri amicitiam, tollentes eum secreto rogabant afferri carnes, quibus vesci ei licebat, ut simularetur manducasse, sicut rex imperaverat, de sacrificii carnibus: 22. ut, hoc facto, a morte liberaretur: & propter veterem viri amicitiam, hanc in eo faciebant humanitatem. 23. At ille cogitare cepit aetatis ac senectutis suae eminentiam dignam, & ingenitae nobilitatis canitiem, atque a pueri optime conversationis actus: & secundum sanctae & a Deo conditae legis constituta, respondit cito, dicens, praemitteri se velle in infernum. 24. Non enim aetati nostrae dignum est, inquit, fingere: ut multi adolescentium, arbitantes Eleazarum nonaginta annorum transisse ad vitam alienigenarum: 25. & ipsi propter meam simulationem, & propter modicum corruptibilis vitae tempus decipiantur; & per hoc inaculam, atque execrationem meae senectuti conquiram. 26. Nam, etsi in praesenti tempore supplicii hominum eripiar, sed manum Omnipotentis nec vivus, nec defunctus effugiam. 27. Quamobrem fortiter vita excedendo, senectute quidem dignus apparebo: 28. adolescentibus autem exemplum forte relinquam, si prompto animo, ac fortiter pro gravissimis ac sanctissimis legibus honesta morte perfungar. His dictis, confestim ad supplicium trahebatur. 29. Hi autem, qui cum ducebant, & paulo ante fuerant mitiores, in iram conversi sunt propter sermones ab eo dictos, quos illi per arrogantiam prolatos arbitrabantur. 30. Sed, cum plagis perimeretur, ingemuit, & dixit: Domine, qui habes sanctam scientiam, manifeste tu seis, quia, quia a morte possem liberari, dotos corporis sustinco dolores: secundum animam vero propter timorem tuum libenter haec patior. 31. Et iste quidem hoc modo vita decessit, non solum invenibus, sed & universae genti incuniorum mortis suae ad exemplum virtutis & fortitudinis derelinquens.

COMMENTARIA

S. A.

Vers. 1. ANTIOCHENUM. Græc. *Antiochenensem*.

V. 2. PROUT ERANT, &c. quasi dicat, Prout incolæ Garizim iam volebant.

V. 6. SIMPLICITER; pro, denique, seu omnino.

V. 7. CIRCUIRE. Græc. *pompam ducere*.

V. 8. PTOLEMAÏS; pro, Ptolemæo, scilicet de quo sup.

V. 11. PHILIPPO, scilicet de quo sup. OBSERVANTIAM, scilicet Sabbati.

V. 12. ABHORRESCANT. Græc. *contrahantur*, scilicet animo, seu animum despondeant.

V. 14. UT EAS, &c. Græc. *ut eas*, cum peccata ad plenitudinem venerint, puniat: sic de nobis statuit, ne cum ad finem peccata nostra pervenerint, nos puniat.

V. 20. INTUENS, &c. id est considerans quomodo accedere ad talia oporteret patienter suspendenda. Græc. aliquanto aliter.

V. 23. CONSTITUTA, scilicet ætæ. INFERNUM, id est sepulcrum.

V. 27. SENECTUTE QUIDEM DIGNUS, id est qualem par est senem esse.

V. 30. SECUNDUM ANIMAM, id est animo, seu voluntate.

E S T I I.

Vers. 18. I GITUR ELEAZARUS UNUS DE PRIMORIBUS SCRIBARUM APERTO ORE HIANS COMPELLEBATUR CARNEM PORCINAM MANDUCARE, &c. Proponitur exemplum fortis & constantis animi in Eleazaro; qui nec minis, nec blandimentis induci posuit, ut contra legem quiequam admitteret. Imitandum imprimis firmum illud viri sancti propositum, de quo Scriptura: *Destinavit non admittere illicita propter viam amorem*. Hoc enim propositum gradus est ad viæ perfectionem. Qui enim firmiter in animo statuit, nihil illicitum committere propter amorem præsentis vitæ, non facile cedit tempestati persecutionis. Propositum autem illud suum confirmabat his verbis? *Nam etsi in presenti tempore supplicii hominum eripiar*, *Eib. Sac. Tom. XXII.*

sed manum omnipotentis, nec vivus, nec defunctus effugiam. En hic sanctus vir, etiam timore supplicii æterni: ne illud incurrat confirmat animum suum: ut vel hinc quoque contra nostri temporis hæreticos agnoscamus huius timoris utilitatem.

Denique quod maxime ad gloriam huius Martyris pertineret, non quidem eo induci potuit, ut simularet se carnes porcinas comedisse, & ea ratione mortem evaderet. Sciebat enim (quod ille pulcherrima oratione & proluxa docet) non minus se nociturum aliis, ad prævum exemplum, hac sua simulatione, quam nocuisset per veram carnium prohibitarum comestionem. Nam utroque modo scandalizantur infirmi, & pereunt animæ pro quibus Christus mortuus est. Vide nostra I. Cor. x. Simile exemplum habemus in Martyrolog. xii. Aprilis de Saba Martyre, qui carnes non immolatas pro immolatis oblatas videns, ut iussioni magistratus satisfecisse videretur, ad fideles palam protestatus est, edi non licere, dicens: *Quicumque de his carnis comederit, Christianus non erit*. De Eleazaro quoque laudibus vide orationem Grægorii Nazianzeni in Machabæos, & Ambrosii. Lib. II. de Iacob & vita beata cap. x.

M A R I A N A E.

Vers. 1. MISIT REX SENEM. An hic fuit Baechides, quem a Mathathia occisum diximus Ierosolymæ Lib. I. cap. it. ex Iosepho de Bello Iudaico Lib. I. cap. 1. eoque occiso fugisse cum filiis in Modin patriam suam?

V. 2. IN GARIZIM. Illud templum? Iovis hospitalis iussit Rex vocari, quoniam ad illud se recipiebant Iudeorum perfugæ, erantque velut hospites. De quo Iosephus Lib. XI. cap. ultimo. Id significat illa verba: PROUT ERANT HI, QUI LOCUM INHABITABANT.

V. 4. COMESTATIONIBUS GENTIUM; templum scilicet erat plenum. Vulg. *Regia, comestationibus erat plenum*. Sic Gothi. SACRATISQUE AEDIBUS MULIERES SE ULTRO INGEREBANT. Græce, *in sacris portis*.

T t t

tici-

scibus cum mulieribus sese miscensibus, scilicet templum erat plenum. INTROFERENTES EA, QUAE NON LICEBAT, ut sues scilicet sacrificarent, & alia animalia immunda: quod & proximis verbis magis explicatur, *Altare etiam illiciti plenum erat.*

V. 7. HEDERA CORONATI cohebantur circuire per urbem, scilicet in Bacchanalibus. Erat *hedera* Baccho sacra, & ea ejus ministri semper & populus in eius festis coronabantur; quoniam ob'innatam ei virgulto frigiditatem, est ebrietati contraria. De his Bacchi festis multa Lilius Giraldus de Diis Gentium, Syntag. viii.

V. 8. SUGGERENTIBUS PTOLEMAEIS exiit decretum: Sic etiam in Gracis Romanis. In Regiis, *suggestio* Ptolemao, nempe Aegypio Rege. Duo erant hoc tempore Ptolemæi fratres, Aegypti regno diviso inter eos, ex Iustino Lib. XXXIV.

V. 12. NE ABHORRESCANT, seu contrahantur animo præ trilitia: *μισοσυλλεθῶν*, qui hæc legent. Patienter Deus mala ferr.

V. 14. UT EAS, CUM IUDICET DIES ADVENERIT. Græce, *ut cum advenietis ad plenitudinem peccatorum* (scilicet eos progredi tunc) *punit.*

V. 16. CORRIPIENS VERO IN ADVERSIS, id est per adversa, *παύσων δὲ κατὰ συμφορὰς*, corripiens calamitate populum suum non desierit.

V. 18. ELEAZARUS UNUS DE PRIMORITUS SCRIBARUM. Ille erat legis periti. Erat etiam sacerdos ex Iosepho de Machabæis cap. v. Illustre martyrium, potuitque, ut Machabæi fratres, in numero nostrorum Martyrum poni.

V. 19. VOLUNTARIE PRAEBAT AD SUPPLICIUM: *ἐν τῷ θυμῳ αὐτοῦ*, ad iympanum ibat. Tympanum aut virgæ erant, quibus corpora instar tympani pulsabantur; aut genus tormenti, quo membra distendebantur, equuleus scilicet aut cascassa. Sic ad Hebr. xi. 33. pro verbo *ὑπομαρτυροῦσθαι*, noster dixit, *disserunt*. Helychius lignum esse ait, quo fontes fortiter verberabantur. Noster *supplicium* dixit verbo generico.

V. 20. INTUENS. Græce *παρατρέας*, expuens, nempe porcinas carnes quæ ingerebantur. Noster *παρατρέας* videtur legisse, quod verbum, *intueri* significat. Lego

enim, *πάρη ἀπαρτίσθαι χροῖος*, omnia tentus aperit. Porro quæ in hoc vers. sequuntur, Græce perturbata sunt, nec cohererent inter se; melius nostra.

V. 21. QUI ASTABANT, INQUA MISERATIONE. *παρῶν ἐπὶ λαχνησῶν*, quod quidam vertit, *qui ad scelestam sacrificium parati erant*. Verum vox Græca *miserationem* potius significat: & suspicor in Græco præpositionem *πρὸς* redundare.

V. 23. ILLE COGITARE COEPIIT. Græce, *ille cogitationem urbanam recipiens*. Puto vocem *ἀσθεν*, id est *urbanam*, redundare. PRAEMITTI SE VELLE IN INFERNUM, id est sepulcrum, malle mori quam simulare.

V. 29. PEK ARROGANTIAM PROLATOS, seu *vecordiam*, *flustitiam*, *ἀπειραν*, sermones ab Eleazaro putabant dictos.

MENOCHII.

Vers. 1. ANTIOCHENUM. In Græco est *Ἀδριαῖον*, Atheniensem. Fortasse illi nomen fuit Athenæus, fuitque patria Antiochenus. UT SE TRANSFERRENT, &c. ut mutarent legem, patriis relictis institutis, & Gentilismum sequerentur.

V. 2. PROUT ERANT HI, QUI LOCUM IN HABITANT: nimirum hospites in ea regione, in quam olim abductis per captivitatem Assyriacam decem tribubus, ipsi fuerant substituti.

V. 3. MALORUM INCURSO: malorum ingruentium concursus.

V. 6. SIMPLICITER; pro, denique, seu omnino.

V. 7. LIBERI SACRA: Bacchi solemnia. CIRCUIRE. Græce est, *pompam ducere*, choicas agere.

V. 8. PTOLEMAEIS: pro Ptolemæo, scilicet de quo supra cap. iv. 44. sic bene diceretur, Tiberium multa scelera perpetrasse, Seianis, & aliis suggerentibus. AGERENT, UT SACRIFICARENT: adigerent Iudæos ad sacrificandum idolis.

V. 10. AD UBERA SUSPENSIS: vide dista Lib. I. cap. 1. 64.

V. 12. NE ABHORRESCANT. In Græco est, *μισοσυλλεθῶν*, id est *ne contrahant animam, aut dispendent.*

V. 14. NON ENIM SICUT IN ALIIS NATIONIBUS, &c. In Græco est, ut vertit Flami-

minius: Non enim sicut & in aliis nationibus, Dominus patienter expectat, donec eos cum ad pietudinem peccatorum devertant, pugnat, ita & nobis statuit: ne peccatis nostris ad finem pervenientibus, demum in nos vindicta. Propter quod nunquam quidem a nobis misericordiam suam amovet: corripiens vero cum eorum salute, populum suum non derelinquit: sententia est, Dominum antiquam Iudæi eo scelus progrediuntur, ut extremo malo puniendi sint, minoribus & salutaribus poenis eos corrumpere, ut a peccato abducantur, quod misericordie genus cum aliis nationibus non adhibet, quas finit moribus suis uti, & ad exitum tendere.

V. 18. Igitur Eleazarus, &c. Fuit Eleazarus sacerdos, & divinarum litterarum scientia valde insignis; hoc enim significat quod hic dicitur fuisse de primoribus scribarum, ut testatur Iosephus Lib. de Machabæis capite v. ubi dicitur, *ὁ αὐτοῦ μαθητὴς*, id est legis peritus.

V. 19. OMNIBILEM VITAM: *πᾶσι μὲν οὖν βίαν*; vitam cum scelere: sed nollet interpretes legit *μὲν οὖν*, per iota; sententia tamen eodem recidit, nam qui scelerate agunt, odio habentur. AT SUPPLICIUM: *ἐν τῷ ὀδυμῶντι*, ad sustinendum, baculis enim & fustibus pulsari, *καὶ ὀδυμῶντι* dicitur a Græcis.

V. 23. CONSTITUTA: subintellige, *ἀκτῇ*. INFERNUM, id est sepulchrum.

V. 27. SENECTUTE DIGNUS, id est qualem par est senem esse.

V. 30. SECUNDUM ANIMAM, id est animo, seu voluntate.

T I R I N I.

Verf. 1. **S**enex, seu ex ordine senatorio, Antiochenus, in Græco *Αθηναῖος* vocatur: forsan quia inde oriundus, forsan etiam proprium id ei nomen fuit. Mariana suspicatur fuisse illum *Bacehidem* quem Mathathias Ierosolymus occidit, ut dixi Lib. I. cap. 11. Hic profanato templo Ierosolymitano, nomen illi indidit.

V. 2. Iovis OLYMPII, cum novo nomine nova dedicatione publice celebrata. Hic iam habemus in templo Dei abominandum desolationis idolum, ut vocatur Lib. I. cap. 1. 57. & Danielis xi. 31. Quod vero in monte GARIZIM a Samaritani construxerant, PROUT ERANT HI, & publice

vocari volebant, *hospites* & advenæ, immo data ad Antiochum epistola b tales se scribebant: sic iussit templum eorum vocari IOVIS HOSPITALIS, cui peregrini curæ sint. De hoc Ioan. iv. 20. dicebat Samaritana; *Patres nostri in monte hoc adoraverunt*. Et multis post sæculis excitavit ibi Zeno Imp. aliud nobilissimum templum in B. Virginis Deiparæ honorem teste Procopio e.

V. 7. IN DIE NATALIS REGIS, qui a Gentilibus ex antiquissimo usu d. sacerdotibus habebatur, AMARA NECESSITATE, seu violenta coactione, DUCEBANTUR Iudæi agminatim ad idololatricæ SACRIFICIA: maxime vero ad Bacchanalia, seu *Liberalia*, id est LIBERO, seu Baccho, *sacra*, cui multa ebrietate, libidine, furore atque insania litare mos erat, teste Plutarcho, Tertulliano, Pithæo & Gysaldo e: præsertim in Oriente, ubi ex Iovis femore Bacchus natus credebatur, inquit Dionysius. Et quidem HEDERA CORONATI COGEBANTUR miserum Iudæi LIBERO, id est Baccho, cultum ut præstarent, urbem CIRCUIRE. Erat enim hedera Baccho sacra, & solent ea ministri & cultores Bacchi in eius festis coronari, quoniam ob innatam illi herbæ frigiditatem, putabatur ebrietati contraria, teste Plinio, Tertulliano & Rhodigino g.

V. 8. Ptolemæi, quorum suggestionem tam nefanda patrabantur, non erant reges Aegypti, Philometor & Evergetes fratres, ut putat Mariana, quia hi vix adolescentes erant etiam tum, neque adersabantur Iudæis, ut colligere est ex dictis in Chronico cap. xxxix. Sed erant de familia Ptolemæorum, qui pro rege Antiocho præerant Cælefyriæ & Phœnicæ, & maritimis regionibus circa Tyrum & Sidonem, supra cap. iv. 44. & seqq. & infra vii. 8.

V. 11. PHILIPPUS FLAMMUS favens in sabathizantes, is est qui cap. v. 22. Ierosolymis ab Antiocho Iudæos divexare iussus fuit. Historia ad longum narratur Lib. I. cap. 11. 31. En constanti nobilissimum exemplum:

V. 18. ELEAZARUS DE PRIMORIBUS SCRIBARUM, scientia divinarum litterarum præcellens. Sacerdotem vocat Gorionides b, immo principem sacerdotum, nempe vicis, seu classis unius. Additque cum inter 72. interpretes præcipuum fuisse. Quod si verum esset, non iam nonaginta (ut hic verf. 24.)

sed plusquam centum viginti annorum fuisse hoc tempore Eleazarus. S. Ambrosius & Nazianzenus i vocant ipsum patrem, id est magistrum & doctorem septem puorum Machabæorum, de quibus eap. seq. Vocant & *primitias Martyrum veteris testamenti*, sicut Stephanum novi, non quia tempore primus fuerit (nam sic Abel Proto-martyr a S. Cypriano k dicitur, & Zacharias, Isaias l, ac tot alii Prophete Eleazaro priores sunt,) sed quod nobilitate martyrii certarit cum primis. Sic in Libro Num. & alibi sæpius *primitia fructuum* vocatur non soli primi fructus; sed præstantiores quique.

V. 23. Per infernum limbus patrum, seu sinus Abraham intelligitur, in quo Lucæ xvi. visus fuit Lazarus, quem Tertullianus in pro Lazaro vocat *Eleazarum*.

V. 28. Ut & supra 19. ubi Latinus vertit, SUPPLICIUM in genere, Græcus habet in specie *τυμπανοῦ*. Quo S. Paulus alludit ad Hebræos xi. 35. ubi dicit de quibusdam Sanctis *τυμπανοῦ* pro quo Latinus vertit, *distenti sunt*: & versionem approbant etiam Erasmus, Calvin. n Beza, & Aretius hæretici: fatenturque alludi a S. Paulo ad hunc nostrum Eleazarum & Machabæos Martyres. Sed cur ergo Machabæorum hosce libros non admittunt tamquam Canonicos, quos a S. Paulo admissos agnoscunt? Erat porro *tympañum* tormenti genus, quo cruci vel palo adstricti rei, insilar tympani distendebantur, ac tum vel baculis contundebantur, vel flagellis discindebantur, vel vivi excoxiabantur, vel vulneribus punctim, cæsum conficiebantur, ut Suidas, Hefychius o, Lipsius volunt: vel facibus aut laminis ignitis ustulabantur, tectis ad nares admotis odoribus, ut

nostro Eleazaro factum vult Iosephus; ve pice ferventi in os infuso cruciabantur, vel igne in cineres redigebantur, vel capite minuebantur, ut Varinus, Oecumen Theophylactus & alii p docent.

- (a) IV. Reg. xviii. 24.
- (b) Iulian. Lib. XII. cap. xix.
- (c) Procop. Lib. V. de Aedificiis Iustiniani.
- (d) Testibus Phasone Genet. xl. 20. Herode Math. xiv. 6. Platone in Alcibade. Herodoro. Iosepho Lib. I. cap. xiv. Ammiano Lib. XXIV. Flutarcho in Synopiac ix. Archenzo Lib. IV.
- (e) Plutarch. in Alexandro Tertull. Lib. de Spectaculis. Pothus Lib. I. Adversus cap. ix. Gysald. de Dia Genium Synagm. viii.
- (f) Dionys. in Oribi Præfati.
- (g) Flm. Lib. XVI. cap. xxxiv. Tertull. de Corona mil. cap. vii. Rhod. g. n. Lib. XIV. cap. xlix.
- (h) Goriand. Lib. III. cap. xi. & iv.
- (i) Anbr. II. de Jacob. cap. x. & xi. Nazianz. Orat. xxi.
- (k) Cypr. de Orat. Dominica.
- (l) IK Pat. xxiv. 20. Foziat. in Isiam. Num. 29. xviii. 8.
- (m) Tertull. Lib. III. de Anima cap. xxviii. de Lib. de Idololatria.
- (n) Erasmus, Calv. &c. in Hebr. xi.
- (o) Suidas, Hefychius.
- (p) Varinus, Oecumen. Theob. in Hebr. xi. Lipsius de Cruce. Ioseph. Lib. I. de Machab. cap. vi.

GORDONI.

MIssus a Rege, qui cogat relinquere patriam legem, vers. 1. Templi profanatio, vers. 4. & deinceps. Decertum mortis contra non sacrificantes idolis, vers. 8. 10. 11. Auctoris apostrophe ad lectorem, vers. 12. De Eleazaro narratio, vers. 18. usque ad finem capituli.

Nota vers. 2. Iovis hospitalis templum. Garizim, quia eo confugiebant profugæ Iudæi, velut hospites. Item vers. 7. Hedera Baceho sacra est. Porro vers. 8. notantur duo Ptolomæi fratres, diviso Aegypti regno, ex Iustino Lib. XXXIV.

C A P U T VII.

Septem fratrum matrisque eorum ingentia fortissimeque tolerata supplicia, quod percunctis nollent vesce carnibus: & quam constanter regi ob suam crudelitatem ostenderint paratam esse damnationem, & mater suos filios sit exhortata.



1. Ontigit * autem & septem fratres una cum matre sua apprehensos, compelli a rege edere contra fas carnes porcinas, flagris & taureis cruciatis: 2. Unus autem ex illis, qui erat primus, sic ait: Quid queris, & quid vis discere a nobis? parati sumus morti, magis quam patriam Dei legis prævaricari. 3. Itatus itaque rex, iussit satagines & ollas æneas succendi: quibus statim succensis, 4. iussit, ei qui prior fuerat locutus, amputari linguam: & cure capitis abstracta, summas quoque manus & pedes ei præscindi, ceteris eius fratribus & matre insipientibus. 5. Et, cum iam per omnia inutilis factus esset, iussit ignem admoventi, & adhuc spirantem torteri in sartagine: in qua cum diu cruciaretur, ceteri una cum matre invicem se hortabantur mori fortiter, 6. dicentes: Dominus Deus aspiciet veritatem, & consolabitur in nobis, (a) quemadmodum in protestatione cantici declaravit Moyses: Et in servis suis consolabitur. 7. Mortuo itaque illo primo, hoc modo, sequentem deducebant ad illudendum: &, cure capitis eius cum capillis abstracta, interrogabant, si manducaret prius, quam toto corpore per membra singula puniretur. 8. At ille, respondens paria voce, dixit: Non faciam. Propter quod & iste, sequenti loco, primi tormenta suscepit: 9. & in ultimo spiritu constitutus, sic ait: Tu quidem sceleratissime in presenti vita nos perdis: sed Rex mundi defunctos nos pro suis legibus in æternæ vite resurrectione suscitabit. 10. Post hunc tertius illuditur, & linguam postularus cito prætulit, & manus constanter extendit: 11. & cum fiducia ait: E caelo ista possideo, sed propter Dei leges nunc hæc ipsa despicio, quoniam ab ipso me ea recepturum spero: 12. ita ut rex, & qui cum ipso erant, mirarentur adolescentis animum, quod tamquam nihilum duceret cruciatus. 13. Et hoc ita defuncto, quattuor vexabant similiter torquentes. 14. Et, cum iam esset ad mortem, sic ait: Potius est ab hominibus morti datos spem expectare a Deo, iterum ab ipso rescutandus: tibi enim resurrectio ad vitam non erit. 15. Et cum admovissent quintum, vexabant eum. At ille respiciens in eum, dixit: 16. Potestatem inter homines habens, cum sis corruptibilis, facis quod vis: noli autem putare genus nostrum a Deo esse derelictum: 17. tu autem parienter sustine, & videbis magnam potestatem ipsius, qualiter te & semen tuum torquebit. 18. Post hunc ducebant sextum, & is, mori incipiens, sic ait: Noli frustra errare: * nos enim propter nosmetipsos hæc patimur, peccantes in Deum nostrum, & digna admiratione facta sunt in nobis: 19. tu autem ne existimes tibi impune futurum, quod contra Deum pugnare tentaveris. 20. Supra modum autem mater mirabilis, & bonorum memoria digna, quæ percutens septem filios sub unius diei tempore conspiciens, bono animo ferebat, propter spem quam in Deum habebat: 21. singulos illorum horrabatur voce patris fortiter, repleta sapientia: &, semineæ cogitationi masculinum animum in-
rens,

COMMENTARIA

S A.

E S T I I.

Verf. 1. **T**AUREIS, scilicet nervis.
V. 9. **C**ONSOLABITUR, id est recreabitur, scilicet sumpta de hostibus vindicta. Vide Deut. xxxii. ubi legimus *miserabitur*. LXX. enim *consolabitur*; vel forte *in servis*; pro, servos.

V. 11. **E** CAELO, id est a Deo.

V. 14. **A**D MORTEM, id est morti proximis. POTIUS EST, id est praestat.

V. 15. **E**UM, scilicet Regem.

V. 17. **P**ATIENTER SUSTINET, id est expecta. SEMEN, id est filios.

V. 18. **F**RUSTRA, id est sine causa. FACTA, scilicet a Deo: quasi dicat mirabiliter nos punit, vel a nobis; quasi dicat: Mire Deum offendimus.

V. 20. **B**ONORUM. Græc. *bona*, id est felici.

V. 21. **F**EMINEAE; quasi dicat, Alioqui infirmæ.

V. 23. **E**NIM; pro, tamen. **I**NVENT; quasi dicat: Qui sua sapientia excogitavit quo quidque modo generandum esset.

V. 24. **D**ESPECTA, id est considerata, vel pro, suspecta; quasi dicat: Suspiciens, seu timens sibi probro id futurum, quod sic contemneretur & vinceretur: hunc enim sensum Græca videtur facere.

V. 25. **F**IERET, scilicet conciliatrix.

V. 28. **P**ETO. Græc. *peto a te*.

V. 29. **P**ARTICEPS; non est Græc. & quidem videtur abundare. **I**LLA, scilicet postrema dieci iudicii. Græc. tamen tantum est, *in misericordia*; quasi dicat, Per Dei misericordiam.

V. 30. **S**USTINETIS, id est expectatis.

V. 33. **I**NCREPATIONEM, id est castigationem.

V. 36. **S**USTENTATO, id est tolerato. **T**ESTAMENTO, id est pacto; quasi dicat: Consequenter promissa legem servantibus, vel iam sunt ex parte consecuti, scilicet æternam vitam. **E**FFECTI SUNT, id est continentur.

V. 40. **M**UNDUS. Græc. *pure*, seu *sancte*.

V. 41. **C**ONSUMPTA. Græc. *mortua*, scilicet interempta, ut fuit.

Verf. 1. **C**ONTIGIT AUTEM ET SEPTEM FRATRES UNA CUM MATRE SUA, APPREHENSOS COMPELLI A REGE SEDERE CONTRA FAS CARNES PORCINAS. Hi fratres a multis scriptoribus, atque etiam in Ecclesiastico officio I. Augusti appellantur Machabæi, non a Iuda Machabæo, quasi ad eum aliquo modo pertinuerint, sed sumpta communi appellatione a nomine fratris primogeniti, qui appellatus est Machabæus, ut scriptum reliquit Iosephus in libello, quem de istorum fratrum passione composuit. Miranda profecto fortitudo, eo tempore, quo gratia Christi nondum erat manifestata. Nam, ut inquit Græg. Nazianzenus in oratione in hos Martyres; qui ante Christi passionem subire martyrium, quid post Christum facturi fuissent? Ratio autem cur tam disertis hi Martyres, semel atque iterum inculcent fidem resurrectionis, eaque se consolentur, cum id ante eorum tempora non ita manifeste factum legamus: ratio, inquam, hæc adfertur; quia sub hæc tempora, uti Iosephus testatur, orii fuerunt apud Iudeos Sadducei, qui præter hanc momentaneam vitam, aliam nullam expectantes, animas una cum corpore interire docebant, & resurrectionem mortuorum negabant. Horum ergo doctrinam velut impiam, ac populo Dei indignam cum aliis piis hi Martyres execrabantur, & in exitu vitæ constituti, tam disertis verbis resurrectionem mortuorum prædicabant, simulque ea se animari, tyranno exprobrabant, generose protestantes: *Tu quidem seculissime in præsentem vitam nos perdis; sed rex mundi defunctos nos pro suis legibus, in æterna vita resurrectionem, suscitabit.*

V. 32. **N**OS ENIM PROPTER NOMESTIPROS HÆC PATIMUR, PECCANTES IN DEUM NOSTRUM. Loquuntur quidem hi Martyres de peccatis populi. Dicunt enim Deum genti ac generi suo esse ad tempus iratum, scilicet propter peccata; sed ita tamen loquuntur in persona populi, ut se ipsos non excludant, sicut & Daniel & Tobias expresse locuti sunt. Constituntur ergo,

ergo, & quidem veraciter, se pati propter sua peccata; & tamen non hoc praecipue spectavit in eorum passione Deus, ut eorum peccata punirentur, sed scilicet magis, ut eorum patientia per passionem martyrii probaretur, & coronaretur.

MARIANAE.

Vers. 1. **C**OMPELLI A REGE EDERE. Graece, *tangere ex illicitis carnibus porcinis*. FLAGRIS ET TAUREIS: *nuptis*, flagra erant e corio aut nervis taurinis crudelia, de quibus in Martyrologiis frequens mentio. His septem Machabzoz cruciabantur.

V. 2. QUI ERAT PRIMUS. Graece, *factus primus concionator*. Goth. *neutrum est; hoc tantum, Unus autem ex eis sic ait*; id est primus. Hebraei per *unum*, *primum* intelligunt. Genes. 1. cap. vers. 5. sic dictum est: *Factumque est vespere & mane, dies unus*.

V. 4. QUI PRIOR FUERAT LOCUTUS. Goth. *qui primus*: *πρῶτος* Graece, *primum locutus*.

V. 17. TU AUTEM PATIENTER SUSTINE, id est expecta. *Sustineo* inter alia expectare significat.

V. 18. DIGNA ADMIRATIONE FACTA SUNT, id est miraculis Dei visis peccavimus tamen, ideo punimur.

V. 24. RES NECESSARIAS EI PRAERITURUM, pollicetur Rex. *ἡ τὴν ὑπὸ τοῦ βασιλέως ἐκδοτέαν*, id est *negotia crediturum*, id est praefecturas. Ea vox non solum *indigentiam & utilitatem*, sed *negotia* etiam significat. Mater ad filium.

V. 27. TE IN UTERO NOVEN MENSIBUS PORTAVI. Goth. *decem mensibus*. Non erat lectio incommoda, propter ea quae alio loco dicta sunt, nisi Codices alii Latini & Graeci repugnarent. In Disputatione pro editione Vulgata, cap. xxi. plura de hac re diximus. Et LAC TRIENNIO DEBIT. Non minori tempore eo cibo infans est nutriendus, neque nutricibus ea cura ableganda; quae peperit, ipsa alat.

V. 41. NOVISSIME AUTEM POST FILIOS ET MATER CONSUMPTA EST. Hanc quidam *Salomonam* vocat, quidam *Annam*, nonnulli *Machabzoz*. Quocumque nomine, nobilissima & fortissima fuit. De filiis dubitatur, fuerint ne uxorati. Non pu-

to; alioqui hoc capite mentio aliqua de uxoribus aut filiis extaret. Quare *Machabzoi* sunt dicti? Non arbitror ex sanguine, quod essent Machabzorum cognati; neque a matre, quam *Machabzoz* quidam dictam volunt; aut a maiore fratre, quem vocant *Machabzoz*: sed quoniam Machabzorum tempore hi iuvenes passi fuerint, fortissimi in martyrio, ut illi in bello fuere. Illud verius, non in urbe Ierusalem passus, sed Antiochiae. Sic Martyrologium Romanum Augusti Kalendis, & ibi Cardinalis Baronius. Idem dixerim de feno Eleazaro. De tempore quo huc contigerunt, nihil dicitur. Arbitror sub initia Regis Antiochi Epiphanis, priusquam Mathathias arma sumeret. Quae sequuntur, post Mathathias mortem a Iuda eius filio gesta sunt.

MENOCHII.

Vers. 1. **T**AUREIS, scilicet nervis. *V. 3.* SARTAGINES, ET OLLAS AENEAS: oleo, vel pace, vel aqua fervente plenas.

V. 5. PER OMNIA INUTILIS: quippe corpore mutilato, & cute detracta.

V. 6. CONSOLABITUR IN NOBIS, & consolabitur nos. Vel sensus est, consolabitur, id est recreabitur; scilicet sumpta de hostibus vindicta. Sumptum est testimonium quod hic citatur ex Deut. xxxiii. 36. ubi tamen legimus, *Et in servis suis miserebitur*, quia ex misericordia eius, consolatio nostra proficiscitur. Dicitur etiam consolari Deus, sive latitia affeici in martyribus; id est, acceptissimam habere eorum fortitudinem, & mortem.

V. 8. SEQUENTI LOCO: secundo loco.

V. 11. E CAELO, id est a Deo.

V. 14. MORTI DATOS: morti addictos, & illi iam proximos.

V. 15. IN EUM; scilicet in regem.

V. 16. CUM SIS CORRUPTIBILIS: & eiusdem particeps naturae cum iis quos crucias, quod te humanitatis admonere deberet, & rationis, quam aliquando es redditurus Deo.

V. 17. PATIENTER SUSTINE, id est expecta. SEMEN, id est filios.

V. 18. FRUSTRA, id est sine causa. PEC-CANTES: *ἀμαρτανῶτες*, sed in aliquibus codicibus est, *ἀμαρτηνῶτες*, cum peccaverimus.

DI-

DIGNA ADMIRATIONE; id est, gravia mala nobis evenerunt, quæ admirabilem Dei iustitiam ostendunt.

V. 21. VOCE PATRIA: lingua patria; *ῥῆμα πατρίδος*. **SAPIENTIA**: *σοφία*, id est animi fortitudine, & celsitudine. **FEMINAE**; quasi dicat, Alioqui infirmæ.

V. 23. OMNIUM INVENTI ORIGINEM; quasi dicat: Qui sua sapientia excogitavit quo quidque modo generandum esset.

V. 24. ANTIOCHUS AUTEM, &c. Sententia est: Antiochus existimans se contemptum iri, & honorem suum in discrimen vocari, si nihil tormentis, nihil austeritate regia adversus pueros consequi potuisset, & suspitione tactus ne id sibi exprobraretur, &c. **EXPROBRANTIS VOCE DESPECTA**: *ὀνειδίζοντος ὑποψιεύοντος* *ῥῆμα*, exprobrantis vocem suspectam habens. **TRANSLATUM A PATRIS LEGIBUS**: si ab observatione patris legis se adduci sineret.

V. 25. FIERET IN SALUTEM: salutaria consilia suggereret.

V. 26. PROMISIT SUASURAM SE FILIO: quæ scilicet valebant ad salutem æternam; non, ut sperabat Rex, ad vitam retinendam, & honores profanos consequendos.

V. 27. INCLINATA AD ILLUM: iam fortasse iacebat in carnificina excrucians. **IRRIDENTI TYRANNUM**: quia aliud quam ipse speraverat suadebat. **MISERERE MEI**: se enim miseritiam existimabat, si vel unus ex filiis a fide defecisset.

V. 29. PARTICEPS: non est in Græco, & sensus etiam bene constat si abstinet Latino. **IN ILLA MISERATIONE**: scilicet postrema diei iudicii. Græce tantum est, *in misericordia*; quasi dicat, Per Dei misericordiam.

V. 30. QUEM SUSTINETIS: quid expectatis?

V. 33. INCREPATIONEM, id est castigationem.

V. 36. SUSTENTATO, id est tolerato. **SUB TESTAMENTO**, &c. id est pacto; quasi dicat, Consequenter promissa legem servantibus. Vel, iam sunt ex parte consecuti; scilicet statum, in quo de vita æterna periclitari non possunt. **EFFECTI SUNT**, id est continentur.

V. 40. MUNDUS: *ἡ ἀνάγκη τοῦ βίου*, mundus vitam, cum scilicet nullam labem sceleris, ad quod adigebatur, suscepisset.

V. 41. CONSUMPTA, id est interempta. *Bib. Sac. Tom. XXII.*

V. 42. DE SACRIFICIIS: idololatricis, de quibus paulo ante habitus erat sermo.

TIRINI.

Septem horum fratrum nomina a Iosepho a recentur hoc ordine: *Machabeus, Aber, Machiri, Iudas, Ahas, Arath, Iacob*; dicunturque a Sufandro ipso proprio castello ad Antiochum regem adducti, non Ierosolimam, ut putavit Cedrenus; sed Antiochiam, teste etiam Gorionid. S. Ambr. & August. **M**E quorum sententia etiam *Elasarus* ille cap. præced. martyrio ibidem coronatus est. Erant omnes genere illustres, corpore formosissimi, cælibes plerique, inquit idem Iosephus. Etsi vero quidam illorum nuptiis alligati essent, nullus tamen liberos adhuc procrearat: nam mater, quam Iosephus *Machabeam* vocat, discrete affirmat, se necdum *aviam* factam. Omnes porto vocantur *Machabei*, a matre sua, inquit S. Thomas; vel a primo fratre, ut mavult Serarius: vel certe a robore & fortitudine animi qua tyrannum superarunt, ut putat Scaliger d., a qua eadem dixi Lib. I. cap. III. 3. Iudæ filio Mathathie inditum nomen Machabæi. Tempus quo passi sunt, ex contextu historie colligi videtur fuisse anno 8. regni Antiochi Epiphanis, paulo ante quam adversus tyrannum arma cepisset Mathathias, ut hic insinuat vers. 38. In horum Martyrum honorem templum postea a Christianis Antiochie exciratum fuisse, dicit S. August. & *Eorum reliquias Antiochia Romam translatis, & in ecclesia S. Petri ad Vincula reconditis*, ait Romanum Martyrologium prima Augusti: qua festum illorum iam inde ab initio Ecclesie maxima hominum religione frequentius celebratum fuisse, teste & veteribus, sunt SS. Ambros. Nazian. Chrysost. August. f. Leo Papa, S. Gaudentius, Maximus & alii. Sed Romanis litem indicunt Colonienses, qui iam a 400. & pluribus annis horum septem fratrum, & matris eorumdem, corpora sibi vindicant; & hoc nomine gratulatur illis non semel Erasmus & alii auctores, ut videre est hic apud Serarium. Historia martyrii sat claris verbis a scriptore sacro proponitur.

V. 1. EXERCITANTUR FLAGRIS ET TAUREIS, seu loris ex corio vel nervis tauri

VUM

con-

confectis, quorum frequens usus olim & in Martyrologiis.

V. 5. INVINCIM SE HORTABANTUR ad constantiam, ne quis deflenderet a lege Dei: his inter alia verbis usi,

V. 6. DEUS ASPICIET VERITATEM, id est considerabit, expendet & praestabit quod iustum est, ET CONSOLABITUR IN NORIS, id est subsidio & solatio nobis erit, QUEMADMODUM Moyses in Cantico suo Deuter. XXXIII. 36. protestatus est Deum facturum.

V. 18. NOLI, o tyranne, FRUSTRARARE, quasi putes nos esse infelices aut exosos Deo, quod tam acerbis tormentis excruciemur; te vero, quia nihil adversi pateris, felicem esse & charum Deo. NOS ENIM in bonum nostrum tormenta HAEC PATIMUR sane digna alioquin ADMIRATIONE, quia per illa satisfacimus Deo pro peccatis quibus illum offendimus. Tibi vero tua scelera manent impunita in hoc saeculo, sed tanto acrius punienda in futuro.

V. 24. Spondet rex, se illi RES NECESSARIAS PRAEBITURUM. Ex Graeco verti potest, se ei crediturum negotia sua, nempe secretiora regni, id est se illum habiturum inter primos amicos, & officiales suos.

V. 27. FILI MI, MISERERE MEI, ne secunda & tristi apostasia exorucies miseram matrem.

V. 30. QUEM SUSTINETIS? id est, qualem me fore expectatis? certe non alium quam quales reliquos fratres meos experti estis, me experiemini. Sic supra vers. 17. Sustine pro expecta, interpretis usurpat.

V. 36. FRATRES MEI, MODICO NUNC DOLORE SUSTENTATO, sed tolerato, SUB TESTAMENTO AETERNAE VITAE EFFECTI

SUNT, id est fruuntur iam vita aeterna & immortalis, ex pacto & sedere divino fidelibus promissa. Martyrium horum encomia ex SS. Patribus plurima & perillustri citat Serarius, uti & similia heroicæ fortitudinis in novo testamento exempla, non modo adolescentum, sed & puerorum & puellarum, ac pene infantium ex Europa, Asia, Africa & Indiis. Celebrat nominatim S. Gregorius, itemque Chrysol. S. Felicitatem: Mombritus & S. Symphorosa *ἰπταμύτιρα* utramque, id est septem sanctorum filiorum Martyrumque matrem, ut videre est in Martyrologio Romano, & Cardinali Baronio ibidem, hanc 18. Iulii, illam 23. Novembris.

(a) Ioseph. in libelli de Machabæis versione Latina.

(b) Gorionid. Lib. III. esp. v. & vi. Ambr. Lib. II. de Iacob cap. x. August. Serm. CIX. cap. vi.

(c) Ioseph. sup. cap. xvi.

(d) Scalger. Lib. V. de Temp.

(e) August. sup.

(f) Ambr. ep. xxix. Nazian. & August. sup. Chry. sol. & ceteri in orationibus habitis in laudem horum Martyrum.

(g) Gregor. homil. in Evang. III. Chrysol. Serm. CXXXIV. Mombritus tom. II. Martyrologii Romani.

GORDONI.

Martyrium septem fratrum, vers. 1. & hinc prolixè usque ad finem capituli.

Nota Vers. 1. ET TAUREIS. Flagra ex nervis taurinis, vers. 41. Cur hi fratres dicti Machabæi? An revera ex sanguine; aut potius quia Machabæorum tempore, ut fortissimi athletæ martyrium passi sunt; non quidem Ierosolymis, sed Antiochiæ; immo & Eleazarus, & paulo antequam armaretur Matathias.

C A P U T VIII.

Iudas Machabeus, invocato Dei auxilio, post aliquot victorias, Nicanorem, qui certam sibi de Iudeis pollicebatur victoriam, suos primis ad constantiam adhortatus, profigavit; interfecit de eius exercitu una cum Timotheo & Bacchide plusquam 20000. ita ut Nicanor solus effugiens predicaret Iudeos Deum habere protectorem.



Iudas vero Machabeus, & qui cum illo erant, introibant latenter in castella: & convocantes* cognatos & amicos, & eos, qui permanserunt in Iudaismo, assumentes eduxerunt ad se sex millia virorum. 2. Et invocabant Dominum, ut respiceret in populum, qui ab omnibus calcabatur: & miseretur templo, quod contaminabatur ab impiis: 3. miseretur etiam exterminio civitatis, quæ esset illico complananda, & vocem sanguinis ad se clamantis audiret: 4. memoraretur quoque iniquissimas mortes parvulorum innocentium, & blasphemias nomini suo illatas, & indignaretur super his. 5. At Machabeus, congregata multitudine, intolerabilis gentibus efficiebatur: ira enim Domini in misericordiam conversi est. 6. Et superveniens castellis & civitatibus improvisus, succendebat eas: & opportuna loca occupans, non paucas hostium strages dabat: 7. maxime autem noctibus ad huiuscemodi excursus ferebatur, & fama virtutis eius ubique diffundebatur. 8. Videns autem Philippus paulatim virum ad profectum venire, ac frequentius res ei cedere prospere, ad Ptolemæum ducem Cæsariæ & Phœnicis scripsit, ut auxilium ferret regis negotiis. 9. At ille velociter misit Nicanorem Patrocli de primoribus amicis, datis ei de permittis gentibus, armatis non minus viginti millibus, ut universum Iudeorum genus deleret, adiuncto ei & Gorgia viro militari, & in bellicis rebus experientissimo. 10. Consiliavit autem Nicanor, ut regi tribuerent, quod Romanis erat dandum, duo millia talentorum, de captivitate Iudeorum suppleret: 11. statimque ad maritimas civitates misit, convocans ad coemptionem Iudaicorum mancipiorum, promittens se nonaginta mancipia talento distracturum, non respiciens ad vindictam, quæ eum ab Omnipotente esset consecutura. 12. Iudas autem ubi comperit, indicavit his qui secum erant Iudeis, Nicanoris advenum. 13. Ex quibus quidam formidantes, & non credentes Dei iusticie, in fugam veriebantur: 14. alii vero si quid ei supererat vendebant, simulque Dominum deprecabantur, ut eriperet eos ab impio Nicanore, qui eos, prius quam cominus veniret, venderat: 15. & si non propter eos, propter testamentum tamen quod erat ad patres eorum, & propter invocationem sancti & magnifici nominis eius super ipsos. 16. Convocatus autem Machabeus septem millibus, qui cum ipso erant, rogabat ne hostibus reconciliaretur, neque mererent inique venientium adversum se hostium multitudinem, sed fortiter contenderent, 17. ante oculos habentes contumeliam, quæ loco sancto ab his iniuste esset illata, itemque & Iudæis habitæ civitatis iniuriam, adhuc etiam veterum instituta convulsa. 18. Nam illi quidem armis confidunt, ait, simul & audacia: nos autem in Omnipotente Domino, qui potest & venientes adversum nos, & universum mandum uno manu dele-

re, confidimus. 19. Admonuit autem eos & de auxiliis Dei, quæ facta sunt erga parentes: & (a) quod sub Sennacherib centum octoginta quinque millia perierunt: 20. & de prælio, quod eis adversus Galatas fuit in Babylonia, ut omnes, ubi ad rem ventum est, Macedonibus sociis hæsitantibus, ipsi sex millia soli peremerunt centum viginti millia, propter auxilium illis datum de cælo, & beneficia pro his plurima consecuti sunt. 21. His verbis constantes effecti sunt, & pro legibus & patria moti parati. 22. Constituit itaque fratres suos duces utrique ordini, Simonem, & Iosephum, & Ionathan, subiectis unicuique millenis & quingentis. 23. Ad hoc etiam ab Esdra læto illo sancto libro, & dato signo adiutorii Dei, in prima acie ipse dux commisit cum Nicanore. 24. Et factò sibi adiutore Omnipotente, interfecerunt super novem millia hominum: maiorem autem partem exercitus Nicanoris vulneribus debilem factam fugere compulerunt. 25. Pecuniis vero eorum, qui ad emptionem ipsorum venerant, sublatis, ipsos usquequaque persecuti sunt, 26. sed reversi sunt hora conclusi: nam erat ante sabbatum: quam ob causam non perseveraverunt insequentes. 27. Arma autem ipsorum & spolia congregantes, sabbatum agebant: benedicentes Dominam, qui liberavit eos in isto die, misericordiarum initium stillans in eos. 28. Post sabbatum vero, debilibus, & orphanis, & viduis diviserunt spolia: & residua ipsi cum suis habuere. 29. His itaque gestis, & communiter ab omnibus facta obsecratione, interfectorem Dominum postulabant, ut in finem servis suis reconciliaretur. 30. Et ex his, qui cum Timotheo & Bacchide erant contra se contendentes, super viginti millia interfecerunt, & munitiones exelsas obtinuerunt: & plures prædas diviserunt, æquam portionem debilibus, pupillis, & viduis, sed & senioribus facientes. 31. Et cum arma eorum diligenter collegissent, omnia composuerunt in locis opportunis, residua vero spolia Ierusalem detulerunt: 32. & Philarchen, qui cum Timotheo erat, interfecerunt, virum scelestum, qui in multis Iudeos afflixerat. 33. * Et cum epinicia agerent Ierolymis, cum, qui sacras ianuas incederat, id est Callisthenem, cum in quoddam domicilium refugisset, incederunt, digna ei mercede pro impietatibus suis reddita. 34. Facinorosissimus autem Nicanor, qui mille negotiantes ad Iudeorum venditionem adduxerat, 35. humiliter auxilio Domini, ab his quos nullos existimaverat, deposita veste gloriæ, per mediterranea fugiens, solus venit Antiochiam, summam infelicitatem de interitu sui exercitus consecutus. 36. Et qui promiserat Romanis se tributum restituere de captivitate Ierolymorum, prædicabat nunc protectorem Deum habere Iudeos, & ob ipsum invulnerabiles esse, eo quod sequeretur leges ab ipso constitutas.

(a) IV. Reg. XIX. 35 Tob. II. 21. Eccli. XLVIII. 24. I. Mach. VII. 41. Hæl. XXXVII. 35.

BRUGENSIS

ROMANÆ CORRECTIONES.

Verf. 1. Cognatos & amicos. Correctores iudicarunt non esse omitendum & amicos,

tametsi Græce omittatur.

Verf. 33. Et cum Epinicia agerent Ierolymis. Non præponas voci Ierolymis præpositum nem in.

COMMENTARIA

S A.

Verf. 2. **C**ONTAMINABATUR, id est profanabatur.

V. 3. COMPLANANDA, id est solo æquanda.

V. 9. PATROCLI, scilicet filium. PAT-MORIBUS AMICUM; pro, primatis amicis, scilicet unum.

V. 13. IUSTITIÆ. Græc. *vindictam*, scilicet a Deo faciendam.

V. 15. TESTAMENTUM, id est pactum.

V. 16. RECONCILIARENTUR. Græc. *terrentur*.

V. 23. AD HOC, &c. adhuc etiam & Eleazarum, scilicet præfecit, tum lecto illis, &c.

V. 24. NOVEM. Lib. I. cap. iv. dictum *tria*; sed illud intelligendum de primo congressu, id de tota pugna.

V. 26. HORA, id est tempore.

V. 29. IN FINEM, id est perfecte, seu in perpetuum, vel tandem.

V. 33. EPENICIA, id est celebritates pro victoria.

EST I I.

Verf. 22. **C**ONSTITUIT ITAQUE (Iudas Machabæus); FRATRES SUOS DUCES UTRIQUE ORDINI, SIMONEM, ET IOSEPHUM ET IONATHAN. Obscurum est quis sit hic Iosephus, cum I. Machab. ii. inter fratres Iudæ & filios Matathææ nullus eius nominis numeretur? Quidam existimant Iosephum esse, qui ibi alio nomine vocatur Eleazarus, & Abaron. Sed expendendum, an ille Eleazarus adhuc fuerit in hoc prælio superstes; cum occisus legatur sub elephante Lib. I. cap. vi. An forte Iosephus hic connumeretur inter fratres Iudæ, quia fuerit filius fratris aut sororis? sicut Abraham dicit ad Loth: *Frates enim sumus*, Gen. xiii. sit enim huius Iosephi rursus mentio, infra cap. x. Mire hic se involvit Lyranus, falsus, ut videtur, vitioso codice Iosephi historici. Tu, si velis, ipsum adito Iosephum,

nihil huic nostræ coniecturæ repugnantem, Lib. XII. Antiq. cap. vtr.

MARIANÆ.

Verf. 7. **N**OCTEBUS AD HUIUSCEMODI EXCURSUS utebatur Iudas, seu *insidias*, *ἐπιστάς*: sed perinde est. Prudentis Ducis est, noctu hostes aggredi, & illis parare insidias.

V. 8 VIDENS AUTEM PHILIPPUS: quem Antiochus Ierusalem præfectum reliquerat cap. v. 22. VIRUM AD PROPECTUM. Gotth. *ad perfectum* venire, scilicet Iudam. Parum refert, utrovis modo legatur.

V. 9. MISIT NICANOREM. De hoc, & de tota expeditione, Lib. I. cap. iii. 38. GORGIA VIRO MILITARI: seu *duce*, *στρατῆγῃ*, adiuncto. ET IN BELLICIS REBUS EXPERIENTISSIMO. Hoc totum non est in Gotth. Nicanor.

V. 11. AD MARITIMAS CIVITATES MISIT, ibi sunt frequentes mercatores. CONVOCANS AD COEMPTIONEM IUDÆICORUM MANCIPIORUM. Gotth. *ad emptiōnem Iudæorum mancipiorum*. Sic etiam Græcæ. Iudæi orant Deum,

V. 15. ET PROPTER INVOCATIONEM nominis Dei super eos, scilicet quia vocabantur *populus Dei*, illos tueretur.

V. 16. SEPTEM MILLIBUS CONVOCATIS, seu congregatis a Iuda. Græcæ, *sex millibus*. NE HOSTIBUS Gotth. *ne cum hostibus*. RECONCILIARENTUR, rogabat Iudas. Græcæ, *terrentur*, *καταπλεῖν*. Monet Iudas suos.

V. 20. DE PRAELIO adversus Galatas in Babylone. SOCIIS HAESITANTIBUS. Græcæ, *cum Macedonibus quatuor mille, Macedonibus sociis hesitantibus*. IPSE SEX MILLIA, scilicet Iudæi. Græcæ, *octo mille*: suspicio utroque nostram lectionem esse veriorem. Porro de hoc Galatarum bello certum constitui non potest. Videntur Galatæ, cum ex Italia transfierunt in Asiam Seleuci Primi tempore, Babylonem usque penetrasse, & cum eo bellum gessisse, Iudæos assuisse Regi, quem benchesium in

eos extitisse Iosephus ait Lib. XII. cap. III. & Lib. II. contra Apionem. Aut certe sub Antiocho Primo, qui Seleuco successit, hoc bellum gestum est; nam fuisse etiam Iudeis amicum, & eorum opera in bello usum, ex eodem Iosepho colligitur locis citatis. Hæc Iudæ monitione.

V. 12. MORI PARATI. Græce additur, *quadripartitum exercitum fecit*.

V. 22. MILLENIS ET QUINGENTENIS cuique fratri datus. Quod si cuique agmini equatuor, mille quingentos dedit; omnes milites sex milia fuere, ut Græce dicitur vers. 16.

V. 23. AD HOC ETIAM AB ESDRA LECTO. Græce, *ad hoc & Eleazarum*. Quid hoc? forte significare voluit, Eleazarum etiam fratrem suum quarto agmini præfuisse Iudam.

V. 26. REVERSI SUNT HORA CONCLUSIT. Ab occasu solis dies & Fella inchoabant. Sic ob reverentiam Sabbati, quod sequebatur, ad vesperam tantum insecuti hostes fugientes sunt. Post victoriam Iudæi orant,

V. 29. UT IN FINEM DEUS RECONCILIATUR, id est in perpetuum.

V. 30. EX HIS, QUI CUM TIMOTHEO ET BACCHIDE. Novum bellum & expeditionem tangit & ceperit, de quo Lib. I. cap. v. 12. & deinceps.

V. 33. CUM EPINICIA AGERENT, id est celebrantem pro victoria. IN IEROSOLYMIS. Græce, *in patria*. EUM, QUI SACRAS. Sic lege, non eos, ut est in Vulgata Regia. De uno enim Callisthene loquitur, qui sacras ianuas incenderat, nempe templi cum tunc combussisse.

V. 35. DEPOSITA VESTE GLORIAE, id est abiecto paludamento, & in veste vulgari, Nicanor ivit Antiochiam. SUMMAM INFELICITATEM CONSECUTUS. Græce, *ὀπίσθ' αὖτος ἐννοησάντων*. Quid hoc? corruptus locus videtur.

MENOCCH II.

Vers. 1. IUDAS VERO MACHABAEUS, &c. incipit recensere res gestas Iudæ Machabæi post mortem patris eius Mathathie.

V. 2. CONTAMINABATUR, id est profanabatur.

V. 3. COMPLANANDA, solo æquanda. VOCEM SANGUINIS: Iudæorum crudeliter occisorum Gentilibus, & Apostatis Iudæis.

V. 4. INDIGNARETUR, id est quasi indigne seceris puniret.

V. 8. VIDENS AUTEM PHILIPPUS: qui creditur præpositus fuisse præsidio Ierosolymitano. AD PROPECTUM VENIRE: proficere, & incitamentum capere.

V. 9. PATROCLI: scilicet filium. DE PERMIXTIS GENTIBUS: ex variis nationibus.

V. 12. TRIBUTUM QUOD ROMANIS ERAT DANDUM: annum enim tributum fuerat constitutum Romanis dandum in annos duodecim, cum pax inter illos, & Antiochum Magnum fuit constituta.

V. 13. NON CREDENTES DEI IUSTITIÆ, non fidentes vindictæ Dei iustitiæ.

V. 15. TESTAMENTUM: pactum. INVOCATIONEM NOMINIS EUS: PER EOS: quod scilicet populus eius peculiaris dicerentur.

V. 20. DE PRAELIO ADVERSUS GALATAS. Hæc victoria parva de Galatis alibi quod sciam, non extat, & in Græco non nihil habet diversitatis, dicitur enim Iudæorum octo millia cum Macedonum quatuor millibus ad certamen contra Galatas venisse, & Macedonibus hæstantibus sola octo millia Iudæorum centum viginti millia hostium perdidisse. Quando autem hæc victoria contigerit, & sub quo principe Asiæ non liquet. ET BENEFICIA PRO HIS PLURIMA CONSEQUITUR. In Græco est, *καὶ ὀφείλουται πολλὰ εὐχαρίστησαι, ὅτι μὲν πρὸς τὴν μάχην πολλὰ πρὸς τὴν μάχην*. Ad quem sensum etiam verba vulgati explicari possunt.

V. 22. DUCES UTRIQUE ORDINI: aciei duos ordines fecit Iudas, quorum quatuor essent partes, quibus fratres suos quatuor præfecit.

V. 23. LECTO ILLO SANCTO LIBRO; scilicet, Bibliorum aliqua parte lecta, quæ ad rem præsentem facere videretur, præsertim ex Deuteronomio. DATO SIGNO ADIUTORII DEI: testera quam Iudas Ducibus, & militibus suis dedit (Itali appellant, *il motto*) videtur hæc fuisse, *Dei auxilium*, vel, *Deus auxilium*. IPSE DUX, scilicet Iudas.

V. 24.

V. 24. FACTO SIBI ADIUTORE OMNIPOTENTE : Deo iuvante . NOVEN MILLIA . Lib. I. cap. IV. 15. dicitur occisa tria millia . Utrumque verum est, in confictu caesa sunt novem millia; tria autem millia ex iis, qui se in fugam dederant .

V. 25. QUI AD EMPTIONEM VENERANT : vide supra num. II. SUBLATIS : in potestatem redactis .

V. 26. HORA CONCLUSI : angustis temporis exclusi, nam cum adesset sabbatum infestationem fugientium abruptere sunt coacti .

V. 29. IN FINEM, id est perfecte seu in perpetuum, vel tandem .

V. 30. ET EX HIS QUI CUM TIMOTHEO, &c. est aliud certamen Iudæ cum Timotheo, & Bacchide, quod paucis, & sine notatione certi temporis recensetur . EPINICIA, id est festa, & celebritates pro reportata victoria .

V. 33. SACRAS IANUAS : Templi .

V. 35. NULLOS EXISTIMAVÉRAT : nihili fecerat .

V. 36. PRAEDICABAT : vel invitatus .

T I R I N I .

vers. 5. **I**RA DOMINI IN MISERICORDIAM CONVERSA EST : & minui ac mitigari ceperunt flagella quibus ante sæviebat in populum suum . Et hoc est quod ultimus septem fratrum cap. præced. promiserat, vers. 38. *quod in se & in fratribus suis, id est cum martyrio & morte sua suorumque fratrum, desineret Omnipotentis ira grassari in Iudæos.*

V. 8. PHILIPPUS, qui Ierosolymis ab Antiocho præfectus erat, cap. V. 22. videns, Iudam Machabrum PAULATIM proficere, & maiores vires acquirere in dies, opem implorat Ptolemæi, ducis Cælestriæ, a quo NICANOREM PATROCLI filium, itemque Gorgiam impetrat cum VIGINTI promiscuatum nationum MILLIBUS. Sed longe plura millia postmodum accesserunt; ut dicitur Lib. I. cap. III. 38. & 41.

V. 11. His copiis præfilius Nicanor, Tyriis, Sidoniis, aliisque maritimarum civitatum mercatoribus in castra evocatis, promittit, SE NONAGENTA IUDÆICA MANCIA TALENTO UNO, utique argenti Attico, id est quingentis aureis scutis, DISTRACTU-

RUM. Nempe vix quinque scuta cum dimidio pro singulis capitibus exegisset, cum paulo ante Hyrcanus quidam, teste Iosepho a, unicum adolescentulum uno talento, unicamque puellam uno item talento coemisset. Hæc bilem moverunt plerique Iudæis animosioribus; qui quo expeditiores essent ad bellum,

V. 14. VENDEBANT, SI QUID ADHUC BONORUM EIS DOMI SUPERERAT : volebant nempe toti vacare militiæ.

V. 16. PRO SEPTEN MILLIBUS, in Græco non habentur nisi *sex millia*. Et ita requirere videtur vers. 1. & 22. huius capituli.

V. 20. *Prælium ADVERSUS GALATAS IN BABYLONIA*, in quo SEX MILLIA; Græce *octo millia*, Iudæorum PEREMERUNT CENTUM VIGINTI MILLIA hostium; quo nomine PLURIMA BENEFICIA Iudæi CONSECUTI SUNT a rege; i. puto contigisse sub Antiocho primo, cui cognomen *Soter*. Nam de hoc scribit Appianus b, cum Galatas ex Europa! in Asiam irruentes eiecisse. Quo utique nomine consecuti sunt ingentes illos honores & privilegia, quæ tum ab Antiocho Sotere, tum ab eius filio Antiocho Deo consecutos esse scribit Iosephus, narrat Plutarchus, consensit Iustinus, subscribunt Thomas Bosius, Lipsius, Serarius, Mariana & tot alii.

V. 22. *Iosephus frater Iudæ*, Serario idem est qui *Ioannes* Lib. I. cap. II. 2. In Græco adicitur etiam vers. 23. *Eleazarus*, quartus Iudæ fraier, nam pro verbis istis, AD HOC ETIAM AB ESDRA, ex Græco quidam vertunt, *adhuc etiam Eleazarus*, supple, præfecit Iudas simili modo mille quingentis viris. Tum nova periodo inchoant vers. 23. Iudas pontifex LECTO sacris suis SANCTO LIBRO Deuteronomii, quo Deus timentibus se pollicetur victoriam: ET SIGNO belli DATO, seu tessera militari, hac nempe, *Auxilium suis Deus*; IPSE DUX IUDAS IN PRIMA ACIE committit cum NICANORE & ipso alterius partis supremo duce: e cuius exercitu

V. 24. NOVEN MILLIA cadunt, reliqui in fugam aguntur: quæ ne ad omnium internecionem persequerentur Iudæi, prædediti fuerunt

V. 26. HORA, seu crepusculo vespertino, sabbati ingruente, quo CONCLUST, propter festi diei reverentiam, & profectu-

quendis hostibus REVERSI sunt in sua castra.

V. 28. Exacto autem sabbatho, DEBILIBUS ORPHANIS ET VIDUIS SPOLIA hostibus erepta distribuunt: nec libi fuisse famulus nisi residua deposcunt. O milites non milites! o aeterna memoria factum dignissimum! Quod utinam inisintur Christiani!

V. 29. Rogant exinde Deum UT SERVIS SUIS reconcilietur, & propitius esse ac favere pergat IN FINEM, id est perpetuo, ad plenam usque a iugo hostili liberationem.

(a) Ioseph. Lib. XII. Antiqu. cap. xv.

(b) Appian. in Syriaci.

(c) Ioseph. sup. can. 111. Plutarch. in Demetrio. Iustin. Lib. XXIV. & XXV. Boetius Lib. XXIII. de Signis Eccl. cap. xi. Lipsius in Admittendis Lib. IV.


GORDONI.

Iudas collectis sex millibus, tuetur patriam, vers. 1. & deinceps. Nicanor mittitur contra Iudam cum Gorgia, vers. 9. Vendendi Iudae, vers. 11. Iudas suos hortatur, vers. 16. Nicanor vincitur, vers. 24. Iterum contra Baechedem, & Timotheum, vers. 30. Spolia illata Ierosolymis, vers. 31. De praelio hoc vers. 20. contra Galatas, tempus incertum est. Porro de novo bello hoc, vers. 30: vide Lib. I. cap. v.

V. 12. EPINICIA. Solemnitas pro victoria, vers. 33.

C A P U T IX.

Antiochus a Persepoli fugatus, dum Iudaeos ad internecionem perdere meditaretur, maximis viscerum doloribus a Deo percussus, cum fatore intolerabili saturientibus e corpore vermibus, post suorum criminum agnitionem, & sero promissam emendationem, merita morte occubuit, scriptis ad Iudaeos litteris ut filio suo subditi persisterent.

1.  Odem tempore Antiochus inhoneste revertetur de Perside. 2. Intraverat enim in eam, quae dicitur Persepolis, & tentavit expoliare templum, & civitatem opprimere: sed multitudine ad arma concurrente, in fugam versi sunt: & ita contigit ut Antiochus post fugam tarpiter rediret. 3. Et cum venisset circa Echaranam, recognovit quae erga Nicanorem & Timotheum gesta sunt. 4. Elatus autem in ira, arbitrabatur se, iniuriam illorum qui se fugaverant, posse in Iudaeos retorquere: ideoque iussit agitari curram suam, sine intermissione agens iter, caelesti eum iudicio perurgente, eo quod ita superbe locutus est se veniurum Ierosolymam, & congeriem sepulcri Iudeorum eam facturum. 5. (a) Sed qui universa conspexit Dominus Deus Israel, percussit eum insanabili & invisibili plaga. Ut enim finivit hunc ipsum sermonem, apprehendit eum dolor dirus viscerum, & amara internorum tormenta. 6. & quidem satis iuste, quippe qui multis & novis cruciatibus aliorum torserat viscera, licet ille nullo modo a sua malitia cessaret. 7. Super hoc autem superbia repletus, ignem spirans animo in Iudaeos, & praecipiens accelerari negotium, contigit illum impetu euntem de curru cadere, & gravi corporis collisione membra vexari. 8. Isque qui sibi videbatur etiam fluctibus maris imperare, supra humanum modum superbia repletus, & montium altitudines in statera appendere, nunc humiliter ad terram in gestatorio portabatur, manifestam Dei virtutem in semetipso contestans: 9. ita ut de corpore impii vermes sca-

securirent, * ac viventis in doloribus carnes eius effluerent, odore etiam illius & fetore exercitus gravaretur: 10. & qui paulo ante sidera cæli contingere se arbitrabatur, cum nemo poterat propter intolerantiam fetoris portare. 11. Hinc igitur cœpit ex gravi superbia deductus ad agnitionem sui venire, divina admonitus plaga, per momenta singula doloribus suis augmenta capientibus: 12. & cum nec ipse iam fetorem suum ferre posset, ita ait: Iustum est subdium esse Deo, & mortalem non paria Deo sentire. 13. Orabat autem hic scelestus Dominum, a quo non esset misericordiam consecutus. 14. Et civitatem, ad quam festinans veniebat ut eam ad solum deduceret, ac sepulcrum congestorum faceret, nunc optat liberam reddere: 15. & Iudæos, quos nec sepultura quidem se dignos habiturum, sed avibus ac feris diripiendos traditurum, & cum parvulis exterminaturum dixerat, æquales nunc Atheniensibus facturum pollicetur: 16. templum etiam sanctum, quod prius expoliaverat, optimis donis ornaturum, & sancta vasa multiplicaturum, & pertinentes ad sacrificia fumpus de redditibus suis præstaturum: 17. super hæc, & Iudæum se futurum, & omnem locum terræ perambulatorum, & prædicaturum Dei potestatem. 18. Sed non cessantibus doloribus (supervenerat enim in eum iustum Dei iudicium) desperans scripsit ad Iudæos in modum deprecationis epistolam hæc continentem:

19. OPTIMIS civibus Iudæis plurimam salutem, & bene valere, & esse felices, rex & princeps Antiochus. 20. Si bene valeatis, & filii vestri, & ex sententia vobis cuncta sunt, maximas agimus gratias. 21. Et ego in infirmitate constitutus, vestri autem memor benigne, reverfus de Persidis locis, & infirmitate gravi apprehensus, necessarium duxi communi utilitate curam habere: 22. non desperans memetipsum, sed spem multam habens effugendi infirmitatem. 23. Respicens autem quod & pater meus, quibus temporibus in locis superioribus ducebat exercitum, ostendit qui post se susceperet principatum: 24. ut si quid contrarium accideret, aut difficile nuntiaretur, scientes hi qui in regionibus erant, cui esset rerum summa derelicta, non turbarentur. 25. Ad hæc considerans de proximo potentes quosque & vicinos temporibus insidiantes, & eventum expectantes, designavi filium meum Antiochum regem, quem sæpe recurrens in superiora regna multis vestrum commendabam: & scripsi ad eum quæ subiecta sunt. 26. Oro itaque vos & peto, memores beneficiorum publice & privatim, ut unusquisque conservet fidem ad me & ad filium meum. 27. Confido enim, cum modeste & humane acturum, & sequentem propositum meum, & communem vobis fore. 28. Igitur homicida & blasphemus pessime percussus, & ut ipse alios tractaverat, peregre in montibus miserabili obitu vita functus est. 29. Transferebat autem corpus Philippus collactaneus eius, qui metuens filium Antiochi, ad Ptolemæum Philometorem in Aegyptum abiit.

(*) II. PAR. XVI. 9.

B R U G E N S I S

ROMANÆ CORRECTIONES.

Vers. 2. Et tentavit expoliare templum, Alii scribunt numero plurali *templis*.

Vers. 9. Ac viventis in doloribus carnes eius effluerent. Servandus est genitivus singularis *viventis*, non mutandus in nominativum pluralem *viventes*.

COMMENTARIA

S A.

Verf. 12. **P**ARIA DEO SENTIRE, id est se Deo exequare.

V. 20. GRATIAS, scilicet Deo.

V. 25. INSIDIANTES. Græc. *attendentes*; quasi dicat, Occasioni intentos.

V. 27. ET COMMUNEM. Græc. *obsequentem*, scilicet benignum seu benevolum.

V. 28. MONTIBUS, scilicet Babylonæ. Vide Lib. I. cap. xvi.

E S T I I.

Verf. 9. **I**TA UT DE CORPORE IMPII (Antiochi) VERMES SCATURIRENT, AC VIVENTIS IN DOLORIBUS CARNES EFFULERENT, ODORE ETIAM ILLIUS ET FORTORE EXERCITUS GRAVARETUR.

Etsi mala huius sæculi communia sint bonis & malis, immo plerumque boni magis affligantur quam mali, tamen insigniter mali etiam insigni calamitate non raro puniuntur. Sic secundo isto morbo, non solum hic impiissimus Antiochus interiit, sed & Herodes Ascalonita, qui infantes occidit, teste Iosepho, Herodes item, qui Iacobum Apostolum obtruncavit, & Petrum clausit in carcere, & honores divinos admisit, ut legitur Act. xii. Apud Romanos etiam Sylla belli civilis auctor, & civium Romanorum crudelissimus proscriptor, item Hunericus rex Vandalorum Arrianus, qui catholicos crudelissimo vexaverat. Nestorii quoque hæresiarchæ lingua blasphema nolentis Mariam *Deiparam* vocare, sed tantum *Christiparam* a vermibus corrosa est. Ac denique Calvinum quoque pediculus morbo peritille, testatur Bolsecus & alii.

M A R I A N A E.

Verf. 1. **A**NTIOCHUS INHONESTE RE-VERTEBATUR. Hoc capite agitur de morte Antiochi; de qua Libro I. cap. vi. quæ utrobique dicuntur, concilianda sunt.

V. 2. INTRAVERAT ENIM IN EAM,

QUAE DICITUR PERSEPOLIS. *Elymaidem* in primo libro. Sed erat civitas binomia. IN FUGAM VERSI SUNT. Antiochi scilicet milites. POST FUGAM TURPITER REDIRET. Sic contigit. Quo? in *Babyloniam* dicitur in I. Libro. Non mansit ibi tamen, nec ibi mortuus est; nam cum venisset circa Ecbatanam, cognovit viros in Iudæa eius duces. In Perside id nuntiatum dicit I. Liber. Verum: Ecbatana metropolis Mediæ seu Persidis erat. Nomina harum provinciarum, Mediæ, Persidis, Babylonis, non semel in his. Libris confunduntur.

V. 4. ELATUS AUTEM IN IRA: seu, *elatus autem ira*, ut est Goth. & Græce.

V. 7. DE CURRU CADERE contigit ipsum. De hoc Antiochi casu nihil in I. Libro, sed neque negatur contigisse. Idem dico de iis quæ tribus consequentibus versibus continentur, vermibus, carnis desquatione, fœtore.

V. 9. VIVENTIS IN DOLORIBUS CARNES. Sic lege, non *viventes*, ut Regia & Lova. in dolore, id est præ dolore, carnes effloerent. Antiochus minatur, ut

V. 14. SEPULCRUM CONGESTORUM FACERET, scilicet Ierosolymam. Græce, *cimiterium edificaret*: nempe præ multitudine eorum quos occidere cogitabat. Antiochus Iudæis scribit:

V. 20. MAXIMAS AGIMUS GRATIAS, scilicet Deo, ut Græce est in Romanis, nam in Regiis Græcis hoc totum deest; sine quo tamen oratio manet eclipctica & truncata.

V. 21. EGO IN INFIRMITATE CONSTITUTUS. Græce, *in calo spem habens*. Si utrumque iungas plena & plana erit oratio. Oro ut quisque

V. 26. CONSERVET FIDEM. Græce, *existem*, id est solitam benevolentiam erga me & filium.

V. 28. PEREGRE IN MONTIBUS PERIIT. Quibus? Divinare non oportet. Certenon Babylone, ut plerique volunt; nisi per Babylonem totam provinciam intelligas. Nam egressus ex ea urbe, cognovit res in Iudæa gestas, cum festinaret ut Iudæos puni-

puniret, iam itinere oppressus morbo & extinctus est, anno 149. Regnavit annis undecim, ex Eusebio intellige integros, attingit duodecimum.

V. 29. PHILIPPUS COLLECTANEUS curavit funus, deportato corpore Babylonem. Sic arbitror. Hic est Philippus, cui Antiochus sub mortem dedit diademam, florem, & anulum, ut ea scilicet ferret ad filium. Illi item regni curam commendavit, ut Libro I. cap. vi. 14. Ille ramen metuens filium, ad Ptolemæum in Aegyptum abiit, prius scilicet; nam deinde in Syriam rediit, & Antiochiam occupavit, uti eo capite vi. 55. narratur.

MENOCHII.

Verf. 1. **I**NHONESTE REVERTEBATUR DE PERSIDE, &c. Vide hanc eandem historiam supra Lib. I. capite vi.

V. 2. INTRAVERAT ENIM IN EAM: vide dicta Lib. I. cap. vi. 3.

V. 3. RECOGNOVIT: cognovit.

V. 4. QUI SE FUGAVERANT: e Persepoli. CONGERIEM SEPULCR: *πλάτριν*, quod alii vertunt *cæmeterium*, alii *communis sepulcrum*. Significabat Antiochus se maximam stragem tota Ierofolyima editurum, ut civitas universa nihil aliud esset quam sepulcrum quoddam, omni ex parte cadaveribus redundans.

V. 5. INSANABILI, ET INVISIBILI PLAGA: novo quodam morbi genere, cuius causæ non apparebant.

V. 6. SATTIS IUSTE: *valde iuste*, *πᾶν δίκαιον*.

V. 7. ACCELERARI NEGOTIUM: iubebat aurigam properare.

V. 8. MONTIUM ALTITUDES IN STATERA APPENDERE. A dagialis loquendi formula, qua significatur aliquid habere in potestate, ut mercator verbi gratia in potestate habet, id quod appendit in statera. Alludit ad locum Isaie xl. 12. *Quis appendit tribus digitis molem terra, & libra vit in pondere montes, & colles in statera*.

V. 10. SIDERA CAELI CONTINGERE. Etiam hoc est adagiale, &c dicebat Horatius, *sublimi feriam sidera vertice*: sic Italico proverbio dicimus, *Toccare il cielo col dito*.

V. 12. PARIA DEO SENTIRE, id est se Deo æquare.

V. 13. A QUO NON ESSET MISERICORDIAM CONSECUTURUS: non enim vera pœnitentia tangebatur propter offensum Deum, sed propter dolores suos, sicut tanto ante Esau propter amissam primogenituram; de quo D. Paulus ad Hebræos xii. 17. *Postea cupiens hereditare benedictionem reprobatus est: non enim invenit pœnitentie locum, quamquam cum lacrymis inquisisset eam*.

V. 15. AEQUALES ATHENIENSIBUS: qui scilicet inter omnes Græcos maxime liberi ac sui iuris fuerunt.

V. 18. SUPERVENERAT ENIM IN EUM IUSTUM DEI IUDICIUM; quasi dicat: Lata erat in eum divinitus sententia mortis, irrevocabilis.

V. 20. AGIMUS GRATIAS, scilicet Deo.

V. 23. OSTENDIT, &c. regni successorem declaravit. Si QUID CONTRARIUM: præter opinionem, & adversum.

V. 24. TEMPORIBUS INSIDIANTES, id est occasionem captantes, & tempus observantes res suas cum vicinorum damno promovendi. SCRIPSI AD EUM QUAE SUBIECTA SUNT: additum enim erat hic exemplum epistolæ, quæ ad Antiochum Eupatorem scribebatur, quæ modo non extat.

V. 26. COMMUNEM VOBIS FORE. In Græco est, *συμπαραχρησισθαί*, id est fore ut communiter vobiscum, & indulgenter agar. Videtur mihi Græca phrasîs Italice respondere, quæ dicimus, *si porterà bene con voi*.

V. 27. IN MONTIBUS: vide dicta Lib. I. capite vi. 4.

V. 28. TRANSFEREBAT CORPUS: Antiochiam. METUENS FILIUM ANTIOCHI: causam metus Scriptura non exprimit. Videtur timuisse Lyfiam, in cuius potestate Antiochus puerulus erat.

TIRINI.

Verf. 3. **C**IRCA ECBATANAM Persidis urbem nobilissimam audiirex nuntiis & litteris suorum fugam Lyfiae, Nicanoris, & Timothei. Iratus vindictam minatur, & excidium Iudæorum, verf. 4. Sed mox feritur a Deo.

V. 5. INSANABILI ET INVISIBILI PLAGA retinetur melancholice & cholice.

V. 7. PRAECIPIENS ACCELERARI NEGOTIUM

XXX 2

TIUM

TIUM profectionis, nempe ut primo quoque tempore suam omnem in Iudæos iram evomere posset; dum auriga currum violentius rapit, excutitur rex, terræ illiditur, & gravissime læditur: e vulneribus

V. 9. VERMES *scaturiunt* & pediculi, carnes putrefactæ desiliunt, tanta graveolentia, ut iam a propriis famulis portari amplius non posset. Hoc pediculari supplicio (de quo vide, si lubet, Lucretium, Serenum, & alios medicos,) legimus gravissimos olim peccatores divinitus affectos fuisse, v. g. Herodem Ascalonensem, teste Iosepho: & alterum huius nepotem Herodem Agrippam, Aëtior. XII. Maximianum teste Eusebio: Iulianum teste Sozomeno: & alterum apostatam Theoteenum, de quo Nicephorus: & tertium, de quo S. Antiochus Palæstipus: Hunericum Vandalorum regem, de quo Victor: & nostro sæculo Calvinum, ut Bolfecus, Beza & alii testantur.

V. 11. Hoc morbo, hoc fetore intolerabili tandem devehitur in provinciam Babyloniz: ubi auctis notabiliter doloribus, COEPIT & tenebris *superbia* emergere, & AD AGNITIONEM SUI VENIRE, ut cogitaret se hominem esse miserum & mortalem, non Deum.

V. 13. ORABAT AUTEM SCELERSTUS, DOMINUM, A QUO NON ESSET MISERICORDIAM CONSECUTURUS: quia non vere & ex animo, sed fiste & simulate orabat ac poenitentiam agebat, hoc unum querens ut a morbis & doloribus liberaretur, nihilo melior futurus si convalesceret. Unde signanter dicitur, *crasse Dominum*, sed manens *strepitulosus*. Simile de Esau dicit Apostolus ad Hebræos XII. *non invenisse poenitentiam locum, etsi tum lacrymis inquisisset eam*. Poenitentia enim talis non est de offenso Deo, sed de caducis bonis amissis, vel de malis aut miseriis (quæ scelerum poenæ sunt) incurtis & perpeffis.

V. 15. Pari animo promittit Iudæis SE FACTURUM ipsos AEQUALES ATHENIENSI-

BUS; nempe *αὐτῶν τοῦ αὐτῶν*, ut ait Iosephus a, id est ut propriis legibus, propriisque institutis vivere linerentur: quod nihil optatius Iudæis accidere posse probe sciebat.

V. 20. GRATIAS agit Deo, sed fiste.

V. 21. Memorem se Iudæorum dicit, & quidem BENIGNE, seu benevolè animo.

V. 25. Commendasse se SAEPE Iudæis FILIUM suum ANTIOCHUM postea dictum *Eupatorem*; vicissimque se iam commendare illi Iudæos SUBIECTA, seu annexa his AD EUM singulari epistola.

V. 26. Meminit BENEFICIORUM PUBLICÆ ET PRIVATIM in Iudæos a se collatorum. Sed mendaciter omnia & ex mera hypocrisis, cum confiet, ipsum perpetuo atrocissimum Iudæis hostem fuisse. Quale vero est istud,

V. 27. CONFIDO filium meum VOBIS COMMUNEM, seu comem, benignum, benevolum, FORE; Græce, *obsecraturum* vobis, SEQUENTEM PROPOSITUM MEUM. Nam si intelligat, imitaturum ipsum mores parentis benignos & clementes; splendidissime mentitur, & falsissime de seipso sentit, more tyrannorum, qui quantamcumque crudelitatem exercent, pro benignitate prædicari & haberi volunt. Simpios & crudeles mores, nimis vere loquitur, ut ex seq. capite patet. Sed hoc non se sperare, verum timere, iubebat dixisse tyrannus.

(*) Ioseph. Lib. XIV. Antiq. cap. xvii.

GORDONI.

Antiochus repulsus e Perside, vers. 1. irascitur in itinere contra Iudæos, vers. 3. Plaga percutitur, vers. 5. Incipit mutare animum in Iudæos, vers. 11. & 14. Epistola ad Iudæos, vers. 19. Peregre in montibus moritur, vers. 28. Vide de his Lib. I. cap. vi. & hic in Præloquio. Ante mortem Antiochi purgatum est templum, ann. 248.



C A P U T X.

Judas Machabeus, purgatis templo ac civitate, octo diebus sollempnitatem celebrat, & quotannis celebrandam ordinat: Eupator Antiocho patri in regno succedens, Ptolemao veneno extincto, Gorgiam ducem locorum constituit, Judeos sapinus pugna molestantem: Judaei & hunc & Timotheum variasque hostium munitiones devincunt, occisis plurimis millibus, quinque etiam equitibus de caelo apparentibus, qui Judaeis in auxilium venerant.

1. **M**achabeus autem, & qui cum eo erant, Domino se protegente, templum quidem, & civitatem recepit: 2. aras autem, quas alienigenae per plateas extruxerant, itemque delubra demolitus est: 3. & purgato templo, aliud altare fecerunt: & de ignitis lapidibus igne concepto sacrificia obulerunt post biennium, & incensum, & lucernas, & panes propositionis posuerunt. 4. Quibus gestis, rogabant Dominum prostrati in terram, ne amplius talibus malis incidere: sed &, si quando peccassent, ut ab ipso mitius corripere, & non barbaris ac blasphemis hominibus traderentur. 5. Qua die autem templum ab alienigenis pollutum fuerat, contigit eadem die purificationem fieri, vigesima quinta mensis, qui fuit Casleu. 6. Et cum lustris diebus octo egerant in modum tabernaculorum, recordantes quod ante modicum temporis, diem sollempnem tabernaculorum in montibus & in speluncis more bestiarum egerant. 7. Propter quod thyrsis, & ramos virides, & palmas praeferebant ei, * qui prosperavit mundari locum suum. 8. Et decreverunt communi praecepto & decreto, universae genti Iudaeorum, omnibus annis agere dies istos. 9. Et Antiochi quidem, qui appellatus est Nobilis, vitae excessus ita se habuit. 10. Nunc autem de Eupatore Antiochi impii filio, quae gesta sunt narrabimus, breviantes mala, quae in bellis gesta sunt. 11. Hic enim suscepto regno, constituit super negotia regni Lyfiam quemdam, Phoenicis & Syriae militiae principem. 12. Nam Ptolemaeus, qui dicebatur Macer, Iusti tenax erga Iudeos esse constituit, & praecipue propter iniquitatem quae facta erat in eos, & pacifice agere cum eis. 13. Sed ob hoc accusatus ab amicis apud Eupatorem, cum frequenter proditor audiret, eo quod Cyprum creditum sibi a Philometore deseruisset, & ad Antiochum Nobilem translatus etiam ab eo recessisset, veneno vitam finivit. 14. Gorgias autem, cum esset dux locorum, assumptis advenis frequenter Iudeos debellabat. 15. Iudei vero, qui tenebant opportunas munitiones, fugatos ab Ierusalymis suscipiebant, & bellare tentabant. 16. Hi vero qui erant cum Machabeo, per orationes Dominum rogantes ut esset sibi adiutor, impetum fecerunt in munitiones Iudeaeorum: 17. multaque vi insistentes, loca obtinuerunt, occurrentes interemerunt, * & omnes simul non minus viginti millibus trucidaverunt. 18. Quidam autem, cum confugissent in duas turres valde munitas, omnem apparatus ad repugnandum habentes, 19. Machabeus ad eorum expugnationem, relicto Simone, & Iosepho, itemque Zachaeo, eisque qui cum ipsis erant satis multis, ipse ad eas, quae amplius peturgebant, pugnas conversus est. 20. Hi vero qui cum Simone erant, cupiditate ducti, a quibusdam qui in turribus erant, suasi sunt pecunia: & se-
par-

pruagina millibus didrachmis acceptis, dimiserunt quosdam effugere. 21. Cum autem Machabæo nuntiatum esset quod factum est, principibus populi congregatis, accusavit, quod pecunia fratres vendidissent, adversariis eorum dimissis. 22. Hos igitur proditores factos interfecit, & consilium duas turres occupavit. 23. Armis autem ac manibus omnia prospere agendo, in dubiis munitionibus plus quam viginti millia peremit. 24. * At Timotheus, qui prius a Iudæis fuerat superatus, convocato exercitu peregrinæ multitudinis, & congregato equitatu Aitiano, advenit quasi armis Iudæam capturus. 25. Machabæus autem, & qui cum ipso erant, appropinquante illo, deprecabantur Dominum, caput terra aspergentes, lumbosque ciliciis præcincti, 26. ad altaris crepidinem provoluti, ut sibi propitius, inimicis autem eorum esset inimicus, & adversariis adversaretur, sicut lex dicit. 27. Et ita post orationem, sumptis armis, longius de civitate procedentes, & proximi hostibus effecti, resederunt. 28. Primo autem solis ortu utrique commiserunt: isti quidem victoriæ & prosperitatis sponsores cum virtute Dominum habentes: illi autem ducem belli animum habebant. 29. Sed, cum vehemens pugna esset, apparuerunt adversariis de celo viri quinque in equis, frænis aureis decori, ducatum Iudæis præstantes: 30. ex quibus duo Machabæum medium habentes, armis suis circumscriptum incolumem conservabant: in adversarios autem tela & fulmina iaciebant, ex quo & cecitate confusi, & repleti perturbatione cadebant. 31. Interfecti sunt autem viginti millia quingenti, & equites sexcenti. 32. Timotheus vero confugit in Gazaram prælidium munitum, cui præerat Chæreus. 33. Machabæus autem, & qui cum eo erant, lætantes obsederunt præsidium diebus quatuor. 34. At hi qui intus erant, loci firmitate confusi, supra modum maledicebant, & sermones nefandos iactabant. 35. Sed cum dies quinta illucesceret, viginti iuvenes ex his qui cum Machabæo erant, accensi animis propter blasphemiam, viriliter accesserunt ad murum, & feroci animo incedentes ascendebant: 36. sed & alii similiter ascendentes, turres portasque succedere aggressi sunt, atque ipsos maledicos vivos concremare. 37. Per continuum autem biduum præsidio vastato, Timotheum occultantem se, in quodam repperit loco: peremerunt: & fratrem illius Chæreum & Apolophanem occiderunt. 38. Quibus gestis, in hymnis & confessionibus, benedicebant Dominum, qui magna fecit in Israël, & victoriam dedit illis.

BRUGENSIS

ROMANÆ CORRECTIONES.

Vers. 7. Qui prosperavit mundari locum suum. Passivum mundari non est vertendum in activum mundare.
Vers. 17. Et omnes simul non minus viginti

millibus trucidaverunt. Non addas quinque ad viginti.

Vers. 24. At Timotheus. Non mutes coniunctionem adversativam et in copulativam &.
Ibidem: Et congregato equitatu Aitiano. Psa. equitatu non scribas exercitu.

COMMENTARIA

S A.

Verf. 3. BIENNIIUM, scilicet a destructione. Not. vero, id etiam narratur post mortem Antiochi, prius tamen contigisse. Vide Lib. I. cap. iv.

V. 5. CALEU, scilicet Novembris.

V. 7. THYRSOS, id est virgulta, vel hastas frondibus ornatas. Et, scilicet canentes. PROSPERAVIT MUNDARI, id est dedit prosperitatem mundandi.

V. 13. (PHILOMETORE, scilicet Rege Aegypti. AB EO, scilicet Philometore. VENENO, scilicet ultro accepto.

V. 15. IUDAEI. GRÆC. *Idumai*. FUGATOS, scilicet ab Iudæis ob crimina, seu transfugas.

V. 26. CREPIDINEM, scilicet basim, seu inferiorem extremitatem. DICIT, id est pollicetur: scilicet inimicus ero inimicis tuis, &c. Exod. xxiii.

V. 37. LOCO. GRÆC. *locu*.

E S T I I.

Verf. 1. MACHABEUS AUTEM ET QUI CUM EO ERANT, TEMPLUM QUIDEM ET CIVITATEM RECEPIT. Ac tandem *verf. 3.* ET PURGATO TEMPLO ALIUD ALTARE FECERUNT, ET SACRIFICIA OBTULERUNT POST BIENNIIUM. Obiiciunt hunc locum hæretici tamquam contrarium ei quod Lib. I. cap. iv. dictum est, purgatum fuisse templum, vivente adhuc Antiocho; videlicet anno centesimo quadagesimo octavo regni Græcorum, cum hic dicatur id factum biconio, ut apparet, post mortem Antiochi. Quidam respondet, Iudam his purgasse templum. Verum id dici non potest. Non enim legitur sub Iuda secundo fuisse templum contaminatum, sed tantum semel. Deinde constat etiam satis ex circumstantiis, utroque loco, eandem templi purgationem describi. Proinde dicendum est, id quod hic dicitur (*post reinium*) Iudam purgasse templum, non intelligendum de biennio post mortem Antiochi, ut hæretici prave detorquent, ex eo quod eius mors capite præcedenti descripta sit: neque etiam

am de biennio post contaminationem templi. Accidit enim, ut ex præcedenti libro manifestum est, triennio post contaminationem; eodem videlicet mense & die, quo illud polluerant gentes, tribus annis interpositis. Sed *biennium* illud accipiendum est ab initio principatus Iudæ Machabæi. Nam templum contaminationem est anno Græcorum centesimo quadagesimo quinto, Matathias autem pater Iudæ mortuus anno quadagesimosexto, cui statim Iudas successit. Purgatio denique templi facta est biennio post; anno centesimo quadagesimo octavo; qui idem annus scilicet etiam notatur Lib. I. cap. iv.

M A R I A N A E.

Verf. 1. MACHABEUS AUTEM. Hoc capite agitur de templi purificatione, de qua Lib. I. cap. iv. 36. Verum ibi ponitur ante mortem Antiochi, post victoriam de Lysia partam, uti vere accidit: hic autem post eius obitum, non servato ordine temporis; quod sæpe fit in historia, ut nexus rerum quæ narrantur, servetur. Visio Nicanore nuntius ad Antiochum venit; ex eo morbus est consecutus, & mors. Post narratur templi purificatio prius facta.

V. 3. DE IGNITIS LAPIDIBUS IGNE CONCEPTO. GRÆCÆ, *et incendentes lapides, et ignem ex eis accipientes*. Ignitos lapides si-lices intelligo, qui intra se videntur ignem continere, & ferro percussis igne accendi. GRÆCÆ *νῆπις*, Latine *ignarium*, Italice *facile*. Ab igne vocatur lapis is & ferrum, quibus collisis inter se, ignis excutitur. Nolebant igne communi & profano uti, sed novo & recens excusso. Sic inter nos fit, cum Sabbato sancto novus ignis accenditur. SACRIFICIA OBTULERUNT POST BIENNIIUM. Post triennium, ex quo templum fuit profanatum, ut Lib. I. cap. iv. 52. diximus: post biennium autem, ex quo Mathathias obiit, & Iudas illi successit. Obiit Mathathias anno 146. Lib. I. cap. lxx. templum repurgatum est anno 148 sic Lib. I. cap. iv. 52.

V. 6.

V. 6. EGERUNT IN MODUM TABERNACULORUM. Ecce quare Festum dedicationis vocatur Scenopogia, i. cap. huius libri. Canebant Hofanna in modum nostrae Litaniae, quod fit in Festo Tabernaculorum, ut patet ex Hebraeorum Rituali; ferebant etiam ramos virides & palmas, uti in hac dedicatione fecerunt.

V. 7. THYRSOS IRAEFEREBANT. Ii sunt haec frondibus vestitae, quas in Bacchi etiam festis Graeci ferebant.

V. 8. OMNIBUS ANNIS AGERE DIES ISTOS. A die 25. mensis Casleu, id est Novembri extremo, per octo dies; Lib. I. cap. iv. 59. Sic hodie fit, ut ex eorum Calendario notum est. Ioan. x. 22 de his Encæniis & dedicatione loquitur. Porro a Iosepho Lib. XII. cap. x. *Festum luminum* vocatur, quod post densas malorum tenebras lux tunc illi populo apparuit.

V. 12. IUSTI TENAX ERGA IUDAEOS. Sic lege sine commate. PRAECIPUE PROPTER INIQUITATEM, id est multiplices iniurias, quae Iudaeis superiori tempore erant factae, se illis Ptolemæus hic benignum exhibebat. Hinc sumpta occasione,

V. 13. ACCUSATUS AB AMICIS, scilicet Regis Ptolemæus hic, quod in Ptolemæum Eupatorem, & post in Antiochum proditor exiitisset. CUM FREQUENTER PRODITOR AUDRET, id est vocaretur, ipse sibi mortem concivit.

V. 15. IUDAEI VERO. Graece, *Idumaei*: suspicor esse hanc veram lectionem, eosque perugas Iudaeorum suis arcibus accepisse.

V. 18. QUIDAM AUTEM. Graece additur, non minus novem millibus, cum fugissent in duas turres, scilicet ex Idumæis.

V. 20. SEPTUAGINTA MILLIBUS DIDRACHMIS. Graece, *drachmis*. Simonis milites corrupti sunt.

V. 28. DUCEM BELLI ANIMUM HABERANT, id est in sua audacia fidentes, ut Iudæi in Deo.

V. 33. DIEBUS QUATUOR: obsederunt Gazaræ praesidium. Graece, *quatuor & viginti*. Sic in Regiis, in Rom. tamen, *diebus quatuor*.

V. 37. PER CONTINUUM AUTEM BIDIUM PRAESIDIO VASTATO. Graece, *qui autem portas fregerunt, reliquis copias in tromittentes occupaverunt civitatem*. IN QUODAM REPERTUM LOCO Timotheum occiderunt. Graece, *occulum in quoddam*

lacu seu fossa. An ex lacu per incuriam locus est factus.

MENOCHII.

Vers. 1. DE IGNITIS LAPIDIBUS IGNE CONCEPTO: *ὑποκαρπύς ἡ δὲ οὖν*, id est cum accendissent, vel ignotos fecissent lapides, chalybis scilicet percussu. Serarius putat hoc factum oppositis lapidibus ad solem, aut in ignem coniectis donec candescerent, aut certe miraculo precibus impetrato. POST BIENNIIUM: vide dicta Lib. I. cap. iv. 25.

V. 5. CASLEU: qui Novembri respondet.

V. 6. IN MODUM TABERNACULORUM: ad eum modum quo solebant agitare festum Tabernaculorum. RECORDANTES, &c. gaudentes quod ex tristi in latum, & prosperum statum res mutatae essent, & quasi supplantantes hac Encæniorum celebritate, quod defuerat celebritati Tabernaculorum.

V. 7. THYRSOS, id est virgulta, vel hastas frondibus ornatas. Et, scilicet canentes. PROSPERAVIT MUNDARE, id est dedit prosperitatem mundandi.

V. 12. NAM PTOLEMÆUS, &c. Narratur quomodo Ptolemæus quidam ad voluntarium exitum compulsi sit, quod minus in Iudæos acerbis esset. PROPTER INIQUITATEM, QUAE FACTA ERAT IN EOS: quia scilicet viderat, & videbat iniuste, & acerbè tractari Iudæos, sensu commiserationis commovebatur.

V. 13. PRODITOR AUDIRET: proditor appellaretur. CYPRUM CREDITAM A PHILOMETORE DESERVISSET: a Ptolemæo Philometore Aegyptii rege. ETIAM AB EO RECESSISSET: non est sensus Macrum revera recessisse ab Antiocho, alioqui apud filium nullum habuisset locum, sed recessisse eum dicebant eius æmuli, quod Iudæis Antiochii inimicis favere videretur.

V. 14. ASSUMPTIS ADVENIS, &c. In Graeco ad verbum est: *Peregrinum militem, & bellum adversus Iudæos nutrebat*.

V. 15. BELLARE TENTABAT. In Graeco est, *ποδαρπησὶν ἐνέχοντες*, id est bellum nutrire tentabat.

V. 18. IN DUAS TURRES: nomine turrium videntur intelligenda castella satis magna. Nam in Graeco legitur non minus novem millibus eo confugisse; ideoque aliqui

qui verterunt arces: quin etiam infra num. 23. easdem turres Scriptura munitiones vocat.

V. 20. SEPTUAGENTA MILLIBUS DIDRACHMIS: quæ efficiunt monetæ Romanæ scuta quatuordecim millia: nam didrachma duobus siliis æquivallet.

V. 21. PECUNIA FRATRES VENDIDISSENT: non enim vitam suam dumtaxat, aut bona recipiebant, sed potestatem vendendi Iudæos cadibus, rapinis, incendiis, &c.

V. 24. QUI PRIUS A IUDÆIS FUERAT SUPERATUS: in Galaaditide, cum Dux Ammonitarum esset, non multo antepreliis aliquot afflictus fuerat a Iudæis, supra Lib. I. cap. v. 6. & 7.

V. 26. SICUT LEX DICIT. Exod. XXII. 22 ubi legitur: *Quid si audieris vocem eius, & feceris omnia quæ loquor, inimicus ero inimicis tuis, & affligam affligentes te, præcedique te Angelus meus.*

V. 27. DE CIVITATE: Ierusalem.

V. 28. SPONSOREM CUM VIRTUTE, &c. virtutis scilicet, & fortitudinis ipsorum auxilium, & adiutorem. DUCEM BELLANIMUM HABEBANT: τὸν δὲ αὐτοῦ, id est iram, sibi ipsi videlicet confidebant, & recedentes a Domino, immo pugnautes contra Dominum, ponebant carnem, brachium suum.

V. 32. GAZARAM: licet supra non semel Gazara posita sit pro Gaza civitate Palæstinorum, hic tamen ponitur pro alio loco a Gaza distincto, ut norant Serarius, & Salius.

V. 34. MALEDICERANT: Iudæ scilicet, & Iudæis, a quibus obsidebantur.

V. 37. PRAESIDIO VASTATO: arce, quam expugnaverant, direpta, & vastata. Loco. In Græco est λαῶν, loca, ut forte legendum in nostra vulgata editione ut obliervant Em. Sa, Salius, & Serarius.

V. 38. CONFSSIONIBUS: Dei laudibus.

T I R I N I.

Vers. 3. **I**gnis lapides a Ioanne Mariana & quibusdam aliis hic vocantur siliæ qui ignem in se continere videntur, & ferro percussu ignem reddunt. Sed Serarius putat, precibus ignem e celo devotatum lapides ibi forte vicinos cor-

Bib. Sac. Tom. XXII.

ripuisse & inflammasse, ut factum sub Nehemia & alias sæpius, dixi Lib. II. Mach.

II. 7. Et ita hic factum scribit Gorionides. Porro hæc templi repurgatio, & novi altaris dedicatio, etsi hic narratur post mortem Aniochi, certum tamen, accidisse ante mortem illius: nam facta est anno Græcorum 148. b, cum Antiochus mortuus sit anno 149. BIENNIIUM cuius hic fit mentio, inchoatur non a profanatione templi, sed ab initio principatus Iudæ, ut alibi dixi.

V. 7. Thyrsi virgulta sunt vel basæ frondibus ornate, quibus olim, ubi parata esset victoria, castrorum tabernacula vestiebantur, teste Plutarch. Appiano & aliis.

V. 11. Lyfias iste, quem SUPER NEGOTIA REGNI, seu proregem, CONSTITUIT novus rex Eupator, de stirpe regia erat, Lib. I. cap. II. 22.

V. 12. Sed quis iste PTOLEMAEUS MACER? Ex particula causativa, NAM, quæ etiam est in Græco, videtur antecessor Lyfæ fuisse in proregis dignitate. Et idem ipse qui supra VIII. 8. Nicanorem & Gorgiam adversus Iudæos misit: sed iam melius instructus de illorum innocentia, PROPTER INQUITATEM, seu iniustitiam ipsis factam tum a se, tum ab aliis, statuit exinceps iustitiæ & innocentie eorumdem patrocinari. Sed hoc ipsum ei odium apud amicos & regem, dein etiam exitium peperit. Maxime quod diceretur etiam a rege recessisse, & ad Iudæos regis hostes proclivior esse.

V. 14. Advenæ vocantur ex copie militares quæ ex Thracibus, Lydis, Galatis, & aliis exteris nationibus erant conflatae. Hæc infra vers. 24. vocantur exercitus peregrina multitudinis.

V. 15. IUDÆI; Græce, Idumæi (& sic legendum patet ex sequ.) reiectis & apostatis Iudæos excipiebant acibus suis, & armis intruebant, & una secum in bellum adversus Iudam Machabæum educabant. Et his vero caduntur mox a Iuda.

V. 17. Viginti millia: qui eadem effugerunt, in Græco dicuntur fuisse novem milia.

V. 19. Iosephus idem esse videtur, qui cap. VIII. 22. proprius Iudæ frater.

V. 20. Septuaginta millia didrachma argenti Atticæ faciunt aurea scuta. 5833.

Y y y cum

cum una tertia. Hac summa vers. 21.¹ dicit Iudas quosdam Iudæos *ἐλαττοῦσαντας* vendidisse fratres suos reliquos Iudæos, eo ipso quo adversarios illorum iam in artum coactos effugere permisissent. Salutem enim amicorum prodit, qui inimicos captos solvit.

V. 28. Duo præclara habes gerendorum bellorum, & obtinendæ victoriæ certissima instrumenta. Primum, *Deum* per penitentiam, præces & certam fiduciam invocatum; Secundum *virtutem* tam animi, quam corporis, nempe quæ labores, vigilia, inedia, aliæque belli incommoda generose tolerat, acriter pugnat, nec e pugna nisi victrix recedit. E contrario calamitatum & exitiorum in bellis fons & auctor certissimus is, quem Iudæorum hic hostes habebant, *dux belli animus*; Græce, *δυναμὶς*, id est cupiditas, ira, superbia.

V. 29. APPARUERUNT DE CAELO QUINQUE VIRI, id est angeli virorum forma, IN EQUIS, tutantes undique Iudæos, IN ADVERSARIOS vero TELA omne genus ET FULMINA iacentes. Non sunt ergo hæc, ut quidam subinde musitant, inania spectra, cum vi illorum res tantæ perficiantur. Neque dæmonum ludibria, ut olim Castor & Pollux: neque enim velent veræ religionis hostes dæmones, veram religionem suo auxilio stabilitum vel amplificatum ire. Et plenæ sunt historiæ subsidiis eiusmodi angelicis, Constantino g contra Licinium, Theodosio h contra Eugenium, Veneslao i contra Carinensem principem, tot Hispanis k & Lustranis l regibus contra Saracenos, Mauros, Indos: Congi quoque regi Alfonso m Christiano contra paricidam Panfum: & plurimis aliis etiam nostra ætate ducibus Christianis ad-

versus Christianæ fidei rebelles Gentiles, Turcas, hæreticos in ipso ardore certaminis e caelo submissis.

V. 32. TIMOTHEUS delectis eopiis suis, ad littora maris prius profugit, inquit GORIONIDES n, ubi collectis e Palæstina fuga sociis, iterum cum Iuda committit, iterum vincitur, victus includit se non Gaza, ut ait, sed *Gazara* rocenibus. Qua quinta post die, virtute iuvenum *viginti Hassamæorum* expugnata, ibidem cum *fratribus suis Cherea & Apollophane* interemptus est, in loco; Græce, in loco quodam.

(a) Gorionid. Lib. III. cap. XIII.

(b) Lib. I. Mach. IV. 54.

(c) Ibid. cap. VI. 16.

(d) Ibid. cap. XV. 14.

(e) Plutarch. in Emilio & Mario. Appian. Lib. III. Belli civilis.

(f) Proleg. de moneta.

(g) Panegyrico scripto.

(h) Theodor. Lib. V. cap. 24.

(i) Vita h. Veneslao.

(k) Mariana Hispania.

(l) Maszi hist. Indica Lib. IV. & XII.

(m) Maszi. Ibid. Lib. I.


(n) Gorionid. Lib. III. cap. XIII.

GORDONI.

Iterum narratur purgatum templum vers. 3. Orat. vers. 4. Quo die purgatum; vers. 5. Solemnitas, vers. 6. De Antiocho, Eupatore filio Epiphaio, vers. 10. Gorgias quid in Iudæos, vers. 14. Quid Iudas, vers. 21. Timotheus Iudæos invadit, vers. 24. Confligunt, vers. 28. Ingens e caelo victoria, vers. 30. Timotheus expugnata arce occiditur, vers. 36. 37. Nota hic vers. 3. ignitos lapides esse silices, quasi ignem continerent intra se. Per Thyrses, vers. 7. accipe hastas frondibus vestitæ. De drachmis alibi.

C A P U T XI.

Judas Machabeus ferocis Lysia maximum prostravis exercitum, fretus auxilio missi celitus equitis; quod animadvertens Lysias pacem inter Iudeos & regem componit: referuntur epistole Lysia, Antiochi, ac Romanorum ad Iudeos, & Antiochi ad Lysiam pro Iudeis.

1.  En parvo post tempore, Lysias procurator regis, & propinquus, ac negotiorum præpositus, graviter ferens de his quæ acciderant, 2. congregatis octoginta millibus, & equitatu universo, veniebat adversus Iudeos, existimans civitatem quidem captam Gentibus habitaculum sacrum, 3. templum vero in pecunie questum, sicut cetera delubra Gentium, habiturum, & per singulos annos vñale sacerdotium: 4. nusquam recogitans Dei potestatem, sed mente effrenatus, in multitudine peditum, & in millibus equitum, & in octoginta elephantis confidebat. 5. Ingressus autem Iudeam, & appropians Bethsuræ, quæ erat in angusto loco, ab Ierosolyma intervallo quinque stadiorum, illud præsidium expugnabat. 6. Ut autem Machabeus, & qui cum eo erant, cognoverunt expugnari præsidia, cum sctu & lacrymis rogabant Dominum, & omnis turba simul, ut bonum Angelum mitteret ad salutem Israel. 7. Et ipse primus Machabeus, sumptis armis, ceteros adhortatus est simul secum periculum subire, & ferre auxilium fratribus suis. 8. Cumque pariter prompto animo procederent, Ierosolymis apparuit præcedens eos eques in veste candida, armis aureis hastam vibrans. 9. Tunc omnes simul benedixerunt misericordem Dominum, & convaluerunt animis: non solum homines, sed & bestias ferocissimas, & muros ferreos parati penetrare. 10. Ibant igitur prompti, de celo habentes adiutorem, & miserantem super eos Dominum. 11. Leonum autem more impetu irruentes in hostes, prostraverunt ex eis undecim millia peditum, & equitum mille sexcentos: 12. universos autem in fugam verterunt, plures autem ex eis vulnerati nudi evaserunt. Sed & ipse Lysias turpiter fugiens evasit. 13. Et quia non insensatus erat, secum ipse reputans, factam erga se diminutionem, & intelligens invidios esse Hebræos, omnipotentis Dei auxilio innitentes, misit ad eos: 14. promissique se consensurum omnibus quæ iusta sunt, & regem compulsum amicum fieri. 15. Annuit autem Machabeus precibus Lysia, in omnibus utilitati consulens: & quæcumque Machabeus scripsit Lysia de Iudeis, ea rex concessit. 16. Nam erant scriptæ Iudeis epistolæ * a Lysia quidem hunc modum continentes:

LYSIAS populo Iudeorum salutem.

17. Ioannes & Abesalom, qui missi fuerant a vobis, tradentes scripta, postulabant ut: ea, quæ per illos significabantur, implem. 18. Quæcumque igitur regi potuerant perferri, exposui: * & quæ res permittebat concessit. 19. Si igitur in negotiis fidem conservaveritis, & deinceps bonorum vobis causa esse tentabo. 20. De ceteris autem per singula verbo mandavi, & istis, & his qui a me missi sunt, colloqui vobiscum. 21. Bene valete. Anno centesimo quadagesimo octavo, mensis Dioscori die vigesima & quarta.

22. Regis autem epistola ista continebat:

Yyy 2.

REX

REX Antiochus Lysiae fratri salutem. 23. Patre nostro inter deos translato, nos volentes eos, qui sunt in regno nostro, sine tumultu agere, & rebus suis adhibere diligentiam, 24. audivimus Iudaeos non consensisse patri meo ut transferrentur ad ritum Graecorum, sed tenere velle suum institutum, ac propterea postulare a nobis concedi sibi legitima sua. 25. Volentes igitur hanc quoque gentem quietam esse, statuentes iudicavimus, templum restitui illis, ut agerent secundum suorum maiorum consuetudinem. 26. Bene igitur feceris, si miseris ad eos, & dexteram dederis: ut cognita nostra voluntate, bono animo sint, & utilitatibus propriis deserviant.

27. Ad Iudaeos vero regis epistola talis erat:

REX Antiochus senatus Iudaeorum, & ceteris Iudaeis salutem. 28. Si valetis, sic estis ut volumus: sed & ipsi bene valemus. 29. Adiit nos Menelaus, dicens velle vos descendere ad vestros, qui sunt apud nos. 30. His igitur, qui commenant usque ad diem trigesimalum mensis Xanthici, datus dexteris securitatis, 31. * ut Iudaei utantur cibis & legibus suis, sicut & prius: & nemo eorum ullo modo molestiam patiatur de his quae per ignorantiam gesta sunt. 32. Misimus autem & Menelaum, qui vos alloquatur. 33. Valet. Anno centesimo quadragesimo octavo, Xanthici mensis quintadecima die.

34. Miserunt autem etiam Romani epistolam, ita se habentem:

QUINTUS Memmius & Tiberius Manilius, legati Romanorum, populo Iudaeorum salutem. 35. De his, quae Lysias cognatus regis concessit vobis, & nos concessimus. 36. * De quibus autem ad regem iudicavit referendum, consilium aliquem mittite, diligentius inter vos conferentes, ut decernamus, sicut congruit vobis: nos enim Antiochiam accedimus. 37. Ideoque festinate rescribere, ut nos quoque sciamus cuius estis voluntatis. 38. Bene valet. Anno centesimo quadragesimo octavo, quintadecima die mensis Xanthici.

BRUGENSIS

ROMANAE CORRECTIONES.

*Vers. 16. A Lysia quidem. Vocula quidem non est augenda una syllaba ita ut sit *figu-*
dem.*

*Vers. 18. Et quae res permissas concessis. Qui-
dam libri legunt pluralem numerum *per-*
missas, sed prima persona concessi, nul-
lo est modo admittenda.*

Vers. 20. Per singula verbo mandavi. Pro-

ablative singulari verbo, non est scriben-
bus accusativus pluralis verba.

*Vers. 31. Ut Iudaei utantur cibis & legibus
suis. Retinendus est nominativus pluralis.
Iudaei non substituendus ablativus Iudaeis.*

*Vers. 36. De quibus autem ad regem iudica-
vit referendum. Legendum est indicavit,
secunda vocis littera existente vocali quin-
ta n non tertia liquidarum n, indicavit.*

COMMENTARIA

S A.

*Vers. 1. P*ROFINQUUS, id est cognatus.

V. 5. ANGUSTO. Græc. munito, seu forti.

V. 21. DIOSCORI, id est Junii.

*26. DEXTERAM DEDERIS, id est cum
eis pacem feceris, seu concordiam.*

V. 30. XANTHICI, id est Aprilis.

EST II.

*Vers. 6. U*T AUTEM MACHABAEUS
ET QUI CUM EO ERANT

COGNOVERUNT EXPUGNARI PRAESIDIA,
CUM FLETU ET LACRYMIS ROGABANT
DOMINUM, UT BONUM ANGELUM MIT-
TERET. Hinc intelligimus praecipuum ro-
bur belli consistere in adiutorio Dei, id
quod

quod suo exemplo Iudas Machabeus solissime ostendit, omnibus suis praelius prae-mittens invocationem auxilii caelestis: deinde quoque addidimus, iam inde ab initio, persuasionem piorum fuisse, actiones nostras dirigi Angelorum ministerio, tum maxime quando Deus rogatur, ut Angelum suum mittat in auxilium, ut hic fecerunt. Sic & Tobias precatur, ut Angelus Dei bonus comitetur filium suum, Tobiae v. Et vide; sicut visibili specie Tobiae filius Angelum comitem habuit, ita & hoc loco Iudas Machabeus Angelum habuit praelii ducem. Appruit, inquit Scriptura, *praecedens eos eques in veste candida, armis aureis, hastam vibrans*: qui sane eques eos praecedens, & ad certam victoriam ducens, non alius fuit, quam Angelus bonus, quem ad salutem sui, & suorum, paulo ante sibi mitti petierat.

M A R I A N A E.

Verf. 8. **A** PPARUIT, scilicet Angelus. ARMIS AUREIS HASTAM VIBRANS. Sic melius quam Graeca: *Armaturam auream vibrans*. Hasta vibratur, non arma.

V. 21. ANNO CENTESIMO QUADRAGESIMO OCTAVO, MENSIS DIOSCORI DIE VIGESIMA ET QUARTA. Duplex nodus; alter de anno, de nomine mensis alter. Mensem noster *Dioscorum* vocat, *Dioscorinthion* Graece, id est *Iovis Corinthii*. Quae nomina in nullo Calendario aut alio prorsus loco invenio; nisi forte *Dioscori* Castor & Pollux quia gemini erant, eos pro signo sic dicto sumit, & pro mense Maio in quo Gemini dominantur. De anno maior difficultas. Antiochus Epiphanes obiit anno 149. ut dicitur Lib. I. cap. vi. quomodo post eius mortem, rerum potiente eius filio Antiocho Eupatore, epistolae, quae hic ponuntur, scribi potuerunt anno 148? Multi multa dicunt; sed quoniam de suo capite omnes, nullo veterum testimonio, facile reici possunt. Illud dico, in annorum computatione frequenter Scriptores discrepare, neque unus aut duorum annorum magnum esse discrimen. Primi libri & secundi non est idem Auctor; potuerunt suae computationis non idem habere principium, a Seleuci primo alterum anno inchoare cum Babylonem obtinuit,

alios ex eo tempore cum totam provinciam subegit. Inter nos, in computatione annorum Christi, alii ab Incarnatione sumunt principium; alii a Nativitate, discrepantes uno anno, novem prorsus mensibus anni. Quidam annos completos sequuntur, inchoatos alii. Indictionum annos Imperatores a Septembris die 24. Pontifices a Nativitate Domini inchoant & numerant. Itaque non est mirum, si anni in primo positi & eorum ratio ab annis secundi libri & eorum numero differunt. Qui plura voluerit, Serarium hoc loco legat, aut Iosephum Stephanum in quartum primi Libri Machabaeorum caput, aut etiam Scaligerum de Emendatione temporum.

V. 30. USQUE AD DIEM TRIGESIMUM MENSIS XANTHICI. Mensis est Macedonicus nostro Aprili respondeo. Usque ad eam diem dat facultatem Rex Ierosolymitanis invisendi alios Iudaeos, qui erant per eius regnum dispersi.

M E N O C H I I.

Verf. 1. **N** EGOTIORUM PRAEPOSITUS: *ἐν τῷ πραιποσίτῳ*. Qui Heliodorus tempore Seleuci patris Antiochi Eupatoris, supra tit. 7.

V. 5. EXPUGNABAT, id est oppugnabat ut etiam numero sequenti.

V. 13. DIMINUTIONEM: *ὑλάσεως*, cladem.

V. 14. REGEM COMPULSURUM AMFICUM FIERT: tuto promittere poterat, quia regem periculum habebat in potestate, sub cuius nomine ipse regnabat.

V. 15. UTILITATE; scilicet, publicae. QUaecumque MACHABAEUS SCRIPSIT, &c. petiisse autem Machabzum ut in patriis legibus, atque institutis vivere liceret, facile est existimare, quando ea una summaque suscepti belli causa fuerat.

V. 18. POTUERUNT PERFERRI. In Graeco pro potuerunt est, *ἴδεν*, id est *opportebat*.

V. 19. FIDEM. In Graeco est, *ἀγαπή*, benevolentiam; id est, si vos bene affectos ostenderitis erga regis negotia. BONORUM VOBIS CAUSA ESSE: de vobis bene mereri.

V. 20. ET ISTIS, ET HIS, QUI A ME MISSI SUNT, id est utrorumque legatis.

V. 21.

V. 21. ANNO CENTESIMO QUADRAGESIMO OCTAVO. Hæc notatio temporis non levi inveniendi difficultatem, quæ fieri queat, ut hæc, sequentesque epistolæ datæ sint anno 149. ut habetur supra Lib. I. cap. vi. 16. sed communis est, & vera responsio Græcorum annos aliter a Iudæis, aliter a Syris, & Chaldæis fuisse numeratos, & illos quidem annos inchoasse a mense Nisan, qui respondet Martio. Hos autem a mense Tisri, qui respondet Septembri : & auctorem libri primi Iudæicam supputationem sequi, auctorem vero secundi, Syriacam. Ideoque bellum, quod primo libro cap. vi. 20. & seq. dicitur contigisse anno 150. idem in II. cap. XIII. 1. ad annum 149. refertur. Itaque totis sex mensibus Iudæi numerabant annum 149. cum Syri adhuc 148. numerarent, & ita de ceteris : ex quo etiam intelligitur intra hosce menses æquos, tam mortem Antiochi Epiphaniis quam initium regni Antiochi Eupatoris, & hæc prælia, & foedus inter Eupatorem, & Machabæum contigisse. **MENSIS DROSORI** : sive Dioscorinthi, ut Græci libri habent. Quisnam sit hic mensis difficultate non caret ; cum in catalogo mensium Macedonicorum non invenitur, & aliqui constet iuxta hos menses notari has epistolas, ut patet ex mense Xanthico infra vers. 30. Itaque merito creditur hic mensis fuisse embolæmus, sive intercalaris, ut sentiunt Marius, Serarius, & Sallianus, insertus inter Dyseum, & Xanthicum, qui Martio, & Aprilis respondent ; quo modo Adar a Iudæis inferebatur suis temporibus, inter priorem Adar, & Nisan, vocabaturque Adar posterior. Dici etiam potest aliquos Macedonicos menses duplex nomen habuisse, ut apud Romanos Iulius, & Augustus, qui etiam dicti sunt Quintilis, & Sextilis.

V. 22. **LYSIAE FRATRI**, id est cognato, propinquo. Vide infra vers. 35.

V. 23. **INTER DEOS TRANSLATO** : usitata illo tempore adulatio, ut mortui principes inter Deos recepti dicerentur.

V. 24. **CONCEDI LEGITIMA SUA** : concedi, ut iuxta patrias leges viveret liceat.

V. 26. **DEXTERAM DEDERIS**, id est cum eis pacem feceris, & concordiam. UTI-

LITATIBUS PROPRIIS DESERVANT : negotiis sua curent.

V. 29. **VELLE VOS DESCENDERE AD VESTROS, QUI APUD NOS SUNT** ; id est, multos ex vobis velle adire nos, simul cum legatis, ut causam vestram de libertate, & conservatione rituum vestrorum agatis apud me.

V. 30. **QUI COMMEANT** : qui hac de causa venire hoc voluerunt. **USQUE AD DIEM TRIGESIMUM** ; hoc est, spatium quindecim dierum, nam epistola data est die decima quinta mensis. **XANTHICI**, id est Aprilis.

V. 31. **QUAE PER IGNORANTIAM GESTA SUNT**. Amnistiam, sive oblivionem videtur inducere eorum, quæ hætenus utrimque hostiliter gesta fuerant, quæ quasi per ignorantiam commissa excusata censerentur.

V. 34. **LEGATI ROMANORUM**. Erant hi legati Romanorum in Asiam a Senatu, populoque Romanorum missi ad componendas res provinciarum illarum.

V. 36. **DILIGENTIS. INTER VOS CONTERENTES**, id est deliberantes, & consulantes quid sit e. re. vestra.

T I R I N I.

Vers. 1. **LYSIAE PROCURATOR** & vicarius regis junioris Antiochi. Eupatoris, eiusdemque propinquus, id est a consanguineus, ac negotiorum regionum præpositus, comperta clade Gorgiæ & Timothei, novas constat copias. Sed auxilio Iudæis venit.

V. 8. **EQUES**, id est angelus, forma equitis cataphracti. Fuit is verisimiliter Michael, universæ Ecclesiæ præpositus : huius ope hostes omnes fusi, caesi, in fugam acti sunt. Hac clade commotus Lysias.

V. 13. **QUIA NON INSENSATUS**, nec mentis expertus erat, sed prudens admodum princeps, reputans, factam erga se diminutionem virium & copiarum suarum, caesis tot millibus peditum & equitum ; simulque intelligens, Hebraeos, quamdiu caelesti ope niterentur, invictos esse ; misit ad eos pro pace inter partes concilianda.

V. 19. **SI PIDEAM CONSERVAVERITIS IN NEOOTIIS tum foederis huius, tum aliis.** quoniam

plim tractandis cum rege, TENTABO ET ego DEI-CEPS CAUSA BONORUM VOBIS ESSE, id est perpetuo studebo vestris commodis & utilitatibus.

V. 20. DE CETERIS articulis a vobis mihi propositis sigillatim respondi ET ISTIS Ioanni & Absalom legatis vestris, ET HIS QUI IAM TUM ISTIS A ME ad vos mittuntur. Ipsi ore tenus vobis omnia exponant.

V. 21. ANNO CENTESIMO QUADRAGESIMO OCTAVO regni Græcorum datæ dicuntur tam hæ litteræ quas Lysias, quam sequentes, quas rex ipse Antiochus Eupator ad Iudæos transmittit. Ex quo chronismo patet, verum esse quod in Chronico 6, & in præfatione libri primi dixi, auctorem Libri II. Machabæorum in annorum supputatione quæ Alexandrina est, differre toto seliquanno a calculo Chaldaico, quo utitur auctor Libri II. Nam præfens hic annus, qui auctori Libri II. est 148. quo iam mortuo Antiocho Epiphane regnarat aliquandiu filius eius Antiochus Eupator; ab auctore libri primi vocatur 149. & quidem ad finem vergens: nam mortem Antiochi Epiphaniæ annotat ipse anno; 149. (cap. vi. 16.) a cuius morte effluxerunt aliquot menses haud dubie, usque ad præsentem copiarum Eupatoris cladem, quæ hic annotatur accidisse anno 148. *menfe Diocoro* vel *Διοκόρου*, vel, ut in Græco textu est, *Διοκόρου*, id est Iovis Corinthii. Quod nomen in Græcorum perapematibus, ubi plurima mensium nomina reperies, nusquam invenitur. Scaliger putat fuisse *embolimum*, seu intercalarem mensem: sed melius Serarius, fuisse ipsum mensem *Dysrum* qui nostro partim Februario, partim Martio respondet. Hoc enim tempus est quo solent in Asia reges ad bella procedere. Et colligitur ex chronismo litterarum Antiochi regis, & legatorum Romanorum sub hoc idem tempus datarum, nempe *menfe Xanthico*, *Dysrum* proxime subsequente. Neque novum est, unum eundemque mensem diversa nomina fortiri, non solum apud diversos, sed & apud eodem populos, ut patet ex nostro *Quintili*, alias *Julio*; & *Sextili*, alias *Augusto*, atque ita de alijs.

Pro eo quod vers. 23. Antiochus Eupator more Gentilium dicit, *patrem suum* Antiochum Epiphaneum INTER DEOS trans-

latum; apud, Gorionidem & usitata Hebræorum parœmia, dicitur, inter angelos assumptum. Sed voces *angelos*, voces *deos*, ad quos demigravit tam impius, tam blasphemus tyrannus, nolim ego tali societate donari. Quam vero & istud lepidum, quod

V. 24. Dicit rex, IUDÆOS a se POSTULARE, CONCEDI SIBI SUA LEGITIMA, id est liberum suæ religionis exercitium! Item quod decernit

V. 25. RESTITUI ILLIS TEMPLUM, cum constaret, Iudæos iam pridem habere illud in sua potestate, & victores non pendere ab arbitrio victi regis. Sed solent tyranni, dum nocere possunt, fingere saltem se bene velle: & ne officiant sanæ vel existimationi suæ, simulant se benefici dare, paceque ultro offerre iis a quibus petere debuissent. Est porro hæc pacificatio, seu sœdus longe aliud ab eo quod infra cap. xiii. in fine & Lib. I. cap. vi. iidem Lysias & rex Antiochus cum Iudæis pepigerunt. De priore quod hic describitur, agit Gorionides Lib. III. cap. xiv. de posteriore, quod Lib. I. in fine cap. vi. narratur, agit eodem libro Gorionides, sed cap. xx. Istic rex præfens est, & Ierosolymam post sœdus illico ingreditur: hic absens est & Lysias litteris alloquitur. Istic factio Philippi regem ad sœdus vocat: hic Lysias strages, Deique operum prudens consideratio. Unde patet, regem & Lysiam a priore hoc sœdere cito resiliisse, ut solent qui solo metu suafore sœdera faciunt. Nisi malis dicere, non plene inter partes hoc tempore convenisse, & sœdus hoc prius non nisi ad breve tempus, ac per modum induciarum sanctum fuisse; ut colligi videtur ex litteris ipsiusmet regis ad Iudæos hic datis vers. 30. ubi Iudæis ultrocuroque commearé volentibus, seu pacis conciliandæ, seu negotiorum aliorum tractandorum causa, non concedit rex inducias & saluum conditum nisi ad *quindæim dies*. Ad pacem hanc conciliandam offerunt operam quoque suam, & propeniam voluntatem legati Romani, qui tum in castris aderant, ea verisimiliter occasione quam narrat Appianus d, ad annum Urbis 591. teste Sigonio, nempe ut Antiocho regi iuberent, quas ultra præscriptum a Romanis numerum habebat, na-

naves comburere, & elephantes occide-
re.

(a) Lib. I. cap. 101. 3a.

(b) Chron. cap. xl. in Seleuco 1.

(c) Gorgou. Lib. III. cap. XIV.

(d) Appian. in Syriacis.


GORDONI.

LYsias cum ingenti exercitu venit Be-
thsuram, vers. 2. & 4. Iudæ exerci-
tum antecedit eques, in veste candida,

vers. 8. Hostis sternitur, vers. 11. Fuga
evalit Lysias, vers. 13. Lysias epistola pro
Iudæis, vers. 17. Regis epistola ad Ly-
siam, vers. 22. Alia ad Iudæos, vers. 27.
Romanorum epistola, vers. 34. Solum hoc
capite observo epistolas has videri scriptas
anno 148. Nam nondum hoc anno re-
gnabat Eupator. Sed vide, quæ dixi in
præloquio, Referti enim potest Eupato-
ris epistola ad annum vel 148. vel 149. pro
vana epocha, ut varie sumebatur initium
anni, ut citato loco aperui.

CAPUT XII.

*Iudas ac duces ipsius divino freti auxilio pugnant feliciter adversus Ioppitas, Lam-
nitas, Arabes, Caspin & Ephron civitates; item adversus Timotheum ha-
bentem ingentem exercitum, adversus presidium Carnion, & Gorgiam:
occisus autem quibusdam Iudæis, qui de donariis idolorum sustu-
lerant, Iudas curat pro ipsorum peccatis offerri sacrificium.*

1.  Is factis pactionibus, Lysias pergebat ad regem, Iudæi au-
tem agriculturæ operam dabant. 2. Sed hi qui refederant,
Timotheus, & Apollonius Ginnæi filius, sed & Hiero-
nymus, & Demophon super hos, & Nicanor Cypriar-
chus, non sinebant eos in silentio agere, & quiete. 3.
Ioppite vero tale quoddam flagitium perpetrarunt: rogave-
runt Iudæos, cum quibus habitabant, ascendere scaphas,
quas paraverant, cum uxoribus & filiis, quasi nullis ini-
micis inter eos subiacentibus. 4. Secundum commune itaque decretum civi-
tatis, & ipsis acquiescentibus, pacisque causa nihil suspectum habentibus: cum
in altum processissent, submerferunt non minus ducentos. 5. Quam crudelita-
tem Iudas in suæ gentis homines factam ut cognovit, præcepit viris, qui e-
rant cum ipso: & invocato iusto iudice Deo, 6. venit adversus interfectores
fratrum, & portum quidem noctu succendit, scaphas exussit, eos autem, qui
ab igne refugerant, gladio peremit. 7. Et cum hæc ita egisset, discessit qua-
si iterum reversurus, & universos Ioppitas eradicaturus. 8. Sed cum cognovisset
et eos, qui erant Lammis, velle pari modo facere habitantibus secum Iudæis,
9. Lammis quoque nocte supervenit, & portum cum navibus succendit:
ita ut lumen ignis appareret Ierosolymis a stadiis ducentis quadraginta. 10.
Inde cum iam abiissent novem stadiis, & iter facerent ad Timotheum, com-
miserunt cum eo Arabes, quinque millia viri, & equites quingenti. 11. Cum-
que pugna valida fieret, & auxilio Dei prospere cessisset, residui Arabes vi-
cti, petebant a Iuda dextram sibi dari, promittentes se pascua daturos, & in
ceteris profuturos. 12. Iudas autem, arbitrans vere in multis eos utiles,
promisit pacem: dextrisque acceptis, discessere ad tabernacula sua. 13. Aggres-
sus est autem & civitatem quandam firmam, pontibus murisque circumseptam,
quæ a turris habitabatur Gentium promiscuarum, cui nomen Caspin. 14. Hi
vero qui intus erant, confidentes in stabilitate murorum, & apparatu alimo-
nia-

niarum, remissius agebant, maledictis laceffentes Iudam, & blasphemantes, ac loquentes quæ fas non est. 15. Machabeus autem, invocato magno mundi Principe, qui sine arietibus & machinis (a) temporibus Iesu præcipitavit Iericho, irruiit frotiter muris: 16. & capta civitate per Domini voluntatem, innumerabiles cades fecit, ita ut adiacens stagnum stadium duorum latitudinis, sanguine interfectorum fluere videretur. 17. Inde discesserunt stadia septingenta quinquaginta, & venerunt in Characa ad eos, qui dieuntur Tubiamæ, ludæos: 18. & Timotheum quidem in illis non comprehenderunt, nulloque noxio perfecto regressus est, relicto in quodam loco firmissimo præsidio. 19. Dositheus autem & Sosipater, qui erant duces cum Machabeo, peremerunt a Timotheo relictos in præsidio, decem millia viros. 20. At Machabeus, ordinatis circum se sex millibus, & constitutis per cohortes, adversus Timotheum processit, habentem secum centum viginti millia peditum, equitumque duo milia quingentos. 21. Cognito autem ludæ adventu, Timotheus præmisit mulieres, & filios, & reliquum apparatus, in præsidium, quod Carnion dicitur: erat enim inexpugnabile, & accessu difficile propter locorum angustias. 22. Cumque cohors ludæ prima apparuisset, timor hostibus incussus est, ex præsentia Dei, qui universa conspiciit, & in fugam versi sunt alius ab alio, ita ut magis a suis deiicerentur, & gladium suorum ictibus debilitarentur. 23. Iudas autem vehementer instabat puniens profanos, & prostravit ex eis triginta millia virorum. 24. Ipse vero Timotheus incidit in partes Dositheæ & Sosipatris: & multis precibus postulabat ut vivus dimitteretur, eo quod multorum ex Iudæis parentes haberet, ac fratres, quos morte eius decipi eveniret. 25. Et cum fidem dedisset restitutum se eos secundum constitutum, Iesum cum dimiserunt propter fratrum salutem. 26. Iudas autem egressus est ad Carnion, interfectis viginti quinque millibus. 27. Post horum fugam, & necem, movit exercitum ad Ephron civitatem munitam, in qua multitudo diversarum gentium habitabat: & robusti iuvenes pro muris consistentes fortiter repugnabant: in hac autem ipachinæ multæ, & repletum erat apparatus. 28. Sed, cum omnipotentem invocassent, qui potestate sua vires hostium confringit, cepit civitatem: & ex eis qui intus erant, viginti quinque millia prostraverunt. 29. Inde ad civitatem Scytharum abierunt, quæ ab Ierusalymis sexcentis stadiis aberat. 30. Constantibus autem his, qui apud Scythopolitas erant, ludæis, quod benigne ab eis haberentur, etiam temporibus infelicitatis * quod modeste secum egerint: 31. gratias agentes eis, & exhortati etiam de cetero erga genus suum benignos esse, venerunt Ierusalymam die sollempni septimanarum instante. 32. Et post Pentecosten abierunt contra Gorgiam præpositum Idumææ. 33. Exiit autem cum peditibus tribus millibus, & equitibus quadringentis. 34. Quibus congressis, contigit paucos ruerè Iudæorum. 35. Dositheus vero quidam de Baceroris eques, vir fortis, Gorgiam tenebat: & cum vellet illum capere vivum, eques quidam de Thracibus irruiit in eum, humerumque eius amputavit: atque ita Gorgias effugit in Masera. 36. At illis, qui cum Eldrin erant, diutius pugnantibus & fatigatis, invocavit Iudas Dominum adiutorem & ducem belli fieri: 37. incipiens voce patria, & cum hymnis clamorem extollens, fugam Gorgiæ militibus incussit. 38. Iudas autem collecto exercitu venit in civitatem Odollam: & cum septima dies superveniret, secundum consuetudinem purificationi, in eodem loco sabbatum egerunt. 39. Et sequenti die venit cum suis Iudas, ut corpora prostratorum tolleret, & cum parentibus poneret in sepulcris paternis. 40. Invenierunt autem sub tunicis interfectorum de donariis idolorum, quæ apud Iummiam fuerunt, (b) a quibus lex prohibet ludæos: omnibus ergo manifestum factum est, ob hanc causam eos corruisse. 41. Om-

nes itaque benedixerunt iustum iudicium Domini, qui occulta fecerat manifesta. 42. Atque ita ad preces conversi, rogaverunt, ut id quod factum erat delictum oblivioni traderetur. At vero fortissimus Iudas hortabatur populum conservare se sine peccato, sub oculis videntes quæ facta sunt pro peccatis eorum qui prostrati sunt. 43. Et facta collatione, duodecim millia drachmas argenti misit Ierosolymam [†] offerri pro peccatis mortuorum sacrificium, bene & religiose de resurrectione cogitans: (44. nisi enim eos, qui ceciderant, resurrekturos speraret, superfluum videretur & vanum orare pro mortuis) 45. & quia considerabat quod hi, qui cum pietate dormitionem acceperant, optatum haberent repositum gratiam. 46. Sancta ergo & salubris est cogitatio pro defunctis exorare, ut a peccatis solvantur.

(a) Ios. vi. (b) Deut. vii. 25.

BRUGENSIS

ROMANÆ CORRECTIONES.

Verf. 16. Sanguine intersectorum fluere videntur. Correctores egregie emendarunt vocem *infestum*, id est contaminatum quæ vulgo legitur, in *intersectorum*, quod est occisorum.

Verf. 30. Quod modeste secum egerint. Cave

pro *modeste* quod est humaniter, legas contrarium *molestè*.

LECTIONUM VARIETAS.

Verf. 43. Offerri pro peccatis mortuorum sacrificium. Alii libri solummodo legunt *pro peccatis*, non addunt *mortuorum*, sed subaudiunt.

COMMENTARIA

S A.

Verf. 2. SUPER HOS, id est præterea. *IN SILENTIO*, id est tranquille.

V. 5. PRÆCEPIT, scilicet armare, vel se sequi.

V. 22. DEBILITARENTUR; pro, occiderentur, seu vulnerarentur.

V. 24. DECIPIT, id est frustrari spe liberationis, seu periclitari.

V. 25. CONSTITUTUM, id est promissionem, seu pactum.

V. 29. SCYTHARUM, scilicet Scythopolim.

V. 31. SEPTIMANARUM, scilicet Pentecostes.

V. 33. EXIUIT, scilicet Iudas.

V. 36. ESDRIN. Viri nomen, &, ut apparet, Iudæi.

V. 40. IDOLORUM, id est idolis oblati, seu consecratis.

V. 42. OBLIVIONI TRADERETUR, id est a Deo, remitteretur. Græc. *omnino delerint*.

V. 43. DUODECIM. Græc. *duo*. SACRIFICIUM, scilicet hostias illis pecuniis emptas. Nota hic, prodesse sacrificium pro defunctis etiam apud Iudæos fuisse receptum. Item, credendum pie, qui in bello iusto moriuntur, præsertim pro religione susceptum, suorum peccatorum omnium poenitere: certe Iudas ita de illis eredit.

V. 44. SUPERFLUUM, &c. Nota, adeo esse coniunctos articulos de animarum immortalitate, & corporum resurrectione, ut alterutro posito vel sublato, alterum ponatur vel auferatur. Itaque Sadducei utrumque negabant, Pharisei affirmabant. Vide Act. xxiii. & quidem Matth. xxiii. Christus ex animæ immortalitate probat resurrectionem, & Paulus 1. Cor. xv. mortales esse animas, si non sit resurrectio: & merito; nam si anima extat, cum sit naturaliter forma corporis, necesse est ei iterum uniri.

V. 45. CUM PIETATE, scilicet pro religione occumbenter.

V. 46. SANCTA, &c. Græc. *sancta & pia*.

pie cogitatio. Itaque pro mortuis propitiationem (seu expiationem) fecit , ut a peccato solverentur .

EST II.

Verf. 43. **O**FFERRI PRO PECCATIS MORTUORUM SACRIFICIUM , BENE ET RELIGIOSE DE RESURRECTIONE COGITANS (NISI ENIM EOS QUI CECIDERANT RESURRECTUROS SPERARET , &c.) Inculcat hic Auctor diligenter , & confirmat dogma catholicum , orandum & sacrificandum esse pro mortuis ; & multis verbis in primis replicat de resurrectione mortuorum ; scilicet contra hæresim Sadduceorum , quæ illo tempore , teste Iosepho , exorta fuerat , & radices mittere cœperat in populo Iudaico . Quomodo autem consequens sit , superfluum & vanam fore pro mortuis orationem , sublatâ spe resurrectionis mortuorum , vide nostra I. Cor. xv. ad illud : *Miserabiliores sumus omnibus hominibus , si resurrectio non est*. Atque illud interim observa , quod sicut apud Apostolum de sola beata resurrectione præcipua eius disputatio est , ita & hoc loco , cum dicitur : *Nisi enim eos qui ceciderant resurrekturos speraret , superfluum videretur & vanum orare pro mortuis*. Nam resurrectio quæ speratur , utique bona & beata est ; impiorum autem resurrectio , quoniam ad æternam erit miseriam , & cruciatum , non speratur , sed creditur tantum . Profunt autem defunctis in pietate suffragia viventium , & sacrificia ad beatam resurrectionem , quatenus illis profunt ad misericordiam , & veniam minorum delictorum & poenarum 'reitantium' , sine quibus beatæ resurrectionis non possunt esse participes . Vide nost. in IV. dist. xxi.

MARIANAE.

Verf. 2. **T**IMOTHEUS . Alius ab eo qui cap. x. occisus est *vers. 37.* Nec *Apollonius* de quo hic , est ille de quo Lib. I. cap. iiii. actum est . Eadem nomina , homines alii . Ergo hi Iudæos quiescere non sinebant .

V. 6. EOS AUTEM , QUI AB IGNE REFUGERANT . Græce , *eos autem qui illuc confugerunt* , peremit Iudas scilicet .

V. 7. ET CUM ; HAEC ITA EGRESSI . Græce , *& oppido clauso discessit* .

V. 9. ASTADIIS DUCENTIS QUADRAGINTA. Eo spatio Iamnia urbs maritima Iudææ distabat ab urbe Ierusalem , nempe triginta passuum millibus , itinere unius diei .

V. 11. RESIDUI ARABES . Græce , *Nomades Arabes vielli* . Sic vocantur , quoniam more pastorum in agris versantur , nulla certa sede . PROMITTENTES SE PASCUA DATUROS : seu *pecora , vielluola pascuaria* , Iudæ scilicet militibus .

V. 14. LOQUENTES QUAE FAS NON EST , supple , dicere , ex Gorione Lib. III. cap. viii. ubi de hoc bello & hac urbe agit . Ergo qui in turri erant , convitiabantur Iudæis .

V. 17. AD EOS QUI DICUNTUR TURBANAE ivit Iudas . Qui hi , aut quo loco ? non explicatur : solum ait , ab urbe Casphin distare stadia 750. nempe ferme centum millibus .

V. 22. IN FUGAM VERSI SUNT ALIUS AB ALIO , sive alius alio , ut est Græce .

V. 24. QUOS MORTE EIUS DECIPERE EVENIRET : spe salutis ablata , quam vivo Timotheo sperabant .

V. 26. IUDAS AUTEM EGRESSUS EST AD CARNION . Sic Græce . Regia & Loth. *regressus est a Carnion* . Male .

V. 27. MOVIT EXERCITUM AD EPHRON . Civitas Samariæ , quæ *Sichem & Saleph* , & deinde *Neapolis* dicta est .

V. 31. DIE SOLEMNI SEPTIMANARUM INSTANTE venerunt Ierusalem . Hoc est festum Pentecostes , ut dicitur versu proximo ; de quo Levit. xxiii. 15. In eo Legis datæ memoriam Iudæi celebrant .

V. 33. EXIIT AUTEM . Quis ? Gorgias cum peditum tribus millibus .

V. 39. SEQUENTI DIE VENIT CUM SUIS IUDAS . Græce , *sequenti die venerunt qui circa Iudam , quo tempore utilitas fuit , id est cum licuit , transacto scilicet Sabbato* .

V. 42. DELICTUM OBLIVIONI TRADETUR , scilicet eorum qui idolorum dona habebant . Græce , *omnino deleteretur* , culpa scilicet & poena remissis . Goth. *oblitteratur* .

V. 43. DUODECIM MILLIA DRACHMAS . Græce , *Argenti duo millia drachmas* misit Iudas Ierusalem : leve donum . Prosper Lib. de Prædicationibus , p. II. cap. ult. *duo-*

decim millia talenta Iudam misisse ait: pro drachmis nempe talenta sublituens. BENE ET RELIGIOSE. Καλῶς καὶ ὀρίως, pulchre & honeste de resurrectione cogitans.

V. 46. SALUBRIS EST COGITATIO PRO DEFUNCTIS: EXORARE. Græce, *πρὸς τὴν ψυχὴν τοῦ νεκροῦ προσευχόμεναι*, unde pro mortuis propitiationem fecit, ut a peccatis solverentur, id est a poenis pro peccato obitis. Hic hærent hæretici, & cum se extricare non possint, his Libris auctoritatem detrahunt. Verum, quid Augustinus facient libro de Cura pro mortuis, cap. 1. & IV. tum Lib. IX. Confess. cap. XI. ubi eius mater, *Vos rogo*, ait, *ut memineritis mei ad Domini altare, ubicumque fueritis*. Quid ad Tertullianum Lib. de Monogamia, monentem eam, cuius vir defunctus est, ut pro anima eius oret, & refrigerium interim adpoulet ei, & offerat annuis diebus dormitionis eius. Quid Prospero, loco paulo ante adducto, vers. 43. Quid Damasceno in Oratione pro defunctis? Quid Rabano in hunc locum? Quid Petro Cluniacensi epistola contra Petrobrosianos? Bernardo Serm. LXVI. in Cantica? Quid aliis feceritis? An tu hæretice solus sapias, delirat Catholica Ecclesia?

MENOCHII.

Vers. 1. **A**GRICULTURAE: ut sit tempore pacis. Adde propter bella quæ Iudæam turbaverunt, neglectam fuisse terræ culturam, quam nunc repetunt.

V. 2. QUI RESEDERANT: in vicinis, scilicet locis. SUPER NOS, id est præter hos. CYPRIARCHES: Prætor insule Cypri. IN SILENTIO, id est tranquille: iniuriis videlicet afficiebant, ut patet ex sequentibus.

V. 4. SECUNDUM COMMUNE DECRETUM CIVITATIS, &c. Decretum hoc, quod hic memoratur, videtur fuisse de perfectione quæpiam maritima, quæ communiter a civibus, aliisque susciperetur, ne fraus destinata retereretur, itaque cum Iudæis alii multi Ioppitæ eandem excursionem susceperunt, ut vitaretur suscipio, & ut in parato scelere Iudæis prævalere possent.

V. 5. RRAECEPIT VIRIS, scilicet arma capere, vel sequi se. CUM HAEC ITA EGRESSET, DECESSIT. In Græco τοῦ δὲ χυ-

ρῶν συγκαταθεῖντο οὐκ ὄντως, id est ipsa regione, vel, loco munto, ab iis qui intus erant, clauso discessit, cum scilicet repentino impetu illo potiri non potuisset.

V. 8. PARTI MODO: ut fecerant Ioppitæ.

V. 10. ABITSENT, scilicet Iudæi, simul cum Iuda eorum duce. AD TIMOTHEUM: qui erat Junus ex regis præfectis infestis genti Iudæorum, ut patet ex numero 2. ARABES: grassatores, qui publica via gradientem Iudam aggressi sunt.

V. 12. CASPHIM: eam in tribu Dan collocat Adrichomius, prope Iamnam, sed videtur longe alterius ad meridiam versus Arabiam constituenda, ut ex hoc loco colligi potest.

V. 15. MURIS, id est in muris.

V. 17. STADIA SEPTINGENTA QUINQUAGENTA: quæ 93. miliaria, & sex insuper stadia efficiunt. Unum enim miliare octo stadia compescitur. CHABACA. Nusquam alibi locus hic memoratur in Scriptura, videturque fuisse arte, vel natura, quasi vallo munitus, nam *charax*, χάρᾱξ, Græcis vallum significat. TUBIANAEI. Supra Lib. I. cap. v. 12. TUBIN mentio facta est, unde Tubianxi dicti videntur.

V. 18. COMPREHENDERUNT: scilicet, invenerunt. REGRESSUS EST: scilicet Timotheus, ut patet clarius ex textu Græco.

V. 21. CARNION: quem locum Adrichomius collocat in dimidia tribu trans Iordanem.

V. 24. IN PARTES DOSITHEI. In Dositheum, & milites eius. PARENTES HABERET AC FRATRES: scilicet, captivos in sua potestate. MORTE EIUS DECEPI EVENIRET. In Græco est, ἐν τεύχεσιν ἀλυσθῆναι συνηθροῦνται, ἢ ἀποθάνειν: significat neglectum iri salutem Iudæorum captivorum, & in vindictam potius occisi Timothei, occisum iri. Vel etiam illud, *Decipi*, exponi potest, Frustrari spe liberationis.

V. 25. CONSTITUTUM: promissionem scilicet, seu pactum.

V. 26. VIGINTI QUINQUE MILLIBUS: præter eos scilicet, qui in acie ceciderant.

V. 27. EPHRON: vide dicta Lib. I. cap. v. 46. videtur enim hæc esse illa eadem civitas, & eadem Machabæi expeditio, quæ illic narratur, ut sentit Salisus.

V. 29. CIVITATEM SCYTHARUM: Scythopolim, quam Lib. I. cap. v. citata a

52. facer textus appellat Bethsan. Vide ibi dicta. Nomen habuit hæc civitas a Scythis restauratoribus & habitatoribus: sita fuit in tribu Manasse cis Iordanem. Vide Adrichomium in explicatione illius tribus num. 13.

V. 31. SEPTIMANAM, id est Pentecostes. Alludit auctor ad locum Levitici cap. xxiii. 18. ubi ita legimus: *Numerabitis ab altero die Sabbati, in quo obtulistis manipulum primitiarum, septem hebdomadas plenas, usque ad alterum diem expirationis hebdomade septime, id est quinquaginta dies, &c.* Vocatur etiam festus dies hebdomadarum, Deuter. xvi. 10.

V. 33. EXIVIT; scilicet, Iudas.

V. 35. DE BACENORIS: τῶν τῶ βακκηνόρων, ex iis qui ad Bacenorem pertinebant, sub illo duce militabant. MARESA. Quod est oppidum in tribu Iuda, quod Adrichomius non longe collocat ab Hebron.

V. 36. ESDRIN: nomen proprium ducis alicuius Iudæi.

V. 38. OPOLLAM: vicinam loco, in quo pugna fuerat commissa, & in eadem tribu Iuda. SEPTIMA DIES: Sabbatum.

V. 40. INTERFECTORUM; scilicet, Iudæorum.

V. 42. OBLIVIONE TRADERETUR. In Græco est, τῇ αὐτῇ ἱερουργίᾳ, perfecte deleteretur, a Deo scilicet remitteretur.

V. 43. DUODECIM MILLIA DRACHMAS: quæ faciunt monetæ Romanæ centum, & viginti scuta, circiter.

V. 45. DORMITIONEM ACCEPERANT: mortui erant. Dicuntur hi Iudæi compiete mortui, quia ceciderant in bello pro religione suscepto, exultabatque Iudas eos sceleris acceptorum donariorum penituisse, & ideo sacrificiis, & precibus vivorum invari posse. OPTIMAM HABERENT REPOSITAM GRATIAM: magni enim meriti est pro religione vitam periculo exponere in bello contra infideles.

T I R I N I.

Verf. 1. IUDÆI firmam fore pacem arbitrat, passim AGRICULTURÆ vacabant. Sed importunitas ducum Eupatoris, (qui duces prorsus alii sunt a supra dictis, sic quidem nominantur, sed iam occisus) verf. 2. QUI circa Iudæam RESEDERANT cum copiis suis, seu præfidiis mi-

litaribus, brevi turbavit pacem. Gorionides a dicit, quietem octo mensium Iudæis fuisse; interea Iudam Machabæum in quosdam peruelles Iudæos animadvertisse: Iudæos & Macedonas in pluribus Iudææ urbibus, maxime ad litus maris, simul habitasse & negotia exercuisse. Sed Ioppitas & Iamnienses ea occasione perfide usos, in exitium & excidium Iudæorum.

V. 9. STADII DUCENTIS QUADRAGINTA; vel, ut Gorionides, *stadia* 246. distabat Iamniæ portus IEROSOLYMIS, id est fere decem leucis b. Hic e vicinis Iamniæ fanis, quædam idolorum anathemata, seu sacra donaria Iudæi quidam clam sustulerunt, ut infra verf. 40. dicitur.

V. 27. IN EPHRON CIVITATEM anno 148) Græcorum incolis omnibus a Iuda exhaustam Lib. I. cap. v. 46. paulatim promiscua confluerat MULTITUDO ex variis gentibus. Hæ iterum se iam opponunt eidem Iudæ, sed eodem successu, nimirum cum strage & exde suorum ad viginti quinque milia.

V. 29. A CIVITATE SCYTHARUM; Græce, *Scythopoli*, redit Iudas Ierosolymam, instante iam die solemnæ septimanarum, id est festo Pentecostes; nempe triduo ante festum, inquit Gorionides c.

V. 32. GORGIIAS IDUMÆÆ PRÆPOSITUS exiit obviam Iudæis: verf. 35. pene capitur a Dositheo DE BACENORIS filius vel propapia. Est idem hic Dositheus cum illo cuius meminit verf. 29. e primariis Iudæi ducibus.

V. 38. SUPERVENIENTE SEPTIMA DIE, seu sabbatho, purificantur Iudæi a sanguinis profusione & cadaverum contactu.

V. 39. SEQUENTE DIE, nempe feria prima hebdomadæ (nos Dominicam diem iam vocamus) paucos suorum qui in pugna contra Gorgiam ceciderant, (erant horum quidam e fortissimis Hasmonæis, inquit Gorion. d) sepulture mandant. *Pix enim, inquit Curtius e, nullum tam sollemnè munus in bello, quam humanandi suos.*

V. 40. SUB TUNICIS INTERFECTORUM deprehendunt latentem mortis ipsorum CAUSAM, nempe impura illa & fanis Iamniensibus surta; de quibus supra verf. 9. Quæ lege divina Deut. vii. 5. & Exodi xxxiv. 13. Iudæi diserte vetantur, iubente Deo, ut etiam bello capta idola, & omnis idololatriæ inspellex comburatur. Horum peccatum

V. 42.

V. 42. *Regant Deum Iudaei, ut Oblivioni tradatur.* Graece, *perfecte deleantur*: quod vers. ult. vocat *solus a peccato*. Supponebant enim horum peccatum, saltem in plerisque, solum veniale fuisse, ratione vel exiguae quantitatis, vel finis: vel, si mortale fuerit, poenituisse illos ante mortis articulum. Nam expresse vers. 45. agunt de iis *qui cum pietate dormitionem acceperunt*.

V. 43. *DUODECIM MILLIA DRACHMAS ARGENTI, quas e collatitia pecunia MISIT Iudas IEROSOLYMAE, ut ex iis SACRIFICIA ibidem Deo offerrentur pro illo defunctorum peccato expiando, si Atticæ fuerint, faciunt mille festa aurea: si Hebraeæ, duo milia festorum.* En clarissimum Scripturæ testimonium pro suffragiis defunctorum: en factum & exemplum nobilissimum pontificis & Ecclesiae illius temporis, ab auctore sacro, id est a Spiritu sancto, non modo narratum, sed & laudatum atque approbatum, ut Serarius, Bellarminus & alii Doctores fuisse explicant. Neque possunt id hæretici negare, nisi vel Canonicam horum librorum auctoritatem convellendo: (sed hanc iam ante stabilivimus:) vel certe fingendo, ut fingit Munsterus, hanc coronidem non esse genuinam huius cap. partem, sed per audeculum quempiam textui insertam vel assutam. Sed hoc hæretici cerebri figmentum resellunt omnia, seu edita, seu manuscripta librorum horum exemplaria etiam antiquissima: veterum item Patrum in præfatione citatorum testimonia, qui locum hunc ubique pro Canonica & genuina libri huius parte agnoscunt & citant. Quam vero istud splendidum Munsteri g. mendacium non solere Iudæos ad hunc usque diem orare pro defunctis? Cui resellendo non aliud argumentum depolco, quam ipsiusmet Munsteri h. retractationem, & Iudæorum ipsorummet testimonium, quod per me licet, petatur vel ex ore superstitum, vel ex scriptis defunctorum, vel ex Ri-

tualibus Iudaicis, quæ hic ad verbum citant Serarius, Genebr. i & Bellarm.: & ego attigi Tob. IV. & fatetur Fagius, VVitakerus k & alii hæretici.

- (a) Gorton. Lib. III. cap. XVII.
(b) Proleg. de mensuris longitudinum.
(c) Gorton. sup. cap. XVIII.
(d) Gorton. sup. & cap. XIX.
(e) Curtius Lib. V.
(f) Bellarm. Lib. I. de Purgatorio cap. XXIII.
(g) Pirrat. in Librum Gortionis, & eiusdem Lib. III. cap. XIX.
(h) Stumler. in Deut. XIV.
(i) Genebr. in libello quem e Maxer vertit.
(k) Fagius in Deut. XIV. VVitak. Lib. I. contra Durum L. 81.

GORDONI.

REbus sic compositis per Lydiam, Iudas vicinas nationes bello cohibet, vers. 2. & deinceps. Castigavit Iopitas obnoxiâ. eadem, vers. 6. Idem contra Iamnitæ, vers. 9. Vincit Arabes, vers. 11. Casphin expugnat, vers. 15. It obviam Timotheo, vers. 20. Iudas favente Deo victoriam reportat insignem, vers. 23. Loca munita expugnat, vers. 26. 27. Venit Ierosolymam, vers. 31. Itur post Pentecosten. contra Gorgiam. in Idumæam, 33. Victor mox in Odollam, vers. 38. Oblatio & preces pro mortuis, vers. 43. & 44.

V. 1. Hic Timotheus non est ille occisus, de quo cap. x. vers. 37. Apollonius quoque alius est ab eo de quo Lib. I. cap. III. Iamnia urbs maritima, de qua supra. TUBIANI, vers. 18. distant a Casphin 100. fere millibus. EPHRON, vers. 27. urbs est Samariæ, olim Salein dicta, & Sichem, postea Neapolis. DUODECIM MILLIA DRACHMAS, vers. 43. non sic omnes legunt: recte noster. SALUBRIS COGITATIO, vers. 46. De cura hac pro mortuis dixi Lib. I. cap. VI. Tam sane sunt connexi duo fidei articuli de animæ immortalitate, & resurrectione, ut horum uno posito, vel sublato, idem sequatur de altero. Sic Sadducæi utrumque negabant: Pharisei contra.

C A P U T XIII.

Menelaus Iudeus transfuga iussu Antiochi extremo afficitur supplicio: Antiochus vero maximum ducens in Iudeos exercitum, semel ac iterum villus & repulsus, multisque milibus ex suis occisis, & Philippo rebellante, supplex pacem cum Iudeis firmat iuramento, oblato in templo sacrificio, Iudaeque in principem Ptolemaidis constituto.

ANNO centesimo quadagesimonono, cognovit Iudas Antiochum Eupatorem venire cum multitudine adversus Iudeam, 2. & cum eo Lyfiam procuratorem & praepositum negotiorum, secum habentem pedum centum decem millia, & equitum quinque millia, & elephantos viginti duos, curus cum falci- bus trecentos. 3. Commiscuit autem se illis & Menelaus: & cum multa fallacia deprecabatur Antiochum, * non pro patriæ salute, sed sperans se constitui in principatum. 4. Sed Rex regum suscitavit animos Antiochi in peccatorem: & suggerente Lyfia hunc esse causam omnium malorum, iussit (ut eis est consuetudo) apprehensum in eodem loco necari. 5. Erat autem in eodem loco turris quinquaginta cubitorum, aggregatum undique habens cineris: hæc prospectum habebat in præceps: 6. inde in cinerem deiici iussit sacrilegum, omnibus cum propellentibus ad interitum. 7. Et tali lege prævaricatorem legis contigit mori, nec terre dari Menelaum. 8. Et quidem satis iuste: nam quia multa erga aram Dei delicta commisit, cuius ignis & cinis erat sanctus; ipse in cineris morte damnatus est. 9. Sed rex mente effrenatus veniebat, nequiores se patre suo Iudeis ostensurus. 10. Quibus Iudas cognitis, præcepit populo ut die ac nocte Dominum invocarent, quo, sicut semper, & nunc adiuveret eos: 11. quippe qui lege, & patria, sanctoque templo privari vererentur: ac populum, qui nuper paululum respirasset, ne sineret blasphemis rursus nationibus subdi. 12. Omnibus itaque simul id facientibus, & petentibus a Domino misericordiam, cum fletu & ieiuniis, per triduum continuum prostratis, hortatus est eos Iudas ut se prepararent. 13. Ipse vero cum senioribus cogitavit, prius quam rex ad-moveret exercitum ad Iudæam, & obtineret civitatem, exire, & Domini iudicio committere exitum rei. 14. Datis itaque potestatem omnium Deo mundi creatori, & exhortatus suos ut fortiter dimicarent, & usque ad mortem pro legibus, templo, civitate, patria, & civibus starent, circa Modin exercitum constituit. 15. Et dato signo suis Dei victoriæ, juvenibus fortissimis electis, nocte aggressus aulam regiam, in castris * interfecit viros quatuor millia, & maximum elephantotum cum his qui superpositi fuerant: 16. summoque metu ac perturbatione hostium castra replentes, rebus prospere gestis, abierunt. 17. Hoc autem factum est die illucescente, adjuvante cum Domini protectione. 18. Sed rex, accepto gustu audacie Iudeorum, arte difficultatem locorum tenebat: 19. & Bethsuræ, quæ erat Iudeorum præsidium munitum, castra admovebat: sed fugabatur, impingebatur, minorabatur. 20. His autem, qui intus erant, Iudas necessaria mittebat. 21. Enuntiavit autem mysteria hostibus Rhodocus quidam de Iudaico exercitu, qui requisitus comprehensus est, & conclusus. 22. Iterum rex sermonem habuit ad eos qui erant in Bethsuris: 23. dextram dedit: accepit: abiit: commisit cum Iuda: separatus est. Ut autem cognovit rebellare Philippum Antiochiæ, qui relictus erat super negocia, * mente con-

conferentibus, Iudeos deprecans, subditusque eis, iurat de omnibus quibus iustum visum est: & reconciliatus obtulit sacrificium, honoravit templum, & munera posuit: 24. Machabæum amplexatus est, & fecit eum a Ptolemaide usque ad Getrenos ducem & principem. 25. Ut autem venit Ptolemaidam, graviter ferebant Ptolemenses amicitiae conventionem, indignantes ne forte foedus irrumperent. 26. Tunc ascendit Lysias tribunal, & exposuit rationem, & populum sedavit, regressusque est Antiochiam: & hoc modo regis protectio & reditus processit.

BRUGENSIS

ROMANAE CORRECTIONES.

Vers. 3. Non pro patrie salute. Genitivus substantivi patrie non est mutandus in ablativum adiectivi patrie.

Vers. 15. Interfecit viros quatuor millia.

Numerus quatuor minime augendus est denario, ita ut sit quatuordecim.

Vers. 23. Mente confervatus Iudeos deprecans. Nominativus singularis *confervatus*, nequam commutandus est cum accusativo plurali *confervatos*.

COMMENTARIA

S A.

Vers. 4. UT EIS EST CONSUEUDO, id est usitato apud eos sup-
plicio.

V. 5. LOCO, scilicet ubi fuit interfectus.

V. 7. TERRAE DARI, id est sepeliri.

V. 14. DANS ITAQUE POTESTATEM DEO, id est committens rem Deo, qui omnia potest.

V. 15. SIGNO, scilicet tessera, quæ solet dari militibus. *DEI VICTORIAE*, scilicet verba hæc, *Dei victoria*, erant pro tessera.

V. 19. MINORABATUR, id est inferior evadebat, seu superabatur.

V. 11. MYSTERIA, id est arcana, scilicet secreta consilia. *REQUISITUS*, id est inquisitus. *CONCLUSUS*, scilicet carcere.

V. 25. NE FORTE, pro, si forte sic; quasi dicat: Volentes foedus irritare. Quidam putant indignatus ob fœdera a Rege violata.

E S T I I.

*Vers. 11. QUIPPE QUI LEGE, ET PATRIA, SANCTIOQUE TEM-
PLO PRIVARI VERERENTUR NE SINGERET
BLASPHEMIS RURSUS NATIONIBUS SUBDI.* Notandum quod Iudas hortatus suos ad fortiter dimicandum primo, nominat legem,

deinde patriam: nam idem repetitur quoque plenius *vers. 14.* his verbis: *UT FORTITER DIMICARENT, ET USQUE AD MORTEM, PRO LEGIBUS, TEMPO, CIVITATE, PATRIA, ET CIVIBUS.* En primo nominat leges & templum; deinde civitatem, patriam, cives. Ex quo ostenditur ante omnia propugnandam & defendendam esse religionem, secundum autem locum dandum defensionis privilegiorum & publicæ libertatis. Etque id notandum contra quosdam nostros temporis viris aliqui magnæ estimationis, qui perverso, ac perverso iudicio, cum viderent religionem periclitari (volebant enim catholici videri) cumque simul periculum haberent læsam esse publicam libertatem, & violata privilegia patriæ, sepositis ad tempus, ut inquietabant, negotio religionis, censuerunt arma capienda pro defensione patriæ contra eos, quos imaginabantur suæ libertatis hostes, priusquam de religione essent solliciti. Non ita pugnavit Iudas, immo nec ita præcepit Christus, qui dicit *Matth. vi. Quærite primum regnum Dei, & iustitiam eius, & hæc omnia adiicientur vobis.*

V. 15. ET DATO SUIS SIGNO DEI VICTORIAE, IUVENIBUS FORTISSIMIS ELECTIS, NOCTE AGGRESSUS AULAM REGIAM IN CASTRIS INTERFECIT VIROS QUATUOR MILLIA. Sensus est: Cum dedisset suis signum seu tesseram militarem, hanc tulerunt, *Dei victoria*, aggregatis eis hostem.

En

En rursum, quomodo Iudas modis omnibus suis inculcare conetur victoriam a Deo expectandam esse. Id si hodie fieret a ducibus belli, non cum dolore nostro ac detrimento religionis videremus tam lentum successum belli pro religione suscepti.

M A R I A N A E.

Vers. 1. **A** NNO CENTESIMO QUADRAGESIMO NONO. Agit de bello, quod Antiochus Eupator cum Iudæis per se ipsum gessit; de quo etiam agitur I. Lib. cap. vi. 18. Et quidem de horum annorum ratione diximus cap. xi. 21. Auditor huius libri ex computatione prioris semper unum annum demit.

V. 2. PEDITUM CENTUM DECEM MILLIA HABEBAT ANTIOCHUS. Lib. I. cap. vi. 30. centum millia peditum habuisse ait, viginti millia equitum, elephantos triginta duos. Nimirum accedentibus aut recedentibus copiis, variis temporibus numerus variabat. Aut certe, altero loco numeri sunt vitiosi: quod; posse contingere, alibi dictum est.

V. 3. MENELAUS SEQUEBATUR REGEM. Hic est ille pseudopontifex factus in locum Onie. CUM MULTA FALLACIA, *μετὰ πολλὰς ὑποκρίσεις* (bene pro ironia interpres posuit *fallaciam*) orabat Antiochum.

V. 4. SUSCITAVIT ANIMOS ANTIOCHI: seu *animum* ut est Græce, id est iram, *θυμὸν*. IUSSIT, UT EIS EST CONSUETUDO, Menelaum necari. Hoc tyrannice, non audito reo, sine iudicii forma.

V. 5. AGGESTUM UNDIQUE HABENS CINERES, scilicet illa turris cinere erat circumdata, ut solent aqua. Nempe; ut fallente vestigio, hostis ad turrim subire non posset. Græce, *plena cinere*, nempe; exterius. HAEC PROSPECTUM. Græce, *ὄργανον ἰνσχυμένον* rotundum, *πρᾶξις*, unde scilicet homines in cinerem precipitabant. Sic Menelaus perfidus perii. De hoc genere mortis Ovidius in Ibm:

*Utiq; necatorum Darii fraude secundi,
Sic tua succensus devorast ossa cinis.*

Quidam Menelai mortem per anticipationem narrari putant, & occisum, cum Antiochus facto cum Iudæis foedere in patriam rediret.

V. 8. IPSE IN CINERIS MORTE: mal-
Bib. Sac. Tom. XXII.

lem, in cineris mortem DAMNATUS EST. Græce, *ἐν τῇ σφύρῃ τῆς θανάτου*, Menelaus scilicet qui multa in altare deliquerat, & cineres eius.

V. 9. NEQUIOREM SE PATRE SUO IUDÆAS OSTENSURUS Rex veniebat. Goth. *iniquiorem*. Græce, *πῆψμα*, *quæ sub patre suo passi erant Iudæi*, scilicet ostenturus veniebat.

V. 11. SANCTOQUE TEMPLO. Sic lege. Sic Græce. Regia, *Sanctorum templo privari metuebant Iudæi*.

V. 14. CIRCA MODUM EXERCITUM CONSTITUIT IUDAS. Lib. I. cap. vi. 32. *ad Bethzacharam* posuisse castra dicitur. Loca erant vicina.

V. 15. DATO MINO SUI DEI VICTORIAE. Goth. *Dei victoria*. Hæc erat testera militaris, quæ datur quondie militibus, sed præsertim quando instat pugna. INTERFECIT VIROS QUATUOR MILLIA. Græce in Regis, *duo millia*: in Rom. *quatuor millia*. Verum Lib. I. cap. vi. 42. occidisse ait viros sexcentos, de quo eo loco est dictum. ET MAXIMUM ELEPHANTORUM. Eleazarus Iudæ frater illum occidit, eodem cap. vi. 46.

V. 18. SED REX, ACCEPTO GUSTU, id est expertus audaciam Iudæorum, ad artes vertit animum.

V. 21. ENUNTIAVIT AUTEM MYSTERA Regi Rhodocus, id est arcana, Iudam obsessis mittere necessaria.

V. 23. COMMISIT CUM IUDA. Ecce novam pugnam. Non semel Rex & Iudas conflixere. UT AUTEM COGNOVITREBELLASSE PHILIPPUM. De hoc Philippo Lib. I. cap. vi. 14. & 63. & Lib. II. cap. ix. 29. QUI RELICTUS ERAT SUPER NEGOTIA: non ab hoc Rege, sed ab eius patre: illo cap. vi. illum rebus in morte præfecit.

V. 25. UT AUTEM VENIT PTOLEMAIDAM, scilicet Rex. INDIGNANTES: ibi distinctio. NE FORTE FORDES IRRUMPERENT, Iudæi: supple, timebant cives Ptolemaidis.

M E N O C H I I.

Vers. 4. **U** T EST EIS CONSUETUDO, id est usitatio apud eos supplicio.

V. 5. AGGESTUM UNDIQUE HABENS CINERES.

A a a a

NE-

NERIS, id est cinerem omni ex parte aggestum, & comparatum in hunc usum, & ad hunc finem, ut supplicio ultimo afficiendi ex turri in illum præcipites darentur. Vide Val. Max. Lib. IX. cap. II.

V. 7. TERRAE DARI, id est sepeliri.

V. 8. SATIS IUSTE; valde iuste.

V. 14. DANS POTESTATEM DEO, id est committens rem Deo, qui omnia potest.

V. 15. SIGNO, scilicet tessera, quæ militibus dari solet. DEI VICTORIAE; scilicet, verba hæc, *Dei victoria*. AULAM REGIAM: tabernaculum Regium, Prætorium.

V. 18. GUSTU: experimento; id est, cum hoc habuisses specimen audaciæ, & virtutis Iudæorum.

V. 19. MINORABATUR, id est inferior discedebat.

V. 21. MYSTERIA, id est secreta consilia. REQUISITUS, quaesitus. CONCLUSUS, scilicet, carcere.

V. 23. COMMISIT CUM IUDA: SUPERATUS EST: non postquam obiit, sed cum amisit primum quatuor millia, deinde sexcentos de suis; præter eos quos hausit ob sidio Bethsuræ, incolam Iuda cum suis, excepto Eleazaro, qui vitam ultro profudit, ut vidimus supra Lib. I. capite VI. 46. REBELLASSE PHILIPPUM: vide supra Lib. I. cap. VI. 35. DEPRECANS, SUBDITUSQUE RIS, id est, eos demisse rogans.

V. 24. PTOLEMAIDE: quæ est urbs maritima, cis Tyrum versus Ierusalem posita. GERRENOS. Hi sunt Geraseni, qui habitant ad lacum Genesareth, ut putat Salianus probabiliter.

V. 25. INDIGNANTES, NE FOEDUS IRRUMPERENT. In Græco ad verbum est: *Indignabantur enim, pro quibus voluerunt rumpere fœdera*; id est, indigne ferebat quædam concessa Iudæis, ob quæ volebant fœdera pacis irrita facere: causa autem indignationis videtur fuisse præfectura, & potestas data Machabæo.

T I R I N I.

Perf. 2. **P**RO centum decem millibus præditum, quinque millibus equitum & elephantis viginti duobus, habes Lib. I. cap. VI ubi hæc eadem Antiochi Eupa-

toris expeditio describitur, *prædium centum millia, equitum viginti millia, elephantos triginta duos*. Nimirum variis diebus varius erat numerus, prout atque cupie vel de novo accederent, vel alio, ut sit, ablegarentur. Huic expeditioni adversus Iudæos sese admiscet

V. 3. MENELAUS pseudopontifex ab Antiocho Epiphane iam pridem constitutus. Sed SUGGERENTE vers. 4. *LYSIA*, HUNC Menelaum ESSE CAUSAM OMNIUM MAIORUM & TURBARUM in Syria; IUSSIT rex eum IN EODEM LOCO, id est in eadem illa Syriæ regione, in qua tum rex degabat, APPREHENSUM NECARI, UT SYRIIS ILLIS EST CONSUETUDO, id est eo mortis genere & supplicio, quo solent isti proditores plecti: nempe ut ex altissima turri, quæ subtus cinerem & sacrificiis vicini forsitan delubri colligi solitum, in cumulos UNDIQUE AGGESTUM HABEBAT, IN PRÆCEPS deiceretur. Sic profanis cineribus immerfus est; qui sacros divini altaris vers. 8. cineres sacrilegiis suis sæpius contaminat.

Pergit nihilominus in Iudæos procurrere rex Antiochus. Sed Iudas Machabæus adventantem prævertit vers. 13. & noctu in castra ipsius clam illapsum, vers. 14. DANS POTESTATEM DEO, id est committens se suisque, & sua omnia nutui ac beneplacito divino, vers. 15. DATO SUTS SIGNO, symbolo, seu classico, VICTORIAE DEI, sternit, cædit, interfecit QUATUOR MILLIA hostium.

V. 18. *Hoc AUDACIÆ & fortitudinis IUDÆORUM specimine gustato* REX, non iam VI, se ARTE & solertia tentavit difficiliora Iudææ loca sibi vindicare, puta prodicionem; sed qui *Bethsuram* b prodece tentabat,

V. 11. RHODOCUS QUIDAM IUDÆUS, oportune detectus, & captus, poenas dedit. Dein blanditiis, amphis promissis & muneribus: quo modo

V. 22. ITERUM REX SERMONEM HABUIT, egitque cum IIS QUI ERANT IN *Bethsura*. Et successit ex animi sententia. Nam usi benevolentia regis præsidarii, fame iam pene & enecti, honestis conditionibus sese illi locumque dediderunt. Ergo dextera illis data & accepta, rex inde movit adversus Iudam: sed vers. 23. *commissa prælio, superatur*. Sub idem tempus CO-

COGNOVIT REBELLASSE PHILIPPUM ANTIOCHIAE, & affectare regnum Syriæ se absente. Unde suavis d. Lyfæ deprecatur IUDAEOS ut pacem admittant, SUBDITUS EIS, id est obediens, obsequens, obsecundans eis in OMNIBUS quæ postulabant. Insuper Iudam ipsum vers. 24. FECIT DUCEM ET PRINCIPEM A PTOLEMAIDE USQUE AD GERRENOS, iubens ut regis nomine partes illas regni Syriaci administraret. Quo comperto PTOLEMENSES, veritatem FORTE Iudæi, regionum illarum, seu possessione, seu administratione accepta, tantoque potentiores facti, FOEDUS iam recens cum rege initum, mox rumpere, & ita se vicinalque regiones una secum adversus regem rebellare cogerent; expostulant cum rege & Lyfia super hoc Iudæis concessio tam amplo imperio. Sed Lyfias *confero tribunali*, vers. 26. RATIONEM facti EXPOSUIT, docens, e re non minus ipsorum, quam regis esse, cum amicis tam fortibus, tam fidei fœdere jungi & pacem colere. Reliqua huius capituli expositas habes Lib. I. cap. vi.

(a) Lib. II. Mach. 17. 23. & ult.

(b) Lib. I. cap. 19. in fine.

(c) Lib. I. cap. vi. 49.

(d) Ibid. vers. 55. & seqq.

ANtiochus Eupator occidi fecit Menelaum, vers. 4. & 5. Propter tamen armatus in Iudæos, vers. 9. Ad Modum pugnatur, vers. 14. 15. Vincit Iudas vers. 23. Reconciliatur regi, 24.

V. 1. De hac re lege quæ dicta sunt Lib. I. cap. vi. vers. 18. Notatur hic annus 149. at Lib. I. notatur annus 150. Verum, ut in præloquio dixi, hoc continet ex varie notata epocha.

V. 4. Hic Menelaus pseudopontifex suffectus Oniz, iam dat perfidie poenas, sine forma iudicii.


V. 5. AGGESTUM HABENS CINERIS. Hi cineres turrim in circuitu muniebant. Sic in cinerem datur præceptum malorum auctor.

V. 13. & 15. CIRCA MODUM. At Lib. I. est ad Bethzachoram: non moror: sunt loca vicina. MAXIMUM ELEPHANTORUM: lege Lib. I. cap. vi. vers. 46.

V. 21. MYSTERIA, arcana; hoc erat, quod Iudas necessaria obesset submitteret. De Philippo hic, vers. 25. dictum est Lib. I. cap. vi. vers. 14. At cur indignatur Ptolemenses? vers. 6. quia volebant fœdus impedire. Sedatur tumultus.

C A P U T XIV.

Suggestente Alcimo qui summo destitutus erat Sacerdotio, Nicanor in Iudæos missus a rege Demetrio, auditis Iudæ præclaris facinoribus, amicitiam cum eo contrahit: quam postmodum rege cogente solvens, dum Iudam nequit comprehendere, templi minatur everfam, & senem Raziam Iudæum magnanimum apprehendere conatur: qui dum ab hostibus iam se capiendum videret, elegit potius constantissimo animo sibi mortem inferre quam indigna pati ab hostibus, in quos propriis manibus sua intestina proiecit.

I.  Ed post triennii tempus cognovit Iudas, & qui cum eo erant, Demetrium Seleuci, cum multitudine valida, & navibus, per portum Tripolis ascendisse ad loca opportuna, 2. & tenuisse regiones adversus Antiochum, & ducem eius Lyfiam. 3. Alcimus autem quidam, qui summus sacerdos fuerat, sed voluntarie coinquinatus est temporibus commisionis, considerans nullo modo sibi esse salutem, neque accessum ad altare, 4. venit ad regem Demetrium, cenesimo quadagesimo anno, offerens ei coronam auream, & palmam, * super hæc & thallos, qui templi esse

videbantur. Et ipsa quidem die fluuit. 5. Tempus autem opportunum dementiæ suæ nactus, convocatus a Demetrio ad consilium, & interrogatus quibus rebus & consiliis Iudæi nitrentur. 6. respondit: Ipsi qui dicuntur Assidæ Iudæorum, quibus præest Iudas Machabæus, bella nutriunt, & seditiones movent, nec patiuntur regnum esse quietum. 7. nam & ego defraudatus parentum gloria (dico autem summo sacerdotio) huc veni. 8. primo quidem utilitatibus regis fidem servans, secundo autem etiam civibus consulens: nam illorum pravitæ universum genus nostrum non minime vexatur. 9. Sed o to his singulis, o rex, cognitis, & regioni, & generi, * secundum humanitatem tuam pervulgatam omnibus, prospice: 10. nam, quamdiu superest Iudas, impossibile est pacem esse negotiis. 11. Talibus autem ab hoc dictis, & ceteri amici, hostiliter se habentes adversus Iudam, inflammaverunt Demetrium. 12. Qui statim Nicanorem præpositum elephantorum ducem misit in Iudeam: 13. datis mandatis, ut ipsum quidem Iudam caperet; eos vero, qui cum illo erant, dispergeret, & constitueret Alcimum maximi templi summum sacerdotem. 14. Tunc gentes, quæ de Iudæa fugerant Iudam, * gregatim se Nicanori miscebant; miserias & clades Iudæorum, prosperitates rerum suarum existimantes. 15. Audito itaque Iudæi Nicanoris adventu, & conventu nationum, conspersi terra rogabant eum, † qui populum suum constituit, ut in æternum custodiret, quique suam portionem signis evidentibus protegit. 16. Imperante autem duce, statim inde moverunt, conveniuntque ad castellum Dessau. 17. Simon vero frater Iudæ commiserat eum Nicanore: sed contritus est repentino adventu adversariorum. 18. Nicanor tamen, audiens virtutem comitum Iudæ, & animi magnitudinem, quam pro patriæ certaminibus habebant, sanguine iudicium facere metuebat. 19. Quam ob rem præmisit Posidonium, & Theodotium, & Mathiam, ut darent dexteras atque acciperent. 20. Et cum diu de his consilium ageretur, & ipse dux ad multitudinem renuissit, omnium una fuit sententia amicitias annuere. 21. Itaque diem constituerunt, qua secreto inter se agerent: * & singulis sellæ prolatae sunt, & posite. 22. Præcepit autem Iudas armatos esse locis opportunis, ne forte ab hostibus repente mali aliqui orirentur: & congruum colloquium fecerant. 23. Morabatur autem Nicanor Ierosolymis, nihilque inique agebat, regesque turbarum, quæ congregatae fuerant, dimisit. 24. Habebat autem Iudam semper charum ex animo, & erat viro inclinat. 25. Rogavitque eum ducere uxorem, filiosque procreare. Nuptias fecit: * quiete egit, communiterque vivebant. 26. Alcimus autem, videns charitatem illorum adinvicem, & conventiones, venit ad Demetrium, & dicebat, Nicanorem rebus alienis assentire, Iudamque regni insidiatorem successorem sibi destinasse. 27. Itaque rex exasperatus, & pessimis huius criminationibus irritatus, scripsit Nicanori, dicens, graviter quidem te ferre de amicitia conventionē, iubere tamen Machabæum citius vincitum mittere Antiochiam. 28. Quibus cognitis, Nicanor consternabatur, & graviter ferebat, si ea, quæ conveniant, irrita faceret, nihil læsus a viro: 29. sed, quia regi resistere non poterat, opportunitatem observabat, qua præceptum perficeret. 30. At Machabæus, videns secum austerius agere Nicanorem, & consuetum occursum ferocius exhibentem, intelligens non ex bono esse austeritatem istam, paucis suorum congregatis, occultavit se a Nicanore. 31. Quod cum ille cognovit fortiter se a viro præventum, venit ad maximum & sanctissimum templum: & sacerdotibus solitas hostias offerentibus, iussit sibi tradi virum: 32. quibus cum iuramento dicentibus nescire se ubi esset qui quærebatur, extendens manum ad templum, 33. iuravit, dicens: Nisi Iudam mihi vincitum tradideritis, istud Dei sanum in planitiem deducam, & altare effodiam, & templum hoc Libero patri consecrabo. 34. Et his dictis, abiit. Sacerdotes autem protendentes manus in caelum, invocabant eum, qui semper propugnator esset gentis ipsorum, hæc dicentes: 35. Tu Domine universorum, qui nullius indiges, voluisti templum habitationis tuæ

Beri in nobis. 36. Et nunc sancte sanctorum omnium Domine, conserva in aeternum impollutam domum istam, quae nuper mundata est. 37. Razias autem quidam de senioribus ab ierosolymis delatus est Nicanori, vir amator civitatis, & bene audiens: qui pro affectu pater iudeorum appellabatur. 38. Hic multis temporibus continentiae propositum tenuit in Iudaismo, corpusque & animam tradere contentus pro perseverantia. 39. Volens autem Nicanor manifestare odium, quod habebat in iudeos, misit milites quingentos, ut eum comprehenderent. 40. Purabat enim, si illum decessisset, se cladem iudeis maximam illaturum. 41. Turbis autem irruere in domum eius, & ianua disrumpere, atque ignem admoveere cupientibus, cum iam comprehenderetur, gladio se petiit; 42. eligens nobiliter mori potius, quam subditus fieri peccatoribus, & contra natales suos indignis iniuriis agi. 43. Sed, cum per festinationem non certo ictu plagam dedisset, & turbæ intra ostia irruerent, recurrens audacter ad murum, precipitavit semetipsum viriliter in turbas: 44. quibus velociter locum dantibus casui eius: venit per mediam cervicem: 45. & cum adhuc spiraret, accensus animo, surrexit: & cum sanguis eius magno fluxu deflueret, & gravissimis vulneribus esset saucius, cursu turbam pertransiit: 46. & stans supra quandam petram præruptam, & iam exsanguis effusus, complexus intestina sua, urisque manibus proiecit super turbas, invocans dominatorem vitæ ac spiritus, ut hæc illi iterum redderet: atque ita viâ defunctus est.

B R U G E N S I S

ROMANAE CORRECTIONES.

Verf. 4. Super hæc & thallos. Scribendum est thallos, ibi in principio, & duplici t in medio, quod est, ramos; non talos quæ sunt ossa.

Verf. 9. Secundum humanitatem tuam pervulgatam omnibus. Non mutes pervulgatam in promulgatam, id est, u in m.

Verf. 14. Gregatim se Nicanori miscebant. Vox Gregatim non est augenda una syllaba congregatim.

Verf. 21. Et singulis sella prolata sunt & posite. Non addas præpositionem a ante singulis.

Verf. 25. Quiete egit communiterque vivebant. Legendum est communiter quod est in communi, non comiter quod est blande.

LECTIONUM VARIETAS.

Verf. 15. Qui populum suum constituit, ut in ætærum custodiret. Plerique libri omittunt ut, sed melius vetera manuscriptorum, quæ omittunt non tantum conjunctionem ut, sed etiam verbum custodiret, consentaneæ Græco.

NOTATIO.

Verf. 21. ET singulis sella prolata sunt & posite. Unum Parisiensem manuscriptorum Di. o; undecim Hentenii; quatuordecim nostra, Brug. Lob. Leod. E, L, Q, Pl. m. &c., addunt a præpositionem: Et a singulis sella prolata sunt & posite; quæ eam quæ Græce est præpositionem *παρά* exprimit; *παρά ἑκάστου*, id est a singulis. Non id tamen ita intelligendum est, quasi duces ipsi sibi sellas protulerint, posuerintque; propter quod ablatam a quibusdam fuisse præpositionem autumo; sed quod ab utraque utriusque ducis parte, per ministro nimirum prolatae ac posite sint. Græca regis editio ex Complutensi habet: *ἡ παρὰ δὲ παρ' ἑκάστου διπλὰ ἵδρας ἵδρας*: Et accessit a singulis sella; posuerunt sellas: quæ potius sunt Interpretis nostri lectio, quam ea quæ in Alduis & Germanicis est Bibliis: *ἡ παρὰ δὲ ἡ παρ' ἑκάστου διπλὰ ἵδρας ἵδρας*: Et processit (s. dies constitutus, vel dux uterque) & a singulis diversas posuerunt sellas.

C O M M E N T A R I A

S A.

Verf. 1. SELEUCT, scilicet filium. Vide Lib. I. cap. vii.

V. 3. COMMISTIONIS, scilicet cum Gentilibus: et forte incommistionis legendum. Græc. *segregations* (sive *dissensions*) a conversatione scilicet Gentilium; quasi dicat:

cat: Cum reliqui Iudaei detestarentur conversationem Gentium & mores, tum ille his iniquissimus est.

V. 4. THALLOS, id est ramos, scilicet aureos.

V. 13. DISPERGERET; pro, perderet, seu dissiparet.

V. 15. PORTIONEM. Græc. *partem*, id est hereditatem, scilicet Iudæos.

V. 18. SANGUINE, &c. quasi dicat, Illorum virtutis periculum facere cum vitæ discrimine.

V. 25. COMMUNITERQUE, id est familiariter.

V. 35. IN NOBIS, id est inter, seu apud nos.

V. 37. AB IEROSOLYMIS, id est Ierosolymitanis. AFFECTU, id est benevolentia, scilicet in cives.

V. 38. CONTINENTIAE. Græc. *ἀνείκεια*, quod supra vertit *commissionem*: vide vers. 3. PRO. Græc. *cum*.

V. 41. COMPREHENDERETUR, id est comprehendendus esset.

V. 42. ELIGENS, &c. At errabat iudicio; nec enim nobilitas est, sed villitas, se occidere. NOBILITER, id est forisiter. Græc. *γενεφέ*.

V. 43. PRAECIPITAVIT. Et hic erravit, nisi quis factum excuset instinctu Dei, quo sorte movebatur: de quo vide Aug. I. Civ. cap. XXI. At Lib. II. cont. epist. Gaudent. cap. XXIII. & epist. LXI. aperte condemnat hoc Razæ factum.

V. 44. VENIT, id est cecidit. PER MEDIAM CERVICEM. Græc. *per medium* (scilicet turbæ) *in latus*, seu *ventrem*, scilicet cadens.

V. 46. COMPLEXUS, &c. Et id qui potest excuset. Crediderim tamen, Deum hominis errori ignovisse, quia misericors est, & ille ignorans fecerat, puta se in eo bene & fortiter agere.

EST II.

Vers. 37. **R**AZIAS AUTEM QUIDAM DE SENIORIBUS, QUI PRO AFFECTU PATER IUDAEORUM VOCABATUR, &c. Ac tandem vers. 41. CUM COMPREHENDERETUR, GLADIO SE PETIT, ELIGENS NOBILITER MORT, QUAM SUBDITUS FIERT PECCATORIBUS. Istud factum Razæ sunt qui excusare conantur, & maxime He-

brai; duas adherentes causas, ob quas licite quis Ibi ipsi manus inferat: si videlicet (inquiunt) id faciat, ne postea tormentorum vi compellatur ad illicita; vel ne in Dei contemptum vivens postea ludibrio habeatur. Quorum utrumque dicunt iuste: metuisse Raziam. Verum has exceptiones Christiani scriptores non agnoscunt. Nemo enim peccato suo debet impedire aliorum peccata: alioqui idem omnibus Martyribus licuisset. D. Aug. Lib. II. contra II. epist. Gaudenii cap. XXIII. & epist. LXI. de Razæ facto ita loquitur, ut neque laudandum dicat, neque imitandum, quin potius tandem reprehendit. In epistola hæc sunt eius verba: Scriptum est, *Invocentem & iustum ne occidas*. Si ergo iste innocens & iustus non fuit, cur proponitur imitandus? Si autem innocens & iustus fuit, quare interfector innocents & iusti (ipse scilicet Razias sui ipsius) insuper putatur esse laudandus? Et cont. epist. Gaudenii: Quomodo libet accipiat vobis huius Razæ vita laudata, non habet mors eius laudatricem sapientiam, quia non habet dignam Dei famulis patientiam. Et paulo superius: Hoc inquit, facere debuit, quod in iisdem litteris leguntur septem illi fratres, matre exhortante fecisse, ut comprehensus in dolore sustineret, & in humilitate patientiam haberet. Hæc Augustinus.

MARIANAE.

Vers. 1. **S**ED POST TRIENNII TEMPUS. A morte Antiochi Epiphanis, qui obiit anno 148: iuxta huius Libri computationem, siquæ Demetrius hic Romanus profugus venit in Syriam, & cepit regnare anno 150. At 151. dicitur Lib. II. cap. VII. 1. quo etiam capite huius Demetrii regestæ continentur.

V. 3. ALCIMUS AUTEM QUIDAM, QUI SUMMUS SACERDOS FUERAT. *ἀρχιεπίσκοπος*, iam factus sacerdos: nempe post Menelai mortem, ut Iosephus ait Lib. XII. cap. XV. qui superiore anno est occisus, cum Pontificatum tenuisset annos decem. Quomodo ergo Lib. I. cap. VII. 3. dicitur, *qui volebat fieri sacerdos*? nempe, confirmari electionem suam a Demetrio; aut Pontificalia exercere: nam Iudas impidebat. Atque hoc significant illa verba proxima.

Quæ

Considerans nullo modo sibi esse (pro, forte) salutem, neque accessum ad altare. TEMPORIBUS COMMISSIONIS: ἀμύλλας, *segregantes*, dissidii corruptus Alcimus. Attulit etiam Regi dona, coronam auream, & palmam item ex auro.

V. 4. ET THALLOS. Hinc tallo Hispanis: θάλλοι; sunt autem rami etiam aurei. Quae omnia e templo furatus cedebatur.

V. 6. QUI DICUNTUR ASSIDAEI. De iis diximus Lib. I. cap. 12. 42. QUIBUS PRAEEST IUDAS: non quod esset Assidus ipse, sed erat eorum Dux. Id Alcimus dicebat. Mittit Nicanorem Rex,

V. 13. DATIS MANDATIS. Graece, *dans epistolas*. Sed *epistola* pro *mandatis*.

V. 16. CONVENIUNTQUE. Graece, *commiscet se ipsis*, scilicet Iudas pugnat cum hostibus. AD CASTELLUM DESSAU. Lib. I. cap. VII. 31. pugnatum dicitur ad *Capharsalama*. Verum ea loca aut coniuncta erant, aut pugna non eadem. Nam priori loco dicitur, cecidisse ex hostibus quinque millia fere; in posteriori, victum Simonem a Nicanore, sed eum timuisse Iudam. Et sane posterior pugna post factum saeculus fuit.

V. 17. CONTERRITUS EST REPENTINO ADVENTU, scilicet Simon. Graece, *paululum autem ob repentinam hostium irruptionem erravit*.

V. 18. SANGUINE IUDICIUM FACERE METUEBAT. Nicanor id est aleam pugnae subire.

V. 23. MORABATUR AUTEM NICANOR IEROSOLYMIS. Sic cap. illo VII. 37. *Est venit Nicanor in Ierusalem*. Facti sunt amici Nicanor & Iudas, qui

V. 25. NUPTIAS FECIT. Iudas hortatu Nicanoris. QUIETE EGIT: a bellis cessavit. Sic solent uxorati voluptate emolliiri. Id volebat Nicanor. COMMUNITERQUE VIVEBANT. Graece, *vivebat*, scilicet Iudas nempe ut cives alii. Iussit Rex

V. 27. MACHABAEUM CITIUS VINCTUM MITTERET. De hoc cap. illo VII. 29. Porro ex his locis constat, insidias contra Iudam paratas iussu Regis, non sponte Nicanoris.

V. 29. OPPORTUNITATEM OBSERVABAT, QUAE PRAECEPTUM. Graece additur, *stragemate perficeret*, id est arte & dolo.

V. 37. RAZIAS. Graece, *Razus*. Ab Au-

gustino epistola LXI. *Razius*: a Goriome *Riasius* vocatur. DELATUS EST NICANORI. Crimina illi imposita, fortasse proditionis, nam ob Iudaismum non puro Iulio delatum.

V. 41. TURBIS AUTEM IRRUERE IN DOMUM. Graec. in *εὐρυαν* *cupientibus*. Dominus, arcis instar erat. GLADIO SE PERCIT. An se perimere licet?

V. 42. ELIGENS NOBILITER MORTI. Augustinus LXI. *nobiliter*, inquit, & *viriliter*; non *fideliter*, nec *salubriter*. Quo loco & Lib. II. contra Gaudentii epist. cap. XXIII. invehitur in Raziam, quoniam Circumcelliones ferum hominum genus ex hoc Razie factio sumebant occasionem ad se ipsos perimendum. Alioqui potuisset mitius agere cum fene hoc tantopere laudato, & ratione aliquo factum excusare, ut in multis Martyribus facimus, qui se peremerunt. Verum de re tota, ne se perimere alicui aliquando liceat, Libro I. de Morte & immort. cap. IX. copiose disputavimus.

V. 44. VENIT PER MEDIAM CERVICEM, id est in cervicem cecidit: *de espaldas*. Graec. *ἵστατο ὑπὸν τοῦ νικάνωρος, Venit per medium in vacuum*, scilicet ab utraque parte cedente turba, in pavementum hominibus vacuum decidit. Sic potuit surgere, & petram ascendere.

MENOCHII.

Vers. 1. SED POST TRIENNII TEMPUS: inchoati scilicet a morte Antiochi Epiphanis. DEMETRIUM SELEUCI, &c. vide dicta Libro I. cap. VII. initio, ubi haec eadem habentur.

V. 3. ALCIMUS QUIDAM, &c. vide ibid. num. 5. COINQUINATUS: idololatria. TEMPORIBUS COMMISSIONIS: non dicit Scriptura Alcimum fuisse Pontificem temporibus commissionis, sed tantum fuisse eo tempore idololatria coinquinatum: tempus commissionis appellatur illud, quo Iudae Gentilibus commiscuere se, & eorum ritus imitari sunt, superinducto praepotio, ludis, sacrificisque profanis: vide Lib. I. cap. I. Nullo modo sibi esse salutem: intelligens se, & res suas periclitari.

V. 4. CENTESIMO, ET QUINQUAGESIMO ANNO: regni Graecorum, secundum supputationem Chaldaicam, de qua dictum supra XI. 21. THALLOS: ramos aureos. GRE-

Græci enim ratum θαλάσσι appellant. QUI TEMPLI ESSE VIDEBANTUR: & e templo sacrilege ab Alcimo sublatis.

V. 6. ASDAET: de quibus vide supra Lib. I. capite vii. 13.

V. 9. GENERI. In Græco est τὸν πρὸς αὐτοῦ γένος αὐτοῦ προσηύχεται, Flaminius vertit, *Obsecro generi nostro prospice.*

V. 15. PORTIONEM. Græce μερίδι dicitur, id est pars, hereditas, scilicet Iudæi.

V. 16. DUCE: Simoone fratre Iudæ.

V. 18. SANGUINE, &c. quasi dicat, Illorum virtutis periculum facere cum vitæ discrimine.

V. 20. IPSE DUX; scilicet, Iudas.

V. 22. CONGRUUM COLLOQUIUM; ἀμειψόμενα κηρυχόμενα, congressum, & colloquutionem convenienti qualitati negotiorum, & aptam ad conciliandam pacem.

V. 23. GREGES TURBARUM: qui se Nicanori adiunxerant, ut dicitur n. 14.

V. 25. COMMUNITER. Significat Iudam accepta uxore nihilominus in Essenorum vitæ instituto constanter perseverasse, quod est, ἑσθαι δαίσιον & communem vitam egisse, qualis est eorum, qui nihil habent proprium, sed omnia communia.

V. 26. REBUS ALIENIS ASSENTIRE, id est probare, & amplecti, quæ a negotiis regis aliena essent. SUCCESSOREM SIBI DESIGNASSE. In Græco, est διαδοχὴν ἀντιδιδόναι, τὰς αὐτῶν, quod vertere possis, *Vicarium, instituit, vel declaravi suum.* Alii vertunt, *Legatum sibi creavit.*

V. 27. DE AMICITIÆ CONVENTIONE: quod adeo arctam cum Iuda amicitiam contraxisset, & pacem fecisset cum Iudæis. IUBERE TAMEN: itaque iubere.

V. 33. LIBERO PATRI, id est Baccho.

V. 35. IN NOBIS, inter, seu apud nos.

V. 37. DE SENIORIBUS AB IEROSOLYMIS: & Ierosolymitano senatu. BENE AUDIENS: bone, & secunda famæ.

V. 38. CONTINENTIA PROPOSITUM TENUIT: ἀμειψάσ, ut est in Græco, id est incommixtionis; qui scilicet abstinuerat se a communione, & commixtione cum Gentilibus, & ab eorum ritibus, & sacris abstinuerat.

V. 40. Si ILLUM DECEPISSET. In Græco est, *si illum cepisset, εὐλαβηθεῖ.* NOBILITER MORI: genere se, ut est in Græco. Impulsum fuisse a spiritu sancto ad mortem sibi ultio inferendam, ex illo colligi

videtur, quod sacer textus factum non solum narrare, sed etiam commendare videtur.

TIRINI.

Vers. 1. POST TRIENNII TEMPUS, id est tertio anno a morte Antiochi Epiphanis, quem auctor libri huius obuisse vult anno 148. regni Græcorum Chaldaico, ut dixi cap. xi. 21. Nam ab initio huius anni, ulque ad finem anni 150. quo cepit regnare Demetrius hic vers. 4. effluxit fere triennium. De initiis huius Demetrii vide Lib. I. initio cap. vti. uti & de Alcimo ibid. vers. 7. qui hic

V. 3. Dicitur fuisse magnus SACERDOS, id est pontifex, nuper ab Antiocho Eupatore, post necem Menelai a, ad eam dignitatem euectus: SED quod VOLUNTARIE COINQUINATUS ESSET, id est sponte deflexisset a vera religione, & profanis Gentilium ritibus sese contaminasset TEMPORIBUS COMMISIONIS, cum Gentiles dominarentur & permiscerentur Iudæis; desperabat non modo de accessu AD ALTARE & functionibus pontificis, sed & de salute sua, si in Iudæam, ubi æmulus eius Iudas Machabæus rerum potiebatur, se consulisset. Ergo opem implorat regis Demetrii,

V. 4. OFFERENS EI CORONAM AUREAM, qua regiam illi dignitatem gratulabatur: ET PALMAM auream, qua victoriam adprecabatur: ET THALLOS, id est ramos, seu furculos, oleaginos, ex auro, quibus pacem deposcebat. Sed de alieno liberalis erat sacrilegus: nam clinodia hæc omnia VIDEBANTUR, id est certo sciebantur, ESSE TEMPLI, e quo ipse furto illa subduxerat.

V. 6. De *Affidais* egi Lib. I. cap. vii. 13.

V. 16. Loco *castelli*, DESSAU habemus Lib. I. cap. vti. 13. *Capharsalama*. Sed variis diebus castra occupant varia loca.

V. 18. NICANOR METUUS SANGUINE IUDICIUM FACERE; id est, refugit ferro decernere, & cum hoste configere qui mori mallet quam fugere. Legatus ergo mittit pro pace, vers. 19. de qua facile inter partes convenit. Ex quo tempore

V. 24. & 25. Nicanor habuit IUDAM SEMPER CHARUM EX ANIMO: forte legendum, non ex animo: quia Græce est, *ἀπὸ προσώπου*, id est in facie, seu vultu reus. Eodemque modo ERAT VIRO INCLINA-

NATOS, id est propensum se & benevolum erga Iudam gerere. ROGAVITQUE EUM DUCERE UXOREM, FILIOSQUE PROCREARE, qui tanti parentis virtutem æmularentur. Hoc præ se ferebat Nicanor; sed re ipsa intendebat, his nuptiis, Iudam a bellandi studio abstrahere, & vires tam corporis, quam animi, rebus uxoris enervare. Ex his nuptiis ait Gorioides h Iudam filiolum accepisse. Sed huius nullibi aliam mentio, forsitan præpropere morte sublatus est, etiam ante parentem, qui proximo anno e vivis excessit.

V. 26. *Charius* horum duorum principum displicet *Aleixo*, qui *Nicanorem* prodicionis accusat hoc nomine apud regem.

V. 27. *REX NICANORI scribit*, non probari sibi pacta cum Iudæis conventa, iu betque Iudam Machabæum Antiochiam vincitum ad se mitti.

V. 30. *MACHABAEUS, VIDENS SECUM AUSTERIUS AGERE NICANOREM*, facile advertit, illius animum alienatum a se, aliquid mali coquere, cum PAUCIS SUORUM sese occultat.

V. 31. *Nicanor* ut COGNOVIT, SE A IUDÆA PRAEVENTUM FORTITER. Græce, *generose superatum* astutia, seu militari stratagemate, minatur.

V. 33. *Sacerdotibus*, se FANUM ISTUD DEI, seu templum, funditus excisurum, ET LIBERO PATRI, id est Baccho, *consecraturum*, NISI IUDAM VINCITUM SIBI tradiderint. Neque hoc contentus, iram quam non poterat in Iudam, effundit vers. 37. in *Raziam* e SENIORIBUS, id est ei præcipuis senatoribus Ierisolymitanis, qui pro pio in commune bonum affectu, PATER IUDÆORUM APPELLABATUR.

V. 38. Hic perperam CONTINENTIAE PROPORIUM TENUIT IN IUDÆISMO; id est, in vera Dei religione constanter sese contulit purum integrumque ab omnibus Gentilium impuritatibus. Addit Gorioides e, ex ASSIDUO numero ipsum fuisse.

V. 41. Is vero CUM TAM a satellitibus COMPREHENDERETUR, GLADIO SE PETIT. Sed cum præ festinatione vers. 43. Non sat CERTO ac directo tactu vulnus sibi infixisset, ex alto muro præcipit se in medias TURBAS. Sed ne sic quidem extinctus:

nam V. 44. *Turbis LOCUM DANTEBUS CASUI ETUS*, VENIT, seu decidit in terram, PER MEDIAM CERVICEM; Græce, *Bib. Sac. Tom. XXII.*

per medium ventrem; quasi dicat: Non decidit prono capite in terram, sed in latus aut in ventrem, mediam cervicem allidendo terræ. Unde spirans adhuc vers. 45. immo sat adhuc robustus corpore, & ACCENSUS ANIMO CURSU TURBAM perturbans, & in PRAERUPTAM PETIAM vers. 46. ascendens, INTESTINA SUA UTRISQUE MANIBUS e visceribuseducta proiecit in medias TURBAS, DEUM INVOCANS UT HABERE IUSTITIAM SIBI reddat in novissimo iudicii die. Quæ Numinis invocatio, utpote ex constanti fide, spe & caritate promanans, mihi persuadet (uti persuasit & Franciscus Victoria d & Seratio) non peccasse hoc in actu Raziam, etsi id putaretur S. August. S. Thomas e & quidam alii, sed ex peculiari Dei instinctu sibi vim attulisse, ut de Samsonè dixi, & alibi. S. Augustinus f de virginibus quibusdam concedit, *quæ ut insectatores sua pudicitia devitarent, in flumen vel ignem se proiecerunt*. Suadet id pia sanctæque Raziæ vita, tot virtutibus ornata: suadet pia in hoc facinore intentio, vers. 42. *ne subditus fieres peccatoribus*, & forsitan vel blanditiis, vel tormentis, vel dolosis stratagematis aliquid ex ore eius eliceretur, quod vel honori divino, vel populi commodis officere videretur: notat enim in suo unius capite negotium totius populi versari: suadet etiam, ut dixi, pia admodum iam moribundi oratio, & spiritus sui in divinas manus commendatio: suadet denique sacri scriptoris, seu Spiritus sancti, eximia laus qua factum hoc Raziæ prosequitur. Dicit vers. 42. *mobilitur*, vers. 43. *audacter & viriliter egisse*. Quali sane laude nunquam prosequitur liber Iudicum Samsonis factum, de quo tamen nemo iam dubitat. Et vero falsum esset, *viriliter mobiliturque egisse*, nisi Spiritus sancti instinctu id egisset, cum prorsus abiecti pusillique animi sit *avaritia* h *avaritia*, id est sui ipsius occisio & carnificina, testibus non solo ipso Augustino & Lactantio g aliisque Christianis, sed & Aristotele, Euripide, Virgilio h & aliis Gentilibus a Lipsio i & Seratio citatis.

(a) Lib. II. cap. xxi. 4 &c. (b) Gorioid. Lib. III cap. xxi. (c) Gorioid. sup. cap. xxi.

(d) Franc. Viâ. relect. de homic. (e) August. e. p. II. & Lib. II. contra Gaudentium cap. 22 S. Tho. II. 2. q. 46. ar. 3. ad 3. (f) Lib. I. de Civit. cap. xxi. & 26. (g) August. Lib. I. de Civ. cap. xxi. ar. 22. 23. contra Circumcelliones. Lactant. Lib. III. c. xvi.

(h) Arist. Lib. III. Nicomachiorum Ethic. in casu. Virgil. Lib. VI. AEnid.

(i) Lips. cent. 21. sp. xxv.


GORDONI.

Sequuntur acta sub Demetrio. Alcimus fecit, ut mittatur Nicanor armatus in Iudæos, verl. 1. & deinceps verl. 13. & 14. Iudæi armantur, verl. 15. Nicanor firmat amicitias, verl. 18. & 23. Nuptiæ Iudæe Ierofolymis, verl. 25. Alcimus Regi suspectum facit Nicanorem, verl. 26. Litteris regis mutatur animus Nicanoris, verl. 28. Iudas id præsentit, & recipit le, verl. 30. Nicanor minatur templo, nisi Iudas tradatur, verl. 33. Historia de Razia, verl. 37. *V. 1. POST TRIENNIUM TEMPUS:* Hoc intellige a morte Antiochi Epiphanis, quem

dixi obiisse anno 149. ut numerat prior Liber, aut anno 148. ex varia epocha, ut habet Liber hic secundus.


V. 3. & 4. ALCIMUS AUTEM: Hic anno superiore post mortem Menelai, factus summus sacerdos erat. Quomodo ergo Lib. I. cap. VII. 5. dicitur voluisse fieri summus sacerdos per Demetrium? Certe quia volebat a Demetrio confirmari sibi Pontificatum. Hic regi dona offert. Thallos seu vartos aureos, & alia, quæ furatus putatur a templo.

V. 6. Quæ hic & deinceps dicuntur, de Alsidris, Alcimo, Nicanore, nuptiis Iudæe, & Razia, sunt explicata Lib. I. cap. VII. a versu quinto & deinceps.



CAPUT XV.

Iudas suos contra Nicanorem Dei potentiam contemnentem roborat, tum exhortatione, tum nocturna apparitionis manifestatione de viso Ieremia pro populo Israel orante; qui in Deum spem habentes ingentem prostrernunt exercitum, amputatis capite & manu Nicanoris, quæ Ierofolymis in memoriam divine protectionis suspensa sunt. Lingua eius blasphema avibus particulatim tradita, eoque die in annuam sollemnitatem instituto.

I. icanor autem, (a) ut comperit Iudam esse in locis Samariæ, cogitavit cum omni impetu die sabbati committere bellum. 2. Iudæis vero, qui illum per necessitatem sequebantur, dicentibus: Ne ita ferociter & barbare feceris, sed honorem tribue dici sanctificationis, & honora eum, qui universa conspiciit: 3. ille infelix interrogavit, si est potens in cælo, qui imperavit agi diem sabbatorum. 4. Et respondentibus illis, Est Dominus vivus ipse in cælo potens, qui iussit agi septimam diem. 5. At ille ait: Et ego potens sum super terram, qui impero summi arma, & negotia regis impleri. Tamen non obtinuit ut consilium perficeret. 6. Et Nicanor quidem cum summa superbia erectus, cogitaverat commune trophæum statuere de Iuda. 7. Machabeus autem semper confidebat cum omni spe auxilium sibi a Deo assuturum: 8. & hortabatur suos ne formidarent ad adventum nationum, sed in mente haberent adiutoria sibi facta de cælo, & nunc sperarent ab Omnipotente sibi assuturam victoriam. 9. Et allocutus eos de lege & prophetis, admoveos etiam certamina quæ fecerant prius, promptiores constituit eos: 10. & ita animis eorum erectis, simul ostendebat Gentium fallaciam, & iuramentorum pravaricationem. 11. Singulos autem illorum armavit, non clypei & hastæ munitione, sed sermonibus optimis, & exhortationibus, exposito digno fide somnio, per quod universos lætificavit. 12. Erat autem huiusmodi visus; Oniam, qui fuerat summus sacerdos, virum bonum & benignum, vercundum visu: modestum moribus, & eloquio decorum, & qui a puero in virtutibus exercitatus sit, manus protendentes, orare pro omni populo Iudeorum: 13. Post hoc apparuisse & alium virum, atate & gloria mira-

mirabilem, & magni decoris habitudine circa illum: 14. Respondentem veto Oniam dixisse: Hic est fratrum amator, & populi Israel; hic est, qui multum orat pro populo, & universa sancta civitate, Ieremias propheta Dei. 15. Extendisse autem Ieremiam dextram, & dedisse Iudæ gladium aureum, dicentem: 16. Accipe sanctum gladium munus a Deo, in quo deiicias adversarios populi mei Israel. 17. Exhortati itaque Iudæ sermonibus bonis valde, de quibus extolli posset imperus, & animi iuvenum confortari, statuerunt dimicare & configere fortiter, ut virtus de negotiis Iudicaret; eo quod civitas sancta & templum peticerentur. 18. Erat enim prouolubus, & filiis, itemque pro fratribus, & cognatis, minor sollicitudo; maximus vero & primus pro sanctitate timor erat templi: 19. sed & eos qui in civitate erant, non minima sollicitudo habebat pro his qui congressuri erant. 20. Et, cum iam omnes sperarent iudicium futurum, hostesque adessent, atque exercitus esset ordinatus, bestiarum equisque opportuno in loco compositi, 21. considerans Machabæus adventum multitudinis, & apparatus varium armorum, & ferocitatem bestiarum, extendens manus in celum, prodigia facientem Dominum invocavit, qui non secundum armorum potentiam, sed prout ipsi placet, dat dignis victoriam. 22. Dixit autem invocans hoc modo: (b) Tu Domine, qui misisti angelum tuum sub Ezechia rege Iuda, & interfecisti de castris Sennacherib centum octogintaquinque millia: 23. & nunc dominator cælorum mitte angelum tuum bonum ante nos, in timore & tremore magnitudinis brachii tui, 24. ut mereant qui cum blasphemia veniunt adversus sanctum populum tuum. Et hic quidem ita petoravit. 25. Nicanor autem, & qui cum ipso erant, cum tubis & canticis admovebant. 26. Iudas vero, & qui cum eo erant, invocato Deo, per orationes congressi sunt: 27. manus quidem pugnantes, sed Dominum cordibus orantes, prostraverunt non minus trigintaquinque millia, præsentia Dei magnifice delectari. 28. Cumque cessassent, & cum gaudio redirent, cognoverunt Nicanorem fuisse cum armis suis. 29. Facto itaque clamore, & perturbatione excitata, patria voce omnipotentem Dominum benedicebant. 30. Præcepit autem Iudas, qui per omnia corpore & animo mori pro civibus paratus erat, caput Nicanoris, & manum cum humero abscissam, Ierosolymam perferri. 31. Quo cum pervenisset, convocatis contribulibus, & sacerdotibus ad altare, accersit & eos qui in arce erant. 32. Et offenso capite Nicanoris, & manu nefaria, * quam extendens contra domum sanctam omnipotentis Dei, magnifice gloriatus est: 33. Linguam etiam impii Nicanoris præcisam iussit particularim avibus dari: manum autem dementis contra templum suspendi. 34. Omnes igitur cæli benedixerunt Dominum, dicentes: Benedictus qui locum suum incontaminatum servavit. 35. Suspendit autem Nicanoris caput in summa arce, ut evidens esset & manifestum signum auxilii Dei. 36. Itaque omnes communi consilio decreverunt nullo modo diem istum absque celebrare præterire: 37. habere autem celebritatem tertiadecima die mensis Adar, * quod dicitur voce Syriaca, pridie Mardochei diei. 38. Igitur his erga Nicanorem gestis, & ex illis temporibus ab Hebræis civitate possessa, ego quoque in his faciam finem sermonis. 39. Et si quidem bene, & ut historiæ competit, hoc & ipse velim: sin autem minus digne, concedendum est mihi. 40. Sicut enim vinum semper bibere, aut semper aquam, contrarium est; alterius autem uti, delectabile: ita legentibus, si semper exactus sit sermo, non erit gratus. Hic ergo erit consummatus.

(a) I. Mach. VII. 26. (b) Sup. VIII. 29.

II. MACHABAEORUM BRUGENSIS

ROMANAE CORRECTIONES.

Vers. 32. Quam extendens contra domum Sanctam. Se irandum est participium extendens

non substituendum verbum *extendens*.

Vers. 37. Quod dicitur voce Syriaca. Non legas femininum quae proneuro, quod, non enim refertur ad diem, sed ad Adar.

COMMENTARIA

S A.

Vers. 2. PER NECESSITATEM, id est coacti.

V. 8. NATIONUM, id est Gentilium.

V. 10. FALLACIAM, id est perfidiam.

V. 11. MUNITIONEM, scilicet solum.

V. 12. VERECUNDUM. Graec. verendum.

VISU, id est aspectu seu vultu. PROTENDENTEM, scilicet in caelum.

V. 13. HABITUDINE. Graec. excellentiam.

V. 16. DEICIES, scilicet inquit Deus.

V. 17. EXHORTATI. Verbi poterat consolari. VALDE: iungendum cum bonis. DE

QUIBUS EXTOLLI; pro, quibus incitari. UT VIRTUS, &c. quasi dicat, Ut totum negotium decerneretur, non verbis, sed viribus.

V. 21. PRODIGIA, id est miracula insignia.

V. 23. IN; pro, cum.

V. 25. ADMOVEBANT, scilicet se, seu procedebant.

V. 29. PERTURBATIONE, id est tumultu, scilicet lantantium.

V. 32. GLORIATUS EST; pro, glorius, scilicet Nicanor; quasi dicat, Superbe locutus.

V. 33. CONTRA, id est a regione.

V. 37. MENSIS. Graec. duodecimi mensis, scilicet Februarii. ADAR QUOD; pro, qui Adar. DIEI, scilicet festi: de quo vide Esther IX.

V. 39. MINUS DIGNE, scilicet quantum ad elocutionem. Sic & Paulus se sermone imperitum. CONCEDENDUM; id est condonandum, seu ignoscendum.

V. 40. CONTRARIUM, id est non sic iucundum. ALTERNIS. Graec. aqua mistum. Not. quod Graeca hunc sensum faciunt: Ut vinum per se bibere, & rursus aquam, inimicum est, seu odiosum, delectat vero si utrumque misceas; sic preparatus, id est temperatus, seu concinnus sermo Lectorem delectat. GRATUS, id est perinde suavis. CONSUMMATUS, id est finitus, scilicet sermo, seu liber; quasi dicat, Hic finis esto.

EST II.

*Vers. 14. HIC EST FRATRUM AMATOR, ET POPULI ISRAEL; HIC EST QUI MULTUM ORAT PRO POPULO, ET UNIVERSA SANCTA CIVITATE, JEREMIAS PROPETA DEI. Hic locus manifestissime attestat Sanctorum vita defunctorum intercessionem pro salute vivorum, etiam tempore veteris testamenti; quando tamen defunctorum animae, quantalibet sanctitate praediti fuissent, nondum ad Dei conspectum & gloriam regni caelestis admittebantur, sed erant tantum in sinu Abrahae, ubi tamen consolabantur, ut Scriptura de Lazaro loquitur Lucae XVI. Quanto igitur magis tempore novi testamenti credendum est Sanctos iam cum Christo regnantes, & perfecti Dei visione beatos pro salute fidelis populi adhuc militantis apud Deum interpellare? Et huius doctrinae rationem & fundamentum etiam ipsa Scriptura non tacet: *Hic est, inquit, fratrum amator, & populi Israel, scilicet, quia Sancti hac mortali vita defuncti amant adhuc viventes, cum quibus permanent eiusdem corporis, id est ecclesiae membra: fieri non potest, quin illum amorem etiam opere declarent, orando Deum pro viventibus, aliaque similibus beneficiis iis praestando. Id enim requirit eorum amor, qui hic memoratur; tum etiam Sanctorum communio, quam in symbolo nos credere profiteamur.**

V. 39. ET SI QUIDEM BENE, ET UT HISTORIAE COMPETIT, HOC ET IPSE VERBIM: SIN AUTEM MINUS DIGNE, CONCEDENDUM EST MIHI. Et haec verba capiunt haeretici ad infringendam auctoritatem horum librorum. En, inquit, auctor dubitat de veritate suae historiae. Sed respondeo auctorem excusare, ac petere veniam, non de falsitate, quam metuat scripsisse, sed de sermone ac stylo, cuiusque

ruditate, seu inegantis. Quod ex verbis sequentibus manifestum est: addit enim vers. 40. ITA LEGENTIBUS, SI SEMPER EXACTUS SIT SERMO, NON ERIT GATUS; quasi dicat: Stylus nimium exactus, et nimiumque affectatus non solet semper esse gratus legentibus. Atqui Spiritus sanctus non uno aliquo tilio utitur, sed alio exacto alio, pro diversitate sententium, ut ex variis Scripturæ partibus, & libris est manifestum. Adde, quod pro eo quod nos habemus; Si autem minus digne, concedendum est mihi, Græce est: Si autem exister, & medio modo, hoc attingibile mihi fuit. Ita que illud, concedendum, non significat veniam dandam, sed mensuram, ad quam quis attingere potest adhibendum. Similis locus est II. Cor. xi. ubi Paulus dicit de se: etsi imperitus sermone, sed non scientia, & dicere posuisset; concedendum mihi quod imperitus sum sermone.

M A R I A N A E.

Verf. 1. **N**ICANOR AUTEM. QUI hic
referuntur de morte Nicano
ris, habes in Lib. 1. cap. vii. a verfu 39.
& deinceps. Iudas focios excitat verbis.

V. 9. ADMONENS ETIAM CERTAMINA.
Græca constructio. Gotth. *certaminum*

V. 11. DIGNO FIDE SOMNI milites Iudas
 laetificavit. PER QUOD. Græc. *ὅπρι*.
 Sic legit noster, & sic est in Regiis. At
 in Rom. *ὅπρι*. Quod *sonnium* seu *visio*
 vere omnes laetificavit. Etiam *ὅ* apud
 quosque *sonnium* significat, *ὅπρι* *visionem*
 veram seu *sonnium* verum: sic Homerus
 Iliad. *ὅ* *ὅπρι* *ἀνδρῶν* *ὅπρι* dixit, huc res-
 piciens. Si hoc sequimur, sic locum verte:
Expofita fide digno ſonnio, qua viſio vera
omnes lætificavit.

V. 12. ORARE PRO OMNI POPULO vidit Iudas Oniam: nempe mortui pro vivis orant. Possumus ergo illos invocare & colere.

V. 14. RESPONDENTEM VERO ONIAM :
cui responder? nemo interrogat. *Respondere pro loqui* sæpe fumitur in Sacris.

V. 15. DEDISSE IUDAE RHOMPHAE.
Rhompheam Græc. Quomodo rhompheæ,
& machara differant, dictum est Zachar.
XIII. 7. rhompheæ hostile habet, alavarda
aut geiadanna, aut parsefana. Iudas ait:

V. 23. IN TIMORE ET TREMORE : seu
in timorem & tremorem; mitte Angelum.
Sic Græce.

V. 27. NON MINUS TRIGINTAQUINQUE
MILLIA. Goth. *triginta millia*. Gorion e-
tiam Lib. III. cap. xxix. ubi de hac pugna
agit, *triginta millia occisa* ait.

U. 33. ΜΑΝΩΝ ΑΥΤΕΜ ΔΕΜΕΝΤΙΣ :
quam scilicet extenderat contra templum,
suspendit. Graece, τὰ δ' ἐπ' ἄρχοντα τῶν ἀνείων,
praemia autem dementia contra templum sus-
pendere iussit. Suspicio legendum τὰ δ' ἐπ' ἄρχοντα
τῶν ἀνείων, ut cum nostra editione Graeca
conferantur.

V. 37. TERTIADecIMA DIE MENsis AD-
 AR, QUOD dicitur voce SYRIACA.
 Confluctio in versa; sic ordina: *Tertiade-*
cima mensis, qui voce Syriaca dicitur Ad-
dar. Nomina mensium quibus Hebraei u-
 tuntur, Syriaca omnia sunt, & post capti-
 vitarum Babylonicam in vestra; alia erant
 antiqua. *Adar* ultimus Hebraici anni men-
 sis, nostro Febuario respondet. Quod ad-
 diit, PRIDIE MARDochaei DIEI. Die
 13. *Adar*, in Calendario Hebraico poni-
 tur sejunium *Ether*. Hoc novum Festum,
 quod illa die iubetur celebrari, tempore an-
 tiquatum est. Die proximo *Adar* 14. Sor-
 tium festum ponitur. Is hic vocatur *Mar-*
dochai dies, & ut pridie eius diei haec vi-
 ctoria celebratur.

V. 39. ET SI QUIDAM BENE. Petir Auctor Libri veniam, si quid minus apud deum est; tum cap. ti. huius Libri vers. 27. operis difficultatem proponit. Sectarii neutrum sacro Scriptori convenire contendunt, eoque hos Libros esse Canonicos negant, neque divinitus dictatos aiunt. Nos contra, hos Libros Canonicos esse cum Ecclesia Catholica asserimus. In Divinis libris pleraque ab Spiritu sancto dictata. In illis nihil Scriptori difficile, quæ dicit pronuntiant quasi læta in libro, ut de Ieremia Baruch ait cap. xxxvi. 18. Nihil humile aut domesticum, omnia dictantis maiestati congrua. Quædam ex humano ingenio ponuntur, sed cum assensu Spiritus sancti, ne contingat lapsus. In his colligendis & disponendis laborat Scriptor; difficultatem experitur, quippe suis viribus operans. In illicque quædam humilia sunt, & ex usu familiari. Quod enim fuit opus ut Paulo Spiritus dictaret ea verba II. ad Timoth. iv. vers. 13. *Pennam reliquit Troade? Quid illud, Lucas est meum solus? Trophimum reliquit infirmum?* Hæc ex familiari usu scripsit sibi nota: neque opus fuit

fuit ut ea Spiritus sanctus diceret. Sic nos-
ter & difficultatem initio proposuit, & in
fine veniam precatur, siquid minus con-
grue dixisset. Nihil hoc cum Anomais,
qui Sacris libris affingebant mendacia. Nos
id penitus repudiamus, atque dicimus, A-
postolos & alios Scriptores sacros locutos ut
homines aliquando, sed semper eis assilente
spiritu sancto, mentis & calami rectore;
eorum quæ scribere nihil reiici posse, ut
illi hæretici somniabant, teste Epiphanio
Hæresi xxiv. extrema.

MENOCHII.

Vers. 2. **P**ER NECESSITATEM, id est
coacti.

V. 3. SI EST POTENS IN CAELO, &c.
insignis hominis superbia se Deo exæquan-
tis, eique imperium in hominēs eripientis.

V. 5. CONSILIUM PERPICERET: everbio
dis Iudæorum.

V. 6. COMMUNE TROPHAEUM STATUE-
RE: In codice Vaticano additur, & *his*
qui cum ipso erant.

V. 8. NATIONUM; scilicet, Gentilium.

V. 9. ALLOCUTUS EST EOS DE LEGE:
promissiones memorans, quæ in lege con-
tinentur, iis factæ, qui eam servant, & pro-
pugnant. ADMONENS: in memoriam re-
vocans.

V. 10. FALLACIAM: perfidiam.

V. 11. NON CLYPEIS, &c. non tantum
clypeis, aut hastis. DIGNO FIDE SOMNIO:
a Deo immisso.

V. 12. ONIAM: qui Menelai artibus fue-
rat interfectus, supra cap. iv. 34. VERE-
CUNDUM: *modicum, pudentem*, nam acti-
vam habet significationem.

V. 13. MAGNI DECORIS HABITUDINE.
Legi etiam potest, *habitudinem*, quia in
Græco est *μεγαλοπρεπὲς αὐτῶν ὑπὸ τοῦ*, ex-
cellenti magnificentia undique ornatum, quæ
gloria index erat meritorum sanctissimi pro-
phetæ, & gloriæ, quæ illi in cælo debebatur.

V. 17. EXHORTATI: *παράκλησις*, quod
vertere possis, *Consolati*. DE QUIBUS EX-
TOLLI POSSET IMPETUS: quibus animi vi-
gor, & impetus excitari posset. UT VIR-
TUS, &c. id est, ut totum negotium de-
cerneretur non verbis, sed virtute, & vi-
ribus.

V. 20. CUM OMNES SPERARENT IUDE-
ICUM FUTURUM; id est, cum iam prælium

immineret, quo Dei iudicium de causa tri-
triusque ducis pateretur. BESTIÆ: elephanti.

V. 23. IN TIMORE ET TREMORE, id est
timorem, & tremorem hostibus afferentem.

V. 25. CANTICIS: *ψαλμοις*, militatibus
vociferationibus. ADMOVEBANT: proceden-
bant, accedebant.

V. 27. PRÆSENTIA DEI: *τὸ θεῶν μερῶν*
ὑπαρδόντων ἐν οὐρανῷ: ad verbum, *Dei mi-
rifice latenti apparitione*. Apparuit enim Deum:
illis adesse, cum tam insignem victoriam
repperaverint.

V. 29. PERTURBATIONE EXCITATA:
strepitu, tumultu, confuso omnium clamo-
re cum lætitia.

V. 32. MAGNIFICE, id est superbe.

V. 34. CÆLI BENEDIXERUNT DOMI-
NUM: nimirum Dominum cæli. In Græ-
co est; *καὶ τὸ ὕψος, in cælum*, id est cælum
versus vocem exulenter grati animi
indidem.

V. 37. MENSIS ADAR: Februarii. QUOD
DICITUR VOCE SYRIACA, &c. Est ita-
ctio vocabulorum; Græca enim habent Ter-
tradecima die mensis duodecimi (*Adar dicitur*
voce Syriaca) *pridie Mardochæica diei*.

V. 39. HOC ET IPSE VELIM; quasi di-
dat, Gaudeo. SEN AUTEM MINUS DIGNE.
Vide dicta supra h. 28. & 29. Non petit
autem veniam erratorum, quoad historice
veritatem, sed orationis minus politæ, que-
madmodum etiam D. Paulus se imperitum
sermone confitetur: II. ad Corinth. xi.

V. 40. CONTRARIUM EST, id est dam-
nosum, & minus iucundum. EXACTUS SER-
MO: nimis elaboratus, & cultus; fatigat
enim lectorem. Græca hunc sensum faci-
unt: *Ut vinum per se bibere & rursus a-
quam inimicum est, seu odiosum, delectat*
autem si utrumque miscatur; sic præparatus,
id est temperatus, seu concinnus sermo le-
ctorem delectat. HIC ERGO ERIT CONSUM-
MATUS. In Græco est, *ἐνταῦθα δὲ τῶν ἡμε-
ρῶν*, id est *hic erit finis*: hic est finis.

TIRINI.

Vers. 1. **N**ICANOR iubet suis DEE SAB-
BATHI COMMITTERE PRÆ-
LIUM, quod speraret Iudæos propter festi
sanctitatem non repugnaturus. Sed iussa eius
declinare conantur qui in castris eius aderant.

V. 2. Iudæi, PER NECESSITATEM, seu
vim, coacti illum sequi. NE (obsecra-
mus,

mus, aiunt,) ITA FEROCITER ET BARBARE cogas nos die sancto arma sumere: ne etiam ignobiliter & tyrannice obruas fratres nostros Iudæos eo tempore quo ipsi per leges suas putant sibi non licere vim repellere. Sed perficit tyrannus in sententia.

V. 5. NEC TAMEN OBSTINUIT UT CONSTITIUM PERFICERET, Iudæis fortiter recusantibus se die festo contra fratres suos arma sumpturos.

V. 9. Iudas Machabeus, ut fortem decedebat ducem, suos horiatur ad fortiter agendum, *allaquiturque de LEGE ET PROPHE- TIS*: nempe depromptis ince egregis prætorum & victoriarum exemplis, simulque promissionibus divinis de certo auxilio submittendo.

V. 11. EXPOSITO etiam ipsis DIGNO FIDE SOMNIO, *ὄνειρος*, id est, PER QUOD omnes *exhilaravit* & animos addidit: ita legunt Biblia Regia: sed Romana habent *ὄνειρος*, id est quod *verum somnium*, seu quæ vero *visio* omnes recreavit. Hic Homerus *α, ἐκ δῆλα δὲν ὄνειρος*, id est non quaecumque somnium, sed verum somnium. Et ita eandem voculam usurpant Plato, Plutarchus & Ammonius & Budæus. Vidi ergo clara & certa visione.

V. 12. ONIAM SUMMUM pontificem, nuper proditorie e vivis sublatum e, iam e limbo PROTENDENTEM MANUS ad Deum, *πρὸς τὸν θεόν* PRO OMNI POPULO IUDÆORUM. Et hunc quidem, obrecentem viri memoriam, facile agnovit Iudas: sed socium eius vers. 13. qui longe splendidior forma simul apparebat, non potuit agnoscere. Sed dedit cum *Onias* vers. 14. Hic EST, inquit, PRATRUM nostrorum IUDÆORUM AMATOR, ET TOTUS POPULUS ISRAEL: HIC EST QUI MULTUM ORAT PRO POPULO, IEREMIAS PROPHETA DEI.

V. 15. & 16. Tum *Ieremias protensa* versus Iudam dextera, *dedit* ei in manus GLADIUM AUREUM seu deauratum, hac addita monitione. ACCIPE SANCTUM, id est benedictum, GLADIUM, missum tibi ex singulari affectu MUNUS A DEO: quo gladio DEICIET & profligabis ADVERSARIOS POPULI MEI ISRAEL. Ex qua visione tam clara, tam certa certissime colligitur, Sanctos tam vita sanctos nosse quæ geruntur in terris, nostri quoque curam gerere, pro nobis orare, & cum visum Deo fuerit, etiam nobis opitulari: ac proinde merito a

nobis invocari & honorari. Neque potest Calvinus, aut alii Sanctorum hostes telum hoc declinare, nisi libros hos reiiciendo; quos tamen constat, ab universa Dei Ecclesia iam inde ab illius exordio pro Canonicis Scripturis usurpatos fuisse, ut fufius docet Bellarminus, & Valentinus & alii Doctores.

Allegorice, Rabanus per *Ieremiam* Christum Dominum, per *aureum gladium* divinam Scripturam intelligit. Porro iidem verbis quibus hic *Ieremias gladium* Iudæ tradit, tradunt hodie quoque primates Ecclesiastici recens inaugurato regis Romanorum, Polonorum, & aliarum nationum, quo illis ad iustitiæ religionisque defensionem excitent, inquit Guaguinus.

V. 28. COGNOVERUNT NICANOREM RUISE. Gorgionides *α* dicit, Iudam, cognita morte *Razæ*, successum furore, provocasse Nicanorem in apertum campum: ibique post infelicem pugnam, cum fugam pararet Nicanor, ab ipso Ieremias Iuda Machabæ in duas illam partes dissectum fuisse, ut dixi Lib. I. cap. VII. 46. quo cap. etiam reliqua huius Nicanoris explicantur. Iusto vero Dei iudicio

V. 30. 33. & 35. in caput, linguam & manum blasphemæ Nicanoris sævit, pene eodem modo quo postea in Ciceronis caput, linguam & manum sævit Antonius & Fulvia. Porro in perpetuam tantæ victoriæ memoriam

V. 37. Placuit diem festum indici *TE- TRIADECIMA DIE MENSIS*, qui *VOCE SY- RIACA* dicitur *ADAR e*, & responderet fere nostro *Februario*. Hæc vero 13. *dies Adar* erat PRIDIE *MARDOCHÆI* DIEI, id est præcedebat immediate festivitatem *fortium* *Mardochei*, quæ consequentibus duabus diebus, 24. & 25. *Adar* celebratur, ut patet *Eiher* IX. 27. & 31. Ieiunium *Esiher*, quod hodie Iudæi in suo Calendario habent illa ipsa 13. *die Adar*, verisimilius tunc a Synagoga vel antiquatum fuit, vel in præcedentem 12. diem, aut certe in aliud tempus translatum: nam triumphali eiusmodi festo ieiunium non congruebat.

V. 39. Auctor libri huius secundi petit sibi ignosci, non (ut *VVitakerus* aliique hæretici fingunt) errata, quæ probe sciebat nulla operi suo inesse, seu rem speciosas, seu rei circumstantias, sed stylum minus forte politum, minus tersum, minus

splen-

splendidum, & ut auctor ipse ait, *memos dignum*, quam vel historiz gravitas, vel divini verbi maiestas, vel delicatae legentium aures & palata deprecere videantur. In stylo enim, modoque scribendi, ut plurimum scriptores sacros relinquit sibi suaeque naturali scientiae Spiritus sanctus. Unde fit quod alius alio eloquentior subinde & grandiloquentior sit, numquam tamen veriloquentior. Sic ergo auctor noster, etsi satis discretus ac facundus, ex modestia tamen rogat sibi ignosci, si quid forte hac ex parte vota vel iudicia legentium requirant. Simili modo S. Paulus II. Cor. xii. vocat se *imperitum sermone*, non quod talis esset, sed quod opinione & sensu quorundam talis haberetur. Causa vero, cur auctor noster putarit licere sibi, immo expedire lectori, si *sermone*, seu stylo minus subinde exactum, minusque gravem suae sermonei adhibeat, ab ipsomet profertur vers. 40. & ult. totius libri: nempe, quod gratius accidere soleat LEGENTIBUS, si stylium subinde reperiant exiliorem, neque semper gravi & ampla illa arque exactiore orationis constructione detineantur: sicut, inquit, gratius convivis accedit, si vino & aqua ALTERNIS, vel certe vino aqua diluto detur *uti*, quam si vinum semper purum, seu meracum haurire cogantur. *Omnium* enim quantumcumque excellentium rerum *satietas* est, inquit Iocrates & Aristophanes *f*, adeoque *etiam* ipsiusmet *gaudii*, ut Mosehus *g* probat. Nec quidquam suavius aut gratius mortalibus quam quod

apta varietate & concinna vicissitudine conditur.

HIC ERGO ERIT CONSUMMATUS, Graece, *consummatio*, id est finis huius libri. Sic S. Leo *h. exercitum instructum* dicit, pro instructione: & vulgo *insum* pro iussione usurpamus. *Er*it & *hic*, sed post reliqua libri primi, *consummatus*, seu *consummatio* & *finis* antiqui foederis & testamenti, terminante ibi historia prisca temporis, & succedente Christo Iesu, scopo, fine, complemento legis, Prophetarum, totiusque veteris testamenti.

- (a) Homer. Iliad. p. item Odyssea v. & e. & l. bid. Eustathius.
- (b) Plato ep. xii. & Lib. II. de Republica. Plutarch. de Sex. numm. vindicta.
- (c) Supr. cap. iv. 34.
- (d) Gortius. Lib. III. cap. xxxi.
- (e) Chronici iv.
- (f) Iocrates ad Demonicum. Aristoph. in Plaut.
- (g) Mosehus in idyllio iv.
- (h) Leo Scrm. de passione Domini.

GORDONI.

Nicanor insequens Iudam blasphematur, vers. 3. 4. 5. Iudas Deo nitens, suos hortatur ad victoriam, vers. 8. & 9. Sominum refert de Onia, Ieremia, & gladio, vers. 12. De congressu cum hoste, vers. 21. Orat Iudas, vers. 22. Iudas prostermit trigintaquinque millia, vers. 27. Caput Nicanoris abscissum deferretur in Ierusalem, vers. 30. Dies solemnus indicitur, vers. 36. Excusatio auctoris, vers. 39.

FINIS TOMI VIGESIMI SECUNDI.



